


P



Digitized by the Internet Archive
in 2013

LES
SIX LIVRES
DE LA REPUBLI-
QUE DE I. BO-
din Angeuin. *a l'usage d'Orléans*

A MONSIEUR DV FAVR SEI-
gneur de Pibrac, Conseiller du Roy en son privé Conseil.



*mar.
Junt.*

A PARIS,
Chez Jacques du Puys, Libraire Juré
à la Samaritaine.

1 5 7 7.
Avec privilege du Roy.

EXTRAICT DV PRI-
uilege du Roy.

PAR lettres patentes du Roy nostre Sire donnees à Paris du
12. Aoust 1576. signees Pouffe-pin , & sceellees du grand
ceau de cire iaune. Il est permis à Iaques du Puys Marchant,
Libraire Iuré en l'Vniuersité de Paris, d'Imprimer ou faire
Imprimer, *Six liures de la Republique de Maistre Iehan Bodin.* Et defen-
ses à tous autres Libraires & Imprimeurs, d'Imprimer ou faire Impri-
mer lesdicts liures pendant le temps & terme de dix ans, comme plus à
plein appert, & est déclaré esdictes lettres.



PREFACE SVR LES SIX LIVRES DE LA RE- PVBLIQUE DE IEHAN BODIN.

A MONSEIGNEVR DV. FAVR SEIGNEVR
de Pibrac, Conseiller du Roy en son priué Conseil.

DVIS-QUE la conseruation des Royaumes & Empires, & de tous peuples depend apres Dieu, des bons Princes & sages Gouverneurs, c'est bien raison (Monseigneur) que chascun leur assiste, soit à maintenir leur puissance, soit à executer leurs saintes loix, soit à ployer leurs suggestions par dits & par escrits, qui puissent reüssir au bien cõmun de tous en general, & de chacun en particulier. Et si cela est tousiours honeste, & beau à toute personne, maintenant il nous est necessaire plus-que iamais. Car pendãt que le nauire de nostre Republique auoit en poupe le vent agreable, on ne pensoit qu'à iouir d'un repos tref-haut, ferme, & assuré, avec toutes les farces, mommeries, & mascarades que peuuent imaginer les hommes fondus en toutes sortes de plaisirs. Mais depuis que l'orage impetueux a tourmenté le vaisseau de nostre Republique, avec telle violence que le Patron mesmes, & les pilotes sont comme las, & recruds d'un trauail continuel, il faut bien que les passagers y prestent la main, qui aux voiles, qui aux cordages, qui à l'ancre : & ceux à qui la force manquera, qu'ils donnent quelque bon aduertissement, ou qu'ils presentent leurs vœux & prieres à celuy qui peut commander aux vents, & appaiser la tempeste, puis-que tous ensemble courent un mesme danger. ce qu'il ne faut pas attendre des ennemis qui sont en terre ferme, prenans un singulier plaisir au naufrage de nostre Republique, pour courir au bris, & qui ja pieça se sont enrichis du iect des choses les plus pretieuses, qu'on fait incessamment pour sauuer ce Royaume : lequel autresfois a eu tout l'Empire d'Almaigne, les Royaumes d'Hõgrie, d'Espaigne, & d'Italie, & tout le pourpris des Gaules iusques au Rhin, sous l'obeissance de ses loix : & ores qu'il est reduit au petit pied, ce peu qui reste est exposé en proye, par les siens mesmes, & au danger d'estre froissé, brisé entre les roches perilleuses, si on ne met peine de getter les ancrs sacrées, affin d'aborder, apres l'orage, au port de salut, qui nous est mōstré du Ciel, avec bõne esperance d'y paruenir, si on veult y aspirer. C'est pourquoy de ma part, ne pou-

P R E F A C E

uant rien mieux, i'ay entrepris le discours de la Republique, & en langue populaire, tant pource que les sources de la langue Latine sont presque taries, & qui seicheront du tout, si la barbarie causee par les guerres ciuiles continue, que pour estre mieux entendu de tous François naturels: Je dy ceux qui ont vn desir, & vouloir perpetuel de voir l'estat de ce Royaume en sa premiere splendeur, fleurissant encores en armes & en loix: ou s'il est ainsi qu'il n'y eut onques, & n'y aura iamais Republique si excellēte en beauté qui ne vieillisse, cōme sugette au torrent de nature fluide, qui rauist toutes choses, du moins qu'on face en sorte que le changemēt soit doux & naturel, si faire se peut, & non pas violēt, ny sanglant. C'est l'un des poincts que i'ay traicté en cest œuure, cōmençant par la famille, & continuant par ordre à la souueraineté, discourant de chacun membre de la Republique, à sçauoir du Prince souuerain & de toutes sortes de Republiques: puis du Senat, des officiers & Magistrats, des corps & Colleges, estats & communautéz, de la puissance, & de uoir d'un chacun. apres i'ay remarqué l'origine, accroissement, l'estat fleurissant, changemēt, decadēce, & ruine des Republiques: avec plusieurs questions politiques, qui me semblent necessaires d'estre bien entendues. Et pour la conclusion de l'œuure, i'ay touché la iustice distributive, commutative, & harmonique, monstrant laquelle des trois est propre à l'estat bien ordonné. En quoy, peut estre, il semblera que ie suis par trop long à ceux qui cherchent la briueté: & les autres me trouueront trop court: car l'œuure ne peut estre si grand, qu'il ne soit fort petit pour la dignité du suget, qui est presque infini, & neantmoins entre vn million de liures que nous voyons en toutes sciences, à peine qu'il s'en trouue trois ou quatre de la Republique, qui toutesfois est la princesse de toutes les sciences. Car Platon & Aristote ont tranché si court leurs discours Politiques, qu'ils ont plustost laissé en appetit, que rassasié ceux qui les ont leuz. ioint aussi que l'experience depuis deux mil ans ou enuiron qu'ils ont escript, nous a fait cognoistre au doigt & à l'œil, que la science Politique estoit encores de ce temps là cachee en tenebres fort espesses: & mesmes Platon confesse qu'elle estoit si obscure qu'on n'y voyoit presque rien. & s'il y en auoit quelques vns entendus au maniment des affaires d'estat, on les appelloit les sages par excellence, comme dit Plutarque. Car ceux qui depuis en ont escript à venē de pays, & discouru des affaires du monde sans aucune cognoissance des loix, & mesmement du droit public, qui demeure en arriere pour le profit qu'on tire du particulier, ceux là disie ont profané les sacrez mysteres de la Philosophie politique: chose qui a dōné occasion de troubler & renuerfer de beaux estats. nous auons pour exemple vn Macciauel, qui a eu la vogue entre les couratiers des tyrans, & lequel Paul Ioue ayant mis au rang des hommes signalez, l'appelle neantmoins Atheiste, & ignorant des bonnes lettres. quant à l'Atheisme il en faict gloire par ses escrits. & quant au sçauoir, ie croy que ceux qui ont accoustumé de discourir doctement, pezer sagement, & resoudre subtilement les hauts affaires d'estat, s'accorderont qu'il n'a iamais sondé le gué de la sciēce Politique, qui ne gist pas en ruzes tyranniques, qu'il a recherchees par tous les coins d'Italie, & comme vne douce poizon coulee en son liure du Prince, où il rehausse iusques au Ciel, & met pour vn Parangon de tous les Roys, le plus desloyal filz de Prestre qui fut onques: & lequel neantmoins avec toutes ses finesses, fut honteusement precipité de la roche de tyrannie haute & glissante, où il s'estoit niché,

&

Et en fin exposé comme un belistre à la mercy & risée de ses ennemis, comme il est aduenü depuis aux autres Princes qui ont suyui sa piste, & pratiqué les belles reigles de Macciauel: lequel a mis pour deux fondemens des Republiques l'impiété & l'iniustice, blasmant la religion comme contraire à l'estat. & toutesfois Polybe gouverneur & lieutenant de Scipion l'Africain, estimé le plus sage politique de son aage, ores qu'il fust droit Atheïste, neantmoins il recommande la religion sur toutes choses, comme le fondement principal de toutes Republiques, de l'executiō des loix, de l'obeissance des sujets enuers les Magistrats, de la crainte enuers les Princes, de l'amitié mutuelle entre eux, & de la Iustice enuers tous: quand il dit que les Romains n'ont iamais rien eu de plus grand que la religion, pour estendre les frontieres de leur Empire, & la gloire de leurs hauts faits par toute la terre. Et quant à la Iustice, si Macciauel eust tant soit peu geté les yeux sur les bons auteurs, il eust trouué que Platon intitule ses liures de la Republique, les liures de la Iustice, comme estant icelle l'un des plus fermes pilliers de toutes Republiques. Et d'autāt qu'il aduint à Carneade Ambassadeur d'Athenes vers les Romains, pour faire preuue de son eloquence, louer un iour l'iniustice, & le iour suyuant la Iustice. Caton le Censeur, qui l'auoit ouy haranguer, dist en plein Senat, qu'il falloit depescher, & licentier tels Ambassadeurs, qui pourroient alterer, & corrompre bien tost les bonnes mœurs d'un peuple, & en fin reuerfer un bel estat. Aussi est-ce abuser indignement des loix sacrees de nature, qui veult non seulement que les sceptres soient arrachez des mains des meschans, pour estre baillez aux bons & vertueux Princes, comme dit le sage Hebrieu: ains encores que le bien en tout ce monde soit plus fort, & plus puissant que le mal. Car tout ainsi que le grand Dieu de nature tres-sage & tres-juste, commande aux Anges, ainsi les Anges commandent aux hommes, les hommes aux bestes, l'ame au corps, le Ciel à la terre, la raison aux appetits: affin que ce qui est moins habile à commander, soit conduit & guidé par celuy qui le peut guarentir, & preseruer pour loyer de son obeissance. Mais au contraire s'il aduient que les appetits desobeissent à la raison, les particuliers aux Magistrats, les Magistrats aux Princes, les Princes à Dieu, alors on voit que Dieu vient vanger ses iniures, & faire executer la loy eternelle par luy establee, donnant les Royaumes & Empires aux plus sages & vertueux Princes, ou (pour mieue dire) aux moins iniustes, & mieue entenduz au maniment des affaires, & gouvernement des peuples, qu'il fait venir quelquesfois d'un bout de la terre à l'autre, avec un estonnement des vainqueurs & des vaincuz, quand ie dy Iustice i'entends la prudence de commander en droicte & integrité. C'est donques une incongruité bien lourde en matiere d'estat, & d'une suite dangereuse, enseigner aux Princes des reigles d'iniustice pour assseurer leur puissance, par tyrannie qui toutesfois n'a point de fondemēt plus ruineux que cestuy là. car depuis que l'iniustice armee de force prend sa carriere d'une puissance absoluë, elle presse les passions violentes de l'ame, faisant qu'une auarice deuient soudain confiscation, un amour adultere, une cholere fureur, une iniure meurtre: & tout ainsi que le tonnerre va deuant l'eclair, encores qu'il semble tout le cōtraire: aussi le Prince depraué d'opinions tyranniques, fait passer l'amende deuant l'accusation, & la condemnation deuant la preuue: qui est le plus grād moyen qu'on puisse imaginer pour ruiner les Princes, & leur estat. Il y en a d'autres contraires, & droits

o. Polyb lib. 6.
de militari ac
domestica Ro-
manor. disci-
plina.


PREFACE DE L'AUTHEVR.

ennemis de ceux cy, qui ne sont pas moins, & peut estre plus dangereux, qui sous voile d'une exemption de charges, & liberté populaire, font rebeller les sugets contre leurs Princes naturels, ouurant la porte à une licentieuse anarchie, qui est pire que la plus forte tyrannie du monde. Voila deux sortes d'hommes qui par escripts & moyens du tout cōtraires conspirent à la ruine des Republiques: non pas tant par malice que par ignorance des affaires d'estat, que ie me suis efforcé d'eclaircir en cest œuure, lequel pour n'estre tel que ie desire, n'eust encores esté mis en lumiere, si vn personnage de mes amis pour l'affection naturelle qu'il porte au public, ne m'eust incité à ce faire, c'est Nicolas de Liure sieur de Humerolles, l'un des gentils-hommes de ce Royaume des plus affectionnez à toutes bonnes sciēces. Et pour la cognoissance que i'ay depuis dixhuit ans, de vous auoir veu monter par tous les degrez d'honneur, maniant si dextrement les affaires de ce Royaume, i'ay pensé que ie ne pouuois mieux adresser mon labeur pour en faire sain iugement, qu'à vous mesmes. Je vous l'enuoye donc pour le cēsurer à vostre discretion & en faire tel prix qu'il vous plaira: tenant pour asseuré qu'il sera bien venu par tout s'il vous est agreable.

Vostre tres-affectionné seruiteur,
I. BODIN.

SOMMAIRE DES CHAPITRES.

LIVRE I.

- CHAP. I. UELLE est la fin principale de la Republique bien ordonnee.
- CHAP. II. Du menage, & la difference entre la Republique & la famille.
- CHAP. III. De la puissance maritale, & s'il est expedient renouueller la loy de repudiation.
- CHAP. IIII. De la puissance paternelle, & s'il est bon d'en user comme les anciens Romains.
- CHAP. V. De la puissance seigneuriale, & s'il faut souffrir les esclaves en la Republique bien ordonnee.
- CHAP. VI. Du citoyen, & la difference d'entre le citoyen, le suget, l'estran-ger, la ville, cité, & Republique.
- CHAP. VII. De ceux qui sont en protection, & la difference entre les alliez estrangers, & sugets.
- CHAP. VIII. De la souueraineté.
- CHAP. IX. Du Prince tributaire, ou feudataire, & s'il est souuerain, & de la prerogative d'honneur entre les Princes souuerains.
- CHAP. X. Des vrayes marques de souueraineté.

LIVRE II.

- CHAP. I. De toutes sortes de Republiques en general.
- CHAP. II. De la monarchie seigneuriale.
- CHAP. III. De la monarchie Royale.
- CHAP. IIII. De la monarchie tyrannique.
- CHAP. V. S'il est licite d'attenter à la personne du tyran, & apres sa mort annuller, & casser ses ordonnances.
- CHAP. VI. De l'estat Aristocratique.
- CHAP. VII. De l'estat Populaire.

LIVRE III.

- CHAP. I. Du senat & de sa puissance.
- CHAP. II. Des officiers & Commissaires.
- CHAP. III. Des Magistrats.
- CHAP. IIII. De l'obeissance que doit le Magistrat aux loix & au Prince souuerain.
- CHAP. V. De la puissance des Magistrats sur les particuliers.
- CHAP. VI. De la puissance que les Magistrats ont les uns sur les autres.
- CHAP. VII. Des corps & colleges, estats & communautez.

L I V R E I I I I.

- CHAP. I. *De la naissance, accroissement, estat fleurissant, decadence, & ruine des Republiques.*
- CHAP. II. *S'il y a moyen de sçauoir les changemens, & ruines des Republiques à l'aduenir.*
- CHAP. III. *Que les changemens des Republiques, & des loix ne se doibt faire tout à coup.*
- CHAP. IIII. *S'il est bon que les officiers d'une Republique soient perpetuels.*
- CHAP. V. *S'il est expediēt que les officiers d'une Republique soiēt d'acord.*
- CHAP. VI. *S'il est expedient que le Prince iuge les sugets, & qu'il se communique souuent à eux.*
- CHAP. VII. *Si le Prince es factiōs ciuiles se doibt ioindre à l'une des parties, & si le suget doibt estre contraint de suyure l'un ou l'autre, avec les moyens de remedier aux seditions.*

L I V R E V.

- CHAP. I. *Du reglement qu'il faut tenir pour accommoder la forme de Republique à la diuersité des hommes, & le moyen de cognoistre le naturel des peuples.*
- CHAP. II. *Les moyens de remedier aux changemens des Republiques.*
- CHAP. III. *Si les biens des condamnez doiuent estre appliquez au fisque, ou employez aux œuures pitoyables, ou laissez aux heritiers.*
- CHAP. IIII. *Du loyer & de la peine.*
- CHAP. V. *S'il est bon d'armer & aguerrir les sugets, fortifier les villes, & entretenir la guerre.*
- CHAP. VI. *De la seureté & droits des alliāces, & traitez entre les Princes.*

L I V R E V I.


- CHAP. I. *De la censure, & s'il est expedient de leuer le nombre des sugets, & les contraindre de bailler par declaration les biens qu'ils ont.*
- CHAP. II. *Des finances.*
- CHAP. III. *Le moyen d'empescher que les monnoyes soyent alterees de prix, ou falsifiees.*
- CHAP. IIII. *Comparaison des trois formes de Republiques, & des commoditez & incommoditez de chacune : & que la monarchie Royale est la meilleure.*
- CHAP. V. *Que la monarchie bien ordonnee ne tombe en choix, ny en sort, ny en quenouille, ains qu'elle est deuolue par droit succēssif au masle le plus proche de l'estoc paternel & hors partage.*
- CHAP. VI. *De la Iustice distributiue, commutatiue & harmonique, & laquelle des trois est propre à chacune Republique.*



LE PREMIER LIVRE DE LA REPUBLIQUE.

Quelle est la fin principale de la Republique bien ordonnee.

CHAPITRE I.



REPUBLIQUE est vn droit gouuernement de plusieurs mesnages, & de ce qui leur est commun, avec puissance souueraine. Nous mettons ceste definition en premier lieu, par ce qu'il faut chercher en toutes choses la fin principale: & puis apres les moyens d'y paruenir. Or la definition n'est autre chose que la fin du suget qui se presente: & si elle n'est bien fondee, tout ce qui sera basti sur icelle se ruinera biē tost apres. Et iacoit que celuy qui a trouué la fin de ce qui est mis en auant, ne trouue pas tousiours les moyens d'y paruenir, non plus que le mauuais archer, qui voit le blanc & n'y vise pas: neantmoins avec l'adresse & la peine qu'il emploira, il y pourra fraper, ou approcher: & ne sera pas moins estimé, s'il ne touche au but, pourueu qu'il face tout ce qu'il doit pour y atteinre. Mais qui ne sçait la fin & definition du suget qui luy est proposé, cestuy-là est hors d'esperance de trouuer iamais les moyens d'y paruenir, non plus que celuy qui donne en l'air sans voir la bute. Deduisons donc par le menu les parties de la definition, que nous auons posee. Nous auons dit en premier lieu, droit gouuernement, pour la difference qu'il y a entre les Republiques, & les troupes des voleurs & pirates, avec lesquels on ne doit auoir part, ny commerce, ny alliance: comme il a tousiours esté gardé en toute Republique bien ordonnee, quand il a esté question de donner la foy, traiter la paix, denoncer la guerre, accorder ligues offensives, ou defensives, bourner les frontieres, & decider les differens entre les princes & seigneurs souuerains, on n'y a iamais compris les voleurs, ny leur suite: si peut estre cela ne s'est fait par necessité forcee, qui n'est point sugerte à la discretion des loix humaines, lesquelles ont tousiours separé les brigans & corsaires, d'avec ceux que nous di-

1. l. postliminium.
De captiuis. ff.
2. l. 1. de legat. 3.
3. l. eius qui à latro-
nibus. De testam. ff.
4. l. in bello. De ca-
ptiuis. ff.
5. l. si pignore, §.
Si prædo act. De
pignor. l. 1. §. si
prædo. l. bona fides.
depositi. l. ita ut si fur
vel prædo commo-
dat.

6. Dion. lib. 56.

sons droits ennemis en fait de guerre : qui maintiennent leurs estats & Republiques par voye de iustice , de laquelle les brigans & corsaires cherchent l'euerfion & ruine . C'est pourquoy ils ne doiuent iouyr du droit de guerre commun à tous peuples , ny se preualoir des loix que les vainqueurs donnent aux vaincus . Et mesme la loy n'a pas voulu , que celuy qui tomberoit entre leurs mains , perdift vn seul poinct de sa liberté ,¹ ou qu'il ne peust faire testament ,² & tous actes legitimes , que ne pouuoit³ celuy qui estoit captif des ennemis , cōme estant leur esclau , qui perdoit sa liberté , & la puissance⁴ domestique sur les siens . Et si on dit , que la loy⁵ veut qu'on rende au voleur le gage , le depost , la chose empruntée , & qu'il soit ressaisi des choses par luy occupees iniustement sur autrui , s'il en est depouillé par violence , il y a double raison : l'une , que le brigand merite , qu'on ayt egard à luy , quand il vient faire hommage au magistrat , & se rend sous l'obeissance des loix pour demander , & receuoir iustice : l'autre , que cela ne se fait pas tant en faueur des brigans , qu'en haine de celuy , qui veut retenir le sacré depost , ou qui procede par voye de fait ayant la iustice en main . Et quant au premier , nous en auons assez d'exemples , mais il n'y en a point de plus memorable que d'Auguste l'Empereur , qui fist publier à son de trompe , qu'il donneroit xxv. mil escus à celuy , qui prendroit Crocotas , chef des voleurs en Espagne : dequoy aduertiy Crocotas , se represente luy mesme à l'Empereur , & luy demande xxv. mil escus . Auguste les luy fist payer ,⁶ & luy donna sa grace : affin qu'on ne pensast point qu'il voulust luy oster la vie , pour le frustrer du loyer promis , & que la foy & seureté publique fust gardee à celuy qui venoit en iustice : combien qu'il pouuoit proceder contre luy , & luy faire son proces . Mais qui voudroit vser du droit commun enuers les corsaires & voleurs , comme avec les droits ennemis , il feroit vne perilleuse ouuerture à tous vagabons de se ioindre aux brigans , & asseurer leurs actions & ligues capitales sous le voile de iustice . Non pas qu'il soit impossible de faire vn bon Prince d'un voleur , ou d'un corsaire vn bon Roy : & tel pirate ya , qui merite mieux d'estre appellé Roy , que plusieurs qui ont porté les sceptres & diademes , qui n'ont excuse veritable , ny vray-semblable , des voleries & cruautéz , qu'ils faisoient souffrir aux sugets : cōme disoit Demetrius le corsaire au Roy Alexandre le Grād , qu'il n'auoit appris autre mestier de son pere , ny herité pour tout biē que deux fregates : mais quant à luy , qui blasmoit la piratique , il rauageoit neātmoins , & brigadoit avec deux puissantes armées , par mer , & par terre , encore qu'il eust de son pere vn grād & florissāt royaume . ce qui esmeut Alexādre plustost à vn remords de cōscience , qu'à vanger la iuste reproche à luy faite par vn escumeur , qu'il fist alors capitaine en chef d'une legion : cōme de nostre aage Sultā Sulyman appella à son cōseil les deux plus nobles corsaires de memoire d'homme , Ariadin Barberousse , & Dragut Reis , faisant l'un & l'autre

Amiral,

Amiral, & Bascha, tant pour nettoyer la mer des autres pirates, que pour asseurer son estat, & le cours de la traffique. Ces moyens d'attirer les chefs des pirates au port de vertu, est, & sera tousiours loüable, non seulement afin de ne reduire point telles gës au desespoir d'enuahir l'estat des Princes, ains aussi pour ruiner les autres cōme ennemis du genre humain : & quoy qu'ils semblent viure en amitié & societé partageans également le butin, comme on disoit de Bargule & de Viriat, neantmoins cela ne doit estre appelé societé, ny amitié, ny partage en termes⁷ de droit : ains coniurations, voleries, & pillages : car le principal poinct, auquel gist la vraye marque d'amitié, leur défaut, c'est à sçauoir, le droit gouuernement selon les loix de nature. C'est pourquoy les anciens⁸ appelloient Republique, vne societé d'hommes assemblez, pour bien & heureusement viure : laquelle definition toutesfois a plus qu'il ne faut d'une part, & moins d'une autre : car les trois poincts principaux y manquent, c'est à sçauoir, la famille, la souueraineté, & ce qui est commun en vne Republique : ioint aussi que ce mot, heureusement, ainsi qu'ils entendoient, n'est point necessaire : autrement la vertu n'auroit aucun pris, si le vent ne souffloit tousiours en poupe : ce que iamais homme de bien n'accordera : car la republique peut estre bien gouuernee, & sera neantmoins affligée de pauvreté, délaissée des amis, assiégée des ennemis, & comblee de plusieurs calamitez : auquel estat Cicéron mesmes confesse auoir veu tomber la Republique de Marseille en Prouence, qu'il dit auoir esté la mieux ordōnée, & la plus accōplie, qui fust onques en tout le monde sans exception : & au contraire, il faudroit, que la Republique fertile en assiette, abondante en richesses, fleurissante en hommes, reuerée des amis, redoutée des ennemis, inuincible en armes, puissante en chasteaux, superbe en maisons, triōphante en gloire, fust droitement gouuernee, ores qu'elle fust debordée en mechancetez, & fondue en tous vices. Et neantmoins il est biē certain, que la vertu n'a point d'ennemy plus capital, qu'un tel succès qu'on dit tresheureux : & qu'il est presque impossible d'accoler ensemble deux choses si contraires. Par ainsi nous ne mettrons pas en ligne de cōpte, pour definir la Repub. ce mot, heureusement : ains nous prendrons la mire plus haut pour toucher, ou du moins approcher, au droit gouuernement : toutefois, nous ne voulōs pas aussi figurer vne Republique en Idee sans effect, telle que Platon, & Thomas le More chancelier d'Angleterre, ont imaginé, mais nous contenterons de suiure les regles Politiques au plus pres qu'il sera possible : en quoy faisant, on ne peut iustement estre blasmé, encores qu'on n'ayt pas atteint le but où l'on visoit, non plus que le maistre pilote transporté de la tempeste, ou le medecin vaincu de la maladie, ne sont pas moins estimez, pourueu que l'un ayt bien gouuerné son malade, & l'autre son nauire.

Or si la vraye felicité d'une Republique, & d'un homme seul est tout

7. l. communi. §. inter prædones communi diuid.

8. Cicero & Aristot. in polit.

9. Aristotel. lib. 7.
cap. 3. & 15. polit. &
lib. 10. ethic. ad Ni-
comach.

vn, & que le souuerain bien de la Repu^{bl}ique general, aussi bien que d'un chacun en particulier, gist es vertus intellectuelles, & contemplatiues, cōme les mieux entendus⁹ ont resolu : il faut aussi accorder, que ce peuple là iouist du souuerain bien, quand il a ce but deuant les yeux, de s'exercer en la cōtemplation des choses naturelles, humaines, & diuines, en rapportāt la lo^uange du tout au grād prince de nature. Si donc nous confessons, que cela est le but principal de la vie biē heureuse d'un chacun en particulier ; nous concluons aussi que c'est la fin & felicité d'une Republique. mais d'autant que les hommes d'affaires, & les Princes, ne sont iamais tombez d'accord pour ce regard, chacun mesurāt son bien au pied de ses plaisirs & contentemens : & que ceux qui ont eu mesme opinion du souuerain bien d'un particulier, n'ont pas tousiours accordé que l'homme de bien, & le bon citoyen soit tout vn : ny que la felicité d'un hōme, & de toute la Republique fust pareille : cela fait, qu'on a tousiours eu variété de loix, de coustumes, & desseings, selō les humeurs & passions des Princes & gouverneurs. Toutefois puisque l'homme sage est la mesure de iustice & de verité : & que ceux là qui sont reputez les plus sages, demeurent d'accord, que le souuerain bien d'un particulier, & de la Republique n'est qu'un, sans faire difference entre l'homme de bien, & le bon citoyen, nous arresterōs là le vray poinct de felicité, & le but principal, auquel se doit rapporter le droit gouuernemēt d'une Republique : iacoit qu'Aristote a doublé d'opinion, & tranché quelquefois le différent des parties par la moitié, couplant tantost les richesses, tantost la force & la santé avec l'action de vertu, pour s'accorder à la plus cōmune opinion des hōmes : mais¹ quand il en dispute plus subtilemēt, il met le comble de felicité en contemplation. Qui semble auoir donné occasion à Marc Varron de dire, que la felicité des hōmes est meslee d'action, & de contemplation : & sa raison est à mon aduis, que d'une chose simple la felicité est simple, & d'une chose double, composee de parties diuerfes, la felicité est double : comme le biē du corps gist en santé, force, alegresse, & en la beauté des membres bien proportionnez : & la felicité de l'ame inferieure, qui est la vraye liaison du corps & de l'intellect, gist en l'obeissancē que les appetits doiuent à la raison : c'est à dire, en l'action des vertus morales : tout ainsi que le souuerain biē de la partie intellectuelle, gist aux vertus intellectuelles : c'est à sçauoir, en prudence, science, & vraye religion : l'une touchant les choses humaines, l'autre les choses naturelles : la troisieme, les choses diuines : la premiere monstre la difference du biē & du mal : la seconde, du vray & du faux : la troisieme, de la pieté & impieté, & ce qu'il faut choisir & fuir : car de ces trois se cōpose la vraye sagesse, où est le plus haut poinct de felicité en ce monde. Aussi peut on dire par comparaison du petit au grand, que la Republique doit auoir vn territoire suffisant, & lieu capable pour les habitants, la fertilité d'un pays assez plantureux, & quantité de bestail pour la
nour-

1. lib. 10. ethic. Nico.
& 7. politic.

nourriture & vestemens des sugets: & pour les maintenir en santé, la douceur du ciel, la temperature de l'air, la bonté des eaux: & pour la defense & retraite du peuple, les matieres propres à bastir maisons & places fortes, si le lieu de foy n'est assez couuert & defensible. Voila les premieres choses, desquelles on est le plus soigneux en toute Republique, & puis on cherche ses aisances: comme les medecines, les metaux, les teintures: & pour assugetir les ennemis, & allonger ses frontieres par conquestes, on fait prouision d'armes offensives: & d'autant que les appetits des hommes sont le plus souuent insatiables, on veut auoir en affluëce, non seulement les choses vtils & necessaires, ains aussi plaisantes & inutiles. Et tout ainsi qu'on ne pense gueres à l'instruction d'un enfant qu'il ne soit eleué, nourri, & capable de raison: aussi les Republiques n'ont pas grand soing des vertus morales, ny des belles sciences, & moins encores de la contemplation des choses naturelles & diuines, qu'elles ne soient garnies de ce qui leur fait besoin: & se contentent d'une prudence mediocre, pour asseurer leur estat contre les estrangers, & garder les sugets d'offenser les vns les autres, ou si quelcun est offensé, reparer la faute. Mais l'homme se voyant esleué & enrichi de tout ce qui luy est necessaire & cōmode, & sa vie asseuree d'un bon repos, & tranquillité douce, s'il est bien né, il prend à contre-cueur les vicieux & meschās, & s'approche des gens de bien & vertueux: & quand son esprit est clair & net des vices & passions, qui troublent l'ame, il prend garde plus soigneusement à voir la diuersité des choses humaines, les aages differens, les humeurs contraires, la grandeur des vns, la ruine des autres, le changemēt des Republiques: cherchant tousiours les causes des effects qu'il voit. puis apres, se tournant à la beauté de nature, il prend plaisir à la varieté des animaux, des plantes, des mineraux, cōsiderant la forme, la qualité, la vertu de chacune, les haines & amitez des vnes enuers les autres, & la suite des causes enchainées, & depēdentes l'une de l'autre: puis laissant la region elementaire, il dresse son vol iusques au ciel, avec les ailles de contemplation, pour voir la splēdeur, la beauté, la force des lumieres celestes, le mouuement terrible, la grādeur & hauteur d'icelles, & l'harmonie melodieuse de tout ce monde: alors il est ravi d'un plaisir admirable, accompagné d'un desir perpetuel de trouuer la premiere cause, & celuy qui fut auteur d'un si beau chef-d'œuvre: auquel estant paruenue, il arreste là le cours de ses contemplations, voyant qu'il est infini & incomprehensible en essence, en grādeur, en puissance, en sagesse, en bōté. Par ce moyē de contemplation, les hommes sages & entendus, ont resolu vne transbelle² demōstration, c'est asçauoir, qu'il n'y a qu'un Dieu eternal & infini: & de là ont quasi tiré vne conclusion de la felicité humaine.

2. Aristot. lib. 6. phys.
& lib. 12. cap. 16. metaphys.

Si donc vn tel hōme est iugé sage, & bien heureux, aussi sera la Republique tres-heureuse, ayāt beaucoup de tels citoyens, encores qu'elle ne soit pas de grande estendue, ny opulente en biens, mesprisant les pom-

3. Arist. lib. 10. ethicor. & cap. 7. polit.

pes & delices, des citez superbes, plôgees en plaisirs, & ne faut pas pourtant conclure, que la felicité de l'homme soit confuse & meslee: car cōbien que l'homme soit composé d'un corps mortel, & d'une ame immortelle, si faut-il confesser, que son bien principal depēd de la partie la plus noble: car puisque le corps doit servir à l'ame, & l'appetit bestial à la raison diuine, son bien souuerain despēd aussi des vertus intellectuelles, qu'Aristote appelle l'action de l'intellect: & iacoit qu'il eust dit, que le souuerain bien gist en l'action de vertu, si est-ce qu'en fin il a esté contraint de confesser,³ que l'action se rapporte à la contēplation, comme à sa fin, & qu'en icelle gist le souuerain bien: autrement, dit-il, les hōmes seroient plus heureux que Dieu, qui n'est point empesché aux actions muables, iouissant du fruit eternel de contemplation, & d'un repos treshault. mais ne voulant pas s'arrester ouuertement à l'aduis de son maître, ny se departir de la maxime qu'il auoit posée, c'est à sçauoir, que le souuerain bien gist en l'action de vertu, quand il a conclu la dispute du souuerain bien, il a coulé doucemēt ce mot æquiuoque, l'action de l'intellect, pour cōtemplation, disant que la felicité de l'homme gist en l'action de l'intellect: affin qu'il ne semblast vouloir mettre la fin principale de l'homme, & des Republiques, en deux choses du tout contraires, c'est à sçauoir, en mouuement & en repos, en action & contemplation. & neantmoins voyant que les hōmes & les Republiques sont en perpetuel mouuement, empeschez aux actions necessaires, il n'a pas voulu dire simplement, que la felicité gist en contēplation, ce qu'il faut neantmoins aduouër. car quoy que les actions, par lesquelles la vie de l'homme est entretenue, soient fort necessaires, comme boire & mager, si est-ce qu'il n'y eut iamais homme bien appris, qui fondast en cela le souuerain bien. aussi l'action des vertus morales est bien fort louable: par ce qu'il est impossible, que l'ame puisse recueillir le doux fruit de contemplation, qu'elle ne soit esclarcie, & purifiée par les vertus morales, ou par la lumiere diuine: de sorte, que les vertus morales se rapportent aux intellectuelles. or la felicité n'est pas accōplie, qui se rapporte, & cherche quelque chose de meilleur, comme sa fin principale, & ce qui est moins noble, au plus noble, cōme le corps à l'ame, celle cy à l'intellect, l'appetit à la raison, & viure pour bien viure. Par ainsi Marc Varron, qui a mis la felicité en action, & en contemplation, eust mieux dit, à mon aduis, que la vie de l'homme a besoin d'action, & de contemplation: mais que le souuerain bien gist en contemplation⁴, que les Academiques ont appellé la mort plaisante, & les Hebrieux la mort precieuse, d'autāt qu'elle rauist l'ame hors de la fange corporelle, pour la deifier. Et neātmoins il est bien certain, que la Republique ne peut estre bien ordonnee, si on laisse du tout, ou pour long temps les actions ordinaires, la voye de iustice, la garde & defense des sugets, les viures, & prouisions necessaires à l'entretènement d'iceux, non plus que l'homme ne peut viure longue-

4. - Plato in Phædone.

5. Psal. 116. & Leo Hebræus lib. 3. de amore.

ment, si l'ame est si fort rauie en contemplation, qu'on en perde le boire & le manger.

Mais tout ainsi qu'en ce monde, qui est la vraye image de la Republique bien ordonnee, & de l'homme bien reiglé, on voit la lune comme l'ame s'approcher du Soleil, laissant aucunement la region elementaire, qui ressent vn merueilleux changement, pour le declin de ceste lumiere, & tost apres l'accouplement du Soleil se remplir d'une vertu celeste, qu'elle rend à toutes choses: aussi l'ame de ce petit monde estant par fois rauie en contemplation, & aucunement vnue à ce grand Soleil intellectuel, elle s'enflamme d'une clarté diuine, & force émerueillable, & d'une vigueur celeste fortifiant le corps, & les forces naturelles. mais si l'ame s'addonne par trop au corps, & s'enyure des plaisirs sensuels, sans rechercher le soleil diuin, il luy en prend tout ainsi qu'à la lune, quand elle s'envelope du tout en l'ombre de la terre, qui luy oste sa lumiere, & sa force, & produit par ce defect plusieurs monstres. & neantmoins si elle demeueroit tousiours vnue au Soleil, il est bien certain que le monde elementaire périroit. Nous ferons mesme iugement de la Republique bien ordonnee, la fin principale de laquelle gist aux vertus contemplatiues, iacoit que les actiōs politiques soient preallables, & les moins illustres soient les premières: comme faire prouisions necessaires, pour entretenir & defendre la vie des sugets: & neantmoins telles actions se rapportent aux morales, & celles cy aux intellectuelles, la fin desquelles est la contemplation du plus beau suget qui soit, & qu'on puisse imaginer. Aussi voyons nous, que Dieu a laissé six iours pour toutes actions, estat la vie de l'homme sugette pour la plus-part à icelles: mais il a ordonné, que le septiesme, qu'il auoit beni sus tous les autres, seroit chomé, comme le saint iour du repos, affin de l'employer en la contemplation de ses œuvres de sa loy, & de ses louanges. Voila quant à la fin principale des Republiques bien ordonnees, qui sont d'autant plus heureuses, que plus pres elles approchent de ce but: car tout ainsi qu'il y a plusieurs degrez de felicité és hommes, aussi ont les Republiques leurs degrez de felicité, les vnes plus, les autres moins, selon le but que chacune se propose pour imiter: comme l'on disoit des Lacedemoniens, qu'ils estoient courageux, & magnanimes, & au reste de leurs actions, iniustes: par ce que leur institution, leurs loix, & coustumes n'auoient autre but deuant les yeux, que rendre les hommes courageux, & inuincibles aux labeurs & douleurs, meprisans les plaisirs & delices. mais la Republique de Romains a fleuri en iustice, & surpassé celle de Lacedemonne, par ce que les Romains n'auoient pas seulement la magnanimité, ains aussi la vraye iustice leur estoit comme vn suget, auquel ils adressoient toutes leurs actions. Il faut donc s'efforcer de trouuer les moyens de paruenir ou approcher de la felicité, que nous auons dit, & à la definition de la Republique, que nous auons posée.

s. Psal. i.

6. Plato.

DE LA REPUBLIQUE
DV MESNAGE, ET LA DIFFE-
rence entre la Republique & la famille.

CHAP. II.



MESNAGE est vn droit gouvernement de plusieurs sujets, sous l'obeissance d'un chef de famille, & de ce qui luy est propre. La seconde partie de la définition de Republique que nous auons posée, touche la famille, qui est la vraye source & origine de toute Republique, & membre principal d'icelle. Et par ainsi Xenophon & Aristote, sans occasion, à mon aduis, ont diuisé l'œconomie de la police: ce qu'on ne peut faire sans demembrer la partie principale du total, & bastir vne ville sans maisons, ou bien par mesme moyen il falloit faire vne scièce à part des corps & colleges, qui ne sont ny familles, ny citez, & sont neantmoins partie de la Republique. Mais les Iuriscultes, & législateurs, que nous deuons suiure, ont traité les loix & ordonnances de la police, des colleges, & des familles en vne mesme scièce. toutefois ils n'ont pas pris l'œconomie comme Aristote, qui l'appelle scièce d'acquérir des biens, qui est cōmune aux corps & colleges aussi bien cōme aux Republiques. Or nous entendons par la mesnagerie, le droit gouvernement de la famille, & de la puissance que le chef de famille a sus les siens, & de l'obeissance qui luy est deuë, qui n'a point esté touchée aux traittez d'Aristote, & de Xenophon. Tout ainsi donc que la famille bié conduite, est la vraye image de la Republique, & la puissance domestique semblable à la puissance souueraine: aussi est le droit gouvernement de la maison, le vray modèle du gouvernement de la Repub. Et tout ainsi que les mēbres chacun en particulier faisans leur deuoir, tout le corps se porte bien: aussi les familles estants bien gouvernees, la Repub. ira bien.

Nous auons dit que Republique est vn droit gouvernement de plusieurs mesnages, & de ce qui leur est commun, avec puissance souueraine. le mot de plusieurs ne peut estre signifié par deux au cas qui s'offre, car la loy¹ veut du moins trois personnes pour faire vn college, & autāt pour faire vne famille, outre le chef de famille, soient enfans, ou esclaves, ou afranchis, ou gens libres qui se soubmettent volontairement à l'obeissance du chef de mesnage, qui fait le quatriesme, & toutesfois membre² de la famille. Et d'autant que les mesnages, corps & colleges, ensemble les Republiques, & tout le genre humain periroit, s'il n'estoit repeuplé par mariages, il s'ensuit bié que la famille ne sera pas accomplie de tout poinct sans la femme, qui pour ceste cause est appelée mere de famille: tellemēt qu'il faut à ce compte cinq personnes du moins, pour accōplir vne famille entiere. Si donc il faut trois personnes pour faire vn college, & autāt pour vn mesnage, outre le chef de famille & sa femme:

nous

1. l. Neratius. de verbor. signif. ff.

2. l. familiar. cod.

nous dirons par mesme raison, qu'il faut du moins trois mesnages pour faire vne Republique, qui seroit trois fois cinq pour trois mesnages parfaits. Et à mon aduis que les anciens appelloient pour ceste cause vn peuple quinze personnes, comme dit Apulee, rapportas le nombre de quinze à trois familles parfaites. Autrement s'il n'y a qu'un mesnage, encores que le pere de famille eust trois ces femmes, & six cens enfans, autant qu'en auoit Hermotimus Roy de Parthe, ou cinq cens esclaves, comme Crassus : fils sont tous sous la puissance d'un chef de mesnage, ce n'est pas vn peuple, ny vne Republique, ains vn mesnage seulement, encore qu'il y eust plusieurs enfans, & plusieurs esclaves, ou seruiteurs mariez ayans d'autres enfans, pourueu qu'ils soient tous en la puissance d'un chef, que la loy ³ appelle pere de famille, ore qu'il fust au berceau. Et pour ceste cause les Hebreux, qui monstrent tousiours la propriété des choses par les noms, ont appelé famille מלך, non pas pour ce que la famille contient mil personnes, comme dit vn Rabin, mais du mot מלך, qui signifie chef, seigneur, prince, nommant la famille par le chef d'icelle. Mais on dira peut estre, que trois corps & colleges, ou plusieurs particuliers sans famille, peuuent aussi bien composer vne Republique, s'ils sont gouuernez avec puissance souueraine : il y a bien apparence : & toutefois ce n'est point Republique, veu que tout corps & college s'aneantist de soy mesme, s'il n'est réparé par les familles.

3. l. pronuntiatio. §. familia. cod.

Or la loy dit, que le peuple ne meurt ⁴ iamais, & tient que cent, voire mil ans apres, c'est le mesme peuple, encore que l'usufruit laissé à la Republique, est reüni à la propriété, qui autrement seroit inutile, cent ans apres : car on presume, que tous ceux qui viuoient, meurent en cent ans, combien qu'ils soient immortels par succession, cōme le nauire de Thesec, qui dura tāt qu'on eut soin de le reparer. Mais tout ainsi que le nauire n'est plus que bois, sans forme de vaisseau, quād la quille, qui soustiēt les costes, la prouë, la poupe, & le tillac, sont ostez : aussi la Republique sans puissance souueraine, qui vniſt tous les mēbres & parties d'icelles, & tous les mesnages & colleges en vn corps, n'est plus Republique. Et sans sortir de la similitude, tout ainsi que le nauire peut estre demembré en plusieurs pieces, ou brulé du tout : aussi le peuple peut estre escarté en plusieurs endroits, ou du tout esteint, encore que la ville demeure en son entier : car ce n'est pas la ville, ny les personnes qui font la cité : mais l'union d'un peuple sous vne seigneurie souueraine, encore qu'il n'y ayt que trois mesnages. Car cōme le citron ou la formi sont aussi bien nommez entre les animaux, cōme les Elephans : aussi le droit gouuernement de trois familles avec puissance souueraine, fait aussi bien vne Republique, cōme d'une grande seigneurie. Et la seigneurie de Rhaguse n'est pas moins Republique, que celle des Turcs, ou des Tartares. Et tout ainsi qu'au denombrement des maisons, vn petit mesnage est aussi bien compté pour vn feu, que la plus grāde & la plus riche maison de la cité :

4. l. proponatur. de iudic. ff.

5. l. an usufructus. de usufr. ff.

6. Plutar. in Æmylio.

7. Herodo. lib. 3.

aussi vn petit Roy est autant souuerain, que le plus grand Monarque de la terre : car vn grand royaume n'est autre chose, disoit Cassiodore, que vne grande Republique sous la garde d'un chef souuerain. Et par ainsi de trois mesnages, si l'un des chefs de mesnage a puissance souueraine sus les deux autres : ou les deux ensemble sus le tiers, ou les trois en nom collectif sur chacun en particulier, c'est aussi bien Republique, comme si l'y auoit six millions de sugets. Et par ce moyen il se pourra faire, qu'une famille sera plus grande qu'une Republique, & mieux peuplée : comme lon dict du bon pere de famille Ælius Tuberon, qui estoit chef de famille de seize enfans tous mariez issus de luy, qu'il auoit tous en sa puissance, avec leurs enfans & seruiteurs demeurans avec luy en mesme logis. Et au contraire, la plus grande cité ou monarchie, & la mieux peuplée qui soit sur la terre, n'est pas plus Republique, ny cité que la plus petite : quoy que dist Aristote, que la ville de Babylone, qui auoit trois iournees⁷ de tour en quarré, estoit vne nation plustost qu'une Republique, qui ne doit auoir, à son dire, que dix mil citoyens pour le plus : comme si l'estoit inconuenient qu'une, voire cent nations diuerses sous vne puissance souueraine, feissent vne Republique. Or si l'opinion d'Aristote auoit lieu, la Republique Romaine, qui a esté la plus illustre qui fut onques, n'eust pas mérité le nom de Republique, veu qu'au temps de sa fondation elle n'auoit que trois mil citoyens, & sous l'Empereur Tibere il s'en trouua quinze millions & cent dix mil, espars en tout l'Empire, sans y comprendre les esclaves, qui estoient pour le moins dix pour vn, & sans compter les allies, ny les autres peuples libres, aux enclaves de l'Empire, qui auoient leur estat à part en tiltre de souveraineté : qui est le vray fondement, & le puiot, sur lequel tourne l'estat d'une cité, & de laquelle dependent tous les magistrats, loix, & ordonnances, & qui est la seule vnion, & liaison des familles, corps, & colleges, & de tous les particuliers en vn corps parfait de Republique, soit que tous les sugets d'icelle soient enclos en vne petite ville, ou en quelque petit territoire : comme la Republique de Schunits, l'un des cantons de Suisse, qui n'est pas de si grand'estendue, que plusieurs fermes de ce Royaume, ne soient de plus grand reuenue : soit que la Republique ayt plusieurs bailliages, ou prouinces : comme le Royaume de Perse, qui auoit six vingts gouuernemens, & celui d'Æthiopie, qui en a cinquante, que Paul Ioue sans propos appelle royaumes : & toutesfois il n'y a qu'un Roy, vn Royaume, vne Monarchie, vne Republique, sous la puissance souueraine du grand Negus. Mais outre la souveraineté, il faut qu'il y ait quelque chose de commun, & de public : comme le domaine public, le tresor public, le pourpris de la cité, les rues, les murailles, les places, les temples, les marchez, les usages, les loix, les coustumes, la iustice, les loyers, les peines, & autres choses semblables, qui sont ou communes, ou publiques, ou l'un & l'autre ensemble. car ce n'est pas Repub. si l'y a rien de public.

blic. Il se peut faire aussi que la pluspart des heritages soient communs à tous en general, & la moindre partie propre à chacun, en particulier, cōme en la diuision du territoire, que Romule occupa au tour de la ville de Rome qu'il auoit fondee, tout le plat pais n'auoit en pourpris que dix-huit mil iournaux⁸ de terre, qu'il diuisa en trois parties egales: assignant vn tiers pour les frais des sacrifices, l'autre pour le domaine de la Republique, le reste fut parti à trois mil citoyens, ramassez de toutes pieces, à chacun deux iournaux: le quel partage demeura lōg temps en quelque cōtrepoix d'equalité: car mesme le dictateur Cincinnat, deux cēs soixāte ans apres, n'auoit⁹ que deux iournaux que luy mesme labouroit. Mais en quelque sorte qu'on diuise les terres, il ne se peut faire que tous les biens soient communs, comme Platon vouloit en sa premiere Republique, iusques aux femmes & enfans, afin de bannir de sa cité ces deux mots TIEN & MIEN, qui estoient, à son aduis, cause de tous les maux & ruines qui aduiennent aux Republiques. Or il ne iugeoit pas que si cela auoit lieu, la seule marque de Republique seroit perdue: car il n'y a point de chose publique, s'il n'y a quelque chose de propre: & ne se peut imaginer qu'il y ait rien commun, s'il n'y a rien particulier: non plus que si tous les citoyens estoient Roys, il n'y auroit point de Roy: ny d'harmonie aucune, si les accords diuers, doucemēt entremeslez, qui rendent l'harmonie plaisante, estoient reduits à mesme son. Cōbiē que telle Republique seroit directemēt cōtraire à la loy de Dieu & de nature, qui deteste non seulement les incestes, adulteres, & paricides inéuitables, si les femmes estoient cōmunes: ains aussi de raurir, ni mesme de cōuoiter rien qui soit d'autrui. où il appert euidēment, que les Republiques sont aussi ordōnees de Dieu, pour rendre à la Republique ce qui est public, & à chacun ce qui luy est propre: ioint aussi que telle cōmunauté de toutes choses est impossible, & incompatible avec le droit des familles. car si la famille & la cité, le propre & le cōmun, le public & le particulier sont confus, il n'y a ny Republique, ny famille. Aussi Platon excellēt en toute autre chose, apres auoir veu les inconueniens & absurditez notables, que tiroit apres soy telle communauté, s'en est sagement departi: renonçant raisiblement à sa premiere Republique, pour dōner lieu à la seconde. Et quoy qu'on die des Massagetes, que tout leur estoit commun, si est-ce qu'ils auoient la coupe, & le cōsteau, chacun à part soy, & par consequent les habits, & vestemens. autrement tousiours le plus fort eust desrobé le plus foible luy ostant ses robes, lequel mot signifie assez en nostre lāgue, que les vestemens ont tousiours esté propres à chacun, estant celuy qui desrobe appellé larron.

8. Dionys. Halicarnass. lib. 2.

9. Plin. lib. 7.

Tout ainsi donc que la Republique est vn droit gouuernement de plusieurs familles, & de ce qui leur est cōmun, avec puissance souueraine: aussi la famille est vn droit gouuernement de plusieurs sugets sous l'obeissance d'vn chef de famille, & de ce qui luy est propre. & en cela

giste la vraye difference de la Republique & de la famille. car les chefs de famille ont le gouuernement de ce qui leur est propre : encores que chacune famille soit bien souuent, & quasi par tout obligee, d'apporter, & cōtribuer quelque chose de particulier en cōmun, soit par forme de tailles, ou de peages, ou d'impôts extraordinaires. Et se peut faire que tous les fugers d'une Republique viueront en cōmun, comme il se faisoit anciennement en Crete, & en Lacedemone, où les chefs de famille viuoient en cōpagnies de xv. ou xx. & les femmes en leurs mesnages, & les enfans ensemble. Et mesmes en la Republique ancienne de Candie, tous les citoyens, hōmes & femmes, ieunes & vieux, riches & pauures mangeoient & beuuoient tousiours ensemble : & neātmoins chacun auoit ses biēs à part & cōtribuoit chacun en cōmun pour sa despense : ce que les Anabaptistes vouloiēt pratiquer, & cōmencerent en la ville de Munstre : à la charge que tous biens seroiēt cōmun, horsmis les femmes, & les vestemens : pensans mieux entretenir l'amitié, & concorde mutuelle entre eux : mais ils se trouuerēt bien loing de leur compte : car tāt s'en faut que ceux là qui veulent que tout soit cōmun, ayent osté les querelles & inimitiez, que mesmes ils chassent l'amour d'entre le mari & la femme, l'affection des peres enuers les enfans, la reuerence des enfans enuers les peres, & la bienueillance des parens entr'eux, ostant la proximité de sang, qui les vnit d'un plus estroit lien qui peut estre. car on sçait assez qu'il n'y a point d'affectiō amiable, en ce qui est commun à tous : & que la communauté tire apres soy tousiours des haines & querelles, comme dit la loy.¹ encores plus s'abusent ceux là, qui pensent, que par le moyen de la communauté, les personnes & les biens communs seroiēt plus soigneusement traittez : car on voit ordinairement les choses cōmunes & publiques mesprisees² d'un chacun, si ce n'est pour en tirer quelque profit en particulier : d'autant que la nature d'amour est telle, que plus elle est cōmune, & moins a de vigueur : & tout ainsi que les gros fleuues, qui portent les grāds fardeaux, estās diuisez, ne portēt rien du tout : aussi l'amour espars à toutes personnes, & à toutes choses, perd sa force & sa vertu.

Or mesnage, & droit gouuernement d'iceluy fait la discretion & diuision des biens, des femmes, des enfans, des seruiteurs, d'une famille à l'autre, & de ce qui est propre en particulier, à ce qui leur est commun en general, c'est à dire, au bien public. Et mesmes les magistrats en toute Republique bien ordōnee, ont soin & souci du bien particulier des orphelins, des insensez, & des prodigues : comme chose qui touche & concerne le³ public, affin que les biens soient conseruez à qui ils appartiennent, & qu'ils ne soient dissipez : cōme en cas pareil, les loix souuent font defense d'acquérir, ou d'aliener, ou hypotheker son bien, sinon à certaines conditions, & à certaines personnes : car la conseruation des biēs d'un chacun en particulier, est la conseruation du bien public : mais les loix sont publiques, & communes, & dependent seulement

1. l. cum pater. s. dulcissimi de legat. 2.

l. 2. quando & quibus quarta pars C. l. in re communi. urbanorum prædior. l. sancimus. s. sin autem, de donat. C. l. Lucius. s. Caius, de legat. 2.

2. l. 2. quando & quibus quarta C.

3. l. 1. de tutel. l. l. ius dandi. eod.

mēt du souverain. Et neātmoins il n'est pas inconueniēt, que les familles ayēt quelques statuts particuliers pour eux & leurs successeurs, faits par les anciēs chefs de familles, & ratifiez par les princes souverains: & les docteurs en loix en⁴ demeurēt d'accord pour la pluspart. Nous en auōs l'exēple en la maison de Saxe, qui a plusieurs chefs de familles, qui ont certain droit particulier, & tout autre que les coustumes generales d'Allemagne, & les coustumes particulieres du pays de Saxe. Et entre les Ducs de Bauieres, & les cōtes Palatins, y a loix particulieres, tant pour le droit de leurs successions, que pour le droit d'electorat, qui est alternatif en ces deux maifōs, par les anciēs traitez de leurs predecesseurs, dequoy le Duc de Bauiere fist grande instance à la diette d'Auspurg, l'an M. D. L V. ce qui n'est point és autres familles des electeurs. Et entre les maisons de Saxe & de Hes, y a traitez & loix particulieres homologuees par les Empereurs Charles¹ I I I I. & Sigismōd:⁶ & entre les maisons d'Austriche & de Boheme, y a statut que l'une succedra à l'autre, à faute de masles, cōme il est auenu. Et sans aller plus loing qu'en ce Royaume, i'ay veu vne charte de la maison de Laual auctorisee par le Roy, & homologuee au parlement de Paris: qui est directemēt cōtraire aux coustumes d'Anjou, Bretagne, Mayne, où la pluspart des biēs de ceste maison là sont situez, par laquelle le premier heritier habile à succeder, doit tout auoir, & n'est tenu de rien bailler à ses coheritiers, sinon meubles, à la charge que l'heritier portera le nom de Guy de Laual s'il est masle, ou de Guyonne si c'est vne heritiere, & les armes pleines. Et pareillemēt és maisons de la Baume, d'Albret, de Rhodéz, les filles par les traitez anciens estoient excluses en ligne directe & collaterale, tant qu'il y auoit masles, par les traitez des anciens Seigneurs, cōme il s'est fait aussi en la maison de Sauoye, qui vse de la loy Salique. Telles loix des familles, que les Latins auoiēt aussi, & les appelloiēt *ius familiare*, sont faites par les chefs de familles, pour la cōseruation mutuelle de leurs biēs, nom, & marques anciēnes: ce qui peut estre passé par souffrance és grandes & illustres⁷ maisons: & de fait ces traitez & statuts domestiques ont quelquefois conserué, non seulement les familles, ains aussi l'estat de la Republique: qui fut cause qu'à la diette d'Auspurg faite l'an M. D. L V. les Princes de l'Empire renouellerent les anciens traitez des familles, ayās bien apperceu, que par ce moyē l'Empire festoit guarēty d'une ruine & subuersion totale de l'estat d'Allemagne. Mais cela ne doit pas auoir lieu és autres maisons particulieres: affin que les loix publiques soient communes autant qu'il sera possible. Et ne faut pas aisément endurer, que les traitez des familles derogent⁸ aux coustumes du pays: & moins encores aux loix & ordonnāces⁹ generales. Et quelque traité qu'on face contre les coustumes & ordonnāces, les successeurs n'y sont point tenus, ny obligez. comme de fait les successeurs de la maison d'Albret, de Laual, & de Montmorancy ont obtenu¹ arrests du Parlement de Paris, contraires aux anciēnes chartes de leurs predecesseurs, en

4. Bart. in l. omnes populi, de iustitia. Bal. in l. cum omnes de Episcopis. Imola. & Cuma. in l. 3 de testam. Andr. ad Specul. in tit. de testa. §. compendiose. Bal. in l. 2. de constitu pecu. C. Innocent. in cap. cum accessissent, de constitut.

5. l'an 1370.

6. l'an 1431. Decius consil. 515.

7. Bal. in cap. 1. §. mulier, si de feudo controuersia. per cap. 1. de filiis natis ad morganaticam.

8. Alexand. in l. si non speciali. de testament. C. Bart.

in l. 1. quæ sit longa consuet. Iaso. in l. omnes populi.

9. l. 3. §. diuus. de sepulchro violat. ff. l. nemo potest de legat. 1.

1. l'an 1517. & l'an 1551 1565.

ce qu'elles estoient contraires aux coustumes des lieux, quād il fut question des successions de Laual, du comté de Dreux, & de Montmorancy, qu'on vouloit faire indiuisible contre la coustume du Vicomté de Paris. car il faut que les traitez des familles soient sugets aux loix, tout ainsi que les chefs de famille sont sugets aux Princes souuerains. Voila quant à la difference, & similitude de la famille & de la Republique en general: disons maintenant des membres de la famille.

*DE LA PVISSANCE MARITALE,
& sil est expedient de renouueller la loy de repudiation.*

CHAP. III.



DOUTE Republique, tout corps & college, & tout ménage se gouuerne par commandement, & obeissance: quand la liberté naturelle, qu'un chacun a de viure à son plaisir, est rangee sous la puissance d'autrui: & toute puissance de commander à autrui, est publique ou particuliere. la puissance publique gist au souuerain, qui donne la loy, ou en la personne des magistrats, qui ploient sous la loy, & commandent aux autres magistrats, & aux particuliers. le commandement particulier est aux chefs de menages, & aux corps & colleges en general, sur chacun d'eux en particulier, & à la moindre partie de tout le corps en nom collectif. Le commandement des menages se prend en quatre sortes, du mari envers la femme, du père envers les enfans, du seigneur envers les esclaves, du maistre envers les seruiteurs. Et d'autant que le droit gouuernement de toute Republique, corps & colleges, societez & menages depend de sçauoir bien commander & obeir: nous dirons par ordre de la puissance de commander, suiuant la diuision que nous auons posée. Nous appellons liberté naturelle de n'estre suget, apres Dieu, à homme¹ viuant, & ne souffrir autre commandement que de soy-mesme: c'est à dire, de la raison, qui est tousiours conforme à la volōté de Dieu. Voila le premier & le plus ancien commandement qui soit, c'est à sçauoir, de la raison sus l'appetit bestial: & auparauāt qu'on puisse biē commander aux autres, il faut appredre à commander à soy-mesme, rendāt à la raison la puissance de commander, & aux appetits l'obeissance: & en ceste sorte chacun aura ce qui luy appartient, qui est la premiere & la plus belle iustice qui soit: & ce que les Hebreux disoient en commun prouerbe, comēcer charité par soy-mesme, qui n'est autre chose, que redre les appetits ployables à la raison. c'est le premier commandement que Dieu a establi par edit² expres, parlant à celuy qui premier tua son frere. Car le commandement, qu'il auoit dōné auparauāt au mari par dessus la femme, porte double sens, & double commandement: l'un, qui est literal de la puissance maritale: & l'autre moral, qui est de l'ame sus le corps, de la raison sus la cupidité, que l'escriture sainte appelle quasi tousiours femme, & principalement Salomon, qui semble à beaucoup de personnes, estre

1. l. libertas. de statu hom.

2. Genes. cap. 1.

estre ennemi iuré des femmes, aufquelles il pensoit le moins quand il en escriuoit, comme tresbien a monsté le sage Rabin³ Maymon. Or nous laisserons aux Philosophes & Theologiens le discours moral, & prendrons ce qui est politique, pour le regard de la puissance du mari sus la femme, qui est la source & origine de toute société humaine. Quand ie dy la femme, i'entens celle qui est legitime & propre au mari, non pas la concubine, qui n'est point en la puissance du concubin: encores que la loy des⁴ Romains appelle mariage, & non pas concubinage, si la concubine est fraîche & libre: ce que tous les peuples ont regetté à bõ droit, comme chose deshoneste, & de mauuais exemple. aussi nous n'entendons pas que la fiancee soit⁵ sugete au fiancé, ny tenuë de le suyure: & ne peut le fiancé⁶ mettre la main sus elle, ce qui est permis⁷ au mari de droit ciuil &⁸ canon. & si le fiancé auoit vñ de main mise, & rai sa fiancee, il doit estre puni capitalement en termes de⁹ droit. Et ores que le consentement des parties y soit, voire contract passé par parole de present, ce que la loy appelle¹ mariage: si est-ce toutefois que la droite puissance maritale n'est point acquise, si la fême n'a suiuy le mari: veu que la plupart des canonistes² & theologiës, quis'en font croire en ceste matiere, ont tenu qu'il n'y a point de mariage entre l'homme & la femme, s'il ne est consommé de fait, ce que noz coustumes ont disertement articulé, quand il est question des profits du mariage & de la communauté. Mais depuis que le mariage est consommé, la femme est sous la puissance du mari, si le mari n'est esclaué ou enfant de famille: auquel cas ny l'esclaué, ny l'enfant de famille, n'ont aucun⁶ cõmandement sus leurs femmes, & moins encores sus leurs enfans, qui demeurent tousiours sous la puissance de l'ayeul, encores qu'il ait emâcipé son fils marié. Et la raison est, par ce que le mesnage ne⁷ souffre qu'un chef, qu'un maistre, qu'un seigneur: autrement s'il y auoit plusieurs chefs, les cõmandemēs seroient cõtraires, & la famille en trouble perpetuel. Et par ainsi la femme de cõdition libre, se mariant à l'enfant de famille, est sous la puissance du beau pere: aussi bien que l'homme libre se mariant à la fille de famille, est en la puissance d'autrui, s'il va demeurer en la maison du beau pere: bien que en toute autre chose il iouisse de ses droits & libertez. Mais il y a peu d'apparence que les loix⁸ Romaines veulent que la fille mariee, & menee en la maison du mari, si elle n'est emâcipee du pere, ne soit point sugette au mari, ains au pere. qui est contre la loy de nature, qui veut que chacun soit maistre en sa maison, cõme dit Homere, affin qu'il puisse dõner loy à sa famille: aussi est-ce cõtre la loy de Dieu, qui⁹ veut, que la femme laisse pere & mere pour suyure le mari: & dõne puissance au¹ mari des vœuz de la femme. aussi les loix Romaines n'ont aucun lieu pour ce regard, & moins en ce Royaume qu'en lieu du monde: car la coustume² generale exempt la femme mariee de la puissance du pere: qui estoit semblable en Lacedemone, cõme dit Plutarque aux Laconiques, où la femme

3. lib. 1. nemore an-neuoquim.

4. l. in libera, de concubinis.

5. l. 4. de condit. & dem. l. ea quæ ad munici.

6. cap. de illis & ibi Hostieu. & Panor. de sponsa.

7. Bal. & Cune. in l. raptore. De Episcopis. Cinus in l. 1. q. 2. de raptor. vir.

C. Alexan. in l. milles. §. qui iudicari. de re iudic. l. ult. de libero homine. C.

8. ca. duo. 33. q. 2. cano sicut. 7. q. 1. 9. l. 1. de raptor. vir.

C. 1. nuptias de regul. 2. cap. de bitum. de bigam. Lombardus in. 4. sententia. distine. 30. & 27 q. 2.

Barbatias. consil. 2. col. 7. lib. 4. glo. in cap. ex publico.

ext. de conuer. coniugali. Corne. consil. 248. lib. 2. Felin. in cap. tertio. loco de præsump.

6. toto tit. quib. mod. patr. pot. 7. l. pronuntiatio. de verb. sig.

8. l. 1. §. 1. de liberis ag. l. 1. §. ult. l. eum qui. §. si nupta. de iniuriis. l. 1. sine & sequent. de liberis exhibend. l. 2. §.

quod si in patris. l. quoties. soluto. l. 3. l. nec inter. l. si vt proponis. de dona. inter virum. C. l. filium. l. licet de collatio. C. l. si vxor & ibi Accurs. Cin.

Bartol. Bald. Salic. Alberic. de condit. infertis. C.

9. Genes. cap. 1. 1. Numer. cap. 30. Augustini q. 39. cap. 4. Num. ca. voluit. 33. q. 5.

2. Faber. in. §. 1. in-

stitut. de S. C. Tertul. & §. 2. quod cum eo qui in alie. Ma-
suer. titul de iniuriis.
6. item filia. & in tit.
de dote. §. item de
consuetudine.

3. excipiunt concu-
bitum & operas. Ac-
curs. in d. l. si vxor ē.
& in d. §. 1. institut. de
S. C. Tertul. ex l. sicut
de operis libert. Bart.

Imol. Castren. in
l. rei iudicatio. cum
seq. soluto matr.

4. Andr. ad Specul.
tit. qui filij sint legit.

5. Dionys. Halicar.
lib. 2.

6. Tacit. lib. 2.

7. Flor. cap. 49.

8. Liui. lib. 35.

9. titul. xi. & 9.
Institut.

1. Genes. 24. Exod.

2. Numeri. xi.

3. Xenophon

εἰς τὴν αὐτὴν ἐξέλε-
ξις.

3. in verbo Emanci-
patum.

mariee parle ainsi. Quand j'estois fille, ie faisois les cōmandemens de mon pere: mais puis que ie suis mariee, c'est au mari, à qui ie dois l'obeissance: autrement la femme fouleroit aux pieds les cōmandemens du mari, & le quitteroit quand bon luy sembleroit, prenant le pere à garend. les³ interpretes excusans les loix Romaines, y ont adiousté plusieurs exceptions, pour les inconueniens qui resulteroient; si la femme n'estoit sujette au mari, encores qu'elle ne fust emancipée du pere. Mais hors la puissance paternelle, toutes les loix diuines & humaines sont d'accord en ce point là, que la femme doit obeissance aux cōmandemens du mari, s'ils ne sont illicites. Il n'y a qu'un docteur⁴ Italien, qui a tenu, que la femme n'est point en la puissance du mari: mais tout ainsi qu'il n'a ny auctorité, ny raison de son dire, aussi n'y a il personne qui l'ayt fuiui. Car il est tout certain, que par la loy de⁵ Romule, non seulement le mari auoit tout cōmādemēt sus la femme, ains aussi, pouuoir de la faire mourir, sans forme, ny figure de proces en quatre cas; c'est à sçauoir, pour adultere, pour auoir supposé vn enfant, pour auoir de faulses clefs, & beu du vin. Peu à peu la rigueur des loix & coustumes fut moderee, & la peine de l'adultere permis à la discretion des pārens de la femme: ce qui fut renouuellé, & pratiqué au temps de Tibere l'Empereur: par ce que le mari repudiant sa femme pour adultere, ou se voyāt atteint de mesme crime, le cas demouroit impuni, au grand deshonneur des parēs, qui bien souuent faisoient mourir⁷ ou bannissoient la femme. Et combien que la puissance des maris se diminua bien fort: si est-ce neantmoins par la harangue, que Marc⁸ Caton le Censeur fist au peuple pour la defense de la loy Oppia, qui retranchoit aux femmes les habits de couleur, & defendoit de porter plus d'une once d'or, il apert, que les femmes estoient toute leur vie en la tutelle de leurs peres, freres, maris, & parēs, de sorte qu'elles ne pouuoient contracter, ny faire aucun acte legitime, sans l'auctorité, & volonté d'iceux. Caton viuoit enuiron l'an D. I. apres la loy de Romulus. & deux cens ans apres Vlpian Iurisconsulte dit, qu'on donne tuteurs aux femmes, & aux pupilles: & quand elles estoient mariees, qu'elles estoient *in manu viri*, c'est à dire, en la puissance du mari. Et si on dit qu'il a diuisé le tiltre des personnes, *quæ sunt in potestate*, d'auec celles *quæ sunt in manu*, cela ne conclud pas, que la femme ne fust en la puissance du mari: car cela s'est fait pour monstrier la difference du pouuoir que le mari a sus la femme, & le pere sus les enfans, & le feigneur sus les esclauēs. & qui doubte que ce mot, *manus*, ne signifie pouuoir, auctorité, puissance? les¹ Hebreux, ² Grecs & Latins en ont tousiours ainsi vsé, quand ils disent la main du Roy, & *in manus hostium venire*, & mesmes Feste³ Pompe parlant du mari qui prend femme, dit *mācipare*, qui est vn mot propre aux esclauēs. duquel mot vsent plusieurs coustumes de ce Royaume, où il est question d'emāciper les femmes. Et pour monstrier, que la puissance des maris sus les femmes, a esté genera-

le

le à tous les peuples, ie n'en mettray que deux ou trois exemples. Olore Roy de Thrace contraignit⁴ les Daces, pour auoir esté vaincus des ennemis, de seruir à leurs femmes, en signe de seruitude extreme. & de la plus grâde contumelie dont il se peut aduifer. Aussi lisons nous, que par les loix des' Lôbars la femme estoit en mesme sugetion que les anciennes Romaines: & les maris auoient toute puissance de la vie & de la mort, de laquelle ils vsoiét encore au tēps de⁶ Balde, il n'y a pas c c l x. ans. Quāt à nos ancestres Gaulois, y eut-il iamais en lieu du monde plus grande puissance sus les femmes, qu'ils ont eu? Cæsar⁷ le monstre bien en ses memoires, où il dit, que les Gaulois auoiét toute puissance de la vie & de la mort sus leurs femmes & enfans, tout ainsi que sus leurs esclauues. & s'il y auoit tāt soit peu de soupçon que le mari fust mort, par le fait de la femme, les parens la prenoient, & luy bailloient la question, & si elle estoit conuaincue, ils la faisoient mourir cruellemēt, sans l'auctorité du magistrat. mais la cause estoit bien plus apparēte, que pour auoir beu du vin, qui suffisoit au mari par la loy des Romains, pour faire mourir sa femme: & en cela tous les anciens⁸ s'accordent. Qui n'estoit pas seulement la coustume des Romains, ains aussi Theophraste escript, que les anciens habitans de Marseille en Prouence, & les Milesiens vsoiét de mesme loy contre les femmes, qui auoient beu du vin: iugeans que les appetits immoderez de la femme sugette au vin, la feroient aussi tost yurongne, & puis adultere. Aussi trouuons nous, que la puissance dōnee au mari, par la loy de Romulus, de faire mourir sa femme pour cause d'adultere sans auctorité du magistrat, estoit commune à toute la⁹ Grece aussi bien cōme aux Romains. car la loy¹ Iulia, qui permet seulement au pere² de tuer sa fille avec l'adultere trouuez sus le fait, & non autrement, a esté faite par Auguste sept cens ans apres la loy de Romulus. & neantmoins la loy Iulia a permis aussi au³ mari d'en vser cōme le pere enuers certaines personnes exceptees: punissant le mari bien legerement,⁴ qui auroit passé outre l'exception de la loy. Mais la peine publique ne deroge point à la puissance du mari en autre sorte de corrections, que le mari auoit sus la femme, outre la peine de mort, qui pour ce regard luy estoit interdite. Depuis Theodora Imperatrice, ayant toute puissance sus l'Empereur Iustinian, homme hebeté de son sens, fist toutes les loix qu'elle peut à l'auantage des femmes, & entre autres mua la peine de mort en vne peine d'infamie, comme firent aussi anciennement les Atheniens,⁵ excommunians les adulteres, avec note d'infamie, ainsi que nous lisons aux plaidoyez de Demosthene: qui semble chose ridicule, attendu que l'infamie ne peut oster l'honneur à celle qui l'a perdu, & qui est du tout dehōree, tellemēt qu'elle demeure quasi sans peine, mesmemēt en ce Royaume, d'un crime que la loy de Dieu⁷ punist de la plus rigoureuse mort qui fust lors, c'est à sçauoir,⁸ de lapidation: & que du moins les Ægyptiens⁹ punissoient, en coupāt le nez à la femme, & les parties hôteuses à

4. Iustin lib. 32.
5. In legib. Rotaris ac Luitprandi, & in legib. Longobard. cap. 1. & vlt. & penult. tit. qualiter mulier. liber. alien. petuiff.

6. Accurs. & Bald. in l. velles de reuocan. donat C.

7. lib. 6. belli Gallici.

8. Dionys. Halicar. lib. 2. Plin. lib.

14. cap. 13. Valer. de institut. antiq. Cicero de natu. deor.

lib. 3. & de Repub. lib. 3. Plutar. in problemat. Rom. cap.

6. Arnob. lib. 2. aduersus gentes. Ter-

tul. in apologet. cap. 6. Gellius lib.

10. c. 23. & Alcimus Siculus apud Athe-

næum.

9. Polyb. lib. 2. Ly-

sias de Eratosthe-

nis cæde.

1. l. 1. ad l. Iul. de ad-

ult.

2. l. matito. 1. patri.

cod.

3. d. l. marito.

4. l. si adulterium. §.

Imperatores cod. l.

1. ad l. Cornel. de si-

car. l. Gracchus.

cod. C. l. 3. §. si mari-

ritus ad Silanian.

5. auth. hoc iure. de

adult. C.

6. Demosthe. contra Neæram.

7. Faber. in. l. 2. quæ

sit longa consuet. C.

Benedic. in cap. Ray-

nutius, in verbo cui-

dam. Nu. 63.

8. Leuit. 20. Daniel.

13. Deutero. 24.

9. Rabi Maymo li 3.

nemore aneuoquim

ait crudelissimū om-

nium mortis genus

esse.

9. Diodor. lib. 1.

1. ca. duo ista. 23. q.
 4. Accurs. in l. et si.
 5. ult. ad l. aquil. & in
 authent. veliceat
 matri. . quia vero.
 Bal. in l. filius. de pa-
 tria potest. C.
 & in l. nec patronus.
 de operis libert. C.
 & consil. 176. Pa-
 nor. in c. . ex trans-
 missa. de restitut.
 spoliat Bart. in l. in-
 bemus de repud. C.
 2. Quintil. lib. 7. c.
 4. l. 5. de pactis do-
 tal. l. viro & vxori.
 soluto.
 3. l. ult. de repud. C.
 4. Andr. in addit.
 ad specul. rubric.
 de iniuriis ex l. 2.
 rerum amotar. l.
 non debet de dolo.
 l. si quis vxori. de
 furtis. Alexand. in
 l. diuortio. . si fun-
 dum. col. 4. soluto.
 Ancaran. cōsil. 408.
 5. l. 1. & 2. rerum a-
 mor. l. aduersus de
 crimi. expilatæ hæ-
 redit. C.

6. cap. כריהת id est,
 abscissionis.

o. id est, anno
 Christi. 1240.

7. cap. כשים

l'homme. Es autres crimes qui touchét plus le mari que le public, & qui ne meritét point la mort, tous¹ sont d'accord, que le maria puiffâce de cha-
 stier moderémét sa femme. Et affin que les maris n'abusassent de la puif-
 sance que la loy leur donoit sur les femmes, elles auoiét contre les maris
 actiō en cas de mauuais traitemét,² ou de mauuaises meurs, que depuis
 Iustiniā³ osta: ordonnât quelques peines ciuiles & pecuniaires à prédre
 sus les droicts des conuentions matrimoniales à celuy qui auroit don-
 né cause de separation. qui sont principalemét fondees sus l'adultere, &
 l'empoisonnement essayé, & n'ayant sorti effect. Mais nonobstant l'or-
 donnance de Iustinian, il est permis à la femme iniurice, & traittee indi-
 gnement par son mari, demander separation: toutefois on ne doit per-
 mettre l'action d'iniures entre le mari & la femme (cōme quelques⁴ vns
 ont voulu) pour l'honneur & dignité du mariage, que la loy⁵ a tant esti-
 mé, qu'elle ne veut pas que le mari ny mesmes vn tiers, puisse auoir actiō
 de larcin contre la femme, encores qu'elle eust expilé tous les meubles
 du mari. Mais d'autant qu'il n'y a point d'amour plus grand que celui
 du mariage, comme dit Artemidore, aussi la hayne y est la plus capitale,
 si vne fois elle prend racine. Et pour ceste cause la loy de Dieu, touchant
 les separations, qui depuis fut commune à tous les peuples, & est enco-
 res à present vsitee en Afrique, & en tout l'Oriēt, permettoit au mari de
 repudier sa femme, si elle ne luy plaisoit, à la charge qu'il ne pourroit ia-
 mais la reprédre, mais bien se remarier à vne autre. qui estoit vn moyen
 pour tenir en ceruelle les femmes superbes: & aux fascheux maris de ne
 trouuer pas aysément femme, si on cognoissoit qu'ils eussent repudié la
 leur sans iuste cause. Et si on dit, qu'il n'y a point d'apparéce de repudier
 sa femme sans cause: ie me rapporteroy à l'vsage commun: mais il n'y a
 rien plus pernicieux, que contraindre les parties de viure ensemble, s'ils
 ne disent la cause de la separation qu'ils demandent, & qu'elle soit bien
 verifiée: car en ce faisant, l'honneur des parties est au hazard, qui seroit
 couuert, quād la separation ne porteroit point de cause: comme faisoier
 anciennement, & sont encores à present les Hebrieux, ainsi qu'on peut
 voir en leurs pandectes, & mesmement du Iurisconsulte Moyse Corfi,
 au chap. du retrenchement⁶ (ils appellent ainsi la repudiation) où il met
 l'acte de repudiation, que le Rabin Ieiel Parisien, lors que les Iuifs de-
 meuroient en Paris, enuoya à sa femme le mardi xxix. Octobre, l'an de
 la creation du mōde cinq mil^o dix huit: où l'acte ne porte aucune cau-
 se de repudiation. l'en trouue vne autre en l'epitome des pandectes He-
 braïques, recueillie par le Iurisconsulte Moyse de Maymon, au titre des
 femmes⁷ chap. 111. qui fut fait en Chaldee, où le iuge des lieux, ayât veu
 la procuration speciale, & l'acte de celuy qui auoit repudié sa femme en
 presence de trois tesmoins, adioust ces mots, qu'il l'a repudice puremét
 & simplement & sans y adiouster cause, luy permettant de se remarier à
 qui bon luy sembleroit, & le iuge en decerne acte aux parties. En quoy

faisant, la femme n'est point deshonorée, & peut trouver autre parti sortable à sa qualité. Et de fait, anciennement les Romains ne mettoient aucune cause, comme on peut voir quand Paul⁸ Æmil repudia sa femme, qu'il confessoit estre fort sage & hōneste, & de maison fort noble, & de laquelle il avoit plusieurs beaux enfans. & lors que les parēs de la femme s'en plainquirent à luy, voulans sçavoir la cause, il leur monstra son soulier, qui estoit beau, & bien fait, mais qu'il n'y avoit que luy qui sentist l'endroit où il bleſsoit. & si la cause ne semble suffisante au iuge, ou qu'elle ne soit bien verifiée, il faut que les parties vivent ensemble, ayāt à tout heure l'un & l'autre l'objet de son mal devant ses yeux. Cela faict, que se voyans reduits en extreme servitude, crainte, & discord perpetuel, les adulteres, & bien souvent les meurtres, & empoisonnemens s'en ensuivent, & qui sont pour la pluspart incognus aux hommes: comme il fut decouvert en Rome, auparavant que la coustume fut pratiquée de repudier sa femme (car le premier fut Spurius Carnilius, environ cinq cens ans apres la fondation de Rome) vne femme estant surprise, & condamnée d'avoir empoisonné son mari, elle en accusa d'autres, qui par compagnie & communication entre elles en accuserent iusques à soixante & dix de mesme crime, qui furent toutes executees. chose qui est encores plus à craindre, où il n'y a aucun moyen de repudier l'un l'autre. Car les Empereurs Romains ayās voulu oster la facilité des repudiatiōs, & corriger⁹ l'ancienne coustume, n'ont ordōné autre peine que la perte des conventions matrimoniales, à celui qui seroit cause du divorce: encores Anastase¹ permit la separation du consentement des deux parties sans peine: ce que Iustinian² a defendu. chacun peut iuger en soy-mesme, si l'un est plus expedient que l'autre.

Mais quelque changement & varieté de loix qui puisse estre, il n'y a jamais eu loy ny coustume, qui ayt exēpté la femme de l'obeissance, & nō seulement de l'obeissance, ains aussi de la reuerēce³ qu'elle doit au mari, & telle que la loy⁴ ne permettoit pas à la femme d'appeler le mari en iugement sans permission du magistrat. Or tout ainsi qu'il n'y a rien plus grād en ce monde, cōme dit Euripide, ny plus necessaire pour la conservation des Republicques, que l'obeissance de la femme au mari: aussi le mari ne doit pas sous ombre de la puissance maritale, faire vne esclave de sa femme: cōbien que Marc Varrō veut que les esclaves soiēt plustost corrigez de paroles que de batures, à plus forte raison la femme, que la loy⁵ appelle cōpaigne de la maison diuine & humaine: cōme nous monstre assez Homere⁶ introduisant Iupiter, qui reprend sa femme, & la voyant rebelle, use de menaces, & ne passe point outre. Et mesme Caton, qu'on disoit estre l'ennemy iuré des femmes, ne frappa⁷ jamais la sienne, tenāt cela pour sacrilege: mais bien sçavoit il garder le rāg & la dignité maritale, qui retient la femme en obeissance: ce que ne fera jamais celui, qui de maistre s'est faict compaignon, puis serviteur, & de serviteur esclave:

b iij

8. Plurar. in Æmilio.

9. l. consensu, de repud. C. l. ult. eod. Bald. in l. r. quod scimus de latina. libert. Panor. consil. 328. lib. 4. Iaso & Alexand. in l. si ab hostib. soluto mat. tri.

1. l. si constante, de repud.

2. l. authore quod hodie. eod.

3. l. i. quod autem de rei vxoria. C. l. alia § vbi. soluto.

4. l. generaliter de in ius vocand. Decius in l. ult. eod. in fine. C.

5. l. aduersus, de crimine expilata. C. 6. lib. 1. Iliad.

7. in vita Catonis cēforij. Plutar.

3. Arist. lib. 2. 10. lit.
Plutar. in Laconic.
9. Tranquil. in
Claudio. l. vxorem
de legat. 3. lititia.
§ qui marito. de
ann. leg. & in l. ult. §.
vxor. de auro & arg.

1. l. forminae de senat.
l. cum te. l. ult. de
nupt. l. ult. de in-
colis. C. Bartol.
Fulgo. Castrenf. l. aso
in l. ult. de verb. si-
gnif. Guido papa cō-
fi. 2. 7 & decif. delph.
196 349. 379.

2. Bart. in. l. 1. de dig.
C. Castrenf. in d. l.
ult. de verb. sig. Cor-
ne. cōfil. 55. col. 4. lib.
1 & cōfil. 26. lib. 4.
3. l. 1. ad municipal.
Plutar. de claris mu-
lierib.

4. Bart. Angel. Plat. in
l. exemplo. de decu-
rio. C. Barbat. cōfil.
57. Benedic. in cap.
Raynutius prin. nu.
15. Aretin & Felin in
cap. super eo. de tes-
tib.

5. lib. 3. Bal. in l. ult. de
seruis fugit. 6 d. l. for-
minae de senator.

7. Accurs. Bartol.
Angel. Plate. in l. ci-
ues de incolis. C.
Bal. cōfil. 139. lib. 5.
8. l. quicunque. de re
militari. C. Corne.
cōfil. 41. col. ult.
lib. 1.

9. l. cum uadam de
iurisdic. ff. l. exigere.
de iudic. l. ea que. l.
ult. ad municip.

1. l. origine. & ibiglo.
eod. Bal. cōfil. 351.
col. 2. lib. 1. & cōfil.
411. lib. 1.

2. Odofred. in l. 1. de
vxor. milit. C. Cune⁹
& Albericus in l. ob-
seruare de offi. pro-
cōsu. Bal. Roma An-
gel. Alexād in l. si cū
dotem. §. si maritus.
solutio. Innocent.
Hostiens. Panor.
Antoni. Cardinalis
vicerque in cap. de
illis desponsa & in
cap. 1. de coniugiis
leprof

3. l. in rebus de iure
dot. C. l. si ego. §. do-
tis eod. ff. 4. l. iurisdic-
tium. §. si plagij. de
pactis. l. generaliter
de verb. obligati.

comme on reprochoit⁸ aux Lacedemoniens, qui appelloiēt leurs fem-
mes maistresses & dames: ce que faisoient bien aussi les Romains,⁹ ayans
ja perdu la dignité maritale, & la marque virile de commander aux fem-
mes. Combien que celles, qui prennent si grand plaisir à commander
aux maris effeminez, ressemblent à ceux, qui aiment mieux guider les
aueugles, que de suiure les sages & clairuoyans.

Or la loy de Dieu & la langue saincte, qui a nōmé toutes choses selon
sa vraye nature & propriété, appelle le mari Bahal, c'est à dire, le seigneur
& maistre, pour mōstrer qu'à luy appartient de cōmander. Aussi les loix
de tous les peuples, pour abaisser le cueur des femmes, & faire cognoi-
stre aux hōmes, qu'ils doiuent passer les femmes en sagesse & vertu, ont
ordoné, quel'honneur & splendeur de la femme depēdroit du mari. de
sorte que si le mari est noble, il annoblif la femme¹ roturiere: & si la da-
moiselle espouse vn roturier, elle perd² sa noblesse. iacōit qu'il y eust an-
ciennemēt quelques peuples, qui tiroiēt leur noblesse & qualité des me-
res, & non pas des peres, cōme³ les Lyciens, Delphiēs, Xantiques, Iliēs,
& quelques peuples d'Amasie, pour l'incertitude des peres: ou pour a-
uoir perdu toute la noblesse en guerre, cōme en Chāpagne, où les fem-
mes nobles annoblissent leurs maris roturiers, & leurs enfans pour la
cause que i'ay dit. cōbien que tous les Iuriconsultes⁴ tiennēt, qu'il ne se
peut faire par coustume, obstant le droit de tous les peuples, cōmme dit
Herodote: ⁵ qui veut que la femme tienne⁶ la condition, & suiue la qua-
lité du mari, & le païs,⁷ & la famille,⁸ & le domicile,⁹ & l'origine: & ores
que le mari fust banni & vagabond, neantmoins la femme le doit¹ sui-
ure, & en celà tous les Iuriconsultes & Canonistes s'accordent.² Aussi
toutes les loix & coustumes ont fait le mari maistre des actions de la
femme, & de l'vsufruit de tous les biens qui luy escheent,³ & ne permet-
tent que la femme puisse ester en iugemēt, soit en demandant ou defen-
dant sans l'auctorité du mari ou du iuge à son refus: qui sont tous argu-
mens indubitables, pour monstrier l'auctorité, puissance, & commande-
ment, que le mari a sus la femme de droit diuin, & humain: & la sugetiō,
reuerence, & obeissance, que doit la femme au mari en tout honneur &
chose licite. Je sçay qu'il y a plusieurs clauses & conuentions és traittez
de mariages, où les femmes ont stipulé, qu'elles ne seroiēt en rien suget-
tes aux maris: mais telles pactiōs & stipulations ne peuuent empescher
la puissance & auctorité du mari, attendu qu'elles sont cōtraires au droit
diuin & humain, & à l'honnesteté publique, & sont de nul effect & va-
leur, de sorte mesme,⁴ que les sermens n'y peuuent obliger les maris.

DE LA PVISSANCE PATERNELLE,

Et sil est bon d'en vser comme les anciens Romains.

CHAP. II II.

Le



Le droit gouuernemēt du pere & des enfans gist à bien vser de la puissance, que Dieu a donné au pere sur ses enfans propres, ou la loy sur les enfans adoptez, & en l'obeissance, amour, & reuerence des enfans enuers les peres. Le mot de puissance, est propre à tous ceūx qui ont pouuoir de commander à autrui. Ainsi le Prince, dit Seneque, cōmande aux sugets, le magistrat aux citoyens, le pere aux enfans, le maistre aux disciples, le capitaine aux soldats, le seigneur aux esclaves. Mais de tous ceux là, il n'y en a pas vn, à qui nature donne aucun pouuoir de commander, & moins encores d'asservir autrui, horsmis au pere, qui est la vraye image du grand Dieu souuerain, pere vniuersel de toutes choses, comme disoit Procle Academicien. Aussi Platon ayāt en premier lieu articulé les loix, qui touchent l'honneur de Dieu, il dit, que c'est vne preface de la reuerence que l'enfant doit au pere, duquel, apres Dieu, il tient la vie, & tout ce qu'il peut auoir en ce monde. Et tout ainsi que nature oblige le pere à nourrir l'enfant, tant qu'il est impuissant, & l'instruire en tout honneur & vertu : aussi l'enfant est obligé, mais beaucoup plus estroictement, d'aimer, reuerer, seruir, nourrir le pere, & ployer sous ses mādemes en toute obeissance, supporter, cacher, & couvrir toutes ses infirmités & imperfectiōs, & n'espargner iamais ses biens, ny son sang, pour sauuer, & entretenir la vie de celuy, duquel il tient la fiēne. Laquelle obligatiō ores qu'elle soit sēlée du seau de nature, voire qu'elle porte executiō parée, si est-ce toutesfois pour mōstrer combiē elle est grande, il n'y en a point de plus certain argumēt, que le premier cōmandement¹ de la secōde table, & seul en tous les dix articles du Decalogue, qui porte son loyer : ² combiē qu'il n'est deu aucun loyer à celuy, qui est obligé de faire quelque chose, mesmement par obligatiō si estroicte, que toutes les loix diuines³ & humaines en sont pleines. Au contraire, nous lisons, que la premiere maledictiō, qui soit en la Bible, ⁴ est celle qui fut donnée à Cham, pour n'auoir pas couuert la honte de son pere. Et non sans cause les enfans anciennement estoient si ialoux⁵ les vns des autres, à qui emporteroit la benedictiō du pere, craignant plus sa maledictiō que la mort. Et de fait le ieune Torquatus⁶ estant chassé de la maison de son pere, se tua de regret. C'est pourquoy Platon⁷ disoit, qu'il faut bien sur tout prédre garde aux maledictiōs & benedictiōs, que les peres dōnent aux enfans : & qu'il n'y a priere que Dieu plus volontiers exauce, que celle du pere enuers ses enfans. Si donc les enfans sont si estroictement obligez à seruir, aimer, obeir, & reuerer les peres & meres, quelles peines meritēt ceux-là, qui sont desobeissans, irreuerēs, iniurieux? quel supplice peut estre assez grand à celuy, qui frappe le pere ou la mere? car quāt au meurtrier du pere, ou de la mere, il ne s'est iamais trouué iuge, ny legislateur, qui sceust imaginer tormēs suffisans pour vn cas si execrable, quoy que la loy Pōpeia⁸ des Parricides, ait

1. Exodi 21.

Deuterono. 5.

2. Deuteron. 11. & 22.

3. Ezechiel. 22.

4. Genes. 7.

5. Genes. 27. 28.

6. Valer. Max. lib. 2.

7. In lib. de legib.

8. l. ad. l. Pompei.

9. Cicero pro Roscio
perduel.

1. lex Seruia his ver-
bis concepta est a-
pud Festum Pomp.
Si parentem puer
verberarit, aut olle
plorasset, parentes,
puer diuis sacer esto
aut, inquit, pro certe:
plorasset, proclama-
rit. id est, capitale
supplicium irrogan-
dum ei est eatenus,
ut lachrymæ, vox, &
clamor meritum do-
lorem testificentur.
2. l. diuus. ad l. Pom-
peiam de parricid.
3. Leuit. 20.
Deutero. 27.
Exod. 21.

ordonné vn torment plus estrange, que digne d'un tel crime: & encores que nous en ayons veu vn de nostre memoire, qui a esté tenaillé, puis rompu sur la rouë, & en fin brulé: si est-ce qu'il n'y auoit homme, qui n'eut plus d'horreur de sa meschâceté, que de frayeur de sa peine, & qui ne confessast, qu'il meritoit plus qu'il ne souffroit. Aussi le sage Solon interrogé pourquoy il auoit oublié la peine du Parricide, fist respõse, qu'il ne pensoit pas qu'il y eust homme si detestable, qui voulust commettre vn acte si meschant.⁹ qui estoit sagement respondu. car le sage legislateur ne doit iamais faire mention d'un crime, qui n'est point, ou bien peu cogneu, affin qu'il ne donne exemple aux meschans d'en faire l'essay. mais si le crime est grand, & execrable, il ne doit pas le couler par souffrance, ny le monstrer aussi au doigt & à l'œil: ains par circonstances, & peines qui en approchent. comme nous voyons la loy de Dieu n'auoir establi aucune peine au meurtrier du pere ou de la mere, ny mesmes à celuy qui a frappé l'un ou l'autre (comme la loy Seruia,¹ qui condamne à mort pour tel crime) mais elle donne plein pouuoir, & puissance au pere, & à la mere de lapider l'enfant desobeissant, & veut qu'ils en soient creus, & que l'exécution se face en presence du iuge, & sans qu'il luy soit permis de s'enquerir de la verité, ny d'en prendre aucune cognoissance. car en ce faisant, l'enfant n'estoit pas tué en cholere, comme il peut aduenir, ny en secret, pour couvrir le deshõneur de la maison, ainsi que nous voyons en nos loix vn pere auoir tué son fils à la chasse, pour auoir incestué sa belle mere: c'est, dit la loy,² tuer en voleur: car le principal fruit de la peine, est qu'elle soit exemplaire à tous. L'autre article de la loy³ de Dieu veut, que l'enfant qui aura mesdit au pere, ou à la mere, soit executé à mort: & en donne la cognoissance aux iuges, ne laissant pas la peine à la discretion des peres & meres, affin que le crime ne demeure impuni. car l'amour du pere & de la mere est si ardent enuers leurs enfans, qu'ils ne voudroient pas que la iustice en eust iamais la cognoissance, encores que leurs enfans les eussent frappez à mort: comme de fait il aduint à Chastillon sur Oing, l'an M. D. L X V. que le pere ayant receu vn coup d'espee à trauers le corps par son fils, luy voulant dõner vn soufflet, il ne cessa de crier apres son fils, iusques à la mort qu'il s'en fust, craignant qu'il tombast entre les mains de iustice, & qu'il fust executé à mort, ainsi qu'il fut les pieds pendus contremõt quelque temps, & vne pierre au col, & puis brulé tout vif, renonçant à l'appel par luy intergetté de la sentence. qui montre assez l'estrange & violente passion d'amour du pere enuers ses enfans. nous en auons aussi de nostre temps vn exemple de la mere, qui aimoit mieux souffrir estre mesprisee, iniurée, batue, frappee & foulée aux pieds par son propre fils, que de s'en plaindre au iuge, qui laissoit tout cela impuni, iusques à ce qu'il eut fait ses ordures au potage de sa mere (il faut que la posterité sçache ceste vilainie) alors le iuge condamna le fils à faire amende honorable, & requerir pardon à

la mere. le fils en appelle au Parlement de Toulouze, où il fut dit mal iugé, & en amendant le iugement, il fut condamné à estre brulé tout vif, sans auoir esgard aux cris, & lamentations de la mere, qui protestoit luy pardonner, & n'auoir receu aucune iniure. Seneque parlant du pere, qui chassé seulement son fils de sa maison, O que le pere, dit-il, coupe ses membres à grand regret, combien il fait de souspirs en les coupant, combien de fois il pleure apres les auoir coupez, & combié il souhaite les remettre en leur place.

Tout ce que j'ay dit, & les exēples, que j'ay deduiets de si fraiche memoire, seruiront pour monstrier, qu'il est besoin de rendre aux peres la puissance de la vie & de la mort, que la loy de Dieu & de nature leur donne: loy, quia esté la plus ancienne qui fut onques, cōmune aux Perles, & aux peuples de la haute Asie, cōmune aux Romains, aux Hebreux, aux Celtes, & pratiquée en toutes les Indes Occidentales auparauant qu'elles fussent assugetties des Espagnols: autrement il ne faut pas esperer de iamais voir les bonnes meurs, l'hōneur, la vertu, l'ancienne splendeur des Republiques restablies. Car nostre Iustinian³ s'est abusé de dire, qu'il n'y auoit peuple, qui eust telle puissance sus leurs enfans, que les Romains, & ceux qui ont suiui son opinion. nous auons la loy de Dieu, qui doit estre sainte & inuiolable à tous peuples. nous auōs le tesmoignage des histoires Greques & Latines, pour le regard des Perles,⁴ des Romains,⁵ & des Celtes,⁶ desquels parlāt Cesar en ses memoires: Les Gaulois, dit-il, ont puissance de la vie & de la mort sus leurs enfans, & sur leurs femmes, aussi bié que sus leurs esclaves. Et combié que Romule,⁷ en la publication de ses loix, eust limité la puissance de la vie & de la mort, qu'il dōnoit aux maris sus les femmes, en quatre cas: si est-ce qu'il ne limita riē pour le regard des peres, leur dōnant pleine puissance de disposer de la vie & de la mort de leurs enfans, & sans qu'ils peussent rien acquerir,⁸ qui ne fust aux peres. Et non seulement les Romains auoient telle puissance sus leurs propres enfans, ains aussi sus les enfans d'autrui par eux adoptez.⁹ Laquelle puissance deux cens soixante ans apres fut ratifiée, & amplifiée par les loix des douze¹ tables: qui donnerent aussi puissance au pere de vendre ses enfans, & s'ils se rachepsoient, les reuendre iusques à trois fois. loy, qui s'est trouuee du tout semblable aux Isles Occidentales, cōme nous lisons en l'histoire des Indes. Et encores à present il est permis au pere en tout le païs de Moscouie, & de Tartarie, de vendre iusques à quatre fois inclusiuement ses enfans: puis s'ils se rachepsoient, ils sont afranchis du tout. Par le moyé de ceste puissance paternelle, les Romains ont fleuri en tout hōneur & vertu, & souuēt la Republique a esté releuee de sa cheute inuitable par la puissance paternelle, alors que les peres venoiēt tirer² leurs enfans magistrats de la Tribune aux harangues, pour les empescher de publier ny loy ny requeste, qui tendist à sedition. & entre autres Cassius getta son fils hors la Tribune, & le fist mourir, pour auoir publié la loy

3. in tit de patria po-
in institut.

4. Aristot. in polit.
5. l. in suis. de liberis
& posthu
6. Cesar lib. 6. com-
mentar.
7. Dionys. halicar.
lib. 2.

8. l. placuit. de ac-
quir. heredit.

9. Gell. lib. 5 c. 19.

1. Gell. lib. 20.

2. Dionys. halicar.
lib. 2.

des heritages, demeurans les huissiers, sergens, magistrats, & tout le peuple estonné, sans oser luy faire aucune resistance, encores que le peuple voulust à toute force qu'on publiast la loy. Qui monstre non seulement que ceste puissance paternelle estoit comme sacrée & inuiolable, ains aussi que le pere pouuoit à tort ou à droit disposer de la vie, & de la mort de ses enfans, sans que les magistrats en peussent prendre cognoissance. Car cōbien que le Tribun Pōponius'eust chargé Torquat enuers le peuple de plusieurs chefs d'accusatiō, & entre autres qu'il greuoit par trop son fils à cultiuer la terre: si est-ce neantmoins, que le fils mesme alla trouuer le Tribun en son liēt, & luy mettant la dague sus la gorge, luy fist iurer, qu'il se desisteroit de la poursuite, qu'il faisoit cōtre son pere. Le Tribun pria le peuple de l'excuser pour le serment qu'il auoit fait. le peuple ne voulut point qu'on passast outre. Par ces deux exemples on peut iuger, que les Romains faisoient plus d'estat de la puissance paternelle que des loix mesmes qu'ils appelloient sacrees, par lesquelles la teste de celuy estoit voüee à Iuppiter, qui auroit seulement atteté de toucher⁴ au Tribun pour l'offenser. Car ils tenoient, que la iustice domestique, & puissance paternelle, estoit vn tresseur fondement des loix, de l'hōneur, de la vertu, & de toute pieté. Aussi nous trouuons les rares & beaux exemples de pieté enuers les peres & meres en la Republique Romaine, qui ne se trouuent point ailleurs. i'en ay marqué vn entre mil, i'en mettray encores vn autre, que tous les peintres du monde ont prins pour embellir leur science, c'est à sçauoir, de la fille, qui allaittoit le pere cōdamné à mourir de l'ancienne peine ordinaire de famine, qui ne souffre iamais' l'homme sain passer le septiesme iour: le geolier ayant espié cest acte de pieté, en auertit les magistrats, & le fait estant rapporté au peuple, la fille obtint la grace pour la vie du pere. combié que les bestes sans raison nous enseignent assez ce deuoir naturel, tesmoing la Ciconne, que la langue sainte, qui nomme les choses selō leur propriété cachée, appelle Chasida, c'est à dire, debonaire & charitable, d'autant qu'elle nourrist ses pere & mere en vieillesse. Et combié que le pere soit tenu d'enseigner & instruire ses enfans, mesmemēt en la crainte de Dieu, si est-ce neantmoins s'il n'a fait son debuoir, l'enfant n'est pas excusé du sien, quoy que Solon par ses loix eust acquité les enfans de nourrir leurs peres, s'ils ne leurs auoient appris vn mestier pour gagner leur vie. Il n'est pas besoin d'entrer en ceste dispute, où il est principalement questiō de la puissance paternelle, de laquelle l'vn des plus grāds biens, qui en resultoit, anciennement estoit la droite nourriture des enfans. Car la iustice publique ne prend iamais cognoissance du mespris, desobeissance, & irreuerence des enfans enuers le pere & mere, ny pareillement des vices, que la licēce desbordee apporte à la ieunesse en excezd'habits, d'yurongnie, paillardise, jeux de hazard, n'y mesmes de plusieurs crimes sugets à la iurisdiction publique, que les pauvres parens n'osent decourir,

3. Valer. Max. lib. 4.

4. Dionys. Halicar. lib. 7. & Lilius lib 3.

5. Plin. lib.

6. Leuitici. 11.
Job. 39. חסידה
pia misericors.

couvrir, & neantmoins la puissance de les punir leur est ostée : car les enfans n'ayans aucune crainte des parens, & de Dieu encores moins, se garentiront assez des magistrats, la plupart desquels ne punist ordinairement que les belistres.

Or est il impossible que la Republique vaille rié, si les familles qui sont les pilliers d'icelle, sont mal fondez. Dauantage tous les procez, querelles, & differens, qui sont ordinaires entre les freres & seurs, estoient tous estaincts, & aslopis, tant que le pere viuoit, car les mariages ne luy ostoiét point la puissance, & encores qu'il l'eust emâcipé, ceux qui se marioient, & sortoiét de sa maison pour tenir mesnage à part, ce qu'ils ne faisoient pas aysemēt, neātmoins la reuerēce, & crainte du pere leur demouroit tousiours. C'est vne des causes principales d'où viennēt tant de proces: car on ne voit les magistrats empeschez, qu'à vider ceux qui se prouignent, non seulemēt entre le mari, & la femme, ains aussi entre les freres, & seurs, & qui plus est entre les peres, & les enfans. Or la puissance paternelle estant peu à peu lachée sus le declin de l'Empire Romain, aussi tost apres s'euanoit l'ancienne vertu, & toute la splendeur de leur Republique, & au lieu de pieté, & de bonnes meurs, il s'en ensuiuit vn million de vices, & de mechancetez. Car la puissance paternelle de la vie, & de la mort, fut ostée peu à peu par l'ambitiō des magistrats, pour attirer tout à leur cognoissance, & cela aduint apres la mort d'Auguste, depuis lequel temps on n'estoit quasi empesché qu'à punir les parricides: cōme nous lisons en Seneque,⁷ lequel adressant sa parole à Neron. On a plus veu, dit-il, punir de Parricides en cinq ans sous le regne de vostre pere, que iamais on n'auoit veu depuis la fondation de Rome. Or il est bien certain que pour vn Parricide qu'on punist, il s'en cōmet dix, estant la vie du pere, & de la mere exposée à mil mors, si la bōté de nature, & la crainte de Dieu ne retient les enfans. Et ne se faut pas esmerueiller si Neron ne fist point de conscience de tuer, ny de repentence d'auoir tué sa mere, car c'estoit alors vn crime tout cōmun : mais Seneque ne dit pas la cause, c'est à sçauoir, qu'il falloir⁸ que le pere pour chastier l'enfant, allast au magistrat l'accuser, ce que iamais les anciens Romains n'auoiēt souffert. Et mesme le Senateur Fuluius du temps de Ciceron, fist mourir son fils, pour auoir eu part à la coniuration de Catilina, de sa pleine puissance. & encores du temps d'Auguste, le Senateur Tarius fist le procez à son fils d'un crime capital, & appella Auguste pour venir en sa maison luy dōner conseil, en qualité de particulier, & ne se mit pas, dit Seneque, en la place du Iuge. Aussi voyons nous que par la loy Pompeia⁹ des Parricides, tous les parens sont comprins sous la peine de la loy horsmis le pere : mais il apert assez que du temps d'Vlpian, & de Paul Iurisconsultes, les peres n'auoient plus telle puissance de la vie & de la mort : car l'un² dit que le pere doit accuser le fils deuant le magistrat : l'autre que les enfans n'ont que plaindre, si le pere les desherite, attendu qu'ils pou-

7. lib. i. de clementia.

8. l. inauditum. ad l. cornel. de sicar.

9. Salust in bello Catilin.

1. l. i. ad l. Pompeiam.

2. l. inauditum. ad l. cor. de sicar.

3. l. in suis de liberis & posthu.

4. l. i. de emendat. propinq. C.

5. l. si filius de patria pot. C.

6. l. 2. que sit longa consuet. C.

7. l. i. de bonis maternis. C.

8. l. cum oportet de bonis que liberis.

9. Liabemus. de emancipat. C. Nouel. quibus modis naturales. §. generaliter collat. 7. l. cum in adoptiuis. §. i. de adopt. C.

1. l. i. §. nec castrense de collat. bon. l. i. de castrensi pecul. C. l. fori. l. aduocati. de aduocatis diuer. iudicior. C. l. siue emancipatus. C. Alexand. consil. 142. lib. 2.

2. l. si quando §. generaliter. de inoff. test. C. l. peto de legat. 2. l. etiam. §. si debet. de bon. liber. & l. si non de inoff. test. C.

3. l. i. §. si parens. si quis à parente man.

4. sic definit Bald. in l. illud de collat. & Jacob. arena in l. vt lib. cod. C. & Odrad. & Nicol. de mat. cod. Jacob. Butrig. in l. scimus de inoff. test. C. Alexand. consil. 242. lib. 2.

5. cum relatorum sit eadem ratio. l. vlt. de indicta viduit. C. l. vlt. de except. l. i. de consil. lib. authet. 82.

uoient anciennement, ³ dit-il, les mettre à mort. l'un & l'autre fut du temps de l'Empereur Alexandre : & neantmoins il ne se trouue point de loy qui ayt osté la puissance de la vie & de la mort aux peres, iusques à Constantin le grand, ⁴ encores sa loy n'est pas derogatoire en termes exprés. & mesmes Diocletian ⁵ peu d'annees auparauant Constantin dit que le Iuge doit donner la sentence contre le fils telle que le pere voudra. Or est il certain en termes de droit ⁶ que la coustume pour inueteree qu'elle soit, ne peut oster l'effect de la loy, si n'y a loy contraire portant derogation expresse : & se peut tousiours l'ancienne loy ramener en vsage. Depuis que les enfans eurent gaigné ce poinct par la souffrance des peres, de s'exempter de leur puissance absoluë, ils obtindrent aussi du mesme Empereur, que la propriété des biens maternels leur demeureroit : ⁷ & puis sous l'Empire de Theodose le ieune, ils arracherent vn autre edict pour tous biens generalement, qu'ils pourroient acquerir en quelque sorte que ce fust, demeurant seulement l'usufruit aux peres ⁸ qui ne pourroient aliener la propriété, ny en disposer en sorte quelconque. encores n'ont ils propriété ny usufruit en pays coustumier, ce qui a tellement enflé le cueur des enfans, que bien souuent ils commandent aux peres, qui sont contraincts d'obeir à leurs volonte, ou mourir de faim. Et au lieu de restreindre la licence des enfans, & entretenir en quelque degré la puissance paternelle, Iustinian n'a pas voulu que le pere peust emanciper ses enfans sans leur consentement : ⁹ c'est à dire, sans leur faire quelque auantage, au lieu que l'emancipation estoit anciennement le tesmoignage, & loyer de l'obeissance filiale. mais apres auoir perdu la dignité paternelle, les enfans commencerent à trafiquer avec les peres pour les emancipations, en sorte que les dōs faicts par le pere aux enfans, pour auoir quelque estat, ou office, leur demeuroient en pur gain, ¹ & ce qu'ils donnoient en les emancipant, ne leur estoit precompté en auancement de droit successif, si l'acte d'emancipation ² ne le portoit. qui se pratique encores au iourd'huy en tous les pays de droit escrit. & si le fils est riche par son industrie, ou autrement, il se fait emanciper par le pere en luy donnant quelque chose, qui luy est compté pour droit de legitime, ³ auenant la mort du fils deuant le pere, encores qu'il ne soit dict par l'acte d'emancipation, ou mesmes qu'il fust dict que c'est pour recompense de l'emancipation, cela neantmoins luy tient lieu de legitime : ⁴ tellement que le pere est en danger de mourir de faim, si n'a autres moyens. combien que l'equité naturelle veut que la raison soit reciproque, ⁵ quand ores le fils ne seroit en rien tenu au pere : & ils font la condition du pere beaucoup pire que celle du fils : qui est tenu par toutes les loix diuines, de nourrir le pere tant qu'il viura : & le pere n'est tenu de nourrir le fils, mesme par l'ancienne loy de Romule, que iusques à sept ans. Avec toutes ces indignitez encores Iustinian a exempté tous les

Patrices

Patrices, Euesques, & Consuls de la puissance paternelle qui leur restoit: & en cas pareil ceux qui entrent és monasteres⁷ & en pays coustumier, outre ce que j'ay dit, on a exempté les mariez, & ceux qui ont esté dix ans absens hors la maison du pere. qui a fait que les Jurisconsultes Italiens⁸ ont escrit, que les François ne sont point en la puissance du pere: comme à la verité il n'en reste qu'une ombre imaginaire, quand le pere auctorise ses enfans pour les actes legitimes, ou pour les retraicts feodaux, & lignagers, de ce que le pere a vëdu: ou pour apprehender vne succession douteuse: alors le pere emancipe son fils. Et combien que Philippe de Valois emancipa⁹ son fils Iean, pour luy donner le Duché de Normandie: neantmoins l'emancipation ne seruoit de rien, non plus que celles qu'on fait ordinairement, veu que le donateur, ny le donataire, ny la chose donnee n'estoient tenus en rien qui soit du droit escrit, & que les peres en pays coustumier n'ont rien és biens des enfans. Apres auoir ainsi despouillé les peres de la puissance paternelle, & des biens acquis à leurs enfans, on est venu à demander si le fils se peut defendre, & repousser la force iniuste du pere par force: & s'en est trouué¹ qui ont tenu l'affirmatiue: comme fil n'y auoit point de difference entre celuy qui a commandement, & chastiment sur autrui, & celuy qui n'en a point. Et s'il est ainsi que le soldat qui auoit seulement rompu le baston de vigne² de son capitaine, quand il frapoit à tort ou à droit, estoit mis à mort par la loy³ des armes, que merite le fils qui met la main sus le pere? On a passé plus outre, car on a bien osé penser, voire escrire, & mettre en lumiere, que le fils peut tuer le pere, s'il est ennemi de la Republique: ce que ie ne toucherois, si les plus estimez ne l'auoient ainsi resolu.⁴ Je tiens que c'est vne impieté, non seulement de le faire, ains aussi de l'escrire: car c'est absoudre les parricides qui l'auront fait, & donner courage à ceux qui n'osoient le penser, & les inviter ouvertement à commettre chose si detestable, sous le voile de charité publique: mais disoit vn ancien autheur, *° nullum tantum scelus à patre admitti potest quod sit parricidio vindicandum*. O que de peres seroient ennemis de la Republique, si ces resolutions auoient lieu! Et qui est le pere qui pourroit en guerre ciuile eschaper les mains d'un enfant parricide? car on sçait bien qu'en telles guerres, les plus foibles ont le tort, & que les plus forts declarent tousiours les autres ennemis de la patrie. Et hors la guerre ciuile, celuy est l'ennemi de la Republique, non seulement qui a donné conseil, confort & ayde aux ennemis, ains aussi qui leur a presté, ou vendu bien cher des armes, ou des viures. Et mesmes par les ordonnances d'Angleterre publiees l'an M. D. L X I I. ayder aux ennemis en quelque sorte que ce soit, est appellé crime de haulte trahison. Et toutefois ces maistres d'eschole, n'en font point distinction. Or il est aduënu de ces resolutions, ce que la posterité ne croira pas, que vn banni de Venize ayât apporté la teste de son pere banni comme luy,

7. Accurs. in l. si ex causa §. Papin. de minor. Bart. Angel. Alexan. ad Bart. notat. Ludo. Bolognin. in authent. ingrem Alberic. cod. Alexan. Iaso. Roman. in l. sub conditione. de liber & post
8. Accurs. in tit. de patria pot. §. vlt. in instit. Bal. in c. i. §. si dono. de matr. de nouo benef.
9. anno 1331. Februar. 17.

1. Bart. in l. vlt. vim de instit ff.

2. Vitibus feriebam hic milites. Plin. lib. 12.

3. l. omnis de re milit.

4. Bart. in l. si adulterium. §. liberto. de adult. Angel. Aretin. & Imola in l. triticū. de verb. oblig. Salicet in l. i. de iis qui parentes. C. ex l. minime. de religioso. Panormit. consilio. 104. lib. 1.

5. Quintil. decl. 286.

5. l. i. ad l. Iul. maiest. stat.

2. in statutis Venet.
& edicto Mediolani
anno. 1564. Augusto
Mense.

4. l. non omnes de
re militari.

6. l. humilem & au-
thent. ex complexu.
de incestis & inuti-
lib. C. Bart. in l. sug-
gestio. de verb. sig.
C. Alexand. consil.
60. lib. 2. Guido Pa-
pus quest. de l. 380.
Affic. decis. 165. Bart.
in l. si vt proponis.
de dignit.
7. l. cum furiosus de
curat. furi. C. l. ult. fa-
mil. erisc.
8. l. si tutor. de inter-
dicto matri. C. l. si
verò. §. penul. de a-
dopt. l. non solum. §.
de vno. de ritu nupt.
2. l. i. ad l. Pompeiam.
o. l. marito. ad l. Iul.
de adult. ff.

demanda le retour en son pays, biens & honneurs, suyuant l'ordonnan-
ce² de Venise pratiquée presque en toute l'Italie : & obtint loyer de son
execrable desloyauté. Il vaudroit peut estre mieux que leur cité fust a-
byssinée qu'un tel cas fust aduenü. Le Roy de France receut en bõne part
l'excuse de Maximilian Roy de Boheme, l'an M. D. LVI. de ce qu'il auoit
refusé saufconduit au Duc de Wittemberg pour les Ambassadeurs de
France, cõfessant que c'estoit enfreindre le droit des gens : neantmoins
il dist qu'il n'osoit desobeir à son pere. Et si il est licité de violer le droit
des gens pour obeir au pere en si peu de chose, quelle raison, quel argu-
ment pourroit on trouuer, quel qu'il fust, d'attenter à la vie du pere? Et
combien que tel parricide soit fort detestable, si est-il encores plus per-
nicieux pour la consequence. car puisque on dõne loyer à celuy qui tue
son pere pour quelque couleur que ce soit, qui est celuy qui sera assuré
des freres, & proches parés! Et dẽ fait il est aduenü l'an M. D. LXVI. que
Sampetre Corse fut tué par son cousin germain, qui eut dix mil escus
pour le taillõ qui auoit esté leué, par ordõnance de la seigneurie de Ge-
nes. Il estoit bien plus expedient de suiure Ciceron, lequel n'a pas seule-
ment voulu coucher par escrit les mesmes questions formées par deux
anciẽs Philosophes Antioque & Antipater, ains les a cuitées comme vn
precipice haut & glissant. Ioint aussi que la loy⁴ resiste formellement &
defend de permettre aucun loyer au banni, pour tuer les brigans, enco-
res que l'Emperer Adrian fust bien d'auis qu'on pardonnast la faute au
banni. ie di donc qu'il est bien expedient, que les Princes & legislateurs
remettẽt sus les anciennes loix, touchãt la puissance des peres sur les en-
fans, & qu'ils se reglent selon la loy de Dieu : soient enfans legitimes, ou
naturels, ou l'un & l'autre ensemble, pourueu qu'ils ne soient point cõ-
ceus par inceste, que les loix diuines & humaines ont tousiours eu en
abomination.⁶ Mais on dira, peut estre, qu'il y a danger que le pere fu-
rieux, ou prodigue abuse de la vie, & des biẽs de ses enfans. Je responds
que les loix ont pourueu de curateurs à telles gẽs, & leur ont osté la puis-
sance sur autrui, attẽdu qu'ils ne l'ont pas sur eux-mesmes. Si le pere n'est
point insensé, iamais il ne luy aduiendra de tuer son enfant sans cause. &
si l'enfant l'a merité, les magistrats ne s'en doiuent point mesler. car l'af-
fection & amour est si grande des pere & mere enuers les enfans, que la
loy n'a iamais presumé qu'ils facent rien qu'au profit & honneur des
enfans : & que toute suspicion de fraude⁸ cessẽ pour le regard des peres
enuers leurs enfans. Et qui plus est, ils oublient souuent tout droit diuin
& humain pour les faire grands à tort ou à droit. Et pour ceste cause, le
pere ayant tué son fils, n'est point suget à la peine² des parricides : car la
loy n'a pas presumé qu'il voulust faire sans bonne & iuste cause : & luy a
donné priuatiuemẽt⁹ à tous autres, puissance de tuer l'adultere, & sa fil-
le trouuez sus le fait. Qui sont tous argumẽs necessaires, pour monstrier
qu'il ne faut pas craindre que les peres abusent de leur puissance. Mais

on repliquera, qu'il s'en est trouué, qui en ont abusé: soit, ie dy neantmoins, que iamais sage legistateur ne laissa à faire vne bonne loy, pour les inconueniens, qui aduiennent peu³ souuent. Et où fut oncques loy si iuste, si naturelle, si necessaire, qui ne fust sugette à plusieurs inconueniens? & qui voudroit arracher toutes les loix, pour les absurditez qui en resultent, il n'en demeureroit⁴ pas vne. Brief ie dy, que l'amour naturel des pere & mere enuers leurs enfans, est impossible, & incompatible avec la cruauté, & que le plus grand tourment, que peut endurer vn pere, c'est d'auoir tué son fils: comme de fait il est aduenü de nostre memoire au pays d'Anjou, qu'un pere ayant, sans y penser, tué son fils d'une mote de terre, se perdit à l'heure mesme, encores que personne n'en sceust rien. Aussi les⁵ Égyptiens, pour toute peine qu'ils ordonnoient au pere, qui auoit tué son enfant à tort & sans cause, c'estoit, de le enfermer trois iours aupres du corps mort. car ils tenoient pour chose detestable, que pour la mort du fils on ostant la vie au pere, duquel il tenoit la sienne. Encores peut on dire, que si les peres auoient la puissance de la vie & de la mort sus leurs enfans, qu'ils pourroient les contraindre à faire chose contre la Republique. Ie responds, que cela n'est pas à presumer: & toutefois quand bien il seroit ainsi, les⁶ loix y ont sagement pourueu, ayant de tout temps exempté les enfans de la puissance des peres, en ce qui touche le public: comme aussi fist bien entendre Fabius Gurgés: car estant Consul, & voyant, que son pere venoit à luy monté à cheual, il commanda à vn huissier de le faire descendre, qui le trouua fort bon, faisant honneur à son fils, & le caressant, pour auoir bien entendu sa charge. Et tant s'en faut, que les sages peres voulussent rien commander à leurs enfans, qui portast coup au bien public, que mesmes il s'en est trouué, qui les ont fait mourir, pour auoir contreueu aux loix publiques: cōme fist Brutus ses deux enfans, & Torquat le Consul, qui fist triompher son fils en son camp, pour auoir vaincu son ennemi au combat, & puis luy fist trancher la teste, pour auoir combatu contre sa defense, suiuant la loy des⁷ armes. Il y a encores vne obiection pour le regard des biens des enfans, s'ils estoient en la pleine disposition des peres, ils pourroient sans cause desheriter les vns, & enrichir les autres. Ie responds, que les loix y ont aussi pourueu, faisant ouuerture de la iustice aux enfans desheritez sans⁸ cause. combien que l'ancienne façon des Romains estoit encores plus loüable, de ne receuoir iamais l'enfant à debatre la volonte du pere, par voye d'action, ains seulement⁹ par voye de requeste, & parlant du pere defunct en toute humilité, hōneur, & reuerence: laissant le tout à la discretion & religion des iuges. mais depuis que les Preteurs, qui ne pouuoient donner les successions, donnerent la possession des biens qui valoit¹⁰ autant, & qu'on les eut attachez à certaines legitimes, & ordōnnāces testamētaires, aussi tost on apperceut la desobeissance & rebellion des enfans. qui fut la seule¹¹ cause, que l'un des

3. l. 3. 4. 5. de leg. ff.

4. Cato in oratione pro lege Oppia apud Liuium lib. 35.

5. Diodor.

6. l. ille à quo. §. vlt. ad Trebel.

7. l. 3. de re milit. ff.

8. Nouel. vt cum de appellatione. §. causas.

9. toto tit. de inoff. testam.

10. l. i. de bonor. poss. ff.

11. Plutar. in Lycur.

Ephores publia la loy testamentaire en Lacedemonne, à ce qu'il fust dès lors en aūt permis à chacun de faire heritier qu'il voudroit, n'ayāt autre occasion que l'arrogance de son fils, auquel la succession du pere ne pouuoit fuir par la coustume du pays. O que si cela auoit lieu par tout, qu'on verroit les enfans obeissans, & seruiables aux pere & mere: & cōbien ils auroient peur de les offenser. Mais affin de trancher la racine à tous les arguments qu'on peut faire, nous auōs la loy de Dieu expresse, qui pour le moins nous garentira de tous inconueniens, pour le regard de la puissance de la vie & de la mort, donnee aux pere & mere sur leurs enfans, encores que les biens fussent en la disposition de la² loy.

2. Numeri 23.

Nous auons dit, que la puissance paternelle s'estend aussi enuers les enfans adoptez: & combien que le droit des adoptiōs estant decheu peu à peu, soit presque estaint, par le moyen des loix de Iustiniā, lequel voulant retrancher les abus qui s'y commettoient, l'a presque ancāt: neātmoins il est bien certain, que c'est vn ancien droit, & commun à tous les peuples, & de grāde consequence à toutes Republics. Nous voyons les plus anciens peuples l'auoir eu en singuliere recommandation: & mesme Iacob³ adopta Ephraim & Manassé fils de Ioseph, encores qu'il eust douze enfans viuans, qui en auoient plusieurs autres, & leur donna part & portion des acquests par luy faits. Et quant aux Ægyptiens, nous en auons l'exemple de Moysē, qui fut adopté⁴ comme fils de Roy. Nous voyons aussi Thesee auoir esté adopté solennellement par Ægeus, Roy d'Athenes, le faisant son successeur en l'estat: vray est qu'il estoit son fils⁵ naturel. & depuis ce tēps là, tous les Atheniens qui auoient enfans naturels des femmes d'Athenes, furent contraints les adopter, & les faire enregistrer comme enfans legitimes, & leur laisser leur part & portion des biens comme aux autres, ainsi que nous lisons⁶ es plaidoyez des dix orateurs. car ils n'appelloient bastard,⁷ que celuy qui estoit né de pere, ou de mere estrangere, ores qu'elle fust femme d'honneur. comme aussi tous les peuples d'Orient ne faisoient point ou peu de difference entre les enfans naturels, & legitimes, ainsi que nous voyōs les enfans des chābrieres de Iacob auoir esté en pareil degré de biens, & d'honneurs que les autres legitimes. & mesme Diodore⁸ escrit que les enfans des Ægyptiens conceus des esclauēs, auoient autant de prerogatiue que les autres. car il leur estoit permis⁹ d'auoir tant de femmes qu'ils vouloient. comme aux Perles¹ & à tous les peuples de la haute Asie: coustume que ils ont encores à present, & presque en toute l'Afrique: & n'y auoit, dit Tacite, de tous les Barbares, que les peuples d'Alemagne, qui n'auoient que chacun vne femme. Nous auons rendu la raison en la methode des³ hystoires. Il failloit donc par consequent, que tous les enfans d'vn mesme pere, fussent en sa puissance, soit qu'ils fussent adoptez ou non. Mais les Romains ne faisoient ny mise, ny recepte anciennement des enfans naturels, non plus que d'estrangers, qui ne leur eussent en rien touché, comme

3. Genesi. vii.

4. Exodi i.

5. Plutar. in Thes.

6. Demosthen. contra Boetum. Spudiā, Phœnippum, Macurtatum, Leocharem

7. Nothum vocabūt. Plutar. in Them. & Pericle.

8 lib. 2. c. 3.

9. Herodot. lib. 2.

1. Herod. lib. 3. Iustin. lib. 4. Tertul. lib. ad uxorem.

3. cap. 6.

comme dit⁴ Iustinian, & n'estoient point tenus les adopter, comme les Atheniens, aussi n'auoient ils aucune puissance sur eux : & n'estoient tenus de rien leur laisser, & mesmes Constantin⁵ le defendit. mais Arcadius & Theodose le ieune modererent⁶ la rigueur des loix : & depuis Zenon⁷ l'Empereur ordonna, qu'ils seroient reputez legitimes, par mariage du pere avec leur mere. Et qui plus est, Anastase auoit ordonné, que tous bastards seroient reputez legitimes par adoption : mais Iustin & Iustinian casserent l'edict : & fermerent la porte aux bastards, afin qu'un chacun pensast d'auoir femmes & enfans legitimes : & que les anciennes familles, & droits des successions ne fussent alterez, & troublez par les bastards : demeurant encores neantmoins le droit des adoptions, qui a esté receu pour supployer le defect de nature : & duquel les anciens Romains ont tant fait d'estime, que les peres adoptifs auoient mesme puissance de la vie & de la mort⁸ sur les enfans adoptez, comme sur leurs propres enfans : qui estoit la vraye cause, pour laquelle les femmes ne pouuoient adopter, iusques à l'edict publié par Diocletian.⁹ attédu que elles estoient¹ en la puissance perpetuelle des maris, ou parens : comme aussi en Grece il ne leur estoit permis d'adopter, comme dit l'Orateur² Isæus. Estant donc le droit des adoptions annobly par les Romains, & mesmes alors qu'ils auoient estendu les frontieres de leur Empire plus que iamais, tous les autres peuples en firent d'autât plus d'estime, & iusques aux Goths, Alemans, François, Saliens, comme nous voyons aux loix des Ripuaires, où ils vsent du mot *adfatinir*, pour adopter : tenans les enfans adoptez en mesme degré, que les enfans propres au droit des successions, suyuant le droit³ commun, qui les repute comme heritiers⁴ siés. Aussi lisons nous en Cassiodore, que Theodorich, Roy des Goths, adopta le Roy des Herules : & Luitprand, Roy des Lombards, adopta le fils de Charles Prince de France, en luy coupant les cheveux, encores qu'il eust d'autres enfans : cōme fist Micipsa Roy des Numides, adoptant Iugurtha, encores qu'il eust deux enfans legitimes, laissant à tous trois son Royaume par egales portions. Mais la premiere occasion des adoptions fut prise pour le defect d'enfans, ou pour le moins d'enfans males : cōme Scipion l'aîné n'ayant qu'une fille, adopta le ieune Scipion fils de Paul Æmil, le faisant heritier de son bien, & de son nom : & Cesar le Dictateur n'ayant eu qu'une fille, adopta son neveu, le faisant aussi heritier pour trois quarts, à la charge de porter son nom : car celuy du pere propre estoit diminué, & mis apres le nom du pere adoptif. & Auguste par faute d'hoirs procrez de son corps, adopta Caius, & Lucius, enfans de sa fille, dedans sa maison, les acheptant de leur pere Agrippa, suyuant la forme ancienne, & depuis leur mort adopta Tibere : & cestuy-cy Caligula : & Claude adopta Neron : auquel succedant Galba sans enfans,⁶ adopta Pison deuant son armee : coustume qui depuis fut gardee en l'adoption del'Empereur Aurelian :⁷ & que l'Empereur Iustinian voulut

4. Constitut. nouel. 89.

5. l. de natural. liber. C.

6. l. 2. & 3. cad. Nouel. 89.

7. l. 4. de natura. liber. C.

8. Gel. lib. 5. c. 19.

9. l. mulierem. de adopt. C.

1. Fallit Gellius lib. 5. cap. 19. qui putat, adoptare non potuisse : quia committis interesse non liceret. nam adoptio sine committio fiebat.

2. Isæus, *μητρὶς οὐδὲς ἔχει ἐκπαιντος.*

3. l. ult. de adopt. C. §. sed ea. in Instit. de hereditat. que ab intestato. l. si te parens. de suis. & legit. C. l. pœna. §. & si quidem. de adopt. C.

4. in l. arrogato. §. ult. de adopt. l. certam. de iniusto rupto. l. 1. §. suos. de suis & legit. & §. intestatorum. de hereditat. que ab intestat. instituit.

5. Paul. diacon. lib. sexto, de gestis longobard.

6. Traquil in Galba. 7. Vopiscus in Aureliano.

pratiquer en l'adoptiō de Cosroc, Roy de Perse, qui le refusa, ayāt sceu, que par cemoyen il ne pourroit estre Empereur, comme dit Procope. Aussi lisons nous que l'Empereur Nerua par faute d'enfans adopta Traian, cestuy-cy Adrian, qui depuis adopta Antonin le Piteux, & ne se contenta pas d'auoir adopté vn si homme de bien, ains aussi le chargea d'adopter de son viuāt Ælius Verus, & Marc Aurele surnommé le Philosophe, affin que l'Empire n'eust faute d'Empereurs les plus vertueux qui furent onques. mais ce dernier ayant eu vn fils le plus vicieux qu'il estoit possible, laissa vn tresmauuais successeur, & en eust adopté vn, comme il en auoit grand vouloir, si ses amis ne l'en eussent destourné: car ce n'estoit pas la coustume en Rome d'adopter, si on auoit enfans: & pour ceste cause fut blasmé Claude l'Empereur d'auoir adopté Neron, fils de sa seconde femme, ayant fils & fille du premier liēt: qui furent tuez par Neron. Mais sans vser d'exemples des estranges, qui sont infinis, nous auons l'adoption de Loys de France Duc d'Anjou, par Anne la Louvette, Royne de Naples & de Sicile à faute d'hoirs, apres⁸ auoir regetté comme ingrat son neueu Alphons, Roy d'Aragon, qu'elle auoit auparauant adopté, & du consentement du ⁹ Pape, seigneur souuerain de Naples & de Sicile: & depuis René d'Anjou son arriere neueu fut aussi adopté par Ieanne la ieune, aussi Royne de Naples, à faute d'enfans, & quasi au mesme temps, c'est à dire, l'an m. c c c c. v i i i. Henri, Duc de Pomeran, fut adopté par Marguerite de Vvolmar Royne de Dānemarc, Noruege,² & Suede, pour successeur esdits Royaumes: & tost apres Henry cinquiesme, Roy d'Angleterre, fut adopté, non par Charle sixiesme, qui estoit hors de son sens, mais par sa femme, qui fist par son nouveau gendre declarer Charle septiesme, son propre fils, incapable de la couronne: encores qu'il fust sage & vertueux Prince. Iustinian voulant remedier à tels abus, ordonna,¹ que les enfans adoptez ne laisseroient pas de succeder à leurs propres parens, par ce que les peres adoptifs, pour peu d'occasion, chassoient les enfans adoptez, ausquels les peres propres n'auoient rien laissé pour l'esperance de la succession d'autrui: mais il fut mal conseillé d'oster la puissance paternelle, qui estoit la seule marque d'adoption, laquelle ostee, ne restoit plus rien. Or il estoit plus expedient de mettre au neant les adoptions, si le pere auoit des enfans naturels & legitimes, ou s'il en auoit, ordonner que l'enfant adopté succederait aux mesmes droicts, que l'enfant propre. nous auons bien retenu l'vn en ce Royaume, mais nous auons laissé l'autre: car nous ne souffrons² pas, que les enfans adoptez succedent en rien qui soit avec les enfans propres & legitimes, & ce qu'on leur laisse à faute d'enfans, peut estre laissé à vn estranger: & le pere peut cependant tirer profit de l'adoption, de quoy se plaignoit de son temps Scipion l'African, en la harangue de sa censure qu'il fist au³ peuple. & depuis la publication de la loy Iulia Pappia

8. Anthonin. chroni.
tit. 22.
9. Martin. V.

1. Aneas Syluius in
Europa. cap. 33.

1. l. cum in adopti-
uis. C. de adopt.

2. Maſuer. tit. de pro-
bat. vers. item & si
defunctus. Benedic.
in cap. Raynutius in
verbo & vxorem nu.
718 & 760. Faber in
§. 1. de adopt. institut.
3 Gelli. lib. 5. c. 19.

Pappia, qui dōnoit de grands priuileges à ceux, qui auoient des enfans: ceux, qui n'en auoient point, en adoptoient, pour auoir part aux magistrats, & apres auoir eu ce qu'ils demandoient, ils emancipoient⁴ les enfans: cōme au contraire Claudius estant noble, se fist adopter par vn roturier,⁵ & quitta sa noblessē pour estre Tribun du peuple, & tost apres se fist emanciper. c'est purquoy le Senat Romain fit vn⁶ arrest, que les enfans adoptez ne iouyroient d'aucun priuilege des charges publiques, fust de tutelles, ou d'impôts. & depuis fut ordonné, qu'on ne pourroit par ce moyen obtenir⁷ aucun office: ny empescher les substitutiōs faites à faute d'enfans:⁸ ny faire obtenir ce qui estoit laissé, ou pronis, au cas qu'on' auoit enfans: ny casser les donations, qui sont reuoquees, quand le donateur a des enfans:⁹ ny faire, que les filles par la² coustume soient exclues: ny que le³ mot de fils simplement apposé aux loix, coustumes, & autres actes legitimes, signifie l'enfant adopté. toutes lesquelles fraudes il est bon de retrancher, & non pas estaindre le droit des adoptions, & pour le moins laisser au pere adoptif la puissance paternelle, pour tenir en obeissance le fils adopté. Voila quant au second poinct de la famille touchant le gouuernement du pere enuers ses enfans: disons du troisieme.

4. Tacit. lib. 1.

5. Cicero pro domo.

6. Tacit. lib. 1. l. nec ei. de adopt.

7. l. 2. §. adoptiui. de vacat munerū & §. 1. in insti. u. de excusat.

8. l. fideicommissum de condit. & demon.

9. l. si ira quis §. si quis de leg. 2.

1. Cœstrenf. in l. 2. si in fraudem patroni. C. & consil. 433. lib. 1.

2. Bal. consil. 24. lib. 1. & 102. lib. 4.

3. l. ult. de iis qui ven. eta. C. l. fidei cōmissum de condi. & de. l. adoptiones. de adopt. ff.

DE LA PUISSANCE SEIGNEVRIALE,

Et sil faut souffrir les esclaves en la Republique bien ordonnee.

CHAP. V.



A troisieme partie du gouuernement des mesnages depend de la puissance du Seigneur enuers ses esclaves, & du maistre enuers ses seruiteurs. Car mesme le nom de famille vient à *famulis* & *famulatio*, par ce qu'il y auoit grand nombre d'esclaves, & de la pluspart des sugets de la famille, on nommoit tout le mesnage, ¹ famille: ou pource qu'il n'y auoit richesses que d'esclaves, on appella les compagnies d'esclaves, familles, & la successiō du deffunct, famille. Et Seneque voulant monstrier combien le Seigneur doit estre moderé enuers ses esclaves, il dit, que les anciens ont appellé le chef de la maison, pere de famille, & nō pas seigneur. Et d'autāt que tout le mōde est rempli d'esclaves, horsmis vn quartier de l'Europe, qui les reçoit desia peu à peu, il est icy besoin de toucher & de la puissance du seigneur enuers les esclaves, & des inconueniens & commoditez, qui resultent de receuoir les esclaves, qui est vn poinct de consequence, non seulement à toutes familles en general, ains aussi à toutes Republiques. Or tout esclave est naturel, à sçauoir, engédre de femme esclave: ou fait par droit de guerre: ou par crime, qu'on appelle esclave de peine: ou qui a eu part au pris de sa li-

1. l. pronuntiatio. de verb. signif. toto tit. si familia furum. l. si quis id quod de iurisdic.

berté, ou qui a ioué sa liberté, comme faisoient anciennement les peuples d'Alemagne: ² ou qui volontairement s'est voué d'estre esclaue perpetuel d'autrui, comme les Hebreux le pratiquoient. Le prisonnier de guerre estoit esclaue du vainqueur, qui n'estoit pas tenu le mettre à rançon, si autrement il n'eust esté conuenu: comme il fut anciennement ³ en Grece, que le Barbare prisonnier de guerre pourroit estre mis à la cadene, & retenu comme esclaue: mais quant au Grec, qu'il seroit mis en liberté, en payant par luy vne liure d'or. & par l'ancienne ordonnance ⁴ de Polongne, auparauant, & depuis trois cens ans, il fut arresté par les estats, que tous ennemis prisonniers de bonne guerre demeureroient esclaues des vainqueurs, si le Roy n'en vouloit payer deux florins pour teste. mais celuy qui a payé la rançon du prisonnier, est tenu le remettre en liberté, ayant receu le pris: autrement il le peut garder non comme esclaue, mais comme prisonnier, suiuant l'ancienne loy pratiquée en la Grece, puis en tout l'Empire Romain. Quant aux debtors prisonniers des creanciers, encores qu'il fust permis par la loy des douze tables les demembrer en pieces pour les distribuer aux creanciers, qui plus qui moins, comme au sol la liure: si est-ce toutefois que si n'y auoit qu'un creancier, il ne pouuoit luy oster la vie, & moins encores la liberté, qui estoit plus chere que la vie. car le pere pouuoit bien vendre, troquer, eschanger, voire oster la vie à ses enfans, mais il ne pouuoit leur oster ⁶ la liberté. aussi le cueur bon, & genereux aymera tousiours mieux mourir honnestement, que seruir indignement d'esclaue. C'est pourquoy la loy des douze tables, qui adiugeoit le debteur non soluable au creancier, fut bien tost cassée à la requeste des Petiliens Tribuns du peuple, qui firent ordonner, que deslors en auât le debteur ne seroit adiugé au creancier, & qu'il ne pourroit estre par luy retenu pour debte, sauf au creancier à se pourvoir par saisie de biés, & autres voyes de iustice, ainsi qu'il verroit estre à faire par raison. laquelle loy demeura inuiolable sept cens ans, & iusques au regne de Diocletian, ⁷ qui la fist publier de rechef sus peine de la vie. Voila toutes les sortes d'esclaues. Car quant à ceux qui sont prins par les brigans & corsaires, ou qui sont vèdus à faux tiltre pour esclaues, ils demeurent neantmoins libres, & en termes ⁸ de droit peuuent faire tous actes legitimes. Et quant aux autres seruiteurs domestiques, ils ne peuuent par contract, ny conuention quelconque faire aucun preiudice à leur liberté, ny en receuant vn laiz testametaire, sous vne conditiō tant soit peu seruile: ny mesme l'esclaue ne peut promettre au seigneur qui l'afranchist, chose qui tourne à la diminution de sa liberté, horsmis les seruices agreables & ordinaires aux afranchis. C'est pourquoy les arrests du Parlement de Paris, souuent ont cassé les contracts des seruiteurs, qui s'obligent sous peine à seruir certaines annees: lesquelles neantmoins sont receus en Angleterre, & en Escoce: où les maistres apres le terme du seruice expiré, s'en vont deuant le iuge des

2. Tacit. de morib. German.

3. Aristot. lib. 5. ethic.

4. Cramer. in histor. Polon. & in statutis Polon.

5. Diony. Halic. lib. 3. νόμοι κελεύουσιν τοὺς λυόμενους ἐκ τῆς πλεμίων ἑῆς πρὶν λυθῆναι, εἰ μὴ ἀποδιδῶν λύσασθαι.

Demosthen. contra Læritium. Varro in verbo claricare. l. 1. nam & Seruius. de negot. gest. & ibi dd. l. qui testamento. de testamentis. l. pater. de captiuis l. senatus §. ult. de legat. 1. l. in bello. §. si quis seruum de captiuis 6. l. 1. de patria pot. C. Cicero pro Cæcina.

7. l. ob as alienum. de actiō C. Alciatus hunc legem accepit pro Prætilia. 8 l. 1. de legat. 3. l. eius qui à latronibus de testament. ff.

9. l. Marius de condit & demonstra. r. l. 1. §. que oneranda. quarum rerum actio non detur.

des lieux emanciper leurs seruiteurs, & leur donner puissance de porter bonnet, qui estoit l'ancienne marque de l'esclau nouvellement afranchi, pour cacher sa teste pelee, iusques à ce que les cheueux luy fussent reuenus. Qui donna occasion à Brutus apres auoir tué Cesar, de faire battre² la monnoye au bonnet, comme ayant afranchi le peuple Romain. & apres la mort de Neron, le menu peuple alloit par les rues portant bonnets³ en teste, en signe de liberté. Et le Roy Eumenes vint en Rome apres la mort de Mithridate, & entrant au Senat avec bonnet, aduoua tenir sa liberté du peuple Romain. Or combien que les seruiteurs domestiques ne soient point esclaves, & qu'ils puissent faire tous actes de liberté, soit en iugement, soit hors iugement : si est-ce qu'ils ne sont pas cōme simples mercenaires, ou gaigne-deniers à la iournee, sur lesquels celui qui les alouez n'a pouuoir, ny commandement, ny correction quelconque, comme le maistre a sus les seruiteurs domestiques, qui doibuent seruice, honneur, & obeissance au maistre tant qu'ils sont en sa maison, & les peut chastier & corriger avec discretion & moderation. Voila en trois mots la puissance du maistre enuers les seruiteurs ordinaires. car nous ne voulons pas icy entrer aux regles morales, du comportement des vns enuers les autres. Mais quant aux esclaves, il y a deux difficultez, qui ne sont point encores resolues. La premiere est, à sçauoir si seruitude des esclaves est naturelle, & vtile, ou cōtre nature. La seconde, quelle puissance doit auoir le seigneur sus l'esclau. Quant au premier point Aristote⁴ est d'aduis que la seruitude des esclaves est de droit naturel : & pour la preue. Nous voyons, dit-il, les vns naturellement faits à seruir, & obeir : les autres à commander, & gouverner. Mais les Iuriconsultes, qui ne s'arrestent pas tant aux discours des Philosophes, qu'à l'opinion populaire, tiennent que la seruitude est droictement contre nature, & font tout ce qu'ils peuuent pour maintenir la liberté, contre l'obscurité, ou ambiguité des loix, des testaments, des arrests, des contracts : & quelques fois il n'y a loy, ny testamēt qui tienne, qu'on ne donne coup à l'un, & à l'autre, pour afranchir l'esclau, comme on peut voir en tout⁶ le droit. & si il faut que la loy tienne, si est-ce que le Iuriconsulte fait cognoistre tousiours que l'acerbité d'icelle contre les esclaves luy deplait, l'appellant dure & cruelle. De ces deux opinions il faut choisir la meilleure. Il y a beaucoup d'apparence, pour soustenir que la seruitude est vtile aux Republiques, & qu'elle est naturelle. Car toute chose contre nature ne peut estre de longue duree : & si on vient à forcer la nature, elle retournera tousiours en son premier estat, cōme on voit euidentmēt en toutes choses naturelles. Or est-il que la seruitude a prins son origine soudain apres le deluge, & aussi tost qu'on a commencé d'auoir quelque forme de Republique, & depuis a tousiours continué : & iaoit que depuis trois ou quatre cens ans elle a discontinué en quelques lieux, si est-ce qu'on la voit retourner. Et mesmes les peuples

2. Plutar. in vita Cesaris.

3. Tranquil. in Nerone.

4. In Polit.

5. l. libertas. de statu homi.

6. maxime in l. proxime de iis qui in testa. delent. vbi nec legibus, vllum nec testamēto locum reliquit Imperator fauore libertatis.

7. l. prospexit. qui & à quibus. dura quidem ait Vlpian sed ita scripta lex est.

des Isles Occidentales, qui sont trois fois de plus grande estendue, que toute l'Europe, qui n'auoient iamais ouy parler de loix diuines, ny humaines, ont tousiours esté pleines d'esclaves: & ne se trouue pas vne seule Republique qui se soit exemptee des esclaves: voire les plus saints personnages qui furent onques en ont vsé. qui plus est, en toute Republique le seigneur a eu la puissance des biens, de la vie, & de la mort sus l'esclau: excepté quelques vnes où les princes & legillateurs ont moderé ceste puissance. Il n'est pas vray-semblable que tant de Roys & legillateurs eussent attenté contre nature, ny que les sages & vertueux hommes l'eussent approuué, ny tant de peuples par tant de siècles eussent receu les seruitudes, voire defendu par quelques^s loix d'affranchir les esclaves, sinon en certain nombre: & neantmoins ont fleuri en armes, & en loix. Et qui voudroit nyer, que ce ne fust chose honneste, & charitable de garder vn prisonnier de bonne guerre, le loger, coucher, vestir, nourrir, en faisant le seruice qu'il pourra, s'il n'a dequoy payer sa rançon, au lieu de le massacrer de sang froid? c'est la premiere cause des esclaves. Dauantage, les loix diuines & humaines veulēt⁹ que celuy qui n'a dequoy payer pour la faute par luy commise, soit puni corporellement. Or celuy qui fait iniustement la guerre aux biens, à la vie, à l'estat d'autrui, qui doute qu'il ne soit vray brigand, & voleur, & qu'il ne merite la mort? Ce n'est donc pas contre nature de le garder pour seruir au lieu de le faire mourir. car le mot de *seruus*, quoy qu'on ayt voulu reprendre Iustinian, vient à *seruando*.¹ Et si c'estoit contre nature que vn homme eust puissance sus l'autre de la vie, & de la mort, il n'y auroit ny Royaumes, ny seigneuries qui ne fussent contre nature, veu que les Roys & Monarques ont mesme puissance sur tous leurs sugets, soyent seigneurs ou esclaves. Ces raisons ont bien quelque apparence pour monstrier que la seruitude est naturelle, vtile, & hōneste. mais il y a bien respōse. Je confesseray que la seruitude sera naturelle, & quand l'homme fort, roide, riche, & ignorant, obeira au sage, discret & foible, quoy qu'il soit pauvre. mais d'asseruir les sages au fols, les ignorans aux hommes entendus, les mechans aux bons, qui dira que ce ne soit chose contre nature? si ce n'estoit qu'on voulust subtilizer, que l'esclau bien auisé gouerne & commande à son seigneur, & le sage conseiller à son Roy mal-aduisé. De dire que c'est vne charité louable garder le prisonnier qu'on peut tuer, c'est la charité des voleurs, & corsaires qui se glorifient d'auoir donné la vie à ceux qu'ils n'ont pas tuez. Or voit on bien souuent que les hommes doux & paisibles sont la proye des mechans, quand on vient à departir les differens des princes par guerre, où le vainqueur a bon droit, & le plus foible a tousiours tort. Et si les vaincus ont fait la guerre à tort, & sans cause comme brigans, pourquoy ne les met-on à mort? pourquoy n'en fait-on iustice exemplaire? pourquoy les reçoit-on à merci puisqu'ils sont voleurs? Et quant à ce qu'on dict que

8. tit. quibus ex causis manu mittere nō licet,

9. l. 1. §. generaliter de pœnis. l. si quis id quod de iurisdic. l. cū ab eo. ad l. Iuliam pecul.

1. Est enim ἐρῶν τὸ δουλεύειν, inquit Eustathius, & apud Hesychiū ἐρῶν ἐστὶ πρῶτον, & cum sibilio fit ex, ἐρῶν seruo, vt ἐρῶ sero, ἔρμος sermo, non à serie vt Varro putat. & Festus erudinem interpretatur seruitutem & ex Æolico digāma fit seifos vt dasos, o-fom, æfom quod efferebant veteres dauus, ouum, æuum.

que la seruitude n'eust pas duré si longuement, si elle eust esté contre nature: cela est bien vray és choses naturelles, qui de leur propriété suyuent l'ordonnance de Dieu immuable: mais ayant donné à l'homme le choix du bien & du mal, il contreuient le plus souuent à la defense, & choisist le pire contre la loy de Dieu & de nature. Et l'opinion de prauée en luy a tant de pouuoir, qu'elle passe en force de loy, qui a plus d'autorité que la nature, de sorte qu'il n'y a si grande impiété, ny mechanceté, qui ne soit estimée, & iugée vertu & pitié. ie n'en mettray qu'un exemple. On sçait assez qu'il n'y a chose plus cruelle ny plus detestable, que de sacrifier les hommes, & toutesfois il n'y a quasi peuple qui n'en aye ainsi usé, & tous ont couuert cela du voile de pitié par plusieurs siècles, voire iusques à nostre aage toutes les Isles Occidentales l'ont ainsi pratiqué: & quelques peuples sus la riuere de la Plate en vsent encores: comme les Thraces aussi, par charité & pitié, auoient accoustumé de tuer leurs peres & meres cassez de vieillesse, & de maladie, & puis apres les mangeoient, affin qu'ils ne fussent pasture aux vers, comme ils respondirent au Roy de Perse. Et ne faut pas dire qu'il n'y ait que les anciens Gaulois, qui sacrifiasent les hommes, ce qu'ils ont fait ⁴ iusques à Tibere l'Empereur: car long temps auparavant les Amorriens⁵ & Ammonites, & depuis encores Agamemnon, sacrifioient leurs enfans: & presque tous les peuples y alloient comme à l'enui, voire les plus humains & mieux policez: car ⁶ Themistocle, & Xerxés⁶ Roy de Perse, immolerent les hommes, l'un trois, l'autre douze en mesme temps: ce qui estoit tout commun, dit Plutarque en toute la Scythie. & anciennement, dit Varron, en toute l'Italie, & en la Grece, sous ombre d'un oracle portant le mot $\phi\omega\varsigma$, qui signifie homme & lumiere, si on n'y met l'accent, qui monstre bien qu'il ne faut pas mesurer la loy de nature aux actions des hommes, quoy qu'elles soient inueterées: ny conclure pour cela, que la seruitude des esclaves soit de droit naturel. & encores moins y a de charité de garder les captifs, pour en tirer gain, & profit comme de bestes. Et qui est celuy, qui espargne la vie du vaincu, s'il en peut tirer plus de profit en le tuant, qu'en luy sauuant la vie? De mil exemples ie n'en mettray qu'un. Au siege de Hierusalem sous la conduite de Vespasian, un soldat Romain ayant apperceu de l'or és entrailles d'un Iuif, qu'on auoit tué, en auertit ses compagnons, lesquels bien tost couperent la gorge à leurs prisonniers, pour sçauoir, s'ils auoient auallé leurs escus, & en fut tué en un momēt plus de vingt mille. O la belle charité! Encores dit-on qu'on les nourrist, & qu'on les traite biē pour quelque seruice. mais quelle nourriture, quel seruice! Caton le censeur, estimé le plus homme de bien de son aage, apres auoir tiré tout le seruice qu'il pouoit ⁸ de ses esclaves, iusques à ce qu'ils fussent recrus de vieillesse, ils les vendoit au plus of-

4. Cæsar lib. 6. belli Gallici. Cicero pro Fonteio. Plin. lib. 7.
 5. Sapientia cap. 3.
 6. Plutar. in Them.
 6 Plutar. eod. & in Artaxerxe.

7 Ioseph. in bello Iudaico.

8 Plutar. in Catone Censorio.

o l. si quis prægnante de captiuis.

9 Collumel. lib. 1.

1 lib. 3. de ira. 2. Virgil. 6. Æneï.

o In epistolis, qui affert ex Homero versum ubi vsus est verbo ἀπόλλω. i. de anima demersi hominis quo significare voluit plane interiisse.
2 lib. 54.

o Plutar. in vita Titii Flaminij.

frant, pour arracher encores ce profit du prix de leur sang, qui leur restoit, & pour euitier à la despense, de sorte que les pauvres esclaves pour recompense de tous leurs seruices, estoient traittez à la fourche par nouveaux maistres. Encores la mule de Pallas en Athenes estoit plus heureuse, parce qu'elle viuoit en pleine liberté sans qu'on osast la charger, ny encheuestrer. Et combien qu'il n'y a chose plus naturelle, que le mariage, si est-ce qu'il n'estoit pas permis à l'esclave: de sorte que si l'homme franc captif eust eu enfant de sa femme legitime, si le pere mouroit entre les mains des ennemis, quoy que la mere retournaist en liberté, neantmoins son enfant estoit reputé^o bastard. Je me garderay bien de coucher par escrit les contumelies detestables qu'on faisoit souffrir aux esclaves: mais quant à la cruauté, il est incroyable ce que nous en lisons. & que diroit-on si la milliesme partie estoit escripte: car les auteurs n'en disent rien, si l'occasion ne se presente: & n'auons que les histoires des plus humains peuples, qui ayent esté en tout le monde. On leur faisoit labourer la terre⁹ enchainez, cōme on fait encores en barbarie, & coucher és fosses en tirant les eschelles, comme il se fait encores en tout l'Orient, pour la crainte qu'on a de les perdre, ou qu'ils ne mettent le feu en la maison, ou qu'ils ne tuent les maistres. Or pour vn voirre cassé, il y alloit de leur vie. Et de fait l'Empereur Auguste, soupant en la maison de Vedius Pollion, l'un des esclaves cassa vn voirre, il n'auoit fait que ceste faute, comme dit¹ Senecque, aussi tost il fut tiré au viuier des Murenes, qu'on nourrissoit de telle viande. le pauvre esclave s'en fuit aux pieds d'Auguste, le suppliant qu'il ne fust pas mangé des poissons apres qu'on l'auroit tué: car il se sentoit coupable de mort pour le voirre cassé: mais l'opinion commune estoit, que l'ame des noyez ne tragnettoit iamais aux champs elysies: ou qu'elle mouroit avec le corps: comme Synesius^o escrit de ses compagnons, lesquels voyans l'orage impetueux sur la mer, tirerent leurs dagues affin de se couper la gorge, & faire sortir l'ame de peur qu'elle ne fust noyée. ainsi le pauvre esclave craignoit estre mangé des poissons. Auguste esmeu de pitié, dit Senecque, fist casser tous les voirres, & combler le viuier. mais Dion² l'historien racomptant la mesme histoire, dit tout le contraire, qu'Auguste ne peut obtenir de Pollion la grace de l'esclave, & ne dit point qu'il fist combler le viuier: ioint aussi que Senecque dit, qu'il ne laissa pas de faire bonne chere avec son hoste. Et pour monstrier, que ce n'estoit rien de nouveau, plus de cent ans auparauant, Quintus^o Flaminius Senateur Romain fist tuer l'un de ses esclaves, sans autre cause que pour gratifier & complaire à son bardache, qui disoit n'auoir iamais veu tuer d'homme. Or s'il aduenoit, que le maistre fust tué en sa maison par qui que ce fust, on faisoit mourir tous ses esclaves, cōme il aduint pour le meurtre de Pedanius grand Preuost de Rome, quand il fut question de

de mettre à mort tous les esclaves, suivant, dit¹ Tacite, la coutume ancienne, le menu peuple, qui estoit pour la plus part d'hommes afranchis, s'esmeut, d'autant qu'on sçauoit bien qui estoit le meurtrier, & neantmoins il falloir mettre à mort quatre cens esclaves innocés du fait : toutefois la chose debatue au Senat, il fut resolu que la coutume seroit gardee, & de fait tous les esclaves furent mis à mort. Je laisse les meurdres des esclaves, qui estoient contraincts s'entretuer aux arenes pour donner plaisir au peuple, & l'accoustumer au mespris de la mort. Et iacoit que la loy Petronia eust fait defense d'y mettre esclave, qui n'eust merité la mort, si est-ce qu'elle ne fust iamais gardee, non plus que l'edit de l'Empereur Neron, qui fut le premier,² qui deputa commissaires pour ouyr les plaintes des esclaves: & apres luy, l'Empereur Adrian³ ordōna, qu'on informeroit contre ceux qui malicieusement tueroient leurs esclaves sans cause: combien que long temps auparauant ceux là estoient coupables comme meurdriers, par la loy⁴ Cornelia, mais on n'en tenoit compte, & tout ce que pouuoient faire les esclaves, pour obuier à la colere des maistres, c'estoit d'aller embrasser les images des Empereurs: car ny le temple de Diane en Rome, que le Roy Seruius⁵ fils d'un esclave, auoit ordonné pour la frāchise des esclaves, ny l'image de Romule, que le Senat auoit establi pour mesme cause, ne pouuoient pas empêcher la furie des seigneurs: nō plus que le sepulchre de⁶ Thesee en Athenes, ny l'image de Ptolemee en Cyrene, ny le tēple de Diane⁷ en Ephese. iacoit que si l'ordonnance des Ephesiens eust esté gardee, l'esclave s'estant retiré au temple, s'il auoit iuste cause, estoit perdu pour le seigneur, & seruoit à Diane, si ce n'estoient femmes qui n'entroient point en son temple: & si l'esclave auoit tort, il estoit rendu au seigneur, apres auoir fait serment de ne le traiter point mal, comme escrit Achilles Statius⁸. Mais Tibere, l'un des plus ruzes tyrans qui fut oncques, sur sa vieilleisse⁹ ordonna, que les esclaves qui auroiēt recours à son image, fussent en seureté, & sus la¹⁰ vie d'en arracher l'esclave tenant l'image: affin que par ce moyen les esclaves pour la moindre¹¹ occasion vinsent accuser leurs maistres: car mesmes on voit en Senecque vn Sénateur s'excuser enuers Tibere, d'auoir cuidé toucher l'vrinal sans y penser, ayant l'anneau au doigt, auquel l'image de Tibere estoit grauee, craignant la delation: tellement que les images des Empereurs, mesmement des tyrans, estoient comme pieges pour attraper les maistres, qui faisoient mourir bien souuent leurs esclaves, pour auoir eu recours aux images, si tost qu'ils estoient de retour. La loy de Dieu y auoit bien mieux pourueu, donnant la maison d'un chacun pour franchise à l'esclave fuyant son maistre, & defense de luy rendre en cholere. Car tous les maistres n'estoient pas si sages que Platon, qui dist à son esclave, qu'il l'eust bien chastié s'il n'eust esté en cholere: veu mesmes que Tacite dit, que les Alemans ne punissoient jamais sinon en cholere. Ainsi

4 lib. 14.

o Seneca. lib. 3. de
benefic.
5 Spartian.

6 l. liber homo. ad
laquil.

7 Dionys. lib. 4.

8 Plutar. in Thesco.
9 Philostrat. in vi-
ta Appolonij.

1 In amator. cly-
tophonis & Leu-
cippe.
2 Philostrat. in vit. A
pollonij.
3 l. in capitalium.
de pœnis l. x. de iis
qui ad statuas.
4 lib. 3. de benefi.

5. Plutar. in Sylla
& Appian. lib. 1.
bell. ciu.

6. Plutar. in Crassi &
Pompeij vita.

6. In Iure vocantur
liberti, dedititij, &
stigmatici. Cicero
in officiis.

7. I. arethusa. de
statu hom.

voit-on que la vie des maistres n'estoit point asseuree, & des esclaves encores moins. Et qui eust peu estre asseuré de sa vie, ny de ses biens sous la tyrannie de Sylla, qui offroit quinze cens escus à l'homme libre, & liberté à l'esclave qui apporteroit la teste d'un banni: ceste cruauté là continua, iusques' à ce que les troubles estans aucunement apaisez, apres avoir fait mourir soixante mil citoyens, il y eut encore un esclave, qui apporta la teste de son seigneur: Sylla l'affranchit, & tost apres le fist precipiter. Et alors que les persecutions s'eschaufferent contre les Chrestiens, il n'y avoit maistre qui ostant estre Chrestien, sinon au hazard de sa vie, ou bien qu'il afranchist ses esclaves. Et si on dit que la tyrannie cessant, la crainte des seigneurs, & la calōnie des esclaves cesse, & ce pendant qu'on se peut asseurer des esclaves: soit, mais aussi la cruauté & licence des seigneurs augmente. Et neantmoins l'estat des familles & des Republiques, est toujours en branle, & au hazard de sa ruine, si les esclaves se liguent. toutes les histoires sont pleines des rebellions & guerres serviles. Et quoy que les Romains fussent tresgrands & trespuissans, si est-ce qu'ils ne peurēt empêcher que les esclaves ne s'esleuassent par toutes les villes d'Italie, hormis, dit Orose, en la ville de Messane: & depuis quelques loix qu'on eust faites, ils ne peurēt obvier qu'il ne se leuast^o soixante mil esclaves sous la conduite de Spartac, qui vaincut par trois fois les Romains en bataille rāgee. Car il est bien certain qu'il y avoit pour le moins dix esclaves pour un homme libre, en quelque pays que ce fust: comme il est aysé à iuger du nombre qui fut leué des habitās d'Athenes, qui se trouva pour une fois de vingt mil citoyens, dix mil estrangers, & quatre cens mil esclaves. & l'Italie victorieuse de tous les peuples en avoit beaucoup plus, ainsi qu'on peut voir en la harāgue de Cassius Sénateur: nous avons, dit-il, en nos familles divers peuples & nations, en langues & religions differēs. Et mesmes Crassus outre ceux, qu'il employoit à son service, en avoit cinq cens, qui rapportoient tous les iours leur gain des arts & sciences questuaires. Milon pour un iour en afranchit trois cens, afin qu'on ne les appliquast à la question pour deposer du meurtre commis en la personne de Claude le Tribun. c'est pourquoy le Senat Romain voulant diversifier l'habit des esclaves, afin qu'on les peust cognoistre d'avec les hommes libres, l'un des plus sages Sénateurs remonstra le danger qu'il y auroit, si les esclaves venoient à se compter, car bien tost ils se fussent depeschez des seigneurs pour la facilité de conspirer, & le signal de leurs habits. auquel danger est exposee l'Espagne, & la Barbarie, où l'on marque les esclaves au visage: ce qu'on ne faisoit anciennement qu'aux plus meschans, & qui ne pouvoient i jamais jouir pleinement du fruit de liberté, ny du privilege des citoyens. mais bien on les marquoit aux bras. C'est pourquoy les Lacedemoniens, voyans que leurs esclaves se multiplioient sans comparaison plus que les citoyens, pour⁷ l'esperance de liberté que les maistres donnoient à ceux qui plus faisoient

faisoient d'enfans, & pour le profit qu'en tiroit chacun en particulier: feirét vn arrest qu'on en leueroit iusques à trois mil des plus habiles à la guerre: mais si tost qu'ils furent leuez, on les tua tous en vne⁸ nuit, sans qu'on eust apperceu qu'ils estoient deuenus.

⁸ Plutar. in Lycurg.
Aristot. lib. 2. Polit.

Or la crainte que les citez & Republiques auoient de leurs esclaves, faisoit qu'ils n'ont iamais osé les aguerrire, ny permettre que pas vn fust enrolé: comme^o les loix y sont expressees avec peine capitale. & si la necessité le contraignoit de prendre des esclaves, ils les affranchissoient gratuitement, comme fist Scipion qui affranchit trois cens bons hommes, apres la iournee des Canes: comme dit Plutarque: combien que Florus² escrit qu'on bailla les armes à huit mil esclaves. car nous lisons qu'il ne fut permis aux afranchis de porter les armes, qu'au temps de la guerre sociale, ou bien ils leur promettoient liberté pour quelque somme d'argent, comme fist Cleomenés Roy de Lacedemonne en sa necessité, qui offrit liberté à tous Ilotes, à cinquante escuz pour teste: en quoy faisant, il eut de l'argent & des hommes pour s'en ayder. Et n'y auoit peuple qui vlast d'esclaves en guerre sinon les Parthes, ausquels il estoit defendu de les afranchir: vray est qu'ils les traitoient comme leurs enfans, & multiplierent de telle sorte qu'il ne s'en trouua en l'armee des Parthes contre Marc Antoine, qui estoit de cinquante mil hommes, quatre cens cinquante hommes libres, comme nous lisons en Iustin: qui n'auoient point d'occasion de se rebeller estés bien traitez. Et mesmes on se desioit tant des esclaves, qu'ils ne vouloient pas quelquesfois s'en seruir aux galeres, au parauant que les auoir afranchiz, comme Auguste qui en afranchit vint mil pour⁹ vne fois, affin de s'en seruir aux galeres. Et de peur qu'on auoit, qu'ils cōiurassent ensemble contre l'estat, & affin de les tenir tousiours empeschez aux arts mechaniques, Lycurgue en Lacedemonne, & Numa Pompilius en Rome, defendirent à leurs citoyens d'exercer aucun mestier. Et neantmoins ils ne pouuoient si bien faire, qu'il n'y eust tousiours quelque homme desesperé, lequel promettant liberté aux esclaves, troublait l'estat, comme Viriat le pirate, qui se fit Roy de Portugal, Cinna, Spartac, Tacfarin, & iusques à Simon Gerson capitaine Iuif, lesquels de petits compaignons se firent tous grands¹ seigneurs en donnant liberté aux esclaves, qu'ils suyuroient. Et pendant la guerre ciuile entre Auguste & Marc Antoine, on ne voyoit que fuitifs esclaves de part ou d'autre: de sorte qu'apres la defaite de Sexte Pompee, il s'en trouua xxx. mil, qui auoient suyui son parti, qu'Auguste fist prendre à iour nommé par tous les gouuernemens, & les fait rendre à leurs seigneurs: & fait pendre ceux, qui n'auoient point de seigneur, qui les demandast, comme nous lisons en Appian. Et de fait, la puissance des Alarbes n'a pris accroissement que par ce moyen. car si tost que le capitaine Homar, l'un des lieutenans de Mehemet, eut promis liberté aux esclaves, qui le sui-

^o. l. 4. princip. de re
militari. l. ab omni
militia. cod.

². epito. 23.
³. Flor. epito. 74.

⁶. Traquil. in Augu.

¹ Ioseph. in bello
Iudaico.

uroient, il en attira si grand nombre, qu'en peu d'annees ils se feirent seigneurs de tout l'Orient. Ce bruit de liberté, & des conquestes faites par les esclaves, enfla le cueur à ceux de l'Europe, où ils commencerent à prendre les armes: & premierement en Espagne l'an DCC. LXXXI. puis apres en ce Royaume au temps de Charlemagne, & de Loüys le piteux, comme on voit aux edits, qu'ils firent lors contre les coniu-rations des esclaves: & mesme Lothaire fils de Louys, apres auoir perdu deux batailles contre ses freres, appella les esclaves à son ayde, qui depuis donnerent la chasse à leurs maistres l'an DCCC LII. & soudain ce feu s'embraza aussi tost en Alemagne, où les esclaves ayans prias les armes, esbranlerent l'estat des Princes & citez, & mesmes Louys, Roy des Alemagnes, fut contraint d'assembler toutes ses forces pour les rompre.² Cela contraignit les Chrestiens peu à peu, de relascher la seruitude, & d'affranchir les esclaves: reserué seulement certaines coruees, & l'ancien droit de succession de leurs affranchis mourans sans enfans. coustume qui tient encores presqu'en toute la basse Alemagne, & en plusieurs lieux de France, & d'Angleterre. Car nous voyons encores par les loix³ des Lombars & Ripuaires, qu'il n'est quasi mention que des esclaves, qui ne pouuoient estre affranchis du tout, que par deux affranchissemens, pour auoir puissance de disposer de leurs biens. & souuent le seigneur adioustoit en l'acte d'affranchissement, que c'estoit pour le salut de son ame: car les premiers ministres de l'Eglise Chrestienne, n'auoient rien en si grande recommandation, que de moyenner les affranchissemens des esclaves, qui se faisoient Chrestiens bien souuent pour auoir liberté, & les maistres pour le salut de leur ame. & mesmes nous lisons en l'histoire d'Afrique, que Paulin Euesque de Nele, apres auoir vendu tout son bien pour racheter les esclaves Chrestiens, luy-mesme se vendit aux Vandales pour ses freres. & de là sont venus les affranchissemens faits es Eglises pardeuant les Euesques. qui continua si bien, qu'au temps de Constantin le grand, les villes se sentirent chargees du nombre infini d'affranchis, qui n'auoient autre bien que la liberté, & la plus-part ne vouloit rien faire: les autres ne sçauoient point de mestier: de sorte que⁴ Constantin est le premier, qui fist ordonnances, pour ayder aux pauvres mendians: & deslors aussi on establir des hospitaux pour les pauvres petits enfans, pour les vieux, pour les malades, & pour ceux qui ne pouuoient trauailler, comme nous voyons aux edits, & ordonnances⁵ qui lors en furent faites à la requeste, & instance des Euesques: comme nous lisons en saint Basile, qui se plaint de ce que les pauvres estropiats alloient par les Eglises, messant avec le chant des ministres leurs plaintes & doleances. & tost apres Julian l'Apostat à l'enui des Chrestiens,⁶ escriuoit aux payens, & pontifes des temples d'Asie, qu'ils deuroient auoir honte, de ne suyure l'exemple des Chrestiens, qui fondoient temples, & hospitaux pour ceux de leur re-

2. Frodouart qui
lors viuoit.

3. cap. 59. In legib.
Longobard. & vbi-
que in ripuariis.

4. l. 1. & 2. de médi-
cantib. in C.
Theodo. & Iustin.

5. toto tit. de Episc.
& cler.

6. Nicephorus Cal-
list.

ligion. Et d'autant que les pauvres afranchis exposoient leurs enfans par pauvreté affin qu'on les nourrist, Gratian⁶ fist ordonnances, par lesquelles il voulut, que l'enfant exposé, demeureroit esclave de celuy qui l'auoit eleué & nourri. Et au mesme temps l'Empereur Valens donna puissance à chacun de prédre les vagabōds, & s'en seruir cōme d'esclaves, avec defenes d'aller aux bois pour viure en Ermites, & en fist mourir vn fort grand nombre qui sy estoient retirez, pour retrancher l'oy-siueté, & induire vn chacun au trauail. Et mesmes par lettres patētes du Roy Dagobert, qui sont au thresor sainct Denys en France, il est defendu à tous subiets de retirer, ny receler les esclaves de l'Abbaye de sainct Denys. Depuis estant les esclaves reduits à la forme des mains mortes, l'Abbé subiet afrāchit aussi les hommes de main-morte, pourueu qu'ils changeassent de pays: comme i'ay veu par la charte qu'il en fist l'an M. c x l i. lors qu'il estoit regent en France. Et au pris que la religion Chrestienne commença à croistre, les esclaves commencèrent à diminuer, & encores plus à la publication de la loy de Mehemet, qui afranchit tous ceux de sa religion: de sorte que l'an M. c c. les seruitudes estoient quasi abolies par tout le monde: horsmis aux Isles Occidentales, qui se trouuerēt, alors qu'on les descouurit, pleines d'esclaves, qu'on pouuoit tuer sans peine quelconque. ioint aussi, que les vaincus n'estoient point mis à rançon, & le larron estoit liuré comme esclave à celuy, auquel il auoit fait le larcin, & permis à chacun de faire soy & ses enfans esclaves. Il y auoit bien encores l'an M. c c x i i. des esclaves en Italie, comme on peut voir par les ordonnances de Guillaume Roy de Sicile, & de Friderich i i. Empereur aux plaids du Royaume de Naples: & par les decrets d'Alexandre i i i. Urbain i i i. & Innocent i i i. Papes, touchāt les mariages des esclaves.² le premier fut esleu Pape l'an M. c l v i i i. le second l'an M. c l x x x v. le troisieme, M. c l x x x v i i i. de sorte qu'il faut cōclure que l'Europe fut afrāchie d'esclaves depuis l'an M. c c l. ou enuiron. car³ Bartol, qui viuoit l'an M. c c c. escrit que de son temps il n'y auoit plus d'esclaves, & que par les loix Chrestiennes les hommes ne se vendoient plus. il entend des edits faits par les Princes Chrestiens. ce que l'Abbé de Palerme⁴ ayant apprins de Bartol, dit que c'est vn poinct notable. Toutesfois nous lisons en l'histoire de Poulogne, que tout prisonnier de bōne guerre estoit deslors & long temps après esclave du vainqueur, si le Roy n'en vouloit payer deux fleurins pour teste, comme i'ay dit cy dessus: & encores à present les subiets censiers, qu'ils appellent Kmetous, sont en la puissance de leurs seigneurs, qui les peuuent tuer, sans qu'on les puisse appeller en iustice: & s'ils ont tué les subiets d'autruy, ils sont quittes en payant dix escus, moitié au seigneur, moitié aux heritiers, ainsi que nous lisons aux ordonnances de Poulogne. qui sont semblables és Royaumes de Dannemarch, de Suede & Noruege. mais il y a plus de quatre cens ans, que la France n'a souffert les vrayes esclaves. Car quant à

6. l. i. & seq. de infantibus liber. expos.

2. titul. de coniugiis seruor.

3. ad l. hostes. de captiuis.

4. cap. i. de coniugiis seruor.

ce que nous lisons en nos histoires, que Louÿs Hutin, qui vint à la couronne l'an M.C.C.C.XIII. au temps mesme que Bartol viuoit, afranchit tous les esclaves qui voulurent à pris d'argent, pour fournir aux frais de la guerre: celà se doit entendre des mains-mortes, que nous voyons encores à present afranchir par lettres Royaux. ainsi faut-il entendre ce que nous lisons de l'an M.C.C.LVII. au subside accordé à Charles V. il fut dit, que les villes feroient pour LXX. feux vn homme d'armes: le plat pays pour cent feux: les personnes serues & de morte-main, & de serfs mariages pour CC. feux feroient aussi vn homme d'armes. ce qu'ils n'eussent pas fait, s'ils eussent esté en la possession d'autrui, & censez entre les biens d'autrui: cōme il semble par l'article suyuant, où il est dict, que les bourgeois payeront pour les serfs qu'ils tiennent, comme les nobles: ce qui s'entend des successions, qu'ils en amēdoient. Ainsi s'entend ce qui est escript de Humbert Daufin, qui au mesme temps afranchit tous les esclaves de Daufiné: & deslors en fut redigé l'article en la coustume. autant en fist en son pays Thibaut Comte de Blois, l'an M.C.C.XLV. & à celà se rapportel'anciē arrest du Parlemēt de Paris, par lequel il est permis à l'Euesque de Chalons d'auoir des fiefs & d'afranchir les hommes de seruile condition du cōsentement du chapitre. aussi Charles VII. venant à la couronne l'an M.C.C.C.CXXX. afranchit plusieurs personnes de seruile condition: il y a ainsi aux registres du Parlement de Paris intitulé, les ordonnances Barbines. & de nostre memoire le Roy Henry par lettres patentes afranchit ceux de Bourbonnois M.D.XLIX. & le Duc de Sauoye fist le semblable en tous ses pays l'an M.D.LXI. Car le prince de sa puissance legitime ne pouuoit afrāchir l'esclau d'autrui, & moins' encores les magistrats, quelque priere qu'en fist le peuple. Et mesmes ils ne vouloient pas seulement donner aux afranchis priuilege de porter anneau d'or, sans le consentement de celuy qui l'auoit afranchi: & de faiēt, l'Empereur Cōmode⁶ osta ce priuilege à tous ceux, qui l'auoient obtenu au desceu du patron: ou si l'afranchi obtenoit ce priuilege du prince, c'estoit sans preiudice des droits du patrō, encores que le prince l'eust restitué en l'estat d'ingenuité,⁸ qui estoit bien plus⁷ que d'auoir le droit de porter anneau d'or: lequel combiē qu'il appartint au prince seulemēt,¹ si est-ce que le patron du temps de Tertulian² le dōnoit à son afrāchi, avec vne robe blāche, & son nō, & le faisoit seoir à sa table, au lieu, dit-il, qu'il auoit accoustumé d'auoir les fers & les fouēts. & en fin Iustiniā³ mesme par vn edict general restitua tous les afranchis en l'estat d'ingenuité, sans qu'il leur fust besoin d'en auoir lettres. Neātmoins en ce Royaume il faut obtenir lettres du prince, qui a tousiours accoustumé de restituer aux hōmes de main-morte, & de seruile condition, l'estat d'ingenuité, ostant l'anciēne marque de seruitude, au preiudice des seigneurs, qui peuuent seulement saisir tous les biens de l'afrāchi acquis auparauant sa liberté en quelque lieu qu'ils soient, comme il

a esté

5. l. ad bestias. de pœnis l. si proprietatē. de iis qui à non Domino. C. l. nec cōpetit. eod. C. l. si seruo. qui & à quibus.
6. l. 3. de iure aureor. annull.
7. l. vlt. eod.
8. l. 1. eod.
9. l. sed si hac. §. sed si. de in ius vocand.
1. 2. de natalib. restitutu. C. l. 2. de iure aureorum. C.
1. l. 1. de natalib. restitutu. C.
2. in lib. de resurrectio.
3. authent. 78.

a esté iugé par arrest de la Cour, puis n'agueres cōtre l'abbé saincte Geneuiefue. mais deslors en auāt, tout le bien, qu'ils acquerēt, leur appartient & en peuuent disposer par testament, encores qu'ils n'ayent point d'enfans. l'ay bien veu, que le seigneur de la Roche blanche en Gascoigne, pretendoit auoir non seulement le droict de main morte sur ses subiects, ains aussi qu'ils estoient tenus de faire ses vignes, labourer ses terres, faucher ses prez, scier & battre ses bleds, bastir sa maison, payer sa rançō, & la taille és quatre cas accoustumez en ce Royaume, ains aussi de les pouuoir ramener avec vn cheuestre, fils sortoit de sa terre sans son cōgé. Ce dernier poinct luy fut trāché par arrest du parlemēt de Thoulouze :⁴ comme estant au preiudice de la droite liberté, & ressentant sa seruitude qui n'a point de lieu en tout ce Royaume: de sorte mesme que l'esclau d'un estrangier est franc, & libre, si tost qu'il a mis le pied en France, comme il fut iugé par vn ancien arrest de la Cour, contre vn Ambassadeur. & me souuient estant en Toulouze, qu'un Geneuoisy passant, fut cōtraint d'afranchir vn esclau, qu'il auoit achepté en Espaigne, voyāt que les Capitouls le vouloiēt declarer frāc & libre, tāt en vertu de la coustume generale du Royaume, que d'un priuilege special que l'Empereur Theodose le grand leur donna, ainsi qu'ils disoiēt, que tout esclau mettāt le pied en Thoulouze estoit franc: chose toutefois qui n'est pas vray-semblable, attēdu que Narbonne,⁵ vraye colonie des Romains, & la plus ancienne qui fust en France, Lectore, Nysmes, Vienne, Lyon, qui estoient aussi colonies, ny Rome mesmes, où estoit le siege de l'Empire, n'auoient pas ce priuilege. mais le Geneuois deuant qu'afrāchir son esclau, luy fist promettre qu'il le seruiroit toute sa vie: qui est vne clause regettee⁶ en terme de droit. Voila comme les esclaves ont esté afranchis. Mais icy me dira quelqu'un, il est ainsi que les Mehemetistes ont afranchi tous les esclaves de leur religion, qui a cours en toute l'Asie, & presque en toute l'Afrique, voire en vne bonne partie de l'Europe, & que les Chrestiens ayent fait le semblable, comme nous auons monstré, comment est-il possible que tout le monde soit encores plein d'esclaves? car les Iuifs ne peuuent auoir esclau de leur natiō, obstant la loy qu'ilstiennent, & n'en peuuent auoir de Chrestiens, entre les Chrestiens, attendu les defenses portees⁷ par les loix, & moins encores de Mehemetistes sous leur obeissance, où ils sont pour la pluspart. A cela ie responds, que les peuples des trois religions, ont tranché la loy de Dieu par la moitié, pour le regard des esclaves. car la loy de Dieu defend aux Hebreux de prédre aucun esclau, si ce n'est de son plein vouloir & consentement, & lors le seigneur luy doit percer l'oreille à l'esueil de sa porte, pour marque d'esclau perpetuel. bien pouuoit-il aussi se seruir de son debteur, & de ses enfans, iusques à ce qu'il eust payé. & si luy auoit setui sept ans son creancier, il estoit quitte de la debte & du seruice. mais il ne leur estoit pas defendu d'auoir des esclaves d'autre

4 anno 1558.

5 à Martio Narbone deducta ex Liuio.

6 l. i. §. quæ oneranda. quarum rerum actio.

7 l. i. ne Christianum mancipiū vel Paganus vel Iudeus. C.

nation, d'autant que les Payens acheptoiēt ordinairement des esclaves Juifs, & n'y auoit point de meilleurs esclaves que de Juifs & Syriens. Voyez, dit Iulian l'Empereur⁸, combien les Syriens sont propres à seruir: & combien les Celtes sont amoureux de leur liberté, & difficiles à dompter. Mais les Juifs ayans achepté des esclaves Payens, ou Chrestiens, les faisoient circoncir, & catechiser, ce qui donna occasion à Traiā l'Empereur, de faire l'edict⁹ portant defences à toutes personnes de circoncir: & combiē qu'ils eussent instruit leurs esclaves en leur loy, ils les retenoient neantmoins esclaves contre leur gré: & qui plus est, toute leur posterité, interpretāt ce mot, de ton peuple, ou de ton frere, de leur nation seulement. aussi les Payens leur faisoient le semblable. Mais nous voyons, que Dieu reproche à son peuple en Hieremie, qu'ils n'ont pas affranchy ceux de leur sang apres le septiesme an. Et quant aux esclaves Chrestiens qu'ils auoient circoncis & endazez (ainsi parle l'histoire) ce fut l'vne des causes, pour lesquelles Philippe le conquerāt les chassa de France, & confisca leurs biens immeubles: par ce qu'ils auoient des sergens, & chambrieres Chrestiennes (ainsi parle l'ancienne histoire) contre la loy qui le defend¹. mais le mot de sergent, que les vns appellent *seruientem*, ne signifie pas esclave, ou serf, qui est à dire *mancipium*: comme il s'entend en vn article des estats tenus à Tours, où il est dit, qu'anciennement on nous appelloit francs, & maintenant nous sommes serfs. Les Mehemetistes ont fait le semblable: car ayant circoncy & catechisé leurs esclaves Chrestiens, les retiennent rousiours esclaves, & toute leur posterité. & à leur exemple les Espagnols, ayans reduit les Neigres à la religion Chrestienne, les retiennent neantmoins, & toute leur posterité comme esclaves. Et quoy que l'Empereur Charles v. eust afranchi tous les esclaves des Indes Occidentales par edit general, fait l'an m. d. xl. neantmoins pour les rebellions des maistres & gouuerneurs, & l'auarice des marchans, & mesme du Roy de Portugal, qui en tient des haraz comme de bestes, il a esté impossible de l'executer. encores que le gouuerneur Lagasca, qui fist trancher la teste à Gonfales Pizzare, chef de ceux qui s'estoient rebellez pour l'afranchissement des esclaves, en declarant l'edict, eust afranchi les esclaves Peruzius, à la charge des coruees qu'ils deuoient aux seigneurs: qui fut le moyen qu'on garda anciennement en toute l'Europe, pour obuier aux rebellions. Voila l'occasion d'auoir renoué les seruitudes par tout le monde, hors mis en ce cartier d'Europe, qui en sera bien tost remply si les princes n'y mettent bon ordre: car on ne fait maintenant plus grande trafique, mesmemēt en Orient: & se trouue que les Tartares depuis cent ans ayans couru la Moschouie, Lituanie, & Poulogne, emmenerent pour vn voyage trois cens mil esclaves Chrestiens: & de nostre memoire Sinan Bassa, ayāt pris l'isle de Gossē pres de Malte, emmena six mil trois cens esclaves, & tous les habitans de Tripoli en Barbarie. Aussi le capitaine general des Janissaires

⁸ in epistola ad Antiochum Misopogona.

⁹ l. circuncidere. de pœnis.

¹ l. i. ne Christianū mancipium. C.

faïres, à trois cens esclaves, que le grand seigneur luy dōne pour son service, & chacun des Cadilesquiers autant. Car quāt aux leuees des ieunes Chrestiens que fait le grand Seigneur, qu'ils appellent enfans du tribut, ie ne les tiens pas pour esclaves, ains au contraire, il n'y a que ceux là, & leurs enfans iusques à la troisieme lignee, qui soient nobles, & ne l'est pas qui veut: attēdu qu'il n'y a que ceux-là qui iouissent des priuileges, estats, offices, & benefices. Or puisque nous auons par experience, de quatre mil ans tant d'inconueniens, de rebellions, de guerres seruiles, d'euerfions & changemens auenus aux Republiques par les esclaves: tant des meurtres, de cruauté, & vilenies detestables commises en la personne des esclaves par les seigneurs, c'est chose trespernicieuse de les auoir introduits, & les ayāt chassés, de les rechercher. Si on dit que la rigueur des loix se peut moderer avec defenses, & punitions seueres de ceux qui tuerōt les esclaves: & quelle loy peut estre plus iuste, plus forte, plus entiere que la loy de Dieu, qui y auoit si sagemēt pourueu? voire iusques à defendre de les chastier de fouets, (ce que permet la loy des Romains²) & veut que l'esclave sus le champ soit affrāchi, si le seigneur luy a rompu vn membre: ce que l'Empereur Constantin³ fist passer en force de loy generale. Et qui feroit la poursuite de la mort d'vn esclave? qui en oyroit la plainte? qui en feroit la raison n'ayāt aucun interest? attēdu que les tyrans tiennēt pour reigle Politique, qu'on ne peut assez asservir les subiets pour les rendre doux & ployables. On dira qu'en Espagne on voit les seigneurs traiter fort doucement leurs esclaves, & beaucoup mieux que les seruiteurs libres: & les esclaves de leur part, faire seruicē à leurs seigneurs avec vne allairesse, & amour incroyable. Quant aux Espagnols, on dit en prouerbe, qu'il n'y a point de maistres plus courtois au commencement, & generally tous commencemens sont beaux: aussi est-il bien certain, qu'il n'y a point d'amour plus grand que d'vn bon esclave enuers son seigneur, pourueu qu'il rencontre vn humeur propre au sien. c'est pourquoy à mon aduis, la loy de Dieu auoit si sagemēt pourueu, que personne ne fust esclave, que celuy lequel ayant serui sept ans, & goustē l'humeur de son maistre, ou creancier, auroit cōsenti luy estre esclave perpetuel. mais puis qu'il y a si peu d'hommes qui se ressemblent, & au contraire que la varietē, & naturel des humeurs est infinie, qui fera l'homme si mal aduisē, qui en face vn edict, vne loy, vne reigle generale? l'anciē prouerbe, qui dit, autāt d'enemis que d'esclaves, mōstre assez quelle amitiē, foy & loyauté on peut attendre des esclaves. De mil exemples anciens ie n'en mettray qu'vn aduenū du tēps de Iouius Pontanus, lequel recite, qu'vn esclave voyāt son seigneur absent, barre les portes, lye la femme du seigneur, prend ses trois enfans, & se mettant au plus haut de la maison, si tost qu'il voit son seigneur, il luy gette sus le pauē l'vn de ses enfans, & puis l'autre: le pere tout esperdu, & craignant qu'il getast le troisieme, a recours aux

² l. capitalium. §. in seruorū. de pœnis.
³ l. r. de emendat. ser. C.

prieres, promettant impunité & liberté à l'esclave, s'il vouloit sauuer le troisieme: l'esclave dist qu'il le getteroit, si le pere ne se coupoit le nez, ce quil ayma mieux faire pour sauuer son enfant: cela fait l'esclave neantmoins getta le troisieme, & puis apres se precipita luy mesme. On me dira qu'en receuant les esclaves, on retrâchera le nombre infini des vagabōds, & cessionnaires, qui apres auoir tout mágé, veulēt payer leurs creanciers en faillites, & qu'on pourra chasser tant de vagabōds, & fait-neants, qui mágent les villes, & succent cōme guespes le miel des abeilles: ioint aussi, que de telles gens se prouignēt les voleurs, & pirates: puis la faim, & mauuais traictement des pauures, attirent les maladies populaires aux villes. car il faut nourrir les pauures, & non pas les tuer. or c'est les tuer ⁴ quand on leur refuse la nourriture, ou qu'on les chasse des villes, comme dit S. Ambrois. Je respond quant aux cessionnaires, que la loy de Dieu y a pourueu, c'est à sçauoir, qu'ils seruent à leurs creanciers sept ans: combien que la loy des x i i. tables pratiquée en toutes les Indes Occidentales, & en la plus part d'Afrique ⁵, vouloit qu'ils demeurassent tousiours prisonniers du creancier iusques à ce qu'ils eussent satisfait, car d'oster le moyen de cession en cas ciuil, comme ils font en tout l'Orient, c'est oster aux debteurs le moyen de trauailler, & de gagner pour s'aquiter. Quāt aux voleurs, ie dy, qu'il y en auroit dix pour vn: car l'esclave sera tousiours contraint, s'il peut eschapper, d'estre voleur ou corsaire, ne pouuāt souffrir son seigneur, ny se monstrier estant marqué, ny viure sans biēs. Je n'en veux point de meilleur exemple, que celuy de Spartac, qui assembla en Italie soixante mil esclaves pour vne fois, outre neuf cens voiles de corsaires, qui estoiet sus mer. Or le sage politic n'est pas celuy qui chasse de la Republique les voleurs, mais celuy qui les empesche d'y entrer. Cela se peut faire aisémēt, si on faisoit en chacune ville des maisons publiques pour apprendre les pauures enfans à diuers mestiers, comme il se fait à Paris, à Lyon, à Venize, & à d'autres villes bien policees, où il y a des pepinieres d'artizans, qui est la plus grande richesse d'un pays. Aussi ie ne suis pas d'avis que tout à coup on affrâchisse les esclaves, cōme l'Empereur fist au Peru, car n'ayans point de biens pour viure, ny de mestier pour gagner, & mesmes estans afriâdez de la douceur d'oyfueté, & de liberté, ne vouloiēt trauailler: de sorte que la plupart mourut de faim. mais le moyē c'est deuant les afranchir, leur enseigner quelque mestier. Si on me dit qu'il n'y a bō maistre que celuy qui a esté bon seruiteur: ie di, que c'est vne opiniō qui est mal fondee, quoy qu'elle soit anciēne: car il n'y a riē qui plus rauale & abastardisse le cueur bō, & genereux, que la seruitude, & qui plus oste la maiesté de cōmander autrui, que d'auoir esté esclave. aussi le maistre de sagesse dit en ses prouerbes, qu'il n'y a riē plus insupportable, que l'esclave deuenu maistre: ce qu'il entend non seulement de la cupidité estât maistresse de la raisō: ains aussi de celuy qui va d'une extremité à l'autre, de seruitude au

comman-

⁴ l. vel necare. de liber. agnosc.

⁵ Fran. Aluarez en l'hist. d'Ethiopie.

commandemēt. Mais puis que la raison diuine, & naturelle va par tout, & qu'elle n'est point enclosée en frontieres de la Palestine, pourquoy ne sera elle suivie? Cōbien que de tout temps les Tartares extraits des dix lignees d'Israël, a franchissent leurs esclaves mesmes au bout de sept ans, à la charge qu'ils sortiront du pays: qui est vne clause en cas de vête d'esclaves, que⁶ Papinian auoit regettee: mais depuis il changea d'avis, & corrigea sa faute: & neantmoins en cas d'afranchissemens elle est nulle, si n'y auoit edit, ou coustume generale au contraire, comme nous dirons cy apres. Voila quant à la puissance des Seigneurs sur les esclaves, & des maistres sur les seruiteurs. Or puis que nous auons assez amplement, & toutefois aussi briueuement qu'il nous a esté possible discouru de la famille, & de toutes les parties d'icelle, qui est le fondemēt de toute Republique, disons maintenant du citoyen & de la cité.

6. l. 6. & sequenti de
seruis export.

DU CITOYEN, ET LA DIFFERENCE

d'entre le suget, le citoyen, l'estranger, la ville, cité, & Republique.

CHAP. VI.



Nous auons dit du gouuernement de la famille, & de ses parties, & getté les premiers fondemens sus lesquels toute Republique est bastie. Et tout ainsi que le fondement peut estre sans forme de maison, aussi la famille peut estre sans cité, ny Republique, & le chef de famille peut vser du droit de souueraineté sus les siens, sans rien tenir apres Dieu que de l'espee: comme il y en a plusieurs es¹ frontieres du Royaume de Fez, & de Maroc, & aux Indes Occidentales. mais la Republique ne peut estre sans famille, non plus que la ville sans maison, ou la maison sans fondement. Or quand le chef de famille vient à sortir de sa maison, où il commande, pour traiter & negocier avec les autres chefs de famille, de ce qui leur touche à tous en general, alors il despoüille le tiltre de maistre, de chef, de seigneur, pour estre compaignon, pair & associé avec les autres, laissant sa famille, pour entrer en la cité, & les affaires domestiques, pour traiter les publiques: & au lieu de seigneur, il s'appelle citoyen: qui n'est autre chose en propre termes, que le franc suget tenant de la souueraineté d'autrui. Car au parauant qu'il y eust ny cité, ny citoyen, ny forme aucune de Republique entre les hommes, chacun chef de famille estoit souuerain en sa maison, ayāt puissance de la vie & de la mort sur la femme, & sur les enfans: & depuis que la force, la violence, l'ambition, l'auarice, la vengeance eurent armé les vns contre les autres, l'issue des guerres, & cōbats, donnāt la victoire aux vns, rédoit les autres esclaves: & entre les vainqueurs, celuy qui estoit esleu chef & capitaine, & sous la conduite duquel les autres auoient eu la victoire, continuoit en la puissance de commander

1. Leon d'Afrique.
lib.1.

Definitio de Ci-
toyen.

Commencemēt
des republiques.

1. au chap. des corps
& colleges.

2. in proœmio.

3. in Theſeo.

4. lib. 6.

5. In l. ult. de colle-
giis.

6. in methodo histo-
riar. cap. 7.

2. l. quod attinet. de
regul.

aux vns comme aux fideles, & loy aux ſugets, aux autres comme aux ef-
claves. Alors la pleine & entiere liberte, que chacun auoit de viure à ſon
plaiſir, ſans eſtre commadé de perſonne, fut tournee en pure ſeruitude,
& du tout oſtee aux vaincus: & diminuee pour le regard des vaincueurs
en ce qu'ils preſtoient obeiſſance à leur chef ſouuerain, & celuy qui ne
vouloit quitter quelque choſe de ſa liberte, pour viure ſoubs les loix, &
cōmandemēt d'autrui, la perdoit du tout. Ainſi le mot de Seigneur, &
de Seruiteur, de Prince, & de Sugets au parauāt incogneus, furēt mis en
uſage. La raiſon, & lumiere naturelle nous conduit à cela, de croire que
la force, & violēce a dōné ſource, & origine aux Republiques. Et quād
la raiſon n'y ſeroit point, i'ay monſtré cy¹ deſſus par le teſmoignage in-
dubitable des plus veritables hitoriēs, c'eſt à ſçauoir de² Thucydide,
³Plutarque, ⁴Ceſar, & meſmes des loix de Solon, ⁵ que les premiers hō-
mes n'auoient point d'honneur, & de vertu plus grande, que de tuer,
maſſācrer, voler, ou aſſeruir les hommes. voila les mots de Plutarque.
Mais encores auōs nous le teſmoignage de l'hifoire ſacree, où il eſt dit
que Nimroth arriere-fils de Cham, fut le premier qui aſſugetit les hom-
mes par force & violence, eſtabliffant ſa principauté au pays d'Affyrie,
& pour ceſte cauſe on l'appella le puiſſant veneur, que les Hebrieux
interpretent voleur & predateur. En quoy il appert que Demothe-
ne, Ariſtote & Ciceron ſe ſont meſpris ſuiuans l'erreur d'Herodote,
qui dit que les premiers Roys ont eſté choiſis pour leur iuſtice & ver-
tu, aux temps qu'ils ont figuré heroïque: opinion que i'ay reprouuee
ailleurs: ⁶ veu meſmes que les premieres Republiques, & long temps
au parauant Abraham, ſe trouuent pleines d'eſclaves. comme auſſi le
Iſles Occidentales furent trouuees remplies d'eſclaves: choſe qui ne ſe
pouuoit faire que par violence extreme, forçant les loix de nature. Et
n'y a pas ſoixante & dix ans que les peuples de Gaoga en Afrique, n'a-
uoient onques ſenti ny Roy, ny ſeigneurie quelcōque, iuſques à ce que
l'vn d'entr'eux alla voir le Roy de Tombur: & lors ayant remarqué la
grandeur & maieſté de ce Roy là, il luy print enuie de ſe faire auſſi Roy
en ſon pays, & commença à tuer vn riche marchand, & emparé qu'il
fut de ſes cheuaux, armes, & marchandises, en fiſt part à ſes parens &
amis, & à leur ayde aſſugetit tantost les vns, puis les autres par force, &
violence, tuant les plus riches, & ſ'emparant de leur bien: de ſorte que
ſon fils, eſtant riche des voleries du pere, ſ'eſt fait Roy, & ſon ſucceſ-
ſeur a continué en grande puiſſance, ainſi que nous liſons en Leon
d'Afrique. Voila l'origine des Republiques, qui peut eſclaircir la defi-
nition de Citoyen, qui n'eſt autre choſe que le franc ſuget, tenant de
la ſouueraineté d'autrui. Ie dy franc ſuget: car combien que l'eſcla-
ue ſoit autant, ou plus ſuget de la Republique, que ſon ſeigneur, ſi eſt-
ce que tous les peuples ont touſiours paſſé par commun accord, que
l'eſclaue n'eſt point citoyen, & en termes de² droict eſt conté pour rien:
ce qui

ce qui n'est pas aux femmes, & enfans de famille, qui sont francs de toute servitude, encores que leurs droits & libertez, & la puissance de disposer de leurs biens, leur soit aucunement retranchée par la puissance domestique. de sorte qu'on peut dire, que tout citoyen est suget, étant quelque peu de sa liberté diminuée par la majesté de celuy auquel il doit obeissance : mais tout suget n'est pas citoyen, comme nous auons dit de l'esclau. & ce peut dire aussi d'un estrangier, lequel venant en la seigneurie d'autrui, n'est point receu pour citoyen, n'ayant part aucune aux droits & priuileges de la cité, & n'est point aussi cōpris au nombre des amis, alliez, ou coaliez, qui ne sont point du tout estrangers, comme dit³ le Iurifconsulte, ny ennemis aussi. Cōbien qu'anciennement les Grecs appelloient les estrangers⁴ ennemis, comme aussi faisoient les Latins : ce que⁵ Ciceron a remarqué des douze tables : & les⁶ ennemis estoient ceux qui auoient cōiuré contre l'estat. Peut estre aussi que ceux que nous appellons hostes en nostre vulgaire, estoient anciēnement les estrangers : Mais on a corrigé la propriété des mots, demeurant la forme de parler : & les Grecs ont appelé leurs ennemis πολέμεις, cōme leur faisant la guerre : & les estrangers ξένοι, que les Latins ont nommé peregrinos, qui ne signifie pas pelerins, comme dit le bon⁸ Accurse : mais estrangers, soit sugets d'autrui, ou bien souuerains en leur terre. Or entre les sugets l'un est naturel, soit franc, ou esclau, l'autre naturalisé. l'esclau du suget, encores qu'il soit de pays estrange, est bien different de l'esclau de l'estranger : car l'un est citoyen si tost qu'il est afranchi.⁹ & suit l'origine de son seigneur, l'autre ne l'est pas : qui mōltre assez que l'un est aussi suget de la Republique, encores qu'il soit esclau d'un particulier. Vray est que les afranchis en Grece n'estoient pas citoyens, ores qu'ils fussent du pays, & sugets naturels. Car nous¹ trouuons que Demosthene fut debouté de la requeste par luy presentee au peuple, apres la iournee de Cherronee, par laquelle il demandoit, que tous les habitans d'Athenes, ensemble les afranchis fussent declarez citoyens. ce qu'ils faisoient craignans que les afranchis fussent seigneurs de leur estat, auquel le plus grand nōbre le gaignoit. A quoy les Romains n'ayans pas eu esgard, se trouuerent en bien grande perplexité, voyans leur estat presque reduit en la puissance des afranchis, si Fabius Maximus n'y eust donné ordre, mettāt le populace de la ville, qui estoit composé d'esclaves afranchis, ou bien issus d'eux, en quatre lignees à part, afin que le surplus des autres citoyens, qui estoient trente & vne ligne, eussent la force des voix. car on ne contoit pas en Rome par testes, comme en Grece, & à Venize, mais par classes ; & Centuries aux grans estats, & par lignees ou tributs, aux moindres estats. Qui fut la cause que Fabius² emporta le surnom de Tresgrand, pour auoir donné ce traiet de maistre politic si sagemēt, qu'il n'y eut personne qui s'en remuast. & par ce moyen il remedia à la faute que le censeur Appius auoit faite en diuisant le populace issu d'e-

3. I. non dubito de captiuis.

5. Plutarque in Themistocle.

6. In offic. si status dies cum hoste.

7. perduelles.

8. in l. i. de hæredib. instituen. C. & finxit antinomiam quæ nulla est in §. ult. in institutio. de hæred. instit.

9. l. 5. de captiuis l. 7. ad municipalem. tit. de manumissio. in instit. l. ciues. de incolis. C.

1. Plutar. in Demosthene.

2. Linius lib. 9. & Florus epito. 20.

strangers & d'esclaves par toutes les lignees. depuis on donna privilege aux afranchis qui auroient vn fils aagé de cinq ans ou plus, d'estre enroolés en la lignee de son patron. Et d'autant que ces quatre lignees estoient encores trop puisantes, il fut arresté qu'on tireroit au sort vne lignee, en laquelle seroient mis & enroolez tous les afranchis.³ cela dura iusques à la guerre civile de Marius & de Sulla: que le peuple fist vne loy à la requeste du Tribun Sulpitius, que les afranchis seroient⁴ deslors en avant diuisez en toutes les lignees: qui fut la principale cause de ruiner l'estat. Or tout ainsi qu'entre les sugets esclaves l'un est naturel, l'autre non, aussi entre les citoyens l'un est naturel, l'autre naturalisé: le citoyen naturel est le frâc suget de la Republique où il est natif, soit de deux citoyens, soit de l'un ou de l'autre seulement. Vray est qu'anciennement (& encores à present en plusieurs Republiques) pour estre citoyen, il estoit besoin d'auoir pere & mere citoyens, comme en Grece, autrement² on appelloit nothos ou mestifs ceux qui n'estoient citoyens que d'un costé, & ne pouuoient, ny leurs enfans, auoir part aux benefices ny aux grands estats, qu'on appelloit Archontes, comme dit Demosthene au plaidoyé contre Neæra. combien que plusieurs, comme Themistocle, secrettement y estoient entrez. mais du temps de³ Pericle on en vendit cinq mil, qui s'estoient portez pour citoyens: & mesmes Pericle ayant perdu ses enfans vrais citoyens, presenta requeste au peuple pour faire receuoir celuy de ses enfans qui estoit mestif. Aussi lisons-nous⁴ que les Romains firent vne colonie de quatre mil Espagnols enfans de Romains & d'Espagnoles, parce qu'ils n'estoient pas vrais citoyens. mais depuis ils passerent^o par auis, qu'il suffisoit que le pere fust citoyen, & en plusieurs lieux, il suffisoit que la mere ne fust point estrangere: car le lieu ne faisoit pas l'enfant d'un estrange ou d'une estrangere citoyen: & celuy qui estoit né en Afrique de deux citoyens Romains, n'estoit pas moins citoyen que s'il eust esté né en Rome. Le citoyen⁶ naturalisé est celuy qui s'est aduoué de la souueraineté d'autruy, & y a esté receu: Car le citoyen d'honneur seulement, qui a droit de baloter, ou de bourgeoisie pour ses merites, ou bien pour la faueur qu'on luy fait, n'est pas vray citoyen, attendu qu'il n'est point suget, comme nous dirons tantost. De plusieurs citoyens, soient naturels ou naturalisez, ou esclaves afranchis (qui sont les troismoyens que la loy donne pour estre citoyen) se fait vne Republique, quand ils sont gouuernez par la puissance souueraine d'un ou plusieurs seigneurs, encores qu'ils soient diuersifiez en loix, en langue, en coustumes, en religions, en nations. & si tous les citoyens sont gouuernez par mesmes loix, & coustumes, ce n'est pas seulement vne Republique, ains aussi vne cité, encores que les citoyens soient diuisez en plusieurs villes, villages, ou prouinces. Car la ville ne fait pas la cité, ainsi que plusieurs^o ont escrit, non plus que la maison ne fait pas la famille, qui peut estre composee de plusieurs esclaves ou enfans

3. Liuius lib. 45.

4. Florus epito. 77. & 84.

2. Plutar. Themistocle.

3. Plutar. in Pericle.

4. Liuius lib. 43.

o. l. ad municipal.

5. l. assumptio ad municipal.

6. l. i. r. 2. l. ciues de incolis. C. l. pupilus. §. aduena. de verbor. signif.

o. Bal. in l. ciues ex l. prouincial. de verbor. signif. Acharan. in cap. canonū statuta. de constitut. verbor. consuluit. Alexand. consil. 20. lib. 2. licet Baldus sibi contrarius est in l. si non specialiter de testam. C.

enfants encores qu'ils soient fort esloignez les vns des autres, & en plusieurs pays, pourueu qu'ils soient tous sugets à vn chef de famille. ainsi dirôs-nous de la cité, qui peut auoir plusieurs villes & villages qui vsent de mesmes coustumes, comme sont les bailliages, ou senechaussées en ce Royaume: & la Republique peut auoir plusieurs citez, & prouinces, qui auront diuerfes coustumes, & toutefois sugettes au commandement des seigneurs souuerains, & à ses edits & ordonnances. Et peut estre aussi que chacune ville aura quelque droit particulier de bourgeoisie, qui ne sera point commun à ceux des faux-bourgs, & ceux-ci iouïront de quelque prerogatiue, qui ne sera point commune aux villages, ny aux habitans du plat pays: qui neantmoins seront sugets de la Republique, & outre citoyens de leur cité, mais pourtant ils ne seront pas bourgeois. car ce mot de Bourgeois ha ie ne sçay quoy de plus special à nous, que le mot de Citoyen, & c'est proprement le suget naturel, & citoyen, & habitant de ville, qui a droit de corps & College, ou quelques autres priuileges qui ne sont point communiquez à ceux du plat pays. I'ay dit suget naturel, par ce que le suget naturalisé, voire habitât de ville, & iouïssant du droit des bourgeois, est appelé en plusieurs lieux simple citoyen, & l'autre bourgeois, qui a quelque priuilege particulier: comme en Paris il n'y a que le bourgeois naturel, & né en Paris qui puisse estre Preuost des marchans: & à Geneue le citoyen ne peut estre Syndic de la ville, ny conseiller du priué conseil des xxv. mais bien le bourgeois le peut estre. ce qui est aussi pratiqué en Suisse, & par toutes les villes d'Alemagne: I'açoit que par nos coustumes, & par les anciens edits le mot de Bourgeois signifie roturier, que les Nobles appellent vilain, pour estre habitât de ville, parce que la Noblesse anciennement se tenoit aux champs. encores voit-on que la garde bourgeoise, & la garde noble sont distinguees par nos coustumes: & le bourgeois opposé au noble. Voila sommairement la difference des sugets, des citoyens, des bourgeois, des estrangers: ensemble de la Republique, de la cité, & de la ville. Mais d'autât qu'il n'y a ny Grec, ny Latin, ny autre quel qu'il soit que i'ayeueu, qui ait vsé de ces definitiôs, il est besoin d'esclaircir par loix & par exemples ce que i'ay dit: Car nous voyons souuent aduenir des querelles entre les Princes & seigneuries souueraines, & entre les citoyens & habitans de mesmes villes, pour n'entendre pas la difference de ces mots. Et mesmes⁷ ceux de qui nous deuions attendre les vrayes resolutions, sont bien fort differens, prenant la cité pour ville, & la Republique pour cité, & les estrangers pour citoyens. Et ceux qui nous ont escrit de la Republique sans aucune cognoissance des loix, ny du droit commun, ont laissé les principes voulans bastir de beaux discours en l'air sans aucun fondement: Aristote nous a defini la⁸ cité vne compagnie de citoyens, qui ont tout ce qui leur fait besoin pour viure heureusement: ne faisant point de difference entre Republique & cité: &

7. Accurf. in l. vlt. de præsc. longi temp. C. Cynus Salicet cod. Alexand. in l. r. §. si autem, ad Municipalem. Angel. in l. vlt. de iurisdic. Bald. in l. 3. de naturalib. liberis. Bart. in l. si nupta de mentalis. C. & in l. vrbis appellatio. de verb. signific. Oldrad. cōsil. 176. Speculat. tit. de citatione. §. 1. Canonista in cap. coram de election. 8 lib. 3. cap. 6. politic.

9. lib. 1. comment. Omnīs ciuitas Heluetia quatuor pagos habet.

1. 1. Cæsar. de publicanis. l. 1. sed si quis cod.

2. Castrenſ in l. cæſtra de legat. 1.

3. קר 1. Reg. paries

4. 10. & Ieſa. 16. 11. 4. ut Genes. 4. 18. & Hoſea. 11. 9.

o. Verrius Flacus in verbo Senatū.

5. ad Atticum lib. 4. 6. poſteri ciuilem pro urbano dixerūt Sueton. ſepe & Spartian in Antonino Pio.

7. lib. 10. epistol. c. toto tit. de adminiſtrat. rerū. & ad municipal. & de legation.

8. l. ſimile ad l. municipalē. dd. in l. 2. in quib. cauſis. Bal. in l. ult. col. 4. de ſacroſan. Alexand. conſil. 104. lib. 6.

meſmes il dit que ce n'eſt pas cité, ſi tous les citoyens ne demeurent en meſme lieu: qui eſt vne incongruité en matiere de Republique, comme Iulle Cæſar le monſtre bien en ſes memoires, diſant, que toute la cité des Heluetiens auoit quatre bourgs, ou quatre cantons. où il apert que le mot de Cité, eſt vn mot de droit, qui ne ſignifie point vn lieu, ny vne place, comme le mot de Ville, que les Latins appellent *Vrbem*, ab *Vrbo*, *id eſt aratro*, parce qu'on traſſoit, dit Varron, le circuit & pourpris des villes avec la charruë. Auſſi eſt-il bien certain en termes de droit, que celui qui a transporté hors la ville ce qui eſtoit defendu de tirer hors la cité, l'ayant porté en vne autre ville de la meſme prouince, n'a point cōtreuenu à la deſenſe. les² docteurs paſſent plus outre, car ils diſent que celui n'a point contreuenu, qui a transporté en vne autre ville ſugette à meſme Prince. Les Hebrieux ont gardé la meſme propriété & difference de ville & de cité: car ils³ appellent la ville קר c'eſt à dire la muree: & la cité, קר Et combien qu'ils prennent quelquefois l'un pour⁴ l'autre: comme les Grecs bien ſouuent vſent du mot πόλις ἀντὶ τοῦ ἀγέως, & les Latins du mot^o *ciuitas*, pro *vrbe*, *oppido*, & *iure*: parce que le general, qui eſt la cité, comprend le particulier, qui eſt la ville: ſi eſt-ce qu'ils n'abuſent pas du mot ἀγὺ ἀντὶ τῆς πόλεως, comme nous voyons que Ciceron a bien gardé la propriété de l'un & de⁵ l'autre. car le mot Grec *Aſtu* ſignifie ville proprement, *inde Aſtuti*, qui ſignifie autant comme *urbani*, parce que les habitans des villes ſont plus accors ordinairement, & plus gracieux que les païſans. mais le mot de *ciuilis*, que nous appelons ciuil, n'eſtoit pas receu des anciens⁶ Latins pro *urbano*. Et pour montrer que la difference ne giſt pas en paroles ſimplement: Il ſe peut faire que la ville ſera bien baſtie & muree: & qui plus eſt remplie de peuple, & neâtmoins ce n'eſt point cité, ſil n'y a loix, & magiſtrats pour y eſtablir vn droit gouuernement, cōme nous auons dit au premier chapitre: ains c'eſt vne pure anarchie. Et au contraire il ſe peut faire que la ville ſera accomplie de tout point, & aura droit de cité, & d'vniuerſité, & ſera biē reiglee de loix & de magiſtrats, & neâtmoins elle ne ſera pas Republique. comme nous voyōs les villes & citez ſugettes à la Seigneurie de Venize, ou aux Seigneurs des ligues qui ne ſont pas Republiques: non plus que les villes ſugettes & tributaires à la ville de Rome anciennement n'eſtoient point Republiques, & ne iouiſſoient pas du droit de Republique cōtre les ſugets particuliers, mais ſeulement la cité de Rome: qui auoit de grands priuileges, & prerogatiues cōtre les autres villes en general, & cōtre vn chacun des particuliers: encores que biē ſouuēt les loix vſent du mot de Republique parlant des autres villes. C'eſt pourquoy Traian l'Empereur eſcriuoit à Pline⁷ le ieune gouuerneur d'Asie, que la cité des Bithyniēs n'auoit pas droit de Republique, pour eſtre preferee aux creanciers particuliers en matiere d'hypothèque taiſible, cōme il eſt biē certain⁸ en droit: & n'y auoit que le corps des bourgeois de Rome qui

qui eust ce priuilege, & ceux à qui ils auoient donné ceste prerogatiue, comme estoit la seule cité d'Antioche⁹ en tout l'Empire Romain. Ainsi voit-on que ville peut estre sans cité, & la cité sans ville, & l'un & l'autre n'estant point Republique. & qui plus est vne mesme cité peut estre conseruee en son entier, & la ville razee, ou delaissee des habitans: cōme il en print aux Atheniens à la venue du Roy de Perse, auquel ils quitterent la ville, se mettans tous sur mer, ¹ apres auoir baillé en garde aux Trezeniens leurs femmes & enfans: suiuant l'oracle qui auoit respondu que leur cité ne pouuoit estre sauuee, sinon avec murailles de bois: ce que Themistocle interpreta, que la cité (qui gist au corps legitime des citoyens) ne se pouuoit garentir que par nauires. Il en aduint autāt aux habitans de Megalopolis, lesquels auertis de la venue de Cleomenés Roy de Lacedemone, vuidèrent tous. elle n'estoit pas moins ville qu'au parauāt: mais ce n'estoit ny cité, ny Republique: de sorte qu'on peut dire, que la cité s'en fuit hors de la ville. Ainsi parloit Pompee le grand, apres auoir tiré de Rome deux cens Senateurs, ² & les plus apparés seigneurs, & quittant la ville à Cesar, vſa de ces mots: *Non est in parietibus Respublica*. Mais d'autant qu'il y auoit deux sortes de partizans, & que les bourgeois diuisez en deux s'aduoüoyent separément de deux chefs, il se fist d'une Republique deux. Car les mots de Cité, de Republique, de maison, de paroisse, sont de droit: & tout ainsi qu'il a esté iugé, que la paroisse estant hors la ville, & les paroissiens dedans la ville, qu'ils ioüiroiēt du droit des citoyens, comme estant la paroisse dedans la ville: aussi est il de la cité. Et afin qu'on sçache de quelle consequēce peut estre l'ignorāce de telles choses, ie mettray ce qui en aduint aux Carthaginois lors qu'on deliberoit à Rome de razer leur ville. Ils enuoyerent leurs Ambassadeurs pour se rendre à leur merci, & supplier le Senat, que l'une des plus belles villes du monde, & l'honneur de leurs victoires ne fust indignement rasee. Toutefois il fut resolu qu'on y mettroit le feu pour la facilité du port, & que le peuple de son naturel farrouche & rebelle auoit fait la guerre aux allies des Romains, & aprestoit nombre de nauires, contre les traittez, & qu'il pourroit à la premiere occasion se souleuer, & attirer à sa cordelle tous les peuples d'Afrique. La chose ainsi resoluë, on fait entrer les Ambassadeurs au Senat: & la respōse fut, que leur cité leur demeureroit, avec tous les droits, priuileges, & libertez dōt ils auoiēt tousiours vſé. les Ambassadeurs bien aises s'en retournerent. Tost apres la commission fut decernee au ieune Scipion: lequel ayant pris la route d'Afrique avec vne armee de mer, enuoya Censorin receuoir trois cens ostages, & les vaisseaux de mer: ce qui fut fait. Alors Censorin fist commādemēt à tous habitans de Carthage de vuides, & emporter de la ville tout ce qu'ils pourroient, pour habiter plus loing du port, où bon leur sembleroit. Les habitans estonnez remonstrent que le Senat les auoit asseurez, que leur cité ne seroit point rasee.

⁹ I. Antiochēsum. de priuilegiis credit.

¹ Plutar. in Themistocle.

² Dio. lib. 41.

2. Appian. in Lybico.
Florus 49. epito. ait
Carthaginēses tunc
rebellasse, & obli-
dione diuturna de-
bellatos à L. Martio,
& M. Manlio con-
sulib.

2

3. 1. urbis. de verb.
signi.

4. ad Antiochum
misopogona.

5. lib. 3. c. 1. & c. 4.
poli.

6. lib. 6. topic.

7. lib. 3. c. 1. polit.

8. lib. 6. topic.

On leur² dist que la foy leur seroit gardee de point en point : mais que la cité n'estoit pas attachee au lieu, ny aux murailles de Carthage. ainsi les pauvres habitans furent contraints de sortir, & abandonner la ville au feu qui y fut mis par les Romains, qui n'en eussent pas eu si bon marché, si plustost les Ambassadeurs eussent entendu la difference de ville & cité: comme il aduient souuent, que plusieurs Ambassadeurs ignorās le droit, facent de lourdes fautes en matiere d'estat. Vray est que le Iuriscōsulte Modestin en la loy *si ususfructus ciuitati, quibus modis ususfructus amittatur. ff.* dit que Carthage n'estoit plus cité, apres qu'elle fut rasee, & que l'usufruit laissé à la cité en ce cas estoit estaint, ores qu'il n'y eust eu cent ans qu'il fust laissé: mais il s'est aussi bien abusé comme les Ambassadeurs de Carthage. car tous les droits, prerogatiues, & priuileges leur furent conseruez. Il y a mesme faute au traitté fait entre les Cantōs de Berne & Fribourg, fait l'an m. d. v. où il est porté par le second article, que l'alliance entre les deux Republiques sera perpetuelle, & tant que les murailles des deux villes apparoiſtrōt. Et ne se faut pas arrester à l'abus qu'on fait ordinairement, & aux actes de plus grande importance de ceux qui appellent ville, cité, & vniuersité, comme on dit de Paris, & de quelques autres. appellans cité l'isle, & l'vniuersité le lieu où sont les colleges, & la ville tout le surplus: car la ville contient le pourpris des murailles & faux-bourgs, ³ combien que nous ne suiurons pas la propriété de la loy, disans la ville & faux-bourgs, pour la diuersité des priuileges que les vns ont sus les autres: & l'vniuersité est le corps de tous les bourgeois de Paris: la cité toute la Preuoſté & Vicomtē, vſant de mesmes couſtumes. l'abus est venu de ce qu'anciennement toute la ville n'estoit que l'isle enuironnee de murailles, & la riuere autour des murailles, ainsi que nous lisons en l'epistre de Iulian⁴ gouuerneur de l'Empire d'Occidēt, & qui faisoit sa residence ordinaire en Paris: le surplus estoit en iardins & terres labourables. Mais la faute est bien plus grāde de dire qu'il n'est pas citoyen, qui n'a part aux magistrats, & voix deliberatiue aux estats du peuple, soit pour iuger, soit pour affaires d'estat. C'est la definition du citoyen qu'Aristote nous a laissée par escrit.⁵ Puis apres il se corrige, disant que sa definition n'a lieu sinon en l'estat populaire. Or luy mesme confesse en vn autre lieu,⁶ que la definition ne vaut rien si elle n'est generale. Aussi peu d'apparence y a-il en ce qu'il ⁷ dit, que tousiours le noble est plus citoyen que le roturier, & l'habitant de ville plus que le paysan: & quant aux ieunes citoyens qu'ils bourgeonnent encores, que les vieux vont en decadence, que ceux de moyenne aage sont les citoyens entiers, & les autres en partie. Or la nature⁸ de la definition, ne reçoit iamais diuision, & ne faut pas qu'il y ait ny plus, ny moins d'un seul poinct en la definition, qu'en la chose definie, autrement tout n'en vaut rien. Et neantmoins la description du citoyen qu'Aristote nous a baillee pour l'estat populaire, manque: veu mesmes

mesmes qu'en Athenes, qui n'a point eu de pareille en liberté, & autorité de peuple, la quatriesme classe, qui estoit trois fois plus grande que le reste du peuple, n'auoit aucune part⁹ aux offices de iudicature, ny voix deliberatiue aux arrests & iugemens que le peuple donnoit : tellement qu'il faut confesser, si nous receuons la definition d'Aristote, que la plus part des bourgeois naturels d'Athenes estoient estrangers. Et quant à ce qu'il dit, que les nobles sont tousiours plus citoyens que les roturiers, nous voyons tout le contraire és Republiques populaires de Suisse, & mesmement de Strasbourg, où les nobles n'ont part⁹ aucune (en qualité de nobles) aux offices.

^{9.} Plutar. in Solone.

^{9.} Plutar. in Solone.

Plutarque a mieux dit, que droit de bourgeoisie est auoir part aux droits, & priuileges d'une cité. qui se doit entendre selon la condition & qualité d'un chacun, les nobles comme nobles, les roturiers comme roturiers, & les femmes & enfans en cas pareil selon l'age, sexe, condition, & merites d'un chacun. Et à ce propos disoit un ancien¹ docteur, les pieds formeront-ils complainte contre les yeux, disans, nous ne sommes pas au plus haut lieu? Or si la definition du citoyen que nous a laissé Aristote auoit lieu, cōbié de partialitez, & de guerres ciuiles on verroit! Le populace de Rome ne se banda cōtre les nobles, sinon pource qu'il vouloit estre égal en tout & par tout aux nobles: & ne fut rapaisé que par le moyen de la fable des membres du corps humain, par laquelle le sage Sénateur Agrippa rallia le peuple & la noblesse: Car Romule² auoit ordonné, qu'il ne pourroit estre magistrat, ny beneficier, qui ne seroit extrait des cent gentils-hommes qu'il auoit fait Sénateurs, & depuis y en adiousta cent autres. Ce nouveau peuple ayant vaincu ses voisins, en contraignit plusieurs de quitter leur pays & coustumes, pour estre habitans & bourgeois Romains, comme les Sabins. Depuis, ayant aussi vaincu les Tusculans, Volsques & Herniques, ils traitterent accord ensemble, que les vaincus auroient part aux offices, & voix deliberatiue aux assemblees des estats, sans autrement changer ny de loix, ny de coustumes, qui pour ceste cause ne s'appellerent point citoyens, mais simplement municipales, moins estimez & honorez que les Romains, combien que leur estat fust uni à celui des Romains. Aussi voyōs-nous que Catilina, de l'ancienne maison des Sergiens, & Romain naturel, reprochoit à Ciceron, qu'il n'estoit qu'un nouveau Arpinois. Et cela fut cause que plusieurs villes municipales quitterent leurs coustumes, pour estre vrais bourgeois Romains, iusques à Tibere l'Empereur, lequel osta l'ombre de liberté qui restoit au peuple. alors les villes municipales refuserēt les priuileges de la cité Romaine, de quoy l'Empereur Adrian s'emueilloit, dit Aule Gelle, & sans cause, attendu ce que j'ay dit. Voila donc deux sortes de sugets differēds en priuileges: c'est à sçauoir le bourgeois Romain, & le municipale. La troisieme sorte de sugets estoient les Latins, qui auoient au commencement soixante villes, & depuis ils fu-

^{1.} Augustin. & Paul.
^{1.} ad Corinth. 4.

^{2.} Dionys. Halicar.

^{3.} Tacit. lib. 2. com-
mitia populi tra-
stulit ad senatum.

rent augmentez de douze colonies Latines, & par les traittez faits entre les Romains & Latins, il estoit dit que les Latins venans habiter en Rome auroient droit de citoyens, pourueu qu'ils eussent laissé en leur pays lignee legitime, ainsi que nous lisons en Tite Liue au x l. i. liure. Toutefois plusieurs y faisoient fraude, & baillans leurs enfans à quelques Romains comme esclaves pour les afranchir, afin qu'ils fussent citoyens Romains, il fut dit par la loy Claudia, & confirmee par arrest du Senat, & par edit des Consuls, que tous les Latins qui auoient contre les traittez obtenu droit de bourgeoisie retourneroient au pays: ce qui fut fait à la requeste des citez Latines. Ainsi se doit entendre ce que dit Boëce, que les Romains enuoyez aux colonies Latines, perdoient la cité: & ce que dit Tite Liue,⁴ que par arrest du Senat, il fut dit que les colonies enuoyees à Pouzol & à Salerne n'estoient point citoyens, c'est à dire pour le regard des voix aux estats. Ainsi estoient ceux de Reims, de Langres, de Saintonges, de Bourges, de Meaux, & d'Autun, alliez des Romains & citoyens, sans voix, dit Tacite, ores qu'il leur fust permis d'auoir estats & offices honorables en Rome. & ceux d'Autun furent les premiers qui eurent priuilege d'estre Senateurs Romains, & s'appelloient freres des Romains. cōbien que les Auvergnats prenoient aussi ceste qualité, comme estans extraits des Troyens, ainsi que dit Lucan. Or il est sans doute, que les colonies Romaines estoient vrais & naturels bourgeois extraits du sang des Romains, v'sans de mesmes loix, magistrats, & coustumes, qui est la vraye marque de citoyen. Mais plus les colonies estoient esloignees de Rome, moins elles sentoient la splendeur & clarté du Soleil, & des honneurs qui estoient departis aux bourgeois & habitans de Rome: de sorte que les habitans de Lyon, Vienne, & Narbonne, colonies Romaines, se sentoient bien heureux d'auoir obtenu les priuileges des Italiens, qui estoient d'ancienneté alliez & confederez des Romains, iouïssans du droit de bourgeoisie honorable, sans toutefois changer ny de loix, ny de coustumes, ny perdre vn poinct de leur liberté. & pour gagner ce priuilege, la guerre sociale fut iuree par les Italiens alliez contre la ville de Rome, qui dura iusques à la loy Iulia⁶ de la cité, qui leur fut ottroyee. car entre les villes d'Italie, il y en auoit de citoyens, d'alliez, de Latins, tous differens: c'est pourquoy dit Tite Liue: *Iam inde morem Romanis colendi socios, ex quibus alios in ciuitatem atque æquum ius accepissent: alios in ea fortuna haberent ut socij esse quàm ciues mallēt.* & mesmes les afranchis qu'on appelloit Latins Iuniens, estoient bien sujets & citoyens, horsmis qu'ils ne pouoient disposer de leurs biens.⁹ C'est pourquoy en la harangue de l'Empereur Tibere, qui est en Tacite, & grauee en bronze à Lyon, nous lisons ces mots: *Quid ergo? non Italicus senator prouinciali potior est?* comme s'il vouloit dire qu'ils sont egaux. Aussi Tibere l'Empereur⁷ osta le droit d'auoir estats & offices aux Gaulois, qui auoient obtenu droit de bourgeoisie Romaine. A ce

4. lib. 24.

5. Liuius lib. 23. 24. 35.
Gell. lib. 16. cap. 15.6. Appian. lib. 1.
emphy. l. Plutar. in
Sylla.

o. lib. 26.

9. lege Iunia Nor-
bana.

7. Tacit. lib. xi.

que j'ay dit ce doit rapporter le dire de Pline: L'Espagne, dit-il, a quatre cens soixante & dix villes, c'est à sçavoir douze colonies, treize de bourgeois Romains, quarante sept qui ont le droit des Latins, quatre allies, six franches, & deux cens soixante tributaires. Et combien que les Latins fussent si estroitement alliez des Romains qu'ils sembloient citoyens, si est-ce toutefois qu'ils ne l'estoient pas: & pour ceste cause Ciceron disoit, *Nihil acerbius socios Latinos ferre solitos esse, quàm id, quod perraro accidit, à consulibus iuberi ex urbe exire*. car quant aux autres estrangers souvent on les chassoit, comme il se fist par la loy Papia, ainsi que nous lisons en Dion. Brief, de tous les priuileges & prerogatiues des bourgeois Romains, il ne s'en trouue quasi qu'un qui fust commun à tous, c'est à sçavoir que les magistrats & gouverneurs ne pouuoient prendre cognoissance des causes d'un citoyen, quand il y alloit de l'honneur, ou de la vie, & mesmement s'il y auoit appel intergetté du citoyen au peuple Romain, ou à l'Empereur, encores que les gouverneurs des provinces eussent⁸ haute iustice, moyenne, & basse, sur tous les sugets des provinces. Et quant à ceste prerogative elle fut ottroyee à tous citoyens Romains deslors que le peuple Romain donna la chassee aux Roys par la loy Iunia⁹ loy sacree, & depuis souvent republiee & renouvellee par les loix¹ Valeriennes, & par la loy Sempronia² & Portia tribunitia: pour obuier aux entreprises des magistrats & gouverneurs, qui entreprenoient sus la iurisdiction du peuple, & passoient souvent par dessus l'appel³ sans y deferer. mais Ciceron ayant contreueu fut banni, ses biens declairez acquis & confisquees à la Republique, & sa maison bruslee, estimee, cinquante mille escus, où il fut basti un temple de liberte par arrest du peuple donné par defaux & contumaces. Ce qui fist deslors en auant les magistrats plus auisez. C'est pourquoy Pline le ieune gouverneur d'Asie, escriuant⁴ à Traian l'Empereur des assemblees de Chrestiens, qui se faisoient la nuit au ressort de sa iurisdiction, j'en ay, dit-il, plusieurs en prison, entre lesquels il y en a de citoyens Romains, que j'ay mis à part pour les enuoyer à Rome. & lors que saint Paul fut tiré en iustice, comme seditieux, & troublant le repos public, si tost qu'il apperceut que le gouverneur Felix vouloit entrer en cognoissance de cause, il demanda son renuoy à l'Empereur, remontrant qu'il estoit bourgeois Romain, parce que son pere, de la lignee de Beniamin, & natif de Tharse en Caramanie, auoit acquis droit de bourgeoisie Romaine. Le gouverneur aussi tost se departit de la cognoissance, & l'enuoya à Rome disant, on pouoit absoudre cest homme ici à pur & à plein, s'il n'eust decliné ma iurisdiction. autrement s'il n'eust esté bourgeois Romain, le gouverneur luy eust fait son procès, veu que la Palestine estoit au parauant reduite en forme de province: comme en cas pareil Ponce Pilate ayant le mesme gouuernement, fut contraint de condamner Iesus Christ, comme suget de province & tributaire, combien qu'il

8. l. imperium. de iurisdiction.

9. Liui. lib. 2.

1. à Publio Marco & Lucio Valerii Liuius lib. 2. 7. 10.

2. Cicero pro domo sua & pro Rabirio perduell.

3. Cicero actione in Verrem. 1. 4. 7. Valer. max. lib. 8.

4. lib. 10. epistol.

ne cherchast qu'à s'en laver les mains, s'il eust peu en ce faisant eiter le crime de lèse Maïesté qu'on luy mettoit à sus : & pour s'en iustifier il enuoya le procès à Tiberel'Empereur, comme dit Tertulian. Et si les magistrats municipaux eussent eu haute iustice, ils ne l'eussent pas renuoyé au gouverneur, criant qu'il auoit merité la mort, mais qu'ils n'auoient pas puissance de luy faire son procès : car les magistrats municipaux des prouinces n'auoient aucune iurisdiction, horsmis que de mettre en saisine pour le danger⁵ eminent, & de receuoir les cautions, & quelquefois establir tuteurs aux⁶ pauvres orphelins. mais ils n'auoient aucune cognoissance criminelle, ny sus le bourgeois Romain, ny sus le suget de prouince, ny sus l'estranger, ny sus les afranchis, ains seulement sus les esclaves, qu'ils pouuoient⁷ condamner aux verges pour le plus. Car quant à la iurisdiction qui fut donnee aux defenseurs des villes, ils furent establis par Valentinian⁸, trois cens cinquante ans apres : de sorte que la iurisdiction vniuerselle⁹ appartenoit au gouverneur de prouince, ou à ses lieutenans, priuatiuement à tous autres : & ceux-là faussent grandement, qui pensent, que les prestres & Pôtifes de Iudee pour leur qualité de prestre firent conscience de condamner Iesus Christ à mort : & sur cela ont conclud que les gens d'Eglise ne doiuent donner iugement qui porte execution de sang. Car au parauant que la Palestine fust reduite en forme de prouince, il n'y auoit que le Senat des Iuifs de Lxxi. composé en partie de prestres & Leuites, qui eussent la condamnation de mort, comme l'interprete Caldæan¹ monstre euidement, & encores mieux les Pandeçtes des Hebreux². Voila donc le plus grand priuilege propre aux bourgeois Romains, & duquel tous citoyens Romains iouïssioient. Les autres sugets des Romains, qui n'auoient pas ce priuilege, n'estoient pas appelez citoyens : mais il ne s'enfuit pas qu'ils ne fussent citoyens à parler proprement, & selon la vraye signification de citoyen. Car il faut qu'ils fussent citoyens, ou estrangers, ou alliez, ou ennemis, puis qu'ils n'estoient pas esclaves. on ne peut dire qu'ils fussent alliez, attendu qu'il n'y auoit que les peuples libres, & qui gouernoient leur estat qu'on appellast alliez : on ne peut dire aussi qu'ils fussent ennemis, ny estrangers, veu qu'ils estoient sugets obeissans, & qui plus est tributaires à l'Empire Romain. Il faut donc conclure qu'ils estoient citoyens. car ce seroit chose bien absurde de dire, que le suget naturel en son pays, & sous l'obeissance de son prince souuerain fust estranger. C'est pourquoy nous auons dit, que le citoyen est le franc suget tenant de la souueraineté d'autrui. Mais les prerogatiues & priuileges qu'auoient les vns plus que les autres, faisoient qu'on appelloit les vns citoyens, les autres tributaires. Encores lisons nous, que l'Empereur Auguste estoit si ialoux des priuileges, qu'il ne voulut³ onques donner droit de bourgeoisie à vn Gaulois, quelque priere que luy en fist sa femme Liuia, bien qu'il l'afranchist de payer tailles,

5. l. 1. l. dies. §. duas de damno infecto. l. iu-
bere cauere de iuris-
dict. l. ea quæ ad mu-
nicipal.

6. l. in ius dandi. de
tutor. dat.

7. l. magistratibus. de
iurisdic. om. iudic.

8. l. 1. de defensorib.
ciuitat. C.

9. l. solent. l. si quid
crit. l. penul. & ult. de
off. proconsul.

1. in cap. 5. Hieremie.
2. titulo Sanedrin. &
Paulus Riccius de a-
gricultura cælesti &
rabi Moses lib. 3. ne-
more hancuoquim.

3. Tranquil. in Au-
gusto.

tailles, & trouua fort mauuais, que son oncle Cesar ⁴ donna le droit de bourgeoisie à vne legiō de Gaulois, qu'il auoit furnommee l'Aloüette, & à tous les habitans de Nouocomme: & blasmoit aussi Marc Antoine d'auoir vendu à pris d'argent le droit de bourgeoisie aux habitans de Sicile. Toutesfois ses successeurs n'en furent pas si soigneux: & de fait Antonin le Piteux par vn edit general⁵ qu'il fist, ottroya à tous sugets de l'Empire, droit de bourgeoisie Romaine: suiuant l'exemple d'Alexandre le grand qui estimoit toute la terre vne cité, & son camp la forteresse d'icelle. & neantmoins les vns auoient tousiours quelques priuileges plus que les autres, comme nous lisons aux loix des ⁶ Romains. Car mesme nous trouuons que l'Empereur Seuer apres Antonin plus de cinquante ⁷ ans, fut le premier qui donna le priuilege aux Alexandrins de pouuoir estre Senateurs Romains: & auparauant Antonin les Égyptiens ne pouuoient obtenir droit de bourgeoisie Romaine, fils n'auoient esté bourgeois d'Alexandrie. ⁸ qui est bien pour monstrier que les priuileges ne font pas que le suget soit plus ou moins citoyen. car il n'y a Republique où le bourgeois ayt tant de priuileges, qu'il ne soit aussi suget à quelque charge, comme les nobles sont bien exempts des tailles, mais ils sont sugets à prendre les armes pour la defense des autres, au prix de leurs biens, de leur sang, & de leur vie. Et si les prerogatiues & priuileges que les vns ont par dessus les autres, faisoient le citoyen: les estrangers, & les alliez seroient citoyens: car bien souuent on donne aux estrangers, & aux alliez le droit de bourgeoisie par honneur, & sans aucune sugetion: comme le Roy Loys xj. fut le premier des Roys de France qui fut bourgeois de Suisse. & le Roy de Perse donna droit de bourgeoisie à ⁷ Pelopidas, & à toute sa lignee traittāt alliance avec luy. les ² Atheniens firent Euagoras Roy de Cypre, & Denys de Syracuse tyran de Sicile, & les Roys d'Asie Antigonus & Demetrius, bourgeois d'Athenes. Et qui plus est les Atheniens donnerent à tous les Rhodiots droit de bourgeoisie: & les Rhodiots firent aussi tous les Atheniens leurs bourgeois, comme nous lisons en Tite Liue: & cela s'appelle traitté de combourgeoisie: cōme le traitté fait l'an M. D. xxviii. entre les Valesiēs, & les cinq petits Cantōs: & entre les Cantōs de Berne & de Fribourg, l'an M. D. v. qui emporte honneur, amitié, alliāce, sans aucune sugetion des vns aux autres: mais il est de tel effect que le suget des vns, peut aller sans congé demeurer au pays des autres, & iouyr des priuileges de bourgeois sans lettres de naturalité. & mesmes les Corinthiēs qui n'auoient rien que l'encoulure de la Moree, firent Alexandre le grand leur bourgeois, disans qu'ils n'auoient iamais fait cest honneur que à Hercules. & toutesfois il est bien certain que ces Roys là n'estoient pas sugets des Atheniens: de sorte que le droit de bourgeoisie n'estoit qu'un titre d'honneur. Puis donc qu'il est impossible qu'une mesme personne soit estranger, ou allié, & citoyen, il faut

4. Tranquil. in Iulio.

5. l. in orbe de statu hom. l. roma ad municipal.

6. l. 2. & toto tit. de censib.

7. Dio Cassius.

8. Plin. lib. 10. epist. 6.

7. Plutar. in Pelopida.
2. Idem in Demetrio.

bien dire que les priuileges ne font pas le citoyē, mais l'obligation mutuelle du souuerain au suget, auquel, pour la foy, & obeissance qu'il reçoit, il doit iustice, cōseil, confort, ayde, & protection: ce qui n'est point deu aux estrangers. Mais dira quelqu'un, comment se peut-il faire, que les alliez des Romains, & autres peuples gouuernās leur estat, fussent citoyens Romains (comme ceux de Marsille, & d'Austun en ce Royaume) veu que Ciceron au plaidoyé de Cornelius Balbus dit en s'escriant, Oles beaux droits des bourgeois Romains ! que personne ne puisse estre bourgeois de Rome, & d'une autre cité : que personne ne puisse estre bouté hors, ny retenu par force en nostre cité: s'esbahissant comme les Grecs soufroient qu'on peust estre bourgeois de plusieurs citez. Quant à ce qu'il dit des Grecs, la loy de Solon estoit lors abolie, qui ne vouloit pas que l'estranger eust droit de ⁸ bourgeoisie en Athenes, s'il n'estoit banni de son pays: ce que fist Solon, comme il est vray-semblable, affin que nul ne iouist des priuileges de bourgeoisie, qui fust suget à la souueraineté d'autrui, à quoy Plutarque qui s'esbahist de ceste loy n'a pas pris garde. Aussi trouuons nous plusieurs bourgeois d'Athenes estrangers, & qui n'estoient pas bannis, comme j'ay remarqué cy dessus: & mesmes Pomponius Atticus, duquel sont issus trois ⁹ Empereurs Romains, refusa le droit de bourgeoisie luy estant présenté par les ¹ Atheniens, craignant comme on disoit, perdre le droit de bourgeoisie Romaine. ce qui est bien vray pour le regard des vrayz sugets & citoyens, & non pas des bourgeois d'honneur, qui ne sont point sugets: ny des citoyens de plusieurs citez sous vn mesme Prince, chose qui estoit permise de droit ⁰ commun. Car combien qu'un esclau puisse estre à plusieurs maistres, & vn vassal à plusieurs seigneurs egaux tenans d'autrui: si est-ce qu'il ne se peut faire qu'un mesme citoyē soit suget de plusieurs Princes souuerains, s'ils n'en demeurent d'accord. car ceux cy ne sont point sugets aux loix, comme les seigneurs tenans d'autrui, & les maistres d'un esclau, qui sont contraints s'accorder, pour le regard du seruice que l'esclau leur doit, ou le ² vendre. Qui est vn poinct pour lequel nous voyons souuent la guerre entre les Princes voisins, pour les sugets des frontieres, qui s'aduouēt tantost de l'un, tantost de l'autre, & ne sçauent auquel obeir: & bien souuent s'exemptent de l'obeissance de tous deux: & ordinairement sont inuadez & pillez des vns & des autres: comme le pays de Walachie qu'ils appellent Moldaue s'estant exempté de l'obeissance des Polognois, a esté assugeti des Turcs: & depuis s'est remis en la sugetion des Roys de Pologne en payant neantmoins tribut au Turc: comme j'ay apri des lettres de Stanislaus Rosdrazeroski, enuoyees au Connestable de France en date du xvii. Aoust M. D. LIII. Toutesfois il y a plusieurs peuples sus les frontieres qui se sont afranchis durant les querelles des Princes, cōme il est adueni au bas pays du Liege, de Lorraine, & de Bourgogne, où il y a plus de douze sugets du Roy de Fran-

8. Plutar. in Solone

9. Seneca in epist. ad Lucilium.

1. Cornellius Nepos in Attici vita.

0. I. eius, ad municip.

2. L. 2. de iis qui sunt sui vel alieni iuris.

de Frâce ou de l'Empire ou d'Hespagne qui ont empieté la souueraineté: entre lesquels l'Empereur Charles v. mettoit le Duc de Bouillō, qu'il appelloit son vassal: & par ce qu'il estoit son prisonnier l'an M. D. LVI. au traité fait pour la deliurâce des prisonniers, il demadoit cét milliures de rançon, par ce qu'il se disoit souuerain. Mais il y en a bié d'autres que le Duc de Bouillon: & sans aller plus loin que sus les marches de Bourgogne il y en a six, qui tiennent le pays qu'on appelle de surseance, duquel on ne s'est peu accorder. & en Lorraine la terre & seigneurie de Lumes: ce qui est aussi aduenü sus les frôtieres d'Escoffe & d'Angleterre, où les particuliers se sont faits souuerains depuis xx. ou xxx. ans contre les anciés traittez. Car pour obuier à telles entreprises, les Anglois & Escoffois ont accordé de toute ancienneté que les débats, c'est à dire, certain pays ainsi appelé sus les frôtieres des deux Royaumes, qui a cinq lieuës de long, & deux lieuës de large, ne sera labouré, ny basti, ny habité. mais bien qu'il sera permis aux deux peuples d'y mener paistre leur bestail, à la charge que si apres le Soleil couchât, ou deuât le Soleil leuât il se trouue aucun bestail, il sera à celuy qui le trouuera. c'est l'vn des articles arrestez aux estats d'Escoffe tenus l'an M. D. L. & enuoyez au Roy Héry pour y estre par luy pourueu. Mais quand les seigneurs souuerains demeurēt d'accord, cōme les Suissés du pays de Lugan, & autres terres qui appartiennēt en commun à tous les seigneurs des ligues, où ils enuoient leurs officiers chacun Canton en son tour, alors les sugets ne sont pas reputez sugets de plusieurs souuerains, ains d'vn seul qui cōmande en son ordre. si ce n'est que les vns vueillent entreprendre sus les autres: comme il s'eueut vne seditiō entre les sept Cātōns catholiques, & les quatre protestans l'an 1554. les catholiques vouloient chastier les habitans de Lugan & Louuerts, qui se departoient de l'Eglise catholique: les protestās l'empeschoient, & ia estoient sus le poinct de prendre les armes les vns contre les autres, si les Cātōns de Glaris, & d'Apanzel, qui soufroient les catholiques & protestans, ensemble l'Ambassadeur du Roy de Frâce ne fussent interuenus. Or le bourgeois & suget pour le tout d'vn Prince souuerain, ne peut estre que bourgeois d'honneur d'vne autre seigneurie. Par ainsi quand nous lisons que le Roy Edouart premier, dōna droit de bourgeoisie aux habitās de basse Bretagne, cela s'entend pour iouyr des libertez, exemptions, & franchises dont iouïssioient ceux du pays. autant dirons nous des Bernois, & des habitans de Geneue, qui s'appellent par les traittez d'alliance egale, & par lettres combourgeois. Car quant à ce que dit Ciceron qu'il estoit en la puissance du bourgeois Romain de quitter sa bourgeoisie, pour estre citoyen d'autrui. cela estoit de toute ancienneté, & tout certain par les loix des Romains, & presque tousiours a lieu és Republiques populaires, où chacun bourgeois, non seulement a part aux offices, ains aussi à la souueraineté: comme en Rome & en Athenes, où il estoit aisément permis de quitter le

x. l. 7. de captiuis. l. in bello. priu. cod. l. nihil interest. cod.

2. Demosthen. contra Eubulidem.

3. id est, *καὶ ὅρα* siue occultis suffragiis.

4. Sigismundus liber Baro ab Herbestein in historia Moschoviae.

5. François Aluares en l'histoire de Ethiopie.

6. Tranquil. in Augusto.

6. Plin lib. 10. epistol. 84. & 117.

droit de bourgeoisie: & ne se pouuoit ottroyer en Athenes² à l'estranger, si l'n'y auoit six mil citoyens qui l'eussent accordé balotant à³ couuert. mais aux pays tyrannisez, ou par trop sugets, ou mal-plaisans & infertiles, comme en Tartarie & Moscouie, non seulement les sugets ains aussi les estrangers depuis qu'ils y ont mis le pied n'en⁴ peuuent sortir. ce qui est aussi pratiqué en Æthiopie, si on cognoist que l'estranger soit homme d'esprit, on le retient⁵ par biensfaits, ou bien par force si l veut sabsenter, au lieu qu'il faut achapter bien cherement, ou meriter ce droit à Venise, & autres Republiques franches. Mais quoy que die Cicéron qu'il ne fust point defendu de quitter la sugetion des Romains, & aller autre part, cela ne fait pas qu'il ne soit en la puissance de tous seigneurs souuerains retenir leurs sugets, & les empêcher de sortir de leur obeissance. Aussi voyons nous en tous les traittez de paix ou d'alliance, ceste clause ordinaire, que les Princes ne receurent les sugets, & vassaux les vns des autres en leur protection, bourgeoisie, ou priuileges sans leur consentement expres: qui est conforme à la clause ancienne rapportee par Cicéron, *Ne quis fœderatorum à populo Romano ciuis recipere-tur, nisi is populus fundus factus esset: id est, auct. r.* Et combien que la maison de France & les seigneurs des ligues soient estroitement alliez, toutesfois le traitté d'alliance fait l'an M. D. xx. porte la clause que i'ay dit. Et le septiesme article du traitté fait entre le Duc de Sauoye & les cinq petis Cantons M. D. Lix. si ceux qui demanderoient bourgeoisie d'autrui, ne vouloient demeurer en son pays demeurant ses biens sugets comme auparauant. Et outre les traittez il n'y a Prince qui n'en face ordonnance. Et bien souuent le suget n'oseroit seulemēt sortir du pays sans congé, comme en Angleterre; Escosse, Danneimarch, & Suede, les nobles n'oseroiēt sabsenter du pays sans congé, s'ils ne veulēt perdre leurs biens. comme il fut aussi defendu par l'Empereur⁶ Auguste à tous Senateurs de sortir d'Italie sans son congé, & fut tousiours gardé biē estroitement. Et par les ordonnances d'Espagne, il est defendu de passer aux Indes Occidentales sans le congé du Roy d'Espagne. ce qui fut aussi anciēnement defendu en Carthage, quand le capitaine Hannon eut descouuert les Isles des Maderes. Et par les ordonnances de Milan, il n'est permis à suget quelconque receuoir droit de bourgeoisie, ou traiter alliance, ou ligue avec les autres Princes & Republiques, sans expres congé du Senat de Milan. Et qui plus est, on voit souuent qu'il n'est pas seulemēt permis de changer son domicile, encores qu'on ne sorte point de la seigneurie & obeissance du Prince souuerain. comme au duché de Milan, le suget venant demeurer en la ville de Milan & banlieuē de Milan, doit obtenir lettres, & payer trois ducats. Aussi nous⁶ trouuons qu'il fut defendu aux Bithyniens sugets des Romains receuoir les autres sugets en leur ville, ny leur donner droit de bourgeoisie: comme il se faisoit souuent pour decliner la iurisdiction, ou pour frauder les droits des tailles

tailles & imposts: auquel cas la loy⁷ veut, que celui qui a chagé de domicile, porte les charges en deux lieux. ce qui fut aussi ordonné par les Roys Philippe³ le Bel, Jean, Charles v. & Charles vij. Mais bien l'ordonnance de Philippe le² long, veut que le Preuost ou Baillif du lieu assisté de trois bourgeois, soit contraint recevoir quiconque voudra des sugets du Roy au droit de bourgeoisie, pourueu que dedans l'an & iour il achapte vne maison du prix de Lx. sols parisis pour le moins, & qu'on le signifie par vn sergent au seigneur duquel il est iusticiable, & qu'il demeure au lieu où il aura esté receu bourgeois depuis la Toussaints iusques à la saint Jean, en payant autant de taille qu'il payoit auparauant qu'il eust changé, iusques à ce qu'il se departe de la nouvelle bourgeoisie, & sans decliner la iurisdiction pour les procès intentez trois mois auparauant. Mais quoy qu'il soit permis aux sugets de changer le domicile, si est-ce qu'ils ne peuuent³ renoncer au pays de leur naissance: & beaucoup moins les censiers de main⁴ morte, qui ne pouuoient⁵ anciennement changer leur domicile, sans priuilege special. Et generally on peut dire en termes⁶ de droit, que la bourgeoisie n'est point perdue, ny la puissance du Prince sur son suget, pour chager de place ou de pays: non plus que le vassal ne se peut exempter de la foy de son seigneur, par le droit des fiefs, ny le seigneur quitter la protectiō du vassal, sans le consentement⁷ l'un de l'autre, estāt l'obligation mutuelle & reciproque, si l'n'y a iuste occasion. Mais si l'un ou l'autre a presté consentement expres, ou taissible, & que le suget quittant son Prince soit aduoué d'un autre par la souffrance du premier, il n'est⁹ plus tenu de l'obeissance qu'il luy deuoit. Car bien souuent les princes attirent les estrangers en leur pays à force de priuileges, soit pour fortifier & peupler leur pays, soit pour affoiblir leurs voisins, soit pour gagner les gentils esprits, soit pour l'honneur & gloire des villes nouvellement basties. cōme fist Theleus le premier, ottroyāt droit de bourgeoisie à tous estrangers qui viēdroient demeurer en Athenes: & Alexandre le grand, ayāt fondé la ville d'Alexandrie, ottroya de grands priuileges à tous² habitans, & en peu d'annees elle fut l'une des plus belles & fleurissantes villes du monde. le Roy François le grand ayant basti le Haure de Grace aussi tost le réplit d'habitans, qui regorgent maintenant pour l'exēption des charges qu'il dōna. Aussi voyōs nous la ville de Londres abōder en peuple, & remplie de marchās & d'artisans, pour le priuilege que dōna Richard Roy d'Angleterre à tous estrangers, qui y auroient demeuré dix ans, de iouyr des priuileges de bourgeois. qui est vne ordōnance commune en Suisse, & presque en toutes les villes d'Alemagne cōforme au droit³ cōmun. Vray est qu'il y a plus ou moins de tēps es vnes, que es autres, selō la cōmodité du lieu, ou la grādeur des priuileges: comme à Venise pour obtenir les priuileges de simple citadin, (sans autremēt auoir part aux estats, horsinis à quelques menus offices) il faut auoir demeuré x i i i . ans dedās la ville.

7. l. ult. de municip.
& origin. C.
8. l'an 1302.
9. l'an 1351.
1. Gallus part 4.
2. 1318.

3. l. 1. 2. l. ciues l assu-
ptio ad l. municipal.
4. ascripti glebæ.
5. authent. de manda-
tis princip. §. suscipi-
entes l. incola ad l.
municipalem. Bald.
in titul. de maiortate
& obedient.
6. l. 1. l. originem de
municipibus & ori-
ginar. C. l. assumptio
ad municipal. Ale-
xand. consil. 110.
lib 3.
7. decision. capel.
Tolosan. 485.
9. Iserui in cap. 1.
qualiter vassal. iura-
re.

2. Ioseph. lib. 3. bell;
iudaici.

3. l. ciues de incolis.

A Ferrare il faut auoir habité dix ans au pays, & porté les charges des citoyens. Encores ne fust il pas d'auoir demeuré au pays d'autrui le temps prefix par les coustumes, pour acquerir droit de bourgeoisie, si l'estrange ne demande le droit de bourgeoisie, & qu'on le⁴ reçoie: car il se peut faire que l'estrange ne voudroit pour chose quelconque charger de prince, encores que ses affaires le retiennent hors de son pays. Combien que⁵ plusieurs sont d'avis, qu'ayant demeuré le temps prefix au pays d'autrui, sans auoir obtenu lettres de naturalité, qu'il est capable des laiz testamentaires, ce qu'ils accordent pour la faueur des testaments, & mesmement des laiz⁶ pitoyables faits aux pauvres estrangers, qui sont tousiours autant recommandez que les veufues & orphelins: mais pour acquerir plein droit, & priuilege de bourgeois, il ne fust pas d'auoir demeuré le temps porté par les ordonnances, si on n'a demandé, & obtenu lettres de naturalité. Car tout ainsi que la donation ne vaut rien si le donateur n'a présenté, & le donataire accepté l'offre à luy faire: aussi l'estrange n'est point citoyen ny suget du Prince estrange, s'il n'a receu le benefice du Prince estrange, & demeure tousiours suget de son Prince naturel: & en cas semblable si on l'a refusé. Ce fut la raison pourquoy le Consul Mancin qui fist la paix avec les Numantins, & les capitaines qui traitterent aussi avec les Samnites, estans presentez par les Herauts d'armes aux ennemis, & par eux refusez, s'en retournerent à Rome: où il y eut grand debat, & plusieurs disputes, qui ne sont pas encores bien resolües, pour la diuersité des opinions differentes⁷ de Brutus, & de Scæuola. Car lors que le Consul fut rentré au Senat, le Tribun du peuple le fist sortir: mais en fin le Senat declaira par son arrest, qu'il n'auoit perdu le droit de bourgeois Romain, estant refusé des ennemis: combien qu'à la verité⁸ il fust non seulement priué du droit de citoyen, ains aussi fait esclau des ennemis par arrest du peuple, pour auoir sans son congé capitulé, & traité la paix avec les ennemis: & falloit qu'il fust restitué par le peuple. Toutesfois la plus doulce opinion interpreta que la priuation estoit conditionnelle, au cas qu'il fust receu des ennemis. Si donc l'estrange ne perd point le droit de bourgeoisie quand il s'est aduoué d'un autre Prince, & qu'il a esté refusé, moins le perdra celuy qui ne l'a pas requis, & lors qu'il a esté offert a esté refusé: & beaucoup moins s'il n'a point esté présenté au Prince estrange, & n'a requis de luy lettres de naturalité, mais seulement a demeuré en son pays comme estrange l'espace de temps prefix par l'ordonnance. Qui est pour decider la difficulté que fist le Senat⁹ de Naples, & n'en resolut rien, à sçauoir, si celuy qui auoit demouré toute sa vie en pays estrange, deuoit iouyr des droits de bourgeoisie en son pays. Plusieurs ont tranché court qu'il n'en doit iouyr: disant qu'il faut auoir esgard au lieu du domicile: mais ie serois d'avis, si mes aduis auoient lieu, que cestuy-

4. l. domicilium. ad municipal.

5. Bald. in l. 2. de legat. C. Bart. in l. 1. de regula. Cato. Castrensis in l. cetera. de legat. 1. argu. l. 3. §. quando de iure fisci. Alex. consil. 29. lib. 4. & consil. 32. lib. 5.

6. l. eam quam. de fidei commiss. C. l. proxime. de iis quæ in testamento de.

7. l. ult. de legationib. ff.

8. del. 4. vbi inepta est lectio Florentini libri quod satis intelligitur ex l. ult. de legation. & ex Cicero in topic. Le citoyen liuré aux ennemis, s'il n'est receu, il ne perd point la cité.

9. Mathæ. affict. decif. neapoll. 384.

1. Bal. in l. 2. de infantibus liberis. C. & in l. 2. de statu hom.

cestuy-là doit iouyr du priuilege de bourgeoisie, fil n'y a renoncé expressément, ou qu'il y eust actes contraires au suget naturel: & ne suis pas² seul de cest aduis. les actes contraires sont le bannissement perpetuel, ou le refus d'obeir à son Prince, estant sommé: ou fil obtiét lettres de naturalité d'un Prince estrange, attendu que le consentement taissable, n'est point estimé consentement³ en chose preiudiciable fil n'est expres, qu'ad autrement on peut interpreter la volonté de celuy qui ne l'a point declaree. C'est pourquoy le Parlement de Bordeaux iugea qu'un Espagnol fils d'un François suget naturel, deuoit iouyr du droit de bourgeoisie sans lettres de naturalité.^o Mais si l'estrange qui a obtenu lettres de naturalité hors son pays n'y veut demeurer, il perd le droit qu'il y pretend: car la fiction double n'est pas receuë en droit. Et pour ceste cause le Roy Loys XI. debouta du droit de bourgeoisie tous estrangers, qui auoient obtenu lettres de luy, & festoient retirez hors du Royaume. Aussi par les coustumes, & mesmes de Champagne, & par les edicts⁴ il faut demeurer le temps prefix en ce Royaume, & obtenir lettres, & payer finances. Ces raisons monstrent la difference qu'il y a non seulement entre le citoyen, & celuy qui ne l'est pas, ains aussi des citoyens entre-eux: & que si nous suiuiôs la varieté des priuileges pour iuger la definition du citoyen, il se trouueroit cinquante mil definitiôs de citoyen: pour la diuersité infinie de prerogatiues que les citoyens ont les vns sur les autres, & sus les estrangers. Et mesmes il se trouueroit que l'estrange en plusieurs lieux seroit plus vray citoyen que le suget naturel: comme à Florence plusieurs habitans presenterent requeltes au nouveau Duc, pour estre estimez, & reputez comme estrangers, pour la liberté des estrangers, & sugetion des citoyens. Et neantmoins il y en a de si priuilegiez par dessus les autres, que pour vne fois le Duc receut cinquante mil escus, pour cinquâte bourgeois qu'il fist: en quoy il vsa d'un tour de maistre, croissant sa puissance d'autant de fideles sugets, & rauallant celle des conieurez contre luy, avec vne bonne somme de deniers qu'il eut. Ainsi firent les Venitiens appauuris par les victoires des Geneuois, & craignans la rebellion de plusieurs sugets à peu de seigneurs, vendirent⁵ le droit de gentil-homme Venitien à trois cens Citadins, pour s'appuyer de leurs biens, de leur force, & de leur conseil. C'est donc la recognoissance, & obeissance du franc suget enuers son Prince souuerain, & la tuition, iustice, & defense du Prince enuers le suget qui fait le citoyen: qui est la difference essentielle du bourgeois à l'estrange. les autres differences sont casuelles, & accidentaires: comme d'auoir part à tous, ou à certains offices, & benefices, desquels l'estrange est debouté quasi en toute Republique. Quant aux offices il est bien certain: mais quant aux benefices, encores que les Papes y ayent long temps resisté, pour en departir à qui bon leur sembloit, si est-ce que tous les princes, chacun en son ressort, s'en font à croire: & principale-

2. Bartol. in l. r. de liberis agnoscend ff.
3. dd in cap. qui tacet de regul lib 6 & in l. 2. §. qui tacuit. de interrogat. actio. & in l. cum ostendimus de fide iussor.

o. ex l. assumptio. ad municipalem.

4. de l'an 1303. 1351. 1355.

Difference des
sugets aux estrangers.

5. Sabellicus.

ment les pays de re luction : comme la France . car les pays d'obediēce, comme l'Espagne , l'a obtenu par la bulle ⁶ de Sixte Pape . Et mesme à Boulongne la grasse, où le Pape est seigneur souuerain, les offices & benefices ne sont donnez ⁷ qu'aux habitans & sugets naturels . le semblable se fait en toute la seigneurie de Venize. Les Suisses n'y ont pas procédé par concordats, mais par l'abscheid fait aux estats generaux l'an M.D. xx. il fut arresté que les magistrats mettroient en prison les conratiers de Rome avec leurs bulles & mandats apostoliques, qu'ils auoient pour en frustrer les sugets pourueus par l'ordinaire. Quant aux Polagues leurs ordonnances en sont pleines depuis Casimir le grand ⁸ iusques à Sigismond Auguste : à quoy les Alemans aussi ont donē bon ordre par leurs concordats : qui fut la cause que les maistre, escheuin & treize de la ville de Mets, se plaignirent par lettres du moys de Mars M.D. LXIII. que la ville de Mets estoit comprise aux cōcordats d'Allemagne, & que le Roy ne deuoit souffrir les courtisans de Rome venir prendre possession des benefices de Mets, pour en exclure les iugets pourueus par l'ordinaire . L'autre priuilege des citoyens est, qu'ils sont exempts de plusieurs charges que l'estranger est contraint ⁹ porter . comme anciennement en Athenes les estrangers payoient le droit de domicile, ¹⁰ & les bourgeois estoient afranchis de tous impôts . Mais le plus notable priuilege que le citoyen a par dessus l'estranger est, qu'il a pouuoir de faire testament, & disposer de ses biens selon les coustumes : ou bien laisser ses proches parens heritiers : l'estranger n'a ny l'un ny l'autre, & ses biens sont acquis au seigneur du lieu où il est mort . Qui n'est point vn droit nouveau en France, comme les Italiens se pleignent, ains aussi commun au Royaume d'Angleterre, d'Escoſſe, de Naples, de Sicile, & à tout l'Empire d'Orient : où non seulement le grand seigneur est heritier des estrangers, ains aussi des Timariots pour les immeubles, & des autres sugets pour la disme . comme anciennement en Athenes ¹¹ le Fisque prenoit la sixiesme partie de la succession de l'estranger, & tous les enfans de ses esclaves : & en Rome la rigueur y estoit bien plus grande, quoy que die Diodore, ¹² que les Egyptiens & Romains souffroient les heritiers des estrangers, apprehender la succession : & en parle cōme estranger, qui n'y a pas pris garde : car il est bien certain qu'il n'estoit aucunement permis à l'estranger, de disposer de ses biens, & ne pouuoit rien auoir du testament d'un bourgeois Romain, mais le Fisque emportoit la succession. nos loix ¹³ en sont pleines : ce que nous pouuons aussi iuger par le plaidoyé de Ciceron, lequel pour mōstrer que le poëte ¹⁴ Archias estoit bourgeois Romain, dit entre autres choses qu'il auoit disposé de ses biens par testament . & luy mesme en son fait pour donner à entendre que l'arrest de bannissement donné contre luy à la poursuite de Claude le Tribun estoit nul . Qui est, dit-il, le bourgeois Romain qui a fait difficulté de me laisser ce qui luy a pleu par testament, sans auoir esgard

6. Bald. consil. 46. lib. 1.

7. Barbat. consil. 23.

8. in statutis Polonię.

9. Bald. in l. quod fauore. de legib. Alexan. consil. 103. lib. 2.
10. Demosthenes contra Neaira *μὴ δέχου* vocat.

Droit d'aubaine ancien & commun, aux Grecs & Latins, & aux Turcs.
11. Demosthenes contra Androtionem.

12. lib. 2.

13. l. 1 de hæredib. institu. C. l. 1 §. 2. de legat. 3. l. quidam De pœnis. l. neque. §. 1. de militari testa. l. 1. §. penul. de iis quæ non scriptis.

14. in oratione pro Archia.

esgard à l'arrest de mon bannissement? Et du mesme argumēt auoit vsé Demosthene,⁵ pour mōstrer que Euxithenes estoit bourgeois d'Athenes. Ses parens, dit-il, ont ils pas recueilli la succession de son pere qui l'auoit suruescu? Et tout ainsi qu'en ce Royaume, & en Angleterre les seigneurs particuliers ont droit d'aubeine sus l'estranger mourant en leur territoire: aussi les bourgeois Romains, qui auoient receus les estrangers en leur protection, emportoient leur successiō par dessus le Fisque: & appelloient celà droit d'application.⁶ C'est pourquoy on disoit en Rome, que le droit de faire testament, estoit seulement permis aux bourgeois Romains. Il apert donc que ce droit d'aubeine est des plus anciens & qui a tousiours esté commun tant aux Grecs, & aux Romains, cōme aux autres peuples, iusques à ce que Friderich I. R. Empereur y derogea par vn edit,⁷ qui est biē mal executé: Car il permet à tous estrangers mourās aux enclaves de l'Empire, de disposer de leurs biens par testament, ou s'ils meurent sans tester, de laisser leurs proches parens heritiers. mais cest edit est aneanti en Italie, où ils vsent de plus grande rigueur enuers les estrangers, que ceux qui ont par deçà le droit d'aubeine. Car il est permis⁸ à l'estranger d'acquies en ce Royaume tous les biens, meubles, & immeubles qu'il pourra, & les vendre, donner, troquer, & en disposer par contracts faits entre vifs, ainsi qu'il vouldra, & auoir pour vingt ou trente escus lettres de naturalité. mais en plusieurs villes d'Alemagne, & par la coustume generale de Boheme, il n'est permis à l'estranger d'auoir vn pied de terre: comme en cas pareil, en Italie il est defendu à tous estrangers d'acquies aucuns immeubles en propriété: cōme au Duché de Ferrare la coustume⁹ y est formelle. & qui plus est par la coustume de Perouze¹ il est defendu de transporter à l'estranger, non seulement la propriété, ains aussi la possession d'aucun immeuble. & par la coustume de Milan,² il n'est pas seulement permis à l'estranger d'auoir l'usufruct, ou reuenu d'aucun immeuble, sur peine de confiscquer le pris, & l'heritage, avec defense aux heritiers d'espouser les estrangers, sur peine de confiscation. & mesme il n'est permis au creancier estranger prendre l'immeuble de son debteur par faute de payement, sinon à la charge d'en vider³ ses mains dedans l'an, qui contraint les creanciers de vendre l'heritage à non pris, mesmement si les habitans craignent, ou ayment le debteur, & par ordonnance de l'Empereur Charles. v. tous estrangers sont deboutez de la successiō des sugets de Milan: à laquelle ordonnance Iean Baptiste de Plot, a donné cinquante limitatiōs qui sont mal executees. Encores par la coustume de Venise l'obligation faicte à l'estranger, ne lie point l'heritier simple du suget Venitien, sinon pour les biens du defunct, qui est contre le droit⁴ commun. Et par la coustume de Bressé en Italie, la femme mariee à l'estranger, ne peut transporter aux estrangers ses biens immeubles, ny le pris d'iceux directement ou indirectement. Voila le bon traictement que les estrangers ont en Italie:

⁵. contra Ebulidem

Droit d'aubeine en Angleterre.

⁶. Cicero ad Q. fratrem.⁷. l. omnes. communia de successio. C.⁸. arrest Nouembre 24. 1544.⁹. Alexand. consil. 157 lib. 2. nu. 12.¹. Ancharan. in cap. canonum statuta. de constitut.². Alexand. consil. 198. lib. 6.³. constitut. Mediola. tit. de pœnis.

Coustume de Venise.

⁴. lib. 1. cap. 59. statut. Venet.

• Sigismondi liberi
in historia Moscho.

5. Arrest du parlemēt
de Paris, du 23. Feb-
urier 1518.

6. Arrest dudit par-
lement du 7. Mars
1531.

7. arrests dudit parle-
mēt le 27. Aoust 1540.
1549. 1554. 1556. xi.
Mars Benedic. in ver-
bo ad elafiam. nu.
1042.

8. lettres patentes de
Philippes de Valois
13. 9. & de Charles 7.
1443.

9. anno 1406. 1482.
1497. 1549.

1. in libro curiaz. in-
scripto l. iiii. 20. 15
456. publicata sunt
priuilegia ea condi-
tione vt iisdem pri-
uilegiis apud eos ve-
ramur.

2. 1567.

3. arrest 1569.

4. arrest du 5. Avril. &
Decembre 1565.

5. Tacit. lib. 5. Tran-
quil. in Cæsare. l. 4.
qui bonis cedere
possit. C.

qui n'a pas occasion de se plaindre de la France, veu mesmes qu'en Angleterre il n'est permis aux sujets d'hypothequer seulement leurs biens à l'estranger. & souuent les Ambassadeurs n'ont plainte que pour auoir raison des debtors. Et mesmes aux mōtagnes des Grisons & des Suisses, où le poëte du Bellay dit qu'il faut confiner les Parricides, il n'est pas permis d'hypothequer sa terre. Et en tout le pays de Lituanie, Moscho-
uie, & Tartarie, les biens des marchans estrangers mourans en ces pays là sont confisquezz. Et neantmoins en ce Royaume le droit d'aubeine est moderé, en sorte qu'il est permis à l'estranger mourant hors de France, disposer des biens par luy acquis en France à tiltre oncreux, & laisser ses enfans nez en France heritiers, pourueu que la mere ne soit estrangere. & quant à la cause des lettres de naturalité, que les heritiers soient regnicoles, les iuges⁶ l'ont esté due aux estrangers demeurans en France, qui sont preferez aux plus proches demeurans hors le Royaume en la succession de l'estranger naturalisé. car autrement il est requis⁷ pour faire succeder les enfans de l'estranger, qu'ils soient nez en France, & d'une bourgeoisie, ou sujette naturelle. Et outre ce que j'ay dit, nos Roys vsans d'une bonté extraordinaire, ont remis⁸ le droit d'aubeine à tous marchans estrangers frequentans les foires de Champagne, & de Lyon: & aux marchans Anglois en Guyenne. & quant à ceux du bas pays de Henaut & d'Artois, les villes d'Amiens, Cambrai, Tournay, ils n'ont iamais esté sujets aux droits d'aubeine, & par lettres⁹ patentes, & arrests, ils en ont tousiours esté exemptez. & mesmes les marchans des villes maritimes sus la mer Baltique, sont aussi exempts du droit d'aubeine, avec plusieurs beaux priuileges, ottroyez par Loys le ieune, confirmez par Charles v i i i. verifiez en Parlement, & puis nagueres² enuoyez au sieur Danezay, Ambassadeur de France vers le Roy de Dannemarch. Vray est que le priuilege donné aux marchans estrangers ne s'estend pas aux marchans naturalisez, comme il a esté iugé³ au priué conseil contre vn marchand Italien naturalisé, & toutesfois par prouision seulement. les marchans estrangers n'ont pas vn seul de ces priuileges en tout l'Orient. nous auons trop d'exemples, & mesmemēt de la succession de Croizile marchand de Tours, qui valloit deux cens mil escus, qui fut donné au Bacha Hybraim. Outre ce que j'ay dit, il est permis à tous estrangers mourans hors de France, disposer par testament des biens acquis en France, qui est bien pour monstrier que les estrangers sont traittez beaucoup plus gracieusement en France, qu'ils n'estoient en Grece, ny en Rome, ny en tout l'Orient. Il y a encore vne autre difference du citoyen à l'estranger, c'est à sçauoir la cession de biens, de laquelle les estrangers sont deboutez: ⁴ qui est l'anciē droit des Romains: autrement l'estranger pourroit à son auantage sucer le sang, & la moüelle des sujets, & puis les payer en faillites: combien qu'il n'y a pas moins de banqueroutiers, que de cessionnaires. Quant à la différence
du ci.

du citoyen, & de l'estranger, pour le regard de la caution du iugé que l'estranger est tenu bailler en ce Royaume, & non pas le suget par nos coustumes: ⁶ ce n'est point difference qui ayt lieu hors ce Royaume, veu que par tout ailleurs, & l'estranger, & le citoyen sont tenus bailler telle caution, suiuant le droit commun. ⁷ & mesmes en ce Royaume le suget naturel y est contrainct s'il a fait cession, ou s'il vient en matiere beneficiale par droit deuolu. Mais il y a bien vne difference qui est, & a tousiours esté commune à tous peuples, c'est à sçauoir, le droit de marque, ⁸ contre les estrangers, & n'a point lieu contre les sugets: ⁹ & pour ceste cause Friderich 11. Empereur r'enuoya aux estats de l'Empire ceux qui luy demandoiēt droit de repesaille cōtre les sugets de l'Empire. Et pour le faire brief l'estranger peut estre chassé hors du pays, non seulement en temps de guerre, car alors on licencie les ambassadeurs mesmes, ains aussi en temps de paix, soit pour empescher que les sugets ne soient gastez & alterez d'un estrangier vicieux, comme Lycurgue ¹ deffendit aux sugets de sortir sans congé, & bannit l'or & l'argent pour en chasser l'estranger, comme les Indois de la Sine Orientale deffendent aux sugets de receuoir estranger sur peine de la vie: pour obuier aux entreprises que l'estranger peut faire cōtre l'estat d'autrui. Et si la guerre est ouuerte contre son Prince, l'estranger peut estre retenu comme ennemy, suiuant ² la loy de guerre: autrement il ne doit estre retenu, s'il n'est obligé par contract, ou par delict: ou qu'il se soit fait suget d'un autre Prince sans le congé du sien: car en ce cas son Prince a tousiours droit de main-mise comme le seigneur sus l'esclau fuitif, encōres que le suget vint par deuers luy en qualité d'Ambassadeur, cōme les Ambassadeurs de Dan le tyran, que l'Empereur Theodose declara rebelle à sa maiesté, & meit en prison ses Ambassadeurs. ce qui fut pratiqué par l'Empereur Charles v. cōtre l'Ambassadeur du Duc de Milan son suget, qui fut retenu prisonnier quand son maistre entra en ligue contre luy: & combien que la nouuelle estant venue en France, l'Ambassadeur d'Espagne fust mis ¹ prisonnier au grand Chastelet, si est-ce qu'il en fut aussi tost tiré, quand on entendit que les Ambassadeurs, & les Herauts d'armes de France, d'Angleterre, & de Venize, auoiēt esté mis hors d'Espagne avec sauuegarde, sans que les coalliez se ressentissent de ce que l'Empereur auoit retenu l'Ambassadeur de Milan: car combien que celà semble contraire à la loy, *si quis legatus de legation*. si est-ce que les Romains punissoient le suget qui s'estoit retiré aux ennemis en qualité d'ennemi. ^o Et la plus belle couuerture que les Imperiaux trouuerent pour excuser le meurtre fait en la personne de Rangon & Fregose, Ambassadeurs de France vers le Turc, fut que l'un estant Espagnol suget naturel de l'Empereur, & l'autre Geneuois en sa protection, s'estoient mis au seruice de son ennemy, & le bruit estoit qu'ils alloient luy dresser nouuelle guerre. combien que l'Empereur ne voulut aduouer le meurtre, offrant faire iustice

6. Faber in §. sed hodie in institutio. de satisfation. arrest contre l'estranger du 27. May 1567.

7. toto titulo. qui satisfidare.

8. Demosthenes.

ἀνδραποδία vocat. in orat. contra Aristocratē. Iustinianus ἐχέλευσιν constituit. §2 & 134. id est oppignationem ut vocatur in c.1. de iniuriis & damno dato. vide Innocent in cap. olim de restitut. spoliar. Cynus in authent. habitu. ne filius pro patre C. Varro clarigationē vocat in lib. de lingua Latin.

9. Nouel. constitut. §2. & l. prouidendum de decurio. C.

1. arrest de l'an 1569. encore que ce fut en guerre ciuile.

2. l. si quis ingenuam de captiuis.

1. Plutar. in Lycurgo.
2. l. in bello §. 1. de captiuis l. l'an 1528.

o. l. 19. de captiuis.

2. l. 2. de offic. prætoris.

3. l. ult. de decret. ab ordine. l. 2. & ibi Bartol. de cunuchis. Bal. in l. non solum de commercijs. C. Bartol. in l. cunctos populos. q. 8.

4. l. mercatores & ibi Bald. de commer. Alexand. concil. 116. lib. 6. c. tuæ cap. ult. de clericis non resident. licet alij aliter sentiunt. ex l. si fundus de euictionib. ff.

Differéce des citoyens entre eux.

5. l. si filij. §. senatores l. penul. de senator. Bart. in l. 1. ad municipal. Oldrad. q. 32. & q. 74. Bal. in cap. 1. de milite vassal. Castrensis consil. 292. Bertrand. consil. 92. lib. 2. Alexand. consil. 41. lib. 7. nu. 4. Carol. molinæ ad notas. Alexand. eod. consil.

6. l. 2. de censib. toto titul. de senator. l. 1. de dignitat. C.

o. l. Mutius. pro socio. ff.

de ceux qui en seroient atteints, & conuaincus. Mais quoy que face le suget, il ne peut s'exempter de la puissance de son seigneur naturel, ores qu'il deuint Prince souuerain au pays d'autrui, non plus que l'esclau Barbarius² lequel s'estant fait Præteur de Rome, fut fuiui, & vindiqué par son seigneur, avec lequel il cōposa pour sa liberté, cōme dit Suidas: ³ aussi le suget en quelque lieu qu'il soit souuerain, peut estre rappellé: comme de fait la Roynie d'Angleterre rappella le Conte de Lenos, & son fils Roy d'Escoffe, & pour n'auoir obey confisqua leur bien. car le suget est tenu aux ordonnances personnelles de son Prince: de sorte que s'il est interdit au suget de contracter ou d'aliener, les alienations sont nulles, encores qu'il les face au pays d'autrui, & du bien qu'il a hors le territoire de son Prince: & si le mari hors son pays donne à sa femme contre la defense de son Prince, ou des coustumes de son pays, la donation est nulle: ⁴ car la puissance de lier, & obliger vn suget n'est point atachee aux lieux. Et pour ceste cause les princes ont accoustumé d'vser entre eux de commissions rogatoires, ou du droit de marque, pour faire obeir leurs sugers, ou euoquer les causes, & poursuites contre eux faites, sinon en cas permis de droit. Et me souuient à ce propos auoir veu lettres des seigneurs de Berne au feu Roy Henry, sur ce que la Roynie d'Escoffe auoit fait appeller aux requestes du Palais à Paris la Marquise de Rotelin en qualité de tutrice du Duc de Longueuille, à cause du Côte de Neuf-chastel, pour faire euoquer la cause, remonstrans que le Duc de Longueuille estoit leur bourgeois à cause de Neuf-chastel. Voila les principales differences des sugers & citoyens aux estrangers, laissant les differences particulieres de chacun pays, qui sont infinies. Quant aux differences des sugers entre eux, il n'y en a pas moins en plusieurs lieux, qu'il y a entre les estrangers, & les sugers. l'en ay remarqué quelques vnes. des nobles aux roturiers, des maieurs aux mineurs, des homes aux femmes, & de la qualité d'un chacun. Et pour le faire court, il se peut faire en termes de droit, ⁵ qu'entre les citoyens, les vns soient exempts de toutes charges, tailles, & impôts, auxquels les autres seront sugers. nous en auons vne infinité d'exemples ⁶ en nos loix. comme aussi la societé est bonne^o & vallable, où l'un des associez a part au profit, & ne porte rien du dōmage. C'est pourquoy nous voyons la distinction des citoyens en trois estats, à sçauoir l'Ecclesiastic, la Noblesse, & le Peuple, qui est gardée presque en toute l'Europe. & outre ceste diuision generale, il y en a de plus speciales en beaucoup de Republiques, comme à Venise les gentils-hommes, les citadins, & le menu peuple: à Florence auparauint qu'elle fust reduicte sous vn Prince, il y auoit les grans, les populaires, & le populace. Et nos anciens Gaulois auoient les Druides, les gens de cheual, & le menu peuple. En Ægypte les prestres, les gens d'armes, & les artisans, cōme nous lisons en Diodore. Aussi l'anciē legislateur Hippodamus diuisa les citoyens en gens d'armes, artisans, & laboureurs: & sans cause

cause a esté calomnié d'Aristote⁷, comme nous lisons és fragmens⁸ de ses ordonnances. Et quoy que Platon s'efforceast de faire tous les citoyens de sa Republique egaux en tous droits & prerogatiues, si est-ce qu'il les a diuisez en trois estats, à sçauoir en gardes, en gensdarmes, & laboureurs. qui est pour monstrier qu'il n'y eut onques Republique, soit vraye, ou imaginere, voire la plus populaire qu'on peut penser, où les citoyens soient egaux en tous droits, & prerogatiues: mais tousiours les vns ont eu plus ou moins que les autres.

7. lib. 2. polit.
8. apud Stobæum.

DE CEUX QUI SONT EN PROTECTION,
& la difference entre les alliez, estrangers, & sugets.

CHAP. VII.



Nous auons dit quelle difference y a entre les sugets, les bourgeois, & les estrangers. disons maintenant des alliez, & premieremēt de ceux qui sont en protection: par ce qu'il n'y a pas vn, de ceux qui ont escrit de la Republique, qui aye touché ceste corde, qui est toutefois des plus necessaires pour entendre l'estat des Republiques. Le mot de Protection en general, s'estend à tous sugets, qui sont en l'obeissance d'un Prince, ou seigneurie souueraine: cōme nous auons dit, que le Prince est obligé de maintenir par la force des armes, & des loix ses sugets en seureté de leurs personnes, biens, & famille: & les sugets par obligation reciproque, doiuent à leur Prince, foy, sugetion, obeissance, ayde, & secours. c'est la premiere, & la plus forte protection qui soit. car la protection des maistres enuers leurs esclaves: des patrons enuers leurs afranchis: des seigneurs enuers leurs vassaux, est beaucoup moindre, que des Princes enuers leurs sugets: d'autant que l'esclave, l'afranchi, le vassal, doit la foy, hommage, & secours à son seigneur, mais c'est apres son Prince souuerain, duquel il est hōme lige. aussi le soldat doit obeissance, & secours à son Capitaine, & merite la mort s'il ne luy fait bouclier au besoin: la loy vse du mot *Protexit*¹. Mais en tous les traitez, le mot de Protection est special; & n'emporte aucune sugetion de celuy qui est en protection: ny commandement du protecteur, enuers ses adherans, ains seulement honneur, & reuerence des adherans, enuers le protecteur, qui a pris la defense, & protection, sans autre diminution de la majesté des adherans, sus lesquels le protecteur n'a point de puissance. Aussi le droit de protection est plus beau, plus honorable, & plus magnifique, que tous les autres. Car le Prince souuerain, le maistre, le seigneur, le patron, tirent profit, & obeissance, pour la defense des sugets, des esclaves, des afranchis, des vassaux: mais le protecteur se contente de l'honneur, & recognoissance de son adherat:

Que signifie protection.

1. l. omne delictum
de re militari. ff.

2. l. rogasti. §. si tibi.
de rebus credit. l. i. §.
si conuenerit depo-
siti. l. Lucius cod. ff.
3. l. i. mandati. ff.

4. Dionysius Halic.
lib. 2. Tullius in di-
uinatione.

5. Par arrest du par-
lemēt de Paris pro-
noncé en robes
rouges contre Fran-
çois Partenay le 23.
Decembre 1565.

& si l'en tire autre profit, ce n'est plus protection. Et tout ainsi que celui qui preste, ou accomode autrui de son bien, ou de sa peine, si l'en reçoit profit questuaire, ce n'est ny prest, ny accommodation, ains vn pur loüage² d'homme mercenaire. aussi celui qui a liberalement promis faire quelque chose pour autrui, est obligé d'accomplir sa promesse sans aucun loyer: & la raison de la loy est³, *quia officio merces non debetur*. Or il n'y a promesse plus forte, que celle qui est faite de defendre les biēs, la vie, & l'honneur du foible contre le plus puissant: du pauvre, contre le riche: des bons affligez, contre la violence des meschans. C'est pourquoy Romule Roy des Romains, ordonnant l'estat de ses sūgets, pour les nourrir en paix & repos, assigna à chacun des cēt gentils-hōmes, qu'il auoit choisis pour son conseil priué, le surplus des autres sūgets, pour les maintenir en leur protection & sauuegarde, tenant pour execrable celui, qui laisseroit la defense de son adherant, & de fait les Censeurs notoient d'ignominie ceux qui auoient quitté leurs⁴ adherans. Et qui plus est la loy des XII tables portoit la peine des interdits. *Si patronus clienti fraudem faxit, sacer esto*. Plutarque dit bien que les adherans bailloient de l'argent aux patrons pour marier leurs filles: mais il se peut faire qu'il s'est mespris, & qu'il a pris les adherans pour afranchis, car Dionysius Halicarnassæus n'en dit rien. Depuis les grans seigneurs de Rome, commencerent aussi à prendre en leur protection, qui l'vne, qui l'autre ville. comme la maison des Marcells, auoit en sa protection la ville de Syracuse: la maison des Antoinnes auoit Boulongne la grasse: & les estrangers en cas pareil, qui frequentoient la ville de Rome, auoient aussi leurs protecteurs, qui prenoient leur succession, comme par droit de Aubeine, fils mouroient en Rome, comme il a esté dit cy dessus. Et appelloit on les adherans, *Clientes*, & les protecteurs, *Patrōs*, pour la similitude qu'il y auoit entre les vns & les autres: mais il y a difference notable. car l'afranchi doit les coruees au patron, & peut estre reduit en seruitude, si l'est ingrat: l'adherant ne doit point de coruees, & ne peut perdre sa liberté pour estre ingrat. l'afranchi doit vne partie de ses biēs à son patron, ayant suruescu l'afranchi: l'adherant ne doit rien de sa succession au protecteur. Et combien que le vassal aye beaucoup de choses semblables à l'adherant, de sorte que plusieurs ont fait vne confusion de l'vn & l'autre: si est-ce qu'il y a bien difference: car le vassal doit la foy, hommage, ayde, secours, & honneur au seigneur: & si l'commet felonie, ou qu'il defauoie son seigneur, ou pour vn dementir⁵ par luy donné à son seigneur, il perd son fief, qui est acquis au seigneur par droit de commis. l'adherant n'ayant aucun fief du protecteur n'est point en ceste crainte. Dauantage si le vassal est homme lige, il est naturel sūget, & doit non seulement la foy & hommage, ains aussi sūgetion & obeissance au seigneur, & Prince souuerain, de laquelle il ne peut se departir, sans le consentement de son Prince, ores qu'il deguerpist le fief. les adherans

ne

ne sont point en ces termes, & ne sont en rien sujets aux Protecteurs. Le simple vassal, soit Pape, Roy, ou Empereur, est sujet d'autrui, & doit service au seigneur duquel il tient fief, iacoit qu'il puisse, en quittant le fief, s'exempter⁷ de la foy, & hommage. le simple adherant, si est Prince souverain, il ne doit ny service, ny obeissance, ny hommage au protecteur. Le droit de vasselage est nouveau, & depuis la venue des Lombards en Italie: car au paravant il ne s'en trouue rien qu'on puisse asseurer. Le droit de protection est tresancien, & au paravant Romule, qui l'emprunta des Grecs: car il estoit vsité en Thessalie, Egypte, Asie, Sclauonie, comme nous lisons es anciens⁸ auteurs. Le vassal au contraire reçoit des heritages, & des fiefs du seigneur: duquel il ne peut estre exempté de la foy & hommage qu'il doit, ores que le Prince souverain erigeast le fief de son arrierevassal en Comté, Duché, Marquisat, Principauté, comme il a esté⁹ iugé par arrest du parlement de Paris. En quoy s'est abusé celuy¹ qui a tenu, que Cesar en ses Memoires appelle *soldurios* & *denotos*, les vassaux, veu qu'il n'y a aucune mention de fief: ioint aussi qu'ils estoient vrais & naturels sujets: car leur vie, leurs biens, & leurs personnes estoient consacrez à leur seigneur: qui est la vraie marque de sujetion, que le vassal, & arriere-vassal doiuent seulement au Prince souverain, non pas en qualité de vassaux, ains en qualité de sujets naturels, qui doiuent courir la mesme fortune que leur Prince, viure & mourir pour luy, si est besoin, ores que le vassal y soit obligé plus spécialement que les autres sujets. Qui sont tous argumens necessaires pour monstrier, que les droits de patronnage, de vasselage, & de protection, ne doiuent pas estre confondus, iacoit qu'ils ayent quelque similitude ensemble: car le vassal, & l'adherant doiuent la foy au seigneur, & protecteur, & l'un à l'autre reciproquement² obliger, bien que le seigneur ne soit pas tenu de³ prester le serment de fidelité au vassal verbalement, comme le protecteur doit à l'adherant, & se garde solennellement en tous les traitez de protection. Aussi le seigneur, & le vassal, doiuent deliurer lettres l'un à l'autre, comme le protecteur & l'adherant sont obligés à bailler lettres de protection l'un à l'autre, mesmement si la protection est d'un Prince souverain, enuers l'autre: & doiuent estre renouvelles à la venue d'un nouveau Prince, car la protection ne dure que pour la vie du protecteur. Mais pour esclaircir la matiere de protection entre Princes souverains, de laquelle nous auons à traiter, il semble que le Prince ou peuple souverain, qui s'est mis en la protectio d'un autre, est son sujet. S'il est sujet, il n'est plus souverain, & ses sujets seront aussi sujets du protecteur. Et quelle sujetion veut on plus grande, que se mettre en la sauuegarde d'autrui, & le recognoistre pour superieur? car la protection n'est autre chose, que la confederation, & alliance de deux Princes, ou seigneuries souveraines, en laquelle l'un recognoist l'autre superieur: l'un est receu en la sauuegarde de l'autre. ou biē

6. Bald. in l. fed si hac §. si libertus. de in ius vocand.

7. cap. vnico. de vassalo qui contra constitut. Lotharij.

8. Dionys. Halic. lib. 2. Varro lib. 1. de re rustica.

9. l'an 1565. 1. Conan. lib. 2.

Vassalaige, patronage, & protection, & la difference de tous trois.

2. cap. vnico. de format. fidelitat. cap. 1. si de feudode fucti. 3. l. serui. in l. imperialem.

quand le suget d'un Prince se retire en la terre d'un autre, il est aussi en sa protection, de sorte que s'il est poursuivy par l'ennemi, & pris prisonnier en la terre d'un autre Prince souverain, il n'est point prisonnier du poursuivant, comme il fut iugé par la loy des armes, au pourparlé de paix, qui fut entre le Roy de France & l'Empereur Charles v. l'an m. d. l. v. quand il fut question des prisonniers imperiaux, que les François auoient pris au Comté de Guynes, qui estoit lors en la sugetion des Anglois: il fut soustenu par le chancelier d'Angleterre, qu'ils ne pouuoient estre tenus prisonniers, estans en la terre, & protection des Anglois. combien que le contraire se pouuoit dire: car iacoit qu'il ne fust permis de quester, ny leuer la proye en la terre d'autrui, si est-ce qu'il est permis l'ayant leuee, la poursuiure sus le fond d'autrui: vray est qu'il y a vne exception, si le seigneur ne l'empesche, cōme de fait le Milor Grei, gouverneur de Calais, & de Guynes, estoit suruenu durant la poursuite, & print en sa garde ceux que les François auoient pris. Or en ce cas le mot de Protection, n'est pas pris en sa propriété, car il n'y a point de protection, s'il n'est conuenue, & ne peut le Prince estranger prendre le suget d'autrui en sa protection, si ce n'est du cōsentement de son Prince, comme nous dirons tantost. Mais il faut au parauant resoudre ceste question, si le Prince souverain se mettant en la protection d'un autre, perd le droit de souveraineté, & s'il deuiet suget d'autrui: car il semble qu'il n'est pas souverain, recognoissant plus grand que soy. Toutefois ie tiēs qu'il demeure souverain, & n'est point suget. & ce poinct est décidé par vne loy⁴ qui n'a point sa pareille, & qui a esté alteree en diuerses leçons: mais nous suiurons l'original des Pandectes de Florence, qui tient que les Princes souverains, qui au traité d'alliance recognoissent le protecteur plus grand que soy, ne sont point leurs sugets. Je ne doute point, dit la loy, que les alliez, & autres peuples vñs de leur liberté, ne nous soiēt estrangers, &c. Et combien qu'au traité des alliez par alliance inegale, il soit expressement dit, que l'un contregardera la maiesté de l'autre, cela ne fait pas qu'il soit suget, non plus que nos adherans, & clients ne sont pas moins libres que nous, ores qu'ils ne soient egaux à nous, ny en biens, ny en puissance, ny en honneur: mais la clause ordinaire inseree aux traitez d'alliance inegale, portant ces mots: *Comiter maiestatem⁵ conseruare*, n'emporte autre chose, sinon qu'entre les Princes alliez, l'un est plus grand, & premier que l'autre. & non pas que ce mot signifie *communiter*, comme disoit la partie aduerse de Cornelius Balbus: & ne signifie pas aussi sans dol & sans fraude, cōme dit Charles⁶ Sigon, mais c'est à dire que les moindres alliez respectent les plus grās en toute modestie. Voila la loy rapportee mot pour mot: où il appert euidēment, que la protection n'emporte point de subiectiō, mais bien superiorité, & prerogatiue d'honneur. Et pour entēdre ce poinct plus claiemēt, & la nature des traitez, & alliāces, nous pouuōs dire que

tous

4. l. non dubito. de captiuis, vbi negatio detrahenda venit ad fidem archetypi.

5. in d. l. non dubito. Cicero pro Balbo hanc clausulam interpretatur.

6. lib. 1. cap. 1. de antiquo iure Italix.

tous traitez entre Princes se font avec les amis, ou ennemis, ou neutres. les traitez entre ennemis se font pour avoir paix, & amitié, ou trefues: & cōposer les guerres entreprises pour les seigneuries, ou pour les personnes, ou pour reparer les iniures, & offenses des vns enuers les autres, ou bien pour le droict de commerce, & hospitalité, qui peut estre entre les ennemis, pendant les trefues. Quant aux autres qui ne sont point ennemis, les traitez qui se font avec eux, sont par alliance egale, ou inegale. en celle cy l'un recognoist l'autre superieur au traité d'alliâce: qui est double, à sçavoir quand l'un recognoist l'autre par honneur, & n'est point en sa protection: ou bien que l'un reçoit l'autre en protection: & l'un, & l'autre, est tenu de payer quelque pension, ou donner quelque secours: ou bien ils ne doiuent ny pension, ny secours. Quant aux alliez par alliance egale, que les Latins disoient *AE Q V O F O E D E R E*, l'equalité s'entēd, quād l'un n'est en rien superieur à l'autre au traité, & que l'un n'a rien sus l'autre, pour la prerogative d'hōneur, ores que l'un doive plus ou moins faire ou donner que l'autre, pour le secours que l'un doit à l'autre. Et en ceste sorte de traitez, il y a tousiours traité d'amitié, commerce, & hospitalité, pour heberger les vns avec les autres, & traffiquer ensemble de toutes marchandises, ou de certaines especes seulement, & à la charge de certains impôts accordez par les traitez. Et l'une & l'autre alliance est double, à sçavoir defensiue seulemēt, ou defensiue & offensiue: & peut estre encores l'un & l'autre sans exception de personne, ou bien avec exception de certains Princes. la plus estroite est celle, qui est offensiue, & defensiue, enuers tous, & contre tous, pour estre amy des amis, & ennemy des ennemis: & le plus souuēt l'ordre est donné, & les traitez de mariages des vns avec les autres: mais encores l'alliance est plus forte quand elle est de Roy à Roy, de Royaume à Royaume, & d'homme à homme, cōme estoient anciennemēt les Roys de France & d'Espaigne, & les Roys d'Escoſſe & de France. C'est pourquoy les Ambassadeurs de France respondirent à Edoüard 1111. qui estoit chassé du Royaume d'Angleterre, que le Roy ne luy pouuoit aider, d'autant que les alliances de France & d'Angleterre estoient faites avec les Roys & les Royaumes, de sorte que le Roy Edoüard chassé, la ligue demeuroit avec le Royaume, & le Roy qui regnoit. c'est l'effect de ces mots: Avec tel Roy, ses pays, terres, & seigneuries, qui sont quasi en tous les traitez. mais il faut aussi que les traitez soient publiez és cours souueraines, ou parlemens, & ratifiez par les estats du consentement du procureur general: comme il fut arresté au traité fait entre le Roy Loys xi. & Maximilian Archiduc l'an m. cccc lxxxi. La troisieme sorte d'alliance est de neutralité, qui n'est defensiue, ny offensiue, qui peut estre entre quelques ſujets de deux Princes ennemis. comme ceux du Franche-comté ont alliance de neutralité avec la maison de France, & sont assurez en temps de guerre: en laquelle

Que c'est d'alliance esgale.

alliance fut compris le pays de Bassigny par l'abscheid de Bade, l'an M. D. L V. en accordant par le Roy la renouation d'alliance de neutralité pour le Franche-comté. Et toutes les susdites alliances sont perpétuelles, ou limitées à certain temps, ou pour la vie des princes, & quelques années d'avantage, comme il s'est toujours fait és traittez d'alliance accordez entre les Roys de France, & les Seigneurs des ligues. Voila la diuision generale de tous les traittez qui se font entre les Princes, sous laquelle sont comprises toutes les alliâces particulieres. Car quât à la diuision des Ambassadeurs Romains, au pourparlé de paix entr'eux, & Antioque le grand, elle est trop courte: *Tria sunt*, dit Tite Liue; *genera fœderum: unum cum bello victis dicerentur leges: alterum cum pares bello a quo fœdere in pacem & amicitiam venirent: tertium cum qui nunquam hostes fuerunt, ad amicitiam fœdere coeunt, qui neque dicunt, neque accipiunt leges*. Tous les autres qui ne sont ny sugets, ny alliez, sont coalliez, ou ennemis, ou neutres sans alliance, ny hostilité. & tous generalement, s'ils ne sont sugets, soient alliez, coalliez, ennemis, ou neutres, sont estrangers. les coalliez sont les alliez de nos alliez, qui ne sont pas pourtant nos alliez, non plus que le compagnon de nostre associé, n'est pas nostre⁸ compagnon: & toutefois ils sont toujours compris au traité d'alliance en termes generaux, ou specialement: comme les seigneurs de trois ligues grises, anciens alliez des Suisses, furent compris en termes expres au traité d'alliance, fait l'an M. D. x x i. entre le Roy François i. & les Suisses en qualité de coalliez: mais l'an M. D. l. ils furent alliez à la maison de France, & compris au traité d'alliance renouvellee entre le Roy Henry & les Suisses, en qualité d'alliez par alliance egale, en pareil degré, & pension que les Suisses, à sçauoir trois mil liures pour chacune ligue, pour oster les partialitez qui estoient entre les vns & les autres. car combien que les Suisses fussent alliez des ligues grises par alliance egale, par le traité fait entre les Grisons & les sept petits Cantons l'an M. c c c c x c v i i i. si est-ce toutefois qu'ils cōtraignoient les seigneurs des ligues grises d'obeir aux abscheids arrestez en leurs diettes, comme ils ont fait encores depuis: qui fut cause à peu pres de rompre l'alliance entre les Grisons & Suisses l'an M. D. l x v. non pour autre cause, comme disoient les Grisons, que pour faire cognoistre aux Suisses, qu'ils estoient egaux en alliance: mais la verité est, que l'Empereur pratiquoit cela sous main, & donna onze mil escus aux plus factieux des Grisons pour en venir à chef, comme ils confesserent depuis estans appliquez à la torture, & furent condamnez en dix mil escus d'amende, comme j'ay appris des memoires, & lettres de l'Ambassadeur de France, qui lors estoit vers les Grisons. Nous auons aussi l'exemple de ceux de Genefue, qui furent compris és traittez d'alliance faits entre la maison de France & les Bernois, en la protection desquels ils estoient lors, & ont esté depuis l'an M. D. x x v i i. iusques à l'an M. D. l v i i i. qu'ils s'exempterent de la protection,

8. l. *focius socij: pro socio ff.*

Alliance des Suisses.

rection, & traitèrent alliance egale, & tousiours ont esté compris és alliances en qualité de coaliez. Or tout ainsi que les alliances offensives, & defensives, enuers tous, & contre tous sans exception, sont les plus estroictes qui soient: aussi la plus simple alliance, est de simple commerce & traffique, qui peut estre entre les ennemis: car combien que la traffique soit du droit des gens, si est-ce qu'elle peut estre defendue par chacun prince en son pays, & pour ceste cause les princes vsent pour ce regard de traitez particuliers, & octroient quelques priuileges & libertez: comme le traité de traffique, qui est entre la maison de France, & les villes maritimes des Osterlings: & des Milannois avec les Suisses, ausquels ils sont tenus par les traitez de commerce, liurer certaine quantité de grain, à certain pris porté par les traitez, que les Ambassadeurs François plusieurs fois ont voulu faire casser, pour la difficulté que faisoient les Suisses d'entrer sus le Milannois, voyans que le Senat de Milan faisoit defences de transporter les viures du pays: & mesmement l'an M. D. I. lors que les officiers de Milan defendirét le traité, les Suisses furét à vn point pres de traiter alliance defensiue pour le Milannois, ou pour le moins alliance de neutralité: sans laquelle alliâce de neutralité, le suget pris par les estrangers, qui ne seroient alliez en sorte quelcōque, ny declarez ennemis, doit rançon⁸: & s'il est pris par les alliez amis, ou alliez en neutralité, il n'est point prisonnier, comme dit la loy⁹. Quand ie dy ennemi, i'entends qui a denōcé, ou bien auquel on a denōcé la guerre ouuerte-ment¹, de parole, ou de faict. quant aux autres ils sont estimez voleurs ou pirates, avec lesquels le droit des gens ne doit auoir aucun lieu. Anciennement il y auoit aussi traité d'alliance pour auoir iustice, mesmement en Grece: toutesfois peu à peu la porte de iustice a esté ouuerte à tous estrangers. Mais en quelque sorte d'alliance que ce soit, tousiours la souueraineté de part & d'autre est reseruee: autrement celuy qui reçoit la loy, est suget à celuy qui la donne, & le plus foible obeit au plus fort: ce qui ne se faict pas és traictez d'alliance egale: car le plus foible, est egal au plus grand, & ne le cognoist aucunement: comme on peut voir au traité d'alliance egale, fait entre le Roy de Perse, & la seigneurie de Thebes: car combien que le Roy de Perse, estendist sa puissance depuis l'Indie Orientale, iusques au far de Constantinople. & que les Thebains n'eussent que le pourpris de leur ville, & la Beoce: si est-ce neantmoins que l'alliance fut egale. Quand ie dy que le protecteur a prerogatiue d'honneur, cela ne s'entend pas seulement pour estre le premier allié, comme fut Louys xj. Roy de France avec les Suisses, qui luy firent cest honneur, par dessus le Duc de Sauoye, qui estoit au parauant le premier: car tousiours le prince souuerain, pour petit qu'il soit en alliance egale, est maistre en sa maison, & tient le premier rang par dessus tous les Princes venās en son pays: mais si le protecteur vient, il est le premier en seance, & en tous honneurs. Ici dira quelqu'un: Pourquoi les alliez

Traicté de commerce entre les Roys de France, & les Osterlins.

8. l. post liminium.

9. l. post liminium. de captiuis. ff.

1. l. hostes de captiuis. & de verb. sig.

2. Plutar. in Pelopida.

3.d.l.non dubito.
Alliance des Ro-
mans & Latins.

4.Livius lib.8.

en ligue offensive, & defensiva, enuers & contre tous sans exception, v sans de mesmes coustumes, de mesmes loix, de mesmes estats, de mesmes diettes, seront reputez estrangers les vns des autres. Nous en auons l'exemple des Suisses, qui sont alliez entr'eux, de telle alliance que j'ay dit, depuis l'an M. CCCXV. Je dy neantmoins que telles alliances n'empeschent pas que les vns ne soient estrangers³ des autres : & ne fait pas qu'ils soient citoyens les vns des autres. Nous en auons aussi l'exemple des Latins, & des Romains, qui estoient alliez en ligue offensive & defensiva, vsoient de mesmes coustumes, mesmes armes, mesme langue, auoient mesmes amis, & ennemis. Et de fait les Latins soustenoiēt que c'estoit, & deuoit estre vne mesme Republique, & demandoient auoir part aux estats & offices de Rome cōme les Romains. *Si societas* (disoient⁴ ils) *æquatio iuris est, si socialis exercitus illis est, quo duplicet vires suas, cur non omnia æquantur? cur non alter ab Latinis Consul datur? ubi pars virium, ibi & imperij pars est.* & peu apres, *Vñ populū, vnā Rempublicam fieri æquū est. Tum Consul Romanus, Audi, Iuppiter, hæc scelera, peregrinos Consules, & peregrinum senatum in tuo templo, &c.* Il appelle estrangers, ceux qui estoient alliez de la plus forte alliance qu'il est possible de penser. Plusieurs sont en mesme erreur, que les Suisses n'ont qu'une Republique, & neantmoins il est bien certain qu'ils ont treize Republiques, qui ne tiennent rien l'une de l'autre, ains chacune a sa souueraineté diuisee des autres. Au parauant ce n'estoit qu'un membre & vicariat de l'Empire. les premiers qui se rebellerent, furent les habitans de Suid, Vri, Vnderual, & traitèrent alliance offensive, & defensiva au mois de Decēbre l'an M. CCCXV. où il fut dit par le premier article, que nul n'endureroit aucun Prince pour seigneur. & l'an M. D. XXXII. il se fist alliance des quatre Cantons, qu'on appelloit les quatre villes des bois Vri, Schuits, Vnderual, Lucerne : & l'an M. CCCLI. Suric entra en alliance avec les quatre. & M. CCCLII. Zoug fut aussi receu avec les cinq. & l'année suyuant Bernes. & l'an M. CCCXCIII. se fist le traité de Saupac, apres que la Noblesse fut defaite, & alors Suric, Lucerne, Bernes, Soleure, Zoug, Vri, Schuuits, Vnderual, & Glaris firent alliance offensive, & defensiva : & renouvellee l'an M. CCCCLXXXI. Basle y fut receu l'an M. D. I. & Schafusen aussi, & Apenzel l'an M. D. XII. Milhuse l'an M. D. XV. Rotuil l'an M. D. XIX. les Valesiens l'an M. D. XXVII. outre l'ancien traité particulier fait entr'eux & les Bernois l'an M. CCCCLXXV. en ligue defensiva. Bienne entra aussi en ligue offensive, & defensiva avec les Bernois, l'an M. CCCCLI. lors qu'ils s'exempterent de la puissance de l'Euesque de Basle leur Prince souuerain. tous lesquels traitez l'Abé d'Orbez, qui a esté Ambassadeur en Suisse, m'a fait voir : par lesquels non seulement on peut remarquer la pluralité de Republiques, ains la diuersité des alliances. car ceux de Bernes peuuent sommer les trois petits Cantōs pour le secours, en vertu du premier traité. & Suric & Bernes se peuuent sommer

sommer reciproquement : ceux de Lucerne peuuent sommer des huit Cantons les cinq. Et les trois petits peuuent sommer tous les autres : & pour diuerſes cauſes. L'alliance eſt egale, & les eſtats de tous les Cantons ſe tiennent ordinairement tous les ans : & ce qui eſt arreſté à la pluralité des treize, concernant la communauté, oblige vn chacun en particulier, & la moindre partie de tous en nom collectif. Les derniers qui ont entré en ligue ſoubs la protection des Bernois, ont eſté ceux de Geneue. Tous les alliez, cōfederez, & coalliez, font vingt & deux Republiques, avec l'Abé de S. Gal Prince ſouuerain, ſeparces de ſouueraineté, & chacune a ſes Magiſtrats à part, eſtat à part, bourſe à part, domaine à part, territoire à part. Brief, les armes, le cri, le nom, la monnoye, le ſeel, le reſſort, la iurisdiction, les ordonnances de chacun eſtat, ſont diuiſez. Et ſi vn des Cantons acquiert quelque choſe, les autres n'y ont rien : comme les Bernois ont bien fait cognoiſtre, car depuis qu'ils ſont entrez en ligue, ils n'ont gueres moins conqueſté de quarante villes, où les autres n'ont que voir, comme il fut iugé par le Roy François I. eſleu par eux arbitre pour ce regard. Et meſme ceux de Baſel l'an M. D. Lx. preſterent au Roy de France cinquante mil eſcus, à la caution du Canton de Soleure. Et d'autant qu'ils ont acquis en commun le bailliage de Lugan, & quelques autres terres delà les monts, chacun Canton y enuoye magiſtrats, & gouuerneurs, les vns apres les autres. Auſſi ont ils Bade commun aux huit Cantons de l'ancienne ligue : où ils tenoient ordinairement leurs diettes : & en tous ils ont neuf preuoſtez communes entr'eux, & neantmoins chacun en tire ſon profit à part. On ſçait aſſez qu'ils ſont auſſi diuiſez de religion, & ſouuent euſſent pris les armes les vns contre les autres, ſi le Roy de France n'y euſt ſagemēt pourueu, tant pour la bonne amitié & ſyncere affection qu'il leur porte, que pour l'intereſt notable qu'il a de les maintenir en paix, ce qui n'a pas eſté ſans difficulté bien grande : meſmemēt le Roy fut tresbien aduertī par lettres de ſon Ambaſſadeur, qui lors eſtoit à Soleure l'an M. D. Lxv. que l'Eueſque de Terracine Nonce du Pape, dardoit autāt de flammeches, pour ambraſer le feu entr'eux, que le Roy gettoit d'eau froide pour l'eſtindre. Mais on dira que tous enſemble ne font qu'un eſtat, attendu que ce qui eſt arreſté en leurs diettes en commun, oblige vn chacun des Cantōs, & la moindre partie de tous. comme les ſept Cantons catholiques feirent bien entendre aux quatre Proteſtans, à la diete tenue en Septembre M. D. LIIII. d'autant que le pays commun ſitué delà les monts, eſt en partie de la religion, & ſe gouerne par les magiſtrats, que chacun Canton y enuoye en ſon tour. Il aduint que les ſept Cantons catholiques, feirent obliger ceux du pays commun, de ne changer la religion catholique, & ſuiuant ceſte obligation voulurēt depuis proceder contre ceux de la religion : les Cantons proteſtans ſ'y oppoſerent, & ja ſ'appreſtoient d'entrer en guerre, ſi l'Ambaſſadeur de

Que les cantons
des Suiffes ont
diuerſes Repu-
bliques.

France ne fust interuenue, qui pacifia le tout fort dextrement: à la charge toutefois que les fugets communs de la religion, feroient punis, si la pluspart des Cantons estoit de cest aduis. & neantmoins que les Cantons catholiques, rendroient les lettres obligatoires des fugets communs. par ce moyen leurs differens furent appaisez: à quoy seruirēt bien les Cantons de Glaris, & d'Apenzel, qui receuoient indifferemment l'une & l'autre religion, & faisoient comme vn contrepoix entre les vns, & les autres. Mais il apert que la pluspart des Cantons, oblige la moindre partie en nom collectif, & chacun en particulier. Et qui plus est, pas vn des Cantons ne peut auoir alliance avec Prince quelconqué, si le consentement de tous n'y est. & de fait les Cantons protestans, ayans traité alliance avec le Landgraf de Hessen & la Seigneurie de Strasbourg, l'an M. D. XXXII. furent contraints s'en departir. comme en cas pareil les Cantons catholiques quitterent aussi l'alliance nouuelle traitée avec la maison d'Austriche. neantmoins cinq Cantons catholiques, Lucerne, Uri, Schuuits, Vnderuualden, & Zug, ont traité alliance avec le Pape Pie IIII. pour la defense de leur religion: mais elle n'a point esté renouucllee avec les successeurs. & ce qui plus empescha le traité d'alliance fait entre le Roy François I. & les Suisses, fut l'opposition des Cantons protestans, qui se firent long temps prier, & neantmoins ils ne traiterent alliance que pour la paix: & combien que Schafuzen, & Basel, ont depuis entré avec les autres catholiques en ligue defensiue pour le Roy de France, si est-ce que ceux de Berne & de Surich firent defense à leurs fugets l'an M. D. LIIII. sur peine de la vie d'aller au secours du Roy de France: & l'année mesme les Seigneurs du Canton d'Vnderuualden, sollicitiez par le Cardinal de Trente, de luy permettre leuee d'hommes en leur pays, feirent defense à tous leurs fugets, d'aller au seruice d'autre Prince, que du Roy de France, sus peine de confiscation de corps, & de biens. Qui sont tous argumens indubitables, pour monstrier qu'il y a autant de Republiques, qu'il y a de Cantons. En cas pareil les trois ligues des Grisons, qui ont cinquante communes, font trois Republiques, separees de puissance & de souueraineté. Et lors que les deputez des trois ligues s'assemblēt, la plus grande enuoye xxviii. deputez, la secōde xxxiii. la troisieme xiiii. & à la pluralité des voix ce qui touche l'alliance cōmune est resolu. quelquefois aussi toutes les communes s'assemblent pour les choses de plus grande importance. En quoy s'abusent ceux là, qui des trois Republiques n'en ont voulu faire qu'une. Car les estats communs, le domaine commun, les dietes communes, les amis, & ennemis communs, ne font pas vn estat commun, ores qu'il y eust vne bourse de certains deniers communs, ains la puissance souueraine, de donner loy chacun à ses fugets. comme en cas pareil, si plusieurs chefs de famille estoient associez de tout leur bien, ils ne feroient pas pourtant vne mesme famille. Nous ferons mesme iugemēt des alliances contractees

6. l'an 1554. en Septēbre.

tractées entre les Romains & les villes d'Italie, confederez en ligue offensive & defensiva, contre tous sans exception : & toutefois s'estoient Republiques separees de ressort, & souveraineté. Nous dirons le semblable de la ligue des sept villes Amphiçtyoniques, qui avoient leur ressort, souveraineté separees : & depuis plusieurs autres villes, & seigneuries entrèrent⁷ en même ligue, pour la décision de leurs differends : & chacune seigneurie enuoyoit tous les ans ses Ambassadeurs, & deputez aux estats communs, où les plus grandes affaires, procès, & differends d'entre les Princes, & seigneuries estoient vuidees⁸ par les deputez, qu'ils appelloient *Myrios*. Les Lacedemoniens furent par eux condamnez envers la Seigneurie de Thebes à la somme de xxx. mil escus : & pour n'avoir obey à l'arrest furent condamnez au double : par ce qu'ils avoient surpris le chasteau de la Cadmee, contre le traité de la paix. & depuis les Phocenses furent aussi condamnez à restituer l'argent par eux mal pris au temple de Delphe : & à faute de ce faire, tout leur pays fut adiugé au thesor du temple : & si y avoit personne qui desobeist aux arrests Amphiçtyoniques, il encourroit l'indignation de toute la Grece. Icy on peut dire, que toute la Grece n'estoit qu'une Republique, veu la puissance des estats Amphiçtyoniques. & neantmoins c'estoient toutes Republiques separees, ne tenans rien les vnes des autres, ny des estats Amphiçtyoniques, sinon qu'ils eussent compromis, comme les Princes ont accoustumé de compromettre, & choisir pour arbitres leurs alliez : ce que n'avoient pas fait les Lacedemoniens, ny les Phocenses. aussi les Phocenses pour faire entendre aux Amphiçtyones, qu'ils n'avoient point de puissance sur eux, ils arracherent, & cassèrent l'arrest des Amphiçtyones, affiché aux colonnes du temple de Delphes. Vray est que Philippe Roy de Macedoine, qui n'estoit point de la ligue, print ceste occasion de ruiner les Phocenses. & en recompense il obtint le lieu & privileges des Phocenses, & les Lacedemoniens furent deboutez de la ligue Amphiçtyonique, pour leur avoir presté secours. Nous trouvons une ligue quasi semblable entre les anciens Gaulois, come on peut voir aux Memoires de Cesar, où il dit, que Vercingetorix esleu Capitaine en chef, fist assembler les estats de toute la Gaule. Et combien que les seigneuries d'Autun, de Chartres, de Gergoye en Auvergne, de Beauvais, ne tinssent rien les vns des autres, & que la seigneurie de Bourges fust en la protection d'Autun : & ceux de Viaron en la protection de Bourges, & conséquemment les autres villes en même sorte, si est-ce que tous les Princes, & Seigneuries passoient leurs differends par l'advis, & jugement des Druides. autrement ils estoient par eux excommuniez, & fuiz d'un chacun comme gens detestables⁹. Et neantmoins il est tout notoire, que les Republiques que j'ay dites, avoient leurs souverainetez divisees les vnes des autres. Mais aussi adient-il, que ce n'est qu'un estat, une Republique, une seigneurie, quand les partisans d'une ligue

Alliance des villes Amphiçtyoniques.

7. Pausan. in Eliacis. Strabo. lib. 4.

8. Pausan. in Achaicis & Diodor. lib. 16

Alliances des anciennes Republiques de la Gaule.

9. Cesar lib. 6.

Ligue des Ache-
ans.

9. Polyb. lib. 2.
1. Plutar. in Arato.
Pausan. in achai. Stra-
bo lib. 6. Polyb. lib. 3.
Luius lib. 32.

3. lib. 3.

s'accordent en mesme souueraineté : chose qui n'est pas aisée à iuger, si on n'y regarde de pres. Comme la ligue des Acheans, n'estoit au commencement que de trois villes, separees d'estat, ressort, & souueraineté, allies par alliance egale, offensive & defensiue . mais peu à peu elles furent si estroitement vnies ensemble, pour les guerres continuelles qu'elles auoient, que ce fut en fin vne Republique composee de plusieurs. & par suite de temps ils attirerent toutes les villes de l'Achaie, & de la Moree à leur estat, demeurant tousiours le premier nom des Acheans: comme il est aduenü aux Seigneurs des ligues qui s'appellent Suisses, par ce que le Canton de Schuuits, qui est le plus petit, fut le premier qui se reuolta, & tua le gouuerneur. Et tout ainsi qu'on appelloit les Acheans correcteurs des tyrans: aussi les Suisses emporterent ce tiltre d'honneur. Et mesmes les villes du Royaume de Naples, apres le massacre des Pythagoriens, estans troublees, & ne sçachans à qui auoir recours, se getterent en la protection⁹ des Acheans. Le moyen de faire de ces Republiques là vne seule, fut Aratus qui le trouua¹. car il fist arrester par les estats, que tous les ans on esliroit vn Capitaine en chef, pour commander en guerre, & presider aux estats: & au lieu que chacune ville enuoyoit ses Ambassadeurs, & deputez, pour donner voix deliberatiue, il fist qu'on eliroit dix Damiourges, qui auroient seuls voix deliberatiue, & pouuoir de resoudre, arrester, & decider les affaires d'estat: & les autres deputez n'auroient que voix cōsultatiue. Ces deux poincts gaignez, il se trouua peu à peu vne Republique Aristocratique, au lieu de plusieurs monarchies particulieres, Aristocraties, & seigneuries populaires. car plusieurs tyrans y furent attirez, qui par amour, qui par force: & toutes les cōquestes faites par les Capitaines en chef des Acheans, demeuroient vnies à l'estat des Acheans: de sorte que toutes les villes de l'Achaie & de la Moree, estant assugeties, vnies, & incorporees à l'estat des Acheans, vsoient de mesmes loix, mesme droit, mesmes coustumes, mesme religion, mesme iustice, mesme monnoye, mesme poids, ainsi que dit Polybe³. Et les Roys de Macedoine entrerent aussi en ligue, & les deux Philippes, Antigonus, & Demetrius furent Capitaines en chef des Acheans, retenans toutefois leur Royaume separé de la seigneurie des Acheans. Mais les Romains cognoissans bien qu'ils ne pourroient pas assugetir la Grece, demeurant la ligue des Acheans en son entier, donnerent mandement à Gallus Proconsul, de faire en sorte, que la ligue fust desiointe: ce qui fut assez bien executé, sous couleur qu'il y eut quelques villes, qui firent plainte aux estats, que sous ombre de ligue, & alliance egale, on leur auoit osté le maniement de leur estat & souueraineté: & rassurant de l'appuy des Romains, se reuolterent contre la communauté des Acheans. pour à quoy obuier, & empescher les autres villes de faire le semblable, Aratus obtint commission des estats pour informer contre les rebelles. alors les villes qui s'estoient

sestoyent reuoltées se mirent en la protection des Romains, à la charge que leur estat, & souueraineté leur demeureroit. & craignant que les Lacedemoniens, s'alliasent avec les Acheans, qu'ils auoient assujettis, par le traité fait entre les Romains, & la ligue des Acheans, il fut arresté, que les Lacedemoniens demeureroient sujets des Acheans, horsmis si estoit question de la vie, que les Acheans n'en pourroient ⁴ cognoistre : qui estoit en effect les exempter de la puissance des Acheans, & neantmoins les entretenir en perpetuel discord, pour les affoiblir davantage. Ils userent de mesme ruse enuers les Ætoliens, ⁵ qui estoit vn autre estat, & ligue separée des Acheans composée de trois villes, qui auoient aussi leur estat, ressort, & souueraineté diuisez : mais en fin ils suivirent la forme des Acheans, & de trois Republiques alliées par alliance égale offensive & defensive, ils establirent vne Republique Aristocratique, maniee par les estats des trois ligues, & par vn Senat commun, auquel presidoit le Capitaine en chef esleu par chacun an. Nous pouuons dire le semblable de xxxiii. villes de Lycie, qui establirent vne Republique Aristocratique, semblable à celle des Acheans : horsmis que les deputés des plus grandes villes auoient trois voix deliberatiues, les mediocres en auoient deux, les autres en auoient vne, comme dit Strabon. & au surplus ils elisoient aux estats le Capitaine general, qu'ils appelloient Lyciarque, & les autres magistrats & iuges de toutes les villes. Les autres alliances & ligues des treize villes Ioniques : & des douze villes de la Toscane : & des xlvii. villes Latines, furent bien contractées par alliance égale, offensive, defensive : & tenoient leurs estats par chacun an : elisoient aussi quelquesfois, mais non pas tousiours, vn Capitaine en chef, quand la guerre estoit ouuerte contre les ennemis : & neantmoins la souueraineté de chacune ville, demouroit en son estat, comme les Suisses. car combien que la ville de Rome eust entré en ligue avec les Latins, & mesmes que Seruius Tullius, & Tarquin l'orgueilleux eussent esté esleus capitaines en chef de la ligue des Latins, ⁶ si est-ce neantmoins que chacune ville tenoit son ressort ; & souueraineté, & les Roys de Rome ne perdoient rien de leur maiesté : Et toutesfois il sembleroit de prime face, que telles ligues fussent semblables à celle des Acheans. Mais il n'y en a pas vne pareille excepté celle des Ætoliens, & à present l'estat & Empire des Alemans, que nous monstrerons en son lieu n'estre point monarchie, ains vne pure Aristocratie, composée des Princes de l'Empire, des sept Electeurs, & des villes Imperiales. Et tout ainsi que la seigneurie des Acheans esleut pour Capitaine les Roys de Macedoine, Antigone, & Philippe second : & la ligue des Ætoliens esleut Atale Roy d'Asie comme dit Tite Liue : ⁷ & pareillement la ligue des Latins les Roys de Rome, & autres Princes voisins : aussi les Electeurs souuent ont esleu des Princes estrangers : comme Henry de Lutzembourg, Alphons x. Roy de Castille, Char-

4. Pausan.lib.7.

5. Liuius.lib.31.

Ligue des treize villes Ioniques.

6. Dionys. Halicarnas.lib.4.

Ligue des Ætoliens.

7. lib.27.

les v. Flamen, quoy qu'ils fussent souverains en leurs Royaumes, neantmoins sugets à l'Empire, comme capitaines en chef: car tout ainsi que le Capitaine en chef, n'estant point souverain de ceux qui l'ont esleu, ne fait pas que la ligue soit vnie en Republique: aussi il ne change en rien l'estat, & vnion de la Republique, à laquelle il est appelé. comme nous trouuons que Philippe de Valois, Roy de France, fut esleu Capitaine en chef de l'Eglise Romaine, & qualifié tel au traité d'alliance⁷ fait entre Henry Conte Palatin, qui depuis fut Empereur, & Philippe de Valois. & sans aller plus loing, Adolphe oncle de Friderich Roy de Dannemarch, fut esleu Capitaine⁸ de la ligue des villes maritimes. ce qui est ordinaire aux Venitiens, de choisir vn Capitaine en chef estrangier. Je sçay bien que les Empereurs d'Alemagne pretendent bien vne qualité plus haute que de capitaines en chef: nous le toucherôs en son lieu. Aussi pretendent ils auoir puissance de commander, non seulement aux Princes de l'Empire: ains aussi à ceux qui n'en tiennent rien. Et n'y a pas long temps que l'Empereur Ferdinand enuoya Ambassadeurs aux Suisses, afin qu'ils n'eussent à receuoir Grombac, ny ses adherans, bannis de l'Empire: & les lettres de l'Empereur portoient quelque commandement: que les Suisses trouuerent bien estrange. Et mesmes l'Ambassadeur Morlet aduerit⁹ le Roy, que le gouuerneur de Milan auoit fait defense au Cardinal de Syon, comme ayant charge de l'Empereur, de n'entrer en alliance avec le Roy de France, parce qu'il estoit Prince de l'Empire. mais le Cardinal de Syon n'en fist pas grand conte, & sans auoir esgard aux defenses, contracta alliance avec le Roy: aussi tiroit-il douze cens liures de pension de France. Il est bien vray qu'en tous les traittez d'alliance faits entre les seigneurs des ligues, & les autres Princes, l'Empire est tousiours excepté, si l'en est fait mention expresse. Et pour ceste cause la Guiche Ambassadeur pour le Roy vers les Suisses, eut charge expresse, comme i'ay veu par l'instruction qui luy fut baillee, de faire mention de l'Empereur au traité d'alliance de l'an M. D. xxi. car les Alemans se fondent sur vne maxime, en vertu de laquelle l'Empereur Sigismond fist prendre les armes aux Suisses contre Frederich d'Austriche, au preiudice de l'alliance faicte avecques la maison d'Austriche, presuposant que l'Empire estoit superieur des Suisses: & qu'en tous traittez d'alliance, le droit du superieur est tousiours excepté, encores qu'il n'en soit fait mention expresse: ce qui est bien certain, quant à la maxime: mais les seigneurs des ligues ne confesseront pas que l'Empire ayt aucune superiorité sur eux, & beaucoup moins l'Empereur, suget aux estats de l'Empire. Il est bien vray que par le traité fait entre les huit Cantons anciens, il y a clause expresse par laquelle les Cantons de Suric, Berne, Schuuits, Vnderualden, comme ayâs esté des appartenances de l'Empire, declarerent qu'ils entendoient pour leur regard comprendre au traité le saint Empire, aux droits
duquel

7. l'an 1333.

8. l'an 1560.

9. L'an 1557.

duquel ils n'entendoient preiudicier par le traité. & depuis peu d'annees les Cantons de Suric, Lucerne, Vri, Glaris enuoyerent Ambassadeurs au nom de tous les Cantons de Suisse pour obtenir confirmation de leurs anciës priuileges de Ferdinād, tenant les estats en la ville d'Auspurg. & par les traitez d'alliance, faits entre le sainct Empire, & les seigneurs des ligues, il est expressément articulé, qu'ils ne presterōt aucun secours à Prince estranger pour faire guerre sus les terres de l'Empire: comme i'ay appris par la copie des lettres de l'Empereur Charle v. escriuant aux seigneurs des ligues: ^{1. L'an 1553.} par lesquelles il se plaint que leurs sugets estoient entrez sus les terres de l'empire, conioints avec les forces du Roy de France, contre la teneur expresse des alliances qu'ils ont avec l'Empire. & par autres lettres il demande aux seigneurs des ligues, qu'ils fassent punition de leurs sugets, qui auoient inuadé les terres de la maison d'Austriche, contre l'alliance hereditaire faite pour le domaine de la maison d'Austriche, l'an M. CCCC LXVII. & confirmee l'an M.D.I. où le siege de Rome, le Pape & l'Empire sont reseruez, & en payant par an à chacun Canton deux cens florins de Rhin: laquelle alliance fut renouvellee par les XIII. Cantons, à la diette de Bade arrestee le xx. Iuillet M. D. LIIII. Ioint aussi que l'alliance contractee entre lesdits seigneurs des ligues & le Roy, ne porte que ligue defensiue, pour la conseruation des estats des allies, qui sont les vrayes raisons, pour lesquelles les Suisses sont retenus de porter les armes sus les terres de l'Empire, & de la maison d'Austriche, & non pas pour le droit de superiorité, quel'Empire ait sur eux. Ce qui est encore plus expressément verifié par le traité d'alliâce renouvelé entre le Roy, & les seigneurs des ligues au mois de Iuin, l'an M. D. xlix. de laquelle sont exclus tous ceux, qui ne sont point sugets des Suisses, ny de l'ague Germanique: ce qui fut aussi arresté par Labcheid de Bade l'annee mesme. C'est pourquoy l'Empereur Charles v. s'est efforcé par tous moyens de faire accorder aux Suisses, que le Duché de Milan, les Royaumes de Naples, & de Sicile fussent compris au traité d'alliance hereditaire, fait pour la maison d'Austriche: ce qu'ils refuserent l'an M. D. LV. Nous ferons mesme iugement des Grizons, qui ne tiennēt rien de l'Empire, & moins encores de l'Empereur, comme ils firent bien cognoistre l'an M. D. Lxvi. quand l'Empereur ottroya le droit de regales, qu'il pretend sus l'Euesché de Coire, à vn Prince de l'Empire, esleu par le chapitre, & pourueu du Pape. ceux de Coire l'empescherent, & procederent à l'election d'un autre. & sus le differend des trois ligues Grizes, & de ceux qui estoient esleus, les XIII. Cantons de Suisse, suiuant les traitez d'alliance, enuoyerent leurs deputez, lesquels sans auoir esgard, ny à la prouision du Pape, ny à la confirmation de l'Empereur, adiugerent l'Euesché à celuy qui estoit esleu par le chapitre, suget des Grizons: & ordonnerent que deslors en auāt, celuy seroit Euesque, que la ligue de la Cadde nommeroit. Mais on

Ligue des Grizons.

peut doubter, si l'est permis aux sujets de traiter alliance particulière entre-eux, & avec autres Princes, sans le consentement du souverain. les Monarques ont bien accoustumé d'empescher telles alliances, pour la consequence que cela peut tirer apres soy: & mesmement le Roy catholique par edits expres l'a tresbien defendu à tous ses sujets. Et n'y eut accusation plus grâde contre Loys de France Duc d'Orleans, apres qu'il fut tué, que d'auoir traité alliance avec le Duc de Lancastren. Toutefois les Princes de l'Empire ont accoustumé de contracter telles alliances, esquelles l'Empire est tousiours compris: au preiudice duquel les traittez seroient resolués, & de nul effect. ce qui n'a pas lieu pour le regard de l'Empereur: comme on fist bien entendre à l'Empereur Charles v. au traité de Chambort, fait l'an M. D. LII. entre le Roy de France, & plusieurs Princes Alemans, qui contracterent ligue offensive, & defensiue nommeement contre l'Empereur, pour la liberté de l'Empire: & le Roy de France Henry II. fut nommé Capitaine en chef de la ligue, & qualifié protecteur des Princes, & de la liberté de l'Empire. Et l'an M. D. LIX. il y eut semblable alliance offensive & defensiue entre le Roy de Suede, le Marquis Assenberg, le Duc de Brunswich, le Duc de Cleues, le Prince d'Orenge, le Conte d'Aiguemont, & plusieurs villes Imperiales, d'une part. & le Roy de Danemarck, le Duc Auguste Electeur, le Landgraf de Hesse, le Duc de Holstein, le Duc de Baviere, la ville de Nuremberg, les Euesques de Wircebourg, & Bamberg, la ville de Lubec, & plusieurs autres, avec Sigismond Auguste Roy de Pologne, d'autre part. Et mesmes l'Empereur Charles v. traitta alliance particulière avec le Duc de Baviere, & autres Princes catholiques, pour faire élire Ferdinand Roy des Romains. Et depuis la ligue Franconique fut iuree entre la maison d'Autriche, le Duc de Baviere, les trois Euesques de Franconie, l'Archeuesque de Salisburg, les villes d'Ausburg, & Nuremberg. & neantmoins Ferdinand Roy des Romains, fist encore ligue particulière avec l'Euesque de Salisburg contre les Protestans M. D. LV. On a veu aussi la ligue de Suaube auoir traité alliance offensive & defensiue pour XL. ans, sans rien excepter que l'Empire. & semblable ligue entre les villes maritimes, qu'on appelle Wandales, à sçauoir Lubec, Håbourg, Vimar, Rostoc, Bresme, Suid, villes Imperiales, elisant pour Capitaine en chef Adolphe, oncle du Roy de Dannemarck, qui n'est aucunement sujet de l'Empire. Et qui plus est la noblesse de Dannemarck a traité ligue defensiue avec Sigismond Auguste Roy de Pologne, & la ville de Lubec contre le Roy de Dannemarck, qui seroit crime de leze maiesté au premier chef, si le Roy de Dannemarck estoit absoluëment souverain: ce que nous toucherons en son lieu. Mais il faut premierement dire de la seureté des alliances.

De



A souueraineté est la puissance absoluë & perpetuelle d'une Republique, que les Latins appellent *maiestatem*, les Grecs ἀκραξιοτία, & κυρίαρχω, & κύριον πολιτεύμα: les Italiens *segnoria*, duquel mot ils vsent aussi enuers les particuliers, & enuers ceux-la qui maniét toutes les affaires d'estat d'une Republique: les Hebreux l'appellent תומר שבט, c'est à dire, la plus grande puissance de commander. Il est icy besoin de former la definition de souueraineté, par ce qu'il n'y a ny Iurifconsulte, ny philosophe politique, qui l'ait definie: iacoit que c'est le poinct principal, & le plus necessaire d'estre entendu au traité de la Republique. Et d'autant que nous auons dit que Republique est vn droict gouuernement de plusieurs familles, & de ce qui leur est commun, avec puissance souueraine, il est besoin d'esclarcir que signifie puissance souueraine. J'ay dit que ceste puissance est perpetuelle: par ce qu'il se peut faire qu'on donne puissance absoluë à vn, ou plusieurs à certain temps, lequel expiré, ils ne sont plus rien que sugets: & tant qu'ils sont en puissance, ils ne se peuuent appeller Princes souuerains, veu qu'ils ne sont que depositaires, & gardes de ceste puissance, iusques à ce qu'il plaise au peuple ou au Prince la reuoquer: qui en demeure tousiours saisi. car tout ainsi que ceux qui accommodent autrui de leurs biens, en demeurent tousiours seigneurs, & possesseurs: ainsi est-il de ceux-la qui donnent puissance, & autorité de iuger, ou commander: soit à certain temps, & limité, soit tant, & si long temps qu'il leur plaira, ils demeurent² neantmoins saisis de la puissance, & iurisdiction, que les autres exercent par forme de prest, ou de precaire. C'est pourquoy la loy dit, que le gouuerneur de pays, ou Lieutenant du Prince, apres son temps expiré, rend la puissance comme³ depositaire, & garde de la puissance d'autrui. Et en cela il n'y a point de difference du grand officier au petit. autrement si la puissance absoluë, ottroyee au Lieutenant du Prince, s'appelloit souueraineté, il en pourroit vser enuers son Prince, qui ne seroit plus qu'un chiffre, & le suget commanderoit au seigneur, le seruiteur au maistre: chose qui seroit absurde, attendu que la personne du souuerain, est tousiours⁴ exceptee en termes de droict, quelque puissance, & auctorité qu'il donne à autrui: & n'en donne iamais tant, qu'il n'en retienne tousiours dauantage: & n'est iamais exclus de commander, ou de⁶ cognoistre par preuention, ou concurrence, ou euocation, ou ainsi qu'il luy plaira des causes dont il a chargé son suget: soit commissaire, ou officier: ausquels il peut⁷ oster la puissance qui leur est attribuee, en vertu de leur commission, ou institution: ou la tenir en sou-

Le fondement principal de toute Republique.

1. l. qui pignori. de usufrupion. 1. quod meo. de acquir. poss. ff.
2. l. more. de iurisdic. 1. & quia. cod. ff.

3. l. vna de off. pref. augustal. ff.

4. l. vlt. qui satisdare. Corser. de pot. Reg. 9. 17.

5. cap. dudum. de preb. lib. 6.

6. l. Iudicium soluitur. de iudic. l. soler. de iurisdic. ff.

7. Alexand. in l. vlt. de iurisd. Panor. in cap. pastoralis. de off. ordin. Innocent. & Felin. in cap. cum ecclesiarum. cod.

o. Dionys. Halicar.
lib.9.

Le dictateur n'estoit pas souverain.

8. Festus Pompeius
in verbo optima
lege.

9. Plutar. in quest.
Roman.

1. Tum pater Fabij,
Tribunos, inquit,
appello, & prouoco
ad populum, qui
plus quam tua dictatura potest, cui
Rex Tullus Hostilius
cessit. Liuius lib.7.

france tant, & si longuement qu'il luy plaira. Ces maximes ainsi posees, comme les fondemens de la souveraineté, nous concludons que le Dictateur Romain, ny l'Harmoste de Lacedemone, ny l'Esymnete de Salonique, ny celuy qu'on appelloit Archus à Malte, ny la Balie ancienne de Florence, qui auoient mesme charge, ny les Régens des Royaumes, ny autre commissaire, ou Magistrat, qui eust puissance absolue à certain temps, pour disposer de la Republique, n'ont point eu la souveraineté: ores que les premiers Dictateurs eussent toute puissance, & en la meilleure forme que faire se pouuoit, que les anciens Latins⁸ disoient, OPTIMA LEGE, car alors il n'y auoit point d'appel, & tous les officiers estoient suspendus:⁹ iusques à ce que les Tribuns furent instituez, qui demeuroient en charge, nonobstant la creation du Dictateur, & auoient leur opposition sauue: & si y auoit appel intergetté du Dictateur, les Tribuns faisoient assembler le menu peuple, & donnoient assignation aux parties, pour deduire leurs causes d'appel, & au Dictateur pour soutenir son iugement: comme il se fist quand le Dictateur Papyrius Cursor voulut faire mourir Fabius¹ Maximus 1. Colonel des gens de cheual: & Fabius Maximus 1. Dictateur, voulut faire le semblable enuers Minutius Colonel de sa queualerie. En quoy il apert que le Dictateur n'estoit ny Prince, ny Magistrat souverain, comme plusieurs ont escrit, & n'auoit rien qu'une simple commission, pour faire la guerre, ou reprimer la sedition, ou reformer l'estat, ou instituer nouveaux officiers. Or la souveraineté n'est limitee, ny en puissance, ny en charge, ny à certain temps. Et mesmes les dix commissaires, establis pour reformer les coustumes & ordonnances, iacoit qu'ils eussent puissance absolue, & sans appel, & que tous les magistrats fussent, pendant leur commission, suspendus, si est-ce qu'ils n'auoient pas pourtant la souveraineté: car estât leur commission acheuee, leur puissance expiroit, tout ainsi que celle du Dictateur: comme Cincinat ayant vaincu l'ennemi, se deschargea de la Dictature qu'il n'auoit eu que quinze iours: Seruilius Priscus huit iours: Mamercus vn iour. Aussi le Dictateur estoit nommé par l'un des plus nobles Senateurs, sans edit, ny loy, ny ordonnance, chose necessaire anciennement, aussi bien qu'à present, pour l'erection des offices, comme nous dirons en son lieu. Si on dit que Sulla obtint la Dictature pour Lxx. ans par la loy Valeria, ie respondray ce que fist Ciceron, que ce n'estoit pas loy, ny Dictature, ains vne cruelle tyrannie, laquelle toutefois il quitta quatre ans apres, alors que les guerres ciuiles furent appeisees: encores auoit il reserué aux Tribuns leur opposition franche. Et combien que Cesar eust empieté la Dictature perpetuelle, si est-ce qu'il n'osta point aux Tribuns le droit d'opposition: mais d'autant que la Dictature estoit abolie par loy expresse, & que neantmoins sous ce voile il auoit enuahi l'estat, il fut rué. Mais posons le cas, qu'on elise vn, ou plusieurs des citoyens, auxquels on donne puissance absolue de manier

manier l'estat, & gouverner entierement sans deferer aux oppositions, ou appellations en sorte quelconque, & que cela se face tous les ans, dirons nous pas que ceux-la auront la souveraineté? car celuy est absolument souverain, qui ne recognoist rien plus grād que soy apres Dieu. Je di neātmoins que ceux-là n'ont pas la souveraineté: attēdu qu'ils ne sont rien, que² depositaires de la puissance qu'on leur a baillée à certain tēps. Aussi le peuple ne se deslaist point de la souveraineté, quand il establist vn, ou plusieurs lieutenans, avec puissance absoluē à certain temps limité: qui est beaucoup plus, que si la puissance estoit reuocable au plaisir du peuple, sans prefixiō de temps. car l'un & l'autre n'a rien à soy, & demeure cōtable de sa charge, à celuy duquel il tient la puissance de commander: ce qui n'est pas au Prince souverain, qui n'est tenu rendre conte qu'à Dieu. Mais que dirons nous si la puissance absoluē est ottroyee pour neuf ou dix ans? comme anciennement en Athenes, le peuple faisoit l'un des citoyens souverain, qu'ils appelloient Archon. ie dy toutesfois qu'il n'estoit pas Prince, & n'auoit pas la souveraineté: mais bien il estoit magistrat souverain, & contable de ses actiōs enuers le peuple, apres le temps coulē. Encores peut on dire, que la puissance absoluē sera decernee à l'un des citoyens, comme i'ay dit, & sans estre tenu de rendre conte au peuple, comme les Cnidiens³ tous les ans elisoient soixante bourgeois, qu'on appelloit Amymones, c'est à dire sans reproche, avec puissance souveraine, sans qu'on les peust appeller, ny pendant leur charge, ny apres icelle passée, pour chose qu'ils eussent faite. Je dy toutesfois qu'ils n'auoient point la souveraineté, veu qu'ils estoient tenus comme gardes, la rendre l'an expirē, demeurant la souveraineté par deuers le peuple, & l'exercice aux Amymones, qu'on pouuoit appeller magistrats souverains, & non pas souverains simplement: car l'un est Prince, l'autre est sūger: l'un est seigneur, l'autre est seruiteur: l'un est propriétaire, & saisi de la souveraineté, l'autre n'est ny propriétaire, ny possesseur d'icelle, & ne tiēt rien qu'en depost. Nous ferōs mesme iugemēt des regēs establis pour l'absence, ou ieunesse des Princes souverains, encores que les edicts, mandemens, & lettres patentes soient signez, scelez du seing, & scel des regens & en leur nom: comme il se faisoit en ce Royaume auparauant l'ordonnance de Charles v. Roy de Frāce: ou que cela soit fait au nom du Roy, & les mādemens scelez de son scel. car en quelque sorte que ce soit, il est bien certain en termes de droict, que le maistre est réputé⁴ faire, ce qu'il a chargé son procureur de faire. or le regent est vray procureur du Roy & du Royaume: ainsi s'appelloit le bon Conte Thibaut, *procurator regni Francorum*. Et par ainsi, quand le Prince dōne puissance absoluē, au regent, ou bien au Senat en sa presence, ou en son absence, de gouverner en son nom, ores que la qualité de regent soit employee aux edicts, & lettres de commandement, c'est tousiours le Roy qui parle, & qui cōmande. Ainsi voit on que le Senat

2. l. vna de offi. præfect. augustal.

Le grand Archō d'Athenes n'estoit pas souverain.

3 Plutar. in apophtheg. græc.

4. l. certe §. i. de precario. cap. mulieres. de sentent. excommunicator. ext.

Le lieutenant general & perpetuel d'un Prince avec puissance absolue n'est pas souverain.

de Milan, & de Naples, en l'absence du Roy d'Espagne a puissance absolue, & decerne tous mandemens en son nom : comme on peut veoir par l'ordonnance de l'Empereur Charles v. portant ces mots : *Senatus Mediolanens. potestatem habeat constitutiones Principis confirmandi, infirmandi, tollendi, dispensandi, contra statuta, habilitationes, prerogationes, restitutiones faciendi, &c. à Senatu ne prouocari possit, &c. & quicquid faciet parem vim habeat, ut si à principe factum, ac decretum esset : non tamen possit delictorum gratiam, ac veniam tribuere, aut literas salui conductus reis criminum dare*. Ceste puissance presque infinie, n'est pas donnée au Senat de Milan, & de Naples, pour diminuer en rien qui soit la maiesté du Roy d'Espagne, ains au contraire, pour la descharger de peine, & souci : ioint aussi que ceste puissance, pour grande qu'elle soit, est reuocable au bon plaisir de celuy qui l'ottroye. Posons donc le cas que ce pouuoir soit donné à vn lieutenant de Roy, pour toute sa vie, est-ce pas vne puissance souveraine, & perpetuelle ? autrement si on disoit perpetuelle, qui n'a iamais fin, il n'y auroit souveraineté qu'en l'estat Aristocratique, & populaire, qui ne meurent point : ou bien qu'on entendist le mot perpetuel en vn Monarque, pour luy, & ses heritiers, il y auroit peu de Monarques souverains, attendu qu'il y en a fort peu qui soient hereditaires : & mesmemét ceux qui viennent à la couronne par droit d'election, ne seroient pas souverains. Il faut donc entendre ce mot perpetuel, pour la vie de celuy qui a la puissance. Je dy que si le magistrat souverain, & annuel seulement, ou bien à quelque temps prefix, & limité, vient à continuer la puissance qu'on luy a baillee : il faut que ce soit de gré à gré, ou par force. si c'est par force, celà s'appelle tyrannie : & neantmoins le tyran est souverain : tout ainsi que la possession violente du predateur, est vraye possession, & naturelle, quoy qu'elle soit contre la loy : & ceux qui l'auoient auparavant en sont deslaïs. mais si le magistrat continue la puissance souveraine qu'il a de gré à gré, ie dy qu'il n'est pas Prince souverain, veu qu'il n'a rien que par souffrance : & beaucoup moins si le temps n'est point limité : car en ce cas, il n'a rien que par commission preciaire. On sçait assez qu'il n'y eut oncques puissance plus grande, que celle qui fut donnée à Henry de France, Duc d'Anjou par le Roy Charles ix. car elle est souveraine, & sans exception d'un seul article de regale : & neantmoins on ne peut dire qu'il fust souverain, ayant qualité de Lieutenant general pour le Roy, quand ores il eust esté perpetuel : combien que la clause, *TANT QU'IL NOUS PLAIRA*, fust apposee en ses lettres, qui portoit souffrance, & tousiours son pouuoir estoit suspendu en la presence du Roy. Que dirons nous donc de celuy qui a du peuple la puissance absolue, tant & si longuement qu'il viura ? en ce cas il faut distinguer : si la puissance absolue luy est donnée purement & simplement, sans qualité de magistrat, ny de commissaire, ny forme de preciaire, il est bien certain que cestuy-là est, & se peut dire

dire monarque souverain : car le peuple s'est dessaisi, & despouillé de sa puissance souveraine, pour l'ensaisiner, & inuestir : & à luy, & en luy transporté tout son pouuoir, auctorité, prerogatiues, & souverainetez : comme celuy qui a donné la possession, & propriété de ce qui luy appartenoit. La loy⁵ use de ces mots, *ET IN EVM OMNEM POTESTATEM CONTULIT*. Mais si le peuple ottroye sa puissance à quelqu'un tant qu'il viura, en qualité d'officier, ou lieutenant, ou bien pour se descharger seulement de l'exercice de sa puissance : en ce cas il n'est point souverain, ains simple officier, ou lieutenant, ou regent, ou gouverneur, ou gardien, & bail de la puissance d'autrui. car tout ainsi que le Magistrat, ores qu'il face un lieutenant perpetuel, & qu'il n'ayt aucun soing de sa iurisdiction, laissant l'entier exercice à son lieutenant, ce n'est pas toutesfois en la personne du lieutenant, ⁶ que gist la puissance de commander, ny de iuger, ny l'action, & force de la loy : & si l'il passe outre la puissance à luy donnée, ce n'est rien fait, si les actes ne sont ratifiez, louez, & approuvez par celuy qui a donné la puissance. Et pour ceste cause, le Roy Jean, apres son retour d'Angleterre, ratifia solennellement tous les actes de Charles son fils aîné, establi regent, pour iceux valider, & confirmer, en tant qu'il seroit besoin. Soit donc par commission, ou par institution, ou par delegation, qu'on exerce la puissance d'autrui, à certain temps, ou à perpetuité, celuy qui exerce ceste puissance n'est point souverain, ores que par ses lettres il ne fust qualifié procureur, ny lieutenant, ny gouverneur, ny regent : ou mesmes que la loy du pays donnast ceste puissance, qui seroit encores plus forte que par election : comme estoit l'ancienne loy⁷ d'Escoffe, qui donnoit l'entier gouvernement du Royaume au plus proche parent du Roy pupile, ou en bas aage, à la charge que tout se feroit sous le nom du Roy, qui fut cassé, pour les inconueniens, qu'elle tiroit apres soy. Poursuiuons maintenant l'autre partie de nostre definition, & disons que signifient ces mots *PUISSANCE ABSOLUE*. Car le peuple, ou les seigneurs d'une Republique, peuent donner purement, & simplement la puissance souveraine, & perpetuelle à quelqu'un, pour disposer des biens, des personnes, & de tout l'estat à son plaisir, & puis le laisser à qui il voudra, & tout ainsi que le propriétaire peut donner son bien purement, & simplement, sans autre cause que de sa liberalité, qui est la vraye donation : ⁸ & qui ne reçoit plus de conditions, estant une fois parfaite, & accomplie : ⁹ attendu que les autres donations, qui portent charges, & condition, ne sont ¹ pas vrayes donations : aussi la souveraineté donnée à un Prince sous charges & conditions, n'est pas proprement souveraineté, ny puissance absolue : si ce n'est que les conditions apposees en la creation du Prince, soient de la loy de Dieu ou de nature, comme il se fait apres que le grand Roy de Tartarie est mort, le Prince & le peuple, à qui appartient le droit d'election, choisissent celuy des parens du de-

5. l. 1. de cons princip.

6. l. 3. de offi. procōf. l. & quia. l. solet de iurisdic. l. & si de off. eius cui. ff.

7. Heet. Boet. in histor. Scotor. Anciēne loy d'Escoffe.

Que c'est de puissance absolue.

8. l. 1. de donat. 9. l. perfecta de donat C. i. d. l. i.

La forme d'esslire le Roy de Tartarie.

funct que bon leur semble, pourueu qu'il soit fils, ou nepueu : & l'ayant assis en vn throsne d'or, luy disent ces paroles : NOUS te prions, nous voulons aussi, & t'enseignons que tu regnes sur nous. alors le Roy dict : Si vous voulez celà de moy, il faut que vous soyez prests à faire ce que ie commanderay : que celuy que i'ordonneray estre tué, soit tué incontinent, & sans delay, & que tout le Royaume soit commis, & establi entre mes mains. le peuple respond, ainsi soit-il. puis le Roy continuant dit, la parole de ma bouche, sera mon glaue : & tout le peuple luy aplaudist. Cela fait il est pris, & osté de son throsne, & posé en terre sus vn ais ; & les Princes adressans à luy leurs paroles disent ainsi : Regarde en haut, & cognois Dieu : & voy cest ais sus lequel tu es assis en bas : Si tu gouuerne bien, tu auras tout à souhait : autrement, tu seras mis aussi bas, & depouillé de telle sorte, que mesme cest ais où tu sieds, ne te restera pas. Cella dit, il est esleué en haut, & crié Roy des Tartares. Ceste puissance est absoluë, & souueraine : car elle n'a autre cōdition que la loy de Dieu, & de nature ne cōmande. On peut voir aussi és Royaumes, & principautez deuolues par droit successif, que telle ou semblable forme quelquesfois est gardee : mais il n'y en a point de pareille à celle de Carinthie, où encores à present on voit vne pierre de marbre pres la ville S. Vitus en vn pré, sus laquelle monte vn paysant, auquel cest office appartient par droit successif, ayant à dextre vne vache noire, à senestre vne maigre iument, & le peuple tout autour. celuy qui vient pour estre Duc, marche avec grād nombre de seigneurs, vestus de rouge, & les enseignes au deuant de luy, & tous bien en ordre, horsmis le Duc, qui est habillé en pauvre berger, avec vne houlette : & celuy qui est sur la pierre criant en Sclauon. Qui est celuy, dit-il, qui marche si brauemēt ? le peuple respōd, que c'est leur Prince : alors cestuy-là demande, Est-il iuge ? cherche-il le salut du pays ? est-il de franche condition, digne d'hōneur, obseruateur de la religion ? on respōd, il est & le sera. Alors le paysant donne vn petit soufflet au Duc, & demeure le paysant exempt des charges publiques : & le Duc monte sus la pierre branlant l'espee, & parlant au peuple promet d'estre iuste, & en cest habit va à la messe, & puis prend l'habit ducal, & retourne sus la pierre, & reçoit les hommages, & sermens de fidelité. Vray est que le Duc de Carinthie, n'estoit anciennement que le grand veneur ⁴ de l'Empereur, & depuis que l'Empire est tombé en la maison d'Austriche, à qui le Duché appartient, & la qualité de veneur, & la forme ancienne de l'investir est abolie : & le Duché de Carinthie, Stirie, Croatie, les Contez de Cilie, & de Tiroles ont esté annexez au Duché d'Austriche. Et quoy qu'on escriue du Royaume d'Arragon, la forme ancienne qu'on gardoit enuers les Roys d'Arragon, ne se fait plus si le Roy n'assemble les estats : comme i'ay apri d'un cheualier Espagnol. La forme ⁵ estoit que le grand magistrat, qu'ils appellent la iustice d'Arragon dit au Roy ces paroles, *Nos qui valemos tanto como vos, y podemos*

3. Forme d'investir le Duc de Carinthie.

4. l'an 1331.

5. La forme qu'on gardoit aux estats d'Arragon.

mas

mas que vos, vos elegimos Re con estas, y estas condiciones, entra vos, y nos, un que manda mas que vos. c'est à dire, Nous qui valons autant cōme vous, & pouuōs plus que vous, nous vous elisons Roy, à telles, & telles conditiōs entre vous, & nous; que vn cōmande plus que vous. En quoy s'est abusé celuy qui a escript que le Roy estoit alors esleu du peuple: chose qui iamais ne se fist: car il est bien certain que Sans le grād cōqueste le Royaume par le droit des armes sus les Mores, qui l'auoyent eu sept cens ans, & depuis la posterité, masles, & femelles, ont eu le Royaume par droict successif, de proche en proche. Et de faict Pierre Bellugue⁶ Arragōnois, qui a diligemment escript du droit d'Arragon, escript que le peuple n'a aucun droit d'eslire le Roy, sinon en ligne^o defaillant. Aussi est-il impossible, & incompatible que le Roy d'Arragon, eust moins de puissance que les estats d'Arragon, veu que le mesme autheur Bellugue⁷ dict, que les estats ne peuuent s'assembler, s'il n'y a mandement expres du Roy: & ne peuuent se departir estans assemblez, s'il ne plaist au Roy les licentier. Encores est-il plus ridicule, que telles parolles se disoyent au Roy estant ia courōné, sacré, & receu pour Roy par droit successif: & qu'il fust souverain, cōme il estoit, & donnoit l'office à celuy qui s'appelloit la grand iustice d'Arragon, & le destituoit si bon luy sembloit: & de faict, le mesme autheur escript, que Martin^o Didato fut institué, & destitué de cest office par la Roynes d'Arragō en l'absence de son mari Alphons, Roy d'Arragon & de Sicile. Et combien que par souffrance du Roy la iustice d'Arragon iuge les procez, & differens entre le Roy, & le peuple, chose qui se faict aussi en Angleterre, ores par la haute chambre du parlement: ores par le magistrat qu'on appelle la iustice d'Angleterre: & par tous les iuges de ce Royaume, & en tous lieux: si est-ce que la iustice d'Arragō, & tous les estats demeurent en pleine sugetiō du Roy, qui n'est aucunement tenu de suiure leurs aduis, ny accorder leurs requestes, cōme dit le mesme docteur⁸: ce qui est general à tous estats de monarchie; cōme escript Oldrad⁹, parlant des Roys de Frāce, & d'Espagne: qui ont, dit-il, puissance absolue. Vray est, que ces docteurs ne disent point que c'est de puissance absoluë, car si nous disons que celuy a puissance absoluë, qui n'est point suget aux loix, il ne se trouuera Prince au monde souverain, veu que tous les Princes de la terre sont sugets aux loix de Dieu, & de nature, & à plusieurs loix humaines cōmunes à tous peuples. Et au cōtraire il se peut faire que l'un des sugets sera dispensé, & absoults de toutes les loix, ordōnances, & coustumes de la Republique, & ne sera point Prince, ny souverain: nous en auōs l'exēple de Pōpee le grād, qui fut dispēsé des loix pour cinqans, par ordonnance expresse du peuple Romain, publiee à la requeste du Tribun Gabinius¹ & n'estoit pas chose nouvelle, ny estrange de dispēsfer vn suget d'obeir aux loix, veu mesmes que le Senat quelquesfois en dispensoit, sans l'aduis du peuple, iusques à la loy Cornelia² publiee à la requeste d'un Tribun, par laquelle il fut or-

6. In speculo.

o. In specul. tit. 14. §. veniamus. nu. 6.

7. In d. speculo cap. 1. & extremo, ex §. post natale. de clerico violatore pacis in feu. & in c. imperialem. de prohibita feudi. & in c. certum.

8. l. q. 3.

o. tit. 26. §. Iesu.

8. cap. extremo. & tit.

10. nu. 10.

9. consil. 69.

1. Plutar. in Pomp.

2. Aconius in Cornelianam.

3. Cicero pro domo sua. Priuilegia nisi comitiis centuriariis ne irroganto qui fecus faxit capital esto.

4. l. princeps. de legib. l. sacraissimæ. cod. C.

5. l. forma de offi. præfect. prætor. C. Bal. in l. cunctos populos. col. l. i. de summa trinit. C. & in c. ult. de off. archi. Bal. in l. rescripta de precib. Imperatori. C. Alexand. consil. 101. nu. 5.

6. Ancar. consil. 198. nu. 2. Felin. in cap. ex parte. col. 1. ver. regulæ. de rescript.

7. Bartol. in constitu. ad reprimendam. verbo reges. nu. 21. Castrenf. consil. 107. Oldrad. consil. 108.

8. Bald. in titul. de pace constant. verbo amplius. Felin. in cap. i. nu. 5. de proba. Afflict. in titul. quæ sunt regalia. in proœmio. nu. 61. Carolus Ruinus cõsil. 91. lib. 1. nu. 11.

9. Indulta beneficia à defunctis principibus, ne aliter rata haberet, quam si ipsi dedissent, cum antea principis beneficii. nisi ad tempus datu esset, perpetuum haberetur.

donné, que personne ne seroit exempté de la puissance des loix, ny dispensé par le Senat, s'il n'y auoit du moins deux cens Senateurs: car mesmes il estoit deffendu sur peine de la vie, par les loix² des XII. tables, d'otroyer aucun priuilege, sinon par les grands estats du peuple: mais la loy estoit mal executée. Et en quelque sorte que ce soit, le suget qui est exempté de la puissance des loix, demeure tousiours en la sugetion, & obeissance de ceux qui ont la souueraineté. Or il faut que ceux là qui sont souuerains, ne soyent aucunement sugets aux commandemens d'autrui, & qu'ils puissent dõner loy aux sugets, & casser ou aneantir les loix inutiles, pour en faire d'autres: ce que ne peut faire celuy qui est suget aux loix, ou à ceux qui ont commandement sur luy. C'est pourquoy la loy dit, que⁴ le Prince est absous de la puissance des loix: & ce mot de loy, emporte aussi en latin le commandement de celuy qui a la souueraineté. Aussi voyons nous qu'en tous edits, & ordonnances, on y adiouste ceste clause, Non obstant tous edits & ordonnances, ausquelles nous auõs derogé, & derogeons par ces presentes, & à la derogatoire des derogatoires: clause qui a tousiours esté adiousteée es loix⁵ anciennes: soit que la loy fut publiee du mesme prince, ou de son predecesseur. Car il est bien certain que les loix, ordonnances, lettres patentes, priuileges, & otroys des princes, n'ont aucune⁶ force que pẽdant leur vie, s'ils ne sont ratifiez par consentement expres, ou du moins par souffrance du prince qui en a cognoissance: & mesmemẽt des priuileges. Et pour ceste cause Bartole estant deputé Ambassadeur vers l'Empereur Charles IIII. pour obtenir confirmation des priuileges de Perouze, en obtint la confirmation portant ceste clause, Iusques à ce qu'ils soyent⁷ reuoquez par noz successeurs: au preiudice desquels il ne pouuoient⁸ rien faire. Qui fut la cause que M. de l'Hospital chancelier de France, refusa sceller la confirmation des priuileges, & exemptions de tailles de S. Maur des fossez, quelque mandement qu'il eust de ce faire: parce qu'ils portoient perpetuel affranchissement: qui est cõtre la nature des priuileges personnels, & qui diminue la puissance des successeurs: & ne se peuuent donner aux corps & colleges, que à la vie du Prince qui les ottroye, ores que le mot perpetuel y soit adiouste: ce qui n'est pas aux Republiques populaires, & Aristocratiques. Et à ceste cause Tibere l'Empereur successeur d'Auguste, ne voulut pas, que les priuileges otroyez par les Empereurs defuncts, eussent aucun effect, si les successeurs ne les auoyent confirmez, d'autat que les priuilegiez vouloyent perpetuer l'exemption qu'ils auoyent, si l'ottroy n'estoit limité à certain temps, comme dit Suetone.⁹ Aussi voyons nous en ce Royaume à la venue des nouveaux Roys, que tous les colleges, & communautez demandent confirmation de leurs priuileges, puissance, & iurisdiction: & mesmes les parlemens, & cours souueraines, aussi bien que les officiers particuliers. Si donc le Prince souuerain, est exempt des loix de ses predecesseurs, beaucoup moins seroit

feroit-il tenu aux loix & ordonnances qu'il fait: car on peut bien recevoir loy d'autrui, mais il est impossible par nature de se donner loy, non plus que commander à soy mesme chose qui² depēde de sa volonté, cōme dit la loy, *Nulla obligatio consistere potest, quæ à voluntate promittentis statum capit*: qui est vne raison necessaire, qui mōstre euidentement que le Roy ne peut estre suget à ses loix. Et tout ainsi que le Pape ne se lie iamais les mains, cōme disent les³ canonistes: aussi le Prince souuerain ne se peut lier les mains, quād ores il voudroit. Aussi voyons nous à la fin des edits & ordonnāces ces mots: **CAR TEL EST NOSTRE PLAISIR**, pour faire entēdre, que les loix du Prince souuerain, ores qu'elles fussent fondees en bōnes & viues raisons, neātmoins qu'elles ne depēdent que de sa pure & franche volonté. Mais quant aux loix diuines & naturelles, tous les Princes de la terre y sont sugets, & n'est pas en leur puissance d'y contreuenir, s'ils ne veulent estre coupables de leze majesté diuine, faisant guerre à Dieu, soubz la grandeur duquel tous les Monarques du monde doiuent faire ioug, & baisser la teste en toute crainte, & reuerence. Et par ainsi la puissance absoluë des Princes & seigneuries souueraines, ne s'estend aucunement aux loix de Dieu, & de nature. & ce luy qui a mieux entendu que c'est de puissance absoluë, & qui a fait ployer les Roys & Empereurs soubz la sienne, disoit que ce n'est autre chose que deroger au droit² ordinaire: il n'a pas dit aux loix diuines & naturelles. Mais le Prince est-il pas suget aux loix du pays, qu'il a iuré garder? Il faut distinguer, Si le Prince iure à soy mesme qu'il gardera sa loy, il n'est point tenu de sa loy, non plus que du sermēt³ fait à soy mesme: car mesmes les sugets ne sont aucunement⁴ tenus du serment qu'ils font es conuentions, desquelles la loy permet se departir, ores qu'elles soient honnestes & raisonnables. & si le Prince souuerain promet à vn autre Prince garder les loix que luy, ou ses predecesseurs ont faites, il est obligé les garder, si le Prince, auquel la parole est donnee y a interest, iacōit qu'il n'eust point iuré: & si le Prince auquel la promesse est faite n'y a point d'interest, ny la promesse, ny le serment ne peut obliger celuy qui l'a⁵ promis. Nous dirons le semblable si la promesse est faite au suget par le Prince souuerain, ou bien au parauāt qu'il soit esleu: car en ce cas il n'y a point de difference, comme plusieurs pensent: non pas que le Prince soit tenu à ses loix, ou de ses predecesseurs, mais aux iustes conuentions, & promesses qu'il a faites, soit avec serment ou sans aucun serment: tout ainsi que seroit vn particulier. & pour les mesmes causes que le particulier peut estre releuē d'une promesse iniuste, & de raisonnable, ou qui le greue par trop, ou qu'il a esté circonuenu par dol, ou fraude, ou erreur, ou force, ou iuste crainte, ou lesion enorme, pour les mesmes causes le Prince peut estre restituē en ce qui touche la diminution de sa majesté, s'il est Prince souuerain. Et par ainsi nostre maxime demeure, que le Prince n'est point suget à ses loix, ny aux loix de ses

1. l. ille à quo. §. tempestiuū. ad Trebell. l. penult. de arbitris. cap. innotuit. de electio.

2. l. à titio. §. nulla de verb. oblig. l. si quis in principio. de legat. 3. cap. mandasti. 2. q. 5. licet contrariū teneat archidiacon. in. c. 2. de constit. lib. 6. ex c. nemo. m. q. 3. Joan. And. in c. 1. de rap. & in regul. cui licet. de Regul. lib. 6. cap. dudum. de præbend. lib. 6.

2. Innocent. 4. Pont. max. in cap. innotui verbo ordinatione. de election. extra.

3. l. iurisyctum. §. si plagij. can. iusiurandum. 22. q. 5.

4. l. ult. qui sacrisda. cogantur. ff.

5. l. adigerē. de iure patronat. l. qui iurato. qui satis. cogāt. ff.

predecesseurs, mais bien à ses conuentions iustes & raisonnables, & en l'obseruation desquelles les sugets en general, ou en particulier ont interest. En quoy⁶ plusieurs s'abusent qui font vne confusion des loix, & des contrats du Prince, qu'ils appellent Loix : aussi bien que celuy qui appelle les contrats du Prince Loix⁷ pactionnees : comme elles s'appellent aux estats d'Arragon, quand le Roy fait quelque ordonnance à la requeste des estats, & qu'il en reçoit argent, ou quelque subside, ils disent que le Roy y est tenu : & qu'aux autres loix, qu'il n'y est point tenu : & neantmoins ils confessent que le Prince y peut derog⁸, cessant la cause, de la loy. tout cela est bien certain, &⁹ fondé en raisons, & autorité : mais il n'est point besoin d'argent ny de serment pour obliger le Prince souuerain, si les sugets, auxquels il a promis, ont interest que la loy soit gardee : car la parole du Prince doit estre comme vn oracle, qui perd sa dignité, quand on a si mauuaise opinion de luy, qu'il n'est pas creu s'il ne iure, ou qu'il n'est pas suget à sa promesse, si on ne luy donne de l'argent. & neantmoins la¹ maxime de droit demeure en sa force, que le Prince souuerain peut derog² aux loix qu'il a promis, & iuré garder, si la iustice d'icelle cesse, sans le consentement des sugets : vray est que la derogation generale en ce cas ne suffit pas, s'il n'y a derogation³ speciale. Mais s'il n'a iuste cause de casser la loy qu'il a promis entretenir, en ce cas le Prince ne doit, & ne peut y contreuenir. vray est qu'il n'est pas⁴ tenu aux conuentions & sermens de ses predecesseurs, s'il n'est leur heritier. Et pour ceste cause les estats du Royaume d'Arragon firent plainte au Roy Alphons, de ce qu'il auoit chagé, & alteré la monnoye d'Arragon, pour y gagner, au grand preiudice des sugets, & des marchans estrangers : contre la promesse faite par Iaqu⁵ 1. Roy d'Arragon, l'an M. c c l x v. au mois d'Auril, & cōfirmee par Pierre l'an M. c c c x x v i. qui iura aux estats de ne changer iamais la monnoye : & le peuple en recompense promist de payer au Roy de sept en sept ans vn marauedi pour feu, par tous ceux qui auroient valant quinze marauedis, qui est la moitié d'un liard. Or il est certain que le Royaume d'Arragon est hereditaire aux masles, & filles. mais cessant l'effect de la conuention entre le Prince & le peuple : comme le subside pour lequel les Roys d'Arragon firent l'ordonnance que j'ay dit, le Prince n'y est plus tenu non plus que le peuple au subside imposé, si le Prince ne tient sa promesse. Il ne faut donc pas confondre la loy, & le contract : car la loy dépend de celuy qui a la souueraineté, qui peut obliger tous ses⁴ sugets, & ne s'y peut obliger soy mesme : & la conuention est mutuelle entre le Prince & les sugets, qui oblige les deux parties⁵ reciproquement, & ne peut l'une des parties y⁶ contreuenir au preiudice, & sans le consentement de l'autre : & le Prince en ce cas n'a rien par dessus le⁷ suget : sinon que cessant la iustice de la loy qu'il a iuré garder, il n'est plus tenu de sa⁸ promesse, comme nous auons dit : ce que ne peuuent les sugets entr'eux,

6. Bald. in l. donatio-
nes. de dona. inter
virum. C. Cynus &
Bart. in l. digna vox
de legibus. C. Bart. &
Castrenf. in l. prin-
ceps de legib. Ant.
Butrio, Imola, Pa-
normit. Felin. in cap.
1 de probat.
7. Petr. Belluga in
speculo tit. 1.
8. Idem tit. 2.
9. notat. in summa
de condic. indeb. &
in cap. 1. de proba. &
ex. l. penult. de do-
nat. inter virum. C.
Innocēt. in cap. no-
uit. de Iudic. epistol.
& cap. licet canon.
de election.

1. cessante causa, ces-
sat effectus.

2. Bal. in l. humanum
de legib. C. Archi-
diacon. in cap. 1. de
constitu. lib. 6.

3. cap. ult. lib. 6. de re-
script. glo. in l. si pa-
tronus. de iis quæ in
fraudem.

4. l. non dubium. de
legib. C.

5. l. labeo. de verbor.
signif. ff.

6. l. nihil tam natura-
le. de regul. l. ab
emptio.

7. Cynus, Bal. Bart.
Salicet. in l. digna
vox. de legib. C. Iaso.
in l. 1. de constitut.
prin. C. Felin in cap.
translatio. de consti-
tut. ext.

8. Ba. d. in l. claris de
fideicom. C. Panor.
in cap. pro illorum.
de prebend. A' exan.
consil. 124. lib. 6. &
consil. 122. & 125.
lib. 4.

entr'eux, fils ne sont releuez du Prince. Aussi les Princes souuerains bien entendus, ne sont iamais serment de garder les loix de leurs predecesseurs, ou bien ils ne sont pas souuerains. On dira, peut-estre, que l'Empereur, qui a la preffiance par dessus tous les autres Roys Chrestiens, deuant qu'il soit sacré, iure entre les mains de l'Archeuesque de Coulongne, de garder les loix de l'Empire, la bulle d'or, establir iustice, obeir au Pape, garder la foy Catholique, defendre les veufues, les orphelins, & les pauvres. voila le sommaire du serment que fist l'Empereur Charles v. qui depuis fut enuoyé au Pape, par le Cardinal Caieetan Legat en Alemaigne. le respōds, que l'Empereur est suget aux estats de l'Empire, & ne s'attribue pas aussi la souueraineté sus les Princes, ny sus les estats, comme nous dirons en son lieu. Et si on dit, que les Roys des Epirotes anciennement iuroient, qu'ils regneroient bien & deuement selon les loix du pays : & les sugets aussi iuroient reciproquement, garder, & maintenir leur Roy selon les ordonnances, & coustumes du pays : ie dy que nonobstant tous ces sermens, le Prince souuerain peut derogier aux loix, ou icelles casser & annuller, cessant la iustice d'icelles. Aussi le serment de nos Roys, qui est le plus beau, & le plus bref qui se peut faire, ne porte rien de garder les loix & coustumes du pays, ny des predecesseurs. Je mettray les mots ainsi qu'ils sont extraits de mot à mot de la bibliotheque de Rheims, d'un ancien liure, qui commence : *Iuliani ad*

Erigium Regem, Anno M. LVIII. Henrico regnante XXXII. IIII. Calend. Iunij. EGO Philippus Deo propiciante mox futurus Rex Francorum in die ordinationis meae, promitto coram Deo, & sanctis eius, quod unicuique de nobis commissis canonicum priuilegium & debitam legem atque iustitiam conseruabo, & defensionem, adiuuante Domino, quantum potero exhibebo, sicut Rex in suo regno unicuique Episcopo, & ecclesie sibi commissae per rectum exhibere debet. populo quoque nobis credito, me dispensationem legum in suo iure consistentem, nostra auctoritate cōcessurum. Qua perlecta posuit eum in manus Archiepiscopi.

Le serment fait
par Philippe. I.
fils de Henri. I.

J'ay sceu que celle qui se trouue en la bibliotheque de Beauuais, est pareille & du mesme Roy Philippes I. mais i'en ay veu vne autre en vn petit liure tresancien en l'Abaye S. Allier en Auvergne, portât ces mots :

LE LIVRE AV NOM DE DIEU tout-puissant, & promets de gouverner bien & deuement li sugets commis en me garde, & faire de tout men pouuoir iugement, iustice & misericorde. qui semble estre tiré de Hieremie, où il est dit : Je suis le grand Dieu eternal, qui fay iustice, iugement, & misericorde, & en ces choses ie prens vn singulier plaisir. Qui montre à veüe d'œil, que les sermens contenus au liure publié, & imprimé du sacre du Roy, sont bien changez, & alterez de l'ancienne forme. Mais on peut voir en l'un & l'autre serment, qu'il n'y a aucune obligation de garder les loix, sinon tant que le droit, & iustice le souffrira. Combien qu'il ne se trouue point, que les Roys anciens du peuple Hebrieu fissent aucun serment : ne melmes ceux-là qui furent

9. cap. 9.

sacrez par Samuel, Helie, & autres. Mais il y en a qui font le serment plus
 precis, comme le serment de Henry III. Roy de France & de Poulon-
 gne est tel: *Ego Henricus Rex Polonia, &c. iuro Deo omnipotenti, quòd om-
 nia iura, libertates, priuilegia publica, & priuata iuri communi non cōtraria, ec-
 clesiis, principibus, baronibus, nobilibus, ciuibus, incolis per meos prædecessores Re-
 ges, & quoscunque principes dominos Regni Polonia, iustè donata, ab ordini-
 búsque tēpore interregni statuta, sancta, nobis oblata, obseruabo, &c. iustitiámque
 omnibus incolis iuxta iura publica administrabo. Et si (quòd absit) sacramētum
 meum violauero, nullam nobis incolæ regni obedientiam præstare debebunt, &c. sic
 me Deus adiuuet.* Quant aux loix qui concernent l'estat du Royaume, &
 de l'establissement d'iceluy, d'autat qu'elles sont annexees, & vnies avec
 la courōne, le Prince n'y peut derogier, come est la loy Salique: & quoy
 qu'il face, tousiours le successeur peut casser ce qui aura esté fait au pre-
 iudice des loix Royales, & sus lesquelles est appuyé, & fondé la ma-
 jesté souueraine. Encores peut on dire, que Henry V. Roy de France &
 d'Angleterre, espousant Catherine de France seur de Charles VI. fist
 serment de garder le Parlement en ses libertez, & souuerainetez, & de
 faire administrer iustice au Royaume, selon les coustumes, & droits d'i-
 celles. Voila les mots du traité conuenu, pour le faire successeur de la
 couronne de France le xx i. May l'an m. ccc cxx. Je dy qu'on luy fist
 faire ce serment, par ce que c'estoit vn estranger, qui venoit à vn nou-
 uveau Royaume; duquel le successeur legitime estoit debouté par arrest
 du Parlement de Paris, donné par defaux & cōtumaces, pour le meur-
 tre commis en la personne de Jean de Bourgongne, & qui fut pronon-
 cé à la table de marbre, en la presence des Princes, au son de la trom-
 pette. Mais quant aux coustumes generales, & particulieres, qui ne
 concernent point l'establissement du Royaume, on n'a pas accoustu-
 mé d'y rien changer, sinon apres auoir bien & deuëment assemblé le
 trois estats de France en general, ou de chacun bailliage en particulier:
 non pas qu'il soit necessaire de s'arrester à leur aduis, ou que le Roy ne
 puisse faire le contraire de ce qu'on demandera, si la raison naturelle, &
 la iustice de son vouloir luy assiste. Et en cela se cognoist la grandeur, &
 majesté d'un vray Prince souuerain, quand les estats de tout le peuple
 sont assemblez presentans requeste, & supplications à leur Prince en
 toute humilité, sans auoir aucune puissance de rien commander, ny de-
 cerner, ny voix deliberatiue: ains ce qu'il plaist au Roy consentir, ou
 dissenter, commander, ou defendre, est tenu pour loy, pour edit, pour
 ordonnance. En quoy ceux qui ont escrit du deuoir des Magistrats,
 & autres liures semblables, se sont abusez de soustenir que les estats du
 peuple sont plus grâds que le Prince: chose qui fait reuolter les vrais su-
 gets de l'obeissance qu'ils doiuent à leur Prince souuerain: & n'y a raison
 ny fondement quelconque en ceste opinion là: si le Roy n'est captif ou
 furieux, ou en enfance: car si le Prince souuerain est sujet aux estats, il
 n'est

n'est ny Prince, ny souuerain : & la Republique n'est ny Royaume, ny Monarchie, ains vne pure Aristocratie de plusieurs seigneurs en puissance egale, où la plus grande partie cōmaude à la moindre en general, & à chacun en particulier. il faudroit donc que les edits, & ordonnâces fussent publiees au nom des estats, & commandees par les estats, comme en seigneurie Aristocratique, où celuy qui preside n'a puissance aucune, & doit obeissance aux mandemens de la seigneurie. qui sont toutes choses absurdes, & incōpatibles. Aussi voit-on qu'en l'assemblée des estats de ce Royaume tenus à Tours, alors que le Roy Charles V I I I. estoit en bas aage, & que les estats estoient plus autorisez que iamais, Relli orateur, portant la parole pour tous les estats commence ainsi : Treshaut, trespuissant, tref-chrestien Roy, nostre souuerain & naturel seigneur, vos humbles & tref-obeissans sugets, &c. venus icy par vostre commandement comparoissent, & se presentent deuant vous en toute humilité, reuerence, & subiection, &c. Et m'est enchargé de par toute ceste notable assemblée vous exposer le bon vouloir, l'affection cordiale, le ferme & arresté propos qu'ils ont à vous seruir, & obeir, & subuenir en toutes vos affaires, commandemens, & bons plaisirs. Brief, tout le discours & narré des Estats ne porte rien que sugetion, seruice & obeissance. On voit le semblable aux estats d'Orleans. Et ne faut point dire qu'en Espagne on vse autrement: car les mesmes submissions & paroles de sugetion, seruice, & obeissance de tout le peuple enuers le Roy d'Espagne, comme enuers leur souuerain seigneur se voit au discours des estats tenus à Toledé l'an M. D. L I I. & les responses du Prince souuerain aux humbles requestes & supplications du peuple par ces mots: **N O V S V O V L O N S**, ou bien nous auons ordonné, & autres semblables responses, portant refus, ou consentement du Prince. & mesmes l'otroy que les sugets payēt au Roy d'Espagne, s'appelle seruice. Et par ainsi Pierre Bellugue s'est abusé de dire que les Roys d'Arragon ne peuvent derogier aux priuileges des estats, obstant le priuilege donné par le Roy Iaques l'an M. C C L X. & confirmé l'an M. C C C X X. car tout ainsi que le priuilege n'eust rien valu apres la mort de Iaques sans la confirmation de son successeur, aussi la mesme confirmation des autres Roys est necessaire par la maxime de droit, qui ne souffre pas qu'on puisse commander à son pareil. Et combien qu'aux Parlemens du Royaume d'Angleterre, qu'on tient de trois en trois ans, les estats vsent de plus grande liberté, comme font tous les peuples de Septentrion, si est-ce qu'en effect ils ne procedent que par supplications & requestes. Et au Parlement d'Angleterre, tenu l'an M. D. L X V I. au mois d'Octobre, tous les estats d'un commun consentement auoient resolu, comme ils firent entendre à la Royne, de ne traiter aucune chose, qu'elle n'eust declairé vn successeur à la couronne: toutefois elle fist response qu'on luy vouloit faire sa fosse au parauant qu'elle fust morte: mais que toutes leurs reso-

Estats d'Espaigne.

o. In speculo.

Estats d'Angleterre.

lutions n'auroiēt aucun effect sans son vouloir. & ne fist rien de ce qu'ils demandoient, cōme i'ay appris par les lettres de l'Ambassadeur du Roy. Aussi les estats d'Angleterre ne sont iamais assemblez, non plus qu'en ce Royaume, & en Espaigne, que par lettres patentes, & mandemens expres emanez du Roy: qui monstre bien que les estats n'ont aucun pouuoir de rien decerner, ny commāder, ny arrester: veu mesme qu'ils ne se peuuent assembler, ny se departir sans mandement expres. Encores peut on dire, que les ordonnances faites par le Roy d'Angleterre à la requeste des estats ne peuuent estre cassees sans y appeller les estats. Cela est bien pratiqué, & se fait ordinairement: comme i'ay sceu de M. Dail Ambassadeur d'Angleterre, hōme d'honneur, & de sçauoir: mais il m'a asseuré, que le Roy reçoit, ou refuse la loy si bon luy semble: & ne laisse pas d'en ordonner à son plaisir, & contre la volonté des estats, comme on a veu Henry vii. auoir tousiours vſé de sa puissance souveraine: iacoit que les Roys d'Angleterre ne sont point sacrez, sinon en iurant qu'ils garderont les ordonnances & coustumes du pays: car ce serment là se doit rapporter à ce que nous auons dit cy dessus. Mais on peut dire, que les estats ne souffrent pas qu'on leur impose charges extraordinaires, ny subsides, sinon qu'il soit accordé & consenty au Parlement: suiuant l'ordonnance du Roy Edoüard i. en la grande carte, de laquelle le peuple s'est tousiours preualu contre les Roys. Je responds, que les autres Roys n'ont pas plus de puissance que le Roy d'Angleterre: par ce qu'il n'est en la puissance de Prince du mode, de leuer imposts à son plaisir sur le peuple, non plus que prendre le bien d'autrui, comme Philippes de Comines remonstra sagemēt aux estats tenus à Tours, ainsi que nous lisons en ses Memoires: & toutefois si la necessité est vrgente, en ce cas le Prince ne doit pas attendre l'assemblee des estats, ny le consentement du peuple, duquel le salut depend de la preuoyance, & diligence d'un sage Prince. mais nous dirōs de cecy en son lieu. Il est vray que les Roys d'Angleterre, & depuis Henry i. comme nous lisons en Polydore, ont quasi tousiours accoustumé de trois en trois ans, demander quelque subside extraordinaire, qui est le plus souuēt accordé. cōme au parlemēt tenu au mois d'Auril m. d. lxx. la Roynie d'Angleterre tira la valeur de cinq cens mil escus, du cōsentement des estats. Ainsi fait-on aux estats d'Espaigne. Icy dira quelqu'un, que les estats d'Angleterre ont puissance de condamner: comme Thomas, & Henry les Hauars, furēt condānez par les estats, à la poursuite de Henry viii. Roy d'Angleterre. & qui plus est le Roy Henry vi. fut aussi condamné par les estats à tenir prison en la tour de Londres. Je dy que cela se fist par les iuges ordinaires d'Angleterre de la haute chābre du parlement, à la requelte de ceux de la basse chambre: qui presenterent aussi requeste à la haute chambre l'an m. d. lxxi. tendant à fin, que les Comtes de Northumbelland, Westmerland, & autres coniurez, fussent declarez

auoir

auoir encouru les peines portees par les loix du pays, contre les criminieux de leze majesté. Qui montre bien que les estats en corps, n'ont ny puissance, ny iurisdiction, ains que le pouuoir est aux iuges de la haute chambre: comme seroit si le Parlement de Paris, assisté des Princes, & Pairs, estoit aux estats en corps separé, pour iuger les grandes causes. Mais il demeure encores vne difficulté à resouldre pour lesdits estats d'Angleterre, qui semblent auoir puissance de commander, resouldre, & decider des affaires d'estat: car la Royne Marie les ayant assemblez pour faire passer les articles concernans son mariage avec le Roy Philippe: apres plusieurs disputes, & difficultez proposees, en fin la verification du traité se fist le second iour d'Auril M. D. LIIII. qui est en forme d'arrest conceu au nom des estats en ces mots: V E V par les estats assemblez au Parlement, tenus au Palais de Westmynster, les articles susdits, & ce qui en depend, dit a esté, quant à la disposition, & collation reservee à la Royne de tous benefices, & offices: comme aussi de tous les fruiets, profits, rentes, reuenus de ses pays, terres & seigneuries, la Royne comme seule & vniue iouyra de la regalité, & souueraineté de seldits Royaumes, pays, terres, & sugets absolument, apres la consommation du mariage: sans que ledit Prince puisse pretendre par la forme de la courtoisie d'Angleterre, la couronne & la souueraineté du Royaume, ny autres droits, préminences, ny auctoritez. Que tous mandemens & lettres patentes se passeront sous la qualité dudit Sieur Prince, & de la Royne coniointement: lesquelles lettres signees de la main seule de la Royne, & sceelées des grands sceels de sa chancellerie, seront valables: que si elles n'estoient signees de ladite Royne, seroiēt nulles. J'ay bien voulu mettre la verification au long, pour mōstrer que la souueraineté appartient pour le tout, sans diuision aux Roys d'Angleterre, & que les estats n'y ont que voir. car la verification des estats, non plus que d'une court, d'un Parlemēt, d'un corps, & College, ne suffit pas pour montrer la puissance de commander: mais bien le consentement pour valider les actes, qui autrement eussent esté reuoquez en quelque doute apres la mort de la Royne, ou de son viuant, par l'opposition des Magistrats & officiers du Royaume. Nous concludons donc que la souueraineté du Monarque n'est en rien alteree, ny diminuee pour la presence des estats: ains au contraire sa majesté en est beaucoup plus grande, & plus illustre, voyant tout son peuple le recognoistre pour souuerain, encores que par telle assemblee les Princes ne voulans pas rebuter leur sugets, accordēt & passent plusieurs choses, qu'ils ne consentiroiēt pas, s'ils n'estoiēt vaincus des requestes, prieres, & iustes doléances d'un peuple affigé & vexé le plus souuent au desceu du Prince, qui ne void, & qui n'entend que par les yeux, les oreilles, & le rapport d'autrny. Par ainsi on voit que le poinct principal de la majesté souueraine, & puissance absoluë, gist principalement à donner loy aux sugets en general

o. par laquelle le mari est usufructier des biens de la femme l'ayāt surueſcue. La courtoisie d'Angleterre.

sans leur consentement. Et sans aller au pays d'autrui, on a veu souuent en ce Royaume, certaines coustumes generales abolies par les edits de nos Roys, sans ouyr les estats, quand l'iniustice d'icelles estoit oculaire: comme la coustume de ce Royaume en tout le pays coustumier, touchant la succession des meres, & biens de leurs enfans, a esté changee, sans assembler les estats, ny en general, ny en particulier. Qui n'est de rien de nouveau: car dès le temps du Roy Philippes le Bel, la coustume generale en tout ce Royaume, qui ne souffroit pas que celuy qui auoit perdu son procès, fust condamné aux despens, fut cassée par edit, sans assembler les estats. & la coustume generale, qui defendoit de receuoir le tesmoignage des femmes en causes ciuiles, fut abolie par edit de Charles³ vi. sans appeller les estats. Car il faut que le Prince souuerain ait les loix en sa puissance pour les changer, & corriger, selon l'occurrence des cas, comme disoit le Iurisculte Sextus Cæcilius, tout ainsi que le maistre pilote doit auoir en sa main le gouuernail, pour le tourner à sa discretion: autrement le nauire seroit plustost peri, qu'on auroit pris l'aduis de ceux qu'il porte. Ce qui n'est pas seulement necessaire au Prince souuerain, ains aussi quelquefois au Magistrat, cōme nous auons dit de Pompee, & des dix commissaires. C'est pourquoy Auguste apres la guerre Actiaque, fut absous par le Senat de la puissance des loix, iacōit qu'il ne fust que chef de sa Republique, & non pas Prince souuerain, comme nous dirons en son lieu. Depuis Vespasian l'Empereur fut aussi exempté de la puissance des loix, par loy du peuple expresse, comme plusieurs pensent, & qui se trouua encores à Rome grauee en pierre, que le Iurisculte⁴ appelle la loy Royale: combien qu'il n'y a pas grande apparence que le peuple, qui long temps au parauant auoit perdu toute puissance la donnast à celuy qui estoit le plus fort. Or si est vtile que le Prince souuerain, pour bien gouverner vn estat, ait la puissance des loix sous la sienne, encores est-il plus expedient aux seigneurs en l'estat Aristocratique, & necessaire au peuple en l'estat populaire. car le Monarque est diuisé du peuple: & en l'estat Aristocratique les seigneurs sont aussi diuisez du menu peuple: de sorte qu'en l'une & l'autre Republique il y a deux parties: à sçauoir celuy, ou ceux qui tiennent la souveraineté d'une part, & le peuple de l'autre, qui cause les difficultez qui sont entr'eux, pour les droits de la souveraineté, & qui cessent en l'estat populaire. car si le Prince, ou les seigneurs, qui tiennēt l'estat, sont obligez à garder les loix, comme plusieurs pensent: & qu'ils ne peuēt faire loy, qui ne soit accordee du peuple, ou du Senat, elle ne pourra aussi estre⁵ cassée, sans le consentement de l'un ou de l'autre, en termes de droit: ce qui ne peut auoir lieu en l'estat populaire, veu que le peuple ne fait qu'un corps, & ne se peut obliger à soy mesme. Pourquoy donc, dira quelqu'un, le peuple Romain faisoit-il sermēt de⁶ garder les loix? Dion escrit⁷ que ce fut vne coustume nouvelle introduite à la requeste d'un

1. Contra ius commune l. cum quem temere de iudi. ff.
2. l. lege Julia. de testibus canonico iure aliter cauetur. Bartol. in tracta. de differentiis iuris ciuilibus & canonicis.
3. l'an 1394.

4. l. i. de constitut. princip.

Singularité de l'estat populaire.

5. l. nihil tam naturale. de regul.

6. Plutar. in Mario Appian lib. i.
ἐμὸν
7. lib. 38.

d'un tribun, & depuis se continua en toutes loix, ores qu'elles fussent iniques, & absurdes: qui n'est pas résoudre la difficulté. Je dy donc que chacun en particulier faisoit le sermēt: ce que tous en general n'eussent peu faire, attendu que le serment ne se peut faire, à bien parler, que du moindre au plus grand. & au contraire en la Monarchie chacun en particulier, & tout le peuple en corps, doit iurer de garder les loix, & faire serment de fidelité au Monarque souverain, qui ne doit serment qu'à Dieu seul. duquel il tient le sceptre & la puissance. car le serment porte tousiours reuerēce à celui auquel, ou bien au nom duquel il se fait: qui est la seule cause, pour laquelle le seigneur ne doit point de serment au vassal, ores que l'obligation soit mutuelle entre l'un & l'autre. Mais si est ainsi que le Prince souverain ne doit serment qu'à Dieu, pourquoy Traian l'Empereur faisoit-il serment de garder les loix estant debout devant le Consul qui estoit assis? Il y a double réponse: premierement qu'il ne faisoit serment sinon quand il fut Consul, cōme vn chacun des Magistrats nouvellement pourueus des offices iuroit au plus grād Magistrat, qui se trouuast en ville, le premier iour de l'an, apres auoir sacrifié au Campidol. ainsi Traian quelquefois prenoit le Consulat, outre le tiltre imperial qu'il auoit, comme aussi faisoient les autres Empereurs. En second lieu, les premiers Empereurs Romains n'estoient pas souverains, mais seulement chefs, & premiers des citoyens, qu'ils appelloient *Principes*: & ceste forme de Republique estoit en apparence, Aristocratique: en effect, Monarchie, & s'appelloit *PRINCIPATUS*, en laquelle l'Empereur auoit ceste prerogative d'estre le premier, en dignité, en honneur, en seance. combien qu'à la verité la pluspart des Empereurs estoient tyrans. Et cōme vn iour quelques Roys estranges dispuoient de leur noblesse, & grandeur à la table de l'Empereur Caligula, il dist le vers d'Homere, οὐκ ἀγαθὸν ἢ πολυκοιρανίη, εἰς κοίρανος ἔστω, εἰς βασιλεύς, c'est à dire, qu'il n'est pas expedient qu'il y ait plusieurs Seigneurs, & qu'il ne faut qu'un Roy. à peu, dit Suetone, qu'il ne print alors le Diademe Royal, pour changer la forme de Republique, qui estoit vne Principauté, en⁸ Royaume. Or il est bien certain que la Principauté, le Capitaine ou Prince n'est pas souverain, non plus que le Duc à Venise, cōme nous dirons en son lieu. Et quand on prendroit que les Empereurs en effect auoiēt empieté la souveraineté, cōme il est bien certain, neantmoins il ne se faut pas esmerveiller si Traian, qui estoit l'un des bons Princes qui fut iamais au monde, iuroit de garder les loix, ores qu'il en fust exempt en qualité de Prince, à fin de donner exemple aux sujets de les garder plus soigneusement: mais pas vn des Empereurs devant luy ne l'auoit fait. C'est pourquoy Plin le jeune, parlant du sermēt que fist Traian, s'escrie: Voicy, dit-il, vn cas estrange, & qui iamais n'a esté veu, quel Empereur iure de garder les loix, &c. où il monstre, que c'estoit chose bien nouvelle. Et depuis Theodoric, voulant gaigner la faueur

Pourquoy le seigneur ne doit point sermēt au vassal.

Que c'est de principauté.

8. Sueton. in Calig. parum absuit quin speciem principatus in regnum conuerteret.

Serment de Traian.

du Senat, & peuple Romain, suiuit l'exemple de Traian, comme nous lisons en Cassiodore, *Ecce, dit-il, Traiani nostri clarū seculū reparamus exemplum: iurat vobis, per quem iuratis.* Et est vray semblable, que les autres Princes ont mis cela en coustume de faire serment à leur couronnement. ores qu'ils ayent la souueraineté par droit successif. Il est bien vray que les Roys des peuples de Septentrion font des sermens qui derogent à la souueraineté. & de fait la noblesse de Dannemarc empescha le couronnement du Roy Federic au mois d'Aoust m. d. l. x. iusques à ce qu'il eust iuré solennellement, qu'il ne pourroit faire mourir ny confisquer homme noble, ains qu'il sera iugé par le Senat: que tous gentils hommes auront iurisdiction & puissance de la mort sur leurs sugets sans appel, & sans que le Roy ait part aux amendes ny cōfiscations: que le Roy ne pourra donner office sans le consentement du Senat: qui sont tous argumens que le Roy de Dannemarc n'est pas souuerain. mais ce serment fut premieremēt arraché de la bouche de Federic ayeul de cestuy cy, lors qu'il estoit en guerre cōtre Christierne Roy de Dannemarc qui mourut en prison, où il auoit esté x x v. ans: & depuis fut confirmé par Christierne pere de Federic, qui a fait le mesme serment: & à fin qu'il ne peust y contreuenir, la Noblesse traita ligue avec la ville de Lubec, & le Roy de Poloigne Sigismond Auguste: qui n'auoit guere plus de souueraineté que le Roy de Dānemarc. Mais il faut de deux choses l'vne, c'est à sçauoir que le Prince qui iure de garder les loix ciuiles, ne soit pas souuerain: ou bien qu'il est pariure s'il contreuient à son serment, comme il est necessaire que le Prince souuerain y contreuienne, pour casser, ou changer, ou corriger les loix selon l'exigence des cas, des temps, & des personnes. ou bien si nous disons que le Prince ne laissera pas d'estre souuerain: & neantmoins qu'il sera tenu de prendre l'aduis du Senat, ou du peuple, il faudra aussi qu'il soit dispensé par ses sugets, du sermēt qu'il aura fait de garder les loix inuiolablement: & les sugets, qui sont tenus, & obligez aux loix, soit en particulier, soit en general, auront aussi besoin d'estre dispensés de leur Prince, sus peine d'estre pariures: de sorte que la souueraineté sera iouée à deux parties, & tantost le peuple, tantost le Prince sera maistre: qui sont absurditez notables, & du tout incompatibles avec la souueraineté absoluë, & contraires aux loix, & à la raison naturelle. Et neantmoins on voit des plus suffisans soustenir, qu'il est necessaire que les Princes soient obligez de faire serment de garder les loix & coustumes du pays. En quoy faisant ils aneantissent, & dégradent la majesté souueraine, qui doit estre sacree pour en faire vne Aristocratie, ou bien vne Democratie: Aussi aduient-il que le Monarque souuerain, voyant qu'on luy vole ce qui luy est propre, & qu'on le veut assugetir à ses loix, il se dispense à la fin non seulement des loix ciuiles, ains aussi des loix de Dieu, & de nature, les faisant egales. Il est donc besoin de bien esclaircir ce poinct ici. Car on peut encore dire que par la
loy

loy des Medois, & Persans, les edits du Roy estoient irreuocables: ce qui est⁹ repeté en trois lieux. & combien que le Roy des Medois voulust exempter Daniel de la peine capitale portée par l'edit, auquel il auoit contreuenue: neantmoins les Princes luy remontrèrent, que l'edit par luy fait, ne se pouuoit reuoker, ostant la loy du pays: & de fait Daniel fut getté aux Lyons. Si donc le plus grand Monarque de la terre, ne pouuoit casser les edits par luy faits, nos resolutions touchant la puissance souveraine, sont mal fondees. ce qui n'a pas lieu seulement en la Monarchie, ains aussi en l'estat populaire: comme estoit celui d'Athenes, duquel parlait Thucydide, montre que la guerre Peloponesiaque commença pour un edit fait par le peuple d'Athenes, qui estoit la puissance aux Magariens, d'aborder au port d'Athenes. la plainte faite aux allies d'un tel outrage, contre le droit des gens, les Lacedemoniens depescherent une Ambassade vers les Atheniens, pour les prier de vouloir reuoker l'edit. Pericle, qui lors estoit tout puissant en Athenes, fist response aux Ambassadeurs, que les loix des Atheniens portoient disertement, que les edits publiez, & pendus aux colonnes ne se pouuoient iamais oster. s'il est ainsi, le peuple estoit obligé, non seulement à ses loix, ains encores aux loix des predecesseurs. Et qui plus est, l'Empereur Theodose veut que les edits soient faits du consentement de tous les Senateurs. Et mesmes par l'ordonnance de Loys XI. Roy de France, touchant l'institution des Cheualiers de l'ordre article viii. il est expressément dit, que le Roy n'entreprendra guerres, ny autres choses hautes, & dangereuses, sans le faire asçauoir aux Cheualiers de l'ordre, pour auoir, & user de leur conseil & aduis. Qui fait aussi que les edits de nos Roys, s'ils ne sont leus, publiez, verifiez, & enregistrez en Parlement, avec le consentement de M. le Procureur general, & aprobaton de la Cour, n'ont point d'effect. côme aussi la maxime des Loix d'Angleterre gardee inuiolablement, est telle: Que si les ordonnances portans coup à l'estat, ne sont autorisees du parlement d'Angleterre, elles seront^o reuokees en doute. Je dy que ces obiections ne peuuent empescher, que la reigle d'estat, que nous auons posee, ne soit veritable. car quant à la loy des Medois, c'est une pure calomnie, que les courtisans dresserent à Daniel, depits de le voir Prince estranger, qui estoit si haut esleue en leur pays, & à un degre pres de la majesté du Roy, lequel receut leur calomnie, pour faire la preuue si le Dieu de Daniel le garentiroit de la peine, comme il fist: & aussi tost le Roy fist getter ses ennemis en la fosse des Lyons affamez: en quoy il monstra bien qu'il n'estoit pas sujet aux loix ciuiles de son pays: comme on peut voir aussi en ce que Darius Mnemon, à la requeste d'une ieune dame Iuifue, cassa l'edit, par lequel il auoit ordonné, que la nation Iudaïque seroit exterminée. Quant à Pericle, c'estoit une occasion de guerre qu'il cherchoit, pour eschaper l'accusation de ses ennemis, comme Theopompe & Timee l'ont assure, & Plutarque ne l'a pas nie. c'est

9. Daniel cap 6.
La loy des Medois.

Loy des Atheniens.

1. l. humanum de legib. C.
Loy de l'Empereur Theodose.

Coustume d'Angleterre
o. Polydore.
Comment tous edits sont reuocables.

2. Plutar. in Demetrio, Phocione, Demosthene.

3. Plutar. in Pericle, Demetrio, ac Demosthene.

Claufe des loix perpetuelles.

4 ad Atticum lib. 3. epistol. 72.

pourquoy il dist aux Ambassadeurs de Sparte, que les edits vne fois pendus aux colōnes, ne se pouuoient oster: mais ils le payerēt d'un trait Laconic, disans qu'ils ne vouloient pas que l'edit fust osté, ains seulement que le tableau fust tourné. Et si les edits des Atheniens eussent esté irreuocables, pourquoy voyons nous vne² fuyte infinie de loix qu'ils faisoient à propos & sans propos, pour dōner lieu aux nouuelles? Et pour verifier que Pericle abusoit les Ambassadeurs, il faut voir la harangue que Demosthene a faite contre Leptin, lequel auoit présenté requeste au peuple, tendāt à fin, que par edit perpetuel, & irreuocable, il fust defendu deslors en auant sus peine de la vie, de presenter requeste au peuple, pour obtenir aucun priuilege, ny exemption, & semblable peine à celuy qui parleroit de casser l'edit. Demosthene le fist debouter de sa requeste sus le champ, montrant à veüe d'œil, que le peuple accordant cest edit, se despoüilleroit non seulement de la prerogatiue qu'il auoit d'ottroyer les exemptions, & priuileges, ains aussi de la puissance de faire, & casser les loix au besoin. Ils auoient aussi vne action populaire des loix enfraintes, qu'on intentoit contre tous ceux qui vouloient faire passer au peuple quelque edit contraire aux loix ja receuës: comme on peut voir par tous les plaidoyez de Demosthene: mais cela iamais n'empeschoit, que les nouuelles loix bonnes & vtilles, ne fussent preferees aux vieilles loix iniques. Et en cas pareil, l'edit general, qui portoit que l'amende vne fois adiugée par le peuple, ne seroit iamais rabatue, fut reuocé plusieurs fois, & mesmement vne fois en faueur de Pericle, & autres fois en faueur de Cleomedon, & de Demosthene, qui tous auoient esté condamnez par diuers iugemens du³ peuple, chacun à l'amende de xxx. mil escus. On dit bien aussi qu'en ce Royaume l'amende vne fois payée à tort ou à droit, n'est iamais rendue: & neantmoins on a veu souuēt le contraire. C'est donc vne forme de faire, qui est & a tousiours esté en toute Republique, que tous ceux qui font les loix, à fin de leur donner plus grand poids, & autorité, y adioustēt ces mots: **P A R** edit perpetuel, & irreuocable, &c. & en ce Royaume on met au commencement de tels edits, **A T O V S** presens, & à venir, &c. qui montrent vn trait perpetuel à la posterité: & pour monstrier encores plus la differēce d'avec les edits faits par maniere de prouisiō, on les seelle en cire verd, en laqs de soye verte & rouge: & les autres en cire iaune. Et neantmoins il n'y en a pas vn perpetuel, non plus qu'en Rome, où celuy qui publioit vne loy adioustoit à la fin qu'il ne pourroit y estre derogé, ny par le Senat, ny par le peuple. & si cela eust eu lieu, pourquoy le peuple du iour au l'endemain eust-il cassé les loix? Tu sçais, dit⁴ Ciceron, que le Tribun Claude par la loy qu'il a fait publier, a mis à la fin, que le Senat, ny le peuple, ne pourroit y deroger en sorte quelcōque: mais il est assez notoire, que iamais on n'a eu egard à ceste clause, *V T N E C per Senatū, nec per populum lex infirmari possit*: autrement, dit-il, on ne verroit iamais loy

loy cassée, veu qu'il n'y a loy qui ne porte ceste clause : à laquelle neantmoins on deroge ordinairement. ce qui est encores mieux declairé en la harangue de Fabius Ambustus, sus l'opposition des Tribuns, qui soustenoient que le peuple n'auoit peu faire deux Consuls nobles, obstant la loy qui vouloit, qu'il y en eust vn roturier. Fabius dist que la loy des xij. tables portoit, que le dernier mädement du peuple estoit le plus fort. On voit donc euidentement que les Perses, Medois, Grecs, & Latins, vsoient de mesme forme, pour valider leurs edits & ordonnances, que font nos Roys, qui mettēt quelquesfois ceste clause, SANS que par cy apres il puisse par nous, ou nos successeurs y estre derogé: ou SANS auoir egard à la derogation, que dés à present nous auons declaree nulle. Et toutesfois on ne sçauoit ⁶ tellement se donner loy, qu'on ne s'en puisse departir, comme nous auons dit: car l'edict qui se fait apres, porte tousiours derogation expresse à la derogatoire: Aussi Solon ne voulut pas obliger les Atheniens de garder ses loix à iamais, ains il se contenta qu'elles fussent gardees ⁷ cent ans: & toutesfois bien tost apres, luy viuant, & present, il peut voir le changement d'icelles. Et quant à la verification des edits faits par les estats, ou parlemens, elle est de grande consequence, pour les faire garder, non pas que sans icelle le Prince souuerain ne puisse faire loy: aussi Theodose dit ⁸ *humanum esse*, pour monstrier que le consentement du Senat, *non tam necessitatis est, quàm humanitatis*. comme en cas pareil quand il est dit, que c'est chose bien seante ⁹ à vn prince souuerain de garder sa loy: par ce qu'il n'y a chose qui le face plus craindre, & reuerer des sugets: & au cōtraire il n'y a riē qui plus r'auale l'autorité de sa loy, que le mespris qu'il en fait, comme disoit vn ancien Senateur Romain, ¹ *Leuius est, & vanius sua decreta tollere quàm aliorum*. Mais si le Prince defend de tuer sur peine de la vie, n'est il pas obligé à sa loy? ie di que ceste loy n'est point sienne, mais c'est la loy de Dieu, & de nature, à laquelle il est plus estroittement ² obligé que pas vn des sugets, & n'en peut estre dispensé, ny par le Senat, ny par le peuple, qu'il n'en soit tousiours responsable au iugement de Dieu, qui en fait information à toute rigueur, comme disoit Salomon. c'est pourquoy Marc Aurele disoit que les magistrats sont iuges des particuliers: les princes des magistrats, & Dieu des Princes. Voila l'aduis des deux plus sages princes qui furēt onques. ie mettray encores celuy d'Antigon Roy d'Asie, lequel oyant dire à vn flateur, que toutes choses sont iustes aux Roys: Ouy, dist-il, aux Roys Barbares, & tyrās. le premier qui vsa de ceste flaterie fut Anaxarque enuers Alexandre le grand, auquel il fist croire que la deesse Iustice estoit à la dextre de Iupiter, pour monstrier que les princes ne font riē qui ne soit iuste. mais tost apres il esprouua ceste iustice, estāt tombé entre les mains du Roy de Cypre son ennemy, qui le fist rompre sus vne enclume. Seneque dit bien tout le cōtraire, *Cæsari cū omnia licent, propter hoc minus licet*. Et par ainsi ceux qui di-

5. quod postrema iussit populus id ratum esto l. sed & posteriores. de legib. ff. 6. l. à titio. §. nulla obligatio de ver. l. ille à quo. §. tempestiuū ad Trebel. l. si quis in principio de legat. 3. l. penult. de arbitris ff. Bald. in l. clari. de fidei commiss. C. Alexā. consil. 124. lib. 6. Panor. in cap. pro illorum de præben.

7. Plutar. in Solon.

8. in d. l. humanum. de legib. C.

9. l. digna vox. de consti. prin. C. l. ex imperfecto. de lega. 3. & l. ex imperfecto. de testament. C.

1. Lilius lib. 3.

2. Bald. in §. ult. col. 1. titul. qui feudum dare Mart. laud. in tracta. de princip. vers. 305. Bald. in l. 2 col. 7. vers. item not. de seru. tit. & aqua. Felin. in cap. 1. col. 10. vers. quint. Alexand. consil. 216. cano. sunt que dam. 25. q. 1. Specul. tit. de leg. §. nunc & dd. in l. ult. si contra ius. C.

sent generally, que les princes ne sont point sugets aux loix, ny mesmes à leurs conuentions, s'ils n'exceptent les loix de Dieu & de nature, & les iustes conuétions & traitez faits avec eux, ils sont iniure² à Dieu, s'ils ne sont apparoir d'exemption speciale, comme on dit en matiere de priuileges. Et mesme Denys tyran de Sicile dist à sa mere, qu'il pourroit bien la dispenser des loix, & coustumes de Syracuse, mais non pas des loix de¹ nature. Et tout ainsi que les contracts, & testaments des particuliers, ne² peuuent deroguer aux ordonnances des magistrats, ny les edits des magistrats aux coustumes, ny les coustumes aux loix³ generales d'un Prince souuerain : aussi les loix des princes souuerains, ne peuuent alterer, ny changer les loix de Dieu & de nature. Et pour ceste cause les magistrats Romains auoient accoustumé de mettre à la fin des requestes, & loix qu'ils presentoint au peuple, pour estre enterinees, ceste⁴ clause, *SI QUID IVS NON ESSET E. E. L. N. R. eius ea lege nihilum rogaretur.* c'est à dire, s'il y auoit chose qui ne fust iuste, & raisonnable, qu'ils n'entendoient pas la demander. Et plusieurs se sont⁵ abusez de dire, que le Prince souuerain ne peut rien ordonner contre la loy de Dieu, s'il n'est fondé en raison apparente. & quelle raison peut on auoir de contreuenir à la loy de Dieu : Ils disent⁶ aussi que cestuy-là que le Pape a dispensé des loix diuines, est assuré enuers Dieu. ie m'en rapporte à la verité. Il reste encores ceste obiection : Si le Prince est obligé aux loix de nature, & que les loix ciuiles soient equitables, & raisonnables, il s'en suit bien que les princes sont aussi tenus aux loix ciuiles. & à cela se rapporte ce que disoit Pacatius à l'Empereur Theodose, *Tantum tibi licet quantum per leges licebit.* Je responds que la loy du Prince souuerain concerne le public, ou le particulier, ou l'un & l'autre ensemble : & en tout cas, qu'il est question du profit contre l'honneur : ou du profit qui ne touche point l'honneur : ou de l'honneur sans profit : ou du profit ioint à l'honneur : ou bien de ce qui ne touche ny le profit, ny l'honneur. quand ie dy l'honneur, i'entends ce qui est honneste de droit naturel : & quant à ce poinct il est resolu que tous princes y sont sugets : attendu que telles loix sont naturelles, ores que le Prince les face publier : & à plus forte raison quand la loy est iuste & profitable. si la loy ne touche ny le profit, ny l'honneur, il n'en faut point faire estat si le profit combat l'honneur, c'est bien raison que l'honneur l'emporte : comme disoit Aristide le iuste, que l'aduis de Themistocle estoit fort utile au public, & toutesfois deshonneste & vilain. mais si la loy est profitable, & qui ne face point de breche à la iustice naturelle, le Prince n'y est point suget, ains il la peut changer, ou casser si bon luy semble, pourueu que la derogation de la loy apportant profit aux vns, ne face dommage aux autres sans iuste cause. car le Prince peut bien casser & annuler vne bonne ordonnance, pour faire place à vn autre moins bonne, ou meilleure : attendu que le profit, l'honneur, la iustice, ont leurs degrez de plus

9. Accurs. in l. princeps de legib. ff.

1. Plutar. in apoph. græcor.

2. l. ius publicum de pactis l. nemo potest de legat. l.

3. l. 3. §. diuus. de sepulchro violat. l. 2. quæ sit longa. consuetud. C.

4. Cicero pro Cæcinnâ.

5. Anto. Butrio. Innocent. Imola. Panormit. in cap. quæ in ecclesiis de constitut. ex l. quoties de precib. imper. C. Felin. in d. c. col. 5. vers. limita, & col. 14. 6. in cap. non est de voto. Innocent. in cap. cum olim col. 2. de cler. coniu. & in c. 1. col. 5. & 14. de constitut. Panor. in c. cū venissent. col. 5. de election. Innocent. Anton. Butrio Imola in cap. 2. de renunciat. Felin. in cap. quæ in ecclesiis de constitut. col. 7. vers. demum.

de plus & moins. Si doncques il est licite au Prince, entre les loix vtilles, faire chois des plus vtilles, aussi sera-il entre les loix iustes & honnestes, choisir les plus equitables, & plus honnestes : ores que les vns y ayent profit, les autres dommage, pourueu que le profit soit public, & le dommage particulier. mais il n'est pas licite au suget de contreuenir aux loix de son Prince, sous voile d'honneur, ou de iustice. comme si au temps de famine le Prince defend la traite des viures : chose non seulement profitable au public, ains aussi bien souuent iuste & raisonnable : il ne doit pas donner congé à quelques vns d'en tirer au preiudice du public, & des marchés en particulier : car sous ombre du profit que les flatteurs & couratiers emportent, plusieurs bons marchans souffrent dommage, & en general tous les sugets sont affamez : & neantmoins cessant la famine, & la disette, il n'est pas licite au suget de contreuenir à l'edit de son Prince, si les defenses ne sont leuees : & ne luy appartient pas de fonder sa contrauention en l'equité naturelle, qui veut qu'on aide à l'estranger, luy faisant part des biens que Dieu fait croistre en vn pays plus qu'en l'autre. car la loy qui defend, est plus forte que l'equité apparente, si la defense n'estoit directement contraire à la loy de Dieu, & de nature. Car quelquesfois la loy ciuile sera bonne, iuste, & raisonnable : & neantmoins le Prince n'y doit estre suget aucunement. comme s'il defend sus la vie de porter armes, pour mettre fin aux meurtres & seditiōs, il ne doit pas estre suget à sa loy : ains au contraire il doit estre bien armé, pour la tuition des bons, & punition des mauuais. Nous ferōs mesme iugement des autres edits & ordonnances, qui ne touchent que partie des sugets, & qui sont iustes, pour le regard de quelques personnes, ou iusqu'à certain tēps, ou en certain lieu, ou pour la varieté des peines qui dependent tousiours des loix ciuiles, ores que les defenses des crimes soiēt de droit diuin & naturel. Ausquels edits & ordonnances les Princes ne sont aucunement tenus, sinon tant que la iustice naturelle des edits a lieu : laquelle cessant, le Prince n'y est point obligé, mais bien les sugets y sont tenus, iusqu'à ce que le Prince y ait derogé. car c'est vne loy diuine, & naturelle, d'obeir aux edits & ordonnances de celuy à qui Dieu a donné la puissance sur nous : si les edits n'estoient directement contraires à la loy de Dieu, qui est par dessus tous les Princes. car tout ainsi que l'arriere-vassal doit serment de fidelité à son seigneur, enuers & contre tous, reserué son Prince souuerain : aussi le suget doit obeissance à son Prince souuerain, enuers & contre tous, reserué la Maiesté de Dieu, qui est seigneur absolu de tous les Princes du monde. De ceste resolution nous pouons tirer vne autre reigle d'estat, c'est à sçauoir, que le Prince souuerain est tenu aux contracts par luy faits, soit avec son suget, soit avecques l'estranger. car puis qu'il est garend aux sugets des conuentions, & obligations mutuelles qu'ils ont les vns enuers les autres, à plus forte raison est il debteur de iustice en son fait : cōme la Cour de Parle-

Le prince est tenu de ses conuentions.

ment de Paris rescrit au Roy Charles I x. M. D. L x I I. au mois de Mars, que sa maiesté seule ne pouuoit rompre le contract fait entre luy & le Clergé, sans le consentement du Clergé, attendu qu'il estoit debteur de iustice. Et me souuient d'une decision de droit touchant les Princes, qui merite estre grauee en lettres d'or dedans leurs grottes & Palais, *QV'* O N doit mettre entre les cas fortuits, si le Prince contreuint à sa promesse, ⁶ & qu'il n'est pas à presumer au contraire. car l'obligation est double: l'une pour l'équité naturelle, qui ⁷ veut que les conuentions, & promesses soient entretenues: l'autre pour la foy du Prince, qu'il doit tenir, ores qu'il y eust dommage, parce qu'il est guarend formel à tous ses sugets de la foy qu'ils ont entr'eux: & qu'il n'y a crime plus detestable en vn Prince que le ⁸ pariure. c'est pourquoy le Prince souuerain doit estre tousiours moins supporté en iustice que ses sugets, quand il y va de sa promesse. car il ne peut oster l'office donné à son suget sans iuste cause: & le seigneur particulier le peut faire: comme il se iuge ordinairement. & si ne peut oster le fief à son vassal sans cause, les autres seigneurs le peuuent, par les maximes des fiefs. Qui est pour respondre aux docteurs canonistes, qui ont escrit que le Prince ne peut estre obligé que naturellement: parce que, disent-ils, les obligations sont de droit ciuil: qui est vn abus: car il est bien certain en termes de droit, que si la conuention est de droit naturel, ou de droit commun à tous peuples, & l'obligation, & l'action ¹ seront de mesme nature. mais nous sommes en plus forts termes, car le Prince est tellement obligé aux conuentions qu'il a avec ses sugets, ores qu'elles ne soient que de droit ciuil, qu'il n'y peut derogier de sa puissance absoluë: comme les ² docteurs en droit presque tous demeurent d'accord: veu que Dieu mesmes, comme dit le Maistre des sentences, est tenu de sa promesse. Assemblez moy, ^o dit-il, tous les peuples de la terre, affin qu'ils iugent entre mon peuple & moy, s'il y a chose que j'ay deu faire, & ne l'aye fait? Il ne faut donc pas reuoker en doute, comme quelques ³ docteurs ont fait, si le Prince ayant contracté avecques ses sugets, est tenu de sa promesse: dequoy il ne se faut esbahir, veu qu'ils ont soustenu que le Prince peut faire son profit du dommage d'autrui sans iuste cause: qui est contre ⁴ la loy de Dieu, & de nature. Et partant il fut iugé par arrest ⁵ du Parlement, que le Prince peut bien donner son interest à celuy qui est condamné. & non pas l'interest ⁶ ciuil de la partie: & passant plus outre la Cour a preferé la partie ciuile au fisque, pour le regard de la peine. Et par autre arrest donné l'an M. c c c L I. le xv. Iuillet, il fut dit que le Roy pouuoit derogier aux loix ciuiles, pourueu que ce fust sans preiudice du droit des particuliers, qui est pour confirmer les decisions que nous auons posees, touchant la puissance absoluë. Et de fait le Roy Philippe de Valois par deux testaments qu'il fist l'an M. c c c x L V I I. &

M. c c c L.

6 Alexander. consil. 97. lib. 1. nu. 13. Cynus in l. rescripta. de precibus imp. offer. C. Iacob Butrigar. in l. vlt. si contra ius C. 7. l. 1. de pactis. ff. 8. Innocent. in cap. ad apostolicam de re iudic.

9. Panormit. Anto. Burrio. Imol. Felin. in cap. 1. de probat. cardinal. consil. 147. donnans.

1. l. Indebiti de condic. indeb. l. 2. rerum amotar. l. ex hoc iure de iustitia. Bart. Bald Angel eod.

2. Bald in l. princeps de legib. & in cap. 1. 6. ad hanc col. 5. Castreñsis in l. digna vox de legib. C. Decius consil. 10. nu. 12. Bal. in l. ex imperfecto de testam. C. Decius consil. 404. nu. 8.

3. Bartol. in l. prohibere § plane quod vi. Bald. in c. 1. de natura feud. & in cap. 1. de probat. ext. & in l. vlt. de transac. C. Panor. in c. nouit de iudiciis. Specul. in tit. de instru. edit. §. nunc dicendum. sine Ancara. consil. 2. vi factum Felin. in c. 1. de probat.

o. Hierem. 45.

4 l. nam hoc natura de condic. ind. l. si priuatus qui & à quibus. l. toties de pollicitat. l. Antiochensium. de priuileg. credit.

5 gallus notat. q. 184. parte. 5.

6. consentiunt Bartol. Accens. Alexand. in vlt. not. l. venia. de in ius voc. C. Panor. consil. 6. lib. 2. Boer decis. 65.

7. iudicatum anno 1391. gal. q. 257. parte 5.

M. D. C C C L. (qui sont au tresor de France, au cofre intitulé les testaments des Roys, nombre C C L x x x I x.) adiousta la clause derogatoire aux coustumes, & loix ciuiles, comme n'estant point obligé à icelles. & fist le semblable en la donation faicte à la Roïne le x x I. Nouembre M. c c c x x x. qui se trouue au registre L x v I. lettre D. c c c x x v I I. combien que l'Empereur Auguste en cas semblable, voulant plus donner à sa femme Liuia, qu'il n'estoit permis par la loy Voconia, demanda^o dispense au Senat. (ores qu'il n'en fust besoin, attendu qu'il estoit long temps auparauant dispensé des loix ciuiles) affin de mieux asseurer sa donation, d'autant qu'il n'estoit pas Prince souuerain, comme nous auons dit: autrement il n'y eust esté aucunement tenu, comme il fut iugé en plus forts termes par arrest de la⁸ Cour, que le Roy n'estoit pas tenu aux coustumes du retraict lignager, quand on voulut racheter de luy le Conté de Guynes, ores que⁹ plusieurs tiennent le contraire. c'est pourquoy nous voyons és anciens registres que le Roy Philippe le Bel, quand il erigea le Parlement de Paris, & de Mont-pellier, déclara qu'ils ne seroient tenus aux loix Romaines. Et aux erections des vniuersitez, tousiours les Roys ont déclaré, qu'ils entendoient recevoir la profession du droit Ciuil, & Canon pour en vser à leur discretion, sans y estre aucunement obligez. Et pour mesme cause Alaric Roy des Gots, defendit sus la vie, d'alleguer le droit Romain contre ses ordonnances: ce que M. Charles du Moulin^o ayant mal pris l'appelle Barbare: mais il ne fist rien que tout Prince souuerain ne puisse, & doye iustement faire: comme en cas semblable Charles le Bel en ce Royaume, fist defense d'alleguer les loix Romaines contre les coustumes: ce qui est aussi porté par vn ancien arrest, que i'ay leu aux registres de la Cour, par lequel cela est expressement defendu aux Aduocats, en trois mots, Li Aduocats ne soient si hardis de mettre droit escrit, contre la coustume. Et mesme Oldrad¹ escrit que les Roys d'Espagne firent vn edict à ce qu'il n'y eust personne, sus peine de la vie, qui allegast les loix Romaines. & iaçoit qu'il n'y eust ny coustume, ny ordonnance au contraire, si est-ce que telle defense emporte, que les iuges ne peuvent, & ne doyent estre contraincts à iuger selon le droit² Romain: & le Prince beaucoup moins, qui les en dispense, remettant cela à leur discretion. Mais ce seroit crime de leze maiesté, d'opposer le droit Romain à l'ordonnance de son Prince. Et d'autant qu'on en faisoit mestier en Espagne, Estienne Roy d'Espagne fist defense d'y lire les loix Romaines, comme escrit³ Polycrate. & par autre ordonnance⁴ d'Alphons x. il estoit enioint à tous magistrats d'aller au Roy, quand il n'y aura ordonnance, ny coustume. En quoy⁵ Balde fest mespris, quand il dit, que les François vsent des loix Romaines pour raison seulemēt, & que les Italiens y sont tenus: car les vns y sont aussi peu tenus que les autres: iaçoit que l'Italie, l'Espagne, le pays de Prouence,

Testament de Philippe de Valois.

o. Dion. lib. 56.

8. l'an 1282.

9. Bald. in authent. omnes. col. 2. de cens. lib. C. & in c. 1. de nat. feudi. homi. cōfil. 58. col. 1. lib. 3. Faber. in l. digna vox. de legib. C. Bald. & Castrēf. in l. cum de consuetudine. de legib.

o. in consuetud. feudor.

1. consil. 69. consuevit dubitari.

2. eo iure vtimur, & id confirmat Petrus Belluga. in speculo

3. lib. 8. c. 22.

4. l. 1. tit. 3. lib. 1. ordinat.

5. in l. nemo potest de sententiis & interlocutionibus. C. Patris in syndic. cap. 2.

Sauoye, Languedoc, Lyonnois vsent du droit Romain, plus que les autres peuples : & que l'Empereur Federic Barbe-rousse, fist publier les liures des loix Romaines, la pluspart desquelles n'ont aucun lieu en Italie, & moins encores en Allemagne : mais il y a bien difference entre le droit, & la loy. l'un n'emporte rien que l'equite : la loy emporte commandement. car la loy n'est autre chose, que le commandement du souverain, vsant de sa puissance. Tout ainsi donc que le Prince souverain n'est point tenu aux loix des Grecs, ny d'un estrangeur quel qu'il soit, aussi n'est-il aux loix des Romains, & moins qu'aux siennes, sinon entant qu'elles sont conformes à la loy naturelle, qui est la loy à laquelle dit Pindare, que tous Roys & Princes sont sugets : & ne faut point excepter Pape, ny l'Empereur : comme quelques flateurs⁶ disent, que ces deux là peuuent prendre les biens de leurs sugets sans cause : aussi plusieurs docteurs, & mesmes les⁷ Canonistes detestent ceste opinion la, comme contraire à la loy de Dieu : mais c'est tresmal limité de dire, qu'ils le peuuent faire de puissance absoluë : & vaudroit mieux dire par force, & par armes : qui est le droit du plus fort, & des voleurs : veu que la puissance absoluë n'est autre chose, que derogation aux loix ciuiles ; comme nous auons monstté cy dessus, & qui ne peut attenter aux loix de Dieu, qui a prononcé haut & clair par sa loy, qu'il n'est licite de prendre, ny mesmes conuoiter le bien d'autrui. Or ceux qui soustiennent telles opinions, sont plus dangereux que ceux-la mesmes qui les executent : car ils monstrent les griffes au lyon, & arment les Princes du voile de iustice : puis la malice d'un tyran abreuué de telles opinions, prend sa carriere d'une puissance absoluë, & presse les passions violentes, faisant qu'une auarice deuient confiscation, un amour adultere, & une cholere meurtre. & tout ainsi que le tonnerre va deuant l'esclair, encores qu'il semble tout le contraire : aussi le mauuais Prince estant depraué de pernicieuses opinions, fait passer l'amende deuant l'accusation, & la condemnation deuant la preuue. Combien que c'est vne⁸ incongruité en droit, de dire que le Prince peut chose qui ne soit honneste : veu que son pouuoir doit tousiours estre mesuré au pied de iustice. ainsi parloit Plin⁹ le ieune de l'Empereur Traian, *Vt enim felicitatis est posse quantum velis: sic magnitudinis velle quantum possis* : qui veut dire que le plus haut degré de bon heur, c'est de pouuoir ce qu'on veut : & de grandeur, c'est de vouloir ce qu'on peut. en quoy il monstre que le Prince ne peut rien qui soit iniuste. Aussi c'est mal parlé de dire que le Prince souverain a puissance de voler le bien d'autrui, & de mal faire : veu que c'est plus tost impuissance, foiblesse, & lascheté de cuer. Si donc le Prince souverain n'a pas puissance de franchir les bornes des loix de nature, que Dieu, duquel il est l'image, a posees, il ne pourra aussi prédre le bien d'autrui sans cause qui soit iuste & raisonnable, soit par achapt, ou eschange, ou confiscation legitime, ou traictant paix avec l'ennemi, si autrement elle ne se

6. Angel. in l. 3. §. si is pro quo. quod quisque iuris. ff.

7. Panor. in cap. 2. de reb. eccles. non ali.

Felin. in c. que in ecclesiarum. de constit.

tu. Raphaël Fulgos. in l. vlt. si contrarius.

C. Faber. in §. sed naturalia. nu. 2. institu.

7. Bartol. & Bald. in l. item si verberatum.

§. si quis. de rei vindic. Bart. Alexand. & dd. in l. 1. de constit.

tu. pecu. Bald. & Angel. in l. 2. de quadriennij præscript.

C. Bal. in l. Bene à Zenone col. 2. eo. Bart.

in l. vlt. col. 1. si contra ius. C. Cynus & Albericus in l. nemine.

de sacrosan. C. Alexand. consil. 2. col. 7.

& seq. lib. 1. & consil. 101. col. 6. & consil. 37. col. 3.

Cynus in l. rescripta q. 3. de precibus impe. C. Angel. consil. 139. col. 2.

Alexand. consil. 89. col. 3. lib. 5. & consil. 91. col. penult. eod.

Archidiacon. in cap. ius ciuile. & ibi cardinal. Alexand. distin.

1. Dynus in regula sine culpa. de regul. lib. 6.

Paris Put. de syndic. tit. de regum excel.

8. l. nepos de verb. fig. Alex. consil. 59. lib. 4.

glo. in l. 1. de constit. princ.

9. in panegyrico.

ne se peut conclure, qu'en prenant du bien des particuliers, pour la conservation de l'estat: quoy que plusieurs¹ ne soient pas de cest aduis. mais la raison naturelle² veut que le public soit preferé au particulier, & que les sugets relaschent non seulement leurs iniures, & vengeances, ains aussi leurs biens, pour le salut de la Republique: comme il se fait ordinairement, & du public au public, & du particulier à l'autre. Ainsi voyons nous au traité de Peronne, fait pour la deliurace du Roy Loys x i. prisonnier du Conte Charolois, qu'il fut dit que le seigneur de Torci ne pourroit faire executer son arrest cōtre le sieur de Sauueses. C'est pourquoy on a loué Thrasibule, lequel apres auoir chassé les x x x. tyrans d'Athenes, fist crier l'oubliance generale de toutes pertes & iniures entre les particuliers, qui fut aussi depuis publiee en Rome par le traité fait entre les cōiurez, d'une part, & les partisans de Cesar, d'autre. Et toutefois on doit chercher tous les moyens de recompenser la perte des vns, avec le profit des autres: & si ne se peut faire sans trouble, on doit prēdre les deniers de l'espargne, ou en emprunter: comme fist Aratus, qui emprunta soixante mil escus, pour ayder à r'embourser ceux qui auoient esté bannis, & chassés de leurs biens, qui estoient possedez, & prescrits par longues annees. Cessant donc les causes que i'ay dit, le Prince ne peut prendre, ny donner le bien d'autrui, sans le consentement du seigneur. & en tous les dons, graces, priuileges, & actes du Prince, tousiours la clause, S A V F le droit d'autrui, est entēdue, ores qu'elle ne fust exprimee. Et de fait ceste clause apposee en l'investiture du Duché de Milan, que fist l'Empereur Maximilian au Roy Loys x i. fut occasion de nouvelle guerre, pour le droit que les Sforces pretendoient au Duché, quel'Empereur n'auoit peu, ny voulu donner. Car de dire que les Princes sont seigneurs de tout, celà s'entend⁴ de la droicte seigneurie, & iustice souueraine, demeurant à chacun la possession, & proprieté de ses biens. Ainsi disoit Seneque,⁵ *Ad Reges potestas omnium pertinet, ad singulos proprietas.* & peu apres, *Omnia Rex imperio possidet, singuli dominio.* Et pour ceste cause nos Roys par les ordonnances, & arrests de la Cour,⁶ sont tenus vuidier leurs mains, des biens qui leur sont escheus par droit de confiscation ou d'aubeine, s'ils ne sont tenus de la couronne nuémēt, & sans moyen, affin que les seigneurs ne perdent rien de leurs droits. Et si le Roy est debteur de son suget, il souffre condemnation. & affin que les estrangers, & la posterité sache de quelle sincerité nos Roys ont procedé en iustice, il se trouue vn arrest de l'an. m. c c c c. x i x. par lequel le Roy fut debouté des lettres de restitution qu'il auoit obtenues, pour couurir les deffaux contre luy acquis. & par autre arrest donné l'an m. c c l x v i. le Roy fut condamné payer la dixme à son curé des fruits de son iardin. les particuliers ne sont pas traittez si rigoreusement: car le Prince souuerain n'est iamais restitué comme mineur, estant tousiours reputé maieur, quand il y va de son interest particulier: & neant-

1. Hostiens. in cap. quanto de iureiurad. Butrio ibid. col. 2. Innocēt. & Panor. in c. in nostra de iniur.

2. d. litē si verberatum. Felin in cap cū non liceat. col. 5. de rescrip. Corne. consil. 100. lib. 1. Alexan. consil. 15 lib. 5. col. 2. Cumanfinco. l. 53. & 158. col. 2. & consil. 162. col. 3. & consil. 109. lib. 3. & Latiss. consil. 216. & consil. 95. lib. 1. nu. 2. & consil. 136 nu. 1 lib. 2. 9. Polyb. lib. 2.

La force de clause, Saus le droit d'autrui.

4. Felin in cap que in Ecclesiis. de cōsti. col. 11. Bald. consil. 363. sine lib. 1. Iaso in authent. quas actiones. de sacros. C. 4. l. in re actio. de rei vindic. Afflict. in cōstitut. Neapol. lib. 4. titul. 10.

5. lib. 7. c. 4. & 5. de beneficiis.

6. Gallus. q. 55.

Le prince moins priuilegié que le suget.

Que le prince n'est point restitué comme mineur.

7. l. Rempubliam.
de iure Reipub. C.

8. Sic Bar. ol. & dd. in
l. nam postea. §. si mi-
or. de iureiurand.
Bald. in l. ult. quotū
appel. Alexan. in l. r.
§. nunciatio. de noui
operis. Accursius in
l. imperatores de re
iudic. & in l. vnica.
de sentent. aduersus
fiscū C. Felin. in cap.
fraternitatis. col. 4.
de testib. Arctin. cō-
sil. 20. col. ult. Afflict.
decis. 340. Castrenf.
& Alberi. in l. Respu-
blica. ex quib. causis
maiores. Cynus eo.
ait. Pet. a bella Per-
tica in eadem sen-
tentia fuisse.

9. l'an 1446.

1. Boslius senator
Mediolanens. titul.
de principe.

Si le Prince est
tenu des conuē-
tions des ses pre-
decesseurs.

2. de quibus Cin. Bar-
tol. Bald. Salic. in l.
digna. de legib. C.
Jaso. in l. 1. de consti-
tut. princ. ff. Felin. in
cap. translatō. de
constitut.

o. quia in successio-
ne iuris non veniūt
obligationes defun-
cti. c. licet. de voto.
ext.

o. vt Innocēt. in cap.
veritatis de iureiur-
rando. ext.

3. Bald. in titul. de pa-
ce constātia in verb.
successorum. & in l.
penul. de bonis quæ
liberis. C. & in c. 1.
princ. de natur. feud.
tex in c. 1. de probat.
vbi. dd. Afflict. decis.
281. nu. 7. decis. 17. nu. 5.

moins la Republique⁷ est tousiours repuee comme vn mineur, qui est pour respondre à ceux qui sont d'opinion, que la Republique ne doit point estre restituee⁸ en ce qu'ils confondent le patrimoine du Prince, avec le bien public: qui est tousiours diuisé en la monarchie, & tout vn en l'estat populaire & Aristocratique. Ainsi voit-on la droicteure de nos Roys, & l'equité des Parlemens: ayant preferé la Republique aux particuliers, & les particuliers aux Roys. & se trouue encores vn arrest du Parlement donné contre le Roy Charles v i i. par lequel il fut condamné de souffrir qu'on coupast les bois qu'il auoit pres la ville de Paris, pour l'usage public en general, & de chacun en particulier, & qui plus est le pris luy fut taxé par l'arrest, ce qu'on ne feroit pas à vn particulier. Lors on pouuoit iuger à veuë d'œil la difference d'un vray Prince au tyran: car combié qu'il fust grand Roy & victorieux de tous ses ennemis: si est-ce qu'il se redoit plus doux, & ployable à la raison, à l'equité, & au iugement des ses magistrats, que le moindre de ses sugets. & neantmoins au mesme temps⁹ Philippe Marie Duc de Milan, deffendoit de passer, ny trager les riuieres, & l'usage d'icelles sans auoir congé de luy, qu'il vendoit à prix d'argent¹. Nous auons dit iusques icy en quelle sorte le Prince est suget aux loix, & aux conuentions par luy traitees avec ses sugets: reste à voir si est suget aux contractz des ses predecesseurs, & si telle obligation est compatible avec la souueraineté. Pour resoudre en brief vne infinité de questions qu'on peut faire à ce propos: ie di que si le Royaume est hereditaire, le Prince y est aussi bien tenu que seroit vn heritier particulier par les reigles de droit: & en cas semblable, si le Royaume est deferé par testament, à autre qu'au prochain lignager: comme Ptolemee Roy de Cyrene, Nicomede Roy de Bithynie, Attalus Roy d'Asie, Eumenes Roy de Pergame firent le peuple Romain heriter de leurs Royaumes, estats & principautez: ou bien le Royaume est deferé par testament au plus prochain lignager, comme celui d'Angleterre, qui fut laissé par testament du Roy Henry v i i i. à Edoüard v. & à luy substituee Marie sa sœur, & à Marie Elizabet, qui ont iouy de l'estat successiuement. En ce cas il faut distinguer, si l'heritier institué veut accepter l'estat en qualité d'heritier, ou renoncer à la succession du testateur, & demander la couronne en vertu de la coustume & loy du pays: & au premier cas le successeur est tenu des faicts, & promesses de son predecesseur, comme seroit vn heritier particulier: mais au second cas, il n'est point tenu aux faicts de son predecesseur, ^o encores qu'il eust iuré: car le serment du predecesseur ne lye point le successeur^o. mais le successeur est tenu en³ ce qui seroit tourné au profit du Royaume. C'est pourquoy le Roy Loys x i i. quand on luy demanda l'artillerie qu'on auoit presté à Charles v i i i. fist response qu'il n'estoit point son heritier. I'ay veu & leu, de plus fraiche memoire les lettres du Roy François i i. du x i x. Ianuier, M. D. L i x. qui escrit ainsi aux seigneurs des

des liguez: laçoit que nous ne soyons tenus au payement des debtes faictes par feu nostre treshonorable seigneur & pere: pource que nous n'auons apprehendé ceste couronne comme son heritier: mais par la loy & coustume generally obseruee en ce Royaume, depuis la premiere institution d'iceluy: laquelle ne nous oblige seulement qu'à l'observation des traittez faictz, & passez par nos predecesseurs Roys, avec les autres Princes, & Republiques, pour le bien, & vtilité de ceste couronne. toutesfois desirant descharger la conscience de feu nostre dit sieur & pere, nous nous sommes resolus d'acquitter celles, qui se trouveront loyaument deues, &c. vous priant moderer les interests à la mesme raison, qu'ils ont cours en vos pays, & qu'ils sont permis par vos loix. &c. ce qui fut accepté par les Suisses, & l'interest qu'ils prenoient à la raison de seize pour cent, fut reduit à cinq pour cent. Parquoy ceux-là abusent, qui s'arrestent aux propos tenus au couronnement des Roys de France pource regard: car apres que l'Archeuesque de Reims a posé la couronne sus la teste du Roy, les douze Pairs de France y prestans la main, luy dit ces mots: Arrestez vous icy, & dès maintenant iouïssiez de l'estat lequel iusques icy vous avez tenu par succession paternelle, & maintenant comme au vray heritier vous est mis entre les mains, de l'autorité de Dieu tout puissant, & par la tradition que nous Euesques, & autres seruiteurs de Dieu presentemēt vous en faisons. Car il est certain que le Roy ne meurt iamais, comme lon dit, ains si tost que l'un est decedé, le plus proche male de son estoc, est saisi du Royaume, & en possession d'iceluy auparauant qu'il soit couronné: ° & n'est point deferé par succession paternelle, mais bien en vertu de la loy du Royaume. Si donc le Prince souuerain a cōtracté en qualité de souuerain pour chose qui touche l'estat, & au profit d'iceluy, les successeurs y sont tenus: & beaucoup plus si le traité s'est fait du consentemēt des estats, ou des villes & cōmunautéz principales, ou des Parlemēs, ou des Princes, & plus grands seigneurs, ores que le traité fust dommageable au public: attēdu la foy, & l'obligation des sugets. mais si le Prince a cōtracté avec l'estranger, ou bien avec le suget pour chose qui touche le public, sans le consentement de ceux que i'ay dit, si le cōtract porte grand preiudice au public, ° le successeur en l'estat n'y est aucunement tenu: & beaucoup moins, si luy viēt par droit d'election: auquel cas on ne peut ⁴ dire qu'il tienne rien du predecesseur: comme il feroit si l'auoit l'estat par resignation. ⁵ mais si les actes de son predecesseur ont tourné au profit public, tousiours le successeur ⁶ y est tenu, quelque qualité qu'il prenne, autrement il seroit permis de tirer profit au dommage d'autrui, par fraudes, & voyes indirectes, & la Republique pourroit perir au besoin, que personne n'y voudroit mettre la main, cōtre l'equité & raison ⁷ naturelle. Et par ainsi les arrestz du Parlement, qui sont au liure intitulé *Olim*, donnez l'an M. CCLVI. & M. CCXCIII. par lesquels il fut dit que le Roy ne

Lettres du Roy
François II. aux
Suisses.

o. Jugé par arrest du
19. Auiil 1498.

o. Cynus & dd. in l.
digna vox. de con-
stitut. prin. C. & Bal.
in cap. i. de natura
feudi, tradunt si ma-
gnum est detrimen-
tum non teneri.

4. Argu. l. si quis do-
mum locati. ff.

5. argu. cap. dilecto
de præbend. Bald. in
l. ult. de transac. C.

6. not. in cap. i. titol.
qui successor. tene. &
cap. ult. ne prælati
vires. & in c. abbate
fane. de re iudic. 13.
so. late in l. i. col. 3. de
cōstitut. princip. ca-
no. non liceat. 12. q. 2.
& ca. quia iuxta. 16.
q. 1. & glo. ibid. Bald.
in tit. de pace con-
stant. verbo succes-
sor. text. in cap. i.
de probat.

7. l. nam hoc natura.
de indict. indeb. ff.

8. in proœmio decretal.

9. l. ex hoc iure. de iustitia.
1. Io. Andr. in cap. ult. de immunitate Eccles.

seroit point tenu des obligations de son predecesseur, ont esté declarez comme i'ay dit, par plusieurs autres arrestz donnez en cas semblable. & neantmoins l'opinion de Balde^s a esté aussi reprouuee, qui veut qu'on oste l'estat au Prince souuerain, fil ne met à execution le testament de son predecesseur : sans faire les distinctions que nous auons posees. Mais dira quelqu'un, pourquoy faut-il distinguer, puis que tous Princes sont sugets à garder le droit des gens ? or les conuentions, & dernieres volōtez en dependent.⁹ ie di neantmoins que ces distinctions y sont necessaires. car le Prince n'est pas plus obligé au droit des gens, qu'à ses propres edits. & si le droit des gēs est inique, le Prince y peut deroger par ses edits en son Royaume, & defendre¹ à ses sugets d'en vser : comme il s'est fait du droit des esclauues en ce Royaume, iacoit qu'il fust commun à tous peuples, & le peut faire aussi és autres choses semblables, pourueu qu'il ne face rien contre la loy de Dieu. Car si la iustice est la fin de la loy, la loy œuure du Prince, le Prince image de Dieu, il faut par mesme suite de raison, que la loy du Prince soit faite au modelle de la loy de Dieu.

DU PRINCE TRIBVTAIRE OV FEV-
dataire, & sil est souuerain, & de la prerogative d'hon-
neur entre les Princes souuerains.

CHAP. IX.



ESTE question merite vn chapitre separé, d'autāt qu'elle n'a rien de commun avec les anciennes marques de souueraineté, qui estoient auparauant le droit des fiefs, vsitez partoute l'Europe, & l'Asie, & plus encores en Turquie qu'en lieu du monde : car les Timariots en Turquie ne tiennent les fiefs qu'ils ont, pour seruir en guerre, que tant qu'il plaist au Roy des Turcs, qui ne les donne pour le plus qu'à vie. iacoit qu'on baille aux Timariots plusieurs censiers, avec le papier terrier de tous les debuoirs, & rentes du fief, qu'ils appellent Timar, c'est à dire en leur langue, vsufriict. peut estre que le mot vient du Grec Τιμᾶν & Timar signiferoit hōnorable vsufriict, qui est la vraye nature¹ du fief, exempt de charges roturieres. & pour ceste cause le vassal, és anciennes loix des Lombars, s'appelle Leude, qui veut dire franc, & *Aldius*, ou *Aldia* affranchi : d'où le mot *Alaudiū* est tiré, & *laudimia*, qui sont les lods & droits deuz au seigneur, pour l'acquest du franc fief. Nous auons dit cy deuant que celuy est absolument souuerain, qui ne tiēt rien, apres Dieu, que de l'espee. S'il tient d'autrui, il n'est plus souuerain, comme dit vn Poëte, *Esse sat est seruum, iam nolo vicarius^o esse : Qui Rex est, Regem Maxime non habeat*. Si donc ceux qui tiennent en foy & hommage ne sont pas souuerains : il n'y aura quasi point de Prince souuerain. Et si nous accordons que ceux qui tiennēt en foy & hommage,

ou qui

1. cap. 1. de iis qui feudum dare possunt.

o. quia serui ordinarij vicarios habebāt & iis imperabant.

ou qui sont tributaires, soient souverains, il faudra confesser par mesme suite de raisons, que le vassal, & le seigneur : le maistre, & le seruiteur : sont egaux en grandeur, en puissance, en autorité. Et toutesfois les docteurs en loix ont tenu que les Ducs de Milan, Mantouë, Ferrare, Sa-
 uoye, & mesmes iusques aux Contes sont souverains. qui contrarie biē fort à la maxime que nous auons posée. Parquoy il est besoin d'esclaircir ceste question, qui tire apres soy le point principal de la souveraineté, & la prerogative d'honneur entre les princes, qui n'estiment rien plus cher en ce monde. Or nous auons monsté au chapitre de la protection, que les princes qui sont en protection, s'il n'y a autre sugetion, retiennent la souveraineté : ores qu'ils ayēt traité alliance inegale, par laquelle ils sont tenus recognoistre leurs protecteurs en tout honneur. Mais il y a bien differēce entre ceux qui sont en protection simplemēt, & ceux qui tiennent en foy, & hommage. Quand ie di foy & hommage, i'entēs le serment de fidelité, la submission, le seruice, & de buoir du vassal enuers le seigneur. Nous ferons donc six degrez des moindres aux plus grands, outre celuy qui est absoluēment souverain, & qui ne tient de Prince, ny de seigneur, ny de protecteur. Le premier est le Prince tributaire, qui est moindre au traité, que celuy auquel il doit tribut : & neātmoins il retient tout droit de souveraineté, sans autre submission à celuy auquel le tribut est payé. Et combien qu'il semble estre plus greué, que celuy qui est en protection, si est-ce qu'en effect il est plus grand : car en payant le tribut qu'il a promis pour auoir la paix, il est quitte, & n'a que faire d'autrui pour defendre son estat. Le second est le Prince qui est en protection qui est moindre que le protecteur, cōme nous auons dict, & que le Prince tributaire : d'autant qu'il ne se peut guarentir de l'inuasion de ses ennemis, sans l'ayde, & protection, & se met sous le bouclier d'autrui. Le troisieme est le Prince souverain d'un pays, & hors protection : & neantmoins vassal d'un autre Prince pour quelque fief : pour lequel il doit l'honneur, & seruice porté par son adueu. Le quatrieme est le vassal simple, qui doit la foy, & hommage du fief qu'il tient, & n'est point Prince souverain d'autre seigneurie, ny suget de celuy duquel il tient le fief. Le cinquiesme est le vassal lige d'un Prince souverain, duquel il n'est point suget naturel. Le sixiesme est le suget naturel, soit vassal, ou censier, ou bien ayant terres feudales, ou roturieres, ou en franc aleu, qu'il tient de son Prince souverain & naturel seigneur, ou recognoist sa iurisdiction : ou qui n'a ny feu, ny lieu, & neantmoins est iusticiable & suget de son Prince, au pays duquel il est natif. I'ay fait ceste distinction, pour oster la confusion que plusieurs font du suget, avec le vassal : & du vassal simple, avec l'homme lige : & tiēnent que l'homme lige doit toute obeissance au seigneur enuers, & contre tous : & que le simple vassal reserve le superieur : & neantmoins il n'y a que le suget qui doit obeissance. Car le vassal soit lige, ou sim-

2. Castrenf. consil. 196. lib. 2. Decius consil. 191. nu. 7. Curt. iunior. consil. 1. nu. 29. & 30. & consil. 61. nu. 8. Paris consil. 1. nu. 25. lib. 1. Bossius titul. de crimine maiestat. nu. 52. & in tit. de regal. nu. 5. de Ducib. Mediolani, Sabaudia. Ferrariæ. Socin. consil. 4. lib. 3. Iaso consil. 227. Cacherran. decif. pede mōtan. nu. 1.
 3. Brunus de comitatu Astenfi post Bart. Bald. Angel. Castren. Imol. Ifernium Cumanum, Alexandrū, Barbatiam.
 Six degrez de sugetion.

ple, si n'est suget, ne doit que le service, & hommage porté par son investiture : & s'en peut exempter en quittant le fief sans fraude. mais le suget naturel, qui tient en fief, ou en censue, ou en franc aleud, ou qui n'a rien du tout, ne se peut exempter de la puissance de son prince sans son vouloir, & consentement, ainsi que nous auons montré au chapitre du citoyen. Le simple vassal, ne doit prêter le serment à son seigneur qu'une fois en sa vie : encores il y a tel vassal, qui n'est jamais tenu à prêter serment. car le fief peut estre sans obligation de faire la foy : quoy que die M. Charles du Moulin :² mais le suget quel qu'il soit, est tousiours tenu de prêter le serment, toutesfois⁴ & quantes qu'il plaira à son Prince souverain, ores qu'il ne fust ny vassal, ny censier, & qu'il ne tint rien en franc aleud, ou qu'il fust Euesque sans aucun temporel. Quant à l'homme lige, il n'est pas requis qu'il soit suget du seigneur duquel il tient : & se peut faire qu'il sera prince souverain, tenant quelque seigneurie d'autrui en foy & hommage lige. il se peut faire aussi qu'il sera suget naturel d'un prince, & homme lige d'un autre, à cause du fief. ou bien vassal simple d'un seigneur, sans estre suget, & homme lige d'un autre, & naturel suget d'un autre duquel il sera iusticiable, & ne tiendra ny fief, ny cens de luy. Car le vassal du vassal, n'est pas pourtant ny vassal, ny suget du mesme seigneur : si ce n'estoit pour le regard du mesme⁶ fief. Mais il est besoin d'exemples, pour esclaircir ce que j'ay dit : Nous trouvons que les Roys d'Angleterre, ont rendu la foy & hommage lige aux Roys de France, pour tous les pays qu'ils tenoient pardeça la mer horsmis les Contes d'Oye, & de Guynes. Et neantmoins ils tenoient les Royaumes d'Angleterre & d'Hibernie en souveraineté, sans reconnoistre prince quelconque. Depuis l'an M. C C X I I. ils se constituerent vassaux du Pape & de l'Eglise Romaine : & non seulement vassaux, ains aussi tributaires : outre le don annuel d'un sterlin pour feu, ottroyé anciennement par Inas Roy d'Angleterre, l'an D. C C X L. & augmenté par Etelpe, qu'on appelloit les deniers saint Pierre. car il se trouve que Iean Roy d'Angleterre, du consentement de tous les Contes, Barons, & Seigneurs du pays, se constitua vassal du Pape, & de l'Eglise Romaine : & aduoüa tenir en foy & hommage les royaumes d'Angleterre & d'Hibernie : à la charge d'en payer de cens, & rente annuelle, & perpetuelle, mille marcs de sterlins au iour Saint Michel, outre le denier Saint Pierre que j'ay dit : & en rendit la foy, & hommage au Legat du Pape Innocent I I I. l'an M. C C X I I I. en presence de son Chancelier, de l'Archeuesque de Caturberi, de quatre Euesques, de six Contes, & de plusieurs autres seigneurs : la Bulle en fut expediee en forme authentique, dont j'ay veu la copie en un registre du Vatican extraict par mandement du Chancelier du Prat, lors qu'il estoit Legat. Et combien que Thomas le More Chancelier d'Angleterre fut

2. tit. 24. §. 1. quæ fuit prima causa feudi amittit. magister. in regalib. decis. 13.

3. glo. 4. §. 2. nu. 29. in feud.

4. tit. qualiter iurare debeat. cap. 15.

5. Magister in regal. decis. 1. & 13. Mol. tit. de feud. §. 46. q. 1. & 2.

6. Isen in cap. imperi aleni. §. illud. de prohibita feudi alii. Barrol. in l. claudius. qui potiores. Guido decis. delphi. 551. Roys d'Angleterre anciens vassaux des Roys de France.

fut le premier qui soustint le cōtraire, si est-ce que de son temps mesme, & iusques à ce que le Roy Henri VIII. se reuolta contre le Pape l'an M. D. XXXIIII. le cens, & tribut annuel fut tousiours payé. Et porte l'acte de foy & hommage rendu au Pape Innocent III. que le Roy d'Angleterre cria merci de ses pechez. qui mōstre bien que ce fut pour couvrir le parricide par luy commis en la personne du ieune Artus son neveu Duc de Bretaigne, & successeur legitime du Royaume d'Angleterre. car pour la mesme cause dix ans au parauant, Philippe le Conquerant luy confisqua les Duchez de Normandie, Guyene, Anjou, Touraine, le Maine, & tous les pays où il pouuoit pretendre aucun droit par deçà la mer, que les Roys d'Angleterre tenoient en foy & hommage lige du Roy de France : & neantmoins ils estoient souuerains du Royaume d'Escoffe, d'autant que Constantin Roy d'Escoffe, ensemble tous les Barons du pays, en firent la foy & hommage au Roy d'Angleterre Adelstan : & depuis encores Baluol Roy d'Escoffe, en presta la foy & hommage au Roy d'Angleterre, excepté les XXXI. Isles Orcades, qui sont tenues en foy & hommage du Royaume de Noruegue, & doiuent au nouveau Roy venant à la couronne dix marcs d'or : comme il fut arresté entre les Roys d'Escoffe & de Dannemarc, pour mettre fin aux guerres, qui se sont reueillees pour les mesmes Isles l'an M. D. LXIII. comme i'ay appris des lettres de M. Danzai Ambassadeur pour le Roy en Dānemarc. Vray est que les Roys d'Escoffe n'ont point voulu recognoistre les Roys d'Angleterre depuis que Baluol en fist hommage. car cōbien que Dauid Roy d'Escoffe fist ce qu'il peut enuers ses sugets, pour consentir que le Royaume d'Escoffe fust tenu en foy & hommage d'Angleterre, si est ce qu'il demeura neuf ans en prison : & par le traité fait entre Edoüard III. son beau frere & luy, il fut dit qu'il sortiroit, à la charge que s'il ne pouuoit gagner ce poinct là sur les Estats, qu'il demeurast en paix. Et quant au Royaume d'Hybernie, il faut aussi excepter le Côte d'Argueil, que la Royne mesme d'Angleterre confesse Prince souuerain. Autant pouuons nous dire du Roy de Dannemarc, qui est souuerain en partie du Royaume de Noruegue, sans recognoistre Prince quelconque : & neantmoins il tient de l'Empire en foy & hommage lige partie du Duché de Holsteing : & anciennement il tenoit en la mesme qualité le pays de Dannemarc, qui n'estoit que simple Duché, quād le Duc Canut en rendit la foy & hommage à l'Empereur Lothaire : & depuis Federic I. Empereur, enuoya l'espee & la couronne à Pierre⁸ de Dannemarc, erigeant son pays en Royaume, à tiltre d'honneur seulement, & à la charge qu'il en rendroit la foy & hommage à l'Empire. Et neantmoins ceux que i'ay dit, n'estans point sugets, & ne recognoissans Prince quelconque, sinon à cause des fiefs qu'ils tiennent des autres Princes, sont quittes de la foy & hommage, & du seruice, en quittāt les fiefs sans fraude. Je di sans fraude : car il n'est pas licite au vassal de laisser son seigneur au besoin, ores qu'il

Rois d'Escoffe
anciens vassaux
des Roys d'An-
gleterre.

Les Roys de Dā-
nemarc anciens
vassaux de l'Em-
pire.

7. Heluod. in hist.
Sclauo cap. 50.

8. Tritemius cap. 17.

9. titul. quæ fuit prima causa feudi amittit.

1. cap. 1. hic finitur lex.

2. Alexan. consil. 234. lib. 6 & 236. cod.

3. l. non omnel. de fertorem de re milit. Liuius lib. 1.

Les anciens Comtes de Bretagne vassaux de France.

4. l'an 1202.

5. l'an 1230.

Ducs de Bretagne anciens vassaux des Roys de France.

6. l. Actus legitimi de regul.

7. Gregorius Turo-nens.

8. Bald. Cynus. Salicet. in l. quisquis ad l. Iuliam maieftat. C.

voulust déguerpir le fief, & qu'il n'y ait⁹ autre peine que la perte du fief, à celuy qui abandonne son seigneur en guerre: si est- ce qu'il fait vn preiudice irreparable à son honneur, qui demeure engagé, pour vn tour si lasche, d'auoir quitté son seigneur au danger: veu que par le serment de fidelité, le vassal, mesmement celuy qui est lige, doit¹ secours, fust contre ses freres & enfans. Il y a bien quelques Iuriscultes, ² qui sont d'auis, qu'il doit secours au seigneur contre son pere. mais si le vassal est aussi suget, il n'y va pas seulement de son fief, & de son honneur, s'il quitte son Prince³ souuerain au besoin, mais encores la vie y pend, quand il ne seroit que simple³ soldat, qui n'est pas à beaucoup pres si suget que le vassal. Et ne faut pas s'esmerueiller, si Jean de Montfort, & Pierre Ducs de Bretagne, ne voulurent oncques auoüer, qu'ils fussent hommes liges des Roys de France, pour le regard du Duché de Bretagne: & par deux fois les Chanceliers de France ont entré en differend contre les Chanceliers de Bretagne. Et combien que Charles v. & vi. Roys de France, fissent apparoir de deux actes de foy & hommage faits par les Ducs de Bretagne, à⁴ Philippe le Conquerant, & à⁵ Loys viii. neantmoins les Ducs ne voulurent point faire l'hommage lige, & furent receus à simple hōmage. vray est que l'hommage lige rendu à Loys viii. n'estoit que pour la vie de celuy qui le faisoit, comme il est porté par l'acte, & sans y obliger ses successeurs: & l'autre acte, qui est du ieune Artus, n'estoit pas pur & simple, ains seulement conditionel, & à la charge d'estre restitué par Philippe le Conquerant, es pays & seigneuries dont il estoit debouté, ce qu'il ne fist pas. Or les actes vrais & legitimes, ne reçoient point de⁶ condition: & l'acte de foy & hommage moins que pas vn. combien qu'à la verité les anciens Comtes de Bretagne estoient vrais sugets, & hommes⁷ liges des Roys de France, comme on peut voir es Histoires de Gregoire Euesque de Tours: & s'estans reuoltez, furent assugetis par Charlemagne, & depuis encores par Loys le Piteux, auquel ils firent hommage, & rendirēt toute obeissance, comme on peut voir es Histoires de Floard & Guytard, que les vns appellerent Witard, petit fils de Charlemagne: & pour vne autre rebellion contre Charles le Chauue l'an m. cc cxi. furent accusez aux estats de leze majesté, qui ne peut auoir lieu, sinon du suget naturel, enuers son Prince⁸ souuerain. Et depuis Herispon Comte de Bretagne amenda la faute, & rendit la foy & hommage à Charles le Chauue. car il n'est pas vraysemblable que les Roys de France eussent receu pour compaignon au Royaume de France le Capitaine Conan chassé d'Angleterre par les Saxons. Et s'ils se trouuent qu'ils ayent eu grace de l'hommage, par la faueur de quelque Roy de France: cela ne pouuoit porter preiudice aux Roys successeurs, & encores moins à la couronne. Et qui plus est aux traitez entre les Roys de France & les premiers Ducs de Normandie, il est expressement dit, que les Comtes de Bretagne serōt vassaux

vassaux des Ducs de Normandie, auxquels ils' ont rendu souuent la foy & hōmage: ce qui estoit impossible, s'ils n'eussent esté vassaux, & hommes liges de la couronne: veu que les Ducs de Normandie ' ont rendu la foy & hommage lige aux Roys de France. Et s'il est certain que iamais le vassal ne prescript la foy & hommage contre son seigneur, comment pourroit le suget prescrire la sugetion contre son Prince? Par ainsi le Senechal de Renes, hōme docte, ne peut soustenir que Pierre de Dreux Prince du sang, surnommé Maucler, ait quité la souueraineté de² Bretagne aux Roys de France, veu qu'il estoit vassal, & suget naturel du Roy: & neantmoins en accordant l'hommage, il eut reseruation de faire ordonnances, donner grâces, assembler les estats du pays, prendre les confiscations, mesmes en crime de leze majesté, les droits de regales és eglises, & la garde gardienne. Car pour les Comtez de Montfort, & de Vertus, ils ont tousiours rendu la foy & hommage lige aux Roys de France, comme i'ay par les actes extraits du thresor de Frâce. Il y a donc bien difference de celuy qui tient simplement en foy & hommage, n'estant point souuerain, ny suget du seigneur feodal: & de celuy qui est souuerain d'un pais, & vassal d'un seigneur pour quelque fief: & de celuy qui est en protection seulement: ou qui est tributaire d'un Prince ayant souueraineté sur les siens, ou qui est naturel suget. Par ainsi nous concludrons, qu'il n'y a que celuy absolument souuerain, qui ne tient rien d'autrui: attendu que le vassal, pour quelque fief que ce soit, fust-il Pape, ou Empereur, doit seruice personel, à cause du fief qu'il tient. Car cōbien que ce mot de Seruice en matiere de fiefs, & en toutes les coustumes, ne face aucun preiudice à la liberté naturelle du vassal, si est-ce qu'il' emporte droits, deuoirs, honneur & reuerence au seigneur feodal: qui n'est point vne seruitude réelle, ains elle est annexee, & ⁴ inseparable de la personne, & n'en peut estre afranchi, sinon en' quittant le fief. pourueu qu'il ne soit point suget naturel du seigneur feodal, duquel il ne se peut exempter en quittant le fief. Quand ie di que l'hommage, & seruice personel, est inseparable du vassal. cela est si vray, que le vassal ne peut s'en aquiter par⁶ procureur: comme il estoit⁷ permis par le droit des fiefs, qui est reprouué pour ce regard en Europe, & en Asie, & mesmes en Italie, où le droit des fiefs a pris origine, comme plusieurs pensent: car Loys Sforce gouuerneur de Lombardie enuoya son agent en France au Roy Charles v i i i. pour obtenir de luy, que son nepueu Duc de Milan, fust par luy receu à faire hommage par procureur, pour le Duché de Genes: ce que le Roy ne voulut pas accorder. & mesmes il se trouue arrest aux registres de la Cour, du i x. Decembre, m. c c c c i x x x v i. par lequel il fut dit, que le Marquis de Salusses seroit receu de grace s'il plaisoit au Roy, à luy faire la foy & hommage par procureur, à la charge que le plustost qu'il pourroit il viendrait en personne. & depuis y eut autre arrest pour semblable cause cōtre le seigneur d'Ormoys,

9. Chroniques de Normandie.

1. aux mesmes Chroniques.

2. sus les coustumes de Bretagne.

Regales reseruees aux Ducs de Bretagne.

Le Prince qui tient d'autrui n'est point souuerain.

3. titul. qualiter iurare debeat vassal. cap. 5. & duob sequentib. & titul. quæ sunt prima causa feudi amittendi.

4. Bald. in l. sed si hac §. si libertus. de in ius vocan. Molin. glo. 4. §. 2. nu. 54.

5. cap. vnico. de vassalo qui contra constitut. Lotharij.

6. Bald. in l. i. fine. 4. §. 6. de rerum diuisione.

7. §. sed virum. titulo per quos fiat inuesti. Propositus in §. omnes. col. vlt. de feudo defuncti. licet contrarium videatur in cap. i. §. verum de futa reg. lib. 6.

L'hommage est
personel.

le xii. Mars m. d. xxxvi. & au contraire le seigneur feodal peut contraindre son vassal à rendre la foy & hommage à son procureur, comme il se fait ordinairement, & s'est fait enuers les Roys d'Angleterre, lors qu'ils estoient vassaux de France: de sorte mesmes que le procureur du vassal pupil n'y est pas receuable, auquel pour ceste cause on dōne soufrance iusques à ce qu'il soit en aage: s'il ne plaist au seigneur feodal recevoir son procureur, comme fist le Roy Loys xi. qui receut à foy & hommage, par Philippes de Comines son Ambassadeur, la mere du ieune Galeaz Duc de Milan, pour le Duché de Genes, & en paya cinquante mil ducats pour le relief. Et pour ceste cause, au traité fait entre le Roy Loys xi. & Maximilian Archi-duc d'Austriche, l'an m. ccc c. lxxxii. au lvi. article, il fut expressement dit, que les sugets de part & d'autre seroient receus à faire hommage par procureur: qui autrement y eussent esté contraints en personnes, s'il n'y eust eu maladie, ou autre empeschement iuste & raisonnable, ou que ce fust vn corps & College. car le seigneur feodal a notable interest, que la personne d'un grand seigneur, qui luy doit hommage, ne soit changée pour vn faquin. Qui fut la cause pour laquelle il fut arresté au traité d'Amiens, fait entre Philippes le Bel Roy de France, & Henri Roy d'Angleterre, l'an m. ccciiii. que le Roy d'Angleterre viendrait en personne prester la foy & hommage lige, sans condition, s'il n'estoit detenu de maladie, sans fraude, auquel cas son fils aîné viendrait. & par autre traité fait l'an m. cccxxx. entre le Roy Philippes de Valois & le Roy Edoüard iii. il fut aussi dit, que le Roy d'Angleterre viendrait en personne rendre la foy & hommage lige, si l'empeschement que i'ay dit, n'y estoit, lequel neantmoins cessant le Roy viendrait. & par le traité de paix fait m. cclix. entre Loys ix. Roy de France & Henri Roy d'Angleterre, il est porté par article expres, que le Roy d'Angleterre rendrait au Roy de Frâce la foy & hommage lige en personne (auquel sermēt il n'y a ny Prince, ny Pape, ny Empereur⁸ excepté) & la forme de l'hōmage portée par le traité de l'an m. cccxxxi. entre le Roy Philippes de Valois & le Roy Edoüard iii. est telle: Le Roy d'Angleterre ayāt les mains iointes entre les mains du Roy de France, & celuy qui parlera pour le Roy de Frâce dira au Roy d'Angleterre, Vous deuenez homme lige du Roy de Frâce, qui ici est, cōme Duc de Guyene, & Pair de Frâce, Côte de Poitou & de Mōstrueil: & luy promettez foy & loyauté porter: dites, Voire: & le Roy d'Angleterre dira, Voire. Alors le Roy de France receura le Roy d'Angleterre à la foy, & à la bouche. Le semblable fut fait par Charles Roy de Nauarre au Roy Charles v. l'an m. ccclxx. auquel il promist foy & loyauté porter, enuers, & cōtre tous, qui peuuet viure & mourir: iacoit qu'il fust alors Roy souuerain de^o Nauarre, & qu'il pretédist aussi la souueraineté de Bearn, qui est encor indecise. La forme de l'hōmage simple, presté par Iean de Mōtfort, Artus ii. & Pierre ii. Ducs de Bretagne est

8. titul. de auxi. vassalli. in feudis. clement. pastoralis de re iur. Specul. in §. quoniam de feud.

Forme d'hōmage fait par les Roys d'Angleterre aux Roys de France.
o. Froissart.

est semblable, horsmis le mot de Lige: & se fait par tout en la mesme forme, & plus precise par le vassal fuger, que par celuy qui n'est pas fuger naturel du seigneur feodal. car le Roy d'Angleterre Edoüard 111. eüst venu à Amyens pour faire hommage au Roy de France, refusa ioinde ses mains entre les mains du Roy, & s'en retourna en son Royaume, où il fut six mois à debattre sur la forme de l'hommage, avec les deputez du Roy de France, & assembla les estats pour en auoir resolution. en fin il accorda l'hommage, comme i'ay dit. mais le vassal qui est naturel fuger, doit oster l'espee, les gans, le chapeau, le manteau, les esperôs, & se mettre à genoux, les mains iointes entre les mains de son Prince, ou de son procureur, & faire le serment. & mesmes par les coustumes de ce Royaume, s'il ne plaist au seigneur, il n'est pas tenu de presenter la bouche au vassal, & le peut voir, si bon luy semble, en la forme que i'ay dit, rendre la foy & hommage à vn petit officier, ou deuât la maison du fief dominant, & baisant le cliquet de la porte. vray est que quelques coustumes n'obligent pas le vassal à faire l'hommage autrement que par procureur, si le seigneur n'est present, & qu'il le recoiue: comme la coustume de Vermandois article 220. Dions nous donc que le Prince est absoluëment souuerain, qui est tenu de faire tel hommage: qui est tenu faire seruice: brief qui est homme d'autrui, c'est à dire seruiteur. C'est pourquoy plusieurs Princes ont mieux aimé quitter, & abandonner de grandes seigneuries, que faire tel hommage: & les autres n'ont iamais voulu vendre le droit de souueraineté, pour chose du monde. & de fait le Prince d'Orange a refusé du Roy Loys XI. dix fois autant que vaut sa Principauté, qui luy couste quasi plus qu'il n'en tire de profit. Et pour mesme cause le traité de Bretigniau premier article porte, que les Roys de France quitteront aux Roys d'Angleterre les honneurs, hommages, vassausies, obeïssances, ligeautez, seruices, recognoissances, droictures, mer, & miste imper, & toute iurisdiction, ressors, auoisons, sauuegardes, droits de patronages, & toute seigneurie, & souueraineté, qui appartenoit à la couronne, és terres que les Roys d'Angleterre tenoient en France. Et la rebelliõ d'Estienne, Vayuod de la Valachie, fut fondée sur ce que le Roy de Poloigne fist faire vn pauillon, qui se descouurit alors qu'il receuoit la foy & hommage du Vayuode, à fin qu'il fust en veüe d'vn chacun. qui n'est pas chose estrange en vn tel seigneur que cestui-là, si nous cõsiderõs que le nepueu d'Aristote Calisthene, aima mieux perdre la vie, que se mettre à genoux deuât Alexandre le grand au iour des ceremonies. combien que ce fust la coustume des Roys de Perse: & mesmes Alexandre releuoit ceux qui se mettoient à genoux, leur °presentant la bouche: comme aussi faisoient les Roys alliez, & qui estoient en la protection des Romains, quand ils prenoient des Empe-reurs les sceptres, & couronnes: ainsi le Roy d'Armenie Tiridate, estant venu à Rome, se mist à genoux deuant l'Empereur Neron, qui

Rebelliõ du Vayuod de Valachie.

o. Quint. Curtius.
Diodor.

9. Sueton. in Nerone.

1. Dio de Augusto scribens.

Le bonnet anciennement estoit la marque des nouueaux afranchis, pour couvrir leur teste toudue.

2. Polybius.

Que le vassal d'un prince ne doit estre esleu Empereur.

Les pais de Flandres, d'Artois & Henaut tenus de la couronne de France.

luy tendit les mains, & en le releuant le baissa: & apres luy auoir osté son Tulban, luy ceignit la teste d'un bandeau & Diademe Royal, & le fist soir à sa dextre: car iacoit que les Royaumes se donnoient par les Empereurs sans reseruation de foy ny hommage: si est-ce que les Roys ostans leurs sceptres, & bandeaux, seruoient les Empereurs Romains de varlets de chambre: les autres s'appelloient leurs procureurs, comme Aderbal Roy de Numidie, ne s'appelloit que Procureur du peuple Romain: & Eumenes Roy de Pergame, apres la defaite de Mithridate Roy d'Amasie, s'en vint à Rome, & prenant un bonnet, dist qu'il estoit afranchi du peuple Romain: & Prusias Roy de Bithynie entrant au Senat Romain, baisoit l'essueil de la porte, s'appellant esclau du Senat, & des Senateurs, ores qu'il ne fust ny suget, ny tributaire, ny en la protection des Romains. Tous ces honneurs gratuits & volontaires ne diminuent en rien la majesté souueraine d'un Prince: comme fait la forme d'hommage, qui est seruite, & contrainte, & que les Tartares, Perses, & Turcs estiment vne vraye seruitude d'esclau. Et de fait Sultan Suleiman estoit sus le poinct de remettre le Roy d'Hongrie en son Royaume l'an m. d. l v. à la charge de le tenir de luy en foy & hommage sans autre sugetion, comme son Chaous fist entendre au Roy de Poloigne Sigismond Auguste: si Ferdinand, qui pretendoit le Royaume luy appartenir, n'eust empesché l'effect de la restitution, comme i'ay veu par les lettres de Stanislan Rosdrazeroski Polonois, escrites au Connestable. Et pour ceste cause le Roy François 1. pour empeschier que Charles d'Autriche ne fust esleu Empereur, remontra aux Electeurs de l'Empire, que la majesté imperiale seroit par trop rauallée, s'ils faisoient de son vassal leur chef & Empereur. Et depuis l'Empereur le tenant prisonnier, ne voulut oncques consentir sa deliurance, qu'il n'eust entierement quitté la souueraineté du bas pays. Mais il semble que ce n'estoit pas assez de dire, que Charles d'Autriche estoit vassal de la couronne de France, ains aussi homme lige, & non seulement homme lige, ains encores suget naturel du Roy, attendu qu'il estoit natif de Flandres, ancien fief, Pairie & membre de la couronne de France, duquel la foy & hommage lige, ressors, & souuerainetez estoient reseruez par tous les traitez: & par le traité solénel d'Arras, fait entre le Roy Charles vii. & Philippes ii. Duc de Bourgongne. Et mesmes Charles v. estat ja esleu Empereur, demanda permission au Roy de France, de leuer l'otroy d'Artois l'an m. d. xx. auquel le Roy fist responce, qu'il feroit ce qu'il pourroit, sans diminution des droits de sa couronne, comme i'ay veu par les instructions baillees au seigneur de la Roche Gaucourt Ambassadeur en Espagne. Encores y auoit-il d'autres moyens plus grands, qu'on pouuoit remontrer aux Electeurs, & qui faisoient un perpetuel preiudice au Pape, & à l'Empire: car lors Charles d'Autriche n'estoit pas seulement vassal homme lige, & suget naturel du Roy de France, ains aussi homme lige du Pape,

Pape, & de l'Eglise Romaine, pour tous les païs, terres, & seigneuries qu'il tenoit, horsmis ce qui releuoit de la courõne de Frãce, & de l'Empire. combien qu'il ne tenoit alors rien de l'Empire que les terres voisines du Rhin & Cambray : car Arnoul dernier de ce nom Comte de Bourgongne donna avec ses autres païs à Conrad II. Empereur l'an M. CCV. & depuis Charles III. Empereur le donna à Charles V. Dauphin, comme il apert par l'investiture qui est au thresor de France. mais il estoit homme lige du Pape. Et par l'investiture à luy faite du Royaume de Naples, & de Sicile, il est porté qu'il ne demãderoit, & ne receuroit jamais le tiltre d'Empereur, ny de Duc de Milan : & à ceste charge il fist la foy & hommage au Pape. Qui n'est point vne clause qui fust nouvelle, ains vne ancienne condition, apposee en tous les actes de foy & hommage rédus au Pape par les Roys de Naples & de Sicile, depuis que le Pape Urban en investit Charles de France : & en l'investiture faite par Innocet III. à Edmund fils de Héry Roy d'Angleterre, l'an M. CCIV. où pend la bulle d'or, ces mots y sont, *Ego Henricus Dei gratia Rex Anglia, nomine Edmundi filij nostri Regis Sicilia, plenum & ligium vassalagium facio ecclesie Romanae, &c.* Et par l'acte de foy & hõmage lige rendu par Robert Roy de Sicile l'an M. CCCXXXVI. il y a serment de jamais ne recevoir la couronne imperiale, ny le Duché de Milan, ny seigneurie quelcõque de la Toscane, à peine d'estre declairé decheu du droit qu'il pourroit pretendre es Royaumes de Naples & de Sicile. Il s'en trouue encores vn semblable réduit par Charles Roy de Naples, l'an M. CCXC. & de leanne Royne, l'an M. CCCXLIII. comme j'ay leu au registre du Vatican. Et pour ceste seule cause Iules II. Pape refusa bailler l'investiture à Ferdinãd Roy d'Arragon ayeul maternel de l'Empereur Charles V. sinon aux conditions que j'ay dit, & à la charge du cens annuel de huit mil onces d'or, ou de quatre vingt mil escus couronne, que les Roys de Naples estoient tenus payer par chacun an, & vne haquenee blanche, & le secours porté par l'investiture, avec reseruation du Comté de Benevent. Ceste obligation estoit de telle consequence aux Papes, que si tost qu'ils denõçoient la guerre à quelqu'un, les Roys de Naples estoient en armes, pour la defense de l'Eglise Romaine : comme Alphons Roy de Naples, à la denonciation du Pape Sixte, fist la guerre à l'estat de Florence, parce qu'ils auoient pendu le Cardinal de Pise, Legat du Pape à latere, en habit pontifical. Et Paul III. somma l'Empereur Charles V. par son Legat Alexandre Farnez, de faire la paix avec le Roy de France, & la guerre aux Protestans. ce fut le premier article du traité de Soissons, fait en Septembre M. D. XLIII. ce que l'Empereur n'eust pas fait, peut estre, s'il n'eust esté vassal lige du Pape, & menassé de perdre l'estat de Naples & de Sicile, comme il fut bien aduerti. Car cõbien que l'an M. D. XLVI. au traité fait entre le Pape Clement & les Cardinaux assiegez au chasteau S. Ange d'une part, & l'Empereur Charles V.

Royaumes de Naples & de Sicile tenus du Pape.

o. L'once vaut dix escuz couronne.

Les duchez de
Milâ & de Guel-
dres tenus de
l'Empire.

On ne peut estre
homme lige de
plusieurs.

3. Guido pap. decis.
310. Specu. titul. de
feudis. §. 1. q. 10. Bald.
in l. vnica. §. 1. col. vlt.
de cadu. C.

4. Bald in cap. cæte-
rum. col. 3. de Iudic.
expl.

Acte de serment
du duc de Guel-
dres au Roy de
France.

d'autre, il fut dit que les Roys de Naples demeureroient quittes du cens annuel de huit mil onces d'or, & de tous les arrerages, qui estoient de grandes sommes : si est-ce qu'au surplus les charges de l'ancienne inuestiture demeurerent en leur force & vertu. Depuis les Empereurs d'Alemagne cogneurēt bien, & le Pape encores mieux, voyant sacager Rome, & luy mis à rançon de c c c c. mil ducats, apres auoir quitté les plus beaux droits du domaine S. Pierre, quel danger il y auoit d'eslire pour chef de l'Empire le vassal d'un Prince souuerain, & suget naturel d'un autre : car il ruina le Pape avec les forces des Alemans, & ruina les Princes d'Alemagne avec les forces du Pape. Et combien qu'il tint le tiltre imperial, les Duchez de Milan, de Gueldres, & autres seigneuries de l'Empire : si est-ce qu'il estoit ancien vassal, & homme lige du Pape, & par consequent obligé premierement, & plus estroitement à l'Eglise, qu'à l'Empire. ioint aussi que les Papes ont pretendu depuis c c c. ans, que l'Empereur ne se peut entremettre de l'Empire sans auoir pris d'eux la couronne imperiale : comme de fait le Pape menassa d'excommunier l'Empereur Ferdinand, pour n'auoir voulu prendre la couronne imperiale de ses mains, ainsi qu'auoit fait Charles v. son frere. Mais ici dira quelqu'un, cōment se peut-il faire que l'Empereur Charles v. fust homme lige du Pape, & du Roy de France, & de l'Empire, veu que nul ne peut estre hōme lige de plusieurs seigneurs, encores qu'il eust plusieurs fiefs mouuans d'un chacun separémēt : car la foy est deuë à un seul sans exception d'homme viuant : & s'il est vassal de plusieurs conseigneurs à cause d'un mesme fief, il n'est homme lige de pas un separément, attendu que la ligeauré ne souffre point de diuision : & ne peut aussi faire l'hōmage à l'un sans exception, pour la concurrence. I'entens ici l'hommage lige proprement : car nos peres abusoient de ce mot Lige, en tous les anciens traitez d'alliance & sermēs qu'ils faisoient : & me souuient auoir veu x l v i i i. traitez d'alliance, & lettres de serment, collationnez à l'original du thresor baillez aux Roys Philippe de Valois, Iean, Charles v. v i. v i i. Loys x i. par les trois Electeurs deçà le Rhin, & plusieurs autres Princes de l'Empire, ayant promis, & iuré entre les mains des deputez par le Roy, le seruir en guerre enuers & contre tous, reserué l'Empereur & le Roy des Romains, aduoüans estre vassaux & hommes liges du Roy de France : qui plus, qui moins : les vns se nommans Conseillers, les autres pensionnaires, & tous vassaux liges, horsmis l'Archeuesque de Trier electeur de l'Empire, qui ne s'appelle sinon confederé : & toutefois ils ne tenoient rien de la courōne : car ce n'estoient que pensionnaires de France, qui faisoient le serment au Roy de le secourir, aux charges & conditions portees par les actes de serment : car l'acte de serment du Duc de Gueldres & Comte de Iuilliers porte ces mots : *Ego deuenio vassalus ligius Caroli Regis Francorum, pro ratione quinquaginta millium scutorum auri, ante festum D. Rhemigij mihi soluēdorum*. l'acte est daté du mois de

de

de Iuin l'an M. cccc i. Et mesmes entre Princes souuerains on vsoit de ceste façon de parler: comme au traité d'alliance entre Philippes de Valois Roy de France, & Alphons Roy de Castille, l'an M. ccc xxxvi. il y a procurations de part & d'autre portant ces mots: P O V R prester & receuoir foy & hommage l'un de l'autre. Mais c'est abuser des mots de vassal, & lige: aussi les sermens des pensionnaires du Roy, ny les traitez ne portent plus ces mots. Je di donc que l'Empereur Charles v ne pouoit prester la foy & hommage lige au Pape sans exception: attédu qu'il estoit homme lige, Pair & suget naturel du Roy de France: & que le seruice & hommage est inseparable de la personne. Et quād il n'eust esté suget du Roy, ains vassal lige seulement, si est-ce qu'en termes de droict, l'hommage lige est deu au plus ancien, & doit le vassal seruir le plus ancien seigneur: si les seigneurs sont egaux d'ancienneté, & ennemis entr'eux, il ne doit secours ni à l'un ni à l'autre: car en matiere de seruices & de seruitudes, la concurrence bien souuent empesche, estant la seruitude indiuiduelle, & faisant preiudice à l'un des compaignōs, & celuy qui s'oppose, pour son interest, est le plus fort. combien qu'en termes d'alliance simplement, le secours est deu à celuy qui est offensé, & enuahien son pais, contre l'autre allié commun qui luy fait guerre, comme il se fait ordinairement, si l'assaillant n'a iuste cause, & que l'assailli apres denonciation à luy faite par les alliez communs, de venir à raison, en face refus. Mais il est bien certain, que le suget naturel doit tousiours preferer son seigneur naturel par dessus tous, s'il est present, auquel il est premierement obligé, & duquel il ne se peut exempter. C'est pourquoy aux ordonnāces du Roy Loys xi. & de Philippes ii. Duc de Bourgongne, faictes pour l'ordre de France, article xiii. & pour l'ordre de la toison, article ix. il est dit, que les Cheualiers, de quelque prince que ce soit, doiuent aider leur seigneur naturel, duquel ils sont hommes liges, & le pais duquel ils sont natifs, cōtre celuy qui luy fait guerre, sans encourir blasme d'hōneur, pourueu que le seigneur naturel y soit en personne, & non autremēt, & qu'ils le signifient au chef de l'ordre, duquel ils sont Cheualiers. En quoy il appert que l'Empereur Charles v. ne pouoit faire serment aux electeurs de l'Empire, sinon avec reseruatiō du Roy de France, & puis du Pape. car outre les Royaumes de Naples & de Sicile, mouuans du Pape nuēment, & sans moyen, il estoit aussi vassal, & hōme lige pour le Royaume d'Arragon, comme i'ay leu aux registres extraits du Vatican, où l'adueu rendu par Pierre Roy d'Arragon porte ces mots: *Ego Petrus Dei gratia Rex Aragonum, Comes Barcinonæ, dominus Montispeffulani cupiens præter Deum, principali beati Petri, & apostolicæ sedis protectione muniri, tibi, reuerendiſſ. pater, & domine summe Pontifex Innocenti, & pro te sacrosanctæ Romanæ ecclesiæ, & apostolicæ sedi, offero regnum meum, illudque tibi, & successoribus tuis in perpetuum, pro remedio animæ, & progenitorum meorum constituo censuale, vt annuatim de camera Regis ducenta*

5. in tit. de feud. Molin glos. 4 §. 2. nu. 3. in cons. feudor.

6. l. via constitui de seruitut.

Acte du serment du Roy d'Arragon, rendu au Pape.

Inuestiture des
Royaumes de
Sardigne, & de
Corse, ottroyée
par le Pape.

quingenta Massimitina apostolica sedi reddantur: & ego ac successores mei specialiter, & fideles, & obnoxij teneamur. hac autem lege perpetua seruandum forum decerno, quia spero, & confido, quod tu, & successores tui, quasi beati Petri manibus in regem duxeris solenniter coronandum. actum Romæ anno Christi m. c c. i i i i. Et quant au Royaume de Sardigne & de Corse, l'Empereur estoit aussi homme lige du Pape, comme j'ay veu par l'inuestiture qui en fut faite à Pierre i i i. Roy d'Arragon en ceste sorte: Pontifex Max. de fratrum suorum assensu, dat in feudum regnum Sardinia, & Corsica, proprietatē ecclesiæ Romanæ, &c. Et peu apres: Per cupam auream te presentialiter inuestimus, &c. ita tamen quod tu, & successores tui prestabitis hommagium ligium, vassalagium plenum, & fidelitatis iuramentum, &c. & centum equites armatos, & uno equo ad arma, & duabus equitaturis adminus perquemlibet, & quingentis peditibus terræ vestræ de Aragonia, cum gagiis per trimestre, à die quo intrabūt terram ecclesiæ, &c. & insuper censum duorum millium marcarum argenti, bonorum, & legalium strelingorum. vbicunque fuerit Rom. Pontifex, in festo beatorum Petri & Pauli, annis singulis: sub pœna excommunicationis post quatuor menses, &c. & post tertium terminum, si non solueris, tu, heredes tui, à dicto regno Sardinia, & Corsica cadetis ex toto, & regnū ad Romanam ecclesiam reuertetur. Et depuis Jaques Roy d'Arragon, en fist aussi hommage lige à Valence, entre les mains du Legat, l'an m. c c c l i i i. avec reseruation au Pape, des appellations intergetees par les gens d'Eglise, & abolition des ordonnances, & coustumes introduites par les Roys de ce pays là. ie trouue aussi que Ferdinand, & apres luy Alphons Roys d'Arragon, en firent la foy & hommage l'an m. c c c x l v. Et en l'extrait de la Châcelerie de Rome, il est porté, que les Royaumes de Naples, Sicile, Arragon, Sardigne, Hierusalem, Angleterre, Hibernie, Hongrie sont tenus en foy & hōmage de l'eglise de Rome. Et quant aux illes des Canaries, Nigaries, & Gorgonides, l'Empereur les tenoit aussi du Pape. Aussi lisons nous que Loys d'Espaigne en a rendu la foy & hōmage au Pape l'an m. c c c x l i i. à la charge d'en payer tous les ans à la chambre de Rome quatre cens florins d'or, du poids, & coin de Florence. Et quant au surplus des illes occidentales, & du Peru, il est bien certain que le Pape Alexandre v i. faisant le partage du monde neuf entre les Roys de Castille & de Portugal, s'en reserua expressémēt la tenure feodale, ressort, & souueraineté, du consentemēt des deux Roys, qui deslors se constituerent ses vassaux de tous les acquests & conquests par eux faits, & qu'ils feroient deslors en auant, comme les Espaignols mesmes ont escrit. Et en cas pareil Iules i i. Pape, donna à Ferdinand Roy d'Espaigne, les Royaumes de Grenade & de Nauarre, en chassant les Mores de l'un, & Pierre d'Albret de l'autre: à la charge de les tenir de l'Eglise de Rome en foy & hommage. car combien que l'Empereur Charles v. pretendist droit au Royaume de Nauarre à cause de la donation à luy faite par Germaine de Foix, femme en secondes nōces de Ferdinand, si est-ce que

Les Royaumes
tenus de l'Eglise
de Rome.

que ses Ambassadeurs & deputez quand ils sont venus à la conference, voyant que leur don estoit mal fondé, ont tousiours eu apuy à l'interdiction du Pape. Et parainfi on peut iuger, qu'il ne restoit rien plus à l'Empereur où il se peust dire souuerain : car les Royaumes de Malor-que & Minorque, estoient long temps au parauant reünis au Royaume d'Arragon, depuis qu'ils furent ostez aux heritiers de Iaques l'Heureux : & tout ce qu'auoit l'Empereur au bas païs, estoit tenu de la couronne de France, ou de l'Empire par necessité. Et mesmes encores le Comté de Charolois, est tenu en propriété du Roy d'Espaigne, & en souueraineté de la couronne de France, & ressortist au parlement de Dijon. Et quant au Royaume de Castille, il est bien certain qu'il estoit escheu à Loys 1^x. Roy de France, à cause de sa mere Blanche de Castille, & y fut appelé par les estats d'Espaigne, comme on peut voir par les lettres que j'ay veuës, qui luy furent lors enuoyees par la Noblesse, desquelles l'original est encores au thresor de France, scellé de plusieurs sceels de cire blanche, quoy que les Espaignols dient qu'en mariage faisant de Blanche de France, fille de Loys 1^x. avec le Roy de Castille, on quitta la succession de Castille : ce que le Roy de France ne pouuoit au preiudice des siens, sans y faire consentir les estats : ioint aussi que les filles de France ne doiuent rien auoir que par assignat. Et quand bien le Roy l'eust peu donner à sa fille, comme n'estant pas encores reüni & incorporé à la couronne : si est-ce qu'il s'est fait depuis traité d'alliance l'an M. CCC LXXIX. entre Charle V. Roy de France, & Henri de Castille, lors chassé de son Royaume : lequel traité est au thresor de France : par lequel j'ay veu que Henri promist, tant pour luy, que pour ses successeurs, d'estre vassal, & tenir son Royaume de Castille des Roys de France : car par le moyen du Roy de France il fut restitué en son estat. Puis donc que le Royaume de Castille est hereditaire, escheant aux filles & masles, les successeurs de Henri sont tenus de ses faits & promesses. Il est bien vray que la promesse de Henri n'eust peu preiudicier à ses successeurs, ni aux estats de Castille, sans l'aduis desquels le traité fut fait, si le Royaume de Castille n'eust esté hereditaire. Et pour ceste cause il fut resolu que Philippe le Bel Roy de France n'auoit peu faire Artus Duc de Bretagne vassal du Roy d'Angleterre sans le vouloir du Duc, sinon en quittant son Royaume au Roy d'Angleterre : ce qu'il ne pouuoit faire, ni mesmes de puissance absoluë, quoy qu'on die, sans le consentement des estats : autrement la cession seroit de nul effect & valeur, non plus que celle du Roy Iean faite au Roy d'Angleterre, par le traité de Calais, par lequel il fist transport du Royaume de France au Roy d'Angleterre, sans le consentement des estats : ce qui fut cassé par le traité de Chartres, par lequel le Roy d'Angleterre quitta tout le droit qu'il auoit en la couronne : par ce que le Royaume de France n'est deuolu, ni par droit successif, qu'on dit ab intestat, ni par testament, ni par transport,

L'Empereur
Charle V. n'auoit
rien où il fust ab-
solumement sou-
uerain.

6. Cynus in l. i. de no-
uat. C. ait Azonem in
ea sententia fuisse.
Idem Hostiensis, An-
dreas, Felin. in c. di-
lecti. de maioritate.
Corneus consil. 321.
7. Bald. excipit pleni-
tudinem potestatis
consil. 333. col. ult lib.
1. & Bossius senator
Mediolanensis id fi-
eri posse putat in æ-
qualem aut maiorē
sine feudi translatio-
ne titul. de principe.
uu. 229 230.

2.l. Barbarius de of-
fi. prator.
9.l. ad bestias. de poe-
nis.

L'empereur n'est
pas absoluëment
souverain.

Il n'y a Prince en
Italie qui ne tien-
ne du Pape ou
de l'empire.

mais en vertu de la loy royale: à laquelle les Roys ne peuuent deroger sans le consentement des estats: ce qui n'est pas és Royaumes d'Espaigne, d'Angleterre, d'Escoffe, de Naples, & de Nauarre. Mais dira quel-
qu'un: Le tiltre imperial ne peut-il pas faire souverain celuy qui est vas-
sal d'autrui? comme le Prince, ou le peuple faisant vn esclau Magistrat,
semble⁸ aussi l'afranchir. cela est bien vray, si l'esclau est au Prince, ou au
peuple: ⁹ autrement non. aussi l'Empire n'a puissance quelconque sus les
sugets du Roy de France, comme estoit Charles v. Joint aussi que le til-
tre Imperial n'emporte rien de souverain: iacoit que l'Empereur escri-
uant aux Princes de l'Empire vse de ces mots, No v s te mandôs, &c. Tu
feras ceci, &c. Ce que les autres Princes ne font pas, mesmes enuers leurs
propres sugets. & qui plus est, les Princes electeurs portent les qualitez
de varlets domestiques, comme bouteillers, escuyers, eschançons de
l'Empereur: neantmoins la majesté souveraine de cest Empire là ne
gist pas en la personne de l'Empereur, ains en l'assemblée des estats de
l'Empire, qui peuuent donner loy à l'Empereur, & à chacun Prince en
particulier: de sorte que l'Empereur n'a puissance de faire edit quelcon-
que, ni la paix, ni la guerre, ni charger les sugets de l'Empire d'un seul
impost, ni passer par dessus l'apel intergeté de luy aux estats. C'est pour-
quoy l'Empereur Maximilian i. à la diette de Constance, tenue l'an m.
d. v i i. dist aux estats & au Legat du Pape, que prendre la couronne im-
periale du Pape, n'estoit qu'une ceremonie, qui ne seruoit de rien, at-
tendy quel autorité & puissance imperiale depédoit des estats de l'Em-
pire: ce que nous eclarcirons particulièrement en son lieu. En quoy on
peut iuger qu'il y a peu de Princes absoluëment souverains. Car si nous
ostons la Seigneurie de Venize, il n'y a Prince, ni ville en Italie, qui ne
tienne de l'Empire, ou du Pape, ou de la couronne de France. Nous l'a-
uons monstré du Roy de Naples. Quant au Duc de Milan, il est natu-
rel vassal de l'Empire, duquel il prend l'investiture, & paye les reliefs,
pour lesquels l'Empereur Maximilian, en moins de quinze ou seize
ans, tira plus de trois cens mil liures: car le Roy Loys x i i. en paya pour
vne fois cent mil liures: les Sforces n'en eurent pas meilleur marché. &
n'y a que cent cinquante ans, que le Duché de Milan n'estoit qu'un sim-
ple vicariat, & chambre ordinaire de l'Empire. & mesmes Jean Galea-
ce i i. & Barnabé son frere, en l'investiture qu'ils eurent de l'Empereur
Charles i i i i. sont appelez simplement Vicaires de l'Empire. & Galea-
ce i. estant accusé d'auoir chargé les sugets de subsides, fut mis prison-
nier au chasteau de Modene, par decret de l'Empereur, & depuis il y
mourut. & son fils Actius fut remis en la place du pere par Loys de Ba-
uieres Empereur, qui receut cent mil liures, pour luy donner le tiltre de
Prince l'an m. c c c x x v i i i. & depuis Galeace i i i. beau pere de Loys
de France Duc d'Orleans, paya cent mil florins à Frideric i i i. Empe-
reur, pour auoir le tiltre de Duc, l'an m. c c c x c v i i. Autant dirons
nous

nous du Duc de Mantoüe, qui aduoüe tenir de l'empire, duquel il s'appelle Prince. Quant au Duc de Ferrare, il aduoüe encores à present tenir du Pape, & paye tous les ans le cens feodal, pour le regard de Ferrare: car dès l'an M. CCC LXXI. le marquis d'Est en fut establi vicaire par le Pape Gregoire, reserué à l'Eglise la foy & hommage, ressort, & souueraineté, & à la charge de payer tous les ans dix mil florins d'or à la chambre saint Pierre, & cent hommes de seruice payez pour trois mois, quand il seroit mandé, comme j'ay leu au registre du Vatican. Et quant à Rege, & Modene, il aduoüe les tenir de l'empire: combien que le Pape Iules I. soustenoit que c'estoient fiefs de l'Eglise, & fist la guerre aux Ferrarois, & au Roy de France, qui l'aydoit, tant pour cela, que pour auoir le sens feodal entier, diminué par Alexandre VI. Pape, en mariant sa bastarde Lucrece au Duc Alphons. Quant aux Florentins, long temps a qu'ils ont pretendu liberté contre l'empire, pour en auoir payé six mil florins à l'Empereur Raol, comme aussi les Geneuois, qui furent afranchis par le mesme Empereur, comme ils disent: combien que depuis ils se donnerent en protection au Roy Charles VI. & quelque temps apres au Duc de Milan, qui les receut, à la charge d'en faire la foy & hommage aux roys de France. En cas pareil, les Luquois payerent à l'Empereur Henry V. douze mil florins, pour estre afranchis: Sienn dix mil, & Pierre Gambecourte en paya douze mil à Empereur Charles quatriesme, pour la seigneurie de Pise. mais ce n'estoient pas vrayes alienations, ny exemptions de sugetion, ains simples ottois, & subsides, avec quelques priuileges de gouverner leur estat, sous l'obeissance de l'empire. Aussi n'estoit-il pas en la puissance des Empereurs, ny de prince quelconque, de rien aliener du domaine public, & beaucoup moins des droits de la majesté souueraine: qu'il ne soit tousiours en la puissance du successeur d'vser de main mise, tout ainsi qu'il est permis au seigneur sus l'esclauue fuyart: côme fist bien entendre l'Empereur Maximilian I. ayant getté son armee en Italie, avec le Roy Loys XI. alors les Florentins enuoyerent Ambassadeurs vers luy, pour faire la foy, & hommage de leur estat, & obtenir confirmation de leurs priuileges, qui leur cousta XL. mil ducats. Et combien que le Duc de Florence Cosme, se soit fait seigneur de Siene par force, & par armes, si est-ce qu'il en a pris l'investiture, & en a rendu la foy & hommage au Roy d'Espagne, comme vicaire perpetuel de l'empire. Et si les Sienois eussent esté afranchis, & exemptez de l'empire, pourquoy Iules I. Pape eust-il payé xxx. mil ducats à Maximilian, pour racheter la liberté de Siene, affin d'en inuestir le Duc^o d'Vrbain? Et toutesfois cela n'a pas empesché, que le Duc de Floréce, qui l'auoit conqueste par le droit des armes, n'ait esté contraint d'en prendre l'investiture du Roy d'Espagne, & en a payé six cés mil escus, lesquels depuis le Roy d'Espagne a voulu rendre au Duc de Floréce, pour remettre Siene en l'estat

I. Bartol. in l. ult. foluto matrimo. Faber in §. penult. de assign. libert. Iaso in l. debitorum de pactis C. Cynus. in l. i. de nouat. C.
Le Roy Philippe vicaire de l'Empire.

o. Guichardin.

Les villes d'Italie, ny les potetas hors le Pape & les Venitiés n'ont point de souveraineté.

Genes menassée du ban imperial.

ff
Bochetel
euesq. de
Rennes
du 5/

2. Bart. Bal. Angel. Salic. in l. cunctos populos. C.

3. Confil. lib. 5.

qu'elle estoit : ce qu'il ne voulut faire, estant aduerti que le Roy d'Espagne la vouloit bailler au Duc de Parme, pour reünir Plaisance, & Parme au Duché de Milan, duquel elles ont esté distraites. Et comment pourroient les Empereurs d'Alemagne, qui sont sugets aux estats de l'Empire aliéner le domaine, & les droits de souveraineté, veu que le prince absolument souverain ne le peut faire ? car les princes souverains, à bien parler, ne sont qu'usufructiers, ou, pour mieux dire, usagers du bien & domaine public. Et pour ceste cause, Charles III. ottroya la confirmatiō des priuileges à ceux de Perouze, y adiousta ceste clause, **TANT QU'IL VIVROIT.** & neantmoins le Pape Iules II. osta ceste ville là aux Bailleurs, & la mit sous l'obeissance de l'Eglise. Et commēt les villes d'Italie, & le Duc de Florence pretendoient ils la souveraineté absoluë, veu que pour les differends qui concernēt leurs estats, frontieres, domaine, tenures, elles vont plaider par deuant l'Empereur, ou bien à la chambre Imperiale ? & combien que les Geneuois, qui semblent tenir moins de l'empire, que pas vne des autres villes d'Italie, fussent appelez par deuant l'Empereur Maximilian II. l'an M. D. LIX. à la requeste du Marquis de Final, qu'ils auoient chassé de son estat : & qu'ils voulussent receuoir l'Empereur pour arbitre, & nō pas pour iuge, ny superieur, si est-ce que depuis ils ont esté à droit, apres plusieurs defauts ottroyez par l'Empereur, qui les menassa par vn heraut d'armes, de les mettre au ban Imperial. Or est il biē certain qu'il n'y a que les villes tenuës de l'empire, qu'on mette au ban Imperial, soit par sentence de l'Empereur, soit par arrest de la chambre Imperiale, comme fut Minde, Munstre, Magdebourg & autres. Aussi les Geneuois s'estans portez pour appellans au Pape, de la sentence interlocutoire de l'Empereur, ont depuis acquiescé à la sentence, renonçans à leur appel, & recognoissans la iurisdiction, ressort, & souveraineté de l'empire, duquel le Marquis de Final pretendoit releuer nuëment, & sans moyen : & les Geneuois soustenoient qu'il est leur vassal. Et depuis le Marquis a esté maintenu en possession du marquisat par sentence diffinitive : comme i'ay veu par lettres du sieur de la Forest, Ambassadeur pour le Roy, datees à Vienne du xviii. Iuillet M. D. LX. ce que l'Empereur iugea apres auoir eu l'opinion des Iuriscultes en quatre vniuersitez. & par autre sentence de l'Empereur, donnée au mois de Iuillet M. D. LXXII. ils ont esté condānez en vn proces qu'ils auoient contre Antoine Flisque leur banni. Mais pour monstrier plus claiement, que les villes & communautez d'Italie n'ont point de souveraineté, c'est que tous leurs Aduocats, & Iuriscultes ont tenu qu'elles ne peuvent faire loy ny coustume contraire, ou derogeant au droit commun, que l'Empereur Frideric fist publier : & pour ceste cause les villes quitterent par le traitté de Constance les marques de souveraineté. Et mesme le docteur Alexandre Italien, le premier Iurisculte de son aage, dit que

que la iurisdiction ottroyee aux citez d'Italie, n'emporte pas souueraineté, veu, dit-il, que l'Empereur donne iuges & commissaires entre les villes. Aussi le traitté de Constance fait l'an M. C L X X X I. où est la cōfirmation des priuileges ottroyez aux villes de Lombardie, porte reseruatiō de la foy, & hommage, ressort & souueraineté. Beaucoup moins pourroient pretendre souueraineté les villes Imperiales d'Alemagne, situees aux enclaves de l'empire : & qui pretendēt aussi auoir eu liberté des Empereurs, comme Nuremberg de Friderich, Isne d'Othon I I I. Egre de Loys de Bauieres : ou bien qui se sont afranchies contre leurs seigneurs princes de l'empire, comme la ville de Brunswich, Vlme, & autres : car les afranchissemens, n'estoient que des impositions, demeurant tousiours les villes sugettes à l'empire : recognoissant la iurisdiction de la chambre Imperiale, non seulement pour les procès intentez entre les villes, ou cōtre les princes, ains aussi entre les sugets d'une mesme ville, ou d'un mesme prince : & l'apel, en cas ciuil, au dessus de cinquante escus ressortist à la chambre imperiale, establie par les estats de l'empire, laquelle a puissance de confirmer, ou infirmer les sentences des princes, & des villes. & comment pourroit on casser leurs iugemens, s'ils estoient souuerains? veu ce que dit vn Poëte, *rescindere nunquam Deus licet acta Deūm*. Et qui plus est les Suisses en general enuoyerent leurs Ambassadeurs à l'Empereur Ferdinand, pour obtenir confirmation de leurs priuileges : qui est vne forme d'hommage & recognoissance qu'ils tiennent leur liberté de l'empire : ce que n'a pas osé dire celuy qui l'a escrit. Et combien qu'il y a quelques princes deçà le Rhein, qui pretendent la souueraineté, si est-ce qu'il faut par necessité, qu'ils tiennent de la couronne de France, ou de l'empire : veu que tout le pays de Lotharingie, & le royaume d'Arles, apres la mort des trois enfans de Lothaire, furent partagez entre Charles le Chauue Empereur, & Loys Roy d'Alemagne son frere, comme on peut voir en l'histoire de Guitard, & Floard, & mesmes par l'histoire de Lambert. Or est-il que le vassal ne prescript iamais l'hommage du seigneur, ny le suget la iurisdiction du prince : & les ottrois, & soufrances des Empereurs, & des Roys de France, n'ont peu preiudicier à la couronne ny à l'empire. Il faut donc conclure, qu'ils demeurent sugets de l'un ou de l'autre. & combien que plusieurs pensent que le Duc de Lorraine soit absolument souuerain, pour le blason qu'il porte du bras armé, voulant dire, comme il semble, qu'il ne tient rien que de l'espee : si est-ce toutesfois qu'il se qualifie en ses tiltres, Prince du saint empire : qui est biē recognoistre la maiesté Imperiale : ioint aussi qu'il procede ordinairement en la chambre Imperiale : non qu'il ait seance aux ceremonies comme quatriesme Duc de l'empire : aussi ne tient-il pas la sixiesme partie de l'ancien Duché de Lorraine, qui estoit vn gouuernement general de tous les pays d'entre Meuse, & le Rhin : car les Empereurs mesmes prenoient quelquesfois ceste qualité de Ducs de Lorraine,

Les villes imperiales ressortissent par apel à la chambre imperiale.

Le Duc de Lorraine prince de l'Empire.

Le Duché de
Lorraine deuolu
aux Contes de
Vaudemont.

4. l. qui ex vico. ad
municipales. l. for-
ma. de censib. Faber
in l. 1. de iure em-
phyteu. C. & in l. cū-
ctos populos. de sū-
ma trinit. C. argu. l.
pupillus. §. territori-
um. de verb. signif.
focin. consil. 86. col.
2. lib. 1. & consil. 169.
lib. 2. & consil. 127.
lib. 1. col. 2. tex. in l.
æde sacra. de con-
trah. empr. C. & cap.
cum episcop. de offi.
ordinar. cap. 1. §. itē
cum notis Baldi. qui-
bus modis feudū
amittatur.

comme j'ay veu en vn traité d'alliance entre l'Empereur Charles IIII.
& Jean Roy de France. Et neantmoins le duché de Lorraine tel qu'il est,
tient de l'empire: car nous trouuons qu'Estienne Conte de Boulongne
en fut inuesti l'an M. xix. par l'Empereur Henry I. & aux memoires de
l'Archediacre de Verdun on peut voir comme Ferri Conte de Vaudemont
soustint au concil de Constance que c'estoit vn fief Imperial qui
n'estoit deu qu'aux masles, & l'emporta à la faueur de Sigismond Empe-
reur, contre René d'Anjou, qui auoit espousé Isabelle heritiere de Lor-
raine, lequel n'osa pas nier, que ce ne fust vn fief Imperial, mais bien qu'il
pouuoit monstrier plusieurs fiefs imperiaux adiugez aux filles. aussi de-
puis estant les deux parties venuës aux mains, René fait prisonnier de
Ferri, accorda par traité expres, que sa fille Ioland fust mariee au fils de
Ferri Antoine, à la charge que si René decedoit sans masles, le duché re-
tournaist à la maison de Vaudemont, comme il est aduenu. Or si est
ainsi que le Duché de Lorraine soit vn fief Imperial, ny le seigneur de
Lumes, ny le Conte d'Apremont, qui sont aux enclaves de Lorraine,
ne pouuoient pretendre la souueraineté comme ils font, puis qu'il est
certain en termes de ⁴ droit, que celuy qui a territoire limité, a mesme
droit sur chacun des particuliers, qui sont au pourpris de son territoi-
re, comme il a sur tous en general, si ne fait apparoir d'exemption spe-
ciale, & authentique. qui est vn poinct, par lequel tous ceux qui pre-
tendent la souueraineté dedans les enclaves, & territoire d'autrui, peu-
uent estre deboutez: ce qu'on ne peut pas si aisément iuger de ceux qui
empiètent la souueraineté sus les frontieres des Princes souuerains: com-
me font les cinq seigneurs du pays de surseance, entre le duché, & fran-
che conté de Bourgongne, la Princesse de la Frize Orientale, & ceux
qui se sont emparez par soufrance du pays des debats, entre les royau-
mes d'Angleterre & d'Escoffe: l'Abbé de Gosen, entre Mets, & le pont
à Mousson, qui tient l'Abbaye & xxv. villages en tiltre de souuerai-
neté, sans recognoistre seigneur quelconque: comme aussi firent les
seigneurs de Beaujeu, se voulans exempter de la couronne de France
sauoïerent de l'Empire, & furent compris au vicariat du Duc de Sa-
uoye, duquel aussi peu à peu ils s'exempterent, sans vouloir recognoi-
stre ny Duc, ny Roy, ny Empereur. Quant au Duc de Sauoye, il se
qualifie vicaire perpetuel, & Prince du saint Empire, tenant en foy, &
hommage le pays de Sauoye, erigé en Conté par Henry v. & depuis en
Duché par Sigismond Empereurs, & comme vassal de l'empire il a ren-
du la foy & hommage depuis qu'il est r'entré en ses pays. & mesmes l'an
M. D. Lxi. il enuoya procuration speciale au Conte d'Arques, premier
chambellan de l'Empereur, pour auoir vne autre inuestiture, que celle
qu'il auoit prise à Auspourg, par ce qu'elle ne luy sembloit pas en assez
bonne forme, comme j'ay veu par les lettres du sieur de la Forest Am-
bassadeur pour le Roy vers l'Empereur. Mais il est biē difficile d'en faire
vne

5^e eueq. de Reims

une forme qui luy soit bonne . car il semble que la qualité de vicaire perpetuel fait preiudice , non seulement à la souveraineté , ains aussi à la qualité de feudataire , & propriétaire des terres qu'on tient d'autrui , si ce n'est par equiuocation . Les Ducs de Saxe & Contes Palatins , sont bien aussi vicaires de l'Empire perpetuels , mais c'est pour faire iustice aux princes & villes Imperiales , contre l'Empereur mesmes , comme nous dirons en son lieu : & à tous ceux qui sont de leur gouvernement . & faut que celuy qui prend qualité de vicaire , lieutenant & gouverneur , ne soit pas feudataire , ny propriétaire des seigneuries qu'il tient de celuy duquel il est Lieutenant . Et par ainsi le tiltre de vicariat perpetuel se doibt rapporter aux autres païs , & hors le territoire , & domaine de Sauoye : ce que les autres princes d'Italie , & d'Alemagne n'accorderont pas , & moins encores le Roy de France , qui ne tient rien de l'empire , où il puisse estre iustitiable des vicaires de l'empire . ioint aussi que l'Empereur Charles I I I I . fist Charles V I . Daufin de Viennois vicaire perpetuel l'an M . D . L X X V I I I . le xiiij . Ianuier : & par ce qu'il n'auoit que neuf ans , l'Empereur luy donna le benefice d'aage . & par les lettres patentes de vicariat perpetuel , qui sont au tresor de France , en seel d'or , & dont i'ay la copie , il n'y a rié excepté que le Conté de Sauoye . & qui plus est , la puissance de la vie , & de la mort luy est ottroyee sur les sugets de l'empire , & puissance de donner graces , imposer , & leuer tailles , & en exempter qui bon luy semblera , & de cognoistre par main souveraine des appellations intergettees à l'empire , faire la paix & la guerre , donner loix aux sugets , & icelles casser & abroger , &c . le vicariat est pour tout le royaume d'Arles , qui est & doit depuis le môt saint Claude , la Saonne , & Rosne iusques aux Alpes , & à la mer : que les Imperiaux ont tousiours pretendu estre tenu de l'empire . mais les comtes de Barcelonne , & de Prouence ont soustenu le contraire : entre lesquels fut Raymond dernier , les filles duquel furent mariees à Loys I X . & à Charle de France , & par ce moyen le comté de Prouence est venu à la maison d'Anjou , puis à la couronne . Combien que Philippe de Valois Roy de France auoit acheté de Henri V . Empereur , la souveraineté de tout le royaume d'Arle , sans excepter ny le Comté de Sauoye , ny la principauté d'Orége , ny de Beaujeu , qui depuis fut donné à Loys Duc de Bourbon , ny le Conté de Prouence , qui estoit lors en la maison d'Anjou : ny le franche Conté (qui fut donné à Philippe le hardi par Charles I I I I . Empereur , l'an M . C C C L X I I . estant deuolu à l'empire à faute de masles) & la vendition de la souveraineté dudit royaume d'Arles faite pour la somme de trois cés mil marcs d'argent , avec promesse de faire ratifier les princes de l'empire , qui eurent depuis le contract pour agreable , & Jean Roy de Boesme en fut garend : lequel vendit aussi la ville de Luques au mesme Roy cent L X X X . mil florins d'or l'an M . C C C X X X . les contrats , ratificatiōs , & quittances sont encores au thresor de Frâce , dont i'ay les copies collatiōnees à

Les Ducs de Saxe & Palatin vicaires de l'Empire.

Charle VI . Roy de France vicaire perpetuel de l'Empire.

Acquisitiō de la souveraineté du royaume d'Arles.

5. Froissard. lib. 1.
chap. 33.

Edouart III. Roy
d'Angleterre vi-
caire perpetuel
de l'empire.

Le royaume de
France, ne tient
rien de l'empire.

6. In tractat. de Infr-
gnis & armis.
7. ad l. hostes. de ca-
ptiuis ex l. de preca-
tio. ad l. Rhodiam.

l'original: qui meritoient bien d'estre veuës par ceux qui furent deputez pour les affaires de Sauoye l'an M. D. L X I I. Et quasi au mesme tēps, l'Empereur Loys de Bauieres fist Edouard I I I. Roy d'Angleterre son vicaire perpetuel, & luy en fist depescher lettres patentes, luy portans puissance de faire loix & droit aux sugets de l'Empire, & que tous sugets de l'Empire eussent à luy obeir, & luy rendre la foy, & hōmage en son nom. qui fut vne occasion' exquisite, & cherchee de faire guerre au Roy de France, qui tenoit Cambray, & les chasteaux de Creuecœur, & de Palerne, mēbres de l'Empire: par ce que les anciēs traittez faits entre les Roys de Frāce, & les Empereurs portoient, qu'ils ne pourroiet rien acquerir les vns sus les autres, comme il fut remōstré au Roy Edouart, par les princes imperiaux alliez avec luy, & lors assemblez en la ville de Hale. Qui est vn tres-certain argumēt, que les Roys de Frāce ne tiennēt rien de l'Empire: ce qui est aussi expressēmēt porté au contract d'acquisition de Philippe de Valois, que i'ay coté cy dessus, qui porte ceste clause, Et demeureront les Roys & Royaumes de Frāce, es priuileges, frāchises, & libertez qu'ils ont tousiours tenuës, cōtre l'Empire d'Alemagne, auquel ils ne sont en rien sugets. Ce qu'on fist bien entendre à l'Empereur Sigismond, quand il voulut faire Duc le Conte de Sauoye en la ville de Lyon, de sa puissance Imperiale: car les officiers du Roy sy opposerent, & fut cōtraint aller hors le royaume, pour vser de sa puissance, ce qu'il fist en cholere, & à grand regret. Et cela fut fait par expres mandement du Roy, pour couvrir deux fautes notables qu'on auoit faites: l'une de passer par soufrance, quel'Empereur Sigismond estant receu à Paris magnifiquement, & cōme il appartenoit à l'oncle du Roy, eust seance au lieu royal en plein Parlemēt: & puis on endura qu'il fist cheualier le Senechal de Beaucaire. Quāt à ce dernier poinct, la Cour en fist remōstrance au Roy, & qu'à luy seul appartenoit faire Cheualiers en son royaume: comme il auoit esté iugé solennellemēt par deux arrests, contre les Contes de Flandres, & de Neuers. Ce que i'ay bien voulu remarquer, pour monstrier l'erreur d'Alciat, qui a soustenu que le Roy de France est suget de l'Empire: qui est vne erreur ou ingratitude affectee, veu les gages qu'il auoit eu en Frāce, pour enseigner la verité: si ce n'est qu'il voulut fauoriser l'Empereur qui le retira à Pauie, & luy doubla ses gages: comme fist l'Empereur Charles I I I I. qui ⁶ annoblit Bartol, & luy donna le lyon de Guelles en champ d'argent, & puissance d'ottroyer benefice d'aage, pour luy, & pour les siens, qui feroient profession d'enseigner le droit. & en reconnaissance d'un tel bien-fait, Bartol ⁷ à laissé par escrit, que tous ceux là sont heretiques, qui ne croient pas que l'Empereur soit seigneur de tout le monde: ce qui ne merite point de responce: veu que les Empereurs de Rome, ne furent iamais seigneurs de la trentiesme partie de la terre: & que l'empire d'Alemagne, n'est pas la dixieme partie de l'empire des Romains. Et toutesfois l'Empereur Sigismond, malade d'une ambition

incu-

incurable, s'ingera de faire Roy le Duc de Lituanie (qui est à plus de deux cens lieues des frontieres de l'Empire d'Alemagne) & luy enuoya la couronne: mais le Duc la refusa, & ne chagea point de qualité: iacoit qu'il se fust exempté de la puissance, & sugetion des Tartares. Nous voyons aussi que les Empereurs d'Alemagne ont enuoyé les couronnes royales aux Ducs de Polongne, auparauant que le Pape leur eust permis de porter tiltre royal: & neantmoins il est tout certain, que les Roys de Polongne n'ont iamais rien tenu de l'Empire: aussi les Alemans ne l'ont iamais pretendu: mais bien au contraire, les Polonnois ont conquesté partie de la Silesie, & la souueraineté de Prusse: dequoy les Alemans ont fait souuent plainte aux estats de l'Empire, mais ils n'ont rien osé attenter: sçachant bien que les Roys de Polongne ont mis en route les Empereurs, & armées Imperiales, toutesfois & quantes que les Empereurs ont voulu pretendre la souueraineté de Polongne. Car il semble que les partisans de l'Empire d'une part, & de l'Eglise d'autre part, ont voulu pretendre, qui pour le Pape, qui pour l'Empereur la souueraineté, & puissance par dessus tous les Princes Chrestiens. les vns ont escript⁸ que tous les Roys sacrez sont vassaux du Pape: les autres ont tenu, que les Papes peuuent donner curateurs aux Roys insensez, comme fist Innocent IIII. ayant sceu que le Roy de Portugal estoit mal soigneux du bien public, decerna mandement aux Princes & Barons de Portugal de commettre vn curateur qui fust responsable des affaires d'estat, & des finances: non, dit-il, que j'entende faire preiudice à sa couronne, ains pour la conseruer. mais on luy pouuoit dire que sa protestation estoit contraire à ses actes. Vrbain V. osa bien legitimer Henry bastart de Castille, affin de luy faire ouuerture pour chasser Pierre son frere legitime du Royaume: ce qui fut fait. Il y en a qui ont passé plus outre, disant² que le Pape a iurisdiction sus l'Empereur par puissance, & sus tous les Roys, & Princes reellement, & de faict: horsmis sus les Roys de France, que les Canonistes³ confessent, qu'il ne recognoist de fait rien plus grand que soy apres Dieu: mais il y a vn docteur⁴ Espagnol qui dit que le Roy ne recognoist ny de fait, ny de droit prince du monde: comme aussi fait Oldrad le premier de son aage. Aussi ces bons docteurs là pour toute raison de leur dire, n'ont rié de meilleur que l'autorité du Pape Gelase, qui a escript que les Papes peuuent despouiller tous les princes de leur puissance: & vn autre qui a soustenu, qu'il y auoit appel⁶ au Pape de tous les peuples, & monarques: qu'il n'y a que l'Empereur, & le Pape, qui puissent reuoquer leurs arrests: & destituer⁸ les autres Roys: qu'il n'y a prince, que celuy à qui le Pape a confirmé la principauté: qu'il peut⁹ dōner priuileges, exemptions, & immunitez aux sugets d'autruy, contre les edits, & ordonnances de tous les princes: & qu'il est le seul & general iuge des exempts. Et combien qu'il y en a qui ont tenu, qu'on doit s'arrester à ce que dit le Pape, sans autrement s'enquerir de la verité:

Les Roys de Polongne ne tiennent rien de l'Empire.

8. Bald. in cap. pastoralis. de rescrip. ex cap. intelleximus de iurciurando.

9. Bald. in l. rescripta. de precibus imper. off. C. Specul. in titul. de leg.

2. in ca. nouit. de iud. in cap. solit. de maioritate. glo. in l. 3. de offi. proconsul ff.

3. glo. in cap. per venerabilem qui filij sunt legitimi.

4. Petrus. Belluga tit.

14. §. nunc videamus. nu. 29. in speculo. Oldrad. consil. 69.

5. cap. intelleximus de iurciurando. ext. Bald. in cap. pastoralis de rescript.

6. causa. 2. cap. ad Romanam. Hostiæ. in cap. cum Ioannes. de fide instru. Panor. in cap. ex literis de probat. ex cap. ego de iurciurando. causa. 9. q. 3. & can. aliorum. & can. nemo, & Can. cuncta per mundum. & ca. nemini. 17 q. 4.

7. not. in l. 1. sententiam rescindi. C. & in cap. cum literis de restitutio. spoliat.

8. Bald. in cap. 1. de natura feud. ex cap. pastoralis de sentent. & re iudic.

9. cap. clericis cap. quia nulli. de immunitate Ecclesiar. ino vero imperat angelis, vt planum fit in rescripto Clemētis Pont. max. quod Viennæ extat. & in extrauagante de maioritate & obedient.

1. Bald. in l. iurciurā.
do. de testib. C.

si est-ce toutefois que Balde¹ escrit qu'on luy peut dire, Sauf vostre reuerēce. Et sur la maxime posée par les Canonistes que le Pape peut tout, les Theologies l'ont limitée en deux mots, *Clause non errante*. Et d'autant que tous bons sugets ont interest de soutenir la grandeur, & maiesté de leurs princes, ie n'entreray point aux disputes de Iacques de Teranne chambrier du Pape, ny de Capito du Moulin, & autres, lesquels se sont abusez souuent, ou de propos deliberé, estans pressez de passions violentes: & sans propos ont entré au merite de la religion: ie ne parleray que de la souueraineté temporelle, qui est le suget que ie traite: de laquelle ils n'ont point parlé. affin qu'on entende qui sont les princes absolument souuerains, & si les autres princes sont sugets à l'Empereur, ou au Pape. Depuis que Gregoire, celuy qui premier l'appella, l'esclau des esclaves de Dieu, obtint de Phocas Empereur de Constantinoble, la prerogatiue sur tous les Euesques ses successeurs, tournant le spirituel au temporel, ont tousiours peu à peu agrandi leur puissance: de sorte que les princes, tant pour la crainte, qu'ils auoiēt lors enuers Dieu, que pour le degré de la prelatrice, commencerent à les reuerer beaucoup plus que auparauant: & mesmement depuis que l'Empire d'Orient commença à decliner, qui fut alors que les Papes firent defense aux peuples d'Italie, de payer aucun impost aux Empereurs de Constantinoble, ny les recognoistre comme seigneurs, par ce que Leon Empereur surnommé Iconomache, ou chaste image, & Thomas aussi Empereur, faisoient abatre les images: qui fut cause que l'un fut tué par le peuple au temple sainte Sophie. alors les Roys de Lombardie s'efforcerent de se faire seigneurs d'Italie: & les Papes de leur costé y vouloient auoir part: & sur ce differend, les Papes se getterent en la protection des Roys de France, qui estoient alors les plus grands monarques de la Chrestienté. qui fut cause, que Pepin grand maistre de France, qui dispoisoit alors des affaires de ce Royaume, passa en Italie, & apres auoir vaincu les Lombards, fut le premier qui fist part des seigneuries d'Italie à Zacarie Pape, qui l'auoit couronné Roy de France, faisant defenses aux princes, & peuple de France d'en eslire d'autres que de la maison de Pepin, apres auoir déclaré publiquement le Roy Childeric inhabile à commander. à quoy le peuple de France fist d'autant moins de resistance, que Pepin auoit la noblesse, & l'armee de France à commandement, & que le Pape, qui lors estoit estimé comme Dieu en terre, en estoit autheur: auquel Pepin promist solennellement, & en depescha lettres patentes, que s'il estoit victorieux des Lombards, qu'il donneroit à l'Eglise de Rome l'exarcate de Rauenne, qui contenoit treize villes, & Pentapole, qui contenoit seize villes: ce qu'il accomplit depuis apres la victoire, mettant les clefs des villes sus l'autel saint Pierre: reseruant neantmoins à luy & aux successeurs de la couronne de France la souueraineté, & qui plus est le pouuoir d'eslire les Papes: & par mesme moyen le Pape luy

luy persuada de prendre le tiltre d'Empereur, qui estoit alors propre aux princes de Constantinoble. Apres la mort de Charlemagne, ceux qui auoient credit à Rome, se faisoient eslire Papes par le Clergé, soit pour la defiance qu'ils auoient de n'obtenir pas ceste dignité des Roys de France, n'ayant point de faueurs en Cour: soit pour la negligence des Roys de France, qui ne s'en donnoient pas grand souci: soit pour les guerres ciuiles, qui suruindrent entre les enfans de Loys Debonnaire. Toutesfois on peut voir en Guitard, qui viuoit de ce tempslà, que trois Papes successiuellement sont venus en France, pour s'excuser à Loys Debonnaire, qu'ils auoient esté contraints par le Clergé de Rome d'accepter la dignité Papale, le supplians de l'auoir pour agreable: ce qu'il fist craignant irriter le Clergé, qui auoit tel credit, qu'en fin ils contraignirent de quitter la couronne, & se faire moyne, & sa femme nonain vn an entier. Mais depuis la mort de Loys Debonnaire, qui estoit Empereur de France, d'Allemaigne, & de la pluspart d'Italie, & d'Espagne, l'Empire fut diuisé en trois royaumes, que Charles le chauue, Lothaire, & Loys freres tenoient chacun en tiltre de souueraineté, sans recognoistre l'un l'autre, & que les enfans de Lothaire subdiviserent la part de leur pere en trois royaumes, c'est à sçauoir le Royaume de Lorraine, le Royaume d'Arles, & le Royaume d'Italie, la puissance des Papes s'accrut bien fort, succedans par voye d'election, & ne recognoissans pas la maiesté des Roys de France, comme ils deuoient: ce qui aduint principalement au temps du Pape Nicolas premier, qui s'entendoit mieux au maniemment des affaires d'estat, que ses predecesseurs: & qui fut le premier qui vsa rigoreusement enuers les Princes de l'interdiction, ayant excommunié Lothaire frere de Loys Roy d'Italie. Joint aussi, que la succession des trois enfans de Lothaire, qui moururent sans hoirs legitimes, estant diuisee entre leurs oncles Charles, & Loys, l'Italie escheut à Loys Roy d'Alemagne, qui gouuernoit l'Italie par lieutenans, & vicaires, qui n'auoient pas grande puissance de resister aux Papes. & que Guischard le Normand, qui conquesta le royaume de Naples & de Sicile, tenoit la main aux Papes, iusques à ce que ses successeurs mourans sans masles, laisserent l'estat de Naples, & de Sicile à vne fille qui fut marice à Frideric I. Roy d'Alemagne, lequel venu en Italie, voulut faire Pape l'un de ses fauoris: & le Clergé d'autre costé eslissoit qui bon luy sembloit: & celuy qui estoit esleu du Clergé venoit en France, pour s'appuyer de la grandeur de nos Roys, qui le maintenoient, soit pour la reuerence des Papes esleus canoniquement: soit pour affoiblir la puissance des Empereurs: de sorte que Frideric I. estant excommunié du Pape, & voiant vne rebellion ouuerte des sujets contre vn prince excommunié, se retira en Alemagne apres auoir eu absolution du Pape Innocent, en quittant le droit d'election: & laissant les royaumes de Naples, & de Sicile à Manfroy son bastard,

Accroissement de
la puissance des
Papes.

lequel fut aussi excommunié du Pape Vrbain, qui appella Charles de France Duc d'Anjou frere de Loys 1^x. & l'investit de ces deux royaumes, reseruant le Conté de Beneuent, & la foy, & hommage, ressort & souueraineté du surplus: & huit mil onces d'or de cens feudal annuel, & perpetuel, comme nous auons dit cy dessus. Depuis lequel temps, la maison d'Arragon, qui succedoit à Manfroy par droit de proximité, ayant tousiours querelle avec la maison d'Anjou, trouua moyen de gagner la faueur des Papes, & se constituer leurs vassaux, non seulement pour les royaumes de Naples, & de Sicile, ains aussi pour les royaumes d'Arragon, Sardine, Corseque, Mallorque, Minorque, comme i'ay dit. de sorte que les Papes accroissoient leur puissance de la querelle de ces deux maisons: iouissans paisiblement de la Romandiole, de partie de la Toscane, & du Duché d'Vrbain en vertu de la donation que i'ay dit: & de la souueraineté de la ville de Rome, qu'ils auoient peu à peu assugettie, iacoit que Charlemagne auoit expressément voulu qu'elle demourast en pleine liberté, avec puissance aux habitans de gouverner leur estat: comme dit Augustin Onophre chambrier du Pape, auoir leu aux registres du Vaticā, lesquels ie n'ay pas tous veus. Mais il est bien certain que si l'y auoit quelque Prince souuerain, qui fust tyran, ou heretique, ou qui eust fait quelque meschanceté notable, le Pape l'excommunioit, qui estoit la seule occasion de faire reuolter les sugets, & armer les autres princes contre celuy qui estoit excommunié: & n'y auoit moyen de s'entrer en grace, sinon en se constituant feudataire de l'Eglise de Rome, & vassal du Pape. Comme i'ay dit de Iean Roy d'Angleterre, qui se fist vassal d'Innocent 111. pour le meurtre commis en la personne du ieune Artus Duc de Bretagne: & augmenterent aussi le cens feudal d'Angleterre, pour le meurtre commis par commandement du Roy d'Angleterre, en la personne de Thomas Archeuesque de Canturberi: comme il aduint en cas semblable pour le meurtre commis en la personne de Stanislaus Archeuesque de Gnesne, le Pape excommunia le Roy, & osta le tiltre royal aux Roys de Polongne, enioignant aux sugets, comme quelques vns ont escrit, de tondre leur cheueux à la forme qu'on les voit: de sorte que les Polonnois n'ont eu que des Ducs, iusques à ce qu'il pleust au Pape leuer les deffenses, du temps de Lacolde Duc de Polongne, qui receut la couronne Royale du Pape Iean xx 1. avec promesse de rendre certain tribut qui se paye encores à present pour la lampe saint Pierre: comme nous lisons en leurs ³ histoires: de sorte que les Roys d'Angleterre, d'Arragon, de Naples, de Sicile, de Hierusalem, de Polongne, de Sardine, de Corseque, des Canaries, estoient feudataires des Papes, ou tributaires, ou l'un & l'autre ensemble. Ils ont aussi pretendu la souueraineté du royaume d'Hongrie leur appartenir. & de fait il est compris au catalogue de la Chancellerie de Rome. & mesme i'ay veu

au re-

3. Thomas Cromer.
Rois feudataires
des Papes.

au registre du Vatican vn acte daté de l'an M. C C X X I X. par lequel Lancelot Roy d'Hongrie promet obeissance au Pape Benoist X I I. & recognoist qu'il doit prendre la couronne de ses mains : & par vn autre acte Lancelot I I. Roy d'Hongrie, pour la desobeissance par luy commise au Legat du Pape, & pour en auoir absolution, il s'oblige de payer à la chambre du Pape par chacun an cent marcs d'argent. l'obligation est de l'an M. C C L X X X. Vray est qu'il y a vn autre acte au mesme registre en date de l'an M. C C C V I I I. par lequel on peut voir, que les Barons de Hongrie s'opposèrent au Legat du Pape, qui disoit que saint Estienne premier Roy d'Hongrie auoit pris la couronne du Pape, & qu'ils n'endureroient pas que le Pape eust telle prerogative sur eux : toutesfois qu'ils n'empescheroient pas aussi, que le Roy par eux eleu, ne se fust couronner au Pape si bon luy sembloit : & à la fin de l'acte, il y a plusieurs edits faits par le Legat du Pape, touchant l'estat d'Hongrie, avec deffenses aux Roys d'Hongrie d'aliener le domaine de la couronne : qui semble auoir esté la cause de faire citer à Rome André Roy d'Hongrie, pour auoir aliené le domaine. & mesme Innocent I I I. au chapitre *licet. de voto*, enjoit expressément au Roy d'Hongrie d'excuter le vœu que son feu pere auoit fait, sur peine d'estre priué de la couronne, qu'il promet d'ôner au puisné en cas de contrauention. ce qu'on ne doit pas trouuer estrange de ce temps là, veu qu'au mesme temps nous voyons les defenses faites par le Pape aux Contes de Toulouze, & inferées aux decretales, de leuer nouuelles charges sur ses sugets. Nous trouuons aussi que Godfroy de Bouillon ayant conquis le royaume de Hierusalem, & de Surie, aduoüa le tenir du Pape en foy & hommage. aussi est il compris au catalogue des Roys feudataires de l'Eglise de Rome. Et quant aux grands maistres de l'ordre S. Jean de Hierusalem, qui estoit composé d'huit peuples de diuerse lague, ils en ont tousiours esté inuestis par le Pape, & en font encores la foy & hommage aux Papes, de la puissance souueraine qu'ils ont sur les cheualiers de son ordre : iacoit qu'ils fissent hommage à Charles V. Empereur de Tripoli en Barbarie, auparauant qu'elle fust en la sugetion du Turc, & qu'ils facent encores à présent la foy & hommage de l'Isle de Malte au Roy Catholique, qui leur a esté baillee à ceste charge. Et quant au royaume de Nauarre, le Pape Iules I I. apres auoir interdit Pierre d'Albret, cōme allié du Roy de France Loys X I I. qui estoit aussi excommunié, le dōna au premier qui le pourroit conquerir, à la charge toutesfois de le tenir en foy & hōmage de l'Eglise de Rome. Et mesme depuis peu d'années le Pape Pius V. en voulut faire autant à Ieāne d'Albret Roynne de Nauarre, l'ayāt fait citer à Rome, & depuis par defaux & contumaces la fist condamner par ses commissaires, si le Roy Charles I X. n'eust pris sa protection, comme estant sa sugette, vassale, & parente : ce qu'il fist entendre à tous les princes Chrestiens : combien que l'Empereur Ferdinād ne s'en soucioit

4. cap. super quibusdam de verb. signi.

Le grand maistre de l'ordre S. Jean Feudataire du Roy d'Espagne & du Pape.

Rege Modene &
Concorde fiefs
de l'Empire.

Donation de
l'Empereur O-
thon III. au Pa-
pe.

aucunement quelque remonstrence que luy fist la Forest Ambassadeur de France. Car les princes Chrestiens auoient presque tous opinion, que le Pape estoit absolument seigneur souuerain de tous les royaumes de la Chrestienté. Et mesmes le Roy d'Angleterre s'estant reuolté contre le Pape, le Conte d'Aisimond en Irlande, vassal du Roy d'Angleterre, enuoya lettres au Roy de France Henry II. offrant se mettre en sa sugeriō, s'il vouloit demāder au Pape la souueraineté d'Irlande. Ils ont aussi pretendu la souueraineté de la Mirande, & des Comtez de Cōcorde, Rege, Modene, Parme, & Plaisance: combiē qu'on pretend Parme & Plaisance estre membres du Duché de Milan: Rege, & Modene fiefs de l'empire: comme en cas pareil le Comté de Cōcorde est vn fief tenu de l'Empire, & qui fut erigé en Comté par Sigismond Empereur. Et quant à la Mirande, les princes ont tousiours soustenu qu'ils estoient vrais successeurs de la Comtesse Mahaut, qui estoit dame de Concorde, Rege Modene, & autres seigneuries qu'elle donna à l'Eglise de Rome, pour le regard desquelles le Pape demeueroit vassal de l'Empire d'Alemaigne. Et pour s'en exempter, ils se firent passer vne donation, que i'ay leu au registre du Vatican, sans date, par laquelle Othon Empereur (il n'est point dit lequel) donne au Pape, & à l'Eglise Romaine, Pifaure, Ancone, Fossabrum, & Ausun. & vne autre lettre patente d'Othon III. Empereur, au Pape Innocent III. où il vse de ces mots, *EGO Otho III. Rex Romanorum semper Augustus, tibi Domino meo Papæ Innocentio III. tuisque successoribus Ecclesia Romana spondeo, polliceor & iuro, quod omnes possessiones Ecclesia*, & ce qui s'ensuit bien au long, portant confirmation des donations faictes au Pape & à l'Eglise de quelque Prince, ou seigneur que ce soit, & y comprend aussi *comitatus Perusia, Reate, Salina, Interamne, Campania, necnon Romam, Ferrariam, &c. Marchiam, Anconitanam, terram comitissa Matildis, & quacunque sunt citra Rodicofanum, vsque Ceperanum, exarchatum Rauennæ, Pentapolin, cum aliis terris, &c.* & la mesme confirmation se trouue de Raol, & Charles III. Empereurs, en date de l'an M. CCLXXXIX. & M. CCC LXVIII. portant qu'ils donnent aussi d'abondant au Pape, & à l'Eglise Romaine, tant que besoin seroit: & pour oster les rebellions tout ce que Henry V. son ayeul auoit donné à l'Eglise, est confirmé. En sorte que si les donations sont valables, les Papes sont exempts de la foy, & hommage deuë aux Empereurs à cause des fiefs qu'ils tiennent, & qui sont membres de l'empire d'Alemaigne. Mais si les Empereurs n'ont peu alier la souueraineté, & droicte seigneurie de ces terres, les Papes demeurent vassaux de l'empire. Nous pouuons dire le semblable du droit d'election des Papes que les Empereurs d'Alemaigne ont pretendu. Car l'Empereur Federic I. pour auoir absolution du Pape Innocent III. luy fist expedier lettres patentes sceelées en seel d'or, en date de l'an M. CCXIX. dōt i'ay veu l'extraict, & de son Empire VII. de son regne de Sicile XXI.

par

par lesquelles il quitte entierement le droict d'election qu'il auoit en la creation des Euesques, vsant de ces mots, *Illum abusum abolere volentes, quem quidam predecessorum nostrorum exercuisse dignoscuntur in electionibus Prælatorum, concedimus vt electiones liberè fiant, & canonicè*. Combien qu'à la verité, ce droict d'eslire les Papes, appartenoit aux Roys de France, & non pas aux Empereurs d'Alemaigne, qui ont vsurpé ce tiltre d'Empereur, acquis par Charlemaigne, Roy de France, & laissé à ses succeffeurs Roys de France, & non pas aux Roys d'Alemaigne: car ainsi sont ils appelez en tous les anciens traitez, & historiens d'Alemaigne & de Frâce: & ne s'appelloient point Empereurs, qu'ils n'eussent esté couronnez des Papes. Et l'occasion de pretendre droit d'election des Papes, fut pour les abus qui s'y commettoient. & de fait l'Empereur Henri I I I. debouta de la Papauté Gregoire V I. esleu par le Clergé sans son consentement, & en pourueut Clement I I. & fist iurer le Clergé de iamais ne receuoir Pape sinon du consentement de l'Empereur: comme il se trouue au registre du Vatican, & Onophre Chambrier du Pape l'escrit aussi. de sorte que le Clergé apres la mort du pape Clement I I. enuoya Ambassadeurs à l'Empereur, pour faire vn Pape: & l'Empereur enuoya Pepon appellé Damafus I I. apres la mort duquel le Clergé derechef decerna nouueaux Ambassadeurs à l'Empereur à mesme fin, qui leur enuoya Brunon appellé Leon I X. & apres cestui-ci leur enuoya Victor I I. lequel estant mort le Clergé eleut Frideric, & apres luy Alexandre I I. ce que voyant Henri I I I. leur enuoya Cadol euesque de Parme, qui fut receu au pays de Lombardie, & chassé par Alexandre: apres lequel Hildebrand, ou Gregoire V I I. eleu par le Clergé, defendit à tous gēs laiz la collation d'aucun benefice, sur peine d'excommunication: & depuis excommunia Henri I I I. Empereur, pour auoir contreuenue à sa defense: lequel getta vne armee en Italie, & chassa Gregoire V I I. qui auoit tenu le siege XI. ans, faisant Pape Clement I I I. qui tint la dignité X V I I. ans. contre quatre Papes eleus consecutiuelement par le Clergé. apres luy Henri V. fist Bourdin Pape: & neâtmoins le Clergé sans y auoir egard, eleut encores trois Papes l'vn apres l'autre, iusques à ce que Loys de Bauieres fist Nicolas V. Pape, seât en Auignon Iean XX I I. qui fist citer par deuant luy l'Empereur, & depuis ietta sentence d'interdiction par defaux & cōtumaces: & l'Empereur de son costé fist appeller par deuât luy le Pape Iean, disant que l'eglise estoit sujette à l'Empire, & le priua de la Papauté, par sentence donnee à Rome où l'Antipape tenoit son siege: lequel depuis s'estât retiré à Pise, fut trahi par les habitans entre les mains du Pape Iean, qui le fist mourir és prisons d'Auignon: & l'Empereur excommunié fut abandonné de ses sujets. cōbien qu'il n'est pas seul, car il se trouue huit Empereurs excommuniez par les Papes. mais depuis Loys de Bauieres, la majesté imperiale fut raualee, & n'oserent plus rien attenter contre les Papes. ains au

5. Frideric I. Frideric
2. Philippe, Conrad.
Othon 4. Louys de
Bauieres. Henry 4.
& 5.

cōtraire Charles IIII. Empereur expedia ses lettres patētes l'an M.CCCLV. par lesquelles il recognoist au Pape Innocent v. qu'il doit prendre la confirmation de son election, & la couronne imperiale des Papes, commençant par ces mots: *Pos t pedum oscula beatorum, &c.* qui est en toutes les lettres des Empereurs aux Papes depuis Loys: & la forme de la coronation imperiale, où il y a entre les autres ceremonies, que l'Empereur seruira le Pape de soubdiacre, & sortant de l'eglise qu'il tiendra l'estrier du Pape montant à cheual, & le conduira quelque temps tenant la bride. Il y a plusieurs autres ceremonies qui sont bien au long couchées es registres du Vatican, qui n'est besoin de mettre ici. Encores est il à remarquer ce qui n'est pas au registre, que l'empereur doit aller chercher le Pape, & s'il chāge de place, aller apres: comme fist Charles v. Empereur, estant venu en Italie, avec esperance d'aller à Rome, si tost qu'il fut aduerti, que le pape Clement VII. s'en alloit à Boulongne la grasse, il suiuit, ainsi que requiert la ceremonie des moindres Princes aux plus grands. Apres la mort de Charles v. l'Empereur Ferdinand ne peut obtenir confirmation du pape de son election, ains il fut menassé du pape d'estre interdit de manier les affaires de l'Empire: en sorte qu'il fut contraint d'employer la faueur des Roys de France & d'Espaigne pour appaiser le Pape. ce que les Princes de l'Empire trouuerent fort mauuais, veu qu'ils auoient promis d'employer toute leur puissance pour defendre la majesté de l'Empire contre les entreprises du pape, comme i'ay appris des lettres de l'Ambassadeur du Roy, datees à Viene au mois de Iuillet M.D.LIX. Et pour monstrier vne submission plus grāde des Empereurs aux papes, c'est que la subscription des lettres de l'Empereur au pape porte ces mots: Je baise les pieds & les mains de vostre saincteté, comme i'ay veu par les lettres de l'Empereur Charles v. au pape Clemēt VII. ce qu'il ne faisoit point par vne courtoisie affectee, mais de fait il baisoit treshumblement les pieds au pape, en la plus grande assemblee qui se trouuoit, qui ne fut iamais plus belle qu'en Prouence, où estoit le pape, l'Empereur, les Roys de France & de Nauarre, les Ducs de Sauoye, de Bouillon, de Florence, de Ferrare, Duuirtemberg, le grand Maistre de Malte, & plusieurs autres Princes & grands Seigneurs, qui baisèrent tous les pieds du Pape, horsmis les Ducs de Bouillon, & Duuirtemberg Protestans. qui n'estoit pas pour auoir absolution (comme fist ce Duc de Venize, lequel print la corde au col, marchant à quatre pieds deuant le pape Clement v.) ou pour achepter paix comme fist Frideric Barberousse, lequel pour auoir son fils prisonnier endura que le pape Alexandre III. marchast sus sa teste, si les histoires sont veritables. Qui sont tous argumens indubitables, que les Papes ont bien rauulé l'ancienne grandeur des Empereurs: aussi disent-ils qu'ils sont plus grands que les Empereurs, & d'autant plus grands que le ⁶ Soleil est plus grand que la Lune: c'est à dire six mil six cens quarante & cinq fois, & sept hui-
tiesmes

tiesmes dauantage, si nous croyons à Ptolemee. Et qui plus est, ils ont tousiours pretendu droit à l'Empire: car le siege imperial vacant, ils ont baillé les inuestitures à ceux qui releuoient de l'empire: comme ils firent à Iean & à Luchin Vicomtes de Milan, vacant le siege imperial l'an m. cccxli. où ils sont appelez Vicaires de l'Eglise Romaine, & non pas de l'empire: avec defences d'obeir à Loys de Bauieres, qui estoit excommunié. Et pour ceste cause les canonistes⁸ soustiennét, quel'Empereur ne peut ceder la dignité imperiale, sinon au Pape: & la raison qu'ils⁹ disent est, quel'Empereur tient la couronne imperiale des hommes, & le Pape de Dieu: cōbien que l'une & l'autre, & generallyment toute puissance est donnee de Dieu. Toutefois l'Empereur Charles v. resigna la dignité imperiale entre les mains des electeurs, & l'enuoya par le Prince d'Orenge. Mais quoy que le Pape pretende la souueraineté, non seulement spirituelle, ains aussi temporelle sur tous les princes Chrestiens, & qu'il ait acquis ceste puissance sur les vns par tiltres & cessions, sur les autres par prescription & iouissance: si est-ce que le royaume de France s'est tousiours garenti, quoy qu'ils se soient efforcez de l'assugetir à eux, excommuniant nos Roys, qui n'i vouloient point entendre, afin de faire reuolter leurs sugets, comme ils faisoient és autres pays. mais voyant l'obeissance grande des François enuers leur Roy, & l'amour reciproque de nos Roys enuers leurs sugets, ils interdirent & Roy, & royaume, & sugets: comme fist Boniface viii. sous le regne de Philippe le Bel, l'excommuniant, & ceux qui le tiendroient pour Roy: mais le Roy luy enuoya lettres telles qu'il meritoit, qui se trouuent encores au thresor, avec vne armee sous la conduite de Noguairel, portant decret de prise de corps, en vertu duquel il constitua le Pape prisonnier, luy faisant cognoistre que le Roy n'estoit pas son suget, comme il l'auoit qualifié par sa bulle. Et neantmoins il se porta pour appellant des interdictions de Boniface au concile superieur de celuy qui greuoit, par l'aduis des princes & gens de son conseil. Et long temps au parauant Philippe le Conquerant, & son royaume excommunié par le^o Pape Alexandre iii. qui le vouloit assugetir, luy fist response, qu'il ne tenoit ni de Pape ni de prince qui fust sus la terre. i'ay veu la lettre qui se trouue encores au thresor de France, au cofre coté *Anglia*. Et combien que depuis encores Benoit xiii. & Iules ii. papes ayent excommunié nos Roys, si n'ont-ils rien diminué, ains plustost acceu l'obeissance des sugets: car il se trouue que le porteur de la bulle d'interdiction fut constitué prisonnier, & sa bulle laceree publiquement par arrest de la Cour. Et d'autant que Iean de Nauarre, soy disant Comte Palatin, fist quelques notaires, & legitima des bastars, en vertu du pouuoir qu'il disoit auoir du pape, il fut condamné par arrest du parlement de Toulouze, comme coupable de leze majesté. Et mesmes il y a au thresor de France vne bulle de Clement cinquiesme pape, par laquelle non seulement il ab-

7. cap. cum olim de priuilegiis cleric. cap. & si summus pontifex de sentent. excommunicator.

8. cap. i. de renunci. at. lib. 6. notat. in l. barbarius de offic. prætor.

9. Bald. in procemio feudor.

1. Pauli ad Rōm.

cap. 14. & §. 1. quomodo oporteat episcopos. illic dicitur imperium & sacerdotium ex eodem fonte manare.

o. ut est in cap. nouit. de offi. delegati cap. non est. de sponsal. cap. 1. de postul. prælector.

1. l'an 1462 le 25. May Benedic. in cap. Raynut. in verbo Adela-ziam. q. 242.

soult Philippe le Bel, & ses sugets de l'interdiction de Boniface, ains aussi il declare le Roy & le royaume exempt de la puissance des papes. Et mesmes Alexandre quatriesme pape donna ce priuilege au royaume de France, qu'il ne peult estre interdit: ce qui depuis a esté confirmé par sept papes consecutiuellement: à sçauoir Gregoire v i i i. ix. x. x i. Clement quatriesme, Urban cinquiesme, Benoist douziesme, desquels les bulles sont encores au thresor de France. Qui sont tous argumens pour monstrier les souuerainetez, franchises & libertez des Roys & royaume de France, quoy que die Iean² Durand Euesque de Mande, que les Roys de France sont sugets au pape, quant au serment. ce qui ne merite point de responce. c'estoit au temps qu'en vertu du serment opposé aux contrats, les iuges ecclesiastiques attiroient la cognoissance, & iurisdiction de toutes choses: ce qui leur fut osté par edits & arrests de la Cour. à quoy se peut rapporter la submission du Roy Philippe de Valois à la iurisdiction de la châtre du pape, pour vne obligation à cause de prest fait au Roy par Clement v i. pape de la somme de trois cens trente mil florins d'or. qui est vne clause ordinaire en toutes obligations, en vertu de laquelle le pape mesmes seroit obligé au moindre qui soit par les reigles de droit^o commun. Et d'autant que le pape Clement v i. estoit de la maison de Turene, il semble que pour ceste somme qu'il presta, les Comtes de Turene ont eu les grands priuileges, desquels ils iouissent encores. Il y en a bien qui ont pretendu que les Roys de France doiuent prendre la couronne royale de la main des papes, d'autant que le Roy Pepin la print à S. Denys en France du pape Zacharie: comme si par vn acte en solennitez discontinuees, & de telle consequence pouuoit donner droit: ce qui ne se feroit pas en l'aquisition de la moindre seruitude discontinuee, sinon par prescription de³ cent ans. combien que le Roy ne laisse pas d'estre Roy sans le couronnement, ni consecration, ceremonies, qui ne sont point de l'essence de la souueraineté. Mais on ne peut nier, que si la donation de l'exarcate de Rauenne & de Pentapole, qui est l'un des plus beaux pays d'Italie, est faite par les Roys de France aux papes & à l'eglise de Rome, que cela ne soit tenu de la couronne de France: veu que la confirmation des seigneuries ainsi donnees fut demandee à Loys Debonnaire successeur de Charlemagne, comme Charles Sigon escrit auoir veu la confirmation. & de cela on peut tirer deux arguments trescertains: l'un, que la donation estoit faite par les predecesseurs de Loys Debonnaire: l'autre, que la souueraineté estoit retenue: autrement il n'estoit point besoin d'auoir confirmation, attendu que le Roy Pepin auoit acquis les terres par le droit des armes sus les Empereurs de Constantinople, qui enuoyerent Ambassadeurs expres en France à Pepin, pour empescher l'effect de la donation, & ne peurent rien obtenir, comme on peut voir en l'histoire de Floard & de Sigon. Et qui plus est, Augustin Onophre,

2. in titul. de appel. §. nunc hactenus & glo. & Io. Andr. in cap. per venerabilē. qui filij sunt legit.

o. l. si quis in cōseruendo. de pactis. C.

3. l. hoc iure. §. ductus aqua de aqua quotidiana.

phre, Chambrier du Pape, qui a veu tous les registres & papiers du Vatican, confesse, parlant des Papes, que l'exarcate de Rauenne, la Romandiole, le Duché d'Urbain, & partie de la Toscane, ont esté donnez à l'Eglise de Rome. mais il ne dit pas ce que i'ay leu en l'extrait du registre du Vatican, que Iean surnommé *Digitorum*, auoit escrit en lettres d'or la donation pretendue de Constantin, où ces mots sont à la fin : *Quam fabulam longi temporis mendacia finxit*. Je n'ay rien voulu chager. qui sont argumens beaucoup plus forts que ceux de Laurens Vale, pour couuaincre les mensonges d'Augustin Egubin, qui a forgé en Grec la donation de Constantin, pour luy donner lustre. mais Sigon & Onophre Italiens l'ont assez dementi. Voila quant à la grâdeur & souueraineté de la maison de France. Je ne touche point ici la grâdeur & souueraineté du Negus d'Ethiopie, qu'on appelle Prestre Iean, qui a 12 Roys tributaires, comme dit Paul Ioue, ou pour mieux dire Gouverneurs de Prouinces, qui luy rendent non seulement les tributs ordinaires, ains aussi la foy & hommage en plus grande humilité, que les esclaves ne font à leur seigneur, ainsi qu'on peut voir en l'histoire de François Aluarez Portugalois, qui a demeuré six ans en Ethiopie : & neantmoins ils sont appelez Roys sans propos : quoy que soit ils ne sont point souuerains absolument, puis qu'ils sont tributaires, & qu'ils rendent la foy & hommage à autrui. Quant aux Princes qui ne sont pas Chrestiens, ie n'en puis rien dire, pour le peu d'assurance que nous en auôs par les escrits & rapports d'autrui : si est-ce toutefois qu'il y a vn chapitre de l'Alcoran, où il est expressément defendu à tous princes Musulmans (c'est à dire fideles) de s'appeller Seigneurs, horsmis au Caliph, ou grâd Pôrtife. Et par le moyen de ceste defense les Pontifes Mahometans empieterent la souueraineté absolue par dessus tous les princes, donnât les Royaumes & principautez à qui bon leur sembloit, en qualiré de gouuernemens. qui peut estre la cause, qu'il n'y a prince Musulman qui porte couronne en teste, iacoit que les plus anciens Roys d'Asie & d'Afrique portoient couronne, & mesmes Ioiada Pontife ayant sacré Ioas Roy de Iudee luy posavne couronne sus la teste. Toutefois les princes Musulmans soustiennent, que ce chapitre n'est point du Legislatteur, ains des Pontifes (car de plusieurs Alcorans diuersifiez ils en ont fait vn, long tēps apres la mort de Mehemet) qui ont adiousté ce chapitre pour l'acroissement de leur majesté. Et d'autant qu'il y eut trois Antipontifes à qui l'emporteroit, les princes de Perse, les Curdes, Tartares, Turcs, & les Sultans d'Egypte, puis les Roys de Maroc, de Fez, de Telenfin, de Tunes, de Bugie, & les peuples des Zenetes, & de Luntune s'exempterent de l'obeissance des Caliphes, pour tenir leurs Royaumes en souueraineté : comme aussi font les Roys de Tombut, de la Guynée, de Gaoga, & autres Roys d'Afrique, horsmis ceux qui tiennent en foy & hommage du Roy de Portugal, comme les Roys de Calecut, de Malachie, de Cambarre, de Canor, qu'ils ont con-

Le Roy de Portugal a plusieurs Roys feudataires & tributaires.

traints à ce faire, & à payer tribut, & occupé vne bõne partie des royaumes de Maroc & de la Guynée, & basti vne forteresse en l'isle d'Ormus à la barbe du Roy de Perse, prenant les peages des marchans qui abordēt en la mer Persique: & eussent fait le semblable en la mer rouge, si le Barnagas, gouuerneur de ceste coste là, & suget du Roy d'Ethiopie, ne les eust taillez en pieces, & ruiné la forteresse qu'ils auoient commencee à fonder sous le voile d'alliance & d'amitié contractee par Lopez Ambassadeur du Roy de Portugal avec le Roy d'Ethiopie, l'an M. D. XIX. Et neantmoins il est bien certain, que le Roy de Portugal estoit anciennement feudataire du Roy de Castille: & le Royaume de Portugal, membre du Royaume de Castille, qui fut donné à Henri frere de Godfroy de Bouillon, en espousant la bastarde d'Alphons Roy de Castille. duquel mariage sont issus tous les Roys de Portugal depuis quatre cens cinquante ans, qui continuent encores, & se sont exemptez de la souueraineté de Castille, & tiennēt plusieurs Roys tributaires, & feudataires: car il n'y a point de Roys feudataires en Asie, ni en Afrique qui ne soient aussi tributaires: mais anciennement les Roys de Perse & les Romains, se contentoient d'auoir les Roys tributaires. comme par les Romains, apres auoir vaincu Philippe II. Roy de Macedoine, il fut dit qu'il payeroit tous les ans certain tribut, que son fils Perseus, doutant de ses affaires, offrit aux Romains. Mais aussitel Roy estoit tributaire, qui en auoit d'autres sous luy: comme Dauid rendit tous les Princes de la Palestine, & circonuoisins ses tributaires, & neantmoins ses successeurs estoient tributaires des Roys de Perse. Ainsi estoit le Roy de Sclauonie, & la republique de Carthage tributaires des Romains, sans autre diminution de leur majesté. Mais il y a difference entre tribut & pension: car l'un se paye pour auoir la paix, l'autre pour auoir ayde & secours, ou pour la protection. Vray est que celuy qui reçoit la pension, ordinairement l'appelle tribut, comme faisoient les Anglois la pension de cinquante mil escus, que leur payoit le Roy Loys XI. par le traité de Piquenini, iusques à ce que la fille d'Angleterre fust mariee à Charles VI. Philippes de Comines dit sur cela, que ce n'estoit ni pension ni tribut: mais il faut que ce soit l'un ou l'autre. Ainsi le grand seigneur appelle l'Empereur son tributaire, pour la pension de Hongrie qu'il paye tous les ans: & en cas pareil les Venitiens, Geneuois, Rhagusiens, les Roys d'Alger & de Thunes sont par luy appelez ses tributaires, ores que par les traitez & lettres du Turc ils soient qualifiez grands amis & allies. Mais le grand Precop de Tartarie, qui estoit anciennemēt seigneur souuerain de tous les Royaumes depuis le fleue Volha, iusques au Boristhene, tenoit tous les Princes & seigneurs de ces pais là comme ses tributaires, & feudataires, qui se mettoient à genoux non seulement deuant luy, ains aussi estoient debout deuant ses Ambassadeurs assis: & entre les autres, le grand Knez de Moschouie souffroit mille indignitez, qui pour ceste cause n'est en-

Difference de pension & tribut.

3. Sigismundus libro in historia Moscho. Le Knez de Moscouie est Prince absoluemēt souuerain.

cores

cores appelé que Duc par les autres princes souverains, iàçoit que l'an M. D. XXIII. les Ducs se sont afranchis de l'obeissance du Precop, duquel Sultan Selim bisayeul de cestui-ci espousa la fille: & le premier Duc qui se reuolta contre luy fut Basile I. qui s'appella grand Chambellan de Dieu, & Roy de Moschouie, & cestui-ci qui est à present, en dépit de quoy les autres princes l'appellent Duc, se qualifie grand Empereur: comme à la verité c'est l'un des plus grands & redoutez Monarques qui soit. non pas que l'estendue de pais face le Prince plus ou moins souverain. car combien que le Roy Eumenes n'eust plus qu'un chasteau en toute sa puissance, si est-ce quand il fut question de capituler avec Antigon Roy d'Asie, qui vouloit auoir la prerogatiue d'honneur, il fist response qu'il ne recognoistroit iamais plus grand que soy, tant qu'il auroit l'espee au poing. Et toutefois entre les Seigneurs absoluëment souverains, il y a prerogatiue d'honneur des plus anciennes Republiques, ou Monarchies, aux modernes, & nouvelles, ores qu'elles soient plus grâdes & plus puissantes. cōme il se voit entre les XIII. Cantons des Suisses, qui sont tous souverains, & ne recognoissent Prince ni monarque du monde pour souverain: le Canton de Suric a la prerogatiue d'honneur: & le député du Canton de Suric preside aux estats, & reçoit au nom de tous les Cātons les ambassadeurs des Princes & Republiques, & à luy seul appartient de faire assembler les estats de tous les Cantons, & les licencier: iàçoit que le Canton de Berne est de beaucoup plus grâd, & plus puissant, & puis apres Berne, Lucerne & Vri, ores qu'il n'ait point de murailles, non plus que Schuuits & Vnderualden, qui suivent en ordre, & puis Zoug, Glaris, Basél, Fribourg, Soleure. On pourroit dire que cela s'est fait selon le temps que chacun Canton est entré en alliance: mais les traitez descouurent le contraire, par lesquels il appert, que les premiers qui traiterent alliance, furent Vri, Schuuits, Zoug, Vnderualden. quelquesfois aussi les plus anciens Monarques & Princes perdent la prerogatiue d'honneur quand ils se mettēt en la protection des nouveaux Princes, ou qu'ils se font tributaires: en ce cas il est bien certain qu'ils sont tousiours moindres que les autres: comme il aduint presque à tous les Princes & seigneurs qui chercherent la protection des Romains: les autres demeuroient bien egaux en apparence, & aux traitez, comme les seigneurs d'Autun, qui estoient egaux en traité d'alliance fait entr'eux & les Romains, s'appellans freres les vns des autres: & neantmoins en effect les Romains auoient la préminence, & mesmes l'Empereur Auguste se monstra fort ceremonieux aux honneurs, qn'il distribuoit aux Roys & Princes alliez, & sous la protection de l'Empire de Rome: faisant des Ethnarques, & Tetrarques, ceux-ci moindres que ceux-là: & les Roys plus grands que les Ethnarques: & les plus anciens alliez des Romains à ceux qui estoient les derniers. Et cōbien que sous l'estat populaire les Romains ne fussent pas si soigneux de telles cere-

+ Plutar. in Eumenc.

Degrez d'honneur entre les Princes souverains egaux.
Ordre des Cantons de Suisse.

Degrez d'honneur entre les Princes alliez des Romains.

o. Ioseph.
Roys Ethnarques, Tetrarques,

monies, si est-ce qu'ils en ont aussi esté curieux, comme on peut voir du differend qui fut entre Perseus Roy de Macedoine & Q. Martius Ambassadeur des Romains, à qui passeroit la riuere de la frontiere de Macedoine. l'Ambassadeur le gaigna par douceur de paroles, pour monstrier, comme il dist aux alliez, que la dignité des Romains estoit plus grande que celle du Roy de Macedoine, qui toutefois ne vouloit en rien ceder aux Romains. Et depuis qu'il eut perdu son estat, & son armee, & qu'il ne pouuoit fuir ses ennemis, il escriuit à Paul Æmil general de l'armee des Romains, se qualifiant encores Roy: mais on ne voulut pas lire, ni ouurir ses lettres qu'il n'eust osté la^e qualité de Roy, qui n'est propre sinon à celuy qui est souuerain, & ne tient de Prince quelconque. Qui fut la cause que le Roy François I. remonstra au Cardinal Bibiene Legat en Frâce, que son maistre ne deuoit pas endurer que l'Empereur Charles V. s'appellast Roy de Naples & de Sicile, veu qu'il n'estoit que vassal: & le Legat en aduertit le Cardinal de Medicis, qui depuis fut Pape, afin que ceste qualité fust rayee, qu'il disoit par ses lettres estre defendue aux Roys de Naples. toutefois le Legat n'auoit pas bien leu les registres du Vatican (en quoy plusieurs Ambassadeurs mal instruits és affaires de leurs maistres font de notables fautes) veu que la qualité Royale est inferée aux inuestitures de Charles de France, de Carobert, & de Ieanne. Et faudroit par mesme suite de raisons rayer la qualité au Roy de Boheme, qui tient son Royaume en foy & hommage de l'Empire: & non pas pour ce qu'il est trop petit, comme plusieurs ont escrit, que ce n'est pas Royaume pour ceste cause: qui seroit mesurer les Roys à l'aulne: mais c'est d'autant que le pais de Boheme fut erigé en Royaume par l'Empereur Frideric I. & pour tiltre d'honneur seulement, sans prejudice des droits & souuerainetez de l'Empire. Mais à dire vray ceste qualité ne peut conuenir au feudataire d'autrui, qui n'a rien en tiltre de souueraineté. Et peut estre que ce fut la cause, que le Pape Pius III. ne donna la qualité royale à Cosme duc de Florence, ores qu'il en eust fort bon vouloir: de quoy estant aduertit l'Empereur par l'Ambassadeur de Frâce, dit: *Italia non habet Regem, nisi Casarem*. Ce qui doit estre entendu de l'Empire; duquel les terres du Duc de Florence sont tenuës, & non pas de l'Empereur qui est suget aux estats de l'Empire: iacôit que tous les Princes Chrestiens luy cedent la prerogatiue d'honneur apres le Pape, comme chef de l'Empire: tout ainsi que les Roys de France, apres l'Empereur, ont la precedence par dessus tous les Princes Chrestiens: laquelle prerogatiue d'honneur n'est pas seulement acquise par longue possession; ains aussi pour ce qu'il n'en a point de pareille, ou qui ait vne si longue suyte de Roys. Et mesmes Balde Iurisconsulte Italien & suget de l'Empire dit, que le Roy de France porte la couronne de gloire par dessus tous les Roys, qui luy ont tousiours deferé cest honneur. & qui plus est le Roy d'Espaigne, qui depuis peu d'annees l'a voulu debatre

o. Liuius lib. 35.

5. Hostiensis in cap. cōstitutus. de restib. Baptista Castellani in canon. scitote 6. q. 3.


6. In consilio petita venia Oldrad. consil. 69.

tre, en fut debouté à Venize par arrest du Senat, à la poursuite du sieur Darques, l'an M. D. LVIIL. & depuis encores par arrest du pape, donné du consentement de tout le consistoire des Cardinaux, où le pape dist haut & clair, que les Roys de France estoient les anciens protecteurs de l'eglise Romaine, & que les plus belles pieces de la maison d'Espaigne estoient demêbrees de la maison de France: & disoit verité, pour amender la faute qu'on auoit faite de preposer au Concile de Trente Mendozze Ambassadeur d'Espaigne à l'Ambassadeur de France, qui pour lors estoit le seigneur de Lansac, assisté de M. M. du Ferrier & du Faur des plus dignes personnages qui furent oncques employez en charge d'Ambassadeurs. Toutefois l'Ambassadeur d'Espaigne depuis les deux arrests que i'ay dit, voulut encores à Viene en Autriche, obtenir lieu egal au Sieur de la Forest Ambassadeur de France, ou que la precedence fust partie par moitié, comme les Consuls Romains, qui auoient la precedence, & les XII. Massiers, avec puissance de commander successiuellement & chacun son iour. Ce que le Roy ayant entendu rescriuit à son Ambassadeur, que la precedence estoit de telle consequence, qu'il ne deuoit ouurir la bouche pour en parler, sans expres mādemēt. L'Empereur ne voulant offenser ni l'un ni l'autre, fist defense aux Ambassadeurs de se trouuer aux ceremonies, & assembles publiques. le Senat de Poloigne empesché sus la mesme difficulté, ne voulut preferer, ni egalier l'un à l'autre: mais il ordonna que les premiers venus seroient les premiers oüys. & d'autāt que M. de Monluc euesque de Valence (qui pour sa prudence & dexterité au maniement des affaires d'estat, a eu quinze fois charge d'Ambassadeur) estoit le premier venu, il fut oüy le premier. de quoy l'Ambassadeur d'Espaigne irrité ne voulut rien dire, cōme i'ay sceu de M. Daques Abbé de Belle-isle, homme d'honneur & de vertu, qui lors estoit aussi Ambassadeur en Poloigne, & maintenant à Constantinople. Mais au parauāt l'an M. D. LVIII. iamaïs prince Chrestien n'auoit reuoké en doute la precedence de la maison de France: & mesmes les Anglois l'ont rousiours preferee à la maison d'Espaigne, quoy qu'ils fussent anciens allies, & amis de l'une, & ennemis de l'autre: & apres la mort de Marie, au chapitre tenu par les Cheualiers de l'ordre de la jartiere, la vigille S. Georges l'an M. D. LV. il fut arresté que la place du Roy de France seroit aupres du chef de l'ordre à main dextre, où au parauant estoit celle d'Espaigne, lors que le Roy Philippe estoit marié à la Roynne: & le iour S. Georges, on garda place au Roy de France au costé dextre, & au Roy d'Espaigne à fenestre, aupres de la place de l'Empereur, qui estoit vuide. Et depuis au temps de Charles IX. la Roynne d'Angleterre fist mettre la banniere de France de mesme estoffe & grandeur que la sienne, comme le Roy fut aduertit par M. de Foix lors Ambassadeur, qui ne fait pas moins d'honneur à la grandeur de sa maison, qu'il en a receu: & au roole qui est tous les ans signé de la Roynne, le nom

du Roy de France est le premier après le sien. Mais pour ôter ses difficultez, & les ialousies entre les Princes, qui autrement sont inévitables & dangereuses, il est porté par le xii. article des ordonnances de Loys xi. touchant l'ordre des Cheualiers, qu'ils seront mis en ordre selon le temps de leur reception sans prerogative de Roy ni d'Empereur. Mais chacun Prince souverain, & qui n'est ni tributaire, ni feudataire, ni en protection d'autrui, peut distribuer en son pais les prerogatives d'honneur à qui bon luy semblera, tenant tousiours le premier rang. on sçait assez que les Seigneurs de Venize, de Genes, de Raguse, les Roys de Pologne & de Moschouie, ont traité alliance avec le Roy des Turcs: si est ce qu'il a tousiours deféré la prerogative d'honneur au Roy de France, l'appellant par ses lettres le plus grand, & le maieur des plus grands Princes Chrestiens. & luy se qualifie le plus grand de tous les Empereurs, & le premier Sarrach des Musulmans, c'est à dire, le Prince des fideles: & quant à ceste derniere qualité les Princes Chrestiens mesmes luy donnent par leurs lettres. Et quant au premier tiltre il semble qu'il a pris des anciens Empereurs de Constantinople, qui portoiēt en armoiries quatre B. que les nostres appellent fusils: qui veulent dire, ΒΑΣΙΛΕΥΣ ΒΑΣΙΛΕΩΝ ΒΑΣΙΛΕΥΩΝ ΒΑΣΙΛΕΥΣΙ, c'est à dire Roy des Roys, regnât sus les Roys. qui estoit la qualité que prenoiēt anciennement les Roys de Babylone, comme on peut voir en Ezechiel, qui appelle מלך מלכים le Roy Nabucodonosor, d'autant que tous les Roys d'Asie luy estoient tributaires, & depuis les Roys de Perse, comme escrit Esdras: & apres eux les Roys de Parthe vsurperent ceste qualité, comme Dion escrit de Phraates roy de Parthe, qu'il s'appelloit Roy des Roys. mais les princes feudataires ne se peuvent qualifier Roys, Ducs, Marquis, Comtes, Princes, ni vser du tiltre de majesté, ains seulement d'altesse, ou serenité, ou excellence, comme nous auons dit.

*DES VRAYES MARQUES
de Souueraineté.*

C H A P. X.



D V I s qu'il n'y a rien plus grand en terre apres Dieu, que les Princes souverains, & qu'ils sont establis de luy, comme ses lieutenans, pour commander aux autres hommes, il est besoin de prendre garde à leur qualité, afin de respecter, & reuerer leur majesté en toute obeissance, sentir & parler d'eux en tout honneur. car qui mesprise son Prince souverain, il ° mesprise Dieu, duquel il est l'image en terre. C'est pourquoy Dieu parlât à Samuel, auquel le peuple auoit demadé vn autre Prince: C'est moy, dit-il, à qui ils ont fait iniure. Or afin qu'on puisse cognoistre celuy qui est tel, c'est à dire, Prince souverain, il faut

o. I. Samuel 8. 7. Exo-
di 22. 28. Petri 2. 17. ad
Roman. 14. Timoth.
2. Hierem. 38. Eze-
chiel. 17.

faut ſçauoir ſes marques , qui ne ſoient point communes aux autres ſugets: car ſi elles eſtoient communes, il n'i auroit point de Prince ſouuerain : & neantmoins ceux qui en ont mieux eſcrit n'ont pas eſclairci ce poinct comme il meritoit, ſoit par flaterie, ſoit par crainte, ſoit par hayne, ſoit par oubliance . Nous liſons que Samuel ayant ſacré le roy que Dieu auoit eſleu, fiſt vn liure des droits de la majeſté: mais les Hebreux ont eſcrit, que les Roys le ſupprimerent, afin d'exercer la tyrannie ſur les ſugets. En quoy Melanchthon s'eſt meſpris, qui a péſé que les droits de la majeſté, ſoient les abus, & tyrannies, que Samuel diſt au peuple en ſa harangue : Voulez vous ſçauoir, dit-il, la couſtume des tyrans ? c'eſt de prendre les biens des ſugets pour en diſpoſer à leur plaiſir , prendre leurs femmes & leurs enfans pour en abuſer, & en faire leurs eſclaves . Le mot ממשפטים ne ſignifie pas droits en ce lieu là, mais couſtumes & façons de faire . autrement ce bon prince Samuel ſe fuſt dementi ſoymeſme: car quand il rendit conte au peuple de la charge que Dieu luy auoit dōnee , Qui eſt celuy, dit-il, d'entre vous, qui peut dire que iamais i'ay pris de luy or ou argent, ou preſent quelconque? alors tout le peuple luy donna ceſte louange à haute voix, qu'il n'auoit iamais fait tort, ni rien pris de perſonne quel qu'il fuſt. Entre les Grecs il n'i en a pas vn qui en ait rien eſcrit, qui ſoit en lumiere, horsmis Ariſtote, Polybe, & Denys d'Alycarnas: mais ils ont tranché ſi court, qu'on peut iuger à veuë d'œil, qu'ils n'eſtoient pas bien reſolus de ceſte queſtion . Je mettray les mots d'Ariſtote, Il y a, dit-il, ² trois parties de la Republique: l'vne à prendre

aduis & conſeil: l'autre à eſtablir officiers, & la charge d'vn chacun : & la troiſieſme à faire iuſtice. il a entendu parler des droits de la majeſté, encores qu'il die parties de la Republique: ou bien il faut confeſſer qu'il n'en a point parlé, car il n'i a que ceſt endroit là . Polybe ne determine pas auſſi les droits, & marques de ſouueraineté, mais il dit³ parlant des Romains, que leur eſtat eſtoit meſlé de puissance royale, de ſeigneurie Ariſtocratique, & de liberté populaire, veu, dit-il, que le peuple fait les loix & les officiers: & le Senat ordonne des prouinces, & de l'eſpargne, & reçoit les Ambaſſades, & cognoiſt des plus grandes choſes: les Conſuls tiennent la prerogatiue d'honneur, en forme & qualité royale, meſmes en guerre, où il ſont tout-puiſſans . En quoy il appert qu'il a touché les principaux poincts de la ſouueraineté: puis qu'il dit, que ceux qui les ont tiennent la ſouueraineté.⁴ Denys d'Alycarnas ſemble auoir mieux eſcrit, & plus clairement que les autres . Car il dit que le Roy Seruius pour oſter la puissance au Senat, dōna pouuoir au peuple de faire la loy, & la caſſer: decerner la guerre, & la paix : inſtituer, & deſtituer les officiers: & cognoiſtre des appellations de tous les magiſtrats . & en autre lieu parlant du troiſieſme trouble aduenu en Rome entre la Nobleſſe & le peuple, il dit, que le Conſul M. Valerius remonſtra au peuple, qu'il ſe deuoit contenter d'auoir la puissance de faire les loix, les officiers, &

2. lib. 4. de Repub.

3. lib. 6. de Militari domestica. q. 3. Rom. disciplina.

4. lib. 4. & 7.

le dernier ressort : & quant au reste, qu'il appartenait au Senat. Depuis les Jurisconsultes ont amplifié ces droits, & les derniers beaucoup plus que les premiers aux traitez qu'ils appellent Droits de regales: qu'ils ont rempli d'une infinité de particularitez qui sont communes aux Ducs, Comtes, Barons, Euesques, officiers, & autres sugets des Princes souverains: en sorte mesmes qu'ils appellent les Ducs Princes souverains, comme les Ducs de Milan, Mantouë, Ferrare, & Sauoye: voire iusques aux Comtes: & tous sont en cest erreur: qui a bien grande apparence de verité. Et qui est celuy qui ne iugeroit souverain, celuy qui donne loy à tous ses sugets: qui fait la paix & la guerre: qui pourroit tous les officiers & Magistrats de son pays: qui leue les tailles, & afranchist qui bon luy semble: qui done grace à celuy qui a merité la mort: que peut on desirer d'avantage en un Prince souverain? ceux-ci ont toutes ces marques de souveraineté. Et neantmoins nous avons monsté ci dessus, que les Ducs de Milan, de Sauoye, de Ferrare, de Florence, de Mantouë releuent de l'Empire: & la plus honorable qualité qu'ils prennent, c'est de Princes, & Vicaires del'Empire: nous avons monsté qu'ils ont les inuestitures del'Empire: qu'ils prestent la foy & hōmage à l'Empire: brief qu'ils sont naturels sugets de l'Empire, originaires des terres sujettes à l'Empire: comment donc pourroient-ils estre absolument souverains? comment seroit souverain celuy qui reconnoist la iustice d'un plus grand que luy? d'un qui casse ses iugemens, qui corrige ses loix, qui le chastie s'il commet abus? nous auons monsté que Galeace r. Vicomte de Milan fut accusé, atteint, conuaincu, & condamné de leze majesté par l'Empereur, pour auoir leué tailles sur les sugets, sans congé, & qu'il mourut prisonnier. Et si les vns par congé, les autres par souffrance, les autres par vsurpation entreprennent par dessus la puissance qu'ils ont, s'ensuit-il qu'ils soient souverains, veu qu'ils se confessent Vicaires & Princes del'Empire? il faudroit donc rayer ceste qualité, & celle de Duc, & la qualité d'altesse, & se qualifier Roys, vsr du tiltre de majesté: qui ne se peut faire sans desauouer l'Empire, comme fist Galuaigne Vicomte de Milan, qui en fut bien chastié. Nous auons aussi monsté, que par le traité de Constance, les villes de Lombardie demeurèrent sujettes à l'Empire. Brief, nous auons monsté les absurditez intolerables qui s'en ensuiuroient, si les vassaux estoient souverains, mesme-ment quand ils n'ont rien qui ne releue d'autrui: & que ce seroit egaler le seigneur & le suget, le maistre & le seruiteur, celuy qui donne la foy, avec celuy qui la reçoit, celuy qui commande, avec celuy qui doit obeissance. Puis que cela est impossible, il faut bien conclure que les Ducs, Comtes, & tous ceux qui releuent d'autrui, ou qui reçoivent loy, ou commandement d'autrui, soit par force ou par obligation, ne sont pas souverains. Nous ferons mesme iugement des plus grands Magistrats, Lieutenans generaux des Roys, Gouverneurs, Regens, Dictateurs, quelque

5. Castrenf. consil. 196. lib. 2. Decius cō-
sil. 191. nu. 1. Cur. iu-
nior consil. 1. nu. 29.
& 30. & consil. 61. nu.
8. Paris consil. 1. nu.
25. lib. 1. Bossius tit.
de crim. maiestat.
nu. 52. & in tit. de re-
gal. nu. 5. de ducib.
Mediolani, Mantu.
Ferrar. Sabaud. So-
cin. consil. 4. lib. 3. Ia-
so. consil. 227. lib. Ca-
cherran. decif. pe-
demont. nu. 1.
6. Brunus de comita-
ru. Astenf. post Bart.
Bald. Angel. Castréf.
Imol. Ifernium, Cu-
manum, Alexandrū,
Barbatiam.

quelque puissance qu'ils ayent, fils sont obligez aux loix, ressort, & commandement d'autrui, ils ne sont pas souverains. Car il faut que les marques de souveraineté soient telles, qu'elles ne puissent convenir qu'au Prince souverain : autrement si elles sont communicables aux sujets, on ne peut dire que ce soient marques de souveraineté. Car tout ainsi qu'une couronne perd son nom, si elle est ouverte, & que l'on en arrache les fleurons : aussi la majesté souveraine perd sa grandeur, si on y fait ouverture, pour empiéter quelque endroit d'icelle. C'est pourquoy à l'eschange fait entre le Roy Charles v. & le Roy de Navarre des terres de Mante, & Meulan avec Montpellier, où les droits royaux sont articulez, il est dit, appartenant au Roy seul & pour le tout : & par mesme raison tous sont⁷ d'accord que les droits royaux sont incessibles, inalienables, & qui ne peuvent par aucun trait de⁸ temps estre prescripts. & si aduient au Prince souverain de les communiquer au sujet, il fera de son seruiteur, son compagnon : en quoy faisant il ne sera plus souverain. car souverain (c'est à dire, celui qui est par dessus tous les sujets) ne pourra convenir à celui qui a fait de son sujet, son compagnon. Or tout ainsi que ce grand Dieu souverain, ne peut faire un Dieu pareil à luy, attendu qu'il est infini, & qu'il ne se peut faire qu'il y ait deux choses infinies, par demonstration naturelle & nécessaire : aussi pouvons nous dire que le Prince que nous auons posé comme l'image de Dieu, ne peut faire un sujet égal à luy, que sa puissance ne soit aneantie. S'il est ainsi, il s'ensuit que la marque de souveraineté n'est pas de faire iustice, par ce qu'elle est commune au Prince, & au sujet : ny pareillement de instituer, ou destituer tous les officiers, par ce que le Prince & le sujet ont ceste puissance, non seulement pour le regard des officiers seruans ou à la iustice, ou à la police, ou à la guerre, ou aux finances, ains aussi pour ceux qui commandent en paix, ou en guerre. car nous lisons que les Consuls anciennement faisoient les Tribuns militaires, qui estoient comme Marechaux en l'armée : & celui qui s'appelloit Interrex faisoit le Dictateur : le Dictateur faisoit le Colonel des gens de cheval. & en toute Republique, où la Iustice est donnée avecques les fiefs, le seigneur feodal fait les officiers, & les peut destituer sans cause, fils n'ont eu les offices en recompense. Nous ferons mesme iugement des peines & loyers que les magistrats, & capitaines donnent à ceux qui l'ont mérité, aussi bien que le Prince souverain. Ce n'est donc pas marque de souveraineté, de donner loyer, ou peine à ceux qui l'ont mérité ; puis qu'il est commun au Prince & au Magistrat : ores que le Magistrat ait ce pouuoir du Prince. Aussi n'est-ce pas marque de souveraineté, de prendre conseil pour les affaires d'estat, qui est la propre charge du priué Conseil, ou Senat d'une Republique, lequel est tousiours diuisé de celui qui est souverain :

7. Alexander in l. filia quam pater de liber. & posthu. Cardinal. Flor. & Iaso in proœmio feudor. Martin. laud. in cap. 1. qui feudum dare poss. Imol. in rubric. de verb. oblig. 8. Bald. consil. 274. lib. 3. & consil. 303. eod. Claud. Aqueus. in summa tit. qui feudum dare poss. limit. 1. & 12. Mol. tit. de feud. §. 46. q. 1 & 2. Magister Prasles tit. de regal. decil. 1. 13. Baldus appellat sacra sacrorum in proœmio feudor. Cynus in diuisibilia in l. si viua matre de bonis mater. C. Bald. in authent. hoc amplius de fideicon. C. Angel. Bald. in l. omnes. de præscript. 30. vel 40. an. C. Platea in l. si quis decurio. Felin. in rubr. ext. de præscript. Io. and. in cap. ult. de præbend. lib. 6. Alexand. consil. 141. not. 2. lib. 1.

& mesmes en l'estat populaire, où la souveraineté gist en l'assemblée du peuple, tant s'en faut que le conseil des affaires soit propre au peuple, qu'il ne luy doibt point estre communiqué, comme nous dirons en son lieu. Ainsi peut on iuger qu'il n'y a pas vn seul poinct des trois que Aristote a posez, qui soit marque de souveraineté. Quant à ce que dit Denys d'Halicarnas, que M. Valerius en la harangue qu'il fist au peuple, pour appaiser les troubles, remonstra que le peuple se debuioit contenter d'auoir la puissance de faire les loix, & les magistrats. Ce n'est pas assez dit, pour faire entendre qui sont les marques de souveraineté: comme i'ay monstre cy dessus, touchant les magistrats. nous dirons le semblable de la loy, que le magistrat peut donner à ceux qui sont au ressort de sa iurisdiction, pourueu qu'il ne face rien contre les edicts & ordonnances de son Prince souverain. Et pour esclaircir ce poinct, il faut presupposer que le mot de Loy sans dire autre chose, signifie le droit commandement de celuy ou ceux qui ont route puissance par dessus les autres sans exception de personne: soit que le commandement touche tous les sugets en general, ou en particulier, horsmis celuy ou ceux qui donnent la loy. combien qu'à parler plus proprement, Loy est le commandement du souverain touchant tous les sugets en general, ou de choses generales: comme dit Feste⁹ Pompee: comme priuilege pour quelques vns. mais si le conseil priué, ou le Senat d'une Republique fait le commandement, cela s'appelle *Senatus-consultum*, ou aduis du conseil priué, ou ordonnance du Senat: Si le menu peuple faisoit quelque commandement, on l'appelloit *plebiscitum*,^o c'est à dire commandement du menu peuple qui en fin fut appelé Loy, apres plusieurs seditions entre la noblesse, & le menu peuple, pour lesquelles appaiser tout le peuple en l'assemblée des grands estats, à la requeste du Consul M. Horace, fist vne loy, que la noblesse & le Senat en general, & chacun du peuple en particulier, seroit tenu de garder les ordonnances que le menu peuple feroit sans y appeller, ny souffrir que la noblesse y eust voix. Et d'autant que la noblesse ny le Senat n'en tenoit compte, la mesme loy fut de rechef renouuellee, & republiee à la requeste de Quintus Hortensius, & de Philon Dictateurs. & deslors en auant on ne dit plus, *plebiscitum*, ou ordonnance du menu peuple, mais on appella loy simplement ce qui estoit commandé par le menu peuple: fust pour le public, ou bien pour vn particulier, ou que le menu peuple fust assemblé pour donner iuges, ou mesmes pour iuger: cela s'appelloit loy. Quant aux commandemens des magistrats ils ne s'appelloient pas loix, ains seulement edicts: *Est enim edictum* (disoit Varron) *iussu magistratus*: lesquels commandemens n'obligent que ceux de sa iurisdiction, pourueu qu'ils ne soyent point contraires aux ordonnances des plus grands magistrats, ou bien aux loix & commandemens du prince souverain: & n'ont force sinon pour tant & si longuement

9. in verbo rogatio, rogatio pluribusve, lex quod in omnes homines resve populus sciuit.

o. l. i. ad. l. aquil. ff.

guement que le magistrat est en charge. & d'autant que tous magistrats estoient annuels en la Republique Romaine, les edits n'auoient force que pour vn an au plus. C'est pourquoy Ciceron accusant Verres disoit, *qui plurimum edicto¹ tribuunt, legem annuam appellant, tu plus edicto complecteris quàm lege*. Et par ce que l'Empereur Auguste ne² s'appelloit que *Imperator*, c'est à dire Capitaine en chef, & Tribun du peuple, il appelloit ses ordonnances edits, & celles que le peuple faisoit à sa requeste s'appelloient *leges Juliae*. les autres Empereurs vsèrent de ceste forme de parler : de sorte que le mot d'edict peu à peu s'est³ pris pour loy, quand il sortoit de la bouche de celuy qui auoit la puissance souueraine : fust pour tous, ou pour vn, ou que l'edict fust perpetuel, ou prouisionnal. Et par ainsi on abuse des mots, quand on appelle loy edict. mais en quelque sorte que ce soit, il n'y a que les Princes souuerains qui puissent donner loy à tous les sugets, sans exception, soit en general, soit en particulier. Mais on dira que le Senat Romain, auoit puissance de⁴ faire loy, & la plus part des grands affaires d'estat en paix ou en guerre, estoient en la puissance du Senat Romain. Nous dirons cy apres de la puissance du Senat, ou conseil priué d'une Republique quel il doibt estre, & quel il a esté en Rome. mais en passant pour respondre à l'argument que j'ay fait, ie dy que le Senat Romain, depuis la fuite des Roys iusques aux Empereurs, n'a iamais eu puissance de faire loy, ains seulement quelques ordonnances, qui n'auoient force que pour vn an : mais le menu peuple n'y estoit point tenu : & moins encore les estats de tout le peuple. En quoy plusieurs se sont abusez, & mesmes Conan^o qui dit que le Senat auoit puissance de faire loy perpetuelle : car Denys d'Halicarnas,² qui auoit recueilli diligemment les memoires de Marc Varron, escript que les arrests du Senat n'auoient force aucune, si le peuple ne les auoit auctorisez, encores qu'ils fussent auctorisez s'ils n'estoient publiez en forme de loy ils n'auoient force que pour vn an ; non plus qu'en la ville d'Athenes, où les arrests du Senat, estoient annuels, ainsi que dit Demosthene au plaidoyé qu'il a fait contre Aristocrate. & si l'affaire estoit de consequence, on la rapportoit au peuple, qui ordonnoit à son plaisir. quoy voyant Anacharsis, les sages, dit-il, proposent en Athenes, & les fols disposent. Et par ainsi le Senat ne faisoit que deliberer, & le peuple commandoit. ce qu'on voit à tout propos en Tite Liue, quand il vse de ces mots, *SENATVS DECREVIT, POPVLVS IVSSIT*. vray est que les magistrats, & mesmement les Tribuns passoient le plus souuent par souffrance ce que faisoit le Senat, si la chose ne portoit coup à la puissance du menu peuple, ou à la majesté des estats. ainsi parloient les anciens Romains, quand ils^o disoient, *Imperium in magistratibus, auctoritatem in Senatu, potestatem in plebe, maiestatem in populo*. car le mot de Majesté, est propre à celuy qui manie le tymon

1. in prætura urbana.
2. Tacit. princip. lib. 1.

3. l. 1. de legib.

4. l. non ambigitur. de legibus.

o. lib. 1.

2. lib. 4. cap. 7.

o. Cicero pro Rabirio perduellionis reo.

4. l. ad l. Iul. maiest.
stat.

5. Liuius lib 7. & 8.

6. l. Prætor ait de noui operis nunciatio.
nc.

7. l. ult. ad l. Iul. ff. l.
quisquis. eod C.

de la souueraineté. & combien que la loy Iulia de la majesté, faite par le peuple, ce requerant l'Empereur Auguste, tient pour ⁴ coupable de leze majesté celuy qui a frappé le magistrat en exerçant son office; & qu'à tout propos on voit és ⁵ histoires Latines, & mesmes, és Iurifconsultes, *majestatem Consulis, majestatem ⁶ prætoris*: toutesfois c'est improprement parlé. Et par nos loix, & ordonnances, crime de leze majesté n'a lieu pour Duc, ny Prince, ny Magistrat quel qu'il soit, ains seulement pour le Prince souuerain. Et par l'ordonnance de Sigismond Roy de Polongne, faite l'an M. D. xxxviii. il est porté, que le crime de leze majesté n'aura lieu hors sa personne: qui est suiuant la vraye, & propre signification de ⁷ leze majesté. Et semble que pour ceste cause les Ducs de Saxe, Bauiere, Sauoye, Lorraine, Ferrare, Florence, Mantouë, ne mettent pas en leurs qualitez le mot de majesté, ains leur Altesse: & le Duc de Venize serenité: qui est (à parler proprement) vray Prince, c'est à dire le premier, car il n'est rien que le premier des gentils-hommes de Venize, & n'a que la conclusion quand il est question des voix, en quelque corps, ou college qu'il se mette. Et tout ainsi qu'à Rome les edits des Magistrats obligeoient vn chacun des particuliers, pourueu qu'ils ne fussent contraires aux arrests du Senat: & les arrests du Senat obligeoient les magistrats, s'ils n'estoient contraires aux ordonnances du menu peuple: & les ordonnances du menu peuple passaient par dessus les arrests du Senat: & la loy des estats de tout le peuple, estoit par dessus tous: ainsi à Venize, les ordonnances des magistrats, obligent chacun en particulier, pour le ressort, & iurisdiction de chacun magistrat: mais le corps & college des dix est par dessus les magistrats particuliers, & le Senat est par dessus les dix, & le grand conseil, qui est l'assemblée de tous les gentils-hômes de Venize au dessus de xx. ans, tient la souueraineté par dessus le Senat: de sorte que si les dix sont partis, ils appellent le conseil des sages, qui sont xxxij. & s'ils ne se peuuent accorder, on assemble le Senat: & si la chose concerne les hauts poincts de la majesté, on assemble le grand conseil. Et par ainsi, quand les dix font vne ordonnance, il y a ces mots, IN CONSIGLIO DI DIECI. & si les sages y ont esté, ils mettent CON LA GIUNTA. si l'ordonnance est du Senat, il y a IN PREGADI. si c'est de l'assemblée des gentils-hommes Venitiens, il y a IN CONSIGLIO MAGGIORE. & en ces trois corps & colleges sont faites toutes leurs loix, & statuts: & les affaires ordinaires d'estat par les sept, qu'ils appellent la seignorie. c'est donc par souffrance, que les dix, ou le Senat font ordonnances, & pour auoir esté trouuees iustes & raisonnables, elles ont passé en force de loy, tout ainsi que les edits des anciens Preteurs Romains, s'ils estoient equitables, & iustes, les successeurs les tenoient: & par trait de temps ils estoient receus comme loix. toutesfois il estoit tousiours en la puissance des nouveaux Preteurs d'en faire d'autres, & n'estoient point obligez à

gez à les garder. Mais Julian Jurisconsulte fauifa de recueillir vn bon nombre de tels edits qu'il iugea les meilleurs, & apres les auoir interpretez, & redigez en quatre vingts dix liures, il en fist vn presët à l'Empereur Adrian, lequel en recompense le fist grand Preuoist de Rome, duquel le fils depuis fut Empereur : & fist que par arrest du Senat, ces edits là furent⁸ homologuez, y adioustant son auctorité pour les faire valoir en force de loix : & neantmoins le nom d'edits demeura. ce qui en a deceu plusieurs, qui ont pris tels edits pour ordonnances des Preteurs. Iustinian a fait quasi le semblable des edits recueillis, & interpretez par les autres Jurisconsultes, & en a homologué ce⁹ qu'il luy a pleu, & regetté le reste, demeurant tousiours le mot *dedit*. mais ce n'est rien moins que edict : non plus que si vn Prince souuerain homologoit les consultations de Bartole, ou les ordonnances de ses magistrats. cōme il s'est fait plusieurs fois en ce royaume, quand les Roys ont veu plusieurs ordonnances, & arrests du Parlement trefequitables, & iustes, ils les ont homologuez, & fait publier, & passer en force de loix. pour monstrier que la puissance de la loy gist en celuy qui a la souueraineté, & qui donne la force à la loy par ces mots, AVONS DICT ET ORDONNÉ, DISONS ET ORDONNONS, &c. & à la fin la commission par ces mots SI DONNONS EN MANDEMENT A TOVS, &c. ce que les Empereurs disoient, *SANSIMVS*, qui estoit le mot propre à la majesté, comme disoit le Consul Posthumius en la harangue qu'il fist au peuple, *Nego in iussu populi quicquam sanciri posse, quod populum teneat.* aussi le magistrat presentant requeste au peuple commençoit par ces mots *QVOD BONVM, FAVSTVM, FOELIXQVE SIT VOBIS AC REIP. VELITIS IVBEATIS.* & à la fin de la loy estoient ces mots, *SI QVIS ADVERSVS EA FECERIT,* &c. qu'ils appelloient *sancitio*, portant les peines, & loyers de ceux qui accompliroient, ou contreuiendroient à la loy. qui estoient formalitez speciales, & propres à la majesté de ceux qui auoient la puissance de faire la loy : & qui n'estoient pas aux edits des magistrats, ny aux arrests du Senat. Ioint aussi que la peine apposee aux loix du Prince souuerain, est bien differente de celle qui est aux ordonnances des magistrats, ou des corps & colleges : qui ont certaines peines, & amendes limitees : mais il n'y a que le Prince souuerain, qui puisse apposer à ses edits la peine de^o mort : comme aussi il a esté defendu par vn ancien arrest du¹ Parlement. & la clause de la peine arbitraire, aposee aux ordonnances des magistrats, & gouverneurs, ne s'estend² iamaïs iusques à la mort inclusiuement. Et par ainsi nous concludrons que la premiere marque du Prince souuerain c'est la puissance de donner loy à tous en general, & à chacun en particulier. mais ce n'est pas assez, car il faut adiouster, sans le consentement de plus grand, ny de pareil, ny de moindre que soy. car si le Prince est obligé de ne faire loy sans le consentement

8. l. 2. de veteri Iure enuclean. C.

9. In proœmi. pandectarum.

o. Bartol. & Bal. in l. cunctos populos de summa trinit. C.

1. In lib. inscripto olim fol. 81.

Premiere marque de la souueraineté.

2. Accurs. in l. 1. ne Christianum mancipium C. & in l. ult. de veteris Numismatis. C. Imol. in l. 2. de publicis Iudic. Marian. Socin in ca. inquisitione. de accusat.

d'un plus grand que soy, il est vray suget: si d'un pareil, il aura compaignon: si des sugets, soit du Senat, ou du peuple, il n'est pas souverain. Et les noms des seigneurs qu'on voit apposer aux edits, n'y sont pas mis pour donner force à la loy, mais tesmoignage; & quelque poix pour la rendre plus receuable. Et mesmes il se trouue des edits tres-anciens à saint Denys en France, de Philippe I. & de Loys le Gros l'an M. LX. & M. CXXIX. où les seals des Roynes Anne, & Alix, Robert, & Hugues y sont apposez: & mesmes l'an du regne de Loys le Gros XII. & d'Alix l'an VI. Or quand ie dy que la premiere marque de souveraineté, est donner loy à tous en general, & à chacun en particulier: ces derniers mots emportent les priuileges, qui appartiennent aux princes souverains, priuatiuement à tous autres. I'appelle priuilege, vne loy faite pour vn⁷ ou peu de particuliers: soit au profit, ou dommage de celuy pour lequel il est ottroyé. ainsi parloit⁸ Ciceron, *Priuilegium de meo capite latum est*. On a fait, dit-il, vn priuilege capital contre moy: il entend la commission decernée contre luy par le menu peuple, à la requeste du Tribun Clode pour luy faire & parfaire son procez: qu'il appelle en plusieurs endroits, *lex Clodia*: de laquelle il se plaint fort, disant que les priuileges ne se pouuoient ottroyer que par les grands estats du peuple, ainsi qu'il estoit porté par les loix des douze tables, en ces⁹ mots, *Priuilegia, nisi comitiis centuriatis ne irroganto, qui secus faxit capital esto*. Et en cela s'accordent¹ aussi tous ceux qui ont traitté les regales: qu'il n'appartient qu'au souverain d'ottroyer priuileges, exemptions, immunités, & dispenser des edits & ordonnances, encores que les priuileges és monarchies n'ayent trait que pour la vie des Monarques: comme Tibere l'Empereur fist cognoistre à tous ceux qui auoient eu quelques priuileges d'Auguste, ainsi que dit Suetone. Mais, dira quelqu'un, non seulement les magistrats ont pouuoir de faire edits, & ordonnances, chacun selon sa puissance, & en son ressort: ains aussi les particuliers font les coustumes tant generales que particulieres. or il est certain que la coustume^o n'a pas moins de puissance que la loy: & si le prince souverain est maistre de la loy, les particuliers sont maistres des coustumes. Ie responds que la coustume prend sa force peu à peu, & par longues années d'un commun consentement de tous, ou de la plus part: mais la loy sort en vn moment, & prend sa vigueur de celuy qui a puissance de commander à tous. la coustume se coule doucement, & sans force: la loy est commandée & publiée par puissance, & bien souuent contre le gré des sugets. & pour ceste cause Dion Chrysostome² comparoit la coustume au Roy, & la loy au tyran. dauantage la loy peut casser les coustumes, & la coustume ne peut derogier³ à la loy, que tousiours le magistrat, & ceux qui ont la charge de faire garder les loix, ne puissent quand bon leur semblera, les faire executer. la coustume ne porte loyer ny peine: la loy emporte tousiours loyer, ou peine, si ce n'est vne loy permis-

7. Cicer. lib. 3. de legib.
8. pro domo sua. & post reditum in senatu.
Priuilege capital.

9. pro domo sua.

1. in cap. quæ sint regal.

o l. de quib. l. diuturna. de legib.

2. In lib.
περί εθνικῶν νόμων.

3. l. 2. quæ sit longa consuet. C. Bart. Bal.
Alber. in l. de quib. de legib.

permissive, qui leue les defences d'une autre loy. & pour le faire court, la coustume n'a force que par la soufrance, & tant qu'il plaist au prince souverain, qui peut faire vne loy, y adioustant son homologation. Et par ainsi toute la force des loix & coustumes, gist au pouuoir du prince souverain. Voila donc quant à la premiere marque de souveraineté, qui est le pouuoir de donner loy à tous en general, & à chacun en particulier: qui est incommunicable aux sugets, car combien que le Prince souverain donne puissance à quelques vns de faire des loix, pour auoir telle vertu, que si luy-mesmes les auoit faictes, comme fist le peuple d'Athenes à Solon, les Lacedemoniens à Lycurgue: toutesfois les loix n'estoient pas de Solon, ny de Lycurgue, qui ne seruoient que de commissaires & procureurs de ceux qui leur auoient donné ceste charge, ains la loy estoit du peuple Athenien, & Lacedemonien. mais il aduient ordinairement es Republiques Aristocratiques & populaires, que la loy porte le nom de celuy qui l'a dressée & minutee: qui n'est rien que simple procureur: & l'homologation d'icelle est de celuy qui a la souveraineté. Aussi voit-on en Tite Liue, que tout le peuple fut assemblé, pour homologuer les loix redigees en douze tables, par les dix commissaires deputez à ceste charge. Soubs ceste puissance de donner, & casser la loy, est aussi compris la declaration⁴ & correction d'icelle, quand elle est si obscure, que les magistrats sus les cas proposez trouuent contrariété, ou absurdité⁵ intolerable. mais le magistrat peut ployer la loy, & l'interpretation d'icelle, soit en douceur, ou en⁶ rigueur, pourueu qu'en la ployant il se garde bien de la casser: encores qu'elle semble fort dure:⁷ & si l'on fait autrement, la loy le condamne⁸ comme infame. ainsi se doit entendre la loy *Letoria*, que Papinianus⁹ recite sans nommer l'auteur, par laquelle il estoit permis au grand Preteur de suployer, & corriger, les loix. & si autrement on l'entendoit, il s'enfuiroit, qu'un simple magistrat eust esté par dessus les loix, & qu'il eust peu obliger le peuple à ses edicts: ce que nous auons montré estre impossible. Soubs ceste mesme puissance de donner, & casser la loy, sont compris tous les autres droits, & marques de souveraineté: de sorte qu'à parler proprement on peut dire qu'il n'y a que ceste seule marque de souveraineté, attendu que tous les autres droits sont compris en cestuy-là: comme decerner la guerre, ou faire la paix: cognoistre en dernier ressort des iugemens de tous magistrats: instituer, & destituer les plus grands officiers: imposer ou exempter les sugets de charges, & subsides: ottroyer graces & dispenses contre la rigueur des loix: hausser ou baisser le tiltre, valeur, & pied des monnoyes: faire iurer les sugets, & hommes liges de garder fidelité sans exception à celuy auquel est deu le serment. qui sont les vrayes marques de souveraineté, comprises soubs la puissance de donner la loy à tous en general, & à chacun en particulier: & ne la receuoir que de Dieu. car le Prince ou Duc qui a puissance de don-

4. l. 1. l. 3. de legib. C. l. placuit. de iudic. C. l. 1. de constitut. princ. 5. l. Saluius de legat. præstan. 6. l. respiciendum. de pœnis. ff.

7. l. prospexit qui & à quib.

8. l. 1. ad Turpil. l. cum prolatis. de re iudic.

9. l. Ius autem de iustitia. l. 1. de bonor. possess.

La seconde marque de maïesté.
o. l. i. vt armorum v-
sus C. authent. de ar-
mis. Aufserius in ti-
tulo de guerris vete-
rem ordinationem
citât, & Ferald. priuileg.
19. Affict. titul.
1. lib. 1. constitut. Ne-
apolit.

1. Plutar. in Catone
Uticensi & in Julio.

nér loy à tous ses subjets en général, & à chacun en particulier, n'est pas souverain, s'il la reçoit d'un plus grâd, ou égal à luy : ie dy egal, par ce que celui a maïstre, qui a compagnon : & beaucoup moins s'il n'a ce pou-voir, sinon en qualité de vicaire, lieutenant, ou regent. Mais d'autât que le mot de loy est trop general, le plus expedient est de specifier les droits de souveraineté, compris, comme i'ay dit, sous la loy du souverain. comme decerner la guerre, ou traiter la paix, qui est l'un des plus grâds poincts de la majesté, ° d'autant qu'il tire bien souuent apres soy la ruine, ou l'assurance d'un estat. cela se verifie non seulement par les loix Romaines, ains aussi de tous les autres peuples. & d'autant qu'il y a plus de hazard à commencer la guerre, qu'à traiter la paix, le menu peuple Romain pouvoit bien faire la paix : mais s'il estoit question de la guerre, il falloit assembler les grands estats : iusques à ce que le menu peuple eut pleine puissance de donner la loy. c'est pourquoy la guerre fut decernée contre Mithridate par la loy Manilia : contre les Pirates, par la loy Gabinia : contre Philippe II. Roy de Macedoine, par la loy Sulpitia : & la paix faicte avec les Cartaginois, par la loy Martia : ainsi des autres. Et d'autant que Cesar fist la guerre en France, sans mandement du peuple, Caton fut d'aduis qu'on debuait rappeler l'armée, & liurer Cesar aux ennemis. En cas semblable les estats du peuple Athenien decernoient la guerre, & la paix : comme on peut voir de la guerre contre les Megariens, contre les Syracusains, contre les Roys de Macedoine. Je mets ces exemples des deux plus grandes Republiques populaires qui furent onques : car en l'estat Royal, il n'y a point de doute : & mesmes les princes souverains tirent à soy la cognoissance des moindres exploits & entreprises qu'il faut faire en guerre : & quelque charge qu'ils donnent aux deputez de traiter paix ou alliance, neantmoins ils n'accordét rien sans en auertir le Prince : comme on peut voir au traité de Cambresis dernier, les deputez de la part du Roy, luy rescriuoient d'heure en heure tous les propos tenus de part & d'autre : mais en l'estat populaire, on voit le plus souuent la guerre, & la paix, se manier par l'aduis du Senat, ou conseil priué seulement, & bien souuent par l'aduis seul d'un capitaine, auquel on donne toute puissance : par ce qu'il n'y a rien plus dangereux en guerre, que publier les entreprises, qui ne peuvent alors reüssir, non plus que mines euentées : & toutesfois il faut qu'elles soient publiees, si le peuple en est aduerti. C'est pourquoy on voit és histoires Greques, & Latines, que les desseins, & entreprises de la guerre, se font tousiours par les capitaines, & quelquefois si la chose est de consequence, par le conseil du Senat, sans iamais en parler au peuple. mais cela s'entend, apres que la guerre est ouuerte, & publiee contre l'ennemy, par commandement du peuple. Et si on me dit que souuent le Senat Romain decernoit la guerre, & la paix, sans en aduertir le peuple, ie le confesse, mais c'estoit vne entreprise sus la maje-

majesté du peuple. aussi les Tribuns du peuple l'empeschoient, comme on voit en Tite Liue, où il dit *Controuersia fuit utrum populi iussu indicetur bellum, an satis esset S. C. Peruicere Tribuni, ut Quintius Consul de bello ad populum ferret: omnes centuriæ iussere*. Combien que le Senat mesmes ne vouloit pas ordinairement denoncer la guerre, sans que le peuple l'eust ordonné. comme Tite Liue parlant de la secōde guerre Punique, dit *Latum² inde ad populum uellent, iuberent, populo Carthaginēsi bellum indici*. & en autre lieu, *Ex S. C. populi iussu bellum³ Prænestinis indictum*. & autre part, *Ex autoritate patrum populus Palæpolitani⁴ bellum fieri iussit*. & de rechef, *Populus⁵ bellum fieri Æquis iussit*. & contre les Samnites, *Patres solenni more indicto decreuerunt, ut de ea re ad populum ferretur*. & contre les Herniques, *Populus hoc bellum frequens iussit*. & contre les Vestins, *Bellum⁷ ex autoritate patrum populus aduersus Vestinos iussit*. En cas pareil nous lisons en la vie de Pirrhus quand le Senat de Tarente eut esté d'aduis qu'on denonçast guerre aux Romains, le peuple decerna son mandement. & Tite Liue au xxxi. dit qu'il estoit defendu par les Æteliens qu'il ne fust rien arresté pour le fait de la paix, ny pour la guerre, *nisi in Panatolio, & Pylæico concilio*. Vray est qu'en Rome pour le regard de la paix, le Senat bien souuent l'entreprenoit sans en parler au peuple, comme on peut voir es traittez faicts entre les Romains & Latins, & en la guerre sociale, le Senat passa quasi tous les traittez de paix, & alliance sans le peuple: & souuent les capitaines le faisoient, sans le consentement du Senat, mesmemēt si la guerre estoit en pays fort esloigné, comme on voit en la seconde guerre Punique les trois Scipions firent les traittez de paix, & alliance avec les peuples, & Princes d'Espagne, & d'Afrique, sans le cōmandement du Senat: vray est que le Senat, & bien souuent le peuple, autorizoit leurs actiōs, & ratifioit les traittez, apres qu'ils estoient faicts. & s'ils estoient preiudiciables on n'y auoit point d'esgard: mais en ce cas, les ostages, & capitaines en respondoient aux ennemis. comme le Consul Mancin, pour la paix accordee avec les Numantins, que le peuple ne voulut pas ratifier, fut liuré entre les mains des ennemis. C'est ce que disoit vn Sénateur de Cartage aux Ambassadeurs Romains, *Vos enim quod C. Lucretius Consul primo nobiscū fædus icit, quia neque autoritate patrū, nec populi iussu ictum erat, negastis vos eo teneri. Itaque aliud fædus publico consilio ictum est*. Et le mesme auteur parlant de Manlius gouuerneur d'Asie, *Gallogræcis, inquit, bellū illatum, nō ex Senatus autoritate, non populi iussu: quod quis unquam de sua sententia facere ausus est?* En cas semblable le Consul Sp. Posthumius, & son armee, se voyans surpris par les ennemis entre les roches, & montagnes de l'Apennin traitterent avec eux, estans sortis de l'armee, & retournez à Rome avec l'armee, le Senat ne voulut pas ratifier la paix. aussi le Consul Posthumius⁸ dist deuant le peuple, *Cū me seu turpi, seu necessaria sponsione obstrinxi, qua tamen, quando in iussu populi facta est, nō tenetur pop. Rōm. nec quicquam ex ea*

2. lib. 1. deca. 3.

3. lib. 6. dec. 1.

4. lib. 8. deca. 1.

5. lib. 9. dec. 1.

6. lib. 5. dec. 1.

7. lib. 8. deca. 1.

8. lib. 9. deca. 2.

præterquam corpora nostra debentur Samnitibus, dedamur per fœciales nudi vinctiq; aussi le Consul ne dist pas que ce fust traité de paix, mais bien vne simple promesse, qu'il appelle *sponsio*. & de fait les ennemis firent iurer les Consuls, & tous les capitaines, & lieutenans de l'armée, & prindrent six cens ostages, qu'ils pouuoient faire mourir, si le peuple ne vouloit ratifier l'accord. mais ils firent vne lourde faute, qu'ils n'obligerent tous les soldats par serment de retourner aux destroits & enclaves des montagnes, & en l'estat où ils estoient, ou prisonniers, au cas que le peuple ne voulust passer l'accord fait par les capitaines. & sans doubte le Senat, & le peuple les eust renuoyez en l'estat, comme il fist le Consul, avec les six cens ostages qui auoient iuré, & ceux qui en cas semblable auoient voulu fausser la foy iuree à Annibal, qui furent renuoyez pieds & poings liez: ou bien il eust ratifié l'accord: comme fist le Roy François, du traité fait à Digeon par le seigneur de la Trimouille avec les Suisses, baillant ostages des principaux de l'armée, à la charge que les Suisses les pourroient faire mourir, si le Roy n'eust ratifié l'accord, comme fist le Duc^e d'Anjou aux ostages, que ceux qui estoient assiegez au chasteau d'Erual auoient baillez: quand il vit que Robert Canole capitaine du chasteau arriué dedans le chasteau depuis l'accord empeschoit qu'il fust rédu, disant que les assiegez n'auoient peu capituler sans luy. aussi fist-il trancher la teste aux prisonniers qu'il auoit. Autrement s'il estoit permis aux capitaines de traiter la paix sans mandement, ou ratification expresse, ils pourroient obliger & les peuples & les Princes souuerains au plaisir & appetit des ennemis, & à telles conditions qu'ils voudroient: chose absurde, veu qu'un procureur seroit desaduoué si l'auoit transigé de la^e moindre chose d'autrui, sans charge expresse. Mais on me dira que ces reigles n'ont point de lieu à Venise, où le Senat decerne, & ordonne entierement du faict de la paix, & de la guerre: ny mesmes entre les ligues des Suisses, & Grisons, qui sont en estat populaire: & lors que l'estat de Florence fut remis en la liberté du peuple, à la suasion de Pierre Soderin, il fut arresté que le peuple ne se mesleroit que de faire les loix, & les magistrats, & ordonner des deniers, aydes, & subsides: & que le faict de la guerre, & de la paix, ou autres autres choses concernans l'estat, demeureroit au Senat. Je di quant aux estats populaires, & Aristocratiques, que la difficulté d'assembler le peuple, & le danger qu'il y a d'euerter les secrets, & entreprises, fait que le peuple en donne la charge au Senat: toutesfois on sçait assez, que les commissions, & mandemens, qui sont leuez pour cest effect, dependent de l'autorité du peuple, & sont expediez sous le nom du peuple par le Senat, qui n'est que procureur, & agent du peuple: prenant autorité du peuple, côme aussi font tous les magistrats. Et quant aux monarchies il est bien sans difficulté, que la resolution de la paix, & de la guerre dépend du Prince souuerain: si l'estat est pure monarchie. Car és royaumes

9. Festus sponsionē, pactionem, fœdus, pacem differre scribit.

1. lib. 1. de cad. 3. Cicero offi. lib. 3. Polybius lib. 6.

o. Froissart l'an 1272.

o. l. itaque de procurator. ff. l. contra. §. ult. de pactis ff. l. si procurator. de condic. in deb. Bald. in l. mandatum. manda. C. lasso in §. in bonæ fidei de action. l. si quis mihi bona. §. sed si mandauit. de acquir. hære. ff. l. §. l. fideiusor. mandati. l. si quis pro eo. mand. ff.

de Polongne, Dannemarc, & Suede, qui sont estats changeans, & incertains, selon que le prince ou la noblesse ont les forces, & neantmoins qui tiennent plus de l'Aristocratie, que de la monarchie, la resolution de la paix, & de la guerre depend de la noblesse, comme nous dirons en son lieu : aussi nous auons touché cy dessus, qu'il ne se fait loy en ces pays là que du cōsentement de la noblesse. C'est pourquoy aux traittez de paix qui se font avec eux les seaux des princes, Comtes, Barons, Palatins, castellans, & autres constituez en dignité y sont apposez. comme le dernier traité fait entre les Polonnois, & Prussiens, est seellé de cent & trois seaux des seigneurs du pays : ce qui n'est point fait és autres royaumes. La troisieme marque de souueraineté, est d'instituer les principaux officiers : qui n'est point reuocquée² en doute, pour le regard des premiers magistrats. Ce fut la premiere loy que fist P. Valerius apres auoir chassé les Roys de Rome, que les magistrats seroient instituez par le peuple. & la mesme loy fut publiee à Venise, deslors qu'ils s'assemblerent pour establir leur Republique, cōme dit^o Contarin : aussi est-elle bien estroitement gardee : & mieux encores és monarchies, où les moindres officiers d'huissiers, sergens, greffiers, trompettes, crieurs, qui estoient instituez, & destituez par les magistrats Romains, sont pourueuz par le Prince, & iusques aux mesureurs, arpenteurs, langayeurs, & autres officiers semblables, qui sont erigez par edicts perpetuels en tiltre d'office. I'ay dit principaux officiers, c'est à dire les premiers magistrats : car il n'y a Republique, où il ne soit permis aux plus grands magistrats, & à plusieurs corps & colleges, de faire quelques menus officiers : comme i'ay monstré cy dessus des Romains. Mais celà se faiet en vertu de l'office qu'ils ont, & quasi comme procureurs, qui sont creez avec puissance de substituer. Nous voyons aussi que les seigneurs iusticiers, combien qu'ils tiennent la iurisdiction du Prince souuerain en foy & hommage, ont neantmoins puissance d'establir iuges, & officiers. mais ceste puissance leur est baillee du Prince souuerain. car il est bien certain que les Ducs, Marquis, Comtes, Barons, & Chastellains, n'estoient rien que iuges & officiers de leur premiere institution, comme nous dirons en son lieu. En cas pareil nous lisons³ que le peuple de Cartage auoit accoustumé de faire cinq magistrats, pour elire les cent & quatre magistrats de la Republique : comme il se fait à Nuremberg, où les Censeurs qui sont eleus du grand conseil, elisent les Senateurs, & celà faiet se demettent de leur charge. Le Senat, qui est de xxv i. elist les huit anciens, & puis les x i i i. & les sept Burgomaistres, & les x i i. iuges des causes ciuiles, & cinq des causes criminelles. ce qui estoit aussi ordinaire aux Cēseurs Romains, qui supploient à leur discretion le nombre des Senateurs, que les Consuls faisoient auparauant par souffrance du peuple, qui du commencement les faisoit, comme dit Feste Pompee, & quelquesfois le Dictateur n'estoit faiet que pour supployer le Senat : cōme Fabius⁴ Buteo,

Troisieme marque de souueraineté.

2. l. i. ad l. iul. de ambitu.

o. in repub. Venetorum.

3. Aristot. in polit.

4. Liuius. lib. 23.

s. Leon d'Afrique.

nommé Dictateur par le Consul Terence, suivant l'arrest du Senat, fist choisis de C L x x v i i. Senateurs pour vne fois. combien que le Senateur, à parler proprement, n'est point magistrat, ainsi que nous dirôs au chapitre du Senat. Mais en quelque sorte que ce soit, ceux qui elisoient les Senateurs, n'auoiēt la puissāce que du peuple, & reuocable au plaisir du peuple. Ainsi pouuôs nous dire des Cadilesquiers de Turquie, qui sont comme les deux Chanceliers du Roy, qui peuuent instituer, & destituer tous les Cadis & Paracadis, qui sont les iuges. Et en Ægypte, au parauant que Selim i. l'eust conquesté, le grand Edegnare, qui estoit comme le Cōestable du Sultan, auoit puissāce de pouruoir tous les autres officiers: comme anciennement les grands maires du Palais en France. Et n'a pas long temps que le chancelier de France auoit puissāce de pouruoir par preuention de tous offices sans gages, & aux offices dont les gages n'excédoient x x v. liures: ce qui fut reuoué par le Roy François i. combien que le chancelier tousiours, & le grand Edegnare, & le grand maire du Palais estoient pourueus par le Roy: & neantmoins ceste puissāce si grande qu'ils auoient, fut trespernicieuse aux premiers Roys, & aux Sultans. depuis on y a dōné bon ordre: car mesmes les Lieutenans des Bailliages & Senechaussées, qui estoient pourueus par les Baillifs & Senechaux, auparauant le Roy Charles v i i. sont maintenant pourueus du Roy en tiltre d'office. Et ce peut faire que les magistrats, ou les corps, & colleges ayent pouuoir d'elire, & nommer les magistrats principaux, comme nous lisons és registres de la Cour, que par ordonnance de l'an M. c c c c v i i i. il fut dit que les officiers du Parlement seroient electifs, & mandement fut donné au Châcelier d'aller en Parlement pour les elections des offices vacans: & la mesme ordōnance fut reiteree par le Roy Loys x i. M. c c c c l x v. & apres luy du temps de Charles v i i. non seulement les Presidens, Conseillers, & Aduocats du Roy furent eleus, ains aussi le Procureur general du Roy (qui est seul du corps de la Cour, qui ne doit serment qu'au Roy, ores que les procureurs des autres Parlemēs, qu'il appelle ses substituts, font serment à la Cour) fut élu l'an M. c c c c. x c v. i. mais les prouisions, & lettres d'office confirmatiues des elections, estoient & sont tousiours ottroyees par le Roy: qui seruira de respōse à ce qu'on pourroit dire que le Duc Artus de Bretagne fut élu Cōestable de Frāce, par la voix de tous les princes, & du grād cōseil, & du Parlemēt l'an M. c c c. x x i i i. car cōbien que le Roy fust lors aliené de son sens, & les sceaux de France marquez de l'image de la Roïne, si est-ce que par les lettres de prouisiō la garde de l'espee du Roy luy fut baillée pour la tenir du Roy en foy & hommage lige, & pour estre chef en guerre par dessus tous apres le Roy. Encores peut on dire que le grād Palatin d'Hōgrie qui est le plus grād magistrat & lieutenant general du Roy d'Hōgrie, est élu par les estats du pays. il est biē vray: mais la prouisiō, institutiō, & confirmation en appartient au Roy: qui est le principal chef, & autheur de sa

puis-

puissance. Combien que les estats du royaume d'Hongrie pretendent encores auoir droit d'elire les Roys, & la maison d'Austriche le contraire. & semble que les Roys ont passé par souffrance que les estats eleussent le grand Palatin pour leur faire oublier l'election du Roy, & neantmoins ils se sont si bien opiniastréz, qu'ils ont mieux aimés s'abandonner aux Turcs, que perdre ce droit. Ce n'est donc pas l'election des officiers qui emporte droit de souueraineté, ains la confirmation & prouision: bien est il vray que ce poinct là en retient quelque chose, & monstre que les Princes ne sont pas absoluëment souuerains, si ce n'est de leur vouloir & consentement que telles elections se facent. & mesmes au royaume de Poloigne par ordonnâce de Sigismond Auguste, tous officiers doiuent estre eleus par les estats particuliers de chacun gouuernement, & neantmoins ils doiuent prendre lettres de prouision du Roy. Qui n'est point chose nouuelle: car du temps mesmes des Gots, nous lisons⁶ en Cassiodore, que Theodoric Roy des Gots bailloit lettres de cōfirmation aux officiers que le Senat auoit eleus, vsant de ces mots, par les lettres⁷ adressees au Senat, pour vn qu'il auoit pourueu de la dignité de Patrice, *Judicium vestrum P. C. noster comitatur assensus*. Or puis que la puissance de cōmander à tous les sugets en vne Republique est à celui qui tient la souueraineté, c'est bien raison que tous Magistrats recoignoissent ce pouuoir de luy. Mais disons de l'autre marque souueraine, c'est à sçauoir du dernier ressort, qui est & a tousiours esté l'vn des principaux droits de la souueraineté. Cōme on peut voir apres que les Romains eurent chassé les Roys, par la loy Valeria non seulement le dernier ressort fut reserué au peuple, ains aussi l'appel de tous⁸ Magistrats: par ce que les Consuls souuēt y cōtreuenoient, la mesme loy fut par trois fois republiee,⁹ & par la loy¹ Duillia la peine de mort fut adioustee à celui qui cōtreuendroir. Tite Liue appelle ceste loy le fondemēt de la liberté populaire, ores qu'elle fust mal executee. la mesme loy estoit encores plus estroitement gardee en Athenes, où le dernier ressort estoit reserué au peuple, non seulement de tous les Magistrats, ains aussi de toutes les villes de leurs alliez, cōme dit Xenophon², & Demosthene. Nous trouuons en Contarin³ le semblable, que la premiere loy qui fut faite pour l'establissement de leur Republique fut, qu'il y auroit appel de tous les Magistrats au grād conseil. Aussi⁴ lisons nous que François Valori Duc de Floréce, ne fut tué pour autre chose, que pour n'auoir deferé à l'appel intergeté de luy au grād cōseil du peuple, ayāt condāné à mort trois Florétins. Mais on dira que non seulemēt à Florence le Duc, ains aussi à Rome le Dictateur & autres Magistrats souuēt passoient par dessus l'appel, cōme on peut voir en plusieurs histoires. & mesme le senat Romain ayant fait assieger, prédre & amener à Rome la legion, qui estoit en garnison à Rhege, fist fouëter & trancher la teste à tous les soldats & Capitaines qui restoient, nonobstāt, & sans auoir egard aux appellations par

6. Cassiodor lib. 1. 2.
& sequent.
7. Cassiodor. lib. 1.
epistol 9.

Quarriesme mar
que de la souue-
raineté.

8. Liuius lib. 24.
9. Liuius lib. 1. 7. 10.
1. Liuius lib. 3. Dio-
nis. Halycar. lib. 10.

2. de Repub. Athen.
Demosthen. pro A-
phobo.
3. de Repub. Venc.

4. Guichardin.

5. Valer. Max. lib. 8.
Liuius lib. 27. Polyb.
lib. 1.

eux intergetees au peuple, ni aux oppositions des Tribuns du peuple, crians à haute voix, que les loix sacrees touchant l'appel estoient foulées aux pieds. Je respons pour le faire court ce que fist Papinian, qu'il ne faut pas prendre pied sur ce qu'on fait à Rome, ains plustost à ce qu'on doit faire: car il est bien certain qu'il y auoit appel du Senat au peuple. & ordinairement l'opposition d'un Tribun arrestoit tout le Senat, comme nous auons touché ci dessus. Et le premier qui donna puissance au Senat Romain de iuger sans appel, fut Adrian l'Empereur. car l'ordonnance de Caligula n'eut point de lieu, quoy qu'il donnast puissance à tous Magistrats de iuger sans appel. & combien que Neron ordonna, que l'amende seroit pareille à ceux qui auroient appellé au Senat, comme ils⁷ auoient appellé à sa personne, toutefois il n'osta pas la voye d'appel du Senat à luy. Mais il semble que ceste response est directement contraire à ce que nous auons dit: car s'il n'y auoit point d'appel du Senat à l'Empereur, ains que le dernier ressort fust au Senat, le dernier appel n'est pas marque de souueraineté. ioint aussi que le grâd maistre du Palais, qu'ils appelloient *Præfectum prætorio*, iugeoit⁸ sans appel. & cognoissoit des appellations de tous les Magistrats & gouuerneurs de l'Empire, comme dit⁹ Flavius Vopiscus: & en toute Republique on void des Cours & Parlemens qui iugent sans appel, comme les six Parlemens en France, les quatre Cours en Espagne, la chambre Imperiale en Alemaigne, le Conseil à Naples, les quarante à Venize, la rote en Rome, le Senat à Milan: & en toutes les villes Imperiales, Duchez, Comtez dependans de l'Empire, il n'y a point d'appel à la chambre es causes criminelles iugees par les Magistrats des Princes & villes imperiales. Et ne pourroit seruir de dire, que les appellations intergetees des Baillifs, Senechaux & autres iuges inferieurs, ne se font pas directement aux Cours de Parlement, ni à la chambre imperiale, ains que l'appel est deuolu au Roy, ou à l'Empereur, lesquels renuoient la cause aux iuges par eux deputez, qui sont en ce cas ses lieutenans, & pour ceste cause qu'il n'y peut auoir appel du lieutenant du Prince, non plus que du Prince mesme: car cōbien qu'il n'y ait point d'appel du lieutenant en termes de droit à celuy qui l'a mis en son¹ lieu, si est-ce que tous les reliefs d'appel portēt que les condānez sont appellans au Roy & aux cours de Parlemēs, qui se disent iuges ordinaires des ordinaires, & non pas iuges extraordinaires seulement: attēdu mesmemēt qu'ils iugēt de plusieurs causes en premiere instance. & outre cela on voit les moindres Magistrats presidiaux iuger en dernier ressort en certain cas. & par ce moyē il semble que le dernier ressort n'est pas in marque de souueraineté. Je respōs que le dernier ressort cōprēd la voye de requeste ciuile, aussi biē que l'appel: qui semble auoir meū plusieurs iuriscōsultes, de dire que la requeste ciuile est des droits de souueraineté. & iāçoit que les mesmes iuges cognoissent de leur iugement quād on y vient par requeste ciuile, si est-ce

neantmoins

6. l. 1. à quibus appellare non licet.

7 Tacit. lib. 8. Tranquil. in Nerone, ait omnium magistratum appellationes ad Senatum retulisse.

8. l. 1. de offi. præfecti prætor.
9. Flavius Vopisc. in Florian.

1. l. 1. quis & à quo appellat.

2. Bald in l. 2 cōclus. 453. de rerum diuis. Faber. in institut. de Atiliano tut. §. ult. Panor. consil. 82. lib. 1. Curtius iunior cōsil. 2. col. 1. Panor. & Imol. in cap. nimis. de iure iurand.

neantmoins que la requeste s'adresse au Prince souverain, qui la reçoit, ou la reiette si bon luy semble: & souvent il eue que la cause à foy pour la iuger, ou casser ce qui a esté fait, ou la renvoyer à d'autres iuges: qui est la vraye marque de souveraineté, & dernier ressort. & n'est pas en la puissance des Magistrats de changer, ni corriger leurs iugemens, si le Prince souverain ne leur permet, sur peine de faux, tât de droict^o commun, que par les ordonnances de ce Royaume. & combien que plusieurs iuges ont accoustumé d'vser en leurs iugemens de ces mots, Par main souveraine, & en souveraineté, toutefois c'est abuser du mot, qui n'appartient qu'au Prince souverain. Et quand ores le Prince souverain auroit fait vn edit, par lequel il ordonnast, qu'il n'y eust ni voye d'appel, ni de requeste contre les sentences de ses Magistrats à sa personne, comme vouloit faire l'Empereur Caligula: si est-ce neantmoins que ses sugets seroient tousiours receuables à releuer leur appel, ou presenter requeste à sa majesté: car il ne peut se lier les mains, ni oster à ses sugets la voye de restitution, de supplication, de requeste: attendu mesmement que tous les edits touchant les appellations, & iugemens, ne sont rien que loix civiles, auxquelles nous auons dit qu'il ne peut estre obligé. c'est pourquoy le priué cōseil, & mesmes le Chancelier de l'Hospital, trouua fort estrange & nouveau, que les commissaires deputez à faire le procès du president l'Alemant, luy firent defenses par l'arrest cōtre luy donné, de n'approcher de la Cour de xx. lieues, pour luy trancher la voye de requeste civile, que le Roy mesme ne peut oster à son suget, ores qu'il soit en sa puissance de prendre ou rejeter sa requeste. Aussi voit-on qu'en tous les appennages donnez aux enfans de la maison de France, & generalement és erections des Duchez, Marquisats, Comtez & Principautez, on a tousiours accoustumé de reseruer la foy & hommage, ressort, & souveraineté: & quelquefois il n'y a que reseruation de ressort & souveraineté: comme en la declaration faite par le Roy Charles v. à Iean Duc de Berri du 111. Mars m. ccc lxxiiii. en quoy est aussi compris la foy & hōmage: car il est bien certain que le Duché de Berri estoit lors l'appennage baillé au Duc de Berri, à la charge des droits royaux, & de reuersion à la couronne les masses defaillans: comme i'ay apris par les lettres d'appennage, qui sont encores au thresor de France. Nous voyons aussi semblable declaration de Philippe Archiduc d'Austriche, faite au Roy Loys xii. l'an m. cccc xcix. & autre declaration de luy-mesme de l'an m. d. v. où il recognoist, & entend obeir aux arrests du parlemēt de Paris, pour le regard des pays d'Artois, Flandres, & autres terres qu'il tenoit du Roy: & au traité d'Arras fait entre le Roy Charles vi. & Philippe ii. Duc de Bourgogne, il y a reseruation expresse de la foy & hommage, ressort & souveraineté, pour les terres qu'il auoia tenir, & que ses predecesseurs auoient releué de la couronne. Et la principale occasion que Charles v. Roy de France print de faire la guerre au Roy

o. l. quod iussit. de
re iudic. l. relegati. de
pœnis.

d'Angleterre, fut d'autant qu'il passoit par dessus les oppositions, suiuant le traité de Bretegni, qui n'estoit pas ratifié par Charles v. sans deferer à l'appel, comme on peut voir par l'arrest du Parlement donné le x i i i i. May m. c c c l x x. par lequel le Duché d'Aquitaine est confisqué au Roy pour ceste cause. Autrement si le Prince souuerain quite son suget ou vassal du ressort, & souueraineté qui luy appartient, il fait d'un suget un Prince souuerain: comme fist le Roy François i. quitant du tout au Duc de Lorraine la foy & hommage, ressort & souueraineté du Chastelet sur Mozelle m. d. x v i i. Mais quand il permit au mesme Duc de iuger, condamner & absoudre en souueraineté au Duché de Bar, & que les officiers tiroient cela en conséquence de souueraineté absoluë, le Procureur general en fist plainte au Roy, & aussi tost Anthoine, & apres luy François Ducs de Lorraine passerent recognoissance en forme authentique, par laquelle ils declaroient, qu'ils n'entendoient en rien deroger à la foy & hommage, ressort & souueraineté qu'ils deuoient à la couronne, à cause dudit Duché, & qu'ils n'auoient vü de iugement souuerain que par souffrance. lesquelles lettres de recognoissance furent depuis exhibees au priué cōseil l'an m. d. l x i i i i. Toutefois le plus expedient pour la cōseruation d'un estat, c'est de iamais n'otroier marque de souueraineté au suget, & moins encores à l'estranger: car c'est le degré pour monter à la souueraineté. Et pour ceste cause on fist grande difficulté de passer les lettres pour l'Eschiquier d'Alençon m. d. l x x i. pour le preiudice fait au ressort: qui sembloit tel, que l'un des Aduocats du Roy dist en plein conseil, qu'il vaudroit mieux introduire vne douzaine de Parlemens: ores que le ressort en certains cas, & plusieurs causes soient reservees, outre la foy & hōmage. & de fait les Roys d'Angleterre, & Ducs de Bourgongne prindrent occasion plus qu'ils n'eussent fait, de s'allier, & faire la guerre au Roy de France, pour le refus qu'il faisoit de leur donner le priuilege d'Eschiquier, comme il auoit fait aux Ducs d'Alençon, afin qu'il n'y eust point d'appel de leurs iuges & Magistrats. Car non seulement les officiers des Ducs & Comtes, ains aussi les Ducs mesmes estoient adiournez par deuant le Roy, pour voir corriger & amender leurs iugemens: qui estoit vne submission qui les greuoit bien fort. & quelque fois aussi on les faisoit adiourner par deuât le Roy pour peu de chose: dequoy se plainquirent les Ducs de Bretagne au Roy Philippe le Bel, & à Philippe le Long, qui enuoyerent lettres patentes à la Cour de Parlement au mois de Feurier m. c c c v i. & d'Octobre m. c c c x v i. par lesquelles ils declarerēt qu'ils n'entēdoient que le Duc de Bretagne, ni ses officiers fussent adiournez par deuât eux, sinon en cas de deny de iustice, faux iugemēt, & en cas de souueraineté. & par les mesmes lettres on peut voir, que l'exception des cas reservez emporte la confirmation du dernier ressort & souueraineté. Nous ferōs pareil iugemēt de tous les Princes & seigneurs desquels il y a appel à l'Empire & chābre imperiale, qu'ils

qu'ils ne font pas souverains: car ce seroit crime de leze majesté, & capital, de se porter pour appellant du Prince souverain, si ce n'estoit en la forme que fist vn Grec, qui appella du roy Philippe de Macedoine mal conseillé, à luy mesme, quand il seroit mieux conseillé. & en ceste façon les aduocats de Loys de Bourbon formerent l'appel de l'arrest interlocutoire donné par le Roy François I. en son priué conseil: que Balde Iurisconsulte trouue bon & receuable. & seroit bien seant à la majesté d'un Prince souverain, de suiure l'exemple de ce Roy là qui receut l'appel: ou biens'ils veulent que leurs arrests demeurent, pour ne sembler variables, ni muables, qu'ils facent comme le mesme Roy fist à Macheras, lequel il recompensa de son bien, l'ayant iniustement condamné, sans muer, ni changer son arrest. Et de ceste marque de souveraineté depend aussi la puissance d'ottroyer grace aux condamnez par dessus les arrests, & contre la rigueur des loix, soit pour la vie, soit pour les biens, soit pour l'honneur, soit pour le rapel du ban, il n'est pas en la puissance des Magistrats, pour grands qu'ils soient, d'en donner vn seul poinct, ni de rien alterer des iugemens par eux donnez. Et combien que les proconsuls, & gouverneurs de provinces eussent autant de iurisdiction, que tous les Magistrats de Rome auoient ensemble, si est-ce qu'il ne leur estoit pas licite de restituer seulement les bannis pour quelque temps, comme nous lisons es lettres de Pline le ieune gouverneur d'Asie, à l'Empereur Traian: & beaucoup moins de donner grace aux condamnez à mort, ce qui est defendu à tous Magistrats en toute Republique. Et combien qu'il semble que Papirius Cursor Dictateur donna grace à Fabius Max. Colonel des gens de pied, pour auoir donné la bataille contre sa defense, iacoit qu'il eust tué x xv. mil ennemis, toutefois en effect c'estoit le peuple qui donnoit la grace, ores qu'il pria tresinstantamment le Dictateur de pardonner ceste faute: car Fabius auoit appelé au peuple de l'arrest du Dictateur, lequel defendit son iugement contre l'appellant: qui monstre bien que la puissance de la vie & de la mort estoit au peuple. Aussi void on, que Sergius Galba l'Orateur, que le Censeur Caton auoit atteint & conuaincu de leze maiesté, eut recours à la grace du peuple, qui luy pardonna. sur quoy Caton dist, que s'il n'eust eu recours aux pleurs, & aux enfans, il eust eu des verges. En cas semblable le peuple d'Athenes auoit puissance d'ottroyer graces, priuatiuement à tous Magistrats, comme il monstra à Demosthene, Alcibiade, & à plusieurs autres. Aussi en la Republique de Venize il n'a que le grand Conseil de tous les gentils-hommes Venitiens qui donne grace. au parauant le conseil des dix donnoit bien les graces, par souffrance, & neantmoins il fut ordonné l'an M. D. x x i i i. que la giunta, qui font xxxii. assisteroit au conseil, & que la grace n'auroit lieu, si tous n'y consentoient. mais l'an M. D. l x i i. defenses furent faites au conseil de rien entreprendre. Et combien que l'Empereur Charles v. en l'erection du

3. in l. j. de relation. C. l. i. §. quæsitum. de appellat. Bald. iterū in l. vlt. de relat.

La cinquieme marque de souveraineté.

4. l. foler. de iurisdic. omnium.

5. lib. ro. epistol.

6. l. relegati. de pœnis. l. is. qui reus. & ibi Accursi. & Bart. de publicis iudic. Angel. in l. si decesserit qui satisfare. & in l. i. §. non fuit de dolo l. ad bestias. de pœnis l. i. fine. de quæstion. Valer. lib. 8. de publicis iudic. Liuius lib. 2. & 25. Bartol. in l. acta de re iudic. ex ea lege.

o. In statutis Venetorum.

7. In constitut. Mediolan. in cap. de senatu.

8. anno 1515. Februarij.

9. cap.

1. Guido pap. in decis. delphini. 233.
o. iugé par arrest de Grenoble Guido pap. decis. 498.

Les marques de la maiesté ne se doyent bailler ny en titre d'office, ny par commission, s'il n'y a iuste absence.

4. Princeps referuat sibi, non potest committere legato. cap. quod translatione. de offi. delegat. nisi iusta sit absentia, vel impotentia.
2. Alberic. notauit in l. de creationis de episcopali audient. C.

Senat de Milan ottroya toutes les marques de souueraineté, cōme son lieutenant & vicaire, si est-ce qu'il se reserua la grace : comme i'ay appris des lettres patentes par luy⁷ decernees. ce qui est bien estroitement gardé en toutes les Monarchies. & combien qu'à Florence pendant l'estat populaire, les huiet auoient vsurpé la puissance de dōner grace, si est-ce que cela fut depuis rendu au peuple, lors que Soderin changea l'estat. Quāt à nōs Roys, il n'i a chose de laquelle ils soient plus ialoux. & combien que le Roy François 1. eust⁸ donné à sa mere puissance d'ottroyer graces, si est-ce toutefois que la Cour ayant ordōné qu'il seroit remonstré au Roy, que c'estoit l'vne des plus belles marques de la souueraineté, qui ne se pouuoit communiquer au suget sans diminution de la majesté : la mere estant aduertie, quitta ce priuilege, & rendit les lettres au Roy auparauant qu'on luy en fist instance. car mesmes la Royne de France ne peut auoir ce priuilege, ni les autres marques de souueraineté. & iacōit que la loy des Romains dit, que l'Imperatrice estoit dispensée des edits & ordonnances, cela neantmoins n'a point de lieu en ce Royaume : & se trouue vn arrest és registres de la Cour de l'an m. ccc. l. xv. en Iuillet, par lequel la Royne fut condamnée à garnir par prouision la debte portee par contract, sans auoir esgard aux priuileges par elle pretendus. Je trouue bien aussi que le Roy Charles v. donna puissance à maistre Arnault de Corbie Chancelier de France, par lettres patentes du x. iij. Mars m. ccc. c. i. de donner graces & remissions, presens aucuns du grand Conseil : mais c'estoit lors que les Chanceliers estoient tous puissans, & le Roy Charles v. en puissance d'autrui, pour la maladie qui le tenoit. Encores me diroit-on qu'anciennement les gouuerneurs des prouinces donnoient graces, cōme on peut voir encores aux coustumes de Henaut⁹ & aux anciēnes coustumes¹ de Daupiné : & mesmes l'euesque d'Ambrum pretend ceste puissance, par chartes^o authentiques. Je respons, que telles coustumes & priuileges sont abus, & entreprises, qui furent cassées à bon droit par l'edit du Roy Loys x. iij. m. ccc. xc. i. x. & si tels priuileges sont nuls, aussi peut-on dire que les confirmations sont nulles : car la confirmation ne vaut iamais rien, si le priuilege de foy est nul. or il est bien nul, puis qu'il ne peut estre quitté sans la couronne. mais quant aux gouuerneurs, vicaires, & lieutenans generaux des princes souuerains, il y a autre raison, attendu qu'ils n'ont pas cela par priuilege, ni par office, mais par commission : comme les Princes, vicaires, & lieutenans pour l'Empire. Mais en l'estat d'vne Republique bien ordōnée, ceste puissance ne doit estre baillée, ni par⁴ commission, ni en titre d'office, si ce n'est pour establir vn regent pour la distance des lieux par trop grande, ou bien pour la captiuité des Princes souuerains, ou qu'ils soient en fureur, ou en enfance : comme il se fist pour Loys x. lequel pour sa ieunesse fut mis par les estats de France en la tutelle de sa mere Blanche de Castille : apres auoir baillé quelques Princes

Princes pour caution, qu'elle ne bailleroit point la tutelle à autres personnes: & par mesme moyen Charles de France, Regent en France pendant la captivité du Roy Iean, & Loyse de Sauoye Regente pendant la prison du Roy François, avec tous les droits royaux, en qualité de Regente, & le Duc de Betfort Regent en France, pour la maladie du Roy. Ici peut estre on me dira, que nonobstant l'ordonnance de Loys xii. le chapitre de l'eglise de Roüan, pretend tousiours auoir priuilege de donner grace, en faueur de S. Romain, deuant la feste duquel, il fait defences à tous les iuges, & mesmes au Parlement de Roüan, d'exccuter à mort pas vn des condamnez: comme i'ay veu pratiquer y estât en commission pour la reformation generale de Normandie. & sur ce que la Cour, nonobstant la grace du chapitre, fist exccuter à mort celuy qu'elle auoit cōdamné apres la feste. le chapitre en fist plaintes au Roy, ayant pour chef l'vn des Princes du sang. le Parlement enuoya ses deputez, entre lesquels l'aduocat du Roy Bigot fist grande instance, pour l'abus, & entreprise sus la majesté du Roy. toutefois le temps y estoit mal propre: & quelque remonstrance qu'on fist, le priuilege leur est demeuré. cela peut estre fait à la forme du priuilege donné aux Vestales de Rome, qui pouuoient dōner la grace à celuy qu'on alloit exccuter, si l'vne des Vestales s'y rencontroit fortuitement, comme dit Plutarque en la vie de Numa: coustume qui est encores gardee à Rome, quād il se trouue quelque Cardinal lors qu'on va exccuter quelqu'vn Mais le pis qu'il y a au priuilege S. Romain, c'est qu'on ne donne grace que des crimes les plus execrables qu'on peut trouuer, & desquels le Roy n'a point accoustumé d'ottroyer grace. En quoy plusieurs Princes souuerain abusent de leur puissance, cuidans que la grace qu'ils donnent, est d'autant plus agreable à Dieu, que le forfait est detestable. mais ie tiens, sauf meilleur iugemēt, que le prince souuerain ne peut donner grace de la peine establie par la loy de Dieu, non plus qu'il ne peut dispenser de la loy de Dieu, à laquelle il est suget. Et si il est ainsi que le Magistrat merite peine capitale, qui dispense de l'ordonnāce de son Roy, cōment seroit-il licite au Prince souuerain de dispēser son suget de la loy de Dieu? & mesmes si le prince souuerain ne peut quitter l'interest ciuil de son suget, cōment pourroit-il quitter la peine que Dieu ordonne par sa loy? comme le meurtre fait de guet à pend, merite la mort par la loy de Dieu. O combien il s'en void de remissions! Mais on me dira: En quoy se pourroit monstrier la misericorde du Prince, s'il ne pouuoit donner grace de la peine establie par la loy de Dieu? ie respōs qu'il y a beaucoup de moyēs: c'est à sçauoir des contrauentions aux loix ciuiles. comme si le Prince a defendu de porter armes, ou de bailler viures aux ennemis sur peine de la vie, la grace sera bien employee à celuy qui a porté les armes pour sa defense seulement, ou que la pauureté a contrainst de vendre bien cher à l'ennemi, pour subuenir à sa necessité. ou bien si par la loy ciuile, la peine

o. deuter. 19. & 21.

2. Bart. in auth. ex
cōplexu. de incestis
C. Corne. consil. 1.
col. 6. lib. 4. Ancaran.
in cap. 1. de sponsal.
& consil. 320. Panor.
in cap. per venerabi-
lem. qui filij sint le-
git. col. 6. Rota de-
cis. 200. Bald. in l. eā
quā. de iure auro-
rum. C. & consil.
306. lib. 2. Fuberin in-
stitut. de nuptiis. Ful-
go. consil. 33. col. 2.
Cuman. consil. 158.
col. 5. Alexand. con-
sil. 67. lib. 1. col. 1. Hé-
rich. Bohic. & Inno-
cent. in d. cap. per
venerabilem. omnes
consentunt resti-
tutionem natalium
summi principis pro-
priam esse præter
Hostiensem qui Pō-
tifici quoque sum-
mo tribuit supra
principes in summa
qui filij sint legit.

du larrecin est capitale, le Prince debonnaire peut la reduire au quadruple, qui est la peine de la loy de Dieu, & du droict commun. mais le meurtrier de guet à pend, Vous l'arracherez, dit la loy, de mō autel sacré, & n'aurez iamais pitié de luy, que vous ne le faciez mourir, & alors i'estendray mes grâdes misericordes sur vous. Toutefois les Roys Chresties le iour du Vendredi saint ne donnēt grace que de ce qui est irremissible. or les graces ottroyees de telles meschancetez, tirent apres soy les pestes, les famines, les guerres & ruines des Republiques: c'est pourquoy la^o loy de Dieu dit, qu'en punissant ceux qui ont meritē la mort, ont ostē la malediction d'entre le peuple. car de cent meschancetez il n'en vient pas deux en iustice, & de celles qu'on y fait venir, la moitié n'est pas verifiee: & si du crime verifié on ottroye grace, quelle punition pourra servir d'exemple aux meschans? Et quand on ne peut obtenir grace de son Prince, on interpose la faueur d'un autre Prince: de quoy les estats d'Espaigne firent plainte au Roy Catholique, & presenterēt requeste, afin d'auertir l'Ambassadeur, qui estoit par deuers le Roy de France, de ne recevoir plus, ni demander grace au Roy d'Espaigne, pour les condamnez qui se retiroient en France: car ayant obtenu leurs graces, ils tuoient bien souuent les iuges qui les auoient condamnez. Mais entre les graces que le Prince peut donner, il n'y en a point de plus belle, que de l'iniure faite à sa personne: & entre les peines capitales, il n'y en a point de plus agreable à Dieu, que celle qui est establie pour l'iniure faite à sa majestē. mais que doit-on esperer du Prince qui vange cruellemēt ses iniures, & pardonne celles d'autrui, & mesmes celles qui sont faites directement contre l'honneur de Dieu? Soubs la grace plusieurs ont voulu comprendre la restitution des mineurs & majeurs, le benefice d'aage, qui sont bien propres au Prince souuerain en plusieurs Republiques, mais ce ne sont pas marques de souueraineté: horsmis la restitution des bastards, serfs, & autres semblables: car les Magistrats en Rome auoient telle puissance: & par l'ordonnance de Charles VII. & VII I. il est expressément mandē aux iuges de n'auoir aucun egard aux lettres qu'on appelle de iustice, si elles ne sont equitables: ce qui est assez compris par ces mots, **TANT QUE A SVFIRE DOIVE**, qui sont en toutes lettres de iustice ottroyees en ce Royaume. Mais si ceste clause n'y est apposee, le Magistrat n'a cognoissance que du fait, estant la peine referuee à la loy, & la grace au souuerain. C'est pourquoy Ciceron demandant à Cesar la grace de Ligarius, l'ay, dit-il, souuēt plaidē avec vous deuant les iuges, mais ie ne dy iamais pour celuy que ie defendois, pardonnez luy, messieurs, il a failli, il n'y pensoit pas, si iamais plus, &c. c'est au pere à qui on demande pardon: mais deuant les iuges, on dit que le crime est forgé par enuie, l'accusateur calomnieux, les tesmoins faux. où il monstre que Cesar estant souuerain, auoit la grace en son pouuoir, ce que n'ont pas les iuges. Quant à la foy & hommage lige

il appert aussi, que c'est l'un des plus grands droits de la souveraineté, comme nous avons montré ci dessus, pour le regard de celui à qui il est deu sans exception. Quant au droit de moneage il est de la même nature de la loy, & n'y a que celui qui a puissance de faire la loy, qui puisse donner loy aux monnoyes: ce qui est bien entendu par les mots Grecs, Latins & François: car le mot de *nummus* est du Grec *νόμος*, comme loy & aloy: & ceux qui parlent mieux ostent la première lettre. Or il n'y a rien de plus grande conséquence, après la loy, que le tiltre, valeur, & pied des monnoyes, comme nous avons montré en vn³ traité à part: & en toute Republique bien ordonnée, il n'y a que le Prince souverain qui ait ceste puissance: comme nous lisons qu'il se faisoit en Rome, quand on donna prix au victoriat, cela se fist par loy⁴ expresse du peuple. & iacoit que le Senat par son arrest, pour subuenir aux necessitez publiques, fist valoir la demie liure de cuire autant que la liure: & quelque temps après le quart autant que la liure, & iusques à ce que l'once fut autant estimée que la liure, neantmoins le tout estoit consenti par les Tribuns, comme nous avons dit ci dessus. & depuis l'Empereur⁵ Constantin voulut que ceux qui auroient forgé fausse monnoye fussent punis comme coupables de leze majesté: ce que les Princes gardent bien, prenans la confiscation du faux monnoyeur, privatiuement à tous autres⁶ Seigneurs: & de même⁷ peine sont punis ceux qui ont forgé bonne monnoye sans congé du Prince. Et iacoit que plusieurs particuliers en ce Royaume ayent eu anciennement priuilege de battre monnoye, comme le Vicomte de Touraine, l'Euesque de Meaux, Cahors, Agde, Ambrun, les Comtes de S. Paul, de la Marche, Nevers, Blois, & autres: neantmoins le Roy François 1. par edit general cassa tous priuileges, qui ne se⁸ peuuent donner: & s'ils sont otroyez la loy les declare nuls: ioint aussi qu'ils ne durent que pour la vie de ceux qui les ont donnez: comme nous auons montré de la nature des priuileges. combien que ce droit & marque de souveraineté, ne se doit aucunement communiquer au suget: comme il fut aussi bien montré à Sigismond Auguste Roy de Poloigne, qui auoit donné priuilege au Duc de Prusse de forger monnoye l'an M. D. XLIII. les Estats du pays firent vn decret, où il fut inferé, que le Roy n'auoit peu dōner ce droit, comme estant inseparable de la couronne. & par même raison l'Archeuesque de Gnesne en Poloigne, & l'Archeuesque de Canturberi en Angleterre Chanceliers, ayans obtenu le même droit, en ont depuis esté deboutez. & pour ceste cause toutes les villes d'Italie tenues de l'Empire, qui auoient usurpé ce tiltre, le quiterent par le traité de Constance à l'Empereur, qui donna ce priuilege aux Luquois en faueur du Pape Lucius. Aussi lisons nous que la principale occasion, que Pierre Roy d'Arragon empoigna pour chasser Jaques Roy de Malorque de son pays, fut pour auoir forgé monnoye, pretendāt qu'il ne l'auoit peu

3. au paradoxe de Mal-estroit.

4. Cicero in offi.

5. l. 2. de falsa moneta. C.

6. d. l. 2. Guido delph. decis. 257.
7. d. l. 2.

8. contra Bartolum in l. 1. de veteris numismatis potest. C. Cynus in l. si quis nūmos. de falsa moneta. C. l. ult. red.

o. Procopius lib. 3.
Gothic. & zonaras.

faire. Qui fut aussi l'une des occasions, que Loys XI. print pour faire la guerre à François Duc de Bretagne, par ce qu'il auoit forgé monnoye d'or, contre le traité fait l'an M. cccc lxxv. cōme les^o Romains en tout l'Empire s'estoient réservé de battre monnoye d'or: combien que Jean Duc de Berri eut priuilege de Charles V. Roy de France, de l'un & de l'autre metal: & de peur d'y faillir fist forger les moutons d'or, qui s'est trouué le plus fin or qui fust onques depuis en ce Royaume, ni au parauant. car quelque priuilege qui soit otroyé au suget de faire battre monnoye, la loy, & prix d'icelle depend tousiours du souuerain, de sorte qu'ils n'ont rien que la marque qui estoit anciennement en Rome au plaisir des maistres de monnoye, qui y mettoient telle marque qu'ils vouloient, & leurs noms avec ces lettres III. VIRI. A. A. A. F. F. que le Bailli des Montaignes interprete, *are, argento, auro, flauo, ferunto*: au lieu qu'il deuoit dire, *auro, argento, are, flando, feriundo*. car les Princes souuerains ne se soucioient pas tant de faire grauer leur effigie. & mesmes le Roy Seruius, qui le premier donna marque à la monnoye, qui n'estoit que de pur cuiure, fist grauer l'effigie d'un beuf, à l'exemple des Atheniens, qui auoient la mesme figure, & la choïette. Mais les autres Roys & Princes d'Orient y mettoient leur image, comme Philippe Roy de Macedoine à la monnoye d'or, qu'ils appelloient Philippus: & les Roys de Perse aux Dariques, portant leur image, dont ils estoient si ialous, que le Roy Darius, comme dit Herodote, fist trancher la teste au gouuerneur d'Egypte Ariander, pour auoir graué son image aux monnoyes: comme aussi fist pour semblable cas l'Empereur Commode à Perennius son grand mignon. Et mesme le Roy Loys XII. ayant laissé toute puissance souueraine aux Geneuois, leur defendit neantmoins de marquer autrement leur monnoye que de son image: au lieu qu'ils y mettoient, comme ils font encores, un gibet, pour marque de iustice: ne voulans pas que la marque du Duc y soit. Et si la monnoye est l'un des droits de la souueraineté, aussi est la mesure, & le poids: ores que par les coustumes il n'y a si petit seigneur, qui ne pretende ce droit, au grand preiudice de la Republique. qui fut la cause que les Roys Philippe le Bel, Philippe le Long, Loys XI. auoient resolu qu'il n'y auroit qu'un poids & une mesure: & à ceste fin on auoit égalé toutes les mesures de vaisseaux de la pluspart de ce Royaume, comme j'ay veu par le procès verbal des commissaires extrait de la chambre des Comptes. mais l'exécution se trouua plus difficile qu'on ne pensoit, pour les differends & procès qui en resultoient. Toutefois nous lisons en Polybe, que cela fut bien executé en toutes les villes d'Achaye & de la Moree, où ils auoient semblable monnoye, poids, mesures, coustumes, loix, religion, officiers, & gouuernement. Quant au droit de mettre sur les sugets tailles & impôts, ou bien en exempter quelques uns, cela dépend aussi de la puissance de donner la loy, & les priuileges. non pas que la

Republique

1. lib. 3.

Republique ne puisse estre sans tailles, comme le President le Maistre escrit que les tailles ne sont imposees que depuis le Roy saint Loys en ce Royaume. mais s'il est besoin de les imposer, ou les oster, il ne se peut faire que par celuy qui a la puissance² souveraine : comme il a esté iugé par arrest du Parlement contre le Duc de Bourgogne, & depuis³ plusieurs fois tant au Parlement, qu'au conseil⁴ priué, & pour les entreprises que faisoient quelques Seigneurs particuliers, & les corps, & Colleges des villes & villages, le Roy Charles ix. en fist vn edit general à la requeste des Estats⁵ d'Orleans, par lequel il leur est expressément defendu, sans permission : ores que par souffrance on passoit les imposts des corps & Colleges pour les necessitez publiques, iusques à xxv. liures sans commission. & depuis le mesme edit fut reitéré à⁶ Moulins : suiuant le droit⁷ commun, & l'opinion des Iuriscultes. Et combien que le Senat Romain pendant les guerres, & mesmes les Censeurs imposent quelques charges, sçachans bien que le menu peuple en corps les accorderoit mal volontiers, si est-ce que cela passoit par souffrance des Tribuns du peuple, qui souuent aussi l'empeschoient, de sorte qu'ils presenterent requeste au peuple, que deslors en auant nul ne fust si hardi de faire passer loy au camp, par ce que le Senat, par subtil moyen, y auoit fait publier la loy de l'imposition, qu'on appelloit la vingtiesme des afranchis, sous couleur que c'estoit pour payer l'armee : qui l'accorda volontiers. Nous voyons aussi plusieurs fois és histoires Romaines, que les charges & impositions ont esté mises, ou leuees par le peuple, comme pendant la guerre Punique, le peuple fut taillé, & apres le retour du Capitaine Paul Emile, qui remplit la ville des despoüilles de Perseus Roy de Macedoine, le peuple fut deschargé de tailles, iusques aux guerres ciuiles du Triumvirat. Et par mesme moyen l'Empereur Pertinax osta les charges, imposts, & peages mis, comme dit Herodian, par les tyrans sus les riuieres, entrees & issues des villes, outre les aydes anciennes. Mais on dira, que plusieurs Seigneurs ont prescript le droit des tailles, imposts & peages : comme on voit mesmement en ce royaume que plusieurs Seigneurs peuuent imposer la taille en quatre cas, confirmez par⁸ arrests, & par coustumes, & mesmes pour les Seigneurs qui n'ont point de⁹ iurisdiction. Je respons, que la chose ayant commencé par abus, & inueteré par longues annees, a bien quelque couleur de prescription. mais l'abus ne sçauroit estre tant inueteré, que la loy ne soit tousiours la¹ plus forte, à laquelle il faut reigler les abus. & pour ceste cause il fut ordonné par² l'edit de Moulins, que les droits de taille, pretendus par les sugets, ne se pourroient leuer, sans auoir esgard à la prescription de longues annees, où les iuges & iuriscultes se sont tousiours arrestez : sans vouloir⁴ permettre qu'on s'enquist si les droits de souveraineté se peuuent prescrire : car ils tiennent presque tous ceste opinion, que les droits de la majesté se peuuent gagner par

2 l. i. vestigalia noua imponi. C. cap. i. que sint regalia Faber ibidem. Gallus q. 60. par. 5. sili forensis. 3. anno 1534. arrest de Paris.

4. à Lyon l'an 157. 5. article. 130.

6. article 33.

7. d. l. i. vestigalia C. domini pradiorum de agricolis & censit. C. Alexand. cōsil. 145 lib. 2. Bald in l. cū multa. de bonis quæ liberis. C. Oldrad. cōsil. 124. Par pari. in repetit. l. placet de sacrosan. C. Boer de cef. Burdegali. 126. & 132. Chassan. rub. 1. § 4.

8. arrests du parlement de Paris l'an 1521. febr. 5. & 1527. en May.

9. Pour Louys Ryuone iugé l'an 1556. le 19. Iuin.

1. l. 2. quæ sit longa cōsuet C. 2. article 23.

3. Alexan. cōsil. lib. 1. & cōsil. 87. lib. 3. Bald. cōsil. 340. lib. 3. & cōsil. 370. & 46. lib. 3. Salicet. in l. vestigalia col. 1. Socin. cōsil. 187. col. 8. Firmian. in tracta. de gabel. Bald. cōsil. 112. lib. 2.

4. Alex. cōsil. 125. lib. 2. col. 1. & cōf. 6. lib. 1. & cōf. 82. cod. col. 2. Barbat. cōsil. 41 col. 1. lib. 1. Felin. tin c. cum à nobis. de præscr. col. vlt. Arcin. cōsil 30. col. 4. & cōsil. 154. sine cap. super quibusdam. de verb. signif.

trait de temps. Il seroit beaucoup plus expedient de confesser que ces droits n'appartiennent pas au Prince souverain, qui seroit crime capital, comme ils confessent: ou bien il faudroit dire qu'on peut prescrire la couronne, & souveraineté. Nous ferons semblable iugement des exceptions de payer les charges & impositions, que nul ne peut otroyer, s'il n'est⁵ souverain: comme il est aussi disertement articulé par l'edit de⁶ Moulins: & faut que l'exemption soit verifiée en la chambre des Comptes & en la cour des Aydes. Il n'est donc point besoin de specifier en quel cas le Prince souverain peut imposer charge ou subside aux sugets, si la puissance de ce faire luy appartient, priuatiuement à tous autres. par ce qu'il y en a qui ont soustenu, que le droit⁷ pris sus le sel, est plus marque de souveraineté que les autres: & neantmoins on void presqu'en toute Republique plusieurs particuliers auoir salines, qui peuuent estre aux heritages & fonds des particuliers: comme anciennement les⁸ particuliers en auoient en Rome. Vray est que plusieurs Princes souverains ont d'ancienneté imposé ce droit sus le sel: comme fist⁹ Lyfimachus Roy de Thrace, Ancus Marcius Roy des Romains (qui fut haufsé par vn Censeur Liuius surnommé le Saunier) & Philippe de Valois en ce Royaume: mais cela n'empesche pas que les particuliers ne soient² seigneurs des salines, aussi bien que des autres minieres, sauf au Prince souverain ses droicts & impositions. Mais les droicts de la mer n'appartiennent qu'au Prince souverain, qui peut imposer charges iusques à x x x. lieuës loing de sa terre, s'il n'y a Prince souverain plus pres qui l'empesche: comme il a esté iugé pour le⁴ Duc de Sauoye. & n'est permis qu'au Prince souverain de bailler bref de conduicte, que les⁵ Italiens appellent guidage, ni de prendre le droict de briz, ou de Warech: qui est l'un des articles porté par l'ordonnance de l'Empereur⁶ Fride-ric 11. qui n'estoit point⁷ anciennement vsité entre les Princes souue- rains: neantmoins est aujourd'huy commun à⁸ tous ayans port sus mer. Et me souuiant auoir entendu, que l'Ambassadeur de l'Empereur fist plaintes au priué conseil du Roy Henri 11. l'an M. D. LVI. de deux galeres prises par Iourdan Vrsin, qui auoit souffert bris en Corseque: le Connestable luy remonstra que le bris est confisqué au seigneur souverain, & que c'est la coustume generale, non seulement es pays de l'obeissance du Roy, mais aussi en toute la mer du Leuant & du Ponēt. Aussi est-il certain qu'Antoine Doria ne fist iamais instance du bris de deux galeres confisquées par le prier de Capoua. comme les droits qu'on leue pour geter l'ancre sus terre seulemēt.⁹ Plusieurs mettent aussi entre les marques de souveraineté saisir les biens vacans, & s'en empa- rer, soient heritages ou espaues, qui sont¹ attribuez quasi par tout aux seigneurs particuliers. Et combien que de droict commun les Empe- reurs Romains auoient accoustumé de saisir, & reünir les biens vacans au domaine de la Republique, si est-ce que le particulier pouuoit s'en faire

3 l. de iis qui vacat.
à princip. C. immu-
nitatem. de agricol.
& censit. C. & tot tit.
de immun. cōced. C.
6. l'an 1566.

7. tit. quæ sint regal.
8 l. 1. quod cuius. vni-
uer. l. inter publica.
de verb. sig. l. si quis
de vctig. cap. super.
quibusdam. §. præ-
ter ea. de verb. sig.

9. Athenæ. lib. 3.
1. Liuius lib. 9. dec. 3.
2. l. forma. §. saline. de
cētib. l. magis puto.
Pruc. de reb. eorum.
Alexā. in l. diuortio.
§. si vir in fundo sol.
matri. Lud. Ro. in l. si
fundum eod.

3. Bald. in rub. de rer.
diuis. col. 2. & in l. cū
proponas. de naut.
fœnore. C.

4. Cacheranus in de-
cis. pedemont. 155.

5. glo. Panor. Hosti-
ens. Butrio in cap. su-
per quibusdam. de
verb. sig. Anteb. in
tract. de numeri. nu.
42.

6. l. nauigia. de furtis.
C.

7 l. 1. de naufrag. C. &
tit. de incend. ruina.
l. vlt l. qui leuāda. ad
l. Rhod. l. diuus. de
offi. præsid. ff.

8. Io. Plat. & Lucas
Penna in l. 1. de nau-
frag. C. Affictus de-
cis. 59. lib. 1. Benedic.
in cap. Raynu. verb.
& vxorē. nu. 337. Ar-
genterus in consuet.
Britan. art. 55. not. 1.
nu. 5.

9. cap. quæ sint regal.
Alexan. consil. 13. lib.

6. col. 4. Iacob. in in-
uestitura. glo. cū ve-
ro.

1. cōsuetud. Tuso. tit.
de moyenne iustice.
art. 9. tit. des espaues.
Biturigen. cōsuet. tit.
des heritages. §. 1. Ne
uers. titre des iustici-
ers. art. 1. Blois. titre
de la iurisdicō. art.
26. & 32. Bourdeaux
tit. de espaues. art.
105. Poictou titre des
bastars. art. 233. & au-
tres semblables.

faire seigneur², trouuant la chose delaissee, que nous appellons guerp, & deguerpir pour delaisser: vray est que le Prince souuerain auoit quatre³ ans, dedas lesquels il pouuoit saisir les heritages delaissez. mais presque en toute l'Europe, où le droit des fiefs a lieu, les seigneurs prennent les deux tiers de la chose meuble espauue, & le tiers à celuy qui l'a trouuee, si le seigneur de la chose, apres quarante iours que la publication s'est faite, ne se presente. Et par consequent nous dirons aussi, que le droit de fisque n'est point marque de souueraineté, d'autant qu'il est commun au prince souuerain, & à tous seigneurs iusticiers: & mesme le prince souuerain a son fisque en qualiré de particulier, separé du public: & son domaine particulier, qui n'a rien de commun avec le public, comme aussi les anciens Empereurs Romains, ont⁴ diuisé l'un & l'autre, &⁵ separé les officiers, & le procureur du fisque, & le procureur du patrimoine. Et mesme le Roy Loys xii. estant venu à la couronne, erigea la chabre de Blois, pour son domaine particulier de Blois, Môtfort, Coussi: outre le Duché d'Orléas, qu'il auoit tenu en apénage. Mais entre les droits du fisque, il y en a qui n'appartiennent qu'au prince souuerain: cōme la confiscatiō pour crimes de lezes⁶ majesté, sous lesquels on cōpréd aussi⁷ l'heresie, & fausse⁸ monnoye. Les autres droits du fisque sont presque tous communs au prince souuerain, & aux seigneurs iusticiers: cōme le droit du tresor trouué: & la puissance d'ottroyer droit de foire, qui estoit⁹ anciennement marque de souueraineté, aussi bien qu'à present, compris sous le cas des priuileges. Quant au droit de marque, ou de represailles, que les princes souuerains ont, priuatiuemēt tous autres, il n'estoit pas anciennement propre au prince souuerain: ains il estoit permis à chacun sans congé, ny du Magistrat, ny du Prince, vser de represailles, que les Latins, ce semble, appelloient *Clarigatio*: toutesfois les princes peu à peu donnerent ceste puissance aux gouuerneurs & magistrats: & en fin ils ont reserué ce droit à leur majesté, pour la seureté de la paix, & des trefues, qui souuent estoient rompues par la temerité des particuliers, abusans du droit de marque. En ce royaume le Parlement ottroyoit lettres de marque, comme nous trouuons par arrest du xii. Feurier m. ccccxcii. mais le Roy Charles vii. s'est reserué ce droit par edit expres de l'an m. cccc lxxxv. Quant au droit des regales il est biē propre aux princes souuerains qui en vsent, mais d'autant qu'il y en a peu qui ayent ce droit, il ne doit pas estre mis au nombre des marques de souueraineté: non plus que la qualité que les princes mettent en leurs edits, mandemens & commissions, à sçauoir, Par la grace de Dieu: qui fut l'un des trois poincts que le Roy Loys xi. defendoit au Duc de Bretagne, de mettre en sa qualité. toutesfois il y a plusieurs traittez anciens au tresor de France, où les deputez à traitter paix, ou alliance, qualifient leurs offices par la grace de Dieu: iusques à vn eleu, qui se dit eleu de Meaux par la grace de Dieu. Et mesmes les Roys de France ont reserué le droit, priuatiuemēt

2. l. 3. §. in amittenda de acq. poss. l. 1. pro derelicto.
3. l. vlt. de bonis vac. l. intra quatuor de diuersis & temp. l. 1. de quadriennij C. cū antea perpetua esset autoritas fisci. l. 2. fine ad Tertul. l. 38. de iure fisci. l. penul. de vsu & habit. l. 37. de vsucap. l. 83. de acquir. hered.

4. l. 2. §. hoc interdictum. ne quid in loco pub. l. sed Celsus. de contrah. empt. Plini. in panegyrico. Spartia. in Adriano l. bene à Zenone. de quadriennij prascript.

5. l. cum seruus §. vlt. de legat. l. 1. de iurisdic. C. l. ex consensu §. 1. de appell. l. 3. vbi causæ fiscal. C. toto tit. si aduersus fiscum. C. l. 1. de offi. procurat. Cæsar. Augustus primus procuratores instituit Dio. lib. 53. Adrianus aduocatos fisci. postremo comes rerum priuatarum qui καὶ ἀρχὴς qui patrimonium vniuersum curabat. l. vlt. de aduocat. fisci. C. l. vlt. de delator. C. l. nemiñe. de bonis vacat.

6. Guido Pap. decif. delph. 341.

7. idem decif. 76. cap. vergentis. de heretic.

8. l. 2. de falsa mon. C. Bartolus ait ex ea causa feudatarios bona damuati capere.

9. l. vnica de nundinis. C.

9. Varro in lib. de lingua lat. Liuius lib. 8. Demosthenes ἀνδροφαν Iustinianus ἐν ἐξουσίᾳ vocat.

à tous seigneurs & iusticiers, de sceller en cire iaune. ce que Loys XI. otroya par priuilege special à René d'Anjou Roy de Sicile, par lettres parentes du xxviii. Iuillet M. cccc. lxxviii. verifiees en Parlement, & semblable priuilege à ses heritiers: ce qui fist ouuerture au Roy pour auoir le Comté de Prouence. celui qui a trāscrit les memoires du Tillet en son liure, a mis cire blanche, de laquelle nos Roys iamais n'ont vsé: suyuant l'erreur de son auteur. On pouroit dire à plus iuste occasion, que c'est vne vraye marque de souueraineté de contraindre les sugets à changer de langue: ce que les Romains ont mieux executé que prince ny peuple qui fust onques: en sorte qu'ils semblent commander encores en la plus part del'Europe. Aussi le dernier Roy des anciens Hetruques estant vaincu fist tout ce qu'il pleut aux Romains: mais il ne voulut onques receuoir la lāgue Latine: Caton dit, *latinas literas ut reciperet, persuaderi non potuit*. Et d'autant que les Gaules estoient pleines de bourgeois Romains, & de leurs colonies, ils changerent quasi la langue du pays en latin, qu'ils appelloient Roman: & se donnoient tous les arrestts en latin, iusques à l'ordonnance du Roy François I. Nous voyons aussi les Arabes auoir planté leur langue par toute l'Asie & l'Afrique, & depuis peu d'annees le Roy d'Espagne voulut contraindre les Mores de la Granate à chāger d'habit & de langue. Mais entre les marques de souueraineté, plusieurs ont mis la puissance de iuger selon sa conscience: chose qui est commune à tous iuges, si n'y a loy ou coustume expresse. c'est pourquoy on voit souuēt es edits aux articles attribuez à l'arbitrage des iuges ceste clause: Dont nous auons chargé leur conscience. & si y a coustume, ou ordonnance au cōtraire, il n'est pas en la puissance² du iuge de passer par dessus la loy, ny disputer de la loy: ce qui estoit defendu par les loix de Lyncurgue, & par l'ancienne ordonnance de Florence: mais le prince le peut faire si la loy de Dieu n'y est expresse, à laquelle nous auons mōstré qu'il demeure suget. Quant au tiltre de majesté, il apert assez qu'il n'appartient qu'à celui qui est souuerain. Quelques vns aussi prennent la qualité de majesté sacree, comme l'Empereur: les autres excellēte majesté, comme la Roynes d'Angleterre par ses edits & lettres parentes. combien qu'anciennement, ny l'Empereur, ny les Roys n'vsoiēt point de ces qualitez. Toutesfois les princes d'Alemagne attribuent aussi bien ceste qualité de majesté sacree aux Roys de Frāce comme à l'Empereur: & me souuient auoir veu lettres des Princes de l'empire escrites au Roy pour la deliurance du Comté Mansfeld lors prisonnier en France, ausquelles y a six fois V. S. M. c'est à dire, vostre sacree majesté: qui est vne qualité propre à Dieu, priuatiuemēt à tous princes humains. Les autres princes non souuerains vsent du mot Altesse, cōme les Ducs de Lorraine, Sauoye, Mantoüe, Ferrare, Florēce: ou bien excellence, comme les princes du pays de surséance: ou serenité, comme les Ducs de Venise. Je laisse icy plusieurs menus droits, que les princes sou-

uerains

1. Bart. in l. i. vt que
desunt aduocatis. C.
Decius consil. 463 I.
mol. consil. 22. Bald.
in l. r. de vindict. li.
bert. C. Specul. tit. de
sentent. §. qualiter
ver. 2. Bald. in l. i. §.
quies de offi. prae-
feti Vrbi. Cynus in l.
si seruus. de Noxal.
C. Angel. in l. 2. de iis
qui sunt sui vel alie-
ni. Floria. in l. inter-
ruptio ne finium re-
gund.
2. l. i. ad Turpil. Ale-
xand. ad Bart. in l. il-
licitas. §. veritas. de
off. prae. Angel. in l.
à diuo de re iudic.
Io Andr. in cap. si sa-
cerdos. de off. ordin.
Calder. in cap. pa-
storalis. §. quia vero.
de offi. deleg.
3. Notat Lud. Rom.
consil. 392.

uerains chacun en son pays pretend, qui ne sont point marques de souveraineté qui doibuent estre propres à tous princes souverains, privativement à tous autres seigneurs iusticiers, magistrats, & sujets : & qui sont de leur nature incessibles, inalienables, & ° imprescriptibles. Et quelque don que face le Prince souverain de terre ou seigneurie, tousiours les droits Royaux propres à la majesté sont ⁴ reservez, ores qu'ils ne fussent disertement exprimez. ce qui a esté iugé pour les apennages de France par vn ancien arrest de la ⁵ Cour. & ne peuvent par traict de temps quel qu'il soit, estre prescripts ny vsurpez. Car si le domaine de la Republique ne peut estre acquis par prescription, cōment pourroit on acquerir les droits, & marques de la majesté? Or il est certain par les edits & ordonnances du domaine, qu'il est inalienable, & qu'il ne se peut acquerir par traict de tēps. qui n'est point vn droit nouveau: car il y a plus de 11. mil ans que Themistocle faisant saisir le domaine vsurpé des particuliers, dist en la harangue qu'il fist au peuple d'Athenes, Que les hommes ne peuvent rien prescrire contre Dieu, ny les particuliers contre la Republique. ⁶ Caton le Censeur vsa de la mesme sentence en la harangue qu'il fist au peuple Romain pour la reünion du domaine vsurpé par aucuns particuliers. cōment donc pourroit on prescrire les droits & marques de souveraineté? c'est pourquoy en termes de droit celuy est coupable de mort qui vse des marques reservees au Prince souverain ⁷. Voila quāt aux principaux poincts cōcernans la majesté souveraine le plus brièvement qu'il m'a esté possible, ayant traitté ceste matiere plus amplement au liure de *Imperio*. Et d'autant que la forme & l'estat d'une Republique depend de ceux qui tiennent la souveraineté, disons combien il y a de sortes de Republiques.

o. cap. veniente. de iureiurando.

4. Alberic. in l. vlt de iurisd. om. Bal. in l. à procuratore. mandati. C. & in l. si a quam de seruit. & aqua. C. Alexan. consil. 20. lib. 5. Lucas Pēna in l. contra publicam nu. 7. de remilit. C.

5. In lib. curia: inscripto olim. fol. 81.

6. l. si appellatione de appellat. C. per Cynum d. cap. venientes. de iureiurand.

7. l. sacri affatus de diuersis rescrip. C.




LE SECOND LIVRE DE LA REPUBLIQUE.

De toutes sortes de Republiques en general, & s'il y en a plus de trois.

CHAPITRE I.

Que c'est de l'estat d'une Republique.



D V I s que nous auons dict de la souueraineté, & des droicts & marques d'icelle, il faut voir en toute Republique, ceux qui tiennent la souueraineté, pour iuger quel est l'estat. comme si la souueraineté gist en vn seul Prince, nous l'appellerons Monarchie: si tout le peuple y a part, nous dirons que l'estat est populaire: s'il n'y a que la moindre partie du peuple, nous iugerons que l'estat est Aristocratique: & vserons de ces mots pour eiter à cōfusion & obscurité, qui prouient de la varieté des gouuerneurs bons ou mauuais: qui ont donné occasion à plusieurs, de mettre plus de trois sortes de Republiques. mais si ceste opinion auoit lieu, & qu'on mesurast au pied des vertus, & des vices l'estat des Republiques, il s'en trouueroit vn monde. Or il est certain, que pour auoir les vrayes diffinitions, & resolutions en toutes choses, il ne faut pas s'arrester aux accidens, qui sont innombrables, mais bien aux differences essentielles, & formelles. autrement on pourroit tomber en vn Labyrinthe infini, qui ne reçoit point de science. car on forgeroit des Republiques, non seulement pour la diuersité des vertus & des vices, ains aussi des choses indifferentes. comme si le monarque estoit élu pour sa force, ou pour sa beauté, ou pour sa grandeur, ou pour sa noblesse, ou pour ses richesses, qui sont choses indifferentes: ou bien pour estre le plus belliqueux, ou le plus paisible, ou le plus sage, ou le plus iuste, ou le plus magnifique, ou le plus sçauant, ou le plus sobre, ou le plus hūble, ou le plus simple, ou le plus chaste. ainsi de toutes les autres qualitez, on feroit vne infinité de monarchies: & en cas pareil de l'estat aristocratique, si la moindre partie du peuple tenoit la souueraineté, comme les plus riches, ou les plus nobles, ou les plus sages, ou les plus iustes, ou les plus belliqueux: & autant des vices, ou autres qualitez indifferentes: chose qui seroit absurde: & par consequēt l'opinion de laquelle reüssist vne telle absurdité doit estre regettee. Puis donc que la qualité ne chāge point la nature des choses, nous dirōs qu'il n'y a que trois estats, ou trois sortes de Republiques, asçauoir la monarchie, l'Aristocra-

r. Aristotel. in Polit.
Polyb. lib. 6.

La qualité ne change point la nature des choses.

stocratie, & la Democratie. la monarchie s'appelle quād vn seul a la souueraineté, cōme nous auons dit, & que le reste du peuple n'y a que voir: la Democratie ou l'estat populaire, quād tout le peuple, ou la plus part d'iceluy en corps a la puissance souueraine: l'Aristocratie, quād la moindre partie du peuple a la souueraineté en corps, & donne loy au reste du peuple, soit en general, soit en particulier. Tous les anciens ont bié accordé qu'il y en auoit trois sortes pour le moins: les autres y en ont adiousté vne quatrième meslée des trois. Platon y a bien adiousté vne quatrième, c'est à sçauoir, où les gēs de bien ont la souueraineté, qui est en propres termes la pure Aristocratie. mais il n'a point receu la meslange des trois pour forme de Republique.² Aristote a receu celle de Platō, & la meslange des trois, & en fait cinq sortes. Polybe³ en a fait sept, trois louables, trois vicieuses, & vne cōposée des trois premieres. Denys Halicarnas⁴ a mis outre les trois premieres, la quatrième meslée des trois: & au mesme tēps Ciceron, & apres luy Thomas le More, en la Republique, Contrarin, Macciauel, & plusieurs autres ont tenu la mesme opinion: qui est bien fort ancienne, & n'a pas pris origine de Polybe, qui toutesfois s'en donne la loüange, ny d'Aristote, ains auparauant luy plus de quatre cens ans Herodote l'auoit mis en lumiere, disant que plusieurs la tenoient pour la meilleure: mais il tient qu'il n'y en a que trois, & que toutes les autres sont imparfaites. Et n'estoit que la raison m'a forcé de tenir le contraire, peut estre que l'auctorité de si grands personnages m'eust vaincu. Il faut donc monstrer par viues raisons, que c'est vn erreur, & par les raisons mesmes, & exemples qu'ils ont mis en auāt. Car ils ont mis en faict, que les Republiques des Lacedemoniens, Romains, & Venitiens estoient composées, & doucement entremeslées de la puissance royale, Aristocratique, & populaire. Or Platon ayant escrit, que la meilleure forme de Republique estoit composée de l'estat populaire, & de la tyrannie, soudain fut releué par son disciple Aristote, disant qu'il ne s'en peut rien faire qui vaille, & qu'il est plus expedient d'en composer vne des trois ensemble. En quoy Aristote dispute contre soy-mesme: car si la meslange de deux Republiques est viciouse, asçauoir des deux extremités, qui font en toute autre chose le moyen, encores plus viciouse sera la meslange de trois. Et d'autant que ceste opinion peut mouuoir de grāds troubles és republiques, & causer de merueilleux effects; il est besoin de la bien examiner. Car il faut establir loix, & ordonnances contraires, pour le regard de l'estat, quand les republiques sont cōtraires: comme sont la monarchie, & l'estat populaire. Et par ce que les plus sages, & aduisez bourgeois de Florence, ayās conceu l'opinion des anciens de la meslange des trois republiques, comme la meilleure, quand il fut arresté qu'on rendroit la seigneurie au peuple, suyuant l'aduis de Pierre Soderin, on ne vouloit pas, que le rebut du menu peuple eust part à la souueraineté: ains seulement les plus

Opinion des anciens, touchant l'estat des Republiques.

2. lib. 4. cap. 7.
3. lib. 6. de militari ac domest. Roma. discipl.

4. lib. 2.

Il faut establir loix cōtraires aux Republiques cōtraires.

anciennes maisons, comme ils appelloient ceux de la premiere, & seconde ceinture de la ville, & des plus riches: & ne furent pas d'avis: que le grand conseil de ceux qui auroient part à la souveraineté, eust cognoissance de toutes les affaires d'estat, ains seulement de faire les loix, & les officiers, & disposer des deniers de l'espargne, & que le surplus seroit manié par le conseil priué, & par les officiers, pour entremeller les trois sortes de Republique. Et si il est ainsi qu'il s'en puisse faire vne de trois ensemble, il est certain qu'elle sera du tout differente: comme nous voyons la proportion harmonique, composée de la proportion arithmetique, & geometrique, estre du tout differente de l'une, & de l'autre, ainsi qu'en la mistion des choses naturelles ce qui est composé de deux simples, a vne vertu speciale, & tout autre que les simples dont il est composé. Mais la mistion des trois Republiques ensemble ne fait point d'espece differente: veu que la puissance Royale, Aristocratique, & populaire ensemble, ne fait que l'estat populaire, si ce n'estoit qu'on donna la souveraineté pour vn iour au monarque, & que le iour ensuiuant la moindre partie du peuple eust la seigneurie, & puis apres tout le peuple, & chacun des trois eust à son tour la souveraineté: comme les Senateurs Romains, apres la mort du Roy, auoient la puissance souveraine certains iours, & chacun en son tour. auquel cas neantmoins il n'y auroit que trois sortes de Republiques, qui ne la feroient pas longue: non plus qu'au mauuais mesnage où la femme commande au mari en son rang, & puis les seruiteurs à l'un & à l'autre. mais de poser la monarchie avec l'estat populaire, & avec la seigneurie, c'est chose impossible, & incompatible en effect, & qu'on ne scauroit mesmes imaginer. Car si la souveraineté est chose indiuisible, comme nous auons monsté, comment pourroit elle se departir à vn Prince, & aux seigneurs, & au peuple en vn mesme temps? La premiere marque de souveraineté, est donner la loy aux sujets: & qui seront les sujets qui obeiront, s'ils ont aussi puissance de faire loy? qui sera celui qui pourra donner loy, estant cōtrainct luy mesme de la recevoir de ceux ausquels il l'a donné? ainsi faut il conclure par necessité, que si pas vn en particulier n'a puissance de faire la loy, ains que ce pouuoir soit à tous ensemble, que la Republique est populaire. Si nous donnons puissance au peuple de faire les loix, & les officiers, & du surplus qu'il ne s'en mesle point, il faudra neantmoins confesser que la puissance donnée aux officiers, appartient au peuple, & qu'elle n'est baillée qu'en depost aux magistrats, que le peuple peut aussi bien destituer, comme il les a instituez: tellement que l'estat sera tousiours populaire. Et pour verifier ce que j'ay dit, prenons les exemples mesmes que Polybe, Contarin, & autres nous ont laissez. Ils disent que l'estat des Lacedemoniens estoit composé des trois, par ce qu'il y auoit deux Roys, & puis le Senat de xxviii. qui representoit l'Aristocratie, & les cinq Ephores, qui figuroient l'estat populaire. Mais que respondrōt ils à

L'estat de Lacedemonne estoit simple, & non composé.

ils à Herodote, lequel met pour exemple d'une pure Aristocratie l'estat des Lacedemoniens? que répondront ils à Thucydide, Xenophon, Aristote, & Plutarque? qui disent, parlant de la guerre Peloponésiaque (qui dura xxj. an entre les Republiques populaires, & Aristocratiques) que le seul but des Atheniens & de leurs alliez, estoit de changer les Aristocraties en Democraties, comme ils firent en la ville de Samos, en Corfou, & en toutes les autres villes qu'ils assugetirent: & au contraire, l'intention des Lacedemoniens estoit de chager les estats populaires en seigneuries Aristocratiques, comme de faict ils executerent en toutes les villes de la Grece, apres la victoire de Lyfandre, & en la ville d'Athenes mesmes, ostant la souveraineté au peuple, & la donnant à xxx. seigneurs qu'on appella les xxx. tyrans, en la forme & maniere des Lacedemoniens. Et aux villes des Samiens, Sicyoniens, Æginetes, Meliens, & autres villes de l'Asie mineure, ils donnerent la souveraineté à dix seigneurs, & vn capitaine, r'appellans les bannis, qui auoient tenu pour l'Aristocratie, & bannissant les principaux des factions populaires. Que diront ils à ^{5, in oratione,} Maximus Tyrius, qui met pour exéple des seigneuries Aristocratiques, les Lacedemoniens tous les premiers, puis les Thessaliens, Pelleniens, Cretois, Mantinea's? Il faudroit conuaincre de méterie tous ces auteurs là, qui estoient des lieux mesmes, & la plus part du temps que florissoient les Republiques des Atheniens, & Lacedemoniens: pour le moins ils seroient plus croyables qu'un Florétin, vn Venitien, vn Anglois. Mais ce qui les a peut estre abusez, c'est le nom de Roys, que Lycurgue auoit laissé à deux seigneurs yssus de la maison d'Hercules, apres leur auoir osté leur puissance, & de leur gré & consentement, l'ayant donnee au peuple. Vray est qu'ils estoient ia fort ebralez. car depuis que le Roy Aristodemus, Prince souverain des Lacedemoniens eut laissé deux enfans, qui succederent ensemble à l'estat royal, (comme Amphareus, & Leucippus sus les Messeniens) estant tous deux Roys par indiuis ny l'un, ny l'autre n'estoit Roy, & s'empeschoient souuent par ialousie: & en fin furent depouilleez par Lycurgue, qui estoit aussi Prince du sang, de la souveraineté, demeurât le nom Royal en leur maison, & rié plus que les autres xxviij. seigneurs. Et tout ainsi qu'en Athenes, & en Rome, apres que les Roys en furent chassez, on laissa le nom de Roy à quelque prestre, qu'on appelloit le Roy des sacrifices, pour faire certain sacrifice, que le Roy seul faisoit auparavant, lequel neâtmoins estoit suget au grand Pontife: & ne pouuoit comme dit Plutarque, auoir aucun estat, ny magistrat: ce que pouuoient tous les autres prestres. Ainsi fist Lycurgue aux deux Roys de Lacedemone, qui n'estoient rien que Sénateurs, n'ayans que leurs voix, sans aucun pouuoir de commander: ains au contraire ils estoient contraints d'obeir aux mandemens des Ephores, qui les condamnoient souuent à l'amende, & quelquesfois à la mort, comme ils firent és Roys Agis, & Pausanias, ^{6, Pausan. lib. 4.} demeurant la souveraineté au peuple, qui auoit toute puis-

sance de confirmer, ou infirmer les aduis, & arrests du Senat. aussi Thucydide regette l'erreur de ceux qui pensoient que les Roys eussent chacun deux voix. mais cent ans apres, l'estat ordonné par Lycurgue, fut changé par Polydore, & Theopompe Roys, voyant qu'il estoit difficile d'assembler le peuple, & qu'il r'enuersoit bien souuent les saincts arrests du Senat. Ils changerent donc l'estat populaire en seigneurie Aristocratique, par subtil moyen d'un oracle d'Apollon, qu'on fist seruir à l'entreprise: par lequel oracle il estoit porté, que le Senat des xxx. auroit deslors en auant toute puissance des affaires d'estat: tellement que de Senateurs ils furent seigneurs souuerains. & pour contenter le peuple, & luy faire oublier ce qu'on luy ostoit, ils aduiserēt de faire les cinq Ephores, qui estoient pris du peuple, comme Tribuns, pour empescher la tyrannie. Et de fait les Ephores de neuf en neuf ans regardoient au ciel serain, & s'ils voyoient quelque estoile sauteler, ils mettoient, dit Plutarque, leurs Roys en prison, & n'en sortoient qu'il ne fust dit par l'oracle d'Apollon. ainsi faisoit le phylacte, ou geolier, au Roy de Cumes, qu'il mettoit en prison tous les ans, & n'en sortoit point que le Senat ne l'eust ordonné: comme nous lisons aux Apophthegmes des Grecs. Or la Republique des Lacedemoniens dura cinq cens ans, & iusques à Cleomenes, qui tua les Ephores, & osta la puissance aux xxx. seigneurs. & combien que le Roy de Macedoine Antigon ayant vaincu Cleomenes, eust mis l'estat en sa puissance, & aussi tost restabli, comme il estoit au parauant, neantmoins estant retombé xx. ans apres sous la puissance de Nabis le tyran, qui fut tué par Philopæmen, la Republique fut vnüe à l'estat des Acheans, iusques à ce que xxx. ans apres elle fut afranchie par les Romains. Voila en peu de mots la vraye histoire de l'estat des Lacedemoniens, que Plutarque ⁶ a recueilly en fueilletant tous les registres sus les lieux, qui n'auoit du tout auparauant esté bien entendue ny de Platon, ny d'Aristote, ny de Polybe, ny de Xenophon: ce qui a donné occasion à plusieurs de s'abuser, & de penser qu'elle fust meslée des trois Republiques. Ce qu'on peut cognoistre par la responce que fist Nabis, premier ⁴ Tyran de Lacedemone à Q. Flaminius: *Noster Legumlator Lycurgus, non in paucorum manu Rempublicam esse voluit, quem vos Senatum appellatis, nec eminere unum aut alterum ordinem in ciuitate: sed per equationem fortunæ, ac dignitatis fore credidit, vt multi essent, qui pro patria arma ferrent.* Combien qu'il vouloit couurir sa tyrannie du tout contraire à ce qu'il disoit: neantmoins il disoit la verité de ce qu'auoit fait Lycurgue. Mais passons outre. Ils ont aussi mis pour exemple l'estat des Romains, qu'ils disent auoir esté meslé de l'estat royal, populaire, & Aristocratique: & qu'ainsi soit, dit Polybe, on voit la puissance royale és Consuls, l'Aristocratie au Senat, la Democratie aux estats du peuple: Denys d'Halicarnas, Ciceron, Contarin, & quelques autres ont suivi ceste opinion, qui n'a point d'apparence. car premieremēt la puissance

⁶ in Lycurgo, Lysandro, Agefilao, Cleomene.

⁴ Liuius lib. 34.

fance royale ne peut estre en deux, & la monarchie estant vnïe en soy, ne souffre iamais de compagnon, ou bien ce n'est plus Royaume, ny monarchie, comme nous auons monstré: il y auroit plus d'apparence d'attribuer celà à vn Duc de Gennes, ou de Venise. & quelle puissance royale pouuoit estre en deux Consuls, qui n'auoient ny puissance de faire loy, ny paix, ny guerre, ny officier, ny donner grace, ny tirer vn denier de l'espargne, ny mesmes condamner vn citoyen aux verges, s'ils n'estoient en guerre: puissance qui a tousiours esté donnée à tous capitaines en chef, qu'il faudroit aussi appeller Roys, & avec plus d'apparence que les Consuls, qui n'auoient que puissance l'un apres l'autre, & pour vn an seulement. Le Connestable en ce Royaume, le premier Basccha en Turquie, le Bethudete en Æthiopie, le Degnare és Royaumes d'Afrique, ont dix fois plus de puissance que les deux Consuls ensemble, & toutesfois ils sont esclaves & sugets des princes, comme estoient les Cōsuls seruiteurs, & sugets du peuple. Et à quel propos disent ils que les Consuls auoient auctorité Royale, veu que le moindre Tribun du peuple les mettoit en prison: comme fist Druse le Tribun, qui fist prendre au collet le consul Philippe & le getta en prison par vn sergent, pour ce qu'il l'auoit interrompu parlant au peuple. la puissance qu'ils auoyent, estoit de conduire les armées, d'assembler le senat, de receuoir, & presenter les lettres des capitaines, & des alliez au senat, de donner audience aux Ambassadeurs deuant le peuple, ou le senat, d'assembler les grands estats, & demander l'aduis au peuple, sus la creation des officiers, ou publication des loix, parlant neantmoins debout, & baissant les masses, en signe de sugetion, deuant le peuple, qui estoit assis. & en l'absence des Consuls, le premier magistrat qui se trouuoit à Rome auoit mesme puissance. Ioint aussi qu'ils n'auoient puissance que pour vn an. ie laisse donc ceste opinion, qui ne merite pas d'estre regettee. Quāt au Senat, qu'ils disent auoir eu forme de puissance Aristocratique, tāt s'en faut qu'il n'y eut onques priuē conseil, qui n'en eust presque dauantage. car il n'auoit aucune puissance de commander, ny aux particuliers, ny aux magistrats, & mesmes il ne se pouuoit legitimemēt assembler s'il ne plaisoit aux Consuls. tellement que Cæsar, pendant l'annee de son Cōsulat, n'assembla qu'une fois ou deux le Senat, presentant requeste au peuple, de tout ce qu'il vouloit obtenir. & n'estoit point chose nouuelle, que le Consul fist à son plaisir contre l'aduis du Senat. Car lors mesme que le Senat estoit en plus grande auctorité qu'il fut onques, nous lisons⁷ que le Senat ayant prié les Consuls de nommer vn Dictateur, estāt la Republique en danger, les Consuls n'en voulurent rien faire: le Senat n'ayant aucun pouuoir de commander, ny mesmes aucun sergent, ny massier, qui sont les vrayes marques de ceux qui ont commandement, enuoya Seruilius Priscus senateur, pour supplier les Tribuns en ceste sorte, *Vos Tribuniplebis Senatus appellat, vt in tanto discrimine Reipublicæ Dictatorem*

L'estat de Rome estoit simple, & non pas composé.

6. Cice. in epistol. fam. ad Lentulum. Cornutus Prætor Urbanus, quia consules aberrant, more maiorum cogit senatum.

7. Lælius lib. 4.

dicere Consules pro vestra potestate cogatis : Tribuni pro collegio pronuntiant, placere Consules Senatui dicto audientes esse, aut in vincula se duci iussuros. Et en autre⁸ lieu, il est dit, que le Senat fut d'aduis, que le Consul presentast requeste au peuple, pour commander celuy qu'il vouloit estre Dictateur : & si le Consul n'en vouloit rien faire, que le Preteur de la ville presentast la requeste, *si ne is quidem vellet, Tribuniplebis : Consul negavit se populum rogaturum, Pratorémque rogare vetuit : Tribuniplebis rogarunt.* Ainsi voit-on euidentement, qu'ils n'auoient pas seulement puissance de commander aux moindres magistrats, par dessus les defences des plus grands. Et quant à ce que dit Polybe,⁹ que le Senat auoit puissance de iuger les villes, & prouinces, & punir les coniurez contre l'estat, il apert assez du contraire en Tite Liue,¹ quand il fut question de chastier les trahistres Capouïans, qui s'estoient alliez du capitaine Annibal apres la iournee des Canes, vn ancien Sénateur dist en plein Senat, *Per Senatum agi de Campanis iniussu populi non video posse.* & peu apres, *Ut rogatio feratur ad populum, qua Senatui potestas fiat statuendi de Campanis :* & fus la requeste presentee au peuple à ceste fin, le peuple decerne sa commission, & commande au Senat de faire le procez aux Capouïans en ceste sorte, *Quod Senatus maxima pars censeat, qui assident id volumus iubemusque.* Aussi Polybe s'est abusé de dire, que le Senat ordonnoit des prouinces, & gouuernemens à son plaisir, veu ce que dit Tite Liue lib. xxviii. *Q. Fuluius postulauit à Consule, vt palam in Senatu diceret, permitteretne Senatui, vt de prouinciis decerneret, staturusque eo esset quod censuisset, an ad populum laturus : Scipio respondit, se quod è Republica esset facturum. Tum Fuluius, à vobis peto Tribunipl. vt mihi auxilio sitis.* Où l'on voit euidentement, que le Senat n'auoit aucun pouuoir que par souffrance des Tribuns, & du peuple. Or celuy qui n'a rien que par souffrance, n'a rien, comme nous auons dit cy dessus. Brief de toutes les affaires d'estat, & mesmes de tout l'aduis, & arrests du Senat, il n'y auoit rien qui eust force ny vertu, si le peuple ne le commandoit, ou si le Tribun du peuple ne le consentoit, comme nous auons touché cy dessus, & dirons plus ample-ment au chap. du Senat. & n'y a doubte quelconque, que l'estat des Romains, depuis qu'on donna la chasse aux Roys, ne fust populaire, horsmis deux annees que les dix commissaires establis pour corriger les coustumes, changerent l'estat populaire en Aristocratie, ou, pour dire plus proprement, en Oligarchie : de laquelle ils furent chassez par coniuration. J'ay dit cy dessus, que la puissance des magistrats pour grande qu'elle soit, n'est point à eux, & ne l'ont qu'en depost. Or il est certain, que le peuple au commencement elisoit^o les Sénateurs : & puis pour se descharger de la peine, donna la commission aux Censeurs, qui estoient aussi eleus par le peuple : tellement que toute l'auctorité du Senat dependoit du peuple, qui auoit accoustumé de confirmer, ou infirmer, ratifier ou casser à son plaisir les arrests du Senat. Contarin a fait
mesme

8. Liuius lib 27.

9. lib. 6.

1. lib 26.

o. Festus.

mesme iugement de la Republique de Venise, disant qu'elle estoit meslee des trois Republiques, comme celle de Rome, & de Lacedemonne. Car, dit-il, la puissance royale est aucunement au Duc de Venise, l'Aristocratie au Senat, l'estat populaire au grand Conseil. Depuis luy Ianot a mis en lumiere le vray estat de la Republique Venitienne, où il monstre par euidens tesmoignages, recueillis des anciens registres de Venise, que Contarin festoit bien fort abusé. Il monstre qu'il n'y a pas trois cens ans, auparauint Sebastian Cyane, Duc de Venise, que l'estat de Venise estoit vne pure monarchie, combien que Contarin dit y auoir huiet cens ans qu'elle est ainsi establie que nous la voyons : & Paul Manuce dit xii. cens ans. mais quoy qu'il en soit, il est tout certain qu'à present c'est vne vraye seigneurie Aristocratique, car du nombre de cinquante neuf mil ccc. xli. Venitiens qui fut leué il y a xx. ans sans y comprendre les ieunes au dessous de xx. ans, & les gentils-hommes Venitiens, il n'y a que quatre, ou cinq mil gentils-hommes ieunes & vieux qui ayent part à l'estat : encores les gens d'Eglise, & les ieunes au dessous de xxv. ans n'y ont que voir, & n'entrent point au grand conseil, si ce n'est que par requeste les ieunes à xx. ans y soient receus, selon qu'on voit la discretion plus grande aux vns qu'aux autres. & ne se trouue point depuis cent ans, que le grand conseil assemblé pour decider les grandes affaires, ait passé le nombre de xv. cens, comme on peut voir en l'histoire de Sabellic, & du Cardinal Bembe, les autres estans absens. C'est donc la moindre partie des Venitiens qui a la souueraineté, & de certaines familles nobles, car tous les gentils-hommes natifs de Venise n'y sont pas receus, ains il y en a de mesme estoc, de mesme race, de mesme nom, dont les vns sont Citadins, qui n'entrent point au conseil, les autres y entrent. Je ne diray point icy la raison que chacun peut voir en Sabellic. Ce grand conseil, dit Contarin, a puissance souueraine de faire les loix, & les casser, instituer, ou destituer tous officiers : receuoir les appellations en dernier ressort : decider la paix ou la guerre : donner graces aux condamnés. En quoy Contarin se condamne soy-mesme : car puis qu'il est ainsi qu'il dit, on ne peut nier que la souueraineté de ceste Republique là ne soit Aristocratique, quand bien le grand conseil n'auroit autre puissance, que de faire les officiers : car si les officiers ont quelque puissance, il la tiennent de la seigneurie : qui suffit pour monstre que les dix, ny le Senat, ny les sages, ny le Duc, avec les six conseillers, n'ont aucun pouuoir, que par souffrance, & tant qu'il plaist au grand conseil. Et quant au Duc, Contarin mesmes cōfesse, qu'il n'a pas la puissance de faire appeller personne par deuant luy, qui est la premiere marque de commandement, attribuee aux moindres magistrats : & ne peut rien decider soit pour les affaires d'estat, soit en iustice, qu'en l'assemblée de six conseillers, ou des dix, ou des sages, ou du Senat, ou des xl. iuges en ciuil, ou criminel, ou du grand conseil : car combien qu'il a entree en tous corps, & colleges,

L'estat de Venise est simple, & non composé.

L'estat de la France est simple, & pure monarchie.

si est-ce qu'il n'a que sa voix comme vn autre, & n'oseroit ouurir vne lettre, de quelque lieu qu'elle s'adresse à la seigneurie, sinon en la presence des six conseillers, ou des dix: & n'oseroit sortir de la ville. Et mesme le Duc Falier s'estant marié à vne femme estrangere, sans l'aduis du conseil, fut pendu: & douze autres Ducs de Venize ont esté mis à mort abusant de leur puissance: comme on peut voir en Sabellic. Mais il porte la barette precieuse, la robbe de drap d'or, il est suiui, honnoré, respecté comme vn Prince, & la monnoye porte son nom, ores que la marque de la seigneurie y soit: qui sont tous arguments qu'il est Prince: ie l'accorde, mais en effect il n'a puissance aucune, ny commandement. Et s'il estoit ainsi, que par les habits, & les mines apparentes on iugeast l'estat des Republiques, il ne s'en trouueroit pas vne qui ne fust meslee en la sorte qu'ils disent. L'empire d'Alemagne seroit beaucoup plus meslé que celuy des Venitiés: car l'Empereur a bien d'autres marques, & plus seigneuriales que le Duc de Venise: les sept Princes electeurs avec les autres Princes ont apparence d'Aristocratie ou d'Oligarchie: les Ambassadeurs des villes Imperiales, ressemblent vne Democratie: & neantmoins il est bien certain que l'estat Imperial d'Alemagne est vne pure Aristocratie, composée de trois ou quatre cens personnes pour le plus, comme nous auons dit cy dessus. Aussi diroient les Suisses, que leur estat est meslé des trois Republiques, où le conseil semble vne seigneurie Aristocratique: l'Auoyer, ou Bourguemaistre represente l'estat royal: & les assemblees generales & particulieres, l'estat populaire: & neantmoins on sçait assez que toutes leurs republiques sont ou Aristocratiques, ou populaires. On a voulu dire, & publier par escrit que l'estat de France estoit aussi composé des trois Republiques, & que le Parlement de Paris tenoit vne forme d'Aristocratie, les trois estats tenoient la Democratie, & le Roy representoit l'estat royal: qui est vne opinion non seulement absurde, ains aussi capitale. Car c'est crime de leze majesté de faire les sujets compagnons du Prince souuerain. Et quelle apparence y a il d'estat populaire en l'assemblee des trois estats, attendu qu'un chacun en particulier, & tous en general ploient le genoüil deuant le Roy, vsant d'humbles requestes, & supplications, que le Roy reçoit, ou regette ainsi que bon luy semble: quel contrepoix de puissance populaire contre la majesté d'un monarque peut estre en l'assemblee des trois estats, voire de tout le peuple, s'il pouuoit estre en vn lieu, qui supplie, requiert, & reuerse son Roy: tant s'en faut que telle assemblee diminue la puissance d'un Prince souuerain, que par icelle sa majesté est de beaucoup acreuë & releuee. Car il ne peut estre eleué en plus hault degré d'honneur, de puissance, & de gloire, que de voir vn nombre infini de princes & grands seigneurs, vn peuple innumerable de toutes sortes, & qualitez d'hommes, se getter à ses pieds, & faire hommage à sa majesté: veu que l'honneur, la gloire, & la puissance des princes ne gist qu'en

qu'en l'obeissance, hōmage & seruiçe des sugets. Si donques il n'y a aucune image de puissance populaire en l'assemblée des trois estats qui se font en ce royaume, non plus, & encores moins qu'en Espagne & Angleterre, beaucoup moins y aura de seigneurie Aristocratique en la cour des Pairs, ny en l'assemblée de tous les officiers du royaume, attendu mesmement que la presence du Roy fait cesser la puissance & auctorité de tous les corps. & Colleges, & de tous les officiers tant en general qu'en particulier, de sorte qu'il n'y a pas vn seul Magistrat qui ait pouuoir de cōmander, cōme nous dirons en son lieu. Et cōbien que le Roy seant en son siege de iustice, le Chācelier s'adresse premieremēt au Roy pour sçauoir ce qu'il luy plaist, lequel commande au Chancelier, qui va recueillant l'aduis & opinion des Princes du sang, & des plus grands Seigneurs, Pairs & Magistrats, si est-ce que ce n'est pas pour iuger au nombre des voix, ains pour rapporter au Roy leur aduis, si luy plaist le suiure, ou le regeter: & iāçoit que le plus souuēt il suit l'opinion du plus grand nombre, toutefois pour faire entendre que ce n'est pas pour leur regard, le Chācelier prononçant l'arrest ne dit pas le Cōseil, ou la Cour dit, ains le Roy vous dit. aussi voyons nous que la Cour de Parlement escriuant au Roy, garde encores à present l'ancien stile, qui est tel en l'inscription des lettres, A V R O Y N O S T R E S O V V E R A I N S E I G N E V R: & au commencement des lettres, Nostre souuerain Seigneur, tant & si tref-humblement que pouuons à vostre bonne grace nous recommandons. & la soubscription au plus bas endroit que faire se peut: V o s tres-humbles & tref-obeissans sugets & seruiteurs, les gens tenans vostre Cour de Parlement. qui n'est pas la forme de parler des seigneurs Aristocratiques, ny de compagnons en puissance, mais bien de vrais & humbles sugets. Et d'autant que i'ay touché ce poinct ci dessus, ie le passeray plus legerement. C'est donc vne pure Monarchie, qui n'est point meslee de puissance populaire, & moins encores de seigneurie Aristocratique: & telle meslange est du tout impossible, & incompatible. Et de fait Aristote examinant ceste opinion de plus pres, au liure *iiii.* chapitre *viii.* de la Republique, dit bien qu'on appelloit *πολιτεία*, c'est à dire Republique, celle qui est composee d'Aristocratie & Democratie: mais il ne dit point comment cela se peut faire, & n'en donne point d'exemple: ains au cōtraire au chapitre dixiesme du mesme liure, il confesse qu'il n'y en auoit point de son temps, & qu'il n'en auoit point trouué au parauant, quoy qu'il eust recueilli, comme on dit, cent Republiques en vn liure, qui s'est perdu. Il est bien vray qu'il dit, que la Republique de Platon n'estoit ni Aristocratique, ni populaire, ains vne tierce espece composee des deux, qu'il appelle, cōme i'ay dit, du nom de Republique. Et d'autant qu'Aristote n'a iamais raporté les vrayes opiniōs de Platon, ains au contraire qu'il les a tousiours desguisees, comme les anciens Academiques ont trefbien remarqué: & mesmement où il re-

Forme que les
cours de parle-
ment tiennēt es-
criuant au Roy.

Republique de
Platon simple &
non composée.

gette sa Republique, au dire duquel plusieurs s'apuyans, ont esté bien fort abusez. ie mettray en trois mots la vraye opinion de Platon, qui merite bien d'estre cogneue pour entendre la question où nous sommes, ioint aussi que les vns l'appellent diuine, les autres la foulent aux pieds, deuant que l'auoir leuë. Platon fait deux Republiques: la premiere qu'il attribue à Socrate, qui ne pensa iamais, comme dit Xenophon, à ce que Platon luy fait dire: & en ceste-ci, il oste ces deux mots, *M I E N*, & *T I E N*, comme la source de tout mal, & veut que tous les biens, femmes & enfans soient communs. mais voyant que chacun la blasmoit, il s'en departit taisiblement, comme s'il eust plustost escrit pour en discourir que pour la mettre en effect. La seconde Republique, est celle qu'on attribue à Platon, qui oste la communauté des biens, des femmes & enfans: & au surplus les deux Republiques sont semblables. car en l'une & l'autre il ne veut pas qu'il y ait plus de cinq mil & quarante citoyens, nombre par luy choisi, pour auoir cinquante & neuf parties entieres: & en fait trois estats, c'est à sçauoir les gardes, les gendarmes, & les laboureurs. & puis il fait trois classes de citoyens, qui ne sont point egaux en biens: & quant à la souueraineté, il attribue à toute l'assemblée du peuple: car il donne la puissance à tout le peuple de faire la loy, & la casser: qui suffit pour iuger que l'estat est populaire, quand il n'y auroit autre chose. il passe plus outre, & donne à toute l'assemblée du peuple puissance d'instituer & destituer tous officiers. & non content de cela, il veut aussi que le peuple ait toute puissance de iuger tous les procès criminels, attendu, dit-il, que tout le peuple y a interest. Brief il donne au peuple la puissance de la vie & de la mort, de condamner, & ottroyer graces. qui sont tous argumens euidens d'un estat populaire. car il n'y a point de Magistrat souuerain qui represente l'estat Royal, & aussi peu de forme Aristocratique. car il veut que le Senat, ou le conseil des affaires d'estat, qu'il appelle gardes, soit composé de quatre cens bourgeois, eleus au plaisir du peuple. qui monstre euidemment que la Republique de Platon est la plus populaire qui fut onques, voire plus que celle de son pais mesmes d'Athenes, qu'on dit auoir esté la plus populaire du monde. Je laisse sept cens vingt six loix qu'il a couchees par escrit, pour le gouuernement de sa Republique: car il me suffit d'auoir monsté touchant l'estat qu'Aristote, Ciceron, Contarin, & plusieurs autres se sont mespris, d'auoir posé que la Republique de Platon fust temperee & composée des trois, ou du moins de la seigneurie Aristocratique, & de l'estat populaire. Nous concludons donc, qu'il n'y a point, & ne se trouua onques Republique composée d'Aristocratie, & de l'estat populaire, & beaucoup moins des trois Republiques: ains qu'il n'y a que trois sortes de Republique, comme dit Herodote le premier, & encores mieux² Tacite, *Cunctas nationes, dit-il, & urbes populus, aut primores, aut singuli regunt*. Mais dira quelqu'un, ne se peut-il faire qu'il

qu'il y ait vne Republique où le peuple face les officiers, & dispose des deniers, & donne les graces, qui sont trois marques de souveraineté : & la Noblesse face les loix, ordonne de la paix, & de la guerre, & des impositions, & des tailles, qui sont aussi marques de souveraineté : & outre cela qu'il y ait vn Magistrat royal par dessus tous, à qui tout le peuple en general, & chacun en particulier rende la foy & hommage lige, & qu'il iuge en dernier ressort, sans aucun moyen d'appeller, ni de presenter requeste civile : qui feroit diuiser les droits & marques de souveraineté, & composer vne Republique aristocratique, royale & populaire tout ensemble. Je respons, qu'il ne s'en est iamaistrouué, & qu'il ne se peut faire, ni mesmes imaginer, attendu que les marques de souveraineté sont indiuisibles. car celuy qui aura puissance de dōner loy à tous, c'est à dire commander ou defendre ce qu'il voudra, sans qu'on en puisse appeller, ni mesmes s'opposer à ses mandemens : il defendra aux autres de faire ni paix ni guerre, ni leuer tailles, ni rendre la foy & hommage sans son congé : & celuy à qui sera deu la foy & hommage lige, obligera la Noblesse & le peuple de ne prester obeissance à autre qu'à luy : tellemēt qu'il faudra tousiours venir aux armes, iusques à ce que la souveraineté demeure à vn Prince, ou à la moindre partie du peuple, ou à tout le peuple. Pour exēple, on peut voir que depuis Christierne ayeul de Federic Roy de Dannemarch, qui regne à present, la Noblesse a voulu assugetir les Roys : & de fait ayant conspiré contre le Roy le chasserent de son estat, pour en saisir son cousin, à la charge qu'il ne feroit ni paix ni guerre sans congé du Senat, & n'auroit aucun pouuoir de condamner les gentils-hommes à mort, & plusieurs autres articles semblables que ie mettray en son lieu : que les Roys depuis ce temps là ont iuré garder. & afin qu'ils n'y contreuiennent, la Noblesse ne veut pas qu'il face la paix, & si a fait ligue avec le Roy de Poloigne, & ceux de Lubec cōtre le Roy, pour la tuition de la liberté : de sorte que le Roy de Dannemarch & sa Noblesse ont partagé la souveraineté. mais aussi peut-on dire que ceste Republique là n'a point eu de repos asseuré : & c'est plus tost vne corruption de Republique, qu'une Republique. ainsi disoit Herodote, qu'il n'y a que trois sortes de Republique, & que les autres sont corruptions de Republique, qui ne cessent d'estre agitées des vents de seditions civiles, iusques à ce que la souveraineté soit du tout aux vns ou aux autres. Encores peut-on dire, qu'en l'estat des Romains la moindre partie du peuple choisie des plus riches, faisoit les loix, les plus grāds Magistrats, à sçauoir les Consuls, Preteurs, Censeurs, & auoit puissance souveraine de la vie & de la mort, & dispoit du fait de la guerre : & la plus part de tout le peuple faisoit les moindres Magistrats, à sçauoir les dix Tribuns du peuple, les *xxiiij.* Tribuns militaires, les deux *Ædiles*, ou *Escheuins*, les thresoriers, les officiers du guet & des monnoyes, & donnoit tous les benefices vacans : en outre la plus part du peuple iu-

Il est impossible de composer vne Republique meslee des trois.

Les grans estats
& menus estats
du peuple.

geoit deuant Sulla les grands procès criminels, s'il n'y alloit de la mort naturelle ou ciuile. Et par ce moyen la Republique estoit compoſee de Seigneurie Aristocratique & de l'estat populaire, que les anciens appelloient proprement Republique. Je respons, qu'il y a bien quelque apparence, mais neantmoins en effect c'estoit vn vray estat populaire. Car combien que les grans estats du peuple fussent departis en six classes, selon les biens d'un chacun, & que les hommes de cheual, & la plus part des Senateurs, & de la Noblesse, & des plus riches de tout le peuple fussent de la premiere classe, laquelle demeurant d'accord, la loy estoit publiee, & les grans Magistrats receus à faire serment : neantmoins les cinq classes qui restoient auoient dix fois plus de citoyens. cela est bien vray : mais au cas que toutes les Centuries de la premiere classe ne fussent d'accord, on venoit à la seconde classe, & iusques à la sixiesme & derniere classe, où estoit le rebut du peuple. vray est qu'il n'auenoit pas souuent, mais il suffist que tout le peuple y auoit part, pour declarer que l'estat estoit populaire, ores que les riches & les Nobles y fussent les premiers appelez. & neantmoins le menu peuple, c'est à dire la plus grand partie du peuple, sans y comprendre la Noblesse, se voyant aucunement frustré des suffrages, apres que les Roys furent chassés, en moins de vingt ou trête ans fist tant de seditiōs, qu'il emporta pouuoir de donner loy, & decider la paix & la guerre, homologuer ou casser tout ce qui estoit auisé par le Senat, cōme nous auons dit ci dessus : & fist vne ordōnance, que la Noblesse n'assisteroit point aux assemblees du menu peuple. qui est vn argument tres certain, que la Republique estoit des plus populaires. car depuis que le menu peuple eut gaigné cest auantage de pouuoir donner loy, les grans estats ne firent pas vne douzaine de loix en quatre ou cinq cens ans. Toutefois on peut dire, qu'il ne s'ensuit pas qu'il n'y ait que trois sortes de Republiques, ores qu'elles ne puissent estre meslees. Car il se peut faire que de soixante mil citoyens quarante mil auront part à la souueraineté, vingt mil en seront exclus : & au contraire il se peut faire, que de soixante mil, cent ou deux cens auront la souueraineté : ou bien vingt neuf mil, qui sera la moindre partie du peuple. or il y a notable difference, si cent hommes tiennēt la seigneurie, ou vingt neuf mil : & de quarante mil à soixante mil. Je respons, que la quantité du plus ou moins n'est pas considerable, pourueu qu'il y ait plus ou moins de la moitié : autrement si cela tiroit apres soy diuersité de Republiques, il y en auroit vn milion, voire vne infinité : car le nombre de ceux qui auroient part à l'estat, croissant ou diminuant, feroit la diuersité infinie. or l'infinité doit tousiours estre regetee de toute science & doctrine. Les autres difficultez qui se peuuent mouuoir pour la nature de chacune Republique, seront esclaircies par ci apres. Il y a encores vn argument, qu'on peut faire en la question où nous sommes : c'est à sçauoir, que la Republique des Romains, sous l'Empire d'Auguste,

&

& long temps apres fut appellee Principauté: qui est vne sorte de Republique, dont iamais Herodote, ni Platon, ni Aristote, ni Polybe mesmes, qui en a fait sept, n'ont fait mention. Nous lisons en² Suetone, que l'Empereur Caligula voyant plusieurs Roys à sa table entrer en termes d'honneur, & de l'ancienneté de leurs maisons, dit tout haut le vers³ d'Homere duquel vsa Agamemnon contre Achilles, qui se vouloit esgaler & paragonner à luy, Il ne faut, dit-il, qu'un Roy: & à peu, dit Suetone, qu'il ne print le diademe, & qu'il ne changeast la forme de Principauté Romaine en Royaume. Or Principauté n'est autre chose, que l'estat populaire ou aristocratique, qui a un chef qui commande à tous en particulier, & n'est que premier en nom collectif. car le mot de *Princeps* ne signifie autre chose que le premier, parlant proprement. Ainsi se plaignoit le peuple de Iudee, qu'Aristobulus premier de la maison des Asmoneans auoit changé la forme de Principauté, qui estoit Aristocratique, en double royaume, prenant le diademe, & enuoyant un autre à son frere. Nous trouuons le semblable des anciennes villes de la Toscane, qui traiterent alliance avec Tarquin le Prisque Roy des Romains, à la charge qu'il n'auroit sur eux puissance de la vie ni de la mort, & qu'il ne pourroit mettre garnisons en leurs villes, ni tailles, ni changer rien qui fust de leurs coustumes & loix: *sed ut ciuitatum principatus penes regem Romanum esset*: ainsi parle Florus. où il appert euidentement, que le roy des Romains n'auroit puissance aucune sur les villes de la Toscane, sinon qu'il estoit le premier aux estats. Je respons, qu'il y a en plusieurs Republiques Aristocratiques, & populaires, un Magistrat qui est le premier de tous en dignité, en honneur & auctorité: comme l'Empereur en Alemaigne, le Duc à Venize, & anciennement en Athenes l'Archon, ce qui ne change point l'estat. mais en apparence les Empereurs Romains ne s'appelloient que Magistrats, Capitaines en chef, Tribuns, les premiers du peuple: & de droit ils n'estoient rien autre chose, iacoit qu'en effect plusieurs tranchoiēt des Monarques souuerains, & la plupart cruels tyrans. aussi auoient-ils les armes & fortresses en leur puissance: & en matiere d'estat, qui est maistre de la force, il est maistre des hommes, & des loix, & de toute la republique. mais en termes de droit il ne faut pas, disoit Papinian, auoir egard à ce qu'on fait à Rome, mais bien à ce qu'on doit faire. Il appert donc que la Principauté n'est rien autre chose qu'une Aristocratie ou Democratie ayant quelqu'un pour president, ou premier, & neantmoins tenu de ceux qui ont la souueraineté.

2. In Caligula.

3. Iliad. 2.

οὐκ ἀλλ' ἅθ' ὅν πολυκοι-
ρανι εἰς κοίρας ἔσω,
εἰς βασιλεύς.

DE LA REPUBLIQUE
DE LA MONARCHIE
Seigneuriale.

CHAP. II.



O v s auons dit que la Monarchie est vne sorte de Republique, en laquelle la souueraineté absoluë gist en vn seul Prince: Il faut maintenant éclaircir ceste définition. I'ay dit en vn seul, aussi le mot de Monarque l'emporte: autrement si nous y en mettons deux, ou plusieurs, pas vn n'est souuerain: d'autant que le souuerain est celuy qui ne peut estre commandé de personne, & qui peut commander à tous. Si donc il y a deux Princes egaux en puissance, l'un n'a pas le pouuoir de commander à l'autre, ni souffrir commandement de son compaignon, s'il ne luy plaist, autrement ils ne seroient pas egaux: il faut donc cōclure que de deux Princes en vne Republique egaux en pouuoir, & tous deux seigneurs de mesme peuple, & de mesme pays par indiuis, ni l'un ni l'autre n'est souuerain: mais bien on peut dire, que tous deux ensemble ont la souueraineté de l'estat, qui est compris sous le mot d'Oligarchie, & propremēt s'appelle Duarchie, qui peut estre durable, tant que les deux Princes seront d'accord: comme Romule & Tatiū, tous deux roys des Quirites, peuple composé des Romains & Sabins: mais Romule bien tost apres fist tuer son compaignon, comme il auoit fait son frere. aussi l'Empire Romain fut chagé de Monarchie en Binarchie, sous Marc Aurelle, qui fut Empereur avec son frere Ælius Verus, mais l'un mourut bien tost apres. car si deux princes ne sont bien d'accord ensemble, comme il est presqu'ineuitable en egalité de puissance souueraine, il faut que l'un soit ruiné par l'autre. aussi pour euitier à discord, les Empereurs partageoient l'estat en deux: l'un estoit Empereur d'Oriēt, l'autre du Ponent: l'un tenoit son siege à Cōstātinople, l'autre à Rome: tellement que c'estoient deux Monarchies, ores que les edits & ordonnances fussent publiees d'un commun consentemēt des deux Princes, pour seruir à l'un & à l'autre Empire. mais si tost qu'ils tomboiēt en querelle, les deux Empires estoient alors diuisez de faict, de puissance, de loix & d'estat. Autant peut-on dire de la Monarchie des Lacedemoniens, qui dura iusques à la mort du roy Aristodème, lequel laissant Procle & Euristhene ses deux enfans Roys d'un mesme pays, & par indiuis, l'estat leur fut bien tost osté par Lyncurgue, ores qu'il fust Prince du sang d'Hercules, & qu'il peust paruenir à l'estat. Le semblable aduint aux Roys des Messeniens, Amphareus & Leucippus. mais les Argiens, pour euitier à la pluralité de Roys, estant le royaume echeu à Atreus & Thyeste, le peuple adiugea tout le royaume au plus çauant, cōme dit Lucian.² & les princes du sang de Merouee & de Charlemagne partagerent

Duarchie, Triarchie, & autres especes d'oligarchies, sont cōprises sous la définition generale d'Aristocratie.

1. Pausan. lib. 4.

2. in lib. de astrologia.

partagerent le royaume entr'eux, comme on void les enfans de Clovis, & de Loys Debonnaire: & ne s'en trouue point qui aient esté Roys par indiuis, pour les inconueniens qui aduiennēt de la souueraineté tenue en commun, où il n'y a personne souuerain: hors mis quād vn Prince estranger espouse vne Roynie, ordinairement on met l'vn & l'autre conioinctement comme souuerains és mandemens & lettres patentes, comme il se fist de Ferdinand & Isabelle Roy & Roynie de Castille: Antoine & Ieanne Roy & Roynie de Nauarre. mais les Anglois ne voulurent pas permettre que Philippe d'Espagne ayant espousé Marie d'Angleterre, eust part aucune à la souueraineté, ni aux fruiets & profits d'icelle: iacoit qu'ils accordassent bien qu'ils fussent tous deux en qualité, & que l'vn & l'autre peust signer, à la charge toutefois que le seing de la Roynie suffiroit, & que sans iceluy le seing du Roy Philippe n'auroit aucun effet. ce qui fut ainsi accordé à Ferdinand Roy d'Arragon ayant espousé Isabelle, tous les mandemens estoient ainsi signez, Yo el Rey, & Yo la Reyna, & le Secretaire d'estat avec six Docteurs, mais la souueraineté pour le tout estoit en la Roynie: autrement ni l'vn ni l'autre n'eust esté souuerain. Qui est le plus fort argument qu'on pouuoit faire aux Manicheans, qui posoient deux Dieux egaux en puissance: l'vn bon, l'autre mauuais: car s'il estoit ainsi, estans contraires l'vn à l'autre, ou l'vn ruinerait l'autre, ou ils seroient en guerre perpetuelle, & troubleroient sans cesse la douce harmonie & concorde que nous voyons en ce grād monde. Et comment ce monde souffriroit-il deux Seigneurs egaux en puissance, & contraires en volonté, veu que la moindre Republique n'en peut souffrir deux, ores qu'ils soient freres, s'ils tombēt tant soit peu en diuision: beaucoup plus aisément se comporteroient trois Princes que deux, car le troisiēme pourroit vnir les deux, ou se ioignant avec l'autre, le contraindre de viure en paix: cōme il aduint tandis que Pompee, Cesar & Crassus, qu'on appelloit le Monstre à trois testes, furent en vie, ils gouvernerent paisiblement l'Empire Romain, qui ne dependoit que de leur puissance: mais si tost que Crassus fut tué en Perse, les deux autres se firent la guerre si opiniastrēmēt, qu'il fut impossible les reünir, ni viure en paix, quel'vn n'eust defait l'autre. Le semblable aduint d'Auguste, Marc Antoine & Lepide: lesquels neantmoins auoient fait d'vne Republique populaire trois Monarchies, qui furent reduites à deux, apres qu'Auguste eut despoüillé Lepide, & les deux reünies en vne, apres la iournee Actiaque, & la fuite de Marc Antoine. Par ainsi nous tiendrons ceste resolution, que la Monarchie ne peut estre s'il y a plus d'vn Prince. Or toute Monarchie est seigneuriale, ou royale, ou tyrānique. ce qui ne fait point diuersité de republiques, mais cela prouient de la diuersité de gouverner la Monarchie. Car il y a bien difference de l'estat & du gouvernement: qui est vn secret de police qui n'a point esté touché de personne. car l'estat peut estre en Monarchie, & neantmoins il

Differēce de l'Estat & du Gouvernement.

fera gouverné populairement, si le Prince fait part des estats, Magistrats, offices, & loyers egalemēt à tous, sans auoir egard à la Noblesse, ni aux richesses, ni à la vertu. Il se peut faire aussi que la Monarchie sera gouvernee aristocratiquement, quand le Prince ne donne les estats & benefices qu'aux Nobles, ou bien aux plus vertueux seulement, ou aux plus riches. aussi la seigneurie Aristocratique peut gouverner son estat populairement, distribuant les honneurs & loyers à tous les sugets egalemēt, ou bien aristocratiquement, les distribuant aux Nobles ou aux riches seulemēt. laquelle varieté de gouverner a mis en erreur ceux qui ont meslé les Republiques, sans prendre garde que l'estat d'une Republique, est differend du gouvernement & administration d'icelle. mais nous toucherons ce poinct ici en son lieu. Donc la Monarchie royale, ou legitime, est celle où les sugets obeissent aux loix du Monarque, & le Monarque aux loix de nature, demeurāt la liberté naturelle, & propriété des biens aux sugets. La Monarchie seigneuriale, est celle où le Prince est fait Seigneur des biens & des personnes par le droict des armes, & de bonne guerre, gouvernant ses sugets comme le pere de famille ses esclaves. La Monarchie tyrannique, est où le Monarque mesprisant les loix de nature, abuse des personnes libres comme d'esclaves, & des biens des sugets cōme des siens. La mesme difference se trouue en l'estat Aristocratique & populaire. car l'un & l'autre peut estre legitime, seigneurial, ou tyrannique en la sorte que j'ay dit. & le mot de Tyrannie se préd aussi pour l'estat turbulent d'un peuple forcené, comme Ciceron a tresbien dit. Quant à la Monarchie seigneuriale, il est besoin de la traiter la premiere, comme celle qui a esté la premiere entre les hommes. Car ceux là s'abusent, lesquels suiuan l'opinion d'Aristote pensent que les premiers Monarques, aux temps heroïques, fussent eleus des peuples: veu que nous trouuons que la premiere Monarchie fut establie en Assyrie, sous la puissance de Nemrod, que l'escripture appelle le puissant veneur: qui est vne forme de parler vulgaire aux Hebreux, comme qui diroit voleur: & mesmes Aristote & Platon ont mis le brigandage entre les especes de venerie, comme j'ay remarqué sus¹ Oppian. Car au parauant Nemrod, il ne se trouue point qu'il y eust puissance, ni domination les vns sur les autres: & semble que ce nom luy fut donné comme propre à sa qualité, d'autāt que Nemrod signifie Seigneur terrible: tost apres on a veu le monde plein d'esclaves, du viuant mesmement de Sem, l'un des enfans de Noé. Et en toute la Bible, l'escripture parlant des sugets des Roys d'Assyrie & d'Egypte, les appelle tousiours esclaves. & non seulement l'escripture sainte, ains aussi les Grecs, qui escriuent à tous propos, que les Grecs estoient libres, & les Barbares esclaves: ils entendent les peuples de Perse, & de la haute Asie. Aussi les Roys de Perse denonçans la guerre, demadoient l'eau & la terre, dit Plutarque, pour monstrier qu'ils estoient Seigneurs absolus des biens & des personnes.

C'est

Les premieres
Monarchies ont
esté seigneuriales.

1. In commentariis
Oppiani de venatione.

C'est pourquoy Xenophon en la Cyropédie escrit, que c'est chose belle & loüable entre les Medois, que le Prince soit seigneur propriétaire de toutes choses. De là venoit l'adoration qu'on faisoit au Roy de Perse, comme à celuy qui estoit entierement seigneur des personnes & des biens : commē tresbien fist entendre Artaban Capitaine des gardes du Roy de Perse, voyant que Themistocle se vouloit ingerer de parler au Roy à la façon des Grecs, il empescha, que premierement il ne l'eust adoré, adioustant ces mots: Il est bien seant, dit-il, de garder les coustumes de son pays: vous estimez la liberté, & l'égalité: mais nous estimōs la plus belle chose du mode, de reuerer, seruir & adorer nostre Roy cōme l'image du Dieu viuant. Et ne doit pas la Monarchie seigneuriale estre appelée tyrannie: car il n'est pas inconuenient, qu'un Prince souverain, ayant vaincu de bonne & iuste guerre ses ennemis, ne se face seigneur des biens & des personnes par le droit de guerre, gouvernant ses sugets comme esclaves, ainsi que le pere de famille est seigneur de ses esclaves & de leurs biens, & en dispose à son plaisir: mais le Prince qui par guerre, ou autres moyens iniustes fait des hommes libres ses esclaves, & s'empare de leurs biens, n'est pas Monarque seigneurial, ains un vray tyran. Ainsi voyons nous que l'Empereur Adrian ne voulut pas qu'un badin, que le peuple vouloit afranchir, fust libre, s'il ne plaisoit à son seigneur: comme Tibere auoit defendu auparauāt, & depuis Marc Aurele ne voulut pas qu'il fust libre, quelque consentement que son seigneur eust donné à la clameur du peuple, reputant cela plustost force, que volonté: afin que la pleine disposition demeurast à chacun de ce qui luy appartenoit. Or combien qu'il y a peu maintenant de Monarques seigneuriaux, ores qu'il y ait plusieurs tyrans, si est-ce neantmoins qu'il y en a encores en l'Asie & en l'Ethiopie, & mesmes en Europe les Princes de Tartarie & de Moschouie, desquels les sugets s'appellent Chlopes, c'est à dire Esclaves, ainsi que nous lisons en l'Histoire de Moschouie. & pour ceste cause le Roy des Turcs est appelé le grand Seigneur, non pas tant pour l'estendue de pays, car le Roy Catholique en a dix fois autant, que pour estre aucunement seigneur des personnes & des biens: encores qu'il n'y a que ses gentil-hommes eleuez & nourris en sa maison, qu'on appelle ses esclaves. mais les Timariots, ausquels sont tenus les autres sugets, comme censiers, ne tiennent leur timar que par soufrance, & faut que leur bail soit renouuelé de dix en dix ans: & s'ils meurent les heritiers n'emportent que les meubles. Mais au surplus de toute l'Europe, & des royaumes de Barbarie, il n'y a point de Monarchie seigneuriale, que ie sçache: & moins encores anciennement qu'à present. car mesmes Auguste l'Empereur, quoy qu'il fust en effect le plus grand Monarque de la terre, si est-ce qu'il auoit en horreur qu'on l'appellast Seigneur. & n'y auoit point alors de tenures en foy & hommage. Et si on dit qu'il n'y a Monarque en Europe qui ne pretende la sei-

1. Dio lib. 57. & Xiphil. in Adriano.

2. Tranquillus in Augusto.

gneurie directe de tous les biens des sujets, & qu'il n'y a personne qui ne confesse tenir ses biens du Prince souverain: Je di que cela ne suffit pour dire que le Monarque soit seigneurial, attendu que le sujet est avoué du Prince vray propriétaire, qui peut disposer de ses biens: & que le Prince n'a que la droite seigneurie. encores y a-il plusieurs terres allodiales, où il n'a ni propriété ni droite seigneurie, non plus que les Romains, qui n'ont jamais connu ceste droite seigneurie: & ne se trouveront point en tout le droit Romain, ni mesmes au Code, ni aux authentiques ces mots, *Dominium directum*, & *dominium utile*: mais ils sont venus apres l'invasion des Hongres, nation² Tartaresque, & leur entree en Europe, qui monstrerent l'exemple aux Alemans, Lombards, & François, de la Monarchie seigneuriale, soy disans seigneurs de tous les biens. Il est bien vray que les Romains ayans vaincu leurs ennemis, les vendoient le plus souvent comme esclaves, ou bien ils les condamnoient à perdre la septiesme partie de leurs terres, comme dit Plutarque en la vie de Romule, mais aussi tost ils rebailloient les terres aux colonies en pure propriété. Or les Princes & peuples adoucis peu à peu d'humanité, & de bonnes loix, n'ont rien retenu que l'ombre & image de la Monarchie seigneuriale, telle qu'elle estoit anciennement en Perse & en toute la haute Asie. car combien qu'auparavant le roy Artaxerxes³ les Rois de Perse avoient accoustumé de faire despoüiller tous nuds les plus grands seigneurs & premiers Magistrats, & les faire fesser comme esclaves, si est-ce que le roy Artaxerxes fut le premier qui ordōna qu'ils feroient bien despoüillez, mais qu'il n'y auroit que leurs habits & vestemens fessez: & au lieu d'arracher leurs cheveux, qu'on arracheroit le poil de leurs chapeaux. Vray est que François⁴ Alvarez escrit, qu'il a veu en Ethiopie fesser tout nud le grand Chancelier, & autres grands seigneurs comme vrais esclaves du Prince, & tiennent cela à grand honneur. Et par tout le discours de son histoire on peut aisément recueillir, que le grand seigneur d'Ethiopie est Monarque seigneurial. mais les peuples d'Europe plus hautains, & guerriers que les peuples d'Asie & d'Afrique, n'ont jamais peu souffrir de Monarques seigneuriaux, & onques n'en avoient vſé auparavant l'invasion des Hongres, comme j'ay dit. & qu'ainsi soit, Odouacre roy des Herules, qui regnoit quasi de mesme temps, ayant reduit l'Italie sous sa puissance, print la tierce partie des terres des sujets (qui estoit l'amende de tous peuples vaincus, aux vns plus, aux autres moins) laissa les personnes libres, & seigneurs de leurs biens, sans tenure, ni prestation de foy ni d'hommage: mais depuis que les Alemans, Lombards, Francons, Saxons, Bourguignōs, Gots, Ostrogots, Anglois, & autres peuples d'Alemaigne eurent gousté la coustume des Hongres Asiaticques, ils commencerēt à se porter seigneurs, non des personnes, ains de toutes les terres des vaincus, & peu à peu se contenterent de la droite seigneurie, foy & hōmage, & de quelques droits, qui

2. Sigismundus ab Herbestein en l'Histoire de Moscovie.

3. Plutar. in apophthegm.

4. François Alvarez en l'Histoire d'Ethiopie.

Le grand Negus d'Ethiopie, est Monarque seigneurial.

qui pour ceste cause sont appelez seigneuriaux, pour monstrier que l'ombre des Monarchies seigneuriales est demeuree, & toutefois beaucoup diminuee. car les fiefs & seigneuries n'estoient anciennement que benefices donnez à vie, & puis par faueurs cōtinuez de pere en fils, hors mis les Duchez, Marquisats, Comtez, & autres dignitez semblables: coustume qui n'est point changee en Angleterre ni en Escosse pour le regard des dignitez, où les Ducs & Comtes estans morts, leurs enfans & successeurs ont bien les terres, mais ils n'ont pas les dignitez, prerogatives, & qualitez de leurs predecesseurs. Depuis qu'on eut fait ouverture de faire les fiefs hereditaires aux masses, iceux defaillans ont obtint aussi ce priuilege pour les filles: horsmis en Alemaigne, où les femmes en sont encores excluses. qui fut le plus fort argument, duquel vsa Ferri Comte de Vaudemont contre René d'Anjou Roy de Sicile, au concile de Constance, demandant à l'Empereur qu'il fust inuesti du Duché de Lorraine, attendu que c'estoit fief imperial: & par cōsequent, qu'Isabelle femme de René en deuoit estre deboutee. Toutefois M. de la Mothe, Conseiller du Roy au grand conseil, m'a monstrier que le Duché de Bauieres, & plusieurs autres sont tombez autrefois en quenouille. Combien que René d'Anjou auoit vn autre moyen pour se defendre, à sçauoir, qu'en matiere de fiefs, & seruitudes on doit suiure la coustume du fief⁴ seruāt: or il est certain que par la coustume de Lorraine les filles succedent aux fiefs. Mais quoy qu'il en soit, il est bien certain que les marques des Monarchies seigneuriales sont demeurees en Alemaigne, & vers le Septentrion, plus qu'és autres lieux de l'Europe. car quoy que Guillaume le Conquerant, ayant conquesté le Royaume d'Angleterre par force, & par armes, ne se dist pas seulement seigneur du royaume, ains fist publier que la seigneurie, & propriété de tous les biens meubles & immeubles des sugets luy appartenoit, siest-ce neantmoins qu'il se contenta de la seigneurie directe, foy & hommage: demeurant aux sugets la liberté, & la pleine propriété de leurs biens. mais l'Empereur Charles v. ayant mis sous son obeissance le royaume du Peru, s'est fait Monarque seigneurial, pour le regard des biens que les sugets ne tiennent qu'à ferme, & à vie⁵ pour le plus: qui fut vn trait politic du Docteur Lagasca, lieutenant pour l'Empereur au Peru, apres auoir defait les Pizarres, qui s'estoient emparez de l'estat, pour tenir les sugets en plus grāde obeissance. Qui est la mesme raison pourquoy en vn chapitre de la loy de Mehemet, il est defendu à toutes personnes de quelque qualitez qu'elles soient, se dire seigneurs en sorte quelconque, horsmis au Caliph ou grand Pontife, successeur de Mahemet, qui estoit seul Monarque seigneurial, donnant aux Princes & seigneurs les seigneuries par soufrance, & tant qu'il vouloit. mais peu à peu les Ottomās, les Curdes, & Roys d'Afrique, pour la diuision des Anticaliphes, s'exempterēt de leur puissance, & empieterent les Monarchies d'Asie & d'Afrique. Ici peut estre,

3. cap. 1. lib. 1. feud.

4. Jugé par arrest de Parlement coté par Charle du Moulin inféudis 6. 22. 4. 20 ou. 36. cōtre l'opinion de Faber in l. 1. de sacrosanct. C.

5. En l'histoire du Peru. L'empereur Charle v. s'est fait Monarque seigneurial du Peru.

5. l. post liminium. de
captiuis. ff.

dira quelqu'un, que la Monarchie seigneuriale est tyrannique, attendu qu'elle est directement contre la loy de nature, qui retient chacun en sa liberté, & en la seigneurie de ses biens. A quoy ie respons, que c'est bien aucunement contre la loy de nature de faire les hommes libres esclaves, & s'emparer des biens d'autrui: mais puis que le consentement de tous les peuples a voulu, que ce qui est acquis par bonne guerre, soit propre au vainqueur, & que les vaincus soient esclaves des vainqueurs, on ne peut dire que la Monarchie ainsi establie soit tyrannique: veu mesmes que nous lisons, que Jacob par son testament laissant à ses enfans une terre qu'il auoit acquise, dist qu'elle estoit sienne, par ce qu'il l'auoit acquise à la force de ses armes. Et qui plus est, la reigle qui veut que le droit de guerre n'a point de lieu où il y a supérieur pour faire iustice: ce qui est pratiqué mesmes contre les plus grands Princes & villes imperiales d'Allemagne, qui sont mises au ban imperial, à faute de restituer ce qui appartient à autrui, montre bien où il n'y a point de supérieur qui commande, que la force mesme est reputée iuste. autrement si nous voulons mesler, & confondre l'estat seigneurial avec l'estat tyrannique, il faudra confesser, qu'il n'y a point de difference entre le droit ennemi en fait de guerre, & le voleur: entre le iuste Prince & le brigand, entre la guerre iustement denoncée & la force iniuste & violente, que les anciens Romains appelloient volerie & brigandage. Aussi voyons nous que les tyrannies sont bien tost ruinees, & les estats seigneuriaux, & mesmement les Monarchies seigneuriales ont esté grandes, & fort durables: comme les anciennes Monarchies des Assyriens, Medois, Persans, Egyptiens, & à present celle d'Ethiopie (qui est la plus ancienne Monarchie de toute l'Asie & l'Afrique) à laquelle sont sujets, comme esclaves, cinquante Roys, si nous croyons Paul Ioue. combien qu'ils sont, & s'appellent tous esclaves du grand Negus d'Ethiopie. Et la raison pourquoy la Monarchie seigneuriale est plus durable que les autres, est pour autant qu'elle est plus auguste, & que les sujets ne tiennent la vie, la liberté, les biens, que du Prince souverain, qui les a conquestez à iuste tiltre: qui rauille bien fort les courages des sujets. tout ainsi que l'esclave recognoissant sa condition, devient humble, lasche, & comme lon dit, ayant le cœur seruil: où au contraire les hommes qui sont francs, & seigneurs des biens, si on veut les asservir, ou s'empieter de ce qui leur appartient, se ressentent, & se rebellent aisément, ayans le cœur genereux, nourri en liberté & non abastardi de seruitude. Voila quant à la Monarchie seigneuriale. Disons maintenant de la Monarchie Royale.

DE

DE LA MONARCHIE ROYALE.

CHAP. III.



LE Monarque Royal est celuy, qui se rend aussi obeissant aux loix de nature, comme il desire les sugets estre enuers luy, laissant la liberté naturelle, & la propriété des biens à chacun. J'ay adiousté ces derniers mots, pour la difference du Monarque seigneurial, qui peut estre iuste & vertueux Prince, & gouverner ses sugets equitablement, demeurant neantmoins seigneur des personnes, & des biens. Et s'il aduient que le Monarque seigneurial, ayant iustement conquis le pays de ses ennemis, les remettre en liberté, & propriété d'eux & de leurs biens, de seigneur il devient Roy, & change la Monarchie seigneuriale en royale. c'est pourquoy Pline le ieune disoit à Traian l'Empereur, *Principis sedem obtines, ne sit domino locus*. Ceste difference fut bien remarquée des anciens Perles, qui ^{1. Herodot.} appelloient Cyrus l'aisné Roy, Cambyse seigneur, Darius marchant : par ce que l'un s'estoit monstre Prince doux & debonnaire, l'autre hautain & superbe, le troisieme trop exacteur & auare. Et mesmes Aristote auoit aduertie Alexandre le grand, se comporter enuers les Grecs, comme pere : & enuers les Barbares, comme seigneur : toutesfois Alexandre n'en fist rien, voulant que les Grecs fussent iugez à la vertu, & les Barbares aux vices : & que toute la terre fust vne cité, & son camp le donjon d'icelle. J'ay mis en nostre definition, que les sugets soient obeissans au Monarque Royal, pour monstre qu'en luy seul gist la majesté souveraine : & que le Roy doit obeir aux loix de nature, c'est à dire, gouverner ses sugets, & guider ses actions par la iustice naturelle, qui se voit & fait cognoistre aussi claire & luisante que la splendeur du Soleil. c'est doncques la vraye marque de la monarchie Royale, quand le Prince se rend aussi doux, & ployable aux loix de nature, qu'il desire ses sugets luy estre obeissans : ce qu'il fera, s'il craint Dieu sur tout, s'il est pitoyable aux affligez, prudent aux entreprinse, hardi aux exploits, modeste en prosperité, constant en aduersité, ferme en sa parole, sage en son conseil, soigneux des sugets, secourable aux amis, terrible aux ennemis, courtois aux gens de bien, effroyable aux mechans, & iuste enuers tous. Si donc les sugets obeissent aux loix du Roy, & le Roy aux loix de nature, la loy d'une part & d'autre sera maistresse, ou bien, comme dit Pindare, Royne. car il s'en ensuyura vne amitié mutuelle du Roy enuers les sugets, & l'obeissance des sugets enuers le Roy, avec vne tres-plaisante, & douce harmonie des vns avec les autres, & de tous avec le Roy. c'est pourquoy ceste Monarchie se doit appeller royale & legitime : soit que le Roy vienne à l'estat par droit successif, comme tous les anciens Roys, ainsi que Thucydide a tresbien remarqué : soit que le royaume soit deferé par vertu de la loy, sans auoir esgard aux filles,

Les vrayes marques d'un grand Roy.

ny aux masles descendans d'icelles, comme il se fait en ce royaume par la loy Salique: soit que le Roy vienne par election, comme Aristote escrit qu'il se faisoit aux temps heroïques (en quoy toutesfois il est contraire à Thucydide, & à la verité des histoires) & se fait en plusieurs royaumes du pays Septentrional: soit qu'il fust dōné en pur don, comme fist Auguste à Iuba le ieune, le faisant d'esclau Roy de Numidie, qui auoit esté reduitte par Cæsar en forme de prouince, sugete à l'empire Romain, ou bien comme le royaume de Naples, & de Sicile fut donné à Charles de France, & depuis encores à Loys de France premier Duc d'Anjou: ou qu'il soit laissé par testamēt, ainsi que les Roys de Thunes, Féz, & Maroc ont accoustumé: cōme il fut aussi pratiqué par Henry VIII. Roy d'Angleterre, qui laissa le royaume à son fils Edouart: & à luy substitua Marie, & à celle-cy Elizabet: qui depuis fut Roynē, ioint que le testament fut confirmé, & ratifié par le peuple: soit que le Roy empiete l'estat par finesses, & ruzes, pourueu qu'il regne iustemēt, comme Cecrops, Hieron, Gelon, Pisistrate, qui vserent tref-sagement de leur puissance, ainsi que dit¹ Plutarque: & de nostre aage Cosme de Medicis: ou que par fort le royaume se doit deferé, cōme à Darius, l'un des sept seigneurs de Perse, qui fut Roy, par ce que son cheual auoit henni le premier, ainsi qu'il estoit conuenu, apres qu'on eust tué les Mages, qui auoient occupé le royaume: soit que le Prince conquiste le royaume par force, & par armes, à droit ou à tort, pourueu qu'il gouuerne equitablemēt le royaume par luy cōquesté: comme dit Tire Liue du Roy Seruius, *Neque enim prater vim quicquam ad ius regni habebat*: & toutesfois il fut bon Roy. aussi souuent on a veu d'un voleur & brigand, se faire un Prince vertueux: & d'un tyrannie violente, se former vne iuste royauté: soit qu'on elise le Roy pour sa noblesse, comme fut Campson Roy de la Caramanie, eleu pour Sultan d'Ægypte par les Mammelucs: & Charles de France frere de saint Loys, que le Pape enuoya aux Florentins, qui demandoient un Prince de sang royal: & les Vicomtes Danglerie pour leur noblesse furent eleus seigneurs de Milan, ores qu'ils fussent estrangers: soit que le Prince fust eleu pour sa noblesse, & iustice comme Numa: ou pour sa vieillesse, comme les anciens Arabes elisoient le plus vieil, dit Diodore, & les Taprobanes, comme dit Pline: ou pour sa force, cōme Maximin: ou pour sa beauté, comme Heliogabale: ou pour sa grandeur, comme on faisoit en Ethiopie: ou pour mieux boire, comme en Scythie, dit Aristote. Je laisse la definition du Roy baillee par² Aristote. car il dit, que le Roy est celuy qui est eleu, & qui commande au desir des sugets. en autre lieu il dit, que le Roy deuient tyran pour peu qu'il cōmande contre le vouloir des sugets. Telles definitions ne sont pas seulement sans fondement, ains aussi pernicieuses. Qu'elles soient faulses il appert, d'autant que le tiltre royal, qui emporte la majesté & puissance souueraine, comme nous auons monsté, seroit incompatible avec icelle: attendu que

1. In libro de Sera
numinis vindicta.

2. lib. 3. de Repub.

que le Roy n'auroit puissance de donner loy aux sugets, ains au contraire il seroit contraint par eux de recevoir la loy : & les plus iustes Princes du monde seroient tyrans : & qui plus est, il ne se trouueroit pas vn seul Roy : & pour le trancher court, le Roy ne seroit que simple Magistrat. Qui sont toutes choses impossibles, & aussi impertinentes, comme ce que dit le mesme Aristote, que les peuples sont barbares, où les Roys viennent par succession : veu que son Roy mesmes Alexandre le grand estoit de ceux-la descendu en droicte ligne du sang de ³ Hercules, & par droict successif paruenue à la couronne de Macedoine : comme aussi tous les Roys de Sparte. Il faudroit confesser que tous les Roys d'Asie & d'Ægypte fussent barbares, desquels neantmoins, il est ⁴ bien certain que l'humanité, la courtoisie, la doctrine, les belles sciences, & la source des loix, & des Republicques sont issues : & n'y auroit qu'Aristote, & vne poignée de Grecs qui ne fussent barbares. Nous monstrerons euidemment en son lieu, qu'il n'y a rien plus dangereux à vn estat, que de mettre les Roys en election. Combien que Aristote s'est aussi mespris, où il dit qu'il y a quatre sortes de Roys : & neantmoins par son discours, il s'en trouue cinq de compte fait. Le premier qu'il dit volontaire, comme estoient les anciens Roys des temps heroïques, faisans l'estat de iuges, de capitaines, & de sacrificeurs. Le second, dit-il, est propre aux peuples barbares, où le Roy vient par droict successif. Le troisieme se fait par election. Le quatrieme est propre aux Lacedemoniens, d'estre Capitaine en chef, par succession de pere en fils. Le cinquiesme est Seigneurial, comme le chef de maison est Seigneur de ses esclaves, & de leurs biens. Voila ce qu'il dit. Quant à la premiere sorte de Roys, nous trouuons bien qu'ils faisoient l'office de iuges, de capitaines, & de sacrificeurs : mais il ne s'en trouue pas vn volontaire, auparauant Pittacus Roy de Corinthe, & Timondas Roy de Negrepont. ains au contraire Plutarque ⁶ dit, que les premiers seigneurs n'auoient autre poinct d'honneur deuant les yeux, que de forcer les hommes, & les tenir en sugetion cōme esclaves : ce que l'escriure Sainte nous certifie du premier Monarque seigneurial Nemrod : laissans la principauté à leurs enfans par droict successif : comme dit Thucydide. ce qui est tres-bien verifié par la suite de grand nombre de Roys des Assyriens, Medois, Persans, Indoïs, Ægyptiens, Hebrieux, Lacedemoniens, Macedoniens, Sycioniens, Epirotes, Atheniens : & les liguës venans à faillir, les peuples en partie ont procedé par election : les autres ont empieté l'estat par force : les autres se sont maintenus en seigneuries aristocratiques, & populaires : cōme il se verifie par Herodote, Thucydide, Plutarque, Iosephe, Xenophō, & autres historiēs Hebrieux, Grecs, & Latins : qui suffist pour conuaincre d'erreur l'opiniō d'Aristote. Quant à ce qu'il appelle Roys ceux de Lacedemonne, par ce qu'ils estoient capitaines en chef hereditaires : i'ay mōstré cy dessus, que la puis-

³. Plutar. in Alex. 241.

⁴. Cicero epist. 1. ad Q. Fratrem. Theodoretus episcop. Cyren. de Græcarum affectionum curatione. Iosip. contra Appionem. 5. lib. 3. de Repub. cap. 3.

Opinion de Aristote, touchant les Roys.

⁶. Plutar. in Theseo.

Les anciens Roys venoient par droit successif.

sance royale est inseparable de la majesté : & que les Roys de Lacedemonne n'estoient que simples Senateurs , sugets à la seigneurie , & aux moindres magistrats . ioint aussi qu'ils n'estoient point capitaines en chef par droit successif . car souuent la Seigneurie donnoit ceste charge aux autres citoyens , comme à Lyfandre , Gillippe , Callicratidas : qui ont eu charges de capitaines en chef , & les Roys deboutez & combien qu'Agésilas fust l'un des Roys , si est-ce qu'il n'osa prendre la charge de Capitaine en chef que la Seigneurie ne l'eust commandé , ainsi que dit Plutarque en sa vie . Et quand bien ils eussent esté capitaines en chef , cela n'emporte point la puissance royale : non plus que les capitaines en chef des Acheans , qui venoient par election : attendu qu'ils estoient sugets aux estats des Acheans , qui les punissoient : comme ils firent Damocritus Capitaine en chef , qu'ils condamnerent à trente mil escus d'amende , comme nous lisons en Pausanias : ainsi les Ephores condamnoient les Roys à l'amende , & quelquesfois à perdre la vie , comme nous auons dit cy dessus . Il ne faut doncques pas mettre ceux-cy au rang des Roys : non plus que celuy qui est Monarque Seigneurial , seigneur des personnes , & des biens , qui a sa propre difference separee du Monarque royal . Et quant à la troisieme sorte de Roys , qu'il dit estre par election , cela ne fait aucune difference des Roys non plus que la seconde qu'il dit estre par succession : autrement il deuoit par mesme moyen , mettre vne sixiesme espece de Roys , qui se font par sort : comme fut Darius le premier : & vne septiesme par donation , & l'huietieme par testament : & la neuuesme par ruses , & fineses : & la dixiesme par force : & consequemment des autres en cas pareil , qui seroit faire vne infinité de sortes de Roys : lesquels neantmoins tous sont compris en vne espece . Car la difference des Monarques , ne se doit pas prendre par le moyen de paruenir à l'estat , ains par le moyen du gouuernement : qui est compris en trois sortes , à sçauoir Seigneurial , Royal , & Tyrannique . Mais quant à la troisieme sorte de Roys , qu'Aristote a posé , & exemplifié pour restablir l'estat , mettre tout en ordre , corriger les coustumes , & puis quitter sa charge : il n'y a point d'apparence d'appeller ceux là Roys , qui ne sont rien autre chose que simples commissaires : comme les Dictateurs en Rome , ausquels Denys⁷ d'Halicarnas , compare les Arques en la Republique des Thessaliens , les Cosmes en Lacedemonne , les Æsymnetes en Mitylene : qui auoient pareille charge que la baillie de Florence , lors que la Republique estoit populaire : c'est à sçauoir , que le grand conseil du peuple elisoit huit , ou dix personnages des mieux entendus aux affaires , pour restablir l'estat , & remettre en ordre ce qui par succession de temps estoit venu en desordre , pour les bourses , & création d'officiers : & cela fait , ils se despoüilloient de leur charge : tout ainsi que les dix commissaires,

faïres, qui furent élus en Rome pour corriger les coustumes, qu'il faudroit par ce moyen, au dire d'Aristote, appeller aussi Roys : chose qui seroit absurde : car la qualité de Magistrat, & moins encores de commissaire, n'a rien de commun avecques la majesté souveraine d'un Roy. aussi le nom de Roy ne peut convenir sinon à celuy qui est absolument souverain. & combien que César en ses memoires dit, que les habitans d'Authun elisoient tous les ans un magistrat avec puissance royale, si est-ce toutesfois que cela se dit improprement. Et qui plus est les gouverneurs des pays, & provinces conquêtes par Alexandre le grand, ores qu'après sa mort ils fussent souverains, si est-ce qu'ils furent bien fort long temps, qu'ils n'osoient s'appeller^o Roys. & le premier qui commença fut Antigonus, après la victoire qu'il obtint contre Ptolemee premier du nom : alors il print le Diademe, ou bendeau royal, & mit en ses tiltres le nom de βασιλεύς, c'est à dire Roy. & tost après les Égyptiens appellerent aussi Ptolemee Roy : & par jalousie les provinces de la haulte Asie, & les Thraces appellerent Seleucus, & Lisymachus Roys. Et sans aller si loing, les anciens Roys de Lorraine, & de Bourgogne, deslors qu'ils rendirent la foy, & hommage aux Empereurs d'Allemagne, perdirent la qualité de Roys, & s'appellerent Ducs. nous avons montré cy dessus, que celuy qui tient en foy, & hommage d'autrui, ne peut estre Roy ny souverain : cōme dit un Poëte, *Qui rex est, Regem Maxime non habeat*. Car le nom de Roy, a tousiours esté auguste, & le plus honorable que le Prince souverain puisse avoir. & pour ceste cause l'habit, les marques, les signes des Roys, ont tousiours esté particuliers, & non communiquez : comme anciennement le bendeau royal, & le sceptre. & n'y eut chose qui rendit la majesté des Roys de Rome tant venerable, que les aornemens royaux, que Tarquin le prisque apporta des anciens roys d'Heturie, comme nous lisons és histoires. Et mesmes les Romains, quoy qu'ils eussent changé la puissance royale en populaire : si est-ce que le Senat Romain, avoit accoustumé d'envoier aux roys les marques royales, à sçavoir le Diademe, ou la couronne d'or, la coupe d'or, le sceptre d'yvoire, & quelquesfois la robbe de pourpre brochée d'or, & la selle d'yvoire, ainsi que nous lisons és⁸ historiens. Et au registre du Pape Gregoire septiesme, on list que Demetrius fut establi Roy de Croatie, & Sclavonie par le sceptre, la couronne, & la banniere. Les Papes, & Empereurs ont souvent distribué ces beaux tiltres de roys, ores qu'ils n'eussent aucun pouvoir de ce faire : non plus que l'Empereur Anastase qui envoya les aornemens Consulaires, & le tiltre d'Auguste au Roy de France Clouis, qui les receut en la ville de Tours, comme dit Hemon. & Iustinian qui donna le tiltre de Patrice au Roy Childebert : non pas qu'il voulust faire plus Roy qu'il estoit, mais il donna son ordre à un grand Roy : ainsi que font les roys à present les uns aux autres.

o. Plutar. in Demetrio.

Marques Royales.

8. Tacit. lib. 2. & 4. Appianus, Livijs. Valer. Max.

9. Titemius cap. 17.

1. Plutar. in Demetrio.

Aussi l'Empereur Frideric 1. enuoya à Pierre seigneur de Dannemarc l'espee & la couronne, avec la qualité de Roy : qualité qui estoit contraire à l'effect, attendu qu'il se rendit⁹ vassal de l'empire, & fist la foy, & hommage à l'Empereur du royaume de Dannemarc, promettant, & obligeant tant luy, que ses successeurs, de tenir le royaume del'Empire: mais ceste qualité fist preiudice à l'Empire : car peu à peu ils se sont exéptez de la sugetion de l'Empire. Et d'autant que le Duc d'Austriche, estat aussi appelé Roy par le mesme Frideric, (sans preiudice des droits de l'empire, foy, & hōmage, ressort, & souueraineté) & qu'il voulut aussi trācher du souuerain, refusant obeir aux estats de l'Empire, douze ans apres fut priué de la qualité, & tiltre royal. Et pour mesme faute que fist Henry Roy d'Angleterre, fils de Guillaume le conquerāt, de faire couronner, & appeller Roy d'Angleterre de son viuant, son fils aîné Henry : tost apres le fils voulut s'esgaler au pere, manier les affaires, de sorte que le pere & le fils entrerent en querelles, & factions, qui sans doubte auoient ruiné l'estat, si le fils ne fust mort le premier. Il s'est bien veu en ce royaume, au commencement du regne de Capet, que pour asseurer l'estat à son fils Robert, & Robert à Héry, & cestui-ci à Philippe, les faisoient couronner, & appeller Roys : comme en cas pareil Changuis, premier Roy de Tartarie, élu par les sugets, fist couronner Hocota son fils aîné de son viuant. mais cela est de perilleuse suite, si le nouveau Roy n'est pourueu d'un royaume : comme fist Seleucus, lequel ayāt fait courōner, & appeller Roy son fils Antioque, par mesme moyē le pourueut aussi du royaume de la haute¹ Asie. ou bien que le royaume soit electif : comme sont ceux de Polongne, Dannemarc, Suede, où les Roys de leur viuant font elire leurs enfans, ou ceux qu'ils veulent auoir pour successeurs : & font que les princes & seigneurs du pays, leur prestent le serment de fidelité : comme Gostaue Roy de Suede, ayant empieté l'estat sus les Roys de Dānemarc, fist elire Henry son fils : & Frideric, à present Roy de Dannemarc, fut élu Roy l'an M. D. LVI. deux ans auparavant la mort du pere, lequel doubtant que ses oncles Iean, & Adolphe, voulussent pratiquer apres sa mort, vne nouvelle election, pria le Roy, par M. Danzai ambassadeur de France, & puis y enuoya ambassadeur expres pour y tenir la main, & le receuoir en sa protectiō. Ainsi faisoient, & font encores en partie, les Roys de Maroc, de Fez, de Tunes, comme nous lisons en Leon d'Afrique : & de nostre memoire Ferdinand d'Austriche fist elire de son viuant & couronner Maximilian Roy d'Hongrie, & de Boheme : & depuis peu de temps, Maximilian a fait le semblable à son fils Ernest. Sigismond Auguste voulut bien aussi nommer vn successeur Roy de Polongne, mais il fut empesché par les estats : car combien que ce soit le plus seur moyen, pour euitier aux seditions : si est ce qu'il est à craindre que le droit d'electiō passe en force de succession : ainsi qu'on a veu l'empire en la maison d'Austriche continuer par vne
longue

longue fuite de telles preuentions . & le royaume de Nouergue fait hereditaire, voire suget à la successiō des femmes : & pour ceste cause pretēdu par la douairiere de Lorraine, & la Comtesse Palatin, filles de Cristierne Roy de Dannemarc, qui ont remōstré, que Marguerite de Wolmar par droit successif fut Roynedes trois royaumes, Noruergue, Suede, & Dannemarc. Voila quāt à la monarchie royale. disons de la troisiēme, qui est la monarchie tyrannique.

DE LA MONARCHIE TYRANNIQUE.

CHAP. IIII.



La monarchie tyrānique, est celle où le Monarque foulant aux pieds les loix de nature, abuse de la liberté des francs sugets, comme de ses esclaves, & des biens d'autrui, comme des siens. le mot de Tyran, qui est Grec, de sa propriété estoit hōnorable, & ne signifioit autre chose anciēnemēt, que le Prince qui s'estoit emparé de l'estat sans le consentement de ses citoyens, & de cōpagnon s'estoit fait maistre. cestuy-là s'appelloit Tyrā, ores qu'il fust tres-sage, & iuste Prince. Aussi Platon rescriuant à Denys le tyran, luy donne ceste qualité par honneur, Platon à Denys le tyran salut. & la responce, Denys le tyran à Platon salut. Et pour monstrier que le mot de tyran, estoit aussi bien attribué au iuste Prince qu'au meschant, il appert euidemment, en ce que Pittaque, & Periandre qui furent estimez entre les sept sages de Grece estoient appelez tyrans, ayans empieté l'estat de leur pays. Mais ceux qui par force, ou par finesse auoyent enuahi la souueraineté, voyant que leur vie estoit exposee à la merci de leurs ennemis, furent cōtraints, pour seureté de leur vie, & de leurs biens, auoir gardes d'estrangers à l'entour de leurs personnes, & grosse garnison és forteresses, & pour les soudoier & retenir, leuer de gros tributs, & impôts: & voyās que leur vie ne pouoit estre assuree, ayans de pauures amis, & de puissans ennemis, ils mettoient à mort, ou bannissoient les vns pour enrichir les autres : & les plus perdus rauissoient avec les biens, les femmes, & enfans. Cela fist, que les tyrans furent extremement hays, & mal-voulus. Car nous lisons que Denys le vieux, tyran d'une partie de Sicile, auoit tousiours dix mil soldats pour sa garde, & dix mil hommes de cheual, & quatre cens galeres armées & frētes. encores ne pouoit il ranger si peu de sugets qu'il auoit asservis: leur faisant defences de s'assembler, ny de manger ensemble, quelque parenté qu'il y eust: & permettoit de voler, & despoüiller ceux qu'on trouueroit retournant apres soupper en leur maison. Et neantmoins Plutarque confesse, qu'il a esté bon Prince, & que il a passé en iustice & vertu plusieurs princes qui se sont appelez Roys. Aussi ne faut-il pas fort s'arrester aux qualitez que les Princes s'attri-

La propriété du mot Tyrā estoit honorable anciennement.

1. Plutarque en la vie de Dion.

buent. car il s'est tousiours veu, que les plus meschans, & detestables, ont pris les deuises les plus belles, & les tiltres les plus diuins. vray est que les sugets ordinairement se moquent de ces beaux tiltres, & en donnent de bien piquans par ironie: comme des trois Ptolemees Roys d'Ægypte, dont l'un fist mourir son frere, l'autre sa mere, l'autre son pere, les sugets les appellerent par moquerie, Philadelphie, Philometor, Philopator. aussi est-il aduenü, que les charges, & offices les plus sacrez ont esté abominables pour la meschanceté de ceux qui en abusoient. comme le tiltre royal estoit en horreur aux Romains, à cause de Tarquin l'orgueilleux. & le nom de Dictateur, à cause de Sulla: & des Gonfaloniers de Florence, à cause de François Valori. ainsi est-il du Tyran. Or il se peut faire, qu'un mesme Prince soit Monarque seigneurial de quelques sugets, royal des vns, & tyran enuers les autres. ou bien qu'il tyrannise les riches, & nobles, & qu'il porte faueur au menu peuple. & entre les tyrannies il en y a de plusieurs sortes & plusieurs degrez, de plus, ou moins. & tout ainsi qu'il n'y a si bon Prince, qui n'ait quelque vice notable: aussi voit on qu'il ne se trouue point de si cruel tyran, qui n'ait quelque vertu, ou quelque chose de loüable. Par ainsi c'est chose de tres-mauuais exemple, & fort dangereuse, de faire sinistre iugement d'un Prince, qui n'a bien cogneu ses actions, ses comportements, & sagement balancé ses vices, & vertus, ses exploicts heroïques, & meschancetez capitales, à la façon des Perses, qui ne donnoient point sentence de condemnation, si le coupable n'estoit atteint, & cōuaincu d'auoir fait plus de mal que de bien. C'est pourquoy nous mettrons en contrepoids les deux extremitez, d'un bon, & iuste Roy, contre un tyran detestable: afin que la differēce soit mieux remarquee. Quand ie dy bon & iuste Roy, i'entends parler populairement, & non pas d'un Prince accompli de vertus heroïques, ou d'un parangon de sagesse, de iustice, de pieté, & sans blasme, ny vice aucun: car ces perfections sont trop rares: mais i'appelle bon, & iuste Roy, qui met tous ses efforts de estre tel, & qui est prest d'employer ses biens, son sang, & sa vie, pour son peuple: comme vn Roy Codrus, vn Decius, lesquels estant aduertis, que la victoire dependoit de leur mort, soudain sacrifierent leur vie: & sur tous vn Moyse que Philon appelle sage legiflateur, iuste Roy, & grand Prophete, qui pria Dieu de rayer plustost son nom du liure de vie, qu'il ne pardonnast à son peuple, aymant mieux estre damné, que son peuple perist: qui estoit bien vn tour de Prince debonnaire, & de vn vray pere du peuple. Or la plus notable difference du Roy, & du Tyran est, que le Roy se conforme aux loix de nature: & le tyran les foule aux pieds. l'un entretient la pieté, la iustice, & la foy: l'autre n'a ny Dieu, ny foy, ny loy: l'un fait tout ce qu'il pense seruir au bien public, & tuition des sugets: l'autre ne fait rien que pour son profit particulier, vengeance, ou plaisir: l'un s'efforce d'enrichir ses sugets,

par

2. Diod. lib. 1 & 15.

Difference du
Roy au tyran.

par tous les moyens dont il se peut aduifer : l'autre ne batist sa maison, que la ruine d'iceux. l'un venge les iniures du public, & pardonne les siennes : l'autre venge cruellement ses iniures, & pardonne celles d'autrui. l'un espargne l'honneur des femmes pudiques : l'autre triomphe de leur honte. l'un prend plaisir d'estre aduerti en toute liberté, & sagement repris, quand il a failli : l'autre n'a rien plus à contrecueur, que l'homme graue, libre, & vertueux : l'un s'efforce de maintenir les sugets en paix, & vnion : l'autre y met tousiours diuision, pour les ruiner les vns par les autres, & s'engresser de confiscations : l'un prend plaisir d'estre veu quelquesfois, & ouy des ses sugets : l'autre se cache tousiours d'eux, comme de ses ennemis : l'un fait estat de l'amour de son peuple : l'autre de la peur : l'un ne craint iamais que pour ses sugets : l'autre ne redoubte rien plus que ceux là : l'un ne charge les siens, que le moins qu'il peut, & pour la necessité publique : l'autre hume le sang, rōge les os, succe la moüelle des sugets, & seulement pour les affoiblir : l'un cherche les plus gés de bien, pour employer aux charges publiques : l'autre n'y employe que les larrōs, & plus meschans, pour s'en seruir comme d'esponges : l'un donne les estats, & offices, pour obuier aux cōcussions, & foule le peuple : l'autre les vend le plus cher qu'il peut, pour leur donner moyen d'affoiblir le peuple par larcins, & puis couper la gorge aux larrons, pour estre reputé bon iusticier : l'un mesure ses meurs, & façons au pied des loix : l'autre fait seruir les loix à ses meurs : l'un est aymé & adoré de tous ses sugets : l'autre les hait tous, & est hay de tous. l'un n'a recours en guerre qu'à ses sugets : l'autre ne fait guerre qu'à ceux là : l'un n'a garde, ny garnison que des siens, l'autre que d'estrangers : l'un s'esjouist d'un repos asseuré, & tranquillité haute : l'autre languist en perpetuelle crainte : l'un attend la vie tres-heureuse : l'autre ne peut euitier le supplice eternal : l'un est honoré en sa vie, & désiré apres sa mort : l'autre est diffamé en sa vie, & deschiré apres sa mort. Il n'est pas besoin de verifiser ceci par beaucoup d'exemples, qui sont en veüe d'un chacun. Car noustrouuōs és histoires, la tyrannie auoir esté si detestable, qu'il n'estoit pas iusques aux escholiers & aux femmes, qui n'aient voulu gagner le prix d'honneur à tuer les tyrans. comme fist Aristote, celui qu'on appelloit Dialecticien, qui tua vn tyran de Sycione : & Thebé son mari Alexandre, tyran des Phereans. Et de péser que le tyran se puisse guarentir par force, c'est vn abus : car qui estoit plus fort que les Empereurs Romains ? ils auoient quarante legions ordinaires, & deux ou trois autour de leurs personnes, & toutesfois il ne s'en trouua iamais d'assassinez en si grand nombre en Republique quelconque : & mesmes les capitaines des gardes bien souuent les ont tuez : comme Cherea fist à Caligula, & les Mammelus aux Sultans d'Ægypte. Mais qui voudra voir à l'œil la fin miserable des tyrans, il ne faut lire que la vie de Timoleon, & d'Aratus : où l'on verra les tyrans arrachez du nid de la tyrannie, puis despoüillez

Boucherie des
tyrans.

tous nuds, & flaitris iusques à la mort, en presence de la ieunesse, & leurs femmes, enfans, & adherans, meurtris & trainez aux cloaques: & qui plus est, les statues de ceux qui estoient morts en la tyrannie, accusees, & condamnées publiquement, puis executees par les bourreaux, les os deterréz, & gettez aux esgouts: & les courratiers de tyrans, demébrez, & trainez avec toutes les cruautéz desquelles vn peuple forcené de vengeance se peut aduifer: leurs edits lacerez, leurs chasteaux, & bastimens superbes razez de fond en comble: & leur memoire condamnée d'infamie perpetuelle, par iugemens, & par liures imprimez, pour seruir d'exemple à tous Princes, afin qu'ils aient en abomination telles pestes si dangereuses, & si pernicieuses au genre humain. Il est bien vray qu'il y a tousiours eu quelques tyrans, qui n'ont eu faute de flatteurs historiens à gaiges, mais il est aduenu apres leur mort, que leurs histoires ont esté bruslees, & supprimees, & la verité mise en lumiere, & bien souuent avec amplification: de sorte qu'il ne reste pas vn liure de la louange d'vn seul tyran, pour grand & puissant qu'il fust. ce qui fait enrager les tyrans, lesquels ordinairement brulent d'ambition, comme Neron, Domitian, Caligula. Car combien qu'ils ayent mauuaise opinion de l'immortalité des ames, si est-ce toutesfois pendant qu'ils vivent, ils souffrēt desia l'infamie, qu'ils voyent bien qu'on leur fera apres leur mort: de quoy Tibere l'Empereur se plaignoit fort: & Neron encores plus qui souhaitoit quand il mourroit, que le ciel, & la terre fust reduit en flamme. Et pour ceste cause Demetrius l'assiegeur gratifia les Atheniens, & entreprit la guerre pour leurs droits, & libertez, afin d'estre honnoré par leursecrets: sçachant bien que la ville d'Athenes, estoit comme vne guette de toute la terre, laquelle aussi tost feroit reluire par tout le monde la gloire de ses faits, cōme vn brandon qui flamboye sus vne haute tour: mais aussi tost qu'il se lascha aux vices, & vilanies, iamais tyran ne fut mieux laué. Et quand bien les tyrans n'auroient aucun soin, ny souci de ce qu'on dira: si est-ce neantmoins que leur vie est la plus miserable du monde, d'estre en crainte, & frayeur perpetuelle, qui les menace sans cesse, & les poinçonne viuement, voiant leur estat & leur vie tousiours en branle. car il est impossible que celuy qui craint, & hait ses sugets, & est aussi craint, & hay de tous, la puisse faire longue. Et pour peu qu'il soit assailli des estrangers, soudain les siens luy courent à sus. car mesmes les tyrans n'ont aucune fiance en leurs amis, ausquels le plus souuēt ils sont traitres & desloyaux: comme nous lisons des Empereurs Neron, Cōmode, & Caracalla, qui tuerēt les plus fideles, & loyaux seruiteurs qu'ils eussent. & quelquesfois tout le peuple d'vne mesme furie court à sus au tyran: comme il fist à Phalaris, Heliogabale, Alcetē tyran des Epirotes, Andronic Empereur de Constantinople qui fut despoüillé & monté tout nud sus vn asne, pour receuoir toutes les contumelies qu'il est possible, auparauant que d'estre tué: ou bien eux mesmes minuent leur mort,

mort, comme l'Empereur Caracala, qui mada à l'astrologue Maternus, qu'il luy escriuist celuy qui pouuoit estre Empereur : le deuin luy respondit que c'estoit Macrin : auquel de bon heur la lettre s'adressa, & aussi tost il fist tuer Caracala, pour euit ce qui luy estoit préparé. & Commode ayant eschappé le coup de poignard d'un meurtrier (qui dist deuant que fraper, le senat t'enuoye celà) fist vn roolle de ceux qu'il vouloit faire mourir, où sa garse estoit escrite : & le roole estant tombé entre les mains d'elle, se hastia de le faire tuer. Toutes les histoires anciènes sont pleines de semblables exemples, qui monstrent assez, que la vie des tyrans est tousiours assiegee de mil & mil malheurs ineuitables. Le gouvernement du Monarque Royal est du tout contraire au tyrannic : car le Roy est tellement vni avec ses sugets, qu'ils emploient volontiers leur bien, leur sang, & leur vie, pour la tuition & defense de son estat, de son honneur, & de sa vie : & apres sa mort necessent d'escrire, chanter, & publier ses loüanges, & les amplifier tant qu'ils peuuent : comme nous voyons en Xenophon le pourtraict tiré au vif d'un grand, & vertueux Prince, sous la personne de Cyrus, où il a bien fort amplifié ses loüanges : pour donner exemple aux autres Princes, de se conformer à cestuilla : comme de fait il en print à Scipion l'African, lequel ayant tousiours deuât les yeux, & entre les mains la Cyropædie de Xenophon, il surpassa en vertu, honneur, & proüesse, tous les Roys & Princes de son aage, & qui auoient esté auparauant luy, de sorte que les corsaires sçachans qu'il estoit en sa maison esloignee des villes, l'environnerent, & comme il se mettoit en defense de les repoulser, ils getterent les armes bas, l'asseurant qu'ils n'estoient venus là que pour le voir & l'adorer, comme ils firent. Si la lumiere, & splendeur de la vertu d'un tel Prince, a bien attrait & rauï les voleurs, & corsaires en admiration, combien doit elle auoir de force es bons sugets ? Et qui est le Prince tant stupide, qui ne soit faisi de ioye, oyant dire que Menandre Roy des Bactrians fut si aimé des siens, pour sa iustice & vertu, qu'apres sa mort les villes furent en grands debats, à qui auroit l'honneur de sa sepulture ? & pour les appaiser, il fut accordé que chacune feroit vne sepulture. Qui est le Prince si mechant qui ne brulle d'enuie, & de ialousie lisant le Panegyric de l'Empereur Traian ? car Pline apres l'auoir eleué iusques au ciel, conclud ainsi, Que le plus grâd heur qui peust aduenir à l'empire, estoit que les dieux prissent exemple à la vie de Traian. Qui est le tyran si cruel, quelque bonne mine qu'il face, qui ne desire à pleins souhaits l'honneur que receut le Roy Agesilaus, alors qu'il fut condamné à l'amende par les Ephores, pour auoir derobbé le cueur, & gagné tout seul l'amour de tous ses citoyens ? Qui est le Roy qui ne souhaite le furnom d'Aristide le iuste ? tiltre le plus diuin, & le plus royal que iamais Prince sçauroit acquerir, au lieu que plusieurs se font appeller conquerans, assiegeurs, foudroyas. Au contraire quand nous lisons les cruantez horribles de Phalaris, Bu-

Vertus heroïques de Scipion l'Africain.

Louage plus que diuin de Traian.

sis, Nerō, Caligula, qui est celuy qui ne soit esmeu d'une iuste indignation contre eux? Voila les differences les plus remarquables du Roy & du tyrā: qui ne sont pas difficiles à cognoistre entre les deux extremités d'un Roy tres-iuste, & d'un tyran tres-mechant: mais il n'est pas si aisé à iuger, quād un Prince tient quelque chose d'un bon Roy, & d'un tyran. Car le temps, les lieux, les personnes, les occasions qui se presentent, contraignent souuent les princes à faire choses qui semblent tyrāniques aux vns, & loüables aux autres. Nous dirōs cy apres, cōbien le gouuernemēt doit estre differend, pour la difference des peuples. Il suffit à present l'auoir touché, affin qu'on ne mesure pas la tyrānie à la seuerité, qui est tres-necessaire à un Prince: ou bien aux gardes & forteresses, ou bien à la majesté des commandemens imperiaux, qui sont plus à souhaitter, que les douces prieres des tyrans, qui tirent apres soy vne force ineuitable. C'est pourquoy en termes de droit celuy qui s'est obligé à la priere d'un tyran, est tousiours restitué: & s'il s'oblige par commandemēt d'un bon Prince, il ne peut estre releué. Et ne faut pas appeller tyrannie les meurtres, bannissemens, saisies, & autres executions, ou exploits d'armes qui se font au changement des Republiques ou reestablissemēt d'icelles: car il ne se fist iamais, & ne se peut faire autrement, quand le changement est violent: comme on a veu au triumuirat, & souuent aux elections de plusieurs Empereurs. aussi ne doit on pas appeller tyrannie, quand Cosme de Medicis, apres le meurtre commis en la personne d'Alexandre Duc de Florence, bastit des citadelles, s'environna de gardes estrangeres, chargea les sugets de tributs & imposts: car il estoit necessaire d'auoir un tel medecin à vne Republique vlcerée de tant de seditions, & rebellions, & enuers un peuple effrené & debordé en toute licence, qui fist mille coniurations contre le nouveau Duc, lequel a emporté le nom d'un des plus sages, & vertueux Princes de son temps. Au contraire, il aduient souuent que pour la douceur d'un Prince, la Republique est ruinee, & pour la cruauté d'un autre elle est releuee. On sçait assez combien la tyrānie de Domitian fut terrible au Senat, à la noblesse, aux grands seigneurs & gouuerneurs de l'Empire Romain: & toutesfois apres sa mort les peuples, & prouinces s'en louerent bien fort: par ce qu'il ne se trouua iamais officiers, ny magistrats plus entiers que de son temps, de crainte & de frayeur qu'ils auoient. Car la tyrannie peut estre d'un Prince enuers un peuple forcené, pour le tenir en bride avec un mors fort & roide: comme il se fait au changement d'un estat populaire en monarchie: & cela n'est pas tyrannie, ains au cōtraire Cicerō appelle tyrannie la licence du populace effrené. Aussi la tyrannie peut estre d'un Prince contre les grands seigneurs, comme il aduient tousiours aux changemēs violens d'une Aristocratie en monarchie, alors que le nouveau Prince tue, bannit, & confisque les plus grands: ou bien d'un Prince necessiteux & pauvre, qui ne sçait où prendre argent, bien souuent

il

Decisiō notable
pour les obligati-
ons du Roy, &
du tyran.

2. I. si per impressio-
nem. quod metus. C.
glo. not. in l. 1. r. quod
iussu ff. cano. conue-
nior 23. q. 8. Io. andr.
in cap. insinuante.
qui clerici vel vo-
uent.

3. Tranquil. in Do-
mitiano.
La rigueur, & se-
uerité d'un Prin-
ce, est plus utile
que la trop gran-
de bonté.

il s'adresse aux riches, soit à droit ou à tort. ou bien que le Prince veut attirer le menu peuple de la servitude des nobles & riches, pour avoir par mesme moyen les biens des riches, & la faueur des pauvres. Or de tous les tyrans il n'y en a point de moins detestable, que celui qui s'attache aux grands, espargnant le sang du pauvre peuple. Car ceux là s'abusent bien fort, qui vout louer, & adorer la bonté d'un Prince doux, gracieux, courtois, & simple: car telle simplicité sans prudence, est tresdangereuse & pernicieuse en un Roy, & beaucoup plus à craindre, que la cruauté d'un Prince severe, chagrin, reuesche, auare & inaccessible. Et semble que nos peres anciens n'ont pas dit ce proverbe sans cause, De meschant homme bon Roy: qui peut sembler estrange aux oreilles delicates, & qui n'est pas accoustumé de poizer à la balance les raisons de part & d'autre. Par la souffrance & naïve simplicité d'un Prince trop bon, il aduient que les flatteurs, les courtiers, & les plus meschans emportent les offices, les charges, les benefices, les dons, epuisans les finances d'un estat: & par ce moyen le pauvre peuple est rongé iusqu'aux os, & cruellement asservi aux plus grands: de sorte que pour un tyran il en a dix mil. aussi aduient-il de ceste bonté par trop grande une impunité des meschans, des meurtriers, des concussionnaires: car le Roy si bon, & si liberal n'oseroit refuser une grace. Brief, sous un tel Prince le bien public est tourné en particulier, & toutes les charges tombent sur le pauvre peuple: comme on void les catarrhes & fluxions en un corps foible & malade tomber tousiours sur les parties les plus foibles. On peut verifier ce que j'ay dit par trop d'exemples, tant des Grecs que des Latins: mais ie n'en chercheray point autre part qu'en ce Royaume, qui a esté le plus miserable qui fut onques, sous le regne de Charles surnomé le Simple, & d'un Charles Faitneat. On l'a veu aussi grand, riche, & florissant en armes, & en loix sous la fin du Roy François I. lors qu'il deuint chagrin & inaccessible, & que personne n'osoit approcher de luy pour rien luy demander: alors les estats, offices & benefices n'estoient donnez qu'au merite des gens d'honneur: & les dons tellement retrachez, qu'il se trouua en l'espargne quand il mourut, un million d'or, & sept cens mil escus, & le quartier de Mars à recevoir, sans qu'il fust rien deuy, sinon bien peu de chose, aux Seigneurs des liguees, & à la banque de Lyon, qu'on ne vouloit pas payer pour les retenir en deuoir: la paix assuree avec tous les Princes de la terre: les frontieres estendues iusqu'aux portes de Milan: le Royaume plein de grands Capitaines, & des plus sçauans homes du monde. On a veu depuis en douze ans que regna le Roy Henri II. (la bonté duquel estoit si grande qu'il n'en fut onques de pareille en Prince de son aage) l'estat presque tout chagré. car comme il estoit doux, gracieux & debonnaire, aussi ne pouuoit-il rien refuser à personne. ainsi les finances du pere en peu de mois estat epuisees, on mist plus que iamais les estats en vete, & les benefices donnez sans respect, les Magistrats aux plus offrés, & par consequent aux plus indignes. les impôts

plus grâds qu'ils ne furēt onc auparauāt. & neantmoins quād il mourut l'estat des fināces de Frāce se trouua chargé de quarāte & deux milliōs: apres auoir perdu le Piēdmont, la Sauoye, l'isle de Corse, & les frontieres du baspays. combien que ces pertes là estoient petites, eu egard à la reputation, & à l'honneur. Si la douceur de ce grād Roy eust esté accompagnée de seuerité, sa bonté meslée avec la rigueur, sa facilité avec l'austerité, on n'eust pas si aisément tiré de luy tout ce qu'on vouloit. On me dira, qu'il est difficile de trouuer ce moyen entre les hōmes, & moins encores entre les Princes, qui sont le plus souuent pressez de passions violentes, tenās l'une ou l'autre extremité. Il est bien vray que le moyen de vertu enuironné de plusieurs vices, cōme la ligne droicte entre vn million de tourbes, est difficile à trouuer: si est-ce neantmoins qu'il est plus expedient au peuple, & à la cōseruation d'un estat, d'auoir vn Prince rigoureux & seuer, que par trop doux & facile. la bonté de l'Empereur Pertinax, & la ieunesse enragée d'Heliogabale, auoient reduit l'Empire Romain à vn doigt pres de sa cheute, quand les Empereurs Seueres l'Africain, & Alexandre Seueres Surian, le reſtablirent par vne seuerité roide, & imperiale austerité, en sa premiere splēdeur, & majesté, avec vn merueilleux contentement des peuples & des Princes. Ainsi se peut entendre l'ancien prouerbe, qui dit, De meschant homme bon Roy: qui est bien crud, si on le prēd à la propriété du mot, qui ne signifie pas seulement vn naturel austere, & rigoureux, ains encores il tire avec soy le plus haut poinct de malice, & d'impiété, ce que nos peres appelloient mauuais: cōme lon appelloit Charles Roy de Nauarre, le mauuais, l'un des plus ſcelerez Princes de son aage: & le mot de Meschant signiſioit maigre, & fin. autrement le prouerbe que j'ay dit, feroit vne confusion du iuste Roy au cruel tyran. Il ne faut donc pas iuger le Prince tyran, pour estre seuer ou rigoureux, pourueu qu'il ne cōtreuienne aux loix de Dieu, & de nature. Ce poinct esclairci, voyons s'il est licite d'attenter à la personne du tyran.

S'IL EST LICITE D'ATTENTER A

*la personne du tyran, & apres sa mort annuller, & casser
ses ordonnances.*

CHAP. V.

o. Bartol. tyrannum
decem coniecturis
probari dicit in tra-
ctatu de tyrānia. nu.
28.29.30.



A propriété du mot Tyran ignorée en a trompé plusieurs, qui a causé beaucoup d'inconueniens. Nous auons dit, que le tyran est celuy, qui de sa propre auctorité se fait Prince ſouuerain, ſans election, ny droit ſucceſſif, ny ſort, ny iuste guerre, ny vocation ſpeciale de Dieu. c'est celuy duquel les eſcrits des anciens ſ'entendent, & les loix qui veulent, que ceſtuy-là ſoit mis à mort: & meſmes les anciens ont ordonné de grands loyers & recompensés aux meurtriers des tyrās: c'est à ſçauoir les tiltres de nobleſſe, de

1. Plutar. in Arato &
Timoleonte.

de proüesse, de cheualerie, les statues, & tiltres honorables: brief les biés du tyran, cōme aux vrais liberateurs de la patrie, ou comme disoient les Candiots de la matric. Et en ce cas ils n'ont fait aucune differēce du bon & vertueux Prince au meschant & vilain: car il n'appartient à hōme viuant d'enuahir la souueraineté & se faire maistre de ses cōpaignōs, quelque voile de iustice, & de vertu qu'on pretēde: & qui plus est en termes de droict celuy est coupable de mort qui vse des marques reseruees à la souueraineté. Si dōc le suget veut enuahir & voler l'estat à son Roy, par quelque moyē que ce soit, ou en l'estat populaire, ou Aristocratique, de cōpaignon se faire seigneur, il merite la mort. Et par ainsi nostre questiō, pour ce regard, n'a point de difficulté. Il est vray que les Grecs ont esté en differēt cōtre les Latins, si en ce cas on doit preuenir par voye de fait, la voye de iustice. car la loy Valeria, publiee à la requeste de P. Valerius Publicola, le veut ainsi: pourueu qu'apres l'homicide, on auerast, que celuy qu'on auoit occis, auoit aspiré à la souueraineté, qui auoit bien grāde apparēce. car d'y vouloir proceder par voye de iustice, il semble que le feu plustost auroit embrasé la Republique, qu'on y peust venir à temps. & cōment feroit-on venir en iugement celuy qui auroit la force autour de luy? qui auroit saisi les forteresses? vaut-il pas mieux preuenir par voye de fait, que voulāt garder la voye de iustice perdre les loix, & l'estat? Toutefois Solon fist vne loy cōtraire, par laquelle il est expressément defendu d'vser de la voye de fait, ni tuer celuy qui se veut emparer de la souueraineté, que premierement on ne luy ait fait & parfait son procès: qui semble plus equitable que la loy Valeria: par ce qu'il se trouuoit plusieurs bons citoyēs, & gēs de bien, occis par leurs ennemis, sous couleur de tyrannie, & puis il estoit aisé de faire le procès aux morts. Mais il me semble, pour accorder ces deux loix, & en faire vne resolutiō, que la loy de Solon doit apoir lieu, quand celuy qui est suspect de tyrānie n'a occupé ni forces ni forteresses: & la loy Valeria, quād le tyrans'est déclaré ouuertement, ou qu'il s'empare des citadelles & garnisons. Au premier cas, nous trouuons que le Dictateur Camil procéda par voye de iustice cōtre M. Manlius Torquatus: & au secōd cas, Brutus & Crassius tuerent Cesar. Car Solon pour y auoir esté par trop religieux, ne peut empescher qu'à son veu, & sceu Pisistratus de suget, & citoyen ne se fist maistre: & les meurtriers qui occirēt les tyrans d'Athenes, n'y procederent pas par voye de iustice. On peut ici former plusieurs questiōs: à sçauoir si le tyran que i'ay dit peut estre tué iustement sans forme ni figure de procès, si apres auoir empieté la souueraineté par force, ou par finesse, se fait elire par les estats: car il semble que cest acte solēnel d'election est vne vraye ratification de la tyrānie, que le peuple a pour agreable. ie di neātmoins qu'il est licite de le tuer, & y preuenir par voye de fait, si ce n'estoit que le tyrā despoüillāt son autorité, quittaist les forces, & qu'il remist la puissance entre les mains du peuple pour souffrir iugement. car on ne peut ap-

Cas licites pour tuer le tyran.

2. l. sacr. affect. de diuersis rescript. C. l. i. vt dignitatum ordo seruetur. C.

5. Plutar. in Publicola. S'il est licite de preuenir la voye de iustice pour tuer vn tyran.

6. Plutar. in Publicola.

Distinction pour accorder deux loix contraires.

7. l. si per impressiōnem & l. qui in carcerem. quod metu. ff. & ibi dd. glo. in l. i. quod iussu. ca. conuenior. 23. q. 8. Io. andr. in cap. insinuante qui clerici vel vouēt.

o. in lib. de legib.

8. l. hoc iure. §. ductus
aquæ. de quotidiana.
o. cap. venientes de
iureiurand.

9. Paris de pureo in
syndicatu. vbi quæ-
rit an liceat occide-
re regem tyrannum.
Andr. Iserni. in titu-
lo. quæ sint regalia
Thomas Aquinas in
ij. ij. q. 42. art. 2. mar-
tin. laudē. in tractat.
de princip. §. iiii. An-
gel. de claua in sum-
ma. verbo seditio. q.
vlt. Antoni. in sum-
ma. tit. 4. cap. 8 § 1.
dd. in l. decernimus.
de sacrosanct. eccles.
C. Bartol. in tractat.
de tyrannia.
o. Paris in tractat. de
syndic. in tit. de ex-
cessibus regum. cap.
rex autem & seq.

peller consentemēt, ce que les tyrās font faire au peuple despoüillé de sa puissance: cōme Sulla qui se fist establir dictateur pour quatre vingts ans par la loy Valeria, qu'il fist publier ayāt vne armee puissante dedās la ville de Rome, Ciceron disoit^o que ce n'estoit pas loy : & en cas pareil Cesar, qui se fist faire dictateur perpetuel par la loy Seruia: & Cosme de Medicis, lequel ayant vne armee dedās Florēce, se fist elire Duc, & sur la difficulté qu'on y faisoit, il fist faire vne scōpterie deuant le Palais, qui hasta bien les Seigneurs & Magistrats de passer outre. mais si les successeurs du tyran par lōg trait de tēps, cōme de cent ans auoiēt tenu la souueraineté, en ce cas la prescription de si lōgues annees, cōme en toutes autres choses pourroit seruir de⁸ titre, quoy qu'on die que la souueraineté ne peut estre^o prescrite, c'est à dire en moins de cent ans. & mesmemēt s'il n'y a eu ni opposition, ni protestation des sugets au contraire : cōme celle du Tribun Aquila, lequel fut si braue, d'oster la couronne qu'on auoit mise sus la statue de Cesar, quelque puissance qu'il eust, & qu'il trouuaist cela fort mauuais, iusqu'à mettre à la fin de tous les mandemens, & graces qu'il ottroyoit, S'il plaist au Tribun Aquila. Voila quāt à ce poinct du tyran vertueux ou meschāt qui se fait seigneur souuerain de son auctori-
té. Mais la difficulté principale de nostre questiō gist à sçauoir, si le Prince souuerain venu à l'estat par voye d'election, ou par sort, ou par droit successif, ou par iuste guerre, ou par vocatiō speciale de Dieu, peut estre tué, s'il est cruel, exacteur, & meschāt à outrāce : car c'est la signification qu'on dōne au mot Tyran. Plusieurs⁹ Docteurs & Theologiēs, qui ont touché ceste question, ont resolu qu'il est licite de tuer le tyran, & sans distinction: & mesmes les vns ont mis ces deux mots incōpatibles, Roy tyran, qui a esté cause de ruiner de tresbelles & fleurissātes Monarchies. Mais afin de bien decider ceste question, il est besoing de distinguer le Prince absoluēment souuerain, de celuy qui ne l'est pas: & les sugets d'avec les estrāgers. Car il y a bien difference de dire que le tyran peut estre licitement tué par vn Prince estranger, ou par le suget. Et tout ainsi qu'il est tresbeau & cōuenable, à qui que ce soit, defendre par voye de fait les biens, l'honneur & la vie de ceux qui sont iniustement affligez, quand la porte de iustice est close : ainsi que fist Moysse, voyant battre & forcer son frere, & qu'il n'y auoit moyen d'en auoir la raison: aussi est-ce chose tresbelle, & magnifique à vn Prince, de prendre les armes pour venger tout vn peuple iniustemēt opprimé par la cruauté d'un tyran : cōme fist le grād Hercules, qui alloit extermināt par tout le mōde ces mōstres de tyrās: & pour ces haults exploits a esté deifié. ainsi fist Dion, Timoleon, Aratus, & autres Princes genereux, qui ont emporté le tiltre de chastieus, & correcteurs de tyrans. Aussi ce fut la seule cause, pour laquelle Tmerlan Prince des Tartares, denōça la guerre à Paiazet Roy des Turcs, qui lors assiegeoit Cōstantinople, disant qu'il estoit venu pour chastier sa tyrannie, & deliurer les peuples affligez. & de fait il le vaincut en bataille

taille rangee, en la plaine du mōt Stella: & apres auoir tué, & mis en route trois cēs mil Turcs, il fist mourir le tyran enchainé en vne cage. Et en ce cas il ne peut chaloir que le Prince vertueux procedē cōtre vn tyran par force, ou par finesse, ou par voye de iustice: vray est que si le Prince vertueux a pris le tyran, il aura plus d'honneur à luy faire son procez, & le chastier cōme vn meurtrier, vn parricide, vn voleur, pluſtoſt que d'vfer enuers luy du droict des gens. Mais quāt aux ſugets, il faut ſçauoir ſi le Prince est absoluēment ſouuerain, ou bien ſ'il n'est pas ſouuerain: car ſ'il n'est pas absoluēment ſouuerain, il est neceſſaire que la ſouueraineté ſoit au peuple, ou bien aux ſeigneurs: En ce cas il n'y a doubte, qu'il ne ſoit licite de proceder cōtre le tyran par voye de iustice, ſi on peut ſe preualoir cōtre luy: ou bien par voye de fair & force ouuerte, ſi autrēmēt on n'en peut auoir la raiſon: cōme le ſenat fiſt enuers Neron au premier cas, & enuers Maximin en l'autre cas. d'autant que les Empereurs Romains n'estoiēt rien autre choſe, que Princes de la Republique, c'est à dire premiers & chefs, demeurāt la ſouueraineté au peuple & au Senat: cōme i'ay mōſtré cy deſſus, que ceſte Republique là s'appelloit Principauté. quoy que die^r Seneque parlāt en la perſonne de Neron ſon diſciple, Je ſuis, dit il, ſeul entre tous les hommes viuās, eleu & choiſi pour eſtre lieutenant de Dieu en terre: ie ſuis arbitre de la vie & de la mort: ie ſuis tout puiſſant pour diſpoſer à mon plaſir de l'eſtat & qualité d'vn chacun. vray est que de faiēt il vſurpa bien ceſte puiſſance, mais de droit l'eſtat n'estoit qu'vne Principauté, où le peuple eſtoit ſouuerain. comme eſt auſſi celle des Venitiens, qui ont condamné à mort leur Duc Falier, & fait mourir pluſieurs autres ſans forme ny figure de procēs: d'autāt que Venize eſt vne Principauté ariſtoſcratique, où le Duc n'eſt rien que le premier, & la ſouueraineté demeure aux eſtats des gentils-hōmes Venitiens. Et en cas pareil, l'Empire d'Alemaigne, qui n'eſt auſſi qu'vne Principauté ariſtoſcratique, où l'Empereur eſt chef & premier: la puiſſance, & majeſté de l'Empire appartient aux eſtats, qui debouterēt l'Empereur Adolphe l'an m.c.c.x.cvi. & depuis encores Wenceſſan l'an m.c.c.c.c. par forme de iuſtice, comme ayant iuriſdiction & puiſſance ſur eux. Autant pouuons nous dire de l'eſtat des Lacedemoniens, qui eſtoit vne pure ariſtoſcratie, où il y auoit deux Roys, qui n'auoient aucune puiſſance ſouueraine, & n'estoient rien que Capitaines. Et pour ceſte cauſe il ſe trouue que pour les fautes par eux commiſes, ils ont eſté condamnez à l'amēde, comme Ageſilaus: ou à la mort, cōme Agis & Pauſanias: ce qui a eſté auſſi fait de noſtre aage aux Roys de Dannemarch, & de Suede: dōt les vns ont eſté bannis, les autres ſont morts priſonniers, les autres y ſont encores. par ce que la Nobleſſe pretend qu'ils ne ſont rien que Princes, & qu'ils ne ſont pas ſouuerains, comme nous auons monſtré: auſſi ſont ils ſugets aux eſtats, qui ont droit d'election. Et tels eſtoient anciennement les Roys de Gaule, que Ceſar pour ceſte cauſe appelle ſouuēt *Regulos*, c'eſt à dire

1. Sueton. in Caligul.
Tacitus in proce-
mio lib. primi.

2. In lib. de Ira.

petits Roys, estans fuzets & iusticiables des seigneurs, qui auoient toute souueraineté: & les faisoient executer à mort, s'ils l'auoient meritè. c'est pourquoy disoit Ambiorix Capitaine general, qu'ils appelloient Roy des Liegeois. Nos mademès, dit-il, sont tels, que le peuple n'a pas moins de puissance sur moy, que moy sur le peuple. où il monstre euidentmēt qu'il n'estoit pas souuerain. combien qu'il est impossible que sa puissance fust egale avec celle du peuple: comme nous auons monstre au chapitre de la Souueraineté. Mais si le Prince est absoluēment souuerain, comme sont les vrais Monarques de France, d'Espagne, d'Angleterre, d'Escoffe, d'Ethiopie, de Turquie, de Perse, de Moscouie: desquels la puissance n'est point reuoeuee en doubte, ny la souueraineté mespartie avec les fuzets: en ce cas il n'appartient à pas vn des fuzets en particulier, ny à tous en general, d'attenter à l'honneur, ny à la vie du Monarque, soit par voye de fait, soit par voye de iustice, ores qu'il eust commis toutes les meschancetez, impietez & cruautez qu'on pourroit dire. car quāt à la voye de iustice, le fuzet n'a point de iurisdiction sur son Prince, duquel depend toute puissance & autorité de commander, & qui peut non seulement reuoequer tout le pouuoir de ses Magistrats, ains aussi en la presence duquel cesse toute la puissance, & iurisdiction de tous les Magistrats, corps & Colleges, estats & cōmunautéz: comme nous² auons dit³ & dirons encores plus amplement en son lieu. Et s'il n'est licite au fuzet de faire iugement de son Prince, au vassal de son seigneur, au seruiteur de son maistre: Brief s'il n'est licite de proceder contre son Roy par voye de iustice, comment seroit-il d'y proceder par voye de fait? car il n'est pas ici question de sçauoir qui est le plus fort, mais seulement s'il est licite de droit, & si le fuzet a puissance de condamner son Prince souuerain. Or non seulement le fuzet est coupable de leze majesté au premier chef, ° qui a tué le Prince souuerain, ains aussi qui a attenté, qui a donné⁴ conseil, qui l'a voulu, qui l'a penlé. & la loy a trouué cela si enorme, que celuy qui est preueni, atteint, conuaincu, sans auoir souffert condamnation, s'il decede, son estat n'est point diminué pour⁶ quelque crime que ce soit, fust-ce le crime de leze majesté, horsmis le premier chef de la majesté, qui ne se peut iamais purger par la mort de celuy qui en est accusé, & mesmes celuy qui n'en fut onques preueni, la loy le⁷ tient en ce cas comme s'il estoit ja cōdamné. Et combien que la mauuaise pensee ne merite point de peine, si est-ce que celuy qui a pensé d'attēter à la vie de son Prince souuerain, est iugé coupable de⁸ mort, quelque repentence qu'il en ait eu. & de fait, il se trouua vn gentil-homme de Normandie, lequel se confessā à vn Cordelier, qu'il auoit voulu tuer le Roy François I. se repentāt de ce mauuais vouloir. le Cordelier luy donna absolution: & neantmoins depuis il en aduertit le Roy, qui renuoya le gentil-homme au Parlemēt de Paris, pour luy faire son procès: où il fut condamné à mort par arrest, & depuis executé.

2. Au chap. de la souueraineté.

3. Au chap. du respect que les Magistrats doibuent les uns aux autres. lib. 3.

o. l. quisquis. ad l. Iul. maie.

4. l. i. ad l. Iul. maieft.

5. dd. in l. cogitationis. de poenis ff. & in l. si. quis non dicam rapere. de sacrosan. C.

6. l. ult. ad l. Iul. maieftatis ff. & §. pœnales. de actio. Institut.

7. d. l. ult. ad l. Iul. maieftat. ff.

8. dd. in. d. l. si quis non dicam rapere. & in l. cogitationis. de poenis. ff.

cuté. on ne peut dire que la Cour y proceda par crainte, veu que bien souuent elle refusoit de verifïer les edits, & lettres patentes, quelque mandement que fist le Roy. Et combien qu'il se trouua vn homme insensé, & dutout furieux, nommé Caboche, à Paris, qui tira l'espee contre le Roy Henri 11. sans aucun effect, ni effort, neantmoins il fut condamné à mourir, sans auoir egard à sa frenaisie, que la loy⁹ excuse, quelque meurtre ou meschanceté que face le furieux. Et afin qu'on ne die point que les hommes ont fait ces loix, & donné ces arrests, nous lisons en la sainte escripture, que Nabuchodonosor Roy d'Assyrie, gasta le pays de la Palestine, assiegea la ville de Hierusalem, la força, pillà, rasa maisons & murailles, brussa le Temple, & souilla le Sanctuaire de Dieu, tua le Roy, & la pluspart du peuple, emmenant le surplus esclaué en Babylone: & là fist faire vne statue d'or representant son image, & commandement à tous, sans exception, de l'adorer, sur peine¹ d'estre brusléz tous vifs: & fist getter en la fournaise ardente ceux qui refuserent l'adorer: & neantmoins le Prophete² adressant vne lettre aux Iuifs, qui estoient en Babylone, leur escript qu'ils prient Dieu qu'il donne bonne & heureuse vie à Nabuchodonosor & à ses enfans, & qu'ils puissent regner autant que le Ciel durera. Aussi Dieu appelle Nabuchodonosor³ son seruiteur, promettant qu'il le fera grand seigneur. y eut-il iamais tyran plus detestable que cestuy-là, de ne se contenter pas d'estre adoré, ains encores faire adorer son image, & sur peine d'estre bruslé tout vif? Et neantmoins nous voyons le Prophete Ezechiel irrité cõtre Sedechie Roy de Hierusalem, detester bien fort sa perfidie, deloyauté & rebellion contre son Roy Nabuchodonosor, & qu'il ne meritoit rien moins que la mort. Encores auons nous vn exemple plus rare de Saül, lequel estât forcené du malin esprit, fist tuer tous les Prestres de Dieu sans cause quelcõque, & s'efforça par tous moyens de tuer ou faire tuer Dauid: & neantmoins Dauid l'ayant en sa puissance par deux fois, la Dieu ne plaist, dit-il, que i'attente⁴ à la personne de celuy que Dieu a sacré: & empescha qu'on luy fist aucun mal. & cõbien que Saül fust tué en guerre, si est-ce que Dauid fist mourir celuy qui luy en apporta la teste, disant: Va meschant, as tu bien osé mettre tes mains impures sus celuy que Dieu auoit sacré? tu en mourras. Ce poinct est fort considerable: car Dauid estoit iniustement poursuiui à mort par Saül, & n'auoit pas faute de puissance, comme il monstra bien aux ennemis. d'auantage il estoit eleu de Dieu, & sacré par les mains de Samuel, pour estre Roy du peuple, & auoit espousé la fille du Roy: & neantmoins il eut en horreur de prendre qualité de Roy, & encores plus d'attenter à la vie, ni à l'honneur de Saül, ni se rebeller contre luy, ains il aima mieux se bannir soy-mesme hors du royaume. Aussi lisons² nous, que les plus saincts personnages qui furēt iamais entre les Hebrieux, qu'on appelloit³ Essai, c'est à dire les vrais executeurs de la loy de Dieu, tenoient que les Princes sou-

9. l. illicitas. de offic. præsidi. factis, inquit, ipso furore torque-tur.

1. Danielis cap. 6.

2. Baruchias cap. 1. & Hierem. 29. 7.

3. Hieremias 25. & Ezechiel. 29.

4. Samuel. 1. cap. 26. & 24.

2. Ioseph .de sectis Iudaor.
3. à verbo עשׂה

7. Samuel. 2. cap. 23. 2.
8. Exodi 22. 28.

9. 1. Petri 2. 17. 1. Ti-
moth. 2. 2. & ad Ro-
man. 14. 1.

1. 1. 1. ad 1. Iul. maie-
stat. ff.

2. Martin. Luther.
Caluin. In Ioânem,
& in Institutione.

3. 4. Regum cap. 9.
& 10.

4. Sleidan.

uerains, quels qu'ils soient doiuent estre inuiolables aux sugets, com-
me sacrez, & enuoyez de Dieu. On ne doute pas aussi que Dauid Roy
& Prophete n'eust l'esprit de Dieu, si iamais homme l'auoit eu: ayant
deuant ses yeux la loy⁸ de Dieu, qui dit: Tu ne mesdiras point de ton
Prince, & ne detracteras point des Magistrats. Il n'y a rien plus frequent
en toute l'escriture sainte, que la defense, non pas seulement de tuer,
ni attenter à la vie ou à l'honneur du Prince: ains aussi des Magistrats,
ores, dit l'escriture, qu'ils soient meschans. Si donques celuy est coulpable
de leze majesté diuine & humaine, qui detracte seulement des Ma-
gistrats, quelle peine peut suffire à celuy qui attente à leur vie: car la loy
de Dieu est encores plus precise en ce cas, que ne sont les loix huma-
nes: d'autant que la loy¹ Iulia tient pour coulpable de leze majesté, qui
aura donné conseil de tuer le Magistrat, ou commissaire qui a puissance
de commander: & la loy de Dieu defend de detracter aucunement du
Magistrat. De respondre aux obiections & argumens friuoles de ceux
qui tiennent le contraire, ce seroit temps perdu: mais tout ainsi que ce-
luy qui doute s'il y a vn Dieu, merite qu'on luy face sentir la peine des
loix, sans vsfer d'argumens: aussi font ceux là qui ont reuoké en doute
vne chose si claire, voire publiee par liures imprimez, que les sugets peu-
uent iustement prendre les armes contre leur Prince tyran, & le faire
mourir en quelque sorte que ce soit: combien que les plus apparens &
sçauans² Theologiens tiennent qu'il n'est iamais licite, non pas seule-
ment de tuer, ains de se rebeller contre son Prince souuerain: si ce n'est
qu'il y eust mandement special de Dieu, & indubitable: comme nous
auons de³ Iehu, lequel fut eleu de Dieu, & sacré Roy par le Prophe-
te, avec mandement expres de faire mourir la race d'Achab. Il estoit
sujet, & n'attenta iamais contre son Prince pour toutes les cruantez,
exactiôs, & meurtres des Prophetes que le Roy Achab & Iesabel auoiēt
fait: iusques à ce qu'il eut mandement expres de la voix de Dieu par la
bouche du Prophete. & de fait Dieu luy assista tellement, qu'avec peti-
te compaignie, il fist mourir deux Roys, & quarante deux Princes du
sang, & tous les Prestres idolatres, apres auoir fait manger aux chiens la
Royne Iesabel. Mais il ne fault pas parangonner ce mandement special
de Dieu aux coniurations & rebellions des sugets mutins cōtre le Prin-
ce souuerain.⁴ Nous lisons que les Princes Protestans d'Alemaigne, de-
uant que prendre les armes contre l'Empereur, demanderent à Martin
Luther s'il estoit licite: il respondit franchement qu'il n'estoit pas licite,
quelque tyrannie ou impieté qu'on pretendist. il ne fut pas creu: aussi la
fin en fut miserable, & tira la ruine des plus illustres maisons d'Alemai-
gne: *quia nulla iusta causa videri potest*, comme disoit Ciceron, *aduersus pa-
triam arma capiendi*. Et toutefois il est bien certain, que la souueraineté
de l'Empire ne gist pas en la personne de l'Empereur, comme nous di-
rons en son lieu: mais estant chef, on ne pouuoit prendre les armes que
du

du consentement des Estats, ou de la plus grãde partie . combien donc est il moins licite contre le Prince souuerain ? Je ne puis vser de meilleur exemple que du fils enuers le pere. la loy de Dieu dit, que celuy qui aura mesdit du pere ou de la mere, soit mis à mort . Et si le pere est meurtrier, voleur, trahistre à la patrie, incestueux, parricide, blasphemeur, atheïste, qu'on y adioust ce qu'on vouldra. ie confesse que tous les suplices ne suffiront pas pour le punir : mais ie dy que ce n'est pas au fils à y mettre la main. *quia nulla tanta impietas, nullum tantum scelus est, quod sit parricidio vindicandum*, comme disoit vn ancien orateur . & toutefois Ciceron ayant mis ceste question en auant, dit que l'amour de la patrie est encores plus grand. ie dy donc que iamais le suget n'est receuable de rien attenter contre son Prince souuerain, pour meschāt & cruel tyran qu'il soit. il est bien licite de ne luy obeïr pas en chose qui soit contre la loy de Dieu ou de nature, s'en fuir, se cacher, parer les coups, souffrir la mort plus tost que d'attenter à sa vie, ni à son honneur. O qu'il y auroit de tyrans, s'il estoit licite aux sugets de les tuer. celuy qui tire trop de subsides seroit tyran, comme le vulgaire l'entend : celuy qui commande contre le gré du peuple seroit^o tyran, ainsi qu'Aristote le definist és Politiques : celuy qui auroit gardes pour la seureté de sa vie seroit tyran : celuy qui seroit mourir les coniurez contre son estat seroit tyran. Et comment seroient les bons Princes asseurez de leur vie ? Non pas que ie vueille soutenir qu'il ne soit licite aux autres Princes de poursuiure par force & par armes les tyrās, comme i'ay dit, mais ce n'est pas au suget. combien que ie serois plustost de l'aduis de Diogene le Cynique, lequel ayāt vn iour rencontré Denys le Jeune, lors qu'il estoit en Corinthe banni de sa tyrannie, ioüant par les rues avec les bouffons, & menestriers, & discourant de leurs ieux, du meilleur sens qu'il eust luy dist : Tu es bien maintenant en estat indigne de toy. Je t'en sçay bon gré, dist alors Denys, d'auoir compassion de moy. Et penes-tu, dist Diogene, que ie die cela par compassion de toy ? ains plustost en despit de ta vie, de voir vn esclaue tel que toy digne de vieillir, & mourir au malheureux estat de tyrannie cōme ton pere, se ioüer ainsi en seureté & passer son temps entre nous. Pourroit-on auoir de plus cruels bourreaux que la frayeur & la crainte ? ie di frayeur & crainte perpetuelle de perdre sa vie, ses biens, son estat, & tous ses parens & amis : les tyrans en sont là tousiours avec vn tremblement continuel, & mil soupçons, enuies, rapports, ialouzies, appetits de vengeance, & autres passions qui tyrannisent plus cruellement le tyran, qu'il ne sçauroit faire ses esclaues avec tous les tourments qu'il pourroit imaginer . Et quel malheur plus grād pourroit aduenir à l'hōme, que celuy qui presse & force le tyran de rendre ses sugets bestes & stupides, de leur trancher tous les chemins de vertu, & des sciēces honnestes, pour estre suget à mil espions & courratiers, pour sçauoir tout ce qu'on fait, ce qu'on dit, ce qu'on pense ? & au lieu de ioindre & vnir

o. Bartol. in tractat
de tyrannia tyrannū
a tyros inquit, idest
fortis, inepte tamen.

les siens en bõne amitié, semer entr'eux cent mil querelles & dissensions, afin qu'ils soient tousiours en defiance les vns des autres? Et qui doute que le tyran languissant en tel martyre, ne soit plus affligé & tourmété, que s'il mouroit mil fois? la mort, disoit Theophraste, est la fin des miseres, & le repos des malheureux disoit Cesar: l'un & l'autre parlât, comme s'il n'y eust point eu de peine establie aux meschans apres ceste vie. Et par ainsi celuy qui desire que le tyran soit tué, pour souffrir la peine de ses merites, il demande son bien & son repos. Combien que la plupart des tyrans ont ordinairement pres de leurs personnes des esponges, & mignons, sus lesquels ils se deschargent, afin que le peuple entranten fureur, s'attache à eux: comme Tibere auoit Seian, Neron Tigillin, Denys le Jeune, Phyliste, & Henri Roy de Suede, Georges Preschon, qui furent donnez en proye à la furie du peuple. Et l'Empereur Caracalla, qui fist mourir tous les flateurs qui l'auoient induit à tuer son frere, pour acquerir la grace du peuple. & par ce moyen les tyrans bien souuent l'ont eschappé belle. Mais si on commençoit à la personne du tyran, ses couratiers, & les plus proches de ses parens, iusques aux femmes & filles, estoient tuees: ce qu'on faisoit non seulement en toute la Grece, ains aussi en Sicile: comme apres la mort de Hierosme le tyran, ses sœurs & cousines furent cruellemēt démembrées par la rage du peuple. Puis tous les domestiques du tyran ordinairement, toutes les statues, voire bien souuent tous les edits cassez, ores qu'ils fussent loüables, & necessaires: afin qu'il ne restast rien de la memoire du tyran. vray est que bien souuent on retenoit les bonnes ordonnances. C'est pourquoy disoit ⁵ Ciceron, qu'il n'y a rien plus vulgaire, que d'approuuer les actes du tyran, & mettre au ciel les meurtriers qui l'ont tué. Combien qu'en vn autre lieu il dit, que la difficulté n'est pas resoluë, à sçauoir s'il faut que l'homme de bien assiste au conseil du tyran, pour chose qui soit bonne & prouffitable. Et toutefois ceste question dépend de l'autre. car si on fait conscience d'assister au conseil du tyran, pour chose bonne qu'il face, de crainte qu'on a en ce faisant d'approuuer sa tyrannie, pourquoy approuueroit-on les bonnes loix & ordonnances qu'il a faites? car c'est aussi bien ratifier sa tyrannie, & donner exemple aux autres, comme de conseiller choses bonnes & loüables au tyran: si ce n'estoit qu'on voulust dire, que la tyrānie, qui est en sa force & vigueur, est appuyee & autorisee du conseil des gens de bien, sous couerture d'un acte bon & loüable: & celuy qui est mort ne peut resusciter pour la ratification de ses actes: qu'il faut bien souuent entretenir par necessité forcee, ou ruiner du tout la Republique. En quoy le capitaine Thrasibule, apres auoir donné la chasse aux trente tyrans d'Athenes, & Aratus ayant defait le tyran de Sicyone, & à leur exemple Ciceron, apres la mort de Cesar Dictateur, publierent les loix d'oubliāce, pour esteindre les appetits de vengeance, ratifiāns pour la plupart les actes des tyrans, qu'on ne pouuoit

casser,

5. lib. 14. ad Atticū,
lib. 16.

6 lib. 10. epist. 1. ad
Atticum magnum.

τῶν πολιτικῶν
σκευμάτων.

veniendūne sit in
consilium tyranni si
is aliqua de re bona
deliberaturus sit.

casser, sans ruiner de tout poinct la Republique. Et par ainsi quand nous lisons, que les actes, edits & ordonnances de Neron & Domitian furent abolies par le Senat, cela s'entend des choses iniustes & iniques. autrement l'euerfion de l'Empire s'en fust bien tost ensuiuie: veu les saintes loix & ordonnances, & les actions louables de Neron, les cinq premières années qu'il fut Empereur, par l'estat desquelles Traian iugea qu'il n'auoit point eu son pareil. C'est pourquoy les Iuriscultes & Docteurs ont tenu que le successeur du tyran est obligé aux faicts & promesses legitimes du tyran. Ainsi fist l'Empereur⁸ Constantin le Grand, lequel par edit expres cassa les actes de Licinius, qui estoient contraires au droit commun, & ratifia le surplus. le⁹ semblable fut fait par Theodose le ieune & Arcadius Empereurs, apres la route du tyran Maximus. *Quæ tyrannus, inquit, contra ius rescripsit, non valere precipimus, legitimis eius rescriptis minimè impugnandis.* Et combien que par vengeance du tyran Maximus, ces deux ieunes Empereurs eussent fait vn edit general, par lequel ils ostioient tous les biensfaits, estats, dons, & offices qu'il auoit ottroyez: & mesmes ils cassoiēt tous les arrests & iugemēs par luy dōnez: toutefois depuis¹ en declarāt leur edit, ils ratifierent & confirmerēt tous les actes & cōmissions obtenues sans dol & sans fraude. Ces derniers mots, sans dol, & sans fraude, sont adioustez contre les couratiers, agens, & entremetteurs des tyrans, contre lesquels principalement on se doit attacher, afin qu'il n'y ait personne qui prenne exemple de bastir sa maison de la ruine des autres, pendant que la tyrannie est en sa force, ou les troubles de la guerre ciuile diuisent la Republique: comme il aduint en l'estat de Milan, pendāt que les Venitiens, les François, les Suisses, les Espaignols, les Sforces ioüioient à boutehors. entre autres Iason Iuriscōsulte obtint don des biēs du seigneur Triulce, qui tenoit pour la maison de Frâce: mais les François estans de retour, Iason fut bien battu de ses loix, & decisions par Triulce. combien qu'en tel cas il n'y vapas tāt des loix, & decisions reiglees, que d'une equité naturelle, qui gist en l'arbitrage de ceux qui sçauent manier les affaires d'estat, & balancer sagemēt le profit particulier au cōtrepoix du public, selon la varieté des temps, des lieux & des personnes: en sorte toutefois que le public soit tousiours plus fort, & preferé au particulier: si l'equité, & la raison n'y resiste formellement. cōme s'il appert que les receueurs ayēt esté sommez, & puis contrains de payer aux ennemis, ou au tyran, c'est bien la raison qu'il leur soit alloüé: ainsi qu'il fut iugé par² arrest du Parlement de Naples, pour ceux qui auoient payé aux receueurs du Roy Charles viii. apres le retour des Espaignols on vouloit contraindre les receueurs à payer deux fois. la raison naturelle l'emporta par dessus le profit public. mais si les receueurs sans aucune sommation, ni contrainte, ou bien par quelques poursuites affectees, s'estoiēt ingerez de payer au tyran, ou bien aux ennemis, ils pourroient iustement estre contrains non seulemēt de payer

7. hanc quæstionem variè tractant dd. Bart. in l. prohibere § plane. quodvi. & in tractatu de tyrannia. nu. 25. & seq. Iaso in l. r. col. 5. de constitut. Corne. cōsil. 278. li 3. Alberic. in l. 2. §. exactis. de origine Martin. laudē. in tracta de princip. q. 64. Felin. in cap. translatō col. 1. de constitut. Ancaran. cōsil. 289. Bald. in l. decernimus. de sacrosanct. eccles. C. dd. in l. barbarius de offic. præt. Bald. in l. digna vox. de legib. 8. l. r. de infirmendis iis quæ sub tyrannis. C. Theodos. 9. l. 2. eodem. C. Theod. r. d. l. valeat. 1. d. l. valeat.

2. Affictus decis. Neapol. 149. & 150. latifs.

derechef, ains aussi seroient coupables de leze majesté. Par ainsi pour conclure ceste question, qu'il ne faut pas que les bonnes ordonnances & actes loüables du tyran occis soient cassez. Et en cela les Princesses abusent bien fort, qui cassent tous les actes des tyrans predecesseurs, & mesmes qui donnent loyer à ceux qui ont tué les tyrans, pour leur faire planche à la souueraineté: car ils ne serot iamais assurez de leur vie, s'ils n'en font punition: cōme fist trespassement l'Empereur Seuerus, qui fist mourir tous ceux qui auoient eu part au meurtre de l'Empereur Pertinax: ce qui fut cause, dit Herodian, qu'il n'y eut personne qui osast attenter à sa vie. & Vitellius Empereur fist mourir tous les meurtriers & cōiurez contre Galba, qui auoient presenté requestes signees de leur main à l'Empereur Othion pour auoir loyer de leur deloyauté. & Theophile Empereur de Constantinople, fist appeler tous ceux qui auoient fait son pere Empereur, apres auoir occis Leon Armenien, pour les recompenser d'un si grand bien fait: lesquels estans venus avec plusieurs qui n'y auoient point esté, furent executez à mort: & qui plus est, l'Empereur Domitian fist mourir Epaphrodite, secretaire d'estat, pour auoir aidé à Neron à se tuer, qui l'en requeroit tresinstamment. Ainsi fist Dauid aux meurtriers de Saül & de son fils, qui pensoient en receuoir grand loyer. Et mesmes Alexandre le Grand fist mourir cruellement le meurtrier de Darius, ayât en horreur le suget qui auoit osé mettre la main sus son Roy, ores qu'il fust droit ennemi de guerre d'Alexandre. Et me semble que la chose qui plus a conserué les Roys de France, & leurs personnes inuiolables, est qu'ils n'ont point vsé de cruauté enuers ceux qui leur attouchoient de sang, quoy qu'ils fussent attraints, conuaincus, declarez, voire condamnez comme ennemis de leur Prince, & coupables de leze majesté: comme Iean II. Duc d'Alençon, ores qu'il fust condamné comme tel, par forme legitime, & l'arrest de mort à luy prononcé par le Chancelier: toutefois le Roy Charles V. ne voulut pas qu'on l'executast. Plusieurs ont blasmé ceste douceur, comme pernicieuse: mais ils ne voient pas, que celuy qui met vn Prince de son sang entre les mains des bourreaux, ou qui le fait assassiner, forge le cousteau contre soy mesme. car on a veu les Empereurs de Constantinople, anciens & nouveaux, & plusieurs Roys d'Espagne & d'Angleterre, qui ont voulu souiller leurs mains du sang des Princes, souffrir en leurs personnes ce qu'ils auoient fait aux autres. on a veu en la maison de Castille vn Prince tuer six de ses freres: & en moins de trente six ans quatre vingts Princes du sang d'Angleterre, comme nous lisons en Philippe de Commines, cruellement tuez, ou executez par les mains des bourreaux. Or la plus grande seureté d'un Prince souuerain est, qu'il faut qu'on croye qu'il est saint, & inuiolable. Je sçay bien qu'on a blasmé Seleucus, de n'auoir fait mourir Demetrius l'assiegeur des plus vaillâs Princes qui fut onques, l'ayant retenu prisonnier: & Hue Capet, d'auoir gardé en pri-
son

son le dernier Prince du sang de Charlemaigne, & Henry premier Roy d'Angleterre, d'auoir tenu iusques à la mort en prison son frere aîné Robert : comme aussi Christierne pere de Federic Roy de Dannemarc d'auoir gardé vingt cinq ans prisonnier son oncle Roy de Dannemarc, qui mourut en prison : & Iean Roy de Suede, qui tiét depuis neuf ans son frere aîné Henry prisonnier : & la Roynie d'Angleterre sa cousine, qui a tousiours pretendu que les deux Royaumes luy appartiennent : mais ils ont esté, & sont par ce moyen plus reuez de leurs sugets, que s'ils les auoient fait mourir. On me dira que la garde de tels Princes est perilleuse : Je le confesse, & fut la seule raison qui meut le Pape de dōner conseil à Charles de France, de faire mourir Conradin, fils de Manfroy Roy de Naples. & toutesfois il se trouua assez d'heritiers d'Aragon, qui ne laisserent pas de chasser ceux de la maison d'Anjou, & recouurer le Royaume. & ce pendāt celuy qui le fist mourir, fut depuis condāné à mort, & iāçoit qu'il en reschappā, si est-ce que l'infamie d'un supplice detestable commis sans cause en la personne d'un ieune Prince innocent, est demeuree à ceux qui le firent executer. Et quand on eut pardonné à Iean Duc de Bourgongne le meurtre commis en la personne de Loys Duc d'Orleās, chacū disoit que deslors en auāt on auroit bō marché du sang des Princes, comme il aduint : car on luy ioīa la pareille, & de sang froid.

DE L'ESTAT ARISTOCRATIQUE.

CHAP. VI.



L'ARISTOCRATIE est vne forme de Republique, où la moindre partie des citoyens commande au surplus en general par puissance souueraine, & sur chacun de tous les citoyés en particulier. Enquoy elle est contraire à l'estat populaire, où la pluspart des citoyens commande à la moindre en nom collectif : & neantmoins semblable, en ce que ceux là qui ont commandement souuerain en l'une & l'autre Republique, ont puissance sur tous en nom particulier, mais non pas en nom collectif & general. La puissance du Monarque est plus illustre que les deux autres, d'autāt que son pouuoir s'estend sur tous en general, & sur chacun en particulier. Et tout ainsi que la Monarchie est royale, ou seigneuriale, ou tyrānique : aussi l'aristocratie peut estre seigneuriale, legitime, ou factieuse, qu'on appelloit anciennement Oligarchie, c'est à dire, seigneurie de biē petit nombre de seigneurs : cōme estoīēt les trente seigneurs d'Athenes defaits par Thrasybule, qu'on appelloit les trente tyrans : ou les dix commissaires deputez pour corriger les coustumes de Rome, qui auoient par factions, & puis à force ouverte empietē la seigneurie. C'est pourquoy tousiours les anciens ont pris le mot d'Oligarchie en mauuaise part, & l'Aristocratie en bonne

Differēce de l'Aristocratie à la Monarchie.

part, c'est à dire la seigneurie des gens de bien. Mais nous auons montré cy dessus, qu'il ne faut pas auoir esgard en matiere d'estat (pour entēdre quelle est la forme d'une Republique) si les Seigneurs sont vertueux ou vicieux, cōme il est requis pour sçauoir le gouvernement d'icelle. Aussi est-il bien difficile, & presque impossible, d'establir vne Aristocratie composee seulement de gens de bien. car cela ne se peut faire par sort, & aussi peu par election: qui sont les deux moyēs vsitez, auxquels on adiouste le troisieme du choïs, & du sort ensemble. Or est-il qu'il faut auoir des plus gens de bien & de vertu, pour faire choïs des bons: attendu que les meschans n'eliront iamais que leurs semblables: & toutesfois les plus gens de bien ne seront pas si effrontez & impudens, de se nommer, & choisir eux-mesmes pour gens de bien: cōme disoit Lactance Firmian, en se moquant des sept Sages de Grece: s'ils estoient sages à leur iugement, ils n'estoient pas sages: si au iugement des autres, encores moins: puis qu'il n'y auoit que sept sages, & que tous les autres estoient fols. Si on me dit qu'il faudroit suiure la forme des anciens Romains, & autres Latins, aux choïs qu'ils faisoient par serment solennel de nommer les plus vaillans & guerriers, celuy qui estoit cogneu des plus belliqueux en nommoit vn semblable à luy, & cestui-cy vn autre, & le troisieme par mesme suite nommoit le quatrieme, iusques à ce que le nombre des legions fust rempli. mais il faudroit faire loy, que le nombre des Seigneurs fust limité. Et qui pourroit estre garend au public, que l'un des nommez ne choisist pas plustost son pere, son fils, son frere, son parent, son amy, qu'un homme de bien & de vertu? C'est pourquoy il n'y a point, & n'y eut peut estre iamais de pures Aristocraties, où les plus vertueux eussent la Seigneurie. Car combien que les¹ Pythagoriens ayans attiré à leur cordelle les plus nobles & genereux Princes d'Italie, au tēps du Roy Seruius Tullius, eussent changé quelques tyrannies, en iustes Royautez, esperans que peu à peu ils pourroient aussi reduire les Oligarchies; & Democracies en Aristocraties, si est-ce toutesfois que les chefs de parties & Tribuns populaires, craignans estre despoüillez de leur puissance, dresserent de grandes coniurations contr'eux, & comme il estoit aisé aux plus forts de vaincre les plus foibles, les bruslerent en leur diette, & massacrerent presque tous ceux qui auoient eschapé le feu. Soit donc que les nobles, ou vertueux, ou riches, ou guerriers, ou pauvres, ou roturiers, ou vicieux, tiennent la Seigneurie: si c'est la moindre partie des citoyens, nous l'appellerons du nom d'Aristocratie. Quand ie dy la moindre partie des citoyens, i'entends la plus grande partie du moindre nombre des citoyens, assemblez en corps & communauté: comme s'il y a dix mil citoyens, & que cent gentils-hommes seulement ayent part à la souueraineté, si soixante sont d'un aduis, ils ordonneront & commanderont absolument au reste des neuf mil neuf cens citoyens en corps, qui n'ont que voir en l'estat,

& aux

& aux autres quarante qui ont bien part en l'estat, mais ils sont en moindre nombre. en outre les soixante que j'ay dit, auront commandement souverain sur chacun des dix mil citoyens en particulier : comme aussi feront les cent en corps, fils sont d'accord : & en ceux là seront les marques de la Majesté souveraine. Il ne faut pas avoir esgard au petit, ou plus grand nombre des citoyens, pourveu qu'ils soient moins de la moitié. car s'il y a cent mil citoyens, & que dix mil ayent la seigneurie, l'estat n'est ny plus ny moins Aristocratique, que s'il y avoit dix mil citoyens, & que mil seulement tiennent l'estat : attendu qu'en l'une & l'autre Republique la dixiesme partie a la souveraineté. autant pouvons nous dire de la centiesme, ou miliesme partie des citoyens. Et moins il y en a, l'estat en est plus assuré & plus durable. comme l'estat des Pharsaliens a esté des plus florissans de la Grece : & neantmoins il n'y avoit que x x. seigneurs. & mesme la Republique de Lacedemonne, qui a emporté le prix d'honneur par dessus toutes les autres d'Orient, ores qu'elle fust tres-peuplee d'hommes & plantureuse, si est-ce qu'il n'y avoit que x x x. seigneurs qui estoient eleus, des plus gens de bien pour demeurer en l'estat toute leur vie. Les Epidauriens, dit ² Plutarque, n'avoient que cent quatre vingt citoyens, des plus riches & apparens qui eussent part à la souveraineté : & de ce nombre on prenoit les Conseillers d'estat. L'ancienne Republique de Marseille en Prouence, avoit six cens ³ hommes des plus riches qui tenoient la seigneurie, & qui a esté des plus, voire, au iugement de Ciceron, la mieux ordonnee qui fut onques en tout le monde. & de ce nombre de six cens estoient pris les Senateurs, & quinze Magistrats, & des quinze y en avoit trois Presidens, qui estoient comme les Consuls Romains. Nous pouvons faire mesme iugement des Republiques des Thebains, & Rhodiots, apres que leurs estats populaires furent changez en Aristocraties, les plus riches s'emparerent de la seigneurie. Aussi ⁴ voyons nous que le Proconsul Q. Flaminius, establir les villes des Thessaliens en forme d'Aristocratie, faisant les Senateurs & les iuges des plus riches, & donnant la puissance souveraine à ceux qui avoient plus d'intereſt que leur Republique demeurast en paix & en repos. *Eam partem civitatum fecit potentioſorem, cui ſalva tranquillaque omnia magis eſſe expediebat*, dit Tite Liue. Comme il ſeſt fait aussi en la Republique de Genes, apres qu'elle fut distraite de l'obeiſſance des François, André Doria du consentement des habitans, l'an M. D. x x v i i i. etablir vne Aristocratie de x x v i i i. familles choisies des nobles & roturiers, de ceux qui avoient six maisons dedans Genes, qui furent toutes anoblies, laissant à la discretion de la Seigneurie de choisir par chacun an dix personnes pour leur vertu, ou pour leur noblesse, ou bien pour leurs richesses. de ces x x v i i i. familles il establir vn conseil de quatre cens hommes par chacun an, qui elisent le Duc, & les huit gouverneurs pour

L'estat des Pharsaliens.

². in apophteg. grecor.

L'ancien estat de Marseille.
³. Strabo.

⁴. Liuius lib. 34.

L'estat de Genes.

L'estat de Gene-
ue.

deux ans continus, qu'on appelle la Seigneurie : qui cognoissent des affaires d'estat. & si y a chose de consequence, on la rapporte au Senat, qui est composé de cent hommes eleus par forme de baloter, comme à Venize. & chacun des huit gouverneurs, apres son office expiré, demeure pour deux ans procureur de la Republique, & dès lors en avant demeurent du conseil priué, avec ceux qui sont, & ont esté Ducs, qui sont procureurs de la Republique tant qu'ils vivent. En outre, il y auoit quarante capitaines eleus par chacun an, & cent hommes deputez à chacun capitaine, qui est vne legion de quatre mil hommes, pour la force & defense de la ville : & auoit ceste legion vn colonnel, ou capitaine en chef, qu'ils appelloient le general. Quant au potestat, il est tousiours estranger, qui a deux lieutenans estrangers, l'un pour le criminel, l'autre fiscal : & cinq Iuges ciuils estrangers pour deux ans, qu'on appelle la Rote. Mais il y a sept Iuges extraordinaires du pays, pour delayer ou abreger les procez. Outre lesquels y a cinq Syndics, pour informer contre le Duc & les gouverneurs, apres leur charge expirée, faisant publier, si y a personne qui ait rien à dire contr'eux. & si sont trouuez innocés, on leur baille lettres d'innocence. La mesme annee que Genes fut establie en estat Aristocratique, la Republique de Geneue fut aussi changée de Monarchie Pontificale en Aristocratie. combien que ia long temps auparauant la ville pretendoit liberté contre le Duc, & contre l'Euesque. mais alors la souueraineté absolüe fut restituee à la ville : & deux cens hommes establis en forme Aristocratique, qu'ils appellent le grand conseil, avec puissance souueraine & perpetuelle. & du grand conseil est eleu le Senat de Lxxv. perpetuel : & du Senat est composé le priué conseil de xxv. aussi perpetuel : & les quatre Syndics eleus de deux en deux ans, pour les souuerains magistrats : outre les Iuges, & autres magistrats ordinaires. Mais la difference de ceste Aristocratie est notable d'avec celle de Genes : d'autant que le grand conseil, le Senat, & priué conseil sont eleus à perpetuité : à Genes, & presqu'en tous les Cantons de Suisse, tous magistrats, Senat, & grand conseil sont muables par chacun an, horsmis quelques Magistrats qui demeurent deux ans. qui fait que l'estat est beaucoup plus suget à changement : & à Geneue beaucoup plus asseuré. D'auantage, le choïs du grand conseil, du Senat, & du priué conseil de Geneue ne se fait pas tout à coup, comme à Genes, mais vacation aduenant par mort, ou forfaiture d'un Conseiller du priué conseil des vingt cinq on procede au choïs d'un Cōseiller, du Senat, des septante cinq pour substituer au priué conseil : & d'un Conseiller du grand conseil, pour mettre au Senat, & d'un bourgeois, ou pour le moins d'un des citoyens, pour mettre au grand conseil, qui ne soient notez ny diffamez, & sans auoir esgard aux biens ny à la noblesse, ains à la vertu, & reputation entiere, autant que faire se peut. qui est vn autre moyen duquel vsoient les Lacedemoniens, elisant les seigneurs
au pris

au pris qu'ils mouroient, & pour le seul respect d'honneur, & de vertu. Les seigneurs des ligues, horsmis les Grizons, & les cinq petits Cantons, ont quasi semblable forme de Republique Aristocratique. comme on voit à Surich le grand conseil de deux cens, & le Senat, & le conseil secret estre establi à la forme de Geneve: ou pour mieux dire celuy de Geneve à la forme de Suric, qui est presque semblable à Berne. La difference toutesfois est telle, que ceux ci changent tous les ans de grand conseil & de Senat: car les confrairies qu'ils appellent Zünfft, cōposees chacune d'un ou deux, ou trois mestiers, qui sont XI. à Schaphuze, XII. à Suric, XV. à Basle, és autres plus ou moins, elisent douze personnes de chacune cōfrairie pour le grand conseil, & pour le Senat ils en elisent deux autres, comme à Suric, ou trois comme à Basle, desquels l'un est le chef de la confrairie: en sorte qu'il se fait un grand conseil de deux cens à Suric, à Basle de CCXLIII. à Schaphuze de LXXXVI. & le Senat de Suric est de cinquante, à Schaphuze de XXVI. à Basle de LXII. mais qui sont eleus par les confrairies, sont confirmez par le grand conseil, soient Senateurs ou magistrats, ou par l'ancien Senat: comme Basle. car le Senat pour moytié est ancien, qui a esté en charge six mois, & l'autre moytié du Senat est de ceux qui sont nouvellement eleus: afin que tout à coup le Senat ne chāge pas. vray est que l'ancien Senat de Basle elist tousiours le Senat pour l'annee suiuvante, & les Burgermeistres: qui ont pour cōpagnons trois Tribuns, comme à Suric: & deux à Basle, qui sont quatre, avec les deux Burgermeistres, qui ont neuf autres personnes pour adjoins, qu'on appelle les XIII. lesquels manient toutes les affaires secretes, & aduisent entr'eux de ce qui doibt estre deliberé au Senat: & à Suric il y a en outre le conseil des finances, qui est de huit personnes, ou l'un des Burgermeistres preside: & le nouveau Senat iuge les causes criminelles, à Suric & à Scaphuze: és autres le Preuost de l'Empire & trois Senateurs au nom de tout le Senat, lequel Preuost est eleu par le Senat: & generalement tous ceux qui sont infames ou bastards n'ont iamais entree au Senat. qui sont tous arguments necessaires pour monstrier que leur estat est Aristocratique: & encores plus à Berne, Lucerne, Fribourg, & Soleurre, où les confrairies & assemblees n'ont aucun pouvoir ny puissance de s'assembler, que pour les choses qui concernent leurs mestiers. mais tous les ans les quatre capitaines des villes choisissent XVI. bourgeois des plus gens de bien, & sans reproche: & le mardi prochain deuant Pasques elisent le grand conseil de deux cens, combié qu'il n'y en a que cent à Lucerne, & plus de deux cens à Berne. & puis le grand conseil elist l'Auoyer, qu'ils appellent ein Schuldthessen: & les autres magistrats. & particulierement l'Auoyer avec les XVI. susdits, & les quatre capitaines elisent le Senat: qui est de XXVI. à Berne, & de XLII. à Lucerne: qui n'est que six mois en charge: & à Berne un an: & les quatre capitaines sont aussi annuels eleus par le grand cōseil: & tous les iuges sont

eleus par les quatre capitaines, & tresoriers : & sont confirmez par le Senat. & quant au dernier ressort les appellations des premiers iuges ressortissent au Senat de xxv . & du Senat aux Lx . qui sont composez des $xxvi$. que j'ay dit, & xxv . eleus par les xxv . & le dernier ressort est au grand conseil. quand il question de la vie le grand conseil est assemble, où l'Auoyer preside, & l'arrest est donné en dernier ressort. Fribourg use de mesme façon pour elire le grand conseil de cc . qui elist le Senat de $xxiii$. personnes, & l'Auoyer, & les quatre capitaines. Il est bien vray que telles Aristocraties sont gouvernees populairement : car chacun du peuple, si n'est infame, peut estre du grand conseil & du Senat, & paruenir aux plus grands estats, & d'autant plus aisément que tous magistrats sont annuels. & telles Republiques seront moins sujettes au changement d'estat, que si le grand conseil estoit compose des nobles, ou des plus riches seulement, contre lesquels le menu peuple a tousiours querelle. car les autres Aristocraties sont establies des plus riches, ou des plus nobles, ou des plus anciennes familles ; ores qu'elles ne soient nobles. Toutesfois il y a tousiours plus eu d'Aristocraties des familles anciennes, ou nobles, que de riches, ou vertueux. cōme les Republiques des Samiens, Corcyreans, Rhodiots, Cnidiens, & presque toutes les Republiques de Grece, apres la victoire de Lyfandre, furent par luy changees

4. Thucyd. Xen.
Plutar. in Lyfandro.

L'estat des Rhagusiens.

⁴ en Aristocraties des plus anciennes familles : en prenant x . ou xx . ou xxx . pour le plus, auxquels il attribua la puissance souueraine. Aussi voyons nous l'estat de Venize, que nous auons monstré cy deuant estre du tout Aristocratique, & celuy de Rhaguse, de Luques, d'Ausbourg, de Nuremberg, estre aussi compose en forme Aristocratique des plus anciennes familles, qui sont en bien petit nombre. Car quant aux Rhagusiens, qu'on appelloit anciennement Epidauriens, & qui ont rebastie la ville de Rhaguse pres de l'ancienne Epidaure, qui fut rasée de fond en comble par la rage des Gots, s'estans exemptez de la puissance des Albanois, ont establi vne Republique Aristocratique des plus nobles, & anciennes familles, presque au pourtrait de Venize. encoresont ils beaucoup plus soigneux de leur noblesse que les Venitiens : car le gentil-homme Venitien peut prendre vne roturiere : mais le Rhagusien ne peut espouser vne citadine, ny vne estrangere pour noble qu'elle soit, si elle n'est damoyelle de Zarafin ou de Cantharo, & qu'elle ait du moins valant mil ducats. aussi n'y a il que $xxiii$. familles nobles qui ayent part à l'estat, pourueu qu'ils soient aagez de vingt ans : alors ils ont entree au grand conseil, qui elist vn Senat de Lx . gentils-hommes, pour le maniement des affaires d'estat, & des causes d'appel au dessus de trois cens ducats, & des procez criminels de consequence, comme si est questio de l'honneur, ou de la vie d'un gentil-homme. & outre le Senat y a vn conseil priué de douze personnes, avec le Recteur de la Republique, muable par chacun an : & cinq prouiseurs, qui recoiuent tous ceux qui ont

ont à presenter requeste en quelque conseil que ce soit : outre les six Consuls des causes ciuiles, & les cinq iuges criminels, & les trente Iuges d'appel iusques à trois cens ducats inclusiuement. il y a plusieurs autres magistrats, desquels nous parlerons en leur lieu. Nous ferons mesme iugement de la Republique de Luques, qui est aussi Aristocratique, attendu que de cinquante & deux mil citoyens, qui furent leuez il y a vingt ans ou enuiron, il n'y a que les anciennes familles de la cité qui ont part à la puissance souueraine : desquels on elist le Senat de six xx. hommes par chacun an. & du Senat sont eleus les dix conseillers du priué conseil annuel, y compris le Gonfalonnier. Nous dirons aussi en son lieu des magistrats de ceste Republique. Il suffist pour le present de monstrier les estats Aristocratiques, pour le regard de la souueraineté, affin d'entendre par exemples diuers des nouuelles & anciennes Republiques, la vraye nature de l'Aristocratie. Disons aussi de l'estat d'Alemagne, que plusieurs croyent, & mesmes les plus sçauans d'Alemagne ont publié par escrit, que c'estoit vne monarchie. I'en ay touché cy dessus quelque mot, mais il faut icy monstrier que c'est vn estat Aristocratique. Car depuis Charlemagne iusques à Henry l'Oiseleur, c'estoit vne pure Monarchie par droit successif du sang de Charlemagne. & depuis Henry l'Oiseleur, la Monarchie a continué par droit d'élection, assez longuement, & iusques à ce que les sept Electeurs ont peu à peu retranché la souueraineté, ne laissant rien à l'Empereur que les marques en apparéce, demeurant en effect la souueraineté aux estats des sept Electeurs de trois cens Princes ou enuiron, & des Ambassadeurs deputez des villes Imperiales. Nous auons monstté que l'estat est Aristocratique, où la moindre partie des citoyens cōmande au surplus en nom collectif, & à chacun en particulier. Or est-il que les estats de l'Empire, composez de trois à quatre cens hommes, cōme i'ay dit, ont la puissance souueraine, priuatiuement à l'Empereur, & à tous autres Princes & villes en particulier, de donner la loy à tous les sugets de l'Empire, decerner la paix ou la guerre, mettre tailles & imposts, establir Iuges ordinaires & extraordinaires pour iuger des biens, de l'honneur, & de la vie de l'Empereur, des Princes, & des villes Imperiales. qui sont les vrayes marques de souueraineté. S'il est ainsi, comme il est tout certain, qui peut nier que l'estat d'Alemagne, ne soit vne vraye Aristocratie ? Qu'il soit vray ce que i'ay dit, il est assez euidēt, puis qu'il est ainsi que la force du commandement souuerain depend des recez, ou decrets des estats : les decrets sont faits par les sept Electeurs, qui ont vn tiers des voix, & par les autres Princes de l'Empire, qui ne sont pas trois cens, qui ont aussi vn tiers des voix, & par les deputez des villes Imperiales, qui sont soixante & dix ou enuiron, qui ont l'autre tiers des voix deliberatiues : pour arrester, casser, confirmer, ou infirmer ce qui est proposé. Et n'y a rien de particulier pour le regard

L'estat de Luques.

L'empire d'Alemagne est vne aristocratie.

de l'estat, qui soit differend des autres Aristocraties, sinon que les sept Electeurs ont vn tiers des voix, les Princes vn autre, les villes le surplus. de sorte que si les sept Electeurs & les deputez : ou les deputez, & les Princes : ou les Electeurs, & les autres Princes sont d'accord, le decret passe. & d'autant que les Princes Ecclesiastiques sont en plus grand nombre, ils emportent bien souuent par dessus les laiz. qui fut la cause qui empescha les Princes laiz se trouuer à la diette de Ratifbonne l'an M. D. XLVI. & tout ainsi qu'au dessoubs de vingt ans, les gentils-hommes de Venize, de Luques, & de Rhaguse n'ont point d'entree au grand conseil, ny part en la souueraineté: aussi les enfans de famille des Princes, soient ieunes ou vieux, n'ont point de voix deliberatiue, fils ne sont qualifiez Princes de l'Empire. qui sont certain nombre de Ducs, Marquis, Comtes, Landgraues, Burgrafues, Margraues, Barons, Archeuesques, Euesques. Car combien que le Duc de Lorraine soit Prince de l'Empire, si est-ce que le Comte de Vaudemont son oncle n'est reputé, ny assis aux ceremonies qu'entre les enfans de famille des Princes. Plusieurs toutesfois pensent que les Princes, & villes Imperiales ont leur estat souuerain à part, & que les estats de l'Empire sont comme ceux des ligues des Suisses. Mais la difference est bien grande: car chacun Canton est souuerain, & ne souffre loy, ny commandement des autres, & n'ont autre obligation entre eux que d'alliance offensive & defensiue, comme nous auons dit en son lieu. mais l'Empire d'Allemagne est vni par les estats generaux, qui mettent les villes, & les Princes au ban Imperial, & despoüillent les Empereurs de leur estat par puissance souueraine, comme ils ont debouté les Empereurs Adolphe, & Ouancelot fils de Charles quatriesme, & plusieurs autres. Dauantage les estats font ordinairement decrets, & ordonnances qui obligent tous les sugets de l'Empire, tant en general qu'en particulier. Et qui plus est les dix cicles, ou circuits de l'Empire, qu'ils appellent aussi banlieuës, tiennent leurs estats particuliers, & rapportent les requestes, plaintes, & doleances aux estats generaux pour receuoir leurs commandements & resolutions. Dauantage les Princes electeurs le iour d'apres le couronnement de l'Empereur, aduoüent tenir leurs estats de l'Empire, & non pas de l'Empereur, iacoit que cela se face entre les mains de l'Empereur. Brief le ressort, & souueraineté de toutes appellations en matiere ciuile, au dessus de vingt escus, par les anciennes, & de quarante par les nouvelles ordonnances, appartiennent à la chambre Imperiale, commune à tous les sugets de l'empire, qui est composee de xxiii. iuges, & d'un Prince de l'Empire, pris par chacun an, selon l'ordre des circuits. & si l faut iuger entre deux Princes, ou entre les villes, soit de la vie, de l'honneur, ou des biens, la cognoissance en appartient à la chambre Imperiale, si l ne plaist aux estats d'euoquer, & retenir la cognoissance: comme l'an M. D. L v. il est porté par ordonnance de
l'Empe-

l'empire, que fil y a deslors en auant Prince, ville, ny suget de l'empire qui leue les armes contre la nation Germanique, qu'il sera iugé par les estats, qui à ceste fin seront tenus à Worme. & par le recez de la diette d'Ausbourg de l'an M. D. L V. defenses furent faictes à tous sugets de l'Empire, de ne sortir hors les limites au secours des Princes estrangers, sous grandes peines. & qui plus est, il est expressement porté par les ordonnances de l'Empire, liure I I. chapitre x x v. I I. qu'il n'y ait Prince, ville ny communauté, qui soit si hardi d'empescher les appellations des sugets de l'Empire à la chambre Imperiale, sus grandes peines. En dernier lieu, l'Empereur comme chef, vnist encores plus les membres de l'Empire en vne Republique, que fil n'y auoit que les estats seulement. I'ay dit chef de l'Empire, ou Capitaine en chef, non pas qu'il soit souuerain, comme plusieurs pensent: car au lieu que les Roys & monarques font les Princes, l'Empereur tout au contraire est eleu & faict par les Princes. Et comment seroit il souuerain & suget de l'Empire, seigneur & vassal de l'Empire? maistre & contraint d'obeir aux estats? & non seulement aux estats, ains aussi aux vicaires de l'Empire: ce qu'on pourroit trouuer estrange: & toutesfois il est veritable. Il me souuient auoir leu vne lettre d'un seigneur pensionnaire du Roy, escripte au Connestable en date du x I I. May M. D. L I I. par laquelle il escriuoit que le Roy de France se debuoit plaindre au Duc de Saxe, & Comte Palatin vicaires de l'Empire, pour auoir iustice de l'Empereur, Charles v. & de Ferdinand Roy des Romains, suiuant la bulle d'or, & les ordonnances des estats, par ce qu'ils auoient intercepté les lettres du Roy adressees aux estats de l'empire, au refus qu'auoit fait l'Archeuesque de Magonce, de receuoir & presenter lesdictes lettres aux estats comme Chancelier de l'empire. Et par le recez de la diette Imperiale tenue à Hildeberg l'an M. D. L I I I. il fut arresté, que pas vn de la Cour de l'Empereur ne maniroit les affaires de l'empire: comme i'ay veu par lettres de l'Ambassadeur de France. Et quand il est question de leuer deniers pour les affaires de l'empire, ils ne sont pas portez à l'espargne de l'Empereur, ains ils sont mis en depost és villes de Strasbourg, de Lubec, & d'Ausbourg, & n'est pas au pouuoir de l'Empereur d'en leuer vn seul denier sans la permission des estats. Qui mōstre que ceux-là sont bien loing de leur opinion qui pensent que l'Empereur soit souuerain, & appellent l'Empire monarchie, comme fil estoit sous la puissance d'un Monarque. Ains au contraire Maximilian I. bisayeul de cestui-cy, quoy qu'il fust Empereur assez ambitieux, dist aux estats de l'empire, qu'il n'estoit pas besoin de prendre la couronne Imperiale du Pape, ny s'arrester à telles ceremonies, veu que la puissance souueraine estoit aux estats. Si on me dit que l'Empereur fait assembler les estats: cela est vray, fil y a quelque affaire vrgent, & extraordinaire: mais les diettes ordinaires sont assignees aux recez de chacune diette. combien que le moindre

magistrat en Rome, & en Athenes auoit puissance de faire assembler tout le peuple qui tenoit la majesté souueraine : & le Consul commandoit aux Senateurs de s'assembler sous peine de proceder contre eux par faisie de corps & de biens . & neantmoins les Princes ne sont contrains de venir aux estats, s'il n'y a quel Empereur qui les mède, comme ils firent bien entendre à l'Empereur Charles v. l'an M. D. LIIII. Et si aduient que l'Empereur, ou le Roy des Romains sortent des frontieres de leur pays, ils marchent sus les terres des autres Princes quasi comme estrangers . Si on dit que l'Empereur est iuge entre les Princes, & villes Imperiales : celà est bien vray en premiere instance, & quand les parties l'ont accepté : mais c'est en qualité de lieutenant pour l'Empire : comme en cas pareil le Duc de Saxe, & Comte Palatin peuuent aussi iuger en qualité de vicaires Imperiaux : & neantmoins l'appel aux estats suspend la puissance de l'Empereur, aussi bien comme des vicaires Imperiaux . Encores peut on dire, que les Princes de l'empire en l'assemblée des estats, vsent de ces qualitez enuers l'Empereur, *V O S T R E S A C R E E M A I E S T É*, qui ne peut conuenir sinon à celuy qui est souuerain : le di que ces honneurs ne donnent pas la souueraineté : autrement le Roy des Romains, seroit aussi souuerain, tellement qu'il y auroit deux souuerains : & toutesfois l'un suget à l'autre . Et de fait Georges de Helfustein Baron de Gondelsingen, portant les remonstrances du Roy des Romains aux estats de l'empire tenus au moys de May M. D. LVI. dist ainsi : *D E L A P A R T* du Roy des Romains nostre souuerain seigneur . Mais il y a bien plus d'argument en ce que l'Empereur donne les fiefs de l'empire vacans, & en inuestit qui bon luy semble, sans le consentement des estats . Je responds que le consentement expres des estats n'y est pas requis : aussi n'est-ce pas outre le vouloir des estats qui le souffrent, & peuuent retrancher cest article, comme ils ont fait les autres marques de souueraineté . combien que l'Ambassadeur Marillac, pensoit que l'Empereur n'a pas ceste puissance : & aduertit le Roy que l'Empereur Charles v. auoit inuesti Philippe d'Espagne du Duché de Milan à Bruxelles l'an M. D. LI. sans auoir eu le consentement des estats : mais il ne se trouuera pas vne seule inuestiture de fief Imperial, où le consentement expres des estats y soit . Aussi est-il certain que l'Empereur ne baille les inuestitures sinon en qualité de Lieutenant pour l'empire : tout ainsi qu'il reçoit la foy & hommage des Princes pour & au nom de l'empire : comme il receut en cas semblable le sieur de Chantonet chargé de procuration speciale du Roy Catholique l'an M. D. LXV. pour faire la foy & hōmage à l'empire du Duché de Milan, & vicariat perpetuel de Syenne . Nous ferons mesme iugement des confirmations des benefices, & droits de regales, qu'il donne à ceux qui sont eleus par les chapitres, corps, & colleges, suiuant les concordats du Pape avec l'empire : & des lettres de sauuegarde, qu'il
donne

donne aux Ambassadeurs, Heraux d'armes, & autres estrangers où la clause ordinaire y est apposee portant ces mots, D'autant que toute chose nous est possible à cause de nostre charge Imperiale : qui monstre assez que l'Empereur estoit anciennement Monarque souuerain. Ce qu'il n'est plus. & mesmes les electeurs, & autres Princes de l'Empire, refuserent à l'Empereur la diette qu'il demandoit l'an M. D. L X V I. & ordonnerent que l'argent qu'on leueroit pour subuenir aux affaires de la guerre, ny l'Empereur, ny ses ministres n'y toucheroient point. Et pour le trancher court, il ne faut que voir les articles du serment fait par les Empereurs, entre les mains des electeurs de l'Empire, que i'ay cotez au chapitre du Prince qui tient en foy & hommage d'autrui, pour cognoistre encores plus euidentement que la souueraineté de l'empire n'est aucunement à l'Empereur : ores qu'il porte les sceptres, les couronnes, les habits imperiaux, & qu'il precede les autres Roys aux ceremonies, & mesme qu'on luy attribue la qualité de majesté tres-sacree. Et à dire vray, on ne scauroit luy faire tant d'honneur que la majesté du saint Empire, duquel il est chef, merite : mais la coutume des Aristocraties bien ordonnées, est d'ottroyer le moins de puissance à celuy qui plus est honoré : & moins d'honneur à ceux qui plus ont de pouuoir : comme les Venitiens scauent aussi tresbien pratiquer. Puis donc que nous auons monstre que l'empire est vn estat Aristocratique, il faut conclure qu'il n'y a Prince, ny ville imperiale qui ait la souueraineté : ains ne sont autre chose que membres de l'empire gouvernant chacun son estat sous la puissance, & sans deroger aux loix & ordonnances de l'empire. En quoy plusieurs s'abusent qui font autant de Republiques, cōme il y a de Princes & de villes imperiales. Nous auons monstre cy dessus le contraire. mais tout ainsi qu'en ce Royaume chacune ville & seigneur a ses Iuges, Consuls, Escheuins, & autres magistrats particuliers qui gouvernent leur estat, ainsi est-il des villes Imperiales : horsmis qu'il y a plus de iuges Royaux, & l'empire n'a que la chābre Imperiale, qui cognoist des appellations des autres iuges, & les vicaires imperiaux. Et neantmoins quand il aduient que l'empire est diuisé en factions & partialitez, & les Princes bandez les vns contre les autres, ce qu'on a veu assez souuent, alors l'estat municipal des villes, & iurisdiction subalterne des Princes, se tourne en plusieurs estats Aristocratiques & monarchies particulieres : & de chacū membre se fait vn corps particulier de Republique souueraine. Et tout ainsi que le corps vniuersel del'empire est entieremēt Aristocratique : aussi les villes imperiales tiennēt l'estat Aristocratique, cōme Ausbourg, Nuréberg, Worme, & autres villes imperiales qui sont presque toutes Aristocratiques : & fil y en a quelques vnes plus populaires, comme Strasbourg ; si est-ce que le gouvernement est Aristocratique. Je mettray seulement pour abreger, l'estat de la ville de Nuremberg, la plus grande, la plus illustre,

5. Conrad. eelt.
L'estat de Nurem-
berg.

& la mieux ordonnée de toutes les villes imperiales, qui est établie en forme Aristocratique. car il n'y a que xxviii. familles anciennes qui ont puissance souveraine sur tout le reste des sujets, qui sont plus de quatre cens mil au ressort de Nuremberg. De ces xxviii. familles on elist tous les ans des Censeurs sans reproche: & cela fait, tous les magistrats sont destituez de leur puissance. alors les Censeurs elisent le Senat de xxvi. personnes: lequel Senat en elist xii. pour le privé conseil des affaires secretes. & du mesme Senat on elist les xii. Escheuins: outre les sept Burgomaistres, qui est vn autre conseil particulier, qui a pareille puissance que le conseil des dix à Venize. Voila ceux qui manient l'estat. Je laisse à parler des cinq iuges criminels, & douze pour le civil, & du Preuost des viures, & des deux tresoriers, & des trois arbitres des tutelles, qui sont quasi en mesme office que les procureurs saint Marc à Venize, au pourtrait de laquelle ceux de Nuremberg ont voulu figurer aucunement la leur. Et combien qu'il y ait des villes imperiales plus libres les vnes que les autres, à sçauoir, celles qui ne sont ny en sugetion, ny en protection des Princes, comme Nuremberg, Strasbourg, Lubec, Hambourg, Breme, Worme, Spire: si est-ce qu'elles sont toutes sujettes à l'Empire. Vray est qu'il y en a plusieurs qui se sont exemptees de la puissance des Princes pour se maintenir en liberté, & tenir nuëment de l'empire, comme la ville de Brunswich, qui s'est distraicte de l'obeissance des Princes de Brunswich: Worme, & autres qui se sont exemptees de la puissance des anciens seigneurs: & en cas pareil les Suisses & Grizons, qui ont Republiques separees, & qui estoient sujets de l'empire. Et mesmes les seigneurs du Canton de Fribourg au traitté de combourgeoisie fait entr'eux, & les seigneurs de Berne, appellent la ville de Fribourg membre de l'empire. iacoit qu'ils ont leur estat à part en pleine souveraineté: les autres confessent tenir leurs priuileges & liberté de gouverner leur estat des Empereurs, comme Vri, Vnderwalden, & Suits, & en ont lettres patêtes de Loys de Bauieres Empereur, en datte de l'an m. ccc. xvi. Aussi les Tietmarsois, pour l'assurance, & assiette inuiolable de leur pays, situé aux frontieres du Royaume de Dannemarc, se sont soustraits de l'Empire: & ont établi leur Republique en forme Aristocratique de xlviii. seigneurs, qui tiennent la souveraineté tant qu'ils vivent: & si en meurt quelqu'un, on en elist vn autre en sa place. Vray est que l'an m. d. lix. Adolphe Duc de Holstein s'efforça les assujettir: pretendant que Christierne son bisayeul auoit obtenu de l'Empereur Friderich ii. la seigneurie des Tietmarsois, pour s'estre demembre de l'empire: comme j'ay veu par lettres du sieur Danzai, Ambassadeur pour le Roy en Dannemarc. Il appert donc que l'estat d'Alemagne est vne droite Aristocratie, & non pas monarchie. Mais il faut prendre gardé en l'estat Aristocratique, de ne confondre pas les seigneurs souverains avec les magistrats, & avec le Senat.

Senat. Car quelquefois la Republique a si peu de Seigneurs, qu'ils sont Senateurs & Magistrats. comme les Pharfaliens n'auoient que xx. Seigneurs, les Lacedemoniens xxx. les Tietmarfois xlviii. & n'y auoit point d'autres Senateurs que la Seigneurie. mais les Cnidiës, qui elisoient tous les ans lx. citoyens, qu'ils appelloient Amymones, ausquels ils donnoient toute puissance de manier l'estat sans rendre compte: ils n'estoient pas pourtant Seigneurs souuerains, mais bien Magistrats souuerains: demeurât la souueraineté absoluë en la Noblesse, comme i'ay dit. En cas semblable ceux de Surich elisoient tous les ans xxxvi. Magistrats, qui gouuernoient quatre mois chacune douzaine: & dura ceste forme iusques à l'an m. cccxxx. que le menu peuple chassa les Magistrats, faisant vn Senat de deux cens homes, & vn Cōsul. Mais c'est beaucoup le plus seur, pour petite que soit l'Aristocratie, de separer les seigneurs du senat, & le senat des magistrats: cōme il se fait à Rhaguze, ores qu'il y ait peu de Seigneurs, & que la Republique soit de petite estēdue. & par cy deuât les Seigneurs de la Republique de Chio, qui estoit establie en forme Aristocratique par certains gētils-hommes Geneuois de la maison Iustiniēne l'ayant conquestee sus les Empereurs d'Orient, elisoient tous les ans xii. Conseillers d'estat pour leur Senat, avec quatre gouuerneurs muables de six en six mois, & vn Magistrat souuerain de deux en deux ans: & ont maintenu leur estat iusqu'à ce que le grand seigneur, depuis peu d'annees, l'a reūni à l'Empire d'Orient. Voila quant à la definition d'Aristocratie. Nous dirons en son lieu les ytilitez, & dangers qui sont en l'estat Aristocratic, & la maniere de s'y gouuerner. Reste maintenant de respondre à ce que dit Aristote touchât l'Aristocratie, qui est du tout contraire à ce que nous auons dit: Il y a, dit⁷ il, quatre sortes d'Aristocraties. la premiere, où il n'y a que les riches, & iusqu'à certain reuenu, qui ont part à la Seigneurie: la seconde, où les estats & offices sont distribuez par sort à ceux qui plus ont de biēs: la troisieme, quand les enfans succedent aux peres en la seigneurie: la quatrieme, quand ceux-là qui succedent vsent de puissance seigneuriale, & commandent sans loy. Et neantmoins au mesme liure,⁸ & peu apres il fait cinq sortes de Republiques: c'est à sçauoir la royale, la populaire, celle de peu de seigneurs, & celle des gens de bien, & puis vne cinquiesme composee des quatre. puis il dit que la cinquiesme ne se trouue point. Nous auōs monstřé cy dessus, que telles mēlanges de Republiques est impossible, & incompatible par nature: monstřōs aussi que les especes d'Aristocratie posees par Aristote, ne sont aucunement considerables. L'erreur est venu de ce qu'Aristote ne definist point que c'est d'Aristocratie. De dire que c'est où il n'y a que les riches, ou les gens de bien qui ayent part à la seigneurie, il n'y a point d'apparēce: car il se peut faire que de dix mil citoyens, il y en ait six mil qui auront deux cens escus de rente, & part à la seigneurie, & neantmoins l'estat sera populaire, at-

6. Plutar. in apoph. Græcor.

7. lib. 4. cap. 5. politic. Opinion d'Aristote touchât l'Aristocratie.

8. lib. 4. cap. 7.

tendu que la pluspart des citoyens tiendra la souveraineté: autrement il n'y aura point de Republique populaire. autant peut-on dire des gens de bien, qui peuvent estre la pluspart des citoyens qui auront part à la seigneurie: & neantmoins au dire d'Aristote l'estat sera Aristocratique. car s'il prend la bonté au plus haut degré de vertu, il ne se trouuera personne: si à l'opinion populaire, chacun se dit homme de bien: & le iugement en est si perilleux, que le sage Caton, choisi pour arbitre d'honneur, n'osa donner sentence, si Q. Lutatius estoit homme de bien ou non. Toutefois posons le cas que les gens de bien & de vertu en toute Republique facent la moindre partie des citoyens, & que ceux-là tiennent le gouvernail de la Republique: pourquoy par même moye n'a fait Aristote vne sorte d'Aristocratie, où les Nobles tiennent la seigneurie, veu qu'ils sont tousiours en plus petit nombre que les roturiers? pourquoy n'a-il fait vne autre sorte d'Aristocratie, où les plus anciennes familles, ores qu'elles soient roturieres, commandent? cōme il aduint à Florence apres que la Noblesse fut chassée. car il est bien certain qu'il y a plusieurs familles de roturiers fort anciennes, & plus illustres que beaucoup de gentils-hōmes frais émoulus, qui peut estre ne sçauent qui est leur pere. aussi pouuoit-il faire vne autre sorte d'Aristocratie, où les plus grands auront la seigneurie, cōme il dit luymesme⁹ qu'il se faisoit en Ethiope. & par cōsequēt aussi l'Aristocratie des beaux, des puissans, des guerriers, des sçauāns, & autres qualitez semblables, qui feroiēt vne infinité d'Aristocraties toutes diuerfes. Encores y a-il moins d'apparence en ce qu'il dit, que la troisieme sorte d'Aristocratie est celle où les estats & offices sont dōnez par sort aux plus riches: attēdu que le sort tient entierement de l'estat populaire. Or il confesse que la Republique d'Athenes estoit populaire: & neātmoins les grands estats, offices & benefices ne se donnoient qu'aux plus riches au parauāt Pericles: & en Rome, qui estoit aussi populaire au parauant la loy Canuleia² les estats & benefices ne se donnoient qu'aux plus anciens gentils-hōmes, qu'ils appelloiēt Patriciens. qui est vn tres certain argumēt, que la Republique peut estre populaire, & gouvernee Aristocratiquemēt. & qu'il y a bien notable differēce entre l'estat d'une Republique & le gouvernement d'icelle: comme nous auōs dit cy dessus. Quāt à l'autre sorte d'Aristocratie, qu'Aristote dit Seigneurier sans loy, & ressembler à la tyrannie, nous auōs monstéré la difference de la monarchie royale, seigneuriale & tyrānique, qui est semblable en l'aristocratie, où les seigneurs peuuent gouverner leurs sugets esclaves, & disposer de leurs biens, tout ainsi que le Monarque seigneurial, sans vser de loix, & sans toutefois les tyrannizer: cōme le pere de famille, qui est tousiours plus soigneux de ses esclaves, qu'il n'est des seruiteurs à loüage. car ce n'est pas la loy qui fait le droit gouvernement, ains la vraye iustice & distribution egale d'icelle. & la plus belle chose du monde qu'on pourroit desirer en matiere d'estat, au iugemēt d'Aristote, est d'auoir

9. lib. 3. cap. 5. polit.

1. Plutar. in Pericle.

2. Liuius lib. 4.

voir vn sage & vertueux Roy, qui gouuerne son peuple sans aucune loy: attendu que la loy sert à plusieurs de piege pour tromper, & qu'elle est muette, & inexorable, cōme la noblesse de Rome³ se plaignoit, qu'on vouloit establix loix, & se gouuerner par icelles apres les Roys chassez, qui gouuernoient sans loy, selon la diuersité des faits qui se presentoiēt. ce que les Consuls & la Noblesse, qui tenoient aucunement la Republique en estat Aristocratique, continua iusques à ce que le peuple se voulāt preualoir en estat populaire, qui ne demande que l'egalité de loix, receut la requeste de son Tribun Terentius Arsa, & six ans apres auoir debatū contre l'Aristocratie seigneuriale des nobles, fist passer en force de loy, que deslors en auāt les Consuls & Magistrats seroient obligez aux loix, qui seroient faictes par ceux là que le peuple deputeroit à ceste fin. Ce n'est donc pas la loy qui fait le Prince en la Monarchie, & les Seigneurs en l'Aristocratie iustes & bons, mais la droite iustice qui est grauée en l'ame des iustes Princes & Seigneurs, & beaucoup mieux qu'en tables de pierre. & plus les edits & ordonnances ont esté multipliees, plus les tyrannies ont pris leur force. comme il aduint sous le tyran Caligula, qui à propos & sans propos faisoit des edits, & en lettre si menue qu'on ne les pouuoit lire, afin d'y attraper les ignorans. & son successeur, & oncle Claude fist pour vn iour⁶ vingt edits: & toutefois la tyrannie ne fut onc si cruelle, ni les hommes plus meschans. Or tout ainsi que l'Aristocratie bien ordonnee est belle à merueilles, aussi est elle bien fort pernicieuse si elle est deprauee: car pour vn tyran il y en a plusieurs: & mesmes quand la Noblesse se bande contre le peuple, comme il aduint souuent: & comme anciennement quand on receuoit les nobles en plusieurs Seigneuries Aristocratiques, ils faisoient⁷ serment d'estre à iamais ennemis iurez du peuple. qui est la subuersion des Aristocraties.

3. lib. 2. Prin.
4. l. 2. de orig. iuris.

5. Tranquil. in Calig.

6. Traquil. in Claud.

7. Aristo. lib. 5. c. 9.

DE L'ESTAT POPULAIRE.

CHAP. VII.

L'ESTAT populaire est la forme de Republique, où la pluspart du peuple ensemble commande en souueraineté au surplus en nom collectif, & à chacun de tout le peuple en particulier. le principal poinct de l'estat populaire se remarque en ce que la pluspart du peuple a cōmandement, & puissance souueraine non seulement sur chacun en particulier, ains aussi sur la moindre partie de tout le peuple ensemble: de sorte que s'il y a xxxv. lignes, ou parties du peuple, cōme à Rome, les dix huit ont puissance souueraine sur les xvii. ensemble, & leur donnent loy: ainsi qu'on peut voir quād Marc Octaue fut destitué du Tribunat à la requeste de Tibere Gracchus son cōpaignon, l'histoire porte qu'il fut prié de quitter vo-

1. Plutar. in vita Grac.

La différence qu'il
y a de donner les
voix par testes,
ou par lignees.

2. Cicero in Rullum.

4. lib. 1.

2. Dionis. Halicar.
lib. 4.

6. Livius lib. 1. Dio-
nis lib. 4.

lontairement son estat au paravant que les dix huit lignees eussent donné leur voix. Et d'autât que Rullus tribun vouloit par la requeste qu'il presenta au peuple, touchât la diuision des terres, que les commissaires qui auroient ceste charge, fussent eleus par la plus grâde partie des xvii. lignees du peuple seulemēt, Ciceron alors Cōsul print ceste occasion entre autres, d'ēpescher l'enterinement de sa requeste, & la publication de la loy, disant que le Tribun vouloit frustrer la pluspart du peuple de sa voix. mais c'estoit la chose la moins cōsiderable, d'autât que la requeste du Tribun portoit, S'il plaisoit au peuple (c'est à dire à la pluspart des xxxv. lignees) que la moindre partie du peuple (à sçauoir xvii. lignees) deputast les cōmissaires. car la majesté du peuple demeuroit entiere, attendu que la moindre partie du peuple estoit depute'e au plaisir & vouloir de la pluspart: afin qu'on ne fust point empesché d'assembler les xxxv. lignees pour peu de chose, cōme il se faisoit à la nomination des benefices par la loy Domitia: s'il vaquoit quelque benefice par la mort des Augures, Prestres & Pōtifes, on assembloit xvii. lignees du peuple, & celuy qui estoit pourueu & nommé par neuf lignees du peuple estoit receu par le Chapitre ou College des Pontifes. Quand ie dy la pluspart du peuple tenir la souueraineté en l'estat populaire, cela s'entend si on prend les voix par testes, comme à Venise, à Rhaguse, à Genes, à Luques, & presqu'en toutes les Republiques Aristocratiques: mais si on prend les voix par lignees, ou paroisses, ou communes, il suffist d'auoir plus de lignees, ou de paroisses, ou de cōmunes, ores qu'il y ait beaucoup moins de citoyens: cōme il est quasi tousiours aduenu és anciennes Republiques populaires. En Athenes le peuple estoit diuisé en dix lignees principales, & en faueur de Demetrius & Antigonus on y en adiousta deux: & outre ceste diuision, le peuple estoit departi en trēte & six classes. ainsi en Rome la premiere diuision du peuple faite par Romule, estoit de trois lignees: & depuis fut diuisé en trente paroisses, qui auoient chacune vn curé pour chef: & chacun, dit Tite Liue, donoit sa voix par teste. mais par l'ordonnance du Roy Seruius, il fut diuisé en six classes, selon les biens & reuenu d'un chacun: en telle sorte, que la premiere classe où estoient les plus riches, auoit autât de pouuoir que toutes les autres, si les Centuries de la premiere demeuroient d'accord: c'est à dire lxxx. Centuries qui n'estoient que huit mil: & les quatre suiuates n'estoient que de huit mil: or il suffisoit de trouuer en la seconde classe autant de Centuries qu'il s'en falloit de la premiere: tellement qu'on ne venoit pas souuent à la tierce ni à la quarte, & moins encores à la cinquiesme, & i'amaïs à la sixiesme, où estoit le rebut du peuple & des pauvres bourgeois, qui estoit alors de soixante mil & plus, au nombre qui en fut leué: outre les bourgeois des cinq premieres classes. & si l'ordonnance du Roy Seruius fust tousiours demeuree en sa force, apres que les Roys furent chassés, l'estat n'eust pas esté populaire: car la moindre partie du

du peuple auoit la ³ souveraineté: Mais le menu peuple tost apres se reuolta contre les riches, & voulut tenir ses estats à part, afin qu'un chacun eust voix egale, autant le pauvre que le riche, le roturier que le noble. & ne se contenta pas: car voyant que les nobles tiroiēt à leur cordelle leurs adherās, il fut dit, que la Noblesse n'assisteroit plus aux estats du menu peuple, qui fut alors diuisé en dixhuit lignees: & peu à peu par succession de temps on y adiousta iusques à trente cinq lignees: & par les menees & factiōs des Tribuns, la puissance pareille qu'auoit l'assemblée des grāds estats en six classes, fut attribuee aux estats du menu peuple, comme nous auōs dit cy dessus. Et d'autant que les afranchis, & autres bourgeois receus par merites, cōfus, & meslez par toutes les lignees du peuple Romain, estoient en plus grand nombre sans comparaison, que les naturels & anciens bourgeois, ils emportoient la force des voix: ce que le Censeur Appius auoit fait pour gratifier le menu peuple, & obtenir par ce moyen ce qu'il voudroit. Mais Fabius Maximus estant Censeur, fist enrooller tous les afranchis, & ceux qui estoient issus d'eux en quatre lignees à part, pour cōseruer les anciennes familles des bourgeois naturels en leurs droicts: & emporta le nom de Tresgrand, pour ce seul acte, qui estoit de consequence bien grande: & toutefois personne ne s'en remua. Cela continua iusques à Seruius Sulpitius Tribun du peuple, lequel trois cens ans apres ⁶ voulut remettre les afranchis aux lignees des maistres qui les auoient afranchis, mais il fut tué deuant qu'en venir à chef: & tost ⁷ apres cela fut executé pendant les guerres ciuiles de Marius & de Sylla: pour rendre l'estat plus populaire, & diminuer l'autorité de la Noblesse. ⁸ Demosthene s'efforça de faire le semblable en Athenes, apres la victoire de Philippe Roy de Macedoine, ayant présenté requeste au peuple, tendant afin que les afranchis & habitans d'Athenes fussent enroollez au nombre des citoyens: mais il fut debouté de sa requeste sus le champ: combien qu'il n'y eust alors que vingt mil citoyens, qui estoit de sept mil plus que du temps de ⁹ Pericles: qui n'en leua que treize mil, & cinq mil qui furent vendus comme esclauues, pour s'estre qualifiez citoyens. Ce que i'ay dit seruira de responce à ce qu'on pourroit alleguer, qu'il n'y a point, & peut estre qu'il n'y eut onques Republique populaire, où tout le peuple s'assembloit pour faire les loix & les Magistrats, & vser des marques de puissance souveraine: ains au contraire bonne partie d'iceux ordinairement sont absens: & la moindre partie donne la loy: mais il suffit que la pluralité des lignees l'emporte, ores qu'il n'y eust que cinquante personnes en vne lignee, & mil en vne autre, attendu que la prerogatiue des voix est gardee à chacun, s'il y veut assister. vray est que pour obuier aux factiōs de ceux qui briguoient les principaux des lignees, quand on faisoit quelque loy qui portoit coup, on y adioustoit cest article, Que la loy qui seroit publiee ne pourroit estre cassée, si ce n'estoit par les estats du peuple, où il y eust

³. Dionis. Halycarn.
lib. 4.

⁵. Liuius lib. 9. & Flor.
epito. 20.

⁶. Flor. epito. 77. & 8.

⁷. Idem epito. 84.

⁸. Plutar. in Demosthene.

⁹. Plutar. in Pericle.

o. In Aristide.

3. in statutis Venet.

1. l. nominationum
de decur. C. l. ult.
quod cuiusque uni-
uersitat.

2. Dio lib. 38.

du moins six mil bourgeois, comme on void souuent en Demosthene & aux vies des dix Orateurs.^o & Plutarque dit, que l'ostracisme n'auoit point de lieu, s'il y auoit moins de six mil citoyens qui eussent consenti. Ce qui est aussi gardé par les ordonnances de Venize en ce qui est de consequence, & mesmes en celles de la iustice ceste clause y est adioustee, Qu'il ne sera aucunement derogé aux ordonnances par le grand Conseil, s'il n'y a du moins mil gentils-hômes Venitiens, & que les quatre parts, les cinq faisant le tout, ou les cinq parts, les six faisant le tout, en demeurent d'accord. ce qui est conforme à la loy des corps & Colleges où il faut que les¹ deux tiers assistēt aux deliberations, & que la pluspart des deux tiers soit d'accord, pour donner loy au surplus: car de mil cinq cens gentils-hommes Venitiens, ou enuiron, au dessus de vingt ans, (car il ne se trouue point depuis cēt ans qu'ils ayent esté plus qui tiennēt la Seigneurie) ils ont ordonné que mil s'y trouueroiēt, qui sont les deux tiers: & que du nombre de mil gentils-hômes, huit cens pour le moins, qui sont quatre cinquiemes, demeureront d'accord: ce qui n'est pas necessaire és corps & Colleges, où la pluspart des deux tiers l'emporte. mais il appert par ces ordonnances, que de quinze cens, il en faut huit cens pour le moins, qui est la pluspart des citoyens pris par testes, & non par lignees ou paroisses, comme il se fait és estats populaires, pour la multitude infinie de ceux qui ont part à la Seigneurie: encores le plus souuent on confondoit les suffrages des lignees, iusqu'à la loy Fusia publiee l'an de la² fondation de Rome D. CXCIII. pour les reproches que les vns faisoient aux autres d'auoir consenti vne loy inique. Ainsi sont les Seigneurs des ligues, & les villes d'Alemaigne, qui sont plus populaires, comme Strasbourg, & par ci deuant la ville de Mets, qui estoit aussi populaire, & les treize Magistrats estoient eleus par les paroisses, comme ils sont encores à present, & aux ligues grises par les communes. Vray est que les Cantons Duri, Schuuits, Vnderuald, Zug, Glaris, Appenzel, qui sont vraies democracies, & qui retiennent plus de liberté populaire, pour estre montagnars, s'assemblēt pour la pluspart en lieu public, depuis l'aage de XIII. ans, & par chacun an: outre les estats extraordinaires; & là ils elisent le Senat, & l'Aman, & autres Magistrats, & leuent la main pour donner la voix à la forme de l'ancienne chirotonie des Republiques populaires, & contraignent bien souuēt leurs voisins à coups de poing de leuer la main, comme on faisoit anciennement. & encores d'auantage aux ligues des Grisons qui sont les plus populaires, & gouuernees plus populairement que Republiques qui soient. Ainsi sont ils les assemblees des communes pour elire l'Aman, qui est en chacun des petits Cantons le souuerain Magistrat: où celuy qui a esté par trois ans Aman il se leue debout, & s'excusant au peuple demande pardon en ce qu'il auroit failli, & puis il nomme trois citoyens, desquels le peuple en choisist vn: apres on elist son lieutenant, qui est comme Chancelier, & treize

treize autres conseillers, entre lesquels y en a quatre pour le conseil secret des affaires d'estat. Et puis le Camarling thresorier de l'espargne. Et la difference est notable pour le gouvernement des autres Cantons de Suisses, & des Grisons: car celuy qui a gagné deux ou trois officiers principaux d'un Canton des Suisses, qui se gouvernent par Seigneurs, il se peut asseurer d'auoir gagné tout le Canton: mais le peuple des Grisons ne se tient aucunement fuget ny ployable aux officiers, si on ne gagne les communes, cōme i'ay veu par lettres de l'Euesque de Bayonne Ambassadeur de France. Et depuis M. de Bellieure Ambassadeur, homme bien entendu aux affaires, ayant la mesme charge, donna aduis du mois de May M. D. Lxv. que l'Ambassadeur d'Espaigne auoit presque fait reuolter les ligues des Grisons, de sorte qu'en la ligue de la Cade il y auoit plus de voix pour l'Espaigne que pour la France. & depuis la ligue de Liguédine n'ayant pas receu les deniers promis par les Espaignols, mist la main sus les pensionnaires d'Espaigne, & les appliqua à la torture, & puis les condāna en dix mil escus d'amende: où l'Ambassadeur de France fist si bien, que deux mois apres ils enuoyerent conioinctement avec les Cantons de Suisses vingt sept Ambassadeurs en France, pour renouveler & iurer l'alliance. Nous concludons donc que la Republique est populaire, où la pluspart des bourgeois, soit par testes, soit par lignees, ou classes, ou paroisses, ou communes, a la souueraineté. Et toutefois Aristote tient le² contraire, Il ne faut pas, dit-il, suiure l'opinion cōmune, qui iuge l'estat populaire, quand la pluspart du peuple a la souueraineté. Et puis il baille pour exemple treize cens bourgeois en vne cité, où les mille estās les plus riches & bien aisez ont la seigneurie, & en deboutent le surplus, on ne doit pas, dit-il, estimer cest estat populaire: non plus que l'aristocratie n'est pas celle où la moindre partie des citoyens a la souueraineté, qui soient les plus pauvres. Puis il conclud ainsi, L'estat populaire est auquel les pauvres bourgeois ont la souueraineté: & l'aristocratie, quand les riches ont la seigneurie, soient plus ou moins en l'une & en l'autre. Et par ce moyen Aristote renuerse l'opinion commune de tous les peuples, voire mesmes des Legislateurs & Philosophes: laquelle opinion commune a tousiours esté, est & sera maistresse en matiere de Republicques. Combien qu'il n'y a raison veritable, ny vraisemblable pour se departir de la commune opinion: autrement il s'en ensuiura mil absurditez intolerables & indissolubles. Car on pourra dire, que la faction des dix commissaires deputez pour corriger les coustumes de Rome, qui empieterent l'estat, estoit populaire: i'acoit que tous les³ historiens l'appellent Oligarchie, ores qu'ils fussent choisis, non pour leurs biens, ains seulement pour leur prudence: & au contraire quand le peuple les chassa pour maintenir sa liberté populaire, on eust dit que la Republique fust changee en aristocratie. & s'il y a vingt mil citoyens riches qui tiennent la seigneurie, & cinq cens pauvres qui en

2. lib. 4. cap. 4.

Opiniō d'Aristote touchant l'estat populaire.

3. Dionysius Halicarnas. & Liuius.

soient deboutez, l'estat sera aristocratique: & au contraire s'il y a cinq cens pauvres gentils-hommes qui tiennent la Seigneurie, & que les riches n'y touchent point, on appellera telle Republique populaire. Ainsi parle Aristote, où il appelle les Republiques d'Apollonie, de Thera & de Colophon populaires, où bien petit nombre des anciennes familles fort pauvres avoient la seigneurie sus les riches. Il passe plus outre, car il dit, que si la pluspart du peuple ayant la souveraineté donnoit les offices aux plus beaux, ou aux plus grands, l'estat, dit-il, ne seroit pas populaire, ains aristocratique: qui est vn autre erreur en matiere d'estat: attendu qu'il n'est pas question, pour iuger vn estat, de sçavoir qui a les Magistrats & offices, ains seulement qui a la souveraineté, & toute puissance d'instituer ou destituer les officiers, & donner loy à chacun. Toutes les absurditez susdictes resultent de ce qu'Aristote a pris la forme de gouverner, pour l'estat d'une Republique. Or nous auons dit cy dessus en passant, que l'estat peut estre en pure Monarchie Royale, & le gouvernement sera populaire: c'est à sçavoir, si le Prince donne les estats, offices & benefices aux pauvres aussi bien qu'aux riches, aux roturiers aussi bien qu'aux nobles, sans acception ni faueur de personne. & se peut faire aussi que l'estat royal sera gouverné aristocratiquement, si le Prince donne les estats & offices à peu de nobles, ou aux plus riches seulement, ou aux plus fauoris. Et au contraire, si la pluspart des citoyens tient la souveraineté, & que le peuple donne les offices honorables, loyers & benefices aux nobles seulement: comme il se fist en Rome, iusqu'à la loy Canuleia, l'estat sera populaire, gouverné aristocratiquement: & si la noblesse, ou peu de riches, a la Seigneurie, & que les charges honorables, & bienfaits soient donnez par les Seigneurs aux pauvres & roturiers, aussi bien cōme aux riches sans faueur de personne, l'estat sera aristocratique gouverné populairement. Si donc tout le peuple, ou la pluspart d'iceluy, a la souveraineté, & qu'il donne les estats & benefices à tous sans respect de personne: ou bien que les offices & benefices soient tirez au sort de tous les citoyens, on pourra iuger que l'estat est non seulement populaire, ains aussi gouverné populairement: comme il fut pratiqué par l'ordonnance faite à la requeste d'Aristide, que tous citoyens fussent retenus à tous estats, sans auoir egard aux biens, qui estoit casser la loy de Solon: & par mesme moyen si la seigneurie des nobles, ou des plus riches seulement a part à la souveraineté, & que tous les autres soient deboutez des estats & charges honorables, on pourra dire que l'estat est non seulement aristocratique, ains aussi gouverné aristocratiquement, ainsi qu'on peut voir en l'estat de Venize. Peut estre on me dira, qu'il n'y a que moy de cest aduis, & que pas vn des anciens, & moins encores des nouueaux, qui ont traité de la Republique, n'a touché ceste opinion: Je ne le veux pas nier, mais ceste distinction m'a semblé plus que necessaire, pour bien entendre l'estat de chacune Republique: si on

ne veut se precipiter en vn labyrinthe d'erreurs infinis , esquels nous voyons qu'Aristote tombe , prenant l'estat populaire pour aristocratique, & au contraire : contre la commune opinion, voire mesmes contre le sens commun . Or ces principes mal fondez, il est impossible de rien edifier seurement . De cest erreur pareillement est issu l'opinion de ceux qui ont forgé vne Republique meslee des trois, que nous auons cy dessus regetee . Nous tiendrons donc pour resolu, que l'estat d'une Republique est tousiours simple , ores que le gouvernement soit contraire à l'estat : comme la Monarchie est du tout contraire à l'estat populaire : & neantmoins la majesté souueraine peut estre en vn seul Prince, qui gouvernera son estat populairement, cōme i'ay dit, ce ne sera pas pourtant vne confusion de l'estat populaire avec la Monarchie, qui sont incompatibles : mais bien de la Monarchie avec le gouvernement populaire, qui est la plus asseuree Monarchie qui soit . nous ferons semblable iugement de l'estat aristocratique, & du gouvernement populaire : qui est beaucoup plus ferme & asseuré , que si l'estat & le gouvernement estoient aristocratiques . Et combien que le gouvernement d'une Republique soit plus ou moins populaire, ou aristocratique, ou Royal, si est-ce que l'estat en soy ne reçoit comparaisō de plus ni de moins : car tousiours la souueraineté indiuisable & incommunicable est à vn seul, ou à la moindre partie de tous, ou à la pluspart : qui sont les trois sortes de Republique que nous auons posees . Quant à ce que i'ay dit, que le gouvernement peut estre plus ou moins populaire, cela se peut iuger es Republiques des Suisses, où les Cantons Duri, Schuuits, Vnderual, Zug, Glaris, Appenzel, se gouvernent par les communes qui tiennent la souueraineté : aussi de ces cinq Cantons, il n'y a pas vne ville muree, hors mis Zug. les neuf autres Cantons, & Geneue se gouvernent par les Seigneurs qu'ils appellent le Conseil, comme i'ay appris de M. de Basse-fontaine Euesque de Limoges, qui a le plus longuemēt, & aussi dextrement que pas vn Ambassadeur, manié ceste charge sans reproche , & avec bien grand honneur. & mesmes les Bernois, qui composent leur Senat de gens mechaniques, elisent leurs Auoyers des plus nobles & anciennes familles, aussi sont-ils moins sugets aux emotions : & au contraire les Seigneurs des trois ligues grises, qui sont les plus populaires, sont plus sugets aux seditiōs : comme les Ambassadeurs des Princes ont tousiours experimenté. Car le vray naturel d'un peuple, c'est d'auoir pleine liberté sans frein ny mors quelconque : & que tous soient egaux en biens, en honneurs, en peines, en loyers : sans faire estat ni estime de la noblesse, ni de sçauoir, ni de vertu quelconque : ains, comme dit Plutarque aux Symposiaques, ils veulēt que tout soit getté au sort, au poids, à la liure, sans respect ni faueur de personne . & si les nobles ou les riches se veulent preualoir, ils s'efforcent de les tuer, ou bannir, & de partir leurs confiscations aux pauvres . comme il se fist à l'establissement des estats po-

pulaires de Suisse, apres la iournee de Saupac, où presque toute la noblesse fut exterminée, & le surplus contraint de renoncer à leur noblesse, & neantmoins deboutez alors des estats & offices, horsmis à Surich & à Berne. c'est pourquoy anciennement és Republiques populaires, on demandoit que les obligations fussent bruslees ou mises au neant, comme il se faisoit bien souuent : que les biens fussent departis egale-ment, avec defenses d'acquérir. Encorès voit-on quelques seigneurs des ligues diuiser les pensions publiques & ordinaires à chacun des sujets en particulier. & qui plus a d'enfans masses, il a plus que les autres au partage des deniers. Et mesmes le Canton de Glaris fist instance à l'Ambassadeur Morlet l'an M. D. L. que les pensions particulieres & extraordinaires fussent mises en commun. le Roy fist response à l'Ambassadeur qu'il retrancheroit plustost sa liberalité. Les anciennes Republiques populaires faisoient bien pis, de bannir ceux qui estoient les plus sages & plus aduisez au maniment des affaires, comme fut Damon maistre de Pericles : & non seulemēt les plus accorts, ains aussi les plus iustes & vertueux, cōme fut Aristide en Athenes, Hermodore en Ephese : craignans que la lumiere de vertu de quelque grand personnage, n'ebloüist les yeux du menu peuple, & luy fist oublier la douceur de commander, & par ce moyen asservist volontairement sa liberté au iugement & discretion d'un homme sage & vertueux : à plus forte raison craignoient ils, que la noblesse des hommes illustres, ou la prudēce, ou la richesse fist ouuerture à l'ambition pour empieter l'estat. Au contraire, les nobles & riches ne font point d'estat du populaire, mais ils estiment que c'est bien la raison que celuy qui a plus de noblesse ou de biens, ou de vertu, ou de sçauoir, soit plus estimé, prisé & honoré : & que les charges honorables sont deuës à telles gens, & par ce moyen ils s'efforcent tousiours de forclorre les pauvres, & le menu peuple de manier l'estat. Or il est impossible de moderer ces deux humeurs cōtraires de mesme breuage. Combien que Solon se ³vantoit, que s'il auoit puissance de faire loy, qu'il establirait des ordonnāces egales aux riches, aux pauvres, aux nobles, aux roturiers. ce que les riches entēdoient de l'equalité geometrique : les pauvres de l'equalité arithmetique. Nous dirons en son lieu de l'une & l'autre equalité, & les commoditez & inconueniens de chacune des trois Republiques. maintenant il suffit de sçauoir les definitions, & qualitez des Republiques.

3. Plutar. in Solone.

LE



LE TROISIEME LIVRE

DE LA REPUBLIQUE.

Du Senat, & de sa puissance.

CHAPITRE I.

LE Senat. est l'assemblée legitime des Conseillers d'estat, pour donner aduis à ceux qui ont la puissance souueraine en toute Republique. Iusques icy nous auons discoursu de la souueraineté, & des marques d'icelle: puis nous auons touché la diuersité des Republiques. Disons maintenant du Senat, puis nous dirons des Officiers, mettant les choses principales en premier lieu. Non pas que la Republique ne puisse estre maintenue sans Senat. Car le Prince peut estre si sage, & si bien auisé, qu'il ne trouuera meilleur cōseil que le sien: ou bien se desiant d'un chacun, ne prendra l'aduis ny des siens, ny des estrangers: comme ¹Antigon Roy d'Asie, Loys ^x i. en ce Royaume, que l'Empereur Charles v. suiuiot à la trace, ²Iules Cesar entre les Romains qui ne disoit iamais rien des entreprises, ny des voyages, ny du iour de la bataille: qui sont venus à chef de hautes entreprises, ores qu'ils fussent assaillis de grands & très-puissans ennemis: & d'autant estoient-ils plus redoutez, que leurs desseings estans clos & couuerts, se trouuoient plus tost executez, que les ennemis en eussent le vent, qui par ce moyen estoient surpris: & les sugets tenus en ceruelle, & prests d'exploiter, & obeir à leur Prince, si tost qu'il auroit leué la main: tout ainsi que les membres du corps bien composez sont prests à receuoir, & mettre en effect les mandemens de la raison, sans auoir part au conseil d'icelle. Or ^o plusieurs sans cause, à mon aduis, ont doubté, s'il est plus expedient d'auoir vn sage & vertueux Prince sans conseil, qu'un Prince hebeté pourueu de bon cōseil: & les plus sages ont resolu que l'un ny l'autre ne vaut rien. Mais si le Prince est si prudent qu'ils suposent, il n'a pas grand affaire de cōseil: & le plus hault poinct qu'il peut gagner es choses de cōsequen-
ce, c'est de tenir ses resolutions secretes, lesquelles descouuertes, ne seruent non plus que mines esuentees. Aussi les sages Princes y donnent si bon ordre, que les choses que moins ils veulent faire, sont celles dōt ils parlent le plus. Et quant au Prince hebeté, comment seroit-il pourueu de bon cōseil, puis que le choix dépend de sa volonté: & que le premier

¹. Plutar. in Deme-
trio.
². Tranquil. in Cæ-
sar.

^o. ceste question est
touchee par Lāpri-
dius en la vie de Se-
uere.
S'il est moins dā-
gereux d'auoir
vn bō Prince as-
sisté d'un mau-
uais cōseil, qu'un
mauuais Prince
conduit par bon
conseil.

point de sagesse giste à sçavoir bien cognoistre les hommes sages, & en faire le chois à propos, pour suiure leur conseil? Mais d'autant que la splendeur & beauté de sagesse est si rare entre les hommes, & qu'il faut recevoir en toute obeissance les Princes qu'il plaist à Dieu nous enuoyer, le plus beau souhait qu'on peut faire, c'est d'auoir vn sage cōseil: & n'est pas à beaucoup pres si dangereux d'auoir vn mauuais Prince, & bon cōseil, qu'un bon Prince conduit par mauuais conseil, cōme disoit l'Empereur Alexandre. I'ay dit que le Prince soit conduit par l'aduis du cōseil: ce qu'il doit faire non seulement és choses grâdes & d'importance, ains encores és choses legeres: car il n'y a rien qui plus autorise les loix, & mandemēt d'un Prince, d'un peuple, d'une seigneurie, que les faire passer par l'aduis d'un sage conseil, d'un Senat, d'une Cour. comme Charles v. surnommé le Sage, ayant receu les appellations & plaintes de ceux de Guyene, sugets du Roy d'Angleterre, contreuenant directement au traité de Bretigni, il assembla tous les Princes en Parlement, disant qu'il les auoit fait venir pour auoir leur aduis, & se corriger, s'il auoit fait chose qu'il ne deust faire. Car les sugets voyās les edits & mandemens passez, contre les resolutions du conseil, sont induits à les mespriser: & du mespris des loix viēt le mespris des Magistrats, & puis la rebellion ouuerte contre les Princes, qui tire apres soy la subuersion des estats. C'est pourquoy on remarqua, que Hierosme Roy de Sicile perdit son estat, & fut cruellement tué, avec tous ses parens & amis, pour auoir mesprisé le Senat, sans rien luy cōmuniquer: & par le moyen duquel son ayeul auoit gouuerné l'estat cinquante ans & plus, ayant empieté la souueraineté. Cesar fist la mesme faute gouuernant la Republique sans l'aduis du Senat: & la principale occasion qu'on print pour le tuer, fut par ce qu'il ne daigna se leuer deuant le Senat, à la suasion de son flateur Cornelius Balbus. & pour mesme cause les Romains auoient tué le premier, & chassé le dernier Roy, d'autant que l'un mesprisoit le Senat, faisant tout à sa teste: l'autre le vouloit abolir du tout, suprimant les Senateurs par mort. Et pour ceste cause le Roy Loys x. ne voulut pas que son fils Charles viii. sceust plus de trois mots de Latin, qu'on a rayez de l'histoire de Philippe de Comines: afin qu'il se gouuernast par conseil, cognoissant bien que ceux qui ont bonne opinion de leur suffisance, ne font rien que de leur cerueau: ce qui auoit reduit Loys x. à vn doigt pres de sa ruine, comme il confessā depuis. Aussi est-il certain que le sçavoir d'un Prince, s'il n'est accōpli d'une bien rare & singuliere vertu, est comme vn dangereux cousteau en la main d'un furieux: & n'y a rien plus à craindre qu'un sçavoir accompagné d'iniustice, & armé de puissance. Il ne s'est point trouué de Prince, hors le faict des armes, guerres plus ignare que Traian, ny quasi plus sçauant que Neron: & toutefois cestuy-cy n'eut onques son pareil en cruauté, ny cestuy-là en bonté: l'un mesprisoit, l'autre reueroit le Senat. Puis donc que le Senat est

vne

3. Liuius de Hieronymo: Regnante Hierone manserat publicum consilium: post mortē eius nulla de re neque conuocati, neque consulti fuerunt.

une chose si vtile en la Monarchie, & si necessaire és estats populaires & Aristocratiques, qu'ils ne peuvent subsister, disons en premier lieu des qualitez requises aux senateurs, puis du nombre d'iceux : & fil doibt y auoir plus d'un cōseil, & les choses qu'on y doibt traiter : & en dernier lieu quelle puissance on doibt donner au senat. J'ay dit que le senat est une assemblee legitime, cela s'entend de la puissance qui leur est donnee du souuerain, de s'assembler en temps, & lieu ordonné. Quant au lieu il ne peut chaloir où soit : car bien souuent l'occasion le presente ou les affaires se doibuent executer. mais Lycurgue Legislateur a esté loüé de la defense qu'il fist de mettre pourtraits, ny peintures, au lieu où le senat deliberoit : par ce qu'il aduient souuent, que la veüe de telles choses distrait la fantaisie, & transporte la raison qui doibt entierement estre tendue à ce qu'on dit. J'ay dit Conseillers d'estat, pour la difference des autres Conseillers & Officiers qui souuent sont appelez, pour donner aduis aux Princes, chacun selon sa vacation & qualité, & neantmoins ils ne sont point cōseillers d'estat, ny ordinaires. Et quād au tiltre de senateur, il signifie vieillard, comme aussi les Grecs appellent le Senat *γεροντας*, qui monstre bien que les Grecs & Latins composoient leur conseil de vieillards, ou de Senieurs, que nous appellons Seigneurs, pour l'auctorité & dignité qu'on a tousiours donné aux anciens, comme aux plus sages & mieux experimentez. Aussi par la coustume des ⁶ Atheniens, quand le peuple estoit assemblé pour donner aduis, l'huissier appelloit à haulte voix ceux qui auoient atteinu cinquante ans, pour cōseiller ce qui estoit bon & vtile au public. Et non seulement les Grecs & Latins ont deferé la prerogatiue aux vieillards de donner conseil à la Republique : ains aussi les *Ægyptiens*, Perses, Hebrieux, qui ont appris aux autres peuples de bien & sagement ordonner leurs estats. Et quelle ordonnance plus diuine voulons nous que celle de Dieu ? Quand il voulut establir vn senat, Assemblez moy, dit-il, soixante & dix des plus anciens de tout le peuple, gens sages & craignans Dieu. Car combien qu'on peust trouuer nombre de ieunes hommes attrempez, sages, vertueux, voire experimentez aux affaires (chose toutesfois bien difficile) si est-ce qu'il seroit perilleux d'en composer vn senat (qui seroit plustost vn iuuenat) d'autant que leur conseil ne seroit receu, ny des ieunes, ny des vieux : car les vns s'estimeroient autant, & les autres plus sages que tels cōseillers. Et en matiere d'estat, si en chose du monde, l'opinion n'a pas moins, & bien souuent a plus d'effect que la verité. Or il n'y a rien plus dangereux, que les sugets ayent opinion d'estre plus sages que les gouuerneurs. Et si les sugets ont mauuaise opinion de ceux qui commandent, comment obeyront-ils ? & fils n'obeissent quelle issue en peut-on esperer ? C'est pourquoy Solon defendit au ieune homme l'entree du senat, ores qu'il semblast estre bien ⁷ sage. Et Lycurgue auparauant Solon, composa le senat de ⁸ vieillards. Et non sans cause les loix ont donné la

6. Demosthe. contra Leptinem.

7. *Εἰ καὶ ἀπὸ τοῦ δόξω
γνώμης ἔχει.*
8. *Γεροντας* vocauit.

ג. חכמים & corrupta
Græcorum voce sa-
nedrim.

י. שו"ר fundamentū
& consilium.

Opiniaſtreté per
niciuſe en vn
ſenateur.

prerogative d'honneur, priuileges, & dignitez aux vieillards, pour la presumption qu'on doit auoir qu'ils sont plus sages, mieux entendus, & plus propres à conseiller que les ieunes. Je ne veux pas dire que la qualité de vieillesse fuisse pour auoir entree au Senat d'une Republique, & mesmement si la vieillesse est recrue & ia decrepite, defaillant les forces naturelles, & que le cerueau affoibli ne puisse faire son debuoir. Platon mesme, qui veut que les vieillards soient gardes de la Republique, excuse ceux-là. Aussi est-il dit en l'escriture, que Dieu ayant eleu soixante & dix vieillards, leur donna l'infusion de sagesse en abondance. Et pour ceste cause les ⁹ Hebrieux appellent leurs senateurs, les sages. Et Ciceron appelle le senat l'ame, la raison, l'intelligence d'une Republique: voulant conclure que la Republique ne peut non plus se maintenir sans senat que le corps sans ame, ou l'homme sans raison, & partât qu'il faut que les senateurs soient resolu par vne longue exercice d'ouir, pezer, & resoudre les grandes affaires. Car les grands & beaux exploits en armes, & en loix, ne sont rien autre chose que l'execution d'un sage conseil, que les Grecs pour ceste cause appelloient chose sacree: les Hebrieux ¹ fondement, sus lequel toutes les belles & loüables actions sont basties, & sans lequel toutes les entreprises se ruinent. Quand ie dy sagesse, j'entends qu'elle soit coniointe à la iustice & loyauté: car il n'est pas moins, & peut estre plus dangereux d'auoir de meschans hommes pour senateurs, quoy qu'ils soient subtils & bien experimentez, que d'auoir des homes ignares & lourdaults. d'autant que ceux-là se souciēt peu de renuerſer toute vne cité, pourueu que leur maison demeure entiere au milieu des ruines: & quelquesfois par ialousie de leurs ennemis defendent vne opinion contre leur conscience: ores qu'ils n'ayent autre profit, que le triomphe qu'ils rapportēt de la honte de ceux qu'ils estimeront auoir vaincus, tirant ceux de leur faction à leur cordelle. Il y en a d'autres qui ne sont poulſez ny d'enuie, ny d'inimitié, mais bien d'une opiniaſtreté indomtable, pour soustenir leur aduis, sans iamais ployer à la raison, & viennent bien souuent armez d'arguments, comme s'ils auoient à combattre les ennemis en plein Senat: qui est vne peste presque aussi dangereuse comme l'autre, & qu'on doit euter comme la roche en haute mer: où il est necessaire d'obeir à la répeſte, caler les voiles, laisser la route, & se reculer du port, auquel en fin on surgira, quand on aura le vent en poupe. C'est pourquoy Thomas le More Chancelier d'Angleterre, estoit d'aduis qu'on ne disputast point de ce qu'on auroit proposé le mesme iour: ains que la dispute en fust reseruee au iour ſuyuant: affin que celuy qui aura dit son aduis sans y penser, s'efforce de le soustenir, pluſtoſt que s'en departir. Il faut donc que le sage ſenateur despoüille à l'entree du conseil la faueur enuers les vns, la hayne enuers les autres, l'ambition de soy-mesme: & qu'il n'ait autre but que l'honneur de Dieu, & le salut de la Republique. Enquoy les Lacedemoniens estoient fort loüables,

loüables, quand il y alloit du public: car ceux-là mesmes qui auoient cōbatu vne opinion, se formalisoient pour la defendre, quād elle estoit resoluë par le conseil: par ce qu'il estoit² expressement defendu de disputer de ce qui estoit passé par le Senat: comme il estoit en la Republique des Acheans³ & des Florentins. Quant au sçauoir, bien qu'il soit requis, & mesmement la science des loix, des histoires, & de l'estat des Republiques: toutesfois le bon iugemēt, l'integrité, la prudence sont beaucoup plus necessaires. Mais la principale qualité, & la plus requise en vn Senateur, c'est qu'il ne tienne rien des autres princes & seigneuries, soit en foy & hommage, soit par obligation mutuelle, soit pour la pension qu'il en tire: & combien que c'est la chose la plus dangereuse à vn estat, si est-ce qu'il n'y a rien plus frequent au conseil des Princes. Toutesfois les Venitiens pour leur regard ont tousiours donné assez bon ordre, iusques à clore l'entree de leur conseil aux prestres, par ce qu'ils ont serment au Pape de ne rien faire contre luy: & deuant que baloter, on crie tout haut *fora i preti*. Et mesmes ils bannirent Hermolaus Barbarus Ambassadeur, comme ils ont fait encor⁴ depuis peu de tēps le Cardinal de la Mule aussi leur Ambassadeur, pour auoir pris le chapeau du Pape sans congé de la seigneurie. mais en ce Royaume ie trouue que xxxv. Chāceliers ont esté Cardinaux, ou Euesques pour le moins: & en Angleterre on a veu le semblable. & mesmes en Polongne l'Archeuesque de Guesne est Chancelier naturel du Royaume: de sorte que les Roys ont esté contraints d'auoir vn vichancelier homme lay. Et quant aux pensions donnees par les estranges aux mignons & gouuerneurs des Princes, c'est chose si ordinaire, que cela a passé en cōstume. Et mesmes Cotignac Ambassadeur de France en Turquie, osa bien espouser vne Dame Grecque sans en aduertir le Roy: comme depuis peu d'annees vn autre a voulu espouser la seur du Roy de Valachie, à la fuscitation de Mehemet Bascha, & du Duc de Nixe, & pour le refus qu'il en a fait, le Bascha l'a despoüillé de son estat, & en inuestit celuy qui a vsurpé le Royaume de Polongne. Telles entreprises sont dangereuses à vn estat, & ne deuroient pas ainsi passer par souffrance. Voila les principales qualitez du vray Conseiller d'estat. En plusieurs Republiques on y requiert aussi la noblesse, comme à Venize, Rhaguse, Nuremberg: ou les richesses comme à Genes: & anciennemēt en Athenes par les ordonnances de Solon, & presque en toutes les Republiques anciennes: Et mesme l'Empereur Auguste ne vouloit pas que le Senateur Romain de son temps eust moins de xxx. mil escus valant, & supploya ce qui deffailloit aux sages Senateurs. non que cela fust necessaire au conseil: mais pour oster les plaintes des vns, & la faction des autres, qui sont ordinaires quand on esgale les pauvres aux riches, les nobles aux roturiers, aux estats & honneurs qu'on distribue en la principauté Aristocratique: telle qu'estoit l'estat sous Auguste. Il estoit aussi requis pour auoir entree au Senat, qu'on

2. Plutar. in Lycur-
80.

3. Liuius lib. 32.

Il est dangereux
d'auoir vn con-
seiller d'estat pé-
sionnaire d'un
autre Prince.

Qualitez du se-
nateur.

8. Appian.lib.1.

ἐμφύλ.

2. Dio. lib. 43.

3. Valer. lib. 2. c. 1. de
Fabio max. & P. Craſ
ſo.Nombre des ſe-
nateurs.

6. Plutar. in Solo.

9. Dionyſ. lib. 2.

eust eu office honorable & charge publique. Et pour ceste cause les Censeurs de cinq en cinq ans enregistroiēt au roole du Senat tous ceux qui auoient eu Magiltrat. Et quand Sulla voulut supployer le nombre des Senateurs, par ce qu'on en auoit fait⁸ mourir xc. il institua xx. Questeurs, & Cesar quarante,² affin qu'au mesme instant ils eussent entree au Senat, & puissance d'opiner ce qui n'estoit pas³ permis anciennemēt, ores qu'ils ne fussent appelez Senateurs, iusques à ce qu'ils fussent nommez & enregistrez par les cēseurs. Ceste coustume est encores à present gardee és Republiques bien ordonnees: & nul n'est receu en Polongne Senateur, qui ne soit Palatin, Euesque, Castellan, ou Capitaine, ou qui n'ait eu charge d'Ambassadeur. & nul n'a seance au Diuan du Roy de Turquie, que les quatre Bachats, les deux Cadilesquers, & les x i i. Bellerbeis, apres les enfans du Prince qui president au conseil en l'absence du pere. Mais cela ne doit pas auoir lieu enuers les marchans d'office, ny en la Republique où lon traffique les honneurs, & magistrats à prix d'argent, attendu que la science & la vertu, qui sont necessaires aux conseillers d'estat, sont choses sacrees & si diuines qu'elles ne tombent iamais en commerce. quant à l'examen du Conseiller d'estat, il se faisoit aussi soubz les derniers Empereurs, comme nous lisons en Cassiodore, *Admittendos in Senatum examinare cogit sollicitus honor Senatus*. Quāt au nombre des Senateurs, il ne peut estre grād, veu la perfection requise au Cōseiller d'estat. Il est bien vray qu'és Republiques populaires & Aristocratiques, on est forcé pour euitier aux seditions, de paistre bien souuēt la faim enragee des ambitieux qui ont part à la souueraineté. comme en Athenes, on tiroit tous les ans au sort quatre cens Senateurs, par l'ordonnance⁶ de Solon. depuis le nombre fut augmenté iusques à cinq cens, qui estoient cinquante de chacune lignee: & apres qu'on eut adiousté deux autres lignees, à sçauoir l'Antigonide & Demetriade on accreut le nombre iusques à six cens, qui chāgeoient tous les ans: ores qu'il n'y eust du temps de Pericle que x i i i. mil citoyens, & xx. mil au tēps de Demosthene. Pour la mesme cause que i'ay dit, Platō en sa Republique, qu'il a fait populaire, compose le Senat de cent soixante & huit, des plus accorts & aduisez, qui estoit la trentiesme partie des cinq mil & quarāte citoyens. En cas semblable Romule print la trentiesme partie des sugets pour faire le Senat Romain: car de i i i. mil qu'ils estoiet⁹ il en print cent des plus nobles. & apres auoir receu les Sabins il doubla le nōbre, qui fut accru de cēt par Brutus. & ce nombre de trois cēs Senateurs en trois ou quatre cēsans ne fut point augmēté, comme nous lisons en Dion: iāçoit que du tēps de Cicerō ils n'estoiēt gueres moins de cinq cēs: car luy-mesme escrit qu'il s'en trouua ccccxv. au Senat, quād il fut deliberé de faire le procez à Claude, qui depuis fut Tribū du peuple, outre ceux qui estoiet és Prouinces, ou que la vieillesse, ou maladie excusoit. Et peu apres Cesar en fist iusques à mil, partie Gaulois, & autres estrangers: & mesmes

L. Lici-

L. Licinius barbier, cōme dit Acron. Mais Auguste cognoissant le danger qu'il y auoit de faire si grād nombre de Senateurs, n'en retint que six cens, qu'il vouloit reduire à l'ancien nombre de trois cens : qui toutes-fois n'estoit à peu pres que la dixmilliesme partie des citoyens. Il ne faut donc pas establis le nombre des Senateurs, eu esgard à la multitude du peuple, ny pour seruir à l'ambition des ignorans, & moins encores pour en tirer argent : ains seulement pour le seul respect de la vertu & sagesse de ceux qui le meritent. ou bien s'il n'est possible autrement de saouler l'ambition de ceux qui ont part à l'estat és Republiques populaires & Aristocratiques, & que la necessité contraigne d'ouurir la porte du Senat à la multitude, qu'il soit ordonné qu'il n'y ait que ceux qui auront eu les plus grands charges, & magistrats qui ayent voix deliberatiue : comme en la Republique populaire des Candiots, tous les citoyens auoient entree au Senat, & opinoient, mais il n'y auoit que les ¹ Magistrats qui eussent voix deliberatiue. & au conseil des Achæans il n'y auoit que le Capitaine en chef, & les dix Demiourges qui eussent voix deliberatiue pour arrester les ² opinions. mais il n'en faut pas venir là, si autrement on peut obuier aux seditions populaires. car outre le danger euident, qui est d'euenter le conseil communiqué à tant de personnes, c'est donner occasion aux factieux de troubler vn estat, si ceux là, qui ont voix deliberatiue, ne s'accordent à l'opinion de ceux qui n'ont que voix cōsultatiue, qui n'est comptee pour rien. Et afin de preuenir l'vn & l'autre danger, les anciens Grecs trouuerent moyen de faire vn conseil à part des plus sages Senateurs, qu'ils appelloient *πολιβούλοι*, & *ἀποκλήτοις*, afin d'aduiser aux affaires vrgentes, & de ce qu'on deuoit tenir secret, ou cōmuniquer au Senat. ioint aussi qu'il est bien malaisé d'assembler les Senateurs en tel nombre qu'il est requis, & les faire tomber d'accord, & ce pendant l'estat demeure en danger, & l'occasion de bien negotier passe. car combien que la dignité de Sénateur en Rome fust grande, si est-ce que l'Empereur Auguste quelques amendes qu'il eust ordonnées à faute d'y assister n'y peut remedier, & fut cōtraint comme escrit Dion, de cinq qui deuoient l'amende en prendre vn au sort. & Rufcius Cæpio pour les inuiter à leur deuoir, laissa par testament certaine somme de deniers à ceux qui viendroient au Senat. car il estoit requis du moins cinquante Senateurs pour faire arrest, & bien souuent cent, ou deux cens : & quelquesfois quatre cens, qui estoient les deux tiers des six cens Senateurs, comme il se fait és corps & colleges. mais Auguste osta la necessité qui estoit de quatre cens, comme escrit Dion.

⁴ dauantage le Senat ordinaire n'estoit assemblé que trois fois le mois, & si ne plaisoit au Consul, sans le mandement duquel le senat ne se pouoit assembler, ou du plus grand Magistrat en l'absence du Consul, on passoit quelquesfois vn an sans appeller le senat, ² comme fist Cæsar en son premier Consulat, ayant le senat contre luy, & ce pendant fist arre-

1. Aristot. lib. 4. chap. 14. polit.

2. Liuius lib. 32.

4. Dio. 54.

2. Tranquil. in Cæsare.

ster au peuple ce que bon luy sembla. Solon auoit bien mieux pourueu aux Atheniens, car il auoit ordonné, outre le Senat des quatre cens muable par chacun an, vn conseil priué & perpetuel des Areopagites, composé de soixante des plus sages, & sans reproche, qui auoit le maniment des affaires plus secretes. On apperçoit bien de quelle importâce estoit ce conseil, car aussi tost que Pericles, pour gagner la faueur du peuple, eut ⁴ osté la puissance aux Areopagites, renuoyant le tout au peuple, la Republique fut ruinee. Nous trouuons aussi que les Ætoliens auoient outre le grand conseil qu'on appelloit *Panætolium*, vn priué conseil choisi des plus sages d'entr'eux, desquels ³ parlant Tite Liue, *Sanctius est apud Ætolos consilium eorum quos apocletos appellant.* & peu apres, *Arcanum hoc gentis consilium.* auparauant il auoit dit, *Legibus Ætolorum cauebatur, ne de pace belloue, nisi in Panætolio, & Pylaico consilio ageretur.* Nous lisons aussi que la Republique populaire des Carthaginois, auoit outre le Senat de cccc. vn cōseil particulier de xxx. Senateurs des plus experimētez aux affaires. *Carthaginēses* dit ⁵ Tite Liue, *xxx. legatos seniorū Principes ad pacem petendam mittunt. id erat sanctius apud eos concilium, maximāque ad Senatum regendum vis.* ce que les Romains n'auoient pas. Aussi Tite Liue s'ebahist, comme d'vne chose estrange, que les Ambassadeurs de Grece & d'Asie, qui estoient venus à Rome, n'auoient rien peu sçauoir des propos que le Roy Eumenes auoit tenu en plein Senat cōtre le Roy Perseus, adioustāt ces mots, *Eo silentio clausa curia erat.* en quoy il montre assez que de son temps, & ia long temps auparauāt, rien ne se faisoit au Senat qui ne fust euenté. qui faisoit que les Senateurs quelquesfois estoient contraints de faire la charge de secretaires d'estat, aux arrests qu'ils appelloient secrets, & prendre le sermēt d'vn chacun que la chose ne seroit diuulguée, qu'elle ne fust executée, cōme dit Iulle Capitolin : car la loy *Siquis aliquid. De pænis*, qui condamne au gibet ou au feu ceux qui reuelent les secrets du Prince, n'estoit pas encores publiée. Et comment eust on tenu chose secrette où il y auoit quatre à cinq, & quelquesfois six cens Senateurs, outre les secretaires ? & mesmes les ieunes enfans des Senateurs y entroient auparauant Papyrius prætextatus, & en portoient les nouuelles aux Mères. Mais Auguste en fin y remedia par le moyen que i'ay dit, establisant vn conseil particulier des plus sages Senateurs, & en petit nombre : sans faire entendre au Senat que ce fust pour deliberer des affaires secretes : ains seulement pour aduiser sur ce qu'on deuoit proposer au Senat. & tost apres la mort d'Auguste, Tibere demanda au Senat xx. hommes pour aduiser seulement, comme il faisoit entendre, à ce qu'on rapporteroit au Senat. & depuis ceste coustume fut suiuite des plus sages Empe-reurs, à sçauoir Galba, Traian, Adrian, Marc Aurele, Alexandre Seuer. & de cestui-cy parlant Lampridius : Il ne fist onques, dit-il, ordōnance, qu'il n'y eust xx. Iurisconsultes, & plusieurs autres gens signalez & entendus aux affaires iusques à cinquante, afin qu'il n'y en eust pas moins que

4. Plutar. in Pericle.

3. Liuius lib. 35.

5. lib 30.

que pour faire vn arrest du Senat. Où il appert euidentement qu'en ce conseil priué se depeschoient les choses grandes, & que ce n'estoit pas seulement pour deliberer sur ce qu'on proposeroit au Senat: ains pour resoudre & decider les affaires secretes & importantes, & peu à peu les oster au Senat. Et par ce moyen on remedia aussi à vne autre difficulté (qui seroit ineuitable en la Monarchie) pour la multitude de Senateurs qui ne pouuoit suiure l'Empereur, auquel toutesfois doit tousiours assister son conseil, ainsi que les anciens Theologiens & Poëtes ont signifié, faisant que la deesse Pallas fust tousiours à la dextre de Iupiter. autrement il faudroit que le Prince fust attaché au lieu où le Senat feroit sa residence, ce qui n'est conuenable à la majesté souueraine, ny possible. Et combien qu'il se depesche plusieurs choses au priué conseil qu'il n'est pas besoin de rapporter au Prince: si est-ce qu'il est bien expedient qu'un chacun pense qu'il les entend, pour les auctoriser dauantage, afin que les sugets ne dient point, le Roy ne l'entend pas. Et pour ceste cause le grand Seigneur des Turcs a tousiours vn treillis qui respond de sa chambre au Diuan, où se tient le conseil, afin de tenir les Bachats, & ceux du conseil en ceruelle, & qu'ils pensent tousiours que leur Prince les voit, les oyt, les entend. Mais peut estre dira quelqu'un la Republique est si estroite, & les hommes d'experience en si petit nombre, qu'il ne s'en trouuera pas à suse. Il est bien vray si l'estat est si anguste, qu'il n'en seroit pas grand besoing, comme en la Republique des Pharsaliens, il n'y auoit que xx. personnes qui eussent la seigneurie, & n'y auoit point d'autre Senat, ny conseil priué que les xx. Seigneurs. Et toutesfois la Republique des Lacedemoniens tousiours auparauant, & depuis auoir conuesté toute la Grece, n'auoit que xxx. Seigneurs pour la seigneurie & pour le Senat: mais neantmoins de ce nombre de xxx. il y en auoit vn fort petit nombre pour le conseil priué, comme nous lisons en ² Xenophon establisant ceste forme d'estat en Athenes, où ils deputerent xxx. Seigneurs. & aux autres villes de la Grece dix Seigneurs souuerains, sans autre Senat ny conseil particulier. la raison estoit qu'ils auoient resolu de changer toutes les Republiques populaires de la Grece en Aristocraties, ce qu'ils n'eussent peu faire es moindres villes, s'ils eussent erigé seigneurie, Senat, & conseil priué. Mais à present il n'y a presque Republique soit populaire ou Aristocratique qui n'ait vn Senat, & vn conseil particulier, & bien souuent outre l'un & l'autre, vn conseil estroit, & principalement les Monarques. Car quoy que l'Empereur Auguste surpassast tous les autres, qui depuis l'ont suiuy en prudēce & heureux exploits, si auoit il outre le Senat, & le conseil particulier, vn autre conseil estroit de Mecenas & d'Agrippa, avec lesquels il decidoit les hautes affaires: & ⁶ n'appella que ces deux pour arrester si debuoit retenir ou quitter l'Empire: comme Iulle Cesar auoit Q. Pædus & Cornelius Balbus, pour son conseil estroit, & ⁷ auf-

2. lib. 3. rerum græcar.

6. Dio. lib. 53.

7. Trāquil. in Iulio.

quels il bailloit son chiffre pour communiquer leurs secrets . Aussi Casiodore parlant des secrets du Prince disoit , *Arduum nimis est Principis meruisse secretum* . Nous voyons en cas semblable la Cour de Parlement de Paris, auoir esté l'ancien Senat de ce Royaume , auparauant le grand conseil , & le conseil priué , & le conseil estroit , où les resolutions sont prises des plus grandes affaires deliberees auparauant au conseil priué , & conseil des finances, si les choses meritent qu'on les rapporte . là on signe les rooles des dons, lettres, & mandemens : là sont ouuerts les paquets des Princes, des Ambassadeurs, des Gouverneurs & Capitaines, & les responses commandees aux Secretaires d'estat . Et combien que par l'ordonnance de Charles ix. faite au mois de Nouembre M. D. Lxiii. non imprimee, il est porté au premier article quand le Roy sera esueillé, que tous les Princes, & ceux de son conseil entreront en la chambre: neantmoins l'ordonnance n'a pas tousiours esté gardee . Il y a aussi vn conseil à part pour les finances, auquel assistent les Intendants & secretares d'estat des finances, & le tresorier de l'espargne . Et outre cela , les Princes ont tousiours eu vn conseil estroit de deux ou trois des plus intimes & feables . Et ne faut pas trouuer estrange la diuersité, & pluralité de conseils en ce Royaume, veu qu'en Espagne il y en a sept, outre le conseil estroit, qui se tiennent tousiours pres du Roy en chambres separees, & toutesfois en mesme corps de logis, affin que le Roy allant de l'un à l'autre soit mieux informé des affaires, c'est à sçauoir, le conseil d'Espagne, le conseil des Indes, le conseil d'Italie, & du bas pays, le conseil de la guerre, le conseil de l'ordre saint Iean, le conseil de l'inquisition . Si on dit que la grandeur de l'estat le requiert, ie ne le nie pas : mais si voit-on aussi à Venize qui n'a pas grande estendue de pays , quatre conseils outre le Senat & grand conseil, c'est à sçauoir, le conseil des sages de la marine, le conseil des sages de la terre, le conseil des dix, le conseil des sept, où le Duc fait le septiesme qu'ils appellent la seigneurie, quand il est ioint avec le conseil des dix, & les trois Presidens de la quarantaine, outre le Senat de Lx. qui reuiert à six vingts compris les Magistrats . Et qui empeschera si l y a peu d'hommes dignes d'estre Conseillers d'estat , qu'on face le Senat petit & le conseil priué moindre ? l'estat de Rhaguse est bien estroit, & neantmoins le Senat est de Lx. personnes, & le conseil priué de douze . Le Senat de Nuremberg est de xxvi. le conseil priué de xiii. & vn autre conseil des sept Burgomaitres . Le Canton de Schuits est le plus petit de tous, & neantmoins outre le Senat de xlv. personnes, il y a vn conseil secret des six premiers Senateurs & de l'Aman. & la mesme forme se garde au Canton d'Uri . Car quant aux Cantons de Suric, Berne , Schaphuze, Basse, Soleurre, Fribourg, Lucerne, il y a outre le grand conseil vn petit conseil. le grand conseil de Berne est de cc. le petit est de xxvi. à Lucerne de cent, & le petit de xviii. à saint Gal aussi le grand conseil est de

LXVI. le petit de xxxiii. à Coire le Senat est de xxx. le cōseil estroit de xv. Et sans aller si loing, on sçait assez que l'estat de Geneue est enclos au pourpris & circuit de la banlieuë : & neantmoins outre le conseil des deux cens, il y a vn Senat de Lxxv. & puis le conseil priué de xxv. Et n'y a si petit Cāton (horsmis les trois ligues grizes, gouuernees par cōmunes populaires) qui n'ait outre le Senat vn priué cōseil. & les vns en ont trois, voire quatre : cōme le Canton de Basél, où les affaires secrettes sont maniees par deux Bourgomaistres, & deux Soubmaistres. & à Bern en cas semblable, les deux Auoyers, & quatre Banderets, manient les choses secrettes, cōme le cōseil estroit en la Monarchie. Et mesmes aux diettes & iournees des treize Cantons, il n'y a que le conseil priué des Ambassadeurs qui arreste les abscheids, & decerne les commissiōs touchant les affaires communes. Je dy donc qu'il est tref-vtile en toute Republique, d'auoir pour le moins vn conseil priué, outre le Senat, puis que la reigle des anciens Grecs & Latins nous l'enseigne, la raison nous le mōstre, l'experiance nous l'apprend. Mais la difference est notable entre le Senat des Republicques populaires, ou Aristocratiques & des Monarchies : car en celles là, les aduis & deliberations sont prises au plus estroit, & particulier conseil : & les resolutions arrestees au plus grand conseil, ou en l'assemblee des Seigneurs ou du peuple, si la chose est telle qu'on la doie publier : mais en la Monarchie, on prend les aduis & deliberatiōs au senat, ou conseil priué : & la resolution au conseil estroit. Cela se peut voir à tout propos en Tite Liue, quand il est question de la paix, ou de la guerre, ou des autres affaires de consequence qui touchēt la Majesté, la deliberation est prise au Senat, & la resolution arrestee par le peuple, comme i'ay monstré cy⁷ dessus par plusieurs exemples. Et en cas pareil, quād la guerre fut denoncee aux Romains par les Tarentins, le Senat, dit Plutarque,⁸ donna l'aduis, & le peuple de Tarente ottroya son mandement. Cela se peut voir à Venize, quand il se presente quelque difficulté entre les sages, elle est rapportee au conseil des dix, & s'ils se trouuēt parties, on assemble avec les dix le cōseil des sept : & si la chose tire apres soy consequence, on fait appeller le Senat : & quelquesfois aussi, (combien que rarement) le grand conseil de tous les gentils-hommes Venitiens : ou la dernière resolution se prend.⁹ Qui estoit l'ancienne coustume¹ de Carthage : ou si le senat ne tōboit d'accord, le differend estoit disputé, debatū, & décidé par le peuple. Or ceste difference de resouldre & arrester les aduis, prouient de la souueraineté, & de ceux qui manient le gouuernement. Car en la monarchie, tout se rapporte à vn seul : en l'estat populaire, au peuple. Et plus le monarque s'assure de sa puissance & suffisance, moins il communique d'affaires au senat : ou bien pour s'en deueloper, il luy r'enuoye les commissiōs de la iustice extraordinaire ou le iugement des causes d'appel : mesmemēt si le senat est en telle multirude, que le Prince publiant à tant de personnes ses secrets, ne

7. au chap. des marques de la souueraineté.

8. In Pyrrho.

9. Bombus in historia. venet. Contarent. in Repu.
1. Aristot. lib. 2. cap. 9. polit.

puisse venir à chef de ses desseins. Cefut le moyen que Tibere l'Empereur trouua d'amuser le Senat au iugement des procez de consequence, pour leur faire oublier peu à peu la cognoissance des affaires d'estat. & apres luy Neron ordonna que le Senat cognoistroit des causes d'appel, qui auparauant s'adressoient à luy, & que l'amende du fol appel au Senat fust aussi grande, que si luy mesmes eust cogneu de la cause: faisant par ce moyen d'un senat, vne cour & iurisdiction ordinaire, qui n'auoit iamais accoustumé de iuger pendât la liberté populaire, sinon extraordinairement² des coniurations contre la Republique, & d'autres crimes semblables qui touchoiēt l'estat: ou que le peuple qui auoit la cognoissance de plusieurs cas, renuoyast la cognoissance au Senat. C'est pourquoy Ciceron accusant Verres disoit en ceste sorte. *Quò confugient socij? quem implorabunt? ad Senatum deuenient, qui è Verre supplicium summat? non est vsitatum, non est Senatorium.* En quoy se sont abusez ceux qui ont pensé que le senat iugeoit, quād ils ont veu que les senateurs estoient tirez au sort pour iuger des causes publiques & criminelles, tantost à part soy, tantost avec les cheualiers par la loy Liuia, & puis avec les cheualiers, & les financiers par la loy Aurelia. car il y a bien differēce du Senat en corps, & des Senateurs pris en qualité de iuges: & du cōseil priuē, ou des conseillers d'iceluy venās es cours souueraines pour iuger. Mais le Senat n'eut onques deuant Neron iurisdiction ordinaire. mesmes Auguste ne voulut pas que le Senat s'empeschast au iugemēt de l'honneur, ou de la vie des senateurs, biē qu'il en fust importuné³ par son ami Mecenas: & combien que Tibere souuent leur renuoyast telles causes, si est-ce que ce n'estoit que par forme de cōmission: ⁴ ce que depuis l'Empereur Adrian⁵ fist passer en forme de iurisdiction ordinaire. On a veu en cas semblable que Philippe le Bel, pour se deffaire de la Cour de Parlemēt, & luy oster doulcemēt la cognoissance des affaires d'estat, l'erigea en cour ordinaire, luy attribuāt iurisdiction, & seance à Paris: qui estoit anciennemēt le senat de France: & s'appelle encores au iourd'huy la cour des Pairs, qui fut erigee par Loys le ieune selon la plus vraye opinion, & pour donner conseil au Roy, comme on peut voir en l'erection du Comte de Mascon en pairrie par Charles v. Roy M. CCC LIX. où il est dit que les Roys de Frāce ont institué les XII. Pairs pour leur donner cōseil & ayde. & s'appelloit comme encores à present par prerogatiue d'hōneur la Cour de Parlemēt, (sans queuē) comme on peut voir es lettres qu'elle escrit au Roy: au lieu que les autres nouuellemēt establies y adioustent Parlement de Roüan, de Bordeaux, de Dijon. Et neantmoins sus les remonstrances de la Cour pour la difficulté qu'elle faisoit de publier les lettres patētes dōnees à Roüan le xvi. Aoust M. D. LXXIII. le Roy dist. aux deputez de la Cour, Je ne veux plus que vous messiez d'autre chose que de faire bonne & briefue iustice. Car les Roys mes predecesseurs ne vous ont mis au lieu où vous estes que pour cest effect: & non

pour

2. Polyb. lib. 6. de militari ac domestica Rom.

3. Dio lib. 35.

4. Tacit. lib. 3. & sequent.

5. Spartian. in Adriano.

pour vous faire ny mes tuteurs, ny protecteurs du Royaume, ny cōseruateurs de ma ville de Paris: Et quand ie vous commanderay quelque chose, si trouuez aucune difficulté, ie trouueray tousiours bō que m'en faciez remonstrances, & apres les auoir faictes, sans plus de réplique ie veux estre obey. toutesfois le Parlement fist encores d'autres remonstrances, d'autant qu'il y eut partage sus la publication desdictes lettres: qui donnerent occasion à l'arrest du priué conseil du xxiij. Septembre ensuiuant, par lequel le partage fut declairé nul, avec defenses au Parlement de mettre en deliberation les ordonnances emanees du Roy concernant les affaires d'estat: ce qui auoit esté fait aussi par lettres patentes de l'an M.D.xxvii. En cas pareil le grand conseil qui n'estoit presques employé qu'aux affaires d'estat, au regne de Charles vii. & viii. fut peu à peu si rempli de procez, que Charles vii. en fist vne cour ordinaire de dix sept cōseillers, ausquels Loys xi. en adiousta iusques à xx. outre le Chancelier, qui estoit president d'iceluy: de sorte que sous le Roy François on y fist vn president au lieu du Chancelier: qui n'estoient employés sinon à la cognoissance des causes extraordinaires par forme de commission, & renuoy du conseil priué, & ordinairement aux appellations du Preuost de l'hostel. Aussi voyons nous le cōseil priué estre quasi reduit en forme de cour ordinaire, cognoissant des differens entre les villes & parlemens, & le plus souuent entre les particuliers pour peu de chose: affin que ceste grande compagnie d'hommes illustres & signalez fust empeschée à quelque chose, ayant quasi perdu la cognoissance des affaires d'estat, qui iamais ne peuuent reüssir à heureuse fin, si elles sont communiquees à tant de personnes: où la plus saine partie des meilleurs cerueaux est tousiours vaincue par la plus grāde. ioint aussi qu'il est impossible de tenir le cōseil secret, ny sçauoir qui le decouure en telle multitude, ny chasser ceux qu'on tiēt pour suspects: si on ne vouloit vser de la coustume des anciens Atheniēs, en vertu de laquelle les senateurs, par vn secret iugement qu'on appelloit *ἐκφυλλοφορία* pouuoient cōdamner en toute liberté, sans enuie, le senateur languard, ou qui souilloit la splendeur de son estat. comme en cas pareil les Romains auoiēt les Censeurs, qui sans forme ny figure de procez auoient accoustumé de rayer les senateurs indignes, & par ce moyen les exclurre du Senat, s'ils ne vouloiēt essayer la sentence des iuges, qui estoit par dessus la censure, ou bien que le peuple donnast nouueau magistrat, & charge honorable à celuy qui auroit esté rayé par les censeurs, ou cōdamné par les iuges. Mais on peut blasmer les Romains, d'auoir trop aisēmēt receu & rayé les senateurs, & en trop grād nombre: car pour vne fois Fabius⁴ Buteo qu'on fist Dictateur pour suployer le Senat, en receut CLxxvii. & Lentulus & Gellius censeurs pour vne reueuē en rayerent Lxiiii. Combien est-il plus seant & conuenable à la grandeur & dignité d'un senat, d'en recevoir peu qui soient choisis & triez comme perles, que d'esleuer au plus haut degré

4. Florus epito. 98.

d'honneur les hommes dignes & indignes, pour apres les precipiter avec vne eternelle infamie & deshonneur d'eux, & de ceux qui leur ont presté la main: ce qui toutesfois ne se peut faire sans danger de sedition. Depuis quatre cens ans que le conseil priué d'Angleterre fut establi à l'instâce & poursuite d'un Archeuesque de Canturberi Châcelier d'Angleterre, il n'y eut que xv. personnes: & n'a iamais passé xx. personnes. & par le moyé de ce petit cōseil, ils ont entretenu leur estat tresbeau & florissant en armes & en loix. celà se voit par leurs histoires, & par le traicté de paix fait entre Loys ix. & Henry Roy d'Angleterre, qui pour seureté plus grâde fut iuré par les xvii. cōseillers du cōseil priué, c'est à sçauoir, vn Archeuesque Châcelier, vn Euesque, six Cōtes, & six autres Seigneurs avec le grâd thresorier, & le magistrat qu'ils appellēt la grâde Iustice d'Angleterre. Si on me dit que bien souuēt l'ambitiō, la faueur, l'importunité, la necessité presse d'en receuoir plusieurs, sans auoir moyé de les cognoistre. Je respōds que l'ordonnance de Solon auoit pourueu à toutes ces difficultez, & feroit de besoin qu'elle fust gardee en toute Republique, c'est à sçauoir que nul ne fust receu au saint Senat des Areopagites, qui n'eust passé aux plus hauts lieux d'honneur sans pris & sans reproche: l'asseurans bien que ceux-là qui festoient peu tenir en precipices si dangereux & si glissans, qu'ils pourroient bien tenir place au senat sans tomber ny chanceler. C'est pourquoy tous les anciens Grecs & Latins ont si haut loué le Senat des Areopagites, qui estoit composé de lx. personnes, cōme nous lisons en Athenæus. On garde bien encores ceste coustume aux cinq petis Cantons, que ceux-la qui ont passé par tous les estats honorables, ils demeurent senateurs perpetuels. mais ce n'est pas pour auoir fort bonne resolution, & moins encores pour tenir les affaires d'estat secretes, en ce que les senateurs des petits Cantons, qui sont xlv. à Zoug, cxliiii. à Appenzel, & plus ou moins es autres, quand il est question de chose de consequence chacun senateur a charge de mener avec luy au conseil deux ou trois qu'il aduifera pour le mieux: en sorte qu'ils se trouuent quelquesfois quatre ou cinq cens, partie senateurs, partie qui ont voix deliberatiue. Voila quand au nombre des conseillers d'estat. Disons aussi vn mot de ceux qui doiuent proposer, & de ce qui doit estre proposé. Quant au premier on a tousiours eu grâde esgard anciennemēt à la qualité de ceux qui demandoient l'aduis au senat. Car on voit que c'estoit la propre charge des plus grands magistrats en Rome, qui pour ceste cause s'appelloient Consuls: ou en leur absence le plus grand magistrat qui fust en Rome, c'est à sçauoir, le ' Preteur de la ville: qui receuoient les requestes des particuliers, les lettres des gouuerneurs, les ambassadeurs des Princes, & peuples alliez pour en faire le raport au Senat. & en Grece ceux qu'on appelloit *πρόβουλοι* qui auoient mesme charge que ceux qu'on appelle Prouiseurs en la Republique de Rhaguse: & en la Republique de Venize les Sages. cōbien que les trois Auogadours ordina-

s. Cicero in epistolis
de Cornutq Præto-
re virbano.

dinairement proposent au senat sur ce qu'on doit deliberer. Au conseil des Grecs le President faisoit crier par vn huissier s'il y auoit personne qui voulust suader quelque chose : ce que Tite ^{3. lib. 32.} Liue parlant des Acheans dit generalement, *ut mos est Græcorum*. Mais quant aux Ætoliens leur coustume estoit notable, digne d'estre gardee par tout, & fort louee & approuuee ^{6. Liuius lib. 35.} de Philopemen Capitaine en chef de la ligue des Acheans : c'est à sçauoir que le President, ou celuy qui conseilloit le premier de faire quelque chose en plein Senat, n'auoit point de voix deliberatiue pour l'affaire qu'il proposoit : ce qui peut oster les pratiques & menees couuertes qui se font au senat des estats populaires & Aristocratiques, où les plus fascheux tirent aisément les autres à leur opinion. Mais ie ne puis approuuer la façon de Genes, où il n'y a que le Duc seulement qui ait puissance de proposer ce qu'il luy plaist au Senat. car outre la difficulté qu'il y a de parler au Duc assiegé de tous costez, & enuelopé d'une infinité d'affaires, & luy mettre en veuë mil raisons par le menu pour les deduire au conseil, encores y a-il danger de donner si grande authorité à vne personne, qu'il puisse dire, ou celer au Senat tout ce qu'il luy plaist, & qu'il ne soit licite à autre qu'à luy d'en parler. Er mesmes il y a danger que celuy qui propose soit si grand qu'on ne le puisse franchement contredire. C'est pourquoy on a sagement pourueu en ce Royaume, qu'il fust permis à tous ceux qui ont entree au conseil (ores qu'ils n'ayent ny voix deliberatiue, ny seance) de rapporter les requestes d'un chacun, & aduertir le conseil de ce qui est utile au public, afin d'y pouruoir. Et le plus souuent on demande leur aduis, puis aux conseillers d'estat, qui ont seance & voix deliberatiue : en sorte que les plus grands seigneurs opinent les derniers : afin que la liberté ne soit retrâchée par l'auctorité des Princes, & mesmes des hommes factieux & ambitieux, qui ne souffrent iamais de contredits : en quoy faisant, ceux qui ont voix consultatiue seulement, parent le chemin à ceux qui ont voix deliberatiue, & abreuent le conseil bien souuent de bonnes & viues raisons : & s'ils ont failli ils sont reduits par les autres sans ialousie. Qui est vne coustume beaucoup plus loüable que celle des Romains, où le Consul demandoit premierement l'aduis au Prince du Senat, ou bien à celuy qui estoit designé Consul pour l'annee suiuite. Et neantmoins le contraire se faisoit deuant le peuple, car les particuliers opinoient les premiers, ^{6. Dio. lib. 38.} puis les Magistrats, afin que la liberté des petits ne fust preuenue par l'auctorité des grands. ioint aussi que l'ambition de parler le premier, tire apres soy bien souuent l'enuie des vns, & la ialousie des autres. Aussi voit-on, que les Empereurs tyrans pour decharger sur le Senat le maltalent que le peuple auoit de leurs cruautez, ils propoient, ou faisoient lire leur aduis : & si hardi de contredire. Cela n'est pas demander conseil, ains commander estroictement. dequoy se plaignant vn ancien Senateur, disoit : *Vidimus curiam*

elinguem, in qua dicere quod velles, periculosum: quod nolles, miserum esset: d'autant que l'Empereur Domitian, *vnus solus censebat quod omnes sequerentur*: louant Traian, *quod eo rogante sententias liberè dicere liceret, vinceretque sententia, non prima, sed melior*. Mais ie desirerois que le conseil fust reserué au matin, car on ne doit pas tenir pour aduis bien digéré, ce qui est fait apres disner, comme dit Philippe de Comines: & mesmement au pays où les hommes sont sugets au vin: laissant l'opinion de Tacite, ⁷ qui trouue bonne la façon des anciẽs Alemans, qui ne deliberoient iamais des grandes affaires, sinon entre les gobelets: pour decouurir le cueur d'vn chacun, & pour s'echauffer à persuader ce qu'ils trouuoient le plus expedient: mais ils ont bien changé de coustume, d'autant que leurs contracts ne tiennent iamais, s'ils sont faits apres boire: & ceste seule cause suffist au iuge pour les casser. Quant aux affaires qu'on doit proposer, cela depend des occasions. & affaires qui se presentent. Les anciens Romains deliberoient premierement des choses touchant la religion, comme le but & la fin où toutes les actions humaines doiuent commencer & finir. Aussi iamais, dit⁸ Polybe, n'y eut peuple plus deuot que cestuy-là, adioutant que par le moyen de la religion, ils establirent le plus grand Empire du monde. Puis apres on doit parler des affaires d'estat plus vrgentes, & qui touchent de plus pres au public: comme le faiet de la guerre & de la paix, où il n'est pas moins perilleux de conuertir le conseil en longues difficultez, que la precipitation y est dangereuse. Auquel cas, comme en toutes choses douteuses, les anciens auoient vne reigle qui ne souffre pas beaucoup d'exceptions: c'est à sçauoir, Qu'il ne faut faire, ny conseiller chose qu'on doute si elle est iuste ou iniuste, vtile ou dommageable: si le dommage qui peut aduenir est plus grád que le profit qui peut reüssir de l'entreprise. Si le dommage est euident, & le profit douteux, ou bien au contraire, il ne faut pas mettre en deliberation lequel on choisira. Mais les difficultez sont plus vrgentes, quand le profit qu'on espere est plus grand, & qu'il fait contrepoix au dommage, de ce qui peut resulter des entreprises. Toutefois la plus saine opinion des anciens doit emporter le prix: c'est à sçauoir, Qu'il ne faut faire ny mise ny recepte des cas fortuits, quand il est question de l'estat. C'est pourquoy les plus rusez font porter la parolle aux plus simples, pour mettre en auât & suader vne opinion douteuse, afin qu'ils ne soient blasmez s'il en vient mal: & qu'ils emportent l'honneur, si la chose vient à poinct. Mais le sage Senateur ne s'arrestera iamais aux cas fortuits & auantureux, ains s'efforcera tousiours par bons & sages discours tirer les vrais effects des causes precedentes. Car on void assez souuent les plus hazardeux & temeraires estre les plus heureux aux exploits. Et pour ceste cause les anciens Theologiens n'ont iamais introduit leur deesse Fortune au conseil des Dieux. Et toutefois on n'oit quasi autre chose, que louer ou blasmer les entreprises par

7. In lib. de morib.
German.

Les affaires qu'o
doibt proposer
au senat.

8. Polyb. lib. 6. de mi-
litari ac domestica
Rom. disciplina.

La deesse qu'on
disoit Fortune
chassée du con-
seil des autres
Dieux.

9. l. 3. de re milit. ff.

1870
 1871
 1872
 1873
 1874

9. Tacit. lib. i. Tran-
quil. in Tiberio.

1. Livijs lib. 26.

Le Senat establi
seulement pour
donner advis, &
non pas pour cō-
mander.

ment le senat Romain cognoissoit par commission du peuple des trahisons & coniurations des alliez contre la Republique, comme on void en T. ¹ Liue. Reste encores le dernier poinct de nostre definition, c'est à sçauoir, que le senat est establi pour dōner aduis à ceux qui ont la souueraineté. l'ay dit dōner aduis, parce quē le senat d'une Republique bien ordonnee, ne doit point auoir puissance de cōmander, ny decerner mandemens, ny mettre en execution ses aduis & deliberatiōs: mais il faut tout rapporter à ceux qui ont la souueraineté. Si on demande s'il y a Republique où le senat ait telle puissance, c'est vne question qui gist en fait: mais ie tiens que la Republique bien establie ne le doit pas souffrir, & qu'il ne se peut faire sans diminution de la majesté, & beaucoup moins en la Monarchie qu'en l'estat populaire ou Aristocratique. Et en cela cognoist-on la majesté souueraine d'un Prince, quand il peut, & la prudence quand il sçait pezer & iuger les aduis de son conseil, & conclure selon la plus saine parrie, & non pas selon la plus grāde. Si on me dit qu'il n'est pas conuenable de voir les Magistrats & Cours souueraines, auoir puissance de commander & decerner leurs commissions en leur nom, & que le Senat qui iūge de leurs differens soit priué de ceste puissance. Je respons que les Magistrats ont puissance de commander, en vertu de leur institution, erection & creation, & des edits sur ce faits, pour limiter leur charge & puissance. mais il n'y eut onques senat en aucune Republique bien ordonnee, qui ait eu pouuoir de commander en vertu de son institution. Aussi il ne se trouue point en ce Royaume, ny en Espagne, ny en Angleterre, que le conseil priué soit erigé ou institué en forme de corps & College, & qu'il ait puissance par edit ou ordonnance de rien ordonner, ny cōmander, comme il est necessaire à tous Magistrats, ainsi que nous dirōs ci apres. Et quāt à ce qu'on dit que le cōseil priué casse les iugemēs & arrests des Magistrats & Cours souueraines, & que par ce moyen on veut conclure qu'il n'est pas sans puissance. Je respons, que les arrests du conseil priué ne dependēt aucunement d'iceluy, ains de la puissance royale, & par cōmission seulement en qualité de iuges extraordinaires pour le fait de la iustice: encores la cōmission, & cognoissance du conseil priué, est tousiours coniointe à la personne du Roy. Aussi voit-on que tous les arrests du cōseil priué portent ces mots, **PAR LE ROY EN SON CONSEIL**: lequel ne peut rien faire si le Roy n'est present, ou qu'il n'ait pour agreable les actes de son conseil. Or nous auons monstré cy dessus, que la presence du Roy fait cesser la puissance de tous les Magistrats. comment dōc le conseil priué auroit-il puissance le Roy present? s'il ne peut rien faire en l'absence du Roy, que par cōmission extraordinaire, quelle puissance dirōs nous qu'il a? Si donques au fait de la iustice le cōseil priué n'a pas puissance de cōmander, cōment l'auroit-il aux affaires d'estat? C'est pourquoy on rapporte au Roy ce qui a esté deliberé au conseil, pour entendre sa volonté.

ce qui

ce qui a esté fait de toute ancienneté. car mesme il se trouue vne charte ancienne faisant mention d'Endobalde Comte du Palais du Roy Clo-taire, qui assembloit le Parlement du Roy, & assistoit aux deliberations qu'il rapportoit au Roy, qui donoit ses arrests. Mais on pourroit douter si le Senat en l'estat populaire & Aristocratique ne doit auoir non plus de puissance qu'en la Monarchie: attendu la difference qu'il y a d'un seigneur à plusieurs, d'un Prince au peuple, d'un Roy à vne multitude infinie d'hômes. Joint aussi que nous lisons qu'en la republique Romaine, qu'on tient auoir esté des plus florissantes, & des mieux ordonnees qui fut onques, le Senat Romain auoit¹ puissance de disposer des finances, qui est l'un des grands poincts de la maiesté: & donner lieutenans à tous gouuerneurs de² Prouince: & decerner les³ triomphes: & disposer de la religion. Et pour ceste cause Tertulian disoit, que iamais aucun Dieu ne fut receu en Rome sans decret du Senat. Et quant aux Ambassadeurs des Roys & peuples, il n'y auoit que le Senat qui les receust, & licentiaist. Et qui plus est, il estoit defendu sur peine de leze maiesté, de presenter requeste au peuple, sans auoir pris l'aduis du Senat, comme nous auons dit cy dessus. Ce qui n'estoit pas seulement en Rome, ains aussi en toutes les Republiques de la⁴ Grece: & pour y auoir contreuenu⁵ Thrasylbulus fut accusé de leze maiesté en Athenes, comme aussi depuis fut Androtion par Demosthene, ce qui est encores mieux gardé à Venize qu'il ne fut onques en Rome ny en Grece. Nonobstât tout cela, ie dy que le senat des estats populaires & aristocratiques ne doit auoir que l'aduis & deliberation, & que la puissance depend de ceux qui ont la souueraineté. Et quoy qu'on die de la puissance du senat Romain, ce n'estoit que dignité, autorité, conseil, & non pas puissance: car le peuple Romain pouuoit quand bon luy sembloit, confirmer ou infirmer les decrets du Senat, lequel n'auoit aucune puissance de commander, & moins d'exécuter ses arrests, comme⁶ Denys d'Halicarnas a tresbien remarqué. Aussi voit-on à tout propos en Tite Liue ces mots, *SENATVS DECREVIT, POPVLVS IVSSIT*. où Feste Pópees s'est abusé interpretant ce mot, *Populus iussit*, qu'il dit signifier *Decreuit*: car c'estoit au Senat à decerner, & au peuple à commander: comme quand Tite Liue parle de l'auctorité de Scipion l'African, *Nutus eius pro decretis patrum, pro populi iussis esse*. Et le moindre Tribun s'opposant au senat, pouuoit empescher tous ses arrests. I'ay remarqué cy dessus quelques lieux de⁷ T. Liue, où il appert euidemmēt, que le senat ne pouuoit rien commander, & mesme par ce decret, où il est dit, Que le Consul si bon luy semble, presentaist requeste au peuple pour faire vn Dictateur: & s'il ne plaisoit au Consul, que le Preteur de la ville en prist la charge: & s'il n'en vouloit rien faire, que l'un des Tribuns le fist: le Consul, dit T. Liue, n'en voulut rien faire, & fist defense au Preteur d'obeir au senat. Si le senat eust peu commander, il n'eust pas vsé de ce langage: & le Con-

1. Cicer. in Vatin. *Ærarij dispensatio ita fuit penes Senatum, vt nunquam à populo sit appetita*. Idem confirmat Polyb. lib. 6.

2. Idem Cicero in Vatin. *Esne patriæ certissimus parricida? ne hoc quidem Senatui relinquebas, quod nemo vnquā ademit vt legati eius ordinis auctoritate darentur*.

3. Liuius lib. 28. *Nunquam antea de triūpho per populum actum: semper æstimationem arbitriūque eius honoris penes Senatum fuisse: ne reges quidem maiestatem eius ordinis imminuissent*.

4. Arist. lib. 4 de Republica.

5. Plutar. in Lyfia.

6. lib. 2.

7. lib. 4. lib. 30. & 27.

ful n'eust pas defendu d'obeir au senat. Et mesme le senat ne pouuoit pas commâder aux Preteurs, ains il vsoit du mot, Si bon leur semble, Si leur plaist. *Decreuerunt patres ut M. Iunius Prator urbanus, si ei videretur, decemuiros agro Samniti Appulôque quoad eius publicum erat, metiendo diuidendôque crearet.* & si on veut dire que ces mots, *Si Consulibus, si Pratoribus videatur*, emporte commandement, le contraire se verifie en ce que dit T. Liue, parlant de la punition des Capouïans, que le Consul Fuluius ayant leu l'arrest du senat, qui portoit ces mots, *Integram rem ad Senatum reijceret, si ei videretur, interpretatum esse quid magis à Republica duceret æstimationem sibi permissam*, & passa outre sans auoir egard à l'arrest du senat. Aussi n'y auoit-il vne seule commission, ny mandement en toutes les deliberations & decrets du senat : & n'auoient ny massiers ny sergens, qui sont les vrayes marques de ceux qui ont puissance de commander, comme disoit⁸ Varron apres le Iurifconsulte Messala. Mais les Magistrats ayans les decrets du senat en main, decernoient leurs mädemens & commissions pour les executer, si bon leur sembloit : s'assurans bien que le senat soustiendroït leurs exploits & actions. C'est pourquoy Cesar dit, que les Consuls se voyans armez de cest ancien decret du senat, qui commençoit par ces mots : Que les Consuls, & autres Magistrats pouruoient à ce que la Republique ne souffre aucun dommage : soudain font leuee de gens & d'armes contre Cesar. Mais si le moindre des Tribuns s'opposoit au senat, il falloit vuider l'opposition deuant le peuple. Et pour ceste cause il y auoit ordinairement quelques Tribuns à la porte du senat, au parauant que la loy Atinia leur donnaist entree, auxquels on monstroït le decret du senat, pour le consentir & auctoriser au nom du peuple, y mettant la lettre T. ou le dissentir, y mettant ce mot VETO, c'est à dire, Je l'empesche. de sorte que le senat ne faisoit rien que par souffrance du peuple, ou deses Tribuns, qui estoient côme espions du senat, & gardes de la liberté du peuple, qui ont tousiours eu leur opposition fraîche : si le peuple par loy expresse ne leur ostoit, comme il fist à la requeste de C.¹ Gracchus Tribun du peuple, donnant permission au senat de disposer des Prouinces consulaires pour ceste annee là, avec defences aux Tribuns de s'y opposer pour ceste fois là seulemēt. car depuis le peuple² donna souuent les Prouinces & gouuernemēs sans auoir ny l'aduis ny l'auctorité du senat. De dire que le senat disposoit des finances, il est vray, mais c'estoit par souffrance, & tant qu'il plaisoit au peuple : comme on peut voir par la loy Sempronia, par laquelle le peuple ordonna que les soldats seroient vestus des deniers de l'espargne. Or celuy qui n'auoit pouuoir que par souffrance & par forme de precaire, n'a point de puissance, comme nous auons dit cy dessus. aussi voit-on en cas semblable, que les Auogadours de Venize souuent empeschent les oppositions du senat & du conseil des dix, & font renvoyer l'affaire au grand conseil. Mais encores on peut dire, que si le senat en corps & assemblée

8. Gellius lib. 13. cap. 12.

9. Liuius lib. 6.

1. Salust. in Jugur. Cicero in prouinciis Consular.

2. Cicero pro lege Manil. Appian. lib. 1. Liuius lib. 28.

semblée legitime n'eust eu puissance de commander, qu'il n'y eust eu aucune difference entre les decrets du senat, & ce qu'on appelloit Autorité. Or est-il, que s'il y auoit moins de cccc. senateurs par l'ordonnance d'Auguste, qui depuis furent reduits à cinquâte: ils ne donnoient sinon³ auctorité, & ne s'appelloit pas decret: comme aussi on peut voir par la loy⁴ Cornelia, publiee à la requeste d'un Tribun du peuple, il fut defendu au senat de plus ottroyer priuileges ny dispenses, s'il n'y auoit du moins deux cens senateurs. Il faut donc conclure que le senat en tel nombre auoit puissance de commander. Je dy que le decret de sa nature n'emporte aucun commandemēt, non plus que la sentence du iuge, si la cōmission n'est au pied. Or le senat ne decernoit iamais, & ne pouoit decerner commission ny mandement: il n'auoit donc point de puissance de commander. Et encores quelque decret que fist le senat, il n'auoit trait que pour vn an: comme a tresbien noté Denys⁵ d'Halcarnas: & n'estoient pas perpetuels, comme Conan⁶ escrit. Comment donc, dira quelqu'un, le senat fist-il amener trois cens soldats citoyens Romains, qui restoient de la legion qui auoit saccagé Rheges en Sicile, lors qu'elle y estoit en garnison, & les fist flaistrir, & puis decapiter deuant tout le peuple, nonobstant, & sans auoir aucun egard aux oppositions des Tribuns, ny aux appellations des condamnez, criers à haute voix, que les loix sacrees estoient foulees aux pieds. A cela y a double responce, qu'il estoit question de la discipline militaire, qui n'auoit rien de⁷ commun pour ce regard avec les loix domestiques. en second lieu, c'estoit bien l'aduis du senat, mais l'execution se faisoit par les Magistrats, qui n'estoiēt tenus d'obeir au senat, s'ils n'eussent voulu. combien que la iuste douleur qu'on auoit d'un si lasche & vilain tour commis à Rhege, faisoit cesser toute la puissance des loix. Et souuent en cas semblables on passoit la contrauention aux loix par⁸ souffrance. Mais outre cela, Papinian respond, qu'il ne faut pas auoir egard à ce qu'on fait à Rome, mais à ce qu'il faut faire. c'est pourquoy souuent les Tribuns du peuple empeschoiēt les entreprises du senat: & mesmes le Tribun Cornélius fist faire defense au senat de n'entreprendre rien de ce qui appartenoit à la majesté du peuple: ce que Dion n'eust pas escrit, si le senat n'eust fait plusieurs entreprises sus l'estat. Je sçay bien qu'on alleguera le dire d'un autre Iurisconsulte, *Senatum ius facere posse*. mais cela s'est dit de la puissance du senat, apres auoir eu iurisdiction ordinaire, comme nous auōs monsté cy dessus: combien que les edits des moindres Magistrats, Ædiles, & Tribuns, & mesme l'auctorité priuee des Iurisconsultes faisoit vne partie⁹ du droict, & passoit en force de loix: ores qu'ils n'eussent aucune puissance ny commandement quelconque. Si donques le senat, en l'estat populaire, n'a point de puissance ordinaire de commander, ny de rien faire que par souffrance, beaucoup moins l'auroit-il en l'estat Aristocratique, ou en la Monarchie, & d'autant moins en la

3. Dio. lib. 54.

4. Asconius in Cornelianam.

5. lib. 9.

6. lib. 1. cap. de Senatusconsult.

7. Polyb. lib. 6. Linius lib. 4.

8. Valer. Max. lib. 8. Appian. lib. 1.

9. l. non ambigitur de legibus. ff.

1. l. 1. in rerum amor. l. gallus. quod ius constitutum dicitur in d. l. 1.

2. Interpres Appiani
populum pro plebe
vertit. lib. i. bell. ciu.
& eodem errore la-
psum est Ottomanus
in cap. 2. de Re. Se-
natorib. nam Cor-
nelia lege ne ad ple-
bem quidem iniussu
Senatus rogationem
ferre licebat, quod
Pompeia lege abro-
gatum est. Plutar. in
Pompeio.
3. Ius senatorum. de
dignitatib. C.

La raison pour
quoy le Senat ne
doibt pas auoir
puissance de cō-
mander.

Monarchie, que les Princes sont plus ialoux de leur estat que le peuple. Et par ainsi quand on dit, qu'il n'estoit pas licite de presenter requeste au peuple, c'est à dire aux grands estats sans auoir l'aduis du senat : chose qui n'estoit pas necessaire pour presenter² requeste au menu peuple : cela n'empeschoit pas les Magistrats, apres auoir eu l'aduis du senat cōtraire au leur de s'adresser au peuple. La mesme responce sert aussi, à ce que dit Ioseph l'Historien, que Moysse defendit au Roy de rien faire en ce qui touche le public, sans l'aduis du senat & du Pōtife (combien que cest article ne se trouue point en toute la loy) il ne s'ensuit pas que le Roy fust tenu de suiure leur aduis. iacoit³ qu'ils appelle le premier senateur, & le chef de son conseil. car telles qualitez ne diminuent en rien la majesté : ores qu'il appellast les senateurs ses cōpaignons, ou ses bons maistres & seigneurs, comme Tibere qui appelloit les senateurs *indulgentissimos dominos*, ainsi que nous lisons en Tacite. & neantmoins en vn decret du senat raporté par Pline le ieune, nous lisons ces mots : *Voluntati tamen Principis sui, cui in nulla re fas putaret repugnare, in hac quoque re obsequi*. Aussi les senateurs, ou conseillers d'estat, à parler proprement, ne sont ny officiers ny commissaires, & n'ont autres lettres en ce Royaume qu'un simple breuet signé du Roy, sans feel ny cachet, portant en trois mots, que le Roy leur donne seance, & voix deliberatiue au cōseil, tant qu'il luy plaira : & le Roy mort, ils ont besoin d'un autre breuet : hors mis ceux qui pour leur qualité, ou charge en ce royaume, entrent au conseil. Et la raison principale pourquoy le senat d'une Republique ne doit pas auoir commandemēt, est que s'il auoit puissance de commander ce qu'il conseille, la souueraineté seroit au conseil : & les conseillers d'estat au lieu de conseillers seroient maistres, ayans le maniement des affaires, & puissance d'en ordōner à leur plaisir. chose qui ne se peut faire sans diminution, ou pour mieux dire, euerfion de la majesté, qui est si haute & si sacree, qu'il n'appartient à sugets, quels qu'ils soient, d'y toucher, ny pres ny loing. Et pour ceste cause le grand conseil de Venize, auquel gist la majesté de leur estat, voyant que les dix entreprenoiēt par dessus la charge à eux donnee, leur fist defense sur peine de leze majesté, de commander ny ordonner chose quelconque, ny mesme d'escire lettres qu'ils appellent diffinitives, ains qu'ils eussent recours à la Seigneurie, iusqu'à ce que le grand conseil fust assemblé. pour la mesme cause ils ont ordōné, que les six conseillers d'estat, qui assistēt au Duc, ne seroient que deux mois en charge, afin que la coustume de commander ne leur fist enuie de continuer, & aspirer plus haut. Toutefois si mes aduis auoient lieu, ie ne serois pas d'opinion qu'on chāgeast & rechangeast les conseillers d'estat, ains plustost qu'ils fussent perpetuels, comme ils estoient en Rome, Lacedemone, Pharsale, & maintenant à Geneue & aux Cantons des Suisses. Car le changement annuel qui se faisoit en Arhenes, & maintenant à Venize, Rhaguse, Luques, Genes, Nuremberg,

berg, & en plusieurs autres villes d'Alemaigne, non seulement obscurcist bien fort la splendeur du senat, qui doit reluire cōme vn soleil, ains aussi tire apres soy le danger ineuitable d'eunter & publier les secrets d'un estat. ioint aussi que le senat tout nouveau ne peut estre informé des affaires passées, ny bien continuer les erremens des affaires encommencees. qui fut la cause que les Florentins ordonnerent à la requeste de Pierre Soderin Gonfalonnier, que le senat de Lxx. seroit muable de six en six mois, horsinis ceux qui auoient esté Gonfalonniers, pour informer le nouveau senat des affaires. la mesme ordonnance a esté faite à Genes, de ceux qui ont esté Ducs ou Syndics. En quoy les Rhagusiens ont mieux pourueu à leur senat que les Venitiens, car à Venize le senat change par chacun an tout à coup : mais à Rhaguse, les senateurs qui ne sont qu'un an en charge, changēt les vns apres les autres, & non pas tous en vn an. C'est donques le plus seur que les senateurs soient en charge perpetuelle, ou pour le moins les senateurs du conseil particulier, comme estoit celuy des Areopagites.

DES OFFICIERS ET COMMISSAIRES.

CHAP. II.

L'OFFICIER est la personne publique qui a charge ordinaire limitée par edit. Commissaire est la personne publique qui a charge extraordinaire, limitée par simple commission. Il y a deux sortes d'officiers & de commissaires : les vns qui ont puissance de commander, qui sont appelez Magistrats : les autres de cognoistre, ou d'exccuter les mandemens : & tous sont personnes publiques : mais toutes personnes publiques ne sont pas pourtant officiers ou commissaires : comme les Pontifes, Euesques, Ministres sont personnes publiques, & beneficiers plustost qu'officiers : qu'il ne faut pas mesler ensemble, attendu que les vns sont establis pour les choses diuines, les autres pour les choses humaines, qui ne se doiuent point confondre. Ioint aussi que l'establissement de ceux qui sont employez aux choses diuines, ne dépend pas des edits ny des loix politiques, comme sont les officiers. Voyons donc si les definitions que i'ay posees sont bonnes, auparauant qu'entrer en la diuision des officiers : d'autāt qu'il n'y a personne, ny des Iurisconsultes, ny de ceux qui ont traité le faict de la Republique, qui ait dit au vray que c'est d'officier, ny de commissaire, ny de Magistrat. & toutefois c'est chose bien necessaire d'estre entendue, puisque l'officier est l'une des principales parties de la Republique, & qu'il est impossible d'imaginer Republique sans officiers ou commissaires. Et d'autant que les Republiques se sont premierement serui de commissaires que d'officiers, comme nous dirons cy apres, il est besoin de parler en premier lieu des commissaires, & de la difference qu'ils ont

Differēce des officiers, & commissaires.

1. Aristot. lib. 4. cap. 15.

2. lib. 4.

3. ἀρχὴν τὸ ἐπιτάτ-
τειν.

4. lib. 6.

5. In 2. lib. de iurif-
dict.6. Aristot. lib. 6. to-
pic.

avec les officiers.² Aristote dit, que le Magistrat est celuy qui a voix de-
liberatiue au senat & en iugement, & qui a pouuoir de commander. Il
appelle Magistrat *ἄρχων*, qui n'est propre sinon à ceux qui ont³ puissan-
ce de commander, & non pas aux officiers seruans, comme huissiers, ser-
gens, trompettes, notaires, qu'il met au⁴ rang de Magistrats, & qui n'ont
aucune puissance de commander: de sorte que sa definition demeure
courte pour ce regard. Encores est-ce chose plus absurde dire que ce-
luy n'est point Magistrat qui n'a entree au conseil priué, & voix delibe-
ratiue, & puissance de iuger: & s'il estoit ainsi, il n'y auroit point, ou fort
peu de Magistrats en toutes les Republiques, attendu qu'il y a si peu de
conseillers du priué Conseil és Republiques bien ordonnees, & entre
ceux-là pas vn qui ait voix deliberatiue sinon par commission: & ores
qu'ils ayent voix deliberatiue, ils n'ont point de commandement, ainsi
que nous auôs dit cy dessus. Quant aux Iurisconsultes il y en a peu qui
ayent touché ceste corde: & mesmes le Docteur⁵ Gouean confesse que
la definition du Magistrat luy a tousiours semblé difficile, & de fait il y
a failli, car il a dit que Magistrat est celuy à qui le Prince a donné quel-
que charge. en ceste sorte tous Commissaires seroient Magistrats:
mais le Docteur Cuias au premier chapitre de ses Notes, dit qu'il don-
nera trois definitiōs pour vne, outre celle d'Aristote, c'est à sçauoir, Ma-
gistrat est vne personne publique qui preside en iustice, ou bien qui
cognoist au siege de iustice, ou bien qui a iurisdiction & iugement pu-
blic: de sorte qu'à son conte il assigne quatre definitions avec celle d'A-
ristote. Or c'est droictement contre les maximes de tous Philosophes,
& contre les⁶ principes de Dialectique, qu'on puisse donner plus d'une
definition à vne chose: aussi est-il impossible par nature. Et si on veut
dire que plusieurs descriptions se peuuent donner d'une mesme chose:
il est bien vray, mais cent descriptions ne sçauroient esclaircir l'essence
ny la nature de la chose. Toutefois la faute, en termes de droict, est plus
notable, & mesmes en matiere de Magistrats & officiers, qui est l'ouuer-
ture du droict où les Iurisconsultes commencent: car la principale mar-
que du Magistrat, qui est de commander, y defect. & tous lieutenans de
Magistrats cognoissent, & president en iustice, & au siege de iustice, &
toutefois ne sont point Magistrats: & quant aux Euesques, ils ont iuge-
ment public, & siege en iustice, & cognoissance cōme les anciens Pon-
tifes, & les Cadis en Orient, & neantmoins ils ne sont point Magistrats,
attendu qu'ils n'ont aucun pouuoir de commander, ny de faire appeller
deuant eux, ny d'emprisonner, ny d'excuter leurs iugemens: aussi n'ont
ils ny sergent ny officier à qu'ils puissent commander, non plus que les
Cadis de Turquie, & les anciens Pontifes: cela est tout notoire. & d'ail-
leurs, tel a puissance de commander, qui n'a point de iurisdiction, ny de
cognoissance de cause, comme nous dirons tantost. Et qui plus est, les
commissaires des causes publiques extraordinaires deputez ancienne-
ment

mēt par le peuple Romain, que la loy appelle *Quæstores parricidij*: auoiēt comme à present les commissaires deputez par le Prince, puissance de cognoistre, presider en iustice, iuger, commander, contraindre, & toutefois ils n'estoient point Magistrats. S'il est ainsi, pas vne des trois definitions ne se peut soustenir. Et neantmoins il y a vne autre faute, de n'auoir point distingué les Magistrats des autres officiers, ny fait aucune difference entre l'officier & le commissaire. Charles Sigon^o, qui semble auoir plus curieusement recherché la definition du Magistrat, y a failli en plusieurs sortes: car il appelle Magistrats tous ceux qui ont charge publique des choses humaines, sans faire aucune difference des officiers & des commissaires, ny des Magistrats avec les autres officiers, qui ont aussi charge publique: puis il donne à tous Magistrats puissance de iuger, de commander, d'executer, & prendre garde au vol des oiseaux. Or il faut que la definition du Magistrat conuienne à toutes Republiques. I'ay dit que l'officier est personne publique: ce qui n'est point reuoqué en doute, car la difference du particulier à l'officier est, que l'un a charge publique, l'autre n'en a point. I'ay dit charge ordinaire, pour la difference des commissaires, qui ont charge publique extraordinaire, selon l'occasion qui se presente: comme anciennement le Dictateur & les commissaires pour informer des crimes donnez par le peuple à la requeste des Magistrats. I'ay dit limitée par edit, pour l'erection des charges publiques ordinaires, erigees en tiltre d'office. autrement ce n'est point office, s'il n'y a edit, ou loy expresse. Ce qui a tousiours esté gardé es anciennes Republiques des Grecs & Latins, & mieux à present que iamais: & à ceste fin les Princes font publier leurs edits es cours souueraines & subalternes des moindres offices. & en ce Royaume les lettres d'offices nouvellement erigees sont scellées en cire verte, & en las de soye verte & rouge, & le stile differēt, A tous presens & aduenir, &c. ayant trait perpetuel: ou les lettres patētes des commissions sont en cire iaune, en simple queue de parchemin, & qui n'ont iamais trait perpetuel. Et cōbien que tous les corps & Colleges soient ottroyez par le Prince avec charges limitées à perpetuité comme i'ay dit: si est-ce que si le Roy veut croistre le nombre du corps & College des iuges, ou autres Magistrats, voire des moindres sergēs, crieurs, trōpettes, arpēteurs, langayeurs, &c. il faut edit expres qui soit publié, verifié, & enregistré. & de fait tous les registres de la iustice en sont pleins. Quand ie dy trait perpetuel, cela s'entend aussi bien des offices qui sont annuels, que pour ceux-là qui les tiennent à vie: car l'office demeure tousiours, apres qu'il est vne fois erigé par edit, quelque temps qu'il soit prescript à l'officier, iusqu'à ce que par loix, ou edits, contraires il soit cassé: ores que l'office soit pour dix huit mois comme la censure, ou pour vn an, comme estoient tous les autres offices en Rome par la loy⁴ Villia: ou pour six mois, cōme estoient les Senateurs de Florēce, lors que l'estat estoit populaire, ou pour deux

o. lib 3. cap 5 de iud. prounciarum.

7. l. 2. de origine.

Edits & loix requises pour l'erection des offices.

4. Liuius lib. 40.

mois, cōme les six Conseillers de la Seigneurie qui assistēt au Duc de Venize: ou pour vn iour, cōme les Capitaines des deux forteresses de Rhaguse, muables par chacun iour. Mais en quelque sorte que les offices soient erigez pour estre charge ordinaire, & publique, il ne se peut faire sans loy. non pas qu'il soit besoin de parchemin pour escrire, ou de cire verte pour sceller, ou de Magistrats pour publier les edits touchant les erections d'office. car l'escripture, le scel, la verification ne font pas la loy, non plus que les autres⁸ actes & contracts. ains au contraire il n'y eut onques loix plus fortes, ny mieux gardees que celles des Lacedemoniens, que⁹ Lycurgue defendit d'estre escrites, & pour ceste cause on les appelloit Rhètes: les Atheniens auoient bien quelque forme de presenter la requeste au peuple, & si le peuple la receuoit elle passoit en force de loy, qu'on auoit accoustumé de grauer en bronze, & attacher à vn pillier. Ainsi quand il fut question d'eriger cent Senateurs nouveaux en Athenes des deux lignees nouuelles, à sçauoir de l'Antigonide & Demetriade, la loy en fut publiee au¹ peuple. ce qu'on faisoit en l'erection de tous autres offices, comme on peut voir en Thucydide, Plutarque & Demosthene. Nous ferons mesme iugement des Magistrats Romains: commel' erection de deux Consuls en tiltre d'office se fist par la loy² Iunia: l'erection des Tribuns par la loy³ Duillia. Et quand il fut question de faire l'un des Consuls roturier, cela se fist par la loy⁴ Licinia: & depuis par la loy⁵ Sextia il fut arresté qu'il y auroit vn Preteur pour tenir la iustice en Rome: & par la loy Cornelia quatre Preteurs pour les causes publiques & criminelles, outre les autres ja erigez: ce qui auoit bien esté fait par la loy⁶ Bæbia, mais ce n'estoit que de deux ans l'un, & non pas en tel nombre. Ainsi peut-on voir de tous les autres Magistrats erigez par les Empereurs qu'il y a tousiours edit expres, par lequel le tēps, le lieu, & la charge ordinaire sont limitez: comme en tout le premier & douziemes liure du Code, & aux edits de Iustinian, où chacun Magistrat a son edit particulier. J'ay misaussi en nostre definition ce mot de Charge ordinaire, par ce que les mandemens du peuple Romain, ottroyez par les commissions & charges extraordinaires s'appelloient aussi bien du nom de Loy, comme pour les offices ordinaires, & la charge, & le temps, & le lieu estoit limité par la commission: ainsi qu'on peut voir des commissions ottroyees aux Dictateurs, qui se faisoient quelquefois par ordonnance du peuple, comme j'ay monstré cy dessus: & la commission ottroyee à Pompee pour cinq ans, pour mettre à fin la guerre Piratique, & auoir commandement sur toutes les costes, & villes maritimes de la mer Mediterranee, luy fut ottroyee par la loy Gabinia: & la commission pour faire la guerre au Roy Mithridate, luy fut decernee par la loy Manilia. mais pourtant que ce n'estoient que charges extraordinaires, on ne peut appeller cela offices, qui sont ordinaires, & ont trait perpetuel. Et fait à noter, que le temps fut limité à cinq

ans

8. l. non figura. de actionib.

9. Plutarch.

1. Plutar. in Demetrio.

2. Dionys. lib. 4. Liuius lib. 2.

3. Dionys. lib. 10. Liuius lib. 3.

4. Liuius lib. 6.

5. Liuius lib. 6.

6. Liuius lib. 40. Festus lib. 16. in voce rogat. l. 2. de origine iuris.

ans pour le plus à la requeste de Catule : afin que pendant ce terme
 Pompee meit fin à la guerre, & qu'il ne la fist durer, pour estre touf-
 iours en charge. & si plustost la guerre estoit finie, sa commission expi-
 roit. par mesme raison la commission des Dictateurs estoit limitée à six
 mois pour le plus : & si plustost ils auoient mis fin à leur charge, la com-
 mission expiroit : comme nous auons monstre cy dessus par plusieurs
 exéples, qu'il y a eü des Dictateurs qui n'ont esté en charge qu'un mois,
 huit iours, un iour : comme on peut voir de la Dictature de Amylius
 Mamercus, lequel se demist volontairement, quitta sa charge le iour d'a-
 pres qu'il fut élu Dictateur, ayant satisfait à sa commission. Car autre-
 ment la nature des commissions est telle, qu'elle n'a ny temps, ny lieu,
 ny charge qui ne se puisse reuoquer : & n'aduiet quasi jamais que le téps
 soit limité es Monarchies, comme il se fait es estats populaires & aristo-
 cratiques, pour la crainte qu'on a que la commission avec grande puis-
 sance, ne tire apres soy vne oppression de liberté : comme firent les dix
 commissaires deputez par le peuple Romain pour corriger les coustu-
 mes anciennes, & faire chöis des loix les plus vtils : leur commission
 qui ne deuoit passer un an, estant expirée, fut par le peuple prorogée a-
 vec puissance absolüe, & tous les Magistrats suspendus durant la com-
 mission : ce qui leur donna occasion d'empieter l'estat, & le retenir la
 troisieme année par force. Et pour cela le peuple deslors erigea les offi-
 ces des Tribuns du peuple, gardes de la liberté, pour demourer touf-
 iours en leur office, iacöit que tous les autres Magistrats fussent suspen-
 dus par la commission du Dictateur. A quoy les Florentins ne reme-
 dièrent pas, quäd ils faisoient dix commissaires de quatre en cinq ou six
 ans, avec puissance absolüe, & suspension de tous Magistrats, sans prefi-
 xion de temps pour ordonner la Republique, & corriger les abus. Par
 ce moyen les factieux occuperent l'estat en effect, ores qu'en apparen-
 ce ils fissent beau semblant de s'en despoüiller. car la suspension de tous
 Magistrats donne puissance infinie aux commissaires, & ne se peut fai-
 re sans danger, si ce n'est en la Monarchie. comme il se fist en ce Royau-
 me pendant la regence de Charles v. qui deputa cinquante Commissai-
 res reformateurs en tout le Royaume, à la requeste des Estats qui lors
 furent tenus à Paris : pour estre par eux informé des abus des officiers,
 qui furent tous suspendus. Et pour entendre plus aisément la difference
 de l'office & de la commission, il se peut dire aucunement que l'office est
 comme vne chose empruntée, que le propriétaire ne peut demäder que
 le téps prefix ne soit expiré : & la commission est cöme vne chose qu'on
 a par soufrance, & par forme de precaire, que le seigneur peut deman-
 der quand bon luy semble. c'est pourquoy Tacite parlant de l'Empire
 de Galba, qui ne dura que trois mois, & quäd on ne l'eust point tué bien
 tost il fust mort croulant de vieillesse, il dit qu'il auroit l'Empire par for-
 me de cömission : *Precarium seni imperiũ & breui transiturum.* mais la cö-

4. Liuius. lib. 6.

 6. Festus in verbo a-
 ptima lege.

2. lib. 17.

mission est de telle nature, qu'elle expire aussi tost que la charge est ex-
 cutée: ors qu'elle ne soit reuouuee, ou que le temps fust otroyé plus lōg
 que l'exécution: & neantmoins peut estre reuouuee toutesfois & quātes
 qu'il plaist à celuy qui l'a⁷ decernée, soit la chose entiere ou non: cōme
 nous auons mōstré cy dessus par l'exēple des Dictateurs. Et à ce propos
 il y a vn ancien arrest de la Cour, extrait du registre coté o l i m. donné
 contre les Huissiers enuoyez aux grands iours de Troye, lesquels n'e-
 stoient point du corps de la Cour: & neantmoins la cōmission des grāds
 iours expirée ils se portoient pour Huissiers, il fut dit par arrest qu'ils
 n'estoient point officiers. Ie demeure sur ce poinct, qui semble, peut
 estre à quelques vns exercer aux affaires sans difficulté (car quant aux
 Iuriscōsultes qui ne bougent des escholes ils sont excusables) & tou-
 tesfois les deux plus grands Orateurs de leur aage, c'est à sçauoir, Æschine
 & Demosthene, fondoiet en partie l'estat de leurs harangues, & plai-
 doyez sur ce poinct. Car Ctesiphon ayant présenté requeste au peuple,
 à ce qu'il luy pleust faire couronner Demosthene en plein theatre d'vne
 couronne d'or, pour ses merites enuers la Republique, & mesmement
 pour auoir vaqué à fortifier les murailles, & autres places fortifiables de
 la ville d'Athenes: Æschine empescha l'enterinement de la requeste, &
 pour ses causes d'opposition disoit, que par les ordonnances il falloit au
 preallable rendre cōpte au peuple, comme tous Magistrats estoient
 tenus. Demosthene ayant pris la cause respond, que l'ordonnance ne
 parloit que des Magistrats: & que la charge de fortifier, & reparer les
 murailles n'estoit point Magistrat, ains seulement vne simple commis-
 sion, qu'il dit en son vulgaire, *ὅτι δὲ χὼ εἶναι δὴν ὅτι μέλει αὐτῶν, καὶ ἀφ' ὧν*
ῆται, ce que les Latins proprement appellent *Curatio*, c'est à dire, commis-
 sion. Il ne se faut pas esbahir si Demosthene a sceu bien distinguer, &
 mettre la difference en la commission & l'office, ce qu'Aristote a cōfon-
 du partout. Aussi l'vn auoit tousiours manié les affaires: l'autre, dit^s Laer-
 ce, ne s'en estoit iamais entremis. C'est pourquoy Nicolas Grouche, &
 Charles Sigon pour n'auoir entēdu la difference de l'office & de la com-
 mission, se sont si fort trauallez par replices & dupliques, sans pou-
 uoir sortir des contrarietez qu'ils ont posé sans propos, & qui seroient
 longs à refuter par le menu. mais i'espere que le tout sera bien esclarci à
 celuy qui aura leu ce liure. Icy, peut estre, dira quelqu'vn, que les Com-
 missaires de Chastelet, & des Requestes du Palais sont officiers: com-
 ment se peut-il donc faire que l'office & la commission ne soient tout
 vn: A cela ie responds, que d'ancienneté ce n'estoient que simples com-
 missions, qui depuis pour l'vtilité qui en resultoient furent erigez en til-
 tre d'offices ordinaires & perpetuels, demeurant neantmoins le pre-
 mier nom de Commissaires par abus, ou pour l'honneur de la Cour, qui
 cognoist des appellations intergettees de leurs iugemens: & qui leur cō-
 mettoit anciennement la cognoissance qu'ils ont à present. car si ce n'e-
 stoient

7. l. & quia de iuris-
 dict. & sequent.

Different entre
 Æschine & De-
 mosthene.

8. idem πάντες ἀ-
 πειροκάλους τῶν πο-
 λιτείων πραγμάτων
 vocat Philosophos
 quorum vitas descri-
 bit.

stoient encores que simples Commissaires de la Cour, elle pourroit les renvoyer, ce que le Roy mesmes ne peut faire, sinon és trois cas de l'ordonnance de Loys x. comme tous les officiers de ce Royaume. Non pas que la commission soit incôpatible avec l'office, car la pluspart des commissions ne s'adressent sinon aux Magistrats, mais l'officier ne peut estre Commissaire en qualité d'officier, pour la mesme charge limitée par son office. Car les commissions, qu'on appelle excitatives, adressant aux officiers, pour chose qui est de leur office, ne sont point proprement commissions, si le ⁶ temps ou le lieu n'est alteré par la commission: côme de juger les derniers procez, & laisser les premiers, par ce que le temps, & l'ordre porté par les edits est alteré par auctorité du Prince ou du Magistrat, alors c'est commission. Or la difference est si notable, que les ⁷ Jurisconsultes tiennent, que si l'officier a jugé du fait porté par la commission en qualité d'officier, le jugement est nul. mais cela s'entend de chose qui ne touchoit point son office. car s'il y a concurrence de la commission excitative, avec la charge portée par l'erection d'office, la cognoissance ordinaire est preferable à la commission, tout ainsi que la qualité de l'officier est preferable au Commissaire: & les actes des officiers plus assurez que des Commissaires: & par ainsi en telle concurrence, si l'officier commis en chose qui est de sa charge, n'a point déclaré en quelle qualité il cognoissoit, l'acte sera pris comme de l'officier, afin qu'il soit plus ⁸ ferme & plus stable. joint aussi que les commissiōs & charges extraordinaires sont odieuses, si ce n'est pour cognoistre des abus des officiers, côme il se fait à Venize de cinq aus en cinq ans, & à Genes tous les ans, où les Syndics sont deputez Commissaires, pour cognoistre des abus comis par les magistrats & officiers (ce qui estoit anciennemēt en Athenes attribué à certains Magistrats ordinaires) ou pour decider les procez multipliez pendāt les guerres ciuiles, comme fist Vespasian l'Empereur, ainsi que dit Suetone: ou bien pour cognoistre des choses qui touchēt la pluspart des officiers, ou bien tout vn corps & college: en ce cas les cōmissions sont necessaires. & me souvient que le Roy Charles I. ayant decerné ses lettres patentes l'an M.D.LXX. pour la reformation generale des eaues & forests de Normandie, qui tiroit apres soy la cognoissance du plus beau de son domaine, les Presidens & Conseillers du Parlement de Roüan furent interdits d'en cognoistre, & cōbien qu'ils eussent remué ciel & terre pour empescher l'interdictiō, si est-ce qu'en fin ils l'accorderent, apres que ie leur eu présenté les iussions reiterees, & que ie tenois en procez xxi. Conseillers, & le premier President à partie, pour les cas resultans de la commission: & tout le corps de la ville de Roüan, pour les droicts qu'ils pretendoient contre le Roy, & que c'estoit la cause pour laquelle j'auois obtenu l'interdictiō. Mais pour esclarcir briefuement toutes les sortes de Commissaires: soit pour le gouuernemēt de prouinces, ou pour la guerre, ou pour la iustice, ou pour les finances, ou

6. l. de variis cogni. Jacob Burdigar. in l. qui procuratorem princip. de procur. Lafrac. in reper. ca. quoniam contra. de probar. dd. in l. & quia. de iurisdic. Fe. li in cap. licet de offic. ordin. Angel. cōsil 137.

7. Bald. Io. Andr. Pannor. Felin Cardinal. in cap. cum ex officij de prescript. ext.

8. argu. l. 3. de milit. testa. l. societatem. §. arbitrorum. & ibi dd. Bald. in l. si miles. de testa. milit. Felin. in d. cap. cum ex officij.

Toutes sortes de commissions.

3. la iudice. de iudic.
C.

9. authent. adhuc de
iudic. C. cap. vi. debi-
tus. de appel. cap. su-
per questionum. de
offic. de legat. Io.
And. & Panor. in ca.
cum Bartoldus. de
re iudic. post Inno-
centium & Hostien-
sem. Bartol. in lino-
re. de iurisd. Anser.
in decis. capel. To-
los.

1. lib. 9.

pour autre chose qui concerne l'estat, nous dirons que les commissions sont emanees du Prince souverain, ou des magistrats, ou des commissaires deputez par le souverain. les Commissaires sont officiers ou particuliers. si la commission s'adresse aux officiers, ou bien c'est chose qui leur est attribuee par l'erection de leur office, ou qui ne leur appartient point. Et en quelque sorte que ce soit ou à l'officier, ou bien au particulier, la commissiō est decernee pour cognoistre & passer outre par dessus l'appel, ou pour deferer à l'appel deuolu au Prince souverain, si la commission est emanee de luy, ou aux Magistrats nommez par la commission: ou bien le cōmissaire est delegué par celuy que le souverain a député, comme il est permis quelquesfois par la commission, pour l'instruction des affaires ou des procez, iusques à sentence⁹ diffinitive exclusivement ou inclusiuemēt, sauf l'execution s'il en est appellé. ou bien les Cōmissaires sont establis par les Magistrats, pour cognoistre du fait ou du droit, ou de l'un & l'autre ensemble, sans aucune puissance de commander, ou avec pouuoir & commandemēt. Ceste diuision se rapporte à tous Cōmissaires en quelque forme de Republique que ce soit. Cela se peut voir en l'estat des Romains, où le fait de la guerre, & le gouvernement des pays & prouinces nouvellement conquisees appartenoit aux magistrats & officiers ordinaires, à sçauoir aux Consuls, Preteurs, Questeurs. Mais lors que l'Empire des Romains fut estendu hors l'Italie, alors on commença à deputer des Commissaires pour gouverner les prouinces au lieu des magistrats ordinaires: qu'on appelloit Proconsuls, Proprateurs, Proquesteurs: c'est à dire, commis ou lieutenans des Consuls, des Preteurs, des Questeurs. comme on peut voir en Tite Liue, lequel parlant de Philon, qui fut le premier Proconsul, *Actum cum Tribunis Plebis est ad populum ferrēt, ut cum Philo consulatu abiisset, pro Consule rem gereret.* & telles commissions estoient le plus souuent par souffrance du peuple ottroyees par le Senat, à ceux qui auoient sorti de leurs offices: lesquels s'accordoient ensemble pour le gouvernement des prouinces, ou s'ils ne pouuoient tomber d'accord, ils gettoient au sort, ce qu'ils disoient, *Comparare inter se, aut sortiri.* si ce n'estoit que la charge & commission fust de telle consequence, qu'elle meritaist estre decernée sans sort, à quelque grand capitaine que le Senat nommoit: ou il y auoit brigues & factions, le peuple ottroyoit la commission à la requeste des Tribuns: comme il se fist à Scipion l'Africain, auquel le peuple ottroya la commission pour faire la guerre en Espagne & en Afrique, & par ce moyen faire quitter l'Italie aux ennemis. Et semblable commission fut ottroyee au capitaine Paul Æmyl, sans getter au sort pour faire la guerre contre Perseus Roy de Macedoine: & à Pompee contre les Pirates, & contre Mithridate. & le peuple pouuoit nōmer qui bon luy sembloit, iāçoit qu'on eust getté au sort, ce qui n'aduenoit pas souuent: car ordinairement on gettoit au sort, ceux qui auoient esté l'annee prece-

precedente Consuls, Preteurs, & Questeurs. & d'autant que la charge de faire la guerre à Mithridate tomba par sort à Sylla, Marius suborna vn Tribun du peuple pour la voller à Sylla, affin qu'il l'emportast. qui fut cause de la plus cruelle, & sanglante guerre ciuile qui fut onques. Et en cas semblable pour le fait de la Iustice, quand il estoit question de quelque cas enorme, le peuple ottroyoit la commission au Senat, & le Senat commettoit quelques vns de son corps, non seulement pour l'instruction, ains aussi pour faire & parfaire le procez. comme il se fist du Preteur L. Tubullus Iuge des meurtres, qui auoit commis tant de concussions, que le peuple laissant la voye ordinaire, & les magistrats à qui en appartenoit la cognoissance, renuoya le tout au¹ Senat par commission extraordinaire: & le Senat deputa Cn. Scipion pour le iuger. comme en cas pareil quand il fut question des ports d'armes, & meurtres aduenus entre les habitans de Noncer, & les Pompeians, l'Empereur Neron donna la commission au Senat, & le Senat deputa les² Consuls. Quelquesfois le Senat sans commission du peuple, & comme par main souueraine donnoit Commissaires, si le cas dont estoit question, auoit esté commis en Italie hors le territoire de Rome: comme chose appartenant au Senat, priuatiuement à tous autres, ainsi que dit^o Polybe, comme il aduint d'une volerie estrange, & meurtre cruel, duquel parle Ciceron au liure des nobles Orateurs, où il dit que le Senat deputa les Consuls pour en cognoistre. Or il appert par les exemples cy dessus deduits, que les Commissaires deputez par le souuerain, soient magistrats ou particuliers, peuuent³ commettre, s'il n'est expressément defendu par la commission: ou qu'il soit question¹ de l'estat en la commission: comme les Ambassadeurs, ou deputez pour traiter paix, ou alliance ou autre chose semblable. ou qu'il soit question de la vie, ou de l'honneur de quelqu'un: qui est le cas de² Papinian. Depuis l'Empereur Iustinian ordonna par forme d'edit⁴ perpetuel, que les commissaires deputez par le souuerain ne pourroient commettre que l'instruction des procez, & qu'ils cognoistroiét du fait, s'il en estoit appelé. Mais pour obuier à tout, le plus seur est de reigler les Commissaires par la commission, comme il se fait es Republiques bien establies. Et combien qu'on peut faire plusieurs questions, touchant les commissions decernees, tant par le Prince souuerain que par les magistrats, toutesfois ie n'en toucheray que deux ou trois qui sont necessaires d'estre entendues par ceux qui ont le maniemment des affaires, soit en guerre ou en paix. Laisant donques toutes disputes pour abreger, nous dirons que la commission cesse, si celuy qui l'a ottroyee vient à⁵ mourir, ou qu'il reuoque⁶ la commission: ou que le Commissaire pendant sa commission obtiene office, ou magistrat esgal à celuy qui a decerné la commission. Or la reuocation expresse, portee par lettres du⁷ Prince, touche aussi bien les⁸ ignorans, comme ceux qui en sont aduertis. Et combien

1. Cicero lib. 2. de finib.

2. Tacit. lib. 14.

o. lib. de militari ac domestica Rom. disciplina.

3. la iudice. de iudic. C. 3.

1. Bald. in l. 1. de iure aureo. annul. C. & in l. scripta. de precib. imperatori. C.

2. l. 1. de offi. eius cui mandata.

4. auth. ad hanc. de iudic. cap. super questionum de offi. deleg. cap. statutum & ibi glo. de rescript. Io. Andr. & Panor. in cap. cum Beroldus de re iudic.

5. l. si quis alicui §. morte. mandat.

6. l. iudicium soluitur. de iudiciis. l. & quia de iurisdic.

7. Panor. Butrio. Dominicus Felin. in ca. ceterum. Innocentius in cap. cum contingat. de rescript. ext.

8. cap. dudum. cap. penul. de prebend. lib. 6.

que les actes du commissaire qui est ainsi reuoké, au parauant la signification à luy faicte, tiennent pour le regard des particuliers, enuers lesquels le Commissaire a executé sa commission, & mesmemét s'ils ont procedé volontairement sçachât bien, quant à eux, que la commission estoit reuokée : toutesfois enuers les autres, les actes du Commissaire, depuis la reuocation ² n'ont point de force, par la rigueur de droict : & neantmoins la raison equitable veut qu'ils y soient tenus, iusques à ce qu'ils ayent esté aduertis de la reuocation. Car tout ainsi que le Commissaire n'a point de puissance, iusques à ce qu'il ait receu & ³ accepté la commission : aussi la commission dure, si la reuocation n'est signifiée : ou du moins que le Commissaire sçache qu'il est reuoké. C'est pourquoy ³ Celsus disoit, que les actes du gouuerneur de Prouince, sont bōs & valables, si le commissaire ne sçait qu'il est reuoké : quoy que le Pape ⁴ Innocent fust d'aduis que cela n'a point de lieu, quand il y va de l'honneur, ou de la vie, & qu'il soit suiuy de plusieurs, ⁵ si est-ce toutesfois qu'il a varié ⁶ d'opinion. Et combien qu'il fust Pape & Prince souuerain, & sçauant Iuriconsulte, si est-ce qu'il declara qu'il ne vouloit pas qu'on s'arrestast à ce qu'il auoit escript, si n'y auoit raison bonne & vallable. Mais pour oster toutes ces difficultez anciēnes, les secretaires d'estat ont accoustumé d'aposer aux commissions, & presqu'en tous mandemens, & lettres patētes, ceste clause **D V I O V R D E L A S I G N I F I C A T I O N D E C E S P R E S E N T E S.** qui est & doibt estre entendue, ores qu'elle fust omise : Voila quant à la reuocation expresse. Aussi finist la commission par ⁷ la mort de celuy qui l'a ottroyee, soit Prince ou Magistrat, pourueu toutesfois que la chose soit entiere : autrement le Commissaire peut continuer ce qu'il a encommencé sans fraude. car combien que le Commissaire ne fust pas aduertí de la mort du Prince par denonciation expresse, neantmoins qu'il sceust bien estāt les choses entieres, il ne peut ⁸ rien entreprendre. Quand ie dy la chose entiere, cela s'entend qui ne se peut laisser sans preiudice du public, ou des particuliers. comme en matiere de iustice, si les parties ont contesté, la chose n'est plus entiere, ains les commissaires peuuent & doibuent paracheuer ce qu'ils ont commencé, soit que le Prince, soit que le Magistrat les ait ⁹ commis : ou en termes de guerre, si la bataille est rangee deuant l'ennemy, & que la retraite ne se peult faire sans peril euidēt, le Capitaine en chef ne laissera pas à donner la bataille, apres qu'on luy aura fait sçauoir la mort du Prince. Toutesfois les commissions emanees du Prince, ou lettres de cōmandement, sont en cela differentes des autres lettres Royaux, qu'on appelle lettres de iustice, car celles cy demeurent en leur force & vertu : les mandemens expirent apres la mort du Prince. neantmoins le Prince nouveau peut auoir pour agreable & ratifier (comme il fait souuent) les actes de ceux qui ont continué la chose entiere apres la mort de son predecesseur : ce que les magistrats ne peuuent faire enuers les cōmissaires

9. cap. ex literis. de offi. deleg. Innocēt. Butrio. Imol. Panor. Felin. in d. cap. ceterum.

1. Imola. in d. cap. ceterum latiss.

2. iudicatum decisio. rotæ in nouis 459.

Archidiacon. in cap. sæpe. de offi. deleg.

3. l. si forte de offic. præsid. ff.

4. Innocētius in cap. qualiter. de accusat. ext.

5. Bartol. in l. Barbarius de offi. prætor. nu. 18. Roman. in l. is cui. de verb. oblig.

Cardinal. consil. 115. Roman. singul. 60.

6. Innocent. in cap. ex conuestione de restitut. spoliat. Archidiacono. sequit. in cap. 3. de probat. ext.

7. l. & quia. de iurisdic. Io. Andr. Bald.

Imol. Hostiens. Panor. in cap. cum venissent de testib. Angel. in l. 1. de iurisdic. Bart. in d. l. & quia l. inter. l. si quis alicui. l. mandatum. mandati.

8. argu. l. eius si certum. & l. si ego §. 1. de iure dot.

9. l. venditor. de iudic. cap. 1. de offic. de legat. l. ubi capium de iudi.

res baillez par eux: car les ratifications, en terme de iustice, ne sont iamais receuables. Or ce que nous auons dit des commissaires, n'a point de lieu pour le regard des officiers: car leur puissance ne finist point pour la mort du Prince: ores qu'elle soit aucunement tenuë en soufrance, & comme suspenduë, iusques à ce qu'ils ayent lettres du nouveau Prince, ou confirmation d'iceluy pour continuer en leurs offices.

1. l. obseruare sine. de offi. proconsul. & in cap. ex parte decani. de re script. ext. Molin. in tit. de censib. in consuet. Paris. §. 52. glo. 1. nu. 13.

Et pour ceste cause le Parlement de Paris apres la mort du Roy Loys XI. ordonna que les officiers continueroient en leur charge, comme ils auoient fait auparauant, attendant la responce du nouveau Roy: suyuant vn ancien arrest donné au mois d'Octobre M. CCCC LXXXI. en cas pareil. Aussi le Parlement de Toulouse apres la mort de Charles VII. en ordonna autrement que le Parlement de Paris, c'est à sçauoir qu'on ne donneroit audience, ny arrest iusques à ce qu'on eust lettres du nouveau Roy. neantmoins si suruenoit affaires, que la Court y procederoit par lettres & commissions intitulees, Les gens tenans le Parlement Royal de Toulouse, avec le seel de la Cour sans faire mention du Roy. mais d'autant que le Roy venant par droit successif vse de sa majesté au parauant qu'il soit sacré, comme il fut iugé par arrest du Parlement de Paris, le XIX. Avril. M. CCCC XCVIII. il n'appartient pas aux officiers, ny aux Parlemēs, ny au Senat de proceder en autre qualité que d'officiers du Roy, & sous sa puissance, lettres, nom, & seel: ce qu'ils pourroient faire estant le Royaume electif, comme il se fait en Polongne & Danemarc. Et neantmoins il est tout notoire, que les commissions & charges de commissaires expirent apres la mort du Prince, soit qu'il vienne par droit d'election ou de succession. En quoy plusieurs se sont fort trauallez pour chercher la 2^e raison, & en fin se sont resolus & accordez en ce point, que c'est d'autant que les offices sont fauorables, & les commissions odieuses: ou bien que la voye ordinaire, comme ils disent est fauorable, la voye extraordinaire odieuse. ce qui ne peut auoir lieu, soit pour la punition des crimes, qui est le plus souuent extraordinaire, & la plus fauorable: soit pour la faueur des personnes, ou des faits qui meritent qu'on vse de la voye³ extraordinaire. Les autres ont pensé que c'est d'autant que le Prince ne meurt point: ce que nous auons refuté cy dessus: ioint que cela ne peut auoir lieu es Royaumes qui viennent par election, combien qu'anciennement en ce Royaume mesmes, le Prince n'estoit point appelé Roy deuant qu'il fust sacré, comme du Tillet a remarqué. Dauantage si ceste raison estoit receuable, il s'en suyuroit es Republiques populaires & Aristocratiques, que les commissions seroient perpetuelles, car le peuple ny les seigneurs en corps ne meurent iamais, s'ils n'estoient tout à coup exterminés. Mais la raison de ceste diuersité prouient de ce que les offices sont perpetuels, ou pour le moins ont tousiours temps limité, & sont fondez en edict avec puissance de continuer la charge: où les commissions cessent, estant

Arrests differēds des parlemēs de Paris, & de Toulouse.

2. dd. in cap. fin. de offi. deleg. & in cap. gratum eod. Bart. in l. 1. de iudic. Cuneus. Alberic. Castrenf. Bald. in d. l. ejus qui. si certum.

3. l. 1. de variis & extraord. cognit.

4. l. proponatur. de iudic.

la charge executée & n'ont aucun appuy de loix, comme nous auons dit. Car quant à l'arrest de la Cour qu'on met en datte du vi. Octobre M.C.C.C.LXXXI. par lequel il fut dit, que les mandemens Royaux sont de pareil effect, apres que deuant la mort du Roy, cela s'entend si la charge est commencee à executer. Et par ainsi quand l'office est annuel, si le Prince meurt deuant l'an, l'officier neantmoins paracheuera l'annee de son office: ou si est perpetuel, il continuera tant & si longuement que la loy luy permet: par ce que l'office ne depend point d'un simple mandement reuocable, ou d'une charge qui ne peut recommencer: ains il est appuyé sus vne loy receüe, publice, verifiée, enregistree: de sorte que l'office ne peut estre supprimé que par edict, & loy contraire: comme quand il fut question de supprimer les Tribuns militaires, qui auoient puissance consulaire, cela se fist par la loy Licinia. & quand le cinq & sixiesme president du Parlement de Paris furent supprimez l'an M.D.XLIII. cela se fist par edict expres, comme on peut voir aux registres faits au temps du Roy François liure v. fol. LXXXV. vers. & fol. LXXXIX. par edicts particuliers, tout ainsi que par edict general fait par Charles IX. à la requeste des estats d'Orleans M.D.LX. tous offices erigez depuis la mort du Roy François furent supprimez. Et quelquesfois grand nombre d'officiers sont erigez tout à coup: comme par edict publié en Parlement au mois d'Auril M.D.XLIII. on erigea soixante sergens. & les iuges criminels furent erigez en tout le Royaume par edict de l'an M.D.XXVII. Cela est si estroittement gardé en ce Royaume, que mesmes les clerks du Greffe de Parlement furent erigez en tiltre d'office par edict expres, & depuis supprimez par autre edict à l'instance du Greffier en chef au mois de May M.D.XLIII. & mesmes il se trouue es registres de la Cour erection en tiltre d'office d'un langueur de pourceaux par edict expres, verifié au mois de Juillet l'annee mesme. Aussi les successeurs en l'office erigé par edict, n'ont plus de besoin de nouuel edict, ny de lettres à cire verte. Et pour ceste cause les commissions du Prince adressées aux officiers en qualité d'officiers, continuent en leurs successeurs: ce qui ne se pourroit faire si la commission s'adressoit en leur propre & priué nom, pour le choiz expres qu'on fait des personnes. Encores y a il d'autres differences entre l'officier & le commissaire, d'autant que la puissance des officiers outre ce qu'elle est ordinaire, est tousiours plus auctorisée & plus estendue que la commission. c'est pourquoy les edicts & ordonnances laissent beaucoup de choses à la religion & discretion des magistrats, qui ployent & interpretent equitablement les loix, selon l'occurrence & l'exigence des cas qui se presentent. mais les commissaires sont bien autrement obligez & attachez aux termes de leurs commissions: & mesmement où il est question des affaires d'estat: comme es charges & commissions des Ambassadeurs, ou deputez pour negotier entre les Princes, les commissaires

5. Bart in l. terminatio. de fructib. & litiū expens. C. Panor. in cap. i. quod metus. Felin. in cap. quoniam. de offi. deleg. 6. Argu. l. inter artifices de solu.

2. l. penult. de iustitia.

missaires ne peuvent passer vn seul traitt de la leçon qu'ils ont par escrit, si ceste clause (qu'on met souuent és charges & instructions des Ambassadeurs, & deputez pour traiter avec les Princes) n'y est apposee, c'est à sçauoir, SELON LES PERSONNES, & qu'il verra les matieres disposees, pourra adiouter ou diminuer à sa creance, selon sa prudence & discretion. qui est semblable à la clause de laquelle parle l'Orateur Eschines, au plaidoyé qu'il a fait pour la defense de sa legation, où il dit, que ceste clause inseree en la commission des Ambassadeurs, Qu'ils facent tout ce qu'ils verront estre au profit public, cela, dit il, ne s'entend pas des charges speciales. Aussi la clause que i'ay dit ne s'entend pas aux obligations & resolutions principales des traittez, ains aux accessoiress de moindre importance : comme sil est question de transiger, ou quitter quelque droit, cela ne peuvent ils faire sans mandement special : veu mesmemēt qu'és moindres affaires des particuliers, vn procureur ayant mandement general, avec pleine & entiere puissance, ne peut neantmoins rien donner, quitter, aliener, transiger, ny deferrer, ny referer le serment à personne, sans charge speciale : beaucoup moins se doit-il faire és choses qui touchent le public, & mesmement qui concernent l'estat : combien que sil passe sa charge le tout se puisse confirmer par^r ratification, pour le regard seulement de celuy qui ratifie. Et iacoit qu'és affaires des particuliers, celuy se peut dire auoir^r bien & deuement executé sa charge, qui a mieux fait qu'on ne luy auoit dit : si est-ce qu'aux affaires d'estat cela n'a pas tousiours lieu : & le soldat qui a combattu, ou le Capitaine qui a donné la bataille contre la defense à luy faicte merite^r la mort, ores qu'il ait emporté la victoire : comme fist bien cognoistre Papyrius Cursor Dictateur au colonnel de la cheualerie, qui auoit tué x. mil des ennemis, sans auoir perdu cent soldats, contreuenant aux defenses qui luy estoient faictes. Aussi Cesar^r parlant d'un sien Capitaine nommé Syllanus, dit qu'il fist bien & sagement de ne donner la bataille, ores qu'il fust certain d'emporter la victoire : par ce que, dit-il, ce n'est pas au Capitaine de passer par dessus les defenses à luy faictes. Et tant s'en faut qu'on doibue rien faire en matiere de guerre contre les defenses, que mesmes le Capitaine lieutenant d'autrui ne doit donner la bataille, sil ne luy est expressement commandé. qui fut la cause que le Comte d'Aiguemond fut en danger, & eut vne reprimende d'auoir donné la bataille au Marschal de Termes, biē qu'il eust eul la victoire : parce qu'il auoit ioué au hazard tout l'estat du bas pays sil eust perdu la bataille. Mais ce dernier poinct s'entend des capitaines qui n'ont point de charge de commander en tiltre d'office. car l'officier comme le Consul, le Connestable, le Capitaine en chef, erigé en tiltre d'office, pour auoir plein commandement sus l'armee & faire la guerre, peut en vertu de son office, & sans attendre mandement special, faire la guerre aux ennemis declarez, les

7. l. contra. §. ult. de pactis. l. transactio- nis. de transac. l. mādato. de procurat. l. procurator totorum eod. l. iusiurandum §. ult. de iureiuran. l. 3. de acceptil.

8. l. quod si de speciali. de minor. vbi Bald. l. penult. rem ratam. l. hoc iure de regul. l. ult. ad Macedo. C.

9. l. si quis mihi bona §. sed si mandauit de acquir. hered. vbi Bart. & Imol. Iaso in l. puberem. de iure deliberan. l. 5. l. fideiussor. & seq. mādatur. l. 1. 3. de re milit. 2. lib. 1. belli civil.

pourfuiure, donner la bataille, affieger, & prendre fil peut les forteref-
 ses, & difpofer de l'armee à fa difcretion : fil n'y auoit defenſes particu-
 lieres du ſouuerain, par leſquelles ſa puiſſance fult ſuſpendue : mais
 ayant pris les places fortes, ou les chefs des ennemis, il ne les peut ren-
 dre ſans mandement ſpecial. Vray eſt qu'és Republiques populaires
 ces poiiſts icy ne ſont pas, auſſi ne peuuent ils eſtre gardez à la rigueur :
 ains ſouuent il aduient que les capitaines diſpoſent des plus grandes
 affaires, ce qu'ils ne pourroient faire en la monarchie : pour la diffe-
 rence qu'il y a d'auoir l'aduiſ & volonté d'un Prince, ou d'un peuple :
 d'un homme, ou de trente mil : comme on peut voir à tout propos en
 Tite Liue : où les commiſſions eſtoient decernées bien fort amples :
 comme en la guerre contre les Hetruſques, on donna toute puiſſan-
 ce à Fabius. ³ *Omnium rerum*, dit-il, *arbitrium*, & à ſenatu, & à populo, & à
 collega Fabio Conſuli permiſſum. & en autre, ⁴ *initio liberum pacis, ac belli ar-*
bitrium permiſſum. Et toutesfois encores gardoient ils ceſte difference
 entre les officiers & les commiſſaires : que les Conſuls, Preteurs, & au-
 tres ayans pouuoir de faire guerre en vertu de l'office, eſtoient aduouez
 de leurs actions ſans autre ratification, ſils n'auoient entrepris les cas
 concernans la majeſté, que nous auons cottez cy deſſus : mais ſi les com-
 miſſaires paſſoient leur commiſſion, il eſtoit neceſſaire de faire ratifier
 leurs actions : comme Pompee ayant eu la commiſſion contre Mithri-
 date paſſa bien plus outre, & entreprit la guerre contre pluſieurs au-
 tres peuples : donnant & oſtant les Royaumes, eſtats, & villes par luy
 conquiſtes à qui bon luy ſembla. & combien que le peuple ne vou-
 luſt rien caſſer, ny reuoquer des choſes par luy maniees, toutesfois a-
 pres ſes triumphes il fiſt pluſieurs fois inſtance au Senat d'auoir pour
 agreable ce qu'il auoit fait : & d'autant que le Senat en faiſoit difficulté,
 vſant de longues remiſes en ſon endroit, il print alliance en la maiſon
 de Ceſar, pour ſe fortifier l'un l'autre contre ceux qui les vouldroient
 rechercher. car combien qu'il euſt commiſſion generale, & en ce cas
 que le tout fuſt à ſa diſcretion, ſi eſt-ce neantmoins que la clause gene-
 rale des commiſſions, ſe doit regler en ſorte qu'on face le profit de la
 Republique : mais celà n'emporte pas puiſſance de rien faire au dom-
 mage du public : ce qui ne ſeroit pas ⁴ meſme permis au fait d'un parti-
 culier, qui auroit donné charge generale. car ces mots portez par les
 commiſſions, ſoient gouuerneurs, capitaines, iuges, ou ambaffadeurs,
 A L A D I S C R E T I O N, A L A prudēce, à la volonté, ou autres ſem-
 blables, ſe rapportēt tousiours à l'examen d'un homme ⁵ de bien & en-
 tier : & la moindre ⁶ faute peut eſtre recherchee, meſmement quād il eſt
 queſtion de l'eſtat, ou de notable intereſt au public : car l'ignorance n'eſt
 pas receuable, ny l'excuse d'erreur en celuy qui a accepté vne charge pu-
 blique, & beaucoup moins ſil a demandee, pratiquee, arrachee. Et ſi les
 fautes ne ſont excuſables ⁷ pour le ſimple fait des particuliers, quād on
 a pris

3. Liuius lib. 10.

4. Liuius lib. 32.

3. Dio. Plutar. in Pō-
 pcio.

4. l. ſi quis pro eo. mā
 dat. l. ſi procurator.
 de condit. indēb.

5. l. in venditione. §.
 de tempore. l. hāc
 venditio. de contra-
 hen. empt. l. creditor
 §. Lucis. mandat.

6. l. §. l. fideiuſſor. mā-
 dat.

7. l. à procuratore.
 mandati C. l. illici-
 tas. §. ſicut. de offic.
 præſid. l. ſed addes.
 §. qui gemmam. lo-
 cati.

a pris la charge de faire quelque chose les vns pour les autres, ores que ce soit gratuitement, comment feroient elles excusables où il y va de l'estat, ou du public. Nous dirons par cy apres, si le suget doibt receuoir vne commission iniuste, ou si la doibt regeter, & comment il s'y doibt porter. car ce que nous auons dit, ne touche que les commissions iustes & raisonnables: & pour declarer la difference qu'il y a entre les commissions & les offices. A quoy i'adiousteray encores l'autorité des Iuriconsultes pour satisfaire à ceux qui pourroyent doubter de ce que i'ay dit: en comparant nostre façon de parler à celle des Romains: comme en ce que dit Feste Pompee, *Cum imperio esse dicebatur apud antiquos, cui nominatim à populo dabatur imperium*: c'est à dire par commission expresse, sans aucune appellation de magistrat, auquel la loy donnoit la puissance de commander. comme nous voyons en Tite Liue, lors que Hannibal assiegea Rome, *placuit, dit-il, omnes qui dictatores, consules, censorésue fuissent, cum imperio esse, donec recessisset hostis à muris*. c'est à dire par commission. Et Cicéron parlant d'Auguste, *Demus, inquit, imperium Casari, sine quo res militaris geri non potest*: d'autant qu'il ne pouuoit encores tenir office, qui est vn passage qui a fort trauaillé Charles Sigon, qui eust eu plus d'honneur d'escrire de toute autre chose que du droit des Romains, mesmement où il traite de *Iudiciis*. Et la difference des Requestes estoit notable pour demander vn Magistrat, ou vne commission. car le Magistrat se demandoit en vertu des loix ia publiees & receuës, *QVOS VELLENT CONSVLES FIERI*, comme on fait des offices vacans: mais pour les commissions de commandement, on vsoit de ces mots, *VELLENT iuberent*,⁹ *ut huic vel illi imperium esset, in hac vel illa prouincia*. ce qui est dit de Scipion l'African, qui eut commission avec puissance de commander, par ce qu'il n'estoit pas en aage pour estre Magistrat. Et Cicéron¹ parlant de toutes sortes de commissions disoit, *Omnes potestates, imperia, curationes ab vniuerso populo Romano proficisci conuenit*. le mot *potestates* s'entend des gouuerneurs de prouince. le mot *imperia*, des capitaines qui ont commission particuliere pour faire la guerre. le mot *curationes* est dit de toutes autres charges sans puissance de commander. car le mot *Imperator* signifie proprement Capitaine en chef: comme Plin² parlant de Pompee, *Toties Imperator, antequam miles*. mais generalement le mot *curatio* emporte toutes sortes de commissions: comme il est aisé de iuger par ce lieu de Cicéron:³ *Idem transfero in magistratus, curationes, sacerdotia*. qui sont les trois sortes de charges publiques. Aussi Vulpian⁴ distingue fort bien le magistrat de celui qu'il appelle *curator Reipub.* duquel il a fait vn liure⁵ expres: & la loy l'appelle du mot Grec logistes: qui n'auoit puissance de cōdamner, ny denoncer⁶ l'amende: ce qui estoit permis à tous magistrats, ainsi que nous auons mōstré cy dessus. Mais il fait à noter, que la commission passe en force d'office par edit: & ce qui n'estoit attribué qu'au plaisir

9. Liuius lib. 26.

1. In Rullum.

2. lib. 7.

3. in 4. Verr.

4. l. 2. §. grauil. 3. §. 1. & penult. de administrat. rerum ad ciuit.

l. magistratus Reipublicæ. l. curator. eod. tit. l. 7. de offic. proconf. l. 1. & 2. de operib. public. l. 2. & 17. de usuris. l. ult. de munerib. l. penult. de collegiis. l. 5. §. hæc verba. quod vi aut clam.

5. l. ult. quod cuiusque vniuersitat.

6. l. curator. de modo mult. C.

7. Liuius lib. 9.

8. Liuius lib. 22.


7. Livius lib 9.

8. Livius lib. 42.

des magistrats vient en tiltre d'office, quand celuy qui a la souveraineté en fait loy: comme anciennement les Consuls elisoient les seize caps d'esquandre, qu'ils appelloient *Tribunos militum*, iusques à l'an de la fondation de Rome c. b. x. l. i. m. qu'il fut ordonné par loy expresse, publiée à la requeste des Tribuns du peuple, qu'ils seroient des lors en avant. élus par le peuple: ce qui fut tousiours gardé depuis, horsmis quand il fut question de faire la guerre à Perseus Roy de Macedoine, les cōsuls Licinius & Cassius presenterent requeste au peuple, tendant à fin que pour ceste année là, & sans tirer à consequence, les Tribuns militaires fussent choisis par les Consuls, attendu l'importance de la guerre: ce qui fut ordonné. ⁸ Anciennement les magistrats faisoient de leurs esclaves leurs huissiers, grossiers, massiers, trompettes: comme il s'est fait en ce Royaume iusques à Philippe le Bel, qui fut le premier qui osta ceste puissance aux Bailifs & Seneschaux, laissant aux seigneurs iusticiers puissance d'establi sergens & notaires en leur territoire: comme on peut voir es registres de la chābre des comptes, & en cas pareil le procureur general du Roy commettoit pour aduocat du Roy qui bon luy sembloit. depuis ceste commission particuliere d'un magistrat, a passé en forme d'office tres-honorable, ottroyé par le Prince.

DES MAGISTRATS.

CHAP. III.



NOUS auons dit des commissaires, & de la differēce qu'il y a entre les cōmissaires & les officiers: par ce que l'ordre requeroit qu'on dist premierement des commissaires, comme estans auparauāt qu'il y eust offices establis. Car il est bien certain que les premieres Republicques estoient regies par main souveraine sans loix, & n'y auoit que la parole, la mine, la volonté des Princes pour toute loy, lesquels donoient les charges en paix & en guerre à qui bon leur sembloit, & les reuoquoient aussi tost s'ils vouloient, afin que le tout dependist de leur pleine puissance, & qu'ils ne fussent attachez, ny aux loix, ny aux cōstumes. Aussi Iosephe l'historien au second liure contre Appion, voulant monstrier l'antiquité illustre des Hebreux, & de leurs loix dit, que le mot de loy ne se trouue point en tout Homere: qui est bien vn argument que les premieres Republicques n'vsoient que de commissaires, attendu que l'officier ne peut estre establi sans loy expresse, comme nous auons dit, pour luy donner charge ordinaire & limtee à certain temps: chose qui semble diminuer la puissance du souverain. Et pour ceste cause, les Roys & Princes qui sont plus jaloux de leur grandeur, ont accoustumé de mettre en toutes lettres d'office vne clause ancienne, qui retient la marque de monarchie seigneuriale, c'est à sçauoir, que l'officier iouyra de l'office, TANT

QVIL

1. l. 2. de orig.
Les premiers
peuples gouver-
nez sans loix.

Q V'IL NOUS PLAIRA. Et iacoit que ceste clause ne serue de rien en ce Royaume, veu l'ordonnance de Loys XI. gardee inuiolablement, & qu'en Espagne, Angleterre, Dannemarc, Suede, Alemaigne, Pologne, & en toute l'Italie, pareille ordonnance est obseruee: si est-ce que les secretaires d'estat ne l'oublient iamais. qui est vn grand argument que toutes charges anciennement estoient en commission. Nous dirons cy apres si cela est expedient, comme plusieurs ont soustenu. Mais disons au parauant du Magistrat que nous auons pose par nostre definition, estre l'officier qui peut commander. Or il n'y a pas moins de confusion es auteurs, entre l'officier & le Magistrat, qu'il y a entre l'officier & le commissaire. Car combien que tout Magistrat soit officier, si est-ce que tout officier n'est pas Magistrat, ains seulement ceux-là qui ont pouuoir de commander. ce que le mot Grec *ἀρχαι* & *ἀρχοι* signifie assez, comme qui diroit commandeurs: & le mot Latin *Magistratus*, qui est imperatif, signifiant maistriser & dominer. & d'autant que le Dictateur estoit celuy qui plus auoit de puissance de commander, les anciens l'appelloient *magister populi*: & le mot de Dictateur signifie commandeür, comme qui diroit edicteur³, car *edicere* c'est commander. en quoy se sont abusez ceux qui ont suppose les liures de la langue Latine sous le nom de Marc Varron, disans que le Dictateur s'appelloit ainsi, *quia dictus ab interrege*: mais à ce compte le colonnel des gens de cheual s'appelleroit aussi Dictateur, *quia diceretur à Dictatore*, comme il se voit par tout en Tite Liue: & faudroit qu'il s'appellast plustost *Dictatus* en signification passive, que *Dictator* en actif. I'ay cy dessus monstre que les significations du Magistrat inuentees par les ieunes docteurs scholastiques, ne se pouuoient soustenir, ny pareillement celle d'Aristote⁴, qui appelle Magistrat celuy qui a voix deliberatiue en iugement & au conseil priue, & puissance de commander, & principalement, dit-il, de commander. Mais au sixiesme liure de la Republique, voyant qu'il y auoit vne infinité d'officiers qu'il appelle tous *ἀρχαι*, il s'est trouue fort empesché: d'autant qu'il y en a de necessaires, les autres à l'ornement & splendeur de la Republique⁵: & puis tous les ministres des Magistrats, sergés, huissiers, greffiers, notaires, lesquels il appelle du nom commun de Magistrat, comme ceux qui ont puissance de commander. & passe plus outre, en ce qu'il dit, que tels ministres ont puissance de commander, *τῶν ἀρχῶν μετέχοντες*. Et toutefois en autre lieu⁷ il demande, si les harangueurs, orateurs & iuges sont Magistrats: & respond qu'on pourroit dire qu'ils ne sont point Magistrats, & qu'ils n'ont point de part au commandement. C'est pourquoy Caton d'Utique chastiant les greffiers, cōtrepooleurs & commis des receueurs, Il vous doit souuenir, disoit-il, que vous estes ministres, & non pas Magistrats, ainsi que dit Plutarque. Quant aux prescheurs ou haragueurs, qu'il appelle⁸ *Ecclesiastes*, s'ils n'ont commandement & par puissance ordinaire, il est bien certain

La clause, tant, qu'il nous plaira est à present inutile es lettres d'office.

2. Festus in verbo o-
prima lege.
3. Dionys. Halicarn.

4. *ἡ μάλιστα ἐπὶ τῶν πολιτικῶν.*
libr. 3. politic.

5. *ἀνακταίους.*
6. *πρὸς κοσμὸν καὶ εὐταξίαν, ὡς γυναικοὶ μοῖς παιδνομοί.*

7. initio lib 3. politic.

8. *ἐκκλησιαστας.*

2. Plutar. in Phocione.

9 in auth. de Iudic.

1. lib. 1. & 12. C.

2. Bart. in authent. vt

ab illustri constitu.

23. Bald. in l. 1. de offi.

eius cui mandata

nu. 4.

3. ad l. 1. eod. & in d.

authent.

4. l. 1. de proximis facrorum C. & l. 26. de usuris. C.

5. lib. 12. Cod. & in authent. vt ab illustri.

6. l. speciosas. de ver. signif.

7. ad l. nec magistratib. de iniuriis.

8. ad l. omnes populi de iustitia.

qu'ils ne sont point Magistrats, mais le plus souuent ils sont Magistrats: i'entends ceux-là qui auoient puissance és Republiques populaires & Aristocratiques de suader ou dissuader au peuple les choses qui leur sembloient vtils, qu'ils appelloient aussi *Rhetoras*: combien qu'en Athenes, chacun particulier auoit puissance de parler: mais en Rome cela n'estoit pas licite, si le Magistrat qui presidoit à l'assemblée ne le permettoit. Et quant aux iuges ils s'abusent aussi de dire qu'ils ne sont pas Magistrats, veu que plusieurs sont magistrats: & la diuision quel'Empereur fait des iuges, c'est que les vns sont Magistrats, les autres non. Il faut donc confesser, qu'entre les personnes qui ont charge publique & ordinaire, les vns sont magistrats, les autres non: & par ce que la negation fait la diuision de sa nature vitieuse, nous auons dit que les personnes publiques qui ont charge ordinaire limitée par loix ou par edits sans commandement, sont simples officiers, que les derniers Empereurs appelloient *officiales*. Les anciens docteurs ont suivi l'opinion d'Accurse, qui ne met aucune diffinition ny distinction des officiers, ny des commissaires, ny des magistrats: mais il dit simplement qu'il y a quatre sortes de magistrats, c'est à sçauoir, les illustres, les spectables, les clarissimes & perfectissimes, auxquels il attribue tout commandement. qui sont plustost qualitez honorables qu'on attribue selon la condition des personnes. combien que ceste diuision de qualitez manque, attendu que les Patrices estoient plus honorez, & marchoiēt deuant les illustres: & ceux qu'ils appelloient *Augustales*, estoient plus dignes que ceux qu'ils appelloiēt *clarissimi*. & de fait les dignitez estoient ainsi ordonnées du temps des Empereurs, depuis, & long temps au parauant Iustinian, c'est à sçauoir, *Patricij, Illustres, Spectabiles, Augustales, Clarissimi, siue Speciosi & Perfectissimi*: qui estoient qualitez aussi bien attribuees aux particuliers comme aux Magistrats. Mais ce que dit Bartol qu'il y a certains qui ont la dignité sans charge, come les Comtes & Marquis, auxquels toutefois il attribue commandement, & toute iustice, ne merite point de responce, car il se contredit luy mesme trop euidentement. Et est aussi peu probable quand il dit, que les maistres d'eschole ont iurisdiction sur leurs disciples, & puissance d'establir statuts: & s'il estoit ainsi, la puissance domestique, & discipline des familles seroit du tout confuse avec la iurisdiction publique: ce que nous auons monsté estre impossible. Alexandre le premier Iuriconsulte de son aage, a bien touché plus pres de la vraye definition du Magistrat, en ce qu'il dit, qu'il n'y a que ceux-là magistrats qui sont iuges ordinaires. & toutefois ce n'est pas assez: car il y a tel magistrat qui a puissance de commander, qui n'a point de iurisdiction ordinaire, come les Censeurs & les Tribuns du peuple: & au cōtraire, les anciens Pontifes, aussi bien que nos Prelats, estoient iuges ordinaires, ayās cognoissance vniuerselle des choses religieuses & sacrees. Ainsi peut-on voir, que les anciens & nouueaux docteurs n'ont pas traité ce point, ny touché

touché les difficultez, ny difference des officiers, Magistrats & cōmissaires comme la chose le meritoit bien. Or combien que les definitions des Magistrats, officiers, & commissaires ne se trouuent point és lambeaux des Jurisconsultes : si est-ce qu'en plusieurs endroits on peut remarquer leur aduis, & par le discours des hystoires. Car Vlpian⁹ escrit qu'il est permis à tous Magistrats de defendre leur iurisdiction par peines iudiciaires, horsmis à ceux qu'ils appelloiēt Duumiri. Qui n'est pas seulement entēdu des amendes pecuniaires, ains aussi de main¹ mise sus les biēs & sus les personnes. Toutefois il appert, dira quelqu'un, que Vlpian ayant excepté les Duumirs, qui estoient en pareille puissance que les Escheuins des cōmunautēz de ville, qui n'ont point de iurisdiction, les a neātmoins compris au nombre des Magistrats. & a voulu dire que les Duumirs auoient iurisdiction : car pour neant seroient ils exceptez, s'ils n'eussent point eu de iurisdiction. Toutefois le mesme Jurisconsulte en autre¹ lieu dit, que les Duumirs n'auoient aucune iurisdiction, ny cognoissance quelconque, sinon de receuoir les cautions au besoin, & mettre en saisine : qui tient plus, dit-il², du commandement, que de la iurisdiction. encores il dit, qu'ils ne sont en ce cas que simples³ cōmissaires des Preteurs, qui leur donnerent ceste commission pour leur absence, afin d'obuier aux dangers eminens : comme en cas pareil depuis on leur donna puissance⁴ de donner tuteurs aux pauvres mineurs, pour la conseruation de leurs biens. Et s'ils auoient quelque commission outre cela, c'estoit plus de quelque chose legere, que de puissance⁵ de commander. Ce n'estoient donc pas proprement Magistrats. Et par consequent il s'ensuit, que tous Magistrats ayans iurisdiction, ont puissance de condamner, saisir, executer. Ce qui semble auoir esté anciennement ottroyé à tous Magistrats par la loy Ateria Tarpeia⁶, publiee l'an ccxcvi. apres la fondation de Rome, par laquelle il fut dit, que tous Magistrats auroient puissance de denoncer l'amende iusques à la somme de lxxvi. sols : autant que deux bœufs ou trente brebis estoient estimez par la loy mesme. & depuis croissant le reuenu & les richesses des Romains, les Magistrats haussierent les amendes⁷ sauf au menu peuple la decision⁸, par la loy Icilia (qu'ils appelloient *certatio multa* :) mais souuent il remettoit⁹ l'amende, d'autant que la sentence du peuple condemnatoire à l'amende portoit infamie : ce qui depuis fut abrogé⁸. Toutefois ie diray en passant, qu'il y a vne faute notable en Festus Pompeius & en Aule Gelle, qui est demeuree iusques icy à corriger, où il y a xxx. *boum & duarum ouium*, au lieu de xxx. *ouium*. qui a fait qu'Aule Gelle, ayant suiui la faute des autres a dit, qu'il y auoit lors plus de bœufs que de bestes à laine. Mais Denys⁹ d'Halycarnas montre expressément, que la plus haute amende n'estoit que de deux bœufs ou trente bestes à laine. Et au mesme lieu en Aule Gelle il y a vne autre faute plus notable, où il dit, *multam, quæ suprema dicitur in singulos*

9. l. i. si quis ius dicenti.

1. l. cum ab eo. ad l. iul. pecul.

1. l. i. l. dies. §. duas de damno.

2. l. iubere de iurisdic.

3. d. l. i. & l. dies §. vbi.

4. l. ius dandi de tutorib. datis.

5. l. ea quæ. ad municipal.

6. Dionys lib. 8. Gell. lib. 11. cap. 1. Festus lib. 14. in voce peculatus.

2. Lilius lib. 25. xxx. milia æris Fuluius multa dicta est à magistratu.

7. Cicero Philip. 2.

4. Dionysius lib. 7.

8. l. 2. de modo mult. C.

6. lib. 10.

dies institutam fuisse: il faut rayer le mot *dies*: autrement il n'eust pas esté licite au Magistrat de condamner pour plusieurs forfaits en mesme iour: mais le mot de *singulos* veut dire pour teste: de sorte que si plusieurs auoient offensé, le Magistrat pouuoit denoncer à chacun l'amende de soixante six sols pour le plus. Encores y a vne autre faute, où il dit *ouem probouem*, & a figuré que *ouis* estoit de masculin gère. Ce qui n'estoit au parauant la loy Tarpeia permis sinon 'aux Cōsuls: car il n'y auoit lors, & n'y eut de lxxviii. ans apres aucun Preteur ny Ædile en Rome: vetu que l'erectiō du premier Preteur fut faite l'an de la fondation de Rome ccc lxxvi. Ciceron' ayant fait des loix à son plaisir pour sa Republique à l'exemple de Platon, en met vne par laquelle il donne à tous Magistrats iurisdiction, & auspices. Or celuy qui a iurisdiction à parler premier, il a aussi dit vn³ Iuriscōsulte, les choses sans lesquelles on ne peut exercer la iurisdiction, c'est à sçauoir puissance de commander: tellement que la iurisdiction des anciens Pontifes & de nos Euesques n'est qu'vne simple cognoissance: vray est que les Euesques ont cognoissance beaucoup plus grande que les anciens Pontifes, car ils peuuent emprisonner en leur parquet, & condamner à la torture, ores que les Magistrats facent executer leurs sentences. les anciens Pontifes n'auoient point cela, ny cognoissance des mariages, ny de plusieurs autres causes que les Euesques ont à present, comme nous dirons en son lieu. Toutefois on peut dire que cela n'est pas general, que tous Magistrats ayent puissance de cōmander: car⁴ Messala Iuriconsulte, & Marc Varron ont laissé par escrit, qu'entre les Magistrats les vns auoient puissance de donner assignation, ou faire adiourner par deuant eux, & pareillement main mise, les autres auoient main mise seulement: & qu'il y auoit aussi des Magistrats qui n'auoient ny l'un ny l'autre: & ceux qui n'auoient que main mise n'auoient qu'un simple sergent: ceux qui auoient l'un & l'autre, auoient aussi leurs massiers: ceux qui n'auoient puissance de faire adiourner, ny de mettre en prison, ils n'auoient ny sergens ny massiers. quand ie dy main mise, j'entends la saisie de corps & de biens. car la main mise est donnee à plusieurs qui ont iurisdiction⁵ fonciere, qui n'ont pas puissance de toucher aux personnes: ce qui n'estoit pas anciennement par les loix des Romains, desquels il est icy besoin de parler, & discourir en brief leur puissance, pour esclaircir comme en plein iour, la puissance de tous Magistrats en toute sorte de Republique: chose qui n'a point esté encores touchée par nos Docteurs. Car les grands Magistrats, à sçauoir les Consuls, Preteurs, Censeurs, & entre les Commissaires le Dictateur, & celuy qu'on appelloit Interrex, & les Gouverneurs de Prouince auoient Massiers, & par consequent ils auoient puissance de faire adiourner par deuant eux chacun des particuliers, & les moindres Magistrats, horsmis les Tribuns. en oultre ils auoient pouuoir de condamner à l'amēde, saisir & emprisonner à faute d'obeir.

Les

1. Doynis lib. 10. Fe-
tus lib. 14.

2. lib. 2. de legib. Ma-
gistratus omne iu-
diciū & auspicium
habent.

3. l. ult. de offic. eius
cui mand.

4. Gell. lib. 13. c. 12.
Magistratum alij
vocationem, alij prae-
hensionem tantum,
alii neutrum habent.

5. Coustume de Sens.
&c.

La puissance des
Magistrats Ro-
mains.

Les Tribuns n'auoient aucune puissance de faire assigner personne par deuant eux, mais bien de cōstituer prisonniers, iusqu'aux Consuls mesmes : comme L. Drusus Tribun, qui fist mettre en prison le Consul Philippe, par ce qu'il l'auoit interrompu parlant au peuple : qui estoit⁴ crime de leze majesté, & capital. & neantmoins ils n'auoient pas puissance de faire adiourner personne par deuant eux : comme leur fist entendre le Iurifconsulte Labeo, lequel ne voulut comparoir par deuant eux estant adiourné : & dist pour ses defences, que les Tribuns n'estoient pas instituez pour auoir iustice & iurisdiction, ains seulement pour s'opposer à la violence, & aux abus des autres Magistrats, & donner secours & ayde aux appellans, qui estoient iniustement opprimez, & emprisonner ceux qui ne voudroient deferer à l'opposition : comme le Tribun Sempronius voyant que le Censeur Appius ne vouloit se demettre de son office dix huit mois apres qu'il eut esté Censeur (suiuât la loy Æmilia, qui auoit reduit le terme de cinq ans prefix à la Censure, au terme de dix huit mois) luy dist qu'il le feroit mettre en prison, s'il n'obeissoit à la loy Æmilia, du consentement des six autres Tribuns du peuple : mais Appius ayant prattiqué trois Tribuns, qui s'opposèrent au commandement des sept, il demeura en son office. car l'opposition d'un seul Tribun suffisoit pour empescher les autres, s'il n'en estoit autrement ordonné par le peuple. C'est pourquoy vn Tribun⁵ parlant à la Noblesse disoit : *Faxo ne inuuet vox ista V E T O, qua collegas nostros concinentes tam latè auditis.* & peu apres, *Contemni iam Tribunos plebis, quippe quæ potestas iam suam ipsa vim frangit intercedendo : non posse æquo iure agi, ubi imperium penes illos, penes se auxilium tantum sit : nisi imperio communicato, nunquam plebem in parte pari Reipublicæ esse.* Le peuple demandoit qu'il fust aussi permis de faire vn Consul roturier. Ceste querelle dura quarante & cinq ans, pendant lesquels il n'y eut point de Consuls. En quoy il semble que les Tribuns n'auoient point de cōmandement : car ils demandoient qu'on fist vn Cōsul roturier, afin que le peuple eust vn Magistrat de son corps, qui eust pouuoir de commander : par ce que les Tribuns n'auoient que la voye d'opposition. Toutefois on peut dire, que les Tribuns en ceste harangue là faisoient leur puissance plus petite qu'elle n'estoit : car⁶ Vlpian parlant proprement, & en Iurifconsulte dit, qu'il n'est pas licite d'appeller en iugement sans congé ou commission du Magistrat, les Consuls, Preteurs, Proconsuls, & tous autres, dit-il, *qui imperium habent, & iubere possunt in carcerē duci.* & en autre⁷ lieu, il repete les mesmes mots. Et par ainsi nous concludrons, que les Magistrats qui ont puissance de mettre en prison, ores qu'ils n'ayent pas iurisdiction, qui sont en termes de droit Magistrats : comme les Tribuns en Rome, les Procureurs du Roy en ce Royaume, les Auogadours à Venize. Et ne faut pas s'arrester à ce que dit Plutarque aux Problemes, que les Tribuns n'auoiēt ny coche, ny selle d'yuoire, ny massiers, qui estoient, dit-il, les marques des

4. Dionys. lib. 5.

5. Lilius lib. 6.

6. l. 2. de in ius vocā.

7. l. sed & si. §. hæc clausula. ex quibus causis maiores. l. nec magistratib. de iniuriis.

Magistrats: car la principale marque estoit le commandement: ny aux propos du Consul Appius, duquel parlant Tite Liue, *Tribunus, inquit, viatorem mittit ad Consulem, Consul licetorem ad Tribunum priuatum esse clauitans, sine imperio, sine magistratu*: car il disoit cela pour raualler la puissance des Tribuns. Et neantmoins il se trouua bien vn Tribun si hardy, à sçauoir Licinius Stolo, qu'il contraignit le Dictateur Manlius, de deposer la Dictature. & vne autre fois ils firent mettre les deux Consuls en prison, pource qu'ils n'auoient voulu enteriner la requeste des Tribuns, qui estoit d'exempter dix soldats d'aller en guerre. Vray est que le ² pourpris & territoire des dix Tribuns du peuple estoient les murailles de Rome: tellement que les Consuls M. Fabius, & L. Valerius, voyans qu'ils ne pouuoient leuer gens de guerre, obstant l'opposition des Tribuns, commanderēt de porter leurs sieges hors la ville, & par ce moyen firent ce qu'ils voulurēt: toutefois les Tribuns entreprenoient fort souvent par dessus leur puissance, iusques à faire edits & defenses, comme on peut voir en Tite Liue, mesmes au troisieme liure, *Communiter edicunt Tribuni, nequis Consulem faceret: si quis fecisset, se id suffragium non obseruatueros*. qui est vn abus, & entreprise sus la puissance du peuple, de luy defendre le chois libre & entier des Magistrats. d'auantage ils faisoient iustice à tous venans, donnant assignation aux parties, comme s'ils eussent eu puissance d'appeller par deuant eux. Cela se peut voir en ³ Plutarque, où il dit, que les Tribuns rendoiēt la iustice au lieu qui s'appelloit *Basilica Portia*. Et Asconius Pedianus dit, *Tribunos, Quæstores, Triumuiros capitales, non in sellis curulibus, sed in subselliis iura dixisse*. & mesmes ⁴ Appian dit, que Drusus Tribun estoit assidu à faire iustice, & rendre droict à chacun. Aussi le Iuriconsulte met le Tribun du peuple entre les Consuls & Preteurs, qui rendoiēt la iustice en Rome. C'est pourquoy Ciceron disoit, qu'on se porta pour appellant aux Tribuns, *ut de Prætoris iniuria cognoscerent*. Et non seulement ils auoient vsurpé la iurisdiction, ains aussi bailloient commissaires, & faisoient en plusieurs causes ceux qu'on appelloit *Ædiles ædituos*, leurs lieutenans. Or il est tout notoire, que nul ne peut establi lieutenans, ny donner commissaires, que ceux qui ont la iurisdiction en tître d'office: mais tout cela n'estoit que par vsurpation, & par abus, que le Iuriconsulte Labeo leur remonstra, & ne voulut onques, comme i'ay dit, comparoir par deuant eux. Nous ferons mesme iugement des *Ædiles*, qu'on appelloit *Curules*, qui ³ n'auoient ny puissance de faire adiourner par deuant eux, ny d'apprehender aux corps: aussi n'auoient-ils ny massier ny fergēt, comme Varron & Messala ont remarqué: & neantmoins ils auoient vsurpé la iurisdiction par la ⁷ souffrance des Preteurs, qui leur renuoyèrent les causes touchant les ventes des meubles: & en fin aussi ils prindrent cognoissance des immeubles, & des femmes prostituées, qui ne pouuoient estre de ce mestier, si elles ne l'auoient déclaré aux *Ædiles*: ce qui estoit gardé d'an-

9. Liuius lib. 6.

1. Florus epito. 55.

2. Dionys. lib. 9.

3. in Catone maiore.

4. lib. 1.
ἐμφυλ.5. Dionys. lib. 6. Flor.
epit. 19. Gellii. lib. 10.6. l. more. l. solet. de
iurisdic.

3. Gell. lib. 13.

7. §. proponebant de
iure naturali. institut.

d'ancienneté, afin que la honte en peust estranger plusieurs. mais depuis qu'elles eurent perdu la honte, & que des plus illustres dames Romaines oferent bien impudemment declarer aux *Ædiles* qu'elles vouloient se prostituer, l'Empereur⁸ Tibere voulut qu'on procedast contre elles par iustice. & sous le mesme⁹ Empereur, & au mesme temps, les abus, & entreprises des *Ædiles curules* & autres, fut reprimée, & ordonné iusques à quelle somme ils pouuoient saisir : ce qu'ils n'auoient pas de leur ancienne institution : & beaucoup moins de faire appeler par deuant eux, iacoit qu'ils eussent puissance de faire assembler le menu peuple. Quant aux *Questeurs*, ie ne voy point qu'ils ayent iamais eu, ny entrepris d'auoir iurisdiction, ny d'emprisonner : aussi Varron dit qu'ils ne l'auoient pas : iacoit que l'annee d'apres leur office expiré, on leur donnoit aucune fois le gouvernement de quelque Prouince : comme au ieune Gracchus la² Sardaigne. alors ils auoient autāt & plus de puissance en leur gouvernement, que tous les³ Magistrats en Rome : mais ce n'estoit que par forme de commission, comme tous gouuerneurs de Prouince. Quant aux Censeurs, Ottoman & Sigonius ont tenu qu'ils auoiēt bien, ainsi qu'ils escriuent, *potestatem, sed non imperium* : chose impossible : car le mot de *Potestas* en termes de droit, & en la personne des Magistrats, signifie tousiours commandement, ⁴*Potestatis verbo, imperium in magistratu significatur* : & mesmes Vlpian, ⁵où il dit, que le gouuerneur de Prouince a iurisdiction tresample, & puissance de condamner à mort, il s'appelle proprement *Potestas*. Or nous⁶ voyons que les Censeurs souuent faisoient publier leurs edits, c'est à dire commandemens, & ordonnances qu'ils faisoient. Aussi⁷ Varron & Messalla appellent les Consuls, Censeurs, Preteurs, *Maiores magistratus* : tous les autres *Minores* : & dit⁸ plus, qu'il n'estoit pas en la puissance des Preteurs (qui auoient commandement & iurisdiction) de faire assembler l'armee de ville : ce que pouuoient les Censeurs, *Prætori exercitum urbanum conuocare non licere, Consuli, Censori, Interregi, Dictatori licere*. Et lors que Hanibal assiegea Rome, on fist vn edit, que tous ceux qui auoient esté Dictateurs, Consuls, Censeurs, eussent puissance de commander. *Placuit*, dit Tite Liue, *omnes qui antea Dictatores, Consules, Censorisve fuissent, cum imperio esse donec hostis à muris discessisset*. ce qu'on n'eust pas fait, si les Censeurs n'eussent eu commandement quand ils estoient en office, veu que ceux-là mesmes qui auoient esté Preteurs n'eurent pas ceste puissance. Et si les Tribuns auoient commandement, que Varron met au nombre des moindres Magistrats, comment ne l'auoient les Censeurs, qu'il appelle grans Magistrats ? Et qui plus est⁹ Plutarque dit, que les Censeurs auoient plus de puissance, que Magistrat qui fust en Rome : vray est que ie ne m'arreste pas du tout à Plutarque, lequel on trouue auoir bien souuent failly aux antiquitez des Romains. mais ce qui a, peut estre, abusé plusieurs, c'est qu'ils n'auoiēt point de iurisdiction : quoy que die Augustin Ono-

8. Tacit. lib. 2.
9. Tacit. lib. 2.

1. Piso Annalium lib.
4. & Dionis. Halycæ.

2. Plutar. in Gracchis.
3. l. solent obseruare. de offic. proconf.

4. l. potestatis. de ver. signif.
5. d. l. solet. l. 3. de iurisdiction.

6. Linius lib. 40. & 43.
Zonar. tomo 2.

7. apud. Gel. lib. 13.
cap. 12.

8. lib. 5. de lingua latina.

9. In Catone maiore.

phre, qu'ils auoient puissance de cōdamner de quelques crimes : & toutesfois il ne les escrit point . Or il y a bien difference de iuger des crimes, & reprendre les mœurs. C'est pourquoy Ciceron disoit, que le iugemēt des Censeurs faisoit bien rougir les personnes, mais rien plus.¹ *Censoris iudicium nihil ferē damnato affert prater ruborem, itaque ut omnis ea iudicatio versatur tantummodo in nomine, animaduersio illa ignominia dicta est.* il ne dit pas que la Censure touchast l'honneur pour le noter d'infamie, mais bien quelque ignominie, que le Docteur Cuias a pris pour infamie: qui est fort differente de l'ignominie. Charles^o Sigon a fait mesme faute où il definiſt ignominie estre infamie: & au mesme lieu il dit, qu'il y a des causes capitales qui portent infamie & sans crime: contre les principes du droit. car celuy qui estoit condamné par iugemēt public pour crime, il estoit infame: & le soldat cassé par le Capitaine pour sa faute, n'estoit pas infame, mais ignominieux seulement, iusqu'à ce que le Preteur en eust fait edit² expres. les anciens³ Docteurs ont appellé l'ignominie, infamie de fait: de laquelle parlant le Iurisconsulte⁴ Cassius dit, qu'il pense que le Sénateur rayé du registre, ne peut estre iuge ny tefmoin, s'il n'est restitué. il dit *seputare*. &⁵ Vlpian vſe aussi de mesme façon de parler *seputare ei quæ in adulterio deprehensa est, & absoluta notam obesse*. car il est bien certain que l'absolution oste l'infamie de droit, mais non pas l'ignominie. &⁶ Callistrat dit, qu'il pèse aussi que la reputation, & l'honneur est aucunement diminué, *quando quis ordine mouetur*. Aussi Feste Pompee met trois sortes de punition militaire, à sçauoir *deprehensa, castigatio, ignominia*. *deprehensa*, dit-il, *castigatione maior, ignominia minor*. & la loy adiouſte par ſus tout cela *infamiam*. Autremēt si l'infamie, & la note des Censeurs ignominieuse estoit tout vn, il faudroit que L X I I I I. Sénateurs, que les Censeurs Lentulus & Gellius rayerent du registre, & debouterent du Senat, & c c c c. Cheualiers, qui furent par les Censeurs Valerius & Sempronius cassés, & priuez des cheuaux & gages qu'ils tiroiēt du public, fussent aussi infames: & qui plus est, il faudroit que tout le peuple Romain eust esté infame par la Censure de Liuius Salinator, qui raya & nota toutes les lignees, & comme dit⁷ Valere Maxime, *inter ærarios retulit*, par ce qu'ils l'auoient condamné par iugement public, & depuis fait Consul & Censeur. il n'excepta que la lignee Metia, qui ne l'auoit condamné ny absous, ny iugé digne d'obtenir Magistrat. Il nota aussi Claudius Neron son collegue en la Censure, qui luy rendit la pareille. Et pour ceste cause⁸ Ciceron disoit, *Illud commune proponam, nunquam animaduersionibus Censoris hanc ciuitatem ita contentam, ut rebus iudicatis fuisse*. & met vn exemple de L. Metellus Sénateur, qui fut debouté du Senat par les Censeurs, & depuis fait Censeur: & puis il adiouſte, *Quod si illud iudicium putaretur ut ceteri turpi iudicio damnati, in perpetuum omni honore ac dignitate priuantur: sic hominibus ignominia notatis, neque ad honorem, neque in curiam reductus esset: timoris enim causam, non vite pœnam*

1. lib. 4. de Repub. apud Nonium.

o. lib. 2. de iudiciis. cap. 3.

2. l. 1. de iis qui notantur.

3. ad l. 1. & ad l. palam.

8. que. de ritu nuptia.

4. l. 2. de senat.

5. d. l. palam.

6. l. cognitionum de variis cog.

7. lib. 2.

8. pro Cluent.

nam in illa potestate esse voluerunt . quare qui vobis in mentem venit hac appellare iudicia, quæ à populo Romano rescindi, abiuratis iudicibus repudiari, à Magistratibus negligi, ab iis qui eandem potestatem adepti sunt solent commutari ? Il appert donc assez qu'ils n'auoient point de iurisdiction: car mesmes les Preteurs⁹ cognoissoient des procès d'entre les fermiers & le public, & des plaintes des fermiers, que les Censeurs auoient establis. Aussi la iurisdiction n'a rien de commun avec la force de commander, comme nous dirons en son lieu. & pour ceste cause quand les Cours de Parlement de ce Royaume verifient les lettres des gouuerneurs de Prouinces, ils font adiouter sus le reply, qu'ils n'auront point de iurisdiction contentieuse, ains seulement volontaire, c'est à dire que la force de commander, la puissance, l'auctorité, la dignité leur demeurera, mais non pas la iurisdiction. Ainsi pouuons nous dire que les Censeurs auoient commandement, & toutefois sans iurisdiction. Il y auoit bien d'autres Magistrats en Rome, qui¹ auoient bien commandement & iurisdiction des causes criminelles, comme ceux qu'on appelloit *Triumuii capitales*, mais ce n'estoit que des estrangers ou esclaves seulement. vray est qu'ils² entreprenoient quelquefois sus les bourgeois, & mesmes sus les Magistrats. En outre ils estoient executeurs des iugemens de mort. Par ce discours des Magistrats Romains, & de leur puissance, il appert, que plusieurs officiers estoient appelez Magistrats, qui n'auoient pas pouoir de commander ny de saisir, & neantmoins s'appelloient Magistrats, tant es loix que par les histoires: de sorte que nostre definition ne seroit pas generale, si ce n'estoit qu'on voulust faire vne subdiuision des Magistrats qui ont pouoir de commander, & ceux qui n'en ont point: mais il n'est point de besoin, car la vraye propriété du mot Magistrat emporte commandement. Et qui prendra garde à la façon de parler des anciens Latins, & mesmes des⁴ Iuriconsultes, on trouuera qu'ils ont appelé les offices avec charge honneste du mot *Honores: Honor*, dit Calistrate, *est administratio Reipublicæ cum dignitate*. & ceux qui auoient outre l'honneur puissance de commander, ils estoient signifiez par le mot *Imperia*; comme on void en Tite Liue la Noblesse se plaindre en ceste sorte, *Salios ac Flamines sine imperiis, ac potestatibus relinqui*. il entend par le mot *Imperia* les grands estats de la ville, fust par commission, ou en tiltre d'office, qui auoient Massiers, & puissance de commander: & par le mot *Potestates*, il entend les gouuernemens de Prouinces, que le Iuriconsulte Vlpian appelle en propres termes⁵ *Potestates*. ce que l'Empereur Alexandre Seuerus entendoit quand il dist tout haut, *Non⁶ patiar mercatores potestatum*. Ioint aussi que Ciceron maistre de bien parler aux liures des loix, a mis celle-cy, *Magistratus omnes iudicium & auspiciū habent*. en quoy il donne assez à entendre, que le Magistrat proprement est celuy qui a puissance de commander. Or tout ainsi qu'on peut auoir charge publique sans honneur, cōme les crieurs, sergēs, trōpettes (qui estoient

⁹. Cicero in prætura Urbana.

¹. Cicero pro Cluēt. Valer. lib. 8. cap. 4.

². Valer lib. 5. c. 9. & lib. 6. cap. 1.

³. Salust. in bello Catil.

⁴. l. honor. de muneribus.

⁵. l. imperium. de iurisdictione.

⁶. Lamprid.

Diuision des Magistrats.

7. l. generalis de tabular. C.

8. l. 2. de orig. iuris.

9. Cicero pro Rabirio perd.

anciennement esclaves, & de la famille des Magistrats sans tiltre d'office) & mesmes les greffiers & notaires estoient aussi esclaves des Magistrats ou de la Republique, iusques au temps de⁷ Valentinian, qui ne voulut plus que les esclaves fussent en ceste charge: ainsi on peut dire qu'il y a des charges publiques avec hōneur sans pouuoir de commander, comme les Ambassadeurs, Conseillers du priué conseil, Secretaires d'estat, & des fināces. les anciens *Ædiles*, & *Questeurs*, & nos receueurs. les autres ont charge honorable, & iugent ayans cognoissance de plusieurs causes, comme les anciens Pontifes Romains & nos Prelats. les autres ont charge honorable, & puissance de cōmander, sans iurisdiction, cōme les Tribuns du peuple, les Censeurs & nos gouverneurs de pays, ensemble les Procureurs du Roy. Il y en a d'autres qui ont charge publique, ordinaire & honorable, & puissance de commander avec iurisdiction: & sont ceux là qui propremēt s'appellent Magistrats, comme estoient les deux Consuls & les Prêteurs, qui furent⁸ multipliez iusques à xv i. quant aux Dictateurs, gouverneurs de Prouinces, & ceux qu'on appelloit *interreges*, & *Præfectos urbi Latinarum feriarum causa*: ils auoiēt bien plus de puissance que tous les autres Magistrats que i'ay dit, mais ce n'estoient pas Magistrats, ains seulement commissaires, comme nous auons monsté cy dessus: iacoit qu'on les appelloit aussi du nom commun de Magistrats, non pas toutefois ceux qui parloient proprement. Et par ainsi il appert, qu'on ne peut auoir commandement sans honneur: combien qu'il y a plusieurs personnes publiques qui n'ont aucun commandement, & toutefois sont constituez en grande dignité, comme à Venize le Chancelier, les Procureurs saint Marc: & en toutes Republiques les Conseillers d'estat, Ambassadeurs, Pontifes & Prelats, qui n'ont ny commandement ny iurisdiction, sont plus respectez que les petits Preuosts & plusieurs autres iuges qui n'ont puissance de cōmander, & iurisdiction contentieuse avec route iustice haute, moyenne & basse. Il y a aussi des charges publiques qui n'ont ny honneur ny commandement, ains au contraire tirent apres soy quelque deshonneur, comme les bourreaux, qui estoient contraints par les edits des⁹ Censeurs loger hors la ville, apres que la charge des Massiers leur fut deferee pour l'execution de mort: coustume qui est encores gardee à Thoulouse & en plusieurs autres villes. Il y a d'autres charges qui ne sont gueres plus honnestes, & toutefois necessaires, & profitables à ceux qui les exercent, afin que le profit couure aucunement le deshonneur. Soubs ceste diuision sont compris generalement toutes personnes publiques, qui sont constituez en tiltre d'office, ou en commission, ou en dignité simple, sans puissance de commander. Et en cas semblable nous pourrons diuiser tous les offices & dignitez selon la diuersité des charges publiques que chacun a: les vns aux choses diuines, les autres aux affaires d'estat: ceux cy à la iustice, ceux là aux finances: les vns aux fortifications

tions & reparations des places publiques, les autres à la prouision des viures, & choses qui font besoin, qui à la guerre pour la tuition des sujets contre les ennemis, qui à la santé publique, & purgation des villes: qui aux voyes, riuieres, forests, ports & passages. toutes lesquelles charges publiques se peuuent donner ou en tiltre d'office, ou en commission, ou en dignité simple sans commandement, ou bien avec puissance de commander, ou à l'execution des commandemēs, comme sous les ministres des Magistrats, Greffiers, Notaires, Huissiers, Voyers, Sergens, Crieurs. Et generally en toute Republique il y a trois poincts à remarquer pour le regard de la creation des Officiers & Magistrats: premierement celuy qui les fait: en second lieu de quelles personnes on les doit prendre: en troisieme lieu la forme de les faire. quant au premier il appartient à la majesté¹ souueraine, ainsi que nous auons dit en son lieu. quant au second poinct, il appartient bien aussi à la majesté: mais toutefois on suit ordinairement les loix qui sont establies à ceste fin, & principalement en l'estat populaire & Aristocratique, où les Magistrats ne sont pris que des plus nobles ou des plus riches, ou des plus aduisez en la charge qu'on leur donne, ou bien indifferemment de toutes sortes de citoyens. Quant au troisieme poinct, qui est la forme de faire les officiers, il y a trois moyēs, à sçauoir l'election, le sort, & les deux meslez ensemble. Et quant au fait de l'election, elle se fait de viue voix, ou en leuant la main: & la voix que les anciēs Grecs appelloient *Ἀπορία* vsitée encores en Suisse: ou par tables & billets, ou par febles & ballotes. Le sort se fait de certains citoyens, pour paruenir à quelque Magistrat, ou de tous en certain aage. Quant au chois & au sort meslez ensemble, iacoit qu'il ne fust pas vsité anciennement, si est-ce qu'il est fort commun à present és estats Aristocratiques, mesmement à Genes & à Venize. Or la diuersité du chois & du sort est encores plus grande pour les iuges: car il se peut faire és estats populaires & Aristocratiques, que tous les citoyens en nom collectif iugent de chacun en particulier, & de la moindre partie de tous en nom collectif, prenant les iuges au chois, ou bien au sort, ou bien par sort, & par election, ou bien que tous iugent de quelques vns estāt choisis ou tirez au sort, ou par sort & par election: ou bien que certains citoyens iugent de tous les autres estans choisis ou pris au sort, ou en partie par sort & par election: ou bien que quelques citoyens iugent de quelques vns, estans choisis ou tirez au sort, ou par sort & par election: ou bien on en prendra quelques vns choisis de tous les citoyens, & quelques vns pris au sort, pour iuger de certains citoyēs: ou bien on en prendra quelques vns de tous au sort, & quelques vns de certains citoyens par chois: ou bien on en prédra quelques vns de tous, & quelques vns de certaine qualité de citoyens par chois & par sort. Voila tous les moyens qu'on peut imaginer pour la varieté de ceux qui ont charge publique, & pour l'estat, qualité & condition d'un chacun,


1. l. i. ad l. iul. de am-
bitu.

2. Contra Ctesiph.
 πρῶτον γένος πασι
 φαιερώτατον, οἱ κλη-
 ρωταί, καὶ οἱ χειρο-
 τόνητοι ἄρχοντες.
 δεύτερον δὲ ἔσσι τι
 διαχειρίζουσι τῶν
 τῆς πόλεως ὑπὲρ τρι-
 ἀκοντα ἡμέρας, καὶ οἱ
 δημοσίων ἔργων ἐπι-
 σταται. τρίτον δὲ ἐν
 τῷ τόμῳ γέγραπται, ὅ-
 τι εἰ τινὲς ἄλλοι αἰρετοὶ
 ἡγεμονίας δικαστηρίων
 λαμβάνουσι, καὶ τοῦ-
 του ἄρχων δοκιμα-
 στέντες.

& la forme de les appeller, & employer. L'orateur² Æschine faisant la di-
 uision des offices & charges publiques d'Athenes, l'a tranché beaucoup
 plus court, iacoit qu'il y eust plus d'officiers qu'en Republique qui fust
 lors pour son estendue. Il dit qu'il y auoit trois sortes d'officiers : les vns
 qui estoient pris au sort, ou choisis: les autres qui auoient quelque char-
 ge publique plus de trente iours, & les surintendans des reparations &
 colstructions des œuures publiques: les autres portez par les loix ancien-
 nes, & les commissaires. choisis pour le faict de la guerre, ou de la iusti-
 ce, comme seroient les Magistrats. Mais on ne peut pas iuger la diuersi-
 té des officiers & Magistrats par ceste diuision : non plus que par celle
 de Demosthene, qui est toute diuerse à celle d'Æschines son aduersaire.
 car il dit que ceux là sont Magistrats qu'on tiroit au sort au temple de
 Thesee. & ceux à qui le peuple donnoit puissance de commander, ou
 qu'il elisoit capitaines. la diuision de Varron & de Messala est aussi cour-
 te: à sçauoir qu'il y a deux sortes de Magistrats: les grands & les petits. ils
 appelloient les grands Magistrats, les Consuls, Preteurs, Censeurs, qui
 estoient eleus par les grands estats : & les autres estoient appelez petits,
 qui estoient faits par le menu peuple, & la ceremonie des Auspices estoit
 plus solennelle es vns qu'es autres. mais il faut trouuer les diuisions essen-
 tielles, & qui puissent seruir en toutes Republiques. comme celles que
 nous auons posees touchant la charge des Magistrats. aussi pouuons nous
 diuiser les Magistrats en trois sortes, pour le regard de leur puissance. les
 premiers se peuuent appeller Magistrats souuerains, qui ne doiuent obeis-
 sance qu'à la Majesté souueraine: les autres, Magistrats moyens, qui doi-
 uent obeissance aux Magistrats superieurs, & ont commandement sur
 autres Magistrats. les derniers sont ceux là qui doiuent obeissance aux
 Magistrats superieurs, & n'ont commandement que sur les particuliers,
 comme nous declarerons cy apres.

DE L'OBEISSANCE QUE DOIT
 le Magistrat aux loix, & au Prince souuerain.

CHAP. IIII.



D V I S que le Magistrat, apres le souuerain, est la per-
 sonne principale de la Republique, & sus lequel se deschar-
 gent ceux qui ont la souueraineté, luy communiquant
 l'auctorité, la force & la puissance de commander, c'est
 bien raison deuant que passer outre, de toucher brieue-
 ment quelle obeissance il doit au Prince souuerain: qui
 est la premiere partie de son deuoir. Et la differēce est à remarquer entre
 le Prince souuerain, les Magistrats & les particuliers: d'autant que le sou-
 uerain n'a rien plus grand ny egal à soy, voyant tous les sugets sous sa
 puissance: le particulier n'a point de sugets sus lesquels il ait puissance
 publique

Difference entre
 le prince, le Ma-
 gistrat, & le par-
 ticulier.

publique de commander : mais le magistrat soustenant plusieurs personnes change souuent de qualité, de port, de visage, de façon de faire : & pour s'aquitter de sa charge, il est besoin qu'il sçache comment il faut obeir au souuerain, ployer sous la puissance des magistrats, superieurs à soy, honnorer ses esgaux, commander aux sugets, defendre les petits, faire teste aux grands, & iustice à tous. C'est pourquoy les anciens disoient que le magistrat descouure quelle est la personne : ayant à ioier comme en vn theatre public, & en veüe d'un chacun, beaucoup de personages : aussi pouons nous dire, que la personne fait cognoistre quel est le Magistrat : car sil est tel qu'il doibt, il rehausse la dignité du Magistrat : sil en est indigne, il rauale l'auctorité d'iceluy, & la majesté du souuerain. & comme dit Tite Liue du Magistrat indigne de sa charge : *non qui sibi honorem adiecisset, sed indignitate sua vim, ac ius Magistratui quem gerebat dempsisset.* Or pour sçauoir quelle obeissance doibt le Magistrat au souuerain, il est besoin de sçauoir quel est le mandement du souuerain. Car les mandemens du Prince sont diuers : les vns portent edits & loix perpetuelles pour toutes personnes, de quelque qualité & condition quelles soiēt : ou pour quelques personnes, & pour quelques temps par maniere de prouision. les autres emportent quelque priuilege cōtre les edits pour vn seulement, ou bien peu de sugets : ou quelque bien-fait qui n'est point contre la loy : ou bien loyer aux bons, ou peine aux mauuais : ou quelque office, ou quelque commission : ou bien declarant quelque edit ou priuilege, ou biē pour faire la guerre, ou publier la paix : ou pour faire leuee de gens de guerre, ou pour dresser estapes : ou pour leuer tailles, aydes, subside, creües, nouueaux impôts ou empruns : ou pour enuoyer ambassades pour se coniouyr, ou cōdoloir du bien ou des infortunes des autres Princes : ou pour traiter mariages, alliances, ou autres choses semblables : ou pour construire & fortifier les places fortifiables, reparer les ponts, chemins, ports, & passages : ou pour iuger quelques procez : ou pour executer quelques mandemens : ou pour enteriner lettres de iustice, restituer les mineurs, les maieurs, les condamnez, ou pour abolitiō generale, ou particuliere, ou remissiō, ou lettres de pardon, qui sont differētes. desquels mādemens cy dessus declarez, y en a qui cōtiennent diuerses especes : comme les priuileges, & bien-faits, soit pour quelque don, ou exemption & immunité de toutes charges, ou de quelques vnes, ou exoines, ou lettres d'estat, ou pour auoir droict de bourgeoisie, ou de legitimatiō, ou de noblesse, ou de cheualerie : ou de foires, ou de corps & college : ou autre chose semblable. Toutes lesquelles lettres se peuuent resouldre en deux sortes, c'est à sçauoir, en lettres de commandement, ou lettres de iustice : combien que la clause, *S I V O V S M A N D O N S*, est aussi bien aux vnes comme aux autres : comme en cas pareil le mot Latin *I V B E M V S* estoit aussi bien aux lettres de iustice, comme aux lettres de grace & de faueur : comme on peut voir aux loix, & lettres

Magistratus virum.

1. Constitut. 17. & in
L. mandatis de pœ-
nis. ff.

4. Philip. Constit. ar-
tic. 11. & Carol. VII.
art. 66.

patentes des Empereurs de Grece. Mais les lettres de grace, ou qui procedent de la seule puissance & auctorité du Prince, sont proprement appellees en ce Royaume Mandemens, & les secretaires qui les expedient, secretaires des commandemens: & les lettres de iustice, le plus souuent sont expediees par les autres secretaires, & la difference du grand & petit seel, & mesmes en la pluspart la varieté de cire, & de queue simple ou double, ou le seel pendant en soye de diuerfes couleurs fait cognoistre la difference des lettres. Je sçay bien que les Latins appelloient *mandata Principum*, ceque nous appellons en nostre langue Instructions aux gouuerneurs, capitaines, ambassadeurs, & autres qui vont en quelque charge, ainsi se prend le mot de MANDATA en^r droit, ou l'Empereur Iustinian dit, qu'il auoit composé vn liure des mādemens, ou commandemens pour les gouuerneurs de prouince. Mais laissant la subtilité des mots, examinons la force des clauses portees par les lettres patentes & mandemens, comme est celle-cy, A T O V S P R E S E N S & à venir. ceste clause est apposee seulement aux lettres, qui sont faites pour auoir trait perpetuel: & non pas aux edits qu'on fait par maniere de prouision, ny aux commissions, ou autres lettres de prouision. cela est bien notoire. mais ceste clause TANT Q V A S V F F I R E D O Y V E, est bien de plus grande importance, & ordinairement apposee es lettres qu'on appelle de iustice, par laquelle le Prince laisse à la discretion de celuy à qu'il adresse ses lettres, pour les enteriner ou casser, selon que sa conscience & l'equité le iugera. ce qui n'est point es lettres de commandement, qui n'attribuent rien à celuy auquel elles s'adressent, si ce n'est quelquesfois la cognoissance du fait seulmēt, & non pas du merite de l'ottroy, quād ceste clause y est simplement, S I V O V S A P P E R T D E C E Q V E D I C T E S T, &c. Tellement qu'on peut dire les lettres de Iustice, ores qu'elles soient ottroyees par le Prince, ne porter aucun mandemēt, ny contrainte quelconque au Magistrat, à qui elles sont adressees: ains au contraire par les⁴ ordonnances de Charles VII. & Philippe le Bel, il est defendu aux iuges d'y auoir esgard, si elles ne sont equitables. Et cōbien que la mesme forme de lettres de iustice, soient ottroyees en Angleterre, qu'ils appellēt Briefs de iustice, & en Espagne, & autres Royaumes, si est-ce neantmoins que cela s'est plustost fait pour le profit particulier de quelques vns, que pour la grandeur & accroissement de la majesté des Roys (qui les ottroyent par forme de bien fait) ou pour nécessité qu'il en soit: puis que le tout est remis en la puissance du Magistrat apres l'ottroy des lettres: ce qui n'est pas auparauant l'ottroy d'icelles. Qui fut la cause que les estats tenus à Orleans presenterent requeste au Roy, pour retrancher ceste formalité de lettres, qui ne reuiert qu'à la foule du peuple, sans que le Roy ny le public en tire aucun profit. Aussi les anciens Grecs & Latins, n'ont iamais cognu ceste forme de lettres de iustice: mais les Magistrats sus la requeste des parties, faisoient autant
que

que nos iuges sus l'ottroy des lettres de iustice. & la clause, *Tât qu'à suffire* doyue, est celle mesme qui est portee par les edits des ¹ Preteurs en ceste forme, *SI QVA MIHI IVSTA CAUSA VIDEBITVR.*

1. l. i. ex quib. causis maior.

Vray est que la puissance de corriger, suployer, & declarer les loix, concernans la iurisdiction ciuile, ensemble de restituer & releuer ceux qui auoient esté circonuenus, ou qui auoient failli aux formalitez des loix (puissance qui estoit donnée aux Preteurs par l'erection de leur magistrat, comme dit ² Papinian) ressent ie ne sçay quoy des marques de la majesté souueraine : & pour ceste cause on appelloit le droict des Preteurs, droict honorable, que les ³ Docteurs appellent Noble-debuoir.

2. l. penult. de iustitia.

3. Bartol. Alexan. Alberic. ad l. Imperium de iurisdic.

Quant à la declaration & correction des edits & ordonnances, nous auons dit que cela appartient à ceux qui ont la souueraineté : mais quant aux restitutions, & tout ce qui concerne les lettres de iustice, il n'y a pas grande apparence que le Prince souuerain s'en empesche, ou pour mieux dire les officiers des Chanceliers sous le nom du Prince. l'excepteray seulement quelques lettres de iustice, qui passent sous le grand scel, & auxquelles la clause que j'ay dit, *Tant qu'à suffire* doyue, est inseree : laquelle clause depleut à certain personnage tenant l'un des plus hauts degrez d'honneur en ce Royaume, qui n'entendoit point la force d'icelle, & la voulut rayer, disant que la majesté du Roy estoit diminuee. mais il estoit excusable, n'ayant pas bien leu les ordonnances de nos Roys. Et comment seroit diminué la majesté des Roys pour ce regard, veu mesmes que les anciens Roys d'Egypte faisoient iurer les Magistrats de n'obeir iamais à leurs mandemens, s'ils commandoient de iuger iniquement, ainsi que nous lisons aux sentences des Roys d'Egypte rapportees par Plutarque. Puis donc que l'enterinement, ou rescision des lettres de iustice, adreesces sous le nom du Roy aux Magistrats, depend de leur equité & discretion, il n'est pas besoin d'en dire d'auantage. Mais quant aux lettres de commandement, qui ne portent que la question du fait simple, sans attribuer la cognoissance au magistrat du merite d'icelles, il n'est pas sans difficulté, si le magistrat estant informé du fait, comme il estoit porté par la teneur des lettres, les doit verifier ou executer estant iniustes. & la difficulté est encores plus grande quand les lettres n'attribuent puissance au magistrat, ny du fait, ny du merite de l'ottroy : & mesmement s'il y a mandement expres. Car quelquesfois les Princes vsent de prieres enuers les magistrats, par lettres particulieres de cachet, pour accompagner les lettres de commandement iniustes : & bien souuent es lettres patentes les prieres sont accompagnees de commandemens. Nous vous prions, & neantmoins comandon : en quoy il semble que le Prince deroge à sa majesté, si la chose est iuste, on à la loy de Dieu & de nature, si elle est iniuste. Or iamais le Magistrat ne doit estre prié, pour faire son debuoir, ny déprié pour ne faire chose qui soit inique & deshonorable, comme disoit Caton le Censeur : ioint aussi que le com-

mandement est incompatible avec les prieres. Donc pour resoudre ce point, si les lettres du Prince n'attribuent aucune cognoissance au Magistrat, ny du fait, ny du droit, ains seulement l'execution luy en est donnee, le Magistrat n'en peut prendre aucune cognoissance, si les lettres ne sont notoirement ⁴ faulces, ou ⁵ nulles, ou contre les loix de nature. comme si le Prince commandoit aux Magistrats de faire mourir les innocens, ou tuer les enfans, ainsi que Pharaon & Agrippa: ou de voler & piller les pauvres gens: comme de nostre aage le Marquis Albert, entre ses nobles cruautez faisoit planter des gibets aux villes qu'il auoit forcees, & commandoit aux soldats de piller & voler les habitans sus peine d'estre pendus: ores qu'il n'eust cause veritable, ny vray-semblable de prendre les armes. Or si le fuget d'un seigneur particulier, ou iusticier n'est pas tenu ⁶ d'obeir en termes de droit si le Seigneur ou le Magistrat passe les bornes de son territoire, ou de la puissance qui luy est donnee, ores que la chose qu'il commande fust iuste & honneste, comment seroit tenu le Magistrat d'obeir, ou d'executer les mandemens du Prince en choses iniustes & deshonestes? car en ce cas le Prince franchist & brise les bornes sacrees de la loy de Dieu & de nature. Si on me dit, qu'il ne se trouuera ² point de Prince si mal appris, & n'est pas à presumer qu'il voulust commander chose contre la loy de Dieu & de nature: il est vray, car celuy pert le tiltre & l'honneur de Prince, qui fait contre le debuoir de Prince. Nous auons monstré par cy deuant ⁷ que le Prince ne peut rien contre la loy de nature, & touché les distinctions qu'on peut faire és loix humaines, & que veut dire la puissance absoluë, & quel poix a la clause des lettres patentes, **TEL EST NOSTRE PLAISIR**, qui peuuent esclarcir la question touchant l'obeissance du Magistrat enuers le Prince, qui depend aucunement de la puissance du Prince sus le Magistrat, en laquelle nous ne voulons entrer, ains seulement remarquer le debuoir du Magistrat en l'execution des mandemens du souverain. Mais il y a quelquesfois de si meschans Magistrats, qu'ils font pis qu'il ne leur est commandé. comme il est tout notoire d'un qui eut mandement de leuer quatre vingt mil francs sus vne Prouince extraordinairement, il en leua iusques à quatre cens mil & plus: & en receut bon loyer. Et toutesfois Tibere l'Empereur quoy qu'il fut appelé cruel Tyran, reprist aigrement le gouuerneur d'Egypte d'auoir plus leué de deniers qu'il ne luy estoit mandé, disant *Tonderi meas oues, non cutem detrahi volo*. Si donc le mandement du Prince n'est point contraire aux loix de nature, le magistrat le doibt executer, ores qu'il soit contraire au droit des gens, qui peut estre changé & alteré par la loy ciuile: qui ne concerne point la iustice, & l'equité naturelle que le Prince ne peut alterer, ains seulement le profit & vtilité soit publique ou particuliere. Car combien que nous ayons dict que le Prince doibt garder le serment par luy

4. Rotæ decis. 3. de except. in nouis. Felin in cap. de cætero col. 2. Pano. eod. col. 7. Hostiens. & Imola in c. cum contingat. de rescript. 5. Imol. in Clement. 1. de re iudic. col. 9. Bartol in l. a diuo. de re iudic. text. in cap. pastoralis. de rescript. ext.

6. l. ult. de iurisdic.

2. Bald. in l. nuptæ de Senator. & in l. imperium. de iurisdic. Innocent. in cap. quæ in ecclesiis. de constit. 7. cap. de la souveraineté.

luy fait à son peuple, si l'est obligé par serment, & ores qu'il ne fust obligé par serment, neantmoins il doit garder les loix de l'estat, & Republique où il est souverain : toutesfois il ne faut pas conclure, que si le Prince contrevient en tel cas à son debvoir, que le Magistrat ne luy obeisse : car ce n'est pas au Magistrat de prendre cognoissance, ou contrevient aucunement à la volonté de son Prince es loix humaines, auxquelles le Prince peut derogier. Mais si le Magistrat cognoist que le Prince casse le plus iuste, ou le plus profitable edict pour donner lieu au moins iuste & moins proufitable au public, il peut tenir l'exécution de l'edict ou mandement en souffrance, iusques à ce qu'il ait fait ses remonstrances, comme il est tenu de faire, non pas vne, mais deux & trois fois : & si nonobstant ces remonstrances le Prince veut qu'il soit passé outre, alors le Magistrat le doit executer, voire dès la premiere iussion, si le delay estoit perilleux. Et à cela se doit rapporter ce que disoit ⁸ Innocence auparavant qu'il fust Pape, qu'il faut executer les mandemens du Prince, ores qu'ils soient iniques : ce qui s'entend de la iustice & vtilité civile, non pas si le mandement est contraire à la loy naturelle. Et la mesme interpretation doit servir à l'opinion des ¹ Docteurs, quand ils disent que le Prince peut derogier au droit naturel, qu'ils entendent le droit des gens & constitutions communes des autres peuples : affin que sous ombre de l'autorité des Docteurs, ou de l'equivocation du droit naturel, on ne vienne temerairement à faire breche à la loy de Dieu & de nature. Et si on dit que la loy ² de l'Empereur Anastase mande expressément, que les Iuges & Magistrats ne souffrent pas seulement qu'on produise les lettres, & rescripts octroyez aux particuliers, contre les edicts & ordonnances generales : ie responds que cela s'entend si n'est expressément derogé à l'ordonnance generale : & nonobstant la derogation, le Magistrat doit faire ses remonstrances au Prince : & combien que la chose soit dommageable au public, & contre les loix & ordonnances, si doit-il passer outre à la seconde iussion, suyvant les termes de la loy ³ de l'Empereur, à l'exemple de laquelle l'edict de Charles neuiesme a esté fait, touchant les remonstrances des Magistrats au Prince. & long temps auparavant Theodose le grand avoit fait vne loy à la requeste de saint Ambrois, par ⁴ laquelle il veut que l'exécution de ses lettres patentes & mandemens soient tenuës en souffrance xxx. iours après la signification d'icelles, quand il est mandé de punir quelques vns plus rigoureusement que de coustume : pour autant qu'on avoit fait mourir sept mil Thessaliens, au mandement de Theodose, pour la rebellion du peuple & meurtres commis en la personne des Magistrats. Et de là est venu la coustume d'obtenir anciennement trois ⁵ rescripts du Pape, qu'on appelloit monitoires, iussuaires, & executuaires. Nous ferons mesme iugement, si le Prince mande par ses

8. in cap. cum inceperit. de offi. deleg.
9. can. non licet. 10. distinc. Bald. in cap. cum adeo de rescript. ait obediendum si ius est positum.
1. glo. & Cynus in l. vlt. si contra ius vel vtilitatem pub. C. dd. in l. 1. de constitut. princip. ff. & in cap. quæ in ecclesiarum de constitution.

2. l. vlt. si contra ius. C.

3. authent. de manda. princ. §. deinde & authent. vt nulli iudicium. §. & hoc. Bald. in l. puniri. si contra ius. C. l. vlt. sententiam rescindi. C. Bart. in trac. de rescript. q. 6. & in authent. vt determinatus sit iudic. Bal. consil. 309. Anchara consil. 235. & 399.

4. l. si vindicari. de pœnis. C.

5. cap. literis. de rescript.

6. l. 2. que sit longa
consuet. C.

7. Plin. lib. 10. epist.

8. l. 3. de suppell. lega.
l. 2. de offi. prat.
2. Bartol. Alexan. Al-
beric. in d. l. barba-
rius. de offi. pratoris
& in l. regula de iu-
ris ignorant.

2. Liuius in fine li-
bri 31.

9. Appian. lib. 1. ciuil.
1498. le xv. Iuing.

lettres patentes, qu'on procede à l'exécution de la peine de ceux qui au-
ront contrevenu à ses edits & ordonnances, par longue souffrance du
Prince ou des Magistrats, car la souffrance du Prince & conniue des
Magistrats, au veu & sceu desquels les ordonnances sont enfreintes,
remet la peine meritee par la loy, laquelle ne peut⁶ autrement estre in-
firmee par l'abus de ceux qui ont contrevenu. Et par ainsi le Magi-
strat ne doit pas proceder temerairement à la peine, auparauant que
d'auoir fait republier les ordonnances decheuës par sa faute. mais biē le
Prince doit proceder contre les Magistrats, qui par negligēce ont lais-
sé aneantir ses edits. autrement ce seroit chose fort inique, & ressentant
sa tyrannie de faire des edits, & apres les auoir mesprizez vn long temps,
soudain proceder contre ceux qui par exemple auroient contrevenu,
voyant que les premiers n'auoient esté punis. C'est l'un des traits de la
tyrannie du cruel Neron, & des anciens Tyrans. & au contraire le bon
Empereur Traian⁷ manda à Plin⁸ gouuerneur de Natolie, faire publier
derechef les edits qui estoient aucunement enseuelis par la contrauen-
tion ou erreur des sugets, & souffrance des Magistrats: par ce que l'erreur
commun⁸ est tenu pour loy, si la loy de nature² ne resiste à l'erreur que
on pretend. Mais dira quelqu'un, le Magistrat doit il obeissance aux
mandemens qu'il croit estre contre nature, ores qu'ils ne soient point
contraires à icelle: car la iustice & raison qu'on dit naturelle, n'est pas
toufiours si claire qu'elle ne trouue des aduersaires: & bien souuent les
plus grands Iuriconsultes s'y trouuent empeschez, & du tout contrai-
res en opinions, & les loix des peuples sont quelquesfois si repugnantes,
que les vns donnent loyer, les autres punissent pour mesme fait. les li-
ures, les loix, les histoires en sont pleines, & seroit chose infinie de les co-
ter par le menu. Je responds à cela, si ce que les anciens disoient a lieu,
qu'on ne doit iamais faire ce qu'on doute estre iuste, ou iniuste, à plus
forte raison doit auoir lieu quand on tient pour certain, que la chose
que le Prince commande est iniuste par nature. Mais le Magistrat, quand
il est question de la iustice ciuile seulement, doit verifier & mettre en
execution les mandemens, ores qu'il pense qu'ils soient ciuilement iniques.
C'est pourquoy en toute Republique, on fait iurer tous les Magistrats
de garder les loix & ordonnances: affin qu'ils ne mettēt pas en dispute,
ce qu'on doit tenir pour resolu. C'estoit la coustume des Romains, quād
les anciens magistrats receuoient le serment des nouueaux, deuant qu'ils
entraissent en charge: & cela se faisoit au temple du Capitole apres les
sacrifices. autrement le Magistrat perdoit son estat si dedans cinq iours
il ne faisoit le² serment, & le Magistrat qui tenoit les estats du peuple,
contraignoit en particulier ceux qui auoient empesché la publication
d'une loy, de iurer qu'ils la⁹ garderoient sur peine d'estre bannis. Ainsi
L. Metellus Numidicus fut banni par arrest du peuple, n'ayant voulu
iurer les loix publiques à la requeste du Tribun Saturnin. & lors que les
ordon-

ordonnances de Loys x i i. furent publiees en Parlement, pour ce qu'il y en auoit plusieurs qui ne les trouuoient pas bonnes, le Procureur general requist qu'elles fussent gardees, & que defenses fussent faites de les reuoquer en doubte, sus peine de leze majesté, comme il se trouue aux registres de la Cour. c'estoit apres la publication des ordonnances. Mais d'autant que Loys x i. auparauant auoit vsé de menaces griefues envers la Cour de Parlement, qui refusoit publier & verifier quelques edicts qui estoient iniques, le President Lauacrie, accompagné de bon nombre de conseillers en robes rouges, alla faire ses plaintes & remonstrances, pour les menaces qu'on faisoit à la Cour. le Roy voyant la gratuité, le port, la dignité de ces personages qui se vouloient demettre de leur charge, plustost que verifier les edits qu'on leur auoit enuoyez, se ftonna, & redoubrant l'auctorité du Parlement, fist casser les edicts en leur presence, les priant de continuer à faire Iustice, & leur iura qu'il ne enuoyroit plus edict qui ne fust iuste & raisonnable. Cest acte fut de bien grãde importance pour maintenir le Roy en l'obeissance de la raison. qui autrement auoit tousiours vsé de puissance absolüe, & deslors mesmes qu'il n'estoit que Daufin, il enuoya querir les Presidens de la Cour, & leur dist qu'ils eussent à effacer la clause *DE EXPRESSO MANDATO*, que la Cour auoit fait mettre sus la verification des priuileges ottroyez au Comté du Maine, autrement qu'il ne fortiroit de Paris que cela ne fust fait, & qu'il laisseroit la commission que le Roy luy auoit donnee : la Cour ordonna que les mots seroient effacez, mais affin qu'on peust voir ce qui estoit biffé, elle ordonna que le registre seroit gardé, qui se trouue encores en la sorte qu'il fut ordonné, en date du xxviij. Iuillet M. C C C C xlii. Or les mots *DE EXPRESSO MANDATO*, & de *expressissimo mandato*, & quelquesfois *multis vicibus iterato*, qui se trouuent fort souuent és registres des cours souueraines, sus la publication des edicts, ont telle consequence, que tels edicts & priuileges ne sont gardeez, ou bien tost apres oubliez & delaissez par soufrance des Magistrats : & par ce moyen l'estat a esté conserué en sa grandeur, qui autrement fust ruiné par les flateurs des Princes, qui arrachent tout ce qu'ils veulent : & les Roys estants bien aises quelquesfois qu'on a vsé de ces restrictions ont tousiours esté bien aymez des sugets, sans que la verification portast effect au suget ny d'esobeissance au Roy à bien parler, ny charge à la conscience des Magistrats. Encores peut-on doubter si le Magistrat est receuable à quitter son estat, plustost que verifier vn edict, vne cõmission, vn mandement qu'il tient pour certain estre iniuste, & contre la raison naturelle, quand la Iustice d'iceux est reuoequee en doubte, & mesmement si plusieurs tiennent que l'edict soit iuste, au contraire des autres : car les bonnes & viues raisons sortent d'un cerueau bien resolu, qui n'est qu'en bien peu d'hommes sages & entendus, & qui se trouuent tous-

Saincte ordon-
nance de Loys xii.

1. lib. epist. 8.

iours en moindre nombre que les autres. Je dy en ce cas, que le magistrat n'est pas receuable, s'il ne plaist au Prince souuerain, à quitter son estat, ains doit estre contraint d'obeir aux mandemens du Prince, si la iustice d'iceux estant reuouquee en doute, est approuuee de la pluspart des magistrats, qui ont charge de verifier les edicts. autrement s'il estoit permis de quitter son estat, plustost que de passer vn edict approuué des autres, on feroit vne perilleuse ouuerture à tous les sugets, de refuser & regetter les edicts du Prince : & chacun en sa charge pourroit quitter la Republique au danger, & l'exposer à la tempeste, comme vn nauiue sans gouuernail, sous vmbre d'vne opinion de Iustice, qui, peut estre, seroit affectee d'vn cerueau bisarre sans propos, sinon pour faire contre-carre à l'opinion commune. C'est pourquoy entre les loüables ordonnances faictes par Loys x i i. il y en a vne qui porte, que si les Iuges sont de trois ou plusieurs opinions, ceux qui tiendront la moindre, seront contraints se reduire & ranger du costé de l'vne des plus grandes, pour conclure les arrests. la Cour se trouua empeschée sus la verification de l'ordonnance, par ce qu'il sembloit fort dur, & bien estrange à plusieurs de forcer la conscience des Iuges, és faits qui sont remis à leur prudence & religion. Toutesfois apres auoir considéré l'inconuenient qu'on voyoit ordinairement reüssir, pour la varieté d'opinions, & que le cours de la Iustice, & la conclusion des arrests estoit souuent empeschée, la Cour verifia l'ordonnance, laquelle par succession de temps a esté trouuee fort iuste & vtile. aussi estoit-ce la coustume des anciens de se reduire, ores qu'ils ne fussent cōtraints, comme lon peut voir en ¹ Plin d'vn iugement où partie des Iuges auoient condamné le coupable à mort : l'autre l'auoit absouls à pur & à plein, l'autre l'auoit banni pour quelque temps. ceux qui auoient absouls & condamné à mort se reduisirent au bannissement. Et en telles disputes, la reigle des sages ne peut faillir, qui veut que de deux choses iustes on suyue la plus iuste, & de deux inconueniens qu'on fuye le plus grād. autrement il n'y auroit iamais de fin aux actions des hommes. Aussi peut on dire que la iustice d'vne loy n'est point proprement naturelle, si elle est obscure & reuouquee en doute. car la vraye iustice naturelle, est plus luyfante que la splendeur du Soleil. Et neantmoins depuis l'ordonnance de Loys x i i. ie n'ay point entendu qu'il y ait eu Magistrat qui se soit voulu demettre de son estat, craignant d'estre forcé de tenir vne opinion contre sa conscience, alors mesmes que les estats de Iustice estoient donnez à la vertu. l'ordonnance de Loys x i i. n'a pas contraint les Iuges de iuger contre leur conscience, ains tacitement leur a permis de se demettre plustost de leur estat. mais ie dy qu'il pouuoit iustement le faire. Pour mesme cause les procureurs du Roy souuent ont contraint les Iuges de garder les ordonnances, ores que tous les Iuges fussent de contraire aduis. & me souuient que le

Presi-

President d'une des chambres des enquestes de Toulouse nommé Barthelemi, voyant tous les Conseillers de sa chambre de mesme opinion en un procez, & directement contre l'ordonnance, il les contraignit apres avoir fait assembler toutes les chambres de changer d'opinion, & iuger selon l'ordonnance. Toutesfois en ce cas, où l'iniustice seroit euidente au fait qui se presenteroit, les sages Magistrats ont accoustumé d'en aduertir le Roy, pour declarer son ordonnance : qui est l'un des poincts concernans la majesté : & n'appartiét pas au Magistrat de passer par dessus l'ordonnance, ny disputer d'icelle, estant claire & sans difficulté, ains il la faut bien estudier, pour l'executer de poinct en poinct. autrement si le Magistrat iuge contre l'ordonnance sciemment, la loy le note³ d'infamie : & si l'on fait par ignorance, ou ne pensant point que son iugement soit contraire à l'ordonnance, il n'est point infame pour cela, mais neantmoins son iugement demeureroit⁴ nul de foy. de sorte qu'il n'estoit point besoin⁵ anciennement d'en appeller. Or la difference est bien notable entre les edits & ordonnances publiees, & celles qui sont enuoyees pour publier. car tous Magistrats par le serment qu'ils font quand on les reçoit, iurent garder les ordonnances, & s'ils font autrement, outre la peine apposee aux edits qu'ils encourent, ils sont aussi sujets à la note d'infamie, comme⁶ pariures : mais aux edits & mandemens non publiez, & qu'on leur apporte pour verifier, ils ont liberté de les examiner, & faire leurs remonstrances au Prince deuant que les publier, comme nous auons dit cy dessus, encores qu'il ne soit question que de l'interest particulier de quelqu'un : à plus forte raison si l'on va de l'interest & dommage que peut souffrir, ou de l'utilité qui peut reüssir à la Republique : laquelle si elle est fort grande, couvre aucunement l'iniustice de l'edict, comme disoient les anciens. mais il ne faut pas proceder si auant que le profit pour grand qu'il soit commande à la raison, ny suiure les Lacedemoniens qui n'auoient autre iustice que l'utilité publique, ainsi que dit⁷ Plutarque, pour laquelle il n'y auoit serment, ny raison, ny iustice, ny loy naturelle qui tint en leur endroit, quand il alloit du public. Il est beaucoup plus expedient pour la Republique, & plus seant pour la dignité du Magistrat de se demettre de l'estat (comme fist le Chancelier de Philippe 11. Duc de Bourgogne) que de passer une chose inique : combien que le Duc voyant la constance inuariable de son Chancelier, qui vouloit quitter les seaux, reuqua le mandement par luy fait. & souuent ceste constance & fermeté des magistrats, a sauué l'honneur des Princes, & retenu la Republique en sa grandeur, quand il y va de l'equité naturelle. Mais si l'on n'y a plus de remede aux fautes du Prince souuerain, & qu'il mande aux magistrats que ses actions soient excusees enuers les sujets, il vaut beaucoup mieux obeir, & en ce faisant, couvrir & ensevelir la memoire d'une meschanceté faite, qu'en le refusant l'irriter pour faire pis, & getter le manche apres la coignée : comme fist Papinian

2. l. placuit de iudic
C. l. i. de legib. C.

3. l. i. ad Turpil.

4. l. cum prolatis de
re iudicat.

5. l. si expressim quando
appellare non est
necesse.

6. can. infames. 21.
q. 5.

7. Plutar. in Alcibiad.

Il vaut mieux
quitter l'estat que
d'obeir à chose
qui soit contrai-
re à la loy de na-
ture.

grand Preuost de l'Empire, & tuteur ordonné aux Empereurs Caracala, & Geta, par le testament de l'Empereur Seuer: auquel Caracala manda d'excuser enuers le Senat, le meurtre par luy commis en la personne de Geta son frere: il n'en voulut rien faire, & treucha sa response courte, disant⁸ qu'il n'estoit pas si facile d'excuser, que de faire vn parricide. l'Empereur irrité de ceste response l'enuoya tuer, & ne cessa deslors en auant de tuer, meurtrir, & tyranniser sans contredit. Et si Papinian eust couuert ce qui ne pouuoit plus se corriger, il eust sauué sa vie, & fait contrepoix aux tyrannies & cruautéz de l'Empereur, qu'il auoit tousiours eu en grand honneur, & respecté bien fort. I'ay bien voulu remarquer ceste faute que fist Papinian, laquelle plusieurs ont haut loué, sans prendre garde, que la resistance qu'il fist ne profita rien, & apporta vn domage irreparable aux affaires de l'Empire: estant priué d'un si grand personnage, & qui pouuoit plus que nul autre, pour estre Prince du sang, & le plus grand Magistrat. Si les choses eussent esté entieres, & que l'Empereur luy eust mandé de faire mourir Geta, ou qu'il ne trouuaist point mauuais fil tuoit, alors il y eust eu iuste cause de mourir plustost, que d'obeir ny consentir le parricide fraternel. Mais Seneque & Burras gouuerneurs de Neron, seront tousiours blasmez d'auoir conseillé⁹ à Neron de tuer sa mere, ayant failli à la faire noyer, & le conseil, & le mandement, & l'execution d'un tel acte tousiours seront iugez detestables. Mais posons le cas que le Prince ait donné mandement, qu'on ait ia commencé à executer, si l vient à reuoquer son mandement, le magistrat doit il differer à passer outre? on diroit de prime face qu'il faut sursoir sans passer outre, suiuant les maximes de droit: Je di que celà souffre distinction, c'est à sçauoir si la chose se peut laisser sans domma-ge du public: mais si elle est tellement acheminee, qu'on ne la puisse laisser sans danger euidet de la Republique, le magistrat doit passer outre: comme nous auons dit cy dessus au fait de la guerre: & à ce propos le Consul Marcel¹⁰ disoit, *Multa magnis ducibus sicut non aggredienda: ita semel aggressis non dimittenda*. Mais si le magistrat suiuant le mandement à luy fait, a commencé d'executer les condamnez, ou ceux que le Prince a commandé mettre à mort, il doit sursoir l'execution, si le mandement est reuoqué: & ne faire pas comme le Consul Fuluius, lequel ayât pris Capoue, comme il faisoit flaistrir, & puis decapiter les Senateurs Capouans, on luy apporta lettres du Senat Romain, qu'il eust à desister & sursoir l'execution: il mit les lettres au sein sans les lire, se doub-
tant bien du contenu d'icelles, & continua de faire mourir¹¹ le surplus iusques à lxxx. Vray est que le Senat n'auoit aucune puissance de rien commander aux Consuls, comme nous auons dit cy dessus: & toutefois le plus souuent on obeissoit au Senat. La cause principale pour laquelle les Gantois firent mourir les xxxvi. hommes de leur loy, apres la mort de Charles Duc de Bourgogne, fut pour auoir condamné vn
homme

8. Spartian.

9. Tranquil. in Nerone & Tacit. lib. 14.

10. Liuius lib. 24.

11. Liuius lib. 26.

homme à mourir depuis la mort du Duc, sans confirmation de leur office, iacoit que cela ne fust point nécessaire. Or tout ce que nous auons dit sentend seulement des lettres de commandement, ne portant aucune cognoissance de fait. mais que dirons nous quand les lettres au narratif d'icelles emportent quelques faits qui ne sont point notoires, ou pour le moins qui sont incognus au Magistrat? Il faut distinguer, si est mandé au magistrat de cognoistre de la verité du fait ou non, ou bien si la cognoissance du fait luy est defendue expressément par les lettres. Quant au premier, il n'y a doubte ⁴ que le Magistrat doibt cognoistre si le narratif des lettres est veritable. quant au second, quelques vns en ont doubté, mesmement si est porté, que le Prince estant bien informé de la verité, a commandé qu'on passast à l'execution des lettres: toutesfois la plus saine opinion est, que le magistrat en l'un & l'autre cas doibt cognoistre de la verité du fait. car quand il n'y a ny defense ny commandement de cognoistre du fait, ores qu'il soit porté qu'on passe à l'execution, le magistrat doibt cognoistre du fait, & assien que les magistrats n'en pretendissent cause d'ignorance, l'Empereur Constantin ² en fist vn edit expres. & quant à l'autre point si est porté qu'on procede à l'execution estant le Prince bien informé de la verité du fait: neantmoins le magistrat doibt cognoistre de la verité, nonobstant la clause que i'ay dit, qui ne doibt empescher la cognoissance, ny faire aucun preiudice ³ à vn tiers, & beaucoup moins au public, encores moins à la verité, & generally en termes de droit les clauses narratiues des mandemens, commissions, loix, priuileges, testaments, sentences, ne peuuent faire aucun preiudice à la verité. ⁵ Et combien que pendant la tyrannie des Sforces, ils firent vne ordonnance, ⁴ que foy & creance entiere seroit adioustee aux mandemens, & lettres du Prince, si est-ce qu'elle fut cassee, depuis que les Sforces furent chassez de l'estat de Milan par les François. Et si faut adiouster foy au narratif des lettres, & mandemens du Prince, celà ne se peut entendre ⁶ que de la declaration de leurs edicts, commissions, mandemens, ou iugemens: que nul ne peut ⁷ declarer qu'eux mesmes: combien que telles declarations sont plustost dispositions que narrations. mais si le Prince afferme par ses lettres, que celuy qui les a impetrees est sçauant, ou homme de bien, le magistrat n'y doibt auoir aucun ⁸ esgard, ains doibt s'enquerir de la verité. car le Prince entend qu'il soit tel. mais si le Prince a donné vn estat, ou vne commission à quelqu'un, cestui-là est estimé digne, & n'appartiét pas au magistrat de s'en enquerir: ⁹ si le Prince ne le permet, ou que la coustume ne soit telle, comme elle fut depuis en Rome, ¹⁰ & par tout maintenant, mesmement pour le regard des iuges. ce qu'on faisoit anciennement pour les Senateurs du temps de Theodoric Roy des Gots, lequel escriuant au Senat Romain pour receuoir vn nouveau Sénateur, dit, *Admittendos in Senatum, examinare*

4. l. vniuersa de diuersis rescript. C. c. ex parte. de rescript. ext.

Le magistrat doibt cognoistre de la verité du fait.

2. l. 4. si contra ius vel utilitatem C.

3. Paul. Castrenf. consil. 156. Alexand. consil. 10. lib. 7. Panor. in cap. ad audientiam col. 3. de præscript. Innocent. in cap. inquisitioni sine de sententia excommuni.

6. l. epistol. de pactis. 4. Boslius senator. Mediolanens. tit. de Principe.

5. Castrenf. consil. 158. examinato. col. vlt. Decius cōsil. 168. col. vlt. Felin. in cap. cum venissent de iudic. col. 2. nu 7. Curtius senior. cōsil. 49. & seq.

6. l. imperiali l. 3. l. humanum de legib. C. l. vlt. eod. l. placuit. de iudic.

7. l. vt gradatim de munerib. Bald. in l. præscriptione. si cōtra ius C. Innocent. in cap. super literis de rescript. Bart. in l. Aurelius. §. sticho. de liberat. legat.

8. l. disputare. de crimine sacrileg. C. l. quidam consulebāt. de re iudic.

9. l. vt gradatim. de muneribus.

cogit sollicitus honor Senatus, comme nous lisons en Cassiodore. Et s'il y a chose qui soit faulx, portée par le mandement du Prince, ottroyé au profit des impetrans, le magistrat les doit du tout casser: Encores seroit-il bien requis en toute Republique, que l'ordonnance⁹ de Philippe de Valois pour le regard des dons, & de Milan pour toutes choses, fust entretenue: par laquelle il faut que l'impetrant donne à entendre ce qu'il a auparavant obtenu, ou autre que luy, touchant le fait porté par les lettres s'il ne l'auoit ignoré. Et d'autant que les mandemens qui portent plus grande consequence au public, sont les priuileges, dispenses, exemptions, & immunitez, les Magistrats doibuent sur tout y veiller. Et principalement és estats populaires, ou l'inequalité causée par priuileges, tire apres soy les seditions populaires, & bien souuent la ruine des Republiques. Et pour ceste cause, il y auoit vne loy aux douze tables qui defendoit d'ottroyer aucun priuilege, ny dispense sus peine de la vie, sinon par les grands estats du peuple: *Priuilegia nisi commitiis centuriatis ne irroganto*,¹ *qui secus faxit capital esto*. Depuis l'Empereur Constantin² rescriuant au peuple disoit, qu'il ne faut pas obtenir mandement qui soit dommageable au fisque, ou contraire aux ordonnances. combien que tous priuileges sont directement contraires aux ordonnances, autrement ce ne seroient pas priuileges. Et s'il est question de les passer apres la seconde iussion, encores faut il donner coup, & les declairer le plus estroittement que faire se pourra,³ comme chose odieuse,⁴ & contraire⁵ au droit commun: & non pas les rir en consequence, comme par cy deuant ont fait les gens de iustice & les clerics, qui ont⁶ tiré à leur profit les priuileges ottroyez aux gensdarmes: vsant de ces beaux mots gendarmerie forense, gendarmerie celeste, & ont chargé tout le fais sus les pauvres payfans, ausquels on debuioit plustost communiquer les priuileges. Il n'est icy besoin d'entrer en la dispute des priuileges, qui seroit chose infinie: mais il suffit generalement en passant d'aduertir les magistrats, de prendre garde aux lettres qui portent quelque priuilege, & les examiner plus diligemment qu'on ne fait, quelque bon rapport que face le Prince de celuy qui obtient le priuilege: car on sçait assez que les Princes bien souuent n'ont iamais cogneu ceux qui arrachent les priuileges. combien qu'il n'y a ruse ny subtilité qu'on n'ait cherchée pour frauder les loix, & abuser de la religion du Prince, & des Magistrats, comme il s'est inuenté vne clause à Rome, *DE MOTU PROPRIO*, qui a coulé en toute l'Europe: car il n'y a Empereur ny Roy, lors qu'il est question de rompre vne loy, ou casser vn edict, & faire place aux dispenses & priuileges qui n'adiouste ces mots, de nostre propre mouuement: ores que les Princes ayent esté importunez, & quasi forcez d'ottroyer ce qu'on leur a demandé. On sçait assez qu'il y a tousiours des tesmoins au camp Fiori, qui deposent de la vertu, probité,

9. in cap. de rescript.
in cōstitutionib. Me
diolan.

1. Cicero pro domo.
2. l. nec damnosa. de
precib. C.
3. ca. vlt. de filiis pre
byter. Andr. Panor.
Bal. Butrio imol. in
cap. causamquæ. de
rescript. Felin. eod.
col 10.
4. l. si quando de i
uoffi. testa. C. l. 2. §.
merito ne quid in lo
co publico.
5. l. quod vero l. ius
singulare de legib.
6. Accurs. Bart. An
gel. in l. milites. de re
iudic. decisio. capel.
Tolos. 246. Panor. in
cap. olim de restitut.
& in cap. 1. de cleric.
ægro.

Clause pernici
euse.
De motu proprio.

probité, sçavoir, & preudhommie d'un qui sera au bout du monde, pour faire glisser la clause *DE MOTU PROPRIO*, qui excuse tous impetrans de lettres, ores qu'elles fussent tresiniques⁷, & en vertu de ceste clause, la cognoissance des subreptions & obreptions cesse: si nous receuons l'opinion de quelques⁸ vns trespernicieuse & dangereuse à un estat, & à laquelle en ce Royaume on n'a iamais eu egard, qu'il n'ait tousiours esté licite s'enquerir de la verité du faict. Et d'autant qu'il estoit facile de circonuenir le Prince, & les Magistrats quand les mandemens, lettres patentes, & rescripts auoient traict perpetuel, il a esté sainctemēt ordonné qu'elles ne seroiēt receuables apres l'an reuolu⁹, & qu'elles n'auroiēt aucun effect, iusques à la verification ou execution d'icelles. Et me semble que l'ordonnance de Milan est encores meilleure; c'est à sçavoir que les mandemens, & lettres patentes adreeses au Senat, ne soient receuables l'an reuolu: ny celles qui s'adressent aux Magistrats apres le mois expiré: & que non seulement on mette l'an & le iour, ains aussi l'heure, comme il se fait quasi par tout en Alemaigne, suiuant l'opinion de plusieurs¹ Iurisconsultes, pour clorre les procès, & differens qui suruiennent pour les dons, offices & benefices ottroyez en mesme iour à plusieurs. Le troisieme poinct de nostre distinction estoit, quand le Prince defend expressement par ses lettres patentes, de prendre aucune cognoissance des faicts portez au narratif d'icelles, ores que les faicts soient faux, ou douteux: sçavoir si le Magistrat en doit prendre cognoissance. il semble qu'il en doit cognoistre: car nous auons dit, qu'il peut & doit cognoistre, & s'enquerir des faicts portez par les rescripts, ores que le Prince declare sçavoir la verité. Je dy neantmoins qu'il n'appartient pas au Magistrat de passer par dessus les defences du Prince souuerain. car il y a bien difference, quand le Prince declare qu'il cognoist la verité, & quand il defend des'en enquerir: car en luy, il est à presumer qu'il a esté circonuenu, & que s'il eust bien sceu, qu'il n'eust pas affermé le vray pour le faux. comme s'il donnoit vne iudicature à vn soldat, ou vn estat de Capitaine à vn aduocat, ny l'un ny l'autre ne doit estre receu par le Magistrat, ny iouir du bien-faict, s'il est ainsi que le soldat s'est dit aduocat, & l'aduocat s'est dit soldat: attendu que la qualité pretendue auroit donné² occasion au Prince des'abuser. Mais quand le Prince defend au Magistrat de prendre cognoissance du faict, on doit presumer qu'il a bien entendu ce qu'il faisoit, & qu'il n'a pas voulu que le Magistrat en print cognoissance. mais bien pourra-il vser du remede que nous auons dit cy dessus, & remonstrer au Prince la verité, & l'importance de son mandement: & s'estant acquitté de son debvoir, obeir si luy est mandé derechef: autrement la majesté du Prince souuerain seroit illusoire, & sujette aux Magistrats. Combien qu'il n'est pas tant à craindre que la majesté soit diminuee, que les autres Magistrats soient induits, & puis le peuple à des-

7. cap. si motu proprio. de præben. lib. 6. Clementin. si Romanus. cod. de cens. rotæ 282.

8. cap. ad audientiam 1. descript. Andre. Pauor. Felin. cod. ext.

9. cap. plerunque de rescript. ext. Felin in cap. qd te. de rescript. col. 3. Panormit. in cap. dilectus. 2. de præben. Masuer. in pratic. titul. de literis notat. §. item literæ cap. vt debitus de appel. cap. vt nostrum cod. cap. si capitulo de concess. præb. 1. Accurs. in glo. vlt. in l. si ex pluribus §. vlt. de solut. Baldus laudat in l. imperator. 1. commentario primo. & in l. vlt. col. 4. de edicto. diui A. dti. C. Io. An. Panor. Imol Butrio in cap. pastoralis de rescript. ext. text. in cap. si à sede.

2. Bart. in l. si pater de hæredib. instituend. C. Bald. in l. eam quæ de fidei commissi. C. text. in l. cum tale de condit. & demōstra §. quod autem.

obeir au Prince, qui tire apres soy la ruine de l'estat. Si on me dit qu'il ne faut pas que le Prince commande rien qui soit inique, ie le confesse, & ne faut iamais, s'il est possible, que le Prince commande rien qui soit suget mesmes à reprehension, ny à calomnie: où s'il cognoist que les Magistrats soient de contraire aduis, & qu'il faudra vser de contrainte en leur endroit. Car par ce moyen le peuple ignorant est esmeu à desobeissance, & à mespris des edits & ordonnances, comme estans publices, & receües par force, & impression. Mais il est question de sçauoir que doit faire le Magistrat, si le Prince contreuenant à son debuoir, commande quelque chose contre l'vtilité publique, & contre la iustice ciuile, pourueu qu'il n'y ait rien contre la loy de Dieu & de nature. Et s'il est ainsi que le moindre Magistrat doit estre obeir, ores qu'il commande chose inique, *ne Prætoris maiestas contempta videatur*, comme dit la loy, combien plus doit-on obeir au Prince souuerain de la majesté duquel depend tous les Magistrats? Or cecy est repeté en plusieurs loix, qu'il faut obeir au Magistrat, soit qu'il commande chose iuste ou iniuste, suiuant l'aduis de tous les sages⁴ qui en ont escrit. Et à ce propos disoit Cicéron³, quoy qu'il fust ennemy capital des Tribuns du peuple, qu'il faut obeir à l'opposition inique des Tribuns *quo nihil, inquit, præstantius. impediri enim bonam rem melius est, quàm concedi malè.* & au parauant il auoit dit, *nihil exitiosius ciuitatibus, nihil tam contrarium iuri, ac legibus, nihil minùs ciuile est, & humanum, quàm composita, & constituta. Repub. quicquam agi per vim.* Et qui est celuy qui ne sçait qu'on a veu les sugets s'armer contre le Prince souuerain, voyans la desobeissance & refus que faisoient les Magistrats de verifïer, & executer ses edits & mandemens? Toutefois on crie, l'Edict est pernicieux au public, nous ne pouons, ny ne deuons le verifïer: cela est bon à remonstrier: mais voyant le vouloir du Prince ferme & immuable, faut il mettre vn estat au hazard? faut-il se laisser forcer? il seroit plus honnesté de quitter l'estat & l'office. Mais y a-il chose plus dangereuse ny plus pernicieuse, que la desobeissance & mespris du suget enuers le souuerain? Nous concludons donc qu'il vaut beaucoup mieux ployer sous la majesté souueraine en toute obeissance, qu'en refusant les mandemens du souuerain, donner exemple de rebellion aux sugets: gardât les distinctions que nous auons cy dessus posees: & mesmemét quand il y va de l'honneur de Dieu, qui est & doit estre à tous sugets plus grand, plus cher, plus precieux que les biens, ny la vie, ny l'honneur de tous les Princes du monde. Et pour sçauoir comme il s'y faut porter, entre plusieurs exemples, nous auons celuy de Saül, qui commanda de mettre à mort les Prestres sans cause, il n'y eut pas vn qui voulust obeir, horsmis Doeg, qui tout seul en fist l'execution. Nous auons vn tresbel exemple de Petronius gouuerneur de Surie, qui receut mandement de mettre la statue de l'Empereur Caligula au plus beau lieu du temple

3. l. prætor. ait. §. ait. prætor de noui operis l. penult. de iustitia. l. seruo. §. cum prætor. ad Trebel. ff.
4. Plato in Critone. Cicero pro Clædio. §. lib. de legib.

temple de Hierusalem, ce qui auoit esté fait en tous les temples de l'Empire : mais les Iuifs ne l'auoient iamais souffert en leurs tēples, & auoient getté, rompu & brisé toutes les images, & iusques aux boucliers des Empereurs qu'on y auoit mis par force. Dequoy irrité Caligula vſa de mandement expres, & rigoureux. Petronius assemble les vieilles bandes des garnisons, & met ſus vne puiffante armee pour executer ſa commission. Les Iuifs laiſſant les villes & la culture de la terre, s'en allerent à grandes troupes, luy remonſtrer qu'il ne deuoit paſtant craindre vn homme mortel, que de commettre vne meſchanceté ſi detestable contre la majeſté de Dieu : & le ſuppliant receuoir en bonne part leur conſtance, qui eſtoit de mourir deuant que de voir cela. Petronius toutefois leur diſt qu'il y alloit de ſa vie : & pour les eſtonner fiſt marcher ſon armee à Tyberias, où le peuple accourut de toutes parts deſarmé, & reſolu de mourir deuant que voir l'image miſe au temple, baiſſant les teſtes deuant l'armee de laquelle il auoit enuironné tout le peuple. mais voyant ceſte fermeté, & l'affection ſi ardente à l'honneur de Dieu, il fut tout changé : & leur promiſt qu'il enuoyeroit ſes remonſtrances à l'Empereur, & mourroit pluſtoſt, que d'executer la commission, en rachepant ſa vie au prix du ſang innocent de tant de peuples. Nonobſtant les remonſtrances, l'Empereur luy enuoya mandement iteratif, avec menaces rigoureuses de luy faire ſouffrir tous les tourments dont il ſe pourroit aduiſer, ſ'il n'executoit la commission. mais le nauire qui portoit la commission fut deſtourné par la tempeſte ; & ce pendant les nouuelles arriuerent à Petronius que l'Empereur auoit eſté occis : & en ceſte ſorte le ſage gouuerneur s'eſtant acquitté de ſa conſcience enuers Dieu, & de ſon deuoir enuers ſon Prince, & enuers les ſugets d'vne pitié grande, fut diuinement guarenty des cruauitez dont il eſtoit menaſſé. Mais auſſi faut-il bien prendre garde, que le voile de conſcience & de ſuperſtition mal fondee, ne face ouuerture à la rebellion. car puis que le Magiſtrat a recours à ſa conſcience ſus la difficulté qu'il fait d'executer les mandemens, il fait ſiniſtre iugement de la conſcience de ſon Prince : il faut donc qu'il ſoit bien aſſeuré de la loy de Dieu, qui ne giſt pas en mines. Je mettrois d'autres exemples, ſi ie ne craignois que ceux qu'on appelle Payés, ne nous fiſſent honte : car l'amour ſeruēt de l'honneur de Dieu, eſt tellement attiedy, & puis refroidy par ſucceſſion de temps, qu'il y a danger qu'en fin il ne gele du tout.

Exemple memorable de la prudence du magiſtrat, & conſtance d'un peuple.

DE LA REPUBLIQUE
DE LA PUISSANCE DES
Magistrats sur les particuliers.

CHAP. V.



1. l. legis virtus. de legib.

2. οὐδὲν ὄφελος τῆς πολιτείας ἰεῦρα οὐκ ἐχούσης κατὰ τῶν ἀδικούντων.

La force du commandement gist en la contrainte.

6 l. à diuo. prin. de re iudic.

3. l. 3. ne quis eum qui in ius vocat.

Q u s auons dit que le Magistrat est l'officier qui a commandement public. or celuy a commandement, lequel a puissance publique de contraindre ceux qui ne veulent obeir à ce qu'il enioint, ou qui cōtreuient à ses defences, & qui peut leuer les defences par luy faites. car' la loy qui dit, que la force des loix gist à cōmāder, defendre, permettre, & punir: est plus propre aux Magistrats qu'à la loy, qui est muete: & le Magistrat est la viue loy qui fait tout cela: veu que la loy en soy ne porte que les cōmandemens ou defences, qui seroient illusoires, si la peine & le magistrat n'estoiēt au pied de la loy, pour celuy qui cōtreuient. combien qu'à parler proprement la loy n'a rien que la prohibition & les menaces à faute d'obeir: attēdu que celuy qui commande defend de cōtreuenir à son commandement. & quant à la permission, ce n'est pas loy: car la permission leue les defences, & ne porte ny peine ny menasse, sans lesquelles la loy ne peut estre: veu que loy ne signifie autre chose que le commandement du souuerain, ainsi que nous auōs dit: & quelque menasse, ou peine qui soit apposee en la loy, iamais pourtāt la peine ne s'enfuit la desobeissance, qu'il ne soit dit par la bouche du magistrat. de forte que toute la force des loix gist en ceux qui ont le commandement, soit le Prince souuerain, soit le magistrat, c'est à dire, puissance de contraindre les sugets d'obeir, ou de les punir: en quoy gist l'execution des commandemens, que² Demosthene appelloit les nerfs de la Republique. l'ay dit puissance publique, pour la difference qu'il y a de la puissance domestique: l'ay dit puissance de contraindre, pour la difference de ceux qui ont cognoissance des causes, qui iugent & donnent sentences, & font citer par deuant eux: mais ils n'ont point de puissance de contraindre, ny de mettre en execution leurs sentences & commandemens, comme les anciens Pontifes, & maintenant les Euesques: & anciennement les commissaires deleguez par les magistrats, auoient bien puissance de cognoistre des causes qui leur estoient commises, & de condamner, & mesmes souuent ils appelloient les parties par deuant eux: mais ils n'auoient puissance de cōtraindre, ains ils enuoyoiēt leurs sentences aux magistrats, pour les ratifier, ou casser, & les faire⁶ executer si bon leur sembloit. c'est pourquoy la loy³ dit, que celuy qui auoit par force enleué quelqu'un qu'on menoit aux commissaires donnez par les iuges, n'est point suget à la peine de la loy, qu'il eust encourue si le commissaire eust eu commandement: comme à present par nos coustumes & ordonnances, les iuges commissaires ont puissance de commander, & faire executer leurs sentences par les sergens & autres personnes

personnes publiques, en vertu des commissions qu'ils decernent, sceellées de leur cachet. mais les Euesques n'ayans aucune puissance de contraindre, enuoyent leurs sentences pour executer aux magistrats: comme font en tout l'Orient les Cadis, qui ont cognoissance de tous procès, & n'ont aucune puissance de cōtraindre; ainsi ils enuoyent leurs iugemens aux Soubachis, qui ont le commandement & la force en main. Nous auons dit que la premiere contrainte de tous ceux qui ont puissance de commander, est la main-mise, tant sur les personnes, que sur les biens, que les anciens appelloient *Prehensio*: car ce n'est rien de faire appeller par deuant soy, ny de iuger, ny de condamner à l'amende, qui n'a la main-mise pour saisir les biens ou la personne de celui qui desobeist. Nous auons montré que tel a main-mise, qui n'a pas puissance de faire appeller par deuant soy, ny de cognoistre, ny de bailler main-leuee, ny d'elargir ceux qu'il a mis en prison: cōme nous auons montré des Tribuns du peuple, des xi. magistrats en Athenes, du Triumvir capital en Rome, des Auogadours en Venize, des gens du Roy, & procureurs de ceux qui ont droict de fisque és autres Royaumes & Republiques, & des commissaires du Chastelet de Paris, qui peuuent emprisonner, & saisir, & ne peuuent toutefois bailler main-leuee: qui appartient seulement aux Magistrats, qui ont pouuoir de condamner, & absouldre, & cognoistre les vns des biens, les autres des biens & de l'honneur, les autres des biens de l'honneur, & des peines corporelles iusques à la mort exclusiuelement: les autres inclusiuelement: & qui suget à l'appel, qui execute nonobstant l'appel. le dernier degré est la puissance de la vie & de la mort, c'est à dire puissance de condamner à mort, & donner la vie à celui qui a merité la mort. qui est la plus haute marque de souueraineté, & propre à la maiesté, priuatiuelement à tous magistrats, comme nous auons dit cy dessus. Ainsi peut-on iuger, qu'il y a deux sortes de commander par puissance publique: l'une en souueraineté, qui est absolue, infinie, & par dessus les loix, les magistrats & les particuliers: l'autre est legitime, sugette aux loix & au souuerain, qui est propre aux magistrats & à ceux qui ont puissance extraordinaire de commander, iusques à ce qu'ils soient reuozquez, ou que leur commission soit expiree. Le Prince souuerain ne recognoist, apres Dieu, rien plus grād que soy-mesmes: le Magistrat tient apres Dieu, du Prince souuerain sa puissance, & demeure tousiours suget à luy & à ses loix: les particuliers recognoissent apres Dieu (qu'il faut tousiours mettre le premier) leur Prince souuerain, ses loix & ses Magistrats, chacun en son ressort. Soubs le nom de Magistrats i'entends aussi ceux qui ont la iurisdiction annexee aux fiefs, attendu qu'ils la tiennent aussi bien du Prince souuerain comme les Magistrats. de sorte qu'il semble qu'il n'y a que les Princes souuerains qui ayent puissance de commander, & qui puissent vser proprement de ces mots, *Impero*, & *iubeo*, qui signifioient ⁴ anciennement,

liberum est
autem, et
liberum est
liberum est
liberum est

La plus haute
marque de la
Maiesté.

4. notat Donatus in
illud Andria, animo
iam nūc otioso esse
impero. id est volo.
& iubeo te saluere,
id est volo & iubeo.
Terent. te saluere, id
est quisquis an que iu-
beam faciat: Donat.
iubeam pro velim.

Notable questiō
disputee deuant
l'Empereur Hé-
rii.

5. Alciat. lib. 2. para-
dox. c. 6. & capit. 1.
Molinæ. §. 1. glo. 5.
nu. 53 in consuet. Pa-
ris.

6. Liuius lib. 10. Ci-
cero pro Rabirio
perduel. Salust. in
Catilin.

7. Cicero pro Rabi-
rio. perd. & pro do-
mo sua.

8. l. 2. de origine iu-
ris.

volō, & imperium, volonté. puis que le vouloir d'un chacun Magistrat, & de tous ceux qui ont puissance de commander, est lié, & depend entierement du souverain, qui le peut alterer, changer & reuoquer à son plaisir. & pour ceste cause, il n'y a pas vn Magistrat, ny tous ensemble, qui puissent mettre en leurs commissions, Tel est nostre plaisir: & la clause, sus peine de la mort. qu'il n'y a que le Prince souverain qui puisse user en ses edits & ordonnances. Et de là est issu vne question notable, qui n'est point encores decidee: à sçauoir si la puissance du glaive, que la loy appelle *Merum imperium*, est propre au Prince souverain, & inseparable de la souveraineté: & que les Magistrats n'ayent point *merum imperium*, ains seulement l'exécution de la haute iustice: ou bien si telle puissance est propre aux Magistrats, auxquels le Prince l'a communiquée. Ceste question fut disputée entre Lothaire & Azon, les deux plus grands Iuriscultes de leur aage, & choisirent pour arbitre l'Empereur Henry VIII. lors qu'il estoit à Boulōgne la Grasse, à la peine d'un cheual, que deuoit payer celui qui seroit condamné par l'Empereur. Lothaire emporta le prix d'honneur: mais la pluspart, & presque tous les autres Iuriscultes, tenoient l'opinion d'Azon, disans que Lothaire *Equum tulerat, sed AZO æquum*. Et depuis il s'en est trouué qui ont tenu l'opinion de Lothaire, de sorte que la question est demeuree indecise, qui toutefois doit estre bien entendue pour la consequence qu'elle tire apres soy. La difficulté est venue de ce que Lothaire & Azo n'ont pas eu cognoissance de l'estat des Romains, desquels ils exposoient les loix & ordonnances, ny pris garde au changement suruenu sous les Empereurs. Car il est bien certain qu'auparauant il n'y auoit pas vn Magistrat en Rome, ny tous ensemble, qui eussent la puissance du glaive sur les citoyens: & qui est beaucoup moins, ils n'auoient pas seulement puissance de condamner vn citoyen aux verges, depuis la loy Portia, publiée à la⁶ requeste de Caton le Tribun du peuple, l'an de la fondation de Rome ccccliiii. par laquelle le peuple osta non seulement aux Magistrats ceste puissance, ains aussi s'en despoüilla soy mesme, entant qu'il pouuoit, permettant aux condânez pour quelque crime que ce fust, de vider le pays. & qui plus est, il n'y auoit pas vn seul Magistrat qui eust pouuoir de iuger vn citoyen, s'il estoit question de l'honneur, ou d'un crime public, car le menu peuple s'en estoit reserué la cognoissance: & s'il y alloit de la vie, ou de perdre le droit de bourgeoisie, il n'y auoit que les grands estats du peuple qui en eussent la cognoissance, comme il estoit⁷ ordonné par les loix qu'on appelloit Sacrees. & iacoit qu'elles ne fussent gardées à la rigueur, si est-ce que Cicéron pour y auoir contreuenue fut banni, & perdit tout son bien. Depuis le Dictateur Sulla publia les loix des iugemens publiques, par lesquelles on érigea en tiltre d'offices ordinaires certain nombre de Preteurs, qui deuoient iuger ce que le menu peuple iugeoit⁸ auparauant, ou deutoit commissaires pour iuger: cōme des meurtres, des concus-
sions,

fions, du peculat, de leze majesté: mais de telle sorte que les Preteurs auoient leur leçon par escrit, & n'en pouuoient passer vn seul poinct. car ils tiroient au sort certain nombre de iuges particuliers, de ceux qui pouuoient estre iuges par les loix iudiciaires. & apres auoir ouy deuant tout le peuple les accusations & defenses de part & d'autre, on portoit à chacun iuge trois tablettes de diuerfes couleurs: en l'vne il y auoit vn A. en l'autre vn C. en la troisieme N. L. pour l'absouldre, ou condamner, ou bien ordonner qu'il en seroit plus amplement enquis, ce qu'ils disoient *ampliare*, & *amplius querere*, avec vn vase, dans lequel ils iettoient l'vne des trois tablettes sans mot dire: & cela fait, on contoit: & s'il y auoit plus de tables cotees par C. le Preteur vestoit sa robe tissue de pourpre, & montoit en vn haut siege en place publique, & au veu de tout le peuple prononçoit ces quatre mots, *REVS PARVM CAVISSE VIDETVR*, c'est à dire, qu'il sembloit que l'accusé ne s'estoit pas gardé de mesprendre: ou bien, *Non iure videtur fecisse*: ou, *Videtur prouinciam spoliasse*. c'estoit l'ancienne modestie & forme de parler, de peur d'estre trouuez menteurs: comme en ces mots, *SI QVID MEI IUDICII EST*, soudain la peine des loix estoit executée: le condamné vuidoit le pays, les receueurs faisoient son bien. & s'il n'obeissoit aux loix, le Triumuir capital le mettoit en prison. Voila la forme ordinaire des condamnations publiques faites par les Magistrats: par laquelle on peut iuger, que les iuges n'estoient que simples executeurs des loix, sans pouuoir adiouster ny diminuer vn seul poinct. Mais quand le peuple iugeoit, qui estoit tousiours extraordinairement, comme font tous ceux qui ont la souueraineté, la peine estoit portée par la sentence: comme en celle-cy, *SI M. Posthumius ante Cal. Maias non prodisset, neque excusatus esset, videri eum in exilio esse: ipsi aqua & igni placere interdici*. qui n'estoit pas la peine des loix, mais du peuple. & dura ceste forme quelque temps, apres que la Republique fut changée de populaire en Monarchie: comme on peut voir du temps de Papinian: qui a donné occasion à Lothaire & Azon de disputer, car il pose ceste maxime, Que tout ce qui est attribué aux Magistrats par ordonnance, ou loy speciale, il n'est pas en leur puissance de le commettre à personne: & pour ce les Magistrats, dit il, faillent en ce qu'ils commettent ceste charge à d'autres, si ce n'est qu'ils soient absens: ce qui n'est pas, dit-il, de ceux qui ont la puissance sans astrictiō de loix speciales, ains seulement en vertu de leur office, qu'ils peuuent commettre, ores qu'ils soient presens. Voila ce que dit Papinian, vsant du mot *Exercitionem publici iudicij*: comme s'il disoit, que ceux qui ont la majesté souueraine, se sont reseruez la puissance du glauiue, & en ont donné par loy speciale l'execution aux Magistrats: c'est l'aduis de Lothaire: & Azon entendoit par ces mots, que le droit & puissance du glauiue estoit attribué aux Magistrats. Or il n'y a doubte quel'opinion de Lothaire ne fust veritable, quād il n'eust parlé que des

9. Afconius in commentariis ad Cicero-nem, Cic. pro Cluē-tio in Verr.

1. absoluo, condem-no, non liquet.

o. Festus in verbo parum cauiss. quelques vns ont voulu corriger patrauisse, sans propos.

2. simile est in l. r. ad S. C. Turpilianum, S. iudex pronunciat, calumniatus es, condemnauit eum, & quamuis de pœna nihil subiecerit, attamen legis potestas aduersus eum exercitur.

2. l. r. de off. eius cui mandat.

anciens Preteurs Romains, & qu'il fust demeuré és termes de la reigle de Papinian. mais il a failly en ce qu'il a tiré en consequence ceste maxime à tous Magistrats, qui depuis ont esté, & qui sont par toutes les Republiques, ayant la cognoissance des meurtres, voleries, concussions & autres crimes semblables, qui leur sont par l'erection de leur office attribuez. Car les Empereurs & Iuriconsultes ayans cognu à veüe d'œil les inconueniens, & iniustice qui se faisoit, de cōdamner tous les meurtriers à mesme peine, ou les absoudre du tout, & faire le semblable des autres crimes, qu'ils appelloient Publiques, aduiserēt pour le mieux, d'eriger certains Magistrats, qui pourroient selon leur conscience, & religion croistre & diminuer les peines, ainsi qu'ils verroient estre à faire par raison. Et le premier ce fut Auguste, qui outre les tablettes cotees A. C. N. L. ordonna vne quatriesme tablette, par laquelle il estoit licite au iuge de pardonner à ceux qui auoient failly par la fraude d'autrui, & suyuant vn faux testament, comme nous lisons en Suetone. Ainsi peu à peu on quitta³ l'ordre, & circuit ancien porté par les loix iudiciaires, demeurant encores la peine establie par chacune, sans qu'on la peüst croistre ny diminuer⁴, horsmis ceux que i'ay dit. & souuent les Empereurs commettoient⁵ ou le Senat, ou les plus dignes Magistrats, pour cognoistre extraordinairement des plus grands personages, ou des crimes les plus qualifiez, & les punir ainsi qu'ils verroient, & iugeroient pour le mieux, sans les obliger aux loix penales, & ordinaires. & du tēps de Papinian, l'Empereur Seuer⁶ donna puissance au grand Preuost de Rome, de cognoistre extraordinairement de tous crimes quels qu'ils fussent, qui se commettoient dedans, & hors la ville quarante lieues à la ronde. & mesmes les Preteurs, qui n'auoient cognoissance que des causes ciuiles, & des crimes particuliers, ² cognoissoient de plusieurs crimes extraordinaires par preuention avec le grand Preuost: & encores plus les gouuerneurs des Prouinces, qui auoient, comme dit la loy, iurisdiction tresample, & la puissance du glaue, qui pour ceste cause estoient appelez Potestats. d'autant qu'il n'y auoit au parauant l'erection du grand Preuost, que les gouuerneurs des Prouinces qui eussent la puissance du glaue: & qui s'appellēt encores à present Potestats. Or il est tout notoire par les maximes de droit, que les Magistrats qui cognoissent extraordinairement, peuuent condamner à telle peine qu'ils voudrōt, sans fraude: cōme dit la loy, *Hodie. de Panis*. Il faut donc conclure que le grand Preuost, & les gouuerneurs de pays, & tous ceux qui cognoissent extraordinairement de crime public, soit par commission, soit en vertu de leur office, ont la puissance de iuger, cōdamner ou absoudre. & non pas l'execution de la loy seulement, à laquelle ils ne sont point sugets pour ce regard. Mais pour esclaireir ce poinct, il faut resoudre deux questiõs, à sçauoir si l'office est à la Republique, ou bien au Prince souuerain, ou propre à celui qui en est pourueu, ou commun

3. l. ordo. de public. iudic.

4. l. i. ad Turpil.
5. Tacit. & Tranouil.
in Tiberio. in Vespasiano.

6. l. i. de offi. prefec. vrb.

2. toto titul. de extraordinar.

au public, & au fujet. le second poinct est, à sçavoir si la puissance qui est ottroyee par l'erection du Magistrat est propre à celuy qui en est pourueu en qualité de Magistrat, ou si elle est en la personne du Prince, demeurant l'execution au Magistrat : ou commune au Prince & au Magistrat. Quant à la premiere question, il est sans difficulté, que tous les estats, Magistrats & offices appartiennent à la Republique en propriété (horsmis en la Monarchie seigneuriale) demeurant la prouision à ceux qui ont la souueraineté, comme nous auons dit cy dessus : & ne peuvent estre appropriez au particulier, si ce n'est par l'ottroy du souuerain, & consentement des estats, confirmé d'une longue possession à tiltre de bonne foy. comme il s'est fait des Duchez, Marchisats, Comtez, & de toutes les iurisdiccions feudales, qui anciennement estoient commissions reuocables au plaisir du souuerain, & peu à peu ont esté ottroyees aux particuliers à vie, puis à eux & à leurs successeurs males, & par succession de temps aux femelles : en fin elles ont passé en forme de patrimoine en plusieurs Royaumes. Si doncques on parle de la puissance du glaue, ou autre iurisdiction des feudataires, il n'y a doute que la propriété est à eux, en rendant la foy & hommage, & auoiant tenir du souuerain : sauf le ressort & droits de souueraineté. Il y a d'autres offices qui n'ont iurisdiction ny commandement, ains seulement vne simple charge publique & seruite, comme les quatre offices des chauffecierres en ce Royaume : les autres fiefs, comme plusieurs sergenteries en Normandie. on a voulu aussi faire les Conestables de Normandie, & de Champagne, & les grands Chambellans hereditaires : mais les pouruiuans en ont esté deboutez par plusieurs arrests : & entre autres il y en a vn solennel es registres de la Cour, donné l'an M. c c l x x i i. & deux ans après Symon Comte de Montfort, fut debouté du droit successif, qu'il pretendoit pour l'estat de Marechal de la foy, que les seigneurs de Mirepoix s'attribuent en leurs qualitez. Et d'autant qu'il y auoit certains Marechaux de France, qui vouloient cōtinuer leurs estats en leurs successeurs, ils en furent deboutez par arrest donné en Parlement le x x i i. Ianuier M. c c c l x i. comme il se trouue es registres de la Cour, où il est expressement dit, que les estats de Marechaux de France sont du domaine de la Couronne, & l'exercice ottroyé aux Marechaux tant qu'ils viuroient. Or combien que la puissance des Marechaux ne soit que pour le faict de la guerre, comme il fut iugé par arrest du x v. iour d'Aoust l'an M. c c c c l i x. neantmoins la discipline militaire emporte avec soy la puissance du glaue, ores qu'elle ne soit attribuee par edit, ou loy expresse : & n'a rien de commun avec les edits & ordonnances de la police, ny des autres Magistrats. Car combien que la puissance du glaue, & mesmes des verges fust ostee à tous Magistrats Romains, par la loy Porcia, que nous auons cottee cy dessus : neantmoins le Consul auoit toute puissance de la vie & de la mort sus les gendar-

Les duchés, comtez, Marquisats, estoient anciennement simples commissions.

8. lib. 6. de militari ac domestica Rom.

9. Liuius lib. 2. & 4.
Seneca lib. 2. de ira.
Cicero Philip. 3.

1. l. folet. l. more de iurisdic.

2. l. §. vlt. ad Turpil.
l. ordine ad l. municipale. l. si qua pona. de verb. signif. cā. iudicet. 3. q. 7. l. si quis reum de custod. reor. Anto. Butrio Imo la Panormit. Felin. Decius in ca. de causis. de offi. de legat. Bald. in l. & si seuerior. ex quib. causis. Bald. conf. 443.

2. l. nec mandante. de tutorib. datis l. cum ij. sed nec mandante de transact. l. & si de offic. eius cui mand.

3. l. r. §. qui mādātam. de offi. eius cui mād. l. & si. cod.

mes, sans qu'il y eust aucun moyen d'appel,⁸ comme dit Polybe, & pour ceste cause, dit-il, les Consuls ont puissance royale: mais il n'a pas pris garde, que les Preteurs, Dictateurs, Questeurs, & tous autres Capitaines en chef, auoient mesme⁹ puissance. Aussi par les lettres du Connestable de ce Royaume, la puissance du glaue ne luy est pas ottroyee: mais ayant la conduicte de la guerre, & en son absence, les Mareschaux de France, la puissance du glaue leur est attribuee, sans laquelle la discipline militaire ne peut estre maintenue: de laquelle puissance, par cy deuant abusoient les simples Capitaines, tuant les soldats sans forme ny figure de procès, iusques à ce que le Roy Henry leur eust fait defense d'en vser plus en ceste sorte par edit expres, publié à la requeste du sieur Dandelot, lors qu'il estoit Colonel des gens de pied. Si donc les Magistrats militaires, & Capitaines en chef, ont en toute Republique puissance du glaue, sans aucune limitation, ny restriction de la forme de proceder, ny des peines, pour la varieté des crimes & forfaits, le tout à leur discretion & iugement, on ne peut dire qu'ils soient simples executeurs de la loy, attendu qu'ils n'ont point de loy à laquelle pour ce regard ils soient sugets: & par consequent, il faut conclure, que la puissance du glaue est transferee en leur personne, suiuant la reigle de Papinian: & que par mesme suite ils peuuent¹ commettre ceste puissance, ores qu'ils soient presens, & en retenir ce que bon leur semblera: ce qu'ils ne² pourroient pas, si par loy speciale ils estoient contraincts d'en cognoistre eux-mesmes, & suiure de mot à mot les solennitez, & peines portees par les ordonnances. C'est pourquoy la loy dit, que le Preteur Urbain auoit puissance de commettre qui bon luy sembloit, ores qu'il fust present: ce que n'auoient pas les Preteurs des causes publiques, car le Preteur Urbain cognoissoit de toutes causes ciuiles & des criminelles (excepté les causes qu'on appelloit Publiques) entre les bourgeois de Rome: comme aussi faisoit le Preteur estably pour les causes d'entre les estrangers & bourgeois, & condamnoient, ou renuoyoient absouls ceux qui estoient conuenus par deuant eux selon leur discretion, ployāt, suployāt, & corrigeāt la rigueur & douceur des loix. mais quand la loy leur attribuoit quelque cause particulierement, ores que ce fust à leur conscience, neantmoins ils ne pouuoient commettre en ce cas: comme on peut voir en plusieurs³ exemples cotez par les Iuriconsultes. Ce poinct esclairecy nous achemine à la decision de l'autre, c'est à sçauoir que la puissance ottroyee aux Magistrats en vertu de l'erection qui est faite de leur office est propre à l'office, ores que l'office ne soit pas propre à la personne: car Papinian³ disant que les commissaires & lieutenans n'ont rien de propre, ains qu'ils vident de la puissance & iurisdiction de ceux qu'ils ont commis & deputez, monstre assez que la puissance est propre à ceux qui ont comis & député, soient Princes souuerains ou Magistrats. & en cas pareil la loy disoit que le

gou-

gouverneur de pays a toute puissance, apres le Prince, en son gouvernement, elle n'est donc pas seulement au Prince. Mais le neud de la question depend principalement de ceste distinction, à laquelle les Docteurs n'ont pas pris garde : c'est à sçavoir, qu'il y a grande difference de dire, que la puissance ou iurisdiction est propre au Magistrat, en qualité de Magistrat, ou bien en qualité de particulier. car il ne s'ensuit pas si la iurisdiction est propre au Preteur, que la Preture soit propre à la personne : ains au contraire la⁴ loy dit, qu'il a en depost, & qu'il en est garde. ainsi disons nous, Garde de la Preuosté, qui est parler proprement, & monstrent que les Estats & Magistrats demeurent en possession, & propriété à la Republique, comme le depost au seigneur, & que la garde en est baillee à ceux qui en sont pourueus. & pour mesme cause les Baillifs sont ainsi appelez du mot de Bail, c'est à dire gardien : & la Baillie ancienne de Florence des dix deputez estoit garde de l'estat & souueraineté. c'est pourquoy la Cour de Parlement en l'arrest des Mareschaux de France cy dessus coté, dist que leurs estats estoient du propre domaine de la Couronne, & l'exercice à eux tant qu'ils viuroient. Par ainsi nous pourrons decider la question generale, & sortir des termes de l'hypothese de Lothaire & d'Azon, qui n'ont parlé que de la puissance du glaive, & conclure, que toutes fois & quantes que les Magistrats, ou commissaires sont obligez par les loix & ordonnances, de commander, & user de la puissance qui leur est baillee, en la forme & maniere qu'il est prescript, soit en la forme de proceder, soit en la peine, sans y pouuoir adiouster ny diminuer, en ce cas ils ne sont que simples executeurs, & ministres des loix & des Princes, n'ayans aucun pouuoir pour ce regard, soit pour le faict de la police ou de la iustice, ou de la guerre, ou des traitez entre les Princes, ou des charges des Ambassadeurs. & en ce qui leur est permis, & laissé à leur discretion, en ce cas le pouuoir & puissance gist en eux. Et tout ainsi qu'il y a deux poincts principaux en toute Republique, que les Magistrats doiuent auoir deuant les yeux, c'est à sçavoir la loy & l'equité : aussi dirons nous qu'il y a l'execution de la loy, & le deuoir du Magistrat : que les anciens appelloient *Legis actionem*, & *iudicis officium* : lequel consiste à commander, ou decreter, ou executer. & tout ainsi que le mot *Iudicium*, s'entend proprement de ce qui est ordonné par le Magistrat, suiuant les termes de la loy : aussi le mot *Decretum*, s'entend proprement de ce que le Magistrat a ordonné suiuant l'equité sans loy : & pour ceste cause tous les arrests du Prince s'appellent proprement *Decreta*, & non pas *Iudicia* : car le Prince souuerain n'est point suget à la loy. en quoy s'abusent ceux qui ont appelle *Decreta* autre chose, que la sentence du Senat es deliberations resolues de son aduis : ou l'arrest du souuerain Prince, ou de ce que le Magistrat a ordonné, sans obligation de loy, ny coutume. Or telle proportion qu'il y a de la loy à l'execution d'icelle, sem-

4. l. vnica. de offic. præfecti august.

5. l. i. de cõstitu. princip. & Pauli libri decretorum in cognitionib. prolatorum duntaxat ad principem refertur, cuius propria iurisdictione dicebatur cognitio.

4. Cicero eleganter
pro Quintio : & in
3. offic. distinguit iu-
dices ab arbitris iu-
re datis : vt Aristot.
δικαστὰς ἀπὸ τῶν δι-
αιτητῶν.

2. 1. cum prolati. de
re iudic. Felin. in e.
cum non ab homi-
ne. de iudiciis.

5. §. 1. glo. 5. nu. 58. de
feudis.

6. Carol. 7. ar. 105. &
Carol. 8. ar. 73.

7. d. l. 1. de offic. eius
cui. l. solet. l. more. de
iurisdic.

8. toto titulo. de offi.
eius cui.

9. Bart. Fulgos. Ale-
xan. Paul. Castrenf.
in l. 1. de offi. eius
cui. Cyn. in l. vnica.

q. 4. qui pro sua iu-
risdic. C. Bald. in l.
nec quicquam. §. vbi
decretū. de offi. pro-
consul. Io. andr. in
addit. ad specul. tit.
de iudic. deleg. §. vlt.
vetsitem. ludo. Ro-
man. in l. imperium.
de iurisdic. om. iu-
dic. Anto. Imol. Pa-
nor. Felin. in cap. ali-
as. & in cap. quod se
des. de offi. de leg.
Bald. in l. gesta col. 1.
de re iudic. C. & in
titul. de offi. de leg.
dd. in d. cap. quod se
des.

blable y a-il de l'equité au deuoir du Magistrat. Et en cas pareil les Ma-
gistrats, és cas où ils n'estoient point sugets à la loy, ressembloient aux
arbitres : & ceux qui estoient du tout attachez aux loix, ressembloient
aux iuges commis pour cognoistre du faict seulement, qui n'auoient
aucun pouuoir de cognoistre du merite ny de la iustice de la cause. Or
l'un est seruil, l'autre est noble : l'un est obligé à la loy, l'autre ne l'est
point : l'un gist en faict, l'autre en droict : l'un est propre au Magistrat,
l'autre est réservé à la loy : l'un est escrit és loix, l'autre est hors la loy : l'un
en la puissance, l'autre hors la puissance du Magistrat. Et pour mieux re-
marquer ceste difference, la loy dit, qu'il n'est pas licite d'appeller de
la peine portee par les loix prononcee par le Magistrat, ains seulement
de ce que le iuge a déclaré coupable l'accusé ; mais il est permis d'ap-
peller de la peine decernée par le Magistrat : par ce que la peine de la
loy est du Prince, duquel il n'y a point d'appel. Voila sommairement
la distinction, par laquelle non seulement la question d'Azon & de Lo-
thaire sont decidees, ains aussi vne infinité d'autres, qui concernent la
charge & deuoir des Magistrats, esquelles plusieurs se sont fort enue-
loppés : les vns pour auoir mesprisé la pratique, les autres pour n'a-
uoir rien veu en la Theorique, la plus part pour n'auoir entendu l'estat
des Romains, ores qu'ils fussent bien exercez, & resolu en toutes
les parties du droict, neantmoins au faict des Magistrats, de leur puis-
sance & auctorité ils se sont trouuez fort empeschez. Car mesmes du
Moulin, l'honneur des Iurisconsultes, a suiuy l'opinion d'Alciat &
de Lothaire, sans les distinctions que nous auons posees, où il adiou-
ste, que la puissance de faire Lieutenans en ce Royaume a esté ostée
aux Seneschaux & Baillifs, par ce qu'ils ne sont que simples vsagers, &
que l'vsager ne peut faire autre que luy vsager : qui est vne raison sans
apparence, comme nous auons monsté cy dessus : ioint aussi qu'il n'y a
pas cent ou six vingts ans pour le plus, que Charles VII. & VIII. ont les
premiers érigés les Lieutenans des Baillifs & Seneschaux en titre d'offi-
ce. Et si ceste raison auoit lieu, pourquoy est-ce que Papinian dit ex-
pressément, que les Magistrats peuuent deputer & commettre en leur
presence, tant & si longuement, & avec telle limitation qu'ils vou-
dront, des choses qu'ils ont en vertu de leur office, & qui sont propres
à leur estat : or les estats & offices estoient beaucoup moins propres,
& moins affectez aux personnes qu'ils ne sont à present : car ils sont per-
petuels, & en Rome ils ne duroient qu'un an. & neantmoins ils com-
mettoient qui bon leur sembloit, & mesmes les Iurisconsultes ont fait
liures expres de ceux à qui la iurisdiction est commise : & qui eussent
esté inutiles, si la raison de l'vsager au Magistrat estoit receuable. Quant
aux anciens Docteurs, ils se sont enuoloppés de telle sorte, qu'il appert
euidemment qu'ils n'ont rien veu en l'estat & gouvernement de la Re-
publique des Romains, sans lequel il est impossible de rien decider
touchant

touchant ces questions. Car en ce que les Romains auoient proprement separé l'office du Lieutenant en tiltre du commissaire particulier, & de celuy à qui la puissance estoit baillee par le Magistrat de commander, qu'ils appelloient *legatum, iudicem datum, & eum cui mandata iurisdictio est*, les Docteurs ont tout confondu ensemble, sous le mot de Delegré: qui seroit chose longue, & superflue à refuter, n'ayant autre but que traiter ce qui concerne l'estat, & deuoir des Magistrats en general. Or tout ainsi qu'anciennement on s'efforçoit de lier les mains au Magistrats, Gouverneurs, Ambassadeurs, Capitaines, Lieutenans, & les obliger de suiure les loix, l'instruction, la forme prescrite, & les peines sans rien y adiouter ny diminuer: maintenant on fait tout le contraire, car il n'y a pres que Republique où les peines ne soient en l'arbitrage, & puissance des magistrats. & presque en toutes causes ciuiles, tous les interets sont arbitraires, sans auoir esgard aux peines portees par les anciennes loix des Romains, ny aux decisions de l'interest ciuil, que l'Empereur Iustinian voulant resouldre en vne¹ loy, pour contraindre les magistrats sous la puissance des loix, a esté cause de troubler tous les Iuges & Iuriscultes qui ont voulu suiure sa loy, impossible, & incompatible avec les loix anciennes: & en fin on a esté contraint de laisser le tout à la conscience, & religion des iuges, pour la varieté infinie des causes, des temps, des lieux, des personnes: laquelle infinité ne peut estre comprise en loix ny ordonnances quelconques. Et iacoit qu'il y a quelques peines & amendes portees par les edits, avec defenſe de les diminuer, neantmoins les magistrats souuent passent outre: comme pour l'edit des faussaires, que le Roy François 1. a fait, y mettant la peine de mort, soit en causes ciuiles ou criminelles, les Parlemens, Bailifs, & Seneschaux qui l'ont publié, verifié, & enregistré purement & simplement, ne le gardent point, ayant cognu par trait & succession de temps, qu'il estoit inique, pour la varieté infinie des causes, qui ne souffrent iamais semblable decision. I'ay dit cy dessus qu'on erigea^o vn officier nouveau à Rome, qui estoit le Preuost de la ville, avec puissance de corriger, suployer, & amender les coustumes & ordonnances, en ce qui cōcernoit sa iurisdiction. & chacun an le nouveau Preteur en la Tribune aux harangues, apres auoir remercié le peuple de^s l'honneur qu'il auoit receu, faisoit entendre les edits qu'il auoit progetez: puis il les faisoit pendre en lieu public. Toutesfois ce n'estoient pas loix, car ny les estats, ny le menu peuple, ny le Senat, ny les Consuls, ny les autres Preteurs, ny les Tribuns, ny les successeurs au mesme office, n'y estoient aucunement obligez: ains seulement les particuliers, & en ce qui touchoit la puissance du Preteur. C'est pourquoy disoit Ciceron, *Qui plurimum edicto tribuunt: legem annuam appellant: tu plus edicto complecteris quàm lege.* car le Magistrat, pour grand qu'il soit, ne peut derogier à la loy, & moins encores icelle abroger. & ne faut pas entēdre que le⁷ Iurisculte, quād

1. l. vnica. de sentent.
quæ pro eo quod in-
terest. C.

o. lege lēctoria apud
Censorinū.

5. Cicero in prima
orat. in Rullum.

6. in Pratura Vrba-
na.

7. l. penult. de insti-
tut.

il dit que le Preteur pouuoit corriger, améder, ou suployer les loix: qu'il eust pouuoir de deroger à icelles, ou les casser: qui estoit le plus haut poinct de la souueraineté: mais cela s'entend de la declaration des loix obscures, & en ce qu'elles pouuoient estre equitablement ployees, sans toutesfois les rompre ny contreuenir à icelles. C'est pourquoy la ⁸ loy dit generalemēt, que le Preteur ne pouuoit iamais donner la possession des biens à ceux qui par les loix & ordonnances ne pouuoient estre heritiers. aussi n'estoit-il pas en la puissance des Preteurs, ny de tous les magistrats ensemble faire aucun heritier: car cela se faisoit en ⁹ vertu des loix seulemēt: par lesquelles le ⁴ magistrat declaroit la succession appartenir à tel ou tel. Et combien que plusieurs edits fussent bien plus equitables que les loix, si est-ce que le premier Preteur qui vouloit (sans auoir egard aux edits de tous ses predecesseurs) en pouuoit faire de tous nouueaux, ou bien remettre en vſage les loix qui ia estoient enuieillies. Qui fut la cause que le Tribun Æbutius ¹ presenta requeste au peuple, qui passa en force de loy, à ce que les articles des loix des douze Tables, qui n'estoient plus en vſage par traict de temps, fussent par loy expresse cassez & abolis. ce qui n'eust pas esté fait, si les Preteurs en vertu de leurs edits, eussent peu deroger aux loix. Et mesmes les Preteurs qui auoient fait les edits n'y estoient aucunement sugets, ains ne laissoient pas de iuger tout le contraire: ce que Ciceron reprochant à Verres disoit, *Ille nulla religione motus, contra quàm edixerat, decernebat*. Combien que ceste reproche n'eust pas grande apparence: car tout ainsi que nul n'est suget à la loy qu'il donne, aussi peut-il pour bonne & iuste cause deroger à icelle. mais quelques annees auparauāt il auoit esté ordonné par le ² peuple, à la requeste du Tribun Cornelius, que chacun Magistrat seroit cōtraint de garder ses edits en iugeāt: ce qui retrāchea beaucoup des ports, & faueurs que faisoient les Magistrats à qui bon leur sembloit. Toutesfois ceste loy estant publiee, contre l'aduis de ³ plusieurs, & contre la ⁴ nature des loix, qui ne peuuent iamais obliger ceux qui les ont faictes, fut bien tost aneātie: aussi ceste loy ne se trouue point en tout le droit, iacoit ⁵ que les magistrats pour leur fait particulier fussent contraints de souffrir les mesmes edits, iugemens, & ordonnances qu'ils auoient donnez, & fait pratiquer aux autres: mais nonobstāt cela, tousiours la liberte demeura aux Magistrats de deroger à leurs edits, soit qu'ils fussent publiez pour l'annee qu'ils estoient Preteurs, ou pour vn mois, ou pour peu de iours. Et generally la ⁶ loy dit, que le magistrat peut reuoker son mandement, & defendre ce qu'il a commandé: iacoit qu'il ne puisse reuoker ce qu'il a iugé & prononcé avec cognoissance de cause. En quoy se sont mespris plusieurs qui ont appellé le simple commandement du magistrat *præceptum*, & non pas *edictum*, qui n'est autre chose, disoit ⁷ Varron, *quàm Magistratus iussu*: & ont pensé que tel commandement verbal n'obligeoit point, suiuant ⁸ l'opinion des anciens Docteurs.

8. l. non est ambigendum de bonorum posses.

9. s. sed remota in institut. de bonor. l. lege obuenire. de ver. signif.
4. l. & ex diuerso de rei vendic.

1. Gellius lib. 16.

2. Asconius Pædi. in Cornelianam. Dio. lib. 26.

3. Ascon. eod. loco.
4. l. A Titio §. nulla. de verb. oblig.

5. l. i. quod quisque iuris.

6. l. quod iussi. de re indic. l. si opus. de noui operis. l. qui veritate. de regul.

7. in lib. de lingua lat.

8. Bartol. in l. pater filium. §. iulius. de legat. 2. Cynum præceptorē secutus. Durandus in tit. de sententis. §. mista. secutus Iacobum Rauēnam.

cteurs. Si cela estoit veritable, pourquoy la loy⁹ commanderoit elle d'obeir au simple mandement du Magistrat, sans auoir egard si le mandement est iuste ou iniuste. Et le Iuriconsulte¹ Metian disoit, *Reipublicæ interesse, ut iniustis, & ambitiosis decretis pareatur*. combien que tous les² anciens Philosophes & Legislateurs, n'ont rien plus estroittement recommandé. Or il y a plus d'apparence d'obeir au simple mandement verbal, qui n'est que pour vn iour, qu'aux mandemens qui sont pour vn an, comme estoient tous les edits des Magistrats: d'autant que l'un est de plus facile execution que l'autre. Qui plus est les loix, les ordonnances, les decrets, les sentences de soy n'obligent personne, si la commission, c'est à dire, le commandement n'est au pied. Et les Magistrats Romains s'empeschoient fort³ peu à iuger, ains seulement commandoient qu'on obeist aux sentences de ceux qu'ils commettoient pour iuger. Si donques leur mandement verbal n'eust obligé personne, ils n'eussent point esté obeis. C'est pourquoy la⁴ loy permet à tous magistrats, de condamner à l'amende si on ne leur obeist, sans distinction du mandement verbal, ou de la commission qui a traicté, ou des ordonnances qu'ils font, ou des iugemens qu'ils donnent. De cest erreur en est issu vn plus grand, car les vns se glissans avec les autres, ont⁵ tenu qu'il est licite de resister de fait & de force aux magistrats, *vim inferētibus* (c'est le mot dont ils vsent) soit en iustice, soit hors iugement. or la difference est bien grande entre l'un & l'autre. car le Magistrat hors iugement, & hors la qualité de Magistrat, n'est rien plus qu'un particulier: & si l'outrage personne on luy peut resister, ainsi que la loy le permet: mais en executant sa charge en son ressort, & n'excédant point sa iurisdiction, il n'y a doute qu'il faut obeir: soit à droict ou à tort, comme⁶ dit la Loy. si l'excede son ressort ou son pouuoir, on n'est pas⁷ tenu luy obeir, si l'excez est notoire de faict: ains il se faut pouruoir par oppositions & appellations. si l'n'y a point lieu d'appel, ou qu'il passe outre, sans y auoir esgard, ny deferer au superieur, en ce cas il y a distinction, ou le grief est irreparable, ou bien il se peut reparer: si le grief se peut reparer, il n'est pas licite de faire aucune resistance: si le cas est irreparable, comme si l'est question de la vie ou de peine corporelle, & que le Magistrat voulust passer outre à l'execution sans deferer à l'appel, en ce cas il seroit licite de resister, non pas pour offenser le Magistrat, ains seulement pour defendre la vie de celuy qui seroit en danger, & que la defense fust sans fraude.⁸ autrement il n'est pas permis de resister au Magistrat en l'execution tortionnaire des biens, ores qu'il excédast son pouuoir, & qu'il ne deferaist à l'appel, ou qu'il fist iniure: attendu qu'on se peut pouruoir par appellations, par requestes ciuiles, par actions⁹ d'iniures, & autres moyens iustes & legitimes. Mais il n'y a loy diuine ny humaine, qui permette de reuanger ses iniures, de fait & de force contre les Magistrats, comme quelques¹ vns ont pensé: qui

9. l. prætor ait §. ait prætor. de noui operis.

1. seruo. §. cum prætor. ad Trebel. c. cū venissent. de restitut. in integrum.

2. Plato. in Critone. Cic. pro Cluentio & lib. 3. de leg.

3. Cicero, num Prætor iudicare solet de beri?

4. l. r. si quis ius dicēti non obtemperauerit.

5. Bart. Bald. in l. vt vim de iustitia. Zasius ad §. quadrupli. de action. dd. in l. meminerint vnde vi. C. & in 2. q. 1. Iaso. ad l. r. quod prætor. ne quis cum qui in ius.

6 d l. prætor ait §. ait prætor de noui operis.

7. l. ult. de iurisdic.

8. Bald. in l. si quis filio. §. 2. de iniusto rupto. Bart. in l. vt vim de iust. Innocent. in cap. si quando. & in cap. pastoralis. de offic. delegati. ext. l. r. vnde vi. C.

9. l. nec magistratibus. de iniuriis.

1. Specul. in tit de citat §. sed nūquid. Felin. in cap. ex literis de restitut. spoliat. Decius cōsil. 459. Afflict. lib. 1. consuet. Neapol. rit. l. nu. 78. Bart. in l. prohibitū. de iure fisci.

font ouuerture aux rebelles pour troubler tout vn estat : car sil est permis au suget de se reuanger de fait & de force contre les Magistrats, on vsera des mesmes arguments pour resister aux Princes souuerains, & fouler les loix aux pieds. Or les loix ont tousiours eu la voye de fait en si grand horreur, que mesmes elles ont ² restitué les voleurs & brigands, és lieux qu'ils auoient iniustement occupez, si par force ils en estoient chassés : & ont debouté ³ les vrayz Seigneurs de leurs droicts, quand ils ont procedé par voye de fait. & mesmes en cas d'exploits domaniaux, le Seigneur doibt faire proceder par ses Iuges. Car la plus saine opinion est, que les Seigneurs particuliers, quelque iurisdiction qu'ils ayent, ne ⁴ peuuent exploicter que par leurs officiers, sil est question de leur fait. Et la ⁵ loy qui dit qu'il ne faut pas permettre aux particuliers, ce qui peut estre fait par le magistrat, porte sa raison, *ne occasio sit maioris tumultus faciendi*. Aussi la loy des XII. tables qui dit, *VIS IN POPULO ABESTO*, ne s'entend pas seulement de la force, & violence par armes, ains aussi quand on ⁶ veut auoir ses choses, autrement que par la voye de iustice. Et sil n'est pas licite au vray Seigneur, d'aposter mesme son cachet aux choses qui luy appartiennent, estans en la possession d'autrui, comment seroit-il licite au Seigneur feodal, de saisir & exploicter le fonds, duquel la propriété est à autrui? Dauantage la ⁷ maxime de droict naturel ne souffre pas que personne soit iuge en son fait. Or de ceste question en depend vne autre, touchant la puissance & auctorité du Magistrat, à sçauoir, sil peut condamner celuy qui luy fait iniure : qui est encores ⁸ indecise. Toutesfois sans entrer plus auant en dispute, il est, & a tousiours esté licite à tous Magistrats ⁹ exerçans leur estat, ou commission, de condamner & chastier ceux qui parlent à eux temerairement, & proceder contr'eux par amendes & saisies de corps & de biens, selon la puissance & iurisdiction à eux donnée : si l'iniure n'estoit telle, qu'elle meritaist punition corporelle. alors les magistrats doibuent depouiller la personne publique, & receuoir Iustice de la main ¹ d'autrui : si ce n'est que l'iniure soit faite à vn corps, & college de Iuges souuerains : en ce cas ils pourroient cognoistre & iuger le crime : non pas pour vanger l'iniure faite à eux, ains à la Republique, qui est offensée beaucoup plus que ceux qui soustiennēt la personne des magistrats. Et iacoit que la loy dit, que l'action d'iniures se remet aisément, & par souffrance qu'elle est bien tost enseuelie, cela s'entend des particuliers, & non pas des personnes publiques, & mesmement des magistrats, lesquels on ne peut outrager, sans encourir crime de leze ² majesté. Et pour ceste cause le crime commis en la personne du magistrat, l'indignité du fait, & la peine croissent. ie di en la personne du Magistrat, non pas seulement quad il exerce son estat : ains aussi en quelque lieu qu'il soit portant les marques de magistrat, ou qu'il soit cognu pour tel, il doibt estre inuiolable, & comme disoient

2. l. i. si de fundo. de vi & vi armat. l. si pignore § si pigno. de pignora. l. i. §. si pigno. l. bona fides. de positi. l. ita vt si fur vel pigno. comod.

3. l. si quis in tantum ad l. iul. de vi. C. Lex. at quod natus. l. quē admodum. §. i. ad l. aquil. l. ex stipulatione. de acquir. vel amitt. pos. l. vnic. de suffrag. C. l. dotis. solutio. l. in reb. de iuredot. C.

4. ex l. creditores. ad l. iul. de vi priu. contra Molin. §. i. glo. 4. nu 7. in consuetud. parisi.

5. l. non est singulis. de regul.

6. l. creditores. de vi priuata. l. in reb. de iuredot. C.

7. l. i. ne quis in sua causa. C.

8. Bart. Bald. Alberic. Salic & in l. qui iurisdictioni de iurisdic. Panor. Butrio Felin. Barbat. Decius in ea. cum venissent de iudic. Oldrad. consil. 7. 9. l. i. si quis ius dicenti. l. item apud. §. additur de iniuriis. Angel. in l. qui iurisdictioni. de iurisdic. cap. i. de poenis. r. d. l. qui iurisdictioni. & l. i. ne quis in sua causa.

2. l. 3. ad l. iul. maiest.

disoient les anciens Latins *Sacrosanctus* : aussi la loy publiee pour la seureté des magistrats, s'appelloit *Horatia de sacrosanctis Magistratibus*, conceüe en ces termes ³ *Qui Tribunis plebis, Aedilibus, Iudicibus nocuerit, eius caput fovi sacrum esto : familia ad aedem Cereris, Liberi, Liberaque venum ito.* les vns ont voulu dire, que le mot de *Iudices* s'entend des Consuls, qui estoient seuls iuges alors entre tous les magistrats : en quoy il y a bien quelque ⁴ apparence : car ils s'appelloient premierement Preteurs & puis Iuges, & apres que leur iurisdiction pour la ville fut attribuee à vn Preteur special, ils furent appelez Consuls : mais toutesfois il semble que la loy ayant mis les Iuges apres les Tribuns, & les petits voyers (car les grands voyers, qu'ils appelloient *Aediles curules*, n'estoient encores erigez) a voulu comprendre tous les iuges, attendu mesmes que la loy n'est pas publiee à la requeste d'un Tribun, au mespris des Consuls, ains par le Consul Horace. car XLIII. ans auparavant la loy Iunia ⁵ *sacrata* auoit esté publiee pour la seureté des Tribuns : ioint aussi que la personne des Iuges, qui ont la puissance des biens, de la vie, & de l'honneur, est beaucoup plus sugette aux dangers, que des autres officiers. & pour ceste cause la loy n'a pas dit qui tueroit les Iuges, ains qui les outrageroit tant soit peu, c'est à dire *nocuerit*. & fait bien à noter, qu'il n'est pas dit en exerçant leur estat seulement, car ce seroit ouvrir la porte pour les tuer en tout autre lieu. Et celuy s'est abuzé, lequel ayant recueilly les arrests de la Cour, a pensé qu'un gentil-homme auoit esté condamné par arrest, d'estre traîné sus vne claye, & puis auoir le poing couppé, & son corps mis en pieces, son bien confisqué, & cinq cens liures d'amende enuers le Conseiller, pour l'auoir frappé sus le bras d'un coup d'espee lors qu'il l'interrogeoit. Car on sçait assez que ce n'est pas la coustume de venir pour estre interrogé l'espee au costé. Mais si le Magistrat estoit en habit deguisé, ou inconnu, ou si la nuict il rodoit les rues, comme faisoit Aulus Hostilius *Aedile*, qui ⁴ fut mal traité faisant effort à la porte d'une courtisane : & renuoyé avec sa courte honte quand il en fist sa plainte au peuple : en ce cas l'outrage à luy fait, ne doit pas estre puni comme fait au magistrat. car mesmes vn certain Tribun du peuple ayant voulu attenter à l'honneur d'une fille, fut pris par le *Triumvir* capital, & par luy ⁶ puni comme vn esclaue ou estranger, & delaisé par les autres Tribuns ses collegues, iacoit que les loix sacrees portoient defenses sus la vie d'offenser le Tribun, ny commander qu'il fust puni pour chose que ce fust. & en cas pareil si le Magistrat estoit masqué, & les particuliers masquez portants les marques de Magistrats : comme il se faisoit en Rome ² durant la feste de Cybelle, l'iniure faite au Magistrat ne seroit point punie comme faite au Magistrat. hors ces cas là, le Magistrat doit estre tenu pour tel, en quel lieu qu'il soit. Et non seulement il n'est pas licite d'offenser, ny outrager les magistrats de fait, ny de parole, ains il est necessaire de les respec-

³ Liuius lib. 3. Dionysius lib. 5. lata anno ab V.C. ccc lxxi.

⁴ Cicero lib. 3. de legib. & Varro lib. 2. de lingua lat. Festus lib. 14. Regio imperio duo sunt iique præeundo. iudicando, consulendo. Pretores iudices, Consules, appellantur. Liuius lib. 3. Nondum illis temporibus Cōsules dicebantur iudices, sed Pretores.

⁵ Dionys. lib. 6. Liuius lib. 2. Cicero pro Sextio.

⁴ Gellius.

⁶ Valer. max. lib. 8.

² Herodias. in Commodo.

cter & honorer, comme ceux à qui Dieu donne ceste puissance. Ce que les Romains anciennement faisoient bien d'autre sorte, qu'il ne se fait à present : car mesmes les Censeurs noterent d'ignominie, & degraderent vn bourgeois Romain de son ordre, pour auoir respiré & baillé vn peu trop haut en leur⁷ presence. & au Senat des Areopagites, il estoit defendu de rire : comme dit l'Orateur Æschine contre Timarque. Vn autre nommé Vectius fut tué sus le champ, pour ne s'estre leué lors que le Tribun⁸ du peuple passoit deuant luy. Et dé fait l'Empereur Valentinian appelle sacrilege de ne faire honneur aux Magistrats. Aussi lisons nous, que le fils de Fabius Max. voyant son pere de loing venir à luy, & que les massiers pour la reuerence paternelle, n'osoient le faire descendre de cheual, luy fist commandement⁹ de descendre : le pere obeissant ambrassa son fils, l'estimant d'auantage que fil eust fait autrement. car la puissance domestique doit ployer, dit la loy,¹ sous l'auctorité publique. Vray est que les estats alors se donnoient à la vertu, & non pas au plus offrant. mais pourtant s'ils sont achetez, il ne faut pas que sous ce voile, on vienne à mespriser le Magistrat : ce qui ne se peut faire sans vn mespris de Dieu, qui donne ceste puissance en quelque sorte que ce soit. Et pour ceste cause Dieu parlant à Samuël, ce n'est pas toy, dit-il, ains c'est moy qu'ils ont mesprisé. Et si les moqueurs ne sont touchez de la crainte de Dieu, si est-ce qu'ils ne peuuent nier qu'il ne soit plus que necessaire d'obeir, respecter, & honorer les Magistrats pour la tuition des Republicques, & société des hommes. ce que les anciens ont figuré, comme dit Æschine, par la Deesse Pitarchie, qui signifie l'obeissance des sugets aux Princes & Magistrats, laquelle ils ont appellee femme de Iupiter Sauueur : duquel mariage fut engendree Felicité. Aussi doit le Magistrat donner si bonne opinion de luy, de sa iustice, prudence, & suffisance, que les sugets ayent occasion de l'honorer, & ne souffrir pas que pour son indignité, l'honneur de la Republique soit foulé : car le crime en la personne d'un Magistrat double. Et de fait Solon en vn article⁴ de ses loix permit de mettre à mort le Magistrat, qui seroit trouué yure : qui montre combien le vice estoit alors blasmé, & la bonne opinion requise es Magistrats. ce que plusieurs s'efforcent d'euitier par trop grande rigueur & seuerité de peines : les autres veulent gagner la faueur en pardonnant. mais l'un & l'autre est reprouué par la² loy. En quoy plusieurs se sont mespris, lesquels ayans la puissance des peines sans loy, ont pensé que l'equité gist en douceur, contre la rigueur des loix : combien que l'equité est de telle nature, qu'elle n'a rien de commun avec la rigueur, ny avec la misericorde : mais elle ressemble la reigle Lesbienne, laquelle estant de plomb, ploye aussi bien d'un costé que d'autre. Si le forfait est plus grand que les peines apposees aux loix ordinaires, le Magistrat qui cognoist extraordinairement, doit croistre la

peine:

7. Valer. max. lib. 1.

8. Plutar. in vita Gracchor. Veturium vocat.

1. in tit. de quaest. & magistris offic.

9. Plutar. in Fabio.

1. I nam quod attinet. ad Trebel.

4. Laetius.

2. I. respiciendum de penis.

peine : si la faute est moindre, il doit adoucir la peine : & non pas affecter ^{3. d.l. respiciendum.} le tiltre de Magistrat pitoyable, qui est l'un des vices à fuir autant, voire plus que la cruauté. car la cruauté, bien qu'elle soit à blâmer, retient les sujets en l'obéissance des loix : & la trop grande douceur, fait mespriser les Magistrats & les loix, & le Prince qui les a establies. c'est pourquoy la loy de Dieu defend expressément d'auoir pitié du pauvre en iugement. Il y en a d'autres qui iugent bien, & ne se lachent point aller à la pitié, à laquelle les hommes naturellement sont plus enclins qu'à la rigueur, mais ils ne sçauent pas tenir la grauité seante au Magistrat : comme il s'est trouué de nostre aage l'un des premiers Magistrats de ce Royaume, lequel au plus haut siege de iustice, & alors mesmes qu'il condamnoit à mort, il donnoit quelque traitt de risée. Auguste faisoit bien autrement, car combien qu'il fust estimé fort entier, & droict en Iustice, si est-ce qu'il ne condamnoit iamais à mort qu'en soupirant, comme dit Seneque. Les autres au contraire, se cho-
lerent, menassent, & iniurient ceux qu'ils iugent : comme faisoit ordinairement Claude ^{4. Tranquil. in Claudio.} l'Empereur, qui getta vn iour le tranche-plume aux yeux de celuy qu'il iugeoit, avecques vn visage plus bestial qu'Imperial. non pas que ie vueille blâmer les cohortations & reprehensions acerbes, que le Magistrat doit faire aux accusez, alors mesmes qu'il veut vser de punition plus douce, enuers ceux qui par erreur ont failli, car c'est vne des choses les plus requises au Magistrat, de faire entendre la grauité des fautes, tant affin que les coupables cognoissent ce qu'ils ont merité, que pour les induire à repentance. & en ce faisant la punition a moins d'acébité, & plus de profit. comme Papyrius ^{5. lib. 9.} Cursor, que Tite Liue met par dessus tous les hommes de son aage, qui auoit vne dignité incroyable de bien commander, & neantmoins la seuerité dont il vsoit, estoit entremeslee d'une grauité douce, ainsi qu'il fist cognoistre à vn Capitaine des Prenestins, qui estoit venu au secours apres la bataille, Papyrius luy monstra son visage, avec vne parole qui faisoit trembler vn chacun, & soudain commanda au Massier de deslier la masse. le Capitaine n'attendoit que la mort, & neantmoins Papyrius dit au Massier qu'il coupast vn escot, qui empeschoit de se pourmener : & condamna le Capitaine à vne bonne amende qu'il paya tres-volontiers, pensant qu'on luy eust donné la vie : & si on l'eust fait mourir il y auoit danger de faire reuolter les allies. ce qu'il n'eust pas pardonné à vn Romain. mais tout ainsi qu'il y a grande difference entre les fautes qui se font en guerre & ailleurs : car, comme disoit vn ancien Capitaine, on ne peut faillir deux fois en guerre : aussi faut-il que les Magistrats militaires, vsent bien d'une autre façon de commander, de punir, d'exécuter les peines qu'on ne fait en paix : d'autant que la discipline militaire doit estre beaucoup plus seueré que la domestique. Non pas toutesfois que la rigueur doibue passer en cruauté : com-

6. in lib. 3 de ira.

me il s'est trouué plusieurs capitaines qui ne se monstroient iamais vail-
lans qu'à tuer les soldats sans les ouyr. comme Seneque⁶ met vn acte
de Pison proconsul, pour vn exemple de cruauté signalée enuers les sol-
dats: ayant veu vn soldat qui retournoit seul au camp, le condamna à
mourir, pource qu'il estoit retourné au camp sans compagnon, preiu-
geant qu'il l'auoit tué: le soldat affermoit qu'il venoit apres luy: Pison
ne voulant receuoir ceste excuse l'enuoya au supplice: sus le poinct
qu'on estoit de l'executer, son compagnon se presente plein de vie: a-
lors le Capitaine qui auoit charge de faire executer, retourne au Pro-
consul avec les deux soldats: le Proconsul irrité les fait tous trois mou-
rir: le premier par ce qu'il auoit esté condamné: le second par ce qu'il
auoit esté cause de la condamnation: & le Capitaine, par ce qu'il n'a-
uoit obeï. de sorte que pour l'innocence d'un homme, il en fist mou-
rir trois. ce n'est pas vser iustement, mais abuser tres-cruellement de
sa puissance: mais la cruauté d'autant estoit plus detestable, qu'il n'y
auoit moyen d'appel, ny de requeste ciuile, obstant la rigueur de la
discipline militaire.

DE LA PUISSANCE QUE LES

Magistrats ont les uns les autres.

CHAP. VI.



EN TOUTE République bien ordonnée il y a trois de-
grez de Magistrats. le plus haut est de ceux qu'on peut
appeller souverains: qui ne recognoissent que la maje-
sté supreme. les moyens obeissent aux vns, & comman-
dent aux autres. le plus bas degré est de ceux qui n'ont
aucun commandement sur les magistrats, ains seulement
sur les particuliers sujets à leur ressort. Et quant aux magistrats souue-
rains, les vns ont puissance de commander à tous Magistrats sans exceptiō:
les autres ne recognoissent que la majesté, & n'ont pouuoir que sus les
magistrats sujets à leur iurisdiction. Quant aux Magistrats souverains,
qui ont pouuoir sur tous les autres: & ne recognoissent que le souue-
rain, il y en a fort peu, & moins à present qu'anciennement, pour le dan-
ger qu'il y a que l'estat soit enuahi par celuy qui tient sous sa puissance
tous les sujets, & n'a plus qu'un degré pour monter à la souveraineté:
& principalement si le Magistrat, qui a ceste puissance est seul, & sans
compagnon, ayant la force en main, comme le grand Preuost de l'em-
pire, qu'ils appelloient *Præfectum Prætorio*, lequel auoit commande-
ment sur tous les magistrats par tout l'empire, & cognoissoit des appel-
lations de tous Gouverneurs & Magistrats, & n'y auoit point d'appel
de luy. i'iaçoit que les premiers qui eurent cest estat, n'estoient que ca-
pitaines des legions Pretoraines, comme Seius Strabo, le premier qui
fut

Il est dangereux
de faire vn Ma-
gistrat qui ait cō
mandement sur
tous les autres.

1. Flavius Vopiscus
in Florianō.

2. l. i. de offi. præf.
prætor.

fut pourueu de cest office fous Auguste : & Seianus fous Tibere. Mais les Empereurs qui furent apres, leur donnerent peu à peu toute puissance, comme à leurs Lieutenans generaux & amis plus intimes, se deschargeant sur eux de la cognoissance de toutes affaires, & des causes qu'ils auoient accoustumé de iuger. Qui fut la cause d'en pouruoir les plus grands Iurifconsultes, comme Martian fous Othon, Papinian fous Seuer, Vlpian fous Alexandre, deuant qu'on eust diuisé les armes d'auecques les loix, & les gens de iustice, d'auecques les capitaines. Depuis l'estat de grand Preuost fut diuisé³ en deux, & puis en trois, pour amoindrir leur puissance. Autant pouuons nous dire des grands Maires du Palais, & des Princes de France en ce Royaume, & du Lieutenant general du Roy : ausquels on pourroit aucunement aparager le premier Bascha en Turquie, & le grand Edegnare en Ægypte, fous la principauté des Sultans : mais le premier Bascha cede aux enfans du Prince qui commandent, & president en l'absence du pere : & le grand Edegnare n'auoit point de commandement sur les capitaines des forteresses, non plus qu'en Turquie, ny en ce Royaume, ny en l'estat de Venise, ny en Espagne. Aussi la puissance souueraine de commander à tous magistrats & officiers sans exception, ne se doit donner à vn seul, si ce n'est en cas de necessité, & par commission seulement, comme on faisoit anciennement aux Dictateurs : & maintenant aux regens en l'absence, fureur, ou basage des Princes souuerains. Ie di en l'absence, car il est bien certain qu'en la presence du souuerain, toute la puissance des magistrats & commissaires cesse, & n'ont aucun pouuoir de commander, ny aux fujets, ny les vns aux autres. Et tout ainsi que tous fleues perdent leur nom, & leur puissance à l'amboucheure de la mer : & les lumieres celestes en la presence du Soleil, & aussi tost qu'il s'approche de l'horizon, perdent leur clarté, en sorte qu'ils semblent rendre la lumiere totale qu'ils ont empruntée du Soleil. ainsi voyons nous, que celuy qui porte la parole pour le Prince souuerain, soit au conseil priué, soit en Cour souueraine, soit aux estats, se mettant à ses pieds, vse de ces mots, **LE ROY VOUS DICT**. Et si le Roy estoit absent, le Chancelier, ou President tenant la place du Roy par dessus tous les Princes, prononceroit suiuant l'aduis de la pluralité, au nom de la Cour, ou du corps & college ayant puissance de commander, & iurisdiction ordinaire. Et d'autant que le Chancelier Poyet, President au grand conseil, en l'absence du Roy ysoit souuent de ceste forme de parler, **LE ROY VOUS DICT**, fut accusé de leze majesté, outre les autres poincts d'accusation. En quoy plusieurs s'abusent, qui pensent que la verification des edicts, lettres, ou priuileges, est faicte par la Cour, quand le Roy y est present, veu que la Cour a les mains liees, & qu'il n'y a que le Roy qui commande. C'est pourquoy celuy qui porte la parole pour le Roy, dit en ceste sorte, Le Roy vous dict, que sur le reply de ces lettres se-

3. lib. 1. C.

En presence du souuerain toute la puissance des magistrats est tenue en soufrance.

ra mis, qu'elles ont esté leuës, publiques, & enregistrees, ouy sur ce son Procureur : sans y mettre, ce requerant, ny consentant : car l'aduis du procureur ne sert de rien, le maistre present. Aussi lisons nous qu'en l'assemblée des estats du peuple Romain, tous les magistrats baïssoient les faisseaux & massës en signe d'humilité, & parloient debout au peuple assis : montrant qu'ils n'auoient aucun pouuoir de commander. Et tous Magistrats procedoient par requestes vsant de ces mots, *VELITIS IUBEATIS*. Et le peuple quand il donnoit son consentement à haute voix, deuant la loy *Cassia tabellaria*, vsoit de ces mots, *Omnes qui hic assident, volumus iubemúsque*. Et les tablettes portoient ces lettres *A, & V, R, antiquo, vti rogas*. Et en cas pareil, le peuple d'Athenes estoit assis, alors que les magistrats parloient tout debout. Mais dira quelqu'un, si est ainsi que les magistrats n'eussent aucun pouuoir de commander aux particuliers, ny les vns aux autres en la presence de ceux qui auoient la souueraineté, pourquoy est-ce que le Tribun du peuple enuoya son huissier au Consul Appius pour luy imposer silence ? & le Consul pour luy rendre la pareille, luy enuoya son massier, criant tout haut qu'il n'estoit pas magistrat ? Je responds que souuent tel debat aduenoit entre les magistrats, mesmement entre les Consuls & Tribuns : mais il ne faut pas pourtant conclure, que l'un eust puissance de commander à l'autre en presence du peuple : comme il fut bien remonstré au premier President le Maistre, sus le differend des habits, entre le Parlement & la Cour des Aydes, qui debuoient accompagner le Roy, il aduint au President de faire deffenses, & vser de commandement enuers la Cour des Aydes : & iacoit que le Roy ne fust pas si pres, qu'il peust ouyr le commandement : toutesfois on dist au President, qu'il n'auoit rien à commander au lieu où estoit le Roy, quand ores il eust eu commandement sus la Cour des Aydes. Encores peut-on dire, que si les magistrats n'auoient puissance de commander, ils ne seroient plus magistrats : & la prerogatiue des presséances ne seroit pas si soigneusement gardee en la presence du Roy, comme elle est. Je di que les magistrats demeurent en leurs offices, & par consequent en leurs dignitez & honneurs : & n'y a que la puissance de commander suspendue : comme en cas pareil le Dictateur estant nommé, tous les magistrats demeuroient bien en leurs estats & offices, mais la puissance de commander estoit tenuë en soufrance : & aussi tost que la commission du Dictateur expiroit, ils commandoient : ce qu'ils n'eussent fait, si le magistrat & office leur eust esté osté reellement & de faict. Qui seruira de response à ce qu'on pourroit tirer en argument ce qu'on list és anciens auteurs, *Creato dictatore, magistratus abdicant* : qui ne s'entend que de leur puissance, qui estoit suspendue pour vn peu de temps. Et la raison est generale, que la puissance du moindre soit tenuë en soufrance, en la presence du superieur : car autrement

1. Plutar. in Phocione.

ment le suget pourroit commander contre la volonté du seigneur: le seruiteur contre le gré du maistre: le magistrat contre l'aduis du Prince: chose qui feroit preiudice ineuitable à la majesté souueraine, si ce n'estoit que le Prince depouillast la personne de souuerain, pour voir commander ses Magistrats: comme l'Empereur Claude souuent alloit voir les magistrats en public & sans se deguïser, se mettoit au dessoubs d'eux, leur quittant le plus digne² lieu: ou bien que le Prince voulust souffrir iugement de ses officiers, luy present. Car la³ maxime de droit qui veut que le magistrat esgal, ou superieur puisse estre iugé par son compagnon, ou inferieur, quand il s'est soubmis à sa puissance, a lieu en la personne de tous Princes souuerains, pour estre iugez, non seulement par les autres Princes, ains aussi par leurs sugets. Car iacoit que ceux-là peuuent iuger en leur cause, à qui Dieu a donné puissance de disposer sans iugement, comme disoit Xenophon: ⁴ neantmoins il est beaucoup plus seant à leur majesté de souffrir iugement de leurs magistrats, que se faire iuges de soy-mesme. Mais afin que la majesté ne souffre aucune diminution de sa grandeur, & que la splendeur du nom Royal n'ebloüisse les yeux des iuges, il a esté sagement aduisé en ce Royaume, que le Roy ne plaideroit que par procureur, c'est à dire, qu'il ne seroit iamais en qualité. ce que depuis les autres Princes ont fuiuy. Vray est que le procureur du Roy plaidant pour le Roy en qualité de particulier, comme s'il obtient lettres en forme de rescision, il doit laisser la place du procureur du Roy, & se mettre au barreau des Pairs de France. Ce que j'ay dict que les magistrats n'ont point de puissance en la presence du Roy: s'entend aussi quand leurs commissions s'adressent aux sugets de leur iurisdiction, lors qu'ils sont à la Cour, suite, & pourpris d'icelle: ce qui est gardé bien estroittement. Mais on peut demander, si le magistrat peut defendre au suget d'approcher de la Cour, au ressort de son territoire. Celà n'est pas sans difficulté. toutesfois sans entrer plus auant en dispute, ie di que le magistrat bannissant le coupable hors le territoire de sa iurisdiction, où le Prince peut estre alors, il luy defend aussi d'approcher de la Cour: mais il ne peut specialement luy faire defense d'approcher de la Cour: en quoy la reigle de Papinian a lieu, qui dit, *Expressa nocent, non expressa non nocent*. Et mesouient qu'on trouua bien estrange à la Cour, & mesme le Chancelier de l'Hospital, que les commissaires deputez au iugement du President Lalemand, luy firent defenses d'approcher de dix lieues à la ronde de la Cour. & fut dit qu'il n'y auoit magistrat ny Cour souueraine qui peust faire telles defenses. Et peut estre ce fut l'une des principales causes, pour laquelle le President Lalemand, au conseil duquel i'estois, obtint lettres de reuision. Car non seulement il seroit trop dur & inhumain, d'oster la voye de requeste au suget enuers son Prince; qui est de droict diuin & naturel: ains aussi ce seroit faire vn preiudice

2. Trāquil in Claud.
3. l est receptum de iurisdic. l. si quis in conscribendo. de patris.

4. lib. 3. de ac l & hoc Tiberius de hæredib. insti. l. serui de furtis ff.

c. l. relegatorum de
pœnis ff.

En la presence
des plus grâs ma-
gistrats les moin-
dres n'ont point
de puissance.

o. l. iudicium solui-
tur de iudic. ff.

s. ad articum lib. 2.

6. Valer. lib. 7. c. 7. &
lib. 5. c. 4. Plin. lib. 7. c.
36. Festus in verbo
pietati.

7. Valer. lib. 2. cap. 3.
8. l. 3. §. ult. l. nã & ma-
gistratibus de arbi-
tris l. apud de manu-
miss. vindic. l. minor.
de minorib.

à la majesté souveraine, comme j'ay dit cy dessus. Et combien que les cours souveraines bannissent hors du Royaume, & aux lieux où ils n'ont point de puissance, contre le droit commun: si est-ce que l'arrest n'auroit point d'effect, si le Roy, au nom duquel les Parlemens iugent, ne donnoit la commission: aussi tous les arrests en forme commencent par le nom du Roy. Or tout ainsi qu'en la presence du Prince la puissance de tous Magistrats est tenuë en souffrance: aussi est elle en la presence des Magistrats superieurs & commissaires, qui ont puissance de commander aux inferieurs. comme on peut voir en ce Royaume, où les Presidens & Conseillers, chacun en leur ressort; & les maistres des requestes, en tous les sieges de iustice, horsmis es Cours souveraines, ont puissance de commander aux Seneschaux, Baillifs, Preuosts, & autres Magistrats inferieurs: se mettans en leur siege de iustice, & peuuent iuger, ordonner, & commander comme superieurs aux inferieurs, & leur faire defenses de passer outre: ce qui est general à tous magistrats superieurs, comme dit la loy, *Indicium soluitur, vetante eo qui iudicare iusserat, vel qui maius imperium in ea iurisdictione habet*. Le mot *imperium* ne signifie pas seulement puissance de commander, ains aussi le Magistrat mesmes. & quand Ciceron a dit, *maius imperium à minore rogari ius non est*: il vouloit dire, que le Magistrat, ou Commissaire egal en puissance, ou superieur, n'est tenu de respondre par deuant son collegue, ou moindre que luy. qui est la maxime des anciens, que le Iuriconsulte Messala declare par exemples. *A minore imperio, maius: aut à maiore collega rogari iure non potest. quare neque Consules, aut Praetores, Censoribus: neque Censores, Consulibus, aut Praetoribus turbant, aut retinent auspicia: at Censores inter se, rursus Praetores, Consulésque inter se, & vitiant, & obtinent*. Voila les mots de Messala, qu'il dit auoir trascripts du xiiii. liure de C. Tuditanus. mais il y a faute en ce qu'il dit apres, *Praetor & si collega Consulis est, neque Praetorem, neque Consulē iure rogare potest*. Il faut mettre *Praetor & si collega Praetoris est*. si ce n'estoit qu'on voulust sauuer ceste lecture en disant, que les Consuls, Preteurs, & Censeurs estoient collegues, *quia soli iisdem auspiciis, iisdem comitiis, id est, maioribus creabantur: ceteri minoribus auspiciis & comitiis*. mais ce mot de *collega*, où il est question de commandement, ne se peut ainsi prendre. aussi iamais il ne se trouuera que le Preteur fust collegue, ny compaignon du Consul. mais bien au contraire, l'appel du Preteur alloit au Consul: comme nous lisons que le Cōsul Æmylius Lepidus cogneut de l'appel intergeté du Preteur Oreste, & cassa son iugement. nous voyōs aussi que le triomphe fut adiugé au Consul Luctatius, pour auoir commandement sur le Preteur Valere, comme celuy qui estoit sous sa puissance. Aussi le Consul auoit douze Massiers, & les Preteurs n'en auoient que deux: & ceux qu'on enuoyoit aux prouinces n'en auoient que six, que les Grecs pour ceste cause appelloient ἐξαπείλες. Cela se peut voir par la loy *Latoria*, que

que nous trouuons en Censorin: *Prator urbanus duos lictores apud se habeto,isque ad supremum solis occasum ius inter ciues dicito*. Or il ne suffist pas de sçauoir que les Magistrats egaux en puissance, n'ont rien à commander l'un sus l'autre, & moins encores à leurs superieurs, par la reigle de droit⁸: mais il faut aussi sçauoir, si le collegue, ou le moindre, ou celui qui n'est pas collegue, ayant toutefois mesme pouuoir en son ressort, peut empescher les actes de l'autre. car souuent les Magistrats tombent en differend pour telles prerogatiues. & la difference est bien grande entre commandement & empeschement, ou opposition. les collegues n'ont point de puissance l'un sus l'autre, & toutefois l'un peut empescher l'autre. comme le Preteur Pison, qui estoit iuge entre les estrangers & bourgeois, fist apporter son siege pres celui de Verres iuge entre les bourgeois, pour s'opposer aux iniques & iniurieux iugemens⁹ qu'il donnoit: de sorte que les bourgeois procedoient volontairement par deuant Pison, comme il estoit alors permis. C'est pourquoy Ciceron en l'une de ses loix dit, *Magistratus nec obedientem, & nociuum ciuem, multa, verberibus, vinculisque coerceto, nisi par, maiorve potestas prohibescit*. Encores ne suffist il pas de dire *prohibescit*, car le Magistrat egal en puissance, ne peut rien faire deuant son collegue, s'il ne consent expressement, ou qu'il se soumette à sa puissance: comme il appert en ce que dit Paul Iuriconsulte, *Apud eum cui par imperium est, manumitti non posse*. le docteur Cuias a tranché la negation, comme en plusieurs autres lieux, & toutefois il est dit en autre lieu, *Pratorē apud Prætozem manumittere non posse*. & n'y a point d'antinomie en ce que dit¹⁰ Vlpian, que le Consul peut affranchir en presence de l'autre Consul, veu que cela s'entend au iour que celui qui affranchist, a le commandement, & les massiers: par ce qu'ils n'auoient iamais puissance en mesme iour, comme dit Feste Pompee, & se peut voir en plusieurs lieux¹¹, soit qu'ils fussent d'accord ou en discord. car Liuius, surnommé le Saunier, emporta le triomphe par dessus Neron son collegue au Consulat, d'aurant qu'il commandoit ce iour là, dit Tite Liue, & neantmoins la bataille fut donnee du commun consentement de l'un & de l'autre. & mesmes les dix commissaires, qui dresserēt les loix des x i i. tables, commandoient l'un apres l'autre¹² seulement. Or la reigle qui veut que les collegues s'empeschent l'un l'autre, est fondee en raison generale, de tous ceux qui ont quelque chose en commun, celui qui empesche a plus de force¹³, & sa condition en ce cas est meilleure que de celui qui veut passer outre: qui fait aussi qu'entre plusieurs loix, celle qui defend est la plus forte. Quand ie dy en puissance egale, cela s'entend aussi en nombre egal: car en tous corps & Colleges, soient Magistrats, ou particuliers la pluspart l'emporte. Et par ainsi le moindre nombre du College des Magistrats ne peut empescher la plus grand part. Et quād tous les collegues estoient d'un aduis, on mettoit ces mots *PRO COLLEGIO*.

F

8. l. 3. §. ult. l. nam & magistratibus de arbitris l. apud de manumiss. vindic. l. minor. de minorib.

9. Asconius & Cicero in prætura urbana.

Antinomie accordee sans oster la negation.

1. l. apud. de manumiss. l. apud de manumiss. vind.

2. l. i. de offi. consulis.

3. Liuius de Claudio Nerone & Liuius Salinator. Plutar. in Emilio. Festus in verbo maiorem Consulem. l. Cæsar dici putat eū penes quæ faces sint.

4. Liuius lib. x.

5. l. in re communi de regul. l. Sabinus com diuid. l. per. fundum rusticor. dd. in c. cum omnes de cōstitut. l. fistulam. vrborum prædiorum.

Magistrats egaux
s'empeschent par
opposition.

6. Dionysius lib. 7.

L'opposition du
Tribun empes-
choit tous les ma-
gistrats & ses col-
legues mesmes.

7. lib. 43.

8 Plutar. in Cicer. Li-
uius lib. 48. Cic. in
prouinc. consular.

Mais s'il est vray ce que nous auons dit, pourquoy Messala dit-il, *Consulem ab omnibus Magistratibus concionem auocare posse, ab eo neminem: deinde Praetorem ab aliis præterquam à Consulibus: minores Magistratus nusquam, nec concionem, nec comitiatum auocasse*. Il s'ensuit que l'empeschement & opposition des moindres Magistrats, ou egaux en puissance, ne pouuoit empeschier les actions des plus grands. Il y a responce, que l'euocation gist en commandement, & non pas l'opposition, comme nous dirons tantost: mais deuant que passer outre, ce que dit Messala n'a point de lieu pour le regard des Tribuns du peuple: que nous auons monstré auoir qualité de Magistrats, & puissance de conuoyer le menu peuple, & contraindre les Consuls de deferer à leur opposition, non pas par puissance de commander, mais par emprisonnement de leurs personnes, & saisie de leurs biens. comme nous lisons que le Sénateur Seruilius, adressant sa parole aux Tribuns, dist, *Vos Tribuni plebis. Senatus appellat, ut in tanto discrimine Reipublicæ dictatorem dicere Consules pro vestra potestate cogatis. Tribuni pro collegio pronuntiant, placere Consules Senatus dicto audientes esse, aut in vincula se duci iussuros*. Et tant s'en faut que les Consuls eussent puissance d'empeschier l'assemblée du menu peuple euoqué par les Tribuns, qu'il n'estoit pas seulement en leur puissance de les interrompre quand ils parloient au peuple, sus peine de la vie, par la loy Icilia⁶, si celuy qui auoit interrompu le Tribun en sa harangue ne payoit l'amende au vouloir du Tribun: comme le Tribun Drusus fist cognoistre au Consul Philippe, qu'il fist mettre en prison, pour l'auoir interrompu. Encores y a-il vne exception pour le regard des Tribuns du peuple, en ce que nous auons dit, que la pluspart d'un College de Magistrats emporte la moindre: car vn seul Tribun pouuoit empeschier les actes de tous ses compagnons, en vertu de son opposition: & les actes d'un seul auoient leur effect, s'il n'y auoit opposition des autres: comme on peut voir en Tite Liue⁷, où il dit que les fermiers du domaine furent deschargez, *rogatione sub vnius Tribuni nomine promulgata*: & en ce que dit le Tribun Sempronius, *Ego te, inquit, Appi, in vincula duci iubebo, nisi Æmylia legi parueris: approbantibus sex Tribunis actionem collega, tres auxilio fuerunt, summaque inuidia omnium ordinum solus censuram gessit*. Aussi voit-on que neuf Tribuns d'un commun consentement, furent d'aduis qu'on enuoyast querir les forces de Pompee, pour reprimer la puissance de Ciceron, qui estoit redoutable à la République, apres qu'il eut donné la chassé à Catilina: mais Caton Tribun du peuple s'opposa⁸, & luy seul empescha l'exécution du décret de ses collegues. Et alors que Scipion l'Asiatique fut accusé, il n'y eut que Sempronius Gracchus qui empeschast qu'on ne l'emprisonnast. Comment, dira quelqu'un, vn seul Tribun pouuoit-il empeschier les actions du Senat & des Consuls, & mesmes de tous ses collegues? Il est certain, si les autres Tribuns ne presentoint requeste au peuple, tendât

à fin

afin que le Tribun fust destitué de son estat : comme il fut fait à Marc¹ Oſtaue Tribun du peuple , pour l'oppoſition qu'il forma contre la requeſte de Tiberius Gracchus, aprouuee de tous ſes compaignons, & receüe du peuple. C'eſt pourquoy Tite Liue diſoit, *Fax ne inuet vox iſta Veto, qua collegas noſtros tam læti concinnentes auditis. Contemni iam Tribunoplebis, quippe poteſtas tribunitia ſuam ipſa vim frangat intercedendo*. Mais cela ſ'entend qu'ad l'oppoſition du Tribun regardoit le public: car ſ'il eſtoit queſtion de ſon fait particulier en ciuil ou criminel, on n'y auoit point d'egard, & ſouffroit condamnation, ſi l'un de ſes compaignons ne l'empeschoit: comme on peut voir du Tribun L. Cota, qui ne vouloit plaider, ny payer, *fiducia ſacroſanctæ poteſtatis* : mais ſes collegues luy denoncèrent, qu'ils aideroient aux creanciers, ſ'il ne vouloit payer: autrement l'oppoſition d'un collegue empeschoit de paſſer outre. Vray eſt que peu à peu par couſtume, on pratiqua la maxime vſitee en tous corps & collegues, à ſçauoir que la pluſpart des Tribuns eſtant d'accord, ne fuſt empeschee par l'oppoſition d'un, ou de la moindre partie: comme on peut voir en ce que dit Tite Liue, *Ex auctoritate Senatus latum eſt ad populum, ne quis templum aramve iniuſſu Senatus, aut Tribunorum plebis maioris partis dedicaret*. & par la loy³ Attilia, il eſtoit porté, que le Preteur, & la pluſpart des Tribuns du peuple, decerneroient tuteurs aux femmes, & aux pupilles. Et ceſte couſtume print tellement force, que le⁴ Senat fiſt mettre en priſon Q. Pompeius Rufus Tribun du peuple, voulant empescher l'aſſemblee des Eſtats: qui eſtoit enfreindre les loix ſacrees, comme nous auons dit cy deſſus. autrement on n'eut pas eu la raiſon d'un ſeditieux Tribun, s'oppoſant aux actions des autres Magiſtrats. C'eſt pourquoy le Conſul voulant aſſembler les grands Eſtats faiſoit publier ſon edit à ſon de trompe, portant deſenſes à tous Magiſtrats moindres que luy, de prédre garde aux auſpices: c'eſt à dire à la diſpoſitiõ de l'air, & au vol des oiſeaux, pour coniecturer ſi la choſe qu'on entreprenoit eſtoit agreable à leurs Dieux: car ſ'il tonnoit tant ſoit peu, ou que l'un des aſſiſtans tombaſt du mal caduc, qui pour ceſte cauſe eſtoit appellé Mal comitial, le peuple ſ'en alloit ſans rië faire. c'eſtoit la charge des Augures, qui pouuoient bien denõcer, mais ils n'auoient pas droit d'oppoſition, comme les Magiſtrats egaux en puiffance, ou plus grands. & ſi les Magiſtrats eſtoient inferieurs à celui qui tenoit les Eſtats, leur oppoſition ne pouuoit empescher qu'on ne paſſaſt outre: mais les actes eſtoient vicieux & ſugets à' reſciſion: de ſorte que Caius Figulus Conſul avec ſon collegue, apres auoir eſté eleu, preſté le ſerment, & mené l'armee iuſques en Eſpaigne, furent rappelez, & deſtituez par⁵ arreſt du Senat: par ce que les Augures auoient denoncé à Tibere Gracchus Conſul, que les auſpices eſtoient contraires alors qu'il tenoit les Eſtats, & ne laiſſa de paſſer outre. Et afin que la pluralité des oppoſitiõs, & denonciations n'empeschaſt l'une l'autre: il n'eſtoit pas licite de prendre

1. Plutar. in Gracchis.

3. Liuius lib. 39. Iuſtin. de attilian. tutore. in ſtitut.

4. Dio. lib. 40.

5. Varro vitioſa comitia, vitio creatos magiſtratus, Cicero Phil. 2. Augures nuntiationem habet, ceteri magiſtratus ſpectationem. ſed Feſtus Pompeius ait ſpectationem, ſiue aſpectationem Augures habuiſſe, non tamen ut alios impedirent nuntiatione.

6. Cic. lib. 2. de natura Deor. & 2. de legib.

7. Dio. lib. 38.

garde aux auspices, ny denoncer, ny s'opposer plus d'une fois en un iour. Mais quant aux autres actions des Magistrats, l'opposition des Tribuns les arrestoit : & si on vouloit passer outre, ils procedoiēt par voye de faict : & quelquefois il s'y faisoit des meurtres : comme le Preteur Asellius portāt faueur aux debtors, fut tué en sacrifiant, par la sedition des creanciers, ayant pour chef un Tribun du peuple. Et tout ainsi que pendant, & au parauant l'acte, les oppositions des Magistrats egaux, ou superieurs l'empeschent : aussi apres les actes, le moyen d'appel est, & a tousiours esté en toute Republique, du moindre au plus grand Magistrat, chacun en son ressort & iurisdiction. Et s'il n'est pas en la puissance du moindre Magistrat de cōmander au plus grand, ny d'empeschier ses actions : aussi ne peut-il⁸ restituer contre le iugement du superieur, ny corriger ses actes, ny cognoistre des⁹ appellations intergettees de luy, non plus que de son collegue : ains au contraire si le commis, ou lieutenant d'un Magistrat est pourueu d'un estat en pareil degré que le Magistrat, la commission, & charge de lieutenant cesse : & les actes par luy commencez sont interrompus &¹ resolus. Et iacoit que cela n'est pas gardé à la rigueur, si est-ce que s'il y va de la vie, ou de l'honneur, on y doit prendre garde. Et s'il aduient au moindre Magistrat, ou collegue, ou egal en puissance, de prendre cognoissance, & recevoir les accusations de son collegue ou superieur, il peut prendre à partie, & faire appeller en action d'iniure le Magistrat & l'accusateur. Et pour ceste cause Cesar n'estāt que Preteur, accusé par deuāt un Questeur d'auoir eu part à la coniuration de Catiline, fist mettre en prison le iuge & l'accusateur, & les fist condamner en grosses amendes : & mesmement le Questeur, *quod apud se maiorem potestatem compellari passus esset*, dit² Suetone. Et par arrest de Parlement du VI. Ianuier M. D. XLVII. defenses furent faites à tous iuges subalternes d'vser d'aucunes defenses enuers les iuges Royaux, & sugers du Roy : autrement que les iuges Royaux pourroient proceder cōtr'eux par voyes de droict. Mais on peut icy doubter, si le Magistrat inferieur, qui peut estre cōmandé par le superieur, peut aussi estre commandé par le lieutenant du superieur. Plusieurs penseroient que cela est sans difficulté, attendu que les lieutenans ne cōmandent rien en leur nom, & ne le peuuent aussi, ains au nom du Magistrat duquel ils tiennēt la place, auquel le Magistrat inferieur doit obeissance. & s'il estoit permis aux Magistrats inferieurs desobeir aux lieutenans des superieurs, les particuliers par mesme raison s'en voudroient exempter, qui seroit renuerfer tout l'estat. Toutefois on pourroit dire aussi, que les lieutenans des Magistrats erigez en tiltre d'office, ont puissance de commander en leur nom, & en ceste qualite cōtraindre les Magistrats inferieurs. neātmoins ie dy que les lieutenans ne peuuent cōmander, ny decerner commission en leur nom propre : & s'ils le font, les Magistrats inferieurs ne sont tenus d'y obeir. cela a esté iugé par arrest de la Cour de Parlement, à la re-

8. l. 3. si aduersus rem iudic. C. l. minor. autem de minor.
9. l. 1. §. si quis. de appel.

1. l. iudiciū soluitur. de iudic.

2. in Iulio.

queste du Seneschal de Touraine contre son lieutenant, qui fut cōtraint d'otroyer les cōmissions au nom du Seneschal. cela estoit bien sans difficulté au parauāt l'ordonnance de Charles v^{ir}. que les lieutenā^s estoiet̃ instituez & destituez par les Seneschaux: mais le doubte suruint, quād ils furēt erigez en tiltre d'office, ayans puissance du Roy, & non du Seneschal. Mais il ne faut pas pōurtāt presumer que le Prince ait voulu oster la puissance aux Seneschaux & Baillifs, ce qui ne pouuoit estre fait que par edit de supression: ains au contraire, l'erection des lieutenans, en qualitē de lieutenā^s, establist de plus en plus la puissance des Seneschaux & Baillifs. Et combien que le Senat de Rome, & puis les Empereurs s'attribuerent l'auctoritē de donner lieutenans aux gouuerneurs de pays: neantmoins la loy dit, *Apud legatum Proconsulis non est legis actio*. aussi pouuōs nous dire, que la force de commāder n'est point en la personne des lieutenans. Et cela est si certain, que le Magistrat se mettāt au siege d'autrui n'a pas puissance de' commander en son nom. Qui fait qu'il n'y a⁴ iama^s d'appel du lieutenant, à celuy duquel il tient la place: iacoit̃ que le Magistrat puisse cognoistre de l'iniure & entreprise de son lieutenant: car le lieutenant n'a pas toute la cognoissance du Magistrat duquel il tient la place. & moins anciennement qu'à present: où les lieutenans des gouuerneurs de pays n'auoient aucune puissance de punir⁵ corporellement. Aussi les lieutenans du Prince en guerre, bien qu'ils ayent commandement sur les Princes du sang, si est-ce que s'ils cōtreuiennent aux loix militaires, la cognoissance en appartient au souuerain, ou bien au chapitre des Cheualiers de l'Ordre, s'il y va de l'honneur, ou de la vie. Et en plus forts termes, quād il est question de la discipline ecclesiastique, seulement les Euesques ne sont pas tenus de respondre par deuant les Officiaux, ou Vicaires generaux des Archeuesques: comme il a esté iugé pour les Euesques de Troye & de Neuers par arrest du⁶ Parlement de Paris: par lequel il fut dit, qu'ils n'estoient tenus d'obeir sinon aux Archeuesques en personne. Ce que i'ay dit de la puissance des Magistrats superieurs aux inferieurs, s'entend en leur territoire, en leur siege, & au faict de leur iurisdiction: hors laquelle ils sont⁷ priuez & particuliers, sans puissance, ny commandement. Mais on peut demandet si les magistrats egaux en puissance, ou collegues sont aussi egaux en hōneurs & presseances. Je dy que l'un n'a rien de commun avec l'autre: & souuent ceux qui sont les plus honorez ont moins de puissance: qui est l'un des plus beaux secrets d'une Republique, & mieux gardé à Venize qu'en lieu du monde, entre les Consuls le premier designé Cōsul estoit le premier nommé aux actes publiques & aux fastes, & auoit la presseance: autrement c'estoit le plus aagé, iusqu'à la loy⁸ Pappia, qui donna la prerogatiue d'honneur au Consul marié: ou s'ils estoient tous deux mariez, à celuy qui auoit le plus d'enfans, qui suploient le nombre des ans. Et entre les Preteurs, celuy qu'on appelloit *Urbanum* estoit le premier, & re-

3. l. & si prætor. de offic. eius cui. l. 3. de offic. Proconsul.
4. l. i. quis & à quo.

5. l. si quid erit. de offic. Proconsul.

6. l'an 1550. & 1553.

7. l. 3. de offic. præsid. l. ult. de iurisd.

La prerogatiue d'honneur n'a rien de commun avec la puissance.

8. Nicephor. lib. 7. Sozomen. lib. 1. cap. 9. l. 1. de iure deliber. C. l. 1. de iis qui numero liber. C. Tacit. lib. 56. Tranq. in August.

e. Festus in verbo
maiozem.

noit la place des Consuls, assembloit le Senat, tenoit les^o grands estats. & entre les dix Archontes egaux en puissance, il y en auoit vn qu'on appelloit *Archon eponymos*, qui passoit deuant tous les autres, & les actes publics estoient auctorisez de son nom. Ainsi pouuons nous dire, qu'entre tous les Parlemens de ce Royaume, le Parlement de Paris a la prerogatiue d'honneur par dessus tous, & s'appelle encores la Cour des Pairs de France, ayant cognoissance des Pairs, priuatiuement à tous autres. Et combien que du temps de Charles viii. le grand Conseil maniait les affaires d'estat, si est-ce que par edit expres, le Roy ordōna qu'en tous edits & mandemens où il seroit fait mention de la Cour de Parlement & du grād Conseil, la Cour seroit tousiours premise. l'edit est verifié le xiii. Iuin M. cccc xci x. & mesmes entre tous les Procureurs du Roy, celui du Parlemēt de Paris a tousiours eu la prerogatiue d'honneur par dessus tous autres, qui doiuent tous serment aux cours souveraines, horsmis le Procureur general au parlemēt de Paris, qui ne doit serment sinon au Roy. Aussi voit-on que le Connestable de France & le Chancelier, ores qu'ils n'ayent rien à commander l'un sus l'autre, & qu'ils soient vis à vis l'un de l'autre en seance, & en marchant coste à coste, neantmoins le lieu d'honneur est reserué au Connestable, qui est à la dextre deuant le Roy, & le Chancelier à la fenestre. si ce n'est qu'on voulust dire qu'il a ce lieu pour tenir à dextre l'espee du Roy. mais outre cela au sacre & couronnement du Roy, & au ceremonies où il y a lieu de precedence, le Connestable passē deuant le Chancelier, qui est suiuy du grand Maistre de France. Ce que i'ay mis en passant pour exemple, & non pas pour traiter des honneurs. Mais d'autant que nous auons dit que les Magistrats egaux en puissance, ou qui ne tiennēt rien l'un de l'autre, ne peuuent estre commandez les vns par les autres: on peut doubter si entre plusieurs Princes, ou conseigneurs, l'un peut estre corrigé par l'autre ayant offensé. car la iurisdiction de sa nature est⁹ indiuisible, & les seigneurs d'une mesme iustice ont autant de puissance l'un comme l'autre, & chacun pour le¹ tout a puissance entiere. ce qui n'est pas entre les Princes, ou Magistrats, qui ont leurs charges, ou territoires diuisez, & qui n'ont rien à commander l'un à l'autre: & beaucoup moins quand plusieurs Magistrats en corps & College ont vne charge tous ensemble: car pas vn d'eux n'a puissance, ny cōmandement, si ce n'est par commission du College, qui luy soit donnee expressēmēt. Il y en a plusieurs qui² tiennent que l'un des seigneurs peut estre corrigé par ses conseigneurs, comme ayant perdu sa iustice par sa faute: comme il a esté iugé à la Rote de³ Rome. le iugement se peut bien soustenir, mais la raison n'est pas bōne. car de dire qu'il a perdu sa iustice ayant offensé, ce seroit⁴ executer deuant que iuger, & despoüiller le seigneur, ou le Magistrat de son estant deuant que l'auoir ouy. Et quand bien les menasses, peines & decrets irritans portez par les loix, auroient force de chose iugee, cōme

9. l. imperialem § preterea. de proh. feud. alin.

1. Bart. in l. inter tuores. de administ. tut.

2. Felin. in cap. prudentiam. nu. 4. de offic. deleg.

3. Rotæ decis. 253. in nouis. Angel. in l. est receptum. de arbitr. idem tenet.

4. l. nimis propere. de execut. rei iudic. Cod.

me quelques-vns ont pensé, si est-ce qu'il faut tousiours cognoistre du faict: & s'il est confessé, encores faut-il que la sentence soit prononcee par la bouche du iuge: qui ne peut estre comperét de celuy qui est egal à luy en puissance, comme nous auons montré cy dessus, suiuant la plus saine opinion, & de la pluspart des⁶ Iuriconsultes: sans auoir egard à ce que les autres disent, qu'il faut que chacun soit iugé où il a failly, car cela⁷ s'entent s'il n'y a empeschement legitime. Cela ne reçoit point de difficulté, si la pluspart du corps & College des Magistrats est d'accord: car en ce cas ils pourrôt iuger & chastier l'un des collegues, ou la moindre partie du College, comme il se faisoit au Senat Romain, apres l'ordonnance de l'Empereur Adrian. & se fait en toutes les Cours de ce Royaume. mais cela ne se peut faire entre plusieurs seigneurs: car ayant chacun iurisdiction⁸ pour le tout, ils ne peuuent iuger sinon l'un apres l'autre, & ne peuuent auoir qu'un siege de iustice, si le seigneur⁹ dominât ne le permet. qui est la difference de la iustice à la seruitude que chacun peut iouïr pour le tout, & en mesme tēps: mais non pas de la iustice, comme¹ quelques-vns ont pensé, qui ont excepté les Duchez, Marquisats & Comtez, qui ne souffrēt point de diuision par les anciēns droits des fiefs. mais il n'est pas icy besoin de regeter l'opinion de ceux qui ont attaché la iurisdiction aux fiefs, afin de ne sortir des termes de nostre traité. Il suffira de dire en passant, que la iustice tiēt si peu du fief, que le Prince souuerain vendant ou donnant vn fief de quelque nature qu'il soit, n'est point reputé donner ny vendre la iurisdiction: comme il a esté iugé plusieurs fois, & passé en force d'edit fait par Philippe le Bel: encores que la donation fust pitoïable: ce que² plusieurs auoient excepté. Puis donc que les Magistrats egaux en puissance, ou qui ne tiennēt rien les vns des autres, ne peuuent estre commâdez, ny corigez les vns par les autres, ny les seigneurs iusticiers d'une mesme iustice, il faut que le Magistrat supérieur, ou le seigneur iusticier dominât en prenne la cognoissance: ou s'il est question d'exécuter les iugemēs des vns sur le territoire des autres, ils doiuent vser de prieres honnestes, comme font les Princes souuerains entr'eux par commissions rogatoires, n'ayans puissance ny commandement hors leurs frontieres, & beaucoup moins que les Magistrats entr'eux, qui peuuent, en cas de refus, estre contraints par le supérieur. Les commissions rogatoires peuuent estre du moindre au supérieur, ou egal en puissance, pour exécuter, ou souffrir exécuter le iugemēt donné hors son territoire, offrant en son endroit, où l'occasion se presentera, faire le semblable. c'est la forme qui est, & a esté gardee de toute³ ancienneté. Toutefois il semble que sous l'Empire Romain, il estoit besoin, pour faire exécuter vn mandemēt, ou sentence hors le territoire, obtenir lettres de l'Empereur: veu que la⁴ loy dit, *Sententiam Romæ dictam, possunt Praesides in prouinciis, si hoc iussi fuerint, exequi*: car combien que le mot *Iubere*⁵ signifie proprement vouloir, si est-ce qu'il ne se peut ainsi prendre

5. l. i. de confes. C.
6. Bart. in d. l. inter tutores. Andr. Barbat. ad Bartolum ita cōsuluisse tradit. contra Baldum in d. §. preterea Bartol. sua sententiam confirmat. ex l. si vt certo. §. si duo, quem Panorm. Butrio, Imola in ca. prudentiam sequuntur. castrensis in l. est receptum. de iurisdic. & in l. cetera. §. si duob. delegat. r. Dominicus geminian. in cap. 2. de arbitris. lib. 6. Ancara. in cap. postulat. de foro compet.
7. Felin. in d. cap. prudentiam & Panor. in c. inferior. de maiortate.
8. l. si vnus iudicatus solui. d. l. 2. §. ex iis.
9. Molin. in consuet. feud.
1. Bart. in d. l. inter tutores. Butrio. Imola. Panor. Dominicus. Geminian. Felin. in d. c. prudentiam. Bald. in ca. vno. delegatorum. de offic. delegati.

2. Bald. in cap. quanto. de iud. Oldrad. cōsil. 252.

3. l. episcopale. de episcopali audi. c. Romana §. contrahēte. de foro compet. lib. 6. l. iudices. de fide instr. C. Oldrad. conf. 167. lib. 2. q. 3. Felin. in cap. significasti. de offic. deleg.
4. i. à diuo. §. sententiam. de re iudic.
5. Donat. in il'ud Terent. quis scis an que iubeam sponte faciat? iubeam pro velim.

6. l. quidam hiberus
vrbanoꝝ prædior.

au passif. mais il est beaucoup plus seāt d'vser de prieres, que de cōmen-
cer par contrainte, comme disoit Marc Aurele à celuy qui se plaignoit
de son compaignon, sans luy en auoir parlé: *Alloquere illum*,⁶ dit-il, *ne*
rem iniustam faciat. d'autāt que la contrainte du superieur en tel cas, don-
ne occasion de querelles, & ialousies entre les Magistrats, qui tournent
bien souuent au grand dommage des sujets, & deshonneur de la Repu-
blique: car les vns, en despit des autres, dechargent leurs passions sur les
innocens: comme le Consul Marcel, qui en despit de Cesar fist fouïeter
quelques habitans de Nouocomie, pour leur faire cognoistre, comme il
disoit, que Cesar n'auoit peu leur donner le droict de bourgeoisie Ro-
maine. Et si le different suruiuent entre les Magistrats souuerains, c'est au
grand dommage des pauvres sujets. comme i'ay veu vn different entre
le Parlement de Paris & de Bourdeaux sur l'execution d'un arrest don-
né au Parlement de Paris, que le Parlement de Bourdeaux permist estre
executé en son ressort, à la charge que s'il y auoit opposition, le parle-
ment de Bourdeaux en cognoistroit. l'executeur voulant passer outre
par dessus l'opposition, il y eut appel du condamné, qui fut par luy rele-
ué au parlement de Bourdeaux, & fut neantmoins anticipé au parlemēt
de Paris. le different des deux parlemēs fut renuoyé par le Roy au grād
Conseil: qui iugea que le parlement de Paris deuoit cognoistre de l'ap-
pel. car chacun doit estre interprete de sa volonté: & tout ainsi qu'il n'y
a que le Prince qui peut declarer ses⁷ loix, & mandemens: aussi le Magi-
strat doit declarer sa⁸ sentence. Et si les Magistrats ne veulēt auoir egard
aux requestes & annexes, ny souffrir l'execution des mandemens d'au-
truy en leur ressort, il faut auoir recours au⁹ superieur. Enquoy plusieurs
se sont abusez, qui ont pensé qu'un Magistrat peut contraindre l'autre
hors son ressort, de souffrir l'execution des mandemens d'autrui: & ap-
pliquēt les mots de la loy¹ (*si hoc iussi fuerint*) aux Magistrats: qui s'enten-
dent de l'Empereur aux gouuerneurs de pays. car la maxime de droict
touchant les mandemens, & commissions, s'entendent des lieux, où ce-
luy qui commande a pouuoir de commander. or est-il qu'il n'y a point
de commandemēt hors le ressort, ou hors le pouuoir de celuy qui com-
mande. Par cy deuant on auoit accoustumé de prendre lettres Royaux,
qu'ils appellent *Pareatis*, quand il estoit question d'executer les mande-
mens des Magistrats Royaux au territoire des seigneurs iusticiers, mais
ceste coustume est abolie, & souuent les Cours de² parlement ont de-
fendu d'en vser, parce que la maïesté du souuerain est en cela diminuee
à aucunement. Mais quelques vns ont doubté, si les Magistrats inferieurs
peuēt faire executer leurs mandemens sans le congé du superieur, au-
quel l'appel estoit deuolu, & ce apres la desertion d'iceluy, & le temps
coulé, qui estoit prefix pour releuer, & faire la poursuite: qu'ils appellēt
Fatalia, mal à propos d'un erreur enuieilly, & faüte inueterée, de ceux
qui ont tourné le Code & les Authentiques de Grec en Latin, ayant leu

7. l. l. non dubium.
de legib. C.

8. l. l. §. vlt. de prætor.
stipul.

9. Alexan. Bart. Cu-
m 2. in l. à d. uo. de re
iudic. l. l. de seru. fu-
git. Aufre. q. 411. To-
los. Felin. in cap. vlt.
de foro compet.

1. in d. §. sententiam.
vbi. dd.

2. Arrests de Bour-
deaux 1517. Mars 5. &
1519. Decembre 3. &
1525. Ianuier 23. & de
Grenoble. Guido Pa-
pus q. 346.

Erreur du mot
Fatalia.

κλειας ημερας, pour *κλειας ημερας*, c'est à dire iours prefix, & iours d'assignation, que la loy des douze³ Tables appelloit *statos dies, stata tempora*. aussi iamais Iurifconsulte, ny homme parlant Latin n'a vsé de ceste forme de parler, mais bien ils ont dit *dies sessionum, dies continuos*. & pour les defauts emportans gain de cause, ils ont dit *edicta peremptoria, in l. ad peremptorium. de iudic. ff.* & cest erreur est demeuré iusques icy à corriger. Or pour resoudre nostre question, ie dy qu'il n'est point necessaire que le Magistrat inferieur ait licence, comme il se faisoit par cy deuant par lettres qu'ils appelloient de iustice, abolies par l'ordonnance de Charles VII. si ce n'est que le Magistrat superieur eust fait defenses particulieres d'executer: en ce cas il est besoin que les defenses soient leuees deuant que passer outre. car autrement il n'est point⁴ requis que l'appel soit déclaré desert par le Magistrat superieur, pour l'execution de la sentence, d'autant que la desertion est acquise par la loy, & non pas en vertu de la sentence du Magistrat. Et la dignité des Magistrats superieurs n'est point offensee par les inferieurs, quand il n'y a point defenses particulieres, pour la reuerence desquelles les Magistrats inferieurs doiuent sursoir l'execution, si la retardation n'estoit perilleuse à la Republique: auquel cas on peut passer outre, ores qu'il fust question de la vie: puis apres, dit la⁵ loy, il faut en escrire: autrement si le Magistrat ne defere à l'appel, quand il est question de la vie, il merite peine⁶ capitale, & mesmes par la loy⁷ Sempronia le Magistrat estoit coupable de leze majesté, pour n'auoir deferé à l'appel, ores qu'il ne fust question que des verges. Tout ce que nous auons dit des Magistrats, & de l'obeissance que doiuent les vns aux autres, s'entend des Magistrats d'une mesme Republique. Que dirons nous donc des Magistrats de diuerfes Republiques, si les vns ont condamné leur suget, les autres ausquels il s'est retiré, doiuent-ils executer la sentence sans cognoistre du merite de la cause? J'ay veu ce differend aduenir au Parlement de Paris, pour vn marchât François condamné à Venize par defaux & contumaces, à la requeste d'un Venitien, qui vint en France demander l'execution du iugement, ayant obtenu commission rogatoire de la Seigneurie, comme les Princes & seigneuries ont accoustumé d'en vser en tel cas, par vn deuoir mutuel, que tous Princes ont à la iustice, de laquelle ils tiennent leurs sceptres & couronnes. La cause estoit ciuile, & sembloit à plusieurs qu'il n'estoit besoin de s'enquerir s'il estoit bien iugé, & qu'on feroit tort à la Seigneurie de Venize, qui pourroit vser de semblable circuit, & examiner les arrests des Magistrats de France, & les casser, plustost par ialousie de l'estat, que pour l'iniquité d'iceux. Mais d'autant que le marchand François estoit condamné par defaux, on voulut sçauoir s'il auoit contracté à Venize, ou s'il estoit submis à la seigneurie & iurisdiction des Venitiens pour ce regard, & si les defaux estoient bien & deuëment acquis selon les ordonnances de Venize, & rien plus. Toutefois s'il estoit que-

3. Cicero lib. 3. offic. si status dies cū hoste. sic appellabāt *κλειας ημερας*. idem Cicero *κρίσις δόγματα* rata & certa decreta pro quo vsurparūt *κλειας* ἀπὸ τῆς κηρύξεως, quod fatum significat: sed in optimis exemplaribus legitur *κλειας*.

4. Felin. in ca. ex parte. de rescript. ext. col. 5. nu. 9.

5. l. si quis filio. §. 4. de iniusto. rupro.

6. l. addictos. de episcop. audient. C. Faber. in l. a proconsulib. de appel. C.

7. Cicero. pro Rabinio perduel.

8. l. diuus Adrianus.
de custod. reor.

9. Bald in l. 2. de ser-
uis fugit. C. Odoft. in
authen. qua in pro-
uincia. vbi de crimi-
ne. C. Iacob. Belloui-
si. in §. contrahentes.
de foro compet. nu.
115. Affic. in cōstitut.
Neapol. lib. 2. tit. 3.
nu. 88. Chassan. in cō-
fuetu. Burgun. tit. 12.
nu. 14. Fulgof. confil.
149. col. 2. Boer. de-
cif. 29. Paul. Eleazar.
Imol. in Clement. pa-
storalis. de re iudic.
Aufser. in addit. ca-
pel. tolos. q. 319. Barr.
in l. qui sepulchri. de
sepulchro violato.
Angel. in l. hares ab-
seus de iudic. Felin.
in cap. vlt. de foro cō-
pet. nu. 11.
1. Bal. in l. 1. vbi. de cri-
mine. C.

2. allegué par Boyer
in consuet. Biturig.
§. 21. de iurisdic.
3. Oldrad. notat con-
fil. 124. Faber. alium
quoque notat tem-
pore Benedicti. vi.
Pap. in §. est & inter.
de Publicis.
4. Boer. decif. 29.

stion de l'honneur ou de la vie, on ne doit pas executer les iugemēs des Magistrats estrangers, si on n'a cognu du merite de la cause, & veu les charges. car mesmes l'Empereur⁸ Adrian māda aux gouuerneurs de Pro- uince, qu'ils eussent à cognoistre derechef (ce qu'il appelle *ἀνὰ χρίαν*) de ceux qui estoient condānez par les Irenarches sugers à vn mesme Prince. Ce que i'ay dit est bien estroitement gardé es Republicques de Suisse, Ge- neue, Venize, Luques & Genes. Car tous les⁹ Iuriconsultes depuis trois censans, on dit qu'il n'y est point tenu: c'est bien dit si on parle de l'obli- gation ciuile, de laquelle tous Princes souuerains sont exempts: mais ils tranchēt tout outre sans aucune distinction: & n'y en a¹ qu'un qui mer- te vne cōdition, pourueu que le Prince où s'est retiré le coupable en fa- ce la iustice. Or s'ils confessent que tout Prince est tenu de faire iustice, par obligation diuine & naturelle, il faut aussi confesser qu'il est tenu rendre le suger d'autrui à son Prince naturel: non seulement pour auerir le fait plus aisément, & descouvrir les coniurez, & participās, en quoy le recolement & confrontation est necessaire: ains aussi pour la punition exemplaire qui se doit faire sur les lieux. car c'est du moins qu'on doit chercher que la mort du coupable en matiere de iustice. Et si les Magi- strats en mesme Republique sont tenus par obligation mutuelle pre- ster l'espaule, & tenir la main forte à la poursuite, & punition des mes- chans: pourquoy les Princes seront-ils exēpts de l'obligation, à laquelle la loy de Dieu & de nature les astraint? Muhamed, surnommé le Grād, estant aduertie que le meurtrier qui auoit assassiné Iulian de Medicis en pleine Eglise, s'estoit retiré à Constantinople, il le fist prendre, & réuoya pieds & poings liez à Florēce. Ce n'estoit pas pour crainte qu'il eust des Florentins. Et tousiours en ce Royaume on a de coustume renuoyer les coupables fuitifs aux Princes, & seigneuries qui en font instance, s'il n'y va de l'estat. car en ce cas le Prince n'y est pas tenu. à quoy se peuuent ra- porter trois arrests: l'un du Parlement² de Paris, l'autre de³ Rome, contre le Roy d'Angleterre, qui demādoit son suger fuitif, ce qui luy fut denié: le troisieme est du Parlement de⁴ Thouloze. quant à celui de Rome, il estoit alors fondé en la souueraineté du siege de Rome sus le Royaume d'Angleterre. Mais hors les termes d'estat, & quand il n'est question que de la peine publique, il n'y a Prince qui ne soit tenu rēdre le suger d'au- trui: comme il fut iugé par arrest du Parlement de Bourdeaux, l'an M. D. xviii. le xxiiii. Decembre, prononcé en robes rouges: cōbien qu'en plusieurs traitez cela est expressement articulé. comme au traité fait entre les Suisses & Charles v. Empereur comme Duc de Milan, le vii. article porte la clause expresse de rēdre les coupables fuitifs. Et pour ceste cau- se le Roy Henry, apres auoir vſé de prieres enuers les seigneurs de Gene- ue par son Ambassadeur, pour luy renuoyer Baptiste Didato receueur general de Roüan, qui auoit emporté les deniers de la recepte, il prote- sta aux seigneurs de Berne, en la protection desquels estoit alors la sei- gneurie

gneurie de Geneue, qu'il vseroit du droict de représailles. les Geneuois au parauant auoient resolu au grád conseil des deux cens, de ne le renuoyer aucunemēt: mais depuis ils changerent d'aduis, & le renuoyerēt, estant sommez par les Bernois. Je tiens que c'est vne iniure faite à l'estat d'autrui, s'il appert que le fuitif soit coupable. comme il en print aussi à la lignee de Beniamin qui fut exterminée, horsmis six cens, pour auoir refusé de rendre les coupables qu'on leur demandoit. Et pour ceste cause nous trouuons que les Hippotes estās requis de rendre les meurtriers de Phoc Beotien, pour en auoir fait refus aux Thebains, furent par eux assiegez, pris, pillés, leur ville rasée de fond en comble, & les habitās reduits en seruitude, & vèdus cōme esclaués. Mais si le Prince auquel s'est retiré le fuitif, trouue qu'il soit iniustement poursuiuy, il ne doit pas le rēdre. car mesmes il est defendu par la loy de Dieu de rēdre l'esclaué qui s'en est fuy en la maison d'autrui, pour euiter la fureur de son maistre.

DES CORPS ET COLLEGES,

Estats, & Communauté.

CHAP. VII.



PREs auoir parlé de la famille, & de ses parties, de la souueraineté, & des Magistrats, il faut dire des corps & Colleges. Disons donc premierement de la cause des corps & Colleges, & puis de leur puissance & priuileges en general: & la maniere de les punir s'ils offensent: en dernier lieu si la Republique s'en peut passer. La differēce de la famille aux corps & Colleges, &

de ceux-cy à la Republique, est telle que du tout à ses parties: car la cōmunauté de plusieurs chefs de famille, ou d'un village, ou d'une ville, ou d'une cōtree, peut estre sans Republique, aussi bien que la famille sans College: & tout ainsi que plusieurs familles alliees par amitié, sont mēbres d'un corps & cōmunauté: aussi plusieurs corps & cōmunautés alliez par puissance souueraine, font vne Republique. la famille est vne cōmunauté naturelle: le College est vne communauté ciuile: la Republique a cela d'auantage, que c'est vne cōmunauté gouuernée par puissance souueraine, & qui peut estre si estroite, qu'elle n'aura ny corps ny Colleges, ains seulement plusieurs familles. Et par ainsi le mot de Cōmunauté est commun à la famille, au College & à la Republique: & proprement le corps s'entend, ou de plusieurs familles, ou de plusieurs Colleges, ou de plusieurs familles & Colleges. Et l'origine des corps & Colleges est venue de la famille, comme du tige principal, duquel estat sorty plusieurs branches, il fut necessaire de bastir maisons, puis hameaux & villages, & voisiner en sorte, qu'il semblaist que ce ne fust qu'une famille: iusqu'à ce que la multitude ne se pouuant plus loger, ny viure en mesme lieu, fut contrainte de s'escarter plus loing: & peu à peu les villages estans faits

Difference de famille, College & Republique.

Origine des colleges.

bourgs, & separez de biens & de voisinage, sans loix, sans Magistrats, sans Principauté souveraine, entroient aisément en querelles & débats, qui pour vne fontaine, qui pour vn puy: cōme nous lisons mesmes es
 1. Genes. 26. saintes escritures, où les plus forts l'emportoient, & chassoient les plus
 foibles de leurs maisons & villages: qui fut cause d'environner les bourgs
 de fosséz, & puis de murailles telles qu'on pouuoit: & s'allier ensemble
 par societez, les vns pour defendre leurs maisons, biens & familles de
 l'inuasion des plus forts: les autres pour assaillir, & chasser ceux qui
 s'estoient accommodéz, piller, voler & brigander. car le plus grād point
 d'honneur & de vertu qui fust entre les premiers hōmes, dit Plutarque,
 estoit de massacrer, tuer, ruiner les hommes, ou les rendre esclaves. Aussi
 nous lisons en Thucydide, qu'il se faisoit mesmes en toute la Grece vn
 peu au parauant son aage: auquel temps le brigādage n'estoit point mes-
 prisé: & quand on rencontroit quelques voyageurs allés par mer ou par
 terre, la premiere chose qu'on faisoit, dit le mesme auteur, deuāt qu'a-
 procher, c'estoit demander les vns aux autres, Estes vous brigans, mes-
 sieurs? Et mesmes Platon & Aristote ont mis entre les especes de chasse
 le brigandage: cōme aussi les Hebrieux, qui² appellent les grāds voleurs,
 2. 1. vlt. de collegiis il-
 licitis. puissans veneurs, tel que fut Nimroth: à quoy il semble que la loy de So-
 lon, qui a fait des corps & Colleges, a eu egard, quand il permet genera-
 lement toutes sortes de Colleges & communautéz, mesmes à deux qui
prædantur, ὅτι λέγει οἱ χόρμνοι: pourueu que ce ne fust point enuers les su-
 gets. & au premier traité fait entre les Romains & Carthaginois, il fut
 dit que les Romains ne passeroiēt point le beau promontoire, pour tra-
 fiquer, ny pour brigāder, *ultra promontorium pulchris, prædæ aut mercaturæ*
gratia Romani ne nauiganto: comme dit Polybe liure 111. & Cesar de son
 temps mesmes parlant des Alemans dit, *Latrocinia nullā habent infamiam,*
quæ extra fines cuiusque ciuitatis fiunt, atque ea inuentutis exercendæ, ac desidiæ
minuendæ caussa fieri prædicant. Ceste licence & impunité de voler, con-
 traignit les hommes qui n'auoient encores Princes ny Magistrats, de se
 ioindre par amitié, pour la defense les vns des autres, & faire cōmunau-
 tez, & confrairies, que les Grecs appellent *φρατρίαι* & *φράτρες* ou *fratres*,
 ceux qui puisoient en mesme puy, qu'ils appellent *Fræar*: comme paga-
 nos, qui sont villageois vsans de mesme fontaine, que les^o Doriēs appel-
 lent *Paga*. & commessatio s'appelloit de *κώμα*, c'est à dire village, par ce
 qu'ils mangeoient ordinairement ensemble, comme dit Feste Pompee.
 Ainsi la societé & communauté entretenoit l'amitié, comme la flamme
 sacree, qui monstra sa premiere ardeur entre le mary & la femme: puis
 des peres & meres aux enfans, & des freres entr'eux, & de ceux-cy aux
 proches parens, & des parens aux alliez, & peu à peu se fust refroidie, &
 du tout esteinte, si elle n'eust esté rallumee, nourrie & entretenue par al-
 liāces, cōmunautéz, corps & Colleges: l'union desquels a maintenu plu-
 sieurs peuples sans forme de Republique, ny puissance souveraine: cōme
 on

o. en la vie de The-
sec.

2. 1. vlt. de collegiis il-
licitis.

o. Festus in verbo
pagi.

on voit au liure des ⁴ Iuges, où il est escrit que le peuple Hebrieu fut longuement sans Princes ny Magistrats, viuant chacun à son plaisir en toute liberté: mais ils estoient entretenus par communautéz de familles & lignees: & lors qu'ils estoient pourfuyus des ennemis, les estats des lignees & communautéz s'assembloyent, & faisoient vn chef, auquel ils donnoient puissance⁵ souueraine, à sçauoir celuy que Dieu auoit inspiré: ainsi de plusieurs lignees, & familles vnies ensemble, se faisoit vne Republique, par le moyen de la puissance souueraine. C'est pourquoy les premiers Princes, & Legislateurs, qui n'auoyent pas encores decouvert les difficultez qu'il y a de maintenir les sugets par iustice, entretenoyent les confrairies, colleges, & communautéz, afin que les parties, & membres d'un mesme corps de Republique estans d'accord, il fust plus aisé de reigler toute la Republique: comme nous voyons que fist Numa Roy, & Legisateur des Romains, qui establît confrairies, & colleges de tous mestiers, & à chacune confrairie ordonna patrons, & sacrifices particuliers, apres auoir aboly le nom des Sabins, qui se diuisoyent aucunement des Romains. Et depuis on fist aussi vne confrairie des marchans, & leur fut baillé Mercure pour patron: à l'exemple de Solon, qui fist par sa⁶ loy, que toutes cōfrairies, & communautéz seroyent permises, avec pouuoir de faire statuts tels qu'ils voudroient, pourueu qu'il ne fust rien fait contre les loix publiques. Lycurgue aussi non seulement permist, ains encores estroittement commanda, d'entretenir telles communautéz, tant generales, que particulieres, & que tous les sugets prissent leur refection en colleges de quinze à quinze, qu'ils appelloiēt⁸ φίλια, pour l'amitié iuree qu'ils auoient les vns aux autres: comme aussi en toutes les villes de la Grece, il y auoit de semblables confrairies, qu'ils appelloient εἰρηαί, comme en Italie les mesmes colleges estoient appelez *Sodalitia*, pour l'vnion, frequentation, & amitié qu'ils auoient entre eux, beuuans, & mangeans ensemble la pluspart du temps: & n'auoiēt autres iuges que eux mesmes, s'il y auoit quelque différend entre les compagnons associez: cognoissant que l'amitié est le seul fondement de toute société, & beaucoup plus requise entre les hommes que la iustice: car la iustice, qui iamais n'est ployable, retenant sa droicteure, fait bien souuent les amis ennemis: & l'amitié cedant de son droict, establît la vraye iustice naturelle: attendu que le seul but de toutes les loix diuines, & humaines, est de entretenir l'amour entre les hommes, & des hōmes enuers Dieu: ce qui ne se peut mieux faire, que par frequentation & vnion ordinaire. les⁹ Candïots anciennement beuuoient & mangeoient tous ensemble, ieunes & vieux, hommes & femmes, pour entretenir l'amitié que j'ay dit: mais depuis pour euitier à confusion, les aages, & sexes furent separez. Et mesmes nous voyons en la loy de Dieu, les festins de Pasques auoir esté commandez en compagnies de dix à dix personnes: outre les festins des pauillons, & banquets ordinaires des sacrifices, que Dieu commande e-

⁴ Iudicum. cap. 16
& in fine. 21.

⁵ cap. 3. 6. 9. 10. 20.
21. Iudicum.

⁶ Plutar in Solo. &
1. vlt. de colleg.

⁸ vel φειδίτια à
parfimon. Plutar. in
Lycurg.

⁹ Arist. in polit.

1. Iamblichus in
libello de vita Py-
thagorcorum.

Diuisiōs de to^o
corps & colle-
ges.

2. Bart. in titul. de
colleg. Accurs. in
l. 1. in quod cuius-
que vniuersit.

estre solennisez en toute ioye & liesse : ce qui fut bien entretenu en la primitive Eglise des Chrestiens, qui faisoient souuent tels festins, qu'ils appelloient *ἀγάπαι*, pour les baisers de pieté, & embrassemens charitables, que les vns donnoient aux autres : outre la fraction, & communication ordinaire : cela est encores à present mieux gardé en Suisse qu'en lieu du monde : car en toutes les villes les confrairies, & mestiers ont leurs maisons communes, où ils font leurs banquets & festins fort souuent : & n'y a si petit village qui n'ayt sa maison commune pour ce faire & ordinairement les procès & querelles sont vuidez amiablement & la sentence escripte avec de la craye blanche sus la table où ils ont banqueté. Et tout ainsi que les artisans, marchans, prestres, pontifes, & toutes sortes d'hommes auoient leurs confrairies, & colleges, aussi auoient les Philosophes entre eux : & ¹ principalement les Pythagoriens, qui s'assembloient ordinairement, & viuoient la pluspart du temps en commun. Voyla quant à la cause, origine, & progres des corps, & communautéz qui depuis par succession de temps ont esté reiglez par loix, statuts, & coustumes en toutes Republiques. Et pour entendre plus facilement ceste matiere, on peut dire que tous corps & colleges sont instituez pour la religion, ou pour la police. quant à la police, les colleges sont establis pour distribuer la iustice, ou departir les charges : ou donner ordre aux prouisions & marchandises qu'il faut apporter, ou enleuer : ou pour les mestiers necessaires à la Republique : ou pour l'institution & discipline. Et ce peut faire que le college sera particulier d'un mestier, ou d'une science, ou d'une marchandise, ou d'une iurisdiction : & ce peut faire aussi qu'il y aura plusieurs colleges vnies en un corps, comme tous les mestiers, ou tous les marchans, ou tous les maistres des sciences : ou tous les Magistrats. Et se peut faire encores, que tous les colleges particuliers, auront droit de communauté generale, ou bien vniuersité. Et que non seulement tous les colleges, & communautéz, ains aussi tous les habitans, ioints avec les corps & colleges d'une ville, ou d'une contree, ou d'une prouince ayent droit de communauté, pour tenir les estats. D'auantage le droit de college peut estre permis à chacun mestier en particulier, & defendu en general. Et chacun peut auoir diuers reiglemens, statuts, & priuileges particuliers. Par ainsi nous pouons dire, que tout corps, ou college est un droit de communauté legitime sous la puissance souueraine. le mot de legitime, emporte l'auctorité du souuerain, sans la permission duquel, il n'y a point de college. il emporte aussi la qualité des colleges, le lieu, le temps, la forme de s'assembler, & ce qu'on doit traiter en l'assemblée. & le mot de communauté signifie qu'il n'y a point de college, s'il n'y a rien commun. aussi n'est-il pas necessaire que tout soit commun : il suffit que l'assemblée soit commune à tous les collegues, qu'il y ait un syndic commun, & quelque bourse commune. car il n'est pas necessaire que la vie, & conuersation soit ordinaire : comme ² quelques vns ont appellé

appellé college, quand trois personnes demeurent ensemble, ayans leur bien en cōmun. en quoy ils s'abusent doublement, car il se peut faire que trois ou plusieurs personnes aurōt leur bien en commun, & viuront ensemble: & ne sera point college, ains vne société contractée de tous biēs: & au contraire les collegues demeureront separez de maison, & neantmoins auront droit de college: comme les confrairies des mestiers, que la loy ³ appelle *Collegia*. Quant au nombre des collegues, il ne peut chaloir quel il soit, pourueu qu'il n'y en ait pas moins de ⁴ trois. Quand ie dy collegues, j'entends qu'ils soyent esgaulx en puissance, pour le regard de la communauté, ayans chacun voix deliberatiue. combien qu'il se peut faire que le college, ou le Prince elise l'un des collegues pour commander, corriger, & chastier chacun des collegues en particulier: comme il se fait des Euesques, & Abbez, qui ont pouuoir de chastier les Chanoines, & Religieux. mais si le chef a ceste puissance sur tous en corps, & en nom collectif, ce n'est pas droitement college, mais plustost famille: comme les colleges instituez pour la ieunesse, où il n'y a point de boursiers collegues qui ayent voix deliberatiue: car s'il y a boursiers ayans droit de college, & voix deliberatiue en l'assemblée, c'est college: ores que le surplus de la ieunesse, soit sous la puissance, & correction du principal. c'est pourquoy on a doubté si l'Euesque, ou l'Abbé sont collegues, ayant la mesme qualité, & prerogatiue de collegue, & faisant partie du college, hors la qualité d'Euesque, ou Abbé. & la chose estant disputee de part & d'autre, est demeuree indecise. mais laissant la dispute à part, il semble que celui qui est esleu du college, ou du Prince, pour commander à tous les collegues en particulier, a double qualité, l'une pour le regard de chacun: l'autre pour le regard du college. il s'appelle principal, Euesque, Abbé, Prieur, President, ayant pouuoir, & puissance de cōmander à chacun: mais en corps & college, il n'est rien que le collegue, ores qu'il ayt lieu de preface. c'est pourquoy on met ces qualitez diuisees, Euesque, chanoines, & chapitre: Abbé, religieux, & cōuent: Principal, boursiers, & college. En quoy s'est abusé l'un des premiers ⁵ Jurisconsultes, qui a dit que les Philosophes appellent college, les personnes d'un college: il n'y a point de Philosophe qui l'ayt dit: attendu que le college est un nom de droit, qui peut resider en vne ⁶ personne, estans tous les autres collegues morts. & combien que tous les collegues fussent morts, si est-ce que le droit de college ⁷ demeure, & les biens du college ne peuvent estre occupez du fisque, ny des particuliers, si le college n'est supprimé par auctorité du souuerain. Car l'un des principaux priuileges des corps & colleges est, qu'on leur ⁸ puisse laisser par testament: autrement si le college est supprimé, ou reprouué, ce n'est plus college, ains assemblée illicite, & n'est permis de rien laisser par testament à telles assembles: iacōit qu'on puisse faire laiz à chacun des ⁹ collegues. & affin que les colleges, & assembles illicites ne soient entretenues par laiz testamentaires &

3. l. i. fed religionis de collegiis. l. i. de sacrosan. C. l. vlt. de iurisd. C. l. collegium. de heredib. institu.

4. l. Neratius. de verb. signif.

Si le chef du college est collegue.

5. Bart. in l. aut facta de penis.

6. Innocent in c. 2. de operis noui Alexand. cōsil. 74. lib.

4. contra cap. dilecta de excelsib. prelat.

7. l. 96. §. 1. l. 114. §. quā ab intestato. de legat. l. 50. de manumiss. testa. l.

6. §. est fisco. ad Trebel. l. 6. §. certe si quis omitta causa testa. l. 1. §. 1. l. vlt. de success. edicto l.

1. §. diuus l. 41. de iure fisci l. 18. de vfu cap. l. 19. de diuersis & tempor. l.

10. de inoff. testa. C. l. 22. de appel. & cap. cum dilecti de rescrip. l. vlt. de collegiis.

8. l. cū senatus. de rebus dubiis l. omnibus ad Trebel.

9. d. l. cum Senatus

successions, il est besoin interdire & defendre de rien leur laisser. Combien que le college peut estre permis, avec defences d'y rien laisser par testament : comme l'Empereur Antonin, qui le premier permit de laisser aux corps, & colleges, ne voulut pas que le college, ou sinagogue des Iuifs, peust demander les laiz testamentaires¹ qui luy seroyent faits : & neantmoins ils auoyent permission de s'assembler en leurs synagogues,² comme on peut voir en la harangue de l'Ambassadeur Philon à l'Empereur Caligula. Et mesmes Auguste decerna ses lettres patentes adressant aux gouuerneurs des provinces, de laisser, & souffrir iouir les Iuifs de leurs colleges. & Norbanus Procōsul d'Asie, fist defences aux Magistrats d'Ephese, de les empescher aucunement. Qui plus est Auguste fonda vn sacrifice perpetuel en Hierusalē d'vn veau, d'vn bouc, & d'vn mouton, par chacū iour, & voulut qu'ō fist vne aumosne, & distribution ordinaire aux Iuifs à ses propres³ cousts & despens. Il y a aussi des corps & colleges, de Iuges, & Magistrats : & neantmoins ils ne seroient pas receuables à demander vn laiz testamentaire, s'ils n'auoient permission expresse, par l'erection qui en seroit faite : cōme il fut iugé cōtre le Senat Romain, auquel Ruffius Cepio l'vn des Senateurs, auoit fait vn laiz testamentaire de certaine somme qu'il vouloit estre distribuee à ceux qui viendroyent au conseil. On fist instance de ce laiz : L'heritier s'y opposa : l'Empereur Domitiā donna son arrest au profit de⁴ l'heritier, & en debouta le Senat : ores que ce fust le plus anciē, & le plus necessaire corps de toute la Repub. L'origine, & definition des colleges & communautēz esclarcie, il faut parler de leur puissance en general, & de ce qui n'est point determiné par la fondation, statuts, & priuileges particuliers, qui sont diuers pour la diuersité des communautēz, & presque infinis. les premiers corps, & colleges, & qui plus ont de puissance en la Republique, sont les colleges des Iuges & Magistrats : car non seulement ils ont puissance sus la moindre partie du college en nom collectif, & sus chacun de tous les collegues en particulier : ains aussi sus les autres sugets à leur iurisdiction, hors leur college. & la differēce de ceux-cy, aux autres colleges, est notable en ce que les autres sont establis chacun pour le gouuernement, de ce qui leur est commun : & les colleges des Iuges, & Magistrats sont principalement erigez pour les autres sugets : & mesmes pour reigler les autres colleges, & les corriger s'ils mesprennent contre les loix, & statuts. mais tout ainsi qu'il faut que l'homme de bien, establisie premierement Iustice en soy-mesme, deuant que la distribuer aux autres : comme disent les Hebrieux en leurs proverbes, que la charité doit commencer à soy-mesme, s'elle est bien reiglee : aussi faut-il que les colleges des Iuges establisent la premiere Iustice : entr'eux mesmes, affin de la mieux departir aux autres sugets. Mais on peut douter, s'il est plus expediēt, que les colleges de Magistrats soient Iuges des collegues, ou bien qu'ils soyent iugez des autres, pour les raisons particulieres que ie deduiray cy apres en son lieu. & pour le tran-

1. l. 1. de Iudæis C.

2. toto titulo de iudæis, C.

3. in oratione Philonis de legatione ad Caium : licet Sueton. in August. diffetire videatur.

4. Sueton. in Domitiano. La puissāce des colleges.

trancher court, on peut faire vne distinction: si le college est composé pour la pluspart d'hommes vicieux: il ne faut pas leur laisser le iugement de leurs forfaits. mais s'ils sont gens de biẽ, il n'y a doute qu'il ne soit plus utile, & au college, & à la Republique, que les collegues soyent iugez par les colleges, que par autres Iuges: par ce qu'il y a ie ne sçay quoy de particulier en chacun college, qui ne peut estre si bien entendu, ny iugé que par les collegues du mesme corps: ioint aussi que par ce moyen l'union des collegues est mieux entretenüe. Et pour ceste cause l'Empereur Adrian voulut que les Senateurs Romains fussent iugez par le Senat seulement. ⁵ Et pour mesme raison la iurisdiction ciuile entre marchans, & pour le fait de marchandise, a esté sagement en toute l'Italie, puis en France attribuee à certains Magistrats, & Cōsuls du corps, & college des marchans: pour decider sommairement les differends qui suruiennẽt à cause des cōuentions, qui ont ie ne sçay quoy de particulier, & qui n'est point commun aux autres. Quant aux autres corps, & colleges, ores qu'ils ne soyent point fondez en iurisdiction, ny puissance de commander, si est-ce neantmoins qu'ils ont tousiours quelque coẽrtion limitee par leurs statuts, & priuileges: & quelquefois sans limitation, est laissée à la discretion, & prudence du corps, & college, ou du chef: avec telle moderation, que le pere doit auoir sur ses enfans: qui ne doit pas estre cruellement exercee avec rigueur. car si la loy ⁶ condamne à payer le prix de l'esclauẽ tué, par celuy qui auoit pris charge de l'enseigner, ores que ce fust en le corrigeant: à plus forte raison seroit condemnable celuy, lequel ayant la correction moderee sur les hommes de franche conditiõ, auroit vsé de telle rigueur, que mort s'en seroit ensuiuie: comme il aduenoit en Lacedemone, où les ieunes enfans estoient flaitris si rigoureusement par le grand maistre de la ieunesse, qu'ils rendoyent ⁷ quelquesfois l'esprit sus l'autel de Diane, pendant qu'on les fessoit. car la plus part n'osoit crier, de crainte qu'ils auoyent qu'on les estimast de cueur lache. Et cõbien que l'Empereur ⁸ Frideric I. donna aux Recteurs des vniuersitez iurisdiction, & q̃ les principaux des colleges ayent tousiours eu la correction sus leurs disciples, cela toutefois ne s'entẽd que des choses legeres, quoy que plusieurs Iurisconsultes ⁹ estendent ce pouuoir à la iurisdiction telle que les Magistrats ont par ottroy du souuerain. ce que l'Empereur, ny le Pape ne peuuent faire si non au pays qui releue d'eux. car cõbien que Gregoire X. Pape, en vne bule ottroyee pour les priuileges de l'vniuersité de Paris, confirmatiue des bules des Papes Urbain V. & Innocent VI. veut que si vn escholier commet crime digne de punition, que la cognoissance en soit seulement reseruee à l'Euesque, defendãt que desormais on emprisonne pour debte quelconque: toutesfois les Roys de France, non plus que les Magistrats n'ont pas obligatiõ à telles bules: Vray est que les colleges instituez pour la religion, ont ordinairement la correction d'autant plus grãde, que leur reigle est plus estroite:

⁵ Dio in Adriano.

⁶ l. s. §. vlt. ad l. a. quil. l. item queritur. §. item locati. l. i. de emendat. propin. C.

⁷ Plurar. in Lycurgo.

⁸ authent. habita. ne filius pro patre. C.

⁹ contra Bald. h. l. Castrẽsem Bartolum.

c'est pourquoy ils sont exempts de la puissance ¹ paternelle, & correctioⁿ des peres: iacq^uoit que plusieurs tiennent ² le contraire, mais leur opinion n'est pas suivie: & neantmoins il est certain que la reuerence, & deuoir naturel des enfans enuers les peres, demeure tousiours en sa force, & vertu; quelque obligation, & veu qu'on face aux corps, & colleges: car les loix humaines, ny les statuts, & priuileges des Princes ne peuuent déroger à la loy de Dieu, & de nature, qui a disertement obligé les enfans à l'obeyssance des peres & meres, de laquelle ne se peuuent exempter les enfans, si ce n'est par emancipation expresse, ou taissible, ayant le consentement des peres pour faire veuz aux corps, & colleges: demeurant tousiours neantmoins l'honneur, & reuerence filiale: ores que les enfans soyent estimez tantost comme ³ enfans de famille du college, ⁴ & le droit successif des enfans à eux laissé: & tantost comme ⁵ esclaves. c'est pourquoy les Canonistes donnent aux Abbéz iurisdiction sus leurs Religieux, priuatiuement ⁶ aux Euesques, ce qui a esté confirmé par arrest ⁷ du Parlement de Paris: de sorte qu'ils ne ⁸ peuuent estre appelez en iustice, de ce qu'ils auroyent fait au parauant qu'entrer en monastere: ce qui doit estre entendu des ieunesses, & fautes legeres, autrement ce seroit faire ouuerture aux voleurs, & meurtriers de se retirer en tels colleges comme aux forests, pour euitier la peine: comme de fait il est aduenu fort souuent: à quoy les sages magistrats doiuent obuier, & suiuant la loy de Dieu, tirer les meurtriers de l'autel pour en faire iustice: comme la cour de parlemēt de Toulouze fist, condamnant deux religieux de la daurade d'estre traidez sus vne claye au supplice, avec leurs habits, & mis en quartiers, pour auoir meurtri leur ⁹ superieur. Aussi l'Abbé peut estre appellé par les religieux deuant le Iuge ordinaire, tant en matiere criminelle, que ¹ ciuile: & se peuuent porter pour appellans de la sentence de leur Abbé au superieur: comme il a esté souuent iugé par les arrests du Parlement de Paris: & mesme Nicolas Abbé de Palerme a tenu, que l'adiournement se peut faire sans demander congé, comme il a esté iugé ² par arrest du Parlement de Bourdeaux. Et pour mesme raison si le college veut chasser, ou priuer l'un des collegues de ses droits, priuileges, & libertez, sans cause la cognoissance en appartient au iuge ordinaire du college. Combien qu'anciennemēt les corps, & colleges d'artisans, marchās, & autres semblables, auoyent ceste puissance, ainsi que nous lisons en Ciceron ³ des marchans Romains, *Mercuriales*, dit-il, & *Capitolini M. Furium*, *hominem nequam, equitem Romanum, de collegio eiecerunt*. & en Lacedemone, il estoit ⁴ permis chasser hors les assemblees, & colleges que i'ay dit cy dessus, celui qui auoit decouuert les secrets de la compagnie. En cas semblable l'Abbé de Palerme tient que les chapitres ont bien pouuoir de chasser

1. Accurs. in l. si ex causa §. papinian. deminor. sequitur Bart. Bald. Alexā ad Bar. ibid. Ludo. Bologn. in authēt. ingressi de sacrosan. eccle. C. Alberic. ibid. nu. 12. ait opinionem esse doctōrū. & archidiaconus in c. nō dicatis 12. q. 1. & glo. quam sequuntur Panor. & Felin. quemadmod. pro seruo. Guido Pap. singul. 26. Bart. in auth. idē de bonis quē liberis C. Bar. & Cune. in l. parre furioso de iis qui sunt sui diuus in l. ergo de acquir. rerum. domin. Boeri. decis. 121. Alexād. in l. sub conditione de liberis & posthum. 2. Bald. in l. final. §. 1. de bonis quē lib. C. Io. Andr. in cap. vlt. de iudic. lib. 6. argu. l. vlt. §. si autem. de bonis quē liberis. C. Specul. in tit. de statu monachor. ver. 12. Iacob. Butrig. in authent. si qua mulier. & ibi Bald. de sacrosan. C. angel. in l. sub conditione de lib. & posthu. 3. Alexād. in l. sub conditione. de lib. & posthu. 4. Bart. in authēt. si qua mulier de sacrosan. eccle. C. Bal. in l. cum adoptiuus de adop. l. Angel. Bart. Paul. Alex. in d. sub cōditione & in l. apud hostes de suis & legit C. Castrē. cōsil. 29; lib. 1. Ancara. in c. de cetero de testib. Stepha. Bertrā. cōsil. 66. lib. 3. cōsil. 116. eod. lib. Iaso. in l. qui se patris vnde liberi. C. 5. Bal. in l. 1. nu. 42. qui admittit. C. Innoc. in cap. cū oī nu. 4. de priuileg. Iaso. in l. 1. nu. 42. de vulgari & in l. cū fundus §. 1. nu. 17. si certū Ludo. Roma in l. is qui heres §. neque. de acq. heres. 6. Felin. in cap. pastoralis de offi. ordin. & Panor. eod. contra l. vlt. de iurisd. C. & c. cū ecclesiast. de offi. ordinat. 7. anno 1427 Februar. 27. tex. in cap. ea quā. cap. singulis. de statu regul. decis. capel. Tolosa. 309. Guido. Pap. decis. delphi. 59. 8. cap. admonere. 25. q. 2. ap. scripturā de voto & ibi Io. andr. Bart. in authēt. ingressi nu. 34. Panor. in c. cum ecclesiast. col. 1. de offi. ord. 9. anno 1560. en Iuin. 1. argu. l. 1. de precib. Imperatori. C. Innocent. in cap. insinuante. qui clerici vel voūtes cap. monachi. de statu monach. 2. anno 1; 44. Decembris 15. 3. cōsil. 88. lib. 1. 3. ad Q. fratrem. 4. Plutar. in Lycurg.

du ° chapitre l'un des collegues, ou le priuer, de ses distributiōs ordinaires, & non pas de le battre, ny vser de correction seuerie ny mesmes de l'emprisonner, comme il a esté iugé par arrest du Parlement de 2^e Paris. Mais on peut douter si le college peut faire ordonnance, que nul des collegues se pouruoie par deuant autres iuges que le college: & si au preiudice des defences, on se peut adresser au Magistrat, sans estre tenu de la peine ciuile apposee aux defences. Sceuola¹ Iurisconsulte est d'aduis, que on ne se peut adresser aux Magistrats, obstant les defences du college, sinon en payant la peine portee au statut du college. Mais ceste reigle n'est pas generale: & ne peut auoir lieu en cas de crime, nō plus que les peines conuentionnelles apposees aux arbitrages, n'ont point de lieu, s'il y va du crime. En second lieu ie tiens que l'ordonnance du college en cas ciuil ne doit auoir lieu, si tous les collegues n'y ont presté consentement, comme il se fait és arbitrages. Car en toutes communautez, quand il est question de ce qui est commū à tous en particulier, & diuisement, le consentement expres d'un chacun y est² requis: mais s'il est question de ce qui est commun à tous par indiuis, & conioinctement, il suffit, que la pluspart soit d'une opiniō, pour obliger le surplus: pourueu qu'il ne soit rien ordonné contre les statuts du college, establis par le souuerain, ou bien par le fondateur du corps & college, auctorisé par le souuerain. demeurant donc les ordonnances de la Republique, & les statuts en leur entier, le college peut faire ordonnance, qui oblige la moindre partie en nom collectif, & tous les collegues en particulier, ° pourueu q^e les deux tiers ayent assisté à l'assemblee, ores qu'ils n'ayent pas esté tous d'un aduis, és choses qui concernent la communauté: mais la plus part de tous assésblez en corps, ne sont point tenus à leurs statuts, & beaucoup moins tout le college: non plus que le Prince³ à sa loy, ou le testateur à son⁴ testament: ou les particuliers à leurs⁵ conuentions, desquelles ils se peuuent departir d'un commun consentement. & suffit des deux tiers du college, pour casser l'ordonnance faicte de tout le⁶ college. ce qui est general à toutes sortes de communautez estats corps & colleges, s'il n'est question que de choses communes à tous en nom collectif: ores que toute la communauté eust ordonné, que les statuts ne fussent cassez, si tous les collegues n'estoyēt de cest aduis: car tousiours la pluspart de la communauté l'éportera. mesmes la loy a voulu, que celui qui sera esleu du college, ou de la communauté pour traiter, & decider les affaires communes, puisse obliger un chacun du college. En quoy s'abusent ceux là qui ont⁷ escrit, que les deux tiers du college ne peuuent rien faire, si le college a fait statut que tous y fussent. car si cela auoit lieu, un seul pourroit empescher en ce cas les aduis, arrests, & deliberations de toute la communauté: qui est contre la disposition formelle⁸ de la loy, qui veut que la pluspart en tous actes concernans la communauté, soit la plus forte: & que la pluspart⁹ des deux tiers, puisse donner loy à tous en particulier,

0. in c. cū contrin-
gar. col. 9. de foro
cōpetenti. & prag-
ma de concub. §.
quod si. in glo. in
verb. pertinere not.
in cap. quanto. de
off. ordin.

2. le 15. Octobre
1534. & pour la pri-
uation de la distri-
bution, iugé l'an
1391.

5. l. ult. de decretis
ab ordine faciend.

6. l. non distingu-
mus §. Iulianus de
regept. arbitri.

7. cap. dilecta. de
excessib. praelat. l.
perfundum. rustic.
præd. & §. religio-
sum. de rerum di-
uini institut.

0. l. 3. & 4. quod
cuiusque vniuersi-
tat.

8. l. princeps de le-
gib. l. à titio §. nul-
la. de verb. obliga.

9. l. si quis in prin-
cipio de legat. 1.

1. l. ab emprione.
de pactis.

2. Innocēt. in cap.
humilius de maio-
ritate. Ludo. Rom.
in tit. de arbitris.
col. 15.

3. Panorm. ita scri-
bit in cap. cōstitu-
tus de appel. glo. in
cap. si cui. de elect.
lib. 6.

4. l. quod maior.
ad municipal. l. 3. l.
nominatim de de-
curio. C. l. vbi de
tutor. l. 3. de decre-
tis.

5. l. 3. l. 4. l. item.
quod cuiusque v-
niuersitat. Bartol.
Angel. Castrenf. i-
bid. Antro. Panot.
in cap. pastoralis.
de rescript. §. 1. l. 2.
de prædiis curialiū

6. cap. si ad ea de
concess. prabendæ
cap. quod sicut. de
elec. Panor. in cap.
bonæ cod. Felin. in
cap. cum omnes de
constitut.

7. l. 2. de decur. C.
Panor. Felin. An-
ton. Butrio. in cap.
cum omnes. de co-
stitut.

8. Accurs. In l. si-
cut quod cuiusque
vniuer. Bart. in l.
aut facta de pœnis
Panor. in cap. gra-
tū. de postul. prela.

9. Innocēt. in cap.
1. de maiorit. Anto.
Butrio Imola. Pa-
nor. in cap. cū no-
bis olim de elect.

Bart. in l. 1. de albo
scribendo. Panor.
in cap. quæsiuit. de
iis quæ fiunt à ma-
iore parte. Bal. in
l. 1. de fide instru-

ment. C. & in l. ob
seruare de decu-
rio. C. Ludo Ro-
man. in l. si vero. §.
de viro fallent. §4.
soluta matri. Car-
dinal in cap. licet.

de elect. Imol. in
cap. cū omnes. de
constitut. & in l. 1.
§. fuit quæsiuit. ad
trebel. Bal. in cap.

1. col. 6. de iudic.
Tiraq. in tract. de
iure primigen. nu.
116. 117.

1. Panor. sin obli-
tus in cap. cum om-
nes. de constitut.
2. d. c. pastoralis. §
1. de rescript. l. 4. §.
item. quod cuiusq;
vniuersitat.

o Festus in verbo
concio.
3 Philip. 2.

soit qu'ils ayēt esté presens, ou absens. & mesmes és choses legeres il n'est
besoin que tous soyent presens, pourueu que tous soyent⁶ appelez:
mais és choses de poids, & consequence, il est besoin que les deux tiers
soyent presens, ores qu'ils ne prestent pas tous leur consentemēt: s'il n'y
a loy, ou ordonnance speciale, qui vueille que les deux tiers soyent d'un
aduis: comme il est requis és corps & colleges des iuges de ce Royaume
par l'ordonnance de Loüys xi. quand il est question des causes ciuiles;
& par l'ordonnance de Gregoire x. pour l'election du Pape, il faut que les
deux tiers des Cardinaux soyēt d'un aduis: comme en plusieurs electiōs
des chefs de college, il est necessaire que les deux tiers du college soyent
d'un aduis. Et quelquesfois il est necessaire que tous les collegues soyent
d'accord, comme, il estoit requis que tous les Tribuns fussent d'accord
autrement vn seul empeschoit tout le college des Tribuns. & s'ils estoient
tous d'accord on mettoit en l'acte ces mots *PRO COLLEGIO*. au-
trement s'il n'y a statut ou ordonnance speciale, la pluspart des deux tiers
sufist en tous actes, concernans la communauté des corps, & colleges.

Mais aussi est-il necessaire, que le consentement duquel nous parlons,
soit presté en assemblee du corps, ou college: car combien que tous les
collegues eussent consenti separément à quelque chose, concernant ce
qui est commun à tout le college si est-ce que l'acte ne peut auoir⁷ aucun
effect, ny pour, ny contre ceux qui l'ont consenti, iacōit que ce fust de-
uant notaires, car le college n'a pas fait, ce que tous les collegues ont fait
separément. & ne sufist pas que tous ceux d'un corps soyent appelez, si
ce n'est en temps, & lieu ordonné par les statuts. En quoy plusieurs se
sont trauaillez, à sçauoir qui sera celuy qui assemblera le college: & sont
d'aduis, que le plus ancien du college a puissance⁸ de faire appeller les au-
tres, & les contumacer, non pas toutesfois qu'il puisse les condamner à
l'amende: qui est chose ridicule, si la contumace ne peut estre punie par
luy, ny par ceux du college, comme il est bien certain. Aussi les vns¹ se
sont departis de ceste opinion, & on tenu que les deux tiers du college,
pour faire appeller les autres, se doiuent assembler. mais ils ne disent point
qui fera appeller les deux tiers. combien que s'il sufist de deux tiers pour
faire, & arrester les affaires du corps, &² communauté, il ne se faut point
travailler du surplus. Toutesfois la coustume gardee presque en tous
corps, & colleges est, que les plus anciens font appeller les autres, ou biē
ils s'assemblent au son de la cloche, ou de la trompette, comme il se fai-
soit anciennement en Grece, & en Rome, quand les Magistrats, qui a-
uoient ceste puissance de faire assembler le peuple ou le Senat, faisoient
publier leurs mandemens à son de trompe, à tous en particulier, & non
pas en nom collectif. & cela proprement s'appelloit *concio*, comme dit
Feste Pompee. ° & pouuoit le Magistrat proceder par amendes, & faisie
de meubles contre ceux qui feroient refus. ainsi voyōs nous³ que Marc
Antoine Consul menaça Ciceron de luy faire ruiner sa maison, s'il ne ve-

noit

noit au Senat. Il n'y a point de difficulté, quand les Magistrats ont puissance de commander. Mais si le college n'a point de chef ny de Magistrat qui ayt pouuoir de contraindre ceux qui ne voudront obeyr; celuy qui a interest à faire assembler le college, doit obtenir commission du Magistrat, pour vser de ⁴ contrainte. Donc pour conclure ceste question de la puissance des estats corps & communautez licites, nous dirons que la loy de Solon a lieu generally en toute Republique, & est aprouuée des ⁵ Iurisconsultes & ⁶ Canonistes, c'est à sçauoir qu'il est permis à tous corps, & communautez licites, faire telles ordonnances qu'ils aduiferont pour le mieux, pourueu que par icelles il ne soit derogé aux statuts du college faits, ou homologuez par le souuerain, ou contre les edits, & ordonnances de la Republique. Il n'estoit point defendu anciennement aux corps & colleges de faire ordonnance, sans deroger aux loix publiques, & y aposer telle, & si ⁷ grande peine qu'il plaisoit au college: mais depuis par les statuts, & ordonnances de chacun college & Republique, ce pouuoir a esté ordinairement retranché à certaine petite amende. Et ne suis pas de l'aduis de ceux ⁸ qui tiennent que le college peut establir ordonnances, sans toutesfois peine quelconque. car la loy, l'ordonnance, le statut est inutile, & ridicule, si la peine n'est apposee contre ceux qui desobeyront: ou pour le moins que celuy qui fait l'ordonnance, n'ayt la puissance de la faire entretenir par peines arbitraires. Aussi voit-on en plusieurs lieux que les corps des mestiers, qui ont droit de communauté, ont tousiours quelque forme de coërtion, & de visiter les ouurages, & marchandises, les saisir, gaster, ou confisquer, s'il est rien fait contre les ordonnances: sauf toutesfois la cognoissance du Magistrat, s'il y a opposition. Quand ie dy droit de communauté, j'entends que les corps, & colleges puissent traiter en leurs assemblees seulement ce qui leur est commun: ⁹ mais il n'est pas permis traiter autres affaires, sous la peine ¹ estable aux corps, & assemblees illicites. Voyla quant à la puissance, droits, & priuileges des corps, & communautez en general. disons maintenant de la forme de les punir, s'ils ont offensé. Combien qu'on peut dire qu'il n'echet point de peine, où il n'y a point d'offense. or est-il que le college, ou la communauté ne peut offenser: veu mesmes que le college ne peut ² consentir, ny rien faire par dol, ou fraude, comme dit la ³ loy, & qu'il n'y a point d'action de dol contre vn corps, ou communauté, ores que tous les collegues d'un mesme college, ou les habitans d'une ville, ou les estats d'un pays eussent consenti: chose toutesfois qui est impossible és corps, & communautez de villes, contrees, prouinces, ou Republiques: attendu que les enfans, & furieux ne peuuent consentir. mais d'autant que les actes faicts par la pluralité des collegues assemblez collegialement, ou d'un corps de ville en assemblee legitime, sont reputez comme s'ils estoient faits par tout le college, ou par tous les habitans d'une ville, c'est pourquoy en ce cas toute la communauté est punie: comme

4. glos. in cap. si capitulo de concess. præben.

5. in l. ult. de collegiis

6. Panor. in cap. cum omnes de constitut. in cap. nuper de decimis. Bald. in d. cap. cum omnes

7. l. ult. de decretis ab ordine.

8. Panor. in cap. quæ in ecclesiis de constitut. Angel. consil. 267. Bart. in l. omnes populi ex §. in hoc. 24 q. 2. Innocent in cap. cum accessissent de constitut. Io. Andr. in cap. cum omnes. eod. Ancaran. in cap. licet causam. de probat.

9. Accurs. in l. 2. quæ sit longa consuetud. C. 1. l. sub prætextu. de extraord. crimin. l. semper. §. quibusdam de iure immunitatis. Bart. eod.

2. l. 3. §. 1. de acq. poss. l. 1. de libertis vniuersit.

3. l. sed ex dolo. §. 1. de dolo innocent. in cap. grauem de sentent. excommunicat. Angel. & Castrensis in d. §. 1.

il se fait és rebellions des villes, & seditions des communautéz. qui sont punies en corps par priuation de priuileges, droit de communauté, amendes, charges, seruitudes, & autres peines selon la qualité du forfait. mais telle punition ne doit auoir lieu, si la rebellion, ou autre crime ne s'est commis par l'adueu de la communauté, & arresté en l'assemblée: comme il fut iugé par arrest ⁴ de la cour de parlement, pour la communauté de Corbeil. & neantmoins s'il echet punition corporelle, on ne doit punir que ceux qui ont presté consentement, ⁵ ores que la communauté, ou college soit condamné en corps. car mesmes pour simple delict fait par plusieurs sans college, ny communauté, il n'y a sinon action contre vn chacun en particulier, & pour le tout, de sorte que l'vn ayant satisfait, les autres sont quites: mais si la chose s'est faicte par quelqu'vn suiuant l'aduis, conseil, & deliberation de tous, ils peuuent tous estre appelez & chacun solidairement, iacoit que l'vn estant appellé les autres ne sont pas quites. ⁶ Mais on peut dire qu'il n'y a point d'apparence que plusieurs, voire la pluspart d'vn college, ou communauté, soyent declairez innocens, & neantmoins qu'ils soyent punis en corps, és cas que i'ay dit cy dessus. A celà ie responds, qu'il est encores plus estrange, que les innocens soyent tirez au sort avec les meschans, & que ceux-là soyent punis sur lesquels tombera le sort: comme il se faisoit quand l'armee estoit decimee, pour s'estre portee lachement contre les ennemis, les plus hardis & vail-lans, estoient bien souuent tirez, & comme laches executez. c'est l'exé-ple duquel vsa le Sénateur Cassius, ⁷ quand il persuada en plein Senat que on mist quatre cens esclaués à mort, ores qu'il n'y en eust pas vn qu'on peust dire coupable du meurtre commis en la personne de leur maistre. adioustant ces mots, *Omne magnum exemplum habet aliquid ex iniquo, quod publica utilitate compensatur.* Ce n'est pas dira quelqu'vn, payer la debte, d'alleguer vn inconuenient. ie responds que la plus belle iustice qu'on peut faire, c'est d'echouer de plusieurs inconueniens le plus grand, quand il est question des forfaits, qu'il ne faut laisser impunis. car nous voyons que les plus sages ⁸ & aduisez Iuriconsultes ont décidé, que s'il y a quel-qu'vn tué, frapé, ou derobé par plusieurs, tous en sont tenus solidairement, encores qu'il n'y ayt qu'vn qui ayt fait le coup, ou qu'il soit du tout incogneu qui c'est: & neantmoins les Iuriconsultes ⁸ n'ont point d'autre raison, que l'inconuenient qui aduient plus grand d'vn costé, quand on veut fuir l'autre: qui est le plus fort argumēt qu'on puisse auoir, pour esclaircir la verité de toutes choses, quand tous les autres defaillent. Nous ne parlons pas icy de ce que font les ennemis aux villes assiegees, & prises par force, pillans, ruans, saccageans aussi bien l'innocent, que le meschāt: mais de ce que doit faire le Prince enuers ses sugets rebelles. combiē que les Romains, lors qu'ils estoient estimez les plus iustes peuples de la terre, n'ont pas tousiours suiui la reigle que nous auons posée: mais souuent ils ont puni, non seulement en corps, ains aussi en particulier tous les ha-bitans

4. ex l. semper §. 2.
quod vi. l. aliud de
regul.
5. in l. aur facta. de
pœnis & ibi Barr.
Panorm. in cap.
gratum de postul.
prælat. l. semper §.
2. quod vi.

6. d. l. semper.

7. Tacit. lib. 14.

8. l. vulgaris. §. pe-
nul. de furtis ff. l. si
plures de iniur. ff.

8. l. ita vulneratus
fine ad l. aquil.

bitans des villes rebelles, apres les auoir prises. & neantmoins il ont tousiours gardé ce point, que les chefs ont esté punis plus griefuement, & conserué ceux qui ont resisté aux mutins : ayans esgard, si en corps & communauté la rebellion estoit deliberee, & arrestee. *Valerius Leuinus*

⁹ Agringento capto, dit Tite Liue, qui capita rerū erant, virgis caesos securi percussit, cæteros prædāmque vendidit. & en autre lieu, Quoniā authores defectionis, inquit, meritas pœnas à diis immortalibus, & à vobis habent. P. C. quid placet de innoxia multitudine fieri tandem ignotum est illis, & ciuitas data. 9. lib. 26.

& le Consul Fuluius, apres auoir pris Capouë, punit capitalement quatre vingts Senateurs, outre xxvii. qui s'estoyent empoisonnez : & trois cens gentils-hommes moururent prisonniers : le surplus des habitans furent vendus comme esclaves. Et quant aux autres villes, qui estoient sous l'obeissance des Capouïans, il n'y eut que les chefs punis. *Atella Calatiāque, dit Tite Liue, in deditionem acceptæ, ibi quoque in eos qui capita rerum erāt animaduersum.*

L'autre Consul Appius vouloit aussi qu'on s'enquist des alliez, qui auoient eu secrettement part à la coniuration : mais Fuluius l'empescha disant que ce seroit solliciter les fideles & loyaux alliez à se rebeller, en adioustant foy aux trahistres Capouïans. Quoy que ce soit, nous trouuons que les Romains ont laissé bien peu de rebellions impunies, tāt que la Repub. a esté populaire. Et quāt aux Empereurs Romains, les vns ont vsé de grace, les autres de cruauté extreme. l'Empereur Aurelian ayant mis le siege deuant la ville de Thyane, iura qu'il n'echaperoit pas vn chié, qui ne fust mis à mort, ayant forcé la ville, il défendit de tuer personne & lors qu'il fut sommé du serment qu'il auoit fait, il dist qu'il n'auoit entēdu parler que des chiens, qu'il fist tous mettre à mort. 1. aussi Henry v.

1. Vopiscus in Aureliano.

Empereur ayant cōdamné Bresse à estre rafec, & mise en friche, leur pardonna neantmoins affin que les iustes ne portassent la peine des iniustes : suiuant en cela la bonté de Dieu, qui promet pardonner à tout vn pays s'il y en a dix iustes. les autres ont vsé de cruautéz barbares, tuās sans discretion bons, & mauuais, pour la faute de quelques vns. cōme l'Empereur Caracala, lequel pour vanger sa douleur de quelques chansons qu'on disoit en Alexandrie contre luy, fist entremesler les soldats avec le peuple, pēdant qu'on regardoit les ieux : & au signal donné ils tuerent vne infinité de peuple : ce qui auoit esté au parauant executé en Hierusalem, & depuis en Thessalonique, où l'Empereur Theodose le grand, fist tuer sept mil habitans pelle mesle, pour le meurtre commis en la personne de quelques magistrats, sans l'auoir delibéré, ny arresté en corps, & communauté. Xerxes Roy de Perse vsa d'une autre vengeance non pas si grande, mais bien plus contumelieuse, faisant couper le nez à tous les habitās d'une ville de Syrie, qui depuis fut appelée Rhinocura quasi pour semblable faute de quelques vns. Cōme aussi le dictateur Sulla fist mourir tous les habitans de Perouze, & ne pardonna qu'à son hoste, lequel voulut aussi mourir, disant qu'il ne vouloit pas tenir la vie du meurtrier

de sa patrie, cōme dit Plutarque. Cela pourroit estre supportable, quand les vaincus ayment mieux mourir que d'estre sugets: & non pas s'ils sont contents de seruir, ou d'obeir. cōme les Pisans s'estans rebellez contre les Florentins leurs seigneurs, sous la faueur de Charle VIII. s'abādonnerēt au Comte Valentin, qui ne les peut guarentir: & puis aux Geneuois qui n'en voulurent point, non plus que les Venitiens: & neantmoins apres vn long assiegement se rendirent aux Florentins, qui les traiterēt doucement, & depuis sont demeurez bōs sugets. mais Loüys Côte de Flandres dernier de sa maison, car apres sa mort le Côté tōba en la maĩson de Bourgogne, ayāt reduit les Gātois à telle necessitē pour leurs rebellions, de demander grace & pardon ne voulut pas les receuoir, ains leur fist dire qu'ils vinssent tous deuant luy la hard au col luy demander pardon, & qu'il aduiferoit ce qu'il auroit à faire. Ce qui meit ce pauvre peuple en tel desespoir, qu'ils allerent iusques au nombre de cinq mil affronter l'armee du Côte de XL. mil hommes, qu'ils deffirent, & redirent toutes les villes de Flādres sous leur obeissance, exceptē seulement Andenarde: & le Côte s'estant sauué de la defaite s'alla mustier sous le liēt d'une pauvre femme, qui le fist eschaper en cueilleur de pōmes: & depuis n'ont iamais esté obeysans aux Côtes. On aperceut alors qu'il n'y a rien plus vaillant contre son seigneur, que le suget desesperē: ny guerre plus iuste, que celle qui est necessaire, cōme disoit vn ancien Senateur Romain. Ce peuple duquel i'ay parlé, outre la peine ineuitable, estoit reduit à souffrir vne contumelie pire que la mort. Car la cōtumelie est tousiours plus grāde enuers les hōmes genereux, que la mort: Et aduient quelquefois, qu'ils doublent la cōtumelie, & la cruauté ensemble: comme fist Federic I. Empereur, enuers les Milanois: apres auoir tué les principaux, & rasé la ville, il vſa d'une peine plus contumelieuse que cruelle enuers les autres: comme aussi fist Dagobert Roy de Frāce, enuers les habitāns de Poitiers, pour auoir donné secours à ses ennemis, il ne se cōtenta pas de tuer les habitāns, ains aussi fist raser la ville, & l'ensemācer de sel. Mais tout ainsi que les Princes qui passent par souffrance, les seditions, & rebellions, des corps, & cōmunautē de villes ou prouinces, dōnent exēple aux autres de les suiure: aussi ceux-là qui exercēt leur cruauté sans mesure, nō seulement ils emportēt la qualité de tyrās barbares, & cruels, ains aussi hazardent leur estat. Celuy meritera la louange de iuste Prince & conseruera son estat, qui tiēdra le moyen de punir les chefs, & autheurs des rebellions. cōme fist Charle de Frāce, qui depuis fut Roy de Naples: lequel ayant la commission pour chastier les habitāns de Mont-pellier leur osta tout droit de cōmunauté consular & iurisdiction: & ordonna que les murailles seroyēt rasees, les cloches abatuës, & les cōdāna à six vingts mil francs d'or. Il y en a qui ont escript que la moitié des biens des habitāns furent confisquez: & entre les bourgeois 600. partie noyez, partie pendus, & le reste bruslez. Neantmoins la chose fut depuis moderee en sorte, qu'il n'y eut que les coupables executez:

cutez: comme en cas pareil il fut fait à la rebellion de Paris sous Charle vi. qui fut encores plus douce: iacoit qu'il n'y eust eu à Montpellier ny assemblee de ville, ny coniuration deliberee en corps. Et quand bien tous les habitans d'une ville, en particulier, & en corps auroient deliberé, consenti, arresté une rebellion, ou coniuration, si est-ce qu'il ne faut pas que le sage Prince s'avance de les punir tous: attendu le danger qu'il y a pour l'estat. Et pour ceste cause le Consul T. Quinctius voyant le peril qu'il y avoit de vouloir punir l'armee qu'il avoit sous sa conduite, pour la rebellion, apres avoir apaisé les choses, il s'en retourna à Rome, & presenta requeste au peuple, par l'advis du senat, qui fut enterinee sus le champ, *Ne cui militum fraudi esset secessio*. Et en cas semblable la rebellion des soldats à la ville de Sucrone, fut punie par l'execution de xxx. hommes seulement. *certabatur, dit Tite Lieve, utrum in autores tantum seditionis xxxv. animadverteretur, an plurium supplicio vindicanda defectio magis esset quam seditio. vicit sententia lenior, ut unde orta culpa esset, ibi poena consisteret, ad multitudinis castigationem satis esse.* & peu apres en la harangue que Scipion fist à l'armee, il dit ces mots, *Se non secus quam viscera secantem sua cum gemitu, & lacrimis xxx. hominum capitibus, expiassè octo millium noxam.* Mais quand le Consul Appius, superbe, & haut à la main, voulut user de sa puissance sus l'armee, les capitaines, & lieu-tenans, l'en destournerent. luy remonstrans, qu'il estoit fort dangereux d'eprouver sa puissance, qui n'estoit fondee qu'en l'obeissance des sujets. Et combien que la punition se peust faire sans crainte: si est-ce qu'il n'en faut pas user, & suffist en la punition des corps, & communautéz, *ut poena ad paucas, metus ad omnes perveniat*: comme disoit un ancien orateur. Encores ne faut-il pas que le Prince souverain soit executeur de telles punitions: s'il se peut faire en son absence: affin que le cueur de ses sujets ne soit aucunement aliené de luy. ains au contraire il est besoin qu'il modere la peine, que ses lieu-tenans auront imposee. Nous en avons l'exemple d'Antioque le grand Roy d'Asie, lequel donna commission à Hermeas Connestable de chastier la rebellion des habitans de Seleucie, condamna le corps de la ville à six cens mil escus d'amende. Le roy Antioque rappella tous les bannis, & se contenta de lxxx. mil escus: & restitua la ville en tous ses privileges. Et sans aller plus loing, le Roy Henry ayant donné commission au Duc de Mont-morency Connestable, de chastier la rebellion du pays de Guyenne, & mesmemēt des habitans de Bourdeaux, otroya depuis abolitiō generale, & remist le rasemēt de la maison de ville, l'amēde de deux cēs mil liures, & les frais de la cōduite de l'armee, en quoy les habitans de Bourdeaux estoient cōdamnez: & restitua le droit de corps & college de ville: exceptāt seulement ceux qui avoient mis la main sus les officiers, & quelques privileges, & domaine de la ville qui fut re-

s. Polybius lib. 5.

Punition des
Gantois.

6. l. respiciendum
de pœnis.

tranché. L'Empereur Charle v. en vſa tout autrement, contre les habitants de Gand, car luy meſme en preſence voulut ſaouler ſon appetit de la vengeance qu'il print de mil ſeditions, & rebellions qu'ils auoient accouſtumé de faire de toute ancienneté. & qui eſtoient iuſques alors demeurees impunies par la ſouffrance, ou impuiſſance des Comtes de Flandre. Et quaſi au meſme temps, le Roy François i. alla en perſonne, pour chaſtier la rebellion des Rochellois, auſquels toutesfois il pardonna, ſans faire mourir perſonne, diſant qu'il n'auoit pas moins d'occafion de venger ſa douleur que l'Empereur: & neantmoins qu'il aimoit mieux accroître ſes loüanges à conſeruer, qu'à ruiner ſes ſugets. Si on fait iugement de ces trois Princes on dira peut eſtre que l'un a eſté trop ſeuere en la punition d'une communauté, le ſecond a par trop affecté la douceur: car vne rebellion paſſee par ſouffrance, toſt apres en attire vne autre: le troiſieſme a moderé l'un & l'autre, tenant la mediocrité entre la douceur & cruauté, qui eſt le moyen de la vraye iuſtice que la loy veut⁶ eſtre gardée en la punition des forfaits, meſmement où il eſt queſtion de punir vne multitude, en communauté, ou ſans communauté. Le meſme Empereur Charle v. pardonna vne faute capitale au premier chef de leſe maieſté, quand tous les eſtats d'Eſpagne ſe rebellerent contre luy, lors qu'il partit pour aller prendre poſſeſſion de l'Empire, combien qu'ils euſſent ia tiré de priſon, voire eſleu le Duc de Calabre pour Roy, qui ne le voulut accepter. il n'y en eut pas vn puni: qui eſtoit ſagement fait, car la maladie eſtant vniuerſelle, il euſt r'enflammé le feu qui eſtoit mal eſtaint. Reſte à voir ſi la Republique ſe peut paſſer de corps & colleges. Nous auons dit que les hommes par ſocietez & compagnies mutuelles, ſ'acheminèrent aux alliances, & communautez des eſtats, corps, & colleges: pour compoſer en fin les Republiques que nous voyons: qui n'ont point de fondement plus ſeur apres Dieu, que l'amitié & biéueillance des vns enuers les autres: laquelle amitié ne ſe peut maintenir que par alliances, ſocietez, eſtats, communautez, confrairies, corps & colleges. Et par ainſi demander ſi les communautez & colleges ſont neceſſaires à la Republique, c'eſt demander ſi la Republique peut eſtre maintenue ſans amitié, ſans laquelle meſme le monde ne peut ſubiſter. Ce que ie dy, pour autant qu'il y en a qui ont eſté, & ſont d'aduiſ que tous corps, & colleges ſoient abolis: & ne regardét pas que la famille & la Repub. meſme, ne ſont rien autre choſe, ſinō cōmunautez. Qui eſt l'erreur auquel les plus grāds eſprits ſ'acheurtent le plus ſouuent. car pour vne abſurdité qui aduient d'une bōne couſtume, ou ordōnance, ils veulent rayer, & bifer l'ordōnance: ſans auoir eſgard au bié qui en reuſciſt d'ailleurs. Ie cōfeſſe bié que les colleges, & cōmunautez mal reiglees, tirēt apres ſoy beaucoup de factions, ſeditions, partialitez, monopoles, & quelquefois la ruine de toute la Republique & qu'au lieu

lieu d'une amitié sacrée, & bienveillante charitable, on y void naistre des confurations, & conspirations des vns enuers les autres. Et qui plus est, on a veu sous vmbre de religion, que plusieurs colleges ont couvé une execrable & detestable impieté. il n'y a point de meilleur exemple que la confrairie des Bachanales en Rome, où il y auoit plus de sept mil personnes partie accusez, attains, conuaincus, & plusieurs executez & bannis, pour les meschancetez abominables qu'ils commettoient sous voile de religion: qui a la plus belle, & la plus diuine apparence qu'on scauroit imaginer: comme disoit le Consul, parlant au peuple Romain des impietez qu'il auoit auerées, *Nihil in speciem fallacius praua religione, ubi Deorum numen pratenditur sceleribus subit animum timor.* Qui fut la cause d'abolir les confrairies des Bachanales par toute l'Italie, par arrest du Senat, qui fut homologué par le peuple & passa en force de Loy⁸, que deslors en auant on ne feroit aucuns sacrifices sinon en public. Ce que long tēps au parauāt vn sage Grec auoit suadé aux Atheniens, disant que les sacrifices nocturnes, luy estoient merueilleusement suspects. Aussi est-il beaucoup plus expedient en toute Repub. de permettre en public les assemblees, colleges, & confrairies, qui pretendent le fait de religion, ou les oster du tout, que les souffrir en secret, & à la desrobee. & comme disoit Caton le censeur, *Ab nullo genere non summum periculum est, si cætus, & concilia, & secretas consultationes esse sinas.* Car il n'y a coniuration qu'on ne puisse faire en telles assemblees secretes, qui croissent peu à peu, & en fin l'apostume creue, qui infecte toute la Repub. comme il aduint en la ville de Munstre, où les Anabaptistes multiplierēt si biē en secret, qu'ils enuahirent l'estat de Vvestphalie. & en Italie les colleges, & confrairies des Pithagoriens, attirerent à leur cordelle tant de disciples, que les plus grands seigneurs y coururent: & lors ils voulurent changer les estats populaires en Aristocraties, mais le peuple courut à sus, & en brusla fort grād nombre assemblez en vn lieu. ce qui troubla, dit Polybe⁹, presque tous les estats d'Italie, & de la Grece. Et pour ceste cause les Empereurs, & presque tous les Princes, Papes, & conciles restituāt aux Iuifs le droit des corps¹ & colleges, que Tibere, Claude, & Domitian leur auoient osté anciennement, ils voulurent que leurs prieres se fissent en public. Ce que le Roy Pharaon leur vouloit biē ottroyer, mais Moysē luy dist, que les Egyptiens les lapideroient. Et pour en dire la verité c'est chose fort malaisée, d'entretenir corps & colleges, pour quelque religiō que ce soit quand elle est cōtraire à la religion du peuple, ou de la pluspart d'iceluy: qui bien souuent ne peut estre contenu, ny par loix, ny par magistrats, si la force des gardes n'est bien grāde. car mesme on a veu Thomas Empereur de Constantinople, estre cruellement tué par le peuple en pleine Eglise, parce qu'il vouloit abolir les images. On a veu aussi en la ville de Francfort quatre corps & colleges de diuerse religion publiquemēt ap-

7. Liuius lib. 39.

8. Liuius cod. lib.

9. Polybius lib. 3.

1. toto titulo de Iudæis. Cassiodor. lib. 5. ca. qui synce ra. 45. dist. & in cōcil. Tol. can. de iudæis 45. distin. cap. quinto. cap. post miserabilem. de vsuris lib. 6. & xxviii. q. 1. ca. sepe vide consil. Ioan. de lignano. xix.

prouuees, & exercees: à sçauoir celle des Iuifs, des Catholiques, des protestans, & de la confession de Genefue: mais il aduint l'an M. D. L X I I. au mois de May, que les protestans, s'asseurans des forces, & de la souueraineté de leurs partisans, se ruerent sus ceux de la confession de Genefue: qui fut cause qu'elle fut ostee. ce qui n'est pas tant à craindre, quand les sectes sont receuës d'ancienneté, comme celle des Iuifs, auxquels les Princes d'Europe, & de Barbarie, ont presque tousiours accordé leurs anciens priuileges, & des corps, & colleges, pour l'entretienement de leur religion: en payant par eux certaines charges, comme ils faisoient aux Empereurs Romains l'impôt qu'on appelloit ² *Aurum coronarium*, que les Empereurs d'Almage donnent ordinairement aux ³ Imperatrices: pour la confirmation de leurs priuileges, qui sont encor plus grands en Pologne & Lituanie qu'en lieu du monde, depuis qu'ils furent ottroyez par ⁴ Cazimir le Grand, Roy de Pologne, à la suasion d'une Dame Iuifue nommee Hester: comme ils auoient eu anciennement du Roy de Perse, par le moyen d'une Iuifue de mesme nom: où ils multiplierent si bien qu'il n'y auoit prouince à la grande Asie, qui n'eust vne colonie de Iuifs, comme nous lisons en Ioseph, & Philon. Il se peut faire aussi, que les colleges des sectes sont si puissans, qu'il seroit impossible, ou bien difficile de les ruiner, sinon au peril, & danger de l'estat. En ce cas les plus aduisez Princes ont accoustumé de faire comme les sages pilotes, qui se laschent aller à la tempeste, sachant bien que la resistance qu'ils feroient, seroit cause d'un naufrage vniuersel, cela s'est veu sous l'Empire de Constans, lequel maintenoit les corps, & colleges des Arriens, non pastant pour l'affection qui leur portoit, ainsi que plusieurs ont escrit, que pour conseruer ses sugets, & son estat. car mesme Theodose le Grand, qui fut tousiours contraire à leur opinion, maintint les vns, & les autres en paix, & obeissance, & plus encor Valés, & Valétinian, iacoit que l'un fust Arrian, l'autre Catholique: & depuis Zenō qui fist publier l'edit de paix, & vnion qu'ils appelloient *Henosticon*: & à son exéple Anastase fist publier l'edit d'oubliace: cherissant les prescheurs sages & modestes: & chassant ceux-là qui estoient trop ^o vehemens. Mais il est certain que le Prince portant faueur à vne secte, & mesprisant l'autre, l'aneantira sans force, ny contrainte, ny violence quelconque: si Dieu ne la maintient. car l'esprit des hommes resolu, plus se roidist, tant plus on luy resiste, & se lasche si on ne luy fait teste. Ioint aussi qu'il n'y a rien plus dangereux à un Prince, que de faire preuue de ses forces contre les sugets, si on n'est bien assuré d'en venir à chef. car c'est armer, & monstrier les griffes au lyon pour combattre son maistre. Et si les plus sages Princes y sont fort empeschez, que doit on attendre d'un Prince qui se voit assiegé de flatteurs, & de calomniateurs, qui soufflent à toute puissance le feu de sedition, pour embraser les plus grandes maisons? Comme sous les premiers

2. l. 1. de auro coronario. C.

3. Martin. de czar. sectio. 4. de princ.

4. aux ordonnances de Pologne.

o. Euagrius lib. 3 c. 29. Nicephor. callistus lib. 16. c. 26.

premiers Empereurs, on trouua des calomnies si lourdes, & impudètes, qu'il n'en fut onques au parauant inuenté de plus estranges, pour abolir les corps, & colleges des Chrestiens: car on les chargeoit d'estre Atheïstes, incestueux, & parricides, & manger le fruiet qui⁵ prouenoit de leurs incestes: ainsi qu'on peut voir aux Apologies de l'Orateur Athenagoras, & de Tertulian. la mesme accusation fut intentee contre les templiers sous le regne de Philippe le Bel, qui fut cause d'en faire brusler grand nôbre, & abolir tous leurs colleges: mais les Almans ont laissé par escrit, que c'estoit vne pure calomnie, pour auoir leurs grands biens, & richesses. On fist le semblable enuers les corps, & colleges des Iuifs, tant en France sous Dagobert, Philippe Auguste, & Philippe le long, que depuis en Espagne sous Ferdinand Roy d'Arragon, & de Castille, lequel par pieté impitoyable les chassa de tout le pais, & s'enrichit de leurs biens. Donc pour resoudre ceste question, s'il est bon d'auoir des estats, colleges, & communautéz, & si la Republique s'en peut passer: on peut dire, à mon aduis, qu'il n'y a rien meilleur pour maintenir les estats populaires, & ruiner les tyrannies. car ces deux Republiques en soy contraires, se maintiennēt, & ruynent, par moyens tous contraires. & par mesme suite de raisons, les estats Aristocratiques, & iustes Royautez, sont maintenus par la mediocrité de certains estats, corps, & cōmunautéz bien reiglees. & tout ainsi que l'estat populaire reçoit, & embrasse tous colleges, corps, & communautéz, comme nous auōs dit que fist Solon, établissant l'estat populaire des Atheniens: aussi le tyran s'efforce les abolir du tout: sachant bien que l'vnion, & amitié des sugets entr'eux, est sa ruïne ineuitable. le bon Roy Numa, fut le premier qui erigea les colleges, & confrairies des mestiers. Tarquin l'orgueilleux fut le premier qui les osta, & qui empescha les estats du peuple de s'assembler, & s'efforça mesmes de⁶ supprimer le corps du Senat, par la mort des Senateurs, sans vouloir pouruoir de nouveaux Senateurs: mais aussi tost que les sugets luy donnerent la chasse, on reestablit les estats du peuple, on suploya le nôbre des senateurs, on restitua les colleges abolis: qui furent tousiours maintenus, iusques à ce que le senat estant multiplié au nombre de cinq cēs ou enuiron, & ayant tiré à soy presque la souueraineté, abolit la plupart des⁷ confrairies. Neantmoins Claude le Tribun, pour maintenir le peuple, en contrecarre de la noblesse, à laquelle il renonça, & se faisant adopter par vn hōme roturier, pour estre Tribun, restitua tous les colleges &⁸ confrairies, & les augmēta. mais si tost que Cesar fut⁹ Dictateur, il les abolit pour maintenir sa puissāce, & raualler celle du peuple. depuis Auguste ayant asseuré son estat, les¹ remist par edit expres. &² Neron le tyran les supprima. & tousiours les tyrās ont eu en haine les estats, corps, & communautéz des peuples. & mesme Denys le tyran, ne vouloit pas seulement q̄ les parēs se visitassēt l'vn l'autre, & permettoit, dit Plutarque

5. Idē Epiph. tradit de gnosticis, eos in mortario partus ex incestu natos oua cum farina melle & aromatis contundere ac pin sere, ex eoque placentas facere consueuisse vt ex his vescerentur, idque sacramentum fuisse corporis & sanguinis.

6. Dionys. Halyc. lib. 6.

7. Aconius in Cornel. Salust. in orat. Portij Latronis.

8. Cicero in Pison.

9. Tranquil. in Iul.

1. Tranquil. in Augusto.

2. Tacit. lib. 14.

de les voler quand ils retournoiēt au soir de voir leurs amis : & Nerō alloit souuent par les rues la nuit, frapant, & blessant tous ceux qui retournoiēt de souper avec leurs amis, tant il craignoit les assemblees, pour les cōiurations qui se peuuent faire cōtre la tyrannie des mauuais Princes. Et neantmoins la iuste Royauté n'a point de fondemēt plus assuré, que les estats du peuple, corps, & colleges. car s'il est besoin de leuer deniers, assembler des forces, maintenir l'estat contre les ennemis, cela ne se peut faire, que par les estats du peuple, & de chacune prouince, ville, & communauté. Aussi voit-on que ceux-là mesmes qui veulent abolir les estats des sugets, n'ont autre recours en leur necessité, sinon aux estats, & communautéz, lesquels estans vnis ensemble, se fortifient pour la tuition & defense de leurs Princes : & mesmement aux estats generaux de tous les sugets, quand le Prince est present. là on communique des affaires touchant le corps vniuersel de la Republique, & des membres d'icelle : là sont ouïyes, & entendues les iustes plaintes, & doleances des pauvres sugets, qui iamais autrement ne viennent aux oreilles des Princes : là sont descouuerts les larcins, concussions, & voleries qu'on fait sous le nom des Princes qui n'en sçauent rien. Mais il est incroyable, combien les sugets sont aises de voir leur Roy presider en leurs estats : combien ils sont fiers d'estre veuz de luy : & s'il oyt leurs plainctes, & reçoit leurs requestes, ores que bien souuent ils en soient deboutez, si sont ils bien glorieux d'auoir eu accès à leur Prince. ce qui est mieux gardé en Espagne qu'en lieu du monde, où les estats par cy deuant estoient tenus de deux ou trois ans l'un : & en Angleterre aussi assez souuent. Toutesfois il y en a qui se sont efforcez par tous moyens, de changer les estats particuliers de Bretagne, Normandie, Bourgongne, & Languedoc, en elections, disant que les estats ne se font qu'à la foule du peuple. mais ils meritent la responce que fait Philippe de Comines à ceux qui disoient que c'estoit crime de leze maiesté d'assembler les estats. Je ne veux pas nier qu'il n'y ait de l'abus, & des larcins, qui ont esté bien auerez par les extraits des estats de Bretagne, l'an M. D. LXVII. ie sçay bien aussi que les pensions des estats de Languedoc reuenoient à plus de xxv. mil francs, sans les frais des estats, qui ne coustoient gueres moins. mais on ne peut nier, que par ce moyen le pays de Languedoc, n'ayt esté deschargé sous le Roy Henry de cent mil liures tous les ans : & le pays de Normandie de quatre cens mil, qui furent égalees sus les autres gouuernemens qui n'ont point d'estats. & neantmoins il est bien certain, que les elections coustent deux fois autant au Roy & aux sugets, que les estats : & en matiere d'impôts, plus il y a d'officiers, plus y a de pilleries. & iamais les plainctes, & doleances des pays gouuernez par election ne sont veuës, leuës, ny presentées, ou quoy que soit on n'y a iamais d'égard, comme estans particulieres. &

tout

tout ainsi que plusieurs coups d'artillerie l'un apres l'autre, n'ont pas si grand effect, pour abattre vn fort, que si tous ensemble sont delaschez: aussi les requestes particulieres s'en vont le plus souuent en fumee: mais quand les colleges, les communautez, les estats d'un pays, d'un peuple, d'un Royaume font leurs plaintes au Roy, il luy est malaisé de les refuser. Combien qu'il y a mil autres vtilitez des estats en chacun pays, c'est à sçauoir le bien concernant la communauté de tout le pays, s'il est question de faire leuee d'hommes, ou d'argent contre les ennemis, ou bien de bastir forteresses, vnir les chemins, refaire les ponts, nettoyer le pays de voleurs, & faire teste aux plus grands. tout cela s'est mieux fait par cy deuât au pays de Languedoc par les Estats, qu'en autre prouince de ce Royaume. Ils ont ordonné douze cens liures par chacun an, pour l'institution de la ieunesse de tout le pays en la ville de Nymes, outre les autres colleges particuliers: ils ont basti les belles forteresses du Royaume: ils ont fait executer Buzac, le plus noble voleur qui a esté de nostre memoire, duquel ny iuge, ny Magistrat, ny le parlement mesmes de Toulouze n'auoient peu auoir la raison: car il faisoit ses voleries par forme de iustice: & si hardi de s'attacher à luy. Ils ont aussi ordonné douze cens liures d'estat pour vn Preuost des Mareschaux, & outre cela xxv. liures pour chacun proces qu'il rapportera des executions par luy faites. I'ay bien voulu coter en passant ces particularitez, pour faire entendre le grand bien qui reussist des estats, qui sont encores mieux reiglez és Republiques des Suisses, & de l'empire d'Almagne, qu'en autres Republiques de l'Europe. car outre les estats de chacune ville, & canton, ils ont leurs estats generaux. les dix circuits de l'empire, ont leurs estats separez, auxquels se raportent les estats particuliers des villes imperiales, & contrées: & les estats des circuits, se raportent aux estats de l'empire: qui fust long temps a ruiné sans ceste police. I'ay dit que la mediocrité, qui est loüable en toutes choses, se doit aussi garder és estats Aristocratiques, & iustes Royautez, pour le regard des corps, & colleges. car d'oster tous les corps, & communautez, c'est ruiner vn estat, & en faire vne barbare tyrânie: aussi est-il dangereux de permettre toutes assemblees, & routes confrairies: car biē souuent on y couue des coniurations, ou des monopoles: nous en auōs trop d'exemples. qui a esté la cause d'oster plusieurs fois les confrairies, par edits expres: qui toutesfois n'ont iamais peu estre executez, il vaut beaucoup mieux arracher les abus, comme les mauuaises herbes, que d'arracher les bonnes & mauuaises tout ensemble. Et pour euitier aux monopoles, il est expedient de diuiser les artisans en diuers endroits des villes, & non pas les ranger tous en vn quartier, comme il se fait és villes d'Afrique, & en plusieurs villes d'Europe. car outre les incommoditez qu'il y a és grandes villes, de n'auoir en chacun quartier les artisans, qui sont necessaires ordinairement, il faut qu'il y ait des mo-

nopoles, pour suruendre la marchandise, & les ouurages: ou de la ialou-
 sie, & des querelles, si l'un en fait meilleur marché que l'autre, deuant les
 yeux de celuy qui en a fait refus. I'ay dit des artisans ordinairement re-
 quis: car quant à ceux qui sont moins requis, comme les gens de mar-
 teau, on les peut ranger en mesme quartier, pour ne les mesler avec les
 gens de lettres, & de repos. Or tout ainsi qu'il n'y a rien meilleur pour la
 force & vnion des sugets que les corps & communautéz, aussi n'y ail
 rien plus expedient pour asseruir les ennemis vaincus, que leur oster
 premierement les corps & colleges, comme tresbien pratiquerent les
 Romains apres auoir vaincu les Roys de Macedoine²: & depuis enco-
 res les Acheans assugetis, le Consul Mummius *concilia³ omnia singularum
 Achaiae nationum, & Phocensium, ac Bæotorum, aut in alia parte Græciæ dele-
 uit.* puis apres les auoir rendus bons sugets & obeissans, il est dit, *antiqua
 concilia genti cuique restituta.*

2. Liuius lib. 35.
 3. Strabo.



LIVRE IIII.

DE LA NAISSANCE, AC-
CROISSEMENT, ESTAT FLEVRIS-
SANT, DECADENCE, ET RVINE
des Republiques.

CHAP. I.



O V T E Republique prend origine de la famille, multipliant peu à peu : ou bien tout à coup s'establist d'une multitude ramassée, ou d'une colonie tyree d'autre Republique : comme vn nouuel essein d'abeilles : ou bien comme vn rameau pris d'un arbre pour planter : lequel prenant vne fois racine, est plustost prest à porter fruit, que celui qui vient de semence. Or l'une, & l'autre Republique s'establist par la violence des plus forts : ou du consentement des vns ; qui assugetissent volontairement aux autres leur pleine, & entiere liberté, pour en estre par eux disposé par puissance souveraine sans loy, ou bien à certaines loix, & conditions. Ainsi la Republique ayant pris son commencement, si elle est bien fondée, elle s'assure contre la force extérieure, & contre les maladies intérieures : & peu à peu croist en puissance, iusques à ce qu'elle soit venue au comble de sa perfection : qui est l'estat fleurissant : qui ne peut estre de longue durée, pour la variété des choses humaines : qui sont si muables, & incertaines, que les plus hautes Republiques, bien souvent viennent à tomber tout à coup de leur pesanteur : les autres par la violence des ennemis sont alors ruynées, qu'elles se pensent plus assurées : les autres vieillissent à la longue, & de leurs maladies intérieures viennent à prendre fin. Et aduient ordinairement, que les plus belles Republiques, souffrent les plus grans changemens : & ne sont pas à blasmer pour cela, si le changement vient d'une force extérieure : comme il aduient le plus souvent : car les beaux estats sont les plus enuiez. Et tout ainsi que Demetrius l'assiegeur n'estimoit rien plus malheureux, que celui qui n'a iamais senti aduersité : comme si fortune iugeoit vn tel homme si lasche, & si poltron, qu'il

Naissance des
Republiques.

ne merite qu'elle s'attache à luy : aussi voyons-nous des Republiques si mal conduittes , qu'elles font plustost pitié aux autres , que enuie. C'est pourquoy il est bien besoing , de voir d'où vient le changement d'une Republique , au parauant que d'en iuger , ou la mettre en exemple pour estre suyue. l'appelle changement de Republique , changement d'estat : quand la souueraineté d'un peuple vient en la puissance d'un Prince : ou la seigneurie des plus grands au menu peuple : ou bien au contraire. car changement de loix , de coustumes , de religion , de place : n'est autre chose qu'une alteration : si la souueraineté demeure. & au contraire , il se peut faire que la Republique changera d'estat demeurant les loix , & coustumes , hormis ce qui touche la souueraineté : comme il aduint quand l'estat populaire de Florence fut changé en Monarchie. & ne faut pas mesurer la duree d'une Republique , à la fondation d'une ville : comme a fait Paul Manuce , qui escrit que la Republique de Venize à duré **XII.** censans : ores qu'elle a changé par trois fois : comme nous dirons tantost. Il se peut faire aussi , que la ville , ny le peuple , ny les loix , n'auront aucun changement , ny dommage : & neantmoins la Republique perira : comme il aduint , quand un Prince souuerain , se rend suget d'autrui volontairement : ou que par testament il fait heritier de son estat une Republique populaire : comme Attalus Roy d'Asie , Coctius Roy des Alpes , Polemon Roy Damasie , firent la Republique des Romains heritiere de leurs estats. les Royaumes furent estaints avec les Roys , & changez en prouinces. qui n'est pas changement d'un estat en autre : car la souueraineté est du tout abolie. & au contraire si d'une cité , ou d'une prouince se fait un , ou plusieurs estats populaires , ou Royaumes , ce n'est pas changement de Republique , mais origine , & naissance d'une , ou plusieurs Republiques nouvelles. comme il aduint quand au pays de Suisse , & des Grizons (qui estoient vicariats , & prouinces de l'Empire) se formerent dix-huit Republiques , tenans chacune son estat souuerain. Et quelquesfois deux Republiques sont reduites en une : come les Republiques des Romains , & des Sabins , furent vnies en un estat , & afin d'oster l'occasion des guerres ciuiles , ils ne furent appelez ny Romains , ny Sabins , mais Quirites : & les deux Roys quelque temps furent assez bons amis , iusques à ce que l'un eust fait tuer l'autre. Ce n'estoit donc pas qu'un peuple deuint suget de l'autre : comme il aduint quand l'un estant vaincu se rend à l'autre , & souffre la loy du vainqueur. Qui est pour la resolution de la question de Cuneus Iurisconsulte , qui demande si une Republique vnée à l'autre est sugette d'icelle. ce que Barroie en la loy *si conuenerit. de pignorat. act.* a nié sans distinction , & le veut monstrer par l'exemple de Raymōd Comte de Toulouze : n'ayant pas bien regardé le traité fait entre luy & les estats de Languedoc d'une part , & Louys **IX.** Roy de France d'autre , où il fut dit que la fille unique du Cōte Raymond espouseroit

Il ne faut mesurer l'age des Republiques à l'age des villes.

Roys qui ont fait les Romains heritiers.

Diuision des changemens.

espouferoit Alphons Côte de Poictiers frere du Roy: & s'ils mouroient sans hoirs legitimes procrez d'eux, le pays de Languedoc retourneroit de plein droict à la Couronne, sans toutesfois qu'on peust changer les coustumes du pays, ny pareillemēt imposer tailles, sans le cōsentement des Estats du pays. Ce qui a tousiours esté gardé: demeurāt au surplus la maiesté souueraine aux Roys sur le pays, & habitans de Languedoc: cōme il auoit esté au parauant que le Comte s'en fust exempté. mais il est bien certain qu'un estat assugety à l'autre ne fait point Republique, ains seulement partie des sugets. Or tout changement est volontaire, ou nécessaire, ou mélé de l'un & de l'autre. & la necessité est naturelle, ou violente. car combien que la naissance soit plus belle que la mort, si est-ce toutesfois que ce torrent de nature fluide rauissant toutes choses, nous fait cognoistre que l'un ne peut estre sans l'autre: mais tout ainsi qu'on iuge la mort la plus tolerable celle qui vient d'une vieillesse caduque, ou d'une maladie lente, & presque insensible: aussi peut on dire, que le chāgement d'une Republique, qui vient quasi de vieillesse, & apres auoir duré une longue suite de siecles, est nécessaire, & nō pas toutesfois violent: car on ne peut dire violent, ce qui vient d'un cours ordinaire, & naturel à toutes choses de ce monde. Et tout ainsi que le chāgement peut estre de bien en mal, aussi peut-il estre de bien en mieux: soit naturel, ou violent. mais cestui-cy se fait soudainement, l'autre peu à peu. Quant au changemēt volontaire, c'est le plus doux, & le plus facile de tous: quand celuy qui tient la puissance souueraine s'en despoüille, & change l'estat en une autre forme: comme le changement d'estat populaire en Monarchie, sous la dictature de Sulla, fut violent, & sanglāt à merueilles: mais le changement qui se fist de Monarchie, couuerte sous la dictature, en estat populaire, fut doux & gracieux: car il se despoüilla volontairement de la souueraineté, pour la rendre en peuple, sans force ny violence, & au grand contentement d'un chacun. Ainsi l'estat Aristocratique de Sienne fut chāgé en populaire, au parauant la tyrannie de Pandulphe: du cōsentement des Seigneurs, qui s'en dessaisirent entre les mains du peuple, & quitterent la ville. Et tout ainsi que le changement de maladie en santé, ou de santé en maladie, peut aduenir des qualitez elementaires, ou nourriture: ou bien des qualitez interieures du corps, ou de l'ame: ou bien par la violence de celuy qui blece, ou qui guarist: ainsi la Republique peut souffrir changement, ou ruine totale par les amis, ou ennemis, exterieurs, ou interieurs: soit de bien en mal, ou de mal en bien: & bien souuent contre le gré des citoiens, qu'il faut contraindre, & forcer, quād on ne peut mieux, comme les furieux & forcenez: qu'on guarist contre leur gré. comme fist Lycurgue, qui changea les loix, & l'estat Royal en populaire, contre le gré des sugets, ou de la pluspart d'iceux: combien qu'en ce faisant il fut bien battu, & perdit l'un des yeux, iāçoit qu'il quittaist la part que luy & ses successeurs auoient au sceptre Royal,

Six changemens
de Republique

1. in l. vbi numerus
de testibus.

2. Iudicum cap. 27
& ult. fine.

comme Prince du sang, & des plus proches de la couronne. Et d'autant qu'il n'y a que trois sortes de Republiques, comme nous auons monstré cy dessus, aussi n'y a il que six changemens parfaits: c'est à sçauoir de Monarchie, en estat populaire: ou de populaire en Monarchie: & pareillement de Monarchie, en Aristocratie: ou d'Aristocratie en Monarchie: & d'Aristocratie, en estat populaire: ou d'estat populaire, en Aristocratie. & de chacun estat six changemens imparfaits: c'est à sçauoir d'estat Royal, en seigneurial: de seigneurial, en tyrannique: de tyrannique, en Royal: de Royal, en tyrannique: de tyrannique, en seigneurial: de seigneurial, en Royal. autant peut-on dire de l'Aristocratie legitime, seigneuriale, ou factieuse: & de l'estat populaire, legitime, seigneurial, & turbulent. J'appelle changement imparfait, d'Aristocratie legitime en faction: ou d'estat Royal en tyrannique: parce qu'il n'y a que changement de qualitez de bons seigneurs, en mauuais: demeurant tousiours la Monarchie en l'un, & l'Aristocratie en l'autre. Je ne fay point mention du changement de Monarchie en Duarchie, ayant compris la Duarchie où deux Princes souuerains commandent en vne Republique, en l'espece d'oligarchie: autrement on pourroit aussi faire vne triarchie de trois Princes: comme il aduint sous le Triumvirat de Marc Antoine, Auguste, & Lepide. car puis qu'on laisse l'vnité indiuisible, on entre en nombre, & le nombre plurier est contenu en deux, comme disent les Iuriconsultes. En quoy Aristotes est mespris, qui appelle Royaume de Lacedemone où deux Princes souuerains commandoient au parauant Lycurgue. Mais outre ces changemens que j'ay dit, il aduint quelquesfois que l'estat est tenu en soufrance: cōme apres la mort de Romule, le peuple Romain fut vn an sans Monarchie, ny estat populaire, ny Aristocratie: car les cent Senateurs, qui cōmandoient l'un apres l'autre, n'auoient pas puissance souueraine, & ne commandoient que par commission. vray est qu'on peut dire que la souueraineté estoit retournee au peuple: & la charge de commander aux Senateurs. Et quelquesfois il aduint que l'estat Royal, Aristocratique, ou populaire estainct, il s'ensuit vne pure anarchie: quand il n'y a ny souueraineté, ny Magistrats, ny commissaire, qui ait puissance de commander: comme il aduint entre le peuple Hebrieu, apres la 2^e mort de Iephthé: en Syracusé, apres la mort de Dion: en Florence, apres que la Noblesse fut chassée du peuple, qui demeura quelque temps sans gouvernement, comme le nauire sans patron ny gouverneur: & apres la mort d'Abusahir Roy de Fez, le Royaume fut huit ans sans Roy, comme dit Leon d'Afrique: comme aussi apres les meurtres de plusieurs Sultans d'Egypte, les Mammeluchs esleurēt Cäpson Roy de Caramanie, ayans esté quelque temps en pure anarchie: & les Russiens estans las & recruds de guerres ciuiles par faute de Prince souuerain, enuoyerent querir trois Princes d'Almagne l'an DCCC LXI. Le dernier poinct est quand l'estat s'estaint avec tout le peuple: comme

me il aduint au peuple & seigneurie de Thebes, qu'Alexandre le Grand extermina avec leur ville : & aux Madianites, Amorriens, & autres peuples exterminés par les Hebreux: qui firent perir, non seulement les Republiques, ains aussi les peuples de la Palestine: qui n'est pas changement d'un estat en autre, ains la ruine d'iceluy, & du peuple ensemble. car il se peut bien faire, qu'un membre de la Republique, une Prouince soit exterminée, une ville rasée, & tout le peuple d'icelle tué, que la Republique demeurera, comme il aduint de la ville d'Arzille au Royaume de Fez, que les Anglois rasèrent, mettant tout le peuple au tranchant du cousteau : & Sebaſte au Royaume d'Amasie, que Tmerlan Roy des Tartares traita de mesmes : & la ville de Bizance, membre de l'Empire Romain, apres auoir souffert trois ans le siege de l'Empereur Seuerus, en fin fut prise, sacagée, rasée, tout le peuple tué, & le territoire donné aux Perinthiens: qui y bastirent de rechef la ville depuis appelée Constantinople, & maintenant Stambola. Aussi la Monarchie a cela de special, que les Monarques souuent chassés par violence les uns par les autres, ne changent point l'estat : ainsi qu'en peu de mois il aduint de nostre memoire au Royaume de Telesin, où le Roy Abuchemo fut chassé par le peuple, & Abyamein esleu Roy : qui tost apres en fut chassé par Ariaden Barberouſſe: qui n'en fut pas long tēps seigneur : car Abuchemo retourna avec les forces de Charle v. Empereur, chassa Barberouſſe, & fist une cruelle vengeance de ses sugets, se constituât vassal & tributaire de l'Empereur: mais tantost il en fut derechef chassé par Barberouſſe: sans que l'estat de Monarchie changeast, nō plus que l'Empire Romain, pour auoir eu quatre Empereurs en vn an, l'un tué par l'autre: demeurant neantmoins l'estat de Monarchie, pour le prix, & loyer du pl⁹ fort. Et quelquefois le Monarque y est tiré par force, & cōtre sa volonté: cōme Claude, & Gordian l'ayeul, qui furent trainez, & forcez d'accepter l'Empire Romain : & de nostre memoire les habitans de Tripoly en Barbarie, apres s'estre reuoltez du Roy de Thunes Iachia, esleurent Mucamen, qui tost apres fut empoisonné : & soudain ils forcerent un hermite d'accepter la courōne & le Royaume : où il commanda contre son gré, iusques à ce que Pierre de Nauarre se fust emparé de la ville, & pris le Roy, qui fut enuoyé en Sicile, & depuis renuoyé en son hermitage par l'Empereur Charle v. Et tout ainsi que les hommes bien souuent meurent deuant qu'auoir atteint la vieillesse: les autres en la fleur de leur aage, plusieurs en ieunesse: aussi voyons nous quelques Republiques estre estaintes au parauant qu'elles ayent fleury en armes, ou en loix: & quelques vnes auorter, ou mourir dès leur naissance: comme la ville de Munſtre, membre, de l'Empire d'Almaigne, demembrée qu'elle fut de l'empire, par la factiō des Anabaptistes, esleut Iean de Leidan Roy, qui changea l'estat, les loix, la religion: & fut trois ans Roy, pendant lesquels il fut tousiours assiégué, iusques à ce que la ville fut forcée, & le Roy executé publiquemēt.

3. Leon d'Afrique.

Hermite esleu,
& courōné roy
contre son vou
loir.

L'estat fleurissant
de Rome estoit
au temps de Pa-
pirius Cursor.

4. lib. 9.

L'empire de Ro-
me n'a point es-
té plus grand
que sous Traian.

Et quand ie dy l'estat fleurissant d'une Republique, ie n'entens pas que elle vienne au comble de perfection, car il n'y a rien de parfait es choses caduques, & moins aux actions humaines, qu'en autre chose qui soit en ce monde: mais j'appelle l'estat fleurissant d'une Republique, quand elle atteint le plus haut degré de sa perfection, & beauté: ou pour mieux dire, alors qu'elle est moins imparfaite: ce qui ne peut estre cogneu, qu'apres la declination, & changement, ou ruine d'icelle, comme les Romains ont fait preuue de l'estat Royal, tyrannique, Aristocratique, & populaire: mais ils n'ont iamais esté plus illustres qu'en l'estat populaire: & l'estat populaire ne fleurit onques d'auantage en armes, & en loix, que du temps de Papirius Cursor. *Ille ætate, qua nulla virtutum feracior fuit, nemo erat quo magis innixa res Romana, quam in Papirio Cursore staret.* Voyla le iugement, dit Tite Liue, qu'on faisoit de ce temps là. car iamais depuis la discipline militaire, & domestique, les loix & ordonnances ne furent mieux executees, la foy mieux gardee, leur religion plus sainctement entretenüe, & les vices plus seuerement punis: aussi ne fut-il onques de plus vaillans hommes. Si on me dit qu'ils estoient pauvres, que ils n'auoient point encores sorty d'Italie: ie dy qu'il ne faut pas mesfuter la vertu au pied des richesses: ny la perfection d'une Republique à l'estenduë de pays. Iamais les Romains ne furent plus puissans, ny plus riches, ny plus grands que sous l'Empire de Traian, qui passa l'Euphrate, conquesta grand part de l'Arabie heureuse, & bastit ce grand pont sus le Danube, où les ruines se voyent encores, & dompta les plus barbares, & farouches nations qui fussent alors: & neantmoins l'ambition, l'auarice, les voluptez & delices auoient tellement vaincu les Romains, que ils n'auoient rien que l'ombre de l'ancienne vertu. Aussi l'estat fleurissant des Lacedemoniens ne fut pas sous les premiers Roys, ny sous l'estat populaire, mais apres la route des Perses, iusques à ce qu'ils furent seigneurs de la Grece, & qu'ils ouurirent les portes de leurs villes, pour y faire entrer l'or & l'argent. Voyla les distinctions qu'il est besoin de remarquer, pour mieux comprendre les changemens des Republiques: qu'on n'a point touchees. Quant aux causes des changemens, combien qu'il y en ayt plusieurs, si est-ce qu'on les peut reduire à certain nombre: c'est à sçauoir, quand la posterité des Princes ayant failly, les plus grands sont entrez en guerre pour l'estat, ou bien à la pauureté trop grande de la pluspart des sugers, & richesses excessiues de peu de gens: ou bien à la diuision inegale des estats & honneurs: ou bien à l'ambition extreme de commander, ou à la vengeance des iniures: ou bien à la cruauté, & oppression des tyrans, ou à la crainte qu'on a d'estre chastié l'ayant merité: ou bien au changement de loix, ou de religion: ou bien pour ioüyr à plein sôuhait des plaisirs qu'on demande: ou bien pour chasser ceux qui souillent le lieu d'honneur par voluptez excessiues, & bestiales. Ie deduiray ces causes par le menu, & s'il est besoin ie les

les esclaireiray d'exemples. J'ay monsté cy dessus, que les Republiques ont commencé par tyrannies violentes, & puis que les vnes ont continué en Monarchies seigneuriales : les autres en Monarchies Royales par droit successif. Depuis les changemens diuers sont aduenus pour les causes que j'ay touchees. Et qu'ainsi soit, toutes les histoires sacrees, & prophanes sont d'accord, que la premiere souueraineté, & forme de Republique, a commencé par la monarchie des Assyriés, & que le premier Prince Nimroth, que la pluspart appelle Ninus, par violence & tyrannie se fist souuerain : & apres luy ses successeurs ont continué la Monarchie seigneuriale, s'attribuant l'entiere disposition des sugets, & de leurs biens : iusques à ce que Arbaces gouuerneur des medois, chassa Sardanapale dernier Prince des Assyriens, & se fist Roy sans forme ny figure d'election. La cause fut, pource que Sardanapale estant fondu en plaisirs & delices, estoit plus souuent entre les femmes, qu'entre les hommes : qui est la chose que les hommes de cuer portent plus impatiemment, de se voir sugets de celuy qui n'a rien de l'homme que la figure. Nous voyons aussi que les Princes medois descendus d'Artabazus, les Roys de Perse, d'Egypte, des Hebreux, Macedoniens, Corinthiens, Sicioniens, Atheniens, Celtes, Lacedemoniens, sont venus par droit successif aux Royaumes & Principautez fondees pour la pluspart par force & violence : & depuis policez par iustice, & bonnes loix, iusques à ce que leur posterité vint à faillir, qui souuent tire apres soy changement d'estat : ou que les Princes abusans de leur puissance, & maltraitans leurs sugets, estoient chassez, ou tuez : & les sugets craignans retomber en tyrannie, s'ils donnoient la puissance souueraine à vn seul, ou bien ne voulans souffrir commandement de leur compaignon, fonderent les estats Aristocratiques, se souciâs peu du menu peuple. & s'ils'en trouuoit quelquesvns des pauvres, & populaires, qui voulust aussi auoir part à la seigneurie, on leur chantoit la fable des lieures qui vouloient commander aux lyôs. ou bien si la Monarchie changeoit en estat populaire, si est-ce neantmoins que les riches, ou nobles emportoient tous les estats, & offices : comme de fait Solon ayant fondé l'estat populaire, ne voulut pas que les pauvres, & le menu peuple eust part aux estats : ny les Romains ayans chassé les roys, ores qu'ils eussent estably vn estat populaire, si est-ce que les estats & benefices estoient reservez à la Noblesse seulemēt. Aussi lisons nous que les premiers tyrans estans chassez, les hommes d'armes, & Cheualiers de fait, estoient tousiours esleus aux estats, & le menu peuple debouté : iusques à ce que Aristide & Pericle en Athenes, Canuleius en Rome, & autres Tribuns ouurirent la porte des offices & benefices à tous sugets. Et depuis les peuples ayans decouuert à veuë d'œil, & par l'ogique suite de siecles aperceu, que les Monarchies estoient plus seures, plus utiles, plus durables que les estats populaires, & Aristocraties, & entre les Monarchies celles qui estoient fondees en droit successif du malle le

Les premieres Monarchies ont commencé par violence.

Comencement des Aristocraties.

7. Aristot. politic. lib. 4. cap. 13.

8. Leon d'Afrique.

Les bons Princes ordinairement sont successeurs des tyrans.

9. In Tiberio.

1. Ioseph.

plus proche, ils ont receu presque par tout le mode les Monarchies successives: ou craignans la mort du Monarque sans hoirs males, ont donné conseil aux Princes de choisir vn successeur: comme plusieurs Empe-
 reurs de Rome ont fait, & ce fait encores à present en plusieurs lieux
 d'Afrique. ou bien le droit d'election demeure au peuple, apres la mort
 des Princes sans successeurs: ou bien ayans puissance d'election, ores que
 les Princes ayent enfans males: comme les Royaumes de Poloigne, Bo-
 heme, Hongrie, Dannemarc, Suede, Noruege, si les peuples ont eu vn
 cruel tyran, ils elisent vn Prince iuste, & debonnaire: s'ils ont eu vn Prin-
 ce lasche, ou effeminé, ou contemplatif, ils cherchent vn vaillant capitai-
 ne: comme firent les Romains apres la mort du Roy Numa (qui ne fist
 autre chose que reigler la religion & la police) ils esleurent Tullus Hosti-
 lius bon capitaine. Et aduient ordinairement, qu'aux plus forts, & cruels
 tyrans succedent les Princes equitables & iustes, ayans veu l'issue misera-
 ble des tyrans, craignans tomber en mesme inconuenient: soit pour e-
 stre ainsi appris & enseignez: soit que venant à la Couronne, on leur bail-
 le leur leçon par escript, retrenchant leur puissance. Ainsi voyons nous
 qu'apres la fin malheureuse de Marc Antoine succeda le grand Augu-
 ste, & gouernal' Empire fleurissant en armes, & en loix tressagement,
 & vertueusement. apres la mort miserable de Neron, suiuit la bonté de
 Galba: apres l'issue estrange du cruel Vitellius, succeda le sage Vespasian:
 au monstre Heliogabale: tué, & traîné à la mesme façon que Vitellius,
 succeda le vertueux Alexandre Seuer: chose bien estrange, veu qu'il e-
 stoit son cousin germain, esleué, & nourry avec luy, & que la puissance
 de commander en souueraineté a cela de malheureux, qu'elle fait sou-
 uent l'homme de bien deuenir meschant: l'humble, arrogant: le piteux,
 cruel: le vaillant, poltron. Et qui fut onques le Prince mieux nourry, &
 plus sage les premieres annees que Neron? qui pourroit-on esgaler au
 commencement de Tibere, qui estoit si honnest, si sage, si vertueux,
 qu'il sembloit vn simple citoyen, dir⁹ Suetone: car parlant au Senat, l'ay
 eu, disoit-il, ce bon heur de vous auoir pour maistres fauorables, & tant
 que ie viuray, ie vous recognoistray pour bons seigneurs: car il faut, di-
 soit-il, que le bon Prince soit esclau non seulement du Senat, ains aussi
 de tous les citoyens en general, & bien souuent de chacun en particulier.
 & ne faisoit rien au commencement, non pas les moindres choses, sans
 l'aduis du Senat: & neantmoins il deuint apres auoir gousté la puissance
 souueraine, le plus detestable tyran qui fut onques en cruauté, & sales
 voluptez. Aussi lisons nous, qu'Herodes l'aîné regna six ans en iuste
 Roy, comme dit Philon, & trente & vn an en cruel tyran, qui fist tuer
 soixante & dix Senateurs de la maison de Dauid, qui estoit tout le¹ Se-
 nat, horsmis Semneas: & puis fist mourir la plus noble femme qu'il eust,
 & trois de ses enfans, & donna charge de tuer tous les plus grands & ver-
 tueux hommes de tout le pays tost apres sa mort, affin qu'il fust pleuré:

&

& plusieurs autres cruautéz detestables. I'ay remarqué ceux cy entre plusieurs autres, desquels le commencement estoit trop beau, pour continuer long temps, & la raison, à mon aduis, est que le Prince qui se mōstre au cōmancement si sage, & si vertueux, dissimule, mettant vn beau voile sur son visage, comme on disoit que Tibere faisoit mieux qu'hōme du monde: or il ne faut rien attendre que feintise de celuy qui s'est fait maître de son visage. mais celuy qui decouvre bien tost l'imperfectiō qu'il a, bien qu'il ne soit pas sage, si ne peut-il estre fort meschant: & peut on espeter qu'il sera rond, & entier: ainsi qu'on disoit de Iean Roy de France, qui auoit le cueur si genereux, qu'il ne pouuoit voir celuy qui luy déplaisoit: aussi iamais on n'a remarqué de luy vn tour lache. Il ne faut donc pass'emerveiller, s'il y a peu de vertueux princes: car s'il y a peu de vertueux hommes, & que de ce petit nōbre les princes ordinairement ne sont pas choisis, c'est grād merueille s'il s'ē trouue quelqu'un fort excellent entre plusieurs: & quand il se voit si haut esleué, qu'il ne cognoist riē plus grand que soy apres Dieu, estāt assiegé de tous les allechemens qui font trebucher les plus asseurez, c'est vn miracle s'il continue en sa vertu. Aussi la splēdeur de Iustice estāt en vn prince, cōme en vne haute guette, est si claire, qu'elle reluist encores bien fort long tēps apres sa mort: & fait que ses enfans, quoy qu'ils soient meschans, sont aymez pour la memoire du pere: cōme Cambyse cruel & meschant, fut tousiours aymé, & adoré des sugets, & redouté des autres, pour l'amour du grand Cyrus son pere, duquell l'amour, & affection estoit si bien grauee au cueur du peuple, que mesmes ils aymoiēt, ainsi quē dit Plutarque, les grands nez, & Aquilins, parce que Cyrus l'auoit ainsi. Et l'Empereur Cōmode, quoy qu'il fust cruel tyran, & qu'il eust vn iour commandé au grād Preuost de Rome, de mettre à mort tous les spectateurs du theatre, qui n'estoient pas moins de L x. mil personnes, les voyāt rire de quoy il faisoit si dextrement l'estat d'un vray gladiateur: neātmoins il fut tousiours aymé pour l'amour qu'ō portoit à la memoire de Marc Aurele son pere. c'est pourquoy les Republiques ne prennent pas changement pour la tyrannie du prince, s'il est fils d'un vertueux pere. car son estat est cōme vn arbre tres gros, qui a autāt de racines que de branches: mais le nouveau prince sans predecesseur est comme l'arbre haut esleué sans racine, qui doit sa ruine au premier vent impetueux: de sorte que si le successeur & fils d'un tyrā, suit la trace du pere, luy & son estat sont en grand danger de prendre changement: car le fils n'a point de garent, & est mal voulu tant pour sa meschante vie, que pour celle de son pere: & s'il n'a support de ses voisins, ou qu'il ne soit bien appuyé de ses forces, ou que son estat soit fondé sus vn droict successif de plusieurs Roys, il est mal-aysé qu'il ne soit dechassé. i'ay dit droict successif de plusieurs Roys: parce que la vertu d'un Prince nouveau, ne suffist pas pour garentir son fils tyran en son estat, qu'il ne prenne changement: comme il aduint à Hie-

La bonté des Rois fait aimer leurs enfans quoy qu'ils soient tyrans.

Vn nouveau
Roy de bas lieu
difficilement se
maintient, s'il
n'est bien sage
& vertueux.

1. Liuius lib. 24.

rosme Roy de Sicile, qui succeda à Hieron son ayeul nouveau Prince, & qui de suget s'estoit fait souuerain, la vertu duquel estoit si grande, qu'il sembloit digne d'estre Monarque, alors mesmes qu'il n'estoit que simple bourgeois: ainsi que dit Plutarque, & traita si doucement les sugets, qu'il maintint son estat pres de Lx. ans, sans parade, & sans gardes: s'asseurant plus de l'amour des siens, que de la puissance des Romains, qui l'aymoient plus que tous leurs alliez. & neâtmoins son successeur ayât rehaussé son estat, ses gardes, ses forces, ses pōpes incogneuës au parauāt: fut autāt hay pour sa tyrānie, & mespris des sugets, & 'arrogāce insupportable, que son predecesseur estoit aymé: & pour le comble de ses malheurs, ne fist cōte du Senat de son païs, auquel son ayeul auoit tousiours demandé cōseil: & apres auoir quité l'alliāce des Romains, qui estoit le seul appuy de sa maison, fut tué cruellemēt par ses sugets, avec tous ses parēs & amis, & la monarchie aussi tost changee en estat populaire. Il en print autāt au ieune Denis, prince du mesme pays, & fils de Denis laisné, qui auoit aussi empieté l'estat par force. ayant continué la tyrānie, sans apui, ny alliance d'aucun Prince, si tost qu'il se fut declairé ennemi de Diō son oncle, il fut chassé, & la monarchie bien tost apres changee en estat populaire. Nous lisons pareillement qu'Herodes l'aisné, fils d'Antipater simple capitaine, establi Roy de Iudee sous la protection, & à la faueur de Cesar, & continué par Marc Antoine, & Auguste, bastit plusieurs forteresses pour asseurer son estat, & pour gagner le cueur des sugets employa tous ses tresors, iusques à sa vaisselle pour soulager la pauureté du menu peuple au tēps de famine, & relascha la tierce partie des charges & cognoissant que pour tout cela il ne gaignoit riē. print le fermēt de fidelité des sugets, gagnans les plus grāds par faueurs, & bienfaits, & neâtmoins il estoit si hay des sugets, qu'estant tombé malade il sceut que chacun s'en resioüissoit: mais les Iuifs apres sa mort enuoyerent cinquante Ambassadeurs à Rome pour estre sugets des Romains. & quoy que l'Empereur Auguste portast faueur à Herodes, ayant eu neuf cens mil escuz par testament: si est-ce que les successeurs d'Herodes, & tous les parēs qui estoient en bien grand nōbre, perirēt tous en pauvre estat, en moins de Lx. ans: parce que ils n'auoient point de predecesseurs Roys, & que sa proüesse & vigueur failloit en ses successeurs. Or ces chāgemens aduiennēt d'autant plustost, si le tyran est par trop exacteur, ou cruel, ou effeminé en voluptez illicites: ou s'il est le tout ensemble: comme estoit Neron, Tibere, Caligula: mais la paillardise a plus ruiné de Princes, q̄ toutes les autres causes: aussi est elle beaucoup plus dangereuse à vn Prince pour son estat q̄ la cruauté: car la cruauté retient les hommes timides, & laches, & donne vne terreur aux sugets: mais la paillardise tire apres soy la haine, & le mespris du tyran: d'autant que chacun iuge, que l'homme effeminé a tousiours le cueur lasche: & qu'il est indigne de commander à tout vn peuple, n'ayāt pas la puissance sur soy mesmes. Aussi voit-on que Sardanapale Roy de Assyrie,

Assyrie, Canades Roy de Perse, Denis le ieune & Hierosme Roys de Sicile: Heliogabale, Amyntas, Childeric, Periandre, Pisistrate, Tarquin, Aristocrate Roy des Messeniens, Timocrate Roy de Cyrene, Andronic Empereur de Constantinople, Roderic d'Espagne, Appius Claudius, Galeace Sforce, Alexandre de Medicis, le Cardinal Petruce tyran de Siene, Lugtac, & Megal Roys d'Escoffe, ont to⁹ perdu leurs estats pour leur paillardise: & la pluspart tuez sur le fait. Et n'y a pas long temps que les villes Dalmendin, & Delmedine furent demembrees du Royaume de Fez, & reduites sous la puissance des Portuguez, pour vne fille rauie à son mary par le gouuerneur, qui depuis fut tué: & Abusahid Roy de Fez, fut massacré, avec six de ses enfans par vn sien secretaire, pour auoir abusé de sa femme, cōme nous lisons en Leon d'Afrique. & de nostre memoire le peuple de Constantine ayma mieux souffrir le commādement Delcaied Chrestieⁿ renié, que d'obeir au fils du Roy de Thunes: & pour mesme cause Muleasses Roy de Thunes, perdit son estat: & neantmoins il estoit si fondu en delices, que mesmes retournant d'Almaigne sans esperance que l'Empereur Charles v. luy deust aucunement ayder, & banni qu'il estoit de son Royaume, il dependoit iusques à cent escus pour apprestre vn pan, comme dit Paul Ioue, & pour mieux gouter le plaisir de la musique, il se faisoit bander les yeux: toutesfois le iugement de Dieu fut tel, que ses enfans l'aueuglerent avec vne barre de fer chaud. Mais pour la cruauté d'un Prince, l'estat ne changera pas aisément, s'il n'est plus cruel que les bestes sauuages: comme Phalaris, Alexandre Pherean, Neron, Vitel, Domitian, Commode, Caracal, Maximin, Ecelin de Padouë, Jean Marie de Milan, qui tous ont esté tuez, ou chassez, & leurs estats tyranniques, pour la pluspart changez en estats populaires. Ce qui aduient, non pas tant pour la cruauté enuers le menu peuple, (duquel on ne fait ny mise, ny recepte en l'estat tyrannique) que pour la cruauté cōmise en la personne des grands, & des mieux alliez: & quelquesfois aussi pour la cōtumelie, qui est plus odieuse aux gens d'hōneur que la cruauté: comme il aduint au Roy Childeric, qui fut tué avec sa femme enceinte par Bodile, qu'il auoit fait foïetter de verges. Et Iustin 111. Empereur fut tué par Atelie general de son armee duquel il auoit tué le fils, & prostitué la femme par contumelie. Et pour mesme cause Archelaus Roy de Macedoine, fut tué par celuy qu'il auoit mis entre les mains du Poëte Euripide, pour le foïeter: & l'estat Aristocratique de Metelin fut changé en populaire, par ce qu'il aduint à quelques gentilshommes allans par les rues fraper à coups de bastons, & par moquerie tous ceux qu'ils rencontroient: ² il se trouua vn Megacles qui print ceste occasion d'emouuoir la commune, pour se getter sur la noblesse, & la tuer. & l'occasion qu'on print de chasser Henry Roy de Suede, fut qu'il tua d'un coup de dague vn gentilhomme luy faisant requeste: alors la noblesse & le peuple émeu le constitua prisonnier donnant le Royaume à son ieune frere, qui regne

Pourquoy la paillardise a plu^r ruiné de Princes que la cruauté.

1. Aristot. Polit. 5, cap. 10.

à present. Et presque tousiours les meurtriers des tyrans, ont emporté l'estat, ou les plus hauts magistrats pour loyer de leurs faits: comme l'un & l'autre Brutus emportèrent les plus grands estats de Rome: le premier pour auoir chassé le Roy Tarquin: le second pour auoir tué Cesar. Et Arsace gouuerneur des Medois, ayant reduit Sardanapale Roy d'Assyrie à telle extremité, qu'il se brustat tout vif, avec ses femmes, & tresors, pour loyer emporta le Royaume. Et Loiiys de Gonzague ayant tué Bonacolse tyran de Mantoüe, fut esleu seigneur par les sugets: & sa posterité depuis deux cens cinquante ans a continué en l'estat. Et les Venitiens emportèrent la seigneurie de Padoüe, ayant tué le tyran Ecelin. Les autres n'ont rien que la vengeance deuant les yeux, n'ayant ny la crainte de Dieu, ny le respect de leur patrie, ny l'amour de leurs parens: comme celui qui pour se vanger du Roy Roderic, qui auoit rai sa femme, fist venir les Maures Mahometans en Espagne qui chasserent le Roy, & vserent de cent mille cruautéz, apres auoir empieté l'Espagne qu'ils ont tenuë sept cens ans. Et quelquesfois l'ambition est si grâde, que les meurtriers des tyrans, n'esperent, & n'attendent autre loyer que l'honneur, sachans bien qu'ils ne pourront eschaper la mort: comme Armodius, & Aristogiton en Athenes, & les meurtriers de Domitian & de Caligula Empereurs. Chose qui aduiet le plus souuent és estats populaires, où les tyrans nouueaux s'ils n'ont grâdes forces, ne sont iamais asseurez. On a veu Alexandre de Medicis, auquel fut donné l'estat de Florence estant gendre de l'Empereur Charle v. neveu du Pape Clement, enuironné de grosse garnison, & tousiours armé, de sorte qu'il n'y auoit moyen d'en venir à bout, comme il sembloit: neâtmoins son propre cousin Laurens de Medicis, qui commandoit apres luy avec toute puissance, pour le desarmer, luy suborna sa propre sœur, & la fist coucher avec luy pour le tuer, comme il fist, sans autre esperance d'empieter l'estat, & avec le danger extreme de sa vie, s'il n'eust eschapé soudain apres le coup: (combien que depuis il fut tué à Venize) & n'esperoit autre fruit du meurtre de son proche parent, & amy familier, que de rendre la liberté au peuple. Son successeur Cosme, ayât empieté l'estat avec force & puissance, quoy que il emportast le bruit d'estre l'un des plus sages Princes qui fust de son aage, ny long temps au parauant luy: punissant à toute rigueur les blasphemés, les Sodomies, & assassinats, & qui estoit au fait de la Iustice droit & entier, au raport mesmes de ses ennemis: neantmoins il a esté cent fois en danger de sa personne, pour les coniurations contre luy dressées par ses sugets: qui ne pouuoient endurer de maistre, quoy qu'il fust iuste & vertueux: & depuis que son successeur est venu à l'estat, il a desia descouuert plusieurs coniurations contre sa personne, & son estat. Et pour ceste cause Denis de Syracuse, estant esleu capitaine se fist maistre, & changea l'estat populaire en Monarchie, mais il auoit quarante mil hommes d'armes tousiours prests à marcher, & grosse garnison autour de sa per-

Loyers de ceux
qui ont tué les
tyrans.

sonne, & plusieurs fortes places, pour tenir seulement le peuple de Syracuse & partie de la Sicile en sugetion. & neantmoins il n'estoit pas tyran, ainsi que nous appellons les tyrans, c'est à dire cruel, vitieux, & meschât: & ne fut onques attrait des femmes d'autrui: ains au contraire, il tança bien aygrement son fils, comme dit Plutarque, pour auoir enleué la fille de l'un de ses sugets, disant qu'il n'auroit iamais successeur en l'estat, s'il continuoit d'en user ainsi: comme il aduint: car il fut chassé bien tost apres la mort du pere. Si on me dit que la force, & la crainte sont deux mauuais maistres pour maintenir un estat, il est bien vray: mais si est-il besoin d'en user ainsi au nouveau Prince qui par force change l'estat populaire en Monarchie. chose qui est du tout contraire à la Monarchie Royale, qui moins a de gardes, & plus est asseuree. c'est pourquoy le sage Roy Numa chassa les trois cens archers que Romule auoit pour sa garde, disant qu'il ne se vouloit point defier d'un peuple qui s'estoit fié en luy, ny commander à un peuple qui se defyroit de luy. Mais Seruius, d'esclaue s'estant fait Roy, s'environna de bonnes gardes. car pour iuste, doux, & gracieux qu'il fust, il est impossible qu'il se maintienne longuement sans forces, garnisons, & forteresses. Et iamais y eut-il Prince plus gracieux, plus magnifique, plus noble, plus genereux, & bening que Cesar? & neantmoins toutes ces grandes vertus n'ont peu le maintenir, ny le garentir que son propre fils naturel, avec plusieurs autres coniurez, ne le tuassent cruellement. Quand on l'aduertit d'auoir gardes autour de sa personne: il respondit franchement qu'il aymeroit mieulx estre vne fois tué, que de languir tousiours en crainte. & ne pouuoit faillir aussi, ayant pardonné à ses plus grands ennemis, & voulant changer en Monarchie la liberté du plus belliqueux peuple qui fut onques. Auguste son successeur n'en ysa pas ainsi: car premierement il fist mourir tous les coniurez de Cesar sans aucune mercy (non pas tant pour vanger la mort de son oncle, que pour garder sa vie) ayant autour de sa personne bonnes gardes: & apres la defaïcte de Marc Anthoine, il retint quarante legions es prouinces, & gouuernemens des frontieres, desquelles il dispoit à son plaisir: & commettoit au gouuernement d'icelles, non pas de grâds Seigneurs, mais des moins nobles, remettant en la disposition du peuple, & du Senat, l'institution de quelques Magistrats, & l'ottroy des moindres prouinces, ce qu'il faisoit en apparence: car en effect il dispoit de tout, prenant par la main, & recommandant au peuple ceux que il vouloit auancer aux estats, & honneurs: & se mettoit sans relasche à faire Iustice, receuoir, & respondre les requestes d'un chacun: & luy-mesmes auoit les registres des finances, des forces, & de tout l'estat deuant ses yeux, faisant response aux gouuerneurs de sa main propre, si la chose le meritoit: ayant neantmoins tousiours les forces de tout l'empire en sa puissance: & pres de sa personne trois legions. En quoy il appert assez euidamment qu'il estoit seul Monarque, & Prince souuerain,

Auguste en effect estoit vray Monarque.

Les estats populaires changent ordinairement en monarchies pour la puissance trop grande donnée à vn magistrat.

En matiere d'estat celuy est maistre de la Republique, qui est maistre de la force.

quelque belle qualité de Prince qu'on donnaist aux vns, & aux autres en apparence. Encores avec tant de puissance, de sagesse, & de Iustice que ce grād Prince auoit, on luy dressa plusieurs embuïches, quoy que les plus furieux fussent morts. mais les sugets ayās peu à peur cogneu sa iustice, & sagesse, & gousté la douceur d'une haute paix, & tranquillité asseuree, au lieu des cruelles, & sanglantes guerres ciuiles: & qu'ils auoiēt à faire plus tost à vn pere, qu'à vn Seigneur, comme dit Seneque, ils commēcerent à l'aymer, & reuerer: & luy de sa part chassa ses gardes, allant tantost chez l'un, puis chez l'autre sans compagnie: & getta les fondemens de la Monarchie, avec le plus heureux succez que iamais a fait Prince: Or toutes les Monarchies nouuellement establies par le changement d'Aristocratie, ou d'estat populaire, ont quasi pris commencement, alors que l'un des Magistrats, ou capitaines, ou gouuerneurs ayant la force en main, s'est fait de compagnon, maistre & souuerain: ou que l'estranger les assugeties: ou bien que volontairement ils se sont soubmis aux loix, & commandemens d'autrui. Quant au premier point, & qui est le plus ordinaire changement, nous en auons assez d'exemples comme les Pisistratides en Athenes: les Cypselydes en Corinthe: Thrasibule, Gelon, Denis, Hieron, Agathocle en Syracuse: Panece, & Icete en Leonce: Phalaris à Girgenti: Phidon en Argos: Periandre en Ambrace: Archelaus en Candie: Euagore en Cypre: Polycrate en Samos: Anaxilaus en Rhege: Nicocle en Sicyone: Alexandre en Phenec: Mamerque en Catane: les dix commissaires en Rome, & apres eux Sylla & Cesar: la maison de Lescale à Veronne: les Bentiuolles à Boulongne: les Manfrois à Fauence: les Malatestes à Arimini: les Baillons à Perouze: les Vitelles à Tiferne: les Sforces au Duché de Milan: & plusieurs autres, qui de simples capitaines, & gouuerneurs se sont faits seigneurs par force. Car, en matiere d'estat, on peut tenir pour maxime indubitable, que celuy est maistre del'estat, qui est maistre des forces. C'est pourquoy es Republiques Aristocratiques, & populaires bien ordonnees les grāds honneurs sont ottroyez sans aucune puissance de commander: & ceux qui ont plus de puissance, ne peuvent riē commander sans compagnon. ou bien s'il est impossible de diuiser le cōmandement à plusieurs, comme il est fort d'angereux en guerre: le temps de la commission, ou du Magistrat est court. Ainsi faisoient les Romains mettant deux consuls, & les Carthaginois deux Suffetes, qui auoyent puissance de commander chacun son iour: car combiē que la dissensio qui est ordinaire entre ceux qui sont egaux en puissance, empesche quelquesfois l'execution des choses vtils, si est-ce que telle Republique n'est pas si sugette d'estre tournee en Monarchie, que s'il n'y a qu'un souuerain magistrat, comme le grād Archon d'Athenes, le Pritanne des Rhodiots, le capitaine des Acheans, & des Aetoles, le Gonfalonnier des Florentins, le Duc des Genes. Pour mesme cause le dictateur en Rome, ne duroit sinon autant que la charge le requeroit, qui ne passoit

passoit iamais six mois pour le plus: & quelquesfois n'a duré qu'un iour. Et le temps expiré, la puissance de commander cessoit: & si plus long temps le dictateur retenoit les forces, il pouvoit estre accusé de leze maiesté. Et mesmes en Thebes, tant que l'estat fut populaire, la loy vouloit que le general de l'armee fust mis à mort, si plus d'un iour il auoit retenu la force, apres son temps, qui fut la cause que le capitaine Epamynondas & Pelopidas furent condamnez à mort, pour auoir retenu la force quatre mois apres le temps, quoy que la necessité l'eust contraint de ce faire. Et pour la mesme raison presque tous magistrats estoient annuels es Republiques populaires, & Aristocratiques. Et encores à Venise les six cōseillers d'estat qui assistent au Duc, ne sont que six mois en charge. & celui qui auoit la garde de la principale forteresse d'Athenes, n'auoit les clefs qu'un iour seulement: non plus que le capitaine du chasteau de Rhaguse, qui est pris au fort, & mené la teste enuelopee au chasteau. Et se faut garder le plus qu'il est possible, que les loix, & ordonnances, touchant le temps des magistrats, ne soient changees, ny leur charge prorogee, si la necessité n'y est bien grande: comme les Romains feirent à Camille, auquel la dictature fut prorogee pour six mois: ce qui n'auoit onques esté ottroyé à personne. Et mesmes par la loy Sempronia, il fut estroitement defendu que les gouuernemens, & prouinces ne fussent ottroyees plus de cinq ans. Et si la loy eust esté gardee, Cesar n'eust pas empieté l'estat, comme il fist ayant eu le gouuernement des Gaules pour cinq ans dauantage que l'ordonnance ne vouloit, à laquelle il fut derogé pour son regard. Qui fut vne faute notable: veu qu'ils auoient affaire au plus ambitieux homme qui fut onques, & qui fonda si bien sa puissance pour la continuer, qu'il donna pour vne fois à Paul Consul neuf cens mil escus, affin qu'il ne s'opposast à ses entreprises: & au Tribun Curiō quinze cens mil escus, pour tenir son parti. Dauantage on luy donna dix legions soudoyees, tant qu'il feroit la guerre. Ceste grande puissance, estoit iointe au cueur le plus hardi qui fust alors, & le plus vaillant qui fust onques, & de si noble maison, qu'il osa bien dire deuant le peuple Romain, qu'il estoit extrait des dieux du costé paternel, & des Roys du costé maternel: & si sobre, que son ennemi Catō disoit qu'il n'y auoit point eu de sobre tyran que cestui-là: & si vigilant, que Ciceron qui coniura sa mort, l'appelloit en vne epistre mōstre de prudēce & diligence incroyable: ^{2. ad Atticum.} & au surplus magnifique, & populaire s'il en fut onques: & qui n'espargnoit riē en ieux, tournois, festins, largesses & autres apasts. en quoy faisant, il voloit la faueur du menu peuple aux despens du public, & gaignoit l'honneur d'homme gracieux & charitable enuers les pauvres. Et neantmoins ayant gaigné par ce moyen la souueraineté, il ne pensa qu'à roigner les forces du peuple, & leur oster leurs priuileges: car de trois cens vingt mil citoyens, qui prenoient blé du public, il n'en retint que cent cinquante mil, & enuoya quatre vingts mil citoyens outre mer

en diuerſes colonies: & oſta la pluſpart des confrairies, corps, & colleges. En eſſect, on a touſiours veu en tous changemens de Republiques, que ceux-là ont eſté ruinez, qui ont donné trop de puissance aux ſugets pour ſ'eſleuer. qui eſtoit la diuiſe de Iulian l'Empereur, figurant qu'on arrachoit les plumes à l'Aigle, pour les coler aux fleſches qu'on leur deuoit tirer. Ainſi font les gouuerneurs, & magiſtrats ſouuerains des eſtats populaires, principalement quand on donne trop grande puissance à celui qui a le cuer haut & ambitieux. Voila quant à la cauſe du changement de l'eſtat populaire en Monarchie, quand l'un des ſugets ſe fait ſeigneur. Mais le changement de l'eſtat populaire en Ariſtocratie, ſe fait ordinairement, quand on a perdu quelque grande bataille, ou que la Republique a receu quelque perte notable des ennemis: & au contraire l'eſtat populaire ſe fortifie, & aſſeure, quand on a eu quelque victoire. Celà ſe peut voir en deux Republiques d'un meſme temps c'eſt à ſçauoir Athenes & Syracuſe, les Atheniens eſtans vaincus des Syracuſains par la faute du capitaine Nicias, changerent auſſi toſt d'eſtat populaire en Ariſtocratie, de quatre cens hommes, qui neantmoins s'appelloient les cinq mil, par la ruse de Piſandre: & quand le menu peuple voulut reſiſter, il fut rembarré par la force que les quatre cens auoient en main, qui en tuerent pluſieurs, ce qui eſtonna les autres. Et les Syracuſains enſlez de leur victoire, changerent d'Ariſtocratie en eſtat populaire. ³ Et quelque temps apres les Atheniens ayans ouïy la nouuelle de la victoire d'Alcibiade contre les Lacedemoniens, chaſſerent & tuerent les quatre cens ſeigneurs, & changerent l'Ariſtocratie en eſtat populaire ſoubs la conduite de Thraſilus. Auſſi les Thebains apres la iournee des Oenophites, qu'ils perdirent, changerent l'eſtat populaire en Ariſtocratie. Et combié que les Romains ayans perdu deux batailles contre Pirrus ne changeaſſent point l'eſtat populaire: ſi eſt-ce toutesſois qu'en eſſect c'eſtoit alors vne belle Ariſtocratie de trois cens Senateurs, qui gouernoient l'eſtat: & en apparence vn eſtat populaire: car le peuple ne fut onques ſi doux, ny traiçtable qu'il eſtoit alors: mais auſſi toſt que les Romains eurent gagné l'eſtat de Tarente, le peuple leua les cornes & demanda qu'on leur fiſt partage des heritages que la nobleſſe auoit occupez. Et neantmoins depuis que Annibal eut reduit l'eſtat des Romains à l'extremité, le peuple deuint humble au poſſible: & apres que les Cartaginois furent vaincus, le Royaume de Macedoine ruiné: Antioque mis en route: on ne le pouuoit pluſ tenir en bride. Nous liſons auſſi que les Florentins, ayans nouuelles de la priſe de Rome, & du Pape Clement, qui auoit changé l'eſtat de Floréce en Oligarchie, ſ'eſleuerent auſſi toſt, & apres auoir chaſſé, tué, banni les Partifans de Medicis, arraché leurs ſtatues, biſſé leurs armoiries, effacé leurs noms par toute la ville, reſtablirent l'eſtat populaire. Et depuis que les Cantons de Suiſſe eurent deſſait la nobleſſe à la iournee de Sempac, qui fut l'an mil trois cens ſeptante & ſept, il ne fut pluſ nouuelle

3. Xenophon Plut.
in Nica. & Alcibiade.

uelle d'Aristocratie : ny de recognoistre l'Empire en sorte quelconque Et la raison de ce changement est l'inconstance & temerité d'un populace sans aucun discours ny iugement, & muable à tous vêts : & tout ainsi qu'il s'estonne d'une perte, aussi est-il insupportable apres sa victoire, & n'a point d'ennemy plus capital, que le succez heureux de ses affaires : ny de plus sage maistre, que celuy qui le tient fort en bride : c'est à sçavoir l'ennemi vainqueur, alors les plus sages, & les riches, sus lesquels le hazard du danger doit tomber, voyant les orages & tempêtes de tous costez, prennent le gouvernail abandonné du peuple. de sorte que le seul moyé d'entretenir l'estat est de faire guerre, & forger des ennemis s'il n'y en a. Cefut la raison principale qui meut Scipion le ieune d'empeschier tant qu'il peut, que la ville de Cartage ne fust razee : preuoyant sagement, que si le peuple Romain guerrier & belliqueux, n'auoit plus d'ennemis, il estoit force qu'il se fust guerre à soy-mesmes. Et pour mesme cause Onomadesme capitaine en chef de la Republique de Chio, ayant apaisé la guerre ciuile, & chassé les plus mutins, ne voulut pas bannir les autres, quoy qu'on luy voulust persuader de ce faire : disant qu'il y auoit danger que apres auoir chassé tous les ennemis, on fust la guerre aux amis, comme dit Plutarque. Toutesfois ceste raison qui a lieu pour les ennemis estrangers, ne seroit pas receuable entre les citoyens : & neantmoins il fust ce qu'il debuoit : car celuy qui a l'auantage en guerre ciuile, s'il bannist tous les partisans de la faction contraire à la sienne, il n'a plus d'ostages, si les bannis luy dressent nouvelle guerre. mais ayant tué les plus furieux, & bannis les plus mutins, il doit retenir le surplus : autrement il est à craindre, que tous les bannis faisans guerre sans crainte de leurs amis, ruinent leurs ennemis, & changent l'estat populaire en Aristocratie : comme il en print aux Heracleans, aux Cumans, & aux Megarenses, qui furent changees de populaires en Aristocraties : par ce que le peuple auoit entierement chassé la noblesse, qui r'alia ses forces, & s'estant emparee de ses trois Republiques, osta la puissance au peuple. Toutesfois le changement de l'estat populaire en monarchie est plus ordinaire, s'il aduient par guerre ciuile : ou par l'ignorance du peuple, qui donne trop de puissance à l'un des sugets : comme i'ay dit cy dessus. Et pour ceste cause Ciceron disoit, *Ex victoria cum multa, tum certè tyrannis existit* : parlant de la guerre ciuile entre Cesar, & Pompee. Et au contraire, le changement de la tyrannie qui aduient par guerre ciuile, se fait ordinairement en estat populaire. car le peuple qui n'a iamais de mediocrité, ayant chassé la tyrannie, pour la haine qu'il a contre les tyrans, & la crainte qui le tient d'y tomber, le rend si passionné, qu'il court d'une extremité à l'autre, comme à bride auallée : ainsi qu'il est aduenue en Athenes, apres la mort des Pisistratides : en Florence, apres que le Duc d'Athenes (qui depuis mourut Connestable à la iournee de Poitiers) en fut chassé. à Milan, apres que le ty-

guerres des ennemis necessaires pour entretenir les estats populaires.

Pourquoy le changemēt de tyrānie en estat populaire est le plus frequent.

4. Thucidides, Xenophon, Plutar.

Les chāgemēs
eſtrāges de l'e-
ſtat de Florēce.

ran Galuaigne fut depouillé de ſon eſtat, la Republique fut gouvernee populairement cinquante ans, iuſques à ce que d'eſtat populaire, elle fut changee en tyrannie par les Toreſans. le ſemblable aduint à Rome, apres que Tarquin l'orgueilleux en fut chaffé: & en Suiſſe, apres que le vicaire de l'Empire fut tué, les ſugets eſtablirent l'eſtat populaire, qui a duré iuſques à preſent, & continué depuis trois cens cinquante ans. On voit le ſemblable eſtre adueni en Syracuſe, apres que Denis le tyran en fuſt chaffé: en Theſſalie, apres que Alexandre tyran des Phœcæas, eut eſté occis: & en Sienne, apres que Alexandre Dichi nouveau tyran fut tué par Hieroſme Seuerin, & les Partifans de *Monte nouo*, chaffeſ, tuez, & bannis, le peuple print la ſeigneurie: & n'y a doubte que les Florentins, apres le meurtre d'Alexandre de Medicis nouveau tyran de Florence, n'euffent reſtabli l'eſtat populaire, ſi Coſme n'eufſt eu la force en main. I'ay dit que le changement d'eſtat populaire en tyrannie eſt ordinaire, quand il aduint par guerre ciuile: car ſi l'ennemi eſtrāger ſe fait ſeigneur d'un eſtat populaire, il le reünift au ſien: ou biē il le fait ſemblable au ſiē, luy laiſſant le gouvernement d'iceluy. comme faiſoient les Lacedemoniens, qui changeoient tous les eſtats populaires en Ariſtocraties: & les Atheniens tous les eſtats Ariſtocratiques en populaires, quand ⁴ les vns, ou les autres auoient cōqueſté quelques peuples. C'eſt pourquoy il faut noter la difference entre les changemens extérieurs, & intérieurs. Et quelquesfois auſſi le peuple eſt ſi biſarre, qu'il eſt preſque impoſſible de le tenir en un eſtat, que toſt apres il n'en ſoit ennuyé: comme on peut dire des anciens Atheniens, Megariens, Samiens, Syracuſains, Florentins, & Genneuois: leſquels apres auoir changé d'un eſtat, en vouloient un autre. & ceſte maladie aduint le plus ſouuent aux eſtats populaires, où les ſugets ont l'eſprit trop ſubtil: comme eſtoient ceux que i'ay dit: car alors chacun penſe eſtre digne de commander: ou ſi les ſugets ſont plus groſſiers, ils endurent plus aiſément d'eſtre commandez. & ſont plus aiſez à ſe reſoudre, aux deliberations, que ceux qui ſubtiliſent tellement les raiſons qu'elles ſ'en vont en fumee: & qui par ambition ne veulent iamais ceder l'un à l'autre: d'où vient la ruine d'un eſtat. On peut aiſément voir en Thucidide, Xenophon & Plutarque, que les Atheniēſ ont en moins de cent ans changé ſix fois d'eſtat: & les Florentins ſept fois: ce qui n'eſt pas adueni aux Venitiens, qui n'ont pas l'eſprit tant ſubtil. On ſçait aſſez combien le pays Florentin a produit de bons, & gentils eſprits: & quelle difference il y a entre les Florentins, & les Suiſſes: & neantmoins on voit que ces deux peuples ayās changé de monarchie en eſtat populaire depuis trois cens ſoixante ans: les Suiſſes ſe ſont maintenus en l'eſtat populaire: & les Florentins bien toſt apres changerent en Ariſtocratie: alors que la nobleſſe ne pouuant voir les artiſans ſ'egaler à eux: & les nobles ne pouuans ſouffrir les vns des autres, ſ'affoiblirent ſi fort, que les plus grands du peuple chafferent, & bannirent le ſurplus.

surplus. Et depuis ceux cy ayant prins en main le gouuernail, entrerent aussi tost en partialitez, & guerres ciuiles : de sorte que les moyens (car ils faisoient trois estats de roturiers) leur osterent la puissance : & ne furent pas long temps qu'ils n'entraissent en guerre ciuile, ce qui donna occasion au rebut du peuple de les chasser, & en tuer la pluspart. Le populace se voyant maistre, & n'ayant plus d'ennemis, s'attacha à soy mesmes : & se fist la guerre si cruellement, que le sang couloit par les rues, & les maisons pour la pluspart furent bruslees : en sorte que les Luquoys ayans pitié d'eux les vindrent separer : & fut arresté d'enuoyer ambassade au Pape pour leur enuoyer vn Prince de sang Royal. & à la bonne heure se trouua lors à Rome Charle de France frere de Louÿs ix. qui leur fut enuoyé : entre les mains duquel ils rendirent les armes & l'obeissance volontaire : mais d'autant qu'il estoit distrait pour entendre au Royaume de Naples, si tost qu'il fust party, les Florentins retablirent l'estat populaire : & retomberent en guerre ciuile : & pour y remedier derechef, ils enuoyerēt querir le Duc d'Athenes, auquel ils donnerēt la souueraineté : & neātmoins deuant que l'an fust reuolu, ils en furent si saouls, qu'ils dresserent contre luy trois coniurations, & l'assiēgerent si viuement, qu'il fut tref-aise d'eschaper la vie sauue. Et recommencerent à changer d'vn autre estat, puis d'vn autre : trouuās tousiours de nouueaux noms aux officiers, & magistrats : & ne cessoient de changer, & rechanger, comme vn malade, qui se fait porter d'vn liēt en l'autre, cuidant fuir son mal qui le tient aux entrailles de son corps. Ainsi la maladie d'ambition, & de sedition, n'a iamais cessé de les trauailler, iusques à ce qu'ils ont trouué vn medecin qui les a guaris de tous ces maux, establisant vne monarchie, avec trois forteresses en la ville, & bonnes garnisons : & en ceste sorte les a maintenus quarante ans. Voila l'histoire en brief des changemens aduenus en l'estat Florence, qui ne seroit pas croyable : si les Florētins mesmes ne l'auoiēt mis par escript. Nous voyōs de semblables tragedies iouees par les peuples d'Affrique (qui passent ceux d'Europe en subtilité d'esprit) lors qu'ils ont eu l'estat populaire. ie n'en mettray qu'vn ou deux exemples entre plusieurs, c'est à sçauoir des habitans de Segelmessa au Royaume de Bugie, lesquels s'estans reuoltez contre le Roy, establirent vn estat populaire : & tost apres entrerent en factions, & guerres ciuiles si cruelles, que ne pouuans endurer de seigneur, ny souffrir les vns des autres, d'vn commun consentement raserent toutes les maisons, & les murailles de la ville, pour estre Roys aux champs chacun en sa maison à part. & le peuple de Togoda ville és frontieres du Royaume de Fez, ne pouuant souffrir l'Aristocratie de la noblesse, quitta ° le pays. Aussi les peuples d'Affrique cognoissant leur naturel, & les dangers de l'estat populaire, se gouuernent quasi tous en forme de monarchies. Et combien que les estats Aristocratiques soient plus asseurez que les populaires, & plus durables : si est-

o. Leon d'Afrique.

Il est dangereux
aux Aristocra-
ties où il y a
peu de sei-
gneurs, de re-
cevoir tous les
estrangeurs.

5. Thucidid.
6. Aristot. polit. 5.

Nombre des
habitans de Ve-
nize.

6. l. hereditas ad
Trebel.

ce que les seigneurs sont en double danger s'ils ne sont bien d'accord: l'un est de la faction d'entr'eux: l'autre est de la rebellion du peuple. s'ils ont guerre entr'eux, le peuple ne faudra pas à se ruer sur eux: comme nous auons monsté des Florentins: & le semblable aduint à Sienne, à Gennes, & en plusieurs autres Republiques d'Almagne. comme il aduint aussi pendant la guerre Peloponesiaque à toutes les villes de Grece qui estoient gouuérnees par la noblesse, ou par les riches. Ce qui est encores plus dangereux, quand les seigneurs font ouuerture à tous estrangeurs, pour venir habiter en leur pays, qui peu à peu se multiplient: & n'ayàs part aux magistrats, s'ils sont surchargez, ou mal traitez des seigneurs à la moindre occasion ils se soubsleuent, & chassent les naturels seigneurs: comme il aduint à Syène, à Gennes, à Surich, à Conloigne, où les estrangeurs s'estans multipliez, & se voyans surchargez, & mal traitez, sans auoir part aux estats, chasserent les seigneurs, & en tuerēt la pluspart. & mesme ceux de Lindauue apres auoir tué les seigneurs, changerēt l'Aristocratie en estat populaire: comme aussi firent les habitans de Strasbourg, qui en horreur de l'Aristocratie, qu'ils ont chagé en Democratie, apres auoir banni, chassé, tué les seigneurs, ne souffrent pas que personne puisse auoir les grands estats, & charges publiques, s'il ne verifie que son ayeul fust roturier. Qui n'est point chose nouuelle: car nous lisons que les estrangeurs en la republique de Corfou multiplierēt si bien, qu'en fin ils se saisirent de tous les gentilshommes qu'ils cōstituerent prisonniers, & les massacrerent tous en prison⁵, & changerent l'estat Aristocratique en populaire. Le semblable⁶ aduint aux Republiques Aristocratiques des Samiens, Sybarites, Trezeniēs, Amphipolites, Calcidenfes, Thuriēs, Cnidiens, & à ceux de Chio: qui furēt changees en populaires par les estrangeurs, qui en debouterent les naturels seigneurs. Qui est la chose la plus à craindre en l'estat de Venize, que nous auons monsté estre vne pure Aristocratie, & l'abord de tous estrangeurs, qui ont si bien multiplié, que pour vn gentilhomme Venitien, il y a cent Citadins issus d'estrangeurs. ce qui peut estre verifié par le nombre qui en fut leué il y a xx. ans ou enuiron. Il se trouua cinquante neuf mil trois cens quarante & neuf Citadins au dessus de xx. ans. L X V I I. mil cinq cens cinquante & sept femmes: deux mil cent L X X X V. religieux: deux mil L X X X I I. religieuses: vnze cens cinquante & sept Iuifs. qui sont en tout cent trente & deux mil trois cens trente personnes: & adioustant vntiers dauantage, pour le nombre de ceux qui sont au dessous de x x. ans: prenant l'age ordinaire, & la vie des hommes à L x. ans, comme la loy veut⁶: il se trouue cent LXXVI. mil quatre cens quarante personnes: sans les estrangeurs suruenans. Or les gentilshommes Venitiens, ne sçauoiēt estre que trois à quatre mil tout compris, absens, & presens. Et me suis emerueillé pourquoy ils ont publié, & qui plus est, souffert qu'on imprimast le nombre qui en fut leué. les Atheniens firent vne faute semblable, & trouue-
rent

rent vne fois qu'il y auoit au denombrement faict des habitans xx. mil citoyens, dix mil estrangers, & quatre cens mil esclaves. Ce que les Romains ne voulurent faire des estrangers, & moins encores des esclaves, ny les remarquer à la difference d'habits, craignans, dit Senèque, s'ils venoient à se conter, qu'il leur print enuie de se faire maistres. Nous lisons en l'histoire du Cardinal Bembe, que la plus grande assemblée de gentilshômes Venitiens de son aage, ne fut que de quinze cens. encores sont ils remarquez à l'habit. Mais ce qui plus a maintenu leur Seigneurie contre l'entreprise des Citadins, est l'amitié, & concorde mutuelle des Seigneurs entr'eux, & la douceur de liberté, qui est plus grande en ceste ville là qu'en lieu du monde: de sorte qu'estans fondus en plaisirs & delices, ayans aussi part à quelques honneurs & menus offices, n'ont point d'occasion de se remuer pour changer l'estat: comme auoient ceux que j'ay dit cy dessus, qui estoient non seulement deboutez de tous les offices, ains aussi surchargez des Seigneurs, & maltraitez. Or tous ces changemens de seigneuries en estats populaires, ont esté violents, & sanglants: comme il aduient presque tousiours: & au contraire, il aduient que les estats populaires changent en seigneuries Aristocratiques, par vn changement doux & insensible: quand on fait ouuerture aux estrangers, & que par succession de temps ils s'habituent, & multiplient, sans auoir part aux estats & offices: il se trouue en fin que les familles des Seigneurs, pour estre employez aux charges publiques, & à la guerre, se diminuent: & les estrangers croissent tousiours: qui fait que le moindre nombre des habitans tient la seigneurie: que nous auons monstré estre la droite Aristocratie. les Republiques que j'ay cotees cy dessus, estoient telles: & de fait l'estat de Venize, de Luques, de Rhaguse, de Gennes estoit anciennement populaire: & peu à peu ils ont changé en Seigneuries Aristocratiques insensiblement: ioint aussi que les plus pauvres bourgeois ayans bien à faire à viure, quittoient les charges publiques sans profit: & par succession de temps, & prescription leurs familles en estoient forcloses. ce changement est bien le plus doux qui soit, & le plus suportable. mais pour empescher qu'il n'aduienne, il faut receuoir les enfans des estrangers, s'il n'y a autre empeschement, aux charges & offices: & mesmement si le peuple est adonné à la guerre: autrement il est à craindre que les Seigneurs, qui n'osent armer les sugets, estans contraints eux-mesmes d'aller en guerre, ne soient tout a coup defaits, & que le peuple n'empiete la Seigneurie: comme il aduient en la seigneurie de Tarente, qui perdit en vne bataille contre les Iapiges, presque toute la Noblesse: alors le peuple se voyant le plus fort, changea l'Aristocratie en estat populaire, au temps de Themistocle. Et pour ceste cause les Seigneurs d'Argos estans presque tous defaits, par Cleomenes Roy de Lacedemone, le surplus craignant la rebellion du peuple donna droict de bourgeoisie à tous les ha-

Les changemens d'estats populaires en seigneuries sont moins violens & plus doux, que les autres.

Les changemens d'Aristocraties en Democraties aduennent souvent pour la defaite des nobles.

bitans issus d'estrangers, & leur fist part des charges, & offices: tellement que l'Aristocratie changea doucement en estat populaire. Et l'une des choses qui plus donna d'avantage au peuple Romain sus la Noblesse, fut vne victoire de Veientes, qui tuerent vne grande partie des gentilshommes: & mesmes trois cens Fabiens d'une race tous nobles, & des plus anciennes maisons. Les Venitiens donnent ordre à cela, vñs ordinairement de gens d'armes estrangers, s'ils sont contraincts de faire la guerre, ce qu'ils fuient le plus qu'ils peuuent. Cest inconuenient de changer l'estat pour la perte de la Noblesse, ne peut aduenir en la Monarchie, si tous les Princes du sang n'estoient tuez, avec le reste de la Noblesse: comme les Turcs ont fait par tout où ils ont voulu commander, ils n'ont pas espargné vn gentilhomme. mais ce changement, ou plustost vnion, & accroissement d'un estat à l'autre est exterieur. On a veu presque toute la Noblesse de France tuee à la iournee de Fontenay pres d'Auxerre, par guerre ciuile entre Lothaire fils aîné de Loüys Debonnaire, d'un costé: & Loüys & Charle le Chauue d'autre costé: toutesfois les trois Monarchies demurerent en leur nature. & mesmes la Champagne perdit tant de Noblesse en guerre, que les gentils-femmes eurent priuilege special d'anoblir leurs maris: neantmoins la Monarchie n'en sentit aucun changement. aussi les grands & notables changemens se font es seigneuries Aristocratiques, & populaires. Et n'y a point d'occasion plus ordinaire, que l'ambitiõ des plus hautains, qui se font amis du peuple, & ennemis de la Noblesse, quand ils ne peuuent obtenir les estats qu'ils pretendent: comme fist Martius & Cesar en Rome, Thrasyle & Thrasibule en Athenes, François Valori en Florence, & infinis autres semblables. ce qui aduiant encores plus aisément, si les hommes indignes sont pourueus des grands estats, & ceux qui les meritent rebutez: qui est la chose qui plus creue le cuer aux gens de bien. Pour ceste cause la seigneurie des Orites fut changee en estat populaire, pour auoir pourueu Heracleodore meschant homme, du plus honorable office. Et la chose qui plus ayda à la ruine de Neron, & d'Heliogabale Empereurs, fut qu'ils esleuoient les plus detestables hommes aux plus hauts estats: mais principalement cela est à craindre en l'Aristocratie gouuernee aristocratiquement, c'est à dire, où le peuple n'a point de part aux offices. car c'est double douleur se voir non seulement frustré de tous offices, & benefices: ains aussi qu'ils s'õt departis aux plus indignes, ausquels il faut obeyr, & faire ioug. Alors celuy des Seigneurs qui se fera chef de partie, s'il est tant soit peu fauory du peuple, changera l'Aristocratie en estat populaire. ce qui n'adiendra pas si les Seigneurs s'accordent bien entre eux: car la sedition, & diuision des Seigneurs, est la peste la plus à craindre en l'estat Aristocratique, comme j'ay dit cy dessus: & quelquesfois de la moindre occasion, comme d'une estincelle s'embraze vn grand feu de guerres ciuiles: comme il ad-

Il est dangereux en l'aristocratie de pouruoir les meschans des plus grands estats.

La peste la plus dangereuse de l'Aristocratie est la diuision des Seigneurs.

uint

uint à Florence, pour le refus que fist vn gentilhomme de la maison de Boudelmonti, d'espouser vne damoiselle, ayant donné la promesse: cela donna occasion à vne faction entre les Nobles qui s'entretuerent, si bien que le peuple aisément donna la chasse au surplus. Et pour mesme occasion suruint vne forte guerre ciuile entre les Ardeates, pour vne heritiere que la mere vouloit marier à vn gentilhomme: & les tuteurs à vn roturier: ce qui diuisa le peuple de la Noblesse, en telle sorte que la Noblesse eut recours aux ⁷ Romains, & le peuple aux Volsques: qui depuis furent vnis par les Romains. aussi la Republique de ⁸ Delphes print changement d'Aristocratie en estat populaire pour mesme occasion: & celle de Metelin fut ⁹ changee pour la tutelle de deux orphelines: & la Republique des Hestiens, pour vn procès en matiere de succession. Et la guerre sacree, qui ne changea pas, ains ruina de tout poinct l'estat des Phocenses, fut fondee sus le mariage d'vne heritiere entre deux seigneurs à qui l'auroit. Et qui plus est, les Aetoles & Arcades s'acharnerent fort longuement en guerres mutuelles pour la hure d'vn sanglier: & ceux de Cartage & de Bizaque pour le fust d'vn brigatin: & entre les Escossois & les Piectes s'esmeut vne guerre trescruelle pour quelques chiës que les Escossois auoient osté aux Piectes, & ne peurent onques se rallier, combien qu'ils eussent vescu six cens ans en bonne paix: & la guerre entre le Duc de Bourgogne & les Suisses print origine pour vn chariot de peaux de moutons qu'on print à vn Suisse. Quelquesfois aussi les changemens, & ruines des Republiques aduiennent quand on met les plus grands en procès pour leur faire rendre compte de leurs actions, soit à tort ou à iuste cause: car ceux là mesmes qui sont entiers craignent tousiours les calomnies & l'issue douteuse des iugemens, qui tire apres soy bien souuent la vie, les biens & l'honneur des accusez. Nous en auons l'exemple de fraische memoire, de ceux qui ont embrazé tout vn Royaume de guerres ciuiles, quand on parla de les faire venir à compte de quarante deux millions. Ce fut aussi l'occasion que Pericles craignant le hazard du compte qu'on luy demandoit des finances d'Athenes qu'il auoit maniees, & generalement de ses actions, getta le peuple d'Athenes en guerre, qui ruina plusieurs Republiques, & changea entierement l'estat des autres estats de toute la Grece: or tous les Historiens, dit Plutarque, s'accordent en cest article. & neantmoins il ne se trouua peut estre en toute la Grece homme qui eust esté plus entier, au iugement mesme de Platon & de Thucidide, quoy qu'il fust son ennemy capital, l'ayant fait bannir du bannisement de l'ostracisme: ioint aussi qu'il ² n'amenda rien de toutes les charges publiques qu'il auoit manié cinquante ans. Nous lisons pareillement que les Republiques de Rhodes & de Coos furent changees d'aristocratie en estats populaires. Et l'vne des causes qui meut Cesar à s'emparer de l'estat, fut que ses ennemis le menassoient si tost qu'il seroit priué, de luy faire redre cōpte

7. Linius lib. 4.

8. Pausan. lib. 4.

9. Aristo. polit. lib. 5
De peu de chose viennent les grans changemens.

2. Plutar. in Pericle

3. Cic. ad Atticum
in epistol.

Il est dangereux
en toute Repu-
blique de ban-
nir vn grand sei-
gneur.

4. Plutar. in Aristi-
de.

des charges qu'il auoit eues. & comment se fust-il assuré, ayant me-
moire que Scipion l'African, l'honneur de son aage, & Scipion l'Asiatique,
& Rutilius, & Ciceron furent condamnez? Si les hommes vertueux
sont tombez en ces dangers, qui doute que les meschans ne troublent
plustost l'estat public, que d'exposer leur vie; ou leurs biens au hazard?
car outre l'assurance qu'ils ont d'eschaper: par ce moyen le iugement des
hommes, encores ont-ils c'est aduantage de pescher en eau trouble. on
sçait assez que les guerres ciuiles sont tousiours voile aux meschans, qui
ne craignent pas moins la paix que la peste: ayans en tout euenement de-
uât les yeux la resolutiõ de Catilina, lequel dist qu'il n'auoit peu par eau
esteindre le feu pris en sa maison, & qu'il estaindroit en la ruinât. & de fait
il fut à vn poinct pres de chager l'estat des Romains, si le Cõsul Ciceron
n'y eust remedié, ou, pour mieux dire, couuert la faute qu'il auoit faite,
de souffrir que Catilina sortist de Rome ayant decouuert la coniuration.
Car il ne faut pas esperer, que celuy qui se voit banni de sa maison & de
son pays, s'il a la puissance qu'il ne se mette en armes, cõme il fist: & s'il eust
gagné la bataille contre C. Antonius, il auoit mis l'estat en danger ex-
treme: estant l'un des plus nobles seigneurs, & des mieux alliez qui fust
en Rome. les plus aduisez estiment que de tels ennemis, il en faut faire
de bons amis, ou les tuer du tout, si ce n'est, qu'on les voulust bannir par
honneur: comme on faisoit en la ville d'Argos, en Athenes & en Ephe-
se, où les grands seigneurs puissans en biens, ou en faueur; ou en vertu,
estoiét pour quelque temps, & qui toutesfois ne passoit iamais dix ans,
cõtraints de s'absenter, sans rien perdre de leurs biens, qui estoit vn ban-
nissement honorable: aussi pas vn de ceux qui estoient ainsi bannis, ne
fist iamais guerre à son pays. mais de banir vn grãd seigneur, avec dom-
mage & contumelie, ce n'est pas estaindre, ains allumer le feu de guerre
contre son estat, duquel le banni quelquesfois se fait maistre: comme
fist Dion banni de Syracuse par le ieune Denis: & Martius Coriolanus,
qui conquesta bonne partie du domaine des Romains, & brusta ius-
ques aux portes de Rome, & meit le peuple Romain en telle extremite,
que c'estoit fait de leur estat, si les femmes ne fussent venues vers luy
pour l'appaiser. ce que firent en cas pareil les bannis de la maison de Me-
dicis, & les bannis de Suric l'an M. CCCXXXVI. se ioignans avec les plus
grãds Princes pour ruiner leur pays. On me dira, peut estre, que c'est plus
sagement fait de getter la guerre hors, que d'estre cõtraint de cõbattre de-
dans les entrailles de la Republique: ie l'accorde, mais c'est bien le plus
seur de mettre la main sus l'ennemi, & par ce moyen estouffer vne cõiu-
ratiõ, que lascher celuy qui tost apres fera guerre: cõme fist le ieune Cy-
rus, que le Roy son frere auoit fait emprisonner, & lier de chaines d'or,
pour auoir voulu attéter au Roy estat eschappé à la requeste de sa mere
meit sus vne puissante armee, & à peu qu'il n'eporta la couronne. i'ay dit
qu'il faut tuer telles gens, ou en faire de bons amis: comme fist Auguste
ayant

ayant decouvert la coniuration de Cinna, & le tenant entre ses mains, atteint & conuaincu par ses lettres mesmes, luy pardonna, & ne se contenta pas, ains encores il luy toucha en la main, & iura amitié avec luy, & deslors luy donna de grands estats. il auoit fait mourir vne infinité de ceux qui auoient iuré sa mort : il voulut aussi essayer si par douceur il pourroit gagner les cueurs des hommes. depuis il ne se trouua iamais personne qui osast rien attéter contre luy. Aussi les Venitiens ayans pris le Duc de Mantouie leur ennemy capital, au lieu de luy oster son estat, en firent leur capitaine general : & depuis ils ne trouuerent plus loyal amy. C'est ce que disoit Pontinus vieux capitaine des Samnites, qu'il falloit mettre en liberté l'armee des Romains surprise aux destroits de l'Apenin : ou faire tout mourir : ostant vne grande force à son ennemy, ou bien en faisant vn loyal amy par obligation d'un si grand bien fait. or ces changemens aduiennent plustost, & plus souuēt quand la Republique est de petite estēdue, que s'il y a beaucoup de pays, & de sugets : car vne petite Republique est bien tost diuisee en deux ligue : mais vne grande Republique est plus mal aisee à diuiser : d'autāt qu'entre les grās seigneurs & les petits, entre les riches & les pauvres, entre les meschans & les vertueux hommes, il s'en trouue grand nombre de mediocres, qui lient les vns avec les autres, par moyens qui tiennent des vns & des autres, & s'accordēt avec les extremitēz. c'est pourquoy nous voyons ces petites Republiques d'Italie, & les anciēnes Republiques des Grecs, qui n'auoient qu'une, ou deux, ou trois villes, auoir souffert plusieurs, & diuers changemens. Car il ne faut pas doubter que les extremitēz ne soiēt tousiours cōtraires, & en discord : s'il n'y a quelque moyē qui puisse vnir & allier les vns avec les autres : ce qu'on voit à l'œil, non seulement entre les Nobles & roturiers, les riches & les pauvres, les vertueux & vicieux : ains aussi en mesme cité, la diuersité des lieux separez donne souuent occasion au changemēt d'un estat. La ville de Faiz n'a iamais esté en repos, ny les cruautēz & meurtres appaisez, iusques à ce que Ioseph Roy de Faiz continua les bastimens, & de deux villetes en fist vne grande ville. Aussi les Clazomeniens furent en perpetuelle sedition, pour ce que la ville estoit partie en isle, partie en terre ferme : & tousiours les vns en auoient aux autres. Et mesmes nous lisons en Plutarque, que la Republique d'Athenes est tombee en plusieurs seditions & changemens, par ce que ceux du port, & gens de la marine estoient esloignez de la haute ville, & tousiours les vns en auoient aux autres : iusques à ce que Periclēs cōtinua les longues murailles pour enclore le port. Et pour mesme occasion l'estat de Venize tomba en extreme danger, pour les seditions, & querelles des pilotes & gens de mer, contre les habitans de la ville : & si l'autorité de Pierre Loredan ne fust interuenue, l'estat estoit au hazard de prendre changement. Et souuent il aduiēt, que les seditions interieures donnent le changement exterieur : car le Prince voisin ordinaiemēt

Senec. in lib. de
clement.
Sageſſe d'Au-
guste.

vient à se ruer sus l'estat, apres la defaictte de ses voisins: comme firent les Normans apres la iournee de Fontenay, où la Noblesse de France fut presque esteinte: & le Roy de Fez s'empara de la Republique de Tefza, voyant que les habitans s'estoient pour la pluspart entretuez: & Philippe 11. Duc de Bourgogne asseruit aisément Dinan & Bouuines au pays du Liege, qui n'estoient separees que d'une riuere: apres qu'ils se furent eux-mesmes ruinez: & lequel au parauant n'auoit iamais peu en venir à bout: iacoit qu'il ne se faisoit quasi mariages que des vns avec les autres: comme dit Philippe de Comines. Et pendant que les Roys de Maroc se faisoient guerre pour l'estat, le gouuerneur de Thunes & de Telenfin se fist Roy, & desmembra ses deux Prouinces pour en faire vn Royaume. Par mesme moyen Lachares, voyant les Atheniens en combustion au temps de Demetrius l'assiegeur, empieta la seigneurie. Et qui plus est, nous lisons que quatre mil cinq cens esclaves, & bannis enuahirent le Capitole, & à peu qu'ils ne se firent seigneurs de Rome: pendant que la Noblesse, & le menu^e peuple estoient en sedition & partialitez: mais aussi tost ils s'alerent en bonne amitié, comme les dogues acharnez l'un contre l'autre, s'ils voyent le loup, ils se ruent sur luy. Or ce changement exterieur, causé pour les seditions interieures, est plus à craindre, si les proches voisins ne sont amis & allies: car la proximité du lieu donne appetit à l'ambition de s'emparer de l'estat d'autrui, au parauant qu'on y puisse remedier. De quoy il ne se faut pas emerueiller: car ceux de qui la mer, les montagnes, les deserts inhabitables, ne peuuent arrester le cours d'ambition, & d'auarice, comment se contenteroient-ils du leur, sans entreprendre sur leurs voisins, quand les frontieres s'attouchent, & que l'occasion se presente? Et cela est d'autant plus à craindre, quand la Republique est petite: comme celle de Rhaguse, de Genesue, de Luques: qui n'ont qu'une ville, & le territoire fort estroit: celuy qui aura gaigné la ville, gaignera l'estat: ce qui n'auient pas és grandes, & puissantes Republiques, qui ont plusieurs Prouinces & gouuernemēs: car l'un estant pris, est secouru des autres: comme plusieurs membres d'un puissant corps, qui secourent les vns les autres au besoin. Toutesfois la Monarchie a cest aduantage sus les estats Aristocratiques, & populaires, qu'en ceuxcy, il n'y a qu'une ville où gist la seigneurie, qui est comme le domicile, & retraite des seigneurs: laquelle estant prise, c'est quasi fait de l'estat: mais le Monarque change de place en autre: & sa prise n'emporte pas la perte de l'estat. Quand la ville de Capoue fut prise, tout leur estat fut aussi tost enuahy par les Romains: & n'y eut pas une seule ville, ny forteresse qui fist resistāce: par ce que le Senat, & le peuple, qui auoit la seigneurie, estoit tout captif. aussi la ville de Sienne, estant gaignee par le Duc de Florence, les autres villes & forteresses, se rendirent au mesme temps. Mais le Roy captif, le plus souuent est quitte pour sa rançon: & si l'ennemy ne se contente, les Estats peuuent proceder à nouvelle election,

electiō, ou prédre le plus proche du sang, s'il y a d'autres Princes: & mesmes le Roy captif ay me mieux quelquefois quitter l'estat, ou mourir prisonnier, q̃ de travailler les sugets. & de fait ce qui plus estoit à l'Empereur Charles v. fut la resolution du Roy François prisonnier, qui luy fist entendre qu'il estoit sus le poinct de resigner le Royaume à son fils aisné, si on ne vouloit accepter les cōditiōs qu'il offroit. Car le Royaume, & tout l'estat estoit demeuré en son entier, sans prédre aucun changemēt, ny souffrir alteration. Et cōbien que l'Espagne, l'Italie, l'Angleterre, tout le bas pays, le Pape, les Venitiens, & tous les potētats d'Italie fussent liguez cōtre la maison de France, si est-ce qu'il n'y en eut pas vn qui osast entrer en Frāce pour la cōquēster: sachās les loix, & la nature de ceste Monarchie. Et tout ainsi qu'un bastiment appuyé sus hauts fondemens, & construit de matieres durables, bien vny, & ioint en toutes ses parties, ne craint, ny les vents, ny les orages, & resiste aisément aux efforts, & violences: aussi la Republique fondee sus bōnes loix, estant vnue, & iointe en tous ses membres, ne souffre pas aisément alteration. Et au contraire, il y en a de si mal basties, & si peu vnies, qu'elles doiuent leur ruine au premier vent. Et neantmoins il n'y a point de Republique, qui par traitt de tēps ne souffre changement, & qui ne vienne en fin à ruiner. mais le changement qui se fait peu à peu, est beaucoup plus tolerable: soit de mal en bien, soit de biē en mieux. i'en ay touché l'exemple de l'estat de Venize, qui estoit du commencement populaire, & peu à peu s'est tourné en Aristocratie: sans qu'on l'ait apperceu, que l'estat ne fust tout chāgé. I'en mettray vn autre de l'estat d'Almagne, qui est vne pure Aristocratie, comme nous auons monstré cy dessus, iāçoit qu'il n'y a que trois cens ans ou enuiron, que c'estoit encores vne vraye Monarchie. mais d'autāt qu'après la lignee de Charlemagne faillie, qui venoit à l'estat par droit succēssif, l'estat fut deuolu aux Princes qui procederent par election: il fut aisé petit à petit, de rongner les plumes aux Princes qu'on elisoit: encores estoit-il bien heureux, qui pouuoit y paruenir à quelque condition que ce fust: de sorte qu'à present les Empereurs n'ont quasi rien que le tiltre, & le nom d'Empereur: demeurant la souueraineté aux estats de l'empire. Et n'eust esté qu'il y en a eu plusieurs d'une maison, qui ont aucunement soustenu la dignité imperiale, les Empereurs fussent maintenant reduits au pied des Ducs de Venize. Ce mesme changement est aduenu és Royaumes de Pologne, & Dannemarc, depuis que la lignee de Iagellon est faillie: & que Christierne Roy de Dannemarc fut constitué prisonnier: son frere pour estre esleu, iura les cōditiōs telles que voulut la noblesse: & depuis Federic, qui regne à present, a esté contraint les cōfirmer: comme i'ay remarqué cy dessus: & par lesquelles il appert euidentement, que la noblesse tient quasi la souueraineté: & que peu à peu le Royaume changera en Aristocratie, si Federic mouroit sans enfans. car combien que les estats d'Hongrie, Boheme, Pologne, Dannemarc,

Resolution du
Roy François 1.
estāt prisonnier

Chāgemēt in-
sensible de la
Monarchie de
Almagne en A-
ristocratie.

Changement
des Royaumes
de Pologne, &
Dannemarc.

ayent tousiours preté du le droit d'election, ores qu'il y ait enfans, comme ils gardent encores ceste prerogatiue: si est-ce toutesfois, que les enfans ordinairement, & le plus souuent esleus au lieu des peres, gardent mieux les droicts de la maiesté, qui sont tousiours retranchez aux estrangers: de sorte que peu à peu la Monarchie prend sa force, & se reestablist par ce moien sans violence: comme il s'estoit fait en Pologne iusques à Cazimir le Grand, qui estoit Monarque souuerain de ce pays là: mais Louÿs Roy d'Hongrie son nepueu, pour estre aussi Roy de Pologne, fist tout ce que les estats voulurét: & apres luy Jagellon espousant l'une des heritiers de Louÿs avec le Royaume, diminua encores plus des droicts de la maiesté: laquelle neantmoins auoit repris sa force iusques à la mort de Sigismond Auguste, dernier masle de ceste maison là: auquel succedant par droict d'election Henry de France, les estats l'obligerent à plusieurs sermés, qui semblét deroger aux droicts de la maiesté d'un Monarque. Encores puis-je dire, qu'ayant esté enuoyé à Mers pour assister à ceux qui receurent les Ambassadeurs de Pologne, il me fut dit par Salomon Sboroschi, l'un des Ambassadeurs, que les estats de Pologne, eussent bien retranché dauantage la puissance du Roy esleu, n'eust esté le respect qu'ils auoient à la maison de France. Voyla comme les monarchies chagent doucemét en Aristocraties: si ce n'est que la monarchie soit maintenue en sa maiesté par les loix anciennes, & coustumes immuables: comme il se voit en la creation du Pape, où le consistoire ne diminue point sa maiesté souueraine, qu'il a en tout le domaine de l'Eglise, & fiefs dependans d'icelle: non plus que l'ordre des Cheualiers de Malte ne diminue en rien qui soit la puissance du grand maistre, qui a puissance de la vie, & de la mort: & disposer des deniers, estats, & offices du pays, en rendant la foy & hommage au Roy d'Espagne pour l'Isle de Malte, que Charle v. Empereur leur bailla à ceste condition. & ne peut y auoir sedition ny changement, pour l'election, pour la rigueur des loix, qui sont encores plus precises, qu'en l'electiō du Pape. Cōbien qu'apres la mort du Pape Iule II. le consistoire des Cardinaux arresta au cōclaue de moderer la puissance du Pape: mais tost apres les Cardinaux se departirent de ce qu'ils auoient arresté: de sorte que Leon dixiesme print plus de puissance que Pape n'auoit eu au parauāt luy. Mais le changement est perilleux, quand le sang des Princes, auxquels la souueraineté est affectée, vient à defaillir tout à coup, si l'un des sugets a la force en main, ou que celuy qui peut y aspirer par droit successif, est absent, ou foible, ou sans credit: cōme il aduint à Charle Duc de Lorraine, qui deuoit succeder à la courōne de Frâce. & qui neātmoins en fut debouté par Hue Capet, qui auoit la faueur, & la force en main. car il est bien certain que celuy qui est maistre de la force, est maistre de l'estat. ce qui est bien à craindre en la maison des Ottomans. car combien que les familles des Michalogli, des Ebranes, & Turacanes, soient aussi du sang, pour succe-
der

der à l'épire des Turcs, si est-ce que si Amurat venoit à mourir sans hoir mâle. le premier Bascha qui auroit la faueur des Ianissaires, emporteroit l'estat : attendu que les autres Princes des familles que j'ay dit, sont foibles, & fort esloignez du grand seigneur. Nous en auôs l'exemple ⁷ memorable du changement de l'estat de Lacedemone, qui aduint apres la victoire d'Antigonus, & la fuite de Cleomenes Roy de Lacedemone : la Monarchie fut changée en estat populaire, qui dura trois ans, pendans lesquels le peuple éliſoit cinq Preuoſts : mais si tost que la nouuelle fut venuë de la mort de Cleomenes, deux des preuoſts coniuèrent contre les trois autres, & les firent tuer en ſacrifiant : & cela fait il fut procédé à nouuelle election du Roy Agesipolis, qui estoit Prince du ſang. Et d'autant qu'ils auoient accoustumé d'auoir deux Roys, vn nommé Lycurgue ayant le vent en poupe, qui autrement n'estoit point Prince du ſang, ſe fiſt élire par argent : & Chilon, qui estoit Prince extrait du ſang de Hercules, n'ayant les biens, ny la puissance, fut rebuté. dequoy eſtant irrité, tua tous les Magistrats, & n'eſchapa que Lycurgue, qui depuis demeura maître, apres grande effuſion de ſang.

7. Polyb. lib. 4.

S'IL Y A MOYEN DE SCAVOIR LES CHANGEMENS & RUYNES DES REPUBLIQUES à l'aduenir.

CHAP. II.

D V I s qu'il n'y a rien de fortuit en ce monde, ainſi que tous les Theologiens, & les plus ſages Philoſophes ont reſolu d'un commun aduis : nous poſerons en premier lieu ceſte maxime pour fondemēt : Que les changemens, & ruines des Republiques, ſont humaines, ou naturelles, ou diuines : c'eſt à dire qu'elles aduiennent ou par le ſeul conſeil, & iugement de Dieu : ou par le moyen ordinaire & naturel, qui eſt vne ſuite de cauſes enchainées, & depēdantes l'une de l'autre, ainſi que Dieu les a ordonnées : ou bien par la volonté des hommes, que les Theologiens confeſſent eſtre franche, pour le moins aux actions ciuiles : combien qu'elle ne ſeroit pas volonté, en quelque ſorte que ce fuſt ; ſi elle eſtoit forcée. Et de fait elle eſt ſi muable, & incertaine, qu'il ſeroit impoſſible d'y aſſeoir aucun iugement, pour ſçauoir à l'aduenir les changemens, & ruines des Republiques. & quant au conſeil de Dieu, il eſt inſcrutable : ſinon entant qu'il declare quelque fois ſa volonté par inſpiration : comme il a fait aux Prophetes, leur faiſant voir pluſieurs ſiècles auparavant la cheute des empires, & monarchies : que la poſterité a treſbiē auerées. Reſte donc ſeulement à ſçauoir, ſi par les cauſes naturelles, on peut iuger de l'iſſue des Republiques. Quand ie dy cauſes naturelles, ie n'entends pas des cauſes prochaines, qui de ſoy produiſent la ruine ou

Il n'y a rien de fortuit en ce monde.

Republiques
souffrent chan-
gement par na-
ture.

Erreurs insu-
portables des
Astrologues.

le changement d'un estat: comme de voir les meschancetez sans peine, & les vertus sans loyer en vne Republique, on peut bien iuger que de cela viendra bien tost la ruine d'icelle: mais j'entends les causes celestes, & plus esloignées. En quoy plusieurs s'abusent bien fort, de penser que la recherche des astres, & de leur vertu secrette, diminue quelque chose de la grandeur, & puissance de Dieu: ains au cōtraire sa majesté est beaucoup plus illustre, & plus belle, de faire si grandes choses par ses creatures, que s'il les faisoit par soy mesme, & sans aucun moyen. Or il n'y a personne de sain iugement, qui ne confesse les merueilleux effets des corps celestes en touté la nature: où la puissance de Dieu se monstre admirable: & neantmoins il la retire aussi tost quand il luy plaist. En sorte que Platon, n'ayant pas encores cognoissance des mouuemens celestes, & beaucoup moins de leurs effets, a dit, que la Republique qu'il auoit ordonnee, & qui sembloit si parfaite à plusieurs, qu'elle deust estre eternelle, prendroit son changement, & puis seroit ruinee: ores qu'elle ne changeast ses loix: comme toutes autres choses, disoit-il, qui sont en ce monde. de sorte qu'il semble que toutes les belles loix & ordōnances, ny toute la sagesse, & vertu des hommes ne sçauroient empescher la ruine d'une Republique. Qui fut le seul poinct qui plus consola Pompee le grād, apres la iournee de Pharsale, estant resolu par les discours de Secundus Philosophe, qui luy meit deuant les yeux l'opinion de Platon: lequel n'attribue pas la ruine des Republiques aux influēces celestes, ny aux mouuemēs des astres, ains à la dissolution de l'harmonie de laquelle nous dirons cy apres. Plusieurs depuis ayāt reprouué l'aduis de Platon, ont voulu iuger des Republiques par les mouuemens celestes: mais il y a beaucoup de difficultez: qui ne seroyent pas si grādes, si les Republiques naissoient cōme les hōmes & autres choses naturelles. Et quand ores elles dependroiet totalement du ciel, apres Dieu, si est ce qu'il seroit mal-aisé d'ē faire iugemēt veu qu'il y a tant d'erreurs, & de cōtrarietez entre ceux qui font les Ephemerides, que bien souuēt on voit és vnes les Planettes directes, és autres retrogrades: & mesmes au mouuemēt de la Lune, qui est le plus notoire, il n'y en a pas vn qui s'accorde à l'autre. Et mesme Cypriā Leuice, qui a suiuy les tables d'Alphons, dequelles Copernic auoit mōstré l'erreur euidēt, a fait des fautes si apparentes, que les grandes conionctions se voyent vn ou deux moys apres son calcul. Et quoy que Mercator s'est efforcé par les Eclipses de rechercher plus soigneusement que nul autre: si est-ce que toutes ses recherches sont appuyees sus vne Hypothese, qui ne peut estre veritable: car il suppose qu'en la creation du monde le Soleil estoit au Signe du Lyon: suyuant l'opinion de Iulius Maternus, & contre l'aduis des Arabes, & de tous les Astrologues, qui escriuent que le Soleil estoit au Signe d'Aries. Or il est tout certain que ceux cy se sont mespris de six, Mercator de deux signes. car il est disertement commandé en la loy de ² Dieu de faire la solennité des paillōs à la

fin

fin de l'an, au x v. iour du septiesme mois, qui estoit au parauant le premier: ³ comme aussi estoit-il conuenable que Dieu ayant créé l'homme & tous les animaux en aage parfait, leur donnast aussi les fructs, tous meurs, & depuis les saisons n'ont pas chagé, comme Plutarque discourt gentilleme[n]t aux Symposiaques. Or s'il est ainsi que l'an commence où il finist, & que la fin est le quatorze du septiesme mois, il faut bien conclure que le Soleil estoit en la libure: car la loy de Dieu porte ces ⁴ mots, que le mois Abib deslors en auant seroit le premier: parce que il auoit tiré son peuple d'Ægypte ce mois là, qui est le mois de Mars: & Tisri le septiesme, qui est le mois de Septembre: & quant à ce poinct, il est sans difficulté entre les Hebreux. Et de fait les Ægyptiens, tousiours ont tenu le mois de Septembre pour le premier de l'an. Encores moins y a-il d'apparence de iuger les changemens d'estats par la fondation des villes, comme plusieurs font aussi des maisons deuant que getter les fondemens, pour empescher qu'elles ne soient bruslees, ou rasees, ou qu'elles ne tombent du malcaduc: qui est vne folie extreme: comme si la nature deuoit obeïr aux choses artificielles. la loy dit bien, qu'il faut prendre garde à l'aage des maisons, pour en faire l'estimation: ce que le Docteur ⁵ Cuias a pris pour la grandeur des maisons, quand la ⁶ loy dit *deductis atatibus*, à quoy le Iurisconsulte ne pensa onques: car il veut dire que les maisons selon leurs estofes estoïent estimees à plusieurs aagee: comme si la maison estoit de blocage, du iour de sa construction, on estimoit qu'elle dureroit octante ans: de sorte que si elle auoit cousté cent escus à bastir, quarante ans apres estant bruslee on diminuait le prix de moitié. & celle de tuille estoit iugée comme perpetuelle, comme il se peut voir en Vitruue, & en ⁷ Pline, qui appelle les murailles de tuille cuite au feu *Parietes aternos*. mais il y a vne absurdité plus grande, de prendre le Thesme celeste d'une muraille, pour iuger d'une Republique: cōme Marc Varrō, qui fist dresser l'Horoscope de la ville Rome, par L. Taruntius Firmianus, ainsi que Plutarque, & Antimachus Lyrius ont escrit: mais ce fut en retrogradant, & iugeant, comme il disoit, la cause par les effects, & les diuers accidens aduenus en sept cens ans: & par ce moyen il trouua que la ville estoit bastie l'annee troisieme de la sixiesme Olympiade le vingt & vn iour d'Auril, vn peu deuant trois heures apres midy: estant Saturne, Mars, & Venus au Scorpion, Iuppiter aux poissons, le Soleil au Taureau, la Lune en la libure, lors que Romule auoit dixhuiet ans: & la Vierge au Leuant, & les Iumeaux au cœur du Ciel, qui sont les deux Signes de Mercure, & qui montrent les actions des hommes mercuriaux, qui n'approche ny pres, ny loin du peuple le plus belliqueux du monde. combien que l'Horoscope n'est pas seulement faux, ains aussi impossible par nature: car il met Venus opposite au Soleil, qui ne s'esloigne iamais du Soleil de quarante huiet degrez. ce qui seroit excusable, si cela c'estoit fait

3. in eo conueniūt interpretes Hebrei Iosephus cap. 3. lib. 1. antiquit. Rabi Eleazar in genesim Rabi Abraham aben Esra in 7. cap. Danielis.
4 Exodi 12.

5. lib. 9. obseruat. 6. l. dom^o de leg. 1.

7. lib. 35. cap. 14.

Erreur du thesme celeste des villes.

par oubliance, comme il est aduenue a Oger Ferrier, excellent Iatromathematicien, lequel au liure des Iugemens Astronomiques, a mis Venus & Mercure opposites, & l'un, & l'autre au Soleil: chose incompatible par nature: car luy mesme est d'accord que Mercure ne s'esloigne iamais de trente six degrez du Soleil. Vray est que Iean Pic Prince de la Mirande fondé sur ceste maxime, a repris sans cause Iulius Maternus, de ce qu'il pose le Soleil en la premiere, & Mercure en la dixiesme, qui seroit, dit-il, reculer Mercure loing du Soleil de trois signes, sans prendre garde à l'inclination de la boule, qui peut estre telle, que Mercure soit en la dixiesme, & le Soleil en la premiere, & ne seront pas esloignez l'un de l'autre de trente six degrez. Encores y a il vne absurdité plus grande au thesme de Tarunce, en ce qu'il met le soleil au taureau le vingt & vn Aupil, qui n'y entroit pas alors le trente Aupil. Combien que c'est chose encore plus ridicule, de prendre l'horoscope d'une ville, pour iuger d'une Republique: veu que nous auons monstré, que souuent les villes ont esté rasees, demeurant la Republique en son entier: comme fut Carthage: & les Republiques ruinees, demeurant les villes en leur estat. Et neantmoins Lucas Gaurica recueilli plusieurs horoscopes des plus grandes villes, sans propos, ny apparence: & mesmes il est du tout differend en celuy de Rome au thesme erigé par Tarunce. Je ne m'arrestcray donc point à telles opinions: & moins encores au dire de Cardan, qui soutient que la derniere estoille de la grand Ourse, a causé tous les grands empires: & qu'elle fut verticale à la naissance de Rome: & puis qu'elle a transporté l'empire à Constantinople: & delà en France: puis en Almaine: & plusieurs s'arrestent là, sans regarder de quel cerueau procede ceste resuerie. Et d'autant qu'il veut esbloüyr les yeux de ceux qui n'y prennent pas garde, il est besoin de regetter son dire par vne absurdité qui s'en ensuit. car il veut que l'estoille, qu'il dit, soit verticale, & le soleil à midy, comme il suppose qu'elle estoit à la fondation de Rome. Or il est bien certain, puis que ceste estoille est maintenant au vingt & vn de la Vierge, qu'elle estoit alors au dixneuf du Lyon, prenant la proportion du mouuement des estoilles fixes, & tous sont d'accord, que la fondation de Rome est au vingt & vn iour du mois d'Aupil, qui tient le neuf degré du Taureau, & alors le dixneuf du Belier. Il est donc impossible qu'elle fust verticale, le soleil estant au Meridien de Rome, & s'en falloit quatre signes entiers, & vingt degrez d'auantage: qui est vn erreur notable. Et neantmoins il ne peut nier, que ceste estoille depuis cinq mil cinq cens ans, n'ait esté verticale à plusieurs peuples. Mais pour obuier à cela, il dit que l'empire n'est deu qu'à vne Republique: pourquoy donc à l'une plus qu'à l'autre? Encores est-ce chose plus estrange de dire, que la mesme estoille a donné l'empire à Constantinople: veu que la ville estoit bastie plus de neuf cens ans au parauant que l'empire y fust translaté. Ioint aussi que l'horoscope de la ville de Constantinople, trouué en la

librai-

librairie du Pape au Vatican en lettres Grecques, ainsi que Porphyre le calcula, extrait par l'Euesque Lucas Gauric, porte le soleil au xvii. du Taureau, la lune au cinquiesme du Lyon: Saturne au vingt du Cancrè: Iuppiter, & Venus conioints au mesme signe: Mars au douze: Mercure au premier des Iumeaux: le cueur du Ciel au Verseau: & le xxiii. des Iumeaux au Leuant: & met que ce fut au Lundy, deux heures apres le soleil leuant. Il s'en trouue vn autre extrait aussi du Vatican, pour la mesme ville, dressé par Valens d'Antioche, plus tard de xl. minutes. En quoy le bō Euesque Gauric, pour venir à son compte, suppose qu'elle est bastie D C. xxxviii. ans apres Iesus Christ: & neantmoins, tous les historiens sont d'accord qu'elle fleurissoit plus de cinq cens au parauāt que Iesus Christ fust nay: & fait tōber la prise de Cōstantinople par les Turcs l'an M. cccc. xxx. & neātmoins chacun sçait q̄ Mehemet le grād la forçā l'an M. cccc. liii. le xxx. iour de May. Et la mesme ville fut dixhuit cens ans au parauāt prise par les anciēs Gaulois, qui lors y establirēt le royaume de Thrace, cōme dit Polybe gouuerneur de Scipion l'Africain, & dura ce royaume establi des Gaulois iusques au temps de Clyarus: Et depuis elle fut aussi prise par Pausanias ⁴ Roy de Lacedemone: & encores depuis elle fut assiegee, & forcee par Alcibiade: comme nous lisons en Plutarque: & long temps apres assiegee trois ans entiers, & forcee par l'armee de l'Empereur Seuerus, qui la rasa de fond en comble, & meit au tranchant de l'espee tous les habitans, donnant le territoire aux Perinthiens. & depuis elle fut rebatie, & repeuplee, & apres le siege de l'Empire y fut translaté par Constantin le grand: & depuis encores assiegee & forcee par Galien Empereur, & tous les habitans tuez: & en fin les Empereurs d'Orient y continuerent iusques à ce que les François, & Flamens, sous la conduite de Baudouin Comte de Flandres, s'en saisirent, y tenant l'empire cinquante ans. Et toutesfois Gauric n'a fait ny mise, ny recepte de tous ces changemēs: & ne s'accorde aucunement ny avec les histoires, ny avec Cardan. Mais c'est bien merueille que l'estoilé de Cardan a eu tant de puissance d'ottroyer les empires du monde, en Italie, en Grece, en France, en Almayne, lors qu'elle a esté verticale, & qu'elle n'a eu aucune puissance sus les royaumes de Noruege, & de Suede, où elle est, non seulement verticale le Soleil estant au midy au mois d'Aoust: ains aussi perpendiculaire: & neantmoins eloignee de Rome, & de Cōstantinople en latitude de douze degrez pour le moins. Mais pourquoy Cardan donnera il plus de puissance à ceste estoile là, qu'aux plus illustres? pourquoy le roitelet ou le cueur du Lyon, la plus grande qui soit, le grand chien, la Meduse, l'espi de la vierge, le Vautour, & autres infinies n'auront rien? il ne rend aucune raison. Il sufira pour ceste heure, d'auoir regretté ces erreurs si grossiers, qu'on y voit le iour au trauers. Et d'autāt que ce seroit chose infinie, d'eplucher tous les autres par le menu: ie toucheray seulement, ceux qui ont esté en reputatiō d'auoir micux entēdu les iugemens

⁴. Thucidide.

Erreur de Cardan.

du ciel, pour les chāgemēs des Republiques : entre lesquels a esté Pierre d'Arliac Chancelier de Paris, & depuis Cardinal l'an M. C C C C X V I. qui a rapporté les naissances, changemens, & ruines des Republiques, & des religions, aux cōionctions des hautes planettes: & duquel Iean Pic Prince de la Mirande, prend les hypotheses pour certaines, sans autrement se enquerir plus auant de la verité: combien que de trēte & six grandes cōionctions que le Cardinal a remarquez depuis cent & quinze ans apres la creation du monde iusques à l'an de Iesus Christ, mil trois cens octante cinq, il ne s'en trouue pas six veritables, Leupolde, Alcabice, & Ptolemee, ont aussi attribué les mouuemens des peuples, les guerres, pestes, famines, deluges, changemens d'estats, & de Republiques aux grandes conionctions des hautes planettes: comme à la verité elles n'aduient iamais, que les effects ne se cognoissent au doigt, & à l'œil, avec vn estōnement des plus sages: ores que cela ne tire apres soy aucune necessité: mais quelque chose que ce soit il ne faut pas suiure le Cardinal d'Arliac, qui prend la racine des grandes conionctions au temps de la creation du monde, supposant à son compte qu'il y a sept mil cent cinquante & huit ans: suiuant l'erreur d'Alphons, qui est reprouué de tous les Hebrieux, & maintenant d'un cōmun consentement de toutes les Eglises, qui s'arrestoient anciennement au compte de Bedas, & d'Eusebe, où il y a faute de plus de quinze cens ans: & à present, on tient le cacul de Philon Hebrieu, qui porte cinq mil cinq cens quarante deux ans, comme celuy qui est moyen entre Ioseph, & les autres Hebrieux. Et par ainsi c'est vn erreur insupportable, de suposer la grande conionction des trois hautes planettes, l'an de la creation trois cens vingts, & poser qu'il y eust à present sept mil cent dix huit ans: c'est à dire douze cēs ans deuant que le monde fust créé: & poser en l'horoscope de la creation du monde le premier degré du Cancre, le Soleil au dixneuf du belier, la Lune au troisiēme du Taureau, Saturne au vingt & vn du verseau: Iuppiter au vingt huit des poissons, Mars au xxviii. du Scorpion, Venus au xxvii. du Taureau, Mercure au quinze des Iumeaux. qui se trouuera du tout faux. prenant la verité de l'histoire sacree. mais bien peut on en retrogradant, & prenant les conionctions de l'ordre, continuer iusques au commencement du monde, tenāt le compte des Hebrieux, & vser des tables de Copernic, qui a diligēment corrigé les erreurs d'Alphons & des Arabes. Et ne se faut pas arrester à la grande conionction des deux plus hautes planettes, au premier point du belier ce qui iamais n'est adueni: ny par le calcul d'Alphons, ny aux conionctions rapportees par le Cardinal d'Arliac: combien que l'an mil neuf cens & neuf de Iesus Christ, au degré neufliesme du belier se fera la grand conionction. Et l'an mil cinq cens octante quatre. Saturne & Mats se ioindront au premier point, & xlvj. minutes du belier: & Iuppiter au mesme signe, mais toutesfois esloigné de douze degrez. avec le Soleil, & Mercure. Et ne retournent au mesme point, sinon en

neuf

Erreurs du cardinal d'Arliac.

neufcens cinquante & trois ans, & x c i. iour: lequel nombre si on tire en retrogradant des ans du monde, quand vne grande conionction est aduenue, on trouuera quasi semblables effectz, & changemens. comme si nous prenons que l'an M.D.xxiiii. l'annee de la creatiō fust cinq mil quatre cens nonante six, qui est celuy de Philon Hebrieu, en tirant neufcens LIII. ans & x c i. iour quatre fois on trouuera que seize cens octante deux ans & trois mois se fist la conionctiō grande de Saturne, Iuppiter, Mars, au signe des poissons: lors que le deluge du mōde aduint, & telle qu'elle fut l'an M.D.xxiiii. alors que tous les Astrologues d'Asie, d'Afrique, & d'Europe predisoient aussi le deluge vniuersel: & s'ē trouua plusieurs mescreās qui firent des arches pour se sauuer, & mesmes à Touloze le President Auriol, quoy qu'on leur preschast la promesse de Dieu, & son serment de ne faire perir les hommes par deluge. Il est bien vray que l'ānee apporta de grāds orages, & inondations d'eaux en plusieurs pais. & toutesfois pas vn Astrologue n'a pris garde à la cōionction que i'ay dit estre aduenue l'ānee du deluge: qu'ils pensoient estre aduenue deux mil deux cens x l i. ans apres la creation, & supposent que cela aduint apres la troisieme conionction grande, chose impossible: car les ans du monde iusques au deluge sont bien iustifiez par le texte de la Bible, c'est à sçauoir xvi. cens lvi. mais l'erreur, & obscurité des ans, est depuis le deluge iusques à la premiere Olympiade. si donc nous adioustons au nombre de Philon trente six ans d'auantage, la grande conionction se trouuera l'annee du deluge. Ioseph met deux cens ans plus que Philon: les autres Hebrieux cēt l x. ans moins. Si les Arabes, & Alfons, eussent pris le vray calcul des ans du monde & en ceste façon, & remarqué les grandes cōionctions en retrogradant, & raporté l'vn & l'autre à la verité des histoires, peut estre qu'on eust plus exactemēt verifié les ans du monde, & la science eust esté plus certaine des chāgemens, & ruines des Republiques par les mouuemens celestes. Mais ceux qui ont supposé l'horoscope du mōde à leur plaisir, comme i'ay dit, & fondé leurs conionctions sus vn faux principe, il est impossible qu'ils puissent ny bien sçauoir les conionctions, ny rien asseurer des changemēs des Republiques. Ce que i'ay dit des grandes conionctions, se peut aussi dire des moyennes, qui aduiennent en deux cens quarante ans, & des moindres, qui aduiennent de vingt en vingt ans, qui ont les effectz plus grands, si les regards des autres planettes, eclipses, ou conionctions y sont meslees. Les anciens ayans remarqué les changemens notables des Republiques, mouuemens de peuples, inondations, pestes, maladies, famines estranges qui aduenoyēt apres telles conionctions, en vn pays plustost qu'en vn autre, ont par ce moyen decouuert la proprieté des signes, & la triplicité conuenable aux regions: mais il estoit impossible, en si peu de temps qu'il y a que le mōde a pris origine, & en si peu d'obseruations en auoir la demonstration. Car mesme Ptolemee n'a peu rien auoir des Caldeans & des mouuemēs

celestes, que depuis Senacherib Roy d'Assyrie, qui n'est que six cens ans deuant Iesus Christ, & avec peu d'assurance des histoires. C'est pourquoy il ne se faut pas fort arrester au libure quadripartite attribué à Ptolemee, qui toutesfois ne tient rien de son stile, où il donne la triplicité de feu à l'Europe, & à la partie du monde qui est entre le Ponent, & la bize: & à l'Asie Orientale & Septentrionale la triplicité de l'air: & à l'Afrique la triplicité de l'eau: & à l'Asie Meridionale la triplicité de la terre. d'autant qu'il se voit par le discours des histoires, que les effects des hautes conionctions n'ont pas respondu aux regions qu'on auoit designees. Car de dire que les estoiles fixes ayans changé leurs signes, ont changé les triplicitez des regions, c'est abuser de la science, & faudroit aussi ruiner les principes, & maximes d'Astrologie, qu'on voit estre semblables es horoscopes humains, & tels qu'ils estoient il y a deux mil ans: comme Cardan mesme confesse, prenant les maximes de Ptolemee, qui les auoit des Egyptiens, & Caldeans. & toutesfois il a bien osé escrire, que pour ce changement les Espaignols, Anglois, Escossois, & Normans, qui estoient, dit-il, anciennement doux, & humains, sont à present larrons, & malicieux, d'autant qu'ils estoient sugets à l'archer, & maintenant au Scorpion. mais il merite qu'on luy responde ce que fist le capitaine Cassius à vn Astrologue Caldean, qui luy conseilloit de ne combattre point les Parthes, iusques à ce que la Lune eust passé le Scorpion: Je ne crains pas dist alors Cassius, les Scorpions, mais bien les archers: d'autant que l'armee des Romains auoit esté defaite en la pleine de Caldee par les archers des Parthes. Et si l'opinion de Cardan estoit veritable, la nature de ce monde, & de tous les peuples seroit aussi alteree. Et neantmoins on voit que les proprietiez attribuees par les anciens aux nations, n'ont point changé. Les hommes de Septentrion sont beaux, gaillards, robustes, hauts, blonds, velus, belliqueux, grossiers d'esprit, grands beueurs, ayans les yeux verts, la voix grosse, sugets aux gouttes, surditez, & aueuglissemens. Vitruue, Tacite, Pline, Cesar, Strabon, rendent ce tesmoignage de leur temps. au contraire les peuples d'Afrique, & Meridionaux, sont comme ils ont tousiours esté, petits, noirs, meigres, crespus ayans les yeux, & cheueux noirs, & peu de poil, foibles, sobres, melancoliques, sugets aux frenesies, escroüelles, & ladreries, & au reste fort ingenieux. Aussi voit on quatre ou cinq ans deuant le changement de la Republique Romaine en Monarchie sous la puissance de Cesar, & alors que toute l'Europe estoit en armes que la grande conionction se fist au Scorpion. la mesme conionction se fist l'an D C. x x x. alors que les Arabes publiant la doctrine de Mehemet, se rebellerent contre les Empereurs de Constantinople, & changerent les Republiques, les langues, les meurs, les religions en l'Asie Orientale. où lon voit euidamment que la triplicité aquatique, a aussi bien ses effects en l'Europe qu'en l'Asie Meridionale, regions contraires: Et la mesme conionction se fist au mesme signe l'ã mil CCC. LXXIII.

apres

Rencontre de
Cassius contre
vn Caldean.

J. Plutar. in Craff.

Notables con-
ionctions.

apres laquelle plusieurs changemens de Princes ; plusieurs guerres s'esmeurent par les sugets cōtre leurs princes, en plusieurs pays d'Asie, d'Afrique, & d'Europe. Zadamach Roy des Tartares fut chassé par les siens, Henry v. Roy d'Angleterre fut pris, & decapité par son suget. Edouard III. & Frideric III. Empereur chassé d'Hongrie par Matthieu Corbin Roy esleu fils d'un simple capitaine. Loüys XI. Roy de France assiegé par ses sugets en sa ville capitale, & presque reduit à l'extremité de perdre son estat. au mesme temps Scander esclaue du Roy des Turcs, se reuolta, & luy vola deux gouuernemens. mais la conionction des hautes planetes, monstre ses effets plus au Scorpion, qui est un signe Martial, qu'aux autres: & mesmement s'il aduient que Mars y soit, ou pour le moins, q'il vne des autres planettes soit conioincte, ou opposite. Nous voyons aussi la grāde conionction au signe de l'archer l'an LXXIII. apres Iesus Christ, que toute la Palestine fut saccagee, la ville de Hierusalem rasée, & mise à feu & à sang, & XI. cēs mil morts en ceste guerre. au mesme tēps on voit en Europe les guerres ciuiles, la mort violente de quatre Empereurs en un an, & deux cens XL. ans apres, on voit la conionction des mesmes planettes au mibou: & les changemens notables de l'Empire faict par Constantin le grand, lequel apres auoir tué quatre Empereurs, & auoir changé l'Empire d'Occident en Orient, arracha la superstition Payenne. On voit aussi qu'apres la conionction des mesmes planettes au verseau l'an quatre cens trēte, les Goths, Ostrogoths, Francons, Gepides, Herules, Hongres, & autres peuples de Septentrion se deborderent, & occuperent les gouuernemens de l'empire Romain, & saccagerent mesmes l'Italie, & la ville capitale. On voit encores la grande conionction qui se fist l'an M.D.XXIII. & au mesmes temps tous les Princes liguez contre le Roy de France, qui fut pris: les peuples d'Almaigne armez contre les Seigneurs, où il fut tué cent mil hommes: l'armee des Turcs cōtre les Chrestiens à l'Isle de Rhodes, qui fut prise, & les debordemens estranges des eaux, qui se firent en plusieurs lieux. Outre cela, on peut voir, qu'apres la grande conionction au Lyon, l'an sept cens soixante neuf Charlemaigne ruina l'estat des Lombars, print leur Roy, assugetit l'Italie. Et au mesme temps on voit les peuples de Pouloigne esleurent le premier roy, & plusieurs autres changemens notables, & signalez. Et quarante ans apres, la mesme conionction aduint au signe de l'archer, lors que les Mores saccagerent plusieurs pays, enuahirent partie de la Grece, coururent l'Italie, & les Danois eurent plusieurs guerres ciuiles, & quasi au mesme temps Charlemaigne se fist Seigneur des Almailnes, osta la superstition des Payans en Saxe, & changea toutes les Republiques, & principautez d'Almaigne, & d'Hongrie, qu'il assugetit à sa puissance. Il aduint avec ceste grāde conionction quatre eclyses, ce qui n'est depuis adueni que sept cens trente six ans apres, c'est à sçauoir l'an mil cinq cens quarante quatre, auquel temps peut estre on eust veu de plus notables changemens, si

en l'annee 1000
il y eust un
eclipse de
au mois d'Avril
l'annee 1000
l'annee 1000
l'annee 1000
l'annee 1000
l'annee 1000

Erreur de Leouice.

la grande conionction, qui aduint l'année suivante, au Scorpion fust aduenüe la mesme année. Et neantmoins toute l'Almaigne fut en guerre, qui dura sept ans. Brief s'il y a quelque science des choses celestes pour les changemens des Republicques, il faut voir les rencontres des hautes planettes depuis quinze cens septante ans, les conionctions, eclipses, & regards des basses planettes, & des estoiles fixes, lors que ce sont faictes les grandes conionctions, & les rapporter à la verité de l'histoire, & des temps, & aux conionctions precedentes: & ne s'arrester du tout à l'opinion de ceux qui ont determiné les triplicitez aux regions, que j'ay verifié cy dessus par exemples euidens, n'estre pas asseurée: mais bien à la nature des signes, & des planettes. Et toutesfois rapporter les causes, & les effets d'icelles au grand Dieu de nature, & non pas l'asseruir à ses creatures, comme Cyprian Leouice, qui asseure par ses escripts, que la fin de ce monde viendra l'an mil cinq cens octante & quatre. *Procul dubio*, dit-il, *alterum aduentum filij Dei, & hominis in maiestate gloriæ suæ prænuntiat*. Puis qu'il asseure si fort, qu'on n'en doit aucunement douter, pourquoy a il taillé des ephemerides pour trente ans apres la fin du monde? Les Hebrieux tiennent, que de sept en sept mil ans, toutes les Republicques, avec le monde elementaire perist, & se repose mil ans: puis apres que Dieu renouelle ce qui estoit peri: & que cela se fait par sept fois qui font quarante neuf mil ans complets: & alors que le monde elementaire, & celeste, prend aussi fin avec tous ses corps demeurant la majesté du grand Dieu, eternal avec tous les esprits bien-heureux. Et de fait les Arabes, & Mores ont decouuert depuis quatre cens ans, que le mouuement tremblant de l'huitiesme orbe n'accomplist sa reuolution sinon en sept mil ans precisément: & le ix. en quarante neuf mil ans, & Jean de Realmont en a fait la demonstration depuis quatre vingt ans, duquel mouuement, ny les Caldeans, ny les Ægyptiens, n'auoient peu scauoir la verité: & neantmoins cela nous est clairement figuré tant par les dix courtines du tabernacle, qui signifient les dix cieux mobiles, qu'on ne mettoit anciennement que pour huit: que par le texte formel de la loy de Dieu, parlant du repos de l'an septiesme, & du retour des heritages apres quarante neuf ans. que Leon Hebrieu rapporte à sept mil & quarante neuf mil ans. Mais quoy que les Hebrieux ayent eu les beaux secrets de Nature, & que leur opinion retranche l'impieté de ceux qui tiennent l'éternité du monde, ou l'oyssiueré du createur, si n'ont ils iamais asseuré ces choses là, pour donner place au vouloir de Dieu, qui tient les causes, & destinees en sa main: ainsi qu'il a bien montré par le deluge vniuersel aduenü seize cens cinquante & six ans apres la creation du nouveau monde. Mais Leouice ne voit pas que depuis la creation du monde iusques à l'an mil cinq cens soixante & quatre, il y a deux cens soixante & dixhuiet conionctions des deux hautes planettes: entre lesquelles il y en a vingt-trois grandes, & plusieurs notables con-

coniōctions des moindres planettes, & l'an mil cinq cens vingt-quatre. la conionction se fist au mesme signe, qu'elle se fera l'an mil cinq cens ostante trois. car l'annee suiuaute il n'y a point de cōionction, quoy que il die, des trois hautes planettes, ains seulement de Mars, & Saturne au second degre du belier, & Iuppiter en est esloigné de douze degrez, qui n'emporte conionction ny par cētre, ny par extremité des globes. ioint aussi que Leouice s'abuse suiuant l'erreur vulgaire, qui a tousiours embrouillé les Astrologues és predictions de l'annee: d'autant qu'ils supposent que la creation se fist au signe du belier: ce qui est impossible, si on ne veut arguer de faux la loy de Dieu, & mesmes les antiquitez des Ægyptiens, comme nous auons monstré cy dessus. & si bien on prend garde aux grands, & notables changemens des estats, & Republiques, on trouuera que la pluspart se fait enuiron le moys de Septembre où la loy de Dieu met le commencement du monde au signe de la libure. la victoire d'Auguste contre ⁶ Marc Antoine, fut le second iour de Septembre: où il estoit question du plus grand Empire qui fut iamais, & debatue avec les plus grandes forces, qui furent onques assemblees en guerre quelconque. Paul Æmyl changea le grand Royaume de Macedoine, en plusieurs estats populaires, & emmena prisonnier le Roy Perseus captif en Rome, ayant eu victoire le troisieme iour ⁷ de Septembre. Sultan Suleyman en pareil iour print Bude, ville capitale d'Hongrie, & la pluspart du Royaume. en pareil ⁸ iour Roderic Roy d'Espagne, fut vaincu, & chassé de son estat par les Mores. ce qui apporta vn notable changement en toute l'Espagne. en mesme iour Louÿs ⁹ Roy de Frâce print la ville de Milan, & le Duc Louÿs Sforce & le depouilla de l'estat. en mesme iour l'Empereur ¹ Charles v. print la ville d'Alger. le iour quatriesme Septembre Sultan Suleyman mourut deuant Seget, & le septiesme la ville fut prise. Hierusalem fut aussi prise le septiesme ² iour du moys de Septembre: & le iour suiuant, ³ Sigismond pere d'Auguste, Roy de Pouloigne, mit en route l'armee des Moschouites. le iour ⁴ d'apres, Iaques Roy d'Escoffe fut tué par les Anglois en bataille, & la pluspart de la noblesse d'Escoffe. Aussi lisons nous que l'onzieme iour de Septembre, les Paleologues prindrent la ville de Constantinoble, & en chasserent les Comtes de Flandres, qui auoient tenu l'Empire cinquante & six ans. & la iournee de Marignan, où l'armee des Suisses fut defaite, estoit le ⁵ x i i. Septēbre. & au mesme iour l'armee des Turcs mit le siege deuant la ville de Vienne. & le ⁶ x v i i. iour Septembre le Roy Ian fut pris, & l'armee de France mise en route par les Anglois, & le iour precedent fut la paix arrestee, & conclue à Soissons entre le Roy de France, & l'Empereur, estant l'un & l'autre au hazard de son estat: & ce qui fait encores plus à remarquer, est que la grande conionction aduint le mesme iour, moys, & an du traicté. Nous trouuons aussi que l'an M. C. L. x x x v i. au moys de Septembre les hautes & basses

La creation du monde se fist le Soleil estant en la Liure.

6. Sueton. de Dio.

7. Liuius lib. 45.
Plutar. in Æmil.
8. Cælius. 1. far.
9. cronique de Frâ
ce.

1. Benth.

2. Ioseph.
3. Gromer.

4. L. Sur.

Traité de paix
memorable.

Le Roy Charles ix. & Henry Roy de Suede en mesme iour, mois, & an, furent en extreme danger.

planettes furent conioinctes : alors que les Astrologues d'Orient, par lettres escriptes de tous costez, cōme dit la chronique S. Denis, menasserent tous les peuples des changemens de Republicques, qui depuis aduindrēt. vray est que l'historiē a failli en ce qu'il dit qu'il y eut aussi eclipse de Soleil le x i. Auri, & le v. du mois eclipse de lune, chose impossible par nature. Nous voyons aussi que le x x v i i. iour de Septembre, Charles ix. Roy de France fut assailli pres de Meaux, & à grande peine se sauua. au mesme iour, mois, & an, Henry Roy de Suede fut depouillé de son estat, & constitué prisonnier par ses fugers. le x x v i i i. où il est encores, Payazet defist l'armee des Chrestiens de trois cens mil hommes à la iournee de Nicopolis, & le mesme iour, Saladin print la ville de Hierusalem, au temps que l'Empereur Vespasian l'auoit prise. Aussi trouuons nous plusieurs grands Princes, & Monarques morts en ce mois, à sçauoir Auguste, Tibere, Vespasian, Tite, Domitian, Aurelian, Theodose le grand, Gratian, Basile, Constantin v. Leon i i i i. Rol, Frideric i i i. Charles v. Empereurs, Charles v. surnommé le sage, Pepin, Louys le ieune, Philippe i i i. & infinis autres des plus illustres Monarques que ie laisse. Encores est-il notable que Sultan Suleyman, & Charles v. Empereur, les deux plus grands Princes qui ayent esté de plusieurs siecles, sont naiz en mesme annee, & morts aussi le mois de Septembre. Antonin Debonaire, & François i. tous deux grands Monarques, & des plus illustres nasquirent ce mesme mois & tous deux moururent en Mars qui a le signe directement opposité à la Liure : & Auguste Octaue y naquit, & y mourut. ⁵ Nous lisons aussi que les plus grands tremblemens de terre qui ont iamais esté, sont aduenus au mois de Septembre : comme celui qui aduint l'an mil cinq cens neuf à Constantinople, où moururent. ⁶ x i i i. mil hommes : ce qui estoit aussi aduenu en la mesme ville, au mesme mois l'an quatre cens septante neuf, ⁷ & ce grand tremblement qui esbranla toute la terre habitable l'an cinq cens quarante cinq aduint le v i. iour de Septembre. & le second iour de Septembre lors de la iournee actiaque, le trēblement de terre en la Palestine tua dix mil personnes. ⁸ Et quelquesfois ces notables changemens aduiennent sus la fin du mois d'Aoust, quand la Lune de Septēbre preuient l'entree du Soleil au signe de la Liure. qui sont tous arguments, qui monstrent que tout ainsi que le monde fut créé au mois de Septembre le Soleil estant en la Liure i. degré comme nous auons dit, aussi les changemens notables aduiennent au mois de Septembre, & non pas au mois de Mars, sus lequel Leouice a fondé la fin du monde. La loy de Dieu appelle faux prophetes & defend de craindre ceux qui predisent, & asseurent les choses, qui puis apres n'aduiennent point. Or Leouice auoit predict pour chose asseuree que Maximilian Empereur seroit Monarque de l'Europe, pour chastier la tyrannie des autres Princes (desquels il pouuoit escrire plus modestement) ce qui n'est point encores aduenu, & n'y a pas grande apparence

5. Gellius lib. 15. c. Suet. 5. in August.

6. Cuspin.

7. Jordan. in annalib.

8. Iosepus.

rence qu'il puisse aduenir. mais il n'auoit pas predit ce qui aduint vn an apres sa prophetie, que Sultan Suleymá deuoit assieger, & forcer la plus forte place de l'empire, voire de l'Europe & à la veuë de l'Empereur, & de l'armee de l'empire, sans aucun empeschemēt. monstrât biē qu'il ne se falloit pas asseurer sus la prophetie de Luther, qui a laissé par escrit que la puissance des Turcs iroit deslors en auant en diminuant, qui croist plus qu'elle ne fist onques. Mais c'est merueilles que Leouice n'auoit riē veu au changement estrange, de trois Royaumes de ses proches voisins : cōment pourroit-il auoir cogneu la fin du mōde, qui ne fut onques reuelee aux anges? Car pour toute raison il ne dit autre chose, sinon qu'il faut que la religion de Iesus Christ, & le monde prenne fin sous la triplicité aquatique, puisque Iesus Christ nasquit sous la triplicité aquatique: voulāt inferer vn autre deluge: en quoy il n'y a pas moins d'impieté que d'ignorāce: soit qu'on tienne la maxime des Astrologues, qui disent que iamais planette ne ruina sa maison: or il est certain que Iupiter est aux poissons en la grāde conionctiō de l'an M.D.LXXXIII. & LXXXIII. & que la conionctiō de ses deux planettes est tousiours amiable: soit qu'on prenne l'auctorité de Platon au Timee, & des Hebrieux, qui disent que la corruption du monde se fait successiuemēt par eau, puis par feu: soit que nous arrestons, comme il faut, à la promesse de Dieu,⁸ qui ne peut mentir. Mais tout ainsi qu'il ne faut pas asseurer temerairement des changemens & ruines des monarchies & Republiques: aussi ne peut on nier, qu'il n'y ait de grands & merueilleux effect̃s aux rencontres des hautes planettes, quand elles changent de triplicité, & mesmement si les trois hautes sont conioinctes, ou qu'il y ait concurrēce d'eclipses: comme il aduint le iour precedent la prise de Perseus Roy de Macedoine: & de la iournee d'Arbella en Caldee: qui emporta la ruine de deux grands monarques, & le changement de plusieurs Republiques: il apparut deux grandes eclipses. Et ceux qui mesprisent, ou ignorent les mouuemens celestes, s'esbahissent, & mesmement Polybe en son histoire s'esmerueille, que la cent & trentiesme Olympiade en vn mesme temps, on apperceut tout soudain nouueaux changemens de Princes presque en tout le mōde, à sçauoir Philippe le ieune estre fait Roy de Macedoine: Achæus Roy d'Asie, qu'il enuahit sur Antioque: Ptolemee Philopator Roy d'Egypte: Lycurgue le ieune, Roy de Lacedemonne: Antioque Roy de Sorie: Annibal capitaine en chef des Chartaginois: & quasi en mesme instant tous ces peuples en guerre l'un contre l'autre. Les Carthaginois contre les Romains: Ptolemee contre Antioque: les Acheans & Macedoniens contre les Aetoles & Spartiates. Ces grands changemens se voyent plus euidens apres la conionction des trois hautes planettes, aux signes du Soleil, ou de Mars: comme il aduint l'an M.D.LXIII. que les trois hautes planettes se trouuent conioinctes au Lyon avec le Soleil & Mercure: ce qui n'estoit adueni il y a pres de huiēt cēs ans: aussi on a veu

*Il n'est pas
plus d'aduer
S. l'indan au
S. l'indan au*

8. Genes. 7.

Cas estrange &
memorable.


depuis les mouuemens estranges en toute l'Europe. on a veu en mesme temps, en mesme année, en mesme mois, en mesme iour, que le xxvi. Septembre M.D.Lxv. Le Roy de France enuironné des Suisses, assailli, & en dâger d'estre pris par ses sugets: & le Roy Henri de Suede depouillé de son estat, & cōstitué prisonnier par les siens. & quasi au mesme tēps la Royne d'Escoffe prisonniere de ses sugets, & par eux condamnée à la mort: & le Roy de Thunis chassé par le Roy d'Alger: les Arabes esleuez contre le Turc: les Mores de Granade, & les Flamens contre le Roy Catholique: les Anglois contre leur Royne: toute la France en armes. La mesme conionction des trois hautes planettes estoit bien aduenue cent ans auparauant, à sçauoir l'an M.C.C.C.Lxiii. mais elle n'estoit pas si precise, ny au signe de Lyon: ains seulement au signe des Poissons. & neantmoins on aperceut tantost après tous les peuples en armes, non seulement des Princes entr'eux, ains aussi des sugets contre les Princes, cōme j'ay dit cy dessus. Quāt à ce que dit Copernic, que les changemēs & ruines des monarchies, sont causees du mouuement de l'eccentrique, cela ne merite point qu'on en face ny mise ny recepte: car il suppose deux choses absurdes: l'vne, que les influences viennent de la terre, & non pas du ciel: l'autre, que la terre souffre les mouuemens, que tous les Astrologues ont tousiours donné aux cieux, horsinis Eudoxe. encores est-il plus estrange de mettre le Soleil au centre du monde: & la terre à cinquante mil lieuës loing du centre: & faire que partie des cieux & des planettes, soient mobiles, & partie immobiles. Ptolemee regetta l'opiniō d'Eudoxe par arguments vraysemblables, ausquels Copernicus a bien respōdu: à quoy Melacthon seulement a repliqué de ce verset, *Dieu au ciel a posé, Palais bien composé, Au soleil pur & monde: Dont il sort ainsi beau, Cōme vn espoux nouveau. De son paré pourpris: Semble vn grand Prince à voir, S'esgayant pour auoir. D'une course le prix. D'un bout des cieux il part, Et atteint l'autre part. En vn iour, tant est viste.* Aussi pouuoit il dire que Iosué cōmanda au Soleil & à la Lune d'arrester leur cours. mais à tout cela on peut respondre que l'escripture l'accōmode à nostre sens: cōme quād la Lune est appellee le plus grād luminaire apres le Soleil, qui neantmoins est la plus petite de toutes les estoilles horsmis Mercure. mais il y a biē vne demōstration, de laquelle personne iusques icy n'a vsé cōtre Copernic, c'est à sçauoir, que iamais corps simple ne peut auoir qu'vn mouuemēt qui luy soit propre: cōme il est tout notoire par les principes de la science naturelle: puis donc que la terre est l'vn des corps simples, comme est le ciel & les quatre elemens: il faut necessairemēt conclure, qu'elle ne peut auoir qu'vn seul mouuement qui luy soit propre: & neantmoins Copernic luy en assigne trois tous differēs: desquels il n'y en peut auoir qu'vn propre: les autres seroient violents, chose impossible: & par mesme suite impossible que les changemens des Republiques viennent du mouuemēt de l'Eccētrique de la terre. Mais voyons l'opinion de Platō, qui

9 Psal. 19.


Erreur de Coper
nic.

1. Aristot. lib. 1 de cœ
lo.

qui dit que les Republiques viennent à se ruiner, quand l'harmonie défaut : & l'harmonie défaut quand on se depart de la quarte & de la quinte au nombre nuptial, lequel commence par l'vnité qui demeure vierge inuiolable, & s'estend és costez en proportion double, & triple, par nōbres, pairs, & impairs, ceux-cy males, ceux-là femelles : & le milieu rempli de nombres parfaits, imparfaits, quarrez cubiques, spheriques, surfolides, & en toute sorte de proportions autant qu'on les veut estendre, car la diuision du ton est infinie. Ainsi donc la Republique bien establie, se maintiendra tant que dureront les accords de l'vnité à dextre qui est le huitiesme, & de deux à trois, qui est la quinte, & de trois à quatre qui est la quarte, & de l'vnité à trois, qui est la quinzieme, où le système de tous accords est compris. mais si on passe outre de quatre à neuf, n'estant la proportion de ces deux nombres harmonieuse, il s'ensuit vn discord mal plaisant, qui gaste l'harmonie de la Republique. Voila à mon aduis ce que Platon a voulu dire, car nous n'auons encores personne qui ait esclarci ce poinct. & non sans cause on se plaint, qu'il n'y a rien plus obscur que les nombres de Platon. Car Forestier Aleman qui a pris la proportion triple & quadruple aux costez, est bié loing de son conte: car en ce faisant il ruine les fondemens du nombre nuptial, qui est en raison double & triple : & met semblable proportiō entre xxvii. & Lxiiii. comme entre trois & quatre: chose impossible par nature, & contre les fondemens de mathematique. Or il est bien certain que si on passe la quarte & la tierce, l'harmonie se perdra : mais qui empeschera de remplir le triangle du nombre nuptial, & continuer l'harmonie ? car les mesmes accords se trouuerōt que nous auons posez és quatres premiers nombres. ioint aussi que du mariage de deux & trois, s'engendre six, qui se trouue entre quatre & neuf, en mesme raison que deux à trois, qui est la quinte. & pareillemēt entre huit & xxvii. nous trouuons la proportiō & douceur harmonique: & entre seize & Lxxxi, se trouuerōt tous bons accords: & continuāt tousiours en estendāt les costez du triangle, il n'y aura iamais discord : en quoy faisant les Republiques seroient immuables & immortelles, si l'hypothese de Platon estoit veritable, que de l'harmonie des sons, depēd le changemēt ou ruine de la Republique: & que par necessité le discord est causé: ains plustost on doit craindre celà quand les citoyēs viennēt à foruoyer de l'harmonie naturelle des loix bien accordees, & des meurs bié composez aux loix & coustumes iniques & pernicieuses. Je ne veux pas toutesfoīs nier, que l'harmonie n'ait grād effect à chāger vne Republique, & en celà Platon & Aristote s'accordent tresbien, quoy que Ciceron pense qu'il soit impossible, que pour les brāles d'une Repub. changez, la Republique prenne chāgemēt. car nous en auons vn exemple memorable de la Republique des Cynethenes en Arcadie, laquelle ayāt laissé le plaisir de la musique, bien tost apres tomba en seditiōs, & guerres ciuiles, ausquelles il ne fut oubliē au-



Auis de Platon
touchant les chā
gemēs de Repu-
bliques.



Nōbre nuptial.

La musique a
grād plaisir à chā
ger ou retenir l'e-
stat.

2. Polyb lib. 4.

Le peuple de Frā
ce adouci par la
musique.
3. in epistola ad An-
tiochum.

4. in libris de legi-
bus & Republica.

Si on peut presu-
mer les change-
més par nōbres.

cune sorte de cruauté.² & cōme vn chacun s'estonoit, pourquoy ce peu-
ple là deuint si reuesche & si barbare, veu que tous les autres peuples
d'Arcadie estoient doux, traictables, & courtois à merueilles: Polybe a-
perceut le premier que c'estoit pour auoir laissé la musique, laquelle de
toute anciēneté auoit tousiours esté honorée & prisee en Arcadie plus
qu'en lieu du monde: de sorte que par les ordonnāces & coustumes du
pays, chacun debuoit s'exercer en icelle iusques à xxx. ans sur grandes
peines. qui fut le moyen, dit Polybe, que les premiers legislateurs de ce
peuple là trouuerent pour l'adoucir, & apriuoiser, estant de son naturel
barbare, comme tous habitans de montaignes, & pays froids. Nous
pouons, peut estre, faire semblable iugement des Gaulois, que Iu-
lian l'Empereur appelloit Barbares³ de son temps: & qu'on a veu depuis
les plus courtois, & traictables qui soient en l'Europe, dequoy les estrā-
gers mesmes s'emerveillent: car chacun sçait qu'il n'y a peuple qui plus
s'exerce à la musique: & qui chante plus doulcement. & qui plus est, il n'y
a presque branle en France qui ne soit Ionique, ou Lydien, c'est à dire,
du cinq ou septième ton, que Platon & Aristote defendent⁴ à la ieunes-
se, par ce qu'ils ont grāde force & puissance d'amolir & lascher les cueurs
des hommes: & vouloient exercer les enfans au Dorien, qui est le pre-
mier ton, pour les maintenir en certaine douceur accompagnée de gra-
uité, qui est propre au Dorien. La defense feroit meilleure en l'Asie mi-
neur, qui n'auoit autres branles que du cinq & septième ton, mesme-
ment au pays de Lydie, & Ionie: mais les peuples du pays de Septentrion
froids ou montueux, qui sont ordinairement plus sauuages, ou moins
courtois que les peuples de midy, & habitans és plaines, ne se peuuent
mieux apriuoiser & adoucir, qu'en vsant de l'harmonie Lydiene & Io-
nique: qui estoit aussi defendue en la primitive Eglise, & n'estoit permis
chanter louanges & Psalmes, que du premier ton: qui est encores à pre-
sent le plus frequent és Eglises. Et tout ainsi que les hommes desarment
les bestes sauuages, pour en venir à bout: aussi l'harmonie Lydiene & Io-
nique, desarme les plus farouches, & barbares nations du naturel sauua-
ge & cruel, & les rend doux & ployables: cōme il est aduenu aux Fran-
çois, qui peut estre n'eussent pas esté si domptables, & si obeissans aux
loix & ordonnances de ceste monarchie, si ce naturel que l'Empereur
Julian dit auoir esté si haut, & si peu souffrant la seruitude, n'eust esté a-
molli par la musique. Mais de toutes les reigles, soit de l'Astrologie, soit
de la musique, qu'on a trouuees pour iuger à l'aduenir des changemens,
& issues des Republicques, il n'y en a point de necessaire. Et toutesfois,
c'est bien chose merueilleuse de la sagesse de Dieu, qui a tellemēt dispo-
sé toutes choses par nōbres, que les Republicques mesmes, apres certai-
nes annees, prennent ordinairement fin: cōme il est besoin de monstrier,
ce que personne n'a fait par cy deuant, pour auoir quelque iugemēt des
changemens, & cheutes des Republicques: & faire entendre que les
choses

choses humaines ne vont pas fortuitement. & neantmoins Dieu par fois laissant le cours ordinaire des causes naturelles, passe par dessus, afin qu'on ne pense, que toutes choses viennent par fatale destinee. Je mettray seulement six ou sept nombres entre dix mil, qui le plus souuēt donnent changement aux Republiques, c'est à sçauoir, les nombres quarrez, & solides de sept & neuf, & ceux qui sont engendrez de la multiplication de ces deux nombres, & le nombre parfait de quatre cens nonante & six. Car tout ainsi que nous voyons entre les nombres doigts, le nombre de six, qui est nombre parfait, donner changement aux femelles, & le nombre de sept aux masses: aussi le nombre solide de sept, & les quarez multipliez par les septenaires sont significatifs des changemens ou ruines des Republiques. & tout ainsi que le nombre de sept & neuf, donne commencement à la naissance humaine: & le nombre resultant de la multiplication de l'un par l'autre, le plus souuent met fin à la vie des hommes: aussi le nombre D. C. C. X. X. qui est solide de neuf, tire apres soy bien souuent la fin ou changement notable des Republiques. Quāt au premier poinct, Seneque dit, *septimus quisque annus etati notam imprimit*: cela s'entend des masses seulement: car l'experience nous monstre à veuē d'œil, que le nombre de six apporte changement, & donne quelque marque aux femmes. & mesme la puberté qui est és homes à X I I I. n'est aux filles qu'à douze ans: & continuant de six en six, il se trouue quelque changement notable en elles, pour la disposition du corps ou de l'esprit. ioint aussi que Platon au nombre nuptial, attribue le nombre pair aux femelles, & le nōbre impair aux masses. Et pour ceste cause Plutarque dit, qu'on nommoit les masses au neuuiesme iour, par ce que le septième estoit plus d'agereux: & les filles le huitième: d'autant que le nombre pair, dit-il, est propre aux femelles. Pline dit aussi, que ceux qu'on faisoit mourir de faim en prison, ne passoient iamais le septième iour. Nous auons en Aristote plusieurs animaux qu'il racōte, qui ne passoiēt iamais le septième an. Et tous les anciēs ont remarqué, que le nōbre de L X I I I. qui est multiplié de sept par neuf, tire apres soy ordinairement la fin des vieillards. & mesme l'Empereur Auguste escriuant à ses amis, Prenons, dit-il, courage, puisque i'ay eschapé le soixāte & troisième an, qui emporte quasi tous les vieillards. depuis il vescu iusques au septāte & septième, cōme aussi fist Atticus. Il s'en trouue vn nōbre infini qu'on voit mourir à cest aage, & entre les doctes (qui sont morts ceste annee là) ie mettray Aristote, Cicerō, Chrysippe, Bocace, S. Bernard, Erasme, Luther, Melāchthon, Syluius, Alexandre, le Cardinal Cusan, Linacre, Iaques Sturme. & semble que cela estoit signifié par les anciēs qui auoient cōsacré, sept à Apollon, & neuf aux Muses, cōme dit Plutarque. Et qui voudra voir en la Bible, ou és histoires, on trouuera la mort ordinaire aux septenaires, ou nouenaires: Platō mourut à LXXXI. an, qui sont neuf nouenaires, Theophraste à LXXXII. qui sont XII. septenaires: que peu de per-

5. aux demandes Romaines.

Le nombre de 63, dangereux aux vieillards.

6. Aul. Gel.

La force des nombres septénaires.

fomes eſcnapēt: ou bien ils vōt au x i i . ſeptenaires, cōme S. Hierōſme &
 Iſōcrate qui veſcūrēt x c i . an: Pline & Bartole cinquante & ſix, qui ſont
 huit ſeptenaires: Lamech ſept cēs ſeptante: Methuſalah neuf cens ſeptāte
 ans. Abrahā cent ſeptante & cinq, qui ſont xxv. ſeptenaires, Iacob cent
 x lvi i . qui ſont x x i . ſeptenaires: Iſaac cent lxxx. qui ſont xx. nouenai-
 res: Dauid ſeptāte. Ils ſ'en trouue és hiſtoires nōbre infini de ſemblables.
 Pourquoi pluſtoſt aduiendroit-il en ces nombres là qu'és autres? Pour-
 quoy le ſeptième maſſe guarift-il des eſcroüelles? car meſmes les Grecs
 ayant deſcouuert ceſte merueille de nature appelloiēt le ſeptième maſſe
 Hebdomagene. & la loy de Dieu n'a rien plus frequent que le ſeptenai-
 re, ſoit pour les feſtes du ſeptième iour, & du ſeptième mois: ſoit pour
 afranchir les ſeruiteurs, & laiſſer la terre ſans culture le ſeptième an: ſoit
 pour le retour des heritages, après ſeptfois ſept ans, qui eſtoit l'an Iubilé.
 Les Hebreux pour ceſte occaſion l'ont appellé nombre ſacré, non pas
 parfait, cōme dit Caluin parlār du Sabat: car il eſt impoſſible par nature
 que les nombres parfaits ſoient impairs: veu qu'il faut qu'ils ſe diuiſent
 également des parties qui les cōpoſent, & qu'il n'y ait ny plus ny moins.
 comme 1. 2. 3. ſont ſix: & ces trois nombres diuiſent également ſix, ainſi
 eſt-il des autres parfaits. Laſtance Firmian eſt tōbé en meſme faute, au li-
 ure de *Opificio Dei*, où il dit que deux & dix ſont pleins & parfaits. & ceux
 qui ſe ſont trauaillez ſans propos ſus ce que Ciceron appelle ſept & huit
 nombres pleins, que les vns entendent parfaits: les autres ſolides, cōme
 Macrobe, ce qui eſt impoſſible de ſept. Plutarque aux ſympoſiaques a
 fait vne meſme faute, quād il dit que trois eſt nombre parfait, combien
 qu'il a grāde uiſſance en toute la nature, cōme⁷ Ariſtote meſme cōfeſſe.
 Or il n'y a que quatre nōbres parfaits, depuis vn iuſques à dix mil, c'eſt à
 ſçauoir vi. xxviii. ccccxcvi. & huiēt mil cēt xxviii. entre leſquels,
 le dernier ne peut ſeruir aux changemēs des Republiques, d'autant qu'il
 paſſe l'aage du monde: ny les deux premiers qui ſont moindres. Et les
 nombres touchās les changemens des Republiques, ſe peuuent entēdre
 des Princes, ou des ans: cōme qui diroit qu'un Royaume, ou un Empire
 prendra fin, après que ſoixante & trois Monarques (nombre multiplié
 de ſept par neuf) y auroient regné. ou bien après que l'empire depuis ſa
 naiſſance aura duré x i i . cens xxv. ans cōme celui des Romains: qui ſont
 ſept cens ſeptante & cinq ſeptenaires: ou bien que le nombre des ans, &
 des Roys eſt quarré, ou ſolide du ſeptenaire, ou nouenaire: cōme Eſaye
 qui predict que neuf Roys regneroient encōre en Iudée, & le dixième
 ſeroit emmené captif avec le peuple, & la Republique ruinee: le nōbre
 des ans qu'ils regnerēt eſt de cent lxxxi i . qui ſont xxvi. ſeptenaires.
 Hieremie qui veit l'execution de ceſte prophetie, predict que ſeptāte ans
 après la Republique ſeroit reſtablie, & le peuple remis en liberté: ce qui
 fut fait. Mais pour monſtrer que cela n'apporte point de neceſſité, nous
 voyōs vn grand Roy, qui eſt le lxi i i . & Roy de deux grāds Royaumes
 que

que Dieu par sa faueur maintiét contre la puissance humaine, & la force des siens & des estrangers. Nous voyons que l'estat d'Athenes a esté gouverné en forme de monarchie par sept iuges, qui ont cōmandé l'un apres l'autre septante ans. & l'estat populaire, depuis la fuite des Perses, & la journee de Salamine, que les Atheniens eurent la souveraineté presque de toute la Grece, iusques à l'euerfion d'icelle, dura septante ans, comme dit Appian: & qui plus est la victoire de Salamine, & la prise de la ville d'Athenes fut en pareil moys & iour, ainsi que Plutarque a remarqué. La Monarchie de Rome sous les Rois dura cent quarante & quatre ans, qui est le nombre quarré de xii : racine du grand nombre, que les Academiques appelloient Fatal, c'est à sçavoir, dixsept cēs $xxvii$ ans, qui se trouvent accōplis depuis Ninus premier Roy d'Assyrie, iusqu'à Darius dernier Roy de Perse, tué à la fuite apres la journee d'Arbela, où Alexādre le grand gagna la bataille. car Herodote, Diodore, Trogue Pompee, Iustin & Ctesias cōmencent à Ninus. j'ay fuiui le calcul de Philon Hebreu. ce mesme nombre se trouue depuis le Deluge, iusques à l'euerfion du Royaume de Iuda, de la ville capitale rasée, & du Temple bruslé. & au mesme temps les Egyptiens se reuolterent contre les Roys d'Assyrie: les Atheniens secoüerent le ioug des tyrans Pisistratides: les Romains aussi chasserent les Roys. Or tout ainsi que ce grand nombre, que les Academiques appelloient Fatal, estant accompli, le changement aduint l'annee suyuate au deux cens quarante & septiesme septenaire, qui est $xvii$. cēs $xxix$. aussi voyons nous que le nombre parfait de $cccxcvi$. accōpli, les changemens ordinaires aduiennēt l'annee suyuate, qui est le septante & vniesme septenaire. Et pour les verifier encore plus clairement, ie prendray les Fastes des Romains, qui ne peuuent mentir: où lon voit que depuis le fondement de la ville, & de la Republ. Romaine iusques à la journee Actiaque, où Marc Antoine fut vaincu par Auguste, & tout l'empire reduit sous la puissance d'un seul Monarque, & la paix establie par tout, il y a $dcxxxix$. ans, qui est le nōbre solide de neuf. & ce mesme nōbre d'annees se trouue depuis la conqueste du Royaume des Lombards par Charlemagne, iusqu'à la recōqueste du mesme pais par Loys xii . sus l'estat des Venitiens & des Sforces. & ce mesme nōbre d'annees se trouue depuis que les Escossois eurent vaincu les Pictes, & fondé le Royaume d'Escoffe, iusques à Marie Stuart Roynne d'Escoffe, emprisonnee, & cōdamnee par ses sugets. Et qui plus est ce mesme nombre solide fut accompli, depuis que Egbert Roy des Saxons d'Occident, se fist seigneur absolu d'Angleterre, & appella le peuple Anglois, ayāt chassé les Saxons Orientaux, iusques à Marie Roynne d'Angleterre, qui fut la premiere femme qui empieta la souveraineté de ce peuple là, depuis quatorze cēs quarante ans: ainsi que fist Marie Stuart en Escoffe. Depuis Auguste, iusques à Augustule dernier Empereur Romain, qui fut tué par Odouacre Roy des Herules, il y a $cccxcvi$. ans: qui est le nōbre parfait

Predictiō de Ve-
tus auctore.

Le nombre par-
fait de 496. pro-
pre aux change-
mens des Repu-
bliques.

7. fallit interpres Io-
sephi lib. x. ca. xi. an-
tiquitat. & lib. 7. cap.
ix. & x.

que i'ay dit: encor' est-il notable que le premier s'appella Auguste, c'est à dire Conquerāt, & le dernier Augustule, qui fut diminutif, & du nom, & de l'empire, cōme il aduint de Constatin le grand, qui establit le siege de l'empire à Constantinople, & de Cōstatin le dernier, qui fut despoüillé de l'estat, & tué par Mehemet Roy des Turcs surnommé le grand. Nous trouuōs aussi que depuis le fondemēt de la ville de Rome, iusques à Augustule dernier Empereur, il y a xii. cens xxv. ans, nombre quarré, & cōposé de septenaires entiers. ce que Vectius grand Augur auoit predict, comme Censorin escrit, que Marc Varron l'auoit entendu de luy. Je trouue le mesme nōbre depuis Ninus Roy d'Assyrie, iusqu'à la mort de Sardanapale, duquel l'estat fut enuahy par le gouuerneur des Medois. Functius y met trois ans dauantage, les autres six ans moins: & coupāt le differend par moytié, ce grād nombre y est entier, & depuis qu'Arbaces gouuerneur des Medois se fist Monarque, iusques au dernier qui fut chassé par Alexandre le grand, se trouue le nōbre de ccccxcvi. ans. Ce mesme nombre parfait se voit, non seulement depuis Auguste, iusques à Augustule: ains aussi depuis Augustule iusques à Charlemagne, lors qu'il fut appellé Empereur d'Occidēt en la ville de Rome. Ce que i'escris est iustificié par les Fastes d'Onophre, qui n'auoit aucun soin des nōbres, ains seulement de la verité precise des ans. Nous trouuōs encor' ce nombre parfait de ccccxcvi. depuis la fondatiō d'Albe, iusques au rase-mēt d'icelle & ruine de la Republique des Albanois defaits par Tullus Hostilius. Genebrad Professeur en langue Hebraïque escrit aussi, qu'il y a ccccxcvi. ans depuis Saül premier Roy des Hebrieux, iusques au dernier Sedechie, qui fut emmené captif, apres auoir veu la ruine de son estat, & captiuité de son peuple. Garçaus y en met dix d'auantage: les Talmudistes beaucoup moins. mais bien tous s'accordēt, que depuis le retour des Hebrieux, & le reestablissemēt de leur Republique sous Zorobabel, qui ramena le peuple de captiuité, iusques à l'annee qu'Herodes Idumean fut nōmé Roy par le Senat Romain, il y a ccccxcvi. ans, & sont aussi d'accord, que le premier & second temple furent bruslez en pareil iour & mois, c'est à sçauoir, le neuvième iour du cinquième mois: ce que Iosephe a remarqué pour vn⁷ miracle. Ce mesme nombre de ccccxcvi. se trouue depuis Carā premier Roy de Macedoine, iusques au dernier an du regne d'Alexādre le grād, qui fut le dernier Roy de ce païs là, issu du sang d'Hercules, & de Æacus. Functius y met huit ans moins: les autres y en adioustent xii. d'auātage. Ce mesme nombre parfait de ccccxcvi. se voit depuis que Syagrius, dernier Proconsul, & lieutenant des Romains en France fut tué, iusques à l'annee que Huet Capet se fist Roy de France. & ce mesme nombre se voit depuis Huet Capet, iusques à l'annee que Charles viii. passa les Alpes, & remua non seulement tous les estats d'Italie, ains aussi esmeut tout l'Empire d'Orient. Toutesfois il n'est pas si bien verifié que les autres, pour la varieté des

Histo-

Historiées, & le peu d'assurance des Histoires. car celuy qui est le mieux
 suivy, à sçavoir Paul Æmyl, ayant pris la charge d'escrire l'Histoire de
 France, a failli de dix ans entiers pour vn article, comme du Tillet a mō-
 stré. mais il fust des exemples que i'ay proposez, pour entendre la force
 occulte de ces nombres aux changemens notables des Republicques : &
 si les ans estoient bien calculez en chacune Republique, on pourroit
 voir vne infinité d'exemples, aussi bien cōme il se cognoist à veuë d'œil
 aux Fastes des Romains : où lon voit outre ce que i'ay dit, que depuis la
 chasse des Roys de Rome, iusques à la premiere sedition du peuple & de
 la noblesse, il y a xviij. ans, & iusques à la secōde, il y a lxxij. ans : & ius-
 ques à la seditiō de Tiberius Graccus, il y a ccc lxxviij. & depuis ceste
 cy, iusques à la guerre de Sylla, & Marius xlv. ans : & d'icy iusques au cō-
 mencement de la guerre entre Cesar & Pompee xxxvi. ans : & de puis la
 chasse du Roy Tarquin l'orgueilleux, iusques au meurtre de Iulle Cesar
 ccc clxxviii. ans : tous nombres cōposez de nouenaires. & depuis la fon-
 dation de Rome, iusques à la prise & bruslement d'icelle par les anciens
 Gaulois, il y a ccc lxxiiij. qui est cōposé de Septenaires entiers. & de-
 puis la fondation de Rome, iusques à la iournee de Cannes, où l'estat des
 Romains fut en extreme dāger, il y a cccc cxxix. ans, qui sont septāte
 sept. septenaires : & depuis ceste perte, iusques à la defaite des legiōs Ro-
 maines par les Alemans, sous Auguste, il y a ccc cxxiiij. ans, composé de
 septenaires entiers : & l'vne & l'autre defaite des Romains aduint le se-
 cond iour d'Aoust. & depuis l'embrasement de Carthage la grande, ius-
 ques à l'embrasement de la ville de Rome sous Totilas Roy des Gots,
 il y a sept cens ans. Aussi lisons-nous en Roderic Historien d'Espagne,
 que les Mores se firent seigneurs d'Espagne l'an de Christ sept cens sept,
 la septième annee de Roderic Roy d'Espagne : & sept cens septante ans
 apres ils en furent du tout chassez par Ferdinand d'Aragon, selon le vray
 calcul de l'Historien Taraphe. Nous auons aussi vn exemple assez nota-
 ble, de la victoire des Hebreux contre Aman, iusques à celle de Iudas de
 Machabee contre Antioque le noble, Roy de Surie, où il se trouue trois
 cens quarante & trois ans, qui est le nombre solide de sept, c'est à dire
 sept fois sept septenaires : & l'vne & l'autre victoire aduint le xiiij. iour
 du mois Dadar. Ce mesme nombre d'annees est accompli, depuis l'an-
 nee qu'Auguste eut vaincu Marc Antoine, & reūny tout l'Empire Ro-
 main sous sa puissance, iusques à Constantin le grād : ce qui est bien no-
 table pour les changemens estranges qui aduindrent alors en tout l'Em-
 pire, tant aux loix politiques, comme aux religions. Mais ce seroit cho-
 se infinie d'esplucher par le menu les Histoires, & toutesfois on pourroit
 par ce moyen recueillir la verité plus certaine, & coniecturer aucu-
 nement les changemens des estats & Republicques qui peuvent aduenir,
 avec l'usage des grandes conionctions : autant que la science de telles
 choses peut auoir de seureté.

QUE LES CHANGEMENTS DES REPUBLICQUES & des loix, ne se doivent faire tout à coup.

CHAP. III.



NOUS auons, le plus sommairement que faire se pouuoit, discoursu des changemens & ruines des Republicques, & des causes d'icelles: & des coniectures qu'on en peut tirer à l'aduenir. Mais d'autant que les presomptions que nous auons remarquees, ne sont pas necessaires pour en

faire demonstration certaine: & quand ores la science des influēces celestes seroit bien cognue, & l'experience arrestee, cela n'emporteroit point de necessitē, il s'ensuit bien que par la sagesse & prudence que Dieu a donē aux hommes, on peut maintenir les Republicques bien ordonnees en leur estat, & preuenir les ruines d'icelles. Car tous les Astrologues mesmes demeurent d'accord, que les sages ne sont point sugets aux astres: mais bien que ceux-là qui laschent la bride aux appetits dēreiglez, & cupiditez bestiales, ne peuuent eschaper les effects des corps celestes, comme Salomon l'entend en vn prouerbe, où il menace les meschans, disant que Dieu fera passer la roüe par dessus eux. Si donc on a decouuert que la force des astres, qu'on pensoit ineuitable, se peut affoiblir, & que les sages Medecins, ont trouuē des moyēs pour changer les maladies, & alterer les fiebres contre leur cours naturel, afin de les guarir plus aisēment: pourquoy le sage Politique, preuoyant les changemens qui aduiennent naturellement aux Republicques, ne preuiēdra par conseil, & remedes conuenables la ruine d'icelles? ou si la force du mal est si grande, qu'il soit contraint luy obeir? si est-ce neātmoins qu'il fera certain iugement par les Symptomes qu'il verra au iour critique, de l'issue qui en aduiendra, & aduertira les ignorās de ce qu'il faut faire, pour sauuer ce qu'on pourra. Et tout ainsi que les plus sçauans Medecins aux accēs les plus violents si les symptomes sont bons, ont plus d'esperance de la santē, que si l'accēs est doux & languide: & au cōtraire, quand ils voyēt l'homme au plus haut degre de santē qui peut estre, alors ils sont en plus grande crainte, qu'il ne tombe en extreme maladie, comme disoit Hippocrate: aussi le sage Politique voyant sa Republicque trauaillee de tous costez, & presque accablee des ennemis, si d'ailleurs il apperçoit que les sages tiennent le gouiernail, que les sugets obeissent aux magistrats, & les magistrats aux loix, alors il prend courage, & promet bonne issue: au lieu que le peuple ignorant perd patience, & se gette au desespoir: comme il aduint apres que les Carthaginois eurent emportē la troisiēme victoire contre les Romains à la iournee de Cannes: plusieurs des alliez qui auoient tenu bon iusques là, suyuirēt le parti d'Annibal, & presque tous les quitterent au besōin: car on n'attēdoit autre chose que leur ruine: mais celuy qui plus gasta leurs affaires, fut Terentius Varrus Consul: lequel

Les sages ne sont point sugets aux influences celestes.

lequel ayant réchappé de la defaite, qui n'estoit pas moindre de soixante mil hommes, escriuit à Capouë que c'estoit fait de l'estat, que toute la fleur & la force des Romains estoit perdue. ce qui estonna si fort les Capotians, qu'ils se resolurent de se joindre au parti d'Annibal, qui estoit le plus fort, & d'autant qu'ils estoient les plus riches & opulens d'Italie, ils tirerent plusieurs autres peuples à leur cordelle: au lieu qu'il debuoit les asseurer, & diminuer la perte ds siens enuers les alliez: comme fist Scipion l'Africain enuers ses compagnons, qui lors auoient resolu de quitter la ville, il les contraignit tous par sermēt qu'ils firent, de ne bouger & defendre la patrie. Aussi le Senat ne s'estonna point, ains il monstra sa prudence plus que iamais. Et combien qu'en toutes les villes d'Italie le peuple muable à tous vens, fauorisoit le parti d'Annibal, l'ayant veu tant de fois victorieux, neantmoins le Senat de chacune ville portoit les Romains. *Vnus veluti morbus omnes Italiae populos inuaserat, ut plebs ab optimatibus dissentiret: Senatus Romanis faueret, plebs ad Pœnos rem traheret.* Voilà les mots de T. Liue. Et mesme Hieron Roy de Sicile, estimé lors le plus sage Prince de son aage, ne voulut iamais se departir de l'alliance des Romains, & leur aida tant qu'il peut, cognoissant bien leur constâce & prudence au maniement des affaires: & entre plusieurs presens, il leur enuoya vne statue d'or de la victoire. Enquoy on peut voir, que les sages voyans les Romains si aduisez, & si constās en l'extreme necessité, & que les loix n'auoient iamais esté gardees plus estroittement, ny la discipline militaire plus seueremēt entretenue, cōme dit Polybe, alors ils firent iugement, que l'issue de leurs affaires seroit bonne: cōme le sage medecin voyāt les symptomes fauorables au plus fort de l'accēz de son malade, a tousiours bonne esperāce. Et au contraire en Carthage ce n'estoiēt que partialitez & factiōs, & onques les loix n'auoiēt esté si peu prisees, ny les magistrats moins estimez, ny les meurs plus gastez: qui estoit vn certain presage, que du plus haut degré de leurs felicitez, ils deuoient bien tost estre precipitez & ruinez, comme il aduint aussi. Doncques la premiere reigle qu'on peut auoir pour maintenir les Republiques en leur estat, c'est de bien cognoistre la nature de chacune Republique, & les causes des maladies qui leur aduiennent. C'est pourquoy ie me suis arresté à discourir iusques icy l'un & l'autre: car ce n'est pas assez de cognoistre, laquelle des Republiques est la meilleure, ains il faut sçauoir les moyens de maintenir chacune en son estat, si l'est en nostre pouuoir de la changer, ou qu'en la changeant elle soit au hazard de tomber en ruine. car il vaut beaucoup mieux entretenir le malade par diette conuenable, qu'attenter de guarir vne maladie incurable, au hazard de sa vie. & iamais ne faut essayer les remedes violents, si la maladie n'est extreme, & qu'il n'y ait plus d'esperance. Ceste maxime a lieu en toute Republique, non seulement pour le changement de l'estat, ains aussi pour le changement des loix, des meurs, des coustumes: à quoy plusieurs n'ayans pris garde, ont

Iugement de l'Estat des Romains au plus grand dāger.

1. lib. 24.

Les changemens
soudains peril-
leux.

1. Plato. lib. 7. de legi-
bus. mutationes in
Repub. putat esse
perniciosas.

ruiné de belles & grandes Republiques, sous l'apast d'une bonne ordonnance qu'ils auoient empruntée d'une Republique du tout cōtraire à la leur : nous auons monsté cy dessus, que plusieurs bonnes loix qui maintiennent la Monarchie sont propres à ruiner l'estat populaire : & celles qui gardent la liberté populaire seruent à ruiner la Monarchie. Et combien qu'il y en a plusieurs indifférentes à toute sorte de Republique, si est-ce que l'ancienne question des sages politiques n'est pas encores bien resoluë, c'est à sçauoir, si la nouvelle ordonnance est preferable, ores qu'elle soit meilleure que l'ancienne. car la loy pour bonne qu'elle soit, ne vaut rien, si elle porte vn mespris de soy-mesme : or est-il que la nouveauté, en matiere de loix, est tousiours mesprisee : & au contraire la reuerence de l'antiquité est si grande, qu'elle donne assez de force à la loy, pour se faire obeir de soy-mesmes sans Magistrat : au lieu que les edicts nouveaux, avec les peines y apposees, & tout le debuoir des officiers ne se peuuent entretenir, sinon avec bien grande difficulté : de sorte que le fruit qu'on doit recueillir d'un nouuel edit, n'est pas si grand que le dōmage que tire apres soy le mespris des autres loix, pour la nouveauté d'une. Et pour le trancher court, il n'y a chose plus difficile à traiter, ny plus douteuse à reüssir, ny plus perilleuse à manier, que d'introduire nouvelles¹ ordonnances. ceste raison me semble fort considerable. l'en mettray encores vne qui n'est pas de moindre poids : c'est que tout changement de loix qui touchent l'estat est dangereux : car de changer les coustumes & ordonnances, concernans les successions, contrats, ou seruitudes de mal en bien, il est aucunement tolerable : mais de changer les loix qui touchent l'estat, il est aussi dangereux comme de remuer les fondemens ou pierres angulaires, qui soustiennent le faix du bastimēt : lequel en ce faisant s'esbranle, & reçoit bien souuent plus de dommage (outre le danger de sa ruine) que de profit de la nouvelle estoife : mesmement s'il est ia vieil & caduc. ainsi est-il d'une Republique ia enuieillie, si on remue tant soit peu les fondemens qui la soustiennent, il y a grand danger de la ruine d'icelle : car la maxime ancienne des sages politiques doit estre bien poizee, c'est à sçauoir, qu'il ne faut rien changer es loix d'une Republique, qui s'est longuement maintenue en bon estat, quelque profit apparent qu'on vueille pretendre. Et pour ces causes, l'edit des Atheniens, qui depuis fut receu en Rome, & passé en force de loy, publiee à la requeste du Dictateur Publius Philo, estoit le plus necessaire qui peut estre en vne Republique, c'est à sçauoir, qu'il ne fust licite à personne de presenter requeste au peuple sans l'aduis du Senat : ce qui est mieux gardé à Venize qu'en lieu du monde : car il n'est pas seulement permis de presenter requeste au Senat sans l'aduis des sages. Mais en la Republique des Locriens, l'ordonnance estoit biē encores plus estroite, c'est à sçauoir, que celui qui vouloit presenter requeste pour la faire passer en force de loy, estoit cōtraint de venir deuant le peuple la corde au col,

au col, de laquelle il deuoit estre estrâglé sus le champ, s'il estoit debouté de sa requeste. qui fut cause que ceste Republique là se maintint fort long temps sans rien oster ny adiouster aux loix anciennes, iusqu'à ce qu'un citoyen borgne presenta requeste au peuple, tendant à fin, que deslors en auât ceux-là qui auégleroiēt les borgnes de propos delibéré auroiēt les deux yeux creuez, d'autât que son ennemy le menassoit de luy creuer l'œil qui luy restoit, pour le rendre auégle du tout, à la peine d'en perdre l'un des siens, suiuant la loy de la pareille, qui lors estoit quasi commune à tous peuples. sa requeste fut enterinée, & passa en forme de loy, & non sans difficulté. Si on me dit que le changement de loix est souuent nécessaire, & mesmement celles qui concernent la police ordinaire : ie dy que nécessité en ce cas n'a point de loy : mais parlant des edits & ordonnances volontaires, encores qu'elles soient tresbelles & viles en soy, neantmoins le changement est tousiours perilleux, mesmement en ce qui touche l'estat. non pas que ie vueille que la Republique serue aux loix, qui ne sont faites que pour la conseruation d'icelle. car tout ainsi que Themistocle persuada aux Atheniens de bastir forteresses & murailles autour d'Athenes pour la tution & defense des citoyēs : aussi Theramenes pour la mesme cause fut d'aduis qu'on les ruinaist. & n'y a loix si excellentes soient elles, qui ne souffrent changement, quand la nécessité le requiert, & non autrement. C'est pourquoy Solon, apres auoir publié ses loix, fist iurer les Atheniens de les garder cent ans, comme dit Plutarque : pour faire entendre qu'il ne faut pas les faire eternelles, ny les changer aussi tout à coup. & Lycurgue print aussi le serment de ses citoyens de garder ses loix, iusqu'à son retour, qu'il deuoit rapporter l'Oracle : & ne voulut depuis retourner, se banissant volontairement de son pays naturel, pour obliger ses citoyens à garder ses loix autât qu'il seroit possible. Et iacoit que l'iniustice d'une loy ancienne soit euidente, si vaut-il mieux endurer qu'elle vieillisse perdant sa force peu à peu, que de la casser par violence soudaine. Ainsi firent les Romains des loix des XII. Tables, qu'ils ne voulurent pas abroger, ains les passer par souffrance, en ce qui estoit inique, ou inutile : à fin que cela ne causast un mespris de toutes loix. mais lors que par trait de temps elles furent desaccoustumées, qui fut sept cens ans apres qu'elles auoient esté publiees, il fut ordonné à la requeste du Tribun Æbutius, que celles qui estoient comme ancanties par non vſance, seroient tenues pour cassées, & annulées, à fin que personne n'y fust abusé. Mais d'autant que le naturel des hommes & des choses humaines est lubrique à merueilles, allant en precipice cōtinuel de bien en mal, & de mal en pis, & que les vices se coulent peu à peu, comme les mauuaises humeurs qui s'accueillent insensiblement au corps humain, iusqu'à ce qu'il soit plein : alors il est bien nécessaire d'y employer nouuelles ordonnâces : & neantmoins cela se doit faire petit à petit, & non pas tout à coup, comme s'efforcea

Le moyé de changer de loix.

de faire Agis Roy de Lacedemone : lequel voulant reſtablir l'ancienne diſcipline de Lycurgue , qui eſtoit preſque aneantie par ſouffrance des Magiſtrats, il fiſt apporter toutes les obligations & cedules des particuliers , & les fiſt bruſſer en public : & cela fait il voulut proceder à nouveau partage des terres, à fin d'egaler les biens, comme Lycurgue auoit fait : & combien que ſon intention fuſt deſiree de pluſieurs en la Republique de Lacedemone , qui auoit ainſi eſté fondee : ſi eſt-ce que pour auoir precipité l'affaire, non ſeulement il decheut de ſon eſperance, ains auſſi il embrasâ vn feu de ſedition, qui bruſla ſa maiſon : & apres auoir eſté deſpoüillé de ſon eſtat, fut eſtrâglé avec ſa mere, & autres ſiens partiſans, faiſant pont aux plus meſchans, qui enuahirent la Republique, & fruſtra ſa patrie d'un bon & vertueux Prince . Car il falloir premierement ſe faire maïſtre des forces : ou ſ'il eſtoit impoſſible, ſonder les cueurs, & gagner les plus grands l'un apres l'autre, comme Lycurgue auoit fait, & puis defendre la monnoye d'or & d'argent : & quelque temps apres les meubles precieux : mais d'uſer d'une ſaignee ſi violente deuant que purger, & d'une ſi forte medecine, deuant que preparer, ce n'eſt pas guarir les maladies, ains meurtrir les malades . Il faut donc ſuiure aux gouuernemens des Republicques ce grand Dieu de nature, qui fait toutes choſes petit à petit, & preſque inſenſiblement . Les Venitiens pendant la vie d'Auguſtin Barbarin Duc, ne voulurent rien retrancher de ſa puiſſance, à fin de ne rien emouuoir : mais apres ſa mort, & au parauant que proceder à la nouuelle election de Loredan , la Seigneurie fiſt publier nouuelles ordonnances , qui diminuerent bien fort la puiſſance des Ducs . Nous auons monſtré que cela ſ'eſt auſſi fait és elections des Empereurs d'Allemagne, Roys de Poulongne, & de Dannemarch, qui de Monarques ſouuerains ſont reduits au petit pied de Capitaines en chef, les vns plus, les autres moins . & pour faire aualler cela plus doucement on a laiſſé les marques imperiales aux habits, aux qualitez, aux ceremonies, & en eſſect bien peu de choſe . Et tout ainſi qu'il eſt perilleux de retrâcher tout à coup la puiſſance d'un Magiſtrat ſouuerain, ou d'un Prince qui a la force en main : auſſi n'eſt-il pas moins dangereux au Prince de chaſſer ou deſapointer tout ſoudain les anciens ſeruiteurs de ſon predeceſſeur, ou deſtituer tout à coup partie des Magiſtrats, & retenir le ſurplus : car ceux qui ſont eleus & retenus d'un coſté, demeurent chargez d'enuie, & les autres de maluerſation ou ignorance , & priuez de l'honneur & du bien qu'ils ont acheté bien cher . Et peut eſtre que l'un des plus beaux fondemens de ceſte Monarchie eſt, que le Roy mourant, les officiers de la Couronne demeurent en leur charge : qui par ce moyen maintiennent la Republique en ſon eſtat : & combien que les officiers de la maiſon du Roy ſont muables au plaïſir du ſucceſſeur, ſi doit il en uſer avec telle diſcretion, que ceux qui auront congé, n'ayent occaſion de rien mouuoir : ou pour le moins qu'ils n'ayent la puiſſance, quand bien ils auroient la

volonté.

Façon des Venitiens.

volonté. A quoy l'Empereur Galba ayant failly, & rebuté Othon de l'esperance qu'il auoit à l'Empire, pour adopter Pison, sans toutefois desarmer Othon, bien tost apres il se trouua assassiné, & meurtry avec celuy qu'il auoit adopté pour successeur. Tout cela n'est point à craindre és estats populaires & Aristocratiques, d'autant que ceux qui ont la souveraineté ne meurent point. mais le peril n'est pas moindre, quád il faut changer les Magistrats souuerains, & Capitaines en chef, comme i'ay montré cy dessus : ou quád il faut faire quelque loy qui n'est pas agreable au peuple, ou que la Noblesse en tire profit, & le menu peuple le dommage: ou que les viures & prouisions defaillét, ou que la cherté est par trop grande: en ce cas il ya tousiours danger d'émotiōs & seditions populaires. Et generally quand il faut oster les Magistrats, ou les corps & Colleges: ou retrâcher les priuileges des particuliers: ou diminuer les gages & loyers, ou croistre les peines: ou ramener le gouuernement des affaires politiques, & de la religion à sa premiere source & origine, qui par succession de temps suiuant la naturelle corruption de l'homme auroit esté alteré & changé, il n'y a meilleur moyen que d'y venir peu à peu, sans rien forcer, s'il est possible, comme par forme de suppression. Nous en auons vn notable exemple de Charles v. lors qu'il estoit encores Regent en France, par mauuais conseil suspendit tout à coup, & supprima la pluspart des officiers, establiſſant des commissaires, aussi tost la Frâce fut en grâdes seditions pour le nombre infiny des malcontens. Qui fut cause que peu apres il donna son arrest en Parlement tel qu'il s'ensuit:° Nous de nostre pur, & noble office Royal, auquel appartient rapeler, & corriger tant nostre faict comme l'autrui, toutes les fois que nous cognoissons qu'en iceluy iustice a esté bleſſee, spécialement en greuant l'innocent: Auons dit, déclaré & prononcé: disons, declarons & prononçons ladite priuation, & les publications d'icelle, & tout ce qui s'en est ensuiuy, auoir esté de fait seulement, & obtenues par impression, & à nostre tresgrand desplaisir, & n'auoir eu de droit aucun effect de priuation, suspension, ou lesion quelconque desdits officiers en leurs personnes, estats, offices, hōneurs, gages, droits: & neâtmoins icelles priuations annullons, cassons, & condamnons à perpetuité. Charles ix. venant à la Couronne, & voyant le nombre effrené d'officiers, proceda par suppression, auenant la mort des officiers, ou collegues, ou priuilegiez: & non pas de leur viuant. car outre la difficulté du remboursement qui faire se doit: encores est-il plus à craindre que ceux-là remuent l'estat, qui sont despoüillez de l'honneur, qui est plus cher aux ambitieux que les biens ny la vie. Si on me dit qu'il ne faut pas craindre cela, quád le Prince a la force en main: ie dy neantmoins qu'il ne se doit pas faire, ores qu'il peust d'vn clin d'œil faire trembler tous les sugets: car non seulement celuy qui a receu l'iniure, ains aussi tous les sugets s'en ressentent: & plus vn Prince est grand & puissant, plus il doit

o. Arrest de Charles v. Roy de France l'an 1359. en May le 28.

r. §. nos autē. in feudis. de prohibita feudali.

estre iuste & droict, mesmement enuers ses sugets, ausquels par obligation il doit la iustice. La Seigneurie de Basle ayant chagé de religion, ne voulut pas soudain chasser les religieux des Abayes & Monasteres, ains seulement ordonna qu'en mourant ils mouroient pour eux & pour leurs successeurs: de sorte qu'il se trouua vn Chartreux qui fut longuement tout seul en son conuent, & ne fut onques forcé de changer, ny de lieu, ny d'habit, ny de religion. & quasi tous les autres volontairement s'en allerent. Ceste mesme ordonnace fut publiee à Coïre à la diette des Grisons tenue au mois de Nouembre M. D. LVIII. où il fut arresté que les Ministres de la Religion reformee seroiēt entretenus des biens provenans des benefices, demeurans les religieux en leurs conuents, pour estre supprimez par mort: comme i'ay apries des lettres de l'Ambassadeur de France, qui lors estoit à Coïre. En quoy faisant, les vns & les autres estoient contens. & qui eust osté l'esperance de la vie à ceux qui estoient nourris en oisiveté, & n'auoient rien apries, outre l'iniure qu'on leur eust fait, encores y auoit-il danger, qu'estans reduits au desespoir, ils eussent attenté contre la Seigneurie, & peut estre tiré apres eux tous leurs alliez. Pour la mesme occasion, le Roy ayant permis en ce Royaume l'exercice de la nouvelle Religion, & voyant que ceux qui estoient sortis des Monasteres demandoient partage à leurs parens, il fut ordonné qu'ils retourneroient aux Monasteres, sus grosses peines: qui sembloit estre directement contraire à la permission qu'on auoit donnee, mais obliquement c'estoit clorre la bouche à ceux, lesquels ayans sorty des Monasteres vouloient troubler vn estat, remuant toutes les plus grâdes, & les plus nobles maisons de ce Royaume, sous voile de religion. ioint aussi qu'il eust esté necessaire de rayer en toutes les coustumes de ce Royaume l'article touchât les religieux, qui sont deboutez de tout droict successif. Ce que i'ay dit, que la multitude des officiers, ou des Colleges, ou des priuilegiez, ou des meschans qui sont accreus peu à peu, par la souffrance des Princes & Magistrats, doit estre supprimee par mesme moyen, a lieu en toutes choses qui concernent le public, & se raporte à la nature des loix, qui n'ont force ny effect que pour l'aduenir. Et i'acoit que la tyrannie soit vne chose cruelle, & detestable, si est-ce que le plus seur moyen de l'oster, si le tyran n'a point d'enfans, ny de freres, c'est de supprimer la tyrannie aduenant la mort du tyran, & non pas s'efforcer par violence de luy oster la puissance, au hazard de ruiner l'estat, comme il est aduenu souuent. Mais si le tyran a des enfans, & qu'il s'efforce de faire mourir les plus grands l'un apres l'autre, comme les tyrans ont de coustume, ou de supprimer les Magistrats & officiers, qui peuuent empêcher le cours de sa tyrannie, afin qu'il face tout ce qu'il luy plaira sans contredit, alors les remedes violens pourroient seruir: selon les distinctions que nous auons posees cy dessus, autrement non. Il faut donc au gouuernement d'un estat bien ordonné suiure ce grâd Dieu de nature,

qui

La voye de suppression tolerable.

6. l. leges. de legib. l. ab Anastasio. mādanti. C.

Ruze des tyrans.

Il faut que le sage politique suiue les œuvres de Dieu au gouuernement de ce monde.

qui procede en toutes choses lentement, & petit à petit: faisant croistre d'une semence menue un arbre en grandeur & grosseur admirable; & toutefois insensiblement: & conioignant tousiours les extremités par moyens, mettant le printemps entre l'hyuer & l'esté, & l'automne entre l'esté & l'hyuer: vsant de mesme sagesse en toutes choses.

S'IL EST BON QUE LES

Officiers d'une Republique soient perpetuels.

CHAP. IIII.



AVANT qu'il n'y a peut estre chose, qui plus apporte de changemens de Republicques, que changer trop souuēt, ou perpetuer les Magistrats, il semble que ceste question ne doit pas estre laissée, par ce qu'elle est des plus vtils & necessaires qui peut estre formee en matiere d'estat, & des plus dignes d'estre bien entendue.

Non pas que l'on entreprenne la decider, ains seulement toucher les raisons qu'on peut mouuoir de part & d'autre, laissant la resolution à ceux-là, qui plus auant ont sondé la suite, & consequence d'icelle. Je n'entens pas aussi mettre ceste question en auant, pour donner pied à ceux qui voudroient changer les loix ia receües, que les sugets doiuent trouuer belles en chacune Republique, ny pour desir d'alterer l'estat des Republicques ia establies, & qui ont pris leur ply par longue succession d'annees. La plus forte raison qu'on peut auoir de faire les officiers annuels est, que le premier & principal but de toute Republique, doit estre la vertu, & la fin du bon & vray legislateur est de redre les sugets bons & vertueux. pour y paruenir, il luy conuient de mettre en veüe de tout le monde les loyers de vertu, cōme le blanc, auquel chacun s'efforce d'atraindre à qui mieux mieux. Or est-il certain, que l'honneur n'est autre chose, que le prix & loyer de vertu, laquelle ne doit, & ne peut estre estimee au contrepoix du proffit: ains au contraire, la vertu n'a point d'ennemy plus capital, que le profit diuisé de l'hōneur. Si dōc les estats, offices & commissions honorables, sont enleuees d'un lieu public, pour estre à tousiours encloses & mussees és maisons particulieres des plus indignes, qui les emportent par faueur ou par argēt, il ne faut point faire estat que la vertu soit prisee, veu qu'il est bien difficile, quelque prix qu'on en face, d'y attirer les hōmes. Voila le premier poinct qui doit mouuoir les Princes & legislateurs de mettre les estats, offices & tous autres loyers de vertu en veüe de tout le mode, & en faire part aux sugets, selon les merites d'un chacun: ce qu'ils ne pourront faire les otroyant à perpetuité. L'autre poinct que le sage Prince doit auoir deuāt les yeux, est de trancher les racines, & oster les semences des guerres ciuiles, pour maintenir les sugets en bōne paix & amitié les vns enuers les autres. cela

Raisons pour mōstrer que les magistrats ne doiuent estre perpetuels. Loyers de vertu communs.

Il faut par tous moyenstrancher la racine de sedition.

est de tel poids, que plusieurs ont pensé que c'estoit le seul but, auquel doit aspirer le bon législateur. car combien qu'on ait banny souuent la vertu des Republiques pour viure en vne licence debordée à tous plaisirs: si est-ce que tous sont d'accord, qu'il n'y a peste plus d'agereuse aux Republiques que la sedition ciuile, d'autât qu'elle tire apres soy la ruine commune des bons & des mauuais. Or est-il que la premiere & principale cause de sedition est l'inegalité: & au contraire la mere nourrice de paix & amitié est l'égalité: qui n'est autre chose que l'équité naturelle, distribuant les loyers, les estats, les honneurs, & les choses communes à chacun des sugets, au mieux que faire se peut: de laquelle égalité les voleurs mesmes & brigans ne sçauoient se passer, s'ils veulent viure ensemble. celui donc qui depart les honneurs & offices à vn petit nombre de personnes, comme il est necessaire, quand ils sont donnez à vie: cestuy-là, di-ie, allume les flammieches de ialousie des vns enuers les autres, & le plus grand feu de sedition qui peut estre en la Republique. Quand il n'y auroit que ces deux poincts là, il semble qu'ils doiuent suffire, pour empescher qu'on face les offices perpetuels, afin que chacun y ayât quelque part, ait aussi occasion de viure en paix. Mais il y a encores d'autres moyens: c'est que non seulement l'vnion des sugets, & les vrais loyers de vertu sont ostez, ains aussi les peines abolies. combien qu'il y a plus grand danger en cestuy-ci, qu'il n'y a aux loyers: car l'homme sage & accomply n'attend autre loyer de ses actions vertueuses, que la vertu mesme: ce qu'on ne peut dire du vice ny des vicieux: & pour ceste cause les loix diuines & humaines, depuis la premiere iusqu'à la derniere, n'ont rien plus recommandé que la punition des meschans. Et quelle punition feroit on de ceux qui sont tousiours si haut montez, qu'il est impossible de leur toucher? qui les accusera? qui les emprisonnera? qui les condamnera? seront-ce leurs compagnons? couperont-ils les bras eux-mesmes? ils ne seront pas si mal aduisez. & si les plus grands sont atteints de larrecins & concussions, comment puniront-ils les autres? plustost ils rougiroient de honte. & s'il y a quelqu'un si hardy d'accuser ou deferer seulement l'un de ses dieux, il y va de la vie du delateur, s'il ne verifie plus clair que le Soleil les meschancetez faites en tenebres: & ores que le tout soit bien auéré, que le Magistrat coupable soit preuenu, atteint, conuaincu, si est-ce que la clause ordinaire, *Frater noster est*, suffira pour couvrir & enseuelir toutes les meschancetez, faussetez & concussions du plus iniuste Magistrat qu'on pourroit imaginer. & n'aduendra pas, peut estre, en cinquante ans qu'il en soit fait execution d'un entre mil, qui l'auront merité. Mais si les Magistrats sont annuels, il est bien certain que la crainte d'estre mis à l'examen les tiendra tousiours en ceruelle, & trembleront toutes fois & quantes qu'ils orront les menasses que firent les Tribuns du peuple à Manlius, *Priuatim rationem rerum ab se gestarum redditurum, quoniam Consul noluisse*. Et que pourroit

Impunité de magistrats perpetuels.

on voir plus beau, que ceux qui ont manié la Iustice, les finâces, les charges publiques, apres auoir despoüillé la robe de Magistrat, viennent en habit priué rendre compte de leurs actions ? c'est de quoy² Plutarque a si haut loüé la coustume des anciens Romains, qui pouissoient les ieunes hommes, pour accuser en public ceux là qui s'estoient mal acquitez de leurs charges, les laschans comme leurriers apres les loups & bestes sauvages. en quoy faisans, non seulement les meschancetez estoient punies, ains aussi par emulation, & ialousie chacun s'efforçoit à bien faire, & mesmement ceux qui auoient accusé quelques-vns, estoient esclairez de si pres, qu'ils estoient cōtraints en quelque sorte que ce fust, de charrier droit toute leur vie. Tout cela cesse, quand les estats sont donnez à vie. C'est pourquoy l'Empereur Claude renouuela l'ancien edit, qui defendoit de continuer deux estats en vne personne, afin que les concussions & maluersations des Magistrats, par continuation de puissance, & de voyages, ne fussent³ impunis. Car quelques loix & ordonnances qu'on face, tousiours les mauuais Magistrats se tiendront la main, & feront les vns pour les autres, se fortifiens en sorte, qu'il sera impossible d'en auoir la raison. Ce fut la cause qui meut le Capitaine⁴ Annibal de presenter requeste au peuple de Carthage, pour faire les iuges annuels qui auoient leur estat à vie: ce qui fut passé par le peuple, avec defenses à tous de continuer deux ans l'office de iudicature: parce qu'il estoit impossible de les chastier, & qu'on auoit tous les iuges pour ennemis, quand on s'attachoit à l'un. car les Magistrats estans perpetuels, & ordinairement alliez les vns avec les autres, il est impossible d'en esperer la punition: & moins encores d'auoir iustice, si on a quelque chose à demesler avec eux. & si on en veut recuser vn, il faut par mesme moyen recuser tout le siege: comme il est aduenü depuis peu d'années, que pour vn different entre deux Iuges, on recusa d'une seule alliance soixante Iuges, & quarante deux d'une autre en vn mesme siege. C'est pourquoy il fut arresté aux Estats du pays de Languedoc, tenus à Montpellier l'an M. D. LVI. où i'estois alors, & l'instruction baillee à Iean Durand Syndic du pays, pour remōstrer au Roy qu'il luy pleust ordonner, que les proches parens & alliez ne fussent admis en vn mesme siege, ny en vne mesme Cour: & quatre ans apres les mesmes remonstrances furent faites au Roy par les Estats de Frâce tenus à Orleans. mais il est impossible d'y remedier, tāt que les estats serōt perpetuels. car il y a deux cens cinquante ans que le Roy Charles v. & au parauant luy Philippe le Bel, auoient ordonné, que nul ne fust Iuge au pays de sa naissance: comme en cas pareil Marc⁵ Aurele fist vn edit, que nul ne fust gouverneur de son pays: ce qui fut depuis estendu aux Conseillers, & assefseurs des gouverneurs de Prouince, & fut tresbien executé comme il est aussi en Espagne: & en la pluspart des villes d'Italie le Iuge ordinaire est estranger. & fut requis aussi par les Ambassadeurs de Moscovie aux Estats de Poulongne.

2. Plutar. in Lucullo.

3. Dio. lib. 60.

4. Liuius lib. 33. Iudicum ordo ea tempestate dominabatur Carthagine, eo maxime quod idem perpetui iudices erant: res, fama, vitæque omnium in illorum potestate erat qui vnum eius ordinis, & omnes aduersos habebat. horum in tā impotenti regno Prætor factus Annibal vocare ad se questorem: idem pro nihilo habuit. nā aduersæ factionis erat: & quia ex quaestura in iudices potentissimum ordinem referebantur, iam pro futuris mox opibus animos gerebant. id indignum ratus Annibal viatorē adprehendendum questorem misit. subduçturum: que in concionem non ipsum magis quàm ordinem iudicū, præ quorum superbia atque opibus nec leges quicquam essent, nec magistratus, accusauit. & vt secundis auribus accipi orationē animaduertit, legem exemplo promulgauit pertulitque vt in singulos annos iudices legerentur ne quis biennium continuum iudex esset.

5. Xiphil. in Antonino philosoph.

mais l'ordonnance de nos Roys fut aussi tost enseuclie, pour la raison que j'ay dit. Et sans chercher les edits des Empereurs Romains, nous trouuons aux ⁶ Memoires de Cesar, que les anciens Gaulois, & mesmes ceux d'Autun, auoient vne loy inuiolable, qui defendoit que les Magistrats fussent continuez plus d'un an: & que deux d'une famille ne peussent estre Magistrats, ny ensemble: ny l'un, tant que l'autre, qui ia auroit eu Magistrat, seroit en vie: & qui plus est, il estoit expressément defendu, que deux d'une famille ne peussent estre Senateurs ensemble: ny l'un tant que l'autre, qui l'auroit esté, viuroit. Dauantage la chose qui plus doit estre recommandée à tous sugets en general, & à chacun en particulier, est la conseruation du bien public. Et quel soing, quel soucy du bien public auroient ceux-là qui n'y ont aucune part? ceux qui en sont rebutez, & qui voyent donner en proye à peu de gens les estats à perpetuité, comment auront-ils soin de ce qui ne leur touche ny pres ny loing? Et si quelque homme de bien veut dire, veut faire, veut entreprendre quelque chose pour l'vtilité publique, estant priué, qui l'escouterà? qui le portera? qui le fauorisera? Aussi voit-on que chacun laissant le public, entend à sa besongne: & seroit moqué, voire mis en curatelle celuy qui seroit plus soigneux du biē public que du sien. car quāt à ceux qui ioüissent des estats & offices, ils n'en ont pas grād soing pour la pluspart, ayans pour iamais ce qu'ils ont pretendu. O combien seroient, & les sugets, & la Republique plus heureuse, si apres auoir chacun en son rang, & selon sa qualité, iouy des estats, & apris la vraye prudence en maniant les affaires, ils se retiroient pour estudier à la cōtemplation des choses naturelles & diuines! car il est tout certain, que la nourrice de toute sagesse & pieté, est la cōtemplation, que les hommes enuelopez d'affaires, n'ont iamais sauouree ny goustee. & neantmoins c'est le but, c'est le comble, c'est le plus haut poinct de la felicité humaine. Combien qu'il y a vn autre incōuenient, de ce que les estats sont otroyez à vie: c'est à sçauoir, que peu d'hommes veulent tout embrasser, & quelques-vns s'emparent de plusieurs charges & offices: comme il estoit anciennement permis en ⁷ Carthage: iacoit que Platon en ses loix reprouue cela, & en toute Republique bien ordonnee il est defendu: mais l'ambition des hommes passe tousiours par sus les defenses, car les plus indignes bruslent ordinairement d'ambition, ainsi que le mauuais estomac est tousiours plus auide de viandes que celuy qui les digere bien: & iamais ne veulent rabbaissier leurs estats & qualitez: ains au contraire, mōter de plus en plus. De sorte que la Seigneurie de Venize, pour satisfaire aucunemēt à l'ambitiō des sugets, a voulu qu'il fust permis refuser le moindre estat à celuy qui en auroit eu vn plus grand: qui est vne ordonnance pernicieuse: comme si les charges & offices se deuoient reigler au pied de l'ambition des sugets, & non pas au bien public. Combien donc est-il plus pernicious, de perpetuer les estats, pour faouler
l'appetit

l'appetit des ambitieux : car il y a danger, que s'ils veulent plustost creuer à la table d'ambition, que s'en retirer, ceux qui en sont affamez leur dient, Retirez vous : ou s'ils n'en veulent rien faire, qu'on les arrache par force : non sans troubler le repos de la Republique. En l'assemblée des Estats à Rome, il y auoit de ponts estroits, où il conuenoit passer pour dōner sa voix, en iettāt sa tablette : & pour la foule qui y estoit, on aduertissoit ceux qui estoient iasexagenaires de se retirer des pōts, pour n'estre offensez : non pas qu'on les gettast des ponts en la riuere, cōme quelques-vns ont pensé : combien donques est-il plus seant à ceux qui ont iouy paisiblement des estats, se retirer doucement des hauts lieux, que souffrir qu'on les face crouller, veu mesmes qu'il n'y a precipice plus glissant que les lieux d'honneur : mais le pis qu'il y a, c'est que bien souvent en tombant, ils tirent apres eux la ruine de la Republique. comme fist Marius, lequel ayant passé par tous les degrez d'honneur, & six fois pourueu du Consulat, ce que iamais Romain n'auoit eu, non content il voulut encores oster la charge de la guerre Mithridatique, escheuë à Sulla par sort, ores qu'il fust ia recrud de vieillesse, à fin d'obtenir le septiesme Consulat, & perpetuer les estats en sa personne. mais Sulla aduertty qu'il fut, qu'on auoit decerné sa commission à Marius, aussi tost il retourne en Rome avec ses partisans, & fist vn carnage qui continua depuis en telle sorte, que toute l'Italie, & l'Espaigne en fut ensanglantee, & l'estat populaire reduit en extreme tyrānie. Pour la mesme occasion, trois censans au parauant, l'estat populaire estoit changé en faction oligarchique : non pas pour auoir perpetué à vie, mais seulement pour auoir continué deux ans la charge aux dix commissaires, deputez pour corriger les coustumes, qui voulurent cōtinuer la troisieme annee, & perpetuer leur commission, par force & par armes, si on ne les eust desemparez. Par mesme moyen les estats populaires furent changez en Monarchies, pour auoir donné les charges & commissions plus long temps qu'il n'estoit besoin. comme à Pisistrate, en Athenes : à Phidon, en la ville d'Argos : à Cypsele, en Corinthe : à Denys, en Syracuse : à Panece, en Leonce : à Phalaris, en Ionie. ce que preuoyant le Dictateur Æmylius Mamercus, presenta requeste au peuple, qui passa en force de loy⁸, par laquelle il fut ordonné, que la Censure deslors en auant prendroit fin en xviii. mois, qui estoit establie pour durer cinq annees : & le iour suivant il deposa la Dictature, ne la voulant continuer plus d'un iour, & adiousta ceste raison, *Vt sciatis quàm mihi diuturna Imperia non placeant.* Et pour mesme occasion, la loy Cornelia publiee à la requeste d'un Tribun, pourueut à ce qu'il ne fust licite demander vn mesme office plus d'une fois en dix ans. Et à peu que le Tribun Gabinius ne fut tué en plein Senat par les Senateurs mesmes, cōme nous lifons en Dion, pour auoir fait decerner à Pompee la cōmission de la guerre Piratique pour cinq ans : & rend la raison pourquoy il est fort dangereux d'ottroyer les

Les vieillars gettez des Ponts.

Plusieurs ont empieté la souveraineté par cōtinuation d'offices.

8. Liuiuslib. 3.

charges honorables trop l'ong tēps, par ce que, dit-il, le naturel de l'homme est tel, qu'il mesprise vn chacun, & ne peut viure en suget, depuis qu'il a trop long temps commandé. ce que disoit Cassiodore quasi en mesme sens, *Antiquitas voluit prouinciarum dignitatem annua successione reparari, ut nec diutina potestate vnus insolesceret, & multorum prouectus gaudia reperirent*. Et peut estre que ce fut l'vn des plus grāds moyens de conseruer l'estat des Assyriēs & Persans, qui changeoient tous les ans les Capitaines & lieutenans. Et combien s'en faut-il, que les enfans ne formēt complainte, pour estre maintenus & gardez en la possession des estats que leurs peres & ayeulx ont eu? Cela de faiēt s'est veu és Connestables de Champagne, de Normandie & de Bretagne, és Mareschaux de la foy, és grands Chambellans, & infinis autres, iusqu'aux sergens fiefz de Normandie: comme i'ay remarqué cy dessus. & mesmement en Anjou, Touraine & le Mayne, la maison des Roches auoit fait les offices de Baillifs & Seneschaux hereditaires, si Loys neufiesme ne les eust reuoquees, & rendues muables, & Syndicables par son ordonnance l'an m. c c l v i. Le semblable s'est fait des Principautez, Duchez, Marquisats, Comtez, que ceux ont perpetué, qui les auoiēt par forme de cōmission: & n'y a presque lieu en toute l'Europe, excepté l'Angleterre, où ces dignitez ne soient maintenant hereditaires: de sorte que la puissance de cōmander, & la distribution de Iustice, est escheuē aux femmes, & aux enfans par droit succēssif: & de publique rēdue particuliere, & vendue au plus offrant: cōme il estoit necessaire, estant reduite en forme de patrimoine. ce qui a dōné occasion de trafiquer plus hardimēt tous estats & offices, quand on a veu que par loix & coustumes la iustice sacree estoit prophane aux plus offrans & derniers encherisseurs. duquel inconuenient est issu la coustume de perpetuer tous estats & offices. ° Car on feroit iniure d'oster l'office au marchand, si on ne vouloit rendre l'argent par luy desboursé. Voila les dangers, & absurditez enchainēes les vnes avec les autres, pour auoir voulu perpetuer les estats & offices. Mais outre les raisons que i'ay cotees, nous auons l'auctorité des plus grands legiflateurs, Philosophes, Juriscōsultes, & presque toutes les anciennes Republiques, mesmemēt celle des Atheniēs, Romains, Celtes, & infinies autres, qui ont fleuri & fleuriēt encores en plusieurs lieux d'Italie, Suisse & Alemaigne, & mesmes de Thomas le More Chancelier d'Angleterre qui fait tous les offices annuels en sa Republique: les autres de six en six, les autres de deux en deux mois, pour euitier aux incōueniēs que i'ay dit. D'autre costé, on soustiendra qu'il est plus expedient pour le bien public, de faire les estats & offices perpetuels. Car il faudra sortir de charge, au parauant qu'on soit informé de son debuoir: & quand on cōmencera d'entendre le deu de son office, il s'en faudra departir, & faire place à vn tout nouueau: de sorte que la Republique rōbera tousiours entre les mains des gens incapables, & sans experiēce. Mais posons
le cas

o. §. his autē de prohib. feudi al.

Les inconueniēs de faire les offices annuels.

le cas que les nouveaux venus soient capables, & bien experimentez en leur charge: si est-ce que le peu de iours de l'annee, qui se passent pour la pluspart en festes & ieuz, tire apres soy de grandes incommoditez au changement d'officiers. car il aduient que les affaires publiques & priuees, demeurent indecises, les guerres encommencees, imparfaites: les procès & differends accrochez: les peines & supplices delayez, les accusations abolies. Nous en auons vn million d'exemples en toutes les histoires des Grecs & Latins, qui auoient les offices annuels. & se trouue souuent que les Magistrats & Capitaines, ayans charge de faire & parfaire la guerre, soudain estoient reuoquez, & le tout demeuroit en arriere: comme il aduint, quand il fut question d'enuoyer vn successeur à Scipion l'Africain: le peuple, le Senat, & les Magistrats se trouuerent bien fort empeschez. *multis*, dit Tite Liue, *contentionibus, & in Senatu, & ad populum acta res est: postremò eò deducta, vt Senatui permitterent. patres igitur iurati, sic enim conuenerat, censuerunt, vt Consules provincias inter se compararent*, c'estoit chose bien nouuelle d'adiurer le Senat pour cela. Scipion ayant entédu l'arrest du Senat, par lequel l'vn des Consuls luy deuoit bien tost succeder, traita la paix, comme il se vanta plus à l'auantage de l'ennemy qu'il n'eust fait, s'il n'eust crainct que son successeur luy volast l'honneur de sa victoire. Et la guerre cōtre Mithridate fut delayee plus de xx. ans, pour la varieté & changemēt continuel des successeurs: & ce pendāt l'ennemy se fortifioit. Et quelquefois mesmes sur le poinct de donner la bataille, le Capitaine en chef estoit contraint de quitter sa charge: cōme il aduint aux Capitaines Epaminōde & Pelopide, la charge desquels expira, lors qu'ils estoient sur le poinct de liurer la bataille aux ennemis: routefois cognoissant que la Republique estoit perdue, s'ils manquoient au besoin, & qu'ils auoient l'auantage sur l'ennemy, ils donnerent la bataille, & remporterent vne tresbelle victoire, qui sauua leurs alliez, & maintint les Thebains en leur estat. Estāt de retour, au lieu d'estre gratifiez, ils furēt accusez de leze majesté, pour auoir passé le tēps limité à leur office: & leur procès fait & parfait, furent condānez à mort² par les cōmissaires, bien que le peuple leur donna grace. On sçait aussi cōbien de places fortes ont esté prises pour auoir chāgé de Capitaines, combien de villes forcees pour y auoir mis de nouveaux gouuerneurs, mesmes au temps que l'ennemi estoit prest d'y mettre le siege: comme il aduient souuēt que les fauoris emportent cest honneur, & les vieux Capitaines deboutez, qui bien souuent pour se venger vont aux ennemis, ou degarnissent la place de viures & choses necessaires. Encores y a-il vne autre raison, qui peut empescher que les estats & offices soiēt muables, laquelle Tibere auoit en la bouche, quand on se plaignoit que c'estoit le premier qui auoit cōtinué les estats & offices à longues annees, à fin, dit-il, que ceux qui serōt pleins du sang du peuple, cōme sangsuës ia faoules, luy donnēt quelque relasche: craignāt que les nouveaux ve-

2. Xenopho. lib. 7. rerum græcar. Cicero lib. 1. de diuinat. Plutar. in Epaminonda. Appian in Syriac.

nustous affamez sans trefue ny respit quelconque acheuent de humer le sang, ronger les os, & succer la moüelle qui peut rester aux sugets. & me semble que c'est l'une des raisons, qui doit auoir grãd poids. *nec enim par-cit populis regnum breue*, cõme dit vn ancien autheur. Or Tibere parloit du temps que les offices estoient donnez, non pas vendus: impetrez, non pas achetez: reseruez aux plus gens de bien, non pas exposez aux plus vicieux à prix d'argent. à plus forte raison l'aduis de Tibere doit auoir lieu es Republicques, où les estats & offices sont vendus aux plus offrans: car il est à presumer, disoit l'Empereur Alexãdre, & apres luy Loys xii. que les marchans d'offices vendront en detail, & le plus cherement qu'ils pourront, ce qu'ils auront achete en gros. Mais outre ce que i'ay dit, comment est-il possible, que celuy commanda avec telle auctorité que doit vn Magistrat, qui void que tost apres il ne seruira que de chiffre, comme lon dit, sans pouuoir ny puissance quelconque? qui sera le suget qui le respectera? qui le craindra? qui luy obeira? & au contraire, si l'estat est perpetuel, il s'assurera, & commandera avec dignité, il fera teste aux meschans, il prestera l'espaule aux gens de bien, il vangera les outrages des affligez, il resistera à la violence des tyrans, sans peur, sans crainte, sans frayeur qu'on le despoüille de son estat, s'il n'a forfait: comme il s'est veu des plus grands Princes estonnez de la constance & fermeté immuable des Magistrats n'ayant que leur reprocher, & n'osant les destituer, craignans aussi le maltalent des sugets, enuers lesquels la iustice, & splendeur de vertu est tousiours redoubtable. Et pour le faire court, s'il est ainsi qu'on doit desirer auoir des officiers & Magistrats aduisez, sages, prudens, & rompus en la charge qu'on leur dõne, il faut souhaiter qu'ils soient perpetuels: car il est impossible que les nouveaux Magistrats soient experimentez en leur charge dès la premiere annee, veu que la vie de l'homme y est bien courte, soit pour mener les sugets en guerre, soit pour les maintenir en paix, soit pour le faict de la iustice, soit pour le maniement des finances. & tout ainsi que la ruine des familles vient ordinairement des nouveaux seruiteurs, aussi la decadence des Republicques prouient des nouveaux Magistrats, qui aportent nouveau conseil, nouveaux desseins, nouvelles loix, nouvelles coustumes, nouveaux edits, nouveau stile, nouveaux iugemens, nouvelles façons, nouveau changement de toutes choses: mesprisans les anciennes coustumes, les anciennes loix, les anciens Magistrats. Cela se peut voir es Republicques des anciens Grecs & Romains, où les Magistrats nouveaux n'estoient pas si tost installez, qu'ils forgeoient de nouveaux edits, de nouvelles loix, pour se faire nommer, sans auoir esgard s'elles estoient vtilles ou non, pourueu qu'on parlast d'eux. Combien qu'il n'est pas besoin d'vser de tant d'arguments, pour verifier, & monstrier comme à veüe d'œil, que les Magistrats & officiers doiuent estre perpetuels, puis que nous auons la loy de Dieu, qui n'est point si attachee

aux

aux lieux & aux personnes, qu'on en puisse tirer l'exemple: or il ne se trouue point que les magistrats, & officiers establis en la loy de Dieu fussent annuels: il ne se trouue point, que ceux qui furent pourueus des estats, & charges honorables, en fussent onques destituez, pour faire place aux nouveaux, & dōner à l'ambition ce qui est deu à la vertu. aussi trouuons nous que Platon, qui a emporté le pris d'hōneur entre les Philosophes, a voulu que les offices fussent perpetuels. Brief nous voyons que l'auctorité diuine est fondee en raison, & l'un & l'autre cōfirmé par experience, & par vne longue suite, non pas de petites Republiques, ains des plus grandes, & florissantes monarchies qui soient, & furent onques en tout le monde: comme des Assyriens,² Perses, Égyptiens, Parthes, Éthiopiens, Turcs, Tartares, Molchouites, Polonnois, Alemans, François, Danois, Suedes, Anglois, Escossois, Espagnols, Italiens, hormis quelques Republiques, qui sont en perpetuelles factions, pour la brigue des offices. Or il n'est pas vray-semblable, que tant de peuples, ayent eu faute de lumiere naturelle, de iugement, de raison, d'experience: veu la conduite de leurs estats maniez si sagement, & qui ont flori si longuement. Voila les raisons de part & d'autre, qui pourroient emouuoir les vns d'establis, les magistrats perpetuels, les autres de les faire annuels. & n'y a iugement si subtil, qui ne fust ebloui de prime face, oyant les raisons d'une part, si l'n'y prend garde de pres, & qu'il ne preste les oreilles aux arguments contraires. c'est pourquoy i'ay bien voulu briefuemet, & en peu de parolles mettre en veü d'un chacun les principales raisons. Mais il y a deux fautes notables qu'on voit souuent aduenir es actions humaines, soit pour establis & dresser, soit pour maintenir & asseurer les Republiques, familles, & societez des hommes: & ausquelles on voit trebuscher les plus grands esprits. L'une est de regarder fort pres les inconueniens d'une loy, sans poizer le bien qui en reüssist: l'autre est de courir d'une extremité vicieuse à l'autre extremité, sans s'arrester au milieu: & fuir l'eau, pour se getter au feu. Platon a voulu que les magistrats soient perpetuels: voila une extremité. Son disciple Aristote l'ayant releué de c'est erreur, a couru à l'autre extremité, disant que c'est embrazer le feu de seditiō en la Republique: sans que l'un n'y l'autre ait fait distinction des Republiques: qui estoit le point, duquel depend la resolution de ceste question. Nous auons veu de nostre aage l'un des plus grāds personages de ce Royaume, & le premier de sa robe, ayant embrassé l'opinion d'Aristote, s'efforcer par tous moyēs, de changer tous les offices en commissions, & n'auoit autre chose en la bouche, sans distinguer en quelle forme de Republique ce changement est receuable. Or il est certain que les Republiques contraires, se doibuent gouverner par moyens contraires: & que les reigles qui sont propres à maintenir les estats populaires, seruent à la ruine des monarchies. les estats populaires, sont maintenus par continuel changemēt d'officiers, afin que

2. Herodot.

Deux fautes notables que plusieurs font au gouuernemēt des Republiques.

Ruze des Tyrās.

chacun selon sa qualité, ait part aux offices, tout ainsi qu'ils ont part à la souveraineté : & que l'égalité, nourrice de l'estat populaire, soit au mieux qu'il sera possible entretenüe, par succession annuelle de magistrats, & que la coustume de commander longuement, ne donne appetit à quelqu'un de s'emparer de la souveraineté. mais es monarchies il ne faut pas que les sugets, qui n'ont que voir en la souveraineté soient nourris d'ambition : ains il suffist, qu'ils apprennent à bien obeir à leur Prince : & mesmemēt si la Monarchie est seigneuriale ou tyrānique. car puis qu'en l'une les sugets sont esclaves naturels de leur seigneur : en l'autre esclaves du tyran par force, il seroit du tout impossible au Monarque seigneurial, & au tyran de retenir leur estat, & donner puissance aux sugets de commander par succession. C'est pourquoy les tyrans, qui ne sont pas moins hais, & craints des sugets qu'ils les craignent & haïssent, ayant peu, ou point de fiance en eux, s'accostent seulement des estrangers, & de bien petit nombre de leurs sugets, qu'ils cognoissent leur estre plus loyaux & fideles, auxquels ils donnent la garde de leur corps, de leur estat, de leurs forces, de leurs biēs : sans les vouloir chāger, non seulement par ce qu'ils se desient des autres, ains aussi pour ne les afriāder à la douceur du cōmandement, affin qu'il ne prēne enuie à quelqu'un de se depescher du tyran, pour occuper sa place, ou gratifier aux sugets. Le Monarque seigneurial, auquel les sugets obeissent plus volōtiers, comme esclaves naturels, n'est pas si empeschē au choïs des officiers que le tyran, qui n'est obeï que par force : & ne laisse pas les estats à perpetuité, ains à sa discretiō, & tant qu'il luy plaist, en faisant part à plusieurs, selon son bon plaisir, sans loy ny ordonnance. Le Monarque Royal, qui traitera ses sugets cōme le bō pere ses enfans, iāçoit qu'il n'est non plus tenu aux loix humaines, que les autres monarques, neātmoins il establiera loix & ordonnances, pour l'institution & destitution des officiers, affin qu'elles soient entretenües, faisant part des honneurs & loyers, non pas à tous, mais seulement à ceux qui le meritent, ayant plus d'esgard à l'experience & à la vertu, qu'à la faueur de ceux qui luy sont plus recombādez. & neantmoins la mediocrité louable en toutes choses, sera par luy gardee, en sorte qu'il fera plusieurs offices perpetuels, & aucuns muables de trois en trois ans, & quelques vns par chacun an. & neantmoins en cas de necessité, il ne sera pas tellement attaché à ses propres loix, qu'il ne destitue ceux qu'il aura ordonnez pour estre perpetuels, sil cognoist que pour la foiblesse d'esprit, ou de corps, ceux qu'il aura mal choisis, soient incapables de la charge qu'ils soustiennēt : ou pour couvrir la honte de ceux qui sont incapables, leur donnera honneste moyen de se defaire de leur estat, comme fist Auguste à grand nombre de Senateurs qui se destituerent par ce moyen, sans force : ou pour le moins deputera commissaire pour exercer leur charge, laissant les officiers iouir du tiltre d'office & des priuileges. Et affin que
la iu-

la iustice, qui est le fondement principal d'un estat, soit distribuee sain-
 etement, il ordonnera qu'elle soit donnee aux corps & colleges à per-
 petuité, non seulement afin que les iuges soient plus experimentez oyant
 les opinions de plusieurs, & par longue vñance de iuger : ains aussi pour
 affoiblir leur puissance, de peur qu'ils n'en abusent, & afin qu'ils ne
 soient pas si aisément corrompus, ainsi que beaucoup d'eau est plus
 difficile à corrompre : & souvent un bon & vertueux iuge, releuera tou-
 te une compagnie, & rompra les factions & secrettes pratiques des iu-
 ges corrompus : ou qui sont fort gens de bien, mais toutesfois preuenus
 des calomniateurs, & tricotiers de procès ne peuvent congnoistre la
 verité. comme j'ay sceu, qu'un iuge seul fist changer d'aduis toute une
 compagnie, qui auoit resolu, & arresté de faire mourir une femme in-
 nocente, & la fist absoudre à pur & à plein. cestui-là merite estre nom-
 mé, ce fut le Conseiller Potier sieur du Blanc-Menil, qui a laissé à la Re-
 publique deux enfans : l'un maistre des Requestes, l'autre Sècretaire des
 finances, qui ne cedent en rien à la vertu du pere. Car l'experience de
 plusieurs siècles nous a fait cognoistre, que des opinions communiquées
 entre les iuges, il se fait bien meilleur iugement, que des opinions don-
 nées en secret : comme Aristote dit qu'il se faisoit anciennement. mais les
 Romains changerent ceste forme, comme on peut voir en Asconius Pæ-
 dianus, où il met la difference entre ces deux façons, *cum vniuersi iudices
 constituunt, aut singuli sententiam ferunt* : ce que Charles Sigon³ a pris tout
 au contraire. C'est pourquoy la iustice d'Asie & d'Afrique, n'est pas si
 entiere que celle d'Europe : par ce qu'il n'y a le plus souvent qu'un iuge
 en un ressort, ou iurisdiction. comme au grand Caire d'Egypte il y a
 quatre iuges, qui ont diuerses iurdictions & separees, & chacun plu-
 sieurs Lieutenans qui iugent à part : & les appellations ressortissent au
 premier iuge, chef des quatre, qui decide les appellations sans compa-
 gnon. qui n'est pas difficile à gagner, à celui qui plus a de faueur, ou de
 presens pour luy faire. & sont à la discretion des Cadilesquiers, pour les
 souffrir en leur charge, ou les destituer : & tous ensemble tant qu'il plaist
 au grand seigneur. J'ay dit que le monarque Royal ne fera pas tous les
 officiers perpetuels, ny tous muables aussi : par ce qu'il n'est pas besoin de
 changer les menus officiers, comme greffiers, sergens, huissiers, notaires,
 & autres semblables, qui pour n'auoir aucun pouuoir de commander,
 ne peuvent nuire à l'estat : & neantmoins l'experience de leur charge,
 qui ne s'acquiert que par longue vñance, veut qu'ils soient perpetuels.
 Autant peut on dire des menus magistrats qui sont sugets à la cor-
 rection des grands. Mais quant à ceux qui ne recognoissent que le Prin-
 ce souuerain, soit au fait des armes, ou de la iustice, ou des finances, si le
 monarque Royal les retient en charge un, ou deux, ou trois ans pour le
 plus, il fera ouuerture de sa iustice, pour examiner leurs actions, & par
 mesme moyen il fera trembler les meschans, qui auroient tousiours crain-

o. Plin. iunior. Ne-
 mo omnes, nemine
 vnquam omnes fe-
 fellerunt: melius om-
 nibus quam singulis
 creditur.

2. indiuationem.
 3. lib. 2. c. 2. de Iudi-
 ciis.

et dñe s'ye n
 et dñe s'ye n
 et dñe s'ye n

Colleges de iuges & senateurs muables par succession.

Il n'y a si bonne loy qui n'aye ses incommoditez.

te de l'examen. Et affin que le changement d'officiers ne se face tout à coup, (d'autant que tout changement soudain est perilleux) & que les actions publiques ne soient interrompues, le changement des magistrats qui sont en corps & colleges se fera par succession les vns apres les autres : comme il se fait en la Republique de Rhaguse où le Senat est perpetuel, & les Senateurs, qui sont aussi iuges souuerains, ne sont que chacun vn an en charge, mais ils ne changent pas tout à coup, ains successiuellement, & insensiblement, & puis en leur tour, apres auoir esté quelque temps priuez, ils retournent plus frais en la mesme charge. Mais generalement en toute Republique, ceste reigle a tousiours lieu, & ne souffre quasi point d'exception, c'est à sçauoir, que les officiers perpetuels, n'ayent point, ou peu de puissance de commander, ou bien qu'ils ayent compaignon : & ceux ausquels on donnera la puissance plus grande, qu'elle soit briefue, & limitee par loy à peu de mois, ou d'annees. Par ce moyen cesseront les difficultez qui aduiennent au changement soudain de tous magistrats, pour les interruptions des actions publiques : & ne faudra point craindre, que la Republique demeure sans magistrats, comme le nauire sans Pilote : ainsi qu'il est aduenu souuent en Rome, pour les brigues des magistrats, qui s'empeschoient les vns les autres, ou bien entroyent tous en charge en mesme iour, & en sortoient tous en mesme instant. Il ne faudra pas craindre aussi que les meschans montez par argent, ou par faueur aux plus hauts degrez d'honneur ne soyent chastiez : ou que les ignorans emportent les estats : car ceux qui auront eu charge, s'estant reposez quelques anneess y retourneront beaucoup plus experimentez. Car qui voudroit faire que chacun des sugets fust Conseiller d'estat, ou iuge en son rang, outre plusieurs inconueniens qni en reüssiroient, il faudroit des magasins d'hommes sages, vertueux, experimentez, & sçauans. Mais en faisant ce que dit est, il n'en viendra pas aisément faute : & neantmoins les sugets n'auront de quoy se plaindre : car les loyers d'honneur seront exposez en veüe d'un chacun, comme le blanc auquel chacun vise & peu y frappent. & moins il y aura d'officiers & de loyers, & plus ils seront prisez, plus ils seront desirez, quand vn chacun y sera appellé pour sa vertu, & n'y aura matiere de sedition, n'estant personne exclus du merite, & loyer de sa vertu & suffisance. Et si mestier est, on vsera de syndicans par forme de commission : comme il s'est fait au temps de Loys neufiesme, de Philippe le Bel l'an m. ccccii. & m. cccciii. pour chastier les officiers. Je sçay bien qu'on mettra quelques difficultez en auant : i'en supposeray encores dauantage : mais ce n'est pas la raison que les inconueniens d'une loy soient mis en auant, sans faire estat des vtilitez. veu qu'il n'y a loy si bonne, disoit Caton le Censeur, qui ne tire apres soy ses incōmoditez. C'est beaucoup, que le bien qui peut reüssir d'une loy, soit euident, & plus grand que le dommage qu'on en peut attendre. Toutefois

fois les Princes mal conseillez, souuent cassent vne bonne loy, pour vn inconuenient qu'ils auront veu. I'en vseray d'autre exemple au cas qui s'offre, que de Loys onzieme: lequel venât à la couronne de sapointa tout à coup les anciens seruiteurs de son pere, qui le manierent si bien qu'il fut à vn poinct pres de quitter, comme il confessa depuis, ou de perdre sa couronne & son estat: & craignât que son fils ne tombast au mesme precipice, il luy enioignit de ne changer ceux qu'il auoit auancez: & non content, il fist ordonnance par laquelle il declaira tous les offices perpetuels: & que ceux qui en seroyent pourueus, n'en pourroyent estre destituez, que par resignation, mort, ou forfaiture: & par autre edit declaratif du premier, publié & verifié le xxi. Septembre, M. CCCCLXXXII. il est porté, que la destitution des officiers ayans forfait, n'aura lieu, si la forfaiture n'est iugee: & veut que son edit ait lieu, tant de son regne que du regne de son fils. Et combien qu'il ne peust lier les mains à son successeur: si est-ce toutesfois que l'ordonnance a esté depuis gardee inuiolablement, iacqoit que la clause ancienne, Tant qu'il nous plaira, soit demeuree és lettres d'office qui de soy n'emporte pas vn temps perpetuel, comme dit Alexandre Iuriconsulte en la loy *Principalibus. de rebus credit*, ains au contraire la clause de droit emporte vne souffrance seulement si l'y auoit ordonnance au contraire. Car combien qu'au regne de Philippe le Bel, l'an M. CCCII. on eust touché ceste corde, si est-ce que la chose estoit demouree indecise. Mais Philippe de Valois reuoqua les commissions, & ordonna que les offices Royaux deslors en auant seroyent perpetuels. qui monstre bien qu'ils estoient muables auparauant au plaisir des Roys, ores que les officiers n'eussent forfait. & l'vne des plus grandes loüanges qu'on donne au Roy Robert est, qu'il ne destitua onques officier si l'auoit forfait. Peut estre il semblera, que si la clause auoit lieu, les Magistrats s'aquitteroient mieux de leur charge, pour l'esperance qu'ils auroient par ce moyen d'estre continuez, allant de bien en mieux, & se gardant de mesprédre, pour la crainte qu'ils auroient d'estre destituez. l'accorderay cela, en la Monarchie seigneuriale bien ordonnée: mais le danger seroit plus grand, si on faisoit ceste ouuerture sous vn Prince assiegé de flateurs, & environné de corsaires, car il n'y auroit homme de vertu qui eust part aux estats: ioint aussi que la Monarchie Royale doit estre gouvernee par loix, tât que la loy pourra s'estendre: car les sugets en la Monarchie seigneuriale, comme esclaués naturels, adorent la majesté de leur seigneur souuerain, & tiennent sa volonté comme vne loy de nature: mais la Monarchie Royale, où les sugets sont comme enfans, il est besoin de reigler les choses par loix le plus qu'on pourra: autrement si le Roy sans cause deboute d'vn estat plüstoit l'vn que l'autre, celuy qui sera forclos se tiendra iniurié, & sera mal cōtent de son Roy, qui doit estre aymé des sugets: & pour ce faire, il faut oster toute occasion de malta-

Erection du Par-
lement de Paris.

lent qu'on pourroit auoir contreluy. or il n'y a moyen plus grand que d'en laisser la disposition aux loix & ordonnances. Le docte Budé, qui estoit d'aduis que les estats & offices fussent changez, sans prendre garde à l'ordonnance de Loys onzième, a tenu qu'anciennement les Presidens & Conseillers du Parlement estoient annuels: & que le serment qui se faisoit le douzième Nouembre, & les lettres patentes qu'il falloit auoir du Roy pour l'ouuerture du Parlement, monstroient assez que leurs estats estoient reuocables au plaisir du Prince. & les autres ont passé plus outre, en ce qu'ils ont soustenu, que ce n'estoient que commissions. S'ils auoient feuilleté les registres de la Cour, & de la chambre des Comptes, ils trouueroient que le Parlement, qui estoit auparauant ambulatorioire, & n'auoit puissance que par commission, fut erigé en Cour ordinaire par Philippe le Bel, avec puissance, ressort, & iurisdiction ordinaire. l'erection porte qu'il y auroit vn ou deux Presidens. le premier President fut le Comte de Bourgogne, Prince du sang: comme en la chambre Imperiale, le President est tousiours l'un des Princes de l'Empire. & dura quelque temps la coustume, que le premier Presidēt estoit homme d'armes: & de fait encores à present au roolle de messieurs de la Cour, le premier President prend la qualité de gensdarme, ou cheualier, ores qu'il n'ait iamais tiré coup d'espee, neātmoins il s'appelle *Miles*. en outre il y auoit huit clerks & douze laiz, quatre personnes aux Requêtes du sang, deux chambres des Enquestes, où il y auoit huit laiz, huit clerks iugeurs, & vingt quatre rapporteurs. Ils appelloient Clerks les hommes de robe longue, mariez & non mariez, & les autres laiz. En quoy il appert, que le Parlemēt estant fondé en iurisdiction & puissance ordinaire, n'a que faire de lettres pour l'ouuerture. Combien que le Roy Henry deuxième, estant venu en Parlement, pour la difficulté qu'on faisoit de verifiser quelques edits, embouché de quelqu'un dist, que le Parlement n'auroit point de puissance, s'il ne luy plaisoit enuoyer ses lettres patentes, pour faire ouuerture de Parlement par chacun an: qui en estonna quelques vns. mais il est tout certain que les lettres patentes qu'on enuoyoit à ceste fin, & le serment annuel que les Presidens & Conseillers faisoient, n'estoit que par coustume, qui estoit necessaire au temps que les Parlemens ne se faisoient que par commission: mais depuis qu'ils ont esté erigez en forme de Cours ordinaires, les solennitez anciennes ne sont plus necessaires. Les Magistrats annuels doyuent le serment annuel: mais ceux qui sont perpetuels ne le doyuent qu'une fois. les Magistrats Romains faisoient tous les ans nouveaux sermens, par ce que leur puissance estoit annuelle: mais les Senateurs ne le faisoient qu'une fois pour iamais, ayans la dignité de Sénateur pour toute leur vie. Autant peut-on dire de la forme des commissions & arrests de la Cour, conceus sous le nom & seel du Roy: & mesmes les missiues de la Cour, ores qu'elles soient conceües au nom de la Cour, sont neantmoins

moins scelees du petit seal Royal à vne fleur de lis : iacoit que tous les autres Magistrats, Seneschaux, Baillifs, Preuosts, Gouverneurs de pays, ayans puissance de commander ordinaire ou par commission decernent soubz leur nom, & soubz leur seal. ce qui est retenu de l'ancienne forme, alors que le Parlement estoit le Conseil priué des Roys, lequel Conseil pour n'auoir puissance ordinaire, ne fait rien de soy : & les commissions tousiours sont ottroyees au nom du Roy, comme ayant seul puissance de commander en son Conseil, ainsi que nous auons monsté cy dessus. laquelle forme depuis a esté suiue en l'erection des autres Parlemens, & iusques aux Cours des Aydes, qui decernent toutes leurs commissions soubz le nom du Roy. ce qui a meu quelques vns de dire, que les Parlemens n'ont que puissance extraordinaire, & par commission : mais il appert assez par ce que i'ay dit cy dessus, qu'ils sont ordinaires des ordinaires : & le Roy mort, demeurent en leur puissance (iacoit que tous mandemens, & commissions expirent par la mort de celuy qui les a ottroyees) & ne portent point le dueil : & qui plus est les premieres confirmations du nouveau Roy sont tousiours ottroyees aux Parlemens, comme il a tousiours esté prattiqué depuis le Roy Loys onzième, de sorte que leur puissance non seulement est ordinaire, ains aussi perpetuelle : non seulement en corps, ains aussi en chacun des membres, officiers & ministres des Parlemens. Je ne veux pas toutesfois reprouuer la coustume des autres Roys & Monarques, qui reuoquent les officiers à leur discretion. Car combien que les anciennes, & modernes Republiques, mesmes populaires & Aristocratiques, ayent eu les officiers annuels pour la pluspart, & que personne ne fust destitué sans l'auoir merité : si est-ce neantmoins que le peuple les reuoquoit quelquesfois, y mettant les plus propres à la charge qu'il cognoissoit. comme il se faisoit en establisant les Dictateurs, & autres Capitaines & gouverneurs, avec reuocation des Magistrats ordinaires : comme il fist au Cōsul Octacilius, qui fut destitué de sa charge, à la réqueste de Fabius Maximus : par ce qu'il n'estoit pas pour faire teste aux ennemis : & n'auoit pas egard seulement si le Magistrat auoit forfaict, pour le reuoquer, ains aussi à l'incapacité d'iceluy, soit qu'elle fust cognue ou incognue quand on les receuoit en l'estat, ou que depuis elle fust suruenue : estimans aussi que la foiblesse, ou vieillesse, ou fureur, ou autres maladies semblables, qui empeschent les droictes actions des hommes, sont suffisantes pour destituer les Magistrats. Et mesmes Lucius Torquatus esleu Consul pour la troisieme fois, s'excusa deuant le peuple, pour la maladie des yeux, disant que ce n'estoit pas la raison qu'on meit la Republique entre les mains de celuy qui ne voit que par les yeux d'autrui. O combien d'aveugles, de sourds, de muets, & qui n'ont aucune lumiere de nature, ny de prudence, ny d'experience, pour se guider eux mesmes, qui ne se contentent pas de manier les voiles & cordages,

2. Linius lib. 24.

ains aussi empoignent le gouvernail de la Republique ! Ce que nous avons dit de la mediocrité, qu'il faut garder au changement & continuation de Magistrats, n'a pas seulement lieu és Monarchies Royales, ains aussi és estats populaires & Aristocratiques : où les offices pour la plus grande part, & presque tous doiuent estre muables par chacun an, ou de deux en deux ans, comme il se fait en Suisse, & plusieurs autres Republiques : il faut neantmoins pour la conseruation d'icelles, qu'il y ait quelques estats perpetuels : mesmement ceux desquels l'experience & sagesse est necessaire, cōme les Conseillers d'estat. c'est pourquoy en Rome, en Athenes, en Lacedemone, le Senat estoit perpetuel, & les Senateurs tousiours continuez en leur charge tant qu'ils viuoient : & tout ainsi qu'il faut que les gons & puiots sus lesquels se meuuent les grands fardeaux soient immobiles : aussi le Senat d'Areopage, & des autres Republiques, estoient comme puiots fermes & stables, sus lesquels tous les officiers muables, & tout l'estat de la Republique se reposoit. Le contraire se doit faire és Monarchies, où la pluspart, & presque tous les estats se doiuent perpetuer : horsmis quelques vns des premiers & principaux, comme il se fait au Royaume d'Espagne, qui a biē sceu garder ceste mediocrité propre à l'estat Royal. Pour la mesme cause, les Venitiens qui ont l'estat aristocratique, font tous leurs officiers muables par chacun an, & quelques vns de deux en deux mois : & neātmoins le Duc, les procureurs sainct Marc, le Chācelier, les Secretaires d'estat sont perpetuels. cē que les Florentins ordonnerent en leur estat, apres que Loys douziēme les eut afranchis de la Tyrannie du Comte Valentin, & voulurent que le Duc deslors en auant fust perpetuel : afin que la Republique, en vn perpetuel mouuement & changement de tous estats & offices, eust quelque chose de ferme & stable sur quoy elle se peust reposer. mais l'ordonnance tost apres estant abolie, ils retomberent plus auāt en guerre ciuile qu'ils n'auoient iamais fait. Et s'ils eussent eu pour le moins le Senat perpetuel, & les Senateurs continuez en charge, qui estoient chargēz & rechangez de six en six mois : & qu'ils eussent gardé quelque moyen entre ces deux extremitez de changement vniuersel, & continuation de tous officiers, leur estat se fust assēuré, & n'eussent pas esté en continuelles seditions, & guerres ciuiles.

S'IL

S'IL EST EXPEDIENT QUE

les Officiers soient d'accord.

CHAP. V.



EST E question, à sçauoir, si est bon que les Magistrats soient d'accord entr'eux, ou en discord peut sembler friuole. Car qui a iamais doubté qu'il ne soit expedient, voire necessaire à toute Republique, que les Magistrats soient vnis en mesme volonté, afin que tous ensemble d'un cueur & d'un consentemēt embrassent le bien public? Et si est ainsi que la Republique bien ordonnee doit ressembler au corps humain, auquel tous les membres sont ioints & vnis d'une liaison merueilleuse: & combien que chacun fait sa charge, neantmoins quād il est besoin, l'un ayde tousiours à l'autre: l'un est secouru par l'autre: & tous ensemble se fortifiēt pour maintenir la santé, beauté, & allegresse de tout le corps. mais si aduenoit qu'ils entraissent en hayne l'un contre l'autre: & qu'une main coupast l'autre: que le pied dextre supplantast le senestre: que les doigts creuassent les yeux, & chacun mēbre empeschast son voisin, il est bien certain que le corps en fin demeureroit tronqué & mutilé, & manqueroit en toutes ses actions. autant peut-on iuger de la Republique, le salut de laquelle depend de l'union & liaison amiable des sugets entr'eux, & avec leur chef. & comment pourroit-on esperer telle uniō, si les Magistrats qui sont les principaux sugets, & qui doiuent allier les autres, sont en diuorce? ains au contraire, les sugets deuiendrōt partisans, & bien tost se feront la guerre pour soutenir chacun le chef de sa faction. & tousiours aux actions publiques, les vns empeschent les autres: & ce pendāt pour l'ambition mutuelle des magistrats la Republique en souffrira: & luy aduiendra ce qu'il fist à la pucelle, pour laquelle comme dit Plutarque, les poursuiuans entrerent en telle ialousie & passion, qu'ils la demembrerent en pieces. Et quelle issue peut on attendre d'une armee, où les Capitaines sont en discord? quelle iustice doit on esperer des iuges qui sont diuisez en factions? en a veu souuent les vns opiner contre l'aduis des autres, par ialousie, & hayne qu'ils auoient ensemble: & ioüer au hazard la vie, l'honneur & les biens des sugets: comme Agesilaus Roy des Lacedemoniens, quoy qu'il fust des plus illustres qui furent onques, pour raualler le credit & auctorité de Lysandre, cassoit toutes ses sentences, & iugeoit tout le contraire, cōme il 'dist, en despit de luy seulement. Et pour le faire court, il est certain que les dissensions, & guerres ciuiles, peste capitale des Republiques, prennēt pied, racine, nourriture, & accroissement des inimitiez & haynes des Magistrats. Il est donc necessaire pour la tuition & defense de la Republique, que les Magistrats soient vnis en bonne amitié. Voila les raisons d'un costé. Mais d'autre costé on peut dire, que l'inimitié

Raisons pour
monstrer que les
Magistrats doi-
uent estre d'ac-
cord.

3. Plutarq. in Lysan-
dro.

Raisons contraires pour môstrer que les Magistrats domētelle en discord.

des Magistrats entr'eux est le salut de la République. car la vertu n'a jamais son lustre, si elle n'est combatue: & l'homme ne se monstre jamais vertueux, sinon alors qu'il est piqué d'honneste ambition, pour faire de grâds & beaux exploits: & tousiours vaincre son ennemy en mieux faisant: côme dist Alexandre le grand à Taxilas Roy des Indes, qui offroit ses biens & son Royaume sans combattre, si Alexandre n'estoit assez riche: & si en auoit trop, estoit prest d'en recevoir, dequoy tout ioyeux Alexandre dist: Si faut-il que nous combattions ensemble: & ne sera pas dit que vous me volerez ce poinct d'honneur, d'estre plus magnifique, plus ciuil, plus Royal que moy. & alors il luy donna vn grand pays, & de l'or infiny. Ainsi disoit le Roy Tullus Hostilius au Dictateur d'Albanie Metius Suffetius, les partialitez que tu nous reproches sont vtils au public, car nous debatons à qui mieux mieux, pour l'vtilité publique. Si donques entre les hommes vertueux, la dissension produit de beaux effects, quand ils ont à qui combattre de l'honneur, que doit-on iuger des hommes lasches, & poltrons de leur nature, s'ils ne sont poinctonnez viuement d'ambition, & de ialousie: c'est le plus beau fruit qu'on peut recueillir des ennemis, d'aller de mal en bien, & de bien en mieux, non seulement afin qu'ils n'ayent aucune prise sur nous: ains aussi pour les surpasser. Si cela a lieu, quand tous les Magistrats sont gens de bien, à plus forte raison s'il y en a de meschans, auxquels il n'est pas seulement expedient, ains aussi necessaire que les bons fassent la guerre: & s'ils sont tous meschans, encores est-il beaucoup plus necessaire qu'ils soient ennemis: autrement s'ils demeurent en possession de leur tyrannie, ils butineront entr'eux le public, & ruineront le particulier: & ne peut aduenir mieux aux fugets, & à toute la République, si non alors qu'ils s'entre accuseront & decouriront leurs larrecins & concussions: comme les brebis qui ne sont jamais plus assurees, si non alors que les loups s'entremangent. comme il aduient, dit Philippe de Comines, en Angleterre, que les grands seigneurs s'entretuent, & le pauvre peuple demeure assuré de leur inuasion. Ce fut le sage conseil de Cincinat, voyant que le Consul Appius resistoit ouuertement au peuple, pour empescher que le nombre des Tribuns ne fust doublé, Laissez-les faire, dist Cincinat, plus ils seront, moins ils s'accorderont. car il n'en falloit qu'un seul pour empescher tous les autres: qui fut le moyen de conseruer la République, iusqu'à ce que Clode Tribun du peuple quatre cens cinquante ans apres, presenta requeste au peuple, qui passa en force de loy, par laquelle il fut ordonné, que l'opposition d'un Tribun ne pourroit empescher les autres. C'est pourquoy Caton le Censeur, auquel on donne la premiere louange de sagesse, & vertu entre tous les Romains, faisoit en sa République comme en sa famille: car il mettoit⁴ tousiours dissension entre ses seruiteurs, pour decourir leurs pratiques, & les tenir en cruelle: & sans cesse pouffoit quelque Magistrat, ou particulier afin d'accuser son

4. Plutar. in Catone Maiore.

son compagnon mal versant en son estat:& luy mesme accusa cinquante fois, & quaranté fois fut accusé: craignant que les esclaves de la maison, & les magistrats de la Republique, fils demeuroient trop bons amis, ne pillassent, ceux cy le public, ceux là le particulier. aussi iamais depuis la Republique ne fut plus florissante que de son aage. & mesmes le Senat Romain ordonna vne bonne somme d'argent à Marc Bibule, pour achepter le Consulat, & la voix du peuple, afin qu'il peust faire teste à Cesar Consul son ennemi, & en debouter Luceius amy de Cesar, comme dit Suetone. Et sans aller plus loing, nous auons le tesmoignage de Iulle Cesar, qui dit en ses ^{s. lib. 4.} Memoires, que les Gaulois auoient coustume de toute ancienneté de mettre les grands seigneurs en pique les vns contre les autres: afin que le menu peuple, qui estoit, dit-il, cōme esclave, peust estre garenti de leurs outrages & pilleries. car les vns faisans teste aux autres, les mauuais contreroollez par les bons, & les meschans par eux-mesmes, il n'y a doute que la Republique n'en soit beaucoup plus asseuree que s'ils estoient d'accord. qui fut aussi la cause que le sage Lycurgue Legislatteur mettoit dissensiō entre les deux Roys de Lacedemone: & vouloit aussi qu'on enuoyast tousiours deux ennemis en ambassade, afin qu'ils ne trahissent la Republique, & que les vns fussent contreroollez par les autres. Car de dire que les parties du corps humain, qui figure la Republique bien ordōnee, ne sont iamais en discord: c'est tout le cōtraire: car si les humeurs du corps humain n'estoient bien fort contraires, l'homme periroit bien tost, la conseruation duquel depēd de la contrarietē du froid au chaud: du sec, à l'humidité: du fiel amer, à la pituite douce: de la cupidité bestiale, à la raison diuine: cōme aussi la conseruation du monde depēd, apres Dieu, de la cōtrarietē qui est en tout l'vniuers, & en toutes ses parties. Ainsi faut-il que les Magistrats en vne Republique soiēt aucunement contraires, ores qu'ils soiēt gens de bien: par ce que la verité, le bien public, & ce qui est honneste, se decouure par aduis contraires, & se trouue au milieu des deux extremitez. Et s'ils sont tirees de part & d'autre. Et semble que les Romains auoient ce but principal deuant les yeux d'eslire ordinairement les Magistrats en mesme charge, ennemis l'un à l'autre, ou pour le moins contraires en humeurs & façons de faire, cōme il se voit en toutes leurs histoires. Quand on apperceut que Claude Neron emporteroit le Cōsulat, d'autant qu'il estoit ardent & actif, & au reste vaillant & courageux Capitaine, pour faire teste à Hannibal, le Senat aduisa de luy faire bailler pour compagnon Liuius surnommé le Saunier, vieux Capitaine, & bien entendu aux affaires:& neātmoins autant froid, & attrempé en ses actions, comme l'autre estoit brulant & terrible: & toutesfois propre à rechauffer l'aage de Liuius, vn peu trop refroidie pour la guerre. & par ce moyen estants vnīs & ioints ensemble, ils remporterent la victoire memorable contre Hasdrubal, qui fut la ruine des Carthaginois, & la conserua-

s. Plutar. in Marcel-

Resolution de la
question.

tion de l'estat des Romains. & depuis le peuple les fist aussi Censeurs, & tousiours estoient en discord, de telle sorte que l'un donna la note à l'autre, chose qui iamais ne s'estoit veüe. & quoy qu'ils fussent en perpetuel discord, si estoient-ils des plus vertueux qui fussent alors en Rome. On fist le semblable de Fabius Max. & de Marc Marcel, auxquels on donna la cōmission contre Hannibal: l'un estoit froid, l'autre ardent: l'un tousiours vouloit combattre: l'autre tousiours differoit: l'un s'appelloit l'espée des Romains, l'autre le bouclier: l'un guerrier, l'autre museur ou couard; & par les humeurs contraires de ces deux personnages, l'estat fut preserué de sa ruine, qui autrement estoit ineuitable. Si donc le discord des plus vertueux Magistrats, apporte vn tel fruct à la Republique, que doit-on esperer quand les bons feront contre-carre aux mauuais? Voila les raisons qu'on peut deduire d'une part & d'autre. Et pour les resoudre, il ne faut pas seulement considerer la qualité des Magistrats, ains aussi la forme des Republiques. mais on peut dire qu'il est bon en toute Republique, que les menus officiers & Magistrats, estans sous le chastiment des plus grands, soiēt en discord, & plus en l'estat populaire qu'en nul autre: d'autant que le peuple n'ayant que les Magistrats pour guide, est fort aise à piller, si les Magistrats ne sont contrerolez les vns par les autres. & en la Monarchie, il est expediēt que les plus grands Magistrats soient aussi quelquesfois en discord, attendu qu'ils ont vn souuerain qui les peut chastier, pourueu que le Prince ne soit, ny furieux, ny enfant. mais en l'estat populaire, il est dangereux que les plus grands Magistrats soient en discord, s'ils ne sont gens de bien, qui n'ont iamais debat qui puisse nuire à l'estat, ny au bien public: comme estoit le differēd honorable de Scipion l'Africain l'aisné, avec Fab. Max. & du ieune, avec Catō: du Censeur Liuius, avec Neron son collegue: de Lepide, avec Fuluius: d'Aristide, avec Themistocle: de Scaurus, avec Catule. mais si les plus grāds Magistrats en l'estat populaire sont meschans, ou que leur ambition soit mal fondee, il ya danger que leurs differends ne soient causes des guerres ciuiles: comme il aduint entre Marius & Sylla: Cesar, & Pōpee: Auguste, & Marc Antoine. encore est-il plus dāgereux en l'Aristocratie, qu'en l'estat populaire: d'autant que les seigneurs, qui sont tousiours moins en l'estat Aristocratique, & cōmandēt au surplus, ont affaire au peuple, qui à la premiere occasion prēd les armes cōtre les seigneurs, s'ils entrent en querelles: car peu de seigneurs en l'estat Aristocratique, sont aussi tost diuisez par les grāds magistrats en deux parties: & s'ils sont en sedition entr'eux & avec le peuple, il ne se peut faire que l'estat ne change. ce qui n'est pas à craindre en la Monarchie, où le Prince tient en bride les Magistrats sous sa puissance. mais il est expediēt en toute Republique, que le nombre des Magistrats souuerains, ou qui approchēt de la souueraineté soit impair: afin que la dissension soit accordee par la pluralité, & que les actions publiques ne soient empeschées. c'est pour-

quoy

quoy les Cantons d'Vry, Vnderuald, Zug, Glaris, qui sont populaires, ont esté contraincts de faire trois Amans Magistrats souuerains : au lieu que Schuuits en a quatre, cōme Geneue quatre Syndics : & Berne, Lucerne, Fribourg, Soleurre deux Auoyers : & Suric, Basle & Schatuze deux Burgomastres : si ce n'estoit qu'ils eussent puissance de cōmander alternativement cōme les Consuls Romains, ainsi que nous auons dit . En la Monarchie le discord est moins à craindre : car tout ainsi que Dieu maintient la cōtrariété des mouuemens celestes, & des elemens, en vn discordant accord, cōme de voix contraires, en vne resplaisante & douce harmonie, empeschant qu'un element ne soit opprimé par l'autre : ainsi le Prince qui est l'image de Dieu, doit maintenir, & reigler les querelles & differends de ses Magistrats, en sorte qu'ils demeurent aucunement contraires, à ce que leurs inimitiez puissent reüssir au salut de la Republique . Ainsi faisoit Cesar, ayant deux Capitaines en son armee, qui auoient inimitiez capitales l'un contre l'autre, prenant plaisir à leurs desseins contre les habitans de Beauuais, contre lesquels ils employoient leur cholere. mais s'ils n'eussent eu vn Colonel, qui les eust tenus en crainte, leur dissention eust donné la victoire aux ennemis . comme il aduint à Loys XII. Roy de France, lequel gaigna l'estat de Boulongne, & vaincut l'armee Ecclesiastique, pour le differend du Cardinal de Paue & du Duc d'Vrbin, lesquels par ialousie l'un de l'autre, s'empescherent de telle sorte, qu'ils donnerent la victoire aux François . auquel danger estoit tombé l'estat des Romains, si Fabius Maximus eust esté aussi peu aduisé cōme son compaignon . Il est donc perilleux en l'estat populaire, où il n'y a point de chef, hors la multitude, que les plus grāds Magistrats soient ennemis, si l'ambition leur commande plus que le salut de la Republique . C'est pourquoy le Senat Romain voyant Marc Lepide, & Q. Fuluius qui estoient ennemis iurez, eleus Censeurs, alla en grand nombre leur faire d'honnestes remonstrances, à fin que leur inimitié print quelque fin, ou trefues, pour vaquer à l'estat le plus beau, & le plus importāt à toute la Republique . Et souuent le Senat s'entremelloit d'accorder les Consuls & Tribuns, quand il voyoit que leurs dissensions estoient perilleuses à l'estat . Mais tout ainsi qu'il n'est pas bon que les plus grands Magistrats en l'estat populaire, soient fort ennemis, aussi n'est-il pas mestier qu'ils soient trop amis, s'ils ne sont gens de bien, pour les raisons que j'ay dit cy dessus . c'est pourquoy le ieune Caton voyant Pompee, Cesar, & Crassus estroitement alliez, & qu'ils auoient plus de puissance que tout le reste du peuple, s'escria, que la Republique estoit vendue .

vray est que de deux extremités, il vaut mieux que les plus grands seigneurs, & Magistrats en l'estat populaire & Aristocratique soient d'accord, qu'en discord : car estans d'accord, ils aimeront tousiours⁶ mieux cōmander aux autres, & cōseruer l'estat en quelque sorte que ce soit, que de perdre la Republique, & leur puissance, à quoy les inimitiez les

6. *Liuius de caluino lampano, homo improbus, sed non ad extremum perditus. qui mallet incolumi. quam euerla patria dominari.*

7. Philip. 2.

conduisent, quand ils ont vne fois lasché les voiles à la tempeste. Et quand Cicéron eut veu que l'alliance de Cesar & Pompee estoit rompue par la mort de Iulia fille de Cesar, & que le moyennier Crassus estoit tué, alors il dist, *Vtinam Cn. Pompei, amicitiam cum Cesare nunquam coisfesset, aut nunquam diremisses*. car leur amitié diminua beaucoup la puissance populaire : & leur inimitié la ruina du tout. Et quoy que dist Cesar des anciens Gaulois, j'accorderois qu'il fust expedient, s'il n'estoit tout notoire, que par les factions des plus grands seigneurs de France, qui estoit composée d'estats Aristocratiques, Cesar asseruit les Gaules aux Romains : car les vns appellerent les Alemans, & les autres les Romains : & furent longuement donnez en proye aux vns, & aux autres ensemble : & en fin aux vainqueurs. Et quoy que dist Philippe de Comines, qu'en la guerre ciuile d'Angleterre, il n'y auoit que les grâds seigneurs qui portaient la perte, c'est vn paradoxe mal-aisé à croire. & de fait les Anglois cognoissans le fruit des guerres ciuilles, font souuent assembler le parlement pour rompre les factions, comme j'ay appris de M. le Comte Roteland vertueux Seigneur.

S'IL EST EXPEDIENT QUE LE PRINCE iuge les sugets, & qu'il se communique souuent à eux.

CHAP. VI.

Les Roys establis
pour iuger les su
gets.



L semblera peut estre à quelques-vns, que ceste question qui n'a point esté mise en dispute, ne reçoit aucun doute, & qu'il n'est besoin d'y entrer plus auât : attendu que tous les anciens, & sages politiques, sont d'accord, que les Roys ne furent onques establis pour autre chose, que pour faire iustice, comme disoit Herodote parlant des Medois, & Cicéron parlât des Romains : comme aussi nous lisons que les premiers Roys de la Grece Æacus, Minos & Rhadamante, n'auoient qualité plus honorable que de Iuges : & quoy que Homere appellast les Princes pasteurs des peuples : si est-ce que la qualité de Iuges a cōtinué long tēps apres luy, en la personne des princes d'Athenes, qui auoient le gouuernemēt souuerain pour dix ans. & non seulement les Princes Medois, Grecs & Latins, ains encores les Capitaines en chef, & qui estoient comme souuerains entre les Hebrieux, n'auoient autre qualité que de Iuges : & lors qu'ils demanderent vn Roy à Samuel, ia recréu de vieillesse, ils adiouterēt, pour nous iuger comme les autres peuples. qui monstre assez que la principale charge qu'ils auoient, estoit de faire iustice en personne. Et la raison principale qui peut mouuoir les Princes à iuger leurs sugets, & l'obligation mutuelle, qui est entre le Prince & le suget : car tout ainsi que le suget doit obeissance, ayde, & cognoissance à son seigneur : aussi le Prince doit au suget iustice, garde,

&

& protection. Et ne fuffist pas qu'il rende iustice par autrui, veu que le suget doit en personne prester la foy, l'hommage, & le seruice, & que l'obligation est reciproque. Combien qu'il y a moins d'interest, que le vassal preste la foy & hōmage à son seigneur par procureur, que le seigneur face iustice par son officier: d'autant que l'obeissance du suget en ce cas n'est point reuoquee en doubte: mais le suget n'a point de garend, que l'officier ne se laisse corrompre par presens: ce que ne feroit pas le Prince, lequel est respōsable deuant Dieu, auquel il ne peut dire qu'il en a chargé la cōscience de ses Iuges: car la siēne n'est pas deschargee pour cela. Mais en outre, il y a bien grād & notable interest, pour la cōseruation des Republicques, que ceux-là qui tiennēt la souueraineté facēt eux mesmes iustice: c'est à sçauoir l'vnion & amitié des Princes avec les sugets, qui ne peut mieux estre nourrie, & entretenue, que par la communication des vns & des autres: qui se pert, & s'aneantist, quād les princes ne font rien que par officiers: car il semble aux sugets qu'ils les dedaignēt & mesprisent: chose qui est plus griefue, que si le prince leur faisoit iniustice: & d'autāt plus griefue, que la contumelie est plus insupportable, que l'iniure simple. Et au contraire, quand les sugets voyent que leur prince se presente à eux pour leur faire iustice, ils s'en vont à demy contents, ores qu'ils n'ayent pas ce qu'ils demandent: pour le moins, disent-ils, le Roy a veu nostre requeste, il a ouy nostre differend, il a pris la peine de le iuger. Et si les sugets sont veus, ouys & entendus de leur Roy, il est incroyable combien ils sont ravis d'aise & de plaisir, s'ils ont vn prince tant soit peu vertueux, ou qui ait quelque chose d'amiable en luy. ioint aussi qu'il n'y a moyen plus grand pour authoriser ses Magistrats, & officiers, & faire craindre & reuerer la iustice, que de voir vn Roy seant en son throsne pour iuger. Dauātage les officiers bien souuēt font iniustice aux sugets, s'arrestans aux clauses, aux mots, aux syllabes de la loy, qu'ils n'osent franchir estans liez, & asseruis à icelle: & s'ils font cōscience de iuger selon la loy, il faut qu'ils enuoyent leurs remōstrances aux Princes, & qu'ils attendent les responses, & declaratiōs des edits, faire selon l'aduis des autres officiers, lesquels bien souuent veulent voir au fonds du sac: de sorte que plusieurs procès viuent plus long tēps que les parties, & quelque fois demeurent pour iamais pendus au croc: ou si le Prince iugeoit, luy qui est la loy, viue, & par dessus toutes les loix ciuiles, estant accompagné de son conseil, il feroit bonne & briefue iustice: ayāt egard au fond, sans beaucoup s'arrestar aux formalitez. Aussi par ce moyen les oppositions, appellatiōs, requestes ciuiles, euocatiōs, infinité d'arrests les vns sus les autres, qui redēt les procès immortels, cesseroiēt, & la iustice prendroit son cours sans aucun empeschement. Ioint aussi que la Republique seroit releuee de grāds frais, & gros gaiges qu'il faut aux Iuges, & les particuliers des espices, qui sont aspres à merueilles, outre les corruptions & presens qu'il faut faire, qui souuent passent les

Le bien qui reui-
ent quād les Prin-
ces font iustice
en personne.

espices : de sorte que les sujets, au lieu d'avoir bonne & briefue iustice, que le Prince leur doit, sont cōtraints la payer, comme la chose du monde la plus precieuse: encores aduient-il trop souuent que le marchāt est payé, & la marchandise qui est liuree ne vaut rien. Encores il y a vn poinct considerable, c'est que les parties quelques fois sont si illustres, qu'ils ne voudroient iamais respondre deuant plusieurs iuges, qui sont descrivez, ou pour leur indignité, ou iniquité, ou autre qualité semblable: dont il aduient souuēt qu'ils vident leurs differends à cōbats & coups d'espec: où le Prince de sa presence, d'un regard, d'un clin d'œil les mettroit d'accord. Et quand il n'y auroit autre chose que le Prince faisant iustice à ses sujets, s'accoustume luy-mesme à estre iuste, droit, & entier (qui est le plus haut poinct de felicité qui puisse aduenir à vne Republique) doit-on pas desirer d'une affection ardante, que le Prince ne cesse iamais de faire iustice? Aussi la vraye science du Prince est de iuger son peuple: les armes luy sont bien seantes contre l'ennemy, mais la iustice luy est necessaire en tous lieux, & en tout temps. Combien qu'il ne se faut pas tant arrester aux raisons & argumens, qu'à l'exemple des plus sages Princes. Et qui fut onques le Prince pareil à Salomon en sagesse? nous lisons toutefois que la seule priere qu'il fist à Dieu, fut pour obtenir sagesse, à fin de bien iuger son peuple. aussi ses arrests estoient publiez par toute la terre, avec vn estonnement de tous les peuples. Qui fut onques semblable à ce grand Auguste en prudence politique? & neantmoins nous lisons de luy, qu'il estoit sans cesse empesché à iuger: & s'il estoit malade, il se faisoit porter en sa litiere, pour faire iustice. combien que c'estoit la vacation ordinaire des Empereurs Romains, qui ont emporté le prix de iustice par dessus tous les Princes de la terre: iusques à là qu'il y eut vne pauvre vieille, à laquelle l'Empereur Adrian refusa respondre vne requeste, s'excusant enuers elle qu'il n'auoit pas loisir: Quittez donc, dit-elle, la charge que vous avez: à quoy l'Empereur n'ayant que respondre, s'arresta pour luy faire iustice. Si ce Prince, qui auoit le plus grand Empire que iamais auoit esté, & enuelopé de tant d'affaires, recogneut l'obligation à laquelle il estoit tenu, que doiuent faire tant de Princes, qui ne tiennent que les eschantillons de cest Empire là? ne faut-il pas que chacun d'eux en sa personne s'efforce, en son esprit s'estudie, & de tout son pouuoir s'employe à faire iustice? attendu mesmement qu'il n'y a point, disoit Plin^e le ieune, de plus noble philosophie que traiter les affaires publiques, & faire iustice, mettant en vsage ce que les Philosophes enseignent. Autant peut-on dire des affaires d'estat, & à plus forte raison que de la iustice, veu que les affaires d'estat touchent de plus pres au Prince, que la distribution de la iustice, de laquelle il se peut aucunement descharger sus les Magistrats: mais non pas des affaires d'estat, si ce n'est au hazard d'en estre despoüillé. car de parler, voir, ouyr, par la bouche, par les yeux, par les oreilles d'autrui, c'est à faire

1. Spartianus.

2. lib. 1. epistol.

faire aux muets, aux aueugles, aux sourds. Nous auons montré cy dessus que cela a tiré apres soy la ruine de plusieurs Princes, & le changement de grandes Monarchies. Je dy neantmoins que ces raisons ne sont pas suffisantes pour resoudre ceste question, & soustenir que le Prince doit faire iustice en personne. Bien est-il vray, que cela seroit fort vtile, voire necessaire, si les Princes estoient tels que disoit Scylax de ceux des Indes, c'est à dire, autant differés des autres sugets, que les Dieux sont par dessus les hommes. car il n'y a rien plus beau, ny plus Royal, que voir vn Prince faire les exploits de vertu deuant son peuple, & de sa bouche blâmer & condamner les meschans, donner louange, & loyer aux bons, tenir sages propos, & graues discours en public. car tout ainsi qu'il faut que celuy soit homme de bien, qui aime les gés de vertu, & hait les meschans: aussi faut-il que celuy soit iuste Prince & droit, qui iuge bien. Mais dirons nous que les Princes vicieux se doiuent mettre en veüe du peuple, & communiquer leurs vices aux sugets? car le moindre vice en vn Prince, est tout ainsi qu'une rongne en vn tresbeau visage: & que seroit-ce autre chose que mettre en visiere au peuple vn exemple de vice pour l'attirer, pour l'acheminer, voire pour le forcer d'estre meschant? car il n'y a rien plus naturel, que les sugets se conformēt aux mœurs, aux faits, aux parolles de leur Prince: & n'y a geste, action, ny contenance en luy, soit bonne ou mauuaise, qui ne soit remarquee & contrefaite par ceux-là qui le voyent, ayant les yeux, les sens & tous leurs esprits tendus à l'imiter. Le sage Hebrieu, Platon, Ciceron, Tite Liue, ont laissé à la posterité ceste maxime cōme vne reigle infallible d'estat. Encores Theodoric Roy des Gots, escriuant au Senat Romain passe plus outre, vsant de ces termes, *Facilius est errare naturam, quàm dissimilem sui Princeps possit Rempublicam formare*: voila ses parolles rapportees par Cassiodore, c'est à dire, que le cours de nature manqueroit plustost, que le peuple fust autre que les Princes. On a veu le Roy François premier en ce Royaume, & Mansor surnommé le Grand, Empereur d'Afrique, & d'Espaigne, qui commencerent tous deux en diuers temps, & en diuers lieux, de priser les gens de sçauoir: soudain les Princes, la Noblesse, les Ecclesiastiques, le peuple s'adonnerent si bien aux sciences, qu'il ne se trouua iamais si grand nombre de sçauans hommes en toutes langues & en toutes sciences que de leur temps. Il faut donc, puis que les Princes sont les vrais pourtraits des sugets qu'ils soient parfaits autant qu'il se peut faire, pour estre suiuis: ou qu'ils ne sortent en public, s'ils sont imparfaits & vicieux. Si on me dit, qu'il ne faut pas pour cela que le Prince laisse à se montrer, iuger son peuple, communiquer avec ses sugets, qui sçauront bien choisir, & imiter ses vertus, mespriser & fuir ses vices. Je dy qu'il est plus aisé de suiure, & contrefaire les vices que la vertu, & d'autant plus aisé, que nostre naturel est plus enclin aux vices qu'aux vertus, & qu'il n'y a qu'un chemin droit, qui nous guide à la vertu, & cent mil qui sont

Il est necessaire à vn Prince d'entendre aux affaires d'estat.

Raisons pour monstrer qu'il n'est pas expediēt que les Princes iugēt en personne.

L'exēple du souverain guide tout le peuple.

torts, & nous conduisent aux vices. On sçait assez qu'Alexandre le Grand estoit accompli de vertus grandes, & heroïques, si est-ce qu'il souilla bien fort la beauté de ses exploits, par vne coustume qu'il auoit d'yurongner, iusqu'à tenir le prix, & mettre six cés escus pour celuy qui boiroit le mieux: voyant creuer deuant ses yeux celuy qui auoit gagné le prix, & quarante de ses compagnons. Mithridate Roy d'Amasie, imitant Alexandre le Grand le surpassa: car ayant mis le prix à qui plus boiroit & mangeroit, il gagna l'un & l'autre, comme dit Plutarque, lequel racompte aussi, qu'à la venue de Platon en Sicile, Denys le ieune commença à le gouter, & s'amourascher de la beauté des Muses, quittant peu à peu les yurongneries, mommeries, & paillardises, & tout soudain sa court fut changee, comme inspirée du ciel: & quand Platon fut débarqué de Sicile, tout aussi tost le Prince retourna à ses façons de faire: & au mesme instant les baladins, menestriers, maquereaux, & autre telle vermine qu'on auoit chassés furent rappelés. Tant le Prince vicieux a de puissance pour changer, & tourner à son plaisir les cœurs de ses sujets! mais tousiours plustost aux vices & choses ineptes, que non pas aux vertus.

Pourquoy les
François sont tondus.

I'en mettray encores vn exemple du Roy François, lequel se fist tondre, pour guarir d'une playe qu'il auoit receüe en la teste: soudain le courtisan, & puis tout le peuple fut tondu, tellement que deslors en auant on se moqua des longs cheveux, qui estoit l'ancienne marque de beauté, & de noblesse: car mesmes il fut defendu aux roturiers de porter les cheveux longs, coustume qui dura iusqu'au temps de Pierre Lombard Euesque de Paris, qui fist leuer les defenses par la puissance que lors auoient les Euesques sur les Roys. Vray est que les flateurs des Princes ayent beaucoup à cōformer les mœurs & façons du peuple à celles du Prince, par ce qu'ils se cōtreferoient plustost, qu'ils n'imitassent le vice naturel du Prince, & de tāt loing qu'ils le voyēt rire, ils se prennent à rire sans sçauoir pourquoy: comme nous lisons aussi d'Alexandre le Grand, & d'Alphons Roy d'Arragon, ayant tous deux le col tort, cestuy-cy par nature, l'autre par coustume: les flateurs tournoiēt le col de trauers pour cōtrefaire ce vice, cōme escrit le Courtisan, & Plutarque en la vie de Pirrhus. Puis dōc que le naturel des hōmes est si enclin à suiure les vices du Prince, ne seroit-ce pas perdre vn peuple, & ruiner vn estat, de vouloir mettre en veuë des sujets vn Prince mal nourry pour exemple, & pourtrait de vices? Encores est-il plus dangereux, que pour vn vice que le Prince aura, bien souuent ceux de sa suite en aurōt cent, & par tout où ils passeroient, ils pourroient alterer, & gaster la bonté naturelle d'un peuple, comme les chenilles, apres auoir brouté, laissent encores leur semence pour infecter les plantes. Mais posons le cas que le Prince ne soit point vicieux (chose qu'on repoute à grand vertu: combien qu'entre la vertu & le vice le chemin soit large & spacieux) si est-il mal-aisé, & presque impossible, qu'il ne luy eschappe quelque trait qui sera bien remarqué:

&

& s'il est inepte, ou ridicule deuant son peuple, combien pert-il de la reputation qu'on doit auoir de luy? Toutefois donnons qu'il ne soit point inepte, ny ridicule, ny vicieux: posons qu'il soit vertueux, & bien nourri, si est-ce que la communication ordinaire, & familiarité par trop grande des sugets, engendre vn certain mespris du souuerain: & du mespris vient la desobeissance enuers luy, & ses mandemens, qui est la ruine de l'estat: & au contraire, si le Prince se monstre ordinairement à ses sugets tenant sa grandeur, avec vn port terrible, il sera peut estre plus redoubté, mais il y a danger qu'il soit moins aimé. or l'amour des sugets enuers le souuerain, est bien plus necessaire à la conseruation d'un estat que la crainte: & d'autant plus necessaire, que l'amour ne peut estre sans crainte d'offenser celuy qu'on aime: mais la crainte peut bien estre, & est le plus souuēt sans amour. Et semble que ce grand Dieu souuerain Prince du monde, a monstré aux Princes humains, qui sont ses vrayes images, comme il se faut communiquer aux sugets: car il ne se communique aux hommes que par visions & songes, & seulement à bien petit ^{3. numeri 11.} nombre des eleus, & plus parfaits. Et quand il publia de sa voix le decalogue, faisant voir son feu iusques au ciel, & de ses foudres & tonnerres trembler les montaignes, avec vn son si effroyable de trompettes, que le peuple pria se tapissant sur sa face, que Dieu ne parlaſt plus à eux, autrement qu'ils mourroient tous. encores est-il dit, qu'ils n'ouyrent que sa voix, à fin qu'ils eussent à iamais crainte de l'offenser: & neantmoins pour inciter les hommes à l'aimer ardemment, il les comble assiduelement de ses grandes faueurs, largeſſes & bontez infinies. Si donc le sage Prince doit au maniement de ses sugets imiter la sagesſſe de Dieu au gouuernement de ce monde, il faut qu'il se mette peu souuent en veüe des sugets, & avec vne majesté conuenable à sa grandeur & puissance: & neantmoins qu'il face chois des hommes dignes, qui ne peuuent estre qu'en petit nombre, pour declarer sa volonté au surplus, & incessamment combler ses sugets de ses graces & faueurs. Le liure du Monde dedié à Alexandre le Grand (attribué sans occasion à Aristote ne tenant rien de son stile) fait ceste comparaïson du Prince souuerain à Dieu: disant que le grand Roy de Perse estoit en vn chasteau superbe & magnifique, enuironné de trois haütes murailles, ne se communiquant sinon à bien petit nombre de ses amis: & neantmoins qu'il auoit nouuelles en vn iour de tout son Empire, depuis le destroit d'Helleſpôt iusqu'à l'Inde Orientale, par feux, & sentinelles assises es haütes guettes. Aussi iamais il n'y a eu Princes soubſ le ciel plus ^{4.} adorez, plus reuez, plus aimez de sugets que ceux là, & qui plus longuement ayent conserué leur puissance. C'est aussi pourquoy les Princes qui sont esclauſes de leurs plaisirs & voluptez, doiuent se retirer de la veüe du peuple, comme faisoit Tiber l'Empereur, lequel fut plusieurs annees caché en vne Isle: car en ce faisant l'exemple ne gaste point les mœurs des sugets, & ne peut causer le

4. Plutar. in Themistocle & Alexandro.

La coustume du
Roy de Borney.

Danger que l'E-
stat d'un Prince
ne soit volé par
le suget qui plus
a de credit.

mespris du Prince:lequel se doit preparer quand il viendra en public, & alors accompagner sa majesté d'une certaine douceur, & non seulement parler peu, ains aussi que ses propos soient graves, & sententieux; & d'un autre stile que le vulgaire: ou s'il n'a pas la grace de parler, il vaut mieux qu'il se taise. car si le proverbe du sage Hebrieu est veritable, que le fol mesme en se taisant a reputation d'estre sage, combien doit estre le Prince accort, & aduisé quand il ouvre la bouche pour parler en public? veu que ses paroles, ses mines, son regard, sont estimees bien souvent loix, oracles, arrests? C'est pourquoy l'Empereur Tibere amena une coustume de parler au Prince par escript, & respondre par escript, pour quelque chose que ce fust: *Moris erat eo tempore principem etiam presentem non nisi scripto adire*: à fin qu'il ne luy eschapaist rien qui ne fust bien pensé. Et n'est possible qu'en parlant beaucoup, & se communiquant par trop, il ne face plusieurs fautes qui le feront mespriser, ou moins estimer. & ne faut iamais, comme disoit un ancien Grec, que le Prince parle devant le peuple autrement qu'il feroit en la tragedie. Mais dira quelqu'un, n'est ce pas le vray estat d'un Prince de faire iustice à son peuple, ouyr les plaintes des sugets, voir les requestes des siens, & entendre de la bouche d'un chacun leurs iustes doléances, qui sont ordinairement supprimees, ou deguisees par autrui? pourquoy se cachera-il de son peuple? Je ne suis pas d'advis qu'il se cache tellement qu'il ne se mostre de tout point: comme font encores à present les Roys des Indes Orientales, & mesmement le Roy de Borney, qui ne parle qu'à sa femme & à ses enfans, & aux autres il fait parler un gentil-homme par un trou, tenant en sa bouche une sarbatane, comme il fist à l'Ambassadeur du Roy Catholique, ainsi que nous lisons es histoires des Indes. mais bien qu'il se montre peu, tenant sa grandeur & majesté, ayant toutefois egard à sa qualité, & à sa puissance. car il ne seroit pas seant à un petit Prince contrefaire les grands Roys d'Ethiopie, de Tartarie, de Perse & de Turquie, qui ne veulent pas mesmes que les sugets gettent la veüe droit sur eux, & ne sont pas tant redoutez pour leur puissance, que pour la majesté qu'ils tiennent quand ils se montrent aux sugets. Et si on dit que les peuples d'Orient & de Midi se doiuent ainsi gouverner, & non pas ceux d'Occident & de Septentrion: ie dy que c'est tout un pour ce regard, car on sçait assez que les Roys d'Angleterre, Suede, Dannemarc, Poulongne tiennent beaucoup plus leur grandeur envers les sugets, que les Roys de France: & le Roy de Moschouie plus encores que tous les autres, & ne sont pas moins, & peut estre plus obeis. Le plus grand danger qui peut advenir au Prince pour faire tout par autrui, est que ceux auxquels il se descharge, luy volent son estat: ce qui toutefois n'est point advenu en ce Royaume, sinon sous le Roy Childerich, surnommé le Lourdaut, alors que les Roys de France ne se monstroient qu'une fois l'an en leur majesté. Et ne faut pas tirer en consequence l'exemple d'un Roy depourveu de sens,

sens, pour en faire vne maxime. Mais il y a bien vn moyen pour obuier à cela, c'est que le Prince pour vn lieutenant, ou vn grand Maire du Palais, en ait deux ou trois, en puissance & faueur egale: car en ce faisant il ne sera iamais circonuenu estant tousiours l'un esclairé, & controollé par les autres. comme firent les Empereurs de Constantinople, qui diuiserent l'estat du grand Preuost du Palais en deux ou trois Preuostez egales en puissance: & la surintendance de la Iustice, & des loix attribuee à vn Chancelier. car Tibere ayant fait Seian trop puissant, Commode Perennius, Theodose II. Eutrope, Iustinian Bellissaire, Xerxes Artaban, les Merouingues & Carlouingues leurs grands Maires du Palais, furent au hazard de leur estat. Et quant au faict de la Iustice, & des plaintes & doleances des sugets, il y sera tousiours mieux pourueu par bons & suffisans Magistrats, que par le Prince. Car on sçait combien de parties sont requises à vn bon iuge, qui ne se trouue pas mesmes és plus suffisans hommes du monde. Et si on dit que le Prince peut auoir autour de luy de sçauans Conseillers, pour iuger par leur aduis & conseil: comme Traian, Auguste, Adrian, Marc Aurele, Alexandre Seuer, & autres Empe-reurs, qui estoient tousiours accompagnez des plus dignes personna-ges. tout cela estoit facile à ceux qui estoient ainsi nourris: mais on voit combien il est ennuyeux aux Iuges de voir les suites, les trauerses, les longueurs qu'on tient aux procedures, deuant qu'on mette vn procès en estat de iuger: & cōment vn Roy, vn Prince souuerain porteroit-il cela patiemment, veu qu'il est bien empesché d'entendre les affaires de tres-grande consequence, & qui touchent l'estat? S'il entreprend de iuger, & qu'il ne s'en acquitte, il fait iniure aux sugets. En quoy Demetrius l'as-siegeur a esté blasmé à iuste cause: lequel ayant receu grand nombre de requestes les meit au reply de son manteau, & quand il passa sus le pre-mier pont d'une riuiera, il secoia le tout en l'eau, comme nous lisons en Plutarque: de quoy les sugets se voyans mesprisez cōceurent vne haine capitale contre luy, & peu apres il fut delaisné de son armee qui se rendit à Pirrhus, avec le Royaume qu'il gagna sans combattre. Il faudra tousiours auoir recours aux commissaires pour instruire, & puis au Prince pour iuger les procès: cōbien qu'il est quelque fois difficile, & souuent pernicious de separer l'instruction du iugemēt. Mais posons le cas, que le Prince ait beau loisir, qu'il puisse, & qu'il vueille voir, ouyr, & iuger les procès de tout son peuple: si est-ce chose indigne à la majesté d'un Roy de faire vne cohue ordinaire de sa court: car outre les menees, ports, & faueurs qui ne sont point sugettes à recherche, & la contrariété de lettres, commissions, arrests & prouisions qu'on y depesche sous le nom, & sans le sceu du Prince, duquel on fait voile bien souuent pour faire iniustice: encores est-il insupportable aux sugets, ausquels la iustice est deuë aux lieux où ils sont, la chercher à la cour, où il est plus expedient quelque fois de quitter son droict que de plaider. Dauantage la

Loy tres-vtile
d'Escoſſe & de
Milan.

ſ. Tacitus.

plus digne cognoiſſance d'un Prince qui ſ'entremet de iuger, eſt touchant l'honneur & la vie: & qui ſeroient les accuſateurs qui voudroient tomber en ſi grands frais à la ſuitte de la cour, & au danger d'eſtre tuez des accuſez, ſi le Prince pardonne le crime? car on ſçait aſſez que les Princes en pardonnent plus qu'ils n'en puniſſent: choſe qui tire apres ſoy la ruine inévitable du Prince, & de ſon eſtat. Pour à quoy obvier, les delatiōs ſecrettes ont eſté introduites par l'ancien edit de Conan Roy d'Escoſſe, qui eſt aujourdhuy pratiqué en Escoſſe, & s'appelle Indiēt: & mieux encores par l'ordonnance de Milan (qui meriteroit eſtre ſainctement gardee en toute Republique) où il faut qu'en toutes les villes il y ait un tronc percé en la principale Eglise, duquel les gouverneurs ayent la clef, où il ſoit loiſible à chacun de getter ſecrettement le libelle d'accuſation, auquel le crime commis, le temps, le lieu, les coupables, les teſmoins ſoient compris, avec loyer de la moitié de la conſiſcation au delateur: qui eſt un grād moyen de faciliter la punition des crimes par deuant les iuges ordinaires: choſe qui ſeroit impoſſible de pourſuiure deuant le Prince. Pour ces difficultez & raiſons que j'ay remarquées, l'Empereur Tibere eſtant venu à l'eſtat, proteſta en plein Senat, & depuis le fiſt à ſçavoir par lettres aux officiers, qu'il ne vouloit rien entreprendre ſus la iuriſdiction des Magiſtrats. Et à dire vray, l'occaſion principale pourquoy les premiers Roys & Princes ſe meſloient de iuger, eſtoit d'autant qu'il n'y avoit point encores de loix; & tout le droit dependoit de la volonté du ſouverain: mais depuis qu'on eut eſtably loix ſelon leſquelles le Magiſtrat eſtoit obligé de iuger, la neceſſité de ce faire ceſſa en la perſonne des Princes ſouverains. Si on me dit que le Prince peut eſtre ſi ſage, ſi iuſte, ſi bien accompaigné de ſçavoir, qu'il ne donnera iugement qui ne ſoit equitable: & que ſon reſſort peut eſtre ſi eſtroit qu'il ſuffira pour iuger tous les procès, cōme il y a pluſieurs Princes aux bas pays & en Alemaigne, & meſmes en Italie, ſeroit-ce pas choſe belle, & vtile, que luy-meſmes fiſt iuſtice? Je dy qu'il n'eſt pas expedient, ny pour le prince, ny pour les ſujets. Je ne diray pas que pour la reuerence de ſa majeſté les parties n'oſeront parler franchement, faire entendre leur droit: ou qu'elles ne pourront y avoir accez pour la multitude des procès qu'il y auroit faiſant ceste ouverture: mais d'autāt qu'il n'y a rien plus convenable au ſouverain que la douceur, au prince que la clemence, au Roy que la miſericorde: & pour ceste occaſion l'Empereur Tite ſe fiſt grand Pontife, à fin de ne ſouiller ſes mains du ſang humain: ores que pluſieurs Pontifes de ſa qualité, & Empereurs ne fuſſent pas ſi religieux que luy. Or la douceur & miſericorde ſont du tout cōtraires à la vraye Iuſtice, & au bon Iuge: auquel non ſeulement la loy civile, ains auſſi la loy diuine defend d'avoir pitié (meſme du pauvre) en iugement. Et l'un des principaux poincts de la majeſté ſouveraine giſt à donner la grace aux coupables. il faudra donc que le prince ioie deux perſonnes con-

contraires, c'est à sçauoir, de pere misericordieux, & de Magistrat entier: de prince tresbenin, & de Iuge impassible. Et si le naturel du prince est doux & pitoyable, il n'y aura si meschant qui n'eschape à force de pleurs, & de prieres, desquelles les plus cruels bien souuent sont vaincus. Nous lisons quel'Empereur Auguste commença l'interrogatoire contre vn parricide en ceste sorte: le m'asseure que tu n'as pas tué ton pere. & mesmes Neron, quand on luy presenta la condamnation d'un homme pour la signer, le voudrois, dit-il, ne sçauoir point escrire. C'est pourquoy Ciceron plaidant deuant Cesar, qui auoit resolu à quelque prix que ce fust de faire mourir Ligarius, dist, qu'il ne plaideroit pas deuant le iuge, ains deuant le pere du peuple: & que ce n'est pas la façon de parler aux Iuges qu'ad on dit, Pardonnez luy, il a failly, il s'est mespris, si iamais il y aduiét: cela est bon à dire deuant vn prince souuerain, deuant vn pere: mais on dit aux Iuges que le crime est supposé, les tesmoins sont faux, qu'il n'en est rien. Et en ceste sorte remonstrent aisiblement à Cesar qu'il ne deuoit estre Iuge, tenant le lieu de souuerain: & puis haut loüant les faits, la proüesse, la douceur de Cesar, l'esbranla si fort, qu'il le fist chager de couleur & de contenance, & fut rauï en telle sorte qu'il ne peut ouyr la moitié du plaidoyé (qui est le plus brief de tous ceux que Ciceron a laissé par escrit) qu'il n'accordast à Ciceron plus qu'il n'esperoit. S'il est ainsi que Cesar, l'un des plus grands orateurs qui fut onques, au iugemēt de Ciceron, & des plus aduisez hommes qui fust de son aage, a esté accablé de la force d'eloquēce, pardonnant à celuy qu'il auoit resolu de faire mourir: qui sera le prince moins accort, & tant soit peu suget à pitié, qui se pourra guarentir du babil d'un aduocat affecté, de la pauvreté d'un vieillard, des larmes d'une femme, des cris d'un enfant? Le Roy Agesilaus fut estimé plus que prince de son aage: & neantmoins importuné de prieres escriuit aux Iuges en ceste sorte: Si tel n'est point coupable du faict dont il est accusé, qu'il soit absous: & s'il est coupable, qu'il soit absous pour l'amour de moy: & quoy qu'il en aduienne qu'il soit absous. Et s'il est mal-aisé à vn prince d'en eschapper, encores est-il beaucoup plus difficile en l'estat populaire, où le peuple se laisse mener à la baguette, & beffler de parolles: ainsi qu'on peut voir presque en toutes les accusations faites & en Athenes & en Rome, quand le peuple iugeoit: les innocens estoient condānez, & les coupables absous. toutes les histoires sont pleines d'exemples: comme nous lisons que l'orateur Sergius Galba accusé, attainct & conuaincu de leze majesté par deuant le peuple Romain, n'ayant plus que dire, amena des enfans en iugement, pour emouuoir le peuple à pitié, & en ceste sorte rechappa. alors Caton dist, que s'il n'eust eu recours aux pleurs, & aux enfans, il eust eu des verges⁶. Et tout ainsi que le peuple est souuent pipé par les harangueurs: aussi sont plusieurs princes par les flateurs, & ne s'en peuvent sauuer. C'est pourquoy la Noblesse de Poulongne obtint de Loys

6. Valer. max. lib. 8.

Roy de Hongrie & de Poulongne, priuilege que les nobles ne pourroient estre iugez que par le Roy, quād il y va de la vie ou de l'honneur: voyant qu'ils pourroient aisément eschapper le iugement du Roy, & non pas des iuges: le priuilege est l'an M. CCC LXXIII. couché aux ordonnances de Poulongne. de cela id est aduenü, que le noble n'est iamais condamné à mort, quelque meschanceté qu'il face: & en rechape tousiours par argent, & au pis aller en tenāt prison vn an & six sepmaines: ce qui a passé en force de loy, & se garde encores à present, cōme i'ay appris del' Ambassadeur Zamoschi. Et si le Prince n'est doux, & pitoyable, il sera rigoureux & cruel: car on sçait assez cōbien la mediocrité se trouue en peu d'hommes, & moins encores és Princes, qui se laissent aisémēt porter à l'vne ou à l'autre extremité. Et si le Prince est vertueux, il aura les hōmes vicieux en horreur, & les plus sages alors sont esmeus d'vn iuste courroux, & souuent transportez de cholere. Il n'y a point de meilleur exemple que d'Auguste, qui a emporté le prix d'estre l'vn des plus sages & vertueux Princes qui fut onques, & qui portoit la peine des cōdamnez, & ne souffroit pas moins, dit Seneque, que ceux-là mesmes qu'on executoit. Et neantmoins ce Prince debonaire par accoustumāce de iuger, & condāner ceux qui estoient conuaincus, cōme il estoit necessaire deuenoit cruel & par trop rigoureux, se laissant transporter de passion, & indignation cōtre les meschās: de sorte que tenant vn iour le siege, & condānant plusieurs accusez en diuerses peines, son amy Mecenas ne pouuāt approcher luy getta vn billet de papier, par lequel il l'appelloit bourreau: soudain Auguste se tint coy, recognoissant que la cholere le trāsportoit, & qu'il precipitoit ses iugemēs. Et pour ceste cause nos peres ont treslāgemēt ordonné, que la chābre criminelle des Parlemens changera de trois en trois mois, qui pour ceste cause s'appelle Tournelle, par ce que tous les iuges des autres chambres y iugent chacun en leur tour: à fin que l'accoustumāce de condāner, & faire mourir les hōmes, n'alterast la douceur naturelle des iuges, & les rendist cruels & inhumains. Ioint aussi qu'il est fort difficile, & presque impossible, dit Theophraste, que l'homme de bien n'entre en cholere, voyant les crimes detestables des meschans, & quelque fois il en deuient furieux & hors du sens: cōme Claude l'Empereur, fut si outré de rage qu'il auoit, oyant vn iour reciter les meschancetez d'vn hōme accusé, qu'il print vn cousteau & luy getta cōtre le visage.⁹ Or si le Prince qui s'entremesse de iuger, est cruel de sa nature, il fera vne boucherie de sa cour: commel'Empereur Caligula¹, qui condāna par vne seule sentēce, & à mesme peine cinquāte personnes pour diuers crimes, & prenoit plaisir à couper les testēs des plus gens de bien, tantost pour essayer vn cimenterre, tantost pour faire preuue de sa prouesse. Si donques il est difficile aux plus sages, de garder la mediocrité doree entre douceur & rigueur, qui est necessaire² aux iuges: il ne sera pas aisé de la trouuer és Princes, qui sont le plus souuent

extremes

9. Tranquil. in Claudio.

1. Tranquil.
Estrange iniquité de Caligula.

2. 1. respiciendum de pœnis.

extremes en leurs actions: car la fâcherie d'un particulier, est indignation en un Prince, & le courroux d'un sujet, est appelé fureur en un Roy. Mais passons plus outre, & posons que le Prince ait la sagesse, le sçavoir, la prudence, la discretion, l'usage, la patience, & toutes les vertus requises à un bon iuge: si est-ce qu'il n'est pas sans difficulté s'il doit iuger ses sujets. Car la plus belle reigle qui peut entretenir l'estat d'une monarchie, c'est que le Prince se face aimer de tous sans mespris, & hayr de personne, si faire se peut. Pour y parvenir il y a deux moyens, l'un est que la peine iuste soit decernée aux meschans, & le loyer aux bons. & d'autant que l'un est fauorable, l'autre odieux, il faut bien que le Prince qui veut estre aimé se reserve la distribution des loyers, qui sont les estats, honneurs, offices, benefices, pensions, priuileges, prerogatiues, immunités, exemptions, restitutiōs, & autres graces, & faueurs, que tout Prince bien aduisé doit luy mesmes octroyer. & quant aux condamnatiōs, amendes, confiscations, & autres peines, il doit les renvoyer à ses officiers, pour en faire bonne & briefue iustice. En quoy faisant, ceux qui receuront les bienfaits, seront cōtraints d'aimer, respecter, & reuerer le bienfaicteur. & ceux qui seront condamnés n'aurōt occasion quelconque de le hayr: & regetterōt leur cholere sur les Iuges. car le Prince faisant bien à chacun & mal à personne sera bien voulu de tous, & de nul hay: car ce que nature nous a figuré au Roy des abeilles, qui n'a iamais d'aguillō. & quoy qu'en la sainte escripture on trouue qu'il n'y a peste, famine, guerre, ou autre affliction que Dieu n'enuoye: si est-ce que tous sont d'accord, que celà se fait par la seule permission: & la nature du verbe transitif en Hebrieu le monstre assez. aussi lisons nous que Iupiter auoit trois foudres, qu'ils appelloient *nianubias albas, rubras, atras*: le premier est blanc qui sert d'aduertissement, & ne blece personne, qui se fait du seul aduis de Iupiter, donnant un regard au Soleil doux & bening. & pour ceste cause Seneque disoit, *Id solū fulmen placabile est, quod mittit Iupiter*. L'autre se fait par le regard de Iupiter aux basses planettes, qu'ils appelloient les dieux inferieurs, qui blese & gaste, mais il ne tue personne. le troisieme se fait par le regard de Iupiter aux deux hautes planettes, qui tue, destruit, & ruine: qu'ils appelloient les hauts dieux. Car la Theologie des anciens s'accommodoit aux Pontifes, aux Philosophes, & aux Poëtes. & tous s'accordoient que le grand Dieu qu'ils pensoient estre Iupiter, n'offensoit, ny ne bleçoit, ny ne condamnoit personne. le pense quant à moy, que c'est l'un des plus beaux secrets qui a maintenu si longuement ceste monarchie: car nos Roys ont tresbien sceu pratiquer de toute anciēeté ceste reigle: octroyant tous les bienfaits & loyers, & laissant les peines aux officiers, sans respect des personnes. Quand le Roy François premier, fist constituer le Chancelier Poyet prisonnier, il ne voulut pas estre son iuge, ny mesmes assister au iugement, ains le renuoya au Parlemēt de Paris: & comme le Chancelier eust recu-

Le Prince se doit
faire aimer des
sujets.

ſe tous les preſidens & conſeillers de la Cour, le Roy luy permit d'auoir
 deux iuges de chacun Parlement. En quoy chacun peut iuger, combien
 la iuſtice a eſté ſincerement adminiſtree en ce Royaume au prix des au-
 tres: car au meſme temps les Chanceliers du Roy d'Angleterre, & du
 Duc de Milan, furent preuenus auſſi de leze maieſté, c'eſt à ſçauoir Tho-
 mas le More, & Hieroſime Moron: ceſtui-cy fut iugé par ceux que le
 Marquis de Peſquierre nomma, qui eſtoit chef de la coniuration faiçte
 cõtre l'Empereur: & Thomas eut ſa partie aduerſe pour Iuge, qui auoit
 empieté ſon eſtat, & donné commiſſaires à ſon plaſir, pour l'inſtruçtiõ
 du procez, & le Roy nomma douze iuges, pour donner aduiſ ſuiuant la
 couſtume du pays, qui n'eurent pas ſi toſt dit GITHI, c'eſt à dire, cou-
 pable de mort, que le nouueau Chancelier ne prononçaſt l'arreſt: ainſi
 que i'ay veu par les lettres du Legat Caieçtan au Pape. ceſte condamna-
 tion donna tref-mauuais bruit au Roy d'Angleterre, tant enuers les e-
 ſtrangers, qu'enuers ſes ſugets, plus pour la forme de proceder, que pour
 le fonds en ſoy: ce qui ne fuſt adueni, ſil ne ſe fuſt non plus meſlé du
 iugement que le Roy de France fiſt en celuy de ſon Chancelier. Peut e-
 ſtre on me dira, que la qualité des Princes & grands ſeigneurs, quand il
 y va de l'honneur, requiert la cognoiſſance du Roy, & de fait la Cour de
 Parlement fiſt reſponſe au Roy Charles VII. l'an M. CCCC. LVIII. le
 xxvi. Auriſ, que Jean Duc d'Alençon, ne pouuoit eſtre iugé de crime
 de leze maieſté, ſinon en la preſence du Roy, & des Pairs de France, ſans
 qu'il leur fuſt licite de ſubſtituer: & en cas ſemblable, ſus l'aduiſ requis
 par Loys XI. quand il fut queſtion de faire le procez à René d'Anjou
 Roy de Sicile, la Cour fiſt meſme reſpõſe le xxvi. Auriſ M. CCCC. LXXV.
 & que meſmes il ne ſe pouuoit donner arreſt interlocutoire contre
 vn Pair de France, quand il y va de l'honneur, que le Roy ne fuſt pre-
 ſent. Ie dy toutesfois que ce n'eſtoit pas pour iuger: car il ſe peut verifier
 que le Roy anciennement n'aſſiſtoit pas meſmes au iugement des coul-
 pables de leze maieſté: & ſe trouue és registres de la Cour vne protesta-
 tion du troiſieſme Mars M. CCCC. LXXXVI. faiçte par le Duc de Bour-
 gogne, comme premier Pair de France, au Roy Charles VI. par la quel-
 le il eſt porté, que le Roy ne debuoit aſſiſter au iugement du Roy de
 Nauarre, & que celà n'appartenoit qu'aux Pairs, diſant qu'il y auoit vne
 ſemblable proteſtation faité au Roy Charles V. afin qu'il ne fuſt preſent
 au iugement du Duc de Bretagne: & où il voudroit paſſer outre, les
 Pairs de France demanderent en plein Parlement, qui leur fuſt decerné
 acte de leur proteſtation: & deſlors fut enioint au greffier par arreſt de
 la Cour, deliurer aux Pairs, & au Procureur general du Roy acte de leur
 proteſtation. Et meſmes quand il fut queſtion de iuger le procez du
 Marquis de Saluſſe, il fut ſouſtenu par viues raiſons, & auctoriété diui-
 ne & humaine, que le Roy de France ne pouuoit aſſiſter au iugement, puis
 qu'il y alloit de la conſiſcation du Marquiſat: & combien qu'il fut paſſé
 outre,

Le Roy ne doit
 eſtre iuge, & par-
 tie, ou il y va de
 ſon intereſt.

3. Baldus Peruſ. & In-
 nocentius in cap. ve-
 rum de foro cõpet.
 Andr. in cap. i. de cle-
 ric. coniugat. Panor.
 in cap. ceterum de
 Iudic. ext.

outre, ce requerant le Procureur general, & que le Marquis fut condané & ses biens confisque: si est-ce toutesfois que les autres Princes le trouuerent mauuais. Aussi Alexandre le Grand ne voulut onques se porter iuge, ny mesmes assister au iugement donné contre Philotas, Calisthene, & autres coniurez contre sa personne, comme nous lisons en Quinte Curse. Car si c'est contre la loy naturelle, ⁴ que la partie soit iuge, & que le Roy est partie en toutes causes ou il y va du public, ou de son propre patrimoine en particulier, auquel cas il ne peut estre iuge, à plus forte raison celà doit auoir lieu au crime de leze maiesté, mesmement au premier chief, où il est question de l'honneur, ou de la vie du Prince. Et pour ceste cause Loys ix. ne voulut point donner sentence au iugement de Pierre Mauclerc Comte de Bretagne, encores qu'il fust present quand on le iugeoit: ny pareillement au iugement de Thomas Comte de Flandres: ny Philippe le Bel en la cause de Robert Comte de Flandres, attaints de leze maiesté, & qui plus est les arrests font donnez au nom des Pairs, & non pas au nom du Roy, ores qu'il fust present: ainsi qu'on peut voir en l'arrest de Mauclerc, par lequel il fut priué de la garde, & baillie du Comté de Bretagne, donné par vn Archeuesque, deux Euesques, huiet Comtes, Matthieu de Montmorancy, le Vicomte de Beaumont, & Iean de Soissons: qui porte ces mots; *Notum facimus, quod nos coram carissimo domino nostro Ludouico Rege Franciæ indicauimus, &c.* où il appert que le Roy, ores qu'il fust present, ne donnoit point sentence: comme on peut voir aussi en la cause de la succession d'Alphons Comte de Poitiers, iacoit qu'il ne fust question que du domaine, le Roy neantmoins ne donna point son aduis: ny pareillement le Roy François i. bien qu'il fust present au iugement de Charles de Bourbon Connestable. Et si le Prince doit faire difficulté de iuger les causes des sugets, où il n'y va que du particulier, & auquel il ne peut auoir aucun interest, affin qu'il ne donne occasion de malalent à ceux qu'il aura condamez, soit à tort ou à droict, ains qu'il se doit entretenir en l'amour, & vnion des siens, comme en vne forteresse treshaute & seure: combien plus se doit il garder, quand il n'a partie que celuy duquel il se fait iuge? I'ay veu au proces de Charle Duc de Bourbon, que saint Valier examiné en la tour de Loches par le President de Selua, & l'Euesque du Puy, tesmoin examiné à Tarrare par Iean Brinon premier president de Rouen, M. D. XXI. I. deposerent, que l'occasion qui fist rebeller le Duc estoit la response que fist le Roy François, aux articles que le Duc auoit enuoyez à la Cour de Parlement, sus le procez qu'il auoit contre le Roy, & la regente touchant le domaine. Et fil ne s'en fust point meslé aucunement, & qu'il eust laissé faire ses iuges, & procureurs, il n'eust pas donné occasion à vn tel suget de mettre le Roy & le Royaume en l'estat où il fut bien tost apres. Car quelque bonne iustice que face le Prince, tousiours celuy qui sera condamné pensera

4. l. i. ne quis in sua causa iudicet. C. l. qui iurisdictioni. de iurisdictioni.

qu'on luy a fait tort. De dire que si le Prince faisoit iustice luy mesmes, on auroit bonne & briefue iustice, & que tant d'appellations, oppositions, requestes ciuiles, & autres longueurs de iustice, seroient retranchees. Celà ne merite point de response : car les parties qui sont à la suite de la Cour, pour quelque procès, sçauent assez quelles difficultez, & longueurs il y a, deuant qu'on puisse auoir vne audience, & à quels frais il faut plaider. & quant aux appellations c'est vn moyen pour corriger & amender les iugemens iniques. Aussi la plus briefue iustice n'est pas la meilleure : car quoy que Thucydide, le plus illustre qui fust de son temps au Senat des Arcopagites, a dit qu'il faut chaudemēt chastier les forfaits (opinion suyue presque de tous) neantmoins Plutarque a bien monstré le contraire, au liure qu'il a fait de la vengeance diuine qui va lentement : En quoy Dieu fait cognoistre aux hommes fils sont vrais imitateurs de sa iustice, qu'il faut proceder peu à peu : soit pour mieux cognoistre la verité, soit pour tirer quelque fruit des meschans deuant qu'ils meurent, soit pour les amener à recognoissance, soit pour les punir plus griefuement (d'autant que celuy souffre dauantage qu'on tient en crainte & en langueur) soit pour iuger plus iustement : car il est mal-aisé que le iuge pressé de cholere, hasté des vns, precipité des autres, face iustice qui vaille : quelque sçauoir & crainte qu'il ait de mal iuger. que fera donc le Prince, qui n'aura ny l'un ny l'autre ? Les iugemens des magistrats sont corrigez les vns par les autres, en vertu des appellatiōs, & si le Prince se melle de iuger, qui sera celuy qui corrigera ses arrestz ? car la partie qui n'a pas bien donné à entēdre son fait au iuge, qui n'a pas assez produict, a tousiours esperance de supployer en cause d'appel : mais si le Roy se fait iuge, la porte luy est close. Et toutesfois ie ne veux pas dire que le Prince ne doibue quelquesfois iuger assisté de son Conseil mesmement s'il est sage & bien apris : pourueu que la chose soit grande, & qu'elle merite sa cognoissance : suiuant en celà le conseil de Iethro, lequel voyant Moysē empesché du matin iusques au soir à faire iustice à toutes personnes, & de toutes causes, Vous vous tuez, dit-il, de prendre tant de peine : choisissiez moy les plus sages, & apparens du peuple, pour vous descharger : & s'il y a chose qui soit haute & difficile à iuger, il suffira bien d'en prendre la cognoissance. Moysē suiuit le conseil de son beau pere. Nous lisons que Romule ayant donné au Senat, & aux magistrats la iustice, reserua seulement à sa cognoissance les choses d'importance. Et combien que les Empereurs depuis estendirent plus outre leur cognoissance, si est-ce qu'il y auoit certains cas qu'ils appelloient extraordinaires, dont ils iugeoient : ores qu'ils iugeassent quelquesfois de choses fort legeres & ordinaires, comme Claude l'Empereur, le plus lourdaud qui fut onques, & qui neantmoins tousiours vouloit iuger, duquel parlant Suetone, *Alium, dit-il, negantem rem cognitionis, sed ordinarij iuris esse, subito causam apud se agere coëgit* : chose qu'il faisoit

Cas auquel le
Prince doit iu-
ger.

s. Dionys. Halycarn.
lib. 2.

faisoit si ineptement, que les aduocats se moquoient de luy ouuertement, iusques à là qu'il y en eut vn qui luy dist, Pour vn vieillard tu es vn grand sot. vn autre en sortant du siege luy bailla la iambe & le fist tomber. & en fin les pages & laquets luy bailloient des nazardes, & le barbouilloient. Ainsi en prend il aux Princes abestis, & mal appris, qui veulent sentremesler de toutes choses, & se faire appeler veaux deuant tout vn peuple : chose cōme i'ay dit, qui est la plus dangereuse qui soit en vne monarchie, que les sugets viennent à mespriser leur Prince. Si le Prince estoit aussi sage que Salomon, ou biē aussi prudēt qu'Auguste, ou si modéré que Marc Aurelle, il pourroit bien se monstrier en public, & iuger souuent : mais puisque ces grandes vertus sont si rares entre les Princes, il est bien plus expedient qu'ils se communiquent le moins qu'ils pourront, mesmement sil y a des estrangers : car les sugets, pour la reuerence & amour qu'ils doibuent à leur Prince naturel, supportent beaucoup de petites imperfections, que l'estranger n'excuse iamais : & sil a veu chose mal seante en vn Prince, il va publiant par tout, iusques aux moindres mines, contenance, & façons de faire. Le bruit du Roy Agésilas auoit rempli l'Asie Mineur, la Grece & l'Afrique : mais le Roy d'Egypte l'ayant veu veautré en vn pré, vestu d'une simple cape de meschant drap, & que de sa corpulence il estoit maigre, petit, & boiteux, il n'en fist point de conte : non plus qu'on fist du Roy Loys onzième, lequel estant esleu arbitre pour iuger le differend d'entre les Roys de Nauarre & de Castille, les Espagnols d'arriuee se moquoient des François, & de leur Roy, qui sembloit quelque pelerin saint Iaques avec son chapeau gras bordé d'images, & la iaquette de drap tanné, & qui n'auoit aucune majesté en sa face, non plus qu'en ses façons de faire, & sa suite accoustree de mesmes : au lieu que le Roy de Castille, & sa troupe estants venus parez de somptueux habits, & leurs cheuaux richement caparassonez, monstroient vne certaine grandeur Hespagnole, & telle qu'il sembloit que les François ne fussent que leurs varlets. vray est que les Espagnols ayant tantost apres descouuert en la plaine vne armee de François forte & puissante, & preste à bien faire, accorderent au Roy de France les conditions telles qu'il voulut. Toutesfois depuis le Roy Loys onzième cognoissant bien que la pluspart du monde mesure les hommes à l'exterieur, à la mine, à l'habit, quand on luy dist que les Ambassadeurs de Venize estoient venus brauement accoustrez, & bien suyuis, il se fist aussi reuestir magnifiquement en habit Royal, & se mettant en vn haut siege, fist entrer les Ambassadeurs. A plus forte raison doit-on se monstrier aux Princes estrangers, en telle sorte qu'il n'y ait rien de sordide, & moins encores es paroles & contenance, qu'es habits. c'est pourquoy Philippe de Comines, parlant de l'entreueüe des Princes, dit qu'il faut les fuir le plus qu'on peut : car tousiours la presence diminue le bruit, & l'opinion qu'on a

6. Tranquil.

Entreueüe des Princes est perilleuse.

Il ne faut pas des-
pouiller les Ma-
gistrats de leur
puissance, pour
l'attribuer au Pri-
ce.

En l'estat popu-
laire, & Aristoc-
ratique il n'est
pas expediēt que
le peuple, ny les
Seigneurs s'em-
peschent des af-
faires.

7. Plutar.in Pericle.

conceu des personnes, les fait moins estimer, chose qui est à craindre encōres plus enuers les estrangers, qu'enuers les sugets. Or ce que j'ay dit que les Princes ne doibuent pas faire mestier d'estre iuges, se doibt encōres mieux garder en l'estat populaire, pour les difficultez grandes qu'il y a d'assembler le peuple, & de luy faire entendre raison: & apres l'auoir entendue de bien iuger. C'est l'occasion qui plus engendra de guerres ciuiles entre les Romains, iusques à ce que le Dictateur Sylla eut renuoyé la cognoissance de toutes causes par deuant les Magistrats, horsmis le crime de leze majesté au premier chef. Outre les inconueniens que j'ay remarqué cy dessus, cestuy-cy est encōres des plus grands, c'est à sçauoir, qu'il n'y a chose qui plus ait ruiné les Republiques, que despoüiller le Senat, & les magistrats de leur puissance ordinaire, & legitime, pour attribuer tout à ceux qui ont la souueraineté. car d'autant que la puissance souueraine est moindre (reserué les vrayes marques de la majesté) d'autant elle est plus asseuree: comme dit Theopompe Roy de Lacedemone, ayant acceu la puissance du Senat, & fait eriger cinq Ephores en tiltre d'office, comme Tribuns populaires, sa femme luy reprocha qu'il auoit beaucoup diminué sa puissance: aussi, dit-il, ie l'ay bien plus asseuree pour l'aduenir. car il est bien difficile qu'un bastiment esleué trop haut ne ruine bien tost. Et peut-estre c'est l'un des poincts principaux qui a conserué l'estat de Venize: veu qu'il n'y a, & n'y eut onques Republique, où ceux qui ont la souueraineté s'empeschent moins de ce qui appartient au conseil, & aux Magistrats. Le grad conseil ne s'entremesle quasi d'autre chose qu'à faire les Magistrats, & les ordonnances generales, & donner les graces: qui sont les principales marques de la majesté souueraine: le surplus des affaires d'estat se despesche par le Senat, & par le conseil des dix & des sept: & la iurisdiction par les autres Magistrats. Si cela est loüable, & bien ordonné es estats Aristocratiques, à plus forte raison doibt-il auoir lieu es estats populaires: d'autant que plus y a de testes, moins y a de conseil, moins de resolution. Et ne puis estre de l'opinion de Xenophon, lequel parlant des Atheniens, dit, que les loix les plus populaires, maintiennent la Democratie, quand, dit-il, le peuple prend cognoissance de toutes choses, & que le tout passe au sort, & au poix: ce qui fut fait en Athenes, apres qu'on eut osté au 7 Senat des Areopagites la cognoissance & maniemēt des affaires, pour la renuoyer au peuple: aussi la Republique tantost apres fut ruinee. Mais en Suisse, où les estats populaires ont ià flori deux cens soixante ans, & continuent de bien en mieux, le peuple ne s'entremesle quasi d'autre chose que de pouruoir aux offices. Aussi lisons nous que l'estat populaire des Romains n'a iamais esté plus beau, qu'alors que le peuple ne s'empeschoir que des principaux poincts de la majesté: qui a esté depuis la premiere guerre Punique, iusques à ce que le Royaume de Macedoine fut mis sous la puissance
des

des Romains . mais depuis que le Tribun Caius Graccus eut retranché la puissance du Senat & des Magistrats, pour donner au peuple la cognoissance de toutes choses, il n'y eut que seditions, meurtres, & guerres civiles: & en fin ceste licence debordée de populace fut suyvie d'une extreme seruitude . le mesme inconuenient aduint aux Megariens, lesquels tomberent d'estat populaire en vne forte tyrannie, comme dit Platon, pour la licence effrenée, & cognoissance de toutes choses qu'entreprenoit le peuple sus l'auctorité, iurisdiction, & puissance du Senat & des Magistrats . mais l'estat ne peut faillir à prosperer, quand le souuerain retient les poincts qui concernent sa majesté, le Senat garde son auctorité, les Magistrats exercent leur puissance, & que la iustice a son cours ordinaire: autrement si ceux-là qui ont la souueraineté veulent entreprendre sus la charge du Senat, & des Magistrats, ils sont en danger de perdre la leur . Et ceux-là s'abusent bien fort qui pensent rehausser la puissance du souuerain, quand ils luy montrent ses griffes, & qu'ils luy font entendre que son vouloir, sa mine, son regard, doit estre comme vn edit, vn arrest, vne loy: afin qu'il n'y ait personne des sugets qui entreprenne aucune cognoissance, qui ne soit par luy renuersee, ou changée . comme faisoit le tyran Caligula, qui ne vouloit pas mesmes que les Iuriscultes donnassent leur aduis, quand il dist, *Faciam vt nihil respondeant nisi⁸ eccum*, c'est à dire, cestuy-là est seul à qu'il appartient de donner aduis, parlant de soy-mesmes . Or tout cela engendrevne arrogance, & tyrannie insupportable en vn Prince .

8. Allusione facta ad æquum.

SI LE PRINCE ES FACTIONS CIVILES

*se doit ioindre à l'une des parties, & si le suget doit estre
contraint de suyure l'une ou l'autre, avec les moyens
de remedier aux seditions.*

CHAP. VI.



NOUS auons discouru quel doit estre le Souuerain au fait de la iustice: & s'il se doit porter iuge, quand, & cōment, & en quelle sorte de Republique. voyōs maintenant hors les termes de iustice, quand les sugets sont diuisez en factions, & partialitez: & que les Iuges & Magistrats sont aussi partisans, si le Prince souuerain se doit ioindre à l'une des parties: & si le suget doit estre contraint de suyure l'une ou l'autre. Premièrement nous poserons ceste maxime, que les factions, & partialitez sont dangereuses, & pernicieuses en toute sorte de Republique, & qu'il faut s'il est possible les preuenir par bon conseil: & si on n'y a pourueu auparauant qu'elles soient formées, qu'on cherche les moyens de les guarir: ou pour le moins employer tous les remedes conuenables pour adoucir la maladie. Je ne veux pax dire que des se-

Les partialitez
sont dangereuses
en toute Repu-
blique.

i. in lib. sapientiz.

ditions & partialitez, il n'aduienne quelquesfois vn grand bien, vne bonne ordonnance, vne belle reformation: qui n'eust pas esté si la sedition ne fust aduenüe: mais ce n'est pas à dire que la sedition ne soit pernicieuse, ores qu'elle tire apres soy quelque bien par accident & ca-
 suellement: comme au corps humain, la maladie qui suruient est cause qu'on vse de saignées & purgations, & qu'on tire les mauuaises humeurs: ainsi les seditions bien souuent sont cause, que les plus meschans, & vicieux sont tuez ou chassés & bannis, afin que le surplus viue en repos: ou que les mauuaises loix & ordonnances soient cassées & annullees, pour faire place aux bonnes: qui autrement n'eussent iamais esté receuës. Et si on vouloit dire que par ce moyen les seditions, factions, & guerres ciuiles sont bonnes: on pourroit aussi dire que les meurtres, les parricides, les adulteres, les subuersions des estats, & empires sont bonnes: car il est bien certain que ce grand Dieu souuerain fait reüssir à son honneur mesmes les plus grandes impietez, & meschancetez qui se facent, lesquelles ne se font point¹ contre sa volonté, comme dit le sage Hebrieu. aussi pourroit-on louer les maladies, comme Fauorin loua grandement la fiebure quarte: qui seroit confondre la difference du bien & du mal, du profit & dommage, de l'honneur & deshonneur, du vice & de vertu: Brief ce seroit meller le feu & l'eau, le Ciel & la terre. Tout ainsi doncques que les vices & maladies sont pernicieuses au corps & à l'ame: aussi les seditions & guerres ciuiles, sont dangereuses & pernicieuses aux estats & Republiques. Peut estre on dira qu'elles sont vtils aux Monarchies tyranniques pour maintenir les tyrans, qui sont tousiours ennemis des sugets, & qui ne peuuent longuement durer, si les sugets sont d'accord: l'ay monstré cy dessus, que la Monarchie tyrannique est la plus foible de toutes, cōme celle qui n'est entretenuë & nourrie, que de cruauté, & meschancetez: & neantmoins on voit ordinairement qu'elle prend fin par seditions & guerres ciuiles: & si on prend garde à toutes les tyrannies qui ont esté renuersees, il se trouuera que cela est aduenü le plus souuent par factions, & guerres ciuiles. Et mesmes les plus ruzes tyrans, qui peu à peu font mourir les vns & puis les autres, pour s'engraisser du sang des sugets, & sauuer leur mal-heureuse vie, qu'ils tirent en peine & en langueur: n'eschapent iamais les assassinemens des coniurez, qui se multiplient d'autant plus qu'ils font mourir de sugets, qui par nécessité estans alliez, sont tousiours prests à vanger la mort de leurs parens: & ores qu'ils facent mourir tous leurs parens, amis & alliez, neantmoins il susciteront tous les gens de bien contre eux mesmes. Et de s'enrichir des biens des sugets, s'est procurer sa ruine & son mal: car il est impossible que la rate s'enfle, ou que les excroissances de chair vicieuses s'engraissent, que les autres membres ne seichēt, & que bien tost le corps ne perissē du tout. Et par ainsi les Florentins s'abusoient de penser que leur
 estat

estat fust plus affeuré tandis qu'ils nourrissoient les partialitez entre les sugers de Pistoye : car ils perdoient autant de force , & de bons sugers, qui se ruinoient les vns par les autres . Or si les factions & seditions sont pernicieuses aux Monarchies, encores sont elles beaucoup plus dangereuses es estats populaires, & Aristocraties . car les Monarques peuvent maintenir leur majesté, & decider comme neutres les querelles, ou se ioignants à l'une des parties , amener l'autre à la raison , ou l'opprimer du tout . mais le peuple estant diuisé en l'estat populaire , n'a point de souverain : non plus que les seigneurs en l'Aristocratie diuisez en partialitez, n'ont personne qui leur puissent commander : si ce n'est que la plus grande partie du peuple, ou des seigneurs ne soient point de la faction, qui puisse commander au surplus . Quand ie dy faction, ie n'entens pas vne poignée de peuple, ou quelque petit nombre de sugers, mais vne bonne partie d'iceux bandez contre les autres. car s'il n'y a que bien petit nombre, celuy qui a la souveraineté doit y obuier, pour les reduire à la raison, mettant leur differend entre les mains des Iuges non passionnez : ou si la chose requiert la declaration, & volonté du souverain, cela se doit faire avec sage conseil, & meure deliberation des plus aduisez Conseillers, & Magistrats, qui ne soient aucunement suspects de fauoriser l'une des parties : à fin que le Prince, ou ceux qui ont la souveraineté ne portent l'enuie & mal-talent de ceux qui seront condamnés . Et si on voit qu'on ne puisse appaiser la faction par iustice, & iugemens, le souverain y doit employer la force, pour l'estaindre du tout, par la punition de quelques vns des plus apparents : & mesmement des chefs de partie : & n'attendre pas qu'ils se soient tellement fortifiez, qu'on ne puisse leur faire teste . Cela s'entend des factions qui ne touchent point à l'estat : car si la faction est directement contre l'estat, ou la vie du souverain, il ne faut pas demander s'il se fera partie, puis que c'est luy qu'on prend à partie formelle . & s'il endure qu'on attente à sa personne, ou à son estat sans se remuer, il inuitera les autres à faire le semblable . mais la difference sera en la forme de punir : car si le nombre est petit des coniurez contre sa personne, il doit en poursuyure la punition par ses Iuges & Officiers, & d'autant plus soudainement, que moins il y aura de coniurez, & deuant que les autres soient descouverts : à fin que la punition d'un petit nombre contienne les bons sugers en debvoir, & destourne ceux qui ne sont pas decelez : sans vser de gesnes, & tortures, en cherchant ce qu'on ne voudroit pas trouuer : aussi ne faut-il pas dissimuler si le coupable est descouuert auoir coniuré contre la vie du souverain, ou mesme l'auoir voulu. Comme il aduint à vn gentil-homme de Normandie, confesser à son Cordelier, qu'il auoit voulu tuer le Roy François premier, le Cordelier en aduertit le Roy, qui enuoya le gentil-homme à la Cour de Parlement, où il fut condamné à la mort : comme i'ay aprins de M. Canaye, Aduocat en

Singularité de la Monarchie.

Parlement, des premiers hommes qui furent onques en son estat. Et peut-estre qu'on eust mieux fait d'en faire la punition, sans en aduertir le Roy pour le descharger de l'enuie d'un tel iugement. cōme fist l'Empereur Auguste de Q. Gallius,^o qui s'estoit efforcé de le tuer. Auguste dissimula de n'en rien sçauoir, & mesmes apres l'arrest de mort donné par le Senat, il luy donna sa grace, le renuoyant à son frere gouuerneur de prouince: en quoy chacun loua sa douceur & bonté: & neantmoins il fut tué par les chemins, par le secret commandement d'Auguste, ainsi que plusieurs iugerent: qui estoit la mesme façon de laquelle vfa Cesar, ayant donné la grace à Marc Marcel, lequel bien tost apres fut tué, par ce qu'il estoit ennemy capital de Cesar: mais la pluspart qui auoit bonne opinion de la clemence naturelle de Cesar, & de la douceur d'Auguste, n'estimoit pas qu'ils eussent voulu en vser ainsi: & les plus fins excusoient cela, comme estant fait pour la tuition & defense de leur vie. mais si les coniurez sont en grād nombre, & qu'ils ne soient pas tous descouuerts, le sage Prince doit bien se garder d'appliquer à la torture ceux qu'il punira, ores qu'il soit le plus fort, & qu'il peult en venir à bout sans danger: car pour vn qu'il fera mourir, ils'en leueracēt des amis, & alliez, qui aurōt peut estre assez de puissance, pour le moins la volonté ne leur manquera iamais, de vanger la mort de ceux-là qui leur attouchent de consanguinité. & quand tout cela n'y seroit point, le Prince doit euer le blasme de cruauté, tant des sugets que des estrangers. A quoy Neron faillit grandement, lequel ayant descouuert la coniuration contre sa personne, & son estat, voulut sçauoir par gesnes & tortures tous ceux qui y auoient part: & s'en trouua si grand nombre d'accusez à tort, ou à droict, que les vrais cōiurez se voyans condamnez, deschargeoient leur cholerē sus les plus loyaux amis de Neron, qu'il fist cruellement tuer: ce qui fut depuis cause de la rebellion ouuerte de tous les Capitaines & gouuerneurs des prouinces. Et pour ceste cause Alexandre le Grand ayant fait punir ceux qui auoiēt iuré sa mort, fist publier vn edit, par lequel il derogea à la loy des Macedoniens, qui vouloit qu'on fist mourir cinq des plus proches parens de chacun des coniurez. Mais le plus seur est de preuenir la coniuration, dissimulant ne cognoistre point les coniurez. *Optimum remedium insidiarum est, si non intelligentur*, dit Tacite: ainsi fist la Seigneurie de² Carthage, ayāt descouuert que le Capitaine Hanno auoit deliberé de faire mourir tous les plus grands seigneurs, & tout le Senat de Carthage aux nopces de sa fille, fist publier vn edit portāt le nombre des conuiez, & la despense qu'on feroit aux nopces, qui estoit fort petite. Et en³ cas semblable Eteonique Capitaine Lacedemonien, tenant garnison en l'Isle de Chio, pour les habitās alliez des Lacedemoniens, fut aduertý que la pluspart des soldats auoient deliberé de tuer les habitans, & se faire seigneurs: & le signal des coniurez estoit de porter vne canne: il prend avec soy vne douzaine de ses plus intimes, & le

premier

2. Appian lib. 3.

1. Tacit. lib. 14. Tranquil. in Nerone.

Le plus seur moy
en d'euer vne
coniuration.

2. Iustin. lib. 12.

3. Xenophō lib. 2. rerum Græcarum.

premier qu'il apperceut entre les soldats porter la canne, il le tua : disant qu'il en prendroit ainsi aux autres qui porteroient la canne : & cependant donna bon ordre de faire payer les soldats, de sorte que par la mort d'un soldat, le feu de coniuration fut estaint au parauant qu'il se peust embraser. car si vne fois l'estincelle du feu de sedition est soufflée d'un vent impetueux, on n'y viendra iamais à temps. à quoy les gouuerneurs & Magistrats doiuent tenir la main : car les Princes & seigneurs souuerains sont ordinairement ceux qui sçauent moins des affaires qui leur touchent de plus pres. Et bien souuent les Princes, & peuples estrangers ne sont abreuez des ligues & menees qui se pratiqûent cõtre les autres, & ne sentet pas le feu qui s'allume en leurs Royaumes, en leurs maisons, en leurs cabinets. La' cõiuration de Pelopidas pour chasser les Lacedemoniens de Thebes estoit euentee en Athenes, deuant qu'il y en eust rien decouuert : de sorte que le Capitaine de la Cadmee n'en fut aduertit que par le grand Pontife d'Athenes. On dit que l'empereur Charles v. sçauoit tout ce qui se faisoit en France : & neantmoins il fut preuenue d'une cõiuration contre son estat, qui se brassoit en Alemaigne pres de sa personne, & qui fut executee au parauant qu'il en eust senty la fumee. & sans aller plus loing, la faction d'Amboise estoit diuulguee en Alemaigne, Angleterre & Italie, au parauant qu'il en fust rien cognu par ceux-là contre lesquels elle s'estoit dressée : de sorte que le premier aduertissemēt en fut donné par le Cardinal Granuelle. Et neantmoins il se trouua plus de dix mil personnes qui auoient part à l'entreprise. Aussi est-il, & a tousiours esté bien difficile de venir à chef d'une entreprise secrette qui se doit executer par force, si peu d'hommes y ont part : & encores plus difficile si plusieurs en sont aduertis : car la force manque d'un costé, & le secret est decouuert en l'autre. & aduient souuēt que les femmes en sont les premieres aduerties, & decouurent tout : comme il en print à Philotas, qui decouurit la coniuration contre Alexandre à s'amie : & l'un des soldats de Catilina decouurit la coniuration à Fuluia : & le semblable fut fait à Venize par un soldat qui dist l'entreprise du Prieur de Capouë, qu'il auoit faite de prendre la ville de Venize, à vne courtisane, laquelle aussi tost en aduertit le Senat. Toutefois il est mal aisé que le Prince, pour fin & ruzé qu'il soit, puisse garder la vie d'un homme resolu qui a iuré sa mort. car le secret & l'execution est contre un homme seul, & en un seul homme qui sacrifiera tousiours sa vie à quelque prix que ce soit pour auoir celle d'autrui, fust-il enuironné d'une armee : comme estoit le Roy Porsenna de la sienne, lors qu'un soldat Romain s'efforça de le tuer. ce qui fut executé par un valet de chambre de Lazare Roy de Seruie, que Paiazet seigneur des Turcs auoit fait mourir, apres l'auoir despoüillé de son estat, & pris sa femme Hirene mere de Muhamed le grād. ce valet pour venger son maistre, alla tuer Paiazet au milieu de son armee : cõme fist Pausanias à Philippe Roy de Macedoine. & Pierre Loys

s. Plutar. in Pelopida.

Duc de Plaisance fut assassiné, & meurtry en sa forteresse par deux meurtriers au veu de sa garde. & celuy qui tua l'Empereur Domitian l'alla chercher iusques en son cabinet, ayant le bras en echarpe : en la mesme sorte que le Capitaine Aod tua Eglon Roy des Moabites. Et si Cosme Duc de Florence n'eust tousiours esté bien maillé quand il empieta la seigneurie, ont l'eust tué cent fois. car il se trouua entre plusieurs vn assassin qui alla iusques en la chambre du conseil où il estoit, & luy donna vn coup de dague, pësant qu'il fust defarmé : il scauoit bien que c'estoit fait de sa vie : aussi fut-il getté par la fenestre sus le champ. Mais puis que nous auons touché quelques moyens par cy deuant, qui peuuent garantir vn Prince de tóber en ces difficultez, & empescher les coniurations qu'on peut faire contre sa personne : disons maintenât comme il se doit cōporter és factiōs & cōiurations qui ne sont point droitement contre luy ny cōtre son estat : ains entre les seigneurs, ou estats, ou villes, ou Prouinces sugettes à luy : lesquelles il doit par tous moyens preuenir : & ne mespriser chose pour petite qu'elle soit pour y obuier. car tout ainsi que les grands orages & tempestes sont causees d'exhalations & vapeurs insensibles, aussi les seditions & guerres ciuiles commencēt le plus souvent par choses fort legeres, & qu'on ne penseroit iamais qui eussent telle issue. Soubs le regne de Iustinian¹ toutes les villes estoient diuisees en factiōs, pour maintenir les couleurs de verd & bleu, qu'on prenoit aux ieux & tournois, par emulation, & ialousie les vns des autres : qui prendrent telle force, que les iuges & Magistrats de Constantinople voulāt punir les seditieux, furēt empeschez des autres de leur faction qui s'esleuerent, & arracherent des mains des bourreaux ceux qu'on menoit au suplice : & apres auoir brisé & forcé les prisons, firent euader tous les prisonniers, bruslerent le temple sainte Sophie. & pendant que l'Empereur se tenoit caché avec sa famille, ils esleurent Hypatius pour Empereur : pour lequel on combatit si fort, qu'il y eut pour vn iour trente mil hommes tuez, & si le chef de la faction n'y fust mort, l'Empereur Iustinian eust eu bien à faire à conseruer sa vie. & toutefois au commencement, luy & ses courtisans y prenoient plaisir : comme il aduint aussi en Syracuse, où deux Magistrats par ialousie d'amours en mesme endroit, aprestoient du commencement à rire, & toutefois ils diuiserent toute la Republique en deux factions, qui s'attacherent si cruellement l'une contre l'autre, que le peuple changea⁶ l'Aristocratie, & se fist maistre. Il faut donques au parauant que le feu de sedition soit embrasé par telles estincelles, y getter de l'eau froide, ou bien l'estouffer : c'est à dire proceder par douces paroles & remonstrances, ou par force ouuerte : comme fist Alexandre le Grand, voyant Ephestion & Craterus ses amis en dissension, & qui tiroient apres eux le surplus, vsa de remonstrances douces, & puis de menasses enuers l'un & l'autre à part, disant qu'il se banderoit contre le premier qui offenseroit l'autre. depuis ils vescurēt en bon-

5. Procop. lib. 1. de bello Persi. Zonaras in Iustiniano.

D'une estincelle s'ébrazé vn grād feu de sedition.

6. Aristot. in Polit.

ne paix. En quoy nostre saint Loys se monstra fort sage, car il n'y eut onques different de son regne entre les Princes, qu'il n'accordast amiablement: cōme nous lisons en l'histoire du seigneur de Ioinuille. Et pareillement Archidamus Roy des Lacedemoniens, voyant deux de ses amis en querelle, les mene en l'Eglise, & leur demanda quel arbitre ils vouloient choisir de leurs differents: & comme l'un & l'autre le voulust pour iuge: Iurez moy donc, dist-il, que vous ferez ce que diray: cela fait il leur defendit sortir de l'Eglise, qu'ils n'eussent iuré paix & amitié l'un à l'autre. qui estoit sagement se retirer de la presse, & de la difficulté du iugement, & emporter le fruit de l'accord, se fortifiant de leur amitié. car il n'y a forteresse plus haute, pour maintenir l'estat d'un Prince, que l'amitié des sugets. Je parle du bon Prince, & non pas du tyran, qui prend son plaisir à voir les plus grands se ruiner les uns par les autres, & n'a autre but que d'acharner les plus grands contre eux-mesmes. mais il aduient souuēt que les dogues s'accordent, & se ruent sur le loup: comme firent les Colonois & Vrsins, ayans decouuert qu'Alexandre VI. Pape, les mettoit en riottes & querelles, à fin de rehausser la maison de son bastard de la ruine des autres, ils s'accorderent ensemble pour faire teste à l'ennemy commun. Et si le tyran voit que les plus grands de ses sugets ne se vueillent ruiner, il se ioint à l'une des parties, l'obligeant par quelque meschaceté irremissible pour defaire l'autre: comme fist Jean Bentiuoglio, qu'on appelloit tyran de Bouloigne, lequel craignant que les plus grands s'accordassent, tint la main aux uns, & leur fist tuer les Marischots, qui estoient les plus riches, & mieux suiuis de tout le pays, à fin que par ce moyen il fust depesché des uns, & supporté des autres: & neantmoins toutes ses ruzes tyrāniques ne le peurent garantir qu'il ne fust chassé de son estat. Et d'autant que l'obligation d'une signalee meschanceté est la plus forte, aussi est-elle plus à craindre en toute Republique, parce qu'elle tranche toute esperance d'accord & amitié enuers ceux qui ont receu l'iniure. comme il aduint de l'armee de Carthage, laquelle par faute de payement se reuolta contre la Seigneurie, sous la conduite de deux ou trois Capitaines, qui se saisirent de plusieurs villes & places fortes: & craignans qu'ils ne fussent en fin liurez, & trahis par les soldats, ils persuaderent aux chefs & principaux de tuer les Ambassadeurs de la Seigneurie, & pēdre le Capitaine Asdrubal, & tous les Carthaginois qui tomboient entre leurs mains: à fin que par obligation de telles cruautez ils n'eussent aucune esperance de sauuer leur vie par cōposition. en ce cas il n'y a autre moyen que de la force, pour exterminer ceux qui ne peuuent estre guaris, comme fut alors l'armee des Carthaginois, qui fut defaite par vne guerre longue & cruelle: car ils s'estoient directemēt bandez contre la Seigneurie: auquel cas nous auons dit que par necessité le souuerain se doit faire partie. mais si la querelle est entre deux seigneurs, & que le Prince ne les puisse accorder, ny par douceur

L'obligation des
meschans & hō-
mes desesperez.

Le souverain
doibt bailler ar-
bitre aux grands
seigneurs.

D. Bald. in l. acqui-
sitionum, de usufr. ff. c.
placuit 90. distinct.

6. Plutar. in Alexand.

de paroles, ny par menaces, il doit leur dōner arbitres non suspects, & tels qu'ils accorderōt eux-mesmes. car en ce faisant le Prince est dechargé du iugement, & de la haine ou mal-talent que peut auoir celuy qui sera cōdamné, car puis que ce moyen est, & a tousiours esté loüable entre les Roys & peuples, de remettre à l'arbitrage des autres Princes leurs differents: & que ceux qui sont eleus arbitres choisissent les plus sages, & moins suspects aux parties, à plus forte raison doit le sage Prince, cōme il peut de droict, faire ° condescendre ses propres sugets, mesmement ceux qui luy touchent d'alliance, ou de sang, à fin qu'on ne sorte iamais, s'il est possible des termes de raison, pour venir aux armes. Et sur tout, que le Prince ne se monstre point plus affecté à l'un qu'à l'autre: ce qui a esté cause de ruiner plusieurs Princes. Philippe 1. Roy de Macedoine ne fut tué que pour la faueur qu'il portoit à Antipater cōtre Pausanias simple gentil-homme, qui dechargea sa ° cholere sur le Roy. Il en print autant à Henry v 1. Roy d'Angleterre, lequel portant faueur aux partisans de la maison de Lancastre cōtre la maison d'Hyorch, meit son Royaume en telle combustion, que les partisans de la Rose rouge prindrēt les armes contre luy: & dura la guerre ciuile vingt huit ans, pendant lesquels il fut tué quatre vingts Princes du sang, cōme dit Philippe de Comines, & le Roy en fin despoüillé de son estat, & mis à mort par ses sugets. Et la coniuration que dressa le Marquis de Pesquierre cōtre l'Empereur Charles v. estoit fondee sur la faueur que l'Empereur portoit au Viceroy de Naples contre le Marquis. Ce seroit temps perdu de mettre par escrit les guerres cruelles & sanglantes qui ont esté suscitées en ce Royaume par Robert d'Arthois, Loys d'Eureux Roy de Nauarre, Iean de Montfort, Iean de Bourgogne, & plusieurs autres de nostre aage, qu'il n'est pas besoin de mettre au long: & le tout pour les faueurs des Roys qui ont voulu faire l'office d'aduocats, estans iuges & arbitres, & oublians le degré de majesté où ils estoient montez, sont descēdus aux plus bas lieux, pour suiure la passion de leurs sugets, se faisans compaignons des vns, & ennemis des autres. Et si on dit que par ce moyen le Roy sçaura des nouuelles, & tiendra les parties en crainte: ie seray bien d'accord qu'un ieune Roy le face entre les Dames pour en auoir du plaisir, & sçauoir des nouuelles assez: & non pas entre les Princes & grands seigneurs. Mais on me dira, que le Prince quelque fois y est contraint, quand celuy qui a tort ne peut estre vaincu, ny par remōstrances, ny par iugemens, ny par arbitrages. Ie dy en ce cas que necessité n'a point de loy: mais le Prince au parauant que d'en venir là, doit essayer tous les moyens qu'il sera possible, & au besoin tenir la force de son costé. car celuy qui sera si reuesche, & si outrecuidé de ne coucher à raison, ne trouuera pas beaucoup d'hommes qui suiuent son party. Encores peut on dire, que l'occasion de la querelle sera si cachee, que la preuue ne s'en pourra faire, ny iugement quelconque. Et neantmoins celuy qui aura

receu

receu l'iniure demandera reparation : auquel cas les Princes se trouuent bien empeschez : car le Prince pourra bien disposer de la vie & des biens du suget, mais il n'a point de puissance sus son honneur. Aussi le Prince peut dire, qu'il ne peut reparer l'honneur, n'ayant preuue suffisante du tort qu'on tiët à celuy qui se dit offensé, bien qu'il y eust quelque grande coniecture. En ce cas, les peuples de Septentrion decernoient les combats, comme on peut voir aux loix anciènes des Lombards, Saliens, Ripuaires, Anglois, Bourguignons, Danois, Alemás, Normans, qui appellent le cōbat en leurs coustumes Loy apparissante : que⁷ plusieurs ont reprouué, cōme chose bestiale, & qui ne fut onques receuë ne pratiquée des Assyriens, Egyptiens, Perses, Hebreux, Grecs ny Latins, horsmis en fait de bonne guerre : d'un suget cōtre l'ennemy, avec permission du general de l'armee : ou mesme d'un general cōtre l'autre, pour epargner le sang des sugets : comme Cosse & Marcell, qui combattirent chacun vn Roy des ennemis : ou d'un Roy contre vn Roy, comme Romule contre vn Roy Latin, & Hundig Roy de Saxe contre Roë Roy de Danemarck : & Charles de France Roy de Naples contre Pierre Roy d'Arragon. vray est que ceux-cy ne combattirent point. Toutefois si vaut-il mieux entre les sugets decerner les combats selon la forme ancienne & legitime, quand les personnes sont de mesme qualité, qui font profession d'honneur, & qu'il y a quelque apparête coniecture du tort qu'on a receu (car les loix anciennes n'ont iamais permis le combat quand il y auoit preuue) que deniant le cōbat, nourrir vn feu de guerre ciuile aux entrailles, qui puis apres embrase tout le corps de la Republique : posant le cas que les parties fussent si grandes & si puissantes, & si enflammées d'inimitiez, qu'il fust impossible les nourrir en paix : car tousiours des deux maux il faut fuir le plus grand. Ioint aussi qu'il est bien dangereux d'oster vne coustume, qui a esté trouuée necessaire douze cens ans. Rotaris Roy des Lombards la voulut oster à ses sugets : mais il fut contraint la remettre en son entier, protestât qu'elle estoit inhumaine & mauuaise, comme on peut voir aux loix des Lombards : & toutefois necessaire, pour euit de plus grands incōueniens : car pour vn meurtre fait en presence de deux Magistrats, il s'en faisoit cent en trahison. Philippe le Bel en ce Royaume fist aussi publier semblable edit, par lequel il defendoit les combats : mais deux ans apres les auoir interdits, il fut cōtraint les restituer à la requeste & instâce des sugets, pour les meurtres & assassinats qui se commettoient par tout. Philippe de Frâce, surnommé le Hardy, Duc de Bourgogne, fist semblables defenses en Holande, où les combats auoient lieu sans cause, & sans discretion des personnes. mais il n'osta pas du tout les combats. c'est bien chose plus barbare que Froton Roy de Dannemarck, ordonna le combat pour decider tous differens, comme dit Saxon l'historien : coustume qui est generale en tout le pays de Moschouie. Mais de nostre memoire le Prince de Melphe lieutenant

L'occasion du cōbat.

7. ca. monomachia.
2. q. 5.

Forme de decerner les combats,

2 tit. 32. de pugna sub-
blata in cōstitut. Ne-
ap. lit.
o. in §. per contra-
rium. de hæredita-
tib. que ab intestat. in
institut. ait legibus
Franciæ duella per-
missa excepta furti
causa sed voluntariū
duellum ubique ve-
nitum est. Petr. Bellu-
ga ait legib. Hispaniæ
prohiberi in spe-
culo. tit. 26. §. Iesu.

pour le Roy en Piedmôt, ne trouua moyen plus expedient pour estain-
dre les meurtres & seditions qui estoient ordinaires entre les soldats, que
de preparer vn lieu entre deux ponts, où les combats se feroient: à la char-
ge que le vaincu seroit tué par le vainqueur, & getté en l'eau du haut en
bas. Le peril ioint au deshonneur rendit les soldats plus sages, & par ce
moyen les seditions cessèrent. Ioint aussi que le dementir, entre ceux
qui font profession d'honneur, emporte vne infamie: & de fait le Roy
François I. dist vn iour en l'assemblée des plus grands seigneurs, que cé-
luy n'estoit pas homme de bien, qui enduroit vn dementir: ce qu'il di-
soit ayant dementi l'Empereur Charles V. par ses herauts d'armes, pour
les parolles qu'il auoit dites contre son honneur: toutefois il fut tiré en
conséquence iusques aux moindres varlets, & fut cause de beaucoup de
meurtres: pour à quoy obuier, Charles IX. en ensuiuant l'edit fait par son
pere sus la defense des combats, declara qu'il prenoit sus soy l'honneur
de ceux, qui autrement penseroient estre greuez s'ils n'auoient comba-
tu: & neantmoins on n'a iamais veu tant de meurtres. car celuy qui de-
manderoit en iugement reparation d'un dementir, seroit exposé en risée
d'un chacun: & à l'opinion de plusieurs, il est deshonoré s'il fait profes-
sion de noblesse, ou d'honneur. peut estre toutefois à la longue ceste
opinion pourra changer. Mais quand ie dy que le combat est quelques
fois expedient, ie n'entens pas que cela soit permis par edit, ains qu'il se
doit ottroyer seulement en cas de necessité, & par lettres expressees du
souuerain, apres auoir ouy les parties, & pour euitier aux meurtres & se-
ditions qui en pourroient reüssir. ioint aussi que les amis & partisans de
ceux qui sont en question seront hors du danger, & ne seront point con-
trains d'espouser les querelles d'autrui. Mais cela se doit permettre quand
il est question de crime capital, qui soit commis, & dont la preuue ne soit
suffisante suiuant les anciennes ordonnances, qui veulent encores que le
vaincu soit declairé infame, & degradé de tous estats & honneurs, &
condamné à mort ignominieuse, si mieux il ne veut mourir de la main
du vainqueur. ce qui en degousteroit plusieurs qui en font ieù. car mes-
mes apres que Philippe le Bel eut leué les defenses qu'il auoit faites, il fut
neantmoins dit par arrest de l'an mil trois cens sept, que les combats ne
seroient ottroyez sans cognoissance du Magistrat: & par autre arrest dō-
né deux ans apres entre les Comtes de Foix & d'Armignac, il fut dit que
les combats n'auroient aucun lieu, quand il ne seroit question que du
point de droit, qui est la coustume de Bear: & mesmes il fut ordonné
par les premiers Roys de Naples, que les combats n'auroient lieu, sinon
en cas de leze majesté, & de meurtre casuel. combien que Faber dit
qu'il y auoit lieu de combats pour tous crimes, fors le larrecin. Voila
quant aux querelles particulieres, & les moyens de les appaiser. Mais si
les querelles sont entre les familles, ou entre les corps & colleges, la
voye des combats ne doit point auoir lieu, ains il faut par voye de iustice
main-

maintenir les parties en bonne paix, ou les ranger par force, & vser de peines rigoureuses enuers ceux qui contreuindront aux defenſes : en forte toutesfois que la iuſtice ſoit en armes aux executions qui ſe feront : comme il fut fait à Rome, quand par arreſt du Senat il fut ordonné qu'on executeroit à mort quatre cens eſclaues innocens : de quoy tout le menu peuple eſtoit forcené, & preſt à ſe mettre en armes, ſi l'Empereur Neron n'eut fait mettre les legions Pretoriennes par les rues. à quoy Juſtinian ayant failli, la ſedition que nous auons remarquee cy deſſus aduint. & pour la meſme faute, le peuple Romain arracha des mains de la iuſtice vn ſeditieux nommé Volero, quand on le deſpoüilloit pour luy bailler des verges : & le fiſt Tribun, pour faire teſte au Senat & à la Nobleſſe. vray eſt que la nobleſſe, & le menu peuple, eſtoiēt en mauvais meſnage, & touſiours y auoit quelque ſedition, ſi l'ennemi n'eſtoit en armes. Et le ſeul moyen qu'on trouuoit pour appaiſer les ſeditions, eſtoit de faire guerre aux ennemis, & ſil n'y en auoit, d'en forger de tous nouueaux. Et ſi toſt que les Carthaginois eurent traitté la paix avec les Romains, apres la premiere guerre Punique, ils entrerent en vne forte guerre ciuile : ce qui aduenoit touſiours aux Romains, ſils eſtoiēt vn moment ſans guerre, auſſi voit-on qu'ils n'ont iamais clos le temple de Ianus que deux fois en ſept cens ans. Et ſi bien on remarque les hiſtoires, on trouuera qu'il n'y a iamais rien eu de plus pernecieux à vn peuple vaillant, & guerrier que la paix. car les hommes accouſtumez à la guerre, & duits aux armes, ne cherchent que diſſentions & querelles, & n'ont rien plus contraire que le repos. C'eſt pourquoy on diſoit de Marius qu'il eſtoit le meilleur Capitaine en guerre qui fuſt de ſon aage : & le plus mutin & ſeditieux bourgeois en temps de paix. Toutesfois nous dirons cy apres en ſon lieu, ſil eſt expedient en vne Republique, de nourrir le peuple à la guerre. Nous auons touché quelques moyens pour preuenir les ſeditions & partialitez : mais tout ainſi qu'il eſt beaucoup plus aiſé d'empêcher l'entree à l'ennemy, que le chaffer quand il eſt entré : auſſi eſt-il bien plus aiſé de preuenir les ſeditions que les appaiſer : & plus difficile en l'eſtat populaire, qu'en tout autre. car le Prince en la Monarchie, & les Seigneurs en l'Ariſtocratie, ſont, & doiuent eſtre, comme Iuges ſouuerains, & arbitres des ſugets : & ſouuent de leur puissance abſoluë, & auctorité, appaiſent tous les diſſerends. mais en l'eſtat populaire, la ſouueraineté giſt en ceux qui ſont diuiſez en factions, qui ne recognoiſſent point les Magiſtrats, cōme ſugets à leur puissance. Alors il eſt bien beſoing que les plus ſages ſ'en meſlent, & ſ'accommodent doucemēt à l'humeur du peuple, pour l'attirer à la raiſon. Et tout ainſi que ceux-là qui ſont malades d'vne furie, qui les fait danſer & ſauter ſans ceſſe, ne peuuent eſtre guaris, ſi le Muſicien ne accorde ſon violon à leur mode, pour les attirer à la ſienne, & appaiſantir peu à peu la cadence, iuſques à ce qu'ils ſe ſoyent rendus coys,

Les factions plus dâgereuſes eſ eſtats Ariſtocratiques & populaires.

& rassis : aussi faut-il que le sage Magistrat voyant le peuple forcené, se lasche aller premierement à leur appetit, affin que peu à peu il puisse les attirer à la raison . car de resister à vne multitude irritée, n'est autre chose, que s'opposer à vn torrent precipité des hauts lieux . Mais c'est bien chose plus dangereuse, de faire preuue de ses forces contre les fugets, si on n'est bien assuré de la victoire . car si le fuget est vainqueur, il ne faut pas doubter qu'il ne donne loy au vaincu . Et ores que le Prince ne soit vaincu, si est-ce que s'il ne vient à chef de son entreprise, il se rend contemptible, & donne occasion aux autres fugets de se reuolter, & aux estrangers de l'assaillir, & à tous de le mespriser . cela est encores plus à craindre és estats populaires, & s'est cogneu euidamment és seditions aduenües en Rome, où ceux qui ont voulu proceder par force, & resister ouuertement aux volonteiz d'un peuple esmeu, ont tout gasté : ou au contraire ceux là qui ont procedé par douceur, ont reduit le peuple à la raison . Appius Consul voyant que le peuple Romain demandoit la rescision des obligations de prest (où les riches, & vsuriers auoient notable interest) ne fut pas d'aduis qu'on laschaft rien : & vne autresfois le menu peuple s'estât distrait de la noblesse, fut d'aduis qu'on le traittast à la rigueur, sans le respecter : autrement que le peuple s'enfleroit, & seroit insupportable : mais à la premiere fois Seruilius, à la seconde Menenius Agrippa luy resisterent, & l'emporterent par dessus luy . & mesme Agrippa par le moyen d'une fable du corps humain, & de ses parties qu'il mist deuant les yeux d'un chacun, fist tomber les armes des mains du peuple, & le rallia avec la noblesse . Et tout ainsi que les bestes sauuages ne s'appriuoient iamais à coups de baston, ains en les amadoüant : aussi le peuple esmeu, qui est comme vne beste à plusieurs testes, & des plus sauuages qui soit, ne se gaignera iamais par force, ains par doux traitement . Il faut donc accorder au peuple quelque chose, & si la sedition vient pour la famine, ou pour disette qu'ils ayent, faut ordonner soudain quelque distribution aux plus pauvres : car le ventre n'a point d'aureilles, comme disoit Caton le Censeur, parlant du peuple Romain . & ne faut point espargner les belles paroles, ny les promesses : car en ce cas Platon & Xenophon permettoient aux Magistrats, & gouuerneurs de mentir, comme on fait enuers les enfans & malades . Ainsi faisoit le sage Pericle enuers les Atheniens, pour les acheminer à la raison : il les apastoit de festins, de ieux, de comedies, de chansons, & dances : & au temps de charté faisoit ordonner quelque distribution de deniers, ou de blé . Et par ces moyens apres auoir pris ceste beste à plusieurs testes, tantost par les yeux, tantost par les aureilles, tantost par la pance, il faisoit publier les edits & ordonnances salutaires, & leur faisoit les sages remonstrances, que le peuple mutiné, ou affamé n'escouteroit iamais . Toutesfois ce que i'ay dit, qu'il faut amadoüier le peuple, & luy quitter quelque chose, mesmes luy

accor-

Il ne faut pas resister ouuertement au peuple esmeu.

accorder choses illicites, s'entend alors qu'il est esmeu de sedition : & non pas qu'on doibue suivre les appetits & passions d'un peuple insatiable & sans raison, ains au contraire il faut tellement luy tenir la bride, qu'elle ne soit ny forcee, ny laschee du tout. car combien que c'est un precipice glissant d'obeir au plaisir d'un peuple, si est-il encores plus d'angereux de luy resister, ouvertement, comme faisoit Appius, Coriolan, Metel, Caton le ieune, Phocion, Hermodore, lesquels voulās auoir tout de haute luite, & plustost rompre que de ployer, ils ont mis les Republiques, & leurs personnes en danger. vray est que ce moyen de meller la majesté avec la douceur, est fort difficile enuers un peuple effrené sans iugement & sans raison : mais aussi c'est bien le plus grand poinct qu'on peut gagner, mesmement en l'estat populaire, de ne flatter, ny par trop rudoyer le peuple. Et tout ainsi que le Soleil se va couchant, & leuant avec tous les astres & planettes, courant la mesme carriere du mouuemēt rauy, & neantmoins il ne laisse pas de parfaire son cours en arriere, reculant peu à peu, & biaisant entre les estoilles : & d'autāt qu'il est plus haut monté, plus il se montre petit : ainsi doit faire le sage gouuerneur, suivant en partie les affectiōs & volonteiz d'un peuple esmeu, pour atteindre à ses desseins. Et ores qu'on eust bien la force, pour reprimer & ranger un peuple mutiné, si ne faut-il pas en vser, si autrement on le peut adoucir. & qui seroit le medecin si mal apris qui vseroit de sectiōs & cauterres, si la maladie autremēt se peut guarir ? qui seroit le Prince si mal cōseillé de proceder par voye de fait, si avec vne douce parole il peut tout appaiser ? & mesmement en l'estat populaire, où il faut un bien sage maistre pour adoucir les passions d'un peuple esmeu, luy faisant cognoistre à veuë d'œil & grossierement l'issue malheureuse qui peut aduenir d'une mauuaise entreprise. Nous en auons un exemple memorable de Caluin Capouian, homme populaire, & toutesfois sage, & aduisé, pour amener le peuple de Capouë à la raison : qui estoit resolu de faire mourir tous les Senateurs : à quoy le Capouian, comme Tribun du peuple, ne resista point, ains au contraire leur accorda, ayant auparauant aduertit le Senat, de l'intētion du peuple, & de ce qu'il auoit affaire pour les sauuer, & apres les auoir tous enfermez en un lieu pour les garder de la fureur presente, s'adressant au peuple, dist ainsi : Puis que vous auez arresté de faire mourir tous les Senateurs, il faut auparauāt choisir les plus suffisans d'entre vous, pour succeder à leur estat : & cōmençant au Sénateur le plus hay, premierement, dist-il, nous ferōs mourir un tel. alors tout le peuple s'escria, c'est bien dit, c'est bien fait. voyons dist le Tribun, qui nous mettrōs en son lieu. les chaircuitiers, & manœuvres se presenterēt, qui ça, qui là, à l'enui les vns des autres : & s'attacherent en querelles, ne voulās ceder cest hōneur l'un à l'autre. ainsi firēt ils à chacū des Senateurs qu'on nommoit. de sorte qu'il n'y auoit pas moins de trouble entr'eux, qu'il y auoit eu contre les Senateurs : qui fut cause qu'ils aymerent mieux

Ruse d'un Tribun fort louable.

que les Senateurs anciens demeuraissent en leur estat, que de souffrir que l'un du peuple fust preferé à l'autre. Le conseil du Tribun fut tres sage, & dextrement executé: apres qu'il eut fait toucher au doigt & à l'œil, l'inconuenient estrange qui deuoit reüssir faisant mourir les Senateurs, qui estoit que non seulement le meurtre seroit à iamais iugé cruel & inhumain: ains aussi que cela fait. la Republique demeurait sans conseil, comme vn corps sans ame, & le feu de sedition s'embrasoit entre le peuple pour la preference. Mais quand le peuple est vne fois eschaufé, ayant les armes au poing, il est bien difficile de l'arrester: & s'en est trouué n'a pas long temps vn qui mist le feu en sa maison, pour destourner ceux qui s'entrebattoient à courir au feu. Or en ces meurtres, & meslees du peuple, s'il se trouue vn vertueux & sage homme qui ait gagné la reputation d'honneur & de Iustice. alors le peuple éblouy de la splendeur & lumiere de vertu se ° tient coy: comme il aduint à Venize lors que ceux de la marine s'attacherent aux habitans de la ville, & s'entretuerent de telle sorte, qu'il n'y auoit ny Duc, ny Senat, ny magistrat, qui ne fust rebuté par force & violence, iusques à ce que Pierre Loredan simple gentilhomme Venitien sans estat, se monstra au milieu des combats, & leuant la main haute, fist tomber les armes des poings à chacun, pour la reuerence qu'ils portoyent à la vertu d'un tel personnage: qui fist cognoistre que la vertu a plus de puissance & de majesté, que les armes ny les loix: comme il aduint aussi d'une guerre ciuile à Florence entre les habitans, qui s'estoient tellement acharnez, qu'il n'y auoit puissance humaine ny loix, ny Magistrats qui les peust arracher les vns d'avec les autres, iusques à ce que François Soderin, Euesque de Florence, vint reuestu de l'habit Pontifical, & avec son Clergé se presenta deuant le peuple, qui se tint coy, & se retira chacun en sa maison, pour la reuerence de la religion. qui fut vn moyen duquel auoit vscé l'addus Pontife de Hierusalem enuers Alexandre le grand le voyant venir en furie avec son armee pour raser la ville: ayant veu ce personnage en l'habit Pontifical, il fut tout estonné, & tourna sa fureur en crainte & reuerence, qu'il fist au Pontife, luy ottroyant tout ce qu'il demanda. Ainsi fist le Pape Urbain au Roy des Hongres Attila. Mais quelquesfois la hayne est si capitale des vns contre les autres, qu'il faut interposer les estrangers, pour en venir à bout. ainsi fist vn autre bon vieillard de Florence, lequel voyant ses citoyens se massacrer & brusler les maisons de tous costez, alla querir les Luquois, qui s'en vindrent en grand nombre, pour appaiser la rage des Florentins. chose qui est fort loüable & utile, non seulement à ceux qu'on met d'accord, ains aussi à ceux la mesmes qui le moyennent: car ils en rapportent grand honneur, avec la faueur de ceux qu'ils ont accordez. Et bien souuent les partisans sont si las, & recruds de meurtres, & de seditions, qu'ils ne cherchent que l'occasion de s'accorder: mais ayans ceste opinion qu'il

y va

o. Virgil. lib. 1. eneid.
Ac veluti magno in
populo cū saepe co-
horta Seditio est. sa-
uitque animis igno-
bile vulgus. Iam que
faces & saxa volāt, fu-
ror arma ministrat.
Tum pietate graue
ac meritis si forte vi-
rum quem Cōspere
re, silent arrestisque
auribus astant: Ille
regit dictis animos
& pectora mulcet.
Le peuple s'ap-
paise voyant vn
sage vieillard, ou
vertueux person-
nage l'araisonner.

y va de l'honneur de celuy qui demande la paix, ils continuent de s'entretuer, iusques à ce que l'un ait ruiné l'autre, si un tiers ne se met entre deux. Ce qui aduient plustost és Republiques populaires & aristocratiques, qu'en la Monarchie, pour la raison que i'ay dit cy dessus. Mais si aduient au Prince souuerain de se faire partie, au lieu de tenir la place de iuge souuerain, il ne fera rien plus que chef de partie, & se mettra au hazard de perdre sa vie: mesmement quand l'occasion des seditions n'est point fondée sus l'estat: comme il est aduenu pour les guerres touchant le fait de la religion depuis cinquante ans en toute l'Europe. On a veu les Royaumes de Suede, Escosse, Dannemarc, Angleterre, les Seigneurs des ligues, l'empire d'Almaigne auoir changé de religion, demeurant l'estat de chacune Republique & Monarchie. vray est que cela ne s'est pas fait, sinon avec extreme violence, & grande effusion de sang. Mais la religion estant receüe d'un commun consentement, il ne faut pas souffrir qu'elle soit mise en dispute: car toutes choses mises en dispute, sont aussi reuoquees en doute: or c'est impieté bien grande, reuoker en doute la chose dont un chacun doit estre resolu & assuré. car il n'y a chose si claire, & si veritable qu'on n'obscurcisse, & qu'on n'esbranle par dispute: mesmement de ce qui ne giste en demonstration, ny en raison, ains en la seule creance. Et si n'est pas licite entre les Philosophes & Mathematiciens, de mettre en debat les principes de leurs sciences, pourquoy sera-il permis de disputer de la religion qu'on a receüe & approuuée? Aristote disoit, que celuy merite la peine des loix, qui reuoque en doute si il y a un Dieu souuerain, chose qui est par luy demonstrée. Aussi est-il certain que tous les Roys, & Princes d'Orient & d'Afrique, defendent bien estroittement qu'on dispute de la religion: & les mesmes defenses sont portees par les ordonnances d'Espagne, & du Roy de Moscouie: lequel voyant son peuple diuisé en sectes & seditions, pour les presches, & disputes des Ministres, fist defense de prescher, ny disputer de la religion, sur peine de la vie: mais bien il bailla aux prestres leur leçon, & creance par escript, pour la publier aux profnes les iours de festes, avec defenses d'y rien adiouster. Et par la loy de Dieu, il est expressement commandé de l'escire par tout, & la lire au peuple, à tous aages, à tous sexes, & sans cesse: mais il n'est pas dit qu'on en disputera. Aussi fut-il estroittement defendu sur peine de la vie, & depuis executé à la rigueur en plusieurs villes d'Allemagne, apres la iournee Imperiale de l'an M. D. L. V. que personne n'eust à disputer de la religion. Et d'autant que les Atheistes mesmes sont d'accord, qu'il n'y a chose qui plus maintienne les estats & Republiques que la religion, & que c'est le principal fondement de la puissance des Monarques, de l'execution des loix, de l'obeissance des sugets, de la reuerence des magistrats, de la crainte de mal faire, & de l'amitié mutuelle enuers un chacun, il faut bien prendre garde qu'une chose si sacrée, ne soit

Il ny a rien plus dangereux au Prince que se faire partisan.

Il est pernicieux de disputer de ce qu'on doit tenir pour resolu.

9. lib. 6. Physic. Metaphys. lib. 12. cap. 12.

o. Polybius lib. 6. de militari ac domestica Romanorum disciplina. Les effectz de la religion.

mesprisée, ou reuocquée en doubte par disputes: car de ce poinct là depend la ruine des Republiques. Je ne parle point icy laquelle des religions est la meilleure, (combien qu'il n'y a qu'une religion, une vérité, une loy diuine publiée par la bouche de Dieu) mais si le Prince qui aura certaine assurance de la vraye religion, veut y attirer ses sujets, diuisez en sectes & factions, il ne faut pas à mon aduis qu'il use de force, car plus la volonté des hommes est forcée, plus elle est reuesche: mais bien ensuiuant & adherant à la vraye religion sans feinte ny dissimulation, il tournera peut estre les cueurs & volontez des sujets à la sienne, sans violence, ny peine quelconque. en quoy faisant non seulement il euitera les emotions, troubles, & guerres ciuiles, ains aussi il acheminera les sujets deuoyez au port de salut. Theodose le grand en monstra l'experience, ayant trouué l'empire Romain plein d'Arrians, qui auoient pris telle puissance & accroissement sous la faueur de trois ou quatre Empereurs, qu'ils auoient establi leur opinion par sept Conciles,² & mesmement par celui de Rimini, où il se trouua six cens Euesques de leur aduis, & n'en restoit que trois de nom qui leur fussent contraires: en sorte qu'ils punissoient ceux d'opinion contraire par executions, confiscations, & autres peines rigoureuses. Il ne voulut pas forcer, ny punir les Arrians, quoy qu'il fust leur ennemi, ains au contraire il permit à chacun de viure en liberté de conscience, & fist ordonner deux Euesques en chacune ville, iacoit qu'il eust fait quelques edits contre les Arrians, qu'il tint en souffrance, ne voulant qu'ils fussent executez: & neantmoins viuant selon sa religion, & instruisant ses enfans à sa mode, il diminua bien fort les Arrians en Europe: ores qu'ils ayent tousiours depuis continué en Asie & en Afrique. Mais le Roy des Turcs qui tient une bonne partie de l'Europe, garde sa religion aussi bien que Prince du monde: & ne force personne: ains au contraire permet à chacun de viure selon sa conscience: & qui plus est, il entretient aupres de son ferrail à Pera, quatre religions toutes diuerses, celle des Iuifs, des Chrestiens à la Romaine, & à la Grecque, & celle des Muhametistes, & enuoye l'aumosne aux calogeres du mont Athos Chrestiens, afin de prier pour luy: comme faisoit Auguste enuers les Iuifs. Et quoy que Theodoric Roy des Goths fauorisast les Arrians, si est-ce qu'il ne voulut onques forcer la conscience des sujets, & rend la raison par ces mots, *Religionem imperare non possumus, quia nemo cogitur ut credat inuitus*, comme nous lisons en Cassiodore. Mais on s'esmerueille sans cause pourquoy du temps de Theodose, veu les sectes qui estoient alors, qu'il n'y auoit point de guerres ciuiles: car il y auoit pour le moins cent sectes, au compte de Tertullian & d'Epiphanius: ce qui tenoit en contrepoix les vnes & les autres. Or en matiere de seditions & tumultes, il n'y a rien plus dangereux que les sujets soient diuisez en deux opinions, soit pour l'estat, soit pour la religion, soit pour les loix & coustumes. & au contrai-

re fil

2. concilio Tyri, Sardis, Mediolani, Symiani, Seleucia, Nicæa Tarfensi, Arimini.

La raison pourquoy plusieurs sectes s'accordent mieux que deux.

re s'il s'en trouue de plusieurs opinions, les vns qui moyennent la paix, & accordent les autres : qui ne s'accorderoient iamais entr'eux. C'est pourquoy Solon publia vne loy, sur le fait des troubles, & seditions ciuiles, qui toutesfois semble à plusieurs iniuste : c'est à sçauoir, que chacun eust à prendre l'un, ou l'autre parti, & qu'il ne fust licite à personne d'estre neutre : veu que la plus loüable vertu, est la modestie du bon sugger, qui desire, & s'efforce de viure en paix : ioint aussi que par ce moyen la conscience de l'homme de bien est forcee de tenir l'un ou l'autre parti, quand il iuge que tous deux sont vicieux, & tous deux ont tort. Et qui plusest il aduiendra que s'il veut suiure le party qu'il iugera le meilleur, il faudra faire guerre à son pere, à ses freres, à ses amis, qui seront en armes de l'autre costé, qui seroit le contraindre à commettre parricides, & meurtrir ceux desquels il tiendrait la vie. Brief la loy de Dieu defend ^{3. Deuterono. 12.} à celuy qui cognoist la verité, de suyure la commune opinion de ceux qui sont desuoyez : à quoy il semble que la loy de Solon contreuient. Toutesfois on peut dire au contraire, qu'elle est tref-vtile & necessaire, mesmement és estats populaires & Aristocratiques, où il n'y a point de ^{Loy de Solon de} souuerain qui puisse, estant neutre, iuger les differends de ceux qui seroient ^{suiure l'un des} en seditio. Car on sçait assez que les plus rusez en guerre ciuile, se retirent tant qu'ils peuuent de la presse, s'ils ne sont bien asseurez de la victoire du parti qu'ils tiendront : & ne hazarderont iamais ny leur vie, ny leurs biens pour vne faction : si ce n'est qu'ils voyent le danger, & que le feu public brusle leurs maisons particulieres. & bien souuent les plus fins, & les plus meschans mettent les autres en querelles, pour pescher en eau trouble, & faire pont d'autruy pour passer, & empieter leurs biens & offices : ainsi que faisoient anciennement les prestres de Mars, qu'on appelloit boute feux, par ce qu'ils gettoient les flambeaux entre les deux armées, pour les faire combattre, & se retiroient de la meslee. Or si la loy de Solon a lieu, les boute feux n'oseront mettre dissension entre les citoyens, puis qu'il faudra courir le mesme danger, & quant aux gens de bien qui aymēt la paix, & qui n'approuuent ny l'un ny l'autre faction, s'ils sont contrainsts de prendre parti, ils s'efforceront par tous moyens de preuenir les seditions, & d'accorder les troubles : ioint aussi que leur credit & auctorité, pourra tirer à la raison, ceux qui autrement n'y viendroient iamais. car les fols se batrōt sans relasche, si les sages ne s'en meslēt. Voila ce me semble la raison que Solon auoit de faire ceste loy. Cōbien que si la maxime que nous auons tenuē au chapitre de la seurte des alliāces est veritable, que les Princes voyans leurs voisins en guerre, doiuent estre les plus forts, ou des plus forts, ou pour le moins s'efforcer de mettre d'accord ceux qui sont en guerre, affin qu'ils ne soient en proye des vainqueurs : elle est beaucoup plus veritable en guerre ciuile, où celuy qui est neutre, est en plus grand danger, que le Prince qui ne tient rien d'autruy. Pendant la guerre Peloponesiaque, & les troubles des Atheniēs, Theramenes se tint coy, sans se

bander ny pour les vns, ny pour les autres : aussi fut-il delaisé de tous, à la mercy des tyrans qui le firent mourir. Celuy donc qui veut estre neutre, soit en guerre ciuile, soit contre l'estranger, doit pour le moins s'efforcer de mettre les autres d'accord : ou s'il voit que les querelles, guerres, & ruines d'autrui soient la seurété de son estat, de ses biens, de la personne (comme il aduient quelquesfois que les tyrans, & mauuais citoyens ne s'accordent, que pour ruiner les bons) encores faut-il du moins, que cestuy-là s'efforce en apparence de moyenner l'accord : ce que plusieurs ont fait alors qu'ils nourrissoient, & entretenoient les querelles le plus secrettement qu'ils pouuoient : qui est vne chose que Dieu a en abomination, comme dit Salomon : ⁴ si ce n'est au cas que j'ay dit, que le repos des meschans fust la ruine ineuitable des bons : car tout ainsi que pour vne vertu il y a plusieurs vices contraires les vns aux autres, & pour vn homme de bien, il y en a dix qui ne valent gueres : aussi Dieu a donné bon ordre à ce que les meschans fussent ruinez les vns par les autres : Je me vengeray (parlant en la bouche de Hieremie) de mes ennemis, par mes ennemis. J'ay dit qu'il faut que les bons Princes enuers les tyrans, & les bons citoyens enuers les meschans dissimulent leur aise, faisant beau semblant de les accorder : car il n'y a rien qu'on ait plus a contrecueur, que la resiouissance, & plaisir que prennent les vns, à voir en toute seurété la ruine des autres. Voila donc quelques moyens d'appaiser les seditions entre plusieurs, qu'on peut reciter par le menu : comme on peut aussi dire, d'oster les cloches aux rebelles, ainsi qu'il fut fait à ceux de Montpellier l'an M. CCC. LXXIIII. & à Bordeaux l'an M. D. LII. & qui depuis furent restituees, ores que la pluspart des habitans de Bordeaux fissent instance qu'elles ne fussent remises : ayant senti le fruit qui en reüssist. si bien ou mal, i'en laisse la resolution à tout homme de sain iugement : mais quoy qu'il en soit, le grand seigneur, & tous les Princes d'Orient ont donné bon ordre que ceste inuention, qui est sortie de Nole en Italie, ne fust receüe en leur pays. aussi ne voit-on point les troubles & seditions si ordinaires, comme en tout l'empire d'Occident. car non seulement le son des cloches est propre à merueilles pour mettre en armes vn peuple mutin à la mode qu'on les sonne, ains aussi pour effrayer les esprits doux & paisibles, & mettre les fols en furie : comme fist celuy qui sonna le tocfain avec la grosse cloche à Bordeaux pour inciter dauantage le peuple : aussi fust-il pendu au batand de la cloche comme il meritoit. L'autre moyen est aussi d'oster les armes si on craint la sedition, qui est le plus ordinaire. combien que les Princes d'Italie, & d'Orient n'endurent pas qu'on porte les armes, comme les peuples de Septentrion & d'Occident, non plus qu'on faisoit anciennement en Grece & en Asie. car mesmes Aristote 'parlant des Barbares, tient pour chose estrange, qu'on portast espee, ou dague en temps de paix par la ville, ce qui

4. Prouerb. septem sunt que odit Deus, & octauum quod ab hominatur anima eius octauo loco ponit. eos qui dissidia ferunt inter fratres.

Autres moyens pour preuenir les seditions.

s. in Poly.

ce qui est toutefois commandé à tous sugets par les ordonnances de Suisse: qui est cause d'une infinité de meurtres. car celuy qui portel'espee, ou la dague, ou la pistole, devient plus fier, & insolent à faire vne iniure: & s'il est iniurié, à faire vn meurtre. s'il est desarmé, il n'a point d'occasion de faire ny l'un ny l'autre: & ne porte l'infamie, qui suit ceux-là, qui n'osent degaigner quand ils sont outragés. Les Turcs y procedent encores plus estroitement, non seulement en punissant les seditieux, & mutins à toute rigueur: ains aussi en defendant de porter les armes en guerre mesmes, sinon alors qu'il faut combattre: & si l'ennemy n'est proche, ils mettent les armes és paillons, ou en chariots: & toutefois ils surpassent en l'art militaire les plus braues peuples de la terre. si cela se fait en guerre & au camp, que doit-on faire és villés, & en temps de paix? Il y a entre les ordonnances loüables de la police de Paris vne fort bonne & bien executée, c'est à sçauoir, que nul faquin, ny crocheteur, ne porte espee, ny dague, ny couteau, ny autres armes offensives: pour les meurtres qui se feroient és querelles ordinaires, qu'ils ont l'un contre l'autre. si cela auoit lieu en toutes personnes, mil meurtres & assassinats se commettront qui n'aduendroient iamais, ny les seditions qui s'allument en plusieurs lieux pour ceste occasion. Car ce n'est pas fait en sage Politique, ny en bon gouuerneur, d'attendre que le meurtre soit fait, ou que la sedition soit venue pour deffendre les armes. mais tout ainsi que le bon medecin preuient les maladies, & s'il aduient qu'une partie soit affligée soudainement d'une douleur violente, il appaise le mal present: & cela fait il applique les remedes aux causes de la maladie: aussi le sage Prince doit preuenir tant qu'il luy est possible les seditions, & quand elles sont aduenues, les appaiser à quelque prix que ce soit: & puis voir les causes des maladies plus elloignées des effects, & y appliquer les remedes conuenables. Nous auons parlé des causes qui donnent changement aux estats & Republiques: des mesmes causes procedent les seditions, & guerres ciuiles. le deny de iustice, l'oppression du menu peuple, la distribution inegale des peines, & loyers, la richesse excessiue d'un petit nombre, l'extreme pauvreté de plusieurs, l'oisiueté trop grande des sugets, l'impunité des forfaits: & peut estre que ce dernier poinct est de la plus grande conséquence, & duquel on fait le moins de cas. ie l'ay touché par cy deuant, & faut souuent en rafraichir la memoire: d'autant que les Princes & Magistrats, qui affectent la gloire d'estre misericordieux versent sus leur teste la peine que les coupables ont deseruie. C'est ce que le sage Hebrieu a repeté tant de fois, quand il aduertist de ne cautionner autrui: ce n'est pas qu'il defende la charité enuers le pauvre, mais qu'il n'aduienne à personne de faire euader les meschans, car il se peut asseurer qu'il en portera la peine: comme il fut dit au Roy Achab, qui auoit sauué la vie à Benadab Roy de Surie au lieu de le faire mourir, Dieu luy fist dire qu'il auoit cautionné autrui, laissant viure le meschant, & que

L'impunité des meschans tire apres soy la ruine des estats.

cela luy cousteroit la vie. Ce qui est dit en particulier, se verifie en general sur tous les Princes, & Republiques, qui n'ont point de cause plus certaine de leur ruine, que l'iniustice. La punition des rebelles est aussi l'un des moyens pour preuenir les seditions à l'aduenir: nous l'auons touché au chapitre des Corps & Colleges, & la forme qu'il y faut tenir. Ce qui doit auoir lieu quād vn corps ou la moindre partie des sugets a faillly, & non pas si tout le peuple, ou la pluspart sont coupables: car ce n'est pas à dire si on coupe vn bras ou vne iambe pour conseruer tout le corps, qu'on doie couper les mēbres principaux s'ils sont infects: ains il faut suiure le conseil d'Hippocrate, qui defend d'appliquer medecine aux maladies incurables. Mais outre les causes des seditions que j'ay dit cy dessus, il y en a vne qui depend de la licence qu'on donne aux harangueurs, qui guident les cueurs & volonte de peuple où bon leur semble. Car il n'y a rien qui plus ait de force sur les ames, que la grace de bien dire: comme nos peres anciens figuroient Hercules Celtique en vieillard, qui trainoit apres soy les peuples enchainez, & pendus par les aureilles avec chaines qui sortoient de sa bouche: pour monstrier que les armées, & puissance des Roys & Monarques, ne sont pas si fortes que la vehemence, & ardeur d'un hōme eloquent, qui brusle & enflamme les plus lasches à vaincre les plus vaillans, qui fait tomber les armes des mains aux plus fiers, qui tourne la cruauté en douceur, la barbarie en humanité: qui change les Republiques, & se ioie des peuples à son plaisir. Ce que ie ne dy pas pour la loūange d'eloquence, mais pour la force qu'elle a, qu'on employe plus souuent à mal qu'à bien. Car puis que ce n'est autre chose qu'un deguisement de la verité, & vn artifice de faire trouuer bon ce qui est mauuais, & droit ce qui est tort, & faire vne chose grande de rien, & du formy faire vn elephant, c'est à dire l'art de bien mentir: il ne faut pas doubter, que pour vn qui vse bien de cest art, cinquante en abusent. aussi est-il mal-aisé entre cinquante Orateurs en remarquer vn homme de bien: car ce seroit chose contraire à la profession qu'ils font, qui voudroit suiure la verité. Veu que la plus belle reigle que Ciceron baille sous la personne de Marc Antoine l'Orateur, c'est de ne rien dire cōtre soy. Qu'on regarde bien tous ceux qui ont eu bruit d'estre nobles harangueurs, on trouuera qu'ils ont esmeu les peuples à sedition, & plusieurs ont changé les loix, les coustumes, les religions, les Republiques: les autres les ont du tout ruinees. aussi ont-ils presque tous finy par mort violente. Il n'est pas icy besoin de verifier cela par l'exemple des Orateurs d'Athenes ou de Rome, mais bien par ceux de nostre aage, qui ont si bien besongné, que tout l'Empire d'Afrique & d'Occident en a esté, & est encores en armes. Et s'en est trouué qui par leur eloquence ont donné la chasse aux Roys, & empieté leur estat: ce qui est adueni aux Roys de Maroc, qui estoient de la maison de Ioseph, ausquels vn prescheur sous voile de religion osta le sceptre,

ptre, & la couronne : & combien qu'on l'appellast le Cheualier de l'Asne, si est-ce qu'il prescha si bien qu'il assembla vne armee de six vingts mil hommes. ^{6. Leon d'Afrique.} en cas pareil celuy qui le premier fut appelé Sophi empieta le Royaume de Perse, n'a pas long temps, & en chassa les enfans du Roy legitime Vnsuncassam, sous le mesme voile de religion. & Iean de Leidan (qui de rauaudeur se fist prescheur) enuahit Munstre ville capitale de Westphalie⁷, & se fist couronner Roy souue- ^{7. Sleidanus.} rain, soustenant le siege par trois ans contre l'Empire d'Alemaigne. Et par mesme moyen Hierosme Sauonarola⁸ prescheur, suscite par An- ^{8. Guichardin.} toine Soderin, sus le debat qui aduint à Florence entre les habitans, à qui tiendroit l'estat Aristocratique, ou populaire, tourna le peuple à prédre l'estat populaire: tout ainsi que Pericles s'ayda de l'Orateur Ephialtes pour rendre l'estat des Atheniens du tout populaire. Brief on a veu toute l'Alemaigne en armes, & cent mil hommes tuez en moins d'un an, depuis que les prescheurs mutins esmeurēt le peuple contre la Noblesse. on a ouy des harangueurs enflammer les Princes à tuer, massacrer, & brusler leurs sugets: comme faisoit Nestorius preschant à Constantino- ple deuant l'Empereur en ceste sorte: Donne moy, Empereur, la terre vuide d'heretiques, & ie te donneray le ciel: abisme avec moy les here- tiques, & ie ruineray avec toy la puissance des Perses. pour cela il fut ap- pellé boute-feu: car si l'Empereur l'eust creu, il eust mis à mort la plus- part, & presque tous ses sugets, & Nestorius le premier. C'est donc vn cousteau fort d'agereux en la main d'un furieux homme, que l'eloquen- ce en la bouche d'un harangueur mutin. Et neantmoins c'est vn moyen à ceux qui en veulent bien vsar, de reduire les peuples de Barbarie à hu- manité, c'est le moyen de reformer les mœurs, corriger les loix, chastier les tyrans, bannir les vices, maintenir la vertu: & tout ainsi qu'on char- me les aspics, les viperes, les serpens par certaines parolles, ainsi les Ora- teurs charment les plus sauuages, & cruels hommes par la douceur d'e- loquence: comme disoit Platon. Et n'y a point de moyen plus grand d'apaiser les seditions, & contenir les sugets en l'obeissance des Princes, que d'auoir vn sage & vertueux prescheur, par le moyen duquel on puisse fleschir & ployer doucemēt les cueurs des plus rebelles: mesme- ment en l'estat populaire, où le peuple ignorant est maistre, & ne peut estre retenu que par les harangueurs: qui pour ceste cause ont tousiours tenu le premier degré d'honneur, & de puissance es estats populaires, faisant donner les charges & commissions, les dons & loyers à qui bon leur sembloit: brief la paix & la guerre, les armes, & les loix dependoient des harangueurs. Et au cōtraire il n'y a rien plus à craindre au tyran, que le harangueur qui a la vogue du peuple, s'il a la tyrannie en haine.



LE CINQVIEME LIVRE

DE LA REPUBLIQUE.

DU REIGLEMENT QV'IL FAVT TENIR pour accommoder la forme de Republique à la diuersité des hommes : & le moyen de cognoistre le naturel des peuples.

CHAPITRE I.



VSQV'ES icy nous auons touché ce qui concernoit l'estat vniuersel des Republiques: disons maintenant ce qui peut estre particulier à quelques vnes pour la diuersité des peuples, à fin d'accommoder la forme de la chose publique à la nature des lieux, & les ordonnances humaines aux loix naturelles. A quoy plusieurs n'ayât pris garde, & s'efforçant de faire seruir la nature à leurs edits, ont troublé, & souuent ruiné de grands estats. Et toutefois ceux qui ont écrit de la Republique n'ont point traitté ceste question. Or tout ainsi que nous voyons en toutes sortes d'animaux vne varieté bien grande, & en chacune espece quelques differences notables, pour la diuersité des regions: aussi pouuons nous dire qu'il y a presque autant de varieté au naturel des hommes, qu'il y a de pays, voire en mesmes climats, il se trouue que le peuple Oriental est fort differét à l'Occidental: & en mesme latitude, & distance de l'equateur, le peuple de Septentrion est different du Meridional. Et qui plus est en mesme climat, latitude, & longitude, & sous mesme degré, on apperçoit la difference du lieu montueux à la plaine: de sorte qu'en mesme ville, la diuersité des hauts lieux aux valees, tire apres soy varieté d'humeurs, & de mœurs aussi: qui fait que les villes assises en lieux inegaux sont plus sugettes aux seditions & changemēs, que celles qui sont situees en lieu du tout egal. Aussi la ville de Rome, qui a sept montaignes, ne fut iamais gueres sans quelque sedition. Dequoy Plutarque n'ayant pas recherché la cause, s'esmerueille qu'en Athenes il y auoit trois factions de diuerse humeur: ceux de la cité haute, qu'ils appelloient Astu, demandoient l'estat populaire, ceux de la basse ville demandoient l'estat d'oligarchie, & les habitans du port de Piree desiroiēt vn estat Aristocratique, entremeslé de la Noblesse & du peuple. Nous dirōs tantost la cause qui est naturelle. Et si Theophraste

Les villes inegales en môraignes & valles sugettes à sedition.

l'ou-

trouue estrange, que le peuple de la Grece est si different en mœurs & façons de faire, qui ne s'esbahiroit de voir en vne mesme ville des humeurs si contraires? On ne peut imputer cela à la meslange des peuples, qui long temps apres y aborderent de toutes parts, veu que Plutarque parloit du tēps de Solon, alors que les Atheniens estoient si peu meslez, qu'on tenoit pour certain qu'ils estoient issus de la terre Attique, de quoy mesme se glorifie l'orateur¹ Aristide. Aussi voyons nous les Suisses, peuple originaire de Suede, fort different d'humeurs, de nature, & de gouvernement: car cōbien qu'ils soient plus estroitement alliez que ne fut onques peuple, si est-ce neātmoins que les cinq petits Cantōs des montagnes, & les Grisons aussi sont estimez plus fiers, & plus belliqueux, & se gouvernent du tout populairement: les autres sont plus traitables, & se gouvernent aristocratiquement, estant leur naturel plus enclin à l'Aristocratie, qu'à l'estat populaire: auquel naturel il est bien besoin de prendre garde, si on veut changer l'estat: comme il aduint à Florence il y a cent ans, que la Republique par succession de temps estoit quasi changee en aristocratie, estant accreüe des citoyens de la deuxiesme & troisieme ceinture de murailles, le Senat fut assemblé pour y donner ordre: & la chose mise en deliberation, le Senateur Vespuce remonstra par viues raisons, que l'estat Aristocratique estoit sans comparaison plus seur, & beaucoup meilleur que l'estat populaire: & meit en auant pour exēple l'estat de Venize, fleurissant sous la Seigneurie de peu de gentils-hommes. mais Antoine Soderin soustint pour l'estat populaire, & le gaigna, disant que le naturel du Venitien estoit proportionné à l'Aristocratie, & les Florentins à l'estat populaire. Nous dirons tantost si son fondemēt estoit vray. Nous lisons aussi que les Ephesiens, Milesiens & Syracusains estoient presque de l'humeur des Florentins, car ils ne pouoient endurer autre estat que populaire, ny souffrir que pas vn d'entr'eux surmōtast l'autre en rien qui soit, iusques à bānir ceux qui auoient plus de vertu. & neātmoins les Atheniens, Ephesiens & Milesiens estoient beaucoup plus doux & plus traitables: aussi estoient ils beaucoup plus orientaux: & au contraire les Syracusains, Florentins & Carthaginois estoient plus felons, & plus rebelles: qui estoient plus occidentaux. le peuple oriental a beaucoup de iactance, & de parolles, au iugement de tous les anciens, & mesmes de⁴ l'Ambassadeur des Rhodiots, qui excusa la faute de ses maistres sus la naturelle inclination qu'ils auoient, alleguant aussi les vices naturels des autres peuples. le peuple d'Athenes, dit Plutarque, estoit cholere, & misericordieux, prenāt plaisir aux flateries, & souffrant aisēment vn trait de moquerie: mais le peuple de Carthage estoit cruel, & vindicatif, souple aux superieurs, & imperieux aux sugets: coūard en son desastre, & insolent en sa victoire. le peuple Romain au contraire des deux estoit patient en sa perte, constant en sa victoire, moderé en ses passions, rebutāt les flateurs, & prenāt plaisir aux hōmes

1. lib. ἠθικοὶ χαρακτῆρες.

2. in panathenæis.

Pour former vn estat il se faut accommoder au naturel des sugets.

3. Guichardin.

4. Lilius lib. 45. Gentes aliæ iracundæ, aliæ audaces, quedam timida in vinum, in venerem priores aliæ sunt, Atheniensium populum fama est celerem & supra vires audacem ad conandum. Lacedæmoniorum cunctatorē: nō negauerim & totam Asiæ regionem inania parere ingenia, & nostrorum tumidiorem sermonem esse.

Difference notable des Atheniens, Romains & Carthaginois.

4. Plutar. in Catone
Censorio.

graues & feueres: iusques à là, que Caton l'aisné demâdant la Censure au peuple, dist qu'il estoit besoin d'un Censeur feuer, menassant de bien chastier les vices: toutefois le peuple ⁴aima mieux elire celuy qui le menassoit, qui estoit d'assez bas lieu, que les plus nobles & grands seigneurs qui le flatoient. Ce qui peut estre aisément cognu par la difference des harangueurs Atheniens & Romains: car ceux-cy respectoient bien autrement la majesté du peuple, que ceux d'Athenes qui se ioüoient du peuple avec telle licence, què l'un d'eux ayant fait assembler le peuple pour les affaires d'estat, apres l'auoir fort long tēps fait attendre, s'en vint monter en la Tribune aux harangues avec vn chapeau de roses, & leur dist qu'il auoit deliberé ce iour là festoyer ses amis, & puis s'en va. le peuple print cela en rīsee. vne autre fois Alcibiade parlant au peuple, lascha vne caille qu'il auoit en son sein, & le peuple courut apres, & luy rapporta. s'il eust fait cela en Carthage deuât le peuple, dit Plutarque, on l'eust lapidé. les Romains n'eussent pas laissé ceste sottie impunie, veu mesmes qu'un citoyen Romain fut priué du droit de bourgeoisie, pour auoir baillé trop haut deuant vn Censeur, comme dit Valere Maxime. Il faut donc que le sage gouuerneur d'un peuple sçache bien l'humeur d'iceluy, & son naturel, au parauât que d'attenter chose quelconque au changement de l'estat ou des loix. car l'un des plus grands, & peut estre le principal fondement des Republiques, est d'accommoder l'estat au naturel des citoyens, & les edits & ordonnâces à la nature des lieux, des personnes, & du temps. Car quoy que die Balde, que la raison & l'équité naturelle n'est point bornée ny attachée aux lieux, cela reçoit distinction, c'est à sçauoir, quand la raison est vniuerselle, & non pas où la raison particuliere des lieux & des personnes, reçoit vne cōsideration particuliere. Qui fait aussi qu'on doit diuersifier l'estat de la Republique à la diuersité des lieux: à l'exemple du bon architecte, qui accōmode son bastiment à la matiere qu'il trouue sus les lieux. Ainsi doit faire le sage politique, qui n'a pas à choisir le peuple tel qu'il voudroit, comme dit Isocrate aux loüanges de Busyris roy d'Egypte, qu'il estime beaucoup, pour auoir bien sceu choisir le pays, & le peuple le plus propre qui soit au monde pour regner. Disons donc premieremēt du naturel des peuples de Septentrion, & de Midy: puis des peuples d'Orient, & d'Occident: & la difference des hōmes montaignars à ceux qui demeurent en la plaine, ou és lieux marefcageux, ou battus des vents impetueux: apres nous dirons aussi cōbien la discipline peut changer le droit naturel des hommes: en regettāt l'opinion de Polybe & de Galen, qui ont tenu que le pays, & la nature des lieux emporte necessité aux mœurs des hōmes. Et pour mieux entēdre la varieté infinie qui peut estre entre les peuples de Septentrion & de Midy, nous diuīserons tous les peuples qui habitēt la terre par deçà l'Equateur en trois parties: la premiere sera des trente degrez depuis l'Equateur en çà, que nous attribuerons aux regions ardantes,

Le bō architecte
accommode son
bastimēt à la ma-
tiere qu'il trouue
sus les lieux.

ardantes, & peuples meridionaux: & les trente degrez suiuan, aux peuples moyens, & regions temperees, iusques au soixantiesme degre vers le Pole: & delà iusques au Pole feront les trente degrez des peuples Septentrionaux, & regions de froideur excessiue. la mesme diuision se pourra faire des peuples delà l'Equateur, tirant vers le Pole antartique. puis nous diuiserons les trente degrez des lieux ardens par la moitié: les quinze premiers plus moderez, entre l'Equateur & les tropiques: les autres quinze plus ardents sous les tropiques. & par mesme moyen nous prendrons les quinze degrez suiuan de la region temperee, qui s'estendent iusques au x l v. degre, qui tiennēt plus du meridional. & les quinze autres iusques au l x. degre, qui sont plus distemperez en froidure, & tiennent plus du Septentrion. & aux quinze suiuan iusques au lxxv. degre, ores que les hommes y soient fort affligez de froidure, si est-ce qu'il y a plusieurs peuples & Republiques. mais quāt aux autres x v. degrez iusques au Pole, il n'en faut faire ny mise ny recepte, par ce qu'il n'y a point, ou si peu d'hommes, qui viuent comme bestes sauuages es cauernes: comme les marchans ont raporté, & les' histoires nous le certifient. I'ay rendu la raison de ces diuisions en vn liure particulier de la Methode des histoires, & n'est besoin d'y entrer plus auant. Ces poincts arrestez, il sera plus aisé de faire iugemēt de la nature des peuples. car ce n'est pas assez de dire, que les peuples de Septentrion ont la force, grandeur & beauté de corps, & peu d'esprit: & au contraire que les peuples Meridionaux sont foibles, petits, noirs, & qu'ils ont la viuacitē d'esprit grāde: veu que l'experience nous apprend, que les peuples qui sont bien fort Septentrionaux sont petits, maigres, & basanez du froid: ce que mesmes Hippocrate confesse: qu'il faut accorder avec les autres, en posant ces limites que i'ay dit: & s'entendra le dire d'Hippocrate des peuples qui sont outre le l x x. degre tirant vers les Poles. nous ferons mesme iugemēt de ce que Hippocrate, & apres luy Aristote ont escrit, que les peuples de Septentrion ont la^e cheuelure blonde & deliee: & neantmoins Galen dit qu'ils ont le⁷ poil rouge. ce qu'il faut entēdre de ceux qui sont situez enuiron le l x. degre. & de fait il y en a grand nombre en Angleterre, que les habitans disent estre issus des Danois & Suedois, qu'ils remarquent au poil rouge, ayant occupé l'Angleterre. Mais depuis la coste Baltique, iusques au x l v. degre tirant en çà, les peuples ont ordinairement le poil blond: & anciennement que les peuples n'estoient pas si mellez cōme depuis ils ont esté, on recognoissoit l'homme Septentrional au poil blond & aux yeux vers: ainsi que Plutarque, Tacite, Iuuenal, & de nostre memoire le Baron^o d'Herbastein ont remarqué. mais ceux qui sont enuiron le l x. degre ont presque tous les yeux de hibouz, & la couleur d'eau se blanchist en leurs yeux: aussi ont ils la veuē fort debile le iour, & voyent mieux en obscurité, comme les hibouz & autres bestes semblables, qu'on appelle Nyctalopes. ce que ie

Diuisiō des peuples.

5. Olaus & Saxogrāmaticus.

Aristote & Hippocrate accordez.

6. Ils vñent du mot *πυρίτεχες* & *λεπιδότεχες*.
7. *φονικότερες*.

Les peuples de Septentrion ont les yeux vers, & le poil blond.
o. en l'histoire de Moschouie.

8. In problemat.

9. En l'histoire de Moschouie.

La chaleur est plus ardente en esté aux pays froids qu'aux pays chauds.

dy m'a esté assuré de l'Ambassadeur Pruinski Lituanien, & d'Holster commissaire des guerres, natif d'Ostolcome en Suede: qui a le poil de vache & les yeux de hibouz: laquelle couleur, force, & grandeur vient, comme dit^s Aristote, de la chaleur interieure: comme ceux d'Afrique ont les yeux noirs, pour le peu de chaleur qu'ils ont aux parties interieures, estant humee de la chaleur, & plus encores de la seicheresse du soleil, au lieu que le froid resserre la chaleur du peuple de Septentrion, si elle n'est si vehemente qu'elle vienne presque à l'estaindre: qui fait que les hommes qui habitent outre le Lxxv. degré sont foibles, petits, & tous bazanez de froid extreme, qui est si excessif, que plusieurs en meurent, comme les marchans rapportent: & mesmes le Baron⁹ d'Herbestain escrit que la salie tombe quelques fois glacee, chose qui peut sembler incroyable: mais il est bien certain que la mer Baltique glace si bien, que les armées passent de terre ferme aux Isles, iacoit que la chaleur en esté y est quelques fois si ardante, qu'elle brule non seulement les fruits de la terre, ains aussi les maisons & villages, comme le mesme autheur escrit estre aduenue en Moschouie l'an M. D. xxv. ce qui aduint aussi en Poulógne l'an M. D. LII. ainsi que Thomas Cromer Historien escrit, & le Comte Gorcha, qui vint Ambassadeur en Frâce, m'a assuré: & le mesme cas aduint en Angleterre l'an M. D. LVI. comme i'ay veu par les lettres du seigneur d'Aques Ambassadeur en Angleterre pour le Roy de France, où il assure la chaleur auoir esté si vehemente, que la flamme allumee par le soleil brula en toute vne contree les fruits & les villages. c'est ce que dit Aristote, que l'ardeur est plus grande aux pays froids, qu'aux pays chauds: mais cela s'entend és lieux aquatiques, & où il y a quelque montaigne qui redouble la chaleur par reuerberation, comme il aduint à la ville de Naim en Gascongne, qui brula entierement de l'ardeur du soleil en plein midy l'an M. D. XL. car la situation d'icelle est cōme i'ay dit. & la vapeur grosse retient la chaleur: ce que les maistres des estuues cognoissant tresbien, & pour espargner le bois, gettent de l'eau dedans les estuues. estant donc le pays de Septentrion garny de riuieres, de lacs, de fontaines, les vapeurs esleuees recoiuent & retiennent la chaleur plus ardante en l'air, cōme aux regions meridionales elle est plus vehemente en la terre. car tout ainsi que la chaleur est plus violente en metal qu'en bois, & en gros bois qu'en menu: aussi le soleil a plus d'effect en terre qu'en l'air, & en l'air vaporeux és regions aquatiques, que nō pas en pays sec, où l'air est subtil & sans corps sensible: qui peut estre la cause que Dieu a fait le pays meridional, peu pluuieux & peu aquatique: & les lieux plus aquatiques qui se trouuent au pays meridional, sont ordinairement exposez au Septentrion, & couverts des montaignes du costé du midy: comme l'Aquitaine, qui est ainsi dite pour l'abondance des eaux, a les monts Pyrenees, la Barbarie a le mont Atlas, haut à merueilles, duquel les sources & riuieres sortent toutes vers le Septentrion, comme

cōme nous lisons en Leon d'Afrique. autrement le Soleil gettant ses rayōs droittement sus ce pays là, le rendroit inhabitable, qui est des plus plantureux qui soit au mode, & des mieux peuplez. Or tout ainsi qu'en hyuer les lieux soubterrains, & les parties interieures des animaux retiennent la chaleur qui en Esté s'euapore: ainsi est-il des peuples situēz aux pays Septentrional, qui ont la chaleur interieure plus vehemēte, que ceux du pais meridional: laquelle chaleur fait que les forces & puissances naturelles sont plus grādes es vns que nō pas es autres: qui fait aussi que les vns sont plus affamez, deuorent, & cuisent mieux que les autres, pour la froideur de la regiō, qui resserre la chaleur naturelle. en sorte que les armées qui tirent du pays Meridional ou Septentrion, sont plus vigoureuses & plus gailhardes: comme il s'est veu des sept mil Espagnols qui passerēt en Allemagne sous l'Empereur Charles v. & des quatre mil Gascons qui allerent au secours du Roy de Suede, qui emporterent de belles victoires. Et au contraire les armées du peuple Septentrional s'affoiblissent & alengoriscent, tant plus elles tirent au pays Meridional, mesmement en Esté, cōme il se cogneut euidentement es Cymbres, desquels Plutarque tesmoigne qu'ils estoient tous fondus en sueur, & alengoris de la chaleur qu'ils sentirent en Prouence, qui les eust bien tost fait mourir, quād ores ils n'eussent point esté vaincus des Romains: cōme il en print aux François deuant Naples, & aux Lansquenets, qui passerent en Italie sous la cōduite de Charles de Bourbon, & de Georges Fronsperg, apres qu'ils eurent saccagé Rome il en mourut dix mil deuant que l'an fust reuolu, comme escrit Guichardin. Cela se cognoist aussi clairement es troupeaux qui vont du pays de Septentrion au Midy, qui perdent leur graisse, & leur lait, & ne font qu'empirer: ce que Pline a noté, & les marchans experimentent tous les iours. Et tout ainsi quel'Espagnol redouble son appetit & ses forces, passant d'Espagne en France: aussi le François devient languide & degousté passant en Espagne: & s'il veut boire & manger comme en France, il est en danger de ne la faire pas longue. Et mesmes les peuples de Septentrion sentent vne² langueur & foiblesse de cuer, quād le vent de midy souffle. la mesme raison nous enseigne pourquoy les hommes & les bestes, & mesmemēt les oiseaux qui sentent plus soudain ce changement, s'engraissent en hyuer, & maigrissent de chaleur. Si Leon d'Afrique, & François d'Aluarez, qui ont escrit les histoires d'Afrique & d'Ethiophe, eussent pris garde à ceste raison qui est naturelle, ils n'eussent pas si haut loué l'abstinence incroyable de ces peuples là: car ils ne peuēt auoir d'appetit, d'autāt que la chaleur interieure leur manque. Aussi ne faut-il pas blasmer les peuples de Septentrion, pour estre plus affamez, & deuorer plus auidentement que ceux de midy, veu la chaleur, grandeur, & grosseur des hommes. Les mesmes effects se trouuent en la regiō antartique: car nous lisons es histoires des Indes, que Magallan trouua enuiron le destroit, qu'il appella de son nom Magallien, des

Pourquoy les armées des peuples de Septentrion s'allégorissent venant au pays Meridional.

2. Aristot. in problemat.

Pourquoy les peuples de midy sont abstinent,

Les peuples des
regions moyen-
nes sont les mi-
eux réparez d'es-
prit & de corps.

Peuples de Se-
ptentrion espars
en tout l'empire
Romain.

Geans Patagones, si grâs & si puissans, que huit Espaignols armez estoient bien empelchez d'en tenir vn: gens au reste fort simples & lourdaux. Or tout ainsi que le peuple de Septentrion le gagne par force, & le peuple de midy par finelles: aussi ceux du milieu participent mediocrement de l'un & de l'autre, & sont plus propres à la guerre, au iugement de Végece & de Vitruue. c'est pourquoy ils ont establi les grands Empires, qui ont flori en armes & en loix. Et la sagesse de Dieu a si bien distribué ses graces, qu'elle n'a iamais vny la force grande, avec vne grande ruz de esprit, ny aux hommes, ny aux bestes. car il n'y a rien plus cruel que l'iniustice armee de puissance. Donques les peuples des regions moyennes ont plus de force que ceux de midy, & moins de ruzes: & plus d'esprit que ceux de Septentrion, & moins de force: & sont plus propres à commander & gouverner les Republiques, & plus iustes en leurs actions. Et si bien on préd garde aux histoires de tous les peuples, on trouuera que les grandes armées & puissances sont venuës de Septentrion: les sciences occultes, la Philosophie, la Mathematique, & autres sciéces contemplatives sont venuës du peuple Meridional: & les sciences politiques, les loix, la iurisprudence, la grace de bien dire, & de bien discourir, ont pris leur commencement & origine aux regions metoyennes: & tous les grâs Empires y ont esté establis: cōme l'Empire des Assyriens, Medois, Persans, Parthes, Gregeois, Latins, Celtes. Et cōbien que les Arabes & Mores pour vn temps ont empieté l'empire de Perse, de Surie, d'Egypte, & de Barbarie, & assugeti vne bōne partie d'Espaigne, si est-ce qu'ils n'ont peu assugetir la Grece ny l'Italie, & lors qu'ils voulurent asservir la France, ils furent vaincus, & l'armée de trois cens mil hommes qu'ils y auoient amené fut defaite. Aussi les Romains ont bien estendu leur puissance sus les peuples de Midy & d'Orient: mais ils n'ont pas beaucoup gagné sus les peuples d'Occident & de Septentrion, quoy qu'ils fussent victorieux de tous les autres peuples: neantmoins ils employoient toutes leurs forces, & auoient bien affaire à soustenir l'effort, & parer les coups des peuples de Septentrion, qui n'auoient ny villes murees, ny fortresses, ny chasteaux, comme dit Tacite parlant des Alemans. Et combien que Traiā eust fait vn pont admirable sus le Danube, & vaincu Decebal Roy des Daces, si est-ce que l'Empereur Adrian son successeur le fist demolir, craignāt que les peuples de Septentrion ne vinssent accabler l'empire & la puissance des Romains, cōme ils firent apres que l'Empereur Cōstantin eut cassé les legiōs Romaines qui gardoiēt les riuieres du Rhin & du Danube. car biē tost apres les Alemans, puis les Goths, Ostrogoths, Vandales, Frāques, Bourguignons, Herules, Hōgres, Gepides, Lōbards, & par succession de temps les Normans, Tartares, Turcs, & autres nations Scythiques enuahirent les prouinces, que les Romains auoient tenues. Et combien que les Anglois ayent eu de grandes victoires sus les François, & cōquesté le Royaume qui leur est meridional, si est-ce que depuis

depuis neuf cens ans ils n'ont peu chasser les Escossois de l'Isle : & neantmoins on sçait combien les François ont plus d'hommes que les Anglois, & ceux cy que les Escossois. On peut voir le semblable des Turcs, peuple Septentrional, qui a estendu la grandeur de son empire aux plus belles regions d'Asie, d'Afrique, & d'Europe, & presque sus toute la mer Mediterranee : si est-ce qu'ils ont esté defaits par les Tartares, & sont bien empeschez à resister aux Moschouites. Aussi lisons nous de toute ancienneté que Dieu menasse tousiours les siens des peuples de Septentrion : comme de gens beliqueux, violents, impudens, impitoyables. Car combien que les hommes soient de beaucoup diminuez de nombre, de force, de grandeur, de vigueur, d'aage, eu esgard aux anciés, si est-ce que les peuples d'Aquilon sont ordinairement plus grands, plus forts, & plus puissans. Et par ainsi la loy militaire des Romains, qui n'exculoit point le soldat d'aller en guerre qu'il n'eust³ atteint L v : ans, & quelquesfois le contraignoit ayant passé ceste aage, n'eust pas esté convenable aux Lacedemoniens, quoy qu'ils fussent auec si bien exercez aux armes que les Romains, car estans plus Meridionaux, ils n'estoient pas si vigoureux, aussi excusoient-ils le soldat apres⁴ quarante ans : car la force & la vigueur ne vient que de la chaleur interieure : qui fait que les peuples de Septentrion sont, & ont tousiours esté grands beueurs, tesmoing le prouerbe Grec boire en Scythe, ce que Tacite n'a pas oublié parlant des meurs des Alemans, mais il s'abuse de dire qu'ils boyuēt plus & mangent moins, pour la froideur & sterilité du pays, ains au contraire, puis qu'il est ainsi que la soif n'est autre chose qu'un appetit de froideur & d'humeur : & la faim appetit de seicheresse & de chaleur, & que les peuples de Septentrion ont la chaleur interieure beaucoup plus grande sans comparaison que ceux de midy, il faut bien qu'ils boiuent dauantage. aussi ont les peuples de Septentrion le cuyr plus mol, plus velu, & suget à suer, & respirer l'humeur, que les peuples de midy, qui ont le cuyr dur, peu de poil, & se recoquille de seicheresse, souffrant aisément la chaleur sans suer : mais ils ne portent pas aisément la froideur : comme il fut cogneu des Espaignols, qui moururent de froid en grand nombre sus les hautes montaignes du⁶ Peru : car ayant peu de chaleur au dedans, s'ils sont combatus du froid exterieur, ils succombent : qui est la raison pourquoy tous les peuples de midy hyuernent és garnisons, alors que les peuples de Septentrion font la guerre plus^o ardemment, portant la froideur exterieure, à cause de la grande chaleur interieure. Et mesmes Galen escrit, qu'ils plongent les enfans en l'eau froide, si tost qu'ils ont sorti du ventre de la mere. vray est que⁷ l'Empereur Iulian disoit qu'il auoit veu mettre les enfans sus le Rhin, pour faire la preuue des bastards aux legitimes : estimant ceux-la legitimes, qui surnageoient, & les autres bastards qui alloient au fonds. Et tout ainsi que les peuples de Septentrion sont aisément allangoris de chaleur, aussi sont-ils bien

2. in lib. sapientia. 2.
Esa. cap. 14. 41. 49.
Hierc. cap. 3. 4. 6. 13.
15. 10. 16 23 25. 46. 47.
50. 51. Ezechiel. 8. 48.
Daniel 11. Zach. 2.

3. Polyb. lib. 6.

4. Pluta. in Agesilao.

5. Athenæus dipnos.
ἐπισκῦθισον pro ἐπι-
κῦθισον. quod nō nisi
Græce percipi po-
test.

6. l'histoire des In-
des.

o. Agathias & Cran-
tius in histor. Polo-
nor.

7. in epistola.
πρὸς Αντιόχον μισο-
πῶνον.
Preuue des ba-
stards aux legiti-
mes.

toſt las & recreuds de labeur, en pays Meridional, ou en téps chaud. Ce qui fut premierement apperceu à la iournee de plombin, où les Celtes enuironnez de deux armées des Romains, combatirēt à double face : & apres auoir getté leur premiere furie, furent bien toſt vaincus. Il ne faut dit Polybe, que parer les coups quelque temps pour vaincre les Celtes, qu'on penſoit inuincibles. Ceſar depuis fiſt meſme iugemēt, diſant des Gaulois, qu'ils eſtoient pluſque hommes au commencement de la bataille, & ſus la fin moins que femmes. Chose qui eſt encores plus naturelle aux Alemans, & autres peuples de Septentrion, comme dit Tacite, qui les auoir cogneus par longue experience. car les Gaulois, meſme-ment ceux de Languedouich, tiennēt la moyenne region entre le froid, & la chaleur extreme, bien que la qualité du lieu Occidētal, rend le pays plus froid. Or ceux qui ſont au milieu, ſont impatientſ du froid & du chaud, ce que teſmoigne Ceſar des Gaulois : & ſoufrēt neantmoins plus aiſēmēt le froid que les Eſpagnols, & la chaleur que les Alemans. Et tout ainſi que les peuples des regions moyēnes tiennent des deux extremitez en humeur, auſſi conuiennent-ils avec les vns & les autres, en meurs & complexiōs. & comme Dieu par vne ſageſſe eſmerueillable a lié toutes choses par moyens conuenables aux extremitez, auſſi voyons nous qu'il a gardé ceſt ordre entre les peuples de Septentrion & de midy, qui ne ſe peuuent compatir, pour la contrariété de meurs, & d'humeurs qu'ils ont entr'eux. Qui eſt vn poinct bien fort conſiderable, quand il eſt queſtion de moyenner la paix, ou traiter alliance entre deux natiōs ſi contraires, ou les mener en guerre, afin de mettre entre deux la nation metoyenne, & ceux qui ont les affectiōs moderees avec les autres qui ont les paſſiōs de l'ame immoderees. comme Galen dit, que les Alemans & Arabes, ne tiennent rien de la temperature louiāble qui eſt és hommes de l'Asie Mineur, qui eſt non ſeulement au milieu du Pole, & de l'equateur, ains auſſi entre l'Indie Orientale, & la France Occidentale. C'eſt pourquoy Ciceron diſoit, que la ciuilité & courtoisie a pris ſa naiſſance en l'Asie Mineur, & en a rempli toute la terre. Mais Ariſtote, à mon aduis, ſ'eſt abusé de dire, que les peuples battus de chaleur, ou de froideur extreme, ſont barbares, veu que le contraire ſe verifie par les hſtoires, & par l'experience qu'on fait ordinairement des peuples de midy, qui ſont beaucoup plus ingenieux que les peuples metoyens. Herodote nous a laiſſé par eſcrit, que les Ægyptiens eſtoient les plus ingenieux hommes du monde. apres luy ſept cens ans Ceſar és memoires de la guerre ciuile en a fait meſme iugement, diſant que ceux d'Alexandrie contrefaiſoient ſi dextremēt les machines des Romains, qu'il ſembloit que les Romains n'eſtoient que leurs ſinges. il vſe de ces mots, *Ipsi homines ingenioſiſſimi ac ſubtiliſſimi.* & neātmoins l'Egypte eſt en partie ſoubs le Tropicque, où il fait plus chaud que ſoubs l'equateur, au iugement de Poſſidonius, & des Eſpagnols. Les Romains ont fait meſme iugemēt des peuples d'Afri-
que,

La courtoisie &
humanité venuë
d'Asie.

que, qu'ils appelloient *Pænos*, qui ont souuent abusé les Romains, & rompue leur puissance par la dextérité de leur esprit. Aussi Columelle les appelle *Gentem acutissimam*: mais ils n'ont pas l'esprit si gentil que les Egyptiens, aussi ne sont-ils pas si auant au pays Meridional comme les Egyptiens. Et sans aller si loin, nous en auons la preuue en ce Royaume, où la difference des esprits se descouure, eu esgard aux Anglois, qui se plaignoiēt à Philippe de Comines, & s'esmerueilloient que les François perdoient le plus souuēt les batailles contr'eux, & qu'ils gaignoiēt tousiours aux traittez qu'ils faisoient. nous pouuons dire le semblable des Espaignols, qui n'ont fait traitté depuis cent ans avec les François, où ils n'ayēt eu l'auantagé, ce qui seroit long à discourir par le menu. mais ie prédray seulement le traitté de Cambresis fait l'an M. D. L. I. X. On ne peut nier que la force du Roy de France ne fust grâde, & pour faire teste aux ennemis: neâtmoins l'Espaignol gagna plus en ce traitté là sans coup fraper, qu'il n'auoit fait en XL. ans auparauant, & n'auoit iamais esperé, cōme il confessâ depuis, tirer la Sauoye ny le Piemond d'entre les mains des François. Car combiē que le Duc de Sauoye, Prince vertueux & genereux, méritast beaucoup, tant pour l'equiré de sa cause, que pour l'alliāce de la maison de France, si est-ce qu'il n'attēdoit pas si heureuse issue de ses affaires: ce qui fut manié si dextremēt par l'Espagnol, qu'il emporta toute la grace du bien-fait, & le fruiēt principal d'iceluy, ayant autant diminué l'estat de France, qui s'estendoit iusques aux portes de Milan, & mis le Duc de Sauoye, cōme vne barriere entre l'Italie & la Frāce, pour clorre le passage aux François de plus aspirer, ny rien quereller en Italie. On ne peut nier, que ceux qui auoient charge de capituler du costé des François, n'ayent employé toute la discretion, foy, & loyauté qu'ils pouuoient: mais ie tiens de bon lieu qu'il fut resolu au conseil d'Espagne, qu'on deuoit tirer les affaires en longueur, & que le naturel du François estoit si soudain & actif, qu'il quitteroit ce qu'on luy demanderoit, ennuyé des allees & venuës, & des longueurs propres à l'Espaignol, & qui ne furent pas oubliées en ce traitté là. Encores fut-il bien remarqué, qu'en toutes les seances, & assemblees faites par les deputez, tousiours les François furent les premiers au conseil, & quoy qu'ils employassent tous leurs gens pour espier, afin d'entrer aussi quelquesfois les derniers, si est-ce qu'ils furent tousiours trompez par la ruze des Espaignols, & impatience des François, qui sembloient par ce moyen demander la paix. Et n'est pas fautive qu'on doie imputer à ceux qui auoiēt charge de traiter la paix, ains à la nature qui est difficile à vaincre: car nous lisons le semblable des Ambassadeurs François conferās avec les Ambassadeurs de l'Empereur, de Venize, d'Espagne, de Ferrare, deuant le Duc de Milan: Nostre façon, dit Philippe de Comine, n'est point de parler posémēt comme ils font, car nous parliōs quelquesfois deux ou trois ensemble, & le Duc disoit, ho, vn à vn. A quoy on peut iuger, cōme en beaucoup d'autres marques,

Naturel du François.

le cardinal de l'Espagnol, qui, pour estre beaucoup plus meridional, est plus froid, plus melancholic, plus arresté, plus contemplatif, & par conséquent plus ingénieux que le François: qui est bilieux & cholere; ce qui le rend plus actif, prompt & diligent; voire si soudain qu'il semble à l'Espagnol coufir quand il va son pas: qui fait que l'Espagnol & l'Italien aime le sçavoir du François, pour la diligence & allegresse en toutes actions: aussi tous les ans en passe vn nombre infini en Espagne, comme Bayou estait à Narbonne, mesmement du pays d'Auvergne, & du Languedoc, pour y bastir, planter, defricher les terres, & faire tous ouurages de main, que l'Espagnol ne sçauoit faire, & plustost mourroit de faim, tant il est paresseux, & pesant aux actions. Et de fait l'Espagne n'est quasi peuplée que de François, cōme il fut bien verifié quand le Prieur de Capoue se voulut emparer de Valence, par le moyen des galeres Françaises, on voulut alors chasser les François de Valence, mais il s'en trouua dix mil qui furent tous cautionnez par les Espagnols. Et ne faut pas doubter, que les hommes qui prouiennent de la meslange de ces deux peuples, ne soient plus accomplis que l'un & l'autre. Car on desire en l'Espagnol vne allegresse, & promptitude plus grande qu'il n'a: & au François les actions & passions plus moderees: comme il semble que l'Italien a l'un & l'autre, aussi est-elle en l'assiette la plus temperee qu'il est possible, entre le Pole & l'Equateur: & au milieu de l'Asie, de l'Afrique, & de l'Europe, biaiçant vn peu vers l'Orient & le Midy. Et tout ainsi que ceux qui sont aux extremités des Poles sont pituiteux, & le Meridional melancholic: aussi ceux qui sont trente degrez par deça le Pole sont plus sanguins: & ceux qui approchent du milieu plus sanguins & choleres: & puis tirant vers le midy, plus choleres & melancholiques: aussi sont ils plus basannez de noir & de iaune: qui sont les couleurs de la melancholie noire, & de la cholere iaune. Or Galen confesse que la pituite rend l'homme pesant & lourd: le sang ioyeux & robuste: la cholere active & dispos: la melancholie constant & posé: & selon qu'il y a plus ou moins des quatre humeurs meslez ensemble, autant y a de varietez, que Theodore Duca, de la maison de Lascare Empereur de Constantinople, s'est efforcé de comprendre en x. c. i. especes, composant avec les quatre humeurs, la raison, & les deux parties de l'ame bestiale, c'est à sçauoir, le courage, & la cupidité. mais d'autant que ses opinions ne sont fondees, ny en preuue d'exēple quelconque, ny en raison necessaire, & qu'il ne fait aucune distinction des parties du monde, ny des lieux aquatiques, montueux, venteux, ny de la doctrine, ny des loix, qui feroient vn nombre infini, avec la comparaison de plus ou moins, ie suiuray ce que la raison apparente nous monstre, & l'experience nous fait cognoistre à veüe d'œil. ioint aussi que les histoires anciennes s'accordent, que les peuples de Septentrion ne sont point malicieux, ny rusez, comme les nations meridionales parlant des Alemans. C'est, dit-il, vn peuple qui n'est point

D'où prouient la
varieté de couleur
aux visages.

ἡ λογιστική, θυμὸν, ἐπιθυμίαν.

point fin ny rusé, descourant les secrets par maniere de pass-temps. puis aisément ils se départent de leurs promesses. nous trouuons ce meisme iugement des Scythes en Herodote, ¹ Iustin, & Strabon. C'est pourquoy les anciens Princes aussi bien qu'à present n'ont eu autre corps de gardes que de Scythes, Thraces, Alemans, Suisses, Circassiés. Et mesmes la seigneurie de Rhaguse, n'a garde que d'Alemans & de Suisses. Et qui plus est les Roys d'Afrique par deça le mont Atlas, n'ont garde que des soldats d'Europe. & quoy qu'ils soient Mahometans, si est-ce qu'ils ayment mieux se fier aux Chrestiens reniez, qu'à ceux du pays: ce qui fut premierement fait par le grand Manfor, Empereur d'Afrique & d'Espagne: & par cy deuant le Roy de Thunes auoit quinze cens cheuaux legers de Chrestiens reniez, & sa garde d'esclaves Turcs & Chrestiens, comme dit Leon d'Afrique, cognoissant bien que le peuple Septentrional a plus de force, que de finesse, & tirant la paye du Prince, luy demeurent tousiours affectionnez à garder sa vie, & vanger ses iniures sans aspirer à son estat, quelque tyran que ce soit. C'est pourquoy Cherea, Capitaine des gardes de l'Empereur Caligula, ayant tué son Prince, fut aussi tost mis à mort par les Archers de la garde, qui estoient Alemans, qui ne pouuoient, dit ¹ Iosephe, retenir leur appetit, ny leur vengeance. Aussi ont les anciens remarqué es peuples de Septentrion vne barbarie & cruauté: & mesmes Thucydide, fils d'Olorus Roy de Thrace, appelle les Thraces nation trescruelle: & Tacite parlant des Alemans, ils ne font pas, dit-il, mourir les coupables par forme de iustice, mais par cruauté, comme ils feroient leurs ennemis. Je me cōtenteray d'exemples nouveaux sans chercher les anciens. Nous en auons vn notable en ² l'histoire de Polongne, executé par ceux de Transylvanie, en la personne de Georges Capitaine des rebelles: l'ayant pris, ils firent ieusner troisiours entiers ses soldats, & leur firent manger leur Capitaine demi rosti, & puis encores ses entrailles boüillies, deuant que les faire mourir. Je laisse les cruantez estranges de Dracula Duc de Transylvanie, & d'Otton Trucces, qui fist rostir à petit feu le meurtrier de son Lieutenant, pendant la guerre des paysans. & depuis n'agueres le Capitaine Grombach Alemân, fut condâné d'auoir le cuer arraché, viuant, & le visage battu d'iceluy. le iugement fut executé. Aussi voyons nous, que le supplice de la rouë s'est trouué en Alemagne, & l'empalement des hommes tous vifs en Tartarie. combien qu'il n'est pas moins cruel en Lituanie, de contraindre les condamnez à se pendre soy-mesme, ou bien les foueter & gehenner, & neantmoins en fin les pendre. Qui me fait penser, que les cruantez du Roy de Moschouie, publiques & imprimees, sont vray-semblables. Car moins les hommes ont de raison, & de iugement, plus ils approchent du naturel brutal des bestes, qui ne peuuent se ranger à la raison, ny se commâder, non plus que bestes. Au contraire le peuple meridional est cruel & vindicatif, pour la nature de la melancholie, qui presse les passions de l'amé d'une violence

¹ Iustin. Strabo. Diodore. Plin. Tacite. Herodote. Vitruue. Vegece.

Les peuples de Septentrion ne sont pas rusez.

¹ lib. XIX. c. I.

² O. φοικωτάτων γένος.

² Iouius & Grant.

Estranges cruantez des peuples de Septentrion.

extreme, & employe son esprit à vanger sa douleur. Polybe parlant de la guerre des Spendiens & Carthaginois, peuples d'Afrique, dit, qu'il ne fut onques ouy, ny veu guerre, où la perfidie & cruauté fust plus grande. & toutesfois ce n'est que ieu au prix des boucheries racontées par Leon d'Afrique, & de nostre aage entre Muleasses, & ses propres enfans. Et mesmes le Roy de Tenesme sollicité par Iosephe Roy de Maroc à se reduire sous son obeissance, de laquelle son ayeul s'estoit distrait, tua ses Ambassadeurs: dequoy irrité le Roy de Maroch, tua vn million de personnes au Royaume de Tenesme, & n'y laissa, ny ville, ny chasteau, ny maison, ny beste, ny ⁴ arbre. Encores Leon ⁵ d'Afrique passe plus outre, parlât d'Homar Essuein ministre Mahometá, qui se vouloit faire Roy, apres auoir forcé la place d'Vngiazén, il ne se contenta pas de faire tout mourir, ains il arracha les enfans du ventre, & les demébra sus l'estomach des meres. Et le mesme auteur escrit que Isaac Roy de Tombut en Afrique, ayât prins le Roy de Gagao, soudain le fist mourir, & chastrer tous les enfans, pour luy seruir d'esclaues, faisant le semblable à tous les Roys qu'il prend. Nous lisons les cruautés pareilles, ou plus grandes aux Indes nouuellement descouuertes: car les Bresiliens ne se contentét pas de manger leurs ennemis, fils ne baignent aussi les petits enfans en leur sang. Mais la cruauté est encores plus remarquée, quand il est question des hommes executez par forme de iustice: chose qui se doit faire sans passion, & de sain iugement: neátmoins nous trouuons des suplices qui estoient anciennement vsitez en Perse, qui passent toute ⁶ cruauté. & en Ægypte encores à present on escorche les voleurs tous vifs, puis on remplit de foin leur peau, qu'on met sus vn asne à costé de celuy qui est escorché. Or les peuples mettoyens ne scauroient voir, ny mesmes ouyr sans horreur telles cruautés. & semble que les Romains pour ceste cause laissent mourir de faim les condamnés: & les Grecs leur bailloient le breuuage de Cygue, qui est la plus douce poison: encores ceux de Chio y mesloient de l'eau pour oster l'acéribité, comme dit Theophraste. Nous pouuons donc remarquer la cruauté differente des peuples de Septétrion & de Midy: en ce que ceux-là y vont d'une impetuosité brutale, & comme bestes sans raison: & ceux-cy comme regnards emploient tout leur esprit à souler leur vengeance. & tout ainsi que la melancholie ne se peut tirer du corps qu'à bien grande difficulté: aussi les passions de l'ame qui sont causées par la melancholie abradente ne son pas faciles à appaiser. qui fait que ceux qui sont fort sugets à cest humeur là, deuiennét plus souuent furieux que les autres, s'ils n'ont moyen d'assouir leurs affections. C'est pourquoy il y a plus de furieux aux regions meridionales, que vers le pays Septentrional. Aussi Leon d'Afrique escrit que les Royaumes de Fez & de Maroch, en ont fort grand nombre. Et mesmes vers la Granate, qui est plus meridionale, il y a plusieurs hospitaux establis pour les furieux seulement. Or la varieté des insensez, descouure

l'hu-

3. Iouius.

Cruautez terribles des peuples de midy.

4. Leon d'Afrique.
5. lib. 2.

6. Plutar. in Artaxerxe & Herodot. lib. 7.

Pourquoy les peuples de midy sont plus vindicatifs que les autres, & plus souuent insensez.

l'humeur naturel du peuple . car combien qu'il y ait bõne prouision de fols par tout, & de toutes sortes, si est-ce qu'ordinairement les fols du pays Meridional, ont plusieurs visions terribles, preschēt & parlent plusieurs langues sans les auoir apprises, & sont possedez quelques fois des malins esprits, ayant le corps attenué & approchant plus pres à la nature des esprits incorporels, que les hõmes plus corpulents & sanguins vers le Septentrion, qui ne font que danser, rire, & sauter en leur folie, & s'appelle en Alemaigne la maladie sainct Vitus, qu'on guarist avec instrumēts de musique. soit que la cadēce harmonieuse, & mesurée, reduit la raison esgarée à son principe : soit que la musique guarist les maladies du corps par le moyen de l'ame, cõme la medecine guarist l'ame par le moyen du corps, soit que les malins esprits, qui agitent quelques fois aussi bien les vns que les autres, ont en horreur l'harmonie diuine, prenant plaisir aux discords: comme il se list que le malin esprit oyant le son de la harpe s'en fuyoit, & laissoit le Roy Saül en repos. qui semble auoir esté la cause que Elisee quād il voulut prophetizer fist entonner vn instrument de musique, en la presence des Roys de Iudee & de Samarie . & si tost que Saül eut rencontré la troupe sacree des Prophetes ioüans des instrumēts de musique, aussi tost l'esprit de Dieu le saisit . Aussi se peut-il faire que les malins esprits s'accõmodent à l'humeur du suget qu'ils ont. Car on voit les hommes d'humeur cholerique frapper en leur furie, ce qui n'aduiēt pas aux sanguins, & moins encores aux pituiteux, qui ont vne letargie, qui est vne fureur stupide & endormie . Et d'autant que le melancholique est plus sage, s'il deuiēt furieux, sa furie en est plus incurable: car l'humeur melācholique ne se laisse pas manier comme les autres : où les sanguins, ores qu'ils ne soient pas si souuent furieux, si sont ils bien souuent insensēz, ce qui n'aduiēt iamais aux⁷ sages . Or ce que nous auons dit que le peuple Meridional ordinairement est plus posé, plus aduisé, plus moderé en toutes ses actiõs, cela se cognoist à veuē d'œil, non seulement en diuers peuples, & diuers Royaumes : ains aussi en ce Royaume il se cognoist assez euidemment. qui semble auoir esté la cause, que ceux qui ont fait les coustumes, ont limité la maiorité és lieux tirāns plus au Septentrion, à xxv. ans, & és autres à xix. ou xx. ans: excepté les pays maritimes, où les hommes pour la trafique & negotiation, sont tousiours plus rusez. Encores auons nous vne difference notable entre le peuple Meridional & Septētrional, c'est à sçauoir que cestui-cy est plus chaste, & pudique, & le Meridional fort lubrique: ce qui leur aduiēt à cause de la mesme melancholie spumeuse, & abradēte . Qui fait que les monstres viennent ordinairement d'Afrique, que Ptolemee dit estre sous le Scorpion & Venus, adioustant que toute l'Afrique adoroit Venus . Et Tite Liue parlant des Numides, qui estoit le plus Meridional de tous les sugets & allies des Romains, *Ante omnes Barbaros Numida in Venerem ef-*
fusi. Aussi lisons nous⁸ que les Roys d'Afrique & de Perse auoient tous-

Pourquoy la musique guarist les furieux & chasse les diables.

7. Furor in sapientē cadere potest. infania non potest: & furioso curator datur non infano . ait Cicero: quia infanus dicitur qui suis cupiditatibus imperare nescit.

8. Herodot. lib. 3. Diodor. lib. 2. Ioseph. lib. 4. antiqu.

iours des haraz de femmes . ce qui ne peut estre imputé aux coustumes deprauees, veu qu'és isles nouvelles, le Roy Alcazares auoit quatre cés femmes, & le pere d'Atabalippa dernier Roy du Peru, qui fut defait par les Pizarres auoit deux cens femmes: aussi auoit-il cinquante enfans: & le Roy de Gilolo six cés enfans, autant que Herotimus Roy des⁹ Parthes, qui auoient aussi fort grand nombre de femmes: car mesme Surenus general de l'armee des Parthes, qui vainquit Crassus, en auoit dix¹ mil. les Scythes & Alemans se trouuent bien empeschez d'une femme: & mesmes Cesar en ses Memoires, dit que les Anglois de son temps n'auoient qu'une femme à dix ou douze . & plusieurs hommes de Septentrion cognoissans leur impuissance, se chastrent par beau despit, en se coupant les veines parotides sous les oreilles, comme dit Hippocrate, lequel cherchant la cause de ceste impuissance, conclut que c'est pour la froideur du ventre, & pour estre ordinairement à cheual: & neantmoins Aristote dit tout le contraire pour le regard de l'agitation du cheual. Et quant à la froideur du vêtre, il est bien certain que les peuples du pays froid, brulent de chaleur interieure, comme nous auons montré: & que le peuple Meridional est froid. C'est donques la nature de la melancholie abradente, qui a plus de force au peuple Meridional, comme Aristote escrit au Probleme, où il demande, pourquoy les melancholiques sont plus salaces: ce qu'on peut voir au lieure, qui est le plus melancholique de tous les animaux, & seul qui conçoit estant ia plein, & autant le male que la femelle: comme les² anciens ont bien remarqué, & l'experience nous l'enseigne. Ainsi pouuons nous iuger que les Historiés se sont abusez, haut-loüans la chasteté & pudicité des Scythes, Alemans, & autres peuples de Septentrion, comme Cesar en ses Memoires, C'est, dit-il, chose deshonesté, & bien vilaine entre les Alemans, de cognoistre femme deuant l'aage de vingt cinq ans, toutefois ils ne s'en cachent point. & Tacite, Il n'y a, dit-il, que les Alemans entre les peuples Barbares, qui se contentent chacun d'une femme. encores quelquefois viuent-ils ensemble en perpetuelle virginité, comme fist Henri second Empereur, & Casimir I. Roy de Poulongne, & Lancelot Roy de Boheme ne voulurent onques se marier. ce n'estoit pas par chasteté, mais plustost par impuissance naturelle: car mesme Jean II. grand Duc de Moscouie, auoit les femmes en si grand horreur, qu'il s'esuanoüissoit au seul regard des femmes, cōme escrit le Baron d'Herbestain³ parlant des Moscouites, qui ne voyent, dit-il, iamais leurs femmes que le iour des nopces, & ne dansent iamais. Aussi sont les peuples de Septentrion si peu ialouz, que Altomer Aleman, & Irenicus escriuent pour loüange de leur pays, que les hommes & les femmes en toute l'Alemaigne se baignent en mesmes lieux pisse-melle, & avec les estrangers, sans aucune atteinte de ialousie, qui est, dit⁴ Munster, du tout incogneue en Alemaigne. & neantmoins les peuples de Midy

9. Iustin. lib. 44.

1. Plutar. in Cras.

Estrange façō de chastrer les hommes, pratiquee a present en la basse Alemagne.

2. Herodo. Ælian. Strab. Plin. Oppian. Varro.

Peuples de Septentrion ennemis des femmes.

3. Sigismondi liberi in historia Moscho.

4. en la descriptiō de Bade.

Midy en sont si passionnez, qu'ils meurent souuent de ceste maladie. Et mesmes nous lisons en l'histoire des Indes, que le Roy de Puna estoit si ialoux, qu'il coupoit les parties honteuses, & le nez, & les bras aux Eunuques qui gardoiēt ses dames. Les peuples des regions metoyennes tiennent quelque mediocrité en tout cela. vray est que la pluspart n'ont souffert qu'une femme legitime: & cōbien que Iulle Cesar fust Heluidius Cinna, pour publier la loy de Polygamie, à fin que Cesarion, qu'il auoit de la Royne Cleopatre, fust legitimé, si est-ce que la loy fut regettee. & la mesme loy publiee par⁶ Jean de Leidan Roy de Munstre en Westphallie, troubla plus leur estat que toutes les autres loix, & changemens qu'il fist. Au cōtraire les Empereurs^o Romains firent loy generale à tous peuples sans distinction, que celuy seroit infame qui auroit plus d'une femme: & depuis la peine d'infamie a esté changee en peine capitale en ce Royaume. mais la loy des Romains n'a pas tenu coup aux peuples d'Afrique pour les inconueniens qui en aduenoient. cōme il en prend à tous ceux qui veulēt accōmoder toutes les loix du peuple Meridional au peuple Septentrional, sans discretion de leur naturel: au iugemēt duquel plusieurs se sont bien fort abusez: & mesmes Cardan qui dit, que l'homme est le plus sage de tous les animaux, par ce qu'il est le plus chaud, & le plus humide: chose du tout contraire à ce qu'il deuoit conclure: veu qu'il n'y a rien plus notoire, que les plus sages bestes sont plus froides que les autres, au iugemēt d'Aristote⁷. aussi entre les peines militaires, il y en auoit vne de saigner⁸ le soldat qui auoit failli, pour le faire plus sage, en diminuant ce qui est le plus chaud & humide. & entre les bestes, le prix de sagesse est donē à l'Elephant, par les anciens⁹ qui en ont fait plusieurs liures, où ils disent choses admirables de sa docilité: & toutefois ils assurent¹ qu'il n'y a que ceste beste là qui ait le sang froid, & la plus melācholique de toutes: chose qui le rend ladre, comme aussi sont les peuples de Midy, qui sont fort sugets à laderie, qui s'appelle des anciens *Elephantiasis*, maladie incognue en Grece deuant² Plutarque, & en Italie deuant Pompee, comme dit Pline: mais il s'abuse de dire qu'elle estoit propre aux Egyptiens: car toute la coste d'Afrique³ en est pleine, & en Ethiopie c'est vne maladie populaire, & si commune, que les ladres⁴ ne sont point separez des autres. Et peut estre que cest humeur melācholique est cause de la longueur de vie: car tous les⁵ anciens sont d'accord, que les Elephans viuēt trois & quatre cens ans: & les corneilles dauātage, qui toutefois ont bien peu de sang, & fort melancholique. & de nostre memoire François Aluarez dit auoir veu Abuna Marc, Pontife d'Ethiopie, aagé de cent cinquante ans, qui se portoit bien: qui est l'aage la plus grande qui fut onques⁶ trouuee anciennement aux papiers césiers de Rome. & ne se faut esbahir si Homere dit, que Memnon Roy d'Ethiopie vescu cinq cens ans, car Xenophon long temps apres, escrit qu'au mesme pays il y auoit des hommes qui viuoient six cens ans.

5. Suetone in Cæsare.

6. Sleidan.

o. J. neminem de incestis. C.

7. lib. 2. de partib. animalium.

8. Gellius.

9. Ælian Plutar. Plinius, Sueton. in Nerone & Dio funambulos se vidisse confirmant.

1. Plinius lib. 8.

2. In symposiacis.

3. Leon d'Afrique liure 2.

4. Aluarez en l'histoire d'Ethiopie.

5. Plin. Philostrat. Aristot.

6. Plin.

cōbien que le peuple Meridional est fort fuget au mal caduc, aux fiebures quartes, & aux escroüelles. Par ce discours on peutiuger que le peuple Meridional est fuget, quant au corps, aux plus grandes maladies: & quant à l'esprit, aux plus grands vices: & au contraire, qu'il n'y a peuple qui ait le corps mieux disposé à viure longuement, & l'esprit plus propre aux vertus grâdes. Aussi Tite Liue ayant haut loué Annibal pour ses vertus heroïques, Ces grandes vertus, dit-il, estoient accompaignedes de tresgrands vices, de cruauté inhumaine, de perfidie, d'impieté, & mespris de toute religion. par ce que les grands esprits sont fugets aux vices & vertus grandes. En quoy se sont abusez les⁷ anciens historiens, loüans la vertu, l'integrité, & bôté des Scythes, & autres peuples vers le Septentrion: car celuy ne merite point de loüange de sa bonté, qui n'a point d'esprit, & qui ne peut estre meschant, pour ne sçauoir aucun mal: mais bien celuy qui le sçait, & peut estre meschât, & neantmoins est homme⁸ de bien. Aussi Macciauel s'est bien abusé de dire, que les plus meschâs hommes du mōde estoient les Espaignols, Italiens, & François, n'ayant iamais leu vn bon liure, ny pratiqué les autres peuples. Mais si bien on prend garde au naturel du peuple Meridional, Septentrional, & metoyen, on trouuera que leur naturel se rapporte aux ieunes hommes, aux vieillards, & à ceux qui ont aage moyenne, & aux qualitez qui leur sont attribuees: aussi chacun de ces trois peuples au gouuernement de la Republique vse de ce qu'il a le plus à commandemēt. le peuple de Septentrion par force, le peuple moyen par Iustice, le Meridional par religion. Le Magistrat, dit Tacite, ne commande rien en Alemaigne, qu'il n'ait l'espee au poing. & Cesar en ses Memoires escrit, que les Alemans n'ont aucune religion, & ne font estat que de la guerre & de la chasse. Et les Scythes, dit Solin, fichoient vn glaïue en terre, qu'ils adoroient, mettant le but de toutes leurs actions, loix, religion, & iugemens, en la force, & aux cousteaux. Aussi voyons nous que les cōbats sont venus des peuples de Septentrion, comme nous auons dit en son lieu, que toutes les loix des Saliés, Francons, Anglois, Ripuaires, & autres peuples de Septentrion en sont pleines: mesmes l'ordonnāce de Froton Roy de Dannemarch, vouloit que tous differents fussent vuidez au cōbat: lesquelles loix iamais on n'a peu oster, quoy que les Papes & autres princes s'y soiēt efforcez, sans auoir esgard que le naturel du peuple Septentrional est tout autre que celuy du peuple Meridional. Et encore à present en Alemaigne on fait grand estat du droict des Reistres, qui n'est diuin ny humain, ny canonique, ains c'est le plus fort, qui veut qu'on face ce qu'il cōmande: cōme dist le capitaine des Gaulois au thresorier Sulpice. Les peuples moyens, qui sont plus raisonnables, & moins forts, ont recours à la raison, aux Iuges, aux procès. Aussi est-il certain que les loix, & forme de plaider sont venues des peuples moyens, cōme de l'Asie mineur (où les grands Orateurs & harangueurs ont eu la vogue) de la Grece, de l'Italie,

7. Iustin, Pline, Tacite, Diodore.

8. Psal. 13. qui pouoit facere mala & non fecit.

l'Italie, de la France, de laquelle parlant vn certain poëte dit, *Gallia caustidicos docuit facunda Britannos*. car ce n'est pas d'aujourd'huy que la France est pleine de procès: & quelques loix & ordonnances qu'on face pour les oster, le naturel du peuple y retournera tousiours. combien qu'il vait beaucoup mieux decider les differends par procès, si faire se peut, que par cousteaux. Et pour le faire court, tous les grands Orateurs, Legislateurs, Jurisconsultes, Historiés, Poëtes, Farceurs, Sarlatans, & autres qui allechent les cueurs des hommes par discours & belles parolles, sont presque tous des regions moyennes. Aussi voyons nous es histoires Greques & Latines, deuant que d'entreprendre la moindre guerre, le droit debatue, & plusieurs haragues, denonciations, & protestations solennelles: ce que ne font point les peuples de Septentrion, qui s'attachent bien tost aux armes. & tout ainsi que les vns employent la force pour toute production come les lyons: les peuples moyens force loix & raisons: aussi les peuples de Midy ont recours aux ruses & fineses, come les regnards, ou bien à la religion: estant le discours de raison trop gentil pour l'esprit grossier du peuple Septentrional, & trop bas pour le peuple Meridional, qui ne veut point s'arrester aux opinions legales & coniectures Rhetoriques, qui balancent en contrepoix du vray & du faux, ains il veut estre payé de certaines demonstrations, ou d'Oracles diuins, qui surpassent le discours humain. Aussi voyons nous que les peuples de Midy, Egyptiens, Caldeans, Arabes, ont mis en euidence les sciences occultes, naturelles, & celles qu'on appelle Mathematiques, qui donnent la gesne aux plus grands esprits, & les contraignent de confesser la verité. Et toutes les religions ont presque pris leur cours des peuples de Midy, & de là se sont espandues par toute la terre: non pas que Dieu ait acception des lieux ou des personnes, ou qu'il ne face luire salumiere diuine sur tous: mais tout ainsi que le Soleil se voit beaucoup mieux en l'eau claire & nette, qu'en eau trouble ou en borbier fangeux, aussi la clarté diuine, ce me semble, luit beaucoup plus es esprits nets & purifiez, que non pas en ceux là qui sont souilleez & troublez d'affections terrestres. Et s'il est ainsi que la vraye purgation de l'ame se fait par le rayon diuin, & par la force de la cõtemplation au suget le plus beau, il est croyable que ceux là y paruiendront plustost qui auront les ailes qui rauissent l'ame au ciel. ce que nous voyons aduenir aux personnes d'humeur melancholique, qui ont l'esprit posé, & addonné à contẽplation, qui est appelée des Hebrieux & Academiques Mort precieuse, par ce qu'elle tire l'ame hors du corps terrestre aux choses spirituelles. Il ne faut donc pass'esmerueiller si les peuples de Midy sont mieux policez par religion que par force, ou par raison. qui est vn poinct bien cõsiderable, pour attirer ces peuples là, quãd la force & la raison n'y peuuent rien: come nous lisons es histoires des Indes, que le capitaine Colombe, ne pouuant gagner certains peuples des Indes Occidentales qu'il auoit descouuert, il leur monstra la Lune qu'ils adoroient,

Moyen de gouverner les peuples de midy.
Ruze gentile de Colombe, Geneuois.

& leur fist entendre que bien tost elle perdroit sa clarté. trois iours après voyant la Lune eclypser, firent tout ce qu'il voulut, de crainte qu'ils eurent. Aussi plus on tire vers le Midy, on y trouue les hommes plus deuots, plus fermes & constans en leur religion, cōme en Espagne, & plus encores en Afrique, où François Aluarez, & Leon d'Afrique disent, que la religion y est bien traittee plus reuerēment qu'en Europe. & entre autres marques Leon a noté, qu'en vne seule ville de Fez il y a sept cēs tēples, & le plus grand tient mil cinq cens pas de circuit, trente & vne porte, & au dedans neuf cēs lampes: & le reuenue annuel du temple est de soixante & treize mil ducats. Mais Aluarez racōpte bien choses plus estranges de la grandeur des temples, des ieunes incroyables, & deuotion du peuple d'Ethiopie. & mesmes que la pluspart de la noblesse & du peuple fait veu de religion merueilleusemēt estroite. Et le plus grand poinct qui a si longuemēt cōserué l'estat d'Ethiopie, florissant, & beau, & qui maintiēt les sugets en l'obeissance du Prince & des gouuerneurs, est la persuasion trescertaine qu'ils ont, cōme dit Aluarez, que tout le mal & le bien ne leur aduiēt point par leurs amis ou ennemis, ains seulemēt par la volonté de Dieu. Quant aux procès il y en a moins qu'en lieu du mōde: encores est-il plus estrange, qu'il ne mettent aucuns arrests, ny iugemens, ny testamens, ny contracts par escrit, horsmis les cōptes de la recepte, & de la despence. Qui voudroit gouuerner ces peuples par loix & ordonnances vsitees en Turquie, Grece, Italie, France, & autres regions moyennes, il ruinerait bien tost leur estat. cōme en cas pareil qui voudroit accoustumer les peuples du Septentrion aux plaidoiries de Frāce & d'Italie, il se trouueroit bien empesché: cōme il en print à Matthieu Roy d'Hongrie, qui enuoya querir en Italie des iuges pour reformer la iurisdiction d'Hongrie: en peu de temps le peuple se trouua si enuolopé de chiquaneries canoniques, que le Roy fut contraint, à la requeste des estats, renuoyer les iuges Italiens en leur pays. Aussi Ferdinand Roy d'Espagne, enuoyāt Pedrarias gouuerneur aux Indes Occidentales nouuellemēt descouuertes, luy defendit de mener Iurisconsulte, ny aduocat, à fin de ne porter la semēce de procès, où il n'y en auoit point. Et qui voudroit arracher tous les procès de la France & d'Italie, il mettroit les peuples en sedition perpetuelle. & mesmes les iuges trouuās peu, ou point d'apparence es procès, ou ne pouuant s'en demesler, ou pour la difficulté, & contrariété de raisons de part & d'autre, deputent des arbitres, ou bien ils allongēt les procès de propos deliberé, pour donner occasion aux parties de s'accorder amiablemēt, & descharger leur cholere sus les iuges & aduocats. autrement ils auroient recours aux armes. En quoy on peut iuger, que les peuples de la region moyēne sont plus habiles à gouuerner les Republiques, cōme ayant plus de prudence naturelle, qui est propre aux actions humaines, qui est cōme la pierre de touche, qui iuge la difference du bien & du mal, de la iustice, & de l'iniure:

des.

9. Aluarez en l'histoire d'Ethiopie.

r. Viues.

La France propre à plaider.

des choses honnestes & deshonneſtes. Or la prudence eſt propre à cōmander, & la force à executer : qui eſt propre au peuple Septentrional. mais le peuple Meridional moins habile au gouuernement des Republiques, s'arreſte à la contēplation des ſciences naturelles & diuines, pour ſeparer le vray du faux. Et tout ainſi que la prudēce du bien & du mal eſt plus grāde aux peuples metoyens, & la ſciēce du vray & du faux aux peuples de Midy : auſſi l'art qui giſt és ouurages de main, eſt plus grande aux peuples de Septētrion qu'aux autres. en ſorte que les Eſpaignols & Italiens s'eſmerueillent de tant d'ouurages de main, & ſi diuers qu'on apporte d'Alemaigne, de Flandre & d'Angleterre. Et comme il y a en l'homme trois parties principales de l'ame, c'eſt à ſçauoir l'imaginatiue ou ſens commun, la raiſon, & la partie intellectuelle : auſſi en la Republique, les Pontifes & Philoſophes ſont empeschēz à la recherche des ſciences diuines & occultes : les Magistrats & officiers à cōmmāder, iuger, & pouruoir au gouuernement de l'eſtat : le menu peuple au labeur & aux arts mechaniques. Nous pouons dire le ſemblable de la Republique vniuerſelle de ce monde : que Dieu a tellement ordonnē par vne ſageſſe eſmerueillable, que les peuples de Midy ſont ordonnez pour la recherche des ſciences les plus occultes, à fin d'enſeigner les autres peuples : ceux de Septentrion au labeur & aux arts mechaniques : & les peuples du milieu pour negocier, traffiquer, iuger, haranguer, cōmmāder, eſtablir les Republiques, compoſer loix & ordonnāces pour les autres peuples : à quoy l'homme Septentrional, par faute de prudēce, n'eſt pas ſi propre : & le Meridional, ſoit pour eſtre par trop adonnē aux cōtemplatiōs diuines & naturelles, ſoit qu'il ait faute de ceſte promptitude & alegreſſe qui eſt requiſe aux actions humaines, ſoit qu'il ne peut ployer en ſes aduis, ny diſſimuler, ny porter la fatigue, qui eſt neceſſaire à l'hōme Politique, qui s'ennuye bien toſt des affaires publiques, où bien ſouuent il en eſt chaffē par ceux-là qui ſont ambitieux & courtiſans. cōme il aduint aux ſages de Perſe, qui furēt auſſi toſt deboutez de l'eſtat qu'ils auoient entre mains, apres la mort de Cambyſe : & aux Pythagoriens en Italie. Et ſemble que cela ſoit figurē par la fable de Iupiter, qui chaffa Saturne de ſon eſtat : c'eſt à dire l'homme courtiſan & Politique deſampara le Philoſophe. car qui prēdra garde à la nature des planettes, on trouuera ce me ſemble, que la diuiſion d'icelles s'accommode aux trois regions que j'ay dit : donnāt la plus haute planette, qui eſt Saturne, à la region Meridionale, Iupiter à la moyenne, Mars à la partie Septentrionale, demeurant le Soleil, comme la ſource de lumiere, commun à toutes egalemēt : apres lequel eſt Venus, propre au peuple Meridional : puis apres Mercure au peuple moyen : & la derniere, qui eſt la Lune, au peuple de Septentrion. qui monſtre l'inclination naturelle du peuple de Septētrion, à la guerre & à la chaſſe, propre à Mars & à Diane. & au peuple Meridional la contemplation, & en outre l'inclination Venerienſe :

Les trois vertus propres aux trois peuples, Septentrional, Meridional, & moyen.
Prudentia.
Scientia.
Ars.

La proportiō des planettes aux peuples.

& aux peuples du milieu la qualité de Iuppiter & de Mercure, propres aux gouuernemens Politiques. ce qui a vne merueilleuse conuenance au corps humain, qui est l'image du monde vniuersel, & de la Republique bien ordonnee: car posant la dextre de l'homme vers le Septentrion, marchant d'Orient en occidēt, selon le naturel mouuement de l'vniuers, & vraye constitution d'iceluy, comme i'ay monstré en son lieu ⁴: la partie dextre qui est la plus robuste & masculine, ayant le foye & le fiel, que les Hebreux⁵ donnent à la Lune & à Mars, montre euidentement la propriété du peuple Septétrional sanguin, & belliqueux: la fenestre, qui est la partie feminine, ainsi appelée par les Philosophes, la plus foible, ayant la rate, & l'humeur melancholique, montre assez la qualité du peuple Meridional. Aussi il se trouue beaucoup plus de femmes au pays Meridional, & plus de masles au pays Septentrional: car autrement il seroit impossible que chacun eust plusieurs femmes au pays Meridional. ce que ie dy sommairement ayant plus amplement discouru ailleurs ce poinct icy. Voila quant aux qualitez generales de tous les peuples. car quant au particulier, il se trouue en tous lieux, & en tous pays des hommes de toutes sortes d'humeurs, sugets à ce que i'ay dit plus ou moins. Dauantage la situation particuliere d'un lieu, change beaucoup le naturel d'un pays. Car cōbien qu'il n'y a point de lieu stable où lon puisse remarquer l'Orient de l'Occidēt, comme il se fait du Midy au Septentrion: si est-ce que tous les anciens ont tenu, que les peuples Orientaux sont plus doux, plus courtois, ⁶ plus traictables, & plus ingenieux que ceux d'Occident, & moins belliqueux. Voyez, dit Iulian l'Empereur, ⁷ combien les Perles & Suriens sont dociles & traictables? & la fierté des Celtes, & Alemas: & cōbien ils sont ialoux de liberré? les Romains courtois, & belliqueux: les Egyptiens ingenieux & subtils, & au demeurāt effeminez. Les Espaignols ont remarqué que les peuples de la Sina, les plus Orientaux qui soient, sont bien les plus ingenieux homes, & les plus courtois du monde: & ceux du Bresil les plus Occidentaux, sont les plus barbares, & cruels. Brief, si on prend garde de pres aux historiens, on trouuera que le peuple d'Occident tient beaucoup du naturel de Septentrion: & le peuple Oriental du naturel de Midy, en mesme latitude. Aussi la bonté naturelle de l'air & du vent Oriental, fait que les hommes y sont plus beaux & plus grands. & s'il aduient que la peste ou autres maladies populaires prennent cours d'Occident en Orient, ou de Septentrion vers le Midy, elles ne feront pas longues. mais si elles commencent en Orient, ou bien au quartier Meridional, elles seront longues, & contagieuses à merueilles: comme il a esté apperceu d'ancienneté, & encores à present ceste cōiecture est infailible au pays de Languedoc, où la peste est frequente. i'en ay remarqué ailleurs plusieurs exemples, ⁸ que ie laisse pour abreger. Toutefois la difference des mœurs, & du naturel des peuples, est bien plus notable entre le Septentrion & le Midy, qu'elle n'est entre l'Orient

4. in methodo historiar. cap. 5.

5. Zoar.

6. Galen. Hippocrat. Plin. Strabo.
7. in epistola ad Antiochum.

Le peuple Oriental plus humain, & plus ingenieux que le peuple occidental.

8. in methodo historiar. cap. 5.
Particularité des lieux remarquables.

l'Orient & le Ponent. Mais le plus notable changement particulier, est la difference des lieux montueux & des plaines : & des valees tournees vers le Septentrion, ou vers le Midy en mesme climat, en pareille latitude, voire en vn mesme degré, qui cause vne merueilleuse differēce entre les vns & les autres : comme il se cognoist à veuë d'œil es mōtaignes qui s'estendent d'Occident en Orient : comme l'Apēnin, qui diuise presque toute l'Italie en deux : le mont saint Adrian en Espagne, les monts d'Auvergne en France : & les Pyrenees entre la France & l'Espagne : le mont Taureau en Asie : le mont Atlas en Afrique, qui continue depuis la mer Atlantique, iusques aux frontieres d'Ægypte plus de six cens lieux : le mont Imaus, qui separe la Tartarie de l'Asie Meridionale : les Alpes qui commencent en France & cōtinuent iusques en Thrace, & le mont Carphat, qui diuise la Polongne de l'Hongrie. qui fait que ceux qui sont en Toscane sont d'humeur contraire à ceux de Lōbardie, & beaucoup plus ingenieux : cōme aussi on voit ceux d'Arragon, de Valēce, & autres peuples delà les Pyrenees de naturel du tout different à ceux de Gascōgne & du Lāguedoc, qui tiennēt bien fort du naturel Septentrional. & les peuples deçà le mōt Atlas, sont beaucoup moins ingenieux que les Numides, & autres nations delà le mont Atlas. aussi les vns sont presque blācs, les autres du tout noirs : les vns sujets à plusieurs maladies : les autres sains, alāigres, & de fort lōgue vie. Il ne faut donc point s'esmerveiller, si le Florentin, qui est exposé au Leuant & au Midy, ayant les montaignes à dos du costé de Septētrion & de Ponent, a l'esprit beaucoup plus subtil que le Venitien, & plus aduisé en ses affaires particulieres : & neantmoins les Florētins assemblez pour la subtilité de leur esprit gastent tout, où le cōseil des Venitiens resoult tressagement, ainsi qu'on a remarqué depuis deux cens ans. car les hommes qui ont moins d'esprit, couchēt à raison, changent d'aduis, se rapportent aux mieux entendus : mais tant de bons esprits subtils & ambitieux, veulent que leur aduis tienne, & mal aisēmēt se departent de leur opinion : & d'autant qu'ils s'estiment tous dignes de commander, ils veulent l'estat populaire : qu'ils ne peuuent maintenir sans querelles & seditiōs ciuiles, pour vne opinia streté naturelle propre au peuple Meridional & melancholique, & à ceux qui pour la situation particuliere du lieu, tiennent du naturel Meridional. Et tout ainsi que ceux qui vōt de Boulōgne la Grasse à Florēce, ou de Carcassonne à Valēce, trouuēt vn merueilleux chāgement du froid au chaud, en mesme degré de latitude pour la diuersité du val tourné au Midy & au Septentriō : aussi trouuerōt-ils pareille diuersité aux esprits. C'est pourquoy Platō rédoit graces à Dieu qu'il estoit Grec, & nō pas Barbare : Athenien, & non pas Thebain : combien qu'entre Thebes & Athenes, il n'y a pas xx. lieux. mais l'assiette d'Athenes estoit tournée au midy, baissant vers le Piree, ayāt vne petite mōtaigne à dos : & la riuere d'Asopus entre les deux villes : aussi les vns estoiet du tout addōnez aux lettres & aux sciēces : les au-

Particularité des lieux plus remarquables.

Vne montaigne fait notable difference des peuples qui sont aux valees opposites.

Pourquoy les
peuples de Septentrion
ont Royaux
mes electifs.

6. Plin, Calfé, Galé.

7. lib. 4

tres aux armes : & combien qu'ils eussent mesme gouvernement populaire, si est-ce qu'il n'y auoit point de seditiōs en Thebes : & les Atheniēs auoient bien fort souuent querelles, & differends pour l'estat. ainsi voit on les seigneurs des ligues, maintenir sagement leur estat populaire, ce que les Florentins & Geneuois, avec la subtilité de leur esprit, n'ont peu faire. Et au contraire les peuples de Septentrion, ou qui demeurent aux montaignes fiers & guerriers, aiment mieux les estats populaires : ou du moins monarchies electiues : & ne peuuent pas aisément souffrir qu'on leur cōmande. Aussi tous les Roys qu'ils ont sont electifs, & les chassent fils tyrannisent, comme i'ay monsté des Roys de Suede, Dannemarç, Noruege, Polongne, Boheme, Tartarie, qui sont tous electifs. Ce que i'ay dit du naturel du pays Septentrional, se cognoist aussi aux montaignes, qui sont bien souuēt plus froides que la region fort Septentrionale : aussi les neiges & glaces en plusieurs lieux y sont perpetuelles : & mesmes sous l'Equateur les montaignes du Peru sont si hautes & si froides, que les Espaignols en grād nombre y moururēt de froid, & furent long temps morts sans pouuoir se corrompre, comme nous lisons es histoires des Indes Occidentales. Et sans cause Leō d'Afrique s'esmerueille, que les habitans du haut mont Megeza en Afrique sont blancs, hauts & robustes : & ceux de la plaine petits, foibles, & noirs. car generalement les hommes, les bestes, & les arbres des montaignes sont de beaucoup plus forte nature⁶ que les autres. & de fait les vieillards de cent ans au mont d'Atlas sont encores vigoureux, comme dit Leon d'Afrique. la force & vigueur fait que les montagnars aiment singulierement la liberte populaire. comme nous auons dit des Suisses & Grizons : & en cas pareil les peuples des monts de Bugie, de Fez, & de Maroc, & d'Arabie, vivent en toute liberte sans seigneur : non pas pour l'assurance des lieux naturellement fortifiez : mais d'autant que leur naturel est sauuage & ne se peut appriuoiser aisément : ce qui doit seruir de responce à ce que Plutarque demande pourquoy les habitans de la haute cité d'Athenes demandoient l'estat populaire, & ceux de la basse ville la seigneurie de peu de gens, attendu la raison que i'ay dit. Celuy donc s'abuseroit bien fort, qui voudroit changer l'estat populaire des Suisses & Grisons, & autres montagnars en monarchie : car i'açoit que la monarchie soit beaucoup meilleure en soy, si est-ce que le suget n'y est pas si propre. Et pour ceste cause Polybe⁷ dit, que les anciens legislateurs d'Arcadie, auoient estroitement obligé, & contraint les habitans des monts d'Arcadie, d'apprendre la musique sous grādes peines, pour adoucir le naturel sauuage de ce peuple là. Aussi T. Liue parlant des Aetoles, habitans es montaignes, & les plus guerriers & rebelles qui fussent en Grece, il dit, *Ferociores Aetoli, quam pro ingeniis Græcorum*. ils donnerent plus d'affaires aux Romains, ores qu'ils n'eussent que trois villes, que tous les autres Grecs. Et en cas pareil les habitans des montaignes de Gennes firent la guerre, & repoulse-

rent

rent la puissance des Romains plus de cent ans, & iamaïs ne fut possible aux Romains de les assugetir, qu'ils ne les eussent trāsportez de leurs montaignes au plat pays, depuis ils furent bons sugets & paisibles, cōme nous lisons en Tite Liue. Il ne faut donc pas s'emercueillir si par les ordōnances des Suisses, gens de montaignes chacun est contraint de porter l'espee, & d'auoir sa maison garnie d'armes offensiuës & defensiuës : ce que les autres peuples pour la pluspart defendent. Au contraire les habitās des vallees, sont ordinairement effeminez & delicats : ioint aussi que les vallees fertiles de leur naturel, dōnent occasion aux habitās de s'enyrurer en tous plaisirs. Quant aux habitans des lieux maritimes, & des grādes villes marchandes, tous les anciens ont remarquē qu'ils sont plus rusez, plus fins, & plus accords, que ceux-là qui sont esloignez des ports de mer, & de la traffique. Aussi Cesar parlāt des habitās de Tournay, Ces hōmes là, dit-il, pour estre reculez des ports de mer, ne sont pas amollis, ny effeminez des marchandises, & delices des estrangers. Et à ce propos Ciceron disoit, que les habitans de la riuier de Genne, estoient appelez trompeurs & imposteurs, & ceux des montaignes de Genne agrestes & rustaux : par ce que ceux cy n'estoient pas accoustumez à traffiquer, mentir, tromper pour suruendre. C'est pourquoy Iosephe historien parlant des habitans de Hierusalem, & de Sparte, dit qu'ils estoient reculez de la mer, & moins corrompus que les autres. Et semble que le prouerbe qui dit, que les hōmes insulaires sont ordinairement trōpeurs, se doibt rapporter à ce qui est dit cy dessus. d'autāt qu'ils sont plus addōnez à la traffique. Il y a encores vne varieté notable pour la differēce des lieux sugets aux vents impetueux, qui fait les peuples differends en meurs, ores qu'ils soiēt en mesme latitude, & climat que les autres. car on void euidēment, que les hōmes sont plus posez & arrestez, où l'air est doux & tranquille, qu'ils ne sont es regions batues de vents violents: cōme la Gaule, & principalement le pays de Lāguedoc, la haute Alemaigne, l'Hongrie, Thrace, Circassie, Ligurie, Portugal, Perse, où les hōmes ont l'esprit plus esmeu & turbulēt, que ceux d'Italie, Natolie, Assyrie, Ægypte, où la tranquillité de l'air rend les hōmes beaucoup plus attrempez. Aussi es lieux marefcageux, on voit vne autre difference d'hommes contraires en humeur aux montaignars. Et mesmes la sterilité, ou fertilité des lieux, change aucunement la naturelle inclination du ciel. c'est pourquoy disoit Tite Liue, ⁸ que les hommes du pays gras & fertile sont ordinairement poltrons & couars. au contraire, la sterilité du pays rend les hommes sobres par necessité, & consequemment soigneux, vigilans, & industrieux: comme estoient les Atheniens, où l'oïsiueté estoit punie capitalemēt, aussi le pays estoit fort sterile, qui est cause de peupler les villes qui y sont basties : comme fut Athenes des plus grandes, & mieux peuplees villes qui fut onques: car les ennemis ne veulēt point d'un pays infertile, & les habitans viuans en seureté se peuplent, & sont contrains de traffi-

Habitans des vallees effeminez.

Variété notable pour la violence des vents.

8. lib. 45.
Herodot. in Euterpe putat esse sagaciores.

Les peuples du
pays sterile inge-
nieux.

Peuples addon-
nez aux guerres,
farouches, & sau-
uages.

9. In vita Timoleo.
La nourriture
passe nature.

1. Leon d'Afrique.

quer & traualier. aussi voit-on Nuremberg, qui est en affiette la plus sterile qu'on scauroit voir, estre la plus grâde ville de tout l'Empire, & pleine des plus gentils artisans du monde, comme aussi sont les villes de Limoges, Genes, Gand. Or tout ainsi que les peuples maritimes, pour la traffique, & ceux du pays sterile, pour la sobrieté sont industrieux : aussi ceux qui sont la frontiere de deux estats, & peuples ennemis sont plus belliqueux, & plus farouches que les autres, par ce qu'ils sont en guerre perpetuelle, qui rend les hommes barbares, mutins, & cruels : comme la paix rend les homes courtois & traittables. Et pour ceste cause les Anglois, qui par cy deuant estoient reputez si mutins, & indôptables, que non seulement leurs Princes n'en pouuoient venir à chef, ains encores il estoit necessaire de loger les marchâs Anglois separémēt : cōme la ville d'Anuers fut contrainte de faire, ayant vne maison commune pour les marchans de toutes natiōs, & vne separee pour les Anglois, par ce qu'ils estoient incompatibles, maintenant depuis qu'ils ont traitté paix & alliâce avec la Frâce & l'Escoffe, & qu'ils ont esté gouuernez par vne Princesse douce & paisible, ils se sont bié fort appriuoisez. & au contraire les François, qui ne cedoient à nation quelconque en courtoisie & humanité, sont bié fort alterez de leur naturel, & deuenus farouches depuis les guerres ciuiles, cōme il aduint, dit Plutarque, aux habitans de Sicile, qui par le moyen des guerres cōtinuelles, estoient deuenus cōme bestes sauvages. Mais qui voudra voir cōbien la nourriture, les loix, les coustumes ont de puissance à chāger la nature, il ne faut que voir les peuples d'Allemagne, qui n'auoient du temps de Tacite ny loix, ny religion, ny sciēce, ny forme de Republique, & maintenant ils ne cedent point aux autres peuples en tout celà. les habitans de Bugie, qui estoient reputez anciennemēt les plus belliqueux de toute l'Afrique, par vne longueur de paix, & exercice de la musique, qu'ils ont en singuliere recommandation, sont deuenus si lasches & si poltrons que Pierre de Nauarre y estant allé avec quatorze vaisseaux, tous les habitans avec leur Roy s'enfuyrent, & sans coup ferir quitterēt la ville, où les Espaignols bastirēt de belles fortresses sans aucū empeschemēt. On peut bié dire le semblable des Romains, qui ont du tout perdu la splendeur, & vertu de leurs peres, par vne oisiveté lasche & couiarde. Lycurgue fist la preuue de ce que j'ay dit, ayant fait nourrir deux chiens de mesme race, l'un à la chasse, l'autre à la cuisine, & puis en fist l'essay deuant tout le peuple de Lacedemone. vray est que si les loix & coustumes ne sont bié entretenues, le peuple retournera bié tost à son naturel. & s'il est transporté d'un païs en autre, il ne fera pas si tost changé que les plâtes qui tirent le suc de la terre. mais en fin il changera : cōme on peut voir des Goths, qui enuahirēt l'Espagne, & le haut pays de Languedoc : & des anciens Gaulois, qui peuplerēt de leurs colonies le païs d'Allemagne autour de la forest noire, & de Francfort : Cesar dit, que de son tēps, qui estoit enuiron cinq cēs ans apres leur passage, ils auoient chā-
gé


gés leurs façons & naturel à celui du pays d'Allemagne. Mais il est besoin d'ôter vn erreur auquel plusieurs sont rombez, ayât taxé les François de legereté, suyuant en cela Cesar, Tacite, Trebellius Pollion. S'ils appellent legereté vne certaine alairesse, & promptitude en toutes choses, l'iniure me plaist, & nous est cômune avec tous les peuples des regiôs moyènes: car mesme T. Liue appelle en ceste sorte les Asiatiques, Grecs, Syriës, *leuissima hominum genera*, & l'Ambassadeur² des Rhodiots le confessa en plein Senat. Et mesmes³ Cesar interprete ce qu'il vouloit dire, recognoissant que les Gaulois ont l'esprit fort gétill, prompt, & docile. & Scaliger⁴ Veronois escrit, qu'il n'y a point de nation qui ait l'esprit plus vif à faire tout ce qu'on voudra que le François, soit aux armes, soit aux lettres, soit à la marchandise, soit à bien dire: mais sur tout ils ont, dit-il, le cueur genereux & cädide, & gardét la foy plus constâment que peuple qui soit. Voila le iugement d'un hôme reputé le premier de sa qualité, qui môstre aux François l'humeur colérique, à laquelle Galen donne la prudence propre aux actions: & si elle est distemperce, elle se tourne en temerité, qu'on appelle propremēt legereté. mais l'incôstance & perfidie est beaucoup plus grande aux peuples de Septentrion. Nous auons dit parlant generalemēt, que le peuple meridional est cōtraire au Septentrional: cestuy-cy gräd & robuste, l'autre petit & foible: l'un chaud & humide, l'autre froid & sec: l'un a la voix grosse & les yeux vers, l'autre a la voix gresle, & les yeux noirs: l'un a le poil blond, & la peau blanche, l'autre a le poil & la peau noire: l'un craint le froid, l'autre craint le chaud: l'un est ioyeux, l'autre est triste: l'un est craintif & paisible, l'autre hardi & mutin: l'un est sociable, l'autre solitaire: l'un est yurongne, l'autre sobre: l'un rustique & lourdaut, l'autre aduisé & ceremonieux: l'un est prodigue & rapace, l'autre tenant & auare: l'un est soldat, l'autre philosophe: l'un est duit aux armes, & au labour, l'autre aux sciences, & au repos. Si donc le Meridional est opiniastre, côme dit Plutar. parlant des Africains, & tenant ses resolutions pour la vie, il est bié certain que l'autre est muable, & n'ayât point de tenuë. ceux de la region moyenne, tiennent de la vertu moyēne, entre l'opiniastre & legereté: n'estans pas muables en leurs aduis sans propos, comme le peuple Septentrional: ny aussi tant arrestez en leurs opinions, qu'ils ne changent plustost, que de renuerfer vn estat. Je n'allegueray point Tacite qui dit, que les Alemans se dedisent ordinairement sans deshōneur. mais il n'auoit pas encores cogneu les Anglois, Danois, & Normans issus de ce pays là, qui tirent encor plus vers le Septentrion. Et quant aux Moscouites, le Baron d'Herbestain dit en leur histoire, qu'il n'a point cogneu nation plus desloyale, qui veut, dit-il, qu'on luy tiennela foy, & iamais n'en tient conte. Or la perfidie vient ou de la desfiâce, ou de la crainte: & l'un & l'autre de faute d'esprit, ou de hardiess. car l'homme prudent & assésuré comme le peuple du milieu n'est point desfiât, d'autant qu'il pouruoit tout ce qui peut aduenir, & avec le

² lib. 45.³ lib. 6.⁴ in lib. contra Cardanum.

courage bon execute ce qu'il a resolu: ce que ne fait pas si bien le peuple meridional qui est craintif, ny le septentrional, qui a peu d'esprit. Et pour monstrier combien les homes de Septentrion sont defians & soupçonneux, on le peut cognoistre en ce qu'au Royaume de Dannemarc, & de Suede, on fait cacher des homes és hosteleries pour ouyr tous les propos qu'on dit. Quand ie parle des peuples de la region moyene, il faut entendre tousiours plus ou moins, & attribuer les proprietes des extremités au milieu par moyen: ayât egard aux particularitez des vêts, des eaux, de la terre, des loix & coustumes: & ne s'arrester pas du tout aux climats. car on voit en climats du tout pareils, & mesme eleuatiō, quatre differēces notables de peuple à autre en couleur, sans parler des autres qualitez: d'autāt que les Indois occidētaux, sont generalemēt de couleur de coing cuit, horsmis vne poignee d'hommes noirs, que la tempeste y porta de la coste d'Afrique: & en Seuil d'Espaigne, les hommes blancs: au cap de bone esperance noirs: au fleuve de l'argent castaigniers: tous en pareille latitude & pareils climats, cōme nous lisons és histoires des Indes, que les Espaignols ont laissé par escrit. la cause peut estre d'auoir chāgé de pays à autre: & que le Soleil au Capricorne est plus pres de la terre de tout l'ecclētrique de son cercle, qui est de plus de 1111. cent mil lieus. Il ne se faut pas aussi arrester du tout au chāgement des colonies, qui emporte bien quelque differēce remarquable, cōme i'ay dit. mais la nature du ciel, des vêts, des eaux, de la terre, le gaigne à la lōgue. La colonie des Saxons, que Charlemaigne amena en Flādres, estoit du tout differēte aux autres peuples Frāçois, mais peu à peu ils se sont tellemēt adoucis, qu'ils ne tiennēt plus riē du Saxon, horsmis la lāgue qu'ils ont biē fort adoucie, coulāt les aspiratiōs plus legeremēt, & entrelasāt les voyelles aux cōsones: cōme si le Saxon appelle vn cheual Pfert, le Flamen dira Pert: ainsi de plusieurs autres. car tousiours le peuple de Septētrion ou mōtagnart, ayāt la chaleur interieure plus grāde, iette la voix & la parole avec plus de vehemēce, & plus d'aspiration que le peuple d'Orient & de Midy: qui entrelasse doucemēt les voyelles, & regette les aspirations le plus qu'il est possible: car pour mesme raison, la femme qui a la cōplexiō beaucoup plus froide que l'hōme, parle plus doucemēt. cela se verifia biē en vn mesme peuple Hebrieu, & en mesme lignee: car ceux de la lignee d'Efracim qui demeuroiēt en la mōtagne, & vers la partie de Septētrion qu'on appelloit Galaad, estoiet non seulemēt plus robustes que les autres de mesme sang & voisins, ains aussi prononçoient les consones & aspiratiōs, que les autres ne pouuoiet prononcer: de sorte qu'estās vaincus, afin de recognoistre les vns des autres, les vainqueurs faisoient pronōcer Schibolet, & les fuyars prononçoiet Sibolet, qui furent tuez au nombre de quarante & deux mil. Il est biē certain que le peuple Hebrieu tenoit lors plus que iamaïs la purité de son sang inuiolable: & qui plus est c'estoit vne mesme lignee. Ce que i'ay dit que la nature des lieux chāge bien fort la prolation naturelle

naturelle des hōmes, cela se peut voir par tout, & mesme en Gascongne au pays qui s'appelle Labdac, par ce que le peuple met vne L au lieu des autres consonnes. Aussi voit-on le Polonnois qui est plus Oriental que l'Alemāt, prononcer beaucoup plus doucemēt: & le Geneuois plus meridional que le Venitien: cestuy-cy, dit Cabre, l'autre Crabe, qui fūt la marque par laquelle les Venitiēs recogneurēt les fuyars, apres la victoire qu'ils eurent contre les Geneuois, en leur faisant pronōcer Cabre, tuant tous ceux qui n'en pouuoient venir à bout: cōme en cas pareil firēt ceux de Montpelier à la sedition qui aduint au temps du Roy Charles v. pour recognoistre & tuer les Frāçois de Languedouy, on leur monstroit des febues, & leur demandoit lon que cestoit: ils disoit febues, que les habitants du pays appelloient haues: à la forme des Sabins qui prononçoient Fircus, Fædus, au lieu de Hircus, Hædus, comme dit Marc Varron. Voila quant aux naturelles inclinations des peuples, lesquelles toutesfois n'emportent point de necessité, comme i'ay deduit: mais qui sont de biē grande consequence pour l'establissement des Republiques, des loix, des coustumes, & pour sçauoir en quelle sorte il faut traiter ou capituler avec les vns & les autres.

LES MOYENS DE REMEDIER AUX CHANGEMENS des Republiques, qui adueniennēt pour les richesses excessiues des vns & pauureté extreme des autres. C H A P. I I.



DE toutes les causes des seditions, & changemens de Republiques, il n'y en a point de plus grandes que les richesses excessiues de peu de sugets, & la pauureté extreme de la pluspart. Les histoires en sont pleines: où lon peut voir que ceux-là qui ont pretēdu plusieurs causes du mescontentement qu'ils auoient de l'estat, ont tousiours empoigné la premiere occasiō qui s'est presentee, pour despoüiller les riches de leurs biens. Toutesfois ces changemens, & seditions estoient plus frequētes anciennemēt qu'elles ne sont à present, pour le nōbre infini d'esclauēs, qui estoient trente, ou quarante pour vn qui estoit libre. & le plus grand loyer de leur seruice, estoit de se voir afranchis, ores qu'ils n'emportassent biē souuēt autre chose que la liberte, que plusieurs achetoient, de ce qu'ils auoient peu espargner toute leur vie, ou emprunter & s'obliger à le rēdre, outre les coruees qu'ils deuoient à ceux qui les auoient afranchis: & neantmoins ils auoient nōbre infini d'enfans, qui viennent ordinairement à ceux qui plus sont trauaillez, & qui sont plus cōtinens: de sorte que se voyans en liberte, & assiegez de pauureté, il falloit, pour viure, emprunter, & payer aux creanciers quelque profit en deniers, ou fruiets, ou coruees: & plus ils alloient en auant, plus ils estoient chargez, & moins s'aquittoient: car l'vsure, que les Hebreux appellent morsure, non seulement ronge le debteur iusques aux os: ains aussi succe tout le

La principale occasion des changemens qui adueniennēt aux Republiques.

Les deux pestes
de toutes Repu-
bliques.

o. Plutar. in Solon.

2. Liuius lib. 7. & 8.
Cæsar lib. 2. belli ci-
uil Tranquil in Cæ-
sare. Appian. lib. 1.
ἐμπερα.
3. Aristot. lib. 3. cap. 7.

sang & la mouëlle des os. qui faisoit en fin que les pauvres estans multi-
pliez & affamez, se leuoient cōtre les riches, & les chassoïent des maisons
& des villes, ou viuoïent sur eux à discretiō. C'est pourquoy Platō appel-
loit les richesses & la pauureté, les anciēnes pestes des Republiques, non
seulement pour la necessité qui presse les afamez, ains aussi pour la hōte:
combien que c'est vne tres-mauuaise & dangereuse peste que la honte.
Pour à quoy obuier, on cherchoit vne equalité, que plusieurs ont fort
louée, l'appellant mere nourrice de paix & amitié entre les sugets: & au
cōtraire, l'inequalité source de routes inimitiez, factiōs, haynes, partiali-
tez. car celuy qui a plus qu'un autre, & qui se voit plus riche en biens, il
veut aussi estre plus haut en honneur, en delices, en plaisirs, en viures, en
habits: il veut estre reueré des pauvres, qu'il mesprise & foule aux pieds.
& les pauvres de leur part, cōçoïuent vne enuie, & ialousie extreme de se
voir autant, ou plus dignes que les riches, & neātmoins estre acablez de
pauureté, de faim, de misere, de contumelie. Voila pourquoy plusieurs
anciēs Legislateurs diuisoient les biens egalemēt à chacun des sugets: cō-
me de nostre memoire Thomas le More Chancelier d'Angleterre, en sa
Republ. dit, que la seule voye de salut public est, si les hōmes vivent en
cōmunauté de biens: ce qui ne peut estre fait où il y a propriété. Et Pla-
ton ayāt pouuoir d'establi la Repub. & nouuelle colonie des Thebains
& Phocēses, s'en alla sans rien faire, par ce que les riches ne vouloient
point faire part de leurs biens aux pauvres. Ce que Lycurgue fist avec le
dāger de sa vie: car apres auoir banni l'vsage d'or & d'argent, il partagea
egalement tous les heritages. Et cōbien que Solon ne peust faire le sem-
blable, si est-ce que la volōté ne luy manquoit pas, attēdu qu'il^o ottroya
la recision des obligatiōs, & vne generale abolition de debtes. Et depuis
que l'or & l'argent fut receu en Lacedemone, apres la victoire de Lysan-
dre, & que la loy testamētaire fut introduite, qui causerēt en partie l'in-
equalité de biens: le Roy Agis voulāt reduire tout à l'equalité ancienne,
fist apporter toutes les obligations qu'il ietta au feu, disānt qu'il n'auoit
iamais veu si beau feu. puis il cōmença à ses biens pour les partager avec
les autres egalemēt. Aussi Nabis le tyran ayant pris la ville d'Argos, pu-
blia deux edits: l'un pour quitter toutes les debtes: l'autre pour diuiser les
heritages à chacun: *duas faces*, dit T. Liue, *novātibz res ad plebem in optima-
tes accēdendā*. Et quoy que les Romains ayēt esté plus equitables, & mieux
entendus au fait de la iustice que les autres peuples, si ont-ils souuēt ot-
troiyé la recision generale des debtes, tantost pour vn quart, tantost
pour vn tiers, & quelquesfois pour le tout. & n'auoient moyen plus ex-
pedient² d'appaiser soudain les troubles & seditions. En sorte que les
seigneurs des Thuriens, ayant acquis tous les heritages, le menu peuple
se voyant endebté, & denué de tout bien, chassa les riches de leurs biēs
& maisons. Mais d'autre part on peut dire, que l'equalité de biens est
trespernicieuse aux Republiques, lesquelles n'ont appuy ny fondement
plus

plus assuré que la foy, sans laquelle ny la iustice, ny société quelconque ne peut estre durable: or la foy gist aux promesses des conventions legitimes. Si donc les obligations sont cassées, les cōtracts annullez, les debtes abolies, que doit-on attēdre autre chose que l'entiere euerfion d'un estat: car il n'y aura fiance quelcōque de l'un à l'autre. D'auantage telles abolitiōs generalles nuisent bien souuēt aux pauvres, & en ruinent beaucoup. car les pauvres vefues, orphelins, & menu peuple, n'ayāt autre bien qu'un peu de rentes, sont perdus aduenant l'abolition des debtes: & au cōtraire les vsuriers preuiennēt, & quelques fois y gagnent: cōme il aduint quand Solon & Agis firent publier l'abolition des debtes: car au parauāt les vsuriers en ayāt senty la fumee, emprunterēt argent de tous costez, pour frauder les creanciers. Ioint aussi que l'esperacē qu'on a de telles abolitiōs, donne occasion aux prodigues d'emprunter à quelque prix que ce soit, & puis se ioinde aux pauvres desesperez, & malcontents, pour esmouuoir vne sedition: ou si l'attēte de telles abolitions n'y estoit point, chacun penseroit à mesnager sagemēt, & viure en paix. Or si les inconueniens de telles abolitions sont grāds, encores sont-ils plus grands du partage egal des terres & possessions, qui sont de loyale escheute, ou iustement acquises: car es debtes on pretend l'vsure, & la sterilité d'argent: ce qui ne peut estre es successions legitimes. tellement qu'on peut dire que tel partage du bien d'autrui est vne volerie sous le voile d'egalité. Et de mettre en fait que l'egalité est nourrice d'amitié, c'est abuser les ignorāts: car il est bien certain qu'il n'y a iamais hayne plus grāde, ny plus capitales inimitiez, qu'entre ceux là qui sont egaux: & la ialousie entre egaux est la source des troubles, seditions & guerres ciuiles. Et au contraire le pauvre, le petit, le foible, ploye & obeist volontiers au grād, au riche, au puissant, pour l'ayde & profit qu'il en espere. qui fut l'une des occasions qui peut mouuoir Hippodamus Legislateur Milesien, de faire que les pauvres espouferoient les riches, à fin que l'amitié en fust plus ferme. Et quoy qu'on die de Solon, il appert assez par⁴ l'institution de sa Republique, qu'il a fait quatre degrez de citoyēs, selon le reuenu qu'ils auoient, & autāt de degrez d'estats & honneurs. Et mesme Platon a fait trois estats en sa Republique secōde, les vns plus riches que les autres. Et quāt à ce que fist Lycurgue, qui voulut garder l'egalité des heritages à tousiours, en diuisant les biens par testes, c'estoit chose impossible, attendu qu'il peut voir deuant ses yeux, & tost apres l'egalité du tout alteree, ayāt les vns douze ou quinze enfans, les autres un ou deux, ou point du tout. chose qui seroit encores plus ridicule es pays où la pluralité des femmes est permise: cōme en l'Asie, & presqu'en toute l'Afrique, & aux terres neufues, où il aduient souuent qu'un hōme a cinquāte enfans. & de fait Iustin escrit, que Herotimus Roy de Parthe auoit six cens enfans. Il y en a bien qui ont voulu obuier à cest inconueniēt, cōme Hippodamus Legislateur Milesien, qui ne voulut point qu'il

3. Plutar. in Solone & Agi.

Les inconueniens
des abolitiōs des
debtes.

4. Plutar. in Solon.

y eust plus de dix mil citoyens, ce qu'Aristote a trouué fort bon : mais il faut par mesme moyen bānir le surplus, ou bien exécuter la loy cruelle de Platon, lequel ayant limité le nombre de citoyēs à cinq mil quarante, ordonna qu'on tuast le surplus au prix qu'ils naistroient. Et Thomas le More Chācelier d'Angleterre, qui vouloit qu'il n'y eust point plus de dix, ny moins de seize enfans en vne famille: cōme s'il pouuoit cōmander à nature. Et cōbien que Phidon Legislatteur Corinthien en vsa plus sagemēt, faisant defenses expresses de bastir en Corinthe: comme il s'est fait defenses de bastir aux faulxbourgs de Paris, par edit du Roy l'an M. D. XLVII. si est-ce que les sugets multipliās, il faut qu'ils dressent vne colonie, ou qu'ils soiēt bannis. Or il ne faut iamais craindre qu'il y ait trop de sugets, trop de citoyens: veu qu'il n'y a richesse, ny force que d'hommes. & qui plus est la multitude des citoyēs (plus ils sont) empesche tousiours les seditions & factions: d'autant qu'il y en a plusieurs qui sont moyens entre les pauures & les riches, les bons & les meschans, les sages & les fols. & n'y a rien plus dangereux, que les sugets soient diuisez en deux sans moyen: ce qui aduient és Republiques ordinairement où il y a peu de citoyēs. Laisant dōc en arriere l'opinion de ceux qui cherchēt l'equalité és Republiques ia formees, prenans le bien d'autrui, au lieu qu'ils deuoient conseruer à chacun ce qui luy appartient, pour establir la iustice naturelle: & regettāt aussi ceux-là qui ont voulu limiter le nombre des citoyens, nous tiendrons que la diuision des partages ne se doit faire, si ce n'est en formāt vne nouvelle Republique és pays cōquestez: laquelle diuision doit estre par lignees, & non par testes, en reseruant neantmoins quelque prerogatiue à l'vne des lignees, & quelque droict d'aisnesse en chacune maison: suyuant la loy de Dieu, qui nous a monstré au doigt & à l'œil, cōment il y faut proceder. Car ayant choisi la lignee de Leui pour luy donner le droict d'aisnesse par dessus les autres douze, nē luy dōna point d'heritages, horsmis des maisons és villes: ains luy assigna la disme de chacune lignee, qui estoient douze dixiesmes sans main mettre, qui reuiennent pour le moins à deux fois autant que chacune lignee auoit toutes choses deduites: & entre les Leuites, le droict d'aisnesse fut reseruē à la maison d'Aaron, qui auoit la disme des Leuites, & toutes les oblatiōs, & premices: & à chacune maison particulierement, assigna pour le droict d'aisnesse deux fois autant que chacun des autres heritiers auoit en meubles & immeubles: deboutant les filles de ° tout droict successif, sinon en defaut de masses en mesme degré. En quoy on peut iuger, que la loy de Dieu a regeté l'equalité precise, dōnāt plus aux vns qu'aux autres: & neātmoins a gardé entre les XII. lignees, horsmis celle de Leui, le parrage egal desheritages: & entre les puisnez le partage egal de la succession, hors le droict d'aisné, qui n'estoit pas des deux tiers, ny des quatre cinquiesmes, ny du tout: à fin que telle inequalité ne fust cause des richesses excessiues de peu de sugets, & de la pauureté extreme d'un

Les grandes villes moins sugetes aux changemēs que les autres.

La forme de diuiser les pays conquestez.

Diuision desterreres portees par la loy de Dieu.

o. Numeri 27.

d'un nombre infiny : d'où viennent les meurtres entre les freres, les troubles entre les ligneés, les seditions & guerres ciuiles entre les fugets. Et à fin que les partages ainsi faits demeurēt au cōtrepoix, & mediocrité de trop & peu, il ne faut point faire defense d'aliener, cōme il se fait en quelques lieux, soit entre vifs, ou par testamēts: si on garde la loy de Dieu, qui ordōne, que tous heritages alienez retournerōt l'an cinquantesme aux maisons, familles & ligneés d'où ils auront esté distraits : outre le droit du retraict lignager, introduit par la loy de Dieu. En quoy faisant les pauvres affligez, & cōtraints de vendre pour subuenir à leurs necessitez, auront moyen de vendre les fructs & leuees de leurs heritages iusques au l. an, qui retournerōt apres à eux, ou à leurs heritiers: & les mauuais mesnagers seront cōtraints de faire vie qui dure : & l'auarice des cōquerās fera retranchee. Quant à l'abolition des debtes, c'estoit chose de mauuaise exemple, cōme dit est, non pastāt pour la perte des creanciers, qui ne seroit pas fort considerable quād il y va du public, que pour l'ouuer-ture qui se fait de rompre la foy des iustes conuentions, & pour l'occasion que les mutins empoignēt, pour troubler vn estat, sous l'esperāce qu'ils ont tousiours de la rescision des debtes. si ce n'estoit en diminuant les intersts & rentes qui ont longuemēt couru, en les reduisant au denier xxv. cōme il s'est fait és vieux monts de Venize. Aussi voit-on que la loy de Dieu ne quitte pas les debtes des creanciers, mais elle dōne le vii. an respit, & tient la poursuite des debtors en souffrance. Mais le vray moyen d'arrester le cours des vsuriers, & donner vn soulagement perpetuel aux pauvres, & garder les obligations legitimes, est de suiure la loy de Dieu, qui a defendu toute sorte d'vsure, quelle qu'elle soit, entre les fugets: car la loy seroit iniuste, pour le regard des estrangers, s'il leur estoit permis de bailler à vsure aux fugets, desquels ils tireroient la substance, & tout l'or & l'argēt, si les fugets n'vsoiēt de mesme prerogatiue enuers les estrāgers. Ceste loy a tousiours esté fort estimee de tous legislateurs, & des plus grands politiques: c'est à sçauoir⁷ Solon, ⁸ Lycurgue, ⁹ Platon, ¹ Aristote, & mesmes les dix cōmissaires deputez pour corriger les coustumes de Rome, & faire chois des loix les plus vtils, ne voulurent pas que l'vsure fust plus haute que d'un denier pour² cent par an, qu'ils appelloiēt Vnciaire, par ce que l'vsure de chacun mois ne reuenoit qu'à vne once, qui estoit la douziesme partie du centiesme escu ou denier qu'on auoit empruté. & l'vsurier qui tiroit plus grād profit, estoit condāné à rendre le³ quadruple: estimant, dit Caton, l'vsurier plus meschant & plus vilain que le larron, qui n'estoit condanné qu'au double. ceste mesme loy fut depuis republiee à la requeste du Tribun Duilius, l'an de la fondation de Rome c c c x c v i. & dix ans apres sous le⁴ Consulat de Torquatus & Plautius elle fut reduite à demie once par mois, & par an demy denier pour cēt: tellemēt qu'elle ne pouuoit egaler le sort qu'en c c. ans. & toutefois l'ānee suiuate l'vsure fut entieremēt interdite

Abolitiō de deb-
te pernicieuse.

5. Rabi leui in cap. 15.
Deutero.

Il est besoin de
retrancher les vs-
sures.

6. Deutero. 23.

Num. 25.

Plalm. 115.

7. Plutar. in Solon.

8. Plutar. in Lycurg.

9. In libris de legib.

1. In politic.

2. Tacit. lib. 5.

Festus lib. 19.

3. Cato lib. 1. cap. 1. de
re rustica.

4. Liuius lib. 7.

5. Liu. lib. 7.

Loy inutile sans
peine.7. Cicero in epist. ad
Atticum.

8. Plutar. in apoph.

9. Rufin. lib. 5.

par la loy^e Genutia, pour les seditiōs ordinaires qui aduenoient du mespris des loix vsuraires. car quelque moderation qu'on face des vsures, s'il est permis tāt soit peu, on mōtera bientost iusques au plus haut point. Et ceux qui soustiennent sous voile de religion, que les vsures moderees, & rentes constituees à quatre ou cinq pour cent sont iustes, attēdu que le debteur en tire plus de profit que le creancier, abusent de la loy de Dieu qui le defend si disertemēt qu'on ne la peut reuoquer en doubte. cōbien que si quelqu'un en vse moderément, cent mil en abuseront. Et tōut ainsi que le coin ne fait du cōmencement qu'une petite fente, puis apres l'ouuerture plus grande met tout en pieces: aussi la permission des choses illicites, pour petite qu'elle soit, s'en va peu à peu en vne licence debordee. comme ceux qui ont defendu l'vsure entre les Chrestiens, & neātmoins l'ont permis pour l'Eglise & pour les hospitaux, & quelques vns aussi l'ont trouué bon pour la Republique, & pour le fisque. Or il n'y a rien qui plus donne d'occasion d'enfreindre la loy aux sugets, que defendre vne chose, & contreuenir à sa defense. Et toutefois c'est la faute la plus ordinaire que font les Princes & Prelats, se voulans licencier & exempter des choses qu'ils defendent aux sugets. & qui trouueroit mauuais en particulier ce qui est trouué bon en public? Et d'autāt que la defense en matiere de loix, est inutile sans peine: & la peine illusoire, si elle n'est executee: aussi la loy Genutia estāt mal executee, fut aussi peu à peu aneantie. & la coustume deprauee, qui est tousiours plus forte que les bonnes loix, alla si auāt, qu'on prestoit à vsure à vingt quatre pour cent, iusques à la loy Gabinia, qui reigla la plus haute vsure (hors le fait de la marine, où le creancier prend le danger sur soy) à douze pour cent: combien qu'elle estoit mal executee és Prouinces où lon prestoit à XLVIII. pour⁷ cēt par an. Car la necessitē extreme de celuy qui emprunte, & l'auarice insatiable de celuy qui preste, ont tousiours fait, & feront mille fraudes aux loix. La peine des vsuriers estoit seuerē en la Republique de Candie: mais celuy qui vouloit emprunter faisoit contenance de rauer l'argent au creancier, en sorte que si le debteur ne payoit l'vsure, qu'on ne pouuoit demāder par iustice, il estoit⁸ accusē cōme voleur: qui estoit vne tromperie trop grossiere, au prix de ce qu'on fait és achapts à perte de finance, & de la clause des Notaires, qui porte ces mots, Le reste en monnoyē. Il est bien vray qu'au premier concil de Nice, les Euesques firent tant enuers l'Empereur Constantin, qu'il⁹ defendit les vsures en deniers & en fruiçts, qui estoient, pour le regard des fruiçts, autant, & demy, c'est à dire cinquāte pour cent. mais la defense ne fut pas gardee: mesmemēt pour les fruiçts, où celuy qui emprunte en temps de chartē, est bien aise d'en rendre autant, & moitié d'auantage apres la moisson: & semble qu'il y a grāde apparence, attendu que celuy qui a prestē pouuoit autāt ou plus gagner s'il eust vendū au temps de chartē, cōme il se fait ordinaiemēt. ioint aussi qu'il n'y a rien plus cher que la nourriture,

ny debte plus necessaire que celle là . C'est pourquoy l'Empereur Iustinian, ayant reiglé les vsures enuers les pay sans à quatre pour cent en deniers, ordonna que l'vsure en fruiçts enuers eux seulement, ne seroit qu'à douze pour¹ cét, & non pas à cinquâte pour cent: & sans cause M. Charles du² Moulin a voulu corriger le texte Grec & Latin de la loy, contre la verité de tous les exemplaires, s'arrestant à l'ordonnance de Loys x i i: & aux arrests de la Cour, qui ont egalé l'interest en fruiçts & en deniers. mais la differéce est bien grande des vns aux autres. car par l'ordonnâce de Iustinian le pauvre pay san, receuoit bien grâd profit d'estre quite de treize mines de blé apres la moisson, pour douze qu'il empruntoit en temps de charté: & neantmoins par la correction que baille du Moulin, il en seroit quite pour vn tiers de mine, qui est chose absurde. vëu qu'au parauant l'ordonnâce de Iustinian, il estoit permis ordinairement de bailler à cinquante pour³ cent en fruiçts . Il vaut beaucoup mieux s'arrester à la loy de Dieu, qui defend totalement l'vsure: & le bienfait du creancier sera beaucoup plus meritoire & honorable de prester sans profit, que de receuoir des pauvres pay sans, en qualité d'vsure vne poignée de blé, pour vn bienfait si grand, & si necessaire. c'est pourquoy Nehemie, apres le retour du peuple, fist defense de plus⁴ receuoir vsure entr'eux, comme ils faisoient au parauant, prenant douze pour cent en argent & en fruiçts. & suiuañt cest exemple, le decret de Nice a esté inseré aux decrets: mais depuis que Caliste i i i. & Martin v. Papes, ont donné la vogue aux rentes constituees, qui estoient peu en vsage au parauant, les interests ont monté si haut, que les vsures limitees par Iustinian, & en partie pratiquees és Republiques des ligues, sont beaucoup plus douces, & plus suportables: iacoit que les ordonnances de Frâce & de Venise ne souffrent pas qu'on puisse demander plus de cinq annees d'arrages escheus: car ceste souffrance d'interests sans interests, a passé en force de loy: & de là est aduenü que les vsuriers succent le sang des pauvres en toute licence: & mesmement és villes maritimes, où il y a bourse commune, & banque: cōme à Genes il y a tel qui a vaillât quatre ou cinq cens mil ducats, les autres plus d'un million d'or, comme Adam Cētenier . encores dit-on que Thomas Marin en a deux fois autāt: de sorte que le marchāt, pour la douceur du profit, deuient casanier, l'artisan mesprise sa boutique, le laboureur quite son labeur, le berger son bestial, le noble vend ses heritages, pour tirer quatre ou cinq cens liures de rentes constituees, au lieu de cēt liures de rente fonciere: & puis la rente cōstituee s'estaint, & l'argent s'en vole en fumee: de sorte que ceux qui ne sçauent aucun mestier pour gagner, s'addonnēt à voler, ou semer des seditiōs & guerres ciuiles, pour brigander en seureté: ce qui est d'autant plus à craindre quād l'un des estats de la Republique, & le moindre en force & en nombre, a presque autant de bien que tout le reste: comme il s'est veu par cy deuant en l'estat Ecclesiastique, où la centiesme partie des sugets és Re-

1 authent. rem durā,
& authent. ad hæc.
de vsuris C.
2. In lib. de vsuris.

3. Rufin. & Niceph.
in historia eccle-
siast.

4. Nehemiæ 5.

5. lib. 3. c. 8. de statutis
Venet.

Rentes constitu-
ees pires que les
moderees.

L'estat ecclesiastique enrichi, & les autres apauvris.

publiques d'Occidēt, faisant le tiers estat, auoient les dismes, de quelque nature qu'elles fussent, & contre les ordonnances de la primitiue Eglise, cōme les Papes mesmes confessent aux Canons *futuram Ecclesiam, & cā. videntes. xij. q. i.* ont empoigné tous laiz testamētaires, tant meubles cōme immeubles, Duchez, Comtez, Barōnies, fiefs, chasteaux, maisons aux villes & aux champs, rentes de toutes sortes, oblations gratuites, & neantmoins prenoient successions de tous costez, vendoient, eschangeoient, acqueroiēt, & negotioiēt du reuenu des benefices, pour l'employer en autres acquisitions: & le tout sans tailles, imposts ny charges, aux lieux mesmemēt où les tailles sont personnelles: de sorte qu'il a esté necessaire faire inionction aux Ecclesiastiques vuidier leurs mains des heritages & biens immeubles delaissez à l'Eglise en certain temps, sur peine d'estre confisque: comme il s'est fait en Angleterre par edit du Roy Edoüart 1. qui defendit aussi à tous gens d'Eglise d'acquérir aucuns immeubles, ainsi qu'il est porté en la grāde charte d'Angleterre. ce qui depuis a esté renouuellé par l'Empereur Charles v. au bas pays, sur peine de confiscation: ce qui semble auoir esté aussi defendu anciennemēt: car nous trouuons que les Comtes de Flādres estoient heritiers des Prestres: coustume abolie par le Pape Urbain v. Pour mesme raison le Parlemēt de Paris fist defense aux Chartreux & Celestins de Paris de plus acquérir. cōtre l'opinion de l'Abé de Palerme, qui s'apuye de la loy *penult. de pact. ff.* & toutefois les defenses sont fondees sur le chap. *nuper. de decimis.* Et à Venise il y a ordonnāce, qui enioint aux gens d'Eglise de vuidier leurs mains des immeubles, avec defenses d'aposer au testament aucun laiz à fiance d'une personne Ecclesiastique, ny faire testament par la bouche d'une personne d'Eglise: & par les ordonnances faites à la requeste des estats d'Orleans, article xxvi. il est defendu à tous gens Ecclesiastiques de receuoir testamēs ny dispositions de derniere volōté où il leur soit donné quelque chose. qui est tresmal executee, pour les abus qu'on y faisoit, en vertu du chap. *Cum esset. de testam.* Et mesmes il n'y a pas cent ans, qu'on n'eust pas enterré en ce Royaume vn mort en lieu sainct, s'il n'eust laissé quelque chose à l'Eglise par testament: de sorte qu'on prenoit cōmission de l'official adressant au premier Prestre sus les lieux, lequel ayāt egard aux biēs du defunct mort intestat, laissoit à l'Eglise ce qu'il vouloit au nom du defunct. ce qui fut reprouué par deux arrests du Parlemēt de Paris: l'un de l'an m. ccclxxxviii. l'autre de l'an m. cccci. l'ay aussi vne declaration extraicte du thresor de France, par laquelle les xx. Barons de Normādie nōmez en l'acte daté de l'an m. cc. i. declairent au Roy Philippe le Cōquerant, que les biēs de celui qui meurt sans tester luy appartiennent, ayāt esté trois iours malade deuāt que mourir. & par la confirmation des priuileges de la Rochelle, ottroyee par Richard Roy d'Angleterre, Comte de Poitou, il est dit, que les biēs des Rochelois ne serōt point confisque, s'ils meurēt sans faire testamēt. ce qui estoit commun aussi

6. lib. 4. c. 56. de statut. Venet.

Ancien droit des Ducs de Normādie, & Comtes de Poitou.

aussien Espagne, iusqu'à l'ordonnance de Ferdinād l'an M. cccc. xlii. portāt ces mots: *Que no se llauen quintos da los que mueren sin faZer testamēto dexando hiios o parientes dentro del quarto grado que pueden haüer. & heredar sus bienes.* c'est à dire, que le quint ne sera point leué de ceux qui meürēt sans tester, pouruëu qu'ils ayent enfans ou parens habiles à succeder iusques au iiii. degré. Il ne faut donc pas s'esbahir, si l'estat Ecclesiastique auoit tāt de biēs, veu qu'un chacun estoit cōtraint de tester soubs peines si rigoureuses: & qu'il estoit defendu estroitement d'aliener ny² arerter à lōgues annees le bien de l'Eglise, sur peine de nullité. Et de fait on fist vn estat abregé l'an M. D. Lxiii. des biēs que tenoit l'Eglise: il se trouua xii. millions ccc. mil liures de rente, sans y cōprendre les aumosnes ordinaires & casuelles. Mais l'Alemant President des cōptes à Paris, faisoit estat, que l'ordre ecclesiastique tenoit des douze parties du reüenu de France les sept. Et en eust eu beaucoup d'auātage, si le Pape Iean xxii. n'eust cassé le decret du Pape Nicolas iii. qui auoit permis à tous mendians de prendre les fruiçts des heritages & rentes qu'on leur laissoit, demeurāt la propriété au Pape. qui estoit vne subtilité grossiere pour aneantir les vœus de pauureté. attēdu que la propriété est inutile, comme dit la loy, si l'vsufruiçt est perpetuel: cōme les corps & Colleges sont perpetuels. Je ne parle point si les biēs sont employez cōme il faut: mais ie dy que l'inegalité si grāde, a peut-estre donné occasion des troubles & seditiōs aduenues presqu'en toute l'Europe, cōtre l'estat Ecclesiastique, orēs qu'en apparence on faisoit voile de la Religion: car si ceste occasion là n'y eust esté, on en eust trouué quelqu'autre: cōme on fist contre les Templiers & contre les Iuifs: ou bien on eust demandé nouueaux partages des terres: ce que Philippe Tribun Romain demandoit pour le menu peuple, luy remōstrāt à haute voix qu'il n'y auoit que deux mil hōmes en Rome qui'eussent tout le bien: quoy qu'ils fussent plus de ccc. mil par le nōbre qui en fut leué. & peu à peu il s'en trouua de si riches, que le bien de M. Crassus baillé par declaration aux Cēseurs, fut estimé six milliōs d'escus⁸ couronne: & cinquāte ans apres il se trouua que Lētulus Prestre Augural, auoit valant dix⁹ millions d'escus courōne. les Romains s'estoient efforcez d'y remedier, faisant publier plusieurs loix touchāt la diuision des heritages: entre lesquelles l'vne vouloit qu'on diuifast au menu peuple les pays cōquestez: cōme la loy¹ Quinctia, & la loy Apuleia. Et si on eust tousiours bien executé ces loix, cōme on fist quelque tēps, les seditions qui troublerēt l'estat ne fussēt pas aduenues: mais le mal fut, que les pays cōquestez furēt adiugez au domaine de la Republique: & depuis affermez à certains particuliers par faueur, à la charge d'en payer la disme des grains, & la cinquiesme des autres fruiçts, & quelques deniers pour les pastures. neātmoins ces deniers, & debuoirs n'estoiēt ny leuez ny payez par l'intelligēce des plus grāds qui les tenoiēt soubs main tierce. qui fut cause que Sextus Titius Tribun presenta⁸ requeste au peuple, tendāt à fin

9. de rebus eccles. nō alienand. C.
2. & clement. priua. de rebūs eccl.

Occasion qu'on a pris pour ruiner l'estat ecclesiastique.

7. Cicero in offic. & ad Atticum.

8. Plutar in Crasso.

9. Seneca lib. 2. cap. 37. de beneficiis.

1. Polybius lib. 2. anno ab v. c. dxxi.

2. Appian. lib. 1. ἐμφύλ.

8. Cicero lib. 2. de orat. pro Muræna. Valer. lib. 8. cap. 1.

qu'il fust enioint aux receueurs du domaine de leuer les arrerages qui estoient deubs. la requeste fut enterinee: mais n'ayât pas esté bié executée, donna occasion de presenter autres requestes au peuple, à fin que les terres & domaine de la Republique, que tenoient quelques particuliers sans rien payer, fussent diuisez au menu peuple: ce qui estoit fort les riches, lesquels firent soubz main interuenir S.P. Thorius Tribun du peuple, à ce qu'il fust ordonné, que les terres demeureroient aux possesseurs, en payant les redevances aux receueurs du domaine: & cela fait ils firent aussi abroger la loy Thoria, pour demeurer quittes des charges. car les Senateurs, Cōsuls, Censeurs, Receueurs, & autres Magistrats qui estoient executeurs des loix, tenoient eux-mesmes le domaine de la Republique. En fin la loy Sépronia fut publiee à toute force, à la requeste de Tiberius¹ Gracchus, qui estoit differente de la loy² Licinia, par laquelle il estoit defendu à toutes personnes, de quelque estat ou qualité qu'ils fussent, d'auoir plus de cinq cens iournaux de terre du domaine ou publique, cent bestes à corne, cinq cēs bestes blanches, sur peine que le surplus seroit cōfiscué. mais la loy Sempronia ne parloit que des terres du domaine de la Republique, ordonnāt qu'il y auroit par chacun an trois cōmissaires deputez par le peuple, pour distribuer aux pauvres le surplus de cinq cens iournaux du domaine public qui seroit trouué en vne famille. Mais le Tribun fut tué le dernier iour de la publication, par la sedition qui fut esmeüe de la part des Nobles: & neātmoins son frere Caius Gracchus dix ans apres estat Tribun du peuple, la fist executer: vray est qu'il fut aussi tué à la poursuite: bien qu'apres sa mort le Senat pour apaiser le peuple, fist executer la loy cōtre plusieurs: & à fin que les terres ne demeurassent en friche, à faute que les pauvres n'auoient le moyen d'auoir bestail, & autres meubles pour labourer, il fut ordōné que la loy Sépronia de Tiberius Gracchus, touchāt les thresors du Roy Attalus, qui auoit fait le peuple Romain heritier, seroient distribuez aux pauvres ausquels on auoit baillé partie du domaine. cela fist que plusieurs des pauvres furent accommodés: & pour empescher à l'aduenir qu'il ne se fist plus de telles seditions, on enuoyoit partie du menu peuple en colonies, ausquelles on distribuoit les pays cōquestez sus les ennemis. Mais il y auoit vn article en la loy de C. Gracchus, qui estoit le plus necessaire, & neātmoins il fut abrogé: c'est à sçauoir, que defenses estoient faites aux pauvres de vēdre, ny vuider leurs mains des heritages qui leur estoient assignez. car les riches, voyās que les pauvres n'auoient pas le moyē d'entretenir les terres en bō estat, les rachetoient. Vne autre cause y auoit aussi de l'inegalité des biens, c'est à sçauoir la puissance à chacun de disposer entierement de tous ses biens, à quelque personne q̄ ce fust par la loy des xii. tables. Tous les autres peuples, horsmis les Atheniēs, où Solon premieremēt publia ceste⁴ loy, n'auoient pas la puissance de disposer des heritages. Et mesme Lycurgue, ayant diuisé les heritages des habitans de la ville en sept mil parties (les

vns

9. Appian. lib. i. ciuil.
Cicero in Bruto.

1. anno d. cxx. ab v. c.
Plutar. in Grac. Flor.
epito. 58.
2. L. i. lib. 6. Appian.
lib. i. emphyl.
Plin. lib. 18. cap. 3. Plutar.
in camillo. lata
anno 387.

3. Appian. lib. i. ciuil.

Loy testamentaire a fait l'inegalité.

4. Plutar. in Solone.

vns disent plus, les autres moins) & des habitans du plat pays en x i i. mil parties esgales, ne donna puissance à personne d'en disposer: ains au contraire, afin que par successiō de temps, les sept mil parties d'heritages, ne fussent vendues, ou diminuées en plusieurs mēbres, il fut depuis ordonné, qu'il n'y auroit que l'aîné de la maison, ou le plus proche, qui succéderoit à tout l'heritage, & ne pourroit auoir pl⁹ d'une partie des sept mil, & falloit qu'il fust Spartiate naturel. les autres estoient deboutez entierement de la succession: cōme dit Plutarque ^{5. Plutar.in Agesilaos.} parlant du Roy Agesilaus, qui du commencement fut nourri estroittement, & en cadet, par ce qu'il estoit yssu des puisnez. ce qui entretint fort long temps les sept mil maisons en equalité, & iusques à ce qu'un Ephore, irrité contre son fils aîné, presenta requeste à la Seigneurie, qui passa en force de loy, par laquelle il fut permis à chacun de disposer de ses biens par testament. Or ces loix testamentaires estans receuës en Grece, & depuis publiées en Rome, & enregistrees és douze tables, donnerent occasion de grands changemens. car les peuples d'Orient, & d'Occident, ne pouuoient disposer par testament des immeubles, coustume qui est encores gardée en partie, en France, Allemagne, & autres nations de Septentrion. C'est pourquoy Tacite escript, que les Alemans n'auoient point les testaments en vſage, ce que plusieurs ont mal à propos attribué à ignorance, & barbarie. Et mesmes en Poulongne il est estroitement defendu par les ordonnances des deux Sigismonds, conformes aux anciennes coustumes, & disposer par testament des immeubles, de quelque naturel qu'ils soient. Les Oxiles, & Phytalles auoient encores vne coustume plus expresse, qui defendoit ^{6. Arist.in polit.} mesmes d'hypothéquer les immeubles. Et par la coustume d'Amiens, & autres coustumes du bas pays de Flandres, il est defendu aux nobles d'aliener leurs fiefs, si ce n'est apres auoir solennellement iuré pauvreté: ce qui est aussi estroittement gardé en Espagne. Nous auons dit cy dessus, que la loy de Dieu defendoit aussi toute alienation des immeubles, fust entre vifs ou par testament: reseruant le droit d'aineesse en chacune maison sans discretion du noble au roturier. Or il semble, que les aînez succedans pour le tout, comme les sept mil Spartiates en Lacedemonne, & ceux de Caux en Normandie, conseruēt beaucoup mieux la splendeur, & dignité des maisons, & familles anciennes, qui par ce moyē ne sont point demembrees: & en general tout l'estat de la repub. qui est d'autāt pl⁹ ferme, & stable, estāt appuyé sus les bōnes maisons, cōme sus gros pilliers immuables: qui ne pourroient pas supporter la pesanteur de vn grand bastiment, s'ils estoient gresles, ores qu'ils fussent en plus grād nombre. Et de fait il semble, que la grandeur des royaumes de France & d'Espagne, n'est fondée, que sus les grosses maisons nobles, & illustres, & sus les corps, & colleges, lesquels estās demēbrez en pieces, viennent à néāt. Toutefois ceste opinion a plus d'apparēce, que de verité: si ce n'est

Les maisons grandes & illustres sont bonnes pour maintenir l'Aristocratie, & contraires à l'estat populaire & à la tyrannie.

en l'estat Aristocratique. car il est bien certain, que le monarque n'a rien à craindre que les grands Seigneurs, & les corps, & colleges, & principalement le Monarque Seigneurial, & tyrannique. quant à l'estat populaire, qui demande l'equalité en toutes choses, comment pourroit-il supporter l'inequalité si grãde entre les familles, que l'un emportast tout, & que les autres mourussent de faim? veu que toutes les seditions, qui sont aduenues en Rome, & en Grece, n'estoient fondees, que sur ce point là. reste d'oc l'estat Aristocratique, où les Seigneurs sont en tout & par tout inegaux au menu peuple: & en ce cas le droit d'aineesse peut conseruer l'estat Aristocratique, cōme en la Seigneurie Aristocratique de Lacedemonne. où les sept mil Spartiates aisnez, égaux aux parties d'heritage, ne pouuoient rien entreprendre l'un sus l'autre: & quāt aux cadets, la vertu les poussoit aux estats, & charges selō leurs merites, & se trouuoit ordinairement, que ceux là estoient les plus illustres, n'ayant, comme dit Plutarque, autre moyē de s'aduancer, que par la vertu. C'estoit aussi l'ancienne coustume des Gaulois, qui se pouuoit aucunemēt entretenir si la defense d'aliener les fiefs eust bien esté executee, suiuant le droit des fiefs & des ordonnances de ce royaume, & de l'empire, où elle est mieux gardee qu'en autre lieu. les mesmes defēses ont esté faictes en Polōgne, par ordonnance des Roys Albert & de Sigismōd Auguste l'an M. cccxcv. & M. D. xxxviii. & en Bretagne par edit de Pierre Duc de Bretagne, qui meit la peine de cōfiscatiō des fiefs: & cōbien que Louys XII. leua les defēses l'ā M. D. V. neātmoins le Roy François I. renouuella l'edit M. D. xxxv. sous la mesme peine de cōfiscatiō. Ce q̄ pourroit encores pl^r lier estroitement la noblesse avec le menu peuple en l'estat Aristocratique, quand les pauvres puisnez espousoient les plus riches du peuple, comme il se fist en Rome apres la loy *Canuleia*, & se fait encores à Venize, & presque en toute Republique, où la noblesse a quelque prerogatiue sus les roturiers: qui est le plus seur moyen, pour entretenir la noblesse en biens, hōneurs, & dignitez. Et neantmoins il est besoin de regler les douaires des femmes en quelque estat que ce soit, affin que les maisons mediocres ne soient du tout apauuries pour enrichir les nobles. En quoy les anciens legiflateurs se sont trouuez empeschez pour garder l'equalité, que nous auons dit, & obuier à ce que les maisons, & anciennes familles ne fussent demembrees, & aneāties par les filles. La loy de Dieu ne vouloit pas, que les filles succedassent, tāt qu'il y auroit freres: & encores qu'il n'y eust freres, il est commandé aux filles heritieres d'espouser les plus proches de la famille, affin, dit la loy, que les heritages ne soyent distraits des maisons par les filles. Ceste loy estoit gardee en Grece, où le prochain lignager espousoit l'heritiere, qu'ils appelloient *Γέννησον*, & ne pouuoit la fille en espouser d'autre. En Perse, & Armenie, la fille n'emportoit rien de la maison, que des meubles: coustume, qui est encores gardee en tout l'Orient, & presque en toute l'Afrique: quoy que l'Empereur

Iustinian,

3. Demosthen. cōtra Boeotum, & alibi sæpe,

Iustinian, ou plustost sa femme Theodora, ayant tousiours fauori son sexe, reforma la coustume d'Arménie, l'appellât barbare pour ce regard, sans auoir esgard à l'intention des anciens legistateurs. Hippodamus legistateur Milesien ne vouloit pas oster les successions aux filles: mais il ordonna, que les riches seroyent mariees aux pauvres: en quoy faisant, il gardoit l'equalité de biens, & l'amour entre les conioints, & entre les pauvres, & les riches. Or il est certain, que si les filles sont egalees aux masles en droit successif, les maisons seront bien tost demembrees: car il y a ordinairement plus de filles que de masles, soit és Republiques en general, soit és familles en particulier: ce qui fut premierement verifié en Athenes, où la pluralité des femmes⁹ donna le nom à la ville: & depuis xx. ans en ça à Venize, où il aborde vn monde d'estrangers, il se trouua de compte fait, deux mil femmes dauantage: soit pour n'estre exposees aux dangers des guerres, & voyages: soit que nature produit des choses, qui sont plus parfaites, moins que d'autres. C'est pourquoy vn¹ ancien politique disoit, que des cinq parties d'heritage, les femmes de Lace dem- ne tenoiēt les trois: ce qui aduint apres que la permission de disposer des biens fut receuë: & pour ceste cause, dit-il, elles cōmandoient^o absolument aux maris, qui les appelloiēt dames. Mais pour obuier à ce que tel incōuenient n'aduint en Rome, Voconius Saxa, Tribun, presēta requeste au peuple, à la suasion de Caton le censeur, qui passa en force de loy, par laquelle il fut ordōné², que les femelles deslors en auāt ne succederoient point, tant qu'il y auroit masles portant le nom, en quelque degré de consanguinité que ce fust: & qu'elles ne pourroient auoir par testamēt plus de la quarte partie des biens, ny plus que le moindre des heritiers du testateur ceste loy retint les anciēnes maisons en leur dignité, & les biens en quelque contrepoix d'equalité: ioint aussi que ce fut vn grand point pour ranger les femmes à la raison. toutefois on trouua vn moyen de la frauder aucunement par laiz fiduciaires, & faits aux amis a- uec priere de rendre les successiōs, ou laiz aux femmes: qui ne pouuoient les demander par voye d'action: ny mesmes par voye de requeste au parauant Auguste. Depuis que la loy fut aneantie, & qu'il se trouua des femmes, qui portoient deux riches successions penduēs aux deux aureilles, comme dit Seneque, & que la fille d'un Proconsul se mōstra vne fois ayant sus elle en habits, & pierreries, la valeur de trois millions d'escus, estant l'inequalité des biens au plus haut point: onques puis l'empire Romain ne fist que decliner de mal en pis iusques à ce qu'il fust du tout ruiné. Par l'ancienne coustume³ de Marseille, il n'estoit permis de bailler aux filles plus de cent escus en mariage, & plus de cinq escus en vestements. & par les ordonnances de⁴ Venize, il est defendu donner plus de seize cens ducats à la fille noble: & si le gentil- hōme Venitien espouse vne roturiere, il ne peut prendre que deux mil ducats: ny les femelles succeder, tant qu'il y aura masle de la famille.

L'inequalité de biens prouient par les filles heritieres mariees aux pl⁹ riches.

9. Pausan. in atticis.

1. Aristot. in politic.

o. Plutar. in Laconic. & Aristot. in politic.

2. Flor. epitom. 47. Paul. lib. 4. sentēt. Cicero vertina. 3. & in lib. de finib. Dio lib. 56. Gellius lib. 17. August. lib. 3. de ciuitate.

3. Strab. lib. 4.

4. in statut. Venetor.

Loüable ordonnance de Veni-
ze.


Ordonnance de
Frâce pour le
mariage des fil-
les.

s. coustumes
d'Anjou.

vray est que l'ordonnance y est aussi mal gardee que celle du Roy Charles IX. qui deféd de bailler à la fille en mariage plus de dix mill liures. & neâtmoins l'ordonnance du Roy Charles V. ne dōne aux filles de la maison de France, que dix mil liures. & combien qu'Elizabeth de Frâce, fille de Philippe le Bel, fust mariee au Roy d'Angleterre, si n'eut elle que douze mil liures en mariage. On me dira, que c'estoit beaucoup, veu la rarité d'or, & d'argent: mais aussi la difference est bien grāde entre dix mil liures, & quatre cent mil escus. Et si nous cherchons plus haut, nous trouuerons en la loy de Dieu, que le mariage d'une fille au plus hault, n'est taxé sinon à cinquante sicles, qui font quarante liures de nostre monnoye. cela me fait croire, que la coustume ancienne de Perse est vray-semblable en ce que les commissaires deputez par chacun an pour marier les filles, bailloient les plus honnestes, & plus belles au plus offrāt: & de l'argent, qui en prouenoit, on marioit les moins estimees au rabais: affin que pas vne ne demeurast despourueüe. à quoy le sage legislateur doibt prendre garde, comme tresbien a fait Platon. car d'oster tout moyen aux filles de se pouruoir selon leur qualité, c'est donner occasion de plus grād inconuenient. & semble, que les coustumes d'Anjou, & du maine, ont dōné le tiers es successions nobles en propriété, qui n'est laissé aux masles que par vsufruit, affin que les filles ne demeurassent totalemēt despourueües, n'ayant pas moyen de s'auancer comme les masles, qui ont fait par cy deuant plusieurs plaintes pour reformer la coustume, ce qu'on pourroit aussi bien faire, comme il s'est fait du quint viager en la coustume de Montdidier, & par force, en la coustume de Vandosme, (ancienne chastellenie du pays d'Anjou, au parauant qu'elle fust erigee en Comté, ny Duché) où l'un des puisnez de la maison d'Anjou, ayant pris son aîné prisonnier, luy fist changer la coustume d'Anjou pour le regard de la chastellenie de Vandosme, qu'il auoit eu par vsufruit. Je n'ay parlé que des sugets cy dessus: mais il faut aussi prendre garde, que les estrangers ne prennent pied au Royaume, & qu'ils n'acquierent les biens des sugets naturels: & qu'on ne souffre les vagabons, qui se deguisent en Ægyptiens, & en effect ne sont rien que voleurs: contre lesquels l'ordonnance, faite à la requeste des estats d'Orleans, porte inionction aux magistrats, & gouuerneurs de les chasser hors du Royaume: comme il fut aussi ordonné en Espagne par edit de Ferdinand l'an M. ccccxcii. portant ces mots, *Que los Aegyptianos con senõres salgan del Reyno dentro sessenta dias.* ceste vermine se multiplie aux mons Pyrenees, aux Alpes, aux mons d'Arabie, & autres lieux mōtueux, & infertiles. Voila sommairement les moyens, qui m'ont semblé expediens pour obuier à la pauureté extreme de la pluspart des sugets, & aux richesses excessiues d'un petit nombre, laissant à parler cy apres, si les fiefs, destinez pour le seruice de la guerre, doiuent estre demembrez, ou alienez.

SI LES BIENS DES CONDAMNEZ DOI-
uent estre appliquez au fisque, ou à l'Eglise, ou bien lais-
sez aux heritiers.

CHAP. III.



E chapitre depend du precedent: car l'vne des causes, qui reduist les sugets à pauureté extreme, est d'oster les biens des condānez aux heritiers legitimes, & mesme-
mēt aux enfans, qui n'ont autre appui, ny esperāce, qu'e la successiō de leurs peres & meres. & d'autāt sera grāde la pauureté, plus sera grād le nombre d'enfans, ausquels par droict¹ naturel, la succession des peres apartiēt. & par droict² diuin, ne doiuent porter la peine de leurs peres. Et non seulement la loy de Dieu, & naturelle semblent estre violees en telles confiscations: ains encores la disette, & pauureté, où se voient reduits les enfans, mesmemēt ceux là, qui sont nourris en delices, les met souuent en desesper, qu'il n'y a meschanceté, qu'ils ne facent, soit pour vanger, soit pour finir la pauureté, qui les presse. car il ne faut pas attendre, que ceux-là, qui sont nourris en Seigneurs, seruent en vne boutique, & s'ils n'ont rien appris, ils ne commanceront pas alors, que tous moyens leur sont ostez. Ioint aussi, que la honte, qu'ils ont, soit de mandier, soit de souffrir la contumelie des infames, les forces de se bannir volontairement, & se ranger avec les voleurs, ou corsaires. en sorte que pour vn confisqué, il en sort quelquefois deux ou trois, pires, que celui, qui a perdu les biens, & la vie: au lieu que la peine, qui doibt seruir, non seulement pour la vengeance des forfaits, ains aussi pour diminuer le nombre des meschans, & pour la seureté des bons, vient à produire des effects tous contraires. Ces raisons briefuement touchees, qu'on peut amplifier d'exemples, semblent necessaires, pour mon-
strer, que l'ordonnance³ de l'Empereur Iustinian, receuë, & pratiquee en plusieurs pays, est tres-iuste, & vtile: c'est à sçauoir, que les biens des condamnez seront laissez aux heritiers, sinon en cas de lese maiesté au premier chef. Au contraire, on peut dire, que ceste ordonnance est nouuelle, & contre toutes les loix anciennes, & ordōnances des plus sages Princes, & legislateurs: qui n'ont pas voulu sans cause bien grande, que les biens des condamnez fussent adiugez au public: soit pour reparation des fautes, qui bien souuent n'emportent que l'amende, qui doibt estre payee au public, qui est offensé: car autrement il n'y auroit aucun moyen de punir pecuniairement, qui est toutefois la peine la plus ordinaire: soit pour la qualité des crimes, & de ceux, qui ont desrobbé le public, qui doibt estre satisfait des

1. I. cum ratio naturalis. de bonis damnat.

2. Ezechiel. cap. 18 Deutero. 14. & 4. Reg. 4. Hierc. 31.

3. Authent. bona damnatorum.

Il n'y a rien que les meschans ne fassent pour enrichir leurs enfans.

4. Valer. max. lib. 9. Plut. in vita Ciceron.

5. Cicero pro rabirio perduel.

6. Paul. lib. 5. sententiar. de iure fisci. Tacit. lib. 5.

7. 1. bona fides depositi. ff.

8. 1. quisquis. ad 1. Iul. maiest. C.

biens de celuy, qui a mal pris : soit pour destourner les meschans, qui font tous les maux du monde, pour enrichir leurs enfans, & bien souuēt il ne leur chaut de perdre la vie, voire se damner, pourueu que leurs enfans soient heritiers de leurs pilleries, & concussions. Il n'est pas besoin de verifïer cecy par exemples, qui sont infinis : & me contenteray d'en mettre vn ⁴ seulement, de Cassius Licinius, lequel estant accusé, atteint, & conuaincu de plusieurs larcins, & concussions, voyant que Ciceron, alors president, vestoit la robe tissue de pourpre, affin de prononcer l'arrest, portant confiscation de biens, & bannissement : il enuoya dire à Ciceron, qu'il estoit mort pendant le procès, & au parauant la condamnation : & sur le champ, deuant tout le monde, il s'estouffa d'une seruiette, affin de sauuer les biens à ses enfans. Alors Ciceron, dit Valere, ne voulut prononcer l'arrest. Il estoit bien en la puissance de l'accusé de sauuer sa vie en quittant ses biens, & iusques à la concurrence des fins, & conclusions des accusateurs, comme fist Verres, & plusieurs autres en cas semblable : car par la loy *Sempronia*, il estoit ⁵ defendu de condamner le bourgeois Romain à la peine de mort, ny mesmes de le flastrir par la loy *Portia*. Et combien que Plutarque, & mesmes Ciceron, escrit à son ami Attique, qu'il l'auoit condamné, cela se peut entendre de l'aduis & opinion de tous les Iuges, & non pas qu'il eust prononcé l'arrest. car les loix dernieres touchant la peine de ceux, qui ont pillé le public, ou qui se font mourir, estans preuenus, n'estoient pas encore faites. Et plus de cent cinquante ans apres, les coupables, & accusez, qui s'estoient tuez par desespoir, ou d'ennuy, estoient enseuelis, & leurs testaments ⁶ tenoient, ore qu'ils fussent coupables : *pretium festinandi*, dit Tacite : c'est à dire, que les homicides en leurs personnes auoient cest aduantage sus les autres. Mais soit qu'il fust condamné apres sa mort, soit qu'il mourust de regret, on peut cognoistre euidentement, que plusieurs ne font pas difficulté de se damner, pour enrichir leurs enfans. Et peut estre, que l'un des plus grands foüets, qui empesche les meschans d'offenser, est la crainte, qu'ils ont, que leurs enfans soient belistres, estans leurs biens confisque. C'est pourquoy la loy ⁷ dit, que la Republique a notable interest, que les enfans des condamnez soient indigens, & souffreteux. Et ne peut on dire, que la loy de Dieu, ou de nature, soit enfreinte, attendu que les biens du pere ne sont point aux enfans : & n'y a point de succession de celuy, auquel iustement les biens sont ostez au parauant qu'il soit mort. De dire aussi, que les enfans, despoüillez de tous biens, seront induits à se venger, il n'y a pas si grande apparence, qu'ils ne fassent encore pis, ayans les biens, les moyens, & la puissance de se venger. & de fait, la loy ⁸ deboute les enfans des condamnez au premier chef de lese maïesté de

de toutes successions directes, & collaterales, & laisse aux filles, qui ont moins de puissance de se reuanger, la falcidie és biens maternels. Mais il y a bien vn plus grand inconuenient, si les biens des condamnez sont laissez aux heritiers, c'est que les loyers des accusateurs, & delateurs demeurent esteints, & ne se trouuera personne, qui face les frais de procédures. ainsi les meschancetez demeureront impunies. Voila des inconueniens de part, & d'autre. Et pour en resoudre quelque chose, il est bien necessaire, que les iustes debtes publiques ou particulieres, & les frais du procès soient pris, & deduits sus les biens des condamnez, s'ils ont dequoy. autrement il ne s'en feroit pas grande poursuite. Et pareillement que les amendes soient prises sus les biens de ceux, qui ne sont condamnez, qu'en somme pecuniaire: pourueu toutefois que celà se prenne seulement sus les meubles, & acquests: & quant aux propres, qu'ils demeurent aux heritiers. Et en crime capital, que les meubles, & acquests soient confisque, & vendus au plus offrant, pour les frais du procès, & loyers des accusateurs & delateurs, & que le surpl^s soit employé en œuvres publiques ou charitables: demeurant les propres aux heritiers legitimes. En quoy faisant, on pourra obuier à la pauureté extreme des enfans, à l'auarice des calomniateurs, à la tyrannie des mauuais Princes, à l'euation des meschans, & à l'impunité des forfaits. Car de confisquer les propres heritages affectez aux familles, il n'y a pas grande apparence, où il n'est pas permis de les aliener par testament, ny en plusieurs lieux par disposition entre vifs: ioint aussi, que de là s'en ensuit l'inegalité de biens excessiue. Et pour ceste mesme cause il faut, que les meubles, & acquests soient vendus, & non pas confisque à l'Eglise ny au public: affin que les biens des particuliers en fin ne soient tous appliquez au fisque, ou à l'Eglise: attendu qu'on ne veut pas, que les biens vnis au domaine de la Republique, ou de l'Eglise, se puissent aliener. Et puis il faut, que les delateurs, & accusateurs soient premiez, & salariez, non pas des possessions des condamnez (qui pourroit les inciter à calomnier les gens de bien) ains de quelque somme d'argent. car le desir d'auoir la maison, ou l'heritage d'autrui, qu'on n'a peu auoir pour argent, donneroit grande occasion aux calomniateurs de ruiner l'innocent. Et faut neantmoins donner quelque loyer aux delateurs, & accusateurs: autrement, il ne faut pas esperer, qu'un procureur fiscal, ny le Iuge encores moins face grande poursuite des meschans. Et tout ainsi que le bon veneur n'a garde de faillir à donner la curee aux chiens, qui ont pris la beste sauage, pour les amorcer, & rendre plus alaigres: aussi faut-il, que le sage legislateur donne loyer à ceux, qui attachent les Loups, & Lyons domestiques. Et d'autant qu'il n'y a rien, apres l'honneur de Dieu, de plus grande consequence, que la punition des forfaits, il faut chercher tous les moyens, qu'il est possible d'imaginer, pour paruenir à ce point là. Mais la diffi-

Loyers necessaires aux accusateurs.

L'ordre, que on doit tenir és biens des condamnez.

Les inconueniens d'adiuger la confiscation au public.

culté n'est pas petite, d'oster les confiscations au public, pour les employer comme nous auons dit: & principalement en la monarchie. toutefois il y a tant de raisons, que le sage, & vertueux Prince en fera plus d'estat pour sa reputation, que de tous les biens du monde, acquis par confiscation. Car si le domaine public est de grand reuenu, où les charges leuees sus le peuple sont suffisantes, la confiscation ne doit auoir lieu pour le fisque. si la Republique est pauvre, encores moins faut il l'enrichir de confiscations. autrement c'est ouurir la porte aux calomniateurs de traffiquer le sang des pauvres sugets à prix d'argent: & aux Princes d'estre tyrans. Aussi voyons nous, que le comble de tyrannie extreme, a tousiours esté es confiscations des sugets. Par ce moyen Tibere l'Empereur fist ouuerture d'une cruelle boucherie, laissant la valeur de LXVII. millions d'escus couronne acquis pour la pluspart des confiscations. Et apres luy ses nepueux Caligula, & Neron Empereurs, ensanglanterent leurs mains des plus vertueux, & apparens hommes de tout l'Empire, & la pluspart pour les biens qu'ils auoient: Car on sçait assez, que Neron n'auoit aucune apparence de faire mourir son maistre Seneque, sinon pour auoir ses biens. Et iamais il n'y a faute de calomniateurs, lesquels sçauent tresbien, qu'ils ne seront iamais recherchez de leur calomnie, estans appuyez du Prince, qui en tire partie du profit. Aussi Pline le ieune, parlant de ce temps là, Nous auons dit-il, les iugemens des delateurs comme des brigans, & voleurs: car il n'y auoit ny testamens asseurez, ny l'estat de personne. c'est pourquoy il est enioint aux Procureurs du Roy, par les ordonnances de ce Royaume, de nommer le delateur, si l'accusation en fin de cause se treuve calomnieuse: ce qui est necessaire en Espagne deuant que le Procureur fiscal soit receu à accuser personne, par l'edit de Ferdinand fait l'an M. ccccxcii. en ces termes, *Que nigrum fiscal pueda accusar à conceio persona particular, sin dar primeramente delator.* Brief, si les confiscations ont tousiours esté odieuses en toute Republique, encores sont elles plus dangereuses en la monarchie, qu'en l'estat populaire, ou Aristocratique, où les calomniateurs ne trouuent pas si aisément place. Si on me dit, qu'il ne faut pas craindre ces inconueniens en l'estat Royal, ayant affaire à de bons Princes, ie responds, que le droit des confiscations, est l'un des plus grands moyens, qui fut onques inuenté, pour faire d'un bon Prince un tyran. Car celuy, qui n'a point d'occasion de faire mourir son suget, s'il espere auoir son bien le faisant mourir, il n'aura iamais faute de crime, ny d'accusateurs, ny de flateurs. & bien souuēt les femmes des Princes boutent le feu, & enflamment leurs maris à toute cruauté, pour auoir le bien des cōdamnez. Achab, Roy de Samarie, ne pouuoit arracher ny par prix, ny par prieres la vigne de Nabot: Iezabel, sa femme, luy suborna deux faux tesmoins, pour faire condamner l'innocent, comme coupable de lese

maiesté

Les tyrans enrichis par calomnies. moyennāt les confiscatiōs.

maiesté diuine & humaine. & Faustine ne cessa d'importuner l'Empereur Marc Aurelle son mari, pour faire mourir les enfans innocens de Auidius Cassius, condamné de lese maiesté: les biens duquel l'Empereur vouloit laisser aux enfans: comme il se faisoit anciennement par les Roys de Perse⁷, mesmes au crime de lese maiesté: & s'est fait en ce Royaume quelquefois. Et par les ordonnances de Poulongne la confiscation n'a lieu, sinon au premier chef de lese maiesté: & le plus souvent sont rendus aux parens. Mais c'est chose bien difficile de r'auoir les biens vne fois confisquees, soit à tort, où à droict: car mesmes on tient pour vne regle fiscale, que les amendes adiugees au fisque, & receuës, ne se rendent iamais, bien qu'à tort elles soient adiugees. Et combien qu'il se peut compter autant de bons & vertueux Roys en ce Royaume, qu'il en fut onques en monarchie de la terre, si est-ce qu'on y peut voir le domaine n'auoir point eu plus grand accroissement, que par confiscations, ou par donations forcees. y eut-il onques Prince au monde pareil en vertu, pieté, integrité à nostre Roy saint Louys? & toutefois par les moyens, que i'ay dit, ayant fait condamner Pierre de Dreux, il confisqua, puis reünit à sa couronné le Comté de Dreux⁸: comme il fist aussi à Thibaut, Comte de Champagne, & Roy de Nauarre, qui estoit en mesme danger, s'il n'eust quitté⁹ Bray, Fortyone, & Monstreuil. & Raymond, Comte de Toulouze, le pays de Languedoc: Les pays de Guyenne, Anjou, le Maine, Touraine, Auvergne, sont venus à la couronne par confiscations, du temps de Philippes le¹ conquerant. Le Duché d'Alençon, & le Comté du Perche, sont aussi venus au domaine par confiscation². En cas pareil, Perigort³, Pontieu⁴, la Marche⁵, Angoulesme⁶, l'isle en Iourdain, le Marquisat de Saluces⁷, & tous les biens de Charle de Bourbon, & plusieurs autres seigneuries particulieres, qui ont esté confisquees pour crime de lese maiesté: suiuant la coustume des autres Republiques, & les loix anciennes. Et mesmes par la coustume d'Escoffe, tous les biens des condammnez sont acquis au fisque, sans auoir esgard à la femme, ny aux enfans, ny aux creanciers. chose trescruelle & barbare. Si on me dit, que le Roy vuidant ses mains des fiefs, & terres, qui ne sont pas tenuës de luy sans moyen, suiuant l'ordonnance⁸ de Philippe le Bel, & donnant la pluspart de celles, qui nuement releuent de luy, comme il peut⁹ faire au parauant, qu'elles soient reünies à son domaine: il s'ensuit, que le Prince ne pourra reduire à son domaine, ny approprier au public tous les biens des particuliers, comme il se pourroit faire à la longue. Et pour obuier à cest inconuenient, il n'est pas permis au Roy, d'auoir par retrait feodal les terres, qui releuent de luy sans moyen: car il pourroit aussi se faire seigneur propriétaire de tous les heritages des sugets. celà a esté iugé par arrest du xv. May M. D. XXXIII. Je responds, que

7. Herodot. lib. 3.

8. par arrest donné à Ancenis 1230.

9. 1234.

1. Anno 1202.

2. 1458.

3. 1396.

4. 1370.

5. 1302.

6. 1302.

7. 1335.

8. an. 1304.

9. sepe iudicatum est in Senatu.

1. Cicero in Rullū.
Salust. in Catilin.

ce moyē est plus expedient, que de laisser au public les cōfiscations, cōme il se fist en Rome par la loy *Cornelia*¹, que fist publier le dictateur Sulla, apres auoir enrichi ses amis, & Partisans, de la depouille de ses ennemis: pour euitier l'inconuenient, que i'ay dit: mais il n'y a pas aussi grande apparence de les donner aux flateurs des Princes, & rats de cour: comme il se fait és monarchies mal ordonnees: qui est faire vne ouerture aux calomniateurs, & donner aux indignes les loyers de ceux, qui les meritent. Par ainsi, pour euitier les inconueniens de part & d'autre, autant qu'il sera possible, ie ne voy moyen plus expedient, que celuy, que i'ay dit: que prenant au preallable les frais du procès, les iustes debtes, publiques, ou particulieres, & loyers des accusateurs, le surplus des propres soit laissé aux heritiers, & des acquests employés œuures charitables: à la charge, que ce qui sera adiugé aux accusateurs, ou aux corps, & colleges par charité, sera seulement en somme pecuniaire, & non pas en immeubles, pour les raisons, que i'ay touché cy dessus. Quant aux œuures charitables, il n'y a iamais faute de moyens pour les exercer, soit aux choses diuines, soit aux œuures publiques, soit aux maladies, soit aux pauvres. Anciennement en Rome les amendes estoient² adiugees au tresor des Eglises, pour estre employees aux sacrifices: & pour ceste cause, on appelloit les amendes *sacramenta*, comme dit Sexte Pompee³. Qui fut la cause, que Titus Romilius refusa le bien fait du peuple, qui auoit ordonné, qu'on luy rendroit l'amende, en laquelle il auoit esté condamné, disant, que les choses consacrees à Dieu ne debuoient luy estre ostees. Depuis on les adiugea au fisque⁴, c'est à dire, au tresor public. Et neantmoins la loy permettoit aux Iuges d'en ordonner par leur sentence ainsi qu'ils verroient, que la chose le meriteroit, pour les œuures publiques, ou pitoyables: comme il se fait de loüable coustume en ce Royaume. Ce que i'ay dit des propres, doit principalement auoir lieu, quand il est question des fiefs, pour la prerogatiue, & qualité feodale estans affectez aux anciennes familles, pour seruir au public. A quoy les Almans ont bien pourueu: car en toutes confiscations, les proches parens sont tousiours preferez⁵ au fisque, quand il est question de chose feodale. Qui fait aussi, que les flateurs n'ont pas moyen de calomnier, ny les Princes de faire mourir les gens de bien pour auoir leurs fiefs. Qui semble aussi auoir esté la cause, que par la loy⁶ de Dieu, l'amende estoit consacree à Dieu, & donnee aux Pontifes, si celuy, à qui l'offce estoit faite, ne se trouuoit point, ou qu'il n'eust point d'heritier.

2. Dionysius Halycarnas.
3. In verbo sacramentum.

3. l. ult. de modo multar. C. l. his quoque de sacrosanct. C.

4. Zasius in tractat de feudis.

5. Numeri. 5.

CHAP. IIII.



L'est besoin de traiter icy des loyers, & des peines sommairement : car qui voudroit en discourir au long, on en feroit vn grand œuvre : attendu que ces deux poincts concernent entieremēt toutes Republiques : de sorte que si les peines, & loyers sont bien, & sagement distribuez, la Republique sera tousiours heureuse, & fleurissante : & au contraire, si les bons ne reçoient loyer de leurs merites & les mauuais la peine qu'ils ont deseruie, il ne faut pas esperer, que la Republique soit durable. Et peut estre, qu'il n'y a point d'occasion plus grande, ny de cause plus proche des troubles, seditions, guerres ciuiles, & ruines des Republiques, que le mespris des gens de bien, & la faueur, qu'on donne aux meschans. Quant aux peines, il n'est pas si necessaire d'en discourir, que des loyers : attendu, que toutes les loix, coustumes, & ordonnances en sont pleines, & qu'il y a sans comparaison plus de vices, que de vertus, & plus de meschans que de gens de bien. Mais d'autant que les peines en soy sont odieuses, & les loyers favorables : les Princes bien entédus ont accoustumé de renuoyer les peines aux magistrats, & reseruer à soy les loyers, pour acquerir l'amour des sujets, & fuir leur malueillance. qui est la cause, pour laquelle les Iuriconsultes, & magistrats ont amplement traicté des peines, bien peu touché aux loyers. Et combien que le mot de merite se prend en bonne part, ° comme dit Seneque, toutefois nous en vserons indifferement, & selon la facon populaire de parler. Or tout loyer est honorable, ou profitable, ou l'un, & l'autre ensemble : autrement ce n'est pas loyer, parlant populairement, & politiquement : puisque nous sommes au mylieu de la Republique, & non pas aux escholes des Academiques, & Stoïciens, qui n'estiment rien profitable, qui ne soit honeste, ny honorable, s'il n'est vtile. qui est vn beau paradoxe, & neantmoins du tout contraire aux regles politiques, qui ne balancent iamais le profit au contrepoix d'honneur. car plus les loyers ont en soy de profit, & moins ils ont d'honneur : & tousiours le profit raualle la splendeur, & dignité de l'honneur. Et mesmes ceux-là sont plus estimez, & honnorez, qui emploient leur bien pour maintenir l'honneur. Par ainsi, quand nous parlons des loyers, nous entendons les triomphes, statues, charges honorables, estats, offices, ° benefices, dons, immunitiez de toutes, ou de certaines charges. comme de tailles, d'im-

Les deux fōdements principaux de toute Republique.

o. Altius iniuriæ, quàm merita descendunt. lib. i. de benefic.

Diuers loyers.
o. Seneca lib. i. de beneficiis.

Difference du
loyer, & du
bien-fait.

Differéce d'ot-
troyer les loyers
en l'estat popu-
laire, & en la
monarchie.

1. Tacit. in vita A-
gricol.

2. in moribus ger.

Le prix, & hon-
neur de la vi-
ctoire des sol-
dats est au capi-
taine.

posts, de tutelles, d'aller en guerre: exemptions des Juges ordinaires, lettres d'estat, de bourgeoisie, de legitimation, de foires, de noblesse, de cheualerie, & aultres semblables. Mais si l'office est dommageable, & sans honneur, ce n'est plus loyer, ains au contraire, c'est charge, ou peine. Et ne fault pas confondre le loyer avec le bien-fait: car le loyer se donne pour merite: & le bien-fait par grace. Et tout ainsi que les Republicques sont diuerses, aussi la distribution des honneurs, & loyers est fort differente en la monarchie, & aux estats populaires, & Aristocratiques. En l'estat populaire les loyers sont plus honorables que profitables: car le menu peuple ne cherche qu'à faire son profit, se souciant peu de l'honneur qu'il ottroye volontiers à ceux, qui le demandent. le contraire se faiet en la monarchie, où le Prince, qui distribue les loyers, est plus ialoux de l'honneur, que du profit: & mesmes en la tyrannie, le Prince n'a rien plus à contrecueur, que de voir son suget honoré, & respecté: craignant, que la friandise d'honneur luy donne appetit d'aspirer plus hault, & d'attenter à l'estat: ou bien que le naturel du tyran est tel, qu'il ne peut voir la lumiere de vertu: comme nous lisons de l'Empereur Caligula, qui estoit ialoux, & enuieux de l'honneur, qu'on faisoit à Dieu mesme: & l'Empereur Domitian, ores qu'il fust le plus lasche, & couard tyran qui fut onques, si est-ce qu'il ne pouuoit porter, qu'on fist honneur à ceux, qui mieux l'auoient merité, ains il les faisoit mourir. Quelquefois aussi les Princes, au lieu de recompenser les hommes illustres, les font mourir, bannir, ou condamner aux prisons perpetuelles pour la seureté de leur estat. Ainsi fist Alexandre le Grand à Parmenion, son conestable: Iustinian à Bellissaire: Edoüard III. au Comte de Vvaruich, & infinis autres, lesquels pour loyer de leur proüesse ont esté tuez, ou empoisonnez, ou mal traitez des Princes. Et pour ceste cause Tacite escript², que les Alemans attribuoient à leurs Princes tout l'honneur des beaux exploits, qu'ils faisoient, pour se descharger de l'enuie, qui suit de pres la vertu. Aussi ne voit-on point, que les monarques, & moins encore les tyrans, ottroient les triumphes, & entrees honorables à leurs sugets, quelque grande victoire, qu'ils emportent sus les ennemis: ains au contraire, le sage capitaine, pour triomphe au retour de sa victoire, baissant la teste deuant son Prince, dict, Sire, vostre victoire est ma gloire: ores que le Prince n'y ayt aucunement assisté. car celuy qui commande, merite le prix d'honneur des exploits, qui se font, mesmes en l'estat populaire: comme il fut iugé entré le Consul Lucetace, & Valere, son lieutenant: sus le differend, qu'ils auoient pour le triomphe, que Valere pretendoit luy appartenir, d'autant que le Consul estoit le iour de la bataille absent. Aussi peut on dire, que le Prince

Prince est tousiours celuy, auquel est deu l'honneur de la victoire, ores qu'il s'absente le iour de la bataille: comme faisoit Charle cinquiesme, Roy de France, qui bailloit ses armes à l'un de ses gentilshommes, & se retiroit de la presse, craignant tomber entre les mains des ennemis: & pour ceste cause fut appelé Sage, ayant veu, combien la prise de son pere auoit cousté à la France.

Autant peut-on dire en l'estat populaire, que les victoires des Capitaines appartiennent au peuple, sous les enseignes duquel on a combatu: mais le triomphe pour loyer est decreté au Capitaine: ce qui n'est pas fait en la Monarchie. Qui est la principale, & peut estre la seule occasion, pourquoy il y a tousiours eu plus grand nombre de vertueux hommes es estats populaires bien ordonnez, qu'en la Monarchie: d'autant que l'honneur, qui est le seul prix de vertu, est osté, ou bien fort retranché à ceux, qui le meritent en la Monarchie, & ottroyé en l'estat populaire legitime, & bien reglé, mesmement au faict des armes: car d'autant que l'homme de cuer haut, & genereux estime plus l'honneur, que tous les biens du monde, il n'y a doute qu'il ne sacrifie volontiers sa vie & ses biens, pour la gloire, qu'il en espere. Et plus grands seront les honneurs, plus y aura d'hommes, qui les meriteront. c'est pourquoy la Republique de Rome a plus eu de grands Capitaines, de sages Senateurs, d'eloquens Orateurs, & de sçauans Iuriconsultes, que les autres Republiques Barbares, Grecques ou Latines. car celuy, qui auoit mis en route vne legion d'ennemis, il estoit à son chois de demander le triomphe, ou pour le moins vn estat honorable: & ne pouuoit faillir à l'un, ou à l'autre. Et quant au triomphe, qui estoit le plus haut poinct d'honneur, où pouuoit aspirer le citoyen Romain, il n'y auoit peuple sous le ciel, où il fust plus magnifiquement solennisé qu'en Rome. car celuy, qui triomphoit, faisoit vne entree plus honorable, qu'un Roy ne feroit en son Royaume, traynant les ennemis en chesne apres son chariot, où il estoit hauteleué, & reuestu de pourpre, tissu d'or, accompagné de l'armee victorieuse, braue des depouilles: avec vn son de trompettes, & clairons, rauissans les cueurs des hommes, partie de ioye, & d'atresse incroyable, partie deastonement, & admiration, partie de ialousie, & appetit d'obtenir les mesmes honneurs. Et sur tout, dit ¹ Polybe, ce qui plus enflamboit la ieunesse au prix d'honneur, estoient les statues triomphales tirees au vif, des parens, & ayeuls de celuy, qui triomphoit pour l'accompagner au Campidol: & apres les sacrifices solennels, estoit reconduit des plus grands Seigneurs, & Capitaines en sa maison. Et neantmoins ceux, qui mouroient, estoient louez publiquement deuant le peuple, selon le merite de leur vie passée: & non seulement les hommes, ains aussi les femmes, comme nous lisons en ² Tite Liue. Je sçay bien, qu'il y a des prescheurs, qui trou-

Raison, pourquoy les estats populaires ont plus d'hommes illustres, que les Monarchies.

¹ lib. 6. de Repub. Roman.

² Liuius lib. 6. Matronis honor

aditus, vt earum
sicut virorum so-
lennis laudatio ef-
fet.

uent mauuais ces prix d'honneur: mais ie tiens, qu'il n'y a rien plus necessaire à la ieunesse, comme disoit Theophraste, laquelle est embrasée d'une ambition honneste: & lors qu'elle se voit louer, alors les vertus boutent, & prennent pied ferme. aussi Thomas d'Aquin est d'aduis, qu'il faut paistre vn ieune Prince de vraye gloire, pour luy donner le goust des vertus. Il ne faut donc pas s'esbahir, s'il n'y eut onques peuple, qui ait produit de si grands personnages, & en si grand nombre: car les honneurs, qu'on otroioit és autres Republiques, n'approchoient en rien à ceux là, qu'on decernoit en Rome. C'estoit bien vn grand prix d'honneur en Athenes, & aux jeux Olympiques, d'estre couronné d'une couronne d'or en plein theatre deuant tout le peuple, & loué d'un orateur: ou bien d'obtenir vne statue de cuiure, bouche à court en l'hostel de ville, & le premier, ou des premiers lieux aux seances d'honneur, pour soy, & pour les siens: ce que Democharés requist au peuple pour Demosthene, apres auoir fait recit de ses loüanges. en quoy il n'y auoit pas moins de profit que d'honneur. mais les Romains, pour faire entendre, que l'honneur ne doit estre estimé au profit, n'auoient couronne plus magnifique, que celle de gram, & d'herbe verde, qu'ils estimoiēt plus precieuse, que toutes les couronnes d'or des autres peuples. Aussi iamais elle ne fut decretee, sinon à Q. Fabius Maximus, surnommé Cunctateur, avec ce tiltre, PATRIÆ SERVATORI. En quoy la sagesse des anciens Romains est fort louable, d'auoir par mesme moyē chassé le loyer questuaire, & l'auarice, & engraué l'amour de vertu és cueurs des sugets avec le burin d'honneur. & au lieu, que les autres Princes sont fort empeschez à trouuer argent, epuiser les finances, vendre leur domaine, fouler les sugets, confisquer les vns, depouiller les autres, pour recompencer leurs esclaves (cōbien que la vertu ne se peut estimer à prix d'argent) les Romains n'otroioient, que les honneurs. Et la moindre chose, que rapportoiēt les Capitaines, estoit le profit. & mesmes il y eut vn soldat Romain, qui refusa vne chaine d'or de Labienus, lieutenant de Cesar, pour auoir hazardé sa vie courageusement contre l'ennemy, disant, qu'il ne vouloit le loyer des auaricieux, mais des vertueux, qui est l'honneur, qu'il faut tousiours mettre deuant les yeux d'un chacun: mais il ne faut pas faire, que la vertu suiue, ains qu'elle passe deuant l'honneur: comme il fut ordonné par le decret des anciens Pontifes, quand le Consul Marc Marcel eut fondé vn temple à l'honneur, & à la vertu: afin que les veux, & sacrifices de l'un ne fussent cōfus avec l'autre, il fut aduisé de faire vn mur metoyen, pour separer le temple en deux, en sorte toutefois, qu'on passast par le temple de Vertu, pour entrer au temple d'Honneur. Aussi n'y auoit-il que les anciens Romains, à bien dire, qui entendoient les merites de vertu, & le vray poinct d'honneur. Car combien que le Senateur Agrippa n'auoit pas laissé, de quoy faire ses funerailles, ny le Consul Fabricius,

cius, ny le Dictateur Cincinat, de quoy nourrir leur famille, si est ce que l'un fut tiré de la charrue à la Dictature: l'autre refusa la moitié des Royaumes de Pyrrhus, pour maintenir sa reputation, & son honneur. Iamais, dit Tite Liue, la Republique ne fut mieux garnie de grands personnages, que de ce temps là: ny les estats, & hōneurs ne furent onques mieux distribuez, qu'ils estoient alors. Mais quand ce precieux loyer de vertu estant communiqué aux vicieux, & indignes, deuient contemptible, & mesprisé de tous, il se tourne en rīsee, & deshōneur: ainsi qu'il aduint des anneaux d'or, que la noblesse de Rome getta, voyant Flavius afranchi d'Appius, homme populaire, pourueu del'estat de grād voyer, ou Ædile Curule, qu'on n'auoit accoustumé de bailler sinon aux Nobles. & qui plus est à craindre, c'est, que les gens de bien ne quittent du tout la place aux meschans, pour n'auoir part, ny communication avec eux: comme fist Caton le ieune, lequel estant pris au sort avec plusieurs autres iuges pour iuger Gabinius, & voyant, qu'ils tendoient à fin d'absolution, estās corrompus de presens, se retira de la rote deuant tout le peuple, & rompit les tablettes, qu'on luy auoit baillees. Ainsi firent en ce Royaume les femmes pudiques, qui getterent les ceinctures d'or, defendues à celles, qui auoient souillé leur hōneur, lesquelles neantmoins portoient la ceincture d'or. & lors on dist, *QVE BONNE RENOMMEE VALOIT MIEUX QVE CEINCTVRE DOREE*. car tousiours les gēs de vertu ont porté impatiēmēt d'estre egalez aux meschans au loyer d'hōneur. N'a lon pas veu, que le seul moyē que trouua Charle VI. pour faire quitter l'ordre à mil personnes indignes, qui l'auoiēt arraché par prix ou par prieres, fut l'ordonnance qu'il fist, que les archers du guet de Paris porteroient l'estoile, cōme ils font encores, qui estoit la marque de l'ordre sainct Oūan: alors tous les Cheualiers du desordre quitterēt l'estoile. cōme en cas pareil le peuple d'Athenes cassa la loy del'Ostracisme, par laquelle les plus gens de bien estoient bannis du pays pour dix ans, quand Hyperbolus, l'un des plus meschans hommes d'Athenes, y eut esté condāné. C'est dōc chose fort dangereuse, & pernicieuse en toute Republique, d'otroyer les hōneurs, & loyers sans discretion, ou vėdus à prix d'argent: combien que ceux, qui pensent acquerir honneur, en payant leurs estats, s'abusent autant, que ceux, qui pensent voler avec les ailes d'or d'Euripide: faisans de la matiere la plus pesante ce qui doit estre le plus leger. Et alors le plus pretieux tresor, qui est l'honneur, se tourne en deshonneur: & depuis qu'une fois l'honneur est perdu, alors on se deborde impudemēt en tous vices, & meschancetez: ce qui n'auindra iamais, si la distribution des loyers, & des peines est reglee par iustice harmonique, comme nous dirons sur la fin de cest œuvre. Si le triomphe est decerné au Consul, c'est la raison, que les capitaines, & lieutenans emportent les estats, & offices:

L'ordre naturel d'hōneur, & de vertu.

3. Plutar. in Nicia.

Le prix d'honneur tourne en contumelie, quand il est otroyé aux indignes.

Proportio har-
monique en la
distributio des
loyers.

les gens de cheual, les couronnes, & cheuaux: les soldats aussi ayent part aux harnois, armes, & depouilles. & au departement des offices, qu'on ait egard aussi à la qualité des personnes: aux Nobles, les Consuls, & gouuernemens: aux roturiers, les Tribunats, & autres menus offices propres à leurs qualitez, & merites. & neantmoins si la vertu est si grande, & illustre en vn roturier, en vn soldat, qui surpasse tous les autres, c'est bien raison, qu'il ait part aux plus grands estats, comme il fut arresté par la loy *Canuleia*, pour appaiser les seditions d'entre les roturiers, & la Noblesse Romaine. mais qui voudroit tout à coup d'un roturier, qui n'a iamais veu les armes, faire un Consul, un Cheualier de l'ordre, un Cōestable, il n'y a doubte, qu'il effaceroit la dignité des loyers, & mettroit tout l'estat en combustiō. Anciennement pour faire un simple Cheualier, il n'y auoit pas moins de difficultez, qu'il y a maintenāt à faire un Colonel: il falloit bien l'auoir merité, & se preparer avec grande solennité. Et mesmes les Princes du sang, & les enfans des Roys, n'estoient receus Cheualiers, sinon avec fort grande ceremonie, comme on peut voir de saint Loüys, quand il fist Cheualier son fils aîné Philippe III. qui depuis aussi passa Cheualier Philippe le Bel, l'an M. cclxxxiii. & cestuy-cy, ses trois enfans, presens tous les Princes. & qui plus est, le Roy François I. apres la iournee de Marignan, se fist passer Cheualier par le capitaine Bayard, prenant l'espee de luy. Mais depuis que les casaniers, & poltrons emporterent aussi ce prix d'honneur, les vrais Cheualiers n'en firent plus d'estime: de sorte que Charles VI. au siege de Bourges, en fist plus de cinq cens bannerets, & plusieurs autres Cheualiers, qui n'auoient point de puissance de leuer banniere, qui en leuerent, comme dit Monstrelet. Ainsi aduint-il de la Ceinture militaire, que les Empe- reurs donnoient par honneur, comme le Collier de l'ordre: & l'ostioient par contumelie, comme fist l'Empereur Iulian à Iouinian, & autres capitaines Chrestiens. & l'honneur de Patriat, que les Empeurs d'O- rient estimoient le plus haut poinct d'honneur, & de faueur, n'estoit otroyé du commencement, qu'aux plus grands Princes, & Seigneurs: comme nous lisons, que l'Empereur Anastase enuoya l'ordre de Patriat au Roy Clouis, en la ville de Tours. mais depuis qu'on l'eut cōmu- niqué à gens de basse condition, & indignes d'un tel honneur, person- ne n'en fist plus conte. qui fait que les Princes sont reduits à ceste neces- sité, de forger de nouveaux honneurs, nouveaux prix, nouveaux loyers, cōme Edouard III. en Angleterre, fist l'ordre de saint George. & quasi au mesme temps, c'est à sçauoir, le VI. Ianuier M. cccLi. le Roy Iean in- stitua l'ordre de l'Estoile au chasteau saint Oüan. & long temps apres Philippes II. Duc de Bourgongne, institua l'ordre de la Toison d'or: & quarante ans apres Louys XI. Roy de France, l'ordre saint Michel: cōme aussi depuis les Ducs de Sauoye ont institué l'ordre de l'Annon-
ciade,

ciade, & autres princes ont fait le ſéblable: pour honorer du titre de Cheualerie ceux, qui le meritēt, & qu'ō ne peut recōpēser d'autres bienfaits.

Mais le premier article de l'inſtitutiō de la Toiſon, qui fut faite le x. Ianuier M. ccccxxix. porte, qu'il n'y auroit cheualier de l'ordre, q ne fuſt gétilhōme de nom, & d'armes, & ſans reproche. le ſecōd article ne permet de porter autre ordre de quelque Prince que ce ſoit, ſinō du gré, & conſentement du chef de l'ordre. le v. article ne veut, que les diſſenſions perſonelles des Cheualiers entr'eux, ſoiēt decidees par autres iuges, que ceux de l'ordre: lequel eſt eſtably en corps, & college, avec Chancelier, Treſorier, Roy d'armes, greffier, ſeel particulier de l'ordre, & iuriſdictiō ſouueraine, ſans appel, ny requeſte ciuile. Loüys xi. à l'exemple de Philippe, Duc de Bourgongne, qui l'auoit nourry au temps de ſa fuyte, inſtituant l'ordre S. Michel en corps, & college: le premier iour du mois d'Aouſt M. cccc L x i x. employa les articles que j'ay touchez: & tous les autres articles portez en l'ordonnance de la Toiſon: & en outre, au xxxv. article, il eſt porté, que le iour que le chapitre de l'ordre ſera tenu, qu'il ſera fait examen des Cheualiers l'un apres l'autre, qui ſe retireront pendant la censure: & puis ſeront rappelez, pour ouyr les remonſtrances, cenſures, & condānations de la bouche du Chancelier de l'ordre: & au xxxviii. article il eſt porté, qu'il ſe fera auſſi examen, & cenſure du ſouuerain, & chef de l'ordre, qui eſt le Roy, comme des autres, pour ſouffrir la peine, & correction à l'aduiſ des freres de l'ordre, ſi le cas y eſchet, & ſ'il a commis rien, qui ſoit contre l'honneur, eſtat, & debuoir de cheualerie, & contre les ſtatuts de l'ordre: & au xlii. article il eſt porté, que ſi le lieu de l'un des Cheualiers viēt à vaquer, le chapitre procedera à nouuelle election d'un autre: & ne ſera la voix du ſouuerain cōptee que pour deux: & ſera tenu tant le ſouuerain, que les autres cheualiers de l'ordre, faire ſerment ſolennel à l'entree du chapitre, d'eſlire le plus digne, qu'ils cognoiſtront, ſans auoir eſgard à hayne, amitiē, faueur, lignage, ou autre occaſion, qui peult emouuoir le iugement de l'homme de conſeil loyal, veritable, & non ſuſpect: lequel ſerment ſera fait entre les mains du ſouuerain, depuis le premier iuſqu'au dernier. & au dernier article y a claue expreſſe, que le Roy ny ſes ſucceſſeurs, ny le chapitre de l'ordre ne pourra deroger aux articles de l'ordonnance. Voila ſommairement l'inſtitution de l'ordre, & college d'hōneur le plus beau, & le plus Royal, qui fut onques en Republique du monde pour attirer, voire pour forcer les cueurs des hommes à la vertu. Peut eſtre on pourroit dire, que le premier article portant le nombre de xxxi. en l'ordre de la Toiſon, & de xxxvi. en l'ordre de France, & de xl. en l'ordre ſainct George, inſtitué à Vvindeſore, tranche le chemin à la vertu, qu'il eſt expreſſément defendu au dernier article des ordonnances de Loüys onziēſme d'accroître le nombre, ores que le Prince ſouuerain, & tout le chapitre fuſt de ceſt aduiſ. mais i'eſtime, que c'eſt l'un des prin-

L'ordre de France, d'Angleterre, & de Bourgongne.

Articles notables tirez des ordōnances de Loüys xi. ſus l'ordre de France.

Nombre effrené de Cheualiers de l'ordre a ruiné l'ordre.

o. l'an 1566. le 29. Aoust.

cipaux articles qu'il falloit garder, pour euitier aux inconueniens qu'on auoit veu au nombre effrené de l'ordre sainct Oüan. car le nombre est assez grand pour receuoir ceux qui meriteront tel honneur: & moins il y en aura, & plus il sera desiré de tous: cōme au ieu de prix, qui est d'autant plus auidentement souhaité, que chacun l'espere, & peu qui l'emportent. car en ce nombre n'y sont pas compris les Princes souuerains, auxquels on fait present de l'ordre par honneur seulement: autrement ils ne peuuent estre obligez aux ordonnances, & retenir les droicts, & marques de souueraineté. Et combien que le nombre fust petit, si est-ce qu'il n'y auoit que quatorze Cheualiers, quand l'ordre fut institué, qui sont nommez en l'ordonnance: & du temps du Roy François premier, le nombre ne fut iamais remply. aussi est-il certain, qu'il n'y a rien, qui plus raualle la grandeur du loyer, que le communiquer à tant de personnes. Et pour ceste cause, plusieurs voyans le peu de prix, qu'on faisoit de l'ordre, ont obtenu, que leurs seigneuries seroient erigees en tiltre de Comtez, Marquisats, Duchez: & en peu de temps le nombre est creu en telle sorte, que la pluralité a causé le mespris, & la prouision de Charles neufiesme, par lequel il est ordonné, que de lors en auant les Duchez, Marquisats, & Comtez seront vnis à la Couronne, si les Ducs, Marquis, & Comtes meurent sans hoirs masles issus de leurs corps: ores que lesdites seigneuries n'eussent esté anciennement du domaine. Qui est vn edit bien necessaire pour refiener l'ambitiō insatiable de ceux, qui n'ont merité ces tiltres honorables, desquels le Prince doit estre ialoux. Et generally en tous dons, loyers, & tiltres d'honneur, il est expedient pour donner plus de grace au bien-fait, qu'il n'y ait autre, que celui, qui tient la souueraineté, qui l'otroye à celui, qui l'a merité, qui s'en tient beaucoup plus honoré, & plus fier, quand son Prince mesme luy a donné son loyer, l'a veu, l'a oüy, l'a caressé. Aussi le Prince, sur tout, doit estre ialoux, que la grace de son bien-fait luy demeure, & chasser de sa Cour les vendeurs de fumees, ou les chastier, comme fist Alexandre Seuer, qui en fist attacher vn au posteau, comme dit Spartian, & le fist mourir à force de fumee, faisant crier par la trompette, Ainsi perissent de fumee les vendeurs de fumees. Il estoit domestique de l'Empereur, & si tost qu'il scauoit le nom de celui, que l'Empereur vouloit gratifier d'un honneur, d'un estat, il alloit au deuât, luy promettre sa faueur, qu'il vendoit bien cher, cōme vne sangsue de cour, humoit le sang des sugets au deshōneur de son Prince: lequel ne doit auoir rien plus cher, que la grace de ses dons, & liberalitez: autrement, s'il endure, q̄ ses domestiques luy derobēt les faueurs des sugets, il y a dāger, qu'en fin ils ne se facēt de seruiteurs maistres: cōme fist Absalon, lequel se mōstrāt gracieux, & courtois à to⁹ les sugets, abusāt des charges honorables, offices, & benefices, en les dōnant sous la faueur du Roy son pere, à qui bō luy sembloit, luy vola, dit l'escriture, le cœur des sugets, & le chassa du throsne Royal.

Nous

Nous lisons aussi ⁶ d'Othon, qu'ayant receu deux mil cinq cens escus pour vne dispense, qⁱ l'Empereur Galba dōna à sa requeste, il les distribua aux Capitaines des gardes : & fut le principal fondement d'enuahir l'estat, apres auoir fait tuer Galba. qui ressembloit à l'aigle, que l'Empereur Iulian mettoit en son blazon, laquelle arrache ses plumes, desquelles on luy prepare des fleches pour la tirer. Pour mesme occasion les Roys, issus de Meroüice, & de Charlemagne, furēt chassez de leur estat, par les Maires du Palais, qui donnoient tous les offices, & benefices, à qui bon leur sembloit, sans que les Roys s'entremessassent de rien donner. c'est pourquoy Loup, Abbé de Ferrieres, escriuoit à Charle¹¹¹. Roy de France, qu'il se gardast sur tout, que ses flateurs, & courtisans ne luy rauissent la grace de ses bien-faits. On me dira, qu'il est impossible, qu'un Prince refuse ses freres, sa mere, ses enfans, ses amis. Il est biē mal-aisé d'en eschapper. mais i'ay veu vn Roy lequel se voyant importuné de son frere pour autruy, luy dist en la presence du poursuyuant, Mō frere, pour ceste heure ie ne feray rien en faueur de vous, mais bien pour l'amour de cestuy-cy, auquel il otroya gracieusement ce, que demandoit son frere.

Mais si le Prince veut se lascher du tout au plaisir des siens, on pourra bien dire, qu'il n'est qu'un chiffre, qui donne toute la force aux autres, & ne reserue rien pour soy. Il faut donc qu'il cognoisse les gens de bien, & de vertu. Et neantmoins que les requestes qu'on luy fait pour obtenir quelque chose, passent par les mains de quelques grands personnaiges, & de ses plus loyaux seruiteurs, lesquels destournent les poursuiuans, si la chose, qu'ils demandent est iniuste: ou pour le moins, qu'ils la communiquent au Prince à part, afin qu'il se prepare d'y respondre, & qu'il ne soit surpris. Et par ce moyen, les importuns seroient rebutez par les gens de bien, & n'auroient point d'occasion d'estre mal contents du Prince, qu'ils penseroient n'en auoir rien entendu : ou bien, qui auroit payé l'importun de raison pertinente. En quoy on a^o loué grandement l'Empereur Tite, par ce que iamais il ne laissoit personne mal-content, soit qu'il otroyast, soit qu'il refusast ce, qu'on luy demandoit : & pour ceste cause, fust appellé les delices du gēre humain. Ioint aussi, que l'importun demandeur, sçachant, que sa requeste sera veuë, leuë, examinee par vn Chancelier, ou maistre des requestes sage, & entendu, ne sera pas du tout si hardy de poursuyure chose iniuste. Car il n'y a iamais faute de flateurs, & demandeurs impudens autour des Roys, qui n'ont autre but: que de humer le sang, rōger les os, succer la moüelle des Princes, & des fugets: & ceux, qui plus ont meritē de la Republique, sont ordinairement les plus eslongnez: non seulement pource que l'honneur leur defend de flater, & belistrer les loyers de vertu, qu'on leur doit offrir: ains aussi pour la difficulté des frais, & despēces, qu'il faut faire à la poursuite, & bien souuent sans aucune esperance. Et s'il aduient, que leur placet soit regetté, ils n'attendent pas le secōd refus, non plus que fist Cal-

6. Tranquil. in Othone.
Vēdeurs de fumes pernicieux à vn estat.

o. Trāquil. in rito.

La raisō pourquoy les gens d'hōneur, & de vertu sont frustrez des iustes loyers, qu'ils meritent.

8. Plutar. in Lyfan.

Raison pour-
quoy on est pl^o
prompt à se vā-
ger, qu'à remer-
cier.

o. Seneca. Altius
iniuriarū quā mē-
rita descendunt.

licratidas Capitaine Lacedemonien, des plus vertueux de son aage, lequel fut moqué des courtisans du ieune Cyrus, par ce qu'il n'eut pas la patience de faire long temps la cour: & au contraire Lyfandre flatteur, & courtisan, s'il en fut onques, obtint tout ce qu'il⁸ demanda. L'homme paisible, & honteux en ce cas se trouue estonné, où les impudens l'emportent, & sçauent la coustume des Princes, qui ayment tousiours ceux, auxquels ils ont plus fait de bien, & la pluspart d'entr'eux hait ceux, auxquels ils sont plus obligez. & à dire vray, la nature du bien-fait est telle, qu'elle n'oblige pas moins celuy, qui le donne, que celuy qui le reçoit: & au contraire, l'action de graces, & recognoissance est fascheuse, mesmemēt aux ingrats: & la vengeance leur est fort douce: dequoy Tacite rend la raison, quand il dit, *Proniores ad vindictam sumus, quā ad gratiam: quia gratia oneri, ultio in quæstu^o habetur.* Et combiē que plusieurs Princes ne payent, & ne donnent rien que des parolles, & neantmoins ils tiēnent vne ombre de promesse, qu'on leur a fait, pour vne forte obligation.

Encores y a-il vn autre poinct, qui empesche, ou retranche le salaire des gens de bien: c'est, que si le sage Prince fait vn don, s'il accorde vn placet, vn office, vn priuilege, vn benefice, à qui que soit, deuant qu'il en puisse iouyr, il luy coustera la moitié du bien-fait: encore bien souuēt les promesses sont bien cher vendues, & lon n'emporte rien: qui est vne maladie incurable, sinon avec peines rigoureuses. à quoy il est bien necessaire de pouruoir, puis qu'il est ainsi que la peine, & le loyer sōt les deux plus forts liens, qui puissent retenir la Republique en son estat. Le plus beau moyen d'y remedier, ce seroit, que le Prince fist apporter, & deliurer le don, & s'il estoit possible, qu'il en fist luy mesmes present, quand la personne est illustre: car le don venant en ceste sorte de la main du Prince, a plus d'efficace, & de puissance, que cent fois autant donné par autrui à regret, ou retranché pour la pluspart. Il y a mesme iugemēt de la louange, que le Prince donne de sa bouche à celuy, qui le merite, qui a plus d'effect, que toutes les richesses, qu'on sçauroit donner: & le blasme est vn estoc poignant à merueilles les cœurs des hommes genereux, pour les forger de bien faire. Mais il est impossible de voir iamais la distribution des peines, & loyers tant, que les Princes mettront en vête les estats, offices, & benefices: qui est la plus dangereuse, & pernicieuse peste, qui soit és Republiques. Tous les peuples y ont pourueu par bonnes loix: & mesmes en ce Royaume les ordōnances saint Loüys portēt infamie à ceux, qui auront interposé la faueur de quelques vns, pour obtenir offices de iudicature, qui a esté assez bien executee iusques au Roy François premier: & se gardent en Angleterre à toute rigueur: comme i'ay sçeu par M. l'Ambassadeur Randon Anglois: ce qui est aussi bien estroittement ordonné par l'edit de Ferdinand, bisayeul maternel de Philippe, fait l'an M. ccccxci. où la forme d'eslire les offices de iudicature est portee: & *que no se puedan vender, ny trocar, officios de Alcaldia;*

La plus dange-
reuse peste des
Republiques,
est la traffique
des offices, &
benefices.

ny algnaziladgo, ny regimento ny veyntesquatria, ny fiel. executoria, ny iuraderia. Il n'est pas besoin de mettre par escrit les inconueniens, & malheurs, qui aduiennēt aux Republiques pour la trafique des estats: car ce seroit chose infinie, & par trop cogneuē d'un chacun. Toutefois il est plus difficile de persuader en l'estat populaire, que telle marchandise est bonne, qu'en l'estat Aristocratique, où les plus riches tiennent la souueraineté: car c'est le moyen, qu'ils ont pour forclorre des estats le menu peuple, qui veut auoir part aux offices en l'estat populaire, sans payer finance. & neantmoins il est mal-aisé de bien garder les defenses, quand le menu peuple tire profit pour eslire les hommes ambitieux. Quant au Monarque, la pauureté quelquefois le contraint, de casser les bonnes loix, pour subuenir à ses affaires. Et depuis qu'une fois on a fait cest ouuerture, il est presque impossible d'y remedier. la loy ⁹ *Petilia* defendoit d'aller aux foires, & assemblees pour mandier la faueur, & la voix des citoyens: & mesmes la loy ¹ *Papiria* ne souffroit pas, qu'on portast la toge blanche. la loy ² *Calpurnia* declaroit incapables à iamais demāder office tous ceux, qui seroient condamnez d'ambition, ³ hormis celuy, qui en auroit accusé, & conuaincu vne autre: & celuy, qui auoit fait condamner son competeur comme ambitieux, il ⁴ emportoit son estat. Depuis les peines furent augmentees par la loy ⁵ *Tullia*, publiee à la requeste de Ciceron: car il fist ordonner, que le Senateur, condamné d'ambition, seroit banny pour dix ans. Toutefois les plus riches ne laissoient pas d'y contreuenir, & enuoyer leurs couratiers en l'assemblee des estats, avec grandes sommes de deniers, pour corrompre le peuple. de sorte, que Cesar, pour n'auoir au Consulat homme qui luy fist teste, offrit à son amy Luceius autāt d'argent qu'il en falloit, pour achepter les voix du peuple. dequoy le Senat estant aduerty, ordonna vne grande somme de deniers à son competeur, Marc Bibule pour achepter la voix du peuple, comme dit Suetone. Cela se fist sus le declin de l'estat populaire, qui fut renuersé pour ceste occasion. Car il est bien certain, que ceux-là, qui mettent en vente les estats, offices, & benefices, ils vendent aussi la chose la plus sacree du mōde, qui est la iustice: ils vendent la Republique: ils vendent le sang des sugets: ils vendent les loix: & ostans les loyers d'hōneur, de vertu, de sçauoir, de pieté, de religion, ils ouurent les portes aux larcins, aux concussions, à l'auarice, à l'iniustice, à l'ignorance, à l'impieté, & pour le faire court, à tous vices, & ordures. Et ne faut point, que le Prince s'excuse sus la pauureté: car il n'y a excuse du monde veritable, ny vray-semblable, de chercher la ruine d'un estat sous le voile de pauureté. Combien que c'est chose ridicule à un Prince de pretendre la pauureté, veu qu'il y a trop de moyens d'y obuier, s'il y veut entendre. Nous lisons, que iamais l'Empire Romain ne fut plus pauvre, ny plus endebté, que sous l'Empire d'Heliogabale, monstre de nature: Et toutefois Alexandre Seuer, son successeur, l'un des plus sages, & vertueux Princes, qui fut onques,

9. anno ab V. C. cccxcv. lata Liuius lib. 7.

1. anno cccxxix. ab V. C. Liuius lib. 4.

2. anno dclxxvi. ab V. C. Dio. lib. 26.

3. Cice. pro cluent.

4. Cicero. pro Syl.

5. Dio. lib. 37. & Cicero. pro Muræna.

Les inconueniens, qui prouiennēt de l'achat des offices.

6. Spartian.

7. Spartian.

n'endura iamais la vente des offices:& dist tout haut en plein Senat, *Non patiar mercatores potestatum*. Et neantmoins ce bon Empereur raualla les charges, & imposts, de telle sorte que celuy, qui payoit xxxi. escu sous Heliogabale, ne paya qu'un escu sous Alexandre: Encores auoit-il deliberé n'en prédre que le tiers, s'il eust vescu. mais il ne regna que xiiii. ans, apres auoir aquité les debtes de son predecesseur, & soustenu les efforts des Parthes, & des peuples de Septentrion, laissant l'Empire fleurissant en armes, & en loix. Vray est, que sa maison estoit sagement reglee, les prodigalitez excessiues retrâchees, les dons echarfement distribuez, les larrons esclairez de si pres, qu'il n'en reschappoit iamais vn, dõt il eust cognoissance: aussi les auoit-il en extreme^r horreur. Il estoit seuer: mais cela non seulement rendoit sa maiesté plus grande, ains aussi faisoit, que les flateurs, & rats de Cour n'osoient approcher de luy. Nous auons monstré cy dessus, que la douceur d'un Prince, & niaise simplicité est pernicieuse à un estat. Depuis que le grâd Roy François deuint sus l'age austere, & peu accessible, les flateurs, & sangsuës de Cour vuidèrent, & peu à peu il mesnagea si bié, qu'il se trouua apres sa mort quitte, & dixsept cés mil escus en l'espargne, outre le quartier de mars, qui estoit prest à receuoir: & son Royaume plein de sçauans hommes, de grands Capitaines, de bons Architectes, & de toutes sortes d'artisans, & les frontières de son estat iusques aux portes de Milan, & vne paix asseuree avec tous les Princes. Et combié qu'il auoit eu plus d'affaires, & plus d'ennemis que Roy, qui fust de son temps, & payé sa rançon: si est-ce qu'il embellit ce Royaume de beaux, & grands edifices, villes, & forteresses. mais la facilité, & trop grande bonté de son successeur, a fait, peut estre, que douze ans apres le Roy Charles ix. trouua l'estat endebté de quarante & trois millions, quatre cens quatre vingts trois mil neuf cens trente & neuf liures, comme i'ay par l'estat des finances, & les pays de Piedmont, de Sauoye, & tout ce qu'on auoit acquis en trente ans, perdu: & le reste bien engagé. Je ne dy point combien la France decheut de la splendeur, & dignité qu'elle auoit eu: combien les grands personages furent esloignez de leur degré, les vertueux hommes rabaissez, les sçauans mesprisiez. Et tous ces malheurs sont aduenus, pour auoir prodigalement donné les estats, offices, benefices, & finances aux indignes: & souffert l'impunité des meschâs. Si dõc le Prince veut laisser la peine aux Magistrats, & Officiers, comme nous auons dit, qu'il est expedient, & distribuer les loyers, à qui il appartient deuant les biens-faits peu à peu: affin que la grace en soit plus durable, & les peines tout à coup: affin que la douleur en soit moins griefue à celuy, qui souffre, & la crainte engrauee plus auant au cœur des autres: en ce faisant il remplira non seulement sa Republique de gens vertueux, & donnera la chasse aux meschans, qui est le comble de la felicité des Republiques: ains aussi bié tost il acquittera ses debtes, s'il est endebté: & s'il est quitte, il conseruera le tresor de son espargne.

espargne. Et affin que le Prince ne soit surpris en dōnant, il est expediēt de mettre en execution vne tresbelle, & ancienne ordonnance de Philippe de Valois, verifiee en la Cour de Parlement, & en la chambre des Comptes: par laquelle il fut arresté, que tous dons du Roy seroiēt nuls, s'ils ne contenoient les dons precedens ottroyez aux donataires, & à leurs predecesseurs. la verification est en date de l'vnziesme de May M. C C C. x x x i i i. mais deux ans apres l'ordonnance fut reuoquee, par le moyen de ceux qui auoient senti, combien cela leur portoit de preiudice, & fut dit, qu'il suffiroit, que la derogatoire y fust apposee, cōme i'ay appris des anciens registres de la Cour. Il y a encores vne autre ordonnance de Charles v i i i. qui porte, que tout don au dessus de cent liures sera verifiee. mais depuis on y a fait tant de fraudes, qu'il s'est trouué homme si hardi en ce Royaume, de se vanter en la plus belle assemblee, qui fust lors, auoir acquis, outre les estats qu'il tenoit, cinquante mil liures de bonne rente, & toutefois, qu'il ne se trouueroit pas en tous les registres de la chambre vn seul don à luy fait: i'açoit qu'il fust tout notoire, qu'il n'auoit rien, que du Roy. Il ne faut donc pas s'esmerueiller des grandes debtes, puis que les finances sont espuisees si excessiuement, & d'une facon si estrange, que celuy, qui plus en a receu, fait à croire qu'il n'a rien eu. Combien que donner tant à vne personne, ores qu'il meritaist bien, non seulement espuise les finances d'une Republique, ains encore incite les mal-contens à seditions, & rebellions: & l'un des moyens de conseruer vn estat en sa grādeur, est distribuer les dōs, & loyers à plusieurs, afin de contenter vn chacun, & que les vns facent contrecarre aux autres. Encores le Prince bien aduisé doit dōner echairement aux importuns, & offrir à ceux, qui ne demandent rien, pourueu qu'ils meritent. car il y en a, qui ne peuuent iamais rien demander, ny mesmes receuoir, quād on leur offre: comme disoit Antigone, Roy d'Asie, qu'il auoit deux amis, dont l'un ne pouuoit estre assouuy, & à l'autre on ne pouuoit rien faire prédre. Et enuers telles gēs denys le vieux, seigneur de Syracuse, se portoit sagement: car à nous dit Aristippe, qui demātons beaucoup, il donne peu: & à Platon, qui ne prend rien, il donne trop. c'estoit donner seürement, & retenir la grace, & l'argent. Combien que les Princes ont plusieurs moyens de bien-faire, & gratifier, autrement que par argent. qui est moins estimé enuers les gens d'honneur, qu'un bon regard, vn bon visage, vne alliance, vn mariage, vne gracieuse recognoissance. & quelquefois le bien-fait est tel, qu'il apporte autant, ou plus de profit à celuy, qui l'otroye, qu'à celuy, qui le reçoit. Charles v. Empereur, estāt de retour en Espagne, pour recognoissance de ce, qu'il debuoit au Duc de Calabre (qui n'auoit refusé la couronne, & le Royaume d'Espagne à luy présenté par les estats, ores qu'il fust prisonnier) il le retira de prison, & le maria à la plus riche Princesse qui fust lors, veufue du Roy Ferdinand. de quoy le peuple receut grand contentement: le Duc grans biēs,

Dons faits en
seüreté.

Gétille rusé de
l'Empereur
Charles v.

Donner vne
chose à plu-
sieurs, est perni-
cieux à vn estat.

Loix de libera-
lité.

5. Pli. de viris illu-
stribus. Liuius
lib. 2.

6. Q. Curse. Plut.

Origine des
Roys de Portu-
gal.

honneurs, & liberté: l'Empereur l'amitié du Duc, l'amour du peuple, & la feureté de son estat, sans rien debourser: & qui plus est, il empeschoit par ce moyen la vefue d'espouser vn Prince estranger, & bailloit au Duc vne femme aagée, & sterile, affin que la lignee du Duc, qui pretendoit le Royaume de Naples, luy appartenir, faillist en luy. C'est donc l'un des principaux poincts, que le Prince se doit mettre deuant les yeux, que ses dons & liberalitez se fassent d'un cœur agreable. Car il s'en trouue de si mal gracieux, qu'ils ne donnent iamais rien sans reproche: ce qui oste du tout la grace au bien-fait: & mesmement si le bien-fait tient lieu de loyer, & recompense. Les autres font bien pis, c'est qu'ils donneront tousiours vn estat, vn office, vne confiscation à plusieurs, sans aduertir ny les vns, ny les autres: qui n'est pas vn bien-fait: ains vne iniure: car c'est getter la pomme d'or entre les sugers, pour les ruiner: aussi voit-on, que les donataires bien souuent se ruinent en procès, ou se tuent les vns les autres. Et au lieu que le Prince les deuoit entretenir en amitié mutuelle: & gagner leur amour, & obeissance, il perd le tout ensemble. Qui est vne lourde faute en matiere d'estat, & neantmoins coustumiere à plusieurs Princes, & fondee sur vn faux principe, qu'on apprend aux ieunes Princes, Qu'il faut estre liberal à tous, ne refuser rien à personne, affin de gagner les cœurs d'un chacun: & neantmoins la fin est du tout contraire à ce qu'ils ont proposé, donnant vne mesme chose à plusieurs. Et de ne refuser rien à personne, ce n'est pas estre liberal, ny sage: ains au contraire, prodigue & indiscret. Le Prince doit estre non seulement liberal, mais aussi magnifique: pourueu que de magnifique, il ne deuienne pas prodigue: car de prodigue, il deuiendrait bien tost exacteur, & d'exacteur tyran: & apres auoir donné tout ce qu'il auroit, il donneroit ce qu'il n'auroit pas. Les loix de liberalité commencent, qu'on regarde bien, à qui on donne, combien on donne, en quel temps, en quel lieu, à quelle fin, & la puissance de celuy, qui donne. mais le Prince souuerain doit en outre regarder, que le loyer soit preallable au don: & qu'il recompense premierement ceux, qui ont mérité, deuant que donner à ceux, qui n'ont rien mérité: & sur tout, mesurer ses largesses au pied de sa puissance. Les Romains pour soulager la pauureté d'Horace le borgne (qui auoit tout seul soustenu l'armée des ennemis, & sauué la ville du sac) luy donnerent vn iournau de terre. c'estoit beaucoup, car ils n'auoient alors que deux lieues d'estendue pour tout territoire. Mais Alexandre le grand donnoit les Royaumes, & les Empires, & les talents à milliers: chose, qui estoit bien seante à sa grandeur, & maiesté. Alphons v. Roy de Castille, donna bien le Royaume de Portugal à Henry de Boulongne de la maison de Lorraine, duquel sont issus les Roys de Portugal, depuis cinq cens cinquante ans: c'estoit pour loyer de sa vertu, & en mariage faisant de sa fille bastarde avec luy. Mais encores fut-il blasme d'auoir donné vn si bel estat, veu que le sien alors n'estoit gueres plus grand.

Aussi

Aussi peut on dire, que la coustume des anciens Romains estoit loüable, de nourrir aux despens du public les trois iumeaux d'une portee, pour loyer, & memoire de l'heureuse victoire des trois Horaces iumeaux. mais la loy de Solon, qui vouloit, que les enfans de ceux, qui estoient morts en guerre, fussent nourris aux despens du public, ne fut pas long temps entretenüe, ores qu'elle fust pratiquée anciennement en toute la Grece, comme nous lisons en Aristote au liure 11. chap. v. des politiques: parce que telle loy epuiroit les finances. Si on dit, que la grandeur, & liberalité d'un Prince ne seroit pas cognüe, s'il ne donnoit qu'à ceux là, qui le meritent: c'est chose bien seante à un grand Prince, que la magnificence: & ne doit lon pas trouuer mauuais, si un Prince prend un singulier plaisir d'esleuer un petit compagnon, & en faire un grand Seigneur: pourueu qu'il ait quelque chose en soy, qui le merite: autrement le Prince, qui surhausse un homme du tout indigne par dessus les gens de bien, ou qui le met au rang des plus grâds personages, faisant bien à l'un, il fait iniure à tous les autres: comme il fut remonstré par le consistoire des Cardinaux au Pape Iule du Mont, lors qu'il donna son chapeau de Cardinal à un ieune garson, qu'il aymoît, que c'estoit grâd deshonneur, de receuoir celuy, qui n'auoit en soy ny vertu, ny sçauoir, ny noblesse, ny biés, ny marque aucune, qui meritaist, comme ils disoient d'approcher d'un tel grade. Mais le Pape qui estoit facetieux s'adressant aux autres Cardinaux, Quelle vertu, dist-il, quelle noblesse, quel sçauoir, quel honneur auez vous trouué en moy, pour me faire Pape? alors ils cogneurent, qu'il auoit raison. Or est il bien certain, que le Prince vitieux, lasche, & indigne de la personne, qu'il soustient, n'en veut point d'autres, que de son humeur: comme l'Empereur Heliogabale monstra lors, qu'il donna les plus grands estats, & enrichist les plus detestables vilains, qui fussent en toute l'Empire. Qui fut l'occasion principale, que ses sugets, & sa garde mesmes, irrités, se rebellerent contre luy, & sa mere, & les firent mourir de la mort la plus vilaine, qu'ils peurent imaginer. Mais sans chercher si loing, nous en auons veu la preuue deuant noz yeux: où chacun a peu cognoistre, que le desdain, qu'on a eu, que les iustes loyers des sugets, & gens de bien, estoient distribuez aux vicieux, estrangers, & indignes, a mis le plus beau Royaume de l'Europe en combustion. car ils s'est trouué, que l'an M. D. LXXII. les dons sont reuenus à deux millions sept cens mil liures: & l'année suivante, deux millions quarante & quatre mil liures. & l'an M. D. LXXIII. il fut donné cinq cens quarante & sept mil liures: & les six mois ensuiuant, on donna neuf cens cinquante & cinq mil liures: sans y comprendre les pensions, qui n'ont point esté moindres de deux cens mil liures. & la pluspart de ces finances sont prouenuës de la vente des offices, au plus offrant. qui est le comble de tous les malheurs:

Responſe facie-
cieuſe du Pape
Iules III.

Coustume
louable de Ale-
xandre Seuere.

7. Lamprid. in
Alexandro.

8. Demosthen. in
oratione de falsa
legar. & cōtra Ti-
marcum.

Vraye distribu-
tion des estats,
& offices.

au lieu que par les ordonnances de France, d'Angleterre, & d'Espagne, les achapteurs deuoient estre declarez infames: lesuelles ordonnances il est besoin de reestabli: & mesmes renouueller la coustume loüable, pratiquee sous l'Empereur Seuere, qui faisoit publier par affiches le nom de celuy, qu'il vouloit pouruoir de quelque gouuernement, permettant à chacun de l'accuser, sur peine toutefois de la vie au calomniateur: disant, ⁷ que c'estoit grande honte d'estre moins soigneux de la vie d'un gouuerneur, que les Chrestiens estoient de la qualité de leurs surueillans, qui vsoient de telles affiches, & les examinoient à toute rigueur, au parauant que les recevoir. Qui est beaucoup plus expediēt, que la coustume de Syndiquer, de laquelle vsent les Venitiēs, Geneuois, Luquois, Florentins, apres quel officier est sorti de sa charge. Car le mauvais Magistrat, & concussionnaire, en donnant vne piece de pain aux chiens, qui l'aboient, pour leur clorre la bouche, sauuera ses larcins, & sa vie par mesme moyen. Il seroit beaucoup plus expedient de preuenir la maladie, que d'attendre, qu'elle soit venue pour la chasser. Toutefois il vaut mieux tard que iamais: affin pour le moins, que la crainte du Syndicat retienne les officiers en leur deuboir. Mais l'ordonnance de Solon estoit encore meilleure, par laquelle la vie des officiers estoit examinee deuant & apres l'office, comme nous lisons aux plaidoyez de Demosthene ⁸. Ayant donc fait l'examen de la vie, & des meurs de ceux, qui aspirent aux estats, offices, benefices, cheualeries, exemptions, immunitiez, dons, & loyers: si leur vie est souillée, & meschante, non seulement on les doit rebuter, ains aussi les doit lon punir: & distribuer les loyers aux gens de bien, selon le merite d'un chacun, & par proportion harmonique bailler la bource aux plus loyaux, les armes aux plus vaillans, la Iustice aux plus droicts, la censure aux plus entiers, le travail aux plus forts, le gouuernail aux plus sages, la prelature aux plus deuots: & neātmoins ayant esgard à la noblesse, aux richesses, à l'aage, à la puissance d'un chacun, & à la qualité des charges, & offices. car ce seroit chose ridicule, de chercher un Iuge guerrier, un Prelat courageux, un soldat consciencieux.

*S'IL EST BON D'ARMER, ET A-
guerrir les sugets, fortifier les villes, & entretenir
la guerre.*



EST E question est des plus hautes, qu'on puisse former en matiere d'estat, & peut estre des plus difficiles à résoudre pour les inconueniens, qui peuuent resulter d'une part & d'autre, que ie mettray le plus sommairement, que faire se pourra, & ce qu'il me sémble pour le mieux, laissant toutefois la resolutiō aux plus sages politiques.

Car de suiure l'opinion d'Aristote simplement, & soutenir, que la ville doit estre bien munie, & fortifiée, & en assiete commode pour faire sortir l'armee, & d'accès difficile aux ennemis, ce n'est pas decider les difficultez, qu'on peut faire, à sçauoir, si cela doit auoir lieu en la Monarchie, aussi bien qu'en l'estat populaire, & en la tyrannie autant qu'en l'estat Royal, attendu, que nous auons monstré cy dessus, que les Republiques contraires les vnes aux autres, ou bien fort differentes, doibuent se reigler par maximes contraires, & differentes. Ioint aussi, que pour bien aguerrir les sugets, il n'y a rien plus contraire, que fortifier les villes, veu que la fortification d'icelles rend les habitans lasches, & coüards, tesmoing Cleomenés, Roy de Lacedemōne, lequel voyant les hautes forteresses d'une ville, ô, dit il, la belle retraicte pour les femmes. Et pour ceste cause Lycurgue legislateur, ne voulut onques endurer, qu'on fortifiast la ville de Sparte, craignant, que les sugets, en s'assurant de la force des murailles, perdissent la leur: cognoissant bien aussi, qu'il n'y a point de plus belle forteresse, que d'hommes: qui combatront tousiours pour les biens, pour la vie, pour l'honneur, pour leurs femmes, & enfans, pour leur patrie, tant qu'ils n'auront aucune esperance de recours à leur fuite, ny de retraite seure pour se sauuer. ces deux choses sont dōc cōtraires, aguerrir les sugets, & fortifier leurs places: car les hommes vaillās, & duits aux armes, n'ont que faire de chasteaux: & ceux, qui sont environnez de places fortes, ne veulēt point de guerre. Aussi voit-on encore, que les Tartares en Scythie, & les Æthiopes, & Arabes en Afrique, sont estimez les plus belliqueux: & toutefois ils n'ont autres forteresses, que de pauillons, & quelques bourgades sans murailles, ny fossez. Et mesme le grand Negus ou Prestéian, qui est le plus grand Seigneur de toute l'Afrique, & auquel cinquante Roys, ainsi¹ qu'on dit, rendent la foy & hommage, pour toutes murailles, & chasteaux, n'a que son² pauillō: hormis la forteresse, situee sus la croupe du mont Anga, où tous les Princes du sang sont nourris sous bonne garnison, afin qu'ils ne diuisent les sugets les vns des autres par factiōs. Neantmoins on tient, qu'il n'y a Prince sous le ciel plus reueré, ny sugets mieux traictez, ny plus redoubtez des ennemis, qu'en Æthiopie, & en Tartarie. Combien que les forteresses ne seruent pas de grand chose au iugement des plus grands capitaines, qui tiennent, que celuy est maistre des places, qui est maistre de la campagne. On sçait assez apres la iournee d'Arbelle en Caldee, où le dernier Darius,

Raisons pour
monstrer, qu'il
ne faut fortifier
les villes.

1. Paul Ioue.
2. François Alua-
rez en l'histoire E-
thiopique.

Roy de Perse, fut mis en route, qu'il n'y eut ville, ny forteresse en tout l'empire des Perses, qui tint vn seul iour, contre Alexandre le grand, iacoit qu'il y en eust vn nombre infini, & le vainqueur n'auoit que trente mil hommes. Apres que le capitaine Paul Æmyl eut gaigné la bataille contre Perseus, Roy de Macedone, il n'y eut pas vne seule ville, qui fist resistance: ains en vn moment, ce grand & puissant Royaume se rendit. Apres la iournee de Pharsale, où Pompee fut vaincu, toutes les villes, & places fortes d'Orient, qui au parauant estoient closes à Cesar, luy furent ouuertes sans difficulté. Et sans aller si loing, on sçait assez, qu'apres la victoire du Roy Louÿs XII. contre les Venitiens, il fut aussi tost maistre des villes: comme il aduint en cas pareil, apres la iournee de Marignan, tout le pays Milanois, villes, & forteresses se rendirent au Roy François, & si tost qu'il fut pris à Paue, tout fut perdu pour luy par dela les monts. Mais il y a bien vne raison plus necessaire, qui peut empescher de fortifier les villes, c'est à sçauoir, la crainte, que l'ennemi, entrant le plus fort au pays, n'ait occasion de le retenir par le moyen des places fortes, sans lesquelles il se contentera de fourager, & passer outre. Ce fut la raison, pour laquelle Iean Marie de la Rouere, Duc d'Vrbain, rasa les places fortes de son pays, & se retira à Venize, s'assurant bien, que le Comte Valentin, y venant avec l'armee Ecclesiastique, ne le pourroit garder, estant hay à mort, & le Duc aymé, & adoré des siens: comme de fait apres la mort d'Alexandre, il y fut le tresbien venu: & tous les autres feudataires de l'Eglise pris, ou tuez en leurs forteresses. Et pour la mesme cause, les Geneuois, apres la iournee de Paue, s'estans reuoltez contre le Roy de France, assiegerent, & forcerent la Lanterne, puis la raserēt: comme aussi firent les Milanois du castel Iof, au parauant que les Sforces en fussent Seigneurs: affin que les Princes estrangers deslors en auant ne les assugetissent par le moyen de la forteresse. Autant en fist le peuple de Syracuse de la forteresse de Lacradine: & les Romains des villes de Corinthe, Carthage, Numance, qu'ils n'eussent iamais rasees, si la forteresse de Lacrocorinthe, & les autres places de leur nature fortes, & fortifiables, ne les eussent poussez à ce faire, affin que les habitans ne s'en peussent preualoir, comme auoit fait Philippe le ieune, qui appelloit les villes de Corinthe, Chalcide, & Demetrias, les entraues, & seps de la Grece, desquelles T. Flaminus fist sortir la garnison pour les afranchir de la seruitude des Macedoniés, & oster la crainte des Tyrás. Qui est vne autre raison des plus fortes, qu'on puisse auoir, pour oster l'occasiō aux Princes de tyrānizer les sugets, cōme font ceux, qui s'asseurent des citadelles, que les anciens appelloient nids de tyrannie, & les tyrans les appelloient chastiuiillains, par mespris & contumelie des pauures sugets. comme fist Grisler lieutenant pour l'Empereur en Suisse, qui bastit vne forteresse en la vallee d'Vri, qu'il appella Zuuing Vri,

La plus belle forteresse, est l'amour des sugets.

3. Liuius lib. 34.
Les citadelles donnent occasion aux Princes de tyrannizer, & aux sugets de se reuolter.

Vri, c'est à dire le ioug d'Vri, qui fut la premiere occasiō de faire reuolter les Cantons de Suisse: comme nous lisons en leurs histoires: car le gouuerneur print occasiō de vexer les sugets. comme Salomō fut le premier, qui fist vne citadelle en Hierusalem, & cōmencea lors à mal traiter les sugets, dōnant occasiō à son successeur de continuër, & aux dix lignees de se reuolter, & faire vn Roy à part. car telles citadelles mettent tousiours le Prince, & le suget en defiancel'vn de l'autre, qui est la mere nourrice d'inimitié, crainte, & rebellion. Et tout ainsi que les chasteaux, & citadelles donnent occasiō aux mauuais Princes de trauailler les sugets: aussi les fortes murailles des villes donnent bien souuent occasiō aux sugets de rebellion contre leurs Princes, & Seigneurs, cōme i'ay remonstré cy dessus. C'est pourquoy les Roys d'Angleterre ne souffrent pas vn des sugets remparer sa maison, non pas mesme faire vn fossé: ce qui est encores plus estroittemēt defendu en tout le pays de Moscouie: pour eiter les rebellions des sugets, qui sont incitez à ce faire, se fians en leurs murailles: comme les habitans de Teleffe au Royaume de Thunes, qui s'asseuroyent tellement de leurs murailles, qu'ils tuoient ordinairement leurs gouuerneurs, & ne pouuoient souffrir de commandement. le Roy de Thunes y alla avec vne puissante armee, & leur demanda, Qui viue? ils respondirent, la muraille rouge: mais ayant forcé la ville, il la rasa, & fist passer au tranchant de l'espee tous les⁴ habitans: comme fist Annibal à Sagunte, Sulla à Athenes, l'Em-

pereur Seuerus à Bizance, Dagobert à Poitiers, Nabuchodonosor, & Vespasian à la ville de Hierusalem, qui s'estoient aussi reuoltees pour la fiance, qu'ils auoient aux forteresses d'icelles: & vn nombre infini d'autres, lesquelles ayans mangé iusques à leurs enfans, à la parfin ont esté rasees, & les habitans exterminiez, qui eussent composé, si les places fortes ne les eussent abusez: car lon voit ordinairement, que les villes mal fortifiees, & qui ne peuuent longuement souffrir le siege, ont accoustumé de cheuir, & chasser l'ennemi pour quelque somme de deniers: sans infamie, ny reproche quelconque: comme il s'est veu (sans aller plus loing) de la ville de Paris, qui n'a point esté prise depuis que Cesar la forcea, & qui fust rasee long temps a, si elle eust esté fortifiee, veu que tant de fois les ennemis l'ont menacee: mais elle s'est maintenüe par traittez & compositions: ce qu'elle n'eust fait estant bien fortifiee, soit pour crainte de reproche, & du deshonneur, qui suit ceux là, qui accordent avec l'ennemi, quand ils peuuent resister: soit pour l'opiniaistreté des habitans, ou des chefs partisans, qui aiment mieux mourir que ployer sous l'ennemi, ou qui n'esperent iamais en reschaper, & voyans le feu en leur maison, ils s'efforcent en la ruinant, ou par le sang de leurs citoyens, l'esteindre. Combien qu'il n'y a ville, ny place si forte, qui puisse longuement resister aux machines, & artilleries, & moins encores à la famine. car si les assiegez

4. Leō d'Afrique.

Les villes foibles composēt tousiours pour eschaper à quelque prix, que ce soit.

sont en petit nombre, ils seront plustost las, & recreuds: s'il y en a grand nombre, ils seront plustost afamez. Si donques les forteresses donnent occasion au mauuais Prince de tyrannizer, aux ennemis de s'emparer du pays:aux sugets d'estre coüiards enuers l'ennemy, rebelles à leur Prince,& seditieux entr'eux-mesmes,on ne peut dire, qu'elles soient vtiles ou necessaires, ains au contraire,dommageables,& pernicieuses aux Republiques.

Quant aux autres points, à sçauoir, s'il faut aguerrir les sugets,& chercher la guerre plustost, que la paix, il semble, qu'il ne faut pas reuoquer cela en doubte. Car nous debuons estimer la Republique bien heureuse,où le Roy est obeissant à la loy de Dieu,& de nature,les Magistrats au Roy,les particuliers aux Magistrats,les enfans aux peres,les seruiteurs aux maistres, & les sugets liez en amitié entr'eux, & tous avec leur Prince pour iouir de la douceur de paix, & de la vraye tranquillité d'esprit.or est-il,que la guerre est du tout cōtraire à ce que i'ay dict:& les hommes guerriers,ennemis iurez de ceste vie là. Aussi est-il impossible de voir vne Republique fleurissante en religion, iustice,charité,integrité de vie,& brief,en toutes sciences liberales, & arts mechaniques,si les citoyens ne iouissent d'une paix treshaute,& asseüree: qui toutefois est la ruine des hommes de guerre,desquels on ne fait ny mise, ny recepte, non plus que de leurs outils,quand on est en bonne paix.Et qui est plus ennemi d'un homme paisible, que le furieux soldat: du payfan debonnaire, que le guerrier sanguinaire:du Philosophe, que le Capitaine: des sages,que les fols? Car le plus grand plaisir, que recoüët les hommes de guerre,c'est de fourager le plat pays,voler les païsàs, brusser les villages, assieger, battre,forcer,saccager les villes,massacrer les bons,& meschàs, ieunes,& vieux,tous aages & tous sexes,forcer les filles, se lauer au sang des meurtris,soüiller les choses sacrees,raiser les temples, blasphemers le nom de Dieu,& fouller aux pieds tout droit diuin & humain.Voila les fruits de la guerre,plaisans,& agreables aux hommes guerriers,abominables aux gens de bien,& detestables deuant Dieu.Et n'est besoing d'amplifier de paroles ce qu'on voit effectuer,& pratiquer en tât de lieux, que la memoire seule fait dresser les cheueux aux plus asseurez. S'il est ainsi,il se faut biē garder d'aguerrir les sugets,& les acheminer à vne vie si execrable:ny chercher la guerre en sorte quelcōque, sinon en repoussant la violēce en extreme necessité. car ceux là, qui prennent les moindres occasions pour faire la guerre, ressemblent aux mousches,qui ne se peuuent tenir sus vn miroüer bien poly.& ne s'attachent, sinō aux lieux raboteux.& ceux,qui cherchent la guerre pour s'agrādir de la ruine des autres,seront en perpetuel torment,tirant vne vie miserable:car la cupidité n'a point de bornes, quoy qu'en apparence on promet se contenter,quand on aura conquesté vn Royaume. tout ainsi que l'esclau ne demande,qu'estre deslié:estant deslié,il desire liberté: afrāchi qu'il est,il
demande

demande droit de bourgeoisie: de bourgeois, il veut qu'on le face magistrat: quand il est au plus haut lieu des magistrats, il veut estre Roy: estat Roy, il veut estre seul monarque: en fin il veut estre Dieu. Combié donc est plus heureux vn petit Prince, vne petite Repub. (côbien qu'il n'y a rien de petit, où il y a contentement) iouissant d'un repos assuré, & d'une paix sans ennemis, sans guerre, sans enuie? veu mesmement que la frontiere d'une Republique bien ordonnee, est la iustice, comme dist Pompee au Roy des Parthes, & non pas la pointe de la lance, comme disoit le Roy Agesilaüs.

Voila quelques raisons d'un costé: mais aussi on peut dire d'autre part, pour le premier point, que les villes sans murailles, sont exposees en proye d'un chacun, & la vie des habitans, tousiours à la merci des vns, & des autres. Et qui plus est, il semble, que la ville desnuee de murailles, ne sert, que d'alechement à tous ceux, qui voudront l'enuahir, qui autrement n'en auroient point d'enuie, & moins encore de puissance, si elle estoit bien munie: comme ceux, qui vont par pays sans armes, inuitent les voleurs, & brigands à les tuer, pour en auoir la depouille. car on sçait assez, que le sac des villes, est l'amorce des gendarmes: & que tel sera ennemy volontaire de ceux, qui sont foibles, qu'il n'oseroit regarder, s'ils estoient armez. Ioint aussi, que la premiere, & presque seule occasion d'assembler les hommes en societez, & communauté, a esté pour la tuition, & deffense de chacun en particulier, & de tous en general, & des femmes, enfans, biens, & possessions, qui ne peuuent estre en seureté, si les villes sont sans murailles: car de dire, que les hommes feront muraille aux ennemis, cela peut seruir, quâd il est question de combattre: mais ceux, qui se peuuent defendre, ne font iamais la quarte partie des habitans, veu que les femmes sont tousiours en plus grand nombre, que les hommes, & puis les enfans, les vieillars, les malades, & impotens ne peuuent auoir recours, sinon aux murailles.

Aussi est ce chose ridicule ce semble, de dire que les hommes sans murailles seront plus vaillans: car si cela auoit lieu, il ne faudroit ny bouclier, ny armes deffensives pour affronter l'ennemi: ains il seroit aussi necessaire de faire inhibitions, & deffenses de combattre autrement que tout nud: comme fist Isadas, l'un des plus beaux, & des plus vaillans gentilshommes de Sparte, lequel voyant Epamynondas avec l'armee des Thebains, qui estoient aux mains contre les Spartiates, pour entrer dedans la ville de Lacedemonne, se despouilla tout nud, ostant mesmes sa chemise: puis prenant vne Partisane en vne main, vne espee en l'autre, va donner de pieds, & de teste contre les ennemis, où il fist beaucoup de proüesses, pour lesquelles il eut vne couronne de la seigneurie: mais il fut condamné à l'amende, pour auoir si temerairement abandonné sa vie aux ennemis, sans s'armer au-

Les inconueniēces de n'auoir point de forteresse.

cunement. Aussi debuoient les seigneurs de Sparte estre condamnez en vne bonne amende, pour auoir exposé leur peuple, & vne si grande ville à la mercy des ennemis sans murailles. Combien qu'il y auoit des fossez, & rempars, autrement s'en estoit fait alors que les Thebains l'assiégerent. si doncques il est vtile d'y auoir des fossez, il estoit aussi vtile d'y auoir des murailles: & si les murailles rendent les habitans poltrons, couards, mutins, rebelles, il falloit dōc aussi cōbler les fossez de Lacedemonne. Et de faict, Cleomenés, Roy de Sparte, ayāt perdu la bataille de Selasie, & n'ayāt où faire sa retraite, fut cōtraint de s'en fuir en Ægypte, & quitter son estat, & son pays à l'ēnemi, qui entra aussi tost en la ville de Lacedemonne, sans aucune resistance. Et si les murailles rendoient les hommes couards, Lyfandre n'eust pas fait raser celles d'Athenes, que Themistocle, & Periclés auoient fait bastir, pour la tution, & defense de ceste ville là, qui depuis fut la plus fleurissante de l'Orient. De dire que les ennemis ne prendront pas possession du pays, si les villes ne sont murees, qui les empeschera ce pendant de brusler les maisons, piller, saccager les villes? tuer, & massacrer les hommes, forcer les femmes, emmener les enfans esclaués, suyuant la loy des guerres anciennes, c'est à dire, le droict des plus forts. toutes les histoires sont pleines de telles calamitez. Aussi peu d'apparence y a-il, de penser, que les villes foibles, & sans murailles, ny forteresses, composeront avec l'ennemi, & ne voudront s'opiniastrer: ains au contraire, l'ennemi voyant l'entree facile, ne receura iamais accord raisonnable: ce qu'il feroit cognoissant la difficulté, qui pourroit estre d'assiéger, & forcer vne ville bien munie. Dauantage, qui doute, qu'une petite forteresse n'arreste bien souuent vne grande, & puissante armee? nous en auons trop d'exemples. & bien souuent ceux, qui assiegent, se trouuent en fin assiegez de maladies, de pestes, de famines, & pour vn, qui est tué dedans, on en tue cent des ennemis. La ville de Constantinople a soustenu le siege des Turcs huiet ans, iusques à ce que les assiegez furent secourus des Tartares, & Paiazet avec toute son armee deffaite. En cas semblable, le Roy de Fez soustint le siege sept ans dedans la ville de Fauzara contre le Roy de Maroc, duquel l'armee en fin mourut ⁶ de peste l'an M. C C C C X I I. & la ville de Mecna soustint aussi le siege sept ans, où les ennemis moururent pour la pluspart, & furent contrains de partir avec la honte, & perte des leurs. Et de nostre aage la ville de Mets, iaçoit qu'elle ne fust à beaucoup pres si fortifiée comme elle est, toutefois elle soustint longuement l'armee de l'Empereur Charle v. & fist bouclier à toute la France, qui estoit en danger, si l'Empereur n'eust trouué la ville bien munie, d'où il fut contraint de partir, se trouuant luy mēmes assiegé de faim, de froid, & de maladies diuerses. Nous lisons aussi, qu'il n'y eut onques armee, qui soustint vn seul iour l'effort d'Alexandre le Grand: & neantmoins il fut

6. Leon d'Afrique.

il fut sept mois à tenir le siege deuant la ville de Tyr, pendant lequel temps, il estoit aisé au Roy de Perse de pouruoir à son estat.

Et si les murailles rendoient les hōmes couards & poltrōs, pourquoy les Romains eussent ils fortifié leur ville? or il est certain, qu'il n'y eut onques de plus vaillant peuple. & leur seruit bien d'auoir bonnes murailles, quand Martius Coriolanus, les Tarquins, Annibal, & autres les assiegerent, & bruslerent iusques aux portes. & mesmes apres que les Gaulois eurent forcé, & entierement bruslé leur ville, s'ils n'eussent eu recours au Capitol, c'estoit fait de leur estat: comme il en eust pris aussi au Pape, & Cardinaux, apres que l'armee de Charles de Bourbon eut saccagé la ville, s'ils n'eussent eu recours au Chasteau sainct Ange, où ils furent aussi longuement assiegez, que les anciens Romains au Cāpidol. Et chacun sçait, que les pays sans forteresses, sont aussi tost conquestez, si l'ennemi gaigne la bataille dedans le pays. comme nous lisons de l'Angleterre, que les Saxons conquesterent sus les anciens Bretons, qui en furent chassés, & les ennemis en prindrent possession: apres les Saxons, les Danois y entrerent, qui s'en firent seigneurs pour la pluspart: depuis Guillaume le conquerant, par le moyen d'une seule victoire, s'en fist seigneur absolu, & en print possessiō. Et pendāt les querelles de la maîsō de Lancastren, & d'Yorch, le Royaume fut perdu, & conqueste par trois fois en six mois: comme si Henry sixiesme, Edoüart quatriesme, & le Comte de Vvaruich eussent ioué à boute hors. Et combien que le Royaume en fin demeura à Edoüart, neantmoins tost apres sa mort, Richard son frere, Duc de Glocestre, s'estant fait Roy, fut chassé par le Comte de Richemont, banni en France, avec peu d'ayde, que luy donna le Roy Loüys x i. ce qui n'est point aduenü és pays fortifiez, où il y a lieu de retraicte, pendant qu'on rallie les forces. Qui fut la cause, que les Romains ne campoient iamais, qu'ils ne fissent tranches tout à l'entour du camp de xxv. pieds de largeur, & le plus souuent avec pallisfades: & ne donnoient iamais bataille, qu'il n'y eust garnison en leur camp pour la retraite, si l'ennemi estoit le plus fort: chose, qui les a releuez de grandes pertes: comme le Capitaine Paul Æmyl discourut sagement⁷ deuant, que donner la bataille au Roy de Macedone. Et pour abreger, l'experience de tant de siecles, & de Republicques des anciens Persez, Ægyptiens, Grecs, Latins, Gaulois, & autres peuples, qui ont tousiours fortifié, & cōtinüent, de fortifier, munir, artiller, enuillailler les villes, ports, & places fortifiables, pour defendre, & asseurer les amis, cōbattre, & resister aux ennemis, nous fait cognoistre, qu'il est necessaire d'en vser ainsi. Et mesmes les Tartares bastissent à present, & fortifient leurs places depuis cent ans en ça. Car pour vaillant, & fort que soit vn peuple, il ne pourra pas faire teste longuement, ny vaincre celuy, qui sera sans comparaison plus puissant. Voila les raisons, qui peuuent seruir pour monstrier, qu'il est besoin de fortifier les villes.

Le Royaume
d'Angleterre
conqueste par
trois fois en six
mois.

7. Tite Liue liure
35.
Maiores nostri ca-
stra munita portū
ad omnes casus e-
xercitus ducebant
esse, vnde ad pu-
gnam exirent, quo
iactati pugnae re-
ceptum haberent
& qui castris exu-
tus erat, etiam si
pugnando acie vi-
cisset pro victo
habebatur.

La guerre à l'ennemy est vn moyen, pour entretenir les sugets en amitié.

3. Dionys. Halycar. lib. 7. Liuius lib. 3.

4. Liuius lib. 2. Principes Hetrurie populorum fremebant æternas opes esse Romanorum, nisi inter semetipfos seditionib. scæuiant, id vnum venenum. eam labē ciuitatibus opulētis repertā, vt magna imperia mortalia essent.

Le Haure de Grace pris par les Anglois fut cause d'appaiser les troubles de la France.

Nous ferons dōc aussi mesme iugemēt qu'il faut aguerrir son peuple. Car puis que la defense de la vie, & poursuite des voleurs est de droit diuin, naturel, & humain, il faut donc conclurre, qu'il est aussi besoin de diuer les sugets aux armes, non seulement defensives, ains aussi offensives, pour faire bouclier aux bons, & rembarer les meschans. i'appelle voleurs, & meschans tous ceux là, qui font iniustement guerre, & qui rauissent à tort les biens d'autrui. Et tout ainsi qu'il faut faire la vengeance des sugets voleurs, & brigans: aussi faut il des estrangers, quelque tiltre Royal, qu'ils portent: Celà est fondé en la loy de Dieu, & de nature. Il y a d'autres considerations particulieres outre celà: c'est à sçauoir, que le plus beau moyen de conseruer vn estat, & le garentir de rebellions, seditions, & guerres ciuiles, & d'entretenir les sugets en bonne amitié, est, d'auoir vn ennemi, auquel on puisse faire teste. Cela se peut voir par l'exemple de toutes les Republiques, & mesmes des Romains, lesquels n'ont iamais trouué plus bel antidote des guerres ciuiles, ny remede plus certain, que d'affronter les sugets à l'ennemi. Et mesmes estans vn iour acharnez entr'eux, l'ennemi se ietta en la ville, & se va saisir du Capitol, soudain ils s'accorderent⁸ pour le chasser. Et quelque temps apres les Romains retomberent en guerre ciuile, dequoy les Vejens s'estans aperceus, se getterent en la Romaine: mais aussi tost les Romains s'accorderent, & dechargerent leur cholere sus eux, & ne cesserent, qu'ils n'eussent rasé leur ville, & asseruir les habitans. Et au mesme temps les Princes⁴, & les peuples de la Toscane, ayans coniuré contre l'estat des Romains, taschoient nourrir entr'eux les troubles, & seditions, disans, que leur puissance estoit inuincible, & croistroit tousiours, si elle n'estoit affoiblie, & aneantie par guerres ciuiles, qui est la seule poison, qui peut rendre les Empires, & Republiques mortelles, qui autrement seroient eternelles. En cas semblable, les peuples d'Espagne s'estans reuoltez contre l'Empereur Charle v. iusques à contraindre le Duc de Calabre de prendre la couronne, & lors qu'ils estoient en armes les vns contre les autres, le Roy François i. y enuoya vne armee, qui recouura le Royaume de Nauarre, & Fontarabie: soudain les troubles s'appaiserent entre les Espagnols, qui d'un commun consentement se getterent sus les François, & les chasserent du pays, qu'ils auoient conquesté. Et qui eust encores attendu, c'estoit fait de l'estat d'Espagne, comme plusieurs ont iugé. Et sans aller plus loing, nous auons vn exemple de ce Royaume, qui estoit en grand hazard l'an M. D. L X I I. si l'Anglois n'eust pris pied en France, s'estant saisi du Haure de Grace: tost apres les guerres ciuiles s'appaiserent, & les sugets s'accorderent, pour se ruer sus l'ennemi commun. Dequoy l'Anglois s'estant apperceu, a resolu de laisser les François se battre les vns les autres, & attendre, qu'ils soient ruinez de tout point, pour apres enuahir le Royaume sans

sans difficulté, ny résistance aucune. Mais ie retourne aux exemples des anciens (& pleust or à Dieu , que nous eussions faute d'exemples domestiques) pour monstrier, qu'il est bien difficile, & presque impossible, de maintenir les sujets en paix ; & amitié, s'ils ne sont en guerre contre l'ennemi. Celà se peut voir en toutes les histoires des Romains, lesquels apres auoir vaincu les ennemis, aussitost commançoient ils à se mutiner. qui fut cause, que le Senat entretenoit les guerres, & forgeoit des ennemis, s'il n'y en auoit, pour se guarentir des guerres ciuiles, & continüerent iusques à ce, qu'ils eurent estendu leurs frontieres aux Orcades, à la mer Atlantique, au Danube, à l'Euphrate, & aux deserts d'Afrique. & n'ayans plus d'ennemi, qui leur fist teste, ils s'acharnerent cruellement entr'eux, & d'autant plus cruellement, que moins ils auoyent d'ennemis ; & qu'ils estoient plus puissans : comme la guerre ciuile entre Cesar & Pompee : de laquelle parlant Ciceron, disoit, *Bellum pium, ac necessarium, ciuibus tamen exitiale, nisi Pompeius vicerit : calamitosum etiam, si vicerit.* Et neantmoins elle fut encores plus cruelle entre Auguste, & Marc Antoine. qui fut cause, que l'Empereur Auguste, ayant fait de l'estat populaire vne monarchie, ne fut pas si mal aduisé de casser les quarante legions, mais il les enuoya es Prouinces, & sus les frontieres des plus barbares nations, pour entretenir la discipline militaire, & chasser le plus loing qu'il pourroit, l'occasion de guerre ciuile. Mais l'Empereur Constantin le Grand, ayant suiui le conseil de quelques Euesques & ministres, mal informez des affaires d'estat, cassa les legionaires. qui fut cause de faire perdre l'ancienne discipline militaire, & ouurir les portes aux ennemis, qui depuis enuahirent l'Empire Romain de tous costez : pour n'auoir pas sceu iuger, que les loix, la iustice, les sujets, & tout l'estat est en la protection des armes, comme sous vn bouclier puissant. Encores y a il vn autre point bien considerable, pour monstrier, qu'il faut entretenir la discipline militaire, & faire la guerre, c'est qu'il y a tousiours eu, & n'y aura iamais faute de larrons, meurtriers, faitneants, vagabonds, mutins, volleurs en toute Republique, qui gastent la simplicité des bons sujets, & n'y a loix, ny magistrats, qui en puissent auoir la raison, & mesmes on dit en proverbe, que les gibets ne sont dressez, que pour les belistres : car les edits, & ordonnances en plusieurs lieux, ressemblent aux toiles des araignes, comme disoit Acharnasis à Solon, d'autant qu'il n'y a que les mousches, qui s'y prennent, & les grosses bestes s'en iouent. Il n'y a donc moyen de nettoyer les Republiques de telle ordure, que de les enuoyer en guerre, qui est comme vne medecine purgatiue, & fort necessaire pour chasser les humeurs corrompus du corps vniuersel de la Republique. Ce fut la principale occasion, qui meut Char-

La premiere
occasio de rui-
ner l'Empire
des Romains.

Moyen de pur-
ger la republi-
que de fait-
neants & vaga-
bonds.

les le sage , Roy de France , d'accorder aisément , & enuoyer le secours au bastart de Castille sous la conduite de Bertran du Guesclin Connestable, qui purgea la France d'une infinité de voleurs. comme fist aussi Louys XI. à l'endroit du Comte de Richemont : & non seulement l'un , & l'autre nettoya la France de faitneants : ains aussi rapporterent l'honneur d'auoir restabli deux Roys en leur estat dont ils estoient chassés. Outre les raisons , que j'ay deduites , celle cy n'est pas de peu de poids , c'est à sçauoir , qu'il n'y a moyen plus seur d'entretenir un peuple au deuoir d'honneur , & de vertu , que par la crainte d'un ennemi guerrier. Iamais , dit Polybe¹ , on n'a veu les Romains plus vertueux , ny les sujets plus obeissans aux magistrats , ny les magistrats aux loix , sinon alors , que Pyrrhus en un temps , Annibal en l'autre , estoient aux portes de Rome. tost apres que Perseus , & Antioque furent vaincus , & n'ayans les Romains plus d'ennemi assez puissant pour les tenir en ceruelle , alors les vices commencerent à prendre pied. & le peuple se laissa couler en delices , & superfluitez , qui gasterent entierement les bonnes mœurs , & obscurcirent la splendeur de la vertu ancienne. O combien cestui-là fut estimé sage , qui résista ouuertement en plein senat , & empeschant qu'il peut , que la ville de Carthage ne fust rasée , predisant , que la vertu des Romains s'aneantiroit bien tost. Car tout ainsi que la licence effrenée faict enfler , & déborder les hommes en tous vices : aussi la crainte les retient en debuoir . Et ne faut pas doubter , que ce grand politique , & gouverneur de tout le monde , ainsi qu'il a donné à toute chose son contraire , qu'il n'ayt aussi permis les guerres , & inimitiez entre les peuples , pour chastier les uns par les autres , & les tenir tous en crainte , qui est le seul frein de vertu : comme Samüel remonstra bien en la harangue , qu'il fist au peuple , que Dieu leur auoit¹ suscité des ennemis , pour les tenir en ceruelle , & pour les tenter , fonder , & chastier. Voila quelques raisons , qui peuvent servir , à monstrier , que ceux là s'abusent grandement , qui pensent que le seul but de la guerre , soit la paix. Et quand ores il seroit , ainsi quel moyen ya il plus grand d'auoir la paix en despit des ennemis , que leur faire cognoistre qu'on a moyen de faire la guerre ? iamais sage Prince , ny bon capitaine ne fist la paix desarmé : & comme disoit Manlius Capitolin, *Ostendite modò bellum , pacem habebitis : videant vos paratos ad vim , ius ipsi remittent.* Or ces raisons sont en partie veritables , en partie vraisemblables , & pourroient de part , & d'autre esbloüir les yeux des plus clairuoyans , si on n'y prend garde de bien pres. Et pour en resoudre quelque chose , il faut distinguer les Republiques. Je tiens d'óc qu'en l'estat populaire , il est expedient d'aguerrir les sujets , pour euitier les inconvéniens , que j'ay deduits , ausquels l'estat populaire , de sa nature , est sujet.

& si

La crainte des
ennemis tient
les sujets en
devoir.
9. lib. 6. de militari
ac domestica.

Preuoyance du
jeune Scipion.

1. Samüel. cap. 12.
& Iudic. cap. 2. & 3.

& si les ſujets ſont guerriers ou mutins de leur naturel , comme ſont les peuples de Septentrion , eſtans encores aguerris par l'art , & diſcipline militaire , il eſt expedient de les affronter ſouuent aux ennemis , & ne receuoir la paix , qu'à bonnes conditions , comme choſe pernicioſe à vn peuple guerrier : & neantmoins la paix eſtant conſeue , il faut retenir les hommes d'armes , & les mettre aux frontieres , comme fiſt l'Empereur Auguſte , iacoit qu'il euſt reduit l'eſtat populaire en Monarchie : ou bien les enuoyer aux Princes allies , pour les entretenir en l'art militaire : comme les ſeigneurs des ligues ont treſſagement faiſt , ayant vn peuple nourri aux montagnes , duit à la guerre , & qui euſt eſté difficile à maintenir en paix , iouiſſant de la liberté populaire. & par ce moyen ils ont touſiours eu des hommes de guerre , nourris , & entretenus aux deſpens d'autrui , outre les penſions publiques , & particulieres , qui ont eſté grandes comme i'ay monſtré cy deſſus : ioint auſſi la ſeureté de leur eſtat , par le moyen des alliances contractees avec vn puiffant Roy.

Et quant aux fortereſſes , il n'eſt pas beſoin , que les villes ſoient trop fortifiees (excepté la ville capitale , où eſt le ſiege de l'eſtat populaire) & moins encores qu'il y ait des chasteaux & citadelles : car il ne faut pas doubter , que l'ambition ne pouſſe quelqu'un à prendre la fortereſſe , & changer l'eſtat populaire en Monarchie : comme fiſt Denys le tyran , ayant prins Lacradine de Syracuſe : ou bien que l'ennemy ſ'en puiſſe preualoir : comme firent les Lacedemoniens , ayans raſé les murailles d'Athenes , ils laiſſerent garniſon au chasteau : & faiſans le ſemblable de l'eſtat populaire de Thebes , ils empieterent la Cadmee , y laiſſans garniſon : car il n'y a moyen d'aſſeruir vn peuple , & changer la Democratie en Monarchie , que par citadelles : ainſi faiſoient tous les tyrans anciens : & de noſtre aage Coſme de Medicis , Duc de Florence , auoit deux citadelles en Florence , avec la garniſon d'eſtrangers : ayant eſprouué , qu'il eſtoit impoſſible de changer l'eſtat populaire en Monarchie , & ſ'aſſeurer de ſa vie au milieu de ce peuple là . c'eſt pourquoy les Cantons d'Vry , Vnderuald , Glaris , Appenzel , qui ſont du tout populaires , n'ont point de murailles , comme les autres qui ſont gouuernees Aristocratiquement . Nous ferons meſme iugement de l'eſtat Aristocratique , pour le regard des fortereſſes , que de l'eſtat populaire : car il n'eſt pas moins dangereux , que l'un des ſeigneurs ſe face ſouuerain , & maſtre de ſes compagnons , qu'en l'eſtat populaire , & d'autant plus à craindre , qu'il eſt plus aiſé à l'un des ſeigneurs d'attirer le menu peuple à ſa cordelle , & ſ'en preualoir contre les grands . Mais quant aux Monarchies Royales , & anciennes , ſi elles ſont de grande eſtendue , il n'eſt pas expedient , que le Prince baſtiſſe des citadelles , ny places fortes , hormis ſus les frontieres , à fin que le peuple ne preſume qu'on le veut tyrannizer , &

Il faut que la ville capitale de l'eſtat populaire ſoit fortifiée.

neantmoins ayant borné l'estat des places imprenables, les sujets auront tousiours opinion que c'est pour l'ennemy, & le Prince au besoin s'en pourra preualoir, contre tous ennemis, estrangers, ou sujets, au cas qu'ils se rebellent. Ce qui nous est monstré par la nature, qui a bien armé la teste, & les extremitez des animaux, laissant le milieu, les entrailles, & autres parties desarmées. Mais c'est mal aduisé à vn Monarque d'environner vne ville de puissantes murailles, s'il ne veut par mesme moyen y bastir de bonnes citadelles. car il n'y a rien qui plus donne d'occasion aux sujets de se reuolter : ce qu'ils ne feront pas si facilement, voyans deuant leurs yeux les citadelles bien munies. Encores est-il bien necessaire, & en la Monarchie, & en l'Aristocratie, que le gouuerneur de la ville ne tienne rien du capitaine, ny le capitaine du gouuerneur : & mesmes que le capitaine ne soit Prince, ny grand seigneur : comme il est tresbien gardé en Turquie, suyuant la regle des anciens Sultans d'Egypte, qui en ² vsoient ainsi. comme aussi font nos Roys, & mieux encores les Venitiens que tous autres : par ce qu'ils sont contrains de fortifier leurs villes, pour defendre leurs sujets contre les ennemis : & craignans la rebellion des sujets, qui n'ont point de part aux estats, ils ont de fortes citadelles es villes, où ils enuoient tous les ans nouveaux capitaines, outre les Podestats, qui ne tiennent rien les vns des autres. Et ceux de Rhaguse, qui n'ont qu'une ville, & peu de territoire, sont contrains de changer tous les iours de capitaine, qui est mené en la forteresse les yeux bandez, & la teste afublée. Aussi les Atheniens changeoient tous les iours le capitaine de la forteresse, qui estoit l'un des neuf Archontés, pour la defiance qu'ils auoient, que l'un des sujets s'en fist Seigneur. Pour à quoy obuier, il seroit besoin d'oster les citadelles des villes capitales, en l'estat populaire, & Aristocratique, comme les Venitiens ont sagement fait à Venize pour oster l'occasion au Duc, & leuer la suspicion aux Seigneurs d'un changement d'estat. Mais d'empescher les sujets guerriers ou mutins, de fortifier leurs maisons aux champs, comme il se fait en Turquie, Angleterre, Moscovie, & en tout l'Orient, c'est bien le plus seur pour les Monarques nouveaux : car si le maistre d'un chasteau particulier est grand Seigneur, il prend quelquefois occasion de se reuolter : s'il est pauvre, de brigander. Et pour ceste cause, les villes Imperiales d'Almagne bien souuent ont rasé les forteresses des gentilshommes : à fin que les rebelles, & voleurs n'eussent aucune retraite. Toutefois ce seroit chose fort dangereuse en vne Monarchie, ou seigneurie ancienne, de vouloir faire abattre les forteresses particulieres ia basties, & qui peuuent resister au canon, mais bien pour l'aduenir on le peut defendre, si ce n'est avec licence, & congé du souuerain : qui ne le doit pas permettre facilement. car c'est bien assez qu'une maison soit bastie en sorte qu'elle se puisse guarentir

2. Leō d'Afrique.

Defiance des
Seigneurs en
l'estat Aristocratique.

des

des voleurs, & fourrageurs. voila quant aux fortifications.

Mais le doute n'est pas petit, si en la Republique Aristocratique on doit aguerrir les Seigneurs seulement, ou bien s'il vaut mieux aguerrir aussi le menu peuple, ou bannir du tout l'art militaire. Si le menu peuple est vne fois aguerrí, s'il n'est tousiours en guerre contre l'ennemy, il ne faut pas doubter, qu'il ne s'efforce de changer, & qu'il ne change l'estat, pour auoir part à la seigneurie: comme i'ay monstré cy deuant par plusieurs exemples. Et s'il n'y a que les seigneurs aguerris, ils seront bien tost defaits, & causeront vn changement necessaire de leur estat, & s'ils veulent chasser de leur Republique l'art militaire, ils seront bien tost exposez en proye à leurs voisins, s'ils ne sont alliez bien estroittement avec les plus forts: ou bien s'ils n'ont des villes inaccessibles, & forteresses imprenables: comme les Venitiens, lesquels craignans les inconueniens que i'ay dit, ont banni de leur Republique l'art militaire, comme dit Contarin Cardinal. combien que cela s'est fait insensiblement depuis deux cens ans ou enuiron: car autrefois ils ont esté assez belliqueux, & longuemét ont fait la guerre, & vaincu les Geneuois en bataille rangee, & par mer, & par terre. mais depuis ayans iouy longuemét d'une paix asseuree, peu à peu ils ont delaisé l'art militaire, s'aydans du secours des estrangers. Et mesmes ils ne peuuent endurer vn Capitaine de la seigneurie, & s'ils cognoissent, que l'un des gentilshommes Venitiens aspire à la guerre, & qu'il suyue la Cour des autres Princes, ils le rappellent à la maison: ay-mans beaucoup mieux vn Aluián, vn Bergamasque, vn estranger pour Capitaine, s'il faut guerroyer par terre, que l'un des seigneurs, & vser d'une armee d'estrangers, que des sugets, enuoyans au surplus vn Prouidadour, par le conseil duquel le Capitaine se gouerne. Et combien qu'il y ait beaucoup d'inconueniens, qu'un Prouidadour commande à vn Capitaine, vn citoyen aux estrangers, vn qui n'entend rien à la guerre, à ceux qui y sont nourris, & qu'il puisse les ployer à tous vens, si est-ce toutefois que par ce moyen ils eussent d'autres dangers, qui ne sont pas moindres, & qu'on a veu reüssir en leur Republique alors qu'ils n'vsoient que de leurs sugets, & de leurs forces. leurs histoires sont pleines de coniurations, de seditions, de guerres ciuiles, qu'ils ont eu au milieu de leur ville. Et s'il est ainsi, comme plusieurs pensent, que la guerre ne se doit faire, que pour auoir la paix, & qu'il suffist pour rendre vne Republique bien heureuse, de garder le sien, bien munir, & fortifier ses places contre l'ennemy, iouir du fruit de la paix, la Republique de Venise se pourroit dire bien heureuse, ayant l'assiette de sa nature inexpugnable, & ne se souciant pas beaucoup de conquerir, ny alonger ses frontieres. Aussi voyons nous, que les Venitiens suyent les occasions de guerre come la peste, & ne la font iamais que par necessité extreme, & pour suiuet la paix à quelque prix que ce soit: avec la perte, & diminution de

Le Prince genereux ne demande la paix ny la guerre.

leur domaine : cōme on peut voir au traitté qu'ils firēt avec le Pape Iules II. l'Empereur Maximilian, & le Roy de Naples l'an M. D. VIII. apres que leurs Ambassadeurs se furent gettez à leurs pieds, accordās tout ce qu'on leur demāda, cōme ils firēt aussi enuers Sultan Selin l'ā M. D. LXX. se departans les premiers de la ligue saincte, pour achepter la paix, apres auoir perdu vn beau Royaume. Et tout ainsi que les animaux qui n'ont point d'armes offensiuës, comme les lieures, ou qui n'ont point de fiel, comme les cerfs, & pigeons, se sauuent à la fuyte deuant les oyseaux de proye, & bestes armées, les hōmes ne peuēt estre blasmez, ny les Republiques moins estimees, qui ne veulent point de guerre, & qui demandent la paix, n'ayans pas grand moyen de resister. chose qui tourneroit à mespris à vn peuple guerrier, ou bien à vn Prince conquerant, qui ne peut demāder la paix à son ennemy sans rougir de honte. Aussi n'y eut-il rien qui plus empeschā la paix entre le Roy Henry II. & l'Empereur Charle V. sinon le bruit qu'on fist courir, que l'Empereur auoit demādé la paix, qui estoit gaigner le plus haut point d'honneur, qu'un Prince genereux peut desirer, mesmement s'il est entré au pays d'autrui: cōme fist le mesme Empereur l'ā M. D. XLIII. ayāt getté les forces de l'Empire, & les siēnes en ce Royaume, avec celles du Roy d'Angleterre d'un autre costé, qui auoient desia partagé entr'eux le Royaume, comme dit Seleidan, si le Pape n'eust cōtraint l'Empereur à faire la paix: que le Roy ne voulut demander, ny receuoir, sinō à conditions hōnestes: combien que Louys XI. la demāda au Roy d'Angleterre Edouart IIII. si tost qu'il eut entré en Picardie, & l'achepta bien cher, se souciant peu, que le Cōte du Lude, & autres ses fauoris, l'appellassent le Roy couiard. combien que son pere Charle V II. fist bien chose plus estrange: car pour auoir paix avec Philippe Duc de Bourgogne son vassal, voire suget naturel, il enuoya pour traiter la paix le Connestable de France, le Chancelier, vn Marechal de France, & plusieurs grands seigneurs, lesquels en pleine assemblee & au nom du Roy leur maistre, demanderēt pardon au Duc de la mort de Iean Duc de Bourgogne, confessant haut & clair que le Roy auoit mal faict comme ieune, & de petit sens, & mal conseillé: priāt le Duc qu'il voulust quiter son mal talēt. alors le Duc declaira qu'il pardonnoit au Roy pour l'honneur de Dieu, & compassion du peuple de France, & pour obeir au concil, & au Pape, & aux autres Princes Chrestiens qui l'en auoient prié. vn esclauc n'eust peu faire amende plus honorable à son seigneur, que fist alors le Roy à son suget pour restituer la Republique en sa premiere splendeur, & chasser les Anglois, comme il fist bien tost apres. les Romains eussent plustost perdu l'estat que de penser à faire cela: car il ne se trouue iamais en sept cens ans qu'ils ont eu guerre à toutes nations, qu'ils ayent demandé la paix, sinon aux Gaulois qui les tenoient assiegez au Capitol: apres auoir brullé leur ville, & à leur bourgeois Coriolan: ains au cōtraire, estans vaincus par la puissance du Roy

Roy Perseus ne voulurēt pas receuoir le vainqueur à la paix, s'il ne soubmettoit luy, & son Royaume à leur mercy, iacoit qu'il offrit leur payer tribut. Et comme les Roy Pyrrhus, apres auoir eu quelques victoires, & receu quelque perte, enuoya ses Ambassadeurs à Rome, pour traiter la paix, à la forme des grands Seigneurs, qui sont au pays d'autrui, on luy fist respōse, qu'il sortist premierement d'Italie, autrement qu'on ne parlast point de la paix. Qui estoit la response d'un peuple magnanime, qui sentoit ses forces assez grādes, pour faire teste à l'ennemy: chose, qui seroit mal scāte à vn Prince foible, qui doibt, cōme le sage Pilote, caler les voiles, & obeir à la tempeste, pour surgir au port de salut, & n'asseruir pas la necessitē à l'ambition: comme fist le Vayuode de Transyluanie, qui dist haut & clair, qu'il aymeroit mieux estre esclauē du Turc, que allié de Ferdinād: ce qui luy aduint aussi. Nous auons l'exemple du grād Kuez de Moscouie, lequel voyāt le Precop de Tartarie entré en son pays avec dix-huict legions, sçachant bien, qu'il n'estoit pas pour luy faire teste, alla au deuant desarmé, & s'humiliant deuant luy, sauua son peuple, & son estat d'une ruine ineuitable: vray est, qu'il tenoit son pays en foy, & hōmage du Precop: mais aujourd'huy, estant egal en forces, ou plus grand que le Precop, & s'estant aussi exempté de la seruitude des Tartares, il seroit mesprisē de tous les Princes, s'il auoit demandé la paix. mesmement quand on a receu l'iniure: car le Prince, qui souffre vne iniure, endurera bien tost, qu'on luy donne la loy: & s'il endure que l'ennemy luy dōne loy, il sera bien tost reduit en seruitude. Mais quoy que le Prince soit puissant, neantmoins s'il est sage, & magnanime, il ne demandera iamais la guerre, ny la paix, si la necessitē qui n'est point sugette aux loix d'honneur, ne le force, & ne donnera iamais bataille, s'il n'y a plus de profit apparent en la victoire, que de perte, si les ennemis estoient vainqueurs, comme disoit l'Empereur Auguste, lequel pour ceste cause ne donna iamais bataille, que par necessitē. Et n'est pas mal scant à vn pauvre Prince, ou biē à vne petite seigneurie, ou à celuy qui ne fait pas profession de guerroyer, de demander la paix en sa perte: comme fist Iules III. Pape, qui demanda la paix au Roy Henry II. l'appellant deuāt Dieu pour estre iugé du tort qui luy tenoit: le Roy l'accorda, & luy fist respōse, qu'il comparoistroit deuant Dieu: mais qu'il doubtoit, que le Pape ne s'y trouueroit pas: les lettres furent signees du Roy au camp de Mets l'an M. D. LII. de quoy le Pape qui estoit d'un naturel facetieux, fut bien aise, encores qu'il fist apparence d'estre fasché, disant, que ce n'estoit pas le Roy, qui auoit escrit les lettres, Et tout ainsi que la grandeur de courage, & magnanimitē, est la lumiere des autres vertus, & qui esleue les Princes au plus haut poinct d'honneur, aussi est-ce la seule vertu, qui plus abat le cœur aux ennemis, ores qu'ils soyent puissans, & aguerris, & bien souuent donne la victoire sans combattre. cōme Furius Camillus, ayant renuoyé aux Falisques leurs enfans, que le maistre auoit

amené en son camp, conquesta la ville sans coup ferir: & Fabricius, ayant renuoyé le medecin au Roy Pyrrhus, qui promettoit l'empoisonner, & refusé la moitié de ses Royaumes, quoy qu'il fust des plus pauvres gentilshommes Romains, & fait payer la rāçon des prisonniers, que Pyrrhus auoit gratuitement deliurez, ne voulant pas que le moindre d'eux tint rien d'un si grand Roy: ou comme Scipion, qui conquesta sans peine bonne partie des Espagnes, pour auoir renuoyé vne Dame de beauté rare à son mary, Prince de Celtiberie, à l'exemple de Cyrus: ces actes là si vertueux osterent le courage aux ennemis de plus faire la guerre à un peuple si magnanime, qui ne pouuoit estre vaincu par honneur, ny vaincre par lascheté. ce qui fut encores mieux cogneu apres la iournee des Canes, ayant Annibal mis à rançon huit mil prisonniers, à cent escus pour teste l'un portant l'autre: avec esperance que les Romains, qui auoient perdu tant d'hommes, payeroient aussi tost la rançon: mais il fut defendu par arrest du Senat, de rachepter pas un prisonnier. De quoy Annibal, dit Polybe, fut si estonné, qu'il perdit entierement le courage: & au contraire, les Romains asseurerent leur estat, qui estoit fort esbrälé, & quasi abandonné de tous les amis, & alliez. car le Senat iugea tresbien, que Annibal, ayant humé le sang des Romains, vouloit aussi espuiser l'argent, en tirant huit cens mil escus: & par ce moyen lascher les plus couiards de toute l'armee des Romains: & deslors chacun prenant resolution de vaincre, ou de mourir, se rendirent effroyables, & inuincibles. Et tout ainsi qu'ils ne perdoient iamais le cueur en leurs pertes, aussi n'estoient-ils vaincus d'arrogance en leurs victoires. car comme le Roy Antioque eust perdu vne bataille contre eux, & fist offre de receuoir toutes les conditions, que les Romains voudroient, Scipion l'Africain fist vne responce digne d'un tresgrad, & vertueux Prince, c'est à sçauoir, que les Romains pour estre vaincus ne perdoient rien de leur courage, ny de leur modestie pour estre vainqueurs, & qu'ils ne demandoient rien plus apres la victoire, que ce qu'ils auoient demandé auparauant. Mais l'aduantage, qu'auoient les Romains pour estre bien aguerris, estoit d'aller au pays des ennemis faire la guerre, ayans tousiours en Italie des magasins d'hommes d'armes, s'ils perdoient la bataille: & s'ils auoient la victoire, ils gaignoient le pays, sus lequel, & aux despens duquel ils faisoient la guerre. Car iamais sage Prince n'attend, que l'ennemy soit entré en son pays, s'il peut le rompre, ou l'empescher, au parauant qu'il y soit entré, ou du moins, qu'il ait vne autre armee, ou la retraicte seure aux places fortes, autrement, c'est iouer son estat au hazard d'une victoire, comme fist Antioque, Perseus, Iuba, & Ptolemee, le dernier Roy d'Egypte, contre les Romains: Darius, contre Alexandre: & souuent les François, contre les Anglois. Et pour ceste cause Philippe le Conquerant aduerti, que l'Empereur Othon I. & le Roy d'Angleterre venoient en son Royaume, il fortifia les places, & marcha hors

les

Magnanimité
des Romains.

Responce ma-
gnanime de Sci-
pion.

Il ne faut pas
mettre un roy-
aume au ha-
zard d'une vi-
ctoire.

les frontieres, & les vainquit en bataille rangee. & pour mesme cause le Roy François I. mena son armee par delà les mons, pour descharger le Royaume, & leuer le siege aux ennemis, en assiegeant Pauie. car outre le degast, que deux puissantes armees eussent fait en France, la prise du Roy eust mis le Royaume en bié grand hazard. mais estant la chose aduenüe en Italie, les vainqueurs se cõtentoient de la victoire, & neantmoins les sugets ce pẽdant r'allierẽt leurs forces, & armerẽt les frontieres. Plusieurs sont d'aduis, q̃ le Prince souuerain ne doit pas hazarder sa personne à la bataille, & mesmemẽt si l'ennemy est dedãs les entrailles de son Royaume: cela est bien vray, s'il est coüard & lasche de sa nature: mais ayant la reputation de vaillãt Prince & genereux, il double le courage, & la force de son armee: & sa presence a vn merueilleux effect, quand il est veu de tous, & vn chacun veu de luy: & bien souuent la honte a retenu l'armee fuyarde, voyãt la ^o presence de leur Roy, & la crainte qu'il ne tombast en danger: comme il aduint à Cesar deuant Teroüanne, & en Espagne cõtrent les enfans de Pompee, où la bataille estoit perdue pour luy, s'il n'eust esté present. Et de fait on tient, que les victoires qu'auoit obtenues le Roy Edouart III. en neuf batailles qu'il gaigna, furẽt emportees par ce qu'il cõbattoit tousiours à pied. ioint aussi que plusieurs Princes & grands seigneurs suiuent ioyeusement la personne du Roy, qui ne voudroiẽt marcher sous les enseignes d'autrui, ny afrõter l'ennemy, si le Roy n'y est en personne: de sorte mesmes que ⁴ Eumenes se fist porter en litiere, & fort malade, voyant que l'armee ne vouloit combattre s'il n'estoit present, tant elle s'asseuroit de luy. Non pas toutesfois qu'il faille que le Prince souuerain, ou le general de l'armee face les exploits de soldat, mettant sa vie en danger euidẽt, comme fist Pelopidas, Marcel, Gaston de Foix Duc de Nemours, & plusieurs autres, la mort desquels a tiré apres soy la perte d'un estat. Je ne veux point entrer au faict del'art militaire, que plusieurs ont traitté, mais seulement ce qui touche l'estat. Je dy donc que le Prince ayant bien muny & fortifié ses frontieres, s'il a doubté que l'ennemy voulust entrer en son pays, doit preuenir, & chasser la guerre le plus loing qu'il pourra. & s'il y est entré, ne hazarder temerairement son estat ny sa personne à l'issue d'une bataille, & mesmemẽt s'il a affaire à gens belliqueux, qui emportent ordinairement la victoire, estans reduits au desespoir, & sc̃achant bien qu'ils ne pourront echaper la mort au pays d'autrui s'ils sont vaincus, n'ayans forteresse, ny retraite, ny recours quelconque. Il ne faut point chercher de meilleur exemple que de nostre Roy Iean, lequel aima mieux iouier au hazard sa Noblesse, sa personne, & son estat au beau milieu de son Royaume, que de receuoir l'armee d'Angleterre à condition de paix, qui ne demandoit que d'echaper la vie sauue, & qui ne mettoit rien en

La presence du Prince est de grande consequence, pour vaincre l'ennemi.
o. Virget presentia Turni.

4. Plutar.in Eumene.

C'est chose d'angereuse que de combattre gens desesperez.

Necessité est vn
ennemy inuin-
cible.

3. Plutar. in Grac-
chis.

quante mil hommes, & emmenèrent le Roy captif. Gaston de Foix fist vne mesme faute, ayant gagné la bataille à la iournee de Rauēne, quād il voulut poursuiure vn esquadron d'Espaignols qui s'enfuyoient, il perdit la vie, & meit en proye des ennemis tout ce qui estoit conquesté en Italie. Quant aux exemples des anciēns, les histoires en sont pleines : mais il n'y en a point de plus illustre que de l'armee de Cesar qui estoit au dernier delespoir quand Pompee donna la bataille en Pharsalie, ayant deux fois plus d'hommes que Cesar, & toutes les villes & la mer à sa deuotion. Aussi lisons nous que le capitaine des Volsques ne dist rien de plus grand à son armee pour luy donner courage que ce mot, *Armati armatis obstant, virtute pares, sed necessitate superiores estis.* & vn autre capitaine des Samnites disoit, *Iustum est bellum quibus necessarium, & pia arma, quibus nulla nisi in armis relinquitur spes.* Ce fut la cause que Fabius Maximus dernier de ce nom, endura pluſtoſt qu'on l'appellast couard, & mille moqueries des ennemis, que de choquer contr'eux au prix qu'auoient fait les autres capitaines, & en fin raporta l'honneur d'auoir sauué la patrie. Et au contraire Annibal, a'yāt hazardé la bataille contre Scipion, qui estoit allé assieger Carthage, pour tirer l'ēnemy d'Italie, perdit l'armee, & l'estat. Et ne faut pas tirer en exemple, que les Romains donnerent trois batailles à Pyrrhus, & autant à Annibal, au milieu d'Italie, d'autāt qu'ils auoient des magazins de gens de guerre, tant de leur pays, que des alliez : & ne pouuoient faillir, veu que par les ordonnances ils estoient contraints, dès l'aage de dixsept ans, de porter les armes, & n'estoient excusés qu'à l'aage de cinquante & cinq ans : & sans que personne fust receu à demander estat ny benefice, qu'il n'eust pratiqué dix ans les armes. & pour vne fois il y eut deux mil citoyens, qui furent deboutez du droit de bourgeoisie, pour auoir esté quatre ans sans aller à la guerre, hormis ceux, qui estoient licentiez pour iuste cause, comme dit Tite Liue. à quoy premierement ils furent contrains, estans harcelez, & assaillis de tous leurs voisins, qui auoiēt vne ialousie extreme de leur accroissement, & depuis ayans attiré tous les peuples d'Italie à leur suggestion, ou traité alliance avec eux. Et voyans qu'ils ne pouuoient viure entr'eux sans guerres ciuiles, ils trouuerent qu'il estoit expedient pour le salut de la Republique, de chercher ou forger des ennemis : decernans les triumphes, estats honorables, & grands loyers aux vaillans capitaines. qui faisoit que les estats, & charges militaires n'estoient point diuisées des offices de iudicature, tellemēt qu'un mesme citoyen estoit vaillant capitaine, sage Sénateur, bon iuge, grand orateur, comme on disoit de Caton le Censeur, qui estoit encores bien entendu en l'agriculture, comme il a bien mōstré par ses liures. & n'estoit point mal seant de laisser la cote d'armes, pour prendre la charrue : ou laisser la charrue, pour aller auocacer, & tantost iuger, & puis sacrifier, ou haranguer deuant le peuple, ou au Senat. & mesmes Cesar estoit grād Pontife, & le plus clo-

quent

quent orateur de son aage, au iugement de Ciceron, & au demeurant le premier capitaine du monde. Il y en auoit grand nombre, qui plus, qui moins, mais tous excellés en l'art militaire, & politique: non seulement en Italie, ains aussi en Grece, comme nous lisons en Iulius Pollux, que dès l'aage de quatorze ans les Atheniens estoient tenus d'aller en guerre. Aussi Aristide, Pericle Phocion, Leosthene, Demetrius le Phalerien, Alcibiade, Themistocle estoient semblables à ces Romains que i'ay dit: alors mesmes qu'ils pratiquoient les armes autant les vns que les autres. ce qui estoit bien seant aux peuples guerriers, & cōquerās. Mais les plus sages politiques separoiēt l'art militaire des autres vacations, & n'estoit pas permis en la Republique de Crete de porter les armes, sinō à certaines ⁴ personnes, non plus qu'en Frāce, où les gēs de cheual auoient ceste charge, les Druides en estoient exempts: & en Egypte⁵ il n'y auoit que les Calasyres, qui fussent gēs de guerre: ce que Lycurgue ⁶ trouua fort bon. Et pour ceste cause mesmes Platon diuisa le peuple en trois estats, c'est à sçauoir, en Phylakes, gendarmes, & laboureurs, à l'exemple des Egyptiens, qui faisoient aussi trois estats diuisez de vacation. Et peu à peu les Atheniens separerēt le faict des armes de la police, & de la⁷ iustice: comme aussi firent les Romains sous l'Empereur Auguste, qui retranscha aucunement aux Senateurs, Proconsuls, & gouuerneurs de Prouinces, la puissance de porter les ⁸ armes: si bien que par succession de temps, on appella les offices sans armes, dignitez, cōme nous lisons en ⁹ Cassiodore, aux lettres de prouision du gouuerneur de Prouince. Et consequemment tous les peuples, comme à la file, ont separé les gens de guerre des gens de lettres, & de robe longue. estant chose bien difficile d'estre excellent, en vn art, & impossible en tous, ny dignement exercer plusieurs vacations. Joint aussi qu'il estoit presque impossible d'aguerrir tous les sugets d'une Republique, & les maintenir en l'obeyssance des loix, & des Magistrats. Et fut, peut estre, la principale cause, que le Roy François cassa les sept legions, qu'il auoit establies en ce Royaume, à six mil hommes de pied pour legion, l'an M. D. xxxiiii. & combien que son successeur, dix huit ans apres, les remist sus, si est-ce neantmoins qu'on les a cassez derechef, voyant les querelles, & rebellions suscitees en plusieurs lieux. Combien qu'au iugement mesmes des estrangers, & de ceux qui ont bien digeré les belles ordonnances, qui furent faites à ceste fin, il n'y eut, peut estre, chose mieux reglee pour l'entretienement de l'art militaire, qui est autant necessaire en ce Royaume, qu'en lieu du mōde, pour le voisinage des nations puissantes, & belliqueuses, qui l'environnent, qui font mestier de la fourrager, comme vn pays de conqueste. & quand bien on eust ordonné quatre legions, c'estoit bien assez pour ce Royaume, qui n'est à peu pres que la vingtiesme partie de l'Empire Romain, qui n'a iamais eu plus de XL. legions, de cinq mil hommes pour legion: & avec les hommes d'armes des ordonnances, qu'on eust aussi

4. Plutar. in Lycurg.

5. Herodot.

6. Plutar. in Lycurg.

7. in Phocione.

8. Dion lib. 53.

9. In forma comitum. Quāuis omnium dignitatum officia manu secludantur armata, & ciuilibus vestibus induci videantur, qui districtiōnem publicam docentur operari, tamen dignitas à terrorib⁹ erigatur; quę gladio bellico rebus etiam paratis accingitur: arma ista iuris sūt, non furoris, &c.

distribué aux garnisons les quatre legions de gés de pied, payez en tēps de paix, il n'eust pas cousté de l'ordonnance de François I. Roy de France, trois millions cinq cens mil liures: qui est la moitié plus que n'auoient les legions par l'estat de l'Empereur Auguste. car tout le payement de la gendarmerie de France l'an M. D. LX. ne reuenoit qu'à deux millions trois cens cinquante & trois mil liures, tant les vieilles bandes, que les gens des ordonnances. & Auguste entretenoit quarāte legions moyennes pour douze millions par an, iacoit qu'il fist plus cher viure, qu'il ne fait à present: & neantmoins la gendarmerie s'entretenoit de sa paye ordinaire, sans piller ny brigander comme on fait à present. C'estoit le moyen d'auoir tousiours des hommes de guerre, & pour defendre ce Royaume, & pour cōquerir ce qui en est distrait, & pour ayder les amis: au lieu qu'il faut au besoin se seruir d'hommes tous nouueaux, qu'on fait capitaines deuant qu'auoir esté soldats, ou par necessité forcee mandier, & acheter bien cher le secours des nations estranges. Non pas que ie fois d'aduis, qu'ō n'vse point du secours d'autrui, comme plusieurs pensent qu'il seroit necessaire. Car combien. qu'un peuple fust assez fort & puissant pour se defendre, & vaincre ses ennemis, si est-il besoin d'auoir, & vser du secours de ses alliez, pourueu qu'ils soiēt alliez en ligue offensive, & defensiue: comme sont les Seigneurs des ligues entr'eux, ou pour le moins en ligue defensiue, cōme ils estoient par cy deuāt avec la maison de France. Car par ce moyen non seulement on se fortifie dauantage, ains aussi on oste le secours à l'ennemy, qu'il en pourroit tirer, & l'occasiō à tous de faire la guerre à l'un, qui ne voudra estre ennemi de l'autre. Mais ie desirerois, que les alliez fussent tenus par obligation mutuelle, & du tout egale, pour les reproches, querelles, & incōueniens, qui aduiennent à cause de l'inegalité. Or l'obligation est inegale, que les vns soient tenus de payer les dietes de leurs alliez, quād on ne leueroit qu'une enseigne, & neantmoins estre obligé de leur payer pension en tout temps, & en outre, la solde en temps de guerre, & secours de gés de pied, & de cheual au besoin, sans pēsion, ny solde: comme sont les traitez faits entre la maison de France, & des Seigneurs des ligues: ce qui toutefois fut accordé, pour oster le secours des ligues aux Imperiaux. Aussi est-il necessaire en ligue offensive, & defensiue, qui est egale, que les conquestes soient communes: comme il s'est tousiours fait entre les Seigneurs des ligues, quand ils ont fait la guerre en commun: & que ce qui est conquesté par l'un, soit particulier. A quoy les anciens Italiens, n'ayans pas pourueu par les traitez, qu'ils firent avec les Romains, furent deceus, & circonuenus. Car les Romains, apres les traitez en ligue offensive, & defensiue, faits avec les Italiens, vsoient tellemēt de leurs gens tous payez, & stipendiez, que pour vne legion de Romains, il y en² auoit tousiours deux legions des alliez, & le general de toute l'armee estoit Romain: & neantmoins les alliez n'auoient aucune pension, ny solde des Romains,

Il est bō d'auoir de puissans amis, & alliez en alliance egale.

2. Polybius, & Liuius Passius.

ny

ny part aux conquestes, faites en commun, ny aux estats, & offices hormis quelques villes des Latins: qui fut cause de la guerre sociale des Italiens contre les Romains, lesquels furent reduits à telle necessité, que force leur fut de dōner droit de bourgeoisie Romaine & part aux estats, & suffrages à tous les alliez Italiens, hormis à quelques villes. Les Atheniens, quasi pour mesme cause, perdirent leur estat, ayans assugety leurs alliez contre les traitez, & conquesté beaucoup de pays: iacoit qu'ils ne donnerent onques bataille sans l'ayde de leurs alliez, hormis vne fois, comme dit ³ Plutarque: qui fut cause que les alliez d'Athenes, pour la pluspart, se tournerent du costé des Lacedemoniens, quand l'occasion se presenta. On peut aussi doubter, s'il est bon d'auoir plusieurs alliez, ou soldats mercenaires de diuerses lāgues, pour la difficulté, qu'il y a de parler a eux, leur remōstrer, & les ployer par harāgues: chose qui est necessaire en guerre. Toutefois l'experience a fait cognoistre, que diuerses nations, & de diuerses langues sont plus aisees à cōmander, & à conduire: comme le capitaine Annibal mōstra, ayant vne armee composee de Carthaginois, Maures, Numides, Espagnols, Italiens, Gaulois, Gregeois: & neātmoins en quinze ans il n'eut onques sedition en son camp, & eut de grandes victoires. mais si l'armee est mutinee, il n'y a moyen de l'apaiser: c'est le iugement de Polybe, capitaine experimenté, & gouuerneur de Scipion l'Africain. Voila quand au secours des alliez. mais il ne faut pas appuyer son estat sus les alliez, ains il faut que la Republique bien establie soit fondee sus ses forces, & n'auoir pas tant de secours des alliez, qu'on ne soit le plus fort: puis qu'il est ainsi, que celuy est maistre de l'estat, qui est maistre de la force: & pour la moindre occasion il se fera seigneur, si luy en prend enuie, qui ne manque iamais au cueur ambitieux. Et si les alliez sont à craindre, estās les plus forts au pays d'autrui: quelle assurance peut-on auoir des gens de guerre estrangers, qui n'ōt avec nous ligue offēsiue, ny defensiue? Il ne faut pas doubter, qu'au dāger ils n'ayment mieux sauuer leur vie, que celle d'autrui: & s'il y a du bon, s'attribuer l'hōneur, & profit de la victoire, epuisant pour le moins les finances, & s'aguerrissant aux despens de ceux, qui s'en seruēt. O que souuent on a veu les estrangers, se voyās les plus forts, se faire seigneurs absolus de ceux, qui les auoient appelez! Nous auons de nostre aage l'exemple de Cairadin, corsaire, appelé qu'il fut par les habitans d'Alger, pour chasser les Espagnols de la forteresse, les ayās vaincus, il tua Selin, Prince de la ville, & se fist Roy, laissant l'estat à son frere Ariadin Barberousse. Et Saladin, capitaine Tartare, estant appelé par le Calif, & les habitans du Caire, pour chasser les Chrestiens de Sorie, apres la victoire tua le Calif, & se fist seigneur absolu. Et afin que ceux du pays ne fissent quelque entreprise contre luy, il vsa tousiours de Tartares, & autres esclauues Circassiens pour le faiēt des armes, & pour sa garde, avec defences à tous autres de porter aucunes armes, & par ce moyen continua ceste

3. in Phocione.

Les estrangers
plus forts se
font maistres
de ceux, qui les
appellent au se-
cours.

puissance tant luy, que les successeurs, iusques à ce que Sultan Selin s'en fist seigneur. Par mesme moyen les Herules, Gots, & Lombars se firent seigneurs d'Italie, les François de Gaule, les Anglois de la grand Bretagne, les Escossois d'Escoffe, ayans chassé les Bretons, & les Pictes, qui les auoient appelez au secours: & les Turcs de l'Empire d'Orient, & du Royaume d'Hongrie, estant aussi requis des Empereurs de Constantinople, & des estats d'Hongrie. On ne peut aussi nier, que Charle v. Empereur, n'eust changé l'estat d'Almagne en Royaume hereditaire par le moyen des Espagnols, Italiens, & Flamens, que les Catholiques Alemans auoiēt appelez à leur secours contre les Protestans, si le Roy Henry II. ne les eust deliurez avec les forces de France: qui pour ceste cause fut par les Alemans appellé par liures publiez, & arcades erigees en Almagne, protecteur de l'Empire, & liberateur des Princes. Ce que les Princes d'Almagne, ayans preueu, auoient obligé l'Empereur Charle v. par le xii. article des conditions, qu'il iura deuant que receuoir la Couronne imperiale, qu'il ne feroit entrer en Almagne soldats estrangers. Et depuis les Princes electeurs ont resolu de n'eslire iamais Prince estranger. Et toutefois si les estats du pays ne se peuuent accorder d'un Prince souuerain, il vaut beaucoup mieux auoir un Prince de pays loingtain que voisin. Et pour ceste cause les Aetoles firent Antioque, Roy d'Asie, leur capitaine general: ceux de Carthage, & de Syracuse enuoyoiēt querir des capitaines Lacedemoniens, & les Tarentins le Roy Pyrrhus: & Leon Roy d'Armenie, l'un des enfans d'André, Roy d'Hongrie, pour luy bailler sa fille, & son estat: autrement il est à craindre, que le Prince voisin, estant esleu pour capitaine annuel, ne se face perpetuel, ou s'il est perpetuel, qu'il ne se face hereditaire, ostant aux sugets le droit d'election: ou si l'estat est donné à un, qui est Roy, & aux siens, qu'il ne face vne mestairie de l'estat d'autrui, pour decharger son pays de tailles, & imposts: qui fut, peut estre, l'une des occasiōs, qui empescha, que le fils aisné de l'Empereur ne fust esleu Roy de Poulōgne. car il ne faut pas esperer, qu'il ait iamais telle affection aux estrangers, qu'aux siens, & qu'il n'abandonne au besoin l'estat d'autrui, pour garder le sien. Et pour conclusion, il me semble, que la Republique biē ordōnee, de quelque nature qu'elle soit, doit estre fortifiee aux auenuës, & frōtieres, & assuree de quelque bon nombre de gés adroits & aguerris, qui ayent certains heritages affectez aux gés de guerre, & otroyez à vie seulement, comme estoient anciennement les fiefs, & feudataires, & à present les Timars & Timariots en Turquie, afin de faire la guerre sans solde quatre, ou pour le moins, trois mois de l'an, suiuant les anciennes ordonnâces: & tenir la main à ce qu'ils ne soient hereditaires, engagez, ny alienez, non plus que les benefices. Et iusques à ce qu'on puisse remettre les fiefs en leur nature, pendant qu'on establisce quelques legions de gens de pied & de cheual, selon l'estat, pourpris, & grandeur de chacune Republique, qui soient entrete-

nus, &

nus, & exercez dès leur ieunesse aux garnisons, & frôtières en temps de paix, avec la discipline militaire, telle qu'elle estoit entre les anciens Romains, qui ne sçauoient que c'estoit de viure à discretion, & beaucoup moins de fourager, voler, brigander, battre, & meurtrir, comme on fait à present: ains leur camp estoit l'eschole d'honneur, de sobriété, de chasteté, de iustice & de toute vertu, sans qu'il fust licite à personne de reuanger ses iniures, ny proceder par voye de fait. Et à fin qu'on puisse garder ceste discipline, cōme fait encores l'armee des Turcs, il est besoin que les bons capitaines & soldats soient recompensez, mesmemēt sur l'aage de quelques exemptions, priuileges, immunités, & bienfaits. Et quand ores la tierce partie des finances seroit bien employee au payement de la gendarmerie, ce ne seroit pas trop: pour estre assure d'auoir des hommes au besoin, qui defendent l'estat: mesmement si la Republique est enuiee, & enuironnee de nations belliqueuses: comme sont les peuples, situez aux regions temperees, & fertiles, de France, d'Italie, d'Hongrie, de Grece, de l'Asie mineur, de Sorie, d'Ægypte, de Perse, & des Isles assises en la mer Mediterranee. car les peuples situez aux extremitez du froid, ou du chaut, comme sont les Æthiopes, Numides, Negres, Tartares, Goths, Moschouites, n'ont pas besoin de grandes fortereffes, ny que on entretiēne des legions en temps de paix, n'ayās point d'ennemis, que ceux, qu'ils font eux-mesmes, estans aussi les peuples de Septentrion, de leur nature, trop belliqueux, tous gens de cheual; ou la pluspart, & adonnez aux armes, sans qu'il soit besoin de les semondre dauantage à ce mestier, ou les enuoyer à la guerre: si ce n'est pour descharger le pays, ou bien, comme i'ay dit, qu'on ne les puisse nourrir en paix. Et affin qu'on ne soit en danger des alliez peu fidelles, ou que les estrangers ne hument le sang des sugets, s'aguerrissant aux despens d'autrui, & au danger d'enuahir l'estat, que les alliances, qu'on traitera offensiuës, & defensiuës, soient egales pour receuoir au besoin autant d'ayde & secours, qu'on seratenu d'en donner: & neantmoins que le secours d'autrui ne soit si fort, qu'on ne luy puisse donner la loy. Et au surplus, qu'il ne soit permis aux autres sugets de porter les armes, affin que les laboureurs, & artisans ne s'affriandent aux voleries, comme ils font, laissant la charuë, & la boutique, sans auoir aucune experience des armes, & quand il faut marcher contre l'ennemi, ils quittent l'enseigne, ou s'en fuyent au premier choc, mettans toute l'armee en desarroy: & mesmement les artisans, & gens sedentaires nourris en l'ombre, que tous les anciens, & sages Capitaines ont iugé estre du tout inhabiles au fait de la guerre, quoy que die Thomas le More en sa Republique.

Les peuples en pays fertile, & enuironnez de ennemis affamez, ont besoin d'estre aguerris.


Gēs de mestier inhabiles à la guerre.

6. Liuius lib. 8. *Sellularij, & opifices minimè militiæ idoneum genus.*

Ec

DE LA REPUBLIQUE
DE LA SEVRETE ET DROIT DES
alliances & traitez entre les Princes.

CHAP. VI.



Et traité de pēd du precedent, qui ne doit pas estre laissé, attendu qu'il n'y a ny iurifconsulte, ny politique qui l'ait touché: & neantmoins il n'y a rien en toutes les affaires d'estat qui plus traueille les Princes & Seigneuries, que d'asseurer les traitez, que les vns font avec les autres: soit entre les amis, soit entre les ennemis, soit avec ceux qui sont neutres, soit mesmes avec les sugets. Les vns s'assurent de la foy mutuelle simplement: les autres demandent ostages: plusieurs veulent aussi quelques places fortes: Il y en a qui ne sont pas contents, s'ils ne desarment les vaincus, pour plus grāde seureté. mais la plus forte qu'on a iugé, est celle qui est ratifiée par alliance, & proximité de sang. Et tout ainsi qu'il y a differēce entre les amis & ennemis: les vainqueurs, & les vaincus, ceux qui sont egaux en puissance, & les plus foibles: les Princes, & les sugets: aussi faut-il que les traitez soient diuers, & les assurances diuerses. Mais bien ceste maxime demeure generale, & indubitable, qu'en toutes sortes de traitez, il n'y a point d'assurance plus grande, que les clauses, & conditions inserees aux traitez, soient sortables aux parties, & conuenables au suget des affaires qui se presentent. Et ne fut iamais riē plus veritable que l'aduis de ce cōsul,¹ qui dist en plein Senat, *Neminem populum diutius ea conditione esse posse, cuius eum peniteat.* Il estoit question des Priuernates qui auoient quité l'alliance, & que les Romains auoient vaincus, On demanda à leur Ambassadeur quelle peine ils auoient meritē. la peine, dist-il, de ceux qui doibuent viure en liberté. Et le consul luy repliquant, si on vous pardonnoit, seroit on assuré de la paix? l'Ambassadeur respondit, *Si bonam dederitis, & fidam, & perpetuam: si malam haud diuturnam.* les ieunes senateurs trouuoient ces responses trop fieres & braues: mais les plus sages disoient, que ce peuple là qui ne combatoit que pour la liberté, meritoit droit de bourgeoisie Romaine: autrement qu'ils ne seroiēt iamais, ny bons sugets, ny loyaux amis. & suyuant c'est aduis, l'arrest du senat, passa en force de priuilege homologué par le peuple. Et neantmoins ils s'estoient rendus à la merci des Romains, comme toutes les autres villes des Latins alliez, ayant coniuré ensemble contre les Romains. Or la seureté que prenoient les anciens Romains, de ceux qu'ils vouloient assugetir, apres les auoir vaincus, c'estoit de prendre au parauāt toutes leurs forteresses, y mettre garnison, receuoir ostages, & desarmer entieremēt les vaincus.² Car il ne faut pas penser de iamais tenir en sugetion, vn peuple qui a tousiours vescu en liberté: ny retrancher sa liberté à demy.

comme

¹ Plantius Consul
apud Liuium lib. 8

² Liuius lib. 8. Mos
vetustus erat Romanis, cū quo nec
fœdere, nec æquīs
legibus iungere-
tur amicitia, non
pri⁹ impetio in eū
tanquam pacatum
vni, quam omnia
diuina humanāq;
deditisset, obsides
accepti arma adē-
pta, præsidia vrbi-
b⁹ imposita forēt.

comme fist le Roy Loüys XII. aux Genesuois, qui s'estoient mis en sa protection lors qu'ils estoient en danger, & le peril passé, ils se reuolterent, & s'allierent avec ses ennemis. Il y alla en personne, les assiegea, & les forcea de se rendre: puis les condamna en deux cens mil ducats, & mist garnison à la lanterne: & neantmoins les laissa gouverner leur estat: excepté la marque de la monoye qu'il leur osta: qui estoit trācher la sugetiō, & liberté par la moitié. Il estoit beaucoup plus expediēt d'en faire de bons sugets, ou les laisser en pleine liberté. car mesmes Loüys XI. auquel ils s'estoient dōnez, fist respōse, qu'il les dōnoit au Diable, se faisant prier de recevoir ny pēsiō, ny protection d'alliez si desloyaux, qui s'estoient reuoltez depuis que le Roy Charles VI. les receut en protectiō, pour les garentir des Venitiens. & les Comtes de Sauoye receurent en protection les Bernois contre les seigneurs de Burdorg: & depuis supplierent les Comtes de quitter la protectiō: ce qu'ils accorderēt craignās qu'ils leur fissent guerre. Mais le Roy François semble auoir fait vne faute encore plus grāde, car il refusa deux cens mil escus en sa necessité, qu'ils offroient pour estre quites de la protection, luy dōnant bien à cognoistre, que à la premiere occasion qui se presenteroit, ils se rebelleroient, comme ils firent apres la iournee de Pauie, & depuis chasserent ce peu de garnison qui restoit en la Lanterne, qu'ils raserēt du tout. Il falloit les assugetir, & leur oster l'administration de leur estat: ou les remettre du tout en liberté: car il n'y a point de moyen qui vaille. C'est, dira quelqu'un, rompre la foy de contreuenir aux traitez, & changer la protection en souueraineté. Je di qu'il est, & sera tousiours licite, de protecteur, se faire seigneur, si l'adherant est deloyal. Aussi lisons nous, que l'Empereur Auguste rendit les peuples sugets, qui auoient abuzé de la liberté. C'est pourquoy le Roy Charles IX. ayant decouuert les menees & pratiques secretes des Espagnols, avec les habitās de Thoul, Mets, & Verdun, fut contraint retrancher aucunement leur puissance. Car en tous les traitez de protectiō, il y a clause expresse, q̄ ceux qui sont en protection, retiendront leur estat & souueraineté: mais il n'y a pas grande seureté, si le protecteur tiēt les forteresses de ses adherans. car on sçait assez que les villes de Constance, Vtrech, Cambray, Vienne en Autriche, & plusieurs autres qui s'estoient mises en la protection de la maison d'Autriche, sont à present plus sugettes que les autres. Le Roy d'Hongrie a couru la mesme fortune: car apres la mort du Roy Iean, les estats du pays enuoyerent ambassadeurs au Turc pour recevoir la protection du ieune Roy, & du royaume, de crainte qu'ils auoient que Ferdinand ne s'en fist seigneur, comme il pretēdoit le royaume luy appartenir, en vertu des traitez faits entre la maison d'Autriche, & les Roys de Hongrie. mais les traitez n'auoient point de fondement asseuré, car le royaume estant electif, les Roys ne pouuoient oster ceste puissance au peuple, sans son consentement. & si la maison d'Autriche eust présenté

3. Tranquil. in Augusto.

Villes imperiales assugeties sous ombre de protection.

Le Royaume
de Hongrie af-
fugé & ſoubs
ombre de pro-
tection.

l'un des Princes pour eſtre eſleu, ſans difficulté elle euſt emporté: mais les eſtats aymerent mieux elire Mathieu Corbin pour Roy, que de perdre le droit d'election. & combien que le nouveau Roy & les eſtats du pays ratifierent les traitez precedens, ſi eſt-ce qu'ils ne furent point entretenus, parce qu'ils ſembloient eſtre faits contre droit, & raiſon, & par force. c'eſt pourquoy ils aymerent mieux ſe mettre en la protection du Turc, qui toſt apres s'en fiſt ſeigneur, ſachant bien que Ferdinand l'emporteroit, lequel neantmoins en a eu quelque partie: mais il fut contrainct d'acorder avec le Turc, en payant par chacun an bonne ſomme de deniers, que l'Empereur appelle penſion, & le Turc l'appelle tribut: & ſe vante que l'Empereur eſt ſon tributaire. Mais la difference eſt notable du penſionaire au tributaire: car le tribut ſe paye par le ſuget, ou par celuy qui pour iouyr de ſa liberté paye tribut à celuy qui l'a contrainct, & forcé de ce faire. la penſion eſt volontaire de celuy qui eſt en protection, ou de celuy qui eſt egal au traité d'alliance pour auoir paix, & empêcher que le penſionaire ne ſe ioigne aux ennemis: ou pour auoir ayde, & ſecours quand il voudra. comme és traitez d'alliãce egale, entre les Roys de France, & les ſeigneurs des ligues, qui ſe ſont faits de pure & franche volonté ſans force ny contraincte: le Roy promet penſion de trois mil liures, à chacun canton deux mil pour la paix, & mil pour l'alliãce: orès que le Roy François trois ans auparauant le traité euſt eu la plus grãde victoire ſur eux, que Prince qui fut onques. Et combien que nous auons dit que la vraye protection eſt celle, où l'un prend la deſenſe de l'autre gratuitement ſans aucun loyer: ſi eſt-ce que pour l'aſſurance des traitez, & protections, on a de couſtume receuoir penſion de celuy qui ſe met en protection: afin que le protecteur eſtant obligé, non ſeulement par ſerment, ains auſſi en receuant la penſion, ſoit plus prompt à ſecourir ſon adherant au beſoin. Vray eſt que les anciens n'en uſoient pas ainſi: mais depuis qu'on a balancé l'honneur au contre-poix du profit, on a commencé à trafiquer la protection à prix d'argent: c'eſt pourquoy noſtre Saluian de marſeille ſe plaint, diſant que les pauvres ſe metans en la protection des grands, donnēt tout leur bien pour la deſenſe. On ſçait aſſez que ceux de Luques, Parme, Siene, & pluſieurs autres payent de groſſes penſions pour la protection. Et le plus ſouuēt la penſion eſt payee au protecteur, non pas tāt pour eſtre garenti des ennemis, que du protecteur meſmes. comme il aduint apres la iournee de Pauie, tous les potentats d'Italie tournerēt leurs veüz aux Eſpagnols, & pour ſe rachapter de l'inuaſion, ſe mirēt en leur protection. & entre autres les Luquois payerent à l'Empereur Charle v. dix mil ducats: les Siënois quinze mil, & le Duc de Ferrare cinquante mil, qu'il paya au Viceroy de Naples, ſoubs couleur de preſt à iamais rendre. Mais c'eſt choſe bien plus eſtrange, de prendre la protection, tirer la penſion, & laiſſer les adherans au beſoin. comme depuis douze ans les habitans de Liſland ſ'eſtoient

mis

mis en la protection des Roys de Pouloigne, & de Suede, contre le Roy de Moschouie: les Roys s'accorderent avec le Moschouite, & les adherans furent exposez à la mercy de l'ennemy. Mais si celuy qui est en protection, comme souverain, & en sugetion comme vassal & suget, demande secours au protecteur, il y a double occasion de le defendre mesmement si on veut attenter à son honneur, & à sa personne: comme il aduint l'an M. D. LXII. que l'inquisition de Rome decerna au mois de Mars vne citation contre la Royne de Nauarre pour comparoistre à Rome dedans six mois, en personne, & non par procureur, sus peine de confiscation de tous ses biens, estats, & seigneuries. Le Roy Charles IX. print sa protectiō disant qu'elle luy appartenoit de proximité de lignage, qu'elle estoit Royne, & vesue & alliee à la maison de France, vassale & sugette du Roy: & que par les traitez des papes, & par les cōciles elle ne pouuoit estre tiree hors le Royaume pour quelque cas que ce fust: veu mesmes q̃ le pape Clemēt VII. enuoya deux Cardinaux en Angleterre pour ouir le Roy Héry VIII. sur le fait du diuorce d'entre luy & Catherine d'Espagne, Et d'autant que la citation & menace faite à vne telle Princesse touchoit son honneur, & ses estats, le Roy de France en aduertit par ses Ambassadeurs tous les Princes ses voisins, amis, & alliez: declarant au Legat du Pape, que son maistre ne trouuaist pas mauuais s'il chastioit ceux qui estoient cause de telle entreprise, comme fist Louys le ieune, en cas semblable, à Thibaut Comte de Champagne, qui auoit fait cēsurer le Côte de Vermandois. priant le Pape au surplus de reuoker les sentences données tant par luy que par ses deputez: autrement qu'il ne trouuaist pas estrange, s'il vsoit des moyens qu'on auoit suiui en cas semblables. Mais il aduint souuent, que ceux qui sont receus en protection, apres que le danger est passé, font la guerre au protecteur. nous en auons assez d'exemples, & sans aller plus auant, de nostre memoire nous auons veu plusieurs Princes d'Almage, se geter entre les bras du Roy Henry II. pour estre afranchis de la captiuité, & seruitude, en laquelle ils estoient enuelopez: le Roy Henry les receut en protectiō, & au lieu de receuoir pension, il leur auancea cinq cens mil liures, & leua vne armee de soixāte mil hommes à ses frais & despens, pour la liberté de l'empire. Et combiē que par le xxxiiii. article du traité de protection, il fut arresté, que les Princes adherans trouueroient bon, que le Roy s'emparaist des villes imperiales parlant François: si est-ce toutefois que l'Empereur ne fut pas si tost chassé, & l'empire reduit en sa premiere splendeur, par le moyen des François, que les principaux, & chefs des adherans, ne quittassent la protection du Roy: & qui plus est, ils prindrēt les armes contre le protecteur. Et par le recez de la iournee imperiale tenue l'an M. D. LXV. il fut arresté d'enuoyer ambassade en Frâce, pour demāder les trois villes imperiales, qui sont en la protection de France, Thoul, Verdun, & Mets: combien que Verdun a tousiours esté depuis cent LX. ans en la prote-

Seuretez de l'al-
liance de prote-
ction.

4. Liuius lib. 40.

5. Liuius lib. 42.

Genefue exem-
ptee de la pro-
tection des Ber-
nois.

ction de France, à trois cens liures de pension seulement. Aussi le decret imperial ne fortit point d'effect. & mesmes le Roy fut aduertty par lettres du premier Decembre M. D. LIX. par le moyen d'un pensionnaire que les estats de l'empire trouueroiēt bon, que le Roy voulust tenir lesdites villes, en foy & hommage de l'empire. en quoy ils faisoient bien entendre, qu'il ne tient pas lesdites villes, que à bien grande & iuste occasion. Et d'autant que le protecteur, ne peut estre inuadé par celuy qui est en protection, estant tousiours le plus foible, ceux qui se donnent en protection, ont bien affaire de plus grandes seuretez que les protecteurs. la premiere seureté depend des conditions raisonnables apposees au traité, la seconde des lettres de protection, que le protecteur doit deliurer aux adherans, pour testifier que les adherans demeurent souverains: & cela se doit faire es Monarchies, à la venue du nouueau Prince: car le successeur n'est point obligé à la protection. C'est pourquoy les habitans de Mets, apres la mort du Roy Henry II. demanderent qu'on leur octroyast lettres de protection: ce qu'ils faisoient, non pas pour estre assurez d'estre mieux gardez qu'ils sont: ains pour faire entendre qu'ils n'estoient pas en fugition. Ce qui est general en tous traitez faits entre les Princes, & a tousiours esté gardé, de renouveler les amitez, & alliāces, qui autrement demeurent sans continuation. Ainsi Perseus Roy de Macedoine, apres la mort de son pere, enuoya son Ambassade au Senat Romain, pour renouveler l'amitié avec son pere, & afin d'estre appelé Roy par le 4 Senat. Et quand il fut question de traiter ensemble, les Romains mettoient en auāt les cōditions faites avec son pere: Perseus fist response que les traitez faits avec son pere: ne luy touchoient en rien, & s'ils vouloiēt contracter nouvelle alliance, qu'il falloit premierement s'accorder des conditions. Aussi Henry VI. Roy d'Angleterre, ayant receu des mains de l'Archi-Duc Philippe le duc de Sufolc, à la charge de ne le faire mourir, garda sa foy: mais Henry VII. son fils, luy fist trancher la teste, disant qu'il n'estoit point tenu au traité fait par son pere. Toutesfois nous dirōs cy apres, quelles obligations il y a aux Princes successeurs: soit enuers les fugets, soit enuers les estrangers. Mais d'autant que les protections sont plus dangereuses pour les adherans, que tous les autres traitez, il est besoin de plus grande seureté, qu'il n'est es autres. car on voit le plus souuēt, à faute de seuretez, que la protection change en seigneurie: & tel se pēse biē assuré, qui met la brebis en la garde du loup. Et par ainsi il faut que les protections soient limitees à certain temps, mesmement entre les estats populaires, & aristocraties, qui ne meurent point. c'est pourquoy les habitans de Genefue, s'estans mis en la protection des Bernois, ne voulurent point que la protection durast plus de trente ans: qui expirent l'an M. D. LVIII. & lors les Genefuois traiterent alliance esgale avec les Bernois, qui ne fut pas sans difficulté bien grande, & furent à un point pres d'estre reduits en la fugition, & obeissance des protecteurs,

par

par la menée de certains bourgeois, qui furent executez à mort. & n'y a doubte que si les Bernois eussent eu garnison dedans Genefue, que les seigneurs de Genefue auoient perdu leur estat. ceux de Valdaost furent en mesme danger: car les Valois les vouloient assugetir sous voile de protection l'an M. D. LVIIII. si le Roy de France ne les eust defenduz. Voila donc la plus grande seureté de la protection, c'est d'empescher s'il est possible, que les protecteurs ne soient saisis des forteresses, & qu'ils ne mettent garnison és villes des adherans & ne faut iamais oublier ce que dist Brutus Tribun du peuple à la noblesse de Rome, qu'il n'y a que vne assurance aux foibles qui craignent les plus forts, c'est à sçauoir que les vns ne puissent offencer les autres quand ils voudroient: attendu que la volonté d'offencer ne faut iamais aux ambitieux qui ont pouuoir sur autrui. Et pour ceste cause il fut tres-sagement arresté par les Escossois, au traité de protection fait avec les Anglois, l'an M. D. LIX. que la Royne d'Angleterre, qui prenoit leur protection, bailleroit ostages, qui seroient changez de six en six mois, & qu'elle ne bastiroit forteresse en Escosse, que du consentement des Escossois. A quoy les Atheniens ayans failly, & s'estans mis en la protection d'Antipater, puis de Cassandre, & de Ptolemee: & en fin de Demetrius l'assiégeur, ils endurent que leurs protecteurs eussent les forteresses en leur puissance, qui se firent aussi tost seigneurs souuerains. ce que Demosthene auoit bien preueu, quand on luy disoit que Antipater estoit doux & gracieux, il respondit, nous ne voulons point de maistre pour doux qu'il soit. & ce fut le premier qu'Antipater fist mourir. Mais les Atheniens furent traitez comme ils auoient fait leurs alliez. car apres la chasse des Perses, toutes les villes de la Grece traiterent alliance egale, pour la tuition & defense de leurs estats, & libertez: où chacune ville deputa ses ambassadeurs expres: & pour les Atheniëns Aristide, surnommé le Iuste, fut enuoyé pour iurer l'alliance, comme il fist: & apres le sacrifice solennel, il getta dans la mer les masses de fer arden-^{6. Plutar. in Aristi-}tes, attestant le ciel & la terre, & priant tous leurs dieux, que celuy qui manqueroit de sa foy fust aussi tost estaint, cōme le feu estoit de l'eau.^{de.} Il fut arresté que chacune ville demeureroit en son estat, ressort, & souueraineté: & neantmoins que les deniers qui seroient leuez par chacun an sus tous les alliez, seroient mis au tresor d'Apollon, pour estre employez ainsi qu'il seroit aduisé par le commun consentement des alliez: & deslors chacune ville fut cortisée. Mais les Atheniens se voyā grande somme de deniers, fortifierent leur ville, ports, & passages fortifiables, & firent prouision de bon nombre de nauires, & galeres armées, & fretées. Et lors qu'ils se veirent le plus forts, ils changerent l'alliance egale en protection, & la protection en sugetion, de sorte que les appellations de toutes les villes des alliez, ressortissoient en Athenes, comme nous lisons en^{7. lib. de Repub. Athionien.} Xenophon, & toutes les charges, & tailles estoient im-

Les villes de la Grece assugeties sous ombre d'alliance.

7. lib. de Repub. Athionien.

posees par les Atheniës, qui s'estoient afranchis de tous impôts. ce qui aduint, d'autant que les Atheniens aguerrissoient leurs sujets aux despens des alliez: comme aussi firent les Lacedemoniens enuers tous leurs alliez, qui estoient pour la pluspart, & quasi tous gens mechaniques: & au contraire en Lacedemonie, il n'y auoit pas vn Spartiate qui fust artisan, obstant les defenses de Lyncurgue: de sorte que la ville de Sparte estoit de beaucoup plus puissante, & tenoit quasi en sugetion tous les autres alliez, comme nous lisons en Plutarque. Nous voyons les Latins estre tombez quasi en mesme difficulté, apres auoir traité alliance egale avec les Romains, contre lesquels ils prindrent les armes: par ce que les Romains, vsoient de commandement sur eux, comme enuers leurs sujets: dequoy se plaignant Setin capitaine des Latins disoit, *Sub umbra fœderis æqui seruitutem patimur.* nous sommes, dist-il, esclaves des Romains, sous ombre d'alliance egale. & peu apres: *concilia populorum Latinorum habita, responsûmque non ambiguum imperantibus milites Romanis datum absisterent imperare iis, quorum auxilio egerent: Latinos pro sua libertate potius, quàm pro alieno imperio arma laturos.* Nous lisons aussi que Lycortas, capitaine general des Acheans, vsoit de mesmes plaintes enuers Appius consul, apres que les Acheans eurent traité alliance egale avec les Romains. ⁸ *Fœdus Romanorum cum Acheis specie quidem æquum, esse: re precariam libertatem, apud Romanos etiam imperium esse.* Pour mesme cause les Samnites firent la guerre aux Romains, renonceans aux alliances. Et pour mesme occasion les villes d'Italie, allies des Romains par alliance egale, se reuolterent de l'alliance, parce que les Romains tiroient vn secours infiny d'hommes, & d'argent, & en toutes leurs guerres, ils auoient tousiours deux alliez des villes d'Italie, pour vn ⁹ Romain: & par ce moyen conquererent l'empire le plus grand qui fut iamais: & neantmoins, les associez n'emportoient rien des conquestes, hormis quelque pillage, apres que les Romains auoient pris ce qui leur plaisoit. ce fut l'occasion de la guerre Italique, qui ne print point fin, iusques à ce que les alliez eurent droit de bourgeoisie Romaine, pour auoir part aux honneurs, & magistrats. Et neantmoins quelque alliance egale que fissent les Romains, ils estoient tousiours les plus forts: & tenoient leurs alliez comme en sugetion. Mesmes on voit la responce fiere, & superbe, de laquelle vfa le consul Appius, au capitaine general des Acheans, sus le differêt qu'ils auoient pour l'estat des Lacedemoniens. *Dum liceret voluntate sua facere, gratiam inirent, ne mox inuiti, & coacti facerent,* Et au traité fait avec les Aetoles (qu'ils ne voulurent receuoir à la paix, s'ils ne se mettoient du tout à leur mercy) il y a ces mots, *Imperium, maiestatemque populi Romani gens Aetolorum conseruato sine dolo malo: hostes eosdem habeto quos pop. Romanus, armâque in eos ferto: & bellum pariter gerito: obsides arbitrio Consulis XL. & talenta quingenta dato.* Ils leur laisserent le gouuernement

8. Liuius lib. 33.

9. Polyb. lib. 6. de militari ac domest. Roman. disciplina.
Liuius lib. 36.

Ceux qui sont en protection, doiuent respecter la majesté des protecteurs.

nement de leur estat, mais ils asséurerent si bien le traité de paix, qu'ils n'estoient gueres moins que sugets: les ayans depouillez d'hommes & d'argent, & receu les plus grands pour ostages. J'ay dit que ces mots, *maiestatem Romanorum conservato*, monstrent que le traité fait entre la seigneurie des Romains & des Atoles, est inegal, & que ceux-cy respectoient la maiesté des autres en tout honneur: & combien que les Romains donnerent loy aux Atoles, si est-ce que leur estat, & souveraineté leur demeura: comme ils firent en toute la Grece qu'ils affranchirent de la puissance des Roys de Macedoine. Et depuis qu'ils eurent vaincu & pris Perseus Roy de Macedoine, ils affranchirent tous les peuples, & les deschargerent de la moitié des impôts, donnerent permission aux peuples de gouverner leurs seigneuries: & pour s'asseurer, ils cōmanderent sur peine de la vie, à tous gouverneurs, capitaines, lieutenans, presidens, cōseillers d'estat, Ambassadeurs, gentilshommes servans, & iusques aux pages, & laquets du Roy, qu'ils eussent à vuidier le pays de Macedoine, & passer en Italie: *qui servire regibus humiliter, aliis superbè imperare¹ consueverunt*. & non contents de cela, ils diuiserent la Macedoine en quatre prouinces, avec defences sus la vie, que ceux d'une prouince n'eussent aucun accès, ny communication, ny traficque, ny commerce, ny alliance de mariages avec les autres: & au surplus, que la moitié des charges qu'ils payoient au Roy, fussent portees au tresor de Rome par chacun'an. Et par ainsi les peuples de Macedoine, auoient receu la loy des vainqueurs, & demeuroient tributaires. Le Consul² Mummius vſa de meſme ruze ayant assugeti l'estat des Acheans, il raza Corinthe, & abolit les corps, estats, & communautéz de la Grece, Qui fut vn moyen subtil pour allecher à l'amitié des Romains, tous les peuples esclaves, & tyrannisez, & faire trembler les tyrans, ou pour le moins contraindre les Roys, & Princes souverains, à gouverner iustement leurs sugets, voyans que le prix de la victoire des Romains, estoit la liberté des peuples, & la ruine des tyrans. En quoy faisant ils emportoient le plus haut point d'honneur, que les hommes peuuent auoir en ce monde, c'est à ſçauoir d'estre iustes & sages. Aussi est-ce vne iniure double, que le seigneur reçoit de son suget, qui s'est mis en la protection d'autrui, & de celuy qui l'a receu, s'il ne tient de luy en foy & hommage, ou quelques biens en la seigneurie du protecteur. Et d'autant que l'Euesque de Mets se meit en la protection de l'Empire, & obtint lettres de sauuegarde pour luy & pour les siens, & de ce qu'il tenoit au pays Messin, l'an D. Lxv. le lieutenant du Roy de France empescha la publication de la sauuegarde, par laquelle celuy qui auoit eu recours à l'Empire, reuouoit en doubte l'obeyſſance due à son Prince, & la protection de Mets, & la iustice de son Roy. Et toutefois plusieurs Princes reçoient sans discretion tous ceux qui les requierent, chose qui tire apres soy beaucoup d'inconueniens, si la pro-

1. Liuius lib. 45.

2. Strabo.

La neutralité v-
tile quelques-
fois.

Neutralité sou-
uent dangereu-
se.

2. Liuius lib. 35.

3. Liuius lib. 9.

tection n'est iuste: & generalemēt tous les traitez d'alliance faits avec vn Prince ou peuple guerrier tire apres soy la sugestion de prédre tousiours les armes pour son secours, & courir la mesme fortune: comme les alliez des Romains, par le moyen des traitez, estoient tenus de fournir hommes, & argent, pour le secours: & le profit & honneur des conquestes en reuenoit aux Romains. on ne fait plus de traitez en ceste sorte: si ce n'est que le vainqueur dōne la loy aux vaincus. c'est pourquoy plusieurs ont pensé, qu'il estoit expedient à vn Prince d'estre neutre, & nes'entremettre point des guerres d'autrui. Et la raison principale qu'on peut auoir, est, que la perte & le dommage est cōmun, & le fruit de la victoire, à celuy duquel on soustient la querelle. ioint aussi qu'il faut se declairer ennemi des Princes, sans auoir esté offensé. mais celuy qui demeure neutre, trouuera bien souuēt le moyē d'apaiser les ennemis: & se maintenant en l'amitié de tous, emportera grace, & honneur des vns & des autres. Et si tous les Princes sont liguez les vns contre les autres, qui sera moyēneur de la paix? Dauantage il semble qu'il n'y a moyen plus grand de maintenir son estat en sa grandeur, que voir ses voisins se ruiner, les vns par les autres. Car la grādeur d'un Prince, à bien parler, n'est autre chose que la ruine, ou diminutiō de ses voisins: & sa force, n'est rien que la foiblesse d'autrui. c'est pourquoy Flaminius disoit au Cōsul Attilius, voulant ruiner les villes des Ætoliens, qu'il n'estoit pas si expediēt aux Romains d'afoiblir les Ætoliens, que d'empescher Philippe le ieune Roy de Macedoine, de s'agrandir. Voila quelques raisons qui peuvent seruir à ceux qui defendent la neutralité. Mais il semble qu'il y en a de plus pregnantes au contraire. Premieremēt il est certain en matiere d'estat, qu'il faut estre le plus fort, ou des plus forts: & ceste reigle ne souffre pas beaucoup d'exceptions: soit en vne mesme Republique, soit entre plusieurs Princes: autremēt on seruira tousiours de proye à la discretion du vainqueur: cōme les Ambassadeurs Romains respōdirent aux Acheans, auxquels Antioque Roy d'Asie, demandoit qu'ils fussent neutres, entre luy & les ² Romains. Et semble qu'il faut par necessité pour se maintenir, estre amy, ou ennemy. & de fait nous en auons l'exemple de Loüys XI. Roy de France, auquel on faisoit guerre de tous costez, tant qu'il fut cōme neutre: mais si tost qu'il eut allié les Suisses entre eux plus estroitement & la ville de Strasbourg, & qu'il se fut ioint en leur alliāce, oncques puis il n'y eut ennemi qui osast l'assaillir, cōme dit Philippe de Comines. car la voye de neutralité, *neque amicos parat, neque inimicos tollit*: ainsi que disoit vn ³ ancien capitaine des Samnites. & la mesme conclusion fūt prise aux estats des Ætoliens par le capitaine general Aristenus, disant: *Romanos aut socios habere oportet, aut hostes, media via nulla est*. Nous en auons vne infinité d'exemples en toutes les histoires: Ferdinand d'Arragon ne trouua point de plus grand moyen de voler le Royaume de Nauarre à Pierre d'Albret, qu'en luy persuadant d'estre neutre, entre luy

luy & le Roy de France, afin qu'il fust destitué au besoin. Et les habitans de Iabes ayans fuiui le parti de neutralité, & ne voulans point se mesler de la guerre que tout le peuple Hebrieu faisoit à la lignee de Beniamin, furent tous mis à mort, & leurs villes rasees. comme aussi les Thebains tomberent en danger extreme, pour auoir esté ⁴ neutres, quand le Roy Xerxes vint en Grece. Comme en cas pareil la ville de Lays en Surie fut surprise, pillée, saccagée, & brulée par vne petite compagnie de la lignee de Dan: par ce qu'ils n'auoiēt ⁵ dit l'histoire, ny Prince souuerain, ny alliée avec aucune ville. Et sans aller si loin, les Florétins apres auoir quitte l'alliance de la maison de Frâce, ne voulant point entrer en la ligue du Pape, de l'Empereur, du Roy d'Angleterre, du Roy d'Espagne cōtre la maison de France, sentirent bien tost les fruits de neutralité. Mais ils ne deuoient pas, dira quelqu'un, se liguier contre la France: il est vray, ils ne la deuoient pas quitter aussi au besoin, comme ils firent. car non seulement les alliances sont enfraintes, comme disoit vn Ambassadeur Romain, *Si socios meos pro hostibus habeas, aut cum hostibus te coniungas*: ains aussi quand on laisse les allies au besoin, car en ce cas la neutralité ne peut auoir lieu, si par le traité on leur doit secours. Toutefois on peut dire, que la neutralité peut estre accordée du consentement des autres Princes: qui semble estre le moyen le plus seur pour se maintenir, sans aucune crainte des vainqueurs. Et de fait l'estat de Lorraine, les pays de Bourgongne, & de Sauoye, tant qu'ils ont eu alliance de neutralité, se sont tousiours maintenus. & depuis que le Duc de Sauoye se tourna du costé des Hespagnols, il fut chassé de son estat par les François. Mais aussi il y a bien difference d'estre neutre, sans amitié des vns, ny des autres: & d'estre neutre, allié des deux parties: & ceux cy sont beaucoup plus assurez, que s'ils estoient ennemis des vns, ou des autres: car ils sont hors de l'inuasion des vainqueurs: & s'il y a traité entre les ennemis, ils sont compris de part, & d'autre. Et si la neutralité est loüable en la sorte que i'ay dit, encores est elle plus recommandée en la personne du Prince, qui surpasse en puissance, ou en dignité tous les autres: afin d'auoir l'honneur d'estre iuge, & arbitre: cōme il aduient tousiours, que les differents d'entre les Princes, sont vuidez par amis communs: & principalement par ceux là qui passent les autres en grandeur: comme par cy deuât plusieurs Papes, qui ont sceu tenir leur rang, & accorder les Princes Chrestiens, ont rapporté hōneur, grace, & seureté de leurs personnes, & de leur estat: & ceux qui ont fuiui l'un ou l'autre parti, ont tiré apres eux la ruine des autres Princes. On trouua fort estrange en Espagne, que le Pape Alexādre VI. Espagnol naturel, fist ligue avec le Roy de Frâce Loüys XII. & quand les Espagnols eurent du meilleur, il fist responce à l'Ambassadeur de France, qu'il vouloit estre neutre, & se conseruer pere cōmun des parties: mais il n'estoit pas tēps d'estaindre le feu, apres l'auoir ambrazé. comme en cas pareil le Duc Dalue viceroy de Naples, estant ad-

4. Polybius lib. 4.

5. Iudicum cap. 18.

Quand on doit
estre neutre.

uerti de la requeste du procureur de la chambre de Rome contre l'Empereur, touchant la confiscation & reunion du royaume de Naples au domaine de saint Pierre, escriuit au Pape Theatin, qui auoit traicté alliance avec la maison de Frâce, qu'il se deuoit maintenir neutre, pour la dignité qu'il auoit par dessus tous les Princes Chrestiens. mais les trefues estoient ià rompues, les armées en campagne, les enseignes desployées: & la fin en fut malheureuse: car le pape renoua depuis à la ligue, laissant les François au besoin, & fut arresté par le traité fait avec les Espagnols, qu'il demeureroit neutre. iamaïs inimitié de Prince ne fut si pernicieuse à son ennemi, que lors fut la faueur du Theatin aux François: sans laquelle ils n'eussent pas esté réduits à telle extremité, de quitter en vn iour, ce qu'ils auoient conqueſté en xxx. ans. Encores est il plus estrange, que la memoire estoit fraische des fautes semblables, que le Pape Clemēt VII. auoit faites, portant faueur à l'un des Princes, contre l'aduis de son Ambassadeur Louys Canose, qui l'aduertit par lettres escrites de Frâce, que la grâdeur, & seurété de son estat estoit à se monstrer neutre. Aussi bien tost apres il se veit prisonnier des Imperiaux, & la ville de Rome saccagée, d'une façon estrange: & luy, & les cardinaux rançonnez à la discretion des vainqueurs. Je n'être point au merite du faict, & n'est point questiō de sçauoir, qui plus meritoit de faueur: ains seulement, que celuy qui peut seul estre iuge, ou arbitre d'honneur, ne doit iamaïs se faire partie: quand ores il seroit asseuré, qu'il n'en pourroit encourir aucun danger: à plus forte raison quand il y va de son estat. & qu'il n'en peut auoir autre seurété que du hazard de la victoire. Il y en a d'autres qui pour auoir la grace de tous costez defendent bien en public que leurs lugets ne donnent ayde ny secours aux ennemis de leurs alliez, & sous main le passent par souffrance, & quelquefois les y enuoyent. Ainsi faisoient les Ætoliens, dit Tite Liue, *qui iuuentutem aduersus suos socios publica tantum auctoritate dempta militare sinunt, & contrariæ sæpe acies in utraque parte Ætolica auxilia habent.* tels alliez sont plus dangereux que les ennemis. Mais on dira, peut estre, qu'il est dangereux aussi de souffrir que la puissance d'un Prince croisse en telle sorte, qu'il puisse apres donner loy aux autres, & enuahir leur estat quand bon luy semblera. Cela est bien vray, & n'y a plus grande occasiō pour laquelle celuy qui est neutre, doit l'empescher tāt qu'il pourra. car la seurté des princes, & des Republiques, gist en vn contrepoix egal de puissance des vns & des autres. Aussi quand les Romains firent la guerre au Roy Perseus, les vns fauorisoient le Roy, les autres portoyent les Romains, *Tertia pars*, dit Tite Liue, *optima eadem, & prudentissima, si utique optio Domini potioris daretur, sub Romanis, quàm sub Rege esse mallebat si liberum inde arbitrium esset, neutram partem volebant altera oppressa fieri potentiolem: ita inter utrosque conditionem ciuitatum optimam fore, protegente semper altero inopem, ab alterius iniuria, & illibatis utriusque partis viribus parem esse.* En quoy il fut iugé des plus sages, qu'il

qu'il n'y arien meilleur pour la seurte des estats, que la puissance soit egale des vns, & des autres, autant qu'il sera possible. neantmoins ceux qui faisoient ce iugement, lors que les Romains, & Macedoniens se faisoient guerre, demeurerent neutres: ores qu'ils fussent obligez à la puissance des Romains, & du Roy de Macedoine: & s'en trouuerent bien: car il y a bien difference de souhaiter, que les parties demeurent egales, & se faire partisan. Il est donc loüable au plus grand, & plus puissant d'estre neutre: ores qu'il ne soit accordé entre les autres Princes: & aux plus foibles quand il est ainsi conuenu entre les autres Princes, comme nous auons dit, cy dessus. Et mesmes cela est necessaire, pour le salut commun de tous les Princes & seigneuries, qui ne peuuent estre accordez que par les alliez communs, ou qui sont neutres. Mais ceux là qui sont neutres bien souuent allument le feu au lieu de l'esteindre: ce qui peut estre excusable, si la conseruation de leur estat depend de la guerre, qu'ils nourrissent entre les autres. si est-il biẽ difficile que cela ne soit descouuert: & la chose estant euentee, il aduiẽt que les parties s'accordent pour se ruer sus l'ennemy cõmun. comme il en print aux Venitiens, qui anciẽnement mettoient leurs voisins en querelle, & tousiours peschoient en eau trouble. Le Roy Loüys XII. l'ayant aperceu s'allia de tous les Princes, & puis tous ensemble firent ligue contre les Venitiens, qui furent reduits à telle necessité, de rendre au Roy de France, Creme, Bresse, Bergame, Cremone, la Guiaraddade, membres du duché de Milan: & au Pape, Fauence, Rimini, Rauẽne, Ceruie, domaine saint Pierre: à l'Empire, Padouẽ, Vincence, Verõne: à l'Empereur les places du Friul, & du Treuisan, domaine de la maison d'Austriche: à Ferdinád les ports & places engagees par les Roys de Naples à la seigneurie de Venize: & rapeller leurs magistrats des villes imperiales, & de tout le païs qu'ils tenoiẽt en terre ferme, qui iamais n'eust sorty de leurs mains: car mesmes le Pape se cõtentoit de quelque place: mais Dominique Treuisan procureur de saint Marc empescha le senat de ce faire, disant que ce qui estoit tombé entre les mains des Venitiens n'en sortoit iamais. C'est donc le plus seur à celuy qui est neutre de moyenner la paix, que de nourrir la guerre, & en ce faisant, rapporter l'honneur, & l'amitié des autres, avec la seurte de son estat: comme les Atheniens moyennerent la paix entre les Rhodiots, & Demetrius l'assiegeur, au grand contentement des vns & des autres, qui estoient ennuyez de guerre, & n'osoient demander la paix l'un à l'autre: de quoy les Atheniens rapporterent vn grand hõneur, & profit pour leur estat. Ce qui est encores plus necessaire, si celuy qui est neutre, est allié de ceux qui sont en guerre, quand il doit tirer secours de ses alliez: comme nos Roys ont tousiours fait entre les Suisses protestãs & catholiques, & entre les Grizons & Suisses. Et quelquesfois ceux qui sont acharnez en guerre secrettement, suscitent vn tiers qui soit neutre, pour le desir de la paix, & la honte qu'ils ont de la deman-

Ligue de tous
les Princes cõ-
tre les Venitiẽs

der. comme les Florentins ne pouuans venir à chef des Pisans, obstant le secours des Venitiens, qui ne demandoient pas mieux que se retirer de la presse, suscitèrent sous main le Duc de Ferrare, pour moyenner l'accord. Qui est le plus haut point d'honneur que vn Prince peut gagner, à sçauoir d'estre esleu arbitre de paix entre les autres: comme estoient anciennement les Romains: & depuis ceste prerogative fut gardee aux Papes entre les Princes Chrestiens, & souuent ont esté nommez iuges & arbitres de tous leurs differends, comme aux traitez d'entre le Roy Charles v. & Charles Roy de Nauarre fait l'an M. CCC LXV. & entre Philippe le Conquerant, & Richard Roy d'Angleterre. si le Pape n'estoit partie, comme fut Innocent IIII. contre Federic II. Empereur, alors l'Empereur esleut pour arbitre le parlement de Paris, qui lors estoit le Senat des Pairs, & Princes, & le conseil de France. & mesmes Clement VII. Pape traitant alliance avec les Roys de France, & d'Angleterre contre l'Empereur, l'an M. D. XXVIII. à l'instance de Longueual Ambassadeur, fist mettre au traité, que s'il falloit cōclure la paix l'honneur luy en fust raporté. Paul III. fist le semblable entre le Roy de Frâce & l'Empereur, es traitez de Marseille, & de Soissons. Et l'une des choses qui est la plus necessaire pour la seurte des traitez de paix & d'alliâce, est de nōmer quelque plus grād, & puissāt Prince pour iuge, & arbitre en cas de cōtrauētion: afin d'y auoir recours cōme au garād: & qu'il moyenne l'accord entre ceux, qui pour estre egaux ne peuuent hōnestement refuser la guerre, ny demāder la paix. Mais afin que les autres Princes n'en viennent là, ils doiuent se liguier tous ensemble, pour empescher que la puissance de l'un face ouuerture à son ambitio pour afferuir les plus foibles. ou pour mieux faire, s'ils sōt alliez enuoyer Ambassades pour moyēner la paix au parauāt la victoire: cōme firent les Atheniēs, les Rhodiots, le Roy d'Egypte, & la seigneurie de Chio entre Philippe le ieune, Roy de Macedoine, & les Ætoliēs: craignāt la grādeur du Roy de Macedoine: cōme nous lisons en Tite-Liue. Et pour ceste cause apres la prise du Roy François I. le Pape, les Venitiēs, les Florētins, le Duc de Ferrare, & autres potentats d'Italie traiterēt alliâce avec le Roy d'Angleterre, pour la deliurāce du Roy de Frâce, craignās les grifes de ce grād aigle, qui de ses ailes couuroit presque toute l'Europe: iāçoit que ceux la mesmes l'auoiēt esleué, ayāt fait ligue contre le roy François, apres la iournee de Marignā, & remis François Sforce au duché de Milā: ayās cogneu par experiēce, cōbien est dāgereux le voisinage d'un puissant Prince. car s'il est iuste & entier, son successeur ne luy semblera pas. Qui fut la cause que Mithridate Roy d'Amasie voyant l'Empire des Romains toucher au ciel de sa grandeur, traita ligue avec les Roys de Parthe, Armenie, Ægypte, & plusieurs seigneuries de la Grece cōtre les Romains, qui auoiēt empieté la pluspart de l'Europe sous voile de iustice: & en fist pour vn iour mourir 45. mil par cōiuration secrete: mais il n'estoit plus temps de faire

faire ligue, contre vne puissance qui estoit desia inuincible. C'est pourquoy maintenant si les grands Princes traitent la paix entr'eux, tous les autres y vont à l'enuy, pour y estre compris : tant pour la seureté de leur estat, que pour entretenir les plus grands en contrepoix egal, afin que l'un ne s'esleue pour accabler les autres, comme il s'est fait au traité de S. Quentin l'an M.D.LIX. tous les estats, & Princes Chrestiens y sont compris de la part du Roy de Frâce, ou du Roy Catholique, ou des deux ensemble, & tous ceux que les deux Roys voudroient nommer dedans six mois. Mais cela s'entend qu'ils soient specialement cōpris, & non pas en general sous le nom d'alliez ou neutres. car s'il n'y a expression speciale, on a iuste occasion de pretendre ignorāce: attendu que les affaires d'estat, se manient quelquesfois si secrettement, & si soudain, qu'une ligue est plustost faicte, que l'entreprise ne s'est peu descourir: quelque diligēce que facēt les Ambassadeurs de sçauoir les cōditions des traitez. cōme il aduint du traité de Cambray, fait au moys d'Octobre l'an M. D. V I I I. où le Pape, l'Empereur, l'Empire, le Roy de Frâce, le Roy d'Arragon & de Naples, le Roy de Castille, les Ducs de Lorraine, Ferrare, Mantouë, entrerēt en ligue contre la seigneurie de Venize: ce qui fut plustost arresté que les Venitiens, n'en sentirent le vent: iacoit qu'ils eussent Ambassadeurs quasi enuers tous ces Princes. & n'y a doubte, que s'ils eussent esté aduertis d'une telle ligue, ils pouuoient aisement l'empescher: veu mesmes que bien tost apres, ils trouuerent moyen d'en distraire le Pape, & le faire ennemi des François. qui fut le seul moien de se releuer de la ruine ineuitable où ils estoient tombez. Il en print autāt aux Princes protestans, contre lesquels le traité de Soissons, fait au mois de Septēbre M. D. X L I I I. entre le Roy de Frâce, & l'Empereur, portoit au premier article, que les deux Princes ioindroient leurs forces, pour leur faire la guerre: ce qu'ils ne peurēt iamais croire, iusques à ce qu'ils eurent veu tous les preparatifs se dresser contr'eux. Il leur estoit fort aisé, d'obuier à l'orage, qui tomba sur eux, veu que l'Empereur n'auoit pas grande enuie de leur faire guerre; & le Roy encores moins: qui mesmes les fauorisa secrettement: de sorte qu'en dōnant quelque secours à l'Empereur, ou du moins luy enuoyant quelque Ambassadeur, ils eussent esté cōpris au traité. car ils n'auoient ennemi que le Pape, qui lors estoit neutre entre le Roy & l'Empereur. Quelquesfois aussi la ligue est si forte, & l'inimitié si grāde, qu'il est bien difficile de l'empescher, & moins encores de la rōpre, quād elle est conclue, Le Roy François I. voyoit cōme en plein iour, & sçauoit tresbien la ligue qui se faisoit entre le Pape, l'Empereur, le Roy d'Angleterre, les Venitiens, les Ducs de Milan, & de Mantouë, les Republiques de Gennes, Florēce, Luque, Syenne, tous confederez contre son estat: qu'il ne pouuoit empescher, sinon en quitāt le duché de Milā. Ceux qui auoient traité paix, & amitié perpetuelle: & ceux qui estoient alliez par alliance defensiue avec luy, manquerent de leur foy, & luy firent guerre

Ligue contre la
France.
4. l'an 1523.

ouuerte. ce qu'on ne trouuoit point estrange: car de la foy, plusieurs n'en font ny mise, ny recepte, en matiere d'alliances que font les Princes entr'eux. & qui plus est, il y en a bien de si perfides, qu'ils ne iurent point, s'ils ne veulent tromper: cōme le capitaine ⁵ Lyandre, qui se vatoit de tromper les grands au serment, & les enfans aux osselets. Mais Dieu punit sa desloyauté comme il meritoit. Aussi le pariure est plus execrable que l'atheisme: d'autant que l'Atheiste, qui ne croit point de Dieu, ne luy fait pas tant d'iniure, ne pensant point qu'il y en ait, que celuy qui le sçait bien, & le pariure par moquerie. de sorte qu'on peut dire, que la perfidie est tousiours cōioincte avec vne impieté, & lacheré de cœur. car celuy qui iure pour tromper, il mōstre euidentement qu'il se moque de Dieu, & ne craint que son ennemy. Il seroit beaucoup plus expediēt, de n'appeller iamais Dieu à tesmoing, ny celuy qu'on pense estre Dieu, pour s'en moquer: ains qu'on ne appellast autre tesmoing que soymesme: comme nous trouuons que fist Richard comte de Poitiers, fils du Roy d'Angleterre, lequel donnant la confirmation des priuileges aux Rochelois, vsa de ces mots. *Teste me ipso*. Or puis qu'il est ainsi, que la foy est le seul fondement & appui de iustice, sus laquelle sont fondees toutes les Republiques, alliāces & societez des hōmes, aussi faut il qu'elle demeure sacree & inuiolable, és choses qui ne sont point iniustes: & principalement entre les Princes: car puis qu'ils sont garēds de la foy, & du serment, quel recours aurōt les peuples sugets à leur puissance, des sermens qu'ils font entr'eux, s'ils sont les premiers infracteurs, & violateurs de la foy? l'ay dit si la chose n'est iniuste: car c'est double⁶ meschanceté, de donner la foy, pour faire vn acte mechant: tant s'en faut qu'en ce cas, celuy qui manque de promesse, soit perfide, qu'il merite loyer. Et en cas pareil si le Prince a promis de ne faire chose, qui est permise de droict naturel, il n'est point⁷ pariure, quand il se depart de son serment: car mesme le suget n'est point pariure, qui contreuient au serment par luy fait, d'une chose qui est permise de droict. Mais les sages Princes ne doiuent⁸ faire serment aux autres Princes, de chose qui soit illicite de droict naturel, ou du droict des gens, & ne contraindre les Princes plus foibles qu'eux, à iurer vne conuention qui soit desraisonnable. Et pour oster l'ambiguité, il faut esclaircir, & specifier les cas qu'on pense estre iniques, autrement celuy qui est obligé, prendra le mot de iuste en general, pour s'en seruir au cas special: comme il se fist au traité fait l'an M. CCCCXII. au mois de May, entre Henry Roy d'Angleterre, & ses enfans d'une part: & les Ducs de Berry, d'Orleans, Bourbon, les Comtes d'Alençon, d'Armignac, & le seigneur d'Albret d'autre: qui iurerent de seruir le Roy d'Angleterre en toutes ses querelles iustes de leurs personnes, & biens, quand ils seroient requis. Il n'y auoit aucune reseruation expresse du souuerain, cōtre lequel le Roy d'Angleterre entēdoit s'ayder du cōtract. ce qu'il ne pouuoit. Or il n'y a

iamais

5. Plutar. in Lyfandro.

La foy des aliez.

6. cap. I. de iure iurando.

7. l. vlt. de non numerata pe. C. l. adigere §. vlt. de iure pat. l. iuris gentiū. §. & generaliter de pact. l. vlt. qui satisf. dare cogant. licet canonistę aliter sentiunt ex cap. rescripto de iure iurando. glo. in l. si pecuniam de condic. causa. Bald. ibid. & ita iudicatū Gratianopoli 12. Septemb. 1460.
8. veritum artesto curię Parisiorum. v. notar Rebuf. glo. vlt. nu. 9. de mercat.

iamais cause iuste de prendre les armes cōtre son Prince & contre sa patrie, ⁹ comme disoit vn ancien orateur. non pas que les Princes ne soient pariures, qui se departent des promesses de raisonnables qu'ils ont faictes, estans contrains par les vainqueurs, cōme quelques docteurs ⁹ ont soutenu, aussi mal informez de l'estat des Republiques cōme des histoires anciennes, & du fondement de la vraye iustice : discourant des traictés faits entre les Princes, comme des conuentions, & contractés faictés entre les particuliers : qui est vne opinion de trespernicieuse suite. car on voit depuis deux, ou trois cens ans, que ceste opinion a pris pied, qu'il n'y a si beau traicté, qui ne soit enfreint : de sorte que l'opinion a presque passé en force de maxime, que le Prince contraint de faire quelque paix, ou traicté à son desauantage, s'en peut departir, quand l'occasion se presentera. Mais c'est merueille, que les premiers legistateurs, & iuriconsultes, ny les Romains, maistres de la Iustice, ne se sont iamais aduisez de telles subtilitez. Car on sçait assez, que la pluspart des traitez de paix, se font par force, ou par crainte du vainqueur, ou de celuy qui est le plus puissant : & quelle crainte y a il plus iuste, que perdre la vie ? neantmoins le Consul Attilius Regulus, ayant iuré aux Cartaginois de retourner sachant qu'il alloit à la mort, n'vsa pas de telle subtilité : ny le Consul Mancinus, enuers les Espagnols. Pourquoy donc sont ils si haut ¹ louez ? le Consul Posthumius, & son compagnon, avec six cens Capitaines, lieux-tenans, & gentils-hommes de l'armee Romaine surprise entre les destroicts du mont Apennin, estans lachez sous leur promesse, & puis ayans disputé en plein senat, & deuant tout le peuple du droit des gens, touchant les accords, & traitez faits en guerre, n'alleguerent iamais la force, ny la crainte : ains seulement il fut dit, qu'ils n'auoient peu traiter les conditions de la paix avec l'ennemy, sans charge, & procuration speciale du peuple Romain. Et de fait ceux qui auoient iuré la paix, & qui s'estoient constituez ostages pour toute l'armee, se rendirent volontairement aux ennemis, pour disposer de leur vie à leur discretion, & furent deliurez par les heraults. Au traicté de Madric, faict le **xiiii. Feurier M. D. xxvi.** il fut dit que le Roy estant arriué à la premiere ville de son Royaume, ratifiroit les articles par luy iurez en prison, & les feroit ratifier au Dauphin de France, si tost qu'il seroit en aage. & au dernier article il est porté, que si le Roy ne vouloit tenir la paix iuree, qu'il retourneroit prisonnier en Espagne, il bailla ses deux enfans, François, & Henry pour ostages. Estant deliuré, tous les autres Princes luy tendirent les mains, & se liguerent avec luy contre l'Empereur, pour raualler sa puissance, qu'ils auoient esleuee iusques au ciel. Le Roy aiant assemblé tous les Princes, & les plus grands seigneurs en sa cour de parlement, pour deliberer ce qu'on debuait faire, touchât le traicté de Madric, le premier President de Selua, voulant mōstrer que le Roy n'estoit tenu au traicté, s'appuya sus l'auctorité du Cardinal Zabarel, qui estoit

9. Cicero, nulla iusta causa videri potest aduersus patriam arma capiendi.

9. Alexand. cōfil. 48. lib. 4. & 27. lib. 5. Franciscus de Acolt. cōfil. 14. Decius cōfil. 219. Bald. cōfil. 364. & 26. lib. 3. & 240. lib. 1. Dominic. gemin. cōfil. 124. Cardini. Zabarel. cōfil. 137. Barr. ad l. conuentionum de pactis,

1. Cicero. lib. 3. offic.

Traicté de Madric.

beaucoup moindre que luy premier President, & lieutenant pour le Roy au plus beau Senat du monde, l'opinion duquel Cardinal est fondée sur la raison² de force & de contraincte: & pour la fortifier il allegue que Jean Roy de Cypre, estant prisonnier des Genefuois, bailla son fils en ostage, & ne garda pas sa promesse. Voila sommairement sur quoy estoit fondée l'infraction du traité de Madric. On y adiousta aussi que le Roy n'auoit peu quitter la souveraineté du bas pays, ny le Duché de Bourgogne, sans auoir le consentement expres des estats. Quant à ce point il est bien certain: que c'estoit assez, pour rompre le traité. Mais toutes ces questions ne furent oncques reuocquées en doute par les anciens. iamaïs on ne demanda que le Prince lâché hors les mains des ennemis, ratifiast ce qu'il auoit iuré estant prisonnier, chose qui est ridicule, car c'est reuocquer en doute, le traité, & mettre au plaisir de celuy qui estoit prisonnier, s'il doit garder ce qu'il a iuré, ou non. Dauantage les anciens ne firent iamaïs estat, & ne se soucierent oncques de l'infraction des traités, quand ils prenoient ostages. Car les ostages sont garends de la promesse: & celuy qui a bon garend, se plaindroit de saine teste, si son débiteur luy manquoit de promesse. C'est ce que dist le Consul Postumius deuant le peuple, soustenant qu'il n'y auoit aucune contrauention au traité fait entre luy, & les Samnites, attédu que ce n'estoit traité de paix, ou alliance: ains vne simple promesse qui n'obligeoit que ceux qui auoient consenti. *Quid' enim, dit il, obsidibus, aut sponsoribus in fœdere opus esset: si precatatione res transigitur? Nomina Consulum legatorum, Tribunorum militum, qui sponponderunt extant: si ex fœdere res acta esset, præter quam duorum fœcialium non extarent.* En quoy il semble que le Roy François, & le Roy de Cypre, qui laisserent leurs enfans pour ostages, estoient par les ennemis mesmes absoulz de leurs promesses, attendu qu'ils auoient garends par deuers eux, & qu'ils ne se fioient pas au serment de leurs prisonniers. Et par la loy de guerre, le prisonnier qui a sa liberté sous sa foy, est obligé de retourner prisonnier: & par arrest du Senat Romain il fut crié à son de trompe, & enioint sur peine de la vie à tous prisonniers qui estoient en bien grand nombre, licentiez sous leur foy par le Roy Pirrhus, pour voir leurs amis, de retourner au iour prefix. mais pas vn ne bailloit ostages. & si le prisonnier est tenu à la cadene, s'il peut eschaper, on a tenu^o qu'il n'est point obligé à celuy qui l'a pris: comme dist le Roy François à Granuelle Ambassadeur de l'Empereur: & la raison d'un ancien capitaine Romain, est celle cy, *Vult⁴ quisque sibi credi, & habita fides, ipsam obligat fidem.* Si on me dit, que le Roy auoit iuré de retourner, au cas que le traité ne sortist effect. & que le Roy Jean retourna prisonnier en Angleterre, ne pouuant accomplir le traité, par lequel il auoit quitte le Royaume aux Anglois, & trois millions d'or qu'il auoit promis. le responds qu'il ne tint pas au Roy, car les estats empescherent les articles

touchant

2. Zabarel. concil.
137.

Le serment ne
fert quand on
prend ostages.

3. Lælius. lib. 9.

Prisonnier de
guerre gardé,
peut eschaper
sans blâme.

6. l. nihil interest.
de capriuis. ff. l. 1. §
nō sicut. de dolo. ff.

4. Lælius lib. 22.

touchant le domaine : & quant au retour, ny luy, ny le Roy Iean n'y estoient point obligez, puisqu'on auoit pris leurs enfans en ostage. C'est pourquoy le Roy François, voyant que l'empereur ne vouloit rien relascher des clauses iniques du traité, du conseil & consentement de la pluspart des Princes, & de tout son peuple, denōcea nouuelle guerre. De quoy l'Empereur estât irrité, dist que le Roy s'estoit porté laschement, d'auoir contreuenu à son serment, & qu'il mettroit volontiers sa vie au combat, pour mettre fin à tant de guerres. Le Roy estant aduerty par son Ambassadeur, que l'Empereur auoit touché son honneur, fist assembler tous les Princes en sa cour de parlement, & apres auoir fait appeller Pernot Granuelle Ambassadeur d'Espagne luy dist; que Charles d'Austriche ayant dit au heraut de France, que le Roy auoit fausé sa foy, qu'il auoit dit vne chose fausse, & que autant de fois qu'il disoit, autant de fois il auoit menti, & qui luy assignast lieu, auquel ils se debueroient trouuer pour le combat. Le Roy d'Angleterre voyant qu'il estoit aussi touché, vsa de mesme defy, & avec semblables solemnitez. mais l'Empereur depuis n'y voulut entendre, comme a tresbien escript du Bellay, decourant les menteries de ceux qui ont escript le contraire. C'estoit faict en genereux Princes, pour faire entendre à tous, qu'il n'y a rien plus lasche, que de fausser sa foy : mesmement aux Princes. Aussi ne s'est il point encores trouué Prince si desloyal, qui ayt soustenu qu'il soit licite de fausser sa foy : mais bien les vns ont pretendu aux traitez par eux faicts, auoir esté circonuenus, par erreur de faict : ou par mauuais conseil : ou par fraude : ou par lezion enorme : ou mesmes par la malice de ceux, avec lesquels ils auroient capitulé : ou bien que les choses seroient tellement changees, que les pl^s sages ne l'eussent iamais preueu : ou qu'il seroit impossible de garder les traitez, sans la perte ineuitable, ou danger euident de toute la Republique : qui sont les cas ausquels on a voulu dire, que le sermēt n'est point obligatoire, estant la condition, & cause du serment impossible, ou inique. Vray est qu'il y en a bien, qui ont soustenu, que le Pape peut dispenser du serment, non seulement les autres Princes, ains aussi soy mesmes⁶ : mais ceux là ont esté rebutez des autres Canonistes⁷. Aussi le Pape Iule II. ne trouuant point de moyen de rompre la foy au Roy Louÿs XII. afin de se departir du traité de Cambray, ne dist pas qu'il n'estoit point tenu à son serment, mais il print l'occasion de conferer vn Euesché de Prouēce, à vn couratier Romain, sans en aduertir le Roy ny son Ambassadeur, qui estoit pres de sa personne : de quoy le Roy estant irrité, comme la chose le meritoit, feist saisir tous les fruiets que les beneficiers de Rome auoyent en France : alors le Pape ayant trouué l'occasion qu'il cherchoit, se declaira ouuertement ennemi du Roy. Aussi Guichardin escript, qu'il auoit accoustumé de dire, que tous les traictez qu'il faisoit avec les François, Espagnols, & Allemans, qu'il appelloit tous

Defy du Roy
contre l'Em-
pereur.

Defy du Roy
d'Angleterre.
5. Seleidan & Guichardin.

6. Petr. Ancaranus
in cap. venerabilē.
de electio.

7. Io. Imola & Anton. Butrio in cap.
1. de constitut.

Barbares, n'estoit que pour les abuser, & les ruiner les vns par les autres, pour mieux les chasser tous d'Italie. Il y en a d'autres qui condamnent les perfides & trahistres, & neantmoins trouuent bon la trahison, comme disoit Philippe de Macedoine: & les Lacedemoniens qui condamnerent leur Capitaine Phebidas, d'auoir empieté la Cadmee. contre la teneur du traité faict avec les Thebains, & neantmoins ils retindrent la place, comme dit Plutarque. Les autres, qui ne peuuent trouuer occasion veritable, ny vray-semblable, de fausser la foy, demandent les aduis, & deliberations des Iuriscultes, & canonistes: comme il aduint au Marquis de Pesquierre, lequel se voulant faire Roy de Naples, fist sous main tierce plusieurs consultations, pour sçauoir si celuy qui estoit vassal du Roy de Naples, pourroit faulx la foy & son honneur, plustost obeir au Pape, seigneur dominant du Royaume de Naples, que au Roy, qui n'estoit que Seigneur vtil. & mettoit ce pendant deux cordes à son arc, faisant son compte, que si l'entreprise contrel'Empereur venoit à reussir, il seroit Roy de Naples: & si elle failloit, qu'il demanderoit le Duché de Milan, pour la rebellion du Duc auquel il faisoit subtilement porter la marotte: mais estant l'entreprise decouuerte, il fist prendre Moron Chancelier du Duc, & luy faisant son proces, le fist eschaper, craignant qu'il parlast trop: & tost apres mourut de regret, sachant bien que sa perfidie, & desloyauté estoit inexcusable, veu qu'il trahissoit, & l'Empereur, & le Duc, & tous ceux de la ligue par mesme moyen: qui est la plus detestable perfidie de toutes les autres. non pas que ie blasme celuy, qui pour s'asseurer, a deux cordes à son arc, pourueu que cela se face, saulx la foy donnee aux vns, & aux autres. comme Themistocle fist, lequel aduertit secrettement le Roy de Perse, que s'il ne partoist d'Europe, les Grecs auoient deliberé rompre le pont, qu'il auoit faict sus mer, pour passer son armee d'Asie en Europe, le priant de tenir la chose secrette. Ce qu'il faisoit affin de s'asseurer de la grace du Roy de Perse, s'il demeuroit vainqueur: ou d'emporter l'honneur de l'auoir chassé de la Grece, s'ils'en alloit, comme il fist. Combien que ces finesse estant descouuertes entre les Princes alliez, font bien souuent les amis ennemis. comme les Epirotes, qui accorderent aux Acheans leurs alliez, qu'ils trouuoient bon qu'on fist la guerre aux Aetoles & neantmoins par Ambassade ils manderent aux Aetoles qu'ils ne prendroient point les armes contre eux. Vne autrefois ils iouerent vn mesme tour au Roy Antioque, luy promettant toute amitié, pourueu qu'ils ne fussent en la mauuaise grace des Romains: *id agebatur*, dit Tite Liue, *vt si rex abstinuisset Epiro, integra sibi essent omnia apud Romanos: & conciliata apud Regem gratia, quod accepturi fuissent venientem*. Les Iuriscultes⁸ tiennent bien, que la foy ne doibt estre gardee à celuy qui a manqué de foy. Mais on me dira, peut estre, que par le decret du concil de Constance il

8. l. si conuenerit
pro socio. l. viro &
uxori. soluto ma-
tri. ff.

fut aussi arresté, qu'on ne debuoit point garder la foy aux ennemis de la foy. d'autant que l'Empereur Sigismond ayant donné la foy à Lancelot Roy de Bohesme, & sauſ-conduit à Iean Hus, & Hierosme de Prague, ne vouloit pas qu'on procedast contre eux: mais pour luy leuer le doubte qu'il auoit, il se trouua plusieurs iuriscônſultes, canonistes, & theologiens, & mesmement Nicolas Abbé de Palerme, & Loüys du Pont, surnommé Romain, lesquels resolurent ceste opinion, qui passa en force de decret homologué par le Concil. Et Iean Hus avec son compagnon executez, ores que le Concil, ny l'Empereur n'eust aucune iurisdiction sur eux, & que le Roy de Bohesme, leur seigneur naturel, n'estoit pas de leur opinion, auquel neantmoins on auoit donné la foy: mais on n'y eut point d'esgard. De quoy il ne se faut pas esbahir, veu que Bartol⁷ le premier iuriscônſulte de son aage, souſtient generalement qu'il ne faut point garder la foy aux ennemis. Suiuant ce decret, le Cardinal saint Iulian fut deſeſché Legat en Hongrie, pour rompre les traitez de paix, accordez avec le Turc: à quoy Huniad pere de Matthieu Corbin, Roy de Hongrie, resista fort & ferme: remonſtrant les traitez, & la foy iuree à conditions fort raisonnables, & auantageuſes aux Chreſtiens: neantmoins le Legat luy monſtra le decret du Concil, par lequel on ne debuoit point garder la foy aux ennemis de la foy. Sur quoy les Hongres s'estans fondez rompirent la paix. Mais le Roy des Turcs ayant entendu le decret, & l'infracſion de la paix, leua vne puiffante armee: & depuis ne ceſſa, tant luy, que ſes ſucceſſeurs de croiſtre en puiffance inuincible, & baſtir ce grand empire de la ruine des Chreſtiens. Car meſmes l'Empereur Sigismond, eut la chaſſe avec toute l'armee des Chreſtiens, & l'Ambaſſadeur qui auoit porté le decret, fut tué au retour par quelques volleurs Chreſtiens. Mais ſi la foy ne doibt eſtre gardee aux ennemis, elle ne doibt pas eſtre donnee. & au contraire ſ'il eſt licite de capituler avec les ennemis, auffi eſt-il neceſſaire de leur garder la promeſſe. Et par ainſi la queſtion ſeroit ſ'il eſt licite de traiter alliance avec les Payans & infideles, comme l'Empereur Charles v. fiſt avec le Roy de Perſe, par ſon Ambaſſadeur Robert l'Anglois, qui fut pourſuiui du Sangiac de Sorie, iuſques aux frontieres de Perſe: & neantmoins il n'auoit autre reproche à faire contre le Roy François I. que d'auoir traité alliance avec les Turcs. on ſçait aſſez que les Roys de Poloigne, les Venitiens, Geneuois, Rhaguſiens, ont ſemblable alliance avec eux. Et meſmes l'Empereur Charle v. donna la foy à Martin Luther, qui eſtoit declaré par la bulle du Pape, ennemi de la foy, pour venir à la diete Imperiale de Vvormes l'an M. D. X I X. où Echius voyant qu'il ne vouloit pas renoncer à ſon opinion, allegua le decret de Conſtance, ſuiuant lequel il demandoit qu'on procedast contre luy, ſans

7. In l. conuentio-
num de pactis ff.
S'il faut garder
la foy aux en-
nemis de la foy

auoir esgard à la foy quel'Empereur luy auoit donnee : mais il n'y eut Prince, qui n'eust en horreur la requeste d'Echius : & de faict l'Empereur renuoya Martin, avec sauuegarde, & main armee. Je ne veux pas entrer au merite du decret, mais l'opinion de Bartole & de ceux qui soustiennent qu'il ne faut pas garder la foy aux ennemis, ne merite point de reiect, tant elle est esloignee du sens commun ⁷. & neantmoins, la forme du serment que font les Iuifs, disertement articulee aux ordonnances de la chambre Imperiale, liure 1. chap. LXXXV I. porte, qu'ils iureront garder la foy aux Chrestiens aussi loyalement, que firent leurs predecesseurs aux Gifans idolatres. Aussi Iosué ayant esté deceu par les Gabaonites, Payans & infideles, au traicté qu'il fit avec eux, pour les sauuer, & quatre villes qu'ils auoient, & depuis ayant descouuert la tromperie, & que les Capitaines de l'armee des Hebrieux demandoient que le traicté fust rompu, il ne voulut pas, disant qu'on leur auoit donné la foy : affin, dit le texte ⁸, que la fureur de Dieu qu'ils auoient iuré ne vint sur eux. Quant à ce que j'ay dit que la foy ne doibt estre gardee à celuy qui l'a rompue, & le droit naturel y est conforme, & les histoires en sont pleines. & qui plus est de nostre memoire Sinan Bascha, ayant capitulé avec ceux de Tripoli en Barbarie, & iuré par la teste de son maistre, de laisser les cheualiers sortir bagues sauues, apres que la ville luy fut reduite, fist neantmoins tous les habitans esclaves, horsmis deux cens, qu'il mist en liberté à la requeste d'Aramont Ambassadeur de France : & quand on l'adiura de sa foy, il fist response, que la foy ne leur debuioit estre gardee, par ce qu'ils auoient iuré à Rhodes, ne porter iamais les armes contre les Turcs, leur reprochant qu'ils estoient pires que chiens, qui n'auoient ny Dieu, ny foy, ny loy. Combien que la perfidie ne se doibt pas vanger, ny repeter, apres qu'on a traicté paix & accord ensemble, autrement il n'y auroit iamais asseurance de paix, ny fin de perfidie. mais si l'un des Princes s'est departy de sa promesse, & a trompé l'autre : il n'a que plaindre si on luy rend la pareille, au parauant qu'on entre en nouveau traicté. comme les Romains ayant vaincu les Epirotes, qui leur auoient manqué de foy, & mis garnison dedans leurs villes, pendant la guerre de Macedoine, tost apres que Perseus fut pris, ils firent publier qu'ils vouloient mettre aussi en liberté les Epirotes, & tirer la garnison : & manderent dix hommes des plus apparens de chacune ville, ausquels il fut enioint d'apporter tout l'or & l'argent : & puis au mesme instant on donna le signal aux garnisons, de piller, & saccager toutes les villes : ce qui fut fait : & en ceste sorte on saccagea LXX. villes. Mais si la perfidie estoit couuerte par nouveau traicté, il ne seroit pas licite de s'en reuanger. Toutesfois il y en a de si lasches, & de si perfides, que au mesme instât, qu'ils iurent, ils n'ont autre discours en leur esprit, que de fausser leur foy : comme Charles Duc de Bourgongne donna vne seureté au Comte saint Pol Connestable de France pour le vendre. & les bannis de Cy-

nethe,

7. Cic. lib. 3. offic. ac licet. Bart. in l. conventionum ait priuato fidem rumpi posse non duri, nihil tamen interest cui fides data sit, quam fallere graue est. l. 1. De pactis.

8. Iosue. 9.

La perfidie couuerte par nouveau traicté ne se doibt pas repeter.

nethe, ville de Grece, estans rappelez & receus par nouveau traité, faict
 avec ceux qui les auoient chassez, iurerent d'oublier toutes iniures pas-
 sées, & viure ensemble en bonne paix & amitié, mais en iurant, dit Po-
 lybe⁹, ils ne pensoient autre chose, sinon de trahir la ville, comme ils
 firent pour se reuanger de l'iniure qu'ils auoient couuerte par nouuel
 acord: & chasserent tous leurs ennemis: mais Dieu pour vanger leur
 desloyauté, permist que les Arcades, ausquels ils auoient trahi la ville,
 tuerent ceux qui l'auoient mise entre leurs mains. Or souuent il ad-
 uient que les Princes & seigneuries se departent des alliances par crain-
 te, & suiuent ordinairement le parti du vainqueur: comme apres la iour-
 nee de Paue, tous les alliez du Roy de France en Italie quitterent son
 party: & apres la iournee des Cannes presque tous les alliez des Ro-
 mains les abandonnerent en Italie: & mesmes les Rhodiots apres la pri-
 se du Roy Perseus, avec lequel ils estoient alliez, firent vn edict que sus
 peine de la vie, personne ne fist, & ne dist rié en faueur¹ de luy. La crain-
 te qu'ils auoient couuroit aucunement la honte de l'infraction des tref-
 ues: mais quelle couleur peut auoir celuy, qui ne capitule avec autrui
 que pour le tromper? Celà est inexcusable, & detestable deuant Dieu.
 Et toutesfois l'Empereur Maximilian, Bisayeul de cestui-ci, souloit dire
 ° qu'il ne faisoit traité, que pour abuser le Roy Loüys xii. & se vanger
 de dix sept iniures, qu'il disoit auoir receu des François, combien
 qu'il n'en peust remarquer vne, car chacun sçait que depuis deux cens
 ans l'Europe n'a veu Prince plus religieux que Charles v. ny
 plus entier que Loüys xii. qui ont regné au temps de Maximilian. &
 mesmes cestui-cy qui entre tous les Princes fut seul appelé pere du
 peuple, monstra combien il estoit loyal en ses faicts, & parolles, ayant
 traicté paix avec Ferdinand d'Arragon, duquel au parauant il auoit re-
 ceu beaucoup de pertes, & neantmoins si tost que Ferdinand fut arri-
 ué au port de Sauonne, le Roy de France s'alla mettre avec deux ou
 trois seigneurs en sa galere. Ferdinand estonné d'une si grande asseuran-
 ce, & bonté, sortit de sa galere, & alla loger au chasteau de Sauonne. Il
 estoit bien en la puissance du Roy de France le retenir, comme en cas
 pareil fist Charles de Bourgogne à Loüys xi. au chasteau de Peronne:
 toutesfois il estoit si esloigné de ceste mauuaise affection, que au con-
 traire, il n'oublia magnificence quelconque pour luy donner plaisir.
 Mais s'il estoit question que les Princes estans en guerre voulussent par-
 ler ensemble, combien que celà se fait quelquesfois au milieu des
 deux armées, si est-ce que si l'un vient avec peu de gens ou sans force
 il doit bailler ostages à l'autre, ou fortresses pour la seureté, deuant
 qu'approcher, comme il se fait ordinairement. Ainsi fist le Roy Perseus,
 lequel estant venu, avec grande compagnie sus la frontiere de son Roy-
 aume, quand il voulut passer Q. Martius Philippus Ambassadeur Ro-
 main, demanda ostages, il vouloit passer la riuere en compagnie de plus

9. lib. 4.

1. Liuius. lib. 45.

o. Guichardin.

de trois personnes. Perseus bailla ses principaux amis : & Martius n'en bailla point de sa part, d'autant qu'il n'auoit que trois personnes avec luy. Et s'il est questiō de bailler ostages pour deliurer vn prisonnier qui soit grand Prince, cela se doit faire avec forces egales de part & d'autre, & en baillant les ostages receuoir le captif au mesme instant, comme il se fist quand le Roy François premier retourna de Madric: autrement il y auoit danger que le Prince desloyal ne retint le prisonnier, & les ostages, comme fist Tryphon ayāt pris Ionathas par trahison promist le lascher pour soixante mil escus, & ses deux fils en ostage: si tost qu'on luy eust deliuré la rançon & les ostages, il retint l'argent & tua les ostages, & le prisonnier, & fist mourir son pupil Roy de Sorie. De tels monstres il se faut tousiours garder, quelque traité d'amitié & d'alliance qu'on face avec eux : & mesmes qu'ils eussent contracté mariage, si est-ce qu'il n'y a point de fiance si le Prince est perfide & desloyal : comme estoit vn Alphons Roy de Naples, qui tua le Comte Iaques Ambassadeur de Milan, & auoit le naturel de Caracala, Empereur Romain (lequel ne faisoit iamais bonne chere, sinon à ceux qu'il vouloit faire mourir) ayant traité paix avec les Parthes, il demanda la fille du Roy, on luy accorde: & alla iusques en Perse pour l'espouser en assez bonne compagnie, toute arme au dessous des vestemens, & au signal donné, lors que on ne pensoit sinon à rire, il fait tuer les plus grands seigneurs qui se trouuerent aux nopces, & se retira apres le coup, disant qu'il estoit permis d'en vser ainsi envers ses ennemis. Ce paricide n'est pas si cruel, que l'excuse est detestable : aussi Dieu se vangea bien tost apres de sa desloyauté, permettant que l'vn de ses gens luy coupast la gorge, & pour loyer emporta l'Empire. Tel estoit le Comte Valentin fils du Pape Alexandre septiesme, que le Macciauel met pour le parangon des Princes, quelque traité qu'on fist avec luy & son pere, il n'y auoit iamais de fiance : d'autant que Alexandre ne faisoit rien de ce qu'il disoit : son fils ne disoit rien de ce qu'il faisoit. il donna la foy, & fist de grands serments pour l'assurance de la paix qu'il faisoit avec les Princes liguez contre luy : & les ayans attirez sous sa foy, les fist mourir cruellement : de quoy son pere en riant dist, qu'il auoit ioué vn tour d'Espagnol. c'estoit vne extreme folie aux Princes de mettre leur vie en la main du plus desloyal homme qui fust oncques, & cogneu pour tel : & alors mesmes qu'il n'estoit que suget du Pape, & n'auoit pas puissance de donner la foy à l'ennemy : de sorte que le Pape les pouoit faire mourir, comme ses sugets, & rebelles, sans note de perfidie: comme Ferdinand d'Arragon qui manda à Conſalue Viceroy de Naples de retenir prisonnier le mesme Comte Valentin, auquel Viceroy auoit donné sauf-conduit : lequel mandement estant interuenu depuis le sauf-conduit, auoit plus de force : car la seurté donnée par le suget sans charge speciale est de nul effect. Nous lisons qu'Albert comte de

de Fräconie, fist vne mesme faute que le Côte valétin: car estât assiegé de Loüys de Bauiere, Otō Archeuesque de Magūce, luy persuada de venir à l'Empereur sur sa foy, & au cas qu'il ne peult riē faire, qu'il retourneroit avec l'Archeuesque. le bon Archeuesque estât sorti fist semblant d'auoir oublié quelque chose au chasteau, & retourna avec le Côte. & apres auoir mis le Côte entre les mains de l'Empereur. estât sōmé de sa promesse: il dist qu'il estoit retourné, cōme le soldat de Polybe, lequel nonobstāt sa ruse fut réuoié par le senat Romain pieds, & poings liez à l'ēnemy. mais la vraie defēse del'Archeuesque, estoit plus perēptoire, qu'il n'auoit peu obliger sa foy au suget, cōtre l'Empereur: cōbien que sa desloyauté n'estoit pas couuerte pour cela. Aussi le tribū Saturnin auēc ses cōplices, s'estās saisis du Capitole par cōiuration & rebelliō, estās sortis sous la foy & sauuegarde des Cōsuls, furēt neantmoins tuez, & leur memoire damnee. Et en la ville de Luques, il aduint vn cas semblable l'ā M. D. xxii. que Vincent Poge, & ses cōpagnons, apres auoir tué le Cōfalonier au Palais, eurent la foy, & seureté des Magistrats, de n'estre inquietez à la charge de sortir de la ville, parce qu'ils estoient en armes, & les plus forts: mais tost apres on les poursuuiuit cōme ils meritoient. Et afin que sous la promesse des Magistrats, la foy & seureté publique ne fust enfrainte, la seigneurie de Venise fist defense par ordōnance des dix, publiee l'an M. D. vi. que les gouuerneurs, & Magistrats ne dōnassent sauf-conduit aux bannis, & fut reserué à la seigneurie seulement, laquelle par autre ordōnance faite l'an M. D. xii. fist defense d'arrester prisonnier celuy, auquel la seigneurie auoit donné sauf-conduit. nō pas que les Princes, & seigneurs souuerains, foyent tenus de donner la foy aux sujets, & beaucoup moins aux bannis: mais l'ayant donnee, il faut la garder inuiolablement. Nous n'auons point de plus grands maistres de la iustice, & de la foy publique, que les anciens Romains: & toutesfois nous voyons que Pompee le grand, capitula avec les escumeurs, & pirates, leur donnant seure retraite en quelques villes & terres, pour y viure sous l'obeissance des Romains. car il estoit bien aduertiy que les pirates auoient neuf cens voiles, & plus de cinq cens villes es costes de mer, tenants toute la mer en leur puissance, de sorte qu'il estoit impossible aux gouuerneurs de tragueter es prouinces, & aux marchans de trafiquer, & qu'une puissance si grande ne se pouuoit mettre en route, sans exposer au danger extreme l'estāt du peuple Romain, la majesté duquel demeueroit en son entier par le traité: & s'il n'eust gardé la foy qui leur auoit donnee, ou que le Senat n'eust ratifié le traité, il eust souillé l'honneur des Romains, & obscurci la splendeur d'un si haut exploit. Non pas que ie sois d'aduis qu'on donne autrement, ou qu'on recoiue la foy des voleurs, parce qu'ils ne doiuent auoir ni part, ni cōmunication du droit des gens, cōme i'ay dit cy dessus. Et cōbien que Tacfarin chef d'une armee de voleurs en Afrique, enuoyā Ambassadeurs à Rome, afin qu'on luy assignast terres & places, pour luy

La foy donnee
aux brigans, &
pirates doit
estre gardee.

9. Tacit. lib. 2.

Fait memorable de l'Empereur Auguste.

4. Dio lib. 56.

Le Prince donnant la foy au suget la doit garder.

5. lib. 39.

& pour les siens, autrement qu'il denonçoit aux Romains guerre perpetuelle: toutesfois l'Empereur ° Tibere prenant cela pour contumelie, ne voulut pas seulement dōner audiēce aux Ambassadeurs, disant en plein senat que les anciens ne voulurent onques ouir, ny traiter en sorte quelconque avec Spartac esclave, & de son mestier escrimeur, & chef des voleurs, cōbien qu'il eust assemblé iusques à L x. mil esclaves, & ja par trois fois vaincu les Romains en bataille rangee, & depuis qu'il fut vaincu par Crassus, tous ceux qui rechaperent furent pēdus. Qui est vn tref-certain argument qu'il faut garder la foy aux voleurs mesmes, l'ayant vne fois donnee: mais il n'y en a point de plus bel exēple que del'Empereur Auguste, lequel fist publier à son de trompe, qu'il donneroit xxv. mil escus à celuy qui representeroit Crocotas, chef des voleurs en Espaigne: lequel estant aduerti alla luy mesmes se presenter à Auguste, & demanda xxv. mil escus. Auguste les luy fist * payer, & en outre luy dōna la grace, pour monstrier exēple qu'il faut garder la foy: sans auoir esgard si celuy le merite, auquel on l'a donnee: car tousiours il y va de l'honneur de Dieu, & de la Republique: vray est qu'il y a grande difference de la foy dōnee au voleur, à l'amy, à l'ennemy, & au suget: car le suget qui doit garder l'honneur, le bien, & la vie de son Prince souuerain, s'il est perfide, & deloyal enuers luy, & qu'on luy donne seureté, ou bien qu'on vienne à capituler avec luy, si on lui rompt la foy, il n'a pas si grande occasion de se plaindre que les voleurs, s'ils ne sont point sugets: comme la legion des voleurs Bulgares, lesquels estans venus en France pour y demeurer, le Roy Dagobert leur donna la foy, voyant qu'il estoit perilleux de vouloir tout à coup rompre vne telle compagnie de gens perdus, & desesperez: mais tost apres au iour, & signal donné, on les tua. toutesfois la difficulté est plus grande, si le Prince souuerain capitule avec ses amis, ou ennemis, & que ses sugets rebelles à sa majesté soient compris au traité, plusieurs ont douré, si le Prince n'a gardé la foy, ains a poursuiui ses sugets comme rebelles, si l'ēnemi est offensé, & si la seureté dōnee, ou les trefues pour cela sont enfraintes: cōme il aduiēt souuēt: & qui est la chose qui plus griefue les Princes: comme dit Tite Liue du Roy Philippe de Macedoine, *Vna res Philippum maximè angebat, quod cū leges à Romanis victo imponerentur, sciendi ius in Macedonas, qui in bello ab se defecerant, ademptum erat.* Je tiens que le traité en ce cas est enfraint, & que l'ennemy, ou le Prince qui a stipulé la seureté des sugets d'autrui, s'en peut iustement ressentir, ores que le suget fust coupable du premier chef de leze majesté. cōme les Barōs de Naples allerēt à Naples vers le Roy Ferrād sous la seureté du Pape Seigneur souuerain de Naples, des Venitiens, du Roy d'Espaigne, & des Florentins, qui s'estoient obligez specialement, & auoient iuré faire entretenir le traité: neantmoins ils furent tous constituez prisonniers par Ferrand Roy de Naples: lequel les fist tous mourir, iacoit qu'il les eust receus sous la seureté de son pere, & de luy, & de ceux que i'ay dit. mais il n'y

il n'y a point de contrauention au traité, si quelque particulier, poursuit l'intereſt qu'il a cōtre ceux qui ſont compris au traité, s'il n'y a promeſſe expreſſe qu'il n'endurera point qu'on face aucune poursuite contre eux, pour choſe commiſe deuant le traité: ou bien que l'aſſurance leur fuſt donnee en termes generaux, de venir en leur maiſon: auquel cas ils ont auſſi aſſeurace pour s'en⁶ retourner. car la claue generale en termes generaux a⁷ meſme force, que la claue ſpeciale au cas ſpecial: qui ne⁸ s'eſtendrait pas hors les lieux, les temps, les perſonnes, & cas expreſſément articulez au traité ou ſauf-cōduit. A quoy toutesfois Leon x. Pape n'eut point d'eſgard ayant donne ſauf-conduit, & la foy à Paul Baillon (qui auoit chaſſé ſon nepueu de Perouze) car quand il fut venu à Rome, on le conſtitua priſonnier, & ſon proces luy fut fait, non ſeulement ſus la rebellion, ains auſſi ſur pluſieurs crimes, deſquels il fut atteint, & executé à mort. L'hiſtoire porte que le Pape auoit donne la foy, tant à luy, qu'à ſes amis en general: vray eſt qu'ils eſtoient tous ſes vaffaux. Il en fiſt autāt au Cardinal Alphonſe de Siene, atteint de s'eſtre efforcé del'empoisonner. & afin de l'attirer aux filets, il luy donna la foy, & à l'Ambaſſadeur d'eſpaigne, au nō du Roy catholique: & neātmoins ſi toſt qu'il fut à Rome, on lui fiſt ſon proces. Surquoy l'Ambaſſadeur d'Eſpaigne fiſt grāde inſtāce: mais le Pape, qui n'auoit point faute de iuriſcōſultes, lui fiſt reſpoſe, q̄ le ſauf-cōduit ne porte iamais ſeureté, pour ample qu'il ſoit, ſi le crime commis n'eſt diſertement ſpecifié. & biē toſt apres le Cardinal fut eſtrāglé en priſon. Son ſucceſſeur Clement vii. paia quaſi de meſme mōnoie les Florentins, & l'Ambaſſadeur d'Eſpaigne, auſquels il auoit promis de cōſeruer aux Florētins la liberte de leur eſtat: & ſi toſt qu'il fut faiſi de la ville, il l'aſſeruit au baſtard de ſon frere, qui fiſt mourir les plus grās, apres en auoir banni, & cōfiſqué pluſieurs, diſant que le crime de leze maieſté eſt toujours excepté: qui eſtoit vne excuſe friuole & ridicule, attendu qu'il n'auoit iamais eſté ſeigneur de Florēce. Mais l'un & l'autre pouoit dire à l'Ambaſſadeur d'Eſpaigne, qu'il n'auoit point d'intereſt ſ'ils auoiēt māqué de foy, d'autant que l'Ambaſſadeur ne pouoit ſtipuler ſeureté, ny ſauf-cōduit pour vn eſtrāger au nom de ſon maiſtre, ſ'il n'auoit charge ſpeciale, cōme nous auōs dit cy deſſus. Toutesfois le plus ſeur eſt en tous traitez articuler expreſſément le nombre & qualite des iuges, pour les differends qui peuuent ſuruenir entre les allies: en ſorte toutesfois que le nombre ſoit egal de part & d'autre, avec puiſſance aux arbitres de nommer vn ſuperarbitre pour vuides les differends reſultants du traité. comme il ſe fiſt au traité des quatre premiers cantons qui ſ'allierent l'an M. CCCC LXXXI. où il fut dit au quatre & cinquieſme article, que pour les differends on procederoit par aſſiſes egales. & au traité de l'alliance hereditaire entre la maiſon d'Auſtriche, & les XII. cantons les Eueſques de Boëſme, & de Conſtance ſont nommez. mais au traité fait entre le Roy de France, & les Suiſſes l'an M. D. xvi. au xvi. article,

6. Alexand. conſil. 46. lib. 2. dd in l. i. ad l. Iul. maieſt. argu. l. de ætate ad Trebel.

7 l. i. §. i. quod iuſ. l. ſi duo. de adminiſtrat. tut. c. quia circa de priuileg. cap. ſolite de maioritate. Alexand. conſil. 235. lib. 6.

8 cap. ſe deſ. de reſcrip. Clement. nō poteſt de procur. l. vt. §. cui dulcia de vino tritico.

Leon dixieſme pariure pour ſe vanger.

il est porté que pour les differends chacune partie elira deux arbitres , & s'ils ne pouuoient tomber d'accord le demãdeur eliroit vn cinquiẽme superarbitre de Valois ou de Coĩre qui n'auoit pas puissance de changer les aduis , ains de suiure l'vne des opinions : mais on deuoit faire que le cinquiẽme seroit eleu par les quatre : d'autant que les particuliers de Suisse estoient tousiours demandeurs , & nommoient qui bon leur sembloit , en sorte que le Roy aux iours de marche perdoit tous ses proces. Vn autre point, qui plus a trompé & trompe ordinairement les Princes, c'est de traiter avec les Ambassadeurs , deputez , ou lieutenants sans charge speciale: car quelque promesse de ratification qu'ils facent , il n'y a iamais d'assurance , d'autant que le Prince qui promet, demeure obligé de sa part , & l'autre demeure tousiours en liberté d'accepter , ou reggeter les conditions du traité : & ce pendant il suruiuent quelque chose , qui fait tout changer : comme il aduint aux Samnites & Numantins , & sans aller si loin , au Roy de France Loüys xii. lequel traita la paix avec l'Archi-Duc Philippe passant par la France l'an M. D. iiii. en vertu d'une commission bien ample , qu'il auoit de son beau pere , promettant au surplus luy faire ratifier. ce pendant Ferdinand attendoit l'issue des affaires de Naples , où il se donna deux batailles , esquelles les François furent vaincus , & chassés du Royaume . alors il n'y eut plus de nouvelles que Ferdinand ratifiast le traité fait avec le Roy de France : s'excusant que l'Archi-Duc n'auoit pas eu charge speciale. Pour le moins faut-il que le temps soit prefix , dedans lequel la ratification se doie faire : avec clause resolutiue à faute de ce faire , car en matiere d'estat , & de traitez entre les Princes & Republiques , la ratification taisible n'est pas seur. Et ce fut la cause de rompre le traité de Bretigni que Charles v. Regent en France n'auoit pas ratifié , touchant la souueraineté de Guyenne : & fut la mesme occasion que ceux de Cartage auoient de rompre la paix entre eux & les Romains : car apres la premiere guerre , ils auoient fait deux traitez : au premier tous les alliez des deux peuples y estoient compris en general seulement : & fut dit , que le traité fait avec le consul Lucetius tiendroit , si le peuple Romain l'auoit pour agreable : ce qu'il ne voulut pas ratifier : tellement que le peuple Romain enuoia commission expresse , & les articles qu'il vouloit arrester : Asdrubal Capitaine general des Cartaginois les acorda : & en ce traité les Saguntins estoient specialement cõpris , comme alliez des Romains. mais le traité n'auoit point esté expressement ratifié par les Cartaginois : qui fut le point auquel le Senat de Cartage s'arrestoit , pour soustenir que Annibal auoit peu faire guerre aux Saguntins : & toutefois ayant les cartaginois gardé le traité fait par leur capitaine en toutes les autres clauses , ils l'auoient ratifié de faict , qui est plus que la parole. C'est donc le plus seur de ne rien conclure sans charge speciale , ou ratification expresse. car on n'a iamais faute d'excuses , & subtilitez , pour couvrir

sa desloyauté. Comme les Flamens, craignants payer deux millions de florins à la chambre du Pape, comme il estoit conuenu au traité de paix s'ils se rebelloient contre le Roy de France, ils conseillerent au Roy de Angleterre Edouart III. se qualifier Roy de France, & alors qu'ils prendroient les armes pour luy, ce qui fut fait. Les autres subtilisent sus les mots, comme Louys XI. faisant semblant d'auoir affaire du bon conseil de Louys de Luxembourg, Connestable de France, dist qu'il auoit affaire de sa teste. Et Charle V. Empereur subtiliza encor' mieux sus vne lettre du mot Euich. ou la lettre V, emporte l'affirmation & N, negatiō, si bien qu'estant sommé de sa promesse print ° N, pour V, & retint ce pendant le Landgraf des Hes, & le Duc de Saxe prisonniers. Mais George Cornare trouua encore vne interpretation plus subtile, voyant qu'il n'y auoit occasion de rompre le traité fait avec le Roy de France, dist, que le traité estoit fait avec le Roy pour la conseruation de ses estats, & non pas pour les recouurer les ayants perdus. Quand il n'y a plus d'excuses, le plus fort en matiere d'estat ne laisse pas tousiours de le gagner, & le plus foible a tort: comme Atabalippa Roy du Perou, estant prisonnier de François Pizarre, promit la valeur de dix millions, & trois cens mil ducats pour sa rançon, qu'il paya: les Espagnols ayans resolu de le faire mourir, luy dirent qu'il n'y auoit moyen d'estre mis en liberté s'il ne se faisoit Chrestien, luy pour sauuer sa vie se fist baptizer: toutes-fois les Espagnols le firent mourir, apres luy auoir fait son proces, sans auoir esgard à la foy, ny aux serments qu'ils auoyent faits. Et plus y a de serments estranges, & nouueaux, & moins voit-on d'assurance. Au traité fait entre le roy Louys XI. & Charle Duc de Bourgogne l'an M. CCCC LXXV. le Roy iura premierement en parole de Roy, puis par la foy de son corps, & par son Createur, & par la foy, & loy qu'il auoit pris en son Baptisme, & sus les Euangiles, & sus le Canon de la Messe, & en fin sus la vraye Croix. on sçait assez ce qui en aduint tost apres. mais le Comte Sainct Pol ne se voulut pas fier en tout cela, quand le Roy luy donna sauf-conduit, s'il ne iuroit par la vraye Croix d'Angiers, ce qu'il ne voulut faire, ayant deliberé le faire mourir, & craignant sur tout ceste Croix, sus laquelle il auoit iuré estant requis par le Seigneur del'Escut, au parauant, que venir à son seruice, & garda son serment. Le semblable fut fait au traité de paix entre le Roy de Nauarre, & Charle de France Regent: alors que l'Euesque de Lizieux dist la Messe en vn pauillon tendu entre les deux armées, & receut le serment sus l'ostie: & pour plus asseurer le traité, l'Euesque diuisa l'hostie en deux, baillant la moitié au Roy de Nauarre, luy n'en voulut point prendre, en s'excusant qu'il auoit deieuné, ny le regent aussi n'en voulut point prendre. Les anciens vsoient de sacrifices, & d'effusion de sang avec plusieurs imprecations, & execrations contre les infracteurs d'alliance: & mesme les Roys de Parthe, & d'Armenie, quand ils entroiēt

o. N. pour V,

Forme de sermens.

2. Philippe de Comines.

3. Tacit. lib. 4.

4. Histoire des Indes.

5 Deuteron. 19.
Hierem. 12. & 5.
cap.Si le Prince est
deloyal il ne
faut iamais fai-
re estat de son
serment.

6. Monstrele.

La forme de ca-
pituler entre le
Prince & le su-
get.

en ligue offensive, & defensiva, se lioient les pouces, & faisant sortir du sang, le fussoiét les vns apres les autres: cōme en cas semblable le Roy de Calange aux Indes Orientales, traitant alliance avec les Portugez, tira du sang de sa main gauche, & s'en toucha la face, & la lague. ⁴ Mais il n'y a point de seureté en tous ces sermens, si le Prince est deloyal: & s'il est entier, sa parole simple luy doit estre vne loy, & sa foy vn oracle: & se doit faire serment du Dieu' eternal: par ce que c'est luy seul, qui peut, non seulement venger les infracteurs de la foy: ains aussi les moqueurs de son nom: & non pas ceux qui n'ont ny pouuoir, ny souci des choses humaines: que les xxx. Ambassadeurs de Cartage craignoiēt: alors que les Romains eurent acordé de leur donner la paix: il y eut vn ancien senateur cognoissant la perfidie Punique, qui leur demanda en plein Senat, quels Dieux ils vouloiēt iurer: ils respondirent, qu'ils vouloiēt iurer les Dieux qui auoient si griefuement vengé la deloyauté. combien que celuy est aussi bien moqueur de Dieu, qui le pense moquer, ou offenser, que s'il se moquoit de fait du vray Dieu. comme les Princes partisans des maisons d'Orleans & de Bourgongne iurerent six traitez de paix en moins de douze ans, & pas vn ne fut gardé: comme nous ⁶ lisons en nos histoires. Et d'autant que de tous les traitez faits entre les Princes, il n'y en a point qui ait plus besoin de seureté, & qui moins se puisse entretenir, q̄ celuy qui est fait avec le suget, ayant coniuré contre son Prince, ie serois bien d'auis en ce cas, que le traité se fist avec les Princes voisins, pour garantir les sugets, ou bien vider plustost le pays. Et si on me dit que le suget ne doit pas obtenir sauuegarde contre son seigneur, comme il fut iugé par arrest du Parlement, pour le Comte de Tonnerre: ie le confesse: mais ie di que les sugets doiuent vider, ou en vser ainsi, quand ils ont à faire à vn Prince souuerain. Car il n'y a rien qui plus viēne à contre cueur aux Princes, que de capituler avec leurs sugets par force, & leur garder la foy. Loüys x i. le fist bien cognoistre au Duc de Nemours, au Côte saint Paul, au Duc de Bretagne, au Comte d'Armignac, & à tous se sugets rebelles qu'il fist presque tous mourir: & l'histoire de Flandres y met aussi son propre frere. Et n'y a pas long temps que le frere puisné du Roy de Fez, assiegea le Roy son frere avec vne armee, & le contraignit de faire la paix à telles conditions qu'il voulut, & puis aussi tost entra au chasteau avec peu de gens, pour luy faire hommage: mais soudain il fut estranglé, par commandement du Roy, & geté par la fenestre deuant son armee, laquelle ayant perdu son chef, se rendit au mesme instāt. Aussi le Comte Dhyorch ayant conspiré cōtre Henry vi. Roy d'Angleterre, apres qu'il eut la victoire, il fist acord avec luy, à la charge qu'apres sa mort la couronne viendroit à la maison Dhyorch: & le Prince de Galles en demeureroit forclos: & ce pēdant qu'il demeureroit regent en Angleterre. mais tost apres estant vaincu, il fut decapité avec son acord, portant vne couronne de papier. Il ne faut pas poindre le lyon si fort, que le sang luy en sorte:

forte: car voyant son sang, & sentant la douleur, s'il a liberté, il s'en vengera. Le souheterois n'auoir point tant d'exemples, qu'on a veu de nostre memoire. Mais quand ie di qu'il est bien necessaire, que les Princes voisins, & alliez, soient compris au traité fait entre vn Prince & ses sugets, comme guarends, ie n'entends pas qu'il soit licite aux Princes estrangers faire reuolter les sugets d'autrui, sous ombre de protection ou amitié: & de fait l'origine de toutes les guerres entre le Roy & l'Empereur Charles v. fut pour la protection de Robert de la Marche, que le Roy François receut. mais bien le sage Prince peut & doit interuenir pour accorder le suget d'autrui avec son prince. Et s'il cognoist l'outrageux traitement d'un tyran enuers ses sugets estre irreconciliable, il doit en prendre la protection d'un cueur haut & genereux, comme faisoit le grand Hercules, qui acquist vne reputatiō, & loüange immortelle, pour auoir pris la protection des peuples affligez, contre la violence & cruauté des tyrans, que les fables appellent monstres, qu'il alloit combatant par tout le monde: comme aussi faisoient les anciens Romains. Et sans aller plus loin, le Roy Loüys xii. receut la protection des Bentiuoles, des maisons de Ferrare, & de la Mirande, contre l'oppression de Iule ii. Pape: mais il fist mettre au traité de protection, que c'estoit sans preiudice des droits de l'eglise Romaine. Et pour mesme cause le Roy Héry ii. receut la protection de plusieurs Princes d'Allemagne, pour la liberté de l'empire: & entretenoit la ligue des villes maritimes, que l'Empereur s'efforçoit de rompre, pour changer l'empire en royaume. autrement les Princes qui font rebeller les sugets d'autrui, sous ombre de protection (qui doit estre comme l'ancre sacree des peuples iniustement tyrannisez) ouurent la porte de rebellion à leurs sugets, & mettent leur estat pour autrui en extreme danger, avec vn blasme, & deshonneur perpetuel. Aussi l'une des principales clauses de tous les traitez faits entre les Princes est, que les vns ne prendront point la protection des sugets des autres. Et la seule cause qui empesche le traité de paix entre le Roy Antioque le grand, & Ptolémee Roy d'Égypte, fut la protectiō d'Acheus, qui de gouuerneur d'Asie s'estoit fait Roy, & l'auoit soustraite à son prince souuerain, comme dit Polybe. Et pour ceste cause Sigismond Auguste Roy de Poloigne, pour auoir paix avec le Roy de Moschouie, fut contraint de quitter la protection de Rigie en Liunie. Et quoy qu'on die, qu'il soit loisible au vassal s'exempter de la sugetion de son seigneur, s'il est mal traité, cela s'entend de l'arriere-vassal, qui a recours à son seigneur souuerain, & non pas du vassal lige, qui releue nuement, & sans moyen d'un autre vassal: qui d'ailleurs peut estre souuerain: comme les sugets de Guienne & de Poitou, se rebellerent iustement contre le Roy d'Angleterre, vassal du Roy de France, pour le deny de iustice qu'il leur faisoit: & pour ceste cause fut priué des fiefs qu'il auoit par deçà la mer, suiuant le 2^e droit commun: combien¹ que plusieurs se contentent d'oster la iurisdiction.

Gg' iiij

9. Lege Federici §. quicunque de pace constantia.

1. Bald. Alberic. Castren. in authet. stat uimus. de episcop. C.

Et de fraische memoire les Genefuois chassèrent le Marquis de Final de son estat, à la plainte des sugets, qu'ils receurent en protection: mais ils ont soustenu deuant l'Empereur, qu'il estoit leur vassal: autrement chacū pourroit prendre couleur de mauuais traitement, & se reuolter contre son seigneur, se mettant en la protection ou sugetion d'autrui: comme quelques sugets du Duc de Sauoye, ayans esté trente ans ou enuiron sous la seigneurie des Bernois, voyant qu'ō les vouloit remettre sous leur ancien seigneur, ils supplierent instammēt les Bernois de ne les quitter, pour le mauuais traictemēt qu'ils craignoient: mais ils furēt deboutez de leur requeste, cōme i'ay apris des ² lettres de l'Ambassadeur Coignet. Et combien que celuy qui est bāni de son prince, peut estre receu d'un autre prince en protection, ou en sugetion, sans contreuenir à la clause du traité, qui defend de receuoir les sugets d'autrui en protectiō, attendu que les bannis à perpetuité ne sont plus sugets: si est-ce que si les bannis vouloient rien entreprendre contre leur ancien seigneur, le prince qui les a receus les doit chasser. Et pour ceste cause les estats de l'empire decernerent Ambassadeurs au Roy de France, pour le requerrir de ne receuoir en sa protection le Marquis Albert de Brādeburg, banni par arrest de la chambre imperiale. le Roy fist responce au mois d'Aoust M. D. LIIII. combien que la maison de France auoit tousiours esté le port des Princes affligez, neantmoins qu'il ne porteroit faueur aucune au Marquis contre le saint empire. Et toutesfois si le Prince surpassant les autres en puissance, ou en dignité, est bien informé que le suget d'autrui est tyrannizé, nō seulement il doit le receuoir en sa protection, ains aussi

3. l. 1. de iis qui sunt sui ff.

l'exempter de la sugetiō d'autrui: comme la loy oste l'esclau de la ³ puissance du maistre cruel. mais il est plus seant d'exempter le suget de la sugetion d'autrui, & le remettre en pleine liberté, que de l'assugetir à soi-mesme. comme les Romains firent de toute la Grece, & de la Macedoine, qu'ils osterent de la puissance des Roys, pour les laisser iouir de leur liberté. Ainsi fist le Pape Agapet, qui exempta les successeurs de Gautier d'Iuetot, de la sugetion des Roys de France, parce que le Roy Lotaire l'auoit tué de sa main en pleine eglise lors qu'il luy requeroit pardon: pour donner exemple aux autres Princes, de n'vser pas de telles cruauitez enuers leurs sugets. & pour vne semblable cruauté, Henry Roy de Sue-de fut chassé de son estat par ses sugets mesmes, l'an M. D. Lxvii. mais on trouua fort estrange, que le Pape Iean xxi. fist inserer au traité de paix, fait entre Philippe le long Roy de France, & les Flamens, pour la seurcté du traité, & des sugets, que si le Roy contreuenoit au traité, ses sugets prendroient les armes contre luy: à quoy les Princes, & Barons de France s'opposèrent, & firent rayer la clause: encores est-il plus estrange que cela vienne de la bouche d'un Pape François, & suget naturel de France, & qui auoit esté Chancelier. Mais bien peut le Prince iurer, que s'il contreuiend au traité par luy fait, qu'il ne veut pas que ses sugets luy obéissent:

comme

comme il se fist au traité d'Arras, & se faisoit entre les premiers Roys de ce Royaume: comme au traité qui se fist entre Loüys & Charle le Chauue freres le serment que chacun fist, fut à telle condition: Que s'il aduenoit, ce que Dieu ne vueille, que ie faussasse mon sermēt, ie vous absous tous de la foy que me deuez. Loüys iura le premier en langue Romande les parolles qui s'ensuiuent, que M. le Presidēt Fauchet, homme bien entendu & mesmement en nos antiquitez, m'a mōstree en Guytard historien Prince du sang. *Pro Deo amur, & pro Christian. poblo & nostro cōmum saluament dist di en auant, inquant ds, sanir por di me dunat si saluerio. cist meon fradre parle, & in adiudha & in cad vna causa si com om por dreit son fradra saluar dist ino qui id vn altre si faret. Et abludher nul plaid nunquam prendrai qui meon vol cist, meon fradre Karle in dānosit.* c'est à dire, Pour l'amour de Dieu & du peuple Chrestien & de nostre salut cōmmū de ce iour en auant entāt que Dieu sçauoir & pouuoir me doint, si sauuerai- ie ce miē frere Charle & en son ayde, & en chacune chose: ainsi comme homme par droit son frere sauuer doit. & non pas comme vn autre se feroit. Et à luy n'auray querelle que mon vouloir soit, si mō frere Charle ne me fait tort. Ce sermēt acheué par le Roy Loüys, le Roy Charle dist ces mesmes parolles en langue Thudesque ainsi: *In Gode st, &c.* Puis apres les deux armées & sugets des deux Princes iurerent ainsi: *Si Ludouigs sagrament que son fradre Carlo iurat: conseruat, & carlus meosender de suo par non lostaint si Io retourner non luit pois ne io ne veuls cui eo returnar me pois, in nulla adiudha cōtra Ludouig,* c'est à dire. Si Loüys garde le sermēt fait à son frere & Charle mon seigneur de sa part ne le tient, si detourner ie ne le puis, ie ne veux avec luy retourner en paix, ne luy prester aucune obeyssance. les sugets de Charle le Chauue iurerent en langue Romāde: & les sugets de Loüys en Aleman. Mais pour retourner à nostre propos, il est perilleux de prendre la protection d'autrui, & mesmement de ceux qui sont en sugetion des Princes alliez sinon à iuste cause: aussi est-il plus estrange de quitter ses adherens au danger. Mais on peut doubter si le Prince peut receuoir la defense d'un autre Prince iniustement opprimé, sans contreuenir au traité d'alliāce, si le Prince qui reçoit l'iniure n'est point compris au traité: car il est bien certain qu'on peut ayder les alliez particuliers, & les alliez cōmmūs, s'ils sont offensez par l'un des alliez: mais celuy qui n'est compris au traité d'alliance, ne peut estre defendu, contre celuy qui est allié, sans contreuenir au droict d'alliāce. d'autre part aussi c'est chose qui semble fort cruelle, de laisser vn pauvre Prince à la merci du plus puissant, qui l'outrage, & s'efforce de luy voler son estat. En ce doubte le Senat Romain se trouua bien fort empesché: d'autant que les Capouans assailis, & opprimez par les Sānites, eurent recours aux Romains, qui auoient bon vouloir de les ayder: ioint aussi qu'ils cognoissoient euidentement que les Sānites seroient trop puissans, & insupportables, s'ils auoient vne fois empieté la seigneurie de Capoue: & que c'estoit la planche pour as-

4. Liuius. lib. 7.

fugetir les Romains . neantmoins il fut resolu, & arresté au Senat , qu'on ne donneroit point de secours aux Capouans, attendu le traité d'alliance iuré avec les Samnites. *tanta utilitate*, dit Tite Liue, *fides antiquior fuit*. Je mettray de mot à mot la réponse qu'on fist aux Ambassadeurs, qui est digne d'estre grauee en lettres d'or. *4. Legatis Campanorum auxilia contra Samnites petentibus consul ex auctoritate Senatus ita respondit. Auxilio vos Campani dignos censet Senatus, sed ita vobiscum amicitiam institui par est, ne qua vetustior amicitia ac societas violetur. Samnites nobiscum fœdere iuncti sunt: itaque arma, deos prius quam homines violatura aduersus Samnites vobis negamus. legatos, sicut fas est, precatum ad socios mittemus, ne qua vobis vis fiat*. Les Ambassadeurs de Capoue auoient en mandement segret d'offrir la suggestion de Capoue aux Romains, au cas qu'ils ne voulussent donner secours: & voyans qu'ils estoient rebutez, firent ces offres. *Quando quidem nostra tueri non vultis, vestra certè defendetis. itaque populum Campanum, urbemque Capuam, agros, de lubrica deum, diuina, humanaque omnia in vestram P. C. populique Romani ditionem dedimus. tum iam fides agi visa, deditos non prodi*. En quoy il appert qu'il fut resolu qu'on ne doit iamais donner secours à l'estranger contre les alliez, sinon au cas qu'il se rendist suget de celuy duquel il pretend secours. car alors chacun est tenu à la defense de ses sugets. Si les Atheniens eussent fait mesme réponse aux Corcyreans demandans secours: contre les Corinthiens leurs alliez, ils ne fussent pas tombés en vne guerre qui embraza toute la Grece xxviii. ans, & ne print fin que par la ruine des Atheniens qui furent asservis aux Lacedemoniës, comme ils auoient meritè quelque voile de iustice qu'ils pretendissent que l'alliance doit cesser, si l'un des alliez fait iniustement guerre à l'estranger. car si telle interpretatiõ auoit lieu il n'y auroit iamais traité d'alliance qui ne fust enfraint. A quoy les seigneurs des ligues auoient derogé par le traité fait avec la maison de France l'an M. D. xxi. ou les anciens alliez furent exceptez: mais il y auoit clause derogatoire portant ces mots, Si les anciens alliez ne faisoient guerre au Roy de France: qui estoit la principale du traité. Mais il se peut faire, que de trois Princes alliez l'un face la guerre à l'autre, & demande secours au troisieme. En ce cas il y a plusieurs distinctions. si le traité d'alliance n'est que d'amitié, il est bien certain qu'il n'est point tenu bailler secours: si le traité porte ligue defensiue, il doit secours au plus ancien allié par alliance precedete: si les alliez sont de mesme temps, il doit secours à celuy qui est allié en ligue offensiue, & defensiue: si la ligue est offensiue & defensiue de tous costez, il ne doit secours à l'un n'y à l'autre: mais bien peut-il moyenner la paix, & faire iuger le differend par les alliez communs, ainsi qu'il est accoustumé de faire: & denõcer à celuy qui ne veut entrer en arbitrage, ou bien y estant entré ne veut acquiescer au iugement, qu'il donnera secours à l'autre: cõme il est expressément porté au traité de Stance fait entre les huit Cantõs. Et ne faut pas refuser l'arbitrage, comme fist Henry Roy de Suede, sus

les

les differents qu'il auoit avec le Roy de Dannemarch, qui fist offre d'en croire Henry 11. Roy de France, le Roy de Suede dist qu'il estoit aussi grád Roy que les autres. car nous voyons que les Romains, quoy qu'ils fussent les plus puissans en toutes choses, si est-ce qu'ils offroient tousiours entrer en arbitrage. & en croire les alliez communs, *Romanus legatus*, dit Tite Liue, *ad communes socios vocabat*. Et s'il n'est pas licite par la loy de guerre, qu'on souffre le combat quand il y a preuue : quelle iniustice seroit-ce de souffrir deux Princes, & deux peuples entrer en guerre, si le tiers les peut accorder : ou faire contrepoix, & se ioindre avec celui à qui on fait tort ? Ce ne seroit pas sagement fait, de souffrir bruller la maison de son voisin, quand on peut estaindre le feu, son honneur sauf. Mais il semble que pour euitier à ces dangers, le plus seur est de limiter les alliances à certain temps, afin qu'il soit licite aux alliez d'oster, ou adiouster aux traitez, ou se departir de l'alliance, s'ils cognoissent qui leur soit plus expedient : & principalement entre les estats populaires, & seigneuries Aristocratiques, qui ne meurent iamais : car quant aux Princes, quelque traité qu'ils facent, ils ne peuuent obliger leurs successeurs, cōme nous auons dit cy dessus. combien que les Princes traitans alliance avec les Seigneuries, & communautiez populaires, ont accoustumé d'estendre le temps de l'alliance apres la mort des Princes : comme il s'est fait au traité d'alliance fait entre les Seigneurs de ligues, & le Roy François premier, où le temps fut limité à la vie du Roy, & cinq ans apres : & depuis s'est tousiours ainsi continué, car cela est en la discretion du successeur de se tenir, ou departir de la ligue : ioint aussi que le serment de sa nature est personel, & ne s' peut, à parler proprement, se faire pour le successeur. Toutesfois on me dira, que la premiere clause de tous les anciens traitez d'alliance & amitié, que faisoient les Romains avec les autres peuples, & Seigneuries, estoit qu'ils seroient perpetuels : & que c'est vn mauuais presage, de limiter l'amitié à certain temps, veu que les inimitiez doiuent estre mortelles, & les amitez immortelles. Et pour ceste cause les Hebreux appellent les fortes alliances & traitez bien asseurez, traitez de sel, parce qu'il n'y a rien que le sel qui soit perpetuel & incorruptible : comme ils appellent aussi vne statue perpetuelle, statue de sel. Mais ie tiens qu'il n'y a rien qui donne plus d'occasion de rompre les traitez & alliances, que les faire perpetuelles, car celui qui sent qu'il est greué au traité, a aucunement raison de s'en departir, veu que le grief est perpetuel, & si le temps est limité, il n'a que plaindre. d'auantage ; il est bien fort aisé de continuer les alliances, & amitez ja fondees : & les renouier auparauant que le temps prefix soit expiré : ainsi qu'on a tousiours fait avec les Seigneurs des ligues depuis cinquante ans. Et quand ores on seroit bien asseuré de l'amitié perpetuelle, & qu'il n'y auroit aucun grief : si est-ce que les amitez se refroidissent, & souuent ont besoin d'estre renouvellees, & renflammees par nouueaux traitez. C'est pour-

5. Bald. in l. vnica
de caduc. tol. C.
Iaso. consil. 154.
col. 7. lib. 7.

Numeri. 18.
Genesi. 19.

quoy au traité de cōbourgeoisie des Valesiens avec les cinq petits cantons, il est porté au dernier article, que les alliances seront renouvelles de dix en dix ans. & au traité d'alliance des huit Cantons fait l'an M.CCCC LXXXI. il est dit que de cinq en cinq ans les alliances seront renouvelles. Les Romains iurerent alliance & amitié perpetuelle, avec les habitans de Laurent: & neantmoins tous les ans elles estoient renouvelles. *Cū Laurentibus*, dit Tite Liue, *renouari fœdus iussum, renouaturque ex eo quotannis, post diem decimum Latinarum*. Et en cas pareil il se fist traité d'alliance & amitié perpetuelle en Decembre M.CCC. xxxvi. entre Philippe de Valois & Alphons Roy de Castille: & depuis renouvellee entre le Roy Iean, & Pierre Roy de Castille M.CCC LII. & entre Charle v. Roy de France, & Henry Roy de Castille M.CCC LXIX. iacoit qu'il n'y en eust pas vn, qui ne fust perpetuel entre les alliez, & tous leurs successeurs, comme il s'est fait aussi entre la maison d'Escoffe, & de France depuis trois cens ans, qu'ils sont demeurez en bonne alliance, & amitié perpetuelle, iusques à l'an M.D. LVI. Encores y a-il vne autre raison de limiter le temps des alliances, pour la clause ordinaire, inferee en tous les traitez d'alliance offensive & defensiue, c'est à sçauoir, de ne faire paix, ny trefues, ny soufrance d'armes avec les ennemis communs, ou ceux qui ne sont compris aux traitez, sans le consentement de tous les alliez, ou de la plus part. si l'un des alliez ny veut consentir, il faudra que l'autre demeure ennemi perpetuel, & irreuocable, si la ligue a trait perpetuel: chose qui contreuiet aux loix diuines, & humaines, si l'occasion des inimitiez cesse, & que la paix se puisse faire sans preiudice des alliez. Aussi voit-on que ceste clause est tres-mal executee: car tant s'en faut que celui des alliez, qui veut se departir de la ligue, demande le consentement des autres: que mesmes il accorde quelquesfois si secretement, que on n'en peut rien descouurir, que le tout ne soit conclud, & arresté, & le plus souuent on se retire de la presse, pour abandonner son allié aux ennemis. Nous en auons vn exemple assez notable de nostre memoire, du traicté de Chambort fait l'an M.D. LII. entre le Roy de France d'une part: & le Duc Maurice, le Marquis Albert, & le Landgraf de Hes d'autre. Il est porté au xxxi. article, que celui des alliez qui feroit paix, appointment, ou pratiques secretes avec l'Empereur, ou ses adherans, sans le consentement des autres alliez, feroit comme pariure sans aucune remission en la presence de toute l'armee puni. Et toutesfois Maurice electeur six mois apres, s'accorda au traité de Passau avec l'Empereur, sans en aduertir le Roy Henry chef de la ligue, & mesmes sans l'auoir compris au traité. Dequoy le Marquis Albert criant tout haut, dist que c'estoit vn tour bien lasche, & vilain: appellant le Duc trahistre & perfide à sa patrie, à l'Empereur, & au Roy de France: & neantmoins il fist encores pis que son compagnon: car apres auoir tiré grande somme de deniers du Roy, il se retira à l'Empereur, & fist guerre ou-

Traitez entre
les Roys de
France & d'Es-
paigne.

Traicté de
Chambort.

Les Princes de
l'Empire en la
protection du
Roy de France.

re ouuerte au Roy : de sorte que les soldats imperiaux appelloient Maurice licentier, & Albert le docteur, pour auoir ioué de si beaux traits. Et de fraische memoire la seigneurie de Venize. fist paix avec Sultan Selim si secrettement qu'elle fust publiee à Constantinople, à la venue del'Ambassadeur de France, au parauant que pas vn des allicz de la saincte ligue en fust aduerti, combien qu'il estoit expressement articulé au traité, qu'aucun des allicz ne pouuoit accorder paix, ny trefues avec le Turc sans le consentement expres de tous les autres. Aussi les anciens Romains ayans affaire à gens de mauuaise foy, ne faisoient pas aisément la paix, ains trefues seulement à lōgues annees. comme ils firent avec les Veientes, ⁶ *Veientibus pacem petentibus in annos centum induciæ datae.* & en autre lieu, *Induciæ* ⁷ *veientibus pacem petentibus in annos XL. datae.* Et en autre ⁸ lieu, *cum populo cerite inducias in centum annos factas.* & en autre ⁹ lieu, *Ætruria populi pacem petentes, in annos xxx. inducias impetrarunt.* car tousiours les trefues sont plus sacrees, & moins violables que la paix : & si bien on prend garde à l'issue de ceux qui ont enfraint les trefues, on trouuera qu'elle a esté miserable, & souuent cause de la ruine totale des Republiques. Aussi les Romains ont tousiours vangé seuerement les infracteurs des trefues : & violateurs de la foy. ils en ont monstré le premier exemple en la personne de Metius dictateur des Albanois, qui fut demembré à quatre cheuaux, & la ville d'Albe rasee : le peuple des Veiens exterminé s'estant par sept fois rebellé, contre la teneur des trefues : la ville de Cartage mise en cendres : le peuple de Capouë tué pour la pluspart, & le reste fait esclau. tous les habitans de Corinthe massacrez & leur ville mise en cendres. les Samnites exterminiez, qui auoiēt sept fois rompu la paix, cōme nous lisons en Tite Liue & Strabō : & infinis autres qu'il seroit impossible de reciter par le menu. Quant aux sugets perfides, & rebelles ils ne demeueroient iamais impunis. *In Veliternos* ¹ *veteres ciues, grauiter seuitum, quod toties rebellassent, muri directi, senatus abductus.* & apres la seconde guerre Punique, les trahistres sugets des Romains furent exceptez. *Perfugæ*, dit Tite ² Liue, *bello punico C C C L X X X. Romam missi, virgis in commitio casti, & de saxo deiecti.* Et si les ennemis ayans baillé ostages, contreuenoient aux traitez, on faisoit executer publiquement les ostages. comme il en print à trois cens ostages des Volſques, qui furent executez à ³ mort : & en cas pareil les ostages des Tarentins, *fugientes retracti, ac virgis diu casti de tarpeio deiecti* ⁴ *sunt*, dit Tite Liue. mais depuis qu'on fist mestier de rompre sa foy, on fist aussi conscience de faire mourir les ostages : comme Narſes qui ⁵ pardonna aux ostages des Luquois, ayans manqué de leur foy. & le duc de Bourgōgne Charles, qui n'eut pas si tost lasché les ostages du Liege (qu'il pouuoit iustement faire mourir, quoy que die Philippe de Cōmines) qu'ils ne luy fissent nouuelle guerre. car ils estoiet trois cens baillez en peine capitale. Je ne veux pas dire toutesfois, que

Pourquoy le
marquis Albert
fut appellé do-
cteur.

6. Liuius lib. x.
decad. 1.

7. lib. 2.

8. lib. 7.
9. lib. 9.

1. Liuius lib. 8.

2. lib. 24.

3. Dionysius Ha-
lycar. lib. 6.

4. Liuius lib. 35.

5. Procopius lib. 1.
belli Gothici.

les Romains ayans plusieursfois esté trompez par la desloyauté des estrangers, n'ayent beaucoup perdu de leur ancienne integrité, & splendeur. Et cela commença à se cognoistre quand ils eurent vaincu la Grece, qui estoit bien fort diffamee de perfidie & desloyauté. car Tite Liue⁶ parlant des Ambassadeurs de Grece, lors qu'ils rapporterent le fait de leur charge en plein senat, il dit ainsi : *L. Martius, & Attilius Romanam reuerſi, nulla alia re magis gloriabantur, quàm decepto perinducias, & ſpem pacis Rege : quæ magna pars Senatus probabat : ſed veteres moris antiqui memores, nouam iſtam ſapientiam improbabant, nec aſtu magis, quàm vera virtute bella geſſiſſe maiores, denunciare bella, & ſæpe locum finire quo dimicaturi eſſent.* Encores auoient-ils accouſtumé de renoncer à l'amitié de leurs alliez & amis, qui les auoient offencez, deuant que leur faire guerre. *Veteres*, dit Suetone⁷, *bellum indiſturi, renunciabant amicitiam.* couſtume qui estoit gardee entre les particuliers, du temps meſmes de Tiberel'Empereur : car Germanicus eſtant griefuement offeſé par Piſon gouuerneur de Sorie, luy enuoya dire qu'il renonçoit à ſon amitié. & Henry v. Roy d'Angleterre diſt par ſon Ambaſſadeur à Louÿs Duc d'Orleâs qu'il ne pouuoit le deffier ſans renōcer à l'amitié & luy réuoyer l'alliâce, & encores à preſēt les freres d'armes, & les princes qui ne tiennēt l'ordre les vns des autres, renuoyent l'ordre deuant que faire la guerre. Mais les Grecs, qui auoient appris aux Romains leurs tromperies, & desloyautez, en furent chaſtiez : cōme on peut voir en Tite Liue⁸ où il dit, *Phocenſes cum pacti eſſent nihil hoſtile ſe à Romanis paſſuros, portas aperuerunt : tum clamor eſt ſublatus à militibus, Phocenſes nunquam fidus ſocios, impunè eludere. ab hac voce milites urbem diripiunt. AEmilius primo reſiſtere, captas non deditas vrbes diripi.* Toutesfois les Romains pour corriger ceſte faute, laiſſerent depuis la ville en pleine liberté de ſon eſtat, &⁹ rendirent le territoire qu'on leur auoit oſté. Auſſi Polybe qui eſtoit Grec naturel, & gouuerneur de Scipion l'African parlant¹ des Grecs dit, qu'il ſuffiſoit de la parolle entre les Romains : & en Grece que pour cent eſcus de preſt, il falloir dix notaires, & deux fois autant de ſeels, & pour cela on ne laiſſoit pas de rompre la foy. Mais c'eſt bien le pis quand il n'y a ſeureté, ny à lettres, ny à ſeaux, ny à ſauuegardes, comme il ſe voit maintenant : & meſmes les Ambaſſadeurs ne ſont pas aſſez : car on a veu Rangon & Fregoſe, Ambaſſadeurs du Roy de France, tuez par les officiers de l'Empereur Charles v. ſans qu'on en fiſt aucune iuſtice : au lieu que les Romains liurerent aux ennemis Minutius & Manlius, & par autres fois Fabius & Apronius, pour les faire mourir ou en diſpoſer à leur plaſir, parce qu'ils auoient offeſé tant ſoit peu les Ambaſſadeurs : qui eſt la peine ordinaire de la² loy. Si la foy n'eſt gardee aux Ambaſſadeurs, que doit on eſperer des autres ? Et meſmes il y en a qui ont fait gloire de les tuer : comme Heleine Roÿne de Ruſſie eſtant priece de ſes ennemis de contracter alliance, afin d'eſpouſer leur Roy, elle fiſt enterrer

6. lib. 42.

7. in Caligula.
Tacit. lib. 5. Liuius
lib. 36.

8. lib. 77.

9. Liuius lib. 38.
1. lib. 6. de militari
ac domeſtica Ro-
manorum di.2. l. ult. de legat.
La ſeureté des
Ambaſſadeurs.

enterrer tous vifs les Ambassadeurs: & au parauant qu'on en fust aduertty, enuoya dire qu'elle vouloit d'autres Ambassadeurs plus grands seigneurs: on luy en enuoya iusques à cinquante des plus illustres, qu'elle fist brusler tous vifs: & sous promesse de mariage en fist mourir cinq mil qu'elle auoit enyurez. Il n'est pas icy besoin de reciter combien de villes & de peuples ont esté exterminés pour n'auoir gardé la foy aux Ambassadeurs, qui sont & doiuent estre saints & inuiolables: il est bien vray qu'il ne faut pas que la sauuegarde qu'on baille aux Ambassadeurs, leur dōne licence de rien dire, ny faire outre leur charge, au mespris des Princes qui les reçoient, ains au cōtraire le sage Ambassadeur fera tousiours sa creance plus maigre és choses odieuses, & plus grasse en choses agreables: affin d'entretenir les amitez & apaiser les inimitiez des Princes, qui entrent bien souuent en querelles par la faute des Ambassadeurs: qui y demeurent quelquesfois. Entre plusieurs nous auons l'exemple d'Estienne Vayuode de Valachie, auquel le Precop de Tartarie enuoya cent Ambassadeurs, qui le menassent de mettre son pays à feu & à sang, s'il ne renuoyoit le fils du Precop: le Vayuode irrité de telles menaces les fist tous mettre à mort, horsmis vn qu'il renuoya mutilé pour en porter les nouuelles. Les autres ne veulent pas se vanger en leur pays des Ambassadeurs, pour ne sembler infraçteurs de la foy, mais bien ils enuoyent apres pour les tuer, comme fist Tuca Royne de Sclauonie enuers le plus ieune de trois ° Ambassadeurs Romains, qui l'auoit menacee. Mais le Roy de Moschouie fist bien pis, voyant que vn certain Ambassadeur Italien se couuroit deuant qu'on luy dist, il luy fist attacher son bonnet sus la teste avec vn³ clou, chose cruelle & barbare, & neantmoins il y auoit de la faute de la part de l'Ambassadeur, qui doit tenir son rang, & la dignité de son maistre, pourueu que cela se face sans mespris du Prince auquel on l'enuoye. car quelquesfois les Ambassadeurs s'apuyans de la grandeur de leur maistre, s'oublent enuers les moindres Princes, & mesmement les hommes nourris és estats populaires, accoustumez de parler en toute liberté, pensent qu'il en faut ainsi vser enuers les Monarques, qui n'ont pas accoustumé de ouyr parler franchement, & moins encores qu'on leur die la verité. qui fut cause que Philippe le ieune Roy de Macedoine voyant que l'Ambassadeur Romain l'interrogea trop hardiment, ne se peut tenir de le brauer par⁴ contumelie. Popilius Ambassadeur Romain, fut encores plus audacieux enuers Antioque Roy d'Asie, faisant vn rond avec vne verge autour de la personne du Roy, en luy disant qu'il rendist responce deuant que sortir du cercle. *Obstupe factus est Rex tam⁵ violenti imperio*: & toutesfois il fist ce que les Romains luy mandoient. De mesme liberté vsa Marius l'aîné enuers Mithridate Roy d'Amasie: car combien qu'il n'eust ny charge d'Ambassadeur, ny d'officier, si est-ce qu'il dist au Roy qu'il falloit obeir aux commandemens du peuple Romain, du-

o. Polyb. lib. 2.

3. Sigismond en l'histoire de Moschouie.

4. Liuius lib. 31.

5. Liuius lib. 32.

quel il ne tenoit rié, ou bié estre le plus fort. Alors Mithridate esprouua ce qu'on disoit des Romains, qu'ils estoient plus libres en parole que les autres peuples. Et quelquesfois la liberté trop grande sans iniure offense les Princes: quifut cause que Marc Antoine fist foïetter l'Ambassadeur d'Auguste. mais les plus aduisez se voyans iniuriez n'offensent point les Ambassadeurs, ains ils demandent reparation de l'iniure à leur maistre: ou bien ils denoncent la guerre: ainsi fist Charle Comte de Bourgonne qui dist aux Ambassadeurs du Roy Loüys xj. que son chancelier luy auoit bien lauë la teste, mais que le Roy s'en repentiroit. & n'y faillit pas aussi. mais le Roy François pour euter telle contumelie fist dresser vn gibet à la veuë du heraut d'Espagne, le menassant de le faire pendre s'il ouuroit labouche, apres le defy qu'il auoit denoncé à l'Empereur Charles v.



DE LA CENSURE.

LIVRE SIXIESME.

CHAPITRE I.

1. Festus lib. 4.



2. Aristot. lib. 5.
cap. 8. polit.

3. Aristot. lib. 5.
cap. 8.

4. In orat. *τῶν συμμοριῶν*
Les Grecs auoient des Censeurs.

ENSURE en bons termes, n'estoit rien autre chose que l'estimation ¹ des biés d'un chacun. Et d'autant que nous auōs à traiter des finances, il est besoing de parler de la césure, & môstrer, que de tous les Magistrats d'une Republique, il n'y en a gueres de plus necessaire. & si la necessité y est euidente, encores est l'utilité plus grande, soit pour le nombre, & qualité des personnes, soit pour l'estimation, & declaration des biés d'un chacun ², soit pour regler, & morigerer les ³ sugets. Et m'esbahis cōment vne chose si belle, si utile, & si necessaire, est delaissee, veu que tous les peuples Grecs, & Latins de toute ancienneté en ont vsé: les vns tous les ans, dit Aristote, les autres de trois, ou quatre, ou cinq, en cinq ans, faisant l'estimation des biens d'un chacun en particulier. dequoy ⁴ Demosthene ayant fait extraict aux papiers censiers disoit, parlant au peuple, que tout le reuenue du

du territoire d'Atique montoit à soixāte mil talēts, ou trente & six millions d'escus couronne. Aussi les Romains imitateurs des Grecs es choses loüables, sceurent tresbien empoigner ceste coustume, & la porter en Rome: ce que fist le Roy Seruius, qui pour ceste cause est fort loüé des historiens. Et iacoit que le peuple eust aboli, & cassé tous les edits, & ordonnances des Roys, apres leur auoir donné la chasse, si est-ce toutefois que la censure demeura, comme le fondement des fināces, des imposts, & charges publiques: & fut continuee en la personne des Cōsuls. Et depuis que les Consuls furent distraits, pour les affaires de la guerre, on erigea l'office des Censeurs, soixante & six ans apres que les Consuls l'auoient exercé: & les premiers appelez Censeurs furent L. Papirius, & L. Sempronius, qui eurent l'estat pour cinq ans. mais dix ans apres, L. Æmylius Mamercus retrancha le temps de la censure à dixhuit mois. Et tost apres la coustume fut suiue par toutes les villes d'Italie: & mesmement des Colonies Romaines⁸, qui apportoit en Rome les papiers cēsiers. Depuis cest estat fut tousiours continué, & mesmes le Dictateur Cesar, print la peine d'aller de maison en maison faire l'office de Censeur, ores qu'il s'appellast *magister morum*. Et si tost que l'Empereur Auguste fut de retour en Rome, apres la victoire de Marc Antoine, le Senat par arrest luy donna la charge de Censeur, l'appellāt *Præfectum morum*: & fist trois fois le denombrement des citoiens Romains, & des biens d'un chacun: & non pas seulement des bourgeois Romains, qui estoient espars en tout l'empire: ains aussi de tous les sugets de chacune Prouince, Aussi n'y eut il onques Empereur, qui laissast vn plus bel estat de tout l'Empire que cestuy là. Depuis l'estat fut discontinué sous la tyrannie de Tibere, & repris par Claude l'Empereur qui fist le LXXIII. lustre: & delaisé sous Neron: & de rechef continué sous Vespasian, qui fist le LXXV. lustre: & delaisé sous la tyrannie de Domitian, qui se nomma Censeur perpetuel, & ne fist pas vn seul² lustre. Cent cinquante ans apres ou enuiron, l'Empereur Decius fist declarer par le Senat, Valerian Censeur, avec vne puissance³ infinie: & depuis que cest office fust delaisé, l'empire ne fist plus que decliner. Vray est que les Empereurs de Grece erigerent bien vn office, qu'ils appellerent *magistrum⁴ census*, pour receuoir les insinuations, les testaments, les actes publiques, les^o noms, & aages d'un chacun: non pas toutesfois avec telle dignité, ny puissance que les anciens Censeurs. Mais il est bien certain que toutes les villes sugettes à l'Empire Romain, auoient encores des Censeurs sous l'Empereur Traian, & que les Senateurs de chacune ville estoient esleus par les Censeurs, comme on peut voir en vne epistre de Pline le ieune⁵ à Traian l'Empereur. Et sans aller plus loing qu'en ce Royaume, nous lisons que le Roy Childebert, à la suasion & instance d'Eufronius Euesque de Tours, fist vn edit, par lequel il ordonna, qu'on leuast le denom-

5. Dionys. Haly-
carnas. lib. 4. Liuius
Les Latins &
Romains auoient Cen-
seurs.

6. anno cccx. ab V.
C.

7. Liuius lib. 9.
8. Liuius scribit
Neronem & Liuiū
Salinatorem Cen-
sores duodecim co-
loniarum censum
recepisse à senio-
ribus coloniarum: ut
quantum numero
militum, quantum
pecunia valerent
in publicis tabulis
extarent monime-
ta.

9. Dio lib. 54. anno
ab V. C. dccxxxv.

1. Tranquil in Au-
gusto.

2. Tranquil. in Do-
mitiano.

3. Trebellius.

4. I. repetita l. pla-
cet de Episcop. &
cleric. l. consult. a l.
testamēt. de testa.
l. in hac de donat.
C. Nouel. 4. & 73
o. l. i. si minor se-
maiorē. C. l. neque
natales. de probat.
C.

5. Plin lex, air, Pō-
peia, qua Bythinii
& Pontici videntur,
eos qui in βε-
λῶν à censoribus
leguntur, dare pe-
cuniam non iubet:
sed iis quos indul-
gentia tua à qui-
busdam ciuitatib⁹
super legitimū nu-
merū adicere per-
misit, & singula
millia denariorū,
& bina intulerunt.
superest ergo ut i-
pse dispicias an in
omnibus ciuitati-
bus certū aliquid
omnes qui deinde
βελῶν legū-
tur debeant pro in-
troitu dare.

6. Gregor. Turo-
nenf. lib. 9. cap. 30.
Aymo. lib. 2. & 3.

7. In methodo hi-
storiar. cap. 6.

8. Numeri cap. 1.
cap. 2. 3. 4. 26. 31.

9. Exodi. cap. 30.
cum censum ege-
ris secundum capi-
ta filiorum Israel
iuxta censum eorū,
dabunt singuli ex-
piationem animæ
sue Domino, quā-
do eos censueris, ut
non sit in eis plaga
cum ipsi censentur
&c.

1. Rabi Maymon
lib. 3. nemore ane-
uoquim.

2. Leuitici. cap. 17.
nec ultra sacrificet
sacrificia sua Saty-
ris post quos scori-
tati sunt.

3. Dionysius Hali-
car. lib. 4.
Capitol. in Gordia
no.

4. Plutar. in Solo-
ne.

Denombrement
du peuple élu
de Dieu.

brement des sujets, & des biens d'un^e chacun: comme il se fait en-
cores quelquesfois à Venize, à Gennes, à Luques, où il y a des Censeurs
en tiltre d'office. & mesmement à Venize l'an M. D. LXVI. on fist trois
Magistrats, qui furent appelez, *I SEIGNORI SOPRA IL
BEN VIVERE DE LA CITA*. l'annee au parauant i'a-
uois mis en lumiere vn^e liure, auquel parlât de leur estat, ie disois qu'en
vn si grand nombre d'officiers qu'ils ont, ils auoient oublié le plus ne-
cessaire, qui estoient les Censeurs: toutesfois ils n'ont pas voulu les nom-
mer Censeurs, craignans, peut estre que la feuerité du nom, diminuast la
liberté de ceste ville là fondue en plaisirs, & voluptez.

On voit donc, qu'il n'y a gueres eu de Republique bien ordonnee,
qui n'ayt usé de Censeurs, & de censure. En quoy plusieurs s'abusent, qui
pensent que Dauid fut repris, & puni d'auoir leué le nombre des sujets:
veu que Dieu mesmes⁸ cōmanda à Moysé de le faire, apres auoir sorti
d'Egypte, & depuis encores deuât que d'entrer en la Palestine: & nō seu-
lement le nombre, ains aussi les familles, & noms d'un^e chacun par le
menu, au parauant qu'ils eussent rien conquesté: mais la faute que fist
Dauid, fut d'oublier le commandement de Dieu qui portoit, quand
on leueroit le nombre du peuple, que chacun offrist à Dieu deux
drachmes d'argent, comme Ioseph l'a tresbien remarqué: aussi le tex-
te de la loy y est⁹ formel. Et peut estre, que c'estoit pour oster l'im-
pieté des payans, lesquels en leuant le nombre des sujets, faisoient
offrir à leurs Dieux quelque piece d'argent pour teste: comme en
cas pareil Dieu commande, qu'on espende le sang des hosties sacri-
fices dessus, & aux costez de l'autel: par ce qu'ils auoient accoustu-
mé l'offrir aux¹ Diabes. ce qui leur est expressément defendu par la²
loy. Et semble que le Roy Seruius auoit emprunté ceste ceremo-
nie des peuples d'Orient, quand il ordonna vn tronc dedans l'Egli-
se de Iuno Lucina, où l'on mettoit vn denier pour chacun qui naissoit:
& vn autre au temple de Iuuenta, où l'on mettoit aussi vn denier,
pour chacun qui auoit atteint dixsept ans: qui estoit l'aage qu'on pre-
noit la toge simple sans pourpre: & le troisieme estoit au temple
de Venus Libitine, où l'on mettoit vn denier pour chacun qui mou-
roit³: & ceste coustume demeura tousiours, ores que la censure fust
delaissee: tout ainsi qu'en Athenes on se faisoit enregistrer à xiiii.
ans aux registres de la Republique. Mais le denombrement du peu-
ple que Dieu commanda estre fait, n'estoit que de ceux qui pou-
uoient porter les armes, depuis xx. ans, & au dessus: où il semble
que les vieillars sexagenaires n'estoient pas compris. & neantmoins
il s'en trouua de compte fait par noms, & par testes six cens trente
mil cinq cens cinquante: outre la lignee de Levi qui en auoit vingt
& deux mil, depuis vn mois, & au dessus: qui estoit en tout D C
L I I. mil cinq cens cinquante. & quarante ans apres que le nombre
fut

fut leué, & que tous ceux qui auoient forty estoient morts horsmis Moyse, Iosué, & Caleb, il s'en trouua six cens xxiiii. mil sept cens septante & trois, y compris les Leuites: sans les femmes, les esclaves, les vieillars, & la ieunesse au dessoubz de xx. ans qui estoient pour le moins deux fois autant: car il y a tousiours plus de femmes, qu'il n'y a d'hommes: comme j'ay dit cy deuant. Mais Tite Liue, parlant du nombre des citoyens, qu'on leuoit en Rome, dit, en vn lieu au liure *III. censa sunt ciuium capita centum quatuor & xx. millia præter orbos, orbisque.* & Flore au liure *LIX. censa sunt ciuium capita CCC. XXI. millia. DCCC. XXXIII. præter pueros, & viduas.* cinq ans apres il dit, *censa sunt ciuium capita CCC. XC. millia. DCC. XXXVI.* & au lustre suiuant *CCC. XCIII. mil CCC. XXXVI.* & au lustre suiuant *CCCC. L. mil.* & l'autre apres *CL. mil.* ie laisse les precedés lustres, qui sont tous plus grands que ce dernier. mais il semble, que les bourgeois Romaines n'estoient pas excluses comme il appert en ce que j'ay remarqué: attendu, qu'il n'y auoit que les vefues, & orphelins exceptez. & neantmoins Florus dit au *XXVII. liure: Censa sunt CXXXVII. millia ciuium: ex quo numero apparuit, quantum hominum tot prætorum aduersa fortuna populi Romani abstulisset.* & au lustre precedent il dit, *censa sunt ciuium capita CCL. XX. millia:* comme s'il vouloit dire, que les pertes qu'ils auoient receues contre Annibal, auoient emporté cent trente & trois mil bourgeois. car si les femmes y eussent esté comprises, qui n'alloient point en guerre, il n'eust resté que des femmes, veu qu'elles sont tousiours autant ou plus qu'il n'y a d'hommes: comme j'ay monsté cy deuant: & en Athenes ils s'en trouua vne par dessus le nombre des hommes: comme dit Pausanias. mais la difficulté est ostee par Tite Liue, où il dit parlant du septiesme lustre, *Ciuium qui puberes essent supra centum decem millia erant: mulierum autem, & puerorum, seruorumque, & mercatorum, & sordidas artes exercentium (si quidem Romanorum nemini cauponaria, aut operosam artem tractare licuit) triplo plus quam turba ciuilis.* en quoy il apert que les marchans, artisans, & les femmes, enfans, n'estoient pas compris au denombrement. Quant aux esclaves, ils n'estoient pas nombrez entre les bourgeois, mais entre les biens meubles, qui estoient ordinairement cinquante pour vn: & mesmes en Athenes il se trouua cent fois plus d'esclaves, que d'hommes francs par le denombrement, qui en fut fait: car pour dix mil estrangers, & xx. mil bourgeois, il y auoit quatre cens mil esclaves. & du nombre qui fut leué des habitans de Venize, il y a xx. ans ou enuiroñ, il se trouua deux mil femmes plus qu'il n'y auoit d'hommes, comme j'ay remarqué cy dessus. Or les vtilitez, qui reuenoient au public du denombrement qui se faisoit, estoient infinies. Car premierement quant aux personnes, on sçauoit & le nombre & l'age, & la qualité: & combien on en pourroit tirer, fust pour aller en guerre, fust pour demeurer, fust pour enuoyer en colonies, fust pour employer aux labours,

Exod. xii. cap.

Les vtilitez que
on peut recueillir
du denombrement des
sujets.

Moyen de re-
trâcher les pro-
cés.

6. Plutar.in Peri-
cle.

Moyé de chaf-
ser les vagabôs,
& vermine de
la Repub.

7. epist.83.lib.1.

Moyen d'ega-
ler les charges,
& imposts selô
les biens d'un
chacun.

& coruees des reparations, & fortifications publiques, fust pour sçauoir les prouisions ordinaires, & les viures, qui estoient necessaires aux habitans de chacune ville: & principalement, quand il falloit soustenir le siege des ennemis: à quoy il est impossible de remedier, si on ne sçait le nombre des sugets. Et quand il n'y auroit que le bien, qui reuient de sçauoir l'aage d'un chacun, on retranche vn million de procès, & differens, qui sont intentez pour les restitutions, & actes concernans la minorité, ou maiorité des personnes. qui fut la principale occasiō, pourquoy le Chancelier Poyet, entre les ordonnances loüables qu'il fist publier, voulut que les curez feroient registre de ceux qui naissent: mais d'autant que les registres ne sont point gardez comme il faut, l'ordonnance est aussi mal executee. Et pour le regard de la qualité, on voit vne infinité de procès pour la noblesse, qui seroiēt retranchez par ce moyen: & les procès de fausseté, pour le desguisement des noms, des parens, du pays, de l'estat, & qualité d'un chacun: ou, par faute de censeurs, & de papiers censiers, on ne voit goutte. cela s'apperceut au nombre des bourgeois d'Athenes, que leua Periclés, pour les prerogatiues, & priuileges, qu'ils auoient par dessus les estrangers, il se trouua treize mil trois cens soixante bourgeois: & cinq mil estrangers, qui se portoient en qualité de bourgeois, qui furent vendus comme esclaués. Dauantage, pour regler & ordōner les estats, corps, & colleges, selon les biens, & l'aage d'un chacun, comme il se faisoit en Rome, & en Grece, il est plus que necessaire de sçauoir le nombre des sugets, & pour recueillir les voix és electiōs, le nombre est aussi requis. pour departir le peuple en dixaines, centenes, milliers, il est requis aussi de sçauoir le nombre du peuple. Mais l'un des plus grands, & principaux fruits, qu'on peut recueillir de la censure, & denombrement des sugets, c'est, qu'on peut cognoistre de quel estat, de quel mestier chacun se mesle, de quoy il gaigne sa vie: affin de chasser des Republicques les mousches guespes, qui mangent le miel des abeilles, & bannir les vagabonds, les fairneants, les voleurs, les pipeurs, les rufiens, qui sont au milieu des gens de bien, comme les loups entre les brebis. on les verroit, on les marqueroit, on les cognoistroit par tout. Et quant au denombrement des biens, il n'est pas moins requis, que des personnes. Cassiodore⁷ en parle ainsi. *Orbis Romanus agris diuisus, cēsūque descriptus est, ut possessio sua nulli haberetur incerta, quam pro tributorum susceperat quantitate soluenda.* Si donc tout le pourprix de l'Empire Romain estoit baillé par denombrement, affin que on sceust les charges, que chacun debuoit porter, eu egard aux biens qu'il auoit: combien est-il plus necessaire à present, où il y a mille sortes d'imposts en toutes Republicques, que les anciens n'ont iamais cogneu? Ce point là est de telle consequence, qu'il doit suffire, quand il n'y auroit autre chose, pour faire qu'un chacun apporte par declaration les biēs, & reuenu qu'il a. comme il s'est fait en Prouence l'an M.cccclxxi. ce qui depuis a decouuert à venē d'œil, que

que le tiers estoit opprimé par les deux autres, si par ce moyen on n'y eust pourueu par l'edict du Roy François I. fait l'an M. D. XXXIII. & autre edict par son successeur : sur lequel les trois estats de Prouence estans entrez en grands procès euequez au Parlement de Paris, fut dit par arrest prouisional, que toutes personnes de quelque qualité qu'elles fussent, payeroient les charges, & imposts suiuant les Cadastres faits l'an M. CCCC. LXXI. qu'il se trouua trois mil feux distribuez par proportion Geometrique, au sol la liure, sans auoir esgard aux familles, ny aux personnes : ains aux terres contribuables. On fut contraint aussi l'an M. D. XVI. pour les decimes faire denombrements, & declarations de tous les benefices de ce Royaume. & neantmoins les changemens suruenus requierent nouveaux denombrements : car tel beneficier paye plus de la moitié, l'autre ne paye pas la trentiesme partie pour les decimes. Le semblable fut requis par l'aduocat du Roy Marillac pour les foyages de Prouence. Par ce moyen il seroit pourueu aux iustes plaintes, & doléances des pauvres, que les riches ont accoustumé de charger, & s'exempter en tout le Royaume de France aussi bien qu'en Prouence, & Languedoc. par ce moyen les seditions, qui sont ordinaires en toute Republique, pour l'inequalité des charges, cesseroient. car la iustice geometrique au sol la liure, se pourroit aisément executer. Et qui plus est, tous les procez, qui sont par deuant les Iuges des aydes, seroient coupez, ou retranchez pour la pluspart par les racines. par ce moyen les concussions, les ports, les faueurs de esleus, essayeurs, & autres officiers, qui ont charge d'egaler les imposts, seroient descouuertes : ou pour le moins, les procez seroient aisez à vider sus les registres des censeurs : ou bien on pourroit mettre en auant la coustume des anciens Atheniens, que s'il y auoit quelqu'un surchargé, qui eust moins de biens qu'un autre, il pouuoit contraindre le moins taxé à prendre la charge, ou à changer de biens : comme Isocrate qui le perdit contre Lyfimaclide, & le gaigna contre Megalide. On scauroit aussi par ce moyen, qui sont les prodigues, les cessionnaires, les banqueroutiers, les riches, les pauvres, les safraniers, les vsuriers : & à quel ieu les vns gagnent tant de biens, & les autres dependent tout, pour y remedier, puis qu'il est ainsi, que de la pauureté extreme des vns, & richesses excessiues des autres, on voit tant de seditions, troubles, & guerres ciuiles. Dauantage, tous les edits, & ordonnances, & generally tous arrests, iugemens, & sentences, concernans les peines pecuniaires, & amendes, seroient reglez à la vraye distribution de iustice, quand on scauroit les biens, & la portee d'un chacun : attendu mesmement, que la peine ne doit pas excéder le peché. Aussi les tromperies, qu'on fait aux mariages, aux ventes, aux marchez, & en toutes les negociations publiques, & priuees, seroient descouuertes, & cogneuës. Je laisse vne infinité de procès touchant les successions, partages, & hypotheques, qui

Moyen d'ob-
uier aux cōcus-
sions, larcins, &
faueur de ceux,
qui font le de-
partement des
imposts, &
subsidés.
Coustume lou-
able des Athe-
niens.
9. Plutar. in vita o-
ratorum.

font closes, & cachees pour la pluspart, & qui seroient auerees par les registres sās enquestes, qui seroit obuier aux frais des sugets, & aux fausfetez, & faux tesmoignages, qui se forgent par tout.

1. l. 2. quando, &
quib⁹ quarta pars.

Peut estre on me dira, que c'est chose dure¹, d'exposer en risee la pauureté des vns, & à l'enuie la richesse des autres. Voila le principal argument, duquel on peut vser, pour empescher vne chose si loüable, & si saincte. Mais ie dy au contraire, que l'enuie cessera cōtre ceux, qu'on pense riches, & qui n'ont rien: & la moquerie cōtre ceux, qui ont les biens, qu'on estime pauvres. Et faut-il que l'enuie des malueillās, ou la moquerie des plaifans, empesche vne chose si saincte, & si loüable? iamaïs le sage Prince ny le bon legillateur n'ont fait mise, ny recepte de l'enuie, ny de la risee, quand il est question des bonnes loix, & ordonnances. Combien que la loy, ² qu'on met en auant, ne touche que les meubles, & non pas les immeubles. De dire qu'il n'est pas bon, qu'on sçache le train, la traffique, la negotiation des marchans, qui gist bien souuent en papier, & en credit: qu'il n'est pas bon aussi, qu'on eueute le segret des maisons, & des familles: Ie responds, qu'il n'y a que les trompeurs, les pipeurs, & ceux, qui abusent les autres, qui ne veulent pas, qu'on descouure leur ieu, qu'on entende leurs actions, qu'on sache leur vie. mais les gens de bien, qui ne craignent point la lumiere, prendront tousiours plaisir, qu'on cognoisse leur estat, leur qualité, leur biē, leur façon de viure.

2. d. l. 2. quando, &
quib. C.

Notable respōse d'un Tribun. La censure cōtraire aux meschans.

Vn Architecte disoit vn iour au Tribun Drusus, qu'il feroit l'ouerture de sa maison en sorte, que personne n'auroit veuē sur luy: Mais ie te prie, dist alors Drusus, fais en sorte, qu'on puisse voir de tous costez, ce que ie fais en ma maison. aussi Velleius Paterculus, qui recite l'histoire, dit, que cest homme là estoit *sanctus, & integer*. Et c'est principalement contre les meschans, qu'il faut, que la censure ayt lieu. Et de fait anciēnement chacun Romain faisoit vn registre de toutes ses actiōs, & de sa despēse, & de tous ses biēs: mais sur le declin de l'empire lors que les vices cōmancerēt à bouter, on cessa, dit Asconius, par ce q plusieurs estoiet condānez par leurs registres. Et ie trouue qu'il n'y a iamaïs eu que les tyrās, les vsuriers, les larrōs, les cessionaires, qui ont eu en haine la censure, & empeschē, tāt qu'ils ont peu, que le denōbrement des biēs ne se fist: cōme i'ay remarqué de Tybere, Caligula, Nerō, Domitiā. Aussi voit on, que par les menees des riches, bourgeois, & vsuriers, de six censeurs esleus cōsecutiuelement en vn an, pas vn seul ne peut vaquer à la censure³.

3. Liuius lib 6.
Fugere senatū testes tabulas census cuiusque, quia nolint conspici summam æris alieni, quæ iudicatura sit demerfam partem à parte ciuitatis, cum interim obiectam plebem aliis atque aliis hostibus, &c.

Dequoy les Tribuns faisans leurs plaintes deuāt le peuple disoient, que le Senat craignoit les registres, & enseignemens publics, qui descouuroient les biens d'un chacun, & les debtes actiues, & passiuues, par lesquelles on eust cogneu que partie des bourgeois estoit foulée par l'autre, & rongee d'vsures. & deslors les tribuns declarerent qu'ils n'endureroient pas vn debteur estre adiugé aux créanciers, ny enroollé pour aller en guerre, qu'on n'eust veu par declaration les debtes d'un chacun,

affin

affin d'y pourvoir ainsi, qu'on verroit estre à faire par raison. Alors les debtors s'assembloient au tour du Tribun, pour luy prestre confort, & ayde. Pourquoy donc le droit creancier craindroit il, qu'on vist les debtes par luy contractées? pourquoy ne voudroit il, qu'on cogneust les successions legitimes à luy deuolues? pourquoy empescheroit il, qu'on apperceust les biens iustement acquis par son industrie, & labeur, celà luy tournera tousiours à louange, & honneur. & s'il est homme de bien, s'il ayme la conseruation de la Republique, le soulagement des pauvres, il ne fera point difficulté de bailler ses biens par declaration pour en ayder au public, quand il sera besoin. Et s'il est meschant, s'il est vsurier, concussionnaire, larron du public, voleur des particuliers, il a bien raison d'empeschier, & de s'opposer tant qu'il pourra, que ses biens, sa vie, ses actions ne soient cogneuës. mais ce n'est pas la raison, qu'on demande l'aduis aux tauerniers, s'il faut supprimer les cabarets, ny aux femmes dissolues, s'il faut oster le bordeau, ny aux vsuriers, s'il faut abolir les vsures, ny aux meschans, s'il faut auoir des censeurs. Or tous les anciens Grecs, & Latins, ont tousiours parlé de la censure, comme d'une chose diuine, & quia conserué la grandeur de l'Empire des Romains tant, que les censeurs ont esté en credit. Tite Liue ⁴ parlant du Roy Seruius, qui le premier institua, que chacun bailleroit ses biens par declaration, *Censum*, dit-il, *instituit rem saluberrimam tanto futuro imperio*. Mais depuis que les censeurs furent erigez en tiltre d'office au lieu des Consuls, & que peu à peu ils commencerent à prendre cognoissance des meurs, & de la vie d'un chacun, alors on commença à respecter les censeurs, & les reuerer plus que tous les magistrats: dequoy parlant Tite Liue ⁵, *Hic annus censurae initium fuit, rei à parua origine ortæ, quæ deinde tanto incremento aucta est, ut morum, disciplinaeque Romanæ penes eam regimen senatus, equitumque centuriæ, decoris, decorisque discrimen sub ditione eius magistratus, publicorum ius, priuatorumque locorum, vectigalia populi Romani sub nutu, atque arbitrio essent*. C'estoit donc la charge des censeurs, de receuoir le denombrement des biens, & des personnes, d'estre surintendans des finances: d'affermir les impôts, & peages, & tout le domaine de la Republique: de reformer les abus, d'instituer, ou destituer les Senateurs: casser les gens des ordonnances, & de l'ordre de cheualerie: de censurer, & noter la vie, & les meurs d'un chacun. Plutarque ⁶ en parle encore plus hautement, appellant la censure office tressacré, & trespouissant. On dira, peut estre, que la charge estoit grande: toutesfois en un si grand Empire deux censeurs y suffisoient. mais on peut diuiser les charges. car d'instituer, ou destituer les senateurs, celà fut baillé aux censeurs pour en decharger le peuple, dit Festus: ce qui ne se pourroit faire en la monarchie, où le Prince choisist spécialement ceux de son conseil. Toutefois il seroit besoin, que les surintendans aux finances fussent

4. Linius lib. 1.
Iugement des
anciës touchât
la censure.

5. lib. 4.
Charge des an-
ciens censeurs.

6. In Catone ma-
iore.

ἡ τιμιπτικὴ ἔστιν
ἀρχὴ πᾶσιν ἱε-
ρωτάτη, καὶ δυ-
ναμιὺν μέγα
πρὸς τε ἄλλα,
καὶ πρὸς ἐξέ-
τασιν βίων.

La censure est
le moyen de re-
former les abus
en tous estats.

vrais censeurs, c'est à dire, gens sans blâme, & sans reproche: car il faut tousiours bailler la bourse au plus loyal: & la reformation des abus au plus entier.

Quant à la reformation des abus, c'est bien, peut estre, la chose la plus belle, & la plus excellente, qui fut onques introduite en Republique du monde, & qui plus a maintenu la grandeur de cest empire là. Car tout ainsi que les censeurs estoient tousiours esleus des plus vertueux homes de toute la Republique, aussi s'efforçoient ils de conformer les sugets au vray but d'honneur, & de vertu. Cela se faisoit de cinq en cinq ans, & après qu'on auoit dressé l'estat des finances, & affermé le domaine. Et si on delaissoit la censure, comme il se faisoit quelquefois pour la longueur des guerres, on apperceuoit à veüe d'œil, que les meurs du peuple se gastoient & que la Republique deuenoit malade, comme vn corps qui delaisse les purgations ordinaires. celà s'apperceut pendant la seconde guerre Punique, qu'on n'auoit pas loisir d'y vaquer commodément: mais si tost qu'Annibal se fut retiré au territoire de Naples, alors les censeurs, dict Tite Liue⁷, *ad mores hominum regendos animum aduerterunt, castigandaque vitia, quæ velut diutinos morbos ægra corpora ex sese gignunt, nata bello erant.* Et toutefois ils ne s'arrestoient qu'aux abus, qui ne viennent point en iustice: car les magistrats, & le peuple prenoit cognoissance des meurtres, des parricides, des larcins, des concussions, & autres crimes semblables, qui sont punis par les loix. Suffist-il pas, dira quelqu'un, de bien punir les crimes, & forfaits portez par les edits, & ordonnances? Le dy que les loix ne corrigent que les meschancetez, qui troublent le repos de la Republique, encore les plus signalez en meschanceté eschapent quasi tousiours la peine des loix, comme les grosses bestes rompent aisément les toiles des araignes. Et qui est l'homme si mal aduisé, qui mesurera l'honneur, & la vertu au pied des loix? *Quis est*, disoit Seneque, *qui se profitetur legibus omnibus innocentem? ut hoc ita sit, quàm angusta est innocentia ad legem bonum esse: quantò latius patet officiorum, quàm iuris regula? quàm multa pietas, humanitas, liberalitas, iustitia, fides exigunt, quæ extra publicas tabulas sunt!* On sçait assez, que les plus detestables vices, & qui plus gastent la Republique, ne viennent iamais en iugement. la perfidie n'est iamais punie par la loy, qui est l'un des vices des plus abhominables: mais les censeurs, dit Ciceron, n'estoient si curieux de chose du monde, que de punir le pariure, les yurongneries, les ieux de hazard, les paillardises, & lubricitez sont permises avec vne licence desbordée. & qui peut y remedier que la censure? on voit aussi toutes les Republiques remplies de vagabonds, de faitneants, de rufiens, qui corrompent, & de fait, & d'exemple tous les bons sugets: & toutesfois il n'y a moyen de chasser ceste vermine, que par la censure. Combien qu'il y a vne raison speciale, qui monstre que la censure est plus necessaire, qu'elle ne fust onques, d'autant qu'il y auoit anciennement en chacune famille iu-

7. lib. 24.

Les plus grâds & plus frequēs vices chastiez par la censure, qui sont passez par souffrance des loix.

Raison necessaire pour restablir la censure.

le iustice haute, moyenne, & basse: le pere sus les enfans, le seigneur sus ses esclaves auoit puissance de la vie, & de la mort en souveraineté, s'il faut ainsi parler, & en dernier ressort, & le mari sus la femme auoit mesme puissance en quatre cas, comme nous auons dit en son lieu: mais à present que tout celà cesse, quelle iustice peut on esperer de l'impieté des enfans enuers les peres & meres? du mauuais gouuernement entre gens mariez? du mespris enuers les maistres? Je ne parle point icy de la conscience enuers Dieu, qui est la premiere, & principale chose, de laquelle il faut en toute famille, & Republique estre le plus soigneux: chose qui a tousiours esté reseruee aux Pontifes, Euesques, & Surueillans, & à laquelle les magistrats doiuent tenir la main. Car combien que la loy de Dieu commande, ⁷ que chacun comparoisse deuant luy aux trois grandes festes de l'an pour le moins: si est-ce qu'il s'en trouue, qui n'y vont aucunement: & peu à peu du mespris de la religion: est sorti vne secte detestable d'Atheïstes, qui n'ont rien que blasphemés en la bouche, & le mespris de toutes loix diuines, & humaines. dont il s'ensuit vne infinité de meurtres, parricides, empoisonnemens, trahisons, pariures, adulteres, incestes, clos & couuerts pour la plus-part. car il ne faut pas attendre, que les Princes, & magistrats rangent sous l'obeissance de leurs loix les subjets, qui ont foulé aux pieds toute religion: Toutefois celà depend des surueillans, ou des censeurs. Et quant à l'institution de la ieunesse, qui est la principale charge d'une Republique, & de laquelle, comme des ieunes plantes, il faut auoir le premier soin: on voit, qu'elle est mesprisée: & ce qui deuroit estre public, est laissé à la discretion d'un chacun, qui en vse à son plaisir, qui en vne sorte, qui en vne autre: ce que ie ne toucheray point icy, ayant traité ce point en son lieu. ° Et d'autant que Lycurgue disoit, qu'en celà gist le fondement de toute la Republique, il ordonna le grand Pædonome Censeur de la ieunesse, pour la regler selon les loix, & non pas à la discretion ¹ des parens. Ce qui fut aussi ordonné par edict des Atheniens, publié à la requeste de Sophocle: ² cognoissant bien, que pour neant on fait des loix, si la ieunesse, comme dit Aristote, ³ n'est informée de bonnes meurs. Or tout celà depend du soin, & vigilance des Censeurs, pour prendre garde premierement aux meurs, & institution des maistres de la ieunesse. Je tais aussi l'abus, qui se commet en souffrant les Comiques, & Jongleurs, qui est vne autre peste de la Republique des plus pernicieuses, qu'on scauroit imaginer: car il n'y a rien, qui gaste plus les bonnes meurs, & la simplicité, & bonté naturelle d'un peuple. ce qui a d'autant plus d'effect, & de puissance, que les parolles, les accens, les gestes, les mouuemens, & actions conduites avec tous les artifices, qu'on peut imaginer, & d'un sujet le plus ord, & le plus des-honneste, qu'on peut choisir, laisse vne impression viue en l'ame de ceux, qui tendent là tous leurs sens. brief, on peut dire, que le theatre des ioïeurs est vn apprentissage de toute impudicité, lubricité,

7. Deuteronom. 16

o. In orat. de instituenda in Republica iuuentute ad Senatum populum que Tololatem.

1. Arist. lib 8. cap. 2. cum vnus sit finis ciuitatis, oportet omnium eandem esse educationem.

2. Laertius.

3. lib 5. cap. 10. polit.

Les comedies, & farces, pernicieuses à toute Republique.

8. lib. 7. ca. 15. polit.

paillardise, ruse, finesse, meschanceté. Et non sans cause disoit Aristote,
 8 qu'il faut bien garder les fugets d'aller aux ieux des comiques: il eust en-
 cores mieux dit, qu'il faut raser les theatres, & fermer les portes de la ville
 aux ioïeurs: *quia*, dit Seneque, *nihil tam moribus alienum, quàm in spectaculo*
desidere. Si on dit, que les Grecs, & Romains permettoient les ieux: ie re-
 sponds, que c'estoit pour vne superstition, qu'ils auoient à leurs Dieux.
 mais les plus sages les ont tousiours blasmez. car combien que la Trage-
 die a ie ne sçay quoy de plus Heroïque, & qui moins effemine les cueurs
 des hommes, si est-ce toutefois que Solon ayant veu ioüer vne tragedie
 de Thespis, le trouua fort mauuais: dequoy s'excusant Thespis, disoit,
 que ce n'estoit que ieu, Non, dist Solon, mais le ieu tourne en chose se-
 rieuse: beaucoup plus eust-il blasmé les comedies, qui estoient enco-
 res incongnues. & maintenant on met tousiours à la fin des tragedies
 (comme vne poison és viandes) la farce, ou comedie. Et quand ores les
 ieux seroient tolerables aux peuples meridionaux, pour estre d'un natu-
 rel plus pesant, & melancholique, & pour sa constance naturelle moins
 fuget à se changer, si est-ce que celà doit estre defendu aux peuples ti-
 rans plus vers le Septentrion, pour estre de leur naturel sanguins, legers,
 & volages, & qui ont presque toute la force de leur ame en l'imagina-
 tion du sens commun, & brutal. Mais il ne faut pas esperer, que les ieux
 soient defendus, ou empeschez par les magistrats: car ordinairement on
 voit, qu'ils sont les premiers aux ieux. C'est la propre charge des cêseurs
 graues, & seueres, qui auront la discretion d'entretenir les hōnestes exer-
 cices de la gymnastique pour maintenir la fanté du corps: & de la musi-
 que, pour ranger les appetits sous l'obeissance de la raison. i'entēs la mu-
 sique, 9 qui signifie non seulement l'harmonie: ains encores toutes scien-
 ces liberales, & hōnestes: & prendront garde principalemēt, que la mu-
 sique naturelle ne soit alteree, & corrompue cōme elle est à present: puis
 qu'il n'y a riē, qui coule plus doucemēt aux affectiōs interieures de l'ame.
 Et pour le moins si on ne peut gaigner ce point là, que les chāsons Ioni-
 ques, & Lydiēnes, c'est à dire, le cinq & septiesme ton, soiēt bannis de la
 Republique, & defendus à la ieunesse, cōme Platon, & Aristote disoiēt,
 qu'il est necessaire, pour le moins que la musique Diatonique, qui est
 plus naturelle, que la chromatique, & Enharmonique, ne soit corrōpue
 par la mellange des autres: & que les chansons doriēnes, ou du premier
 ton, qui est propre à la douceur, & grauité bien seante, ne soient degui-
 sees en plusieurs tōs, & dechiquetees en sorte, que la plus-part des musi-
 ciēs en deuiēnent fols, & insensez: par ce qu'ils ne sçauoient goustier vne
 musique naturelle, non plus qu'un estomac debifé, & corrōpu de friadi-
 ses, ne peut goustier vne bōne, & solide viāde. Or tout cela depēd du de-
 uoir des Cêseurs, attēdu que les iuges, & autres officiers n'y prendrōt ia-
 mais garde. On se plaint aussi des habits, des excez, & q̄ les loix somptuai-
 res sōt foulees au pied: iamais il ne s'ē fera autre chose s'il n'y a des Cêseurs
 qui

9. duabus potissi-
 mum rebus ciuita-
 tes conseruantur
 γυμναστική καὶ
 μουσική, vrait
 Plato in Timæo.

qui facent executer les loix: comme estoient anciennement en Athenes les Nomophylakes. C'est pourquoy vn ancien ¹ Orateur disoit, que le Tribun, qui premier rongna la puissance des Censeurs, auoit ruiné la Republique: ce fut ² Clode, l'un des plus meschans hommes, qui fust de son aage. aussi sa loy, six ans apres, fut cassée par la loy ³ Cecilia. Puis donc que la censure est vne chose si belle, si vtile, si necessaire, reste à voir si les Censeurs doiuent auoir iurisdiction. car il semble, que la censure fera illusoire sans iurisdiction. Je dy neantmoins, qu'il ne faut pas que les Censeurs ayent iurisdiction quelconque: afin que leur charge ne soit enuolopee de procès, & de chiquaneries. Aussi les anciens Censeurs Romains n'auoient aucune iurisdiction: mais vn regard, vne parole, vn trait de plume, qu'ils donoient, estoit plus sanglant, & touchoit plus viuement, que tous les arrests, & iugemens des Magistrats. Quand on faisoit le lustre, on eust veu quatre ou cinq cens Senateurs, l'ordre equestre, & tout le peuple trébler de crainte deuant les Censeurs, que le Sénateur auoit, qu'il fust chassé du Senat: l'homme d'ordonnances, qu'il fust priué de son cheual, ou mis au rang du peuple: & que le citoyen fust rayé de son ordre, & de sa lignee pour estre mis au nombre des cerites, & tributaires. cōme de fait Tite Liue raconte pour vne fois LXVI. Senateurs rayez du registre, & forclos du Senat. Et neantmoins afin que l'honneur, & autorité si grāde des Censeurs ne fist ouuerture à la tyrannie, s'ils eussent esté armez de puissance, & iurisdiction, ou qu'on fust condamné sans estre ouy: il fut tresbien aduisé, qu'ils n'auroient rien que la Censure. C'est pourquoy, disoit ⁴ Ciceron, que le iugement des Censeurs fait rougit seulement: & d'autant que cela ne touchoit que le nom, la correction du Censeur s'appelloit, *Ignominia*: qui est bien differente de l'infamie, qui depend des iuges, qui ont iurisdiction publique, & des cas, pour lesquels on souffre ⁵ infamie. C'est pourquoy le ⁶ Preteur notoit d'infamie ceux, qui estoient cassez avec ignominie: ce qui eust esté ridicule, s'ils eussent esté infames. Et neantmoins le doute que les ⁷ Iuriconsultes faisoient, si les hōmes ignominieux doiuent souffrir la peine des infames, monstre assez, que l'ignominie, & l'infamie n'est pas tout vn, comme plusieurs ont pensé. l'ancienne coustume de Grece permettoit à tous de mettre à mort celuy, qui estoit déclaré infame, & ses enfans: cōme dit l'Orateur Libanius au plaidoyé pour Alliotius. Car combien que le Censeur eust rayé le Sénateur des registres du Senat, si est-ce que s'il vouloit presenter requeste au peuple, & monstrier son innocence, il y estoit receu, & quelquefois absous, & restitué. mais s'il y auoit accusateur, qui soustint la censure, ou que le Censeur mesmes se portast accusateur en qualité de particulier, si l'accusé estoit conuaincu, & condamné par le peuple, ou par les commissaires deputez du peuple: alors il estoit non seulement ignominieux, ains aussi ² infame, & déclaré inhabile à iamais de tenir estat. c'est pourquoy ceux, qui estoient censurez, n'estoient pas iugez, mais toute-

1. Cicero in Pisonem, & pro Milone.

2. l. Clodia de censoribus. Cic. pro Sestio.

3. anno ab V. C. MCCCL. à Q. Cecilio Metello consule lata.

Les Censeurs ne doiuent auoir iurisdiction.

4. lib. 4. de Republica. apud Non. Censoris iudicium nihil fere damnatō affert nisi ruborem. itaque vt omnis illa iudicatio versatur tantummodo in nomine, animaduersione illa ignominia dicta est.

5. l. Infame. de publicis iudic. ff.

6. l. 1. de iis qui notantur. infamia facti appellantur. dd. in l. palam. §. quæ de ritu nuptia.

7. l. 2. de senatoribus. ff. l. cognitionum. de variis & extraordin. cognit. ff. l. palam. §. quæ. de ritu nuptiar. ff. vbi iuriconsulti vtuntur putandi verbo nec affirmant.

Censure n'est pas iugement.

2. l. in famem de publicis iudic. ff.

fois ils estoient comme preiugez: & si le Censeur estoit homme eloquêt, il se constituoit accusateur de ceux, qui se vouloient faire restituer contre sa censure: comme fist Caton contre L. Flaminius, contre lequel il dressa vn plaidoyé de la vie orde, & sale de Flaminius, qu'il auoit rayé des registres du Senat. mais les mieux aduisez, & qui auoient quelque opinion de leur suffisance, demâdoient quelque office, ou commission honorable au peuple, & s'ils l'obtenoiêt, l'ignominie, & censure estoit couuerte: ou bien qu'ils se fissent restituer par les autres Censeurs cinq ans apres. mais s'ils ne faisoient ny l'un ny l'autre, l'entree du Senat leur estoit du tout close: & de ceux là parlant ³ Vlpian, dit, qu'il pense, qu'ils ne sont pas receuables en tesmoignage. il n'ose pas l'asseurer. Et pour confirmation plus claire de ce que dessus, ⁴ Ciceron met vn exemple de Caius Geta, qui fut rayé, & forclos du Senat par les Censeurs: & neantmoins depuis il fut esleu Censeur. & peu apres, parlant de la censure, il dit, que les Anciens ont voulu, que la censure portast vne certaine crainte, & non pas vne peine. Qui fut en partie la cause, pourquoy la loy⁵ Claudia fut cassee, qui vouloit, que le Sénateur ne peust estre forclos du Senat, ny rayé des registres, s'il n'estoit accusé par deuant les Censeurs, & condamné de l'un & de l'autre. car c'estoit faire de la censure vne cohuë, & l'aneantir: laquelle toutefois estoit si venerable, que le Senat Romain ne voulut pas souffrir, que les Censeurs, apres leur charge expiree, fussent ⁶ accusez, ny appelez en iugement des choses, qu'ils auoient faites: ce qui estoit licite contre tous les autres Magistrats. Et semble que l'Empereur Constantin lacra tous les libelles d'accusation proposez contre les Surueillans au Concil de Nice, disant, qu'il ne vouloit pas iuger de ceux, qui estoient Censeurs de la vie d'un chacun. Et pour mesme cause Charlemagne en ses ⁷ constitutions, a mis le canon, qui porte que le Prelat ne sera point iugé, s'il n'y a LXXII. tesmoins: & que le Pape ne sera iugé de personne. ce qui a tousiours esté gardé iusques au Concil de Constance, où le decret fut arresté, que deslors en auant le Pape seroit iugé par le Concil. Je ne disputeray point, si la iurisdiction Ecclesiastique est bien fondee: mais tant y a, que pour auoir trop entrepris, il y a danger, qu'on perde & la iurisdiction, & la censure Ecclesiastique, qui a tousiours esté de merueilleuse consequence. car tout ainsi que les anciens Druides, qui estoient iuges souuerains, & Pontifes en Gaule, excommunioient les Roys, & Princes, qui ne vouloient pas obeir à leurs ⁸ arrests: aussi la censure Ecclesiastique entre les Chrestiens, non seulement a maintenu la discipline, & les bonnes mœurs plusieurs siecles: ains aussi a fait trembler les tyrans, & a rangé les Roys & Empereurs à la raison: & souuent leur a fait tomber les Couronnes de la teste, & les sceptres des mains, les contraignans à faire la paix ou la guerre: ou bien à changer leur vie dissoluë, ou faire iustice, & reformer les loix. toutes les histoires en sôt pleines: mais il n'y en a point de

3. l. 2. de senat. ff.
 4. pro Cluentio.
 Hic primum illud commune proponam, nūquam animaduersionibus censoriis hanc ciuitatem ita cōtentam vt rebus iudicatis fuisset. ponam illud vnum exemplum Caium Geta cum à L. Metello & Cn. Domitio censoribus ex senatu eiectus esset, censorem ipsum postea factū esse: & cuius mores à censoribus erant reprehensi, hunc postea, & populo Romano & eorum qui in ipsum animaduertent moribus præfuisse. Quod si illud iudicium putaretur, vt ceteri turpi iudicio dānati in perpetuum omni honore ac dignitate priuantur: sic hominibus ignominia notatis, neque ad honorem aditus, neque in curiam reditus esset, &c.
 Quamobrem in omnibus legibus quibus exceptum est, de quibus causis, aut magistratum capere non liceat, aut iudicem legi, aut alterum accusante, hæc ignominia causa prætermissa est. timoris enim causam non vitæ pœnam in illa potestate esse voluerunt, &c. censorum denique superiorum censorum iudiciis, si ista iudicia appellari vultis, non steterunt.
 5. Ascon. in Pisonianam.
 6. Liuius lib. 39.
 7. cap. de mallo. §. 24.
 8. Cæsar in cōmentariis.

de plus illustre que de S. Ambrois qui censura Theodose le grand, & Nicolas 1. Pape, qui censura Lothaire Roy d'Italie en partie. vray est que l'abus d'une censure de si grande consequence a fait mespriser & la discipline, & les ministres, & leur censure, qui estoit en interdiction, suspension, & excommunication. ⁹ car plusieurs à propos, & sans propos, & pour causes legeres excommunioient: & mesmes ils ont posé xxxix. cas esquels on encouroit l'excommunication de fait, sans iugement ny ¹ sentence: & qui plus est on excommunioit aussi les corps, & colleges, les vniuersitez, les Empereurs, Roys & Royaumes: sans discretion de l'aage, ny du sexe, ny des innocens, & furieux: quoy que depuis, & bien tard, on ² corrigea cest abus, & à demy seulement: mais en ce royaume, il a esté arresté aux ordonnances d'Orleans, qu'on n'vseroit d'excommunications, fors en crimes & scâdale public. Or les Prelats, Euesques & Papes ont tousiours pretendu la censure des meurs, & de la religion leur appartenir, comme chose de laquelle les iuges & Magistrats ne prennent aucune cognoissance, sinon en cas d'exécution. Et depuis les Surueillans ont vsé en plusieurs lieux de mesme prerogative: chose qui est bien necessaire, s'il n'y a des Censeurs: tant pour reformer les meurs du peuple, & y veiller diligemment, que pour autoriser la dignité des Pasteurs, Euesques & Ministres, qu'on ne scauroit assez honorer & priser, pour la charge & dignité qu'ils soustiennent: à quoy Dieu auoit pourueu sagement, faisant chois de ses Ministres, & donnant la prerogative d'honneur à la lignee de Leui par dessus toutes les lignees, & à la famille d'Aaron, de laquelle estoient les Prestres seulement, par dessus tous les Leuites, leur dōnant la decime du bestail & des fruits de tous les heritages, de grans honneurs, & priuileges: & par vn article de la loy de Dieu il est porté, que celuy soit mis à mort qui n'obeyra à la sentence du ^o grand Pontife. & ceux qui veulent raualler l'estat des Ministres, Euesques & Surueillans, & leur oster la censure ecclesiastique, & les biens & hōneurs, pour les voir belistrer, & fouler aux pieds, ils mesprisent Dieu, & aneantissent toute religion. qui est vn poinct fort considerable, & qui fut cause en partie que le Ministre principal de Lozane quitta la ville, par ce que les Seigneurs des ligués ne peuuent porter la censure des meurs, en la personne des Ministres. il faut donc par necessité qu'on face des censeurs. Mais la Seigneurie de Genesue a reserué ceste prerogative aux Euesques, Ministres, & Anciens, d'auoir droit de corps, & college, & de censurer en leur Consistoire les meurs & la vie, & mesme de condamner à l'amende: & toutesfois sans iurisdiction, ny puissance de commander, ny d'exécuter leurs sentences, soit par eux ou par les officiers de la Seigneurie: mais à faute d'obeyr, ils excommunient: chose qui tire apres soy grande consequence: car l'excommunié apres certain temps est poursuiuy criminellement par l'inquisiteur de la foy: comme il se fait aussi en l'Eglise Catholique: mais non pas si tost. car il s'est trouué tel auoir esté x v. ans excom-

9. cap. quærenti. de verb. signific.

1. not. in summa angelica. verbo. excommunic. v.

2. cap. Romana. §. vniuersitatem de sentent. lib. 6. c. venerabilibus. §. sentent. excommunic. lib. 6.

o. Deuteron. c. 17.

L'indignité, mespris, & médisance des Ministres fait mespriser la Religion.


3. le 7. May 1538.

4. le 3. Iuillet 1565.

munié, & depuis conuenu par deuant l'inquisiteur de la foy, qui vouloit proceder contre luy : dont il se porta pour appellant comme d'abus en Parlement : où il fut ³ déclaré non receuable appellant, & condamné à l'amende: & ordonné qu'il seroit pris au corps, & mené prisonnier es prisons de l'Euesque, & mādé à l'inquisiteur de luy faire & parfaire son proces iusques à sentēce diffinitive, & en certifier la Cour. c'estoit alors qu'il estoit permis d'excommunier vn chacun, mesmes pour simples debtes, ores que les debtors declarassent qu'ils n'auoient rien. mais depuis l'ordonnance publiee à la requeste des estats tenus à Orleans, & confirmee par arrest de ⁴ Parlement, les Euesques & Surueillans ne pourroient pas en ce Royaume vsfer de telles censures. Et de fait M. du Moulin se piqua bien fort à Lyon contre le consistoire, disant qu'il entreprenoit sous couleur de censure la iurisdiction temporelle, & neantmoins qu'il blasmoit cela en l'Eglise Catholique. Et toutesfois ostant la voye de suspension, interdiction & excommunication, la censure ecclesiastique est aneantie, & par mesme inconuenient les bonnes meurs, & la discipline abolie. mais ce n'est pas la raison, que pour la desobeissance en choses legeres, on vse de telles censures. les Censeurs anciens mettoient des notes & marques sur les registres contre ceux qui le meritoient: pour aduertir leurs successeurs en l'estat, de ceux qui estoient ja notez, s'ils ne s'amendoient. il me semble que cela sufiroit bien, & non pas proceder par amēdes, & interdire, ou excommunier à faute de payement. Je laisse icy à decider aux plus sages, s'il vaut mieux diuiser la censure temporelle touchant les meurs, & autres cas cy dessus remarquez, d'avec la censure ecclesiastique, ou biē cumuler l'vn à l'autre. Mais si vaut-il mieux permettre aux Euesques & Surueillās l'vn & l'autre, que de leur oster le tout, & priuer la Republique de la chose qui est la plus necessaire. car on voit les Republiques qui en vsent fleurir en loix & bonnes meurs: on voit les paillardises, les vsures, les mommeries, les excés en toutes choses retrancher: les blasphemateurs, les rufiens, les faitneās chasser. & ne faut pas douter que les Republiques qui vseront de telles censures, ne soient perdurables, & fleurissantes en toutes vertus: & la censure delaissee, les loix, les vertus, & la Religion sera mesprisee: comme il aduint en Rome quelque temps au parauant que cest Empire là fut ruiné: lors qu'au lieu des Censeurs on erigea vn office qu'on appelloit le Tribun des plaisirs & & voluptez: ainsi qu'on peut voir en Cassiodore.

DES

CHAP. II.



Dev is que nous avons parlé des dons, & loyers, qui le plus souuent sont assignez sur les deniers, & domaine de la Republique, disons aussi des finances. Car s'il est ainsi que les nerfs de la Republique sont aux finances d'icelle, comme disoit vn ancien Orateur, il est bien requis d'en auoir la vraye cognoissance, qu'on peut mettre en trois poincts : le premier est des moyens honnestes de faire fonds aux finances : le secôd est de les employer au profit, & honneur de la Republique : le troisieme d'en espargner, & reseruer au besoin quelque partie. Nous toucherons ces trois poincts chacun en son ordre. Quant au premier poinct, il y a plusieurs grands docteurs en matiere d'imposts, qui sçauent beaucoup de moyens de faire fonds aux finances : mais ils n'ont iamais eu la vraye science d'honneur, ny la prudence politique. Et pour ceste cause laissant ces maistres de finesse, ie suiuray ceux qui ont bié eu grâd soin des finances, mais aussi ont-ils cherché les moyens hōnestes de fonder le reuenu de la Republique, afin qu'on ne fust contraint d'vser de moyens deshonestes & illicites, ou laisser la Republique au besoin : cōme il en print souuent à ceux là qui sembloient mieux entendus aux affaires politiques : entre lesquels on 'met les Lacedemoniēs, qui n'estoient pas contens de leur territoire, ainsi que leur maistre Lycurgue les auoit enseigne, leur ayant osté tout l'vsage d'or & d'argent, en vaisselle & en monnoye, ains se vouloient faire conquerās : & neantmoins si tost qu'ils auoient sorty des frontieres, ils alloient aux empruns, qui au Roy de Perse, comme Lyfandre, & Callicratide : qui aux roys d'Egypte, comme Agésilas & Cleomenes Roys de ² Lacedemone. Qui fut cause que la Seigneurie de Sparte, avec le secours des alliez, ayant bien tost conquesté, & aussi tost perdu la Grece, ordonna que l'or & l'argent qu'ils auoient gaigné sus les ennemis seroit gardé au tresor de l'epargne, pour s'en seruir au besoin, avec defences d'en vser en particulier. mais le tresor sans fonds, estant bien tost epuizé, ils furent contraints de retourner aux emprunts, pour faire la guerre, qui n'est pas entretenüe par diette, comme disoit vn ancien capitaine. Il faut donc en toute Republique donner ordre, que les finances soient basties, & assurees sur vn fondement certain & durable. Or il y a sept moyens en general de faire fonds aux finances, esquels sont compris tous ceux qu'on peut imaginer. Le premier est au domaine de la Republique : le second es conquestes sur les ennemis : le troisieme sur les dons des amis : le quatrieme sur la pension, ou tribut des alliez : le cinquiesme sur la traffique : le sixiesme sur les marchans qui apportent ou emportent marchandises : le septiesme sur les impostes des

Les fināces sont les nerfs de la Republique.

1. Polyb. lib. 6. de militari, ac domestica Roman. disciplina.

2. Plutar in Lyfandro, Agésilao, & Cleomene.

La guerre n'est pas entretenüe par diette.

Sept moyens de faire fonds aux finances.

Le domaine est le plus seur moyen de faire fonds.

3. 1. quæstionis. de verbor. signif.

Diuision du territoire de Rome.

4. Dionysius Halycarnas. lib. 2.

5. In Romulo. Origine du domaine.

6. Diodor. lib. 2.

7. cap. 45.

8. Samuel. 1. c. 27.

fugets. Quant au premier, qui est le domaine, il semble estre le plus honnesté, & le plus seur de tous. Aussi lisons nous, que tous les anciens Monarques, & Legislateurs, qui fondoient les Republiques, ou transportoient nouuelles colonies, assignoient outre les rues, temples, & theatres, certains lieux propres à la Republique, & communs à tous en general, qui sont appelez ³ Communes: & certain domaine affermé, ou baillé aux particuliers à certain temps, ou à perpetuité, pour en payer les rentes ou reuenus au tresor de l'epargne: afin de subuenir aux fraiz de la Republique. Et mesmes nous lisons que Romule, fondateur de Rome, & de la Republique Romaine, diuisa tout le territoire en trois parties, assignant vn tiers pour le temporel de l'Eglise: l'autre pour le domaine de la Republique: & le surplus fut diuisé aux ⁴ particuliers: qui estoient alors trois mil citoyens, qui eurent chacun deux iournaux de terre: de sorte que de dixhuit mil iournaux de terre, qu'il y auoit au territoire de ⁵ Rome, on en reserua six mil pour les sacrifices: six mil pour le domaine de la Republique, & entretenement de la maison du Roy, & six mil pour les citoyens. Toutesfois Plutarque met deux fois plus de citoyens, & dit que Romule ne voulut pas borner le territoire de Rome, afin qu'on n'aperceust ce qu'il auoit depuis occupé: & que son successeur Numa diuisa le domaine aux pauvres citoyens: mais la premiere opinion est la plus vraisemblable, & la plus commune: car mesmes la diuision des deux iournaux à chacun, demeura assez long temps, comme dit Pline parlant de Cincinat le Dictateur, qui estoit deux cens soixante ans apres Romule, *Arant sua duo iugera Cincinato, &c.* ioint aussi que Denys d'Halycarnas, qui tient la premiere opinion, estoit domestique de Marc Varron, vray registre de toutes les antiquitez Romaines. Vray est que par la loy Licinia depuis on permist à chacun bourgeois d'auoir sept iournaux de terre, s'il est vray ce que nous lisons en Pline, & Columelle: *post exactos inquit reges liciniana illa septem iugera quæ plebis Tribunus viritim diuiserat, maiores quæstus antiquis retulere, quam nunc nobis præbent amplissima veruacta.* Mais la diuision de Romule se fist par imitation des ⁶ Egyptiens, qui diuisoient anciennement tout le reuenue d'Egypte en trois: la premiere partie estoit pour les sacrifices, & sacrificeurs: la seconde pour entretenir la maison du Roy, & frayer aux affaires publiques: la troisieme pour les Calafyres, qui estoient gens de guerre entretenus en tout temps, pour seruir au besoin. Aussi lisons nous que le Prophete Ezechiel, en reformant les abus des Princes Hebrieux, aduisa qu'on ⁷ auroit deslors en auant certain temporel affecté aux sacrifices: & des communes pour le peuple: & en outre vn domaine suffisant pour entretenir la maison du Roy, & subuenir aux despeses publiques: afin, dit-il, que les Princes ne greuent plus mon peuple d'exactions & impôts. Combien que les Roys auoient eu quelque domaine de toute ancienneté, & long temps au parauant Ezechiel: car la ⁸ ville de Ziceleg, qui fut donnée à Dauid par le Roy Achis, demeura tousiours

toujours au domaine des Roys, & ne fut onques alienee. Et generale-
ment en tous les Jurisconsultes, & Historiens, il n'y a rien plus frequent,
que la diuision du domaine en public, & particulier. Et afin que les Prin-
ces ne fussent contrainsts de charger d'impôts leurs sugets, ou chercher
les moyens de confisquer leurs biens, tous les peuples, & monarques ont
tenu pour loy⁹ generale, & indubitable, q̃ le domaine public doit estre
sainct, sacré, & inalienable: soit par contracts, soit par prescription. Aussi
les Roys, mesmement en ce Royaume, decernant lettres patentes pour la
reünion du domaine, declarent qu'ils ont fait sermēt venants à la Cou-
ronne, de n'aliener aucunemēt le domaine: & s'il est aliené bien, & deuē-
ment, ores qu'il fust dit à perpetuité, neantmoins il est toujours suget à
rachapt, en sorte que la prescription de cent ans, qui donne tiltre à tous
¹ possesseurs, ne touchent point le domaine. les ² edits, arrests, & ordon-
nances de ce Royaume y sont assez notoires, non seulement contre les
particuliers ains aussi contre les Princes du sang, qui ont esté ³ deboutez
de la diuision du domaine, & de la prescription de ⁴ cent ans. Qui n'est
point chose peculiaire à ce Royaume, ains aussi cōmune aux Roys⁵ d'E-
spaigne, de ⁶ Poloigne, & ⁷ d'Angleterre, qui ont accoustumé de faire
serment de ne rien aliener du domaine: & se garde aussi bien es Republi-
ques populaires, & Aristocratiques, & mesmement à Venize⁸ l'ordon-
nance ne reçoit prescription quelconque (ce que plusieurs ont voulu li-
miter à six x x. ans) ny les seigneurs des ligues. & mesmes le Roy Henry
11. ayant requis la seigneurie de Lucerne, s'obliger pour luy en quelque
somme de deniers, l'Auoyer Hug fist response à l'Ambassadeur, que le
grand, & petit cōseil, & toute la communauté de Lucerne, auoit iuré de
iamais n'hypothequer, ny obliger leur pays. Aussi lisons-nous que les
mesmes ordonnances estoient sainctement gardees es deux plus belles
Republiques populaires qui furent onques, Athenes, & Rome, où deux
grands personages Temistocle, & Caton le Censeur, firent saisir tout le
domaine public vsurpé des particuliers par longue suite d'années, & sou-
france des Magistrats, disans es harangues qu'ils firent au peuple, que ia-
mais les hommes ne prescriuent contre Dieu, ny les particuliers contre
la⁹ Republique. Et mesmes le Parlemēt de Roüan par son arrest du xiiii.
Feurier M.D.xi. entre le procureur du Roy, & les religieux saint Lomer
adiugeant le possessoire de certains bois au Roy permist aux religieux de
se pourueoir par autre voye, & à la prouuer deuēment, autrement que
par voye d'équeste, & pour cause. lesquels mots & pour cause ne se doi-
uent entendre pour les pariures des sugets du pays, mais generally
se doit estendre à tous sugets. Et bien souuent les traitez faits entre les
Princes, n'ont autre dispute, que pour la conseruation du domaine, que
les Princes ne peuuent aliener au preiudice du public. Et mesmes le Roy
d'Angleterre au traité fait avec le Pape, & les Potentats d'Italie l'an M.D.
xxvii. fist adiouster ceste clause, qu'on ne bailleroit rien du domaine de

Le domaine pu-
blic de sa natu-
re inalienable.

9. Bart. in l. prohi-
bere. §. plane. quod
vi Angel. perus. in
l. ex præstatione.
de vectigal. C. 3. al.
in proœmio feu.

1. l. hoc iure §. du-
ctus aque. de aqua
quotid. ff.

2. de l'an 1440.

1538. 1504.

3. contre le Roy de
Sicile pour la suc-
cession d'Alphōs,
Comte de Poitiers
l'an 1283.

4. l'Arrest de dreux
le 26. Iuing. 1551.

5. Codice Hispan.
parte 5. titul. 5. &
in committis His-
paniz. 1560.

6. not. aux ordon-
nances de Polo-
gne.

7. In charta magna
Anglorum.

8. In statutis Ve-
ner. lib. 2.

9. Plutar. in catone
censorio, & The-
mistocle.

France pour la deliurance du Roy François. car sur ce poinct-là estoit fondee l'infraction du traité de Madric: d'autant que la coustume ancienne de ce Royaume conforme, aux ¹ edits, & aux ordonnances des autres peuples, requiert les consentemens des trois estats, comme il se fait encores en ² Poloigne, par l'ordonnance d'Alexandre Roy de Poloigne, suivant la disposition du droit ³ commun, & que l'alienation se face en temps de guerre, & lors que les ennemis sont entrez dedans le pays: & que la forme qu'on garde es alienations des biens pupillaires, soit suivie de poinct en poinct (estant la Republique ⁴ tousiours estimee comme les pupilles) & s'il y a omission d'un seul poinct, le tout est nul, ou du moins suget à rescision, sans que les aquereurs puissent repeter le prix des choses alienees, pour la reünion du domaine, que la Republique apporte au Prince, comme dot à son espoux pour la tuition, defense, & entretenement d'icelle, & que les Roys ne se peuvent approprier en sorte quelconque. Et pour ceste cause Pertinax Empereur Romain fist effacer son nom graué aux heritages domaniaux, disant que c'estoit le propre domaine de la Republique, & non pas des Empereurs: iacoit qu'ils en prennent l'usufruit pour subuenir à l'entretienement de la Republique, & de leur maison. Encores lisons nous qu'Antonin le Piteux s'entretenoit de ses biens, & ne demeura qu'à ses propres, cōme heritages, aussi fist ce bon Roy de France, appelé pere du peuple, qui ne voulut pas mesler son patrimoine, & reuenue, avec le domaine, erigeant la chambre de Bloys pour ses terres de Bloys, Coucy, & Montfort. qui monstre bien que les deux domaines ne sont pas de mesme nature, comme ⁶ quelques uns ont pensé. Aussi n'est-il pas licite aux Princes souverains d'abuser des fruits, & reuenus du domaine, ores que la Republique soit en bonne paix, & quite envers tous: attendu qu'ils ne sont pas usufruitiers, ains usagers seulement, qui doiuent (la Republique, & leur maison entretenue) garder le surplus pour la necessité publique, quoy que dist Pericles aux Ambassadeurs des allies, qu'ils n'auoient point d'interest à quoy les finances fussent employees, pourueu qu'ils fussent entretenus, & assurez en bonne paix: car il estoit conuenu par le traité d'alliance, que les finances qui seroient levees en temps de paix, seroient, mises en depost au temple d'Apollon, & qu'elles ne seroient employees que d'un commun consentement. Mais il y a bien difference entre le tresor de l'espargne des Monarchies, & des estats populaires: car le Prince peut auoir son tresor particulier de son patrimoine, comme j'ay dit, & de ce qui luy est permis de prendre du tresor public, que les ⁷ anciens appelloient *Aerarium*, & le particulier s'appelloit *Fiscus*, l'un separé de l'autre par les loix ⁸ anciennes: ce qui ne peut auoir lieu en l'estat populaire, ny Aristocratique. Toutesfois il n'y a iamais eu faute de flateurs, qui ont souuent induit les Princes à vendre le domaine public, pour auoir (cōme ils disent) d'un sac deux moustures: qui est vne opinion tyrannique, pernicieuse, & neantmoins appuyee sur

1. Edit de l'an 1566

2. fait l'ã M.D.III.
3. l.vlt. de re ciuita.
C.lib.xi.

4. l. Rempubliã.
de iure Reipub. C.
5. l. si secundum legem.
de iure Reipub. C.

6. Renat. Chopin.
doctifs. cap. i. pag.
4. de doman.
Le domaine public, & le patrimoine du Prince differens.

7. Asconius & Vlpian. in l. 2. § hoc interdictum. ne quid in loco publico. cum seruus. §. constar de legat. 1.
8. postea confusum à quibusdam in l. bene à Zenone. de quadri. prescript.

vn fondement ruineux. car on ſçait aſſez que le domaine, ne giſt pour la pluſ-part, qu'en Duchez, Marquiſats, Comtez, Baronnies, Seigneuries, fiefs, quintes, requintes, reliefs, rachapts, lots, ventes, ſaiſines, cenſues, amendes, aubeines, confiscations, & autres droits ſeigneuriaux, qui ne ſont ſugets aux impoſts, & charges ordinaires, & le plus ſouuent acquis par ceux-là meſmes qui ſont exempts de toutes charges. D'auantage les cōmiſſions decernees pour alier le domaine, & faire argent prōptement, ⁹ permettent qu'il ſoit vendu à la raiſon du denier dix, iāçoit que les terres feodales avec iuſtice ſoient ordinairement eſtimees : & vendues au denier trente, & en dignitez, au denier cinquante, & plus. Or la iuſtice, quand le domaine ſe vend, n'eſt eſtimee que cinq ſols pour chacun feu, & quelquesfois la moitié moins. & tel n'a payé que deux cens liures de la iuſtice, qui en leue plus grande ſomme pour vn an. Les autres n'en ont rien payé du tout, prenans l'eſtimation du domaine, par extraits de la chambre des Contes rendus par les Receueurs en dix ans, leſquels ſouuent n'en ont rien reçu, parce que le profit de la baſſe, & moyenne iuſtice, s'exerce au ſiege principal, & royal. Et quant aux los, & ventes, les acquereurs en ont plus de profit, que l'intereſt de la ſomme totale qu'ils en ont payé ne peut monter. ioint auſſi que les receueurs du domaine n'auoient accouſtumé de rendre conte des parties caſuelles que pour vne petite partie. Or en affermant le domaine, les fermiers ſont taillables, & ne laiffent pas de payer les charges ſelon les biens qu'ils ont. Il y a infinis autres abus que la Republique ſouffre pour les alienations du domaine. Mais le plus grand eſt, que les deniers qui en reuiennent, ne ſont pas mis en rentes conſtituees, comme font ceux qui penſent bien menager: ains ils ſont diſſipez le plus ſouuent, & donnez à ceux qui moins l'ont meritē. & puis par faute d'argent pour racheter le domaine, la Republique tombe de fiebure en chaud mal, & vend auſſi les communes, qui eſt la vie des pauvres ſugets, ſus leſquels la taille eſt fondee. Il y a bien quelque apparence de vendre les terres vagues du domaine, pour faire argent en neceſſité, ſi on ne peut les affermer: autrement il n'eſt pas licite de bail-
 ler les terres vacantes du domaine à rente perpetuelle, & prendre argent auant main: combien qu'Ariſtote eſcrit que les anciens habitās de Conſtantinoble en vſerent ainſi, loūant leur menagerie ſans propos. car il eſt bien certain que c'eſt vne pure alienation, & que l'argent auant main diminuē la rentē, & emporte la pluſ-part du prix. Auſſi eſt-il expreſſement defendu par l'edit du ¹ Roy Charle 1 x. Et combien que depuis il fiſt vn autre edit pour bailler à cens, rentes, & deniers d'entree mo-
 derez les terres vagues du domaine, neantmoins il fut arraché à la ſuaſion de quelques vns, qui vouloient toucher argent: mais le parlement de Paris ſus la verification de l'edit fiſt ² mettre, que les rentes ne ſeroient racheptables, & qu'il ne ſeroit baillé argent d'entree: & ſur ce que les deputez à la vente faiſoient inſtance au Roy qu'il fuſt permis de bailler

9. Edit du Roy
 François 1. l'an
 1544.
 Le dommage
 grand, qui viēt
 pour alier le
 domaine.

Menagerie des
 terres vagues.

1. l'an 1566. article.
 xii. & xvii.

2. le 7. May 1566.

3. le 22. Juillet 1556.

4. l'an 1559.

Combien mō-
tent les aliena-
tiōs du domai-
ne de France.L'estat des finā-
ces du Royau-
me d'Angleter-
re.Le domaine
mal-ménagé en
l'estat populai-
re.

argent d'entree, la Cour donna son ³ arrest chambres assemblees, que les acquereurs ne pourroient bailler plus d'un tiers d'entree, eu esgard à la valeur des terres, duquel tiers seroit fait recepte par les receueurs du domaine en chapitre separé, pour estre employez au rachapt du domaine, sans qu'on peust leuer aucune assignation sur les deniers à peine du quadruple, à prendre tant sur le receueur, que sur la partie qui auroit eu l'assignation. Il n'est pas icy besoin de dire combien le Roy, & le peuple ont receu de perte pour telles alienations de terres vagues. Et si le Roy François I. decernant ses lettres ⁴ patentes pour reuoker les alienatiōs du domaine, se plaignoit à iuste cause, que le domaine estoit tellement demembré, & diminué, qu'il ne suffisoit pas à payer les charges qui estoient dessus, nostre Roy a bien plus iuste cause de s'en plaindre maintenant qu'il n'y a presque rien: quoy que soit par l'estat general des finances dressé au moys de Ianuier M. D. LXXII. il n'est fait aucune recepte du domaine: combien qu'il y auoit encores cent dix mil liures tous les ans au chapitre de recepte l'annee que le Roy François II. mourut, comme il se trouue par l'estat des finances fait l'an M. D. LX. & par le mesme estat les alienations du domaine, aydes, & gabelles montoient quatorze millions neuf cens soixante & vn mil quatre vingt sept liures quinze sols & huit: sans y comprendre douze cens mil liures, pour le quart, & demi quart: & quatre cens cinquante mil liures, pour les xv. liures sus le muy de sel, que le pais de Guyene a rachapté l'an M. D. XLIX. & M. D. LIII. Qui monstre assez, que le domaine du Roy demeure presque tout aliéné, pour quinze ou seize millions pour le plus, qui vaut plus de cinquante millions: attendu que les Comtez, Baronnies, & autres terres feodales, & droicts seigneuriaux, n'ont esté alienez sinon au denier dix, & moins. Et quand il seroit rachapté, & affermé, il s'en trouueroit pres de quatre millions par chacun an: qui seroit pour entretenir magnifiquement la maison du Roy, & payer la plus-part des gaiges des Officiers, sans toucher aux autres charges ordinaires, & extraordinaires. Et si on doit faire comparaison d'un petit à un grand Royaume, il est certain que l'estat des finances du Royaume d'Angleterre, y compris le domaine, & toutes charges, ne reuient pas à treize cēs milliures par chacun an: encores y en a-il bōne part du domaine, & temporel de l'Eglise. & toutesfois la Royne entretient magnifiquement sa maison, & l'estat de son Royaume, le domaine rachapté. vray est que la paix assuree depuis xv. ans, a bien seruy pour maintenir l'estat d'Angleterre, & la guerre pour ruiner la France, si Dieu n'eust enuoyé du Ciel nostre Roy Henry III. pour la restablir en sa premiere splendeur. Mais il fait à noter, pour la conseruation du domaine des Republiques, qu'il est ordinairement beaucoup mieux menagé en la Monarchie, qu'il n'est en l'estat populaire, & seigneurie Aristocratique: où les Magistrats & surintendās aux finances, tournent tout ce qu'ils peuuent du bien public en particulier:

culier: & chacun s'efforce à gratifier ses amis, ou bien achapter la faueur du peuple aux despens du public: comme fist Cesar en son premier Cōsulat, qui distribua au peuple le territoire de Capouë, & fist rabaisser les encheres des fermiers d'un tiers, apres auoir eu les mains graissees. Et dix ans apres Q. Metellus Tribun du peuple, pour mandier la grace populaire, publia vne loy, affin d'oster les peages des ports d'Italie. En cas pareil Periclès, pour auoir credit enuers le peuple d'Athenes, luy fist faire distribution de grands deniers, qui reuenoient de bon aux finances. Cela ne se fait pas en la Monarchie: car les Monarques qui n'ont reuenu plus assésuré que du domaine, & qui n'ont droict de mettre impost sur les sugets, sinon de leur consentement, ou en cas de necessité vrgente, ne sont pas si prodigues de leur domaine. Il n'est pas icy besoin d'entrer plus auant au fait du domaine, duquel y a traittez^s expres: & seroit impossible d'y mieux pouruoir, qu'il a esté par l'edit du Roy^e Charles I^x. s'il estoit executé.

5. Renat. Chopin.
doctifs.
6. l'an 1566.

Le second moyen de faire fonds aux finances, est par conquestes sur les ennemis: affin de remployer aucunement les finances espuisées en guerre: comme doit faire le peuple guerrier, & conquerāt, ainsi faisoient les anciens Romains. Car combien que le sac des villes forcees fust aux soldats, & capitaines, si est-ce que les tresors estoient portez à l'Espargne de Rome. Et quant aux villes renduës, ou prises par capitulation, l'armee n'auoit que la paye, & quelquesfois double paye auparauant, que la discipline militaire fust corrompue, & les finances des vaincus estoient portees au tresor de Rome, s'il n'estoit autrement capitulé. Tout l'or, & l'argent, dit⁷ T. Liue, & tout le cuyure gagné sur les Samnites, fut porté au tresor. & parlant des Gaulois delà les monts, il dit, ⁸ que le capitaine Furius porta au Capitol cent soixante & dix milliures d'argent, qu'il auoit gagné sur eux. Et que⁹ Flaminius fist venir à l'espargne de la despoüille de Grece, la valeur de trois millions, & huiet cens mil escus couronne: outre l'argent, & meubles precieux, armes, & vaisseaux de mer. Paul¹ Æmil en rapporta de Macedoine trois fois plus. Cesar en fist mettre plus de quarante millions au compte d'Appian. On peut voir depuis le xxxiii. liure de Tite Liue, iusques au xxxiiii. des tresors infinis apportez à l'espargne de Rome de la despoüille des peuples vaincus. Et combien que tout ne fust pas rendu, si est-ce que les capitaines, craignans la reprimende, ou d'estre frustrez du triomphe, apportoint tousiours grandes sommes. car mesme Scipion l'Asiatique fut accusé, atteint, & ² condamné en grosses amendes, ores qu'il eust rendu au tresor de³ l'espargne plus de deux milliōs d'or: & son frere Scipiō l'African fut aussi compris en l'accusatiō, iacoit qu'il eust fait entrer en l'espargne plus de cinq millions d'or de ses conquestes: outre la valeur de dix millions, & cinq cens mil escus couronne, à quoy fut condamné le Roy An-

Second moyen
de faire fonds
aux finances.

7. lib. 9.
8. lib. 31.

9. lib. 34.

1. Liuius lib. 45.
sestertium millies
& ducenties in æ-
rarium illatum.

2. Liuius lib. 36.

3. Liuius lib. 36. &
38.

4. In Luculo.

La peine des
vaincus.
5. Plutar. in Romu.

6. Diaconus, &
Rhegnio.
7. Liuius lib. 26.

Le grand bien,
qui aduient des
colonies.

Ordonnance
des Turcs pour
le fait des finā-
ces, & de la
guerre.

tiouque par le moyen de la victoire, qu'ils auoient obtenu contre luy : & tous deux moururent pauvres. Et combien que le capitaine Lucule fust le premier, comme dit ⁴ Plutarque, qui s'enrichit de la despoüille des ennemis, si est-ce qu'il mit plus au tresor, que tous ceux, que j'ay dit, hormis Cesar. Ce que j'ay bien voulu remarquer, d'autant qu'on employe volontiers les finances pour les frais de la guerre, & neantmoins de toutes les victoires, & conquestes, il n'en reuiet iamais vn escu à l'espargne : & bien souuent le sac est donné au parauant, que les villes soient prinſes, ny rendues. Or les Romains ne se contentoient pas des tresors, & despoüilles : ains ils condamnoient les vaincus à perdre vne partie de leur territoire, qui estoit anciennement la septiesme partie. Depuis il y en eut de condamnez à perdre le quart, ou le tiers des terres : comme l'Italie, estant asseruie au Roy des Herules Odouacre. Et quelque temps apres Hortarius, Roy des Lombards, condamna les vaincus à luy ⁶ payer tous les ans la moitié du reuenue des terres : comme aussi les ⁷ Romains auoient fait aux Boyens long temps au parauant. Mais Guillaume le Conquerant, apres auoir cōquesté le Royaume d'Angleterre, declara tout le pays en general, & les heritages de chacun en particulier, à luy acquis, & confisque par droit de guerre traittant les Anglois comme ses fermiers. Toutefois les Romains se sont tousiours monſtrez en cela courtois, & bien aduisez, enuoyans colonies de leur ville habiter les terres conquestees, & distribuans à chacun certaine quantité. & par ce moyen ils chassoient de leur pays les pauvres, les mutins, les faitneas, & se fortifioient de leurs gens contre les peuples vaincus, lesquels peu à peu contractoient mariages, & amitez, & obeissoient volontiers aux Romains, qui par ce moyen aussi ont remply la terre de leurs colonies, avec vne gloire immortelle de leur iustice, sagesse, & puissance : au lieu q̃ la pluspart des Princes vainqueurs, mettent des garnisons de gendarmes, qui ne seruent que de piller, & mutiner les sugets. Si on eust practiqué ce moyen apres la conqueste de Naples, & de Milan, elles seroient encores en l'obeissance de nos Roys. Et ne faut pas doubter, qu'ils ne se reuolent contre les Espagnols aussi bien, que le bas pays de Flandres, à la premiere occasiō, qui se presentera, pour n'y auoir que des garnisons sans colonies. Encores trouuons nous, que Sultan Mehemet, Roy des Turcs, trouua moyen de faire fonds aux finances par le moyen des colonies d'esclaues Chrestiens, qu'il enuoya es pays conquestez, baillant à chacun quinze arpens, & deux beufles, & de la semēce pour vne annee : & à la fin, de douze ans, il print la moitié des fruits, & la septiesme en l'autre moitié, continuant ceste rente perpetuelle. Au parauant Amorath I. auoit fait l'ordonnance des Timariots, leur assignant certains heritages, & rentes foncieres, aux vns plus, aux autres moins, à la charge de se trouuer en guerre, quand ils seroient mandez, avec certain nombre de cheuaux : & aduenant la mort du Timariot, que les fruiets seroient acquis

au Prince, iufques à ce qu'il eult pourueu quelque autre du Timar par forme de benefice. Et generally, que la difme de toutes fuccellions feroit au Prince: ce qui fut fait par droit de guerre, & par Princes conquerans les pays d'autrui, & non par forme d'impoftion fur les fujets anciens. Qui fait, que les plus grands, & plus clairs deniers des finances de Turquie, font aux parties cafuelles: & la guerre conduite fans nouvelles charges. Les Roys de Caftille ont fait quafi le femblable aux Indes Occidentales, & mefmemment l'Empereur Charle v. ayant conquefté le Peru, donna les terres aux capitaines, & foldats Efpagnols, par forme de benefice feulemment, & à la charge de fe trouuer en guerre: faifant les fruiçts fiens, comme par forme de regale, iufques à ce qu'un autre en fust pourueu: prenant au furplus le quint des perles, & minieres, dont il vient de clair, & net aux finances d'Efpagne de deux en deux ans pres de quatre milliõs d'or, qu'on appelle le port de Seuille. Mais c'est bien la raifon, que les conqueftes qui fe font fur les ennemis & qui accroiffent les finances, defchargent auffi, & foulagent les fujets, cõme il fe fift en Rome apres la cõquefte du royaume de Macedoine, le peuple Romain fut defchargé⁸ de tailles, impofts, & fubfides. Le troiſieſme moyé d'accroifre les finances, eft aux dons des amis, ou des fujets, soit par laiz testamentaires, ou par donatiõs entre viſs, que nous trancherons plus court: parce que ce n'est pas chofe affeuree. ioint auffi qu'il y a peu de Princes qui donnent, & moins encores qui reçoient fans rendre la pareille. car fi vn Prince donne au plus riche, ou plus puiffant, il ſemble que c'est par crainte, ou par obligatiõ: & quelquesfois celuy qui le reçoit, en fait eſtat comme d'un tribut. Et de fait l'Empereur des Turqs fait eſtaller en haut lieu, & met en veü du peuple, les prefens qui luy ſont faits par les amis, auffi bié que par ceux qui luy ſont tributaires: pour dõner à cognoiſtre combien il eſt redoubté des eſtrangers: & defraye par magnificẽce tous les Ambaffadeurs des autres Princes qui ſont à ſa porte: ce que Prince, ny peuple ne fift onques. Auffi eſt-il ſeul, à la porte duquel prefque tous les autres Princes tiennent leurs Ambaffadeurs ordinaires. Mais nous trouuons que les anciens vſoient autrement des dons & largeſſes, qu'on ne fait pas à preſent: d'autant qu'au iourd'huy on ne donne pas ſouuent, ſinon à ceux qui ſont en grandeur, & proſperité: & les anciens donnoient en aduerſité. Lors que Annibal auoit prefque aterré les Romains dominant en Italie, le Roy d'Ægypte enuoya à Rome la valeur de quatre cens mil eſcus en⁹ pur don. les Romains refulerent ce don en remerciant le Roy. Ils firent le ſemblable enuers Hieron Roy de Sicile, qui leur donna vne couronne d'or¹ peſant trois cens xx. liures. & vne victoire d'or, & cinq mil muids de bled: ils n'accepterẽt que la victoire pour vn heureux preſage. Ils en vferent ainſi enuers les Ambraciotes, & pluſieurs autres Princes, & ſeigneuries, qui leur firẽt alors de grãds prefens, orès qu'ils fuſſẽt en extreme neceſſité: en ſorte qu'il

Ordonnance
de l'Empereur
Charle v. au Peru.

8. Plutar. in Paulo
Æmyl.

Le troiſieſme
moyé d'accroifre
les finances.

Magnificence
des Roys de
Turquie.

9. Liuius lib. 36.
1. Liuius lib. 36.

Magnificence
des Romains.
Gẽtille ruſe des
Rhodiots.

Difference de
pension & tri-
but.

la pension est payee par les amis, & alliez: car le Prince souuerain, qui a capitulé avec vn autre de luy payer quelque chose par chacun an, pour auoir la paix, sans traité d'amitié, ny d'alliance est tributaire: comme estoit Antioque Roy d'Asie: la seigneurie de Cartage: les Roys de Sclauonie, & plusieurs autres Princes & peuples tributaires des Romains: les Roys d'Arabie, d'Idumee à Dauid: & les Princes d'Asie aux Roys de Perse. Et pour ceste cause les traitez d'alliance entre la maison de France, & les Seigneurs des ligues, portent que le Roy dōnera à chacun canton de pension ordinaire mil liures pour la paix: & deux mil pour l'alliance, outre les pensions extraordinaires, & la paye en temps de guerre ou bien pour luy faire seruice en sa maison, & escorte allant par pays: pour monstrier que les Suisses, & Grisons sont pensionnaires du Roy, attendu l'alliance mutuelle, & le seruice qu'ils doiuent pour la pension. Aussi celuy n'est pas tributaire, qui corrompt les capitaines de ses ennemis, comme faisoit Periclès enuers les capitaines de Lacedemonne, nō pas, dit Theophraste, pour achapter la paix, ains pour differer la guerre. Mais on peut dire que iamais les Seigneurs des ligues n'ont fait traité d'alliance, plus vtile à leur estat: soit pour entretenir les finances en general, & en particulier: soit pour aguerrir leurs sugets aux despens d'autrui: soit pour donner moyen aux querelleurs, & faitneants de vuyder le pays. Par les comptes du payeur des ligues, les pensions ordinaires & extraordinaires, reuenoient par chacun an, pour le moins, à six ou sept vingts mil liures, & n'ont pas esté moindres de deux cens mil liures, depuis douze, ou quinze ans: & par l'estat des fināces de l'an M.D.LXXIII. l'article des pensions des ligues, couché au chapitre de despense, monte deux cens dix & huit mil trois cens liures douze sols. les pēsons des Almans six vingts douze mil liures: outre la paye en temps de guerre, & les gages pour la garde des Suisses. Vray est qu'il est expedient aux grands Princes donner pensions aux secretaires, espiōs, capitaines, harāgueurs, & seruiteurs domestiques des ennemis, pour destourner, ou descouurir les entreprises, & l'experience a monstré bien souuent, qu'il n'y a moyen plus grand pour maintenir son estat, & ruiner ses ennemis: car la plus forte place du monde fera tousiours prise, pourueu qu'un mulet chargé d'escus y puisse entrer, comme disoit Philippe I. Roy de Macedoine, qui besoigna si bien par le moyen de ses pensionnaires, qu'il assugetit toute la Grece. Et les Roys de Perse n'auoient autre moyen, pour destourner les armées d'Asie, sinon à belles pensions. car il est bien difficile que celuy qui prend ne face quelque chose pour l'argent, soit pour l'obligatiō, soit pour la honte & reproche qu'il peut souffrir de celuy qui dōne, soit l'esperance du profit à l'aduenir, soit pour la crainte qu'il a que celuy qui donne ne publie sa lascheté. Car les Princes ne donnent gueres de pensions notables aux estrangers, s'ils ne font serment contre leur patrie, cōme dist vn Prince d'Almagne à la diette de Vvormes, tenuē l'ā M. D. LII.

Estat des pen-
sions des Suif-
ses & Grisons.

Pensions neces-
saires.

Plutarin Lyfā-
do & Agefilao.

Obligatiōs des
pensionnaires.

Et

Et de fait il y eut ceste année là vn Prince depuis decedé, qui offrit à vn Ambassadeur, au nō de son maistre, pour deux mil escus de pēſion, luy descouvrir tous les secrets, pratiques, & negotiatiōs de sa Repub. & empescher de tout son pouuoir qu'ō fist riē au preiudice de celuy qui payeroit la pēſiō. Tels pēſionnaires sont fort à craindre en l'estat populaire, d'autant qu'il est gouuerné d'un petit nombre des plus apparens, qui vendent le public, pour leur profit particulier: chose qui n'est pas si facile en la Monarchie fondee en vn Prince, duquel l'interest particulier, gist en la cōseruation du public. Mais il n'y a tresors qui ne fussent epuisez, si les pēſions particulieres ne sont secretes: & ne peuuent estre secretes s'il y en a plusieurs. Les Roys de Perse, & de Macedoine, ne dōnoient pēſions qu'à vn petit nombre de harangueurs, & capitaines de la Grece: & le Roy d'Ægypte, pour sept mil escus de pēſion qu'il donnoit au capitaine ° Aratus, auoit l'estat des Acheās à sa deuotion. Et toutesfois il se trouue par l'estat des pēſions des ligues, que dès l'an M.D.L. le Roy Héri II. dōnoit pēſions particulieres en Suisse à plus de neuf cens personnes, specifiees par nom & surnom, qui en bailloient acquits, outre les autres pensionnaires particuliers, qui estoient payez par roolles, qui reuenoient par chacun an à x l. & neuf mil deux cens quatre vingts dixneuf liures. peut estre qu'on eust mieux fait de donner la moitié des pēſions à peu de gens d'autorité, & secrettement, & aux plus grands sans acquit. Car le pensionnaire quelquesfois est tel, qu'il ne voudroit pour tous les biens du mōde estre descouuert: cōme estoit vn certain milord Anglois, auquel le Roy Louys XI. dōnoit deux mil escus de pēſion: le porteur luy demandoit acquit, pour luy seruir de descharge enuers le Roy seulement, cōme il disoit: le milord luy dist, qu'il receueroit bien la pēſion, mais qu'il n'en baille point d'aquit: ce que le Roy demandoit fort instamment pour s'ē seruir au besoin, cōme il estoit coustumier se iouer de ses ennemis, & les mettre en deffiāce les vns des autres. Dauantage il y a des choses nō seulement secretes, ains aussi deshōnestes, pour lesquelles on paye la pēſion, qui ne viennent iamais en ligne de cōpte. En quoy Periclēs fut louē le quel rendāt ses comptes, coucha au chapitre de despēce vn article de dix mil escus, sans acquit, ny mandement, & sans dire la cause. le ' peuple alloia l'article sans vouloir s'enquerir plus auant, cognoissant la prudence & loyauté du personnage au maniment de la Republique. Aussi est il bien certain que le pēſionnaire secret deliurāt acquit, est tousiours en crainte d'estre decouuert, & s'il est declairé, il n'ose, ou ne peut riē faire en faueur de celuy qui dōne la pēſion: ioint aussi que la ialousie de ceux qui ne reçoient point de pēſion, est cause de les faire entrer en querelles, & partialitez: cōme il est aduenue en Suisse plusieurs fois: en sorte que ceux qui auoient moins que les autres, ou qui n'auoient rien du tout, firent instance que les pēſions particulieres fussent mises entre les mains des receueurs, avec les pēſions generales: ce que le Roy empescha disant qu'il retrans-

o. Plutar. in Arato.

Pensions sans
acquit.

s. Plutar. in Pericle

Cinquiēme
moyen de fon-
der les finances
par la trafique.

cheroit plustost sa liberalité. Le cinquiesme moyé de fonder les finâces, est en la traffique q̃ le Prince, ou la seigneurie exerce par ses facteurs. Cōbien qu'il y a peu de Princes qui en vsent: & mesme, par les ordonnances tant de ce Royaume, que d'Angleterre, & d'Almaigne, celuy perd la qualité de noblesse qui traffique. & par la loy⁶ *Claudia*, il estoit defendu au Sénateur Romain d'auoir aucun vaisseau de mer, qui tint plus de quarâte muids, *Quastus omnis*, dit Tite Liue, *patribus indecorus visus est*. & depuis fut defendu generalement à tous gentilshommes de traffiquer, par les ordonnances⁷ des Empercurs: comme par les canons⁸ il est aussi prohibé aux gens d'Eglise. Et les Perses par vn trait de moquerie, appelloient Darius marchant, seulement pour auoir changé les dons gratuits en charges necessaires. Touresfois si est-il plus seāt au Prince d'estre marchant que Tyran: & au gētilhomme de traffiquer, que de voler. On sçait assez que les Roys de Portugal depuis cent ans, ayant fait voile en haute mer, apres auoir descouuert les richesses d'Orient, & cōtinué la route des Indes, ont si bien traffiqué, qu'ils se sont faits Seigneurs des meilleurs ports d'Afrique, & occupé à la barbe du Roy de Perse l'isle d'Ormus, empieté grande partie du royaume de Maïoc, & de la Guignee, & contraint les Roys de Cambarre, de Calecut, de Malache, de Canonor à leur faire la foy, & hommage, traittant alliance d'amitié, & de cōmerce avec le grād Cham Prince de Tartarie: & si ont arraché aux Turcs, & aux Sultans d'Ægypte les plus grandes richesses des Indes, & rempli l'Europe des tresors d'Orient, penetrant iusques aux Moluques, que les Roys de Castille pretendent leur appartenir, par la diuisiō, & partage que fist Alexandre. vi. Pape. neantmoins les marchans Geneuois, & Florentins les ayās voulu degager de trois cens cinquâte mil ducats, que Iean iij. Roy de Portugal en payā à l'Empercur Charle v. & donner encores cent mil ducats: le Roy de Portugal l'a empesché, faisant estat de la marchādise, & du profit qu'il en tire, comme d'un fond de finâces inepuisable, oultre le grand profit qui en reuiet à ses sugets en particulier, ayant d'autant diminué les finâces des Princes d'Orient, & mesmement des Venitiēs, qui en ont receu tel dommage, que de tous les malheurs qui leur aduindrēt au temps que le Roy Loüys xii. leur fist la guerre, ils ne receurent point tant de perte que des Portugais, qui leur osterent le plus grand fonds de leurs finances, qui reuenoient de la traffique de⁹ leuant. parce que les seigneuries, & la noblesse d'Italie ne tiennent point à deshōneur de traffiquer en gros, non plus que Ciceron¹, qui toutesfois tient les marchans en detail pour gens sordides. Quant à la traffique, que les Princes exercent sur les sugets, ce n'est pas traffique, ains impost, & exaction: c'est à sçauoir de defendre la traite, & mettre les bleds, & vins des sugets entre les mains des receueurs, & les payer à vil prix, pour les vendre aux estrangers, ou aux sugets mesmes à son mot. ce fut l'une des causes qui rendit plus odieux Alphōs Roy de Naples: parce qu'il bailloit ses pour-

ceaux

6. Liuius lib 21. an
no ab V. C. D. xxx.
7. l. nobiliores de
commerciis C. l.
milites locuti. C. l.
vlt. de rescindenda
vendit. C. l. j. §. pu-
pillus. de autorita-
te tutor. ff.
8. c. Clerici. 14. q. 3.

Traffique du
Roy de Portu-
gal.

9. Guichardin.

1. lib. 3. officior.

ceux à garder aux sujets pour les engraisser, & s'ils mouroient, on leur faisoit payer. il achaptoit toute l'huile de la pouille, & la payoit à son prix & le fument en herbe, & le reuendoit au plus haut prix qu'il pouuoit avec defense à tous d'en vendre iusques à ce qu'il eust vendu le sien. Mais de toutes les marchandises que font les Princes, il n'y en a point de plus pernicieuse, ny de plus sordide, que des honneurs, offices, & benefices, comme j'ay dit cy dessus. Peut-estre y auroit-il excuse quand la necessité est si grande, qu'il n'y a point d'autre moyen pour sauuer la Republique: comme firent les Venitiens en sept annees que le Roy Louÿs xii. leur fist la guerre, il se trouua par l'extract des comptes, qu'ils auoient dependu cinq millions de ducats, dont il y en auoit cinq cens mil qu'ils auoient tiré de la vente de certains offices. qui fut la mesme occasion que print le Roy François i. l'an M. D. xxvi. de diuiser les iudicatures criminelles des ciuiles, exposant les vnes, & les autres, & generalement tous offices au plus offrant. Ce que le Pape Adrian auoit fait trois ans au parauant, non seulement des offices, ains aussi des benefices: comme il fist de l'Euesché de Cremone, qu'il vendit vingt mil ducats, & auoit en outre resolu leuer deux cens vingt mil ducats, à demy ducat pour chacun feu, du territoire sainct Pierre, s'excusant sur la guerre des Turcs: mais puis que la necessité passée, on a veu & voit-on continuer telle marchandise, cest chose de perilleuse consequence d'en ouurer la boutique. Le sixiesme moyen de faire fonds aux finances est sur les marchans, qui apportent, ou emportent marchandises: qui est l'un des plus anciens, & vsize en toute Republique, & fondé en equité. car c'est bien la raison que celuy qui veut gagner sur les sujets d'autrui paye quelque droit au prince. De là sont venus les droits de resue: le haut passage, ou domaine forain: & la traite foraine, qui furent reduits en ce Royaume à vn impost de xx. deniers pour liure par edit du Roy Henry³ ii. & depuis reuoqué, affin que la traite foraine, ne fust⁴ confusé avec le domaine forain, que le Roy Charle v. rabaisa d'un sol à six deniers pour liure: & depuis a esté remis à vn sol: qui est cinq pour cent, autant que prenoient les anciens Romains pour tout droit d'imposition foraine⁵. il y a outre celà huit deniers pour les deux autres impositions, qui est tout compris huit pour cent. Le Roy de Turquie prend dix pour cent sur tous marchans estrangers sortans d'Alexandrie, & cinq pour cent des sujets. Mais en ce Royaume tout le contraire se fait pour le regard du sel, pour lequel l'estranger ne paye rien que le droit du marchand & le sujet en paye quarante & cinq liures sus muid, outre le droit du marchand. & depuis que les greniers, ont esté affermez & les officiers de la gabelle supprimez, le muid de sel, que le marchand vendoit cent sols, est monté à xxvi. liures: & depuis ces guerres à quatre xx. liures, outre le droit du Roy, & la voiture: en sorte que le tout compris, il s'est vendu plus de trois cens soixante liures le muid. en quoy le

Traffique du Roy Alphons tyrannique, & sordide.

Traffique la plus vilaine, & la plus pernicieuse.

2. Guichardin.

Sixiesme moyē de faire fonds aux finances. Resue, haut passage, & traite foraine.

3. 1551.

4. l'an 1556.

5. Cicero in prætura Siciliensi.

Les minieres
de France sont
inepuisables.

Impost sur le
vin arriuant en
Angleterre, &
en Flandre.

pauvre peuple est ruiné, l'estranger enrichi. Ce priuilege fut donné aux estrangers par le Roy François I. afin qu'ils apportassent leurs danrees, & deniers en ce Royaume, plustost qu'en Espagne. toutesfois il s'est decouvert, à veüe d'œil, que l'estranger ne sçauoit se passer du sel de France. car sur la defense faite par l'Empereur Charle V. à ceux du bas pays, de prendre sel en France, les estats remonstrentent que leurs saleures, qui est la manne du pays, & la plus grande marchandise, se gastoient au sel d'Espagne, & de Bourgongne. Or il est certain qu'il ne se peut faire sel d'eau marine, outre le XLVI. degré pour la froideur: & que le sel d'Espagne est trop corrosif: & si l'estranger payoit seulement le quart, de ce que paye le suget pour le droit du Roy, il en reuiendroit aux finâces vn profit incroyable. Car on voit assez souuent les hourques du bas pays, & d'Angleterre, venir aux brouages chargees de sable, & de pierres, n'ayât dequoy troquer pour auoir du sel, du vin, & du bled de Frâce: qui sont trois especes abondantes en ce Royaume: & desquelles les sources sont inepuisables: au lieu que les minieres estrangeres se vident en peu d'annees, & ne peuuent renaistre qu'en plusieurs siecles: encores l'estranger les va cherchant au centre de la terre pour les apporter en ce Royaume, & emporter les choses necessaires à la vie humaine: desquelles le sage Prince ne doibt permettre la traite, que son peuple n'en soitourny, & soulagé, & les finances acreuës: ce qu'on ne peut faire sans hausser l'imposition foraine. car plus grâde sera l'imposition foraine, plus y aura de profit pour les finances: & si l'estranger, craignant l'impost en prend moins, le suget en aura meilleur compte: car tousiours les plus grands trefors viendront, où il y a plus de choses necessaires à la vie: ores qu'il n'y ayt miniere d'or, ny d'argêt: comme il y en a peu, ou point en ce Royaume, lequel neantmoins nourrist vne bonne partie de l'Europe, comme disoit le Roy Agrippa: & le Royaume d'Ægypte, qui n'a point de minieres d'or, ny d'argent, & neantmoins l'Afrique, & l'Europe est grandement soulagee des grains qu'il produit. Si on dit que par les traitez de commerce entre les Princes, on ne peut hausser l'imposition foraine, celà pourroit auoir lieu entre ceux qui ont traité de cōmerce à ceste cōdition: mais il y en a peu: & neantmoins on n'y a iamais eu grâde esgard car mesmes au bas pays, & en Angleterre, les marchans François furent contraints l'an M. D. LV. payer vn escu pour chacun tonneau de vin arriuant au port, & le suget huit escus sol, & huit gros pour l'impost, sans auoir esgard aux traitez de cōmerce, Et l'annee suiuite la Roine d'Angleterre haussa l'imposition foraine d'un tiers, & mist vn impost de deux escus sol, trois gros, & vn denier sur chacune piece de drap. celà est de consequence bien grande. car i'ay esté asseuré d'un marchand d'Anuers, que l'an M. D. LXV. il arriua au bas pays, en moins de trois mois, cent mil pieces de drap, contant trois carizez, & autant de frizez pour vn drap. Il est donc expedient de hausser pareillement l'imposition foraine à l'estranger

etranger des choses, desquelles il ne se peut passer, & par ce moyen accroistre les finances, & soulager les sujets. Et quant aux matieres, qu'on apporte des pays estrangers, il est besoin de rabaisser l'impolt, & le hausser aux ouurages de main, & ne permettre qu'il en soit apporté de pays estrage, ny souffrir qu'on emporte du pays les dârees crues, comme fer, cuiure, acier, laines, fil, soye crue, & autres matieres semblables: affin que le suget gaigne le profit de l'ouurage, & le Prince l'imposition foraine: comme il fut defendu par edit de Philippe Roy d'Espagne l'an M. D. LXIII. pour rendre la pareille à la Roynes d'Angleterre qui auoit fait les mesmes defences trois mois au parauant: ce qui fut aussi fait par edit du Roy de France Henri II. l'an M. D. LII. pour le regard des laines: mais il y eut vn Florentin lequel ayant obtenu passe port en faueur d'un courtisan, enleua plus de laines d'une traite, que tous les marchâns au parauant n'auoient fait en vn an. Qui est vne incongruité notable en matiere d'estat, & de finances: de defendre la traite & puis bailler permission à vn estranger d'enleuer les marchâdises defendues: car le Roy, & la Republique en general y reçoit vn dommage irreparable, & les marchâs en particulier en sont ruinez. Voila six moyens de faire fonds aux finances, sans fouler les sujets, si ce n'estoit que l'imposition foraine fust excessiue des marchâdises estrangeres, & necessaires à la vie humaine. Le septiesme moyen est sur les sujets, auquel il ne faut iamais venir, si tous les autres moyens ne defaillent, & que la necessité presse de pouruoir à la Republique: auquel cas, puis que la tuition, & defense des particuliers, depend de la conseruation du public, c'est bié la raison que chacun s'y employe: alors les charges, & impositions sur les sujets sont tres-iustes: car il n'y a rien plus iuste, que ce qui est necessaire, comme disoit vn ancien sénateur Romain. Et neantmoins affin que la charge extraordinaire imposée pendant la guerre, ne soit continuee en temps de paix, il est expedient d'y proceder par forme d'emprunt: ioint aussi que l'argent se trouue plus aisément, quand celui qui preste espere receuoir, & l'argent, & la grace du prest gratuit. comme il se fist en Rome, alors que Annibal estoit en Italie, les finances estant presque epuisees, le Senat ne fut pas d'aduis qu'on vst d'impositions nouuelles, & forcees (chose perilleuse quand l'ennemi est le plus fort) ains d'un commun consentement tous les senateurs, & les plus aisez les premiers porterent l'or, & l'argent aux receueurs, & furent suiuis du peuple de telle allegresse, & ialousie du bien public, qu'ils estoient en debat à qui seroit le premier enrollé: de sorte que les changeurs, & receueurs n'y pouuoient suffire. Apres la victoire contre les Cartaginois, le senat ordonna qu'on payast les emprunts: & d'autant qu'il n'y auoit pas assez d'argent en l'Espagne, les creanciers presenterent requeste tendant à fin, qu'on leur baillast partie du domaine, qui seroit estimé par les Consuls, à la charge de rachat perpetuel, & de payer vn assé de menu cens aux receueurs pour chacun iournau, qui seroit cōme

Defence d'enleuer du pays les matieres crues.

Traite defendue aux sujets, & permis à l'etranger est la ruine du pays.

Le septiesme moyen de faire fonds aux finances.

Le plus honneste moyen de trouuer argent en la necessité publique sans impost sur les sujets.

Le cēs estoit de toute ancienneté.

7. Liuius lib. 31. Senatus decreuit vt agri publici copia creditorib. fieret. consules agrum æstimaturos, & in iugera assēs vectigales testandi causa agrū publicum esse.

8. Liuius lib. 26.

Detestable inuention des tyrans.

Trois sortes de imposition sur les sugets.

Deniers ordinaires, extraordinaires, casuels.

Testament de S. Louys.

la marque, que le fonds estoit du domaine de la Republique: ce qui fut fait. Et si la Republique n'a de quoy rédre ny en deniers, ny en fonds, & que l'ennemi presse, il n'y a moyen plus prompt, que faire chois des plus habiles aux armes, qui soient armez, & soudoyez aux despés des autres: comme faisoient les anciens Romains. Ce fut, peut estre, la premiere occasion des charges extraordinaires, qui depuis continuerent en charges ordinaires: comme nous lisons que Denis le tyran cherchoit quelques-fois l'occasion des guerres, ou des fortifications, afin qu'il eust moyen de faire nouveaux impôts, qu'il continuoit apres auoir traité avec l'ennemi, ou delaisé les forteresses commencees. Si mes souhaits auoient lieu, ie desirerois qu'une si detestable inuention eust esté enseuelie avec son auteur. Par ce moyé il s'est trouué trois natures de deniers leuez sur les sugets: les vns extraordinaires, les autres ordinaires, & la troisieme sorte qui tiét de l'un, & de l'autre, qu'on appelle deniers casuels sous lesquelles especes sont compris tant les deniers qui viennent des iurisdicions, feel, monnoyes, poids, & mesures, que pareillement ceux qui sont pris sur les choses vendues, de quelque nature qu'elles soient, ou sur les dons, lais, & successions escheues: ou sur la vête des offices: ou par forme de taille, soit à cause des personnes simplement, qu'on appelle capitation, soit à cause des biens meubles, ou immeubles, & des fruits, qui viennent dessus, ou dedans la terre, comme tous mineraux, & tresors: soit pour les ports, & passages, ou de quelque autre imposition qu'on puisse imaginer: car combien qu'elle fust sale, & orde, si est-ce que les Princes exacteurs la trouueront tousiours de bonne odeur, comme disoit Vespasian. desquelles charges & impositions les plus anciennes sont reputees domaines comme l'imposition foraine: les autres ordinaires, comme la taille: les dernieres sont extraordinaires, que les Latins appelloient *temerarium tributum*: comme sont les subsides sur les villes franches, & personnes priuilegiees, decimes, dōs charitatifs, & gratuits equipollés à decimes, qui sont leuez par commission. Et à parler proprement, la taille, le taillon, les aydes, l'equivalent, l'outroy, les creues, la gabelle estoient vrayz subsides, & deniers extraordinaires deuant Louys 11. qui le premier leua la taille, comme le Presidēt le Maistre a remarqué, mais il n'a pas dit, que c'estoit par forme de subside necessaire pendant la guerre: & qu'il n'en fist onques recepte ordinaire: ains au contraire s'adressant à Philippe son fils aisné, & successeur dist ces parolles en son testamēt, qui se trouue encores au tresor de France, & est enregistré en la chambre des comptes. **S O I S D E V O T** au seruice de Dieu: aye le cœur piteux, & charitable aux pauvres, & les conforte de tes bienfaits: garde les bonnes loix de ton Royaume: ne prens tailles, ny aydes de tes sugets, si vrgente necessité, & euidente vtilité ne te le fait faire, & pour iuste cause, & non pas volontairement: si tu fais autrement tu ne seras pas reputé Roy, mais tyran, &c.

Je laisse

Je laisse les autres clauses du testament. On dira, que le Roy Clotaire exigea la tierce partie des rentes, & reuenu des Eglises : & Chilperic la huitiesme partie du vin du creu de chacun : ⁹ & peut estre que l'impot de l'huitiesme du vin en est venu : & que Louÿs le ieune print par quatre ans la vingtiesme partie du reuenu de son peuple l'an M. C. LXVII. toutesfois il est bien certain que celà ne fut qu'un subside extraordinaire: nō plus que la maletoste de Charle V I. car mesmes il fut arresté aux estats de ce Royaume le Roy Philippes de Valois present l'an M. CCC. XXXVIII. qu'il ne se leueroit aucun impot sur le peuple, sans son consentement, ce qui a tousiours esté, & est encores bien gardé en Espagne, Angleterre, & Almaine : & fut remonstré aux estats tenus à Tours sous Charle VIII. par Philippe ¹ de Comines, qu'il n'y auoit Prince qui eust puissance de leuer impot sur les sugets ny prescrire ce droit sinon de leur consentement. Encores voit-on és commissions decernées pour les aydes, tailles, & autres impots que le Roy employe la protestation ancienne de les oster, si tost que la necessité le permettra. Et combien que Philippe le long fut le premier qui mit vn double pour liure sus le sel vendu, si est-ce qu'il protesta deslors en decharger ses sugets. & depuis Philippe de Valois declaira par lettres patentes de l'an M. CCC. XXVIII. qu'il ne vouloit, & n'entendoit, que le droit de gabelle, qui estoit alors de quatre deniers sur liure, fust incorporé au domaine. car combien qu'il semble, qu'il n'y ait impot plus facile à porter, estant esgal à tous sugets, & d'une chose qui est aucunement publique: si est-ce qu'en l'estat populaire des Romains, & au plus fort des guerres, l'impot du sel ayāt esté mis sus par Claudius, & Liuius Censeurs (qui pour ceste cause furent appelez Saonniers) fut osté apres la guerre, pour ce que c'estoit l'une des choses la plus necessaire à la vie humaine. Et neantmoins l'impot de la vingtiesme des biens de ceux qui estoient nouuellement affranchis, demeura tousiours, iadis qu'il fust mis seulement par vn edit publié au camp de Sutrium, à la requeste du Consul Manlius, par l'aduis du Senat, & au desceu du peuple, qui depuis fist defense ² d'en vser plus en ceste sorte sur peine de la vie. Vray est que les citoyens n'auoient pas grand interest en cest impot : & les affranchis payoient beaucoup plus volontiers la vingtiesme, que les heritiers, & legataires estrangers ne payoient la vingtiesme des lais, & successions qui leur estoient escheuës, comme d'une chose lucrative, & non esperée: qui fut vn autre impot fait par la loy Iulia ³ lors que l'estat populaire estoit changé: mais d'autant que les successeurs d'Auguste tiroient celà en consequence de toutes obuentions testamentaires, l'Empereur Traian ⁴ l'abolit, non pas si bien toutesfois, que la marque n'en demeurast. ⁵ Aussi n'auoient il pas la cétiesme partie des impots, que depuis la necessité des vns, & l'auarice des autres a trouuez. Et quand Samuel dist au peuple, qu'il auroit des tyrās exacteurs, Ils prendront, dit-il, la disme des fruits. Il ne met impot que cestuy-là pour tout. Et mesmes

9. Gregor. Turo-
nenf. lib. 9. c. 30. &
Aymo. lib. 2.

1. En ses memoires
nec vnquam ius il-
lud præscribi po-
test. c. nullus. l. q. 1.
L'origine de la
gabelle du sel.

La vintiesme
des affranchis.

2. Liuius lib. 7. an-
no ab V. C. 396.

La vintiesme
des lais faits
aux estrangers.

3. Dio lib. 38. Paul.
lib. 4. sentent. tit. 6.

4. Plin. in Panegy-
rico.

5. l. 1. de imponen-
da lucratiua descri-
ptione. C.

7. Liuius lib. 31. Senatus decreuit vt agri publici copia creditorib. fieret. consules agrum æstimaturos, & in iugera asses vectigales testandi causa agrum publicum esse.

8. Liuius lib. 26.

Detestable inuention des tyrans.

Trois sortes de imposition sur les sugets.

Deniers ordinaires, extraordinaires, casuels.

Testament de S. Louys.

la marque, que le fonds estoit du domaine de la Republique: ce qui fut fait. Et si la Republique n'a de quoy rédre ny en deniers, ny en fonds, & que l'ennemi presse, il n'y a moyen plus prompt, que faire choisis des plus habiles aux armes, qui soient armez, & soudoyez aux despès des autres: comme faisoient les anciens Romains. Ce fut, peut estre, la premiere occasion des charges extraordinaires, qui depuis continuerent en charges ordinaires: comme nous lisons que Denis le tyran cherchoit quelques-fois l'occasion des guerres, ou des fortifications, afin qu'il eust moyen de faire nouueaux impôts, qu'il cōtinuoit apres auoir traité avec l'ennemi, ou delaisé les fortresses commencees. Si mes souhaits auoient lieu, ie desirerois qu'une si detestable inuention eust esté enseuelie avec son auteur. Par ce moyē il s'est trouué trois natures de deniers leuez sur les sugets: les vns extraordinaires, les autres ordinaires, & la troisieme sorte qui tiēt de l'un, & de l'autre, qu'on appelle deniers casuels sous lesquelles especes sont compris tant les deniers qui viennent des iurisdiccions, seel, monnoyes, poids, & mesures, que pareillement ceux qui sont pris sur les choses vendues, de quelque nature qu'elles soient, ou sur les dons, lais, & successions escheues: ou sur la vête des offices: ou par forme de taille, soit à cause des personnes simplement, qu'on appelle capitation, soit à cause des biens meubles, ou immeubles, & des fruits, qui viennent dessus, ou dedans la terre, comme tous mineraux, & tresors: soit pour les ports, & passages, ou de quelque autre imposition qu'on puisse imaginer: car combien qu'elle fust sale, & orde, si est-ce que les Princes exacteurs la trouueront tousiours de bonne odeur, comme disoit Vespasian. desquelles charges & impositions les plus anciennes sont reputees domaines comme l'imposition foraine: les autres ordinaires, comme la taille: les dernieres sont extraordinaires, que les Latins appelloient *temerarium tributum*: comme sont les subides sur les villes franches, & personnes priuilegiees, decimes, dōs charitatifs, & gratuits equipollés à decimes, qui sont leuez par commission. Et à parler proprement, la taille, le taillon, les aydes, l'equiualent, l'outroy, les creues, la gabelle estoient vrayz subides, & deniers extraordinaires deuant Louys 1^x. qui le premier leua la taille, comme le Presidēt le Maistre a remarqué, mais il n'a pas dit, que c'estoit par forme de subide necessaire pēdant la guerre: & qu'il n'en fist onques recepte ordinaire: ains au contraire s'adressant à Philippe son fils aîné, & successeur dist ces parolles en son testamēt, qui se trouue encores au tresor de France, & est enregistré en la chambre des comptes. **S O I S D E V O T** au seruice de Dieu: aye le cœur piteux, & charitable aux pauvres, & les conforte de tes bienfaits: garde les bonnes loix de ton Royaume: ne prens tailles, ny aydes de tes sugets, si vrgente necessité, & euidente vtilité ne te le fait faire, & pour iuste cause, & non pas volontairement: si tu fais autrement tu ne seras pas reputé Roy, mais tyran, &c.

Je laisse

Je laisse les autres clauses du testament. On dira, que le Roy Clotaire exigea la tierce partie des rentes, & reuenu des Eglises : & Chilperic la huitiesme partie du vin du creu de chacun : ⁹ & peut estre que l'impot de l'huitiesme du vin en est venu : & que Louÿs le ieune print par quatre ans la vingtiesme partie du reuenu de son peuple l'an M. C. LXVII. toutesfois il est bien certain que celà ne fut qu'un subside extraordinaire: nō plus que la maletoste de Charle V I. car mesmes il fut arresté aux estats de ce Royaume le Roy Philippes de Valois present l'an M. CCC. XXXVIII. qu'il ne se leueroit aucun impot sur le peuple, sans son consentement, ce qui a tousiours esté, & est encores bien gardé en Espagne, Angleterre, & Almaine : & fut remonstré aux estats tenus à Tours sous Charle VIII. par Philippe ¹ de Comines, qu'il n'y auoit Prince qui eust puissance de leuer impot sur les sugets ny prescrire ce droit sinon de leur consentement. Encores voit-on és commissions decernees pour les aydes, tailles, & autres impots que le Roy employe la protestation ancienne de les oster, si tost que la necessité le permettra. Et combien que Philippe le long fut le premier qui mit un double pour liure sus le sel vendu, si est-ce qu'il protesta deslors en decharger ses sugets. & depuis Philippe de Valois declaira par lettres patentes de l'an M. CCC. XXVIII. qu'il ne vouloit, & n'entendoit, que le droit de gabelle, qui estoit alors de quatre deniers sur liure, fust incorporé au domaine. car combien qu'il semble, qu'il n'y ait impot plus facile à porter, estant esgal à tous sugets, & d'une chose qui est aucunement publique: si est-ce qu'en l'estat populaire des Romains, & au plus fort des guerres, l'impot du sel ayāt esté mis sus par Claudius, & Liuius Censeurs (qui pour ceste cause furent appelez Saonniers) fut osté apres la guerre, pour ce que c'estoit l'une des choses la plus necessaire à la vie humaine. Et neantmoins l'impot de la vingtiesme des biens de ceux qui estoient nouuellement affranchis, demeura tousiours, iacōit qu'il fust mis seulement par un edit publié au camp de Sutrium, à la requeste du Consul Manlius, par l'aduis du Senat, & au desceu du peuple, qui depuis fist defense ² d'en user plus en ceste sorte sur peine de la vie. Vray est que les citoyens n'auoient pas grand interest en cest impot : & les affranchis payoiēt beaucoup plus volontiers la vingtiesme, que les heritiers, & legataires estrangers ne payoient la vingtiesme des lais, & successions qui leur estoient escheuës, comme d'une chose lucrative, & non esperce: qui fut un autre impot fait par la loy Iulia ³ lors que l'estat populaire estoit changé. mais d'autant que les successeurs d'Auguste titoiēt celà en consequence de toutes obuentions testamentaires, l'Empereur Traian ⁴ l'abolit, non pas si bien toutesfois, que la marque n'en demeurast. ⁵ Aussi n'auoiēt il pas la cetiesme partie des impots, que depuis la necessité des vns, & l'auarice des autres a trouuez. Et quand Samuel dist au peuple, qu'il auroit des tyrās exacteurs, Ils prendront, dit-il, la disme des fruits. Il ne met impot que cestuy-là pour tout. Et mesmes

9. Gregor. Turo-nens. lib. 9. c. 30. & Aymo. lib. 2.

1. En ses memoires nec vnquam ius illud præscribi potest. c. nullus. l. q. 1. L'origine de la gabelle du sel.

La vintiesme des affranchis.

2. Liuius lib. 7. anno ab V. C. 396.

La vintiesme des lais faits aux estrangers.

3. Dio lib. 38. Paul. lib. 4. sentent. tit. 6.

4. Plin. in Panegyrico.

5. l. 1. de imponenda lucratiua descriptione. C.

6 Aristotel.in polit.
Imposteurs de
nouvelles char-
ges mis à mort.

Cypsel, ⁶ premier tyrā de Corinthe, ne leuoit pour toutes charges, que la disme du reuenu de chacū. il n'y auoit point de subsides, gabelles, maletantes & mil sortes de charges seblables. Aussi la pluspart des imposteurs, & inuenteurs de nouueaux impôts y ont perdu la vie : cōme vn Parthenius ou Procleres, qui fut lapidé du peuple en la ville de Treues, pour auoir dōné cōseil au Roy Theodebert de charger les sugets de nouueaux subsides: cōme de nostre aage Georges Preschō, imposteur qui fut cruellement executé à mort, & Héry Roy de Suede, duquel il estoit gouuerneur, chassé de son estat: vn Philistus à Denis le ieune. les autres y ont perdu leur estat : & plusieurs Princes y ont perdu la vie : & entre autres Achæus Roy des Lydiés qui fut pēdu par les sugets pieds cōtre mont, & la teste en la riuiera, pour les subsides qu'il vouloit exiger : & Theoderic Roy de France y perdit la couronne. Les histoires ne sont pleines d'autre chose: car il ne se trouue point de chāgemens, seditions, & ruines de Republiques plus frequentes, que pour les charges, & impôts excessifs. Et n'y a moyen d'obuier à ces inconueniens, qu'ē ostāt les subsides, & charges extraordinaires, cessant la cause pour laquelle on les a mis sus. mais il ne faut pas aussi courir d'une extremité à l'autre, & abolir to⁹ les impôts, aydes, & tailles, cōme plusieurs se sont efforcez de faire n'ayāt ny fonds, ny domaine pour soustenir l'estat de la Republique : entre lesquels fut Neron l'Empereur, lequel ayant tout deuoré le domaine, voulut oster tous les peages, & tributs: dequoy le Senat auerti le remercia de son bon vouloir enuers le peuple, & neantmoins le dissuada de ce faire, disant que c'estoit du tout ruiner la Republique. ⁷ Et à dire vray, c'est oster les fondemēs principaux sur lesquels elle est appuyee : cōme quelques vns ont voulu faire en vn tēps le plus incōmode qui fut onques: ven que le domaine est du tout aliené, & la meilleure partie des aydes, & gabelles: & la plus-part des fiefs en main morte, ou bien entre les mains de ceux qui sont exempts, & priuilegiez. Il y a bien grande apparēce de requerir que les dons excessifs soyent retranchez, les donations immēses reuoquees, & qu'on tiēne cōpte des fināces epuisees: mais de vouloir abolir les charges, au parauāt que d'auoir rachapté le domaine, & aquité les debtes, ce n'est pas redresser, ny restablir, mais ruiner l'estat. Et la plus-part de ceux là mesmes qui pensent mieux entendre les affaires, est abusée d'une opinion inueterée, qu'il faut remettre les charges, & impôts en l'estat qu'ils estoient au temps de Loüys xii. sans auoir egard, que depuis ce temps là l'or, & l'argent est venu en si grāde abondance de terres neufues, mesmement du Peru, que toutes choses sont encheries dix fois plus qu'elles n'estoient cōme i'ay monstré contre le paradoxe du seigneur de malcestroit: tant par les coustumes de ce Royaume, que par les anciens contracts, & adueuz, où l'ō voit l'estimatiō des fruits, & victuailles dix, voire douze fois moindre qu'elle n'est à present. & par cōsequent les fermes & le prix de terres douze fois moindre qu'il n'est pour le iourd'huy. I'ay

monstré

7. Tranquil.in Nerone.

L'abondance
d'or & d'argent
a fait encherir
toutes choses
dix fois plus
qu'elles n'e-
stoient il y a
cent ans.

monstré que Charle v. Roy de France ne paya que trente & vn mil frācs d'or du Comté d'Auxerre: & que le Duché de Berri ne fut achapté que soixante mil reaux d'or par Philippe premier: & le Comté de Venice, & d'Auignon engagé pour quarante mil florins: brief i'ay verifié que plusieurs Comtez, Baronies, & grandes seigneuries, ont esté prisees, & achaptées il y a cent où six x x. ans dix fois moins qu'elles ne sont à présent, pour l'abondance d'or, & d'argent qui est venu des terres neufues: comme il aduint à Rome, quand Paul⁸ Emil apportat l'or, & l'argēt du Roy aume de Macedoine, l'estimatiō des terres haussa d'un tiers tout à coup: & au temps que Cesar fist venir à Rome les tresors, & despoüilles d'Egypte, l'vsure diminua soudain & le prix des terres haussa: ⁹ tout ainsi qu'il en print aux Espaignols apres la conqueste du Peru, le botal de vin coustoit en ce pais là trois cens ducats, la cape Espaignole de frize mil ducats, le genet d'Espaigne six mil ducats, comme nous trouuons es histoires des Indes, & de ceux-là mesme en partie qui lors y accompagnerent François Pizarre i. & la cause estoit de l'abondance d'or, & d'argent qui fut lors trouué au Peru, & aporté en Espaigne: & mesmement de la rançon du Roy Atabalippa, qui paya pour sa rançon la valeur de dix milliōs trois cens x x v i. mil ducats en or, & beaucoup plus en argent, outre le quint du Roy d'Espaigne: & neantmoins les receueurs du Peru demurerent en debet de seize cens mil bezans d'or, par l'extract qu'en fist Augustin de Zarate maistre des contes du Roy d'Espaigne. Depuis l'or & l'argent estant communiqué à la France pour la necessité des viures, & marchādises qui vont sans cesse en Espaigne, l'estimation de toutes choses a haussé: & par consequent les gages des officiers, la paye des soldats, la pension des capitaines, les iournees & vacations d'un chacun: & par mesme suite les fermes ont augmenté: celui qui n'auoit que cent liures de rente, maintenant en a mil des mesmes fruits qu'il recueilloit: car le muy de blé de rente qu'on auoit pour cent où six vingts liures tournois l'an M. D. x x i i. vaut presque autant en pur achapt, ainsi que i'ay remarqué par les registres du Chastelet de Paris. & mesmes le muy de blé de Paris fut achapté l'an M. D. L x i i i. & l'an M. D. Lxxiii. trois cens x x. liures, & plus, lors qu'il y eut necessité de blez. Et qui voudra voir les coustumiers de France, il trouuera que le muy de blé mesure de Paris valoit de prix ordinaire vn quart moins que l'an M. D. xxii. en quoy se sont fort abusez ceux-là qui ont voulu reigler le prix des choses aux anciennes ordonnances. Il faut donc conclure que l'estat des finances sous Charle v. i. (sans aller loin) qui reuenoit l'an M. cccc x l i i i. à quatre cēs mil liures, y cōpris le domaine, n'estoit gueres moindre, ayant esgard à l'estimation des choses, que l'estat des finances de quatorze milliōs l'annee que mourut Charle neufiesme, & les mesmes plaintes qu'on fait à present, furent faites par les estats tenus à Paris, & la rançon que Louïs neufiesme Roy de France paya au Sultan d'Egypte de cinq cens mil liures, n'e-

8. Plin. Plutar.

9. Sueton. in Cesar.

Estat des finances de France
au temps de
Charle vi. & ix.

1. Le seigneur de
Iouinville en la
vie de Loüys 1 x.

L'estat des finā-
ces d'Egypte
sous le dernier
Roy Ptolemee.

L'estat des finā-
ces de Turquie

2. In Sulla.

Estat des finan-
ces du Duc de
Florence.

estoit pas gueres moindre, que celle du Roy François 1. de trois millions d'escus. & quoy que le Roy Jean fut taxé à mesme rançon, si est-ce qu'elle fut iugée si excessiue, qu'on fut six ans à la trouuer. nous ferons mesme iugement de l'Apanage de 1 x. mil liures de rente, qui fut assigné à Charles le Bel, qui n'estoit pas moindre que les Apanages de cent mil liures baillé à Henry de France Duc d'Anjon l'an M. D. LXIII. ny le mariage des filles de Henry 1. Roy de Frâce, de quatre cens mil escus assignez à chacune, n'estoit pas si grande que le mariage de soixante mil liures assigné aux filles de France, par ordonnance du Roy Charles v. Autant pouuons nous dire des autres peuples, où l'or, & l'argent estoit en abondance: cōme anciennement en Orient, & à present en Occident. Car nous lisons en Strabon, que Ptolemee le flusteur, dernier Roy d'Egypte, leuoit sur le païs d'Egypte la valeur de sept millions cinq cens mil escus, couronne par an: & Sultan Suleyman n'en tiroit que sept cens mil ducats par l'extract des finances qu'en fist le Gritty Venitien l'an M. D. xx. alors que l'estat des finances ne montoit sinon quatre millions de ducats: car douze ans apres il haussa iusques à six millions, cōme dit Paul Ioue: maintenant il tire plus de douze millions de ducats chacū an: qui est hausser les charges plus des deux tiers en cinquante ans, pour l'abondance d'argent qui s'est porté d'Occident en Leuant. & neantmoins nous lisons en ² Plutarque, que le Dictateur Sulla taxa les charges de l'Asie Mineur, au parauant les conquestes de Luculle, & de Pompee, à la valeur de douze millions d'escus couronne: qui n'est à peu pres que la sixiesme partie des pays du Turc. Je ne veux pas pourtant excuser les Princes exacteurs: car on sçait assez que l'Empereur Charles v. tiroit plus de finances du Duché de Milan, que le Roy François 1. au mesme temps ne leuoit en ce Royaume: & prenoit autant sur le bas pays, que le Roy d'Angleterre en son Royaume. Aussi ne faut-il pas prendre exemple aux Princes exacteurs: comme quelqu'un en ce Royaume disoit, que Cosme Duc de Florence, tiroit de son estat six millions: chose toutesfois impossible, veu qu'il n'auoit de l'estat de Florence que douze cens mil escus: & de l'estat de Siene deux cens mil pour le plus. Mais le nouveau Prince fera sagement à sa venuë, de retrancher les charges extraordinaires de son predecesseur, tant pour son deuoir, que pour gagner l'amour du peuple, s'il en est requis, & au parauant qu'il en soit requis: & ne suyure pas le conseil d'un Roboan, qui perdit son estat pour auoir fait le contraire. Mais de requerrir que les tailles, & impositions soient du tout ostees, ou reiglees aux anciennes charges, sans auoir esgard à l'estimation des choses, & au changement suruenü, ce n'est pas releuer comme j'ay dit, ains ruiner l'estat. Or c'est chose ordinaire, és changemens de tyrannie en estat populaire, d'oster tous imposts, tailles, & subsides, pour signal de liberté: comme il se fist en Rome à la requeste du Cōsul Valere, apres auoir chassé les Rois. mais ils furent contraints d'aller en guerre chacun à ses despēs: puis apres

de payer les soldats, & se cottiser pour subuenir aux affaires, en leuāt nouueaux³ impôts. Vray est que les Romains se monstroient en cela plus iustes, car il ny auoit alors en Rome que les riches nobles ou roturiers, qui portassent les tailles, & le menu peuple en fut dechargé: & nous voyons qu'il n'y a que les pauvres qui payent, & les riches en sont affranchis. Le semblable se fist en Suisse & à Lyndauue, apres auoir chassé les seigneurs. Les autres affranchissent les villes capitales, & les plus grands seigneurs, pour se descharger sur les foibles: comme les Atheniens, lors qu'ils estoient les plus forts, affranchirent leur ville, contre la teneur d'alliance faite avec les autres villes de la Grece, & au lieu de soixante talents, ils augmentèrent si bien, qu'en moins de soixante ans ils en firent payer douze cens par chacun an, qui font sept cens xx. mil escus couronne, cōme dit Plutar. Mais quand Themist. voulut leuer par force la creuē des tailles sur les Adriēs, disant qu'il leur aporloit deux puissās Dieux, amour & force: ils respondirent qu'ils en auoient deux plus puissans, à sçauoir, pauvreté, & ⁴ impossibilité. Et ordinairement les grādes villes se deschargent sur le plat país: & les plus riches païsans sur les plus pauvres: comme il s'est fait par cy deuāt en ce Royaume, où les plus grandes villes estoiet affranchies: comme anciennement en Perse la ville, & gouuernement de Babylonne estoit⁵ exempt: afin que les plus grans n'empeschent les impôts. mais il aduient comme au corps humain, que les parties plus fortes, & plus nobles gettent les humeurs superflus; & vicieux aux plus foibles: & quand l'aposteme est enflée si fort que la partie foible n'en peut plus, il faut qu'elle creue, ou qu'elle infecte tous les membres. ainsi est-il aduenü que les villes riches, la noblesse, l'estat Ecclesiastique s'estans du tout deschargez sus le menu peuple, il est tombé sous le fardeau, comme l'asne d'Esopé: & le cheual qui n'auoit rien voulu porter, c'est à dire, la noblesse, & les gens d'Eglise sont contraints les vns de porter les decimes, & subsides extraordinaires: les autres vendre leur bien, pour faire la guerre à leurs despens: & payer les tailles, & autres impôts directement, ou indirectement. pour mesme cause la noblesse, & l'estat ecclesiastique ont esté contraints au Royaume de Dannemarc se tailler, & cotizer, depuis l'an M. D. LXIII. pour soustenir les frais de la guerre: mais ce fut à la charge que le Roy ne toucheroit point les deniers. Or pour remedier à cest inconuenient, les anciens auoient sagement ordonné, & bien executé l'ordonnance: à sçauoir que les charges seroient reelles, & non personnelles: comme il s'est fait au país de Languedoc: & depuis quelques annees aussi en Prouence par prouision⁶ suiuant la disposition de la loy, afin que le riche, & le pauvre: le noble, & le roturier, le prestre, & le laboureur payent les charges des terres taillables: la loy n'excepte ny pontife, ny noble: és autres gouuernemens s'il y a vn beneficiar, vn gentilhomme, vn conseiller, vn vigneron, cestui-cy paye pour tous, & les autres sont exēpts, non seulement pour les fiefs, ains aussi

3. Liuius lib. 4.

Estat des finances d'Athenes.

4. Plutar. in Themistocle.

5. Herodot. in Euterpe.

6. Lucas Penna in l. ult. defund. limit. C. l. indictiones de anno. & tribut. C. l. i. C. de indict. cod. l. rescripto. §. ult. §. patrimoniu. de muneribus ff. l. i. de mul. & in quo loco. mu. C.

Il faut que les
tailles soient
reelles pour
soulager les
pauvres.

Le mot de Ga-
belle venu de
iauelle.

Les impôts
utiles, honno-
rables & neces-
saires.

Prudence de
l'Empereur Au-
guste.

pour les terres roturieres. Si donc la necessité contraint de leuer quelque impost extraordinaire, il est besoin qu'il soit tel, que chacun en porte sa part: comme est l'impost du sel, du vin, & autres choses semblables: & les deniers communs pour les subuentions que les villes leuent. Et pour oster l'occasion des seditions, qui souuent sont aduenües pour les impôts des choses vendües en detail, il est expedient de conuertir l'impost en quelque sōme generale: cōme on a fait des aydes en quelques lieux, qui fust mis par Charle v. du consentement des estats, pour la deliurance du Roy Iean, qui estoient douze deniers pour liure sur toutes les marchandises vendües, qui a esté changé en equiualent, premierement au pais de Languedoc, au temps du Roy Louÿs x i. & pour iceluy impost L x. mil liures par chacun an, comme il s'est fait aussi en Auvergne pour le sel, que le pais a changé en certaine somme. Et pour mesme occasion les impôts qu'on leuoit sur chacune danree, & les iauelles qu'on prenoit de chacü fesseau, ont esté abolis en plusieurs Republiques, pour les plaintes, seditions, & crieries que faisoit le menu peuple contre les Iaeleurs, ou Gabeleurs (car le mot de gabelle est venu de iauelle) qui prérent toujours plus qu'il ne leur faut en espee. Mais si on demande les moyens de leuer impôts qui soiēt à l'honneur de Dieu, au profit de la Republique, au souhait des gens de bien, au soulagemēt des pauvres, c'est de les mettre sus les choses qui ne seruent sinon à gaster, & corrompre les sugets: comme sont toutes les friandises: & toutes les sortes d'affiquets, perfuns, draps d'or & d'argent, soyes, crespes, canetilles, passemēs, tissures, & tous ouurages d'or, d'argent, & d'email: & toutes sortes de vestemens superflus, & couleurs d'ecarlare cramoisi, coucheil, & autres semblables, qui ne faut pas defendre: car le naturel des hommes est tel, qu'ils ne trouuent rien plus doux, ny plus beau, que ce qui leur est estroitement defendu: & plus les superfluitez sont prohibees, plus elles sont desirees: mesmement des hommes fols, & mal nourris. il faut donc les encherir si haut, par le moyē des impôts, qu'il n'y ait que les riches, & frians qui en puissent vser. C'est pourquoy les Princes de Septentrion chargent les vins de grands impôts: & neāt moins quoy qu'ils soient chers, les sugets en sont si frians, qu'ils creuent à force d'en boire. Et pour ceste cause Caton le Censeur fut loué, d'auoir mis vn impost fort grand sus la ventē des esclaves qui passeroient le prix de cinquante escus: parce qu'on ne pouuoit lors defendre telle marchandise. pour mesme cause l'Empereur Auguste, pour chastier l'impudicité detestable des sugets, & les cōtraindre de contracter mariages, leua l'impost, par forme d'amende, des laiz, & successions caduques, sur ceux qui ne se mariroient apres x x v. ans: ou qui n'auroient point d'enfans: donnant de beaux priuileges, à qui plus auroit d'enfans. Qui fut vn trait de maistre, & sage politique. car en ce faisant il chastia bien fort les paillardises, adulteres, & sodomies: & remplit sa cité de bons citoyens, qui en estoit fort desertee par les guerres ciuiles:

& par

& par mesme moyen il remplit le tresor de l'espargne, qui estoit vuide. à quoy l'Empereur Iustinian, qui ⁷ blasme ceste loy, n'a pas pris garde: nō plus que l'Empereur ⁸ Cōstantin, qui osta la peine du celibat, & de ceux qui n'auoient point d'enfans: & qui plus est les Empereurs Honoré, & Theodose donnerent le priuilege des enfans à tous ⁹ sugets: qui estoit remettre sus les vices detestables qu'on auoit retranchez: dont il aduint que les mariages, & la procreatio des enfans furēt mesprisez, & l'Empire fut occupé par les peuples de Septentrion, qui auoient des magazins d'hommes, ayant trouué l'empire deserté. On auoit mis aussi vn impost de cent sols sus les procès ciuils, pour chastier les plaidereaux, que plusieurs ont trouué estrange, & en fin l'ont osté: mais il n'y en eut onques de plus necessaire en ce Royaume, où il y a plus de procès qu'en tout le reste de l'Europe. Les anciens Romains faisoient bien grande difficulté de souffrir nouueaux imposts: mais ils receurent tres-volontiers de toute ancienneté l'impost sur les procès, qui estoit la dixme és causes ciuiles, & le quint és causes publiques. comme les vns ¹ ont escrit: les ² autres disent que les deux parties consignoient chacune cinq cens asses, qui reuiennēt presque à cent sols de nostre monnoye: qui estoit dix liures pour les deux parties: & celuy qui gaignoit, emportoit l'argent qu'il auoit cōsigné: & cela se faisoit outre la gageure, qu'on appelloit *sponsio & sacramentum*, que chacune des parties consignoient, si l'une le requeroit, ou celuy qui ne vouloit consigner aquiesçoit à l'autre. Et les Hebreux faisoient tousiours payer le double à celuy qui auoit sciēment nié la debte, cōme nous lisons en leurs ³ Pandectes. Et combien que les consignations, qui se faisoient en Rome pour les procez, ont esté diuerfes, si est-ce que l'Empereur ⁴ Caligula leuoit encores le quarantiēme denier de ce qui estoit demandé, sans autre prefixion, ny limitation. Ainsi peut-on faire de toutes marchandises inutiles, ou deshonestes, ou superflues: comme il se trouue és ordonnances de l'imposition foraine quatre cēs cinquante especes de marchandises, desquelles la moitié pour le moins ne sert sinon à corrompre la simplicité des sugets. la plus chere de toutes, qui est l'ambre gris, n'est estimé qu'à six xx. francs la liure, qui deueroit estre prisé trois cens escus. Or la ⁵ loy ne met aucun impost sus les marchandises, hormis les espiceries, & les marchandises precieuses specifiees, à sçauoir les peaux de Parthe, & de Babylonne, les soyes, & toiles deliees, le fard, les cheueux indiques, les bestes sauages, & les esclauues chastrez. Telles impositions seront tousiours loüables, & beaucoup plus supportables sans comparaison, que le pied rond, le pied fourché, le tonlieu, & autres semblables: & mesmement la capitation, que tous bons Princes ont eu en ⁶ horreur. car de charger les personnes pour l'industrie seulement, c'est decerner la guerre aux bons esprits: si ce n'estoit qu'ils font grande trafique, & par ce moyen ont de grands biēs meubles, pour lesquels ils doivent porter les charges: qui n'est pas vraye capitation. Voyla les moyens

7. l. vnic. princ. de caducis. C.
8. l. i. de infirmādis pœnis cælibatis & orbitatis. C.
9. l. de iure libero- rum.

Consignation sur les procez.
1. Festus Pōpeius.
2. Varro in libris de lingua Latina.

3. Rabi Maymon. lib 3. memore aneuoquin.
4. Tranquillus in Caligula.

5. l. interdum. de vectigalib. C.

6. l. i. de capitat. ciuium tollēda. C.

Auis de Hierosime Laski pour le fait des finances.

Les monts de pieté utiles, honnestes, & charitables.

7. Spartian. Louable expedient d'Antonin le Pieux, pour faire fods aux finances.

qui me semblent les plus expediés aux Princes, & aux sugets, pour maintenir l'estat des finâces. Hierosime Laski Polonois, pere du Palatin Laski, qu'on a veu Ambassadeur en France, trouua vn moyen autre que ceux là que i'ay deduit pour faire fonds aux finances, donnant conseil de faire trois impôts sur les sugets, pour fonder trois monts de pieté (ainsi les appelloit-il) le premier estoit en prenant la moitié du reuenu d'un chacun suget pour vne fois : l'autre estoit de la vingtiesme partie du reuenu par chacun an : le troisieme sus les choses vendues en gros, & en detail. Mais son auis fut regetté comme pernicious, & impossible. car en matiere d'impôts, il n'y a rien qui plus allume les seditions, que d'en charger les sugets de plusieurs tout à coup : ioint aussi qu'il n'auoit exemple d'impositions si estranges, & mesmement sus vn peuple guerrier, & nourri en liberté, comme est le peuple de Polongne. Et neantmoins il donnoit vn tres-beau nom, à vne pernicious inuention, appellant monts de pieté le fonds de telles impositions. Car les monts de pieté instituez és villes d'Italie sont utiles, honnestes, & charitables, & soulagent grandement les pauvres : & ceux de Laski les ruine. Il y a des monts de pieté à Florence, Luques, Syene, & autres villes, où celuy qui a vne fille, au iour de sa naissance met cent escus au mont de pieté, à la charge d'en receuoir mil pour la marier, quand elle aura xviij. ans : si elle meurt au parauant, les cent escus sont acquis au mont, si le pere n'auoit d'autres filles, auxquelles successiuelement sera gardé le mariage. s'il met au mont de pieté deux cés escus, la fille aura deux mil escus : qui n'est à peu pres que cinq pour cent que paye la Republique, si la fille ne meurt. L'autre môt de pieté est pour prester argent aux pauvres gens à cinq pour cent, en baillant gage suffisant, & iusques à dix escus pour le plus. si le debteur ne rend les dix escus au temps prefix, le gage est vendu au plus offrant, & la plus valuë est rendue au debteur. cela se fait pour obuier aux plus grâdes vsures, desquelles les pauvres gens sont ruinez en ce pais-là : & pour empescher la faisie & distraction des meubles à vil prix. Toutesfois ie trouue que l'Empereur Antonin, surnommé Pius, trouua vn autre mont de pieté, & depuis fut suivi par Alexandre Seuer, qui estoit de bailler l'argent qui reuenoit bon aux finances, les charges payees, à cinq pour cent, en baillant caution suffisante, & soluable. En quoy faisant les marchans, & pauvres gens y gaignoient beaucoup à trafiquer, & le public en grande somme y gaignoit aussi beaucoup : car si on prestoit vn million, au bout de l'an, on y gaignoit cinquante mil escus pour le public : & les particuliers y gaignoient bien deux fois autant à trafiquer. mais outre cela, le plus grand bien qui en reuenoit, c'estoit que l'argent du public estoit par ce moyen assésuré de la griffe des larrons, & rats de Cour. Qui estoit la seule occasion, comme il semble, pourquoy l'Empereur Auguste long temps au parauant, auoit accoustumé de prester l'argent qui reuenoit bon aux finances sans aucun interest en baillant caution soluable, & à la peine du double, si on

faillloit à payer au ⁸ iour prefix : qui est vne condition reprouuee ⁹ par la loy, comme faite en fraude des vsures legitimes : si la condition est apposee par vn particulier : mais la peine du double est receuable, & pratiquee pour le public : attendu que c'est plustost la peine du peculat, que l'vsure de l'argent : si celuy qui doit l'argent au public en abuse. C'estoit la prudence de laquelle les sages Princes vsioient anciennement pour asseurer les finances, & faire fonds à toutes necessitez qui pourroient suruenir. Mais tout le cōtraire se fait à present : car les Princes au lieu de bail-
 ler à interest moderé, empruntēt, & payent vsures excessiues de tous costez : & non seulement les Princes, ains aussi les Seigneuries, & Republiques, qui plus, qui moins. ceux qu'on estime les meilleurs menagers, cōme les Venitiens emprūtent à cinq pour cent à tousiours, & sans repetition du sort, ou à x i i i. pour cent, tant que durera la vie du creancier : la maison S. Georges de Genes, prend l'argēt d'un chacun à cinq pour cēt, & le baille au plus haut interest : & n'y a que celle là qui se soit enrichie, ayant acquis l'Isle de Corce, & le plus clair domaine de la Republique de Genes, par le moyen de la traffique. les Venitiens y ont tousiours perdu, & perdront tant qu'ils prendront à huit pour cent, ou plus : ou bien il faudra rabaisser l'interest, comme ils ont peu à peu aboli le mōt Vechio, rongnant si court les creanciers, qu'ils n'y osent pas mettre si facilement qu'ils faisoient au parauant. Cefut aussi le moyen apporté en France l'an M. D. x l i i i. par le Cardinal de Tournon, lors qu'il auoit le credit enuers le Roy François I. auquel il fist entendre, à la suscitation de certains Italiens, qu'il n'y auoit moyen d'atirer en France les fināces de tous costez, & faire fonds à l'aduenir, pour en frustrer les ennemis, que d'establiir la banque à Lyon, & prendre l'argent d'un chacun, en payant l'interest à huit pour cent. mais en effect le Cardinal vouloit asseurer cent mil escus, qu'il auoit en ses coffres, & en tirer tout l'interest, qu'il pourroit. les lettres patentes decernees, & l'ouuerture de la bāque ainsi faite comme i'ay dit, chacun y venoit à l'enui, de France, d'Alemaigne & d'Italie, en sorte que le Roy François I. quand il mourut, se trouua endebté à la banque de Lyon de cinq cens mil escus, qu'il auoit en ses coffres, & quatre fois d'auantage : & la paix asseuree auec tous les Princes de la terre. Depuis que le Roy Henry eut affaire d'argent il emprunta à dix, à douze, à seize pour cent, comme il fist l'an M. D. L i i i. des Caponis, Albicis, & des participes d'Almaigne : & l'vsure se payoit aux quatre foires, où l'interest de l'vsure estoit conuert y en sort, & ioint au principal. l'Empereur faisoit le semblable de son costé : vray est qu'il ne prenoit qu'à dix, & douze pour cent au plus, & l'annee mesmes le Roy d'Angleterre emprunta des marchans Almans cent mil escus à douze pour cent. Et au lieu que le Roy Henry pensoit attirer plus d'argent en payant plus d'interest que l'Empereur, & le Roy d'Angleterre, il commença à perdre son credit : car les plus sages menagers faisoient iugement, qu'il ne pourroit en fin payer

8. Tranquil. in Augusto.

9. l. pecuniarum fenebris. de vsuris. l. Iulianus. §. idem Pōponius. de action. empti. ff.

La ruine des Princes & de leurs finances est de prendre à interest.

Origine de la banque de Lyō

Les Baschats
de Turquie auoient
argent à
intérêt à la banque
de Lyon.

Ruze subtile
des bâquiers.

Anciennes ordonnances
contre les Italiens
vsuriers.

ny sort, ny vsure: d'autant que l'intérêt de seize pour cent reuenoit pour le moins à dixhuit pour cent, retenant l'intérêt qu'il ne pouuoit payer. au lieu que l'Empereur faisoit contenance de vouloir s'aquiter, & bailloit les communautéz, & corps des villes pour cautions, payant les vieilles debtes des nouueaux emprunts: & chacun luy prestoit, voyant d'un costé qu'il s'aquitoit. Mais à present la plus-part veut quitter l'intérêt & le sort principal, s'il se trouue qui vueille donner trente pour cent: ce qui a bien fort aliené les Princes & seigneuries qui auoient argent à la banque de Lyon: car non seulement les Seigneurs des ligues, les Princes Allemands, & autres y auoient part, ains aussi les Baschats & marchans de Turquie y estoient sous le nom de leurs facteurs, pour plus de cinq cés mil escus: & n'y eut chose qui plus empescha le secours du grâd Seigneur au dernier voyage des François à Naples, que la faute qu'on fist de payer quatre mil escus d'intérêt à Rostan Bascha, outre les dix mil que la Vigne Ambassadeur luy porta l'an M. D. LVI. & la desfiace de perdre le sort, comme j'ay appris par les lettres & mémoires de la Vigne. car plusieurs n'achaptoient pas les rentes à prix d'argent, ains ils vouloient l'vsure pure & simple, & à la charge de retirer le sort: comme font plusieurs Italiens aux particuliers, auxquels ils prestent purement & simplement, avec obligation de corps & biens, sans que l'escripture porte rien des intérêts, & neantmoins par conuention verbale ils stipulent seize ou vingt pour cent: & si on faut à payer l'intérêt, ils font executer l'obligé pour le principal par saisie de corps & de biens: & encores qu'on paye l'vsure, s'ils ont à faire du sort, ils procedent par execution sus le debteur: car il n'y a iamais quitance ny tesmoin des vsures qu'ils reçoient. Voila le moyen par lequel ils epuisent l'argent de ce Royaume. Il y a bien d'autres ruses que ie ne touche pas, mais celle là donna occasion à Louÿs IX. Roy de France l'an M. CCLIII. & à Philippe le Bel, l'an M. CCC. de bânir tous les banquiers, & marchans Italiens, cōfiscant leurs biens: & pour decourir les debtes, il fut ordonné que les debtors feroient quites de tous arerages & intérêts, en payant le sort principal aux tresoriers. Et depuis encores l'an M. CCCXLVI. Philippe de Valois, pour mesme cause, cōfisque tout leur bié: car il fut verifié par les procès, qui en furent faits, que pour deux cens quarante mil liures, ils auoient tiré profit en peu d'annees de vint-quatre millions & quatre cens mil liures. & en hayne de telles vsures, nos peres ont tousiours taxé à la Chancellerie les lettres Lombardes au double. Depuis, & au parauant que la banque de Lyon fust rompue, la pluspart des villes de ce Royaume ont presté au Roy, sus le domaine, aydes, gabelles, & decimes, à intérêt moderé. Et ceux qui pensoient estre plus aduisez en matiere d'estat, & de finances, conseilloyent cela à deux fins: l'une pour auoir argent en necessité: l'autre pour obliger d'auantage les villes & communautéz à leur Prince. toutesfois on n'a iamais veu plus de rebellions contre le Roy depuis l'establissement de ce Royaume.

ROYAUME. Et quāt aux finances on a si biē menagé, qu'en moins de douze ans que le Roy Henry II. regna, il deuoit plus d'intereſt, que ſes predeceſſeurs quarante ans au parauant ne leuoient pour toutes charges. car par l'eſtat des finances dreſſé l'an M. D. LX. le Roy François II. ſucceſſeur de Henry, deuoit deux millions trois cens douze mil ſix cens dix liures dix huit ſols ſix deniers tournois de preſts gratuits, & dont il ne payoit point d'intereſts: & quinze milliōs neuf cens vingt ſix mil cinq cens cinquante & cinq liures douze ſols & huit, dont il payoit intereſt: & deuoit encores d'arrerages ſept cens ſoixante & quinze mil neuf cēs ſoixante & dix neuf liures quatorze ſols quatre deniers: outre la debte de Ferrare, & autres debtes pour les mariages, qui reuenoient à huit millions cinq cēs quatorze mil cinq cēs quatre vingts douze liures huit ſols onze deniers: & autres reſtes deuës iuſques à la ſomme de quinze cens ſoixāte & quatre mil ſept cens quatre vingts ſept liures deux ſols ſix deniers: en ſorte que par le dernier article, le Roy demeueroit redeuable de quarāte & vn million cent quatre vingts trois mil cent ſoixante & quinze liures trois ſols ſix deniers: y compris quatorze millions neuf cens ſoixante & vn mil ſept cens quatre vingts ſept liures quinze ſols huit deniers, pour les aydes, domaine, & gabelles engagees aux villes, corps & colleges, & aux particuliers: entre leſquels la ville de Paris en a par chacun an trois milliōs cent & tant de mil liures: outre ſoixante millions, & plus, fournis par le Clergé du temps du Roy François II. & Charles X. Combien que l'Empereur Charles V. & ſon ſucceſſeur ont couru le meſme hazard, pour auoir pris à intereſt, & ſont demeurez redeuables de plus de cinquāte milliōs: pour leſquels tout le domaine & reuenue de Naples & de Milan eſt engagé aux Geneuois, & autres particuliers, qu'on recherche à preſent d'auoir preſté au Roy d'Eſpaigne en neceſſité à trente & quarante pour cent: & ne faut pas eſtimer que les Eſpaignols ſe laiſſent ſi aiſément eſcorner par les banquiers d'Italie, comme font les François, qui les ſoufrent ioüyr des fermes, & du plus beau domaine de France, daces, aydes, gabelles, & doüane de Lyon: par le moyen deſquelles fermes, ils rāçonnent les ſugets, & emportent tous les deniers: contre les ordonnances de ce Royaume, qui defendent de receuoir les eſtrangers à encherir le domaine: encores eſt-il plus inſupportable, qu'ils ont eſté preferez aux ſugets naturels, qui en offroient beaucoup plus: & ſi ont eu rabais de ſoixante milliures pour vne fois: & afin qu'on ne les peuſt moleſter, ils ont obtenu euocation de toutes leurs cauſes au priuē Conſeil. L'origine de tous ces malheurs eſt venu, quand le Roy François I. commença de prendre argent à intereſt: ayant xviii. cent mil eſcus en ſes cofres, & la paix en ſon Royaume. iamais Prince bien conſeillé ne fera cela: car en ce faiſant il ruine le fondemēt de ſes fināces, ſ'il veut garder ſa foy, & payer: & ſ'il ne veut, où qu'il ne puiſſe payer, il faut faire banque-route, & perdre ſon credit, qui eſt la ruine de l'eſtat: car il faut tailler, impoſer,

Debtes du Roy
Henry II.

Debtes d'Eſpa-
gne.

Moyen d'asseurer l'estat des Princes desesperez.

Moyen d'employer les finances,

6. In libris.
פירקי
אברה

La charité des Roys de France enuers les pauvres.

emprunter, & en fin par calomnies, & tyrannies cōfisque les sujets. On peut bien conseiller à vn Prince, s'il est en hazard de perdre son estat, d'emprunter des alliez, & des sujets pour entretenir ceux qui sont ebrâlez: ou assopir la coniuration de ceux qui ne sont pas decouverts: comme fist le Roy Eumenes, qui emprunta grande somme de deniers de ceux qui auoient conspiré sa mort: & Agrippa Roy de Iudee, qui recouura son Royaume par le moyen de ses creanciers, qui remuerent ciel & terre, pour l'assurance qu'ils auoient d'estre payez: qui fut aussi le principal moyen de restablir Edouard III. Roy d'Angleterre, estat chassé de son Royaume. mais si les creanciers du Prince ont assurance d'estre payez par les successeurs, où qu'ils iouissent du domaine: ce moyen là est inutile. J'ay deduit les moyens qui me sembloient vtiles, & honnestes pour faire fonds aux finances: qui est le premier poinct de ce chapitre. le second poinct est de bien employer les finances de la Republique: que nous auons touché en partie au chapitre du Loyer, & de la peine: disons icy ce qui touche le surplus. Anciennement le premier article couché au chapitre de despenſe des Finances, estoit pour les aumosnes: le second pour la maison du Roy: le troisieme pour les reparations. mais l'ordre est tout changé. Quant aux aumosnes, les sages Hebreux ont vne maxime, comme vne certaine demonstration des anciens Prophetes, qui disoient, que la seule conseruation des biens gist és aumosnes, qu'ils taxoient à la dixiesme partie du reuenu de chacun. Et si bien on y prend garde, on verra les plus grandes, & illustres familles fleurir en biens, en richesses, en santé, en lignee, quand les peres ont esté charitables & aumosniers. Il n'y auoit anciennement Princes soubz le ciel plus charitables que nos Roys de France, depuis Robert fils de Hugues Capet, qui monstra le premier exemple à ses sujets, & successeurs d'estre charitables enuers les pauvres. Aussi peut-on dire à bon droit qu'il n'y a maison soubz le ciel, qui ait à beaucoup pres entretenu la grâdeur de sa majesté en armes & en loix, & de laquelle soient sortis plus de Princes, ou qui ayent regné si longuemēt: n'en desplaise aux autres Princes Chrestiens, Turcs, Tartares, Perses, Indois, Ethiopiens. Et qui fut onques Prince plus charitable aux pauvres que Louys IX. qui a fondé XXVII. corps, & colleges en ce Royaume: & nourrissoit à sa suite ordinairement six vingts pauvres, & en caresme douze vingts, les nourrissans des viandes de sa table. Aussi vescu-il en grand honneur, redoubté des ennemis, reueré des amis, adoré des sujets: & apres auoir regné quarante quatre ans, il laissa neuf enfans legitimes, & son Royaume riche & fleurissant à son successeur: luy recommandant sur tout, qu'il fust deuot enuers Dieu, & charitable enuers les pauvres. Et au contraire on voit les maisons, les familles, les Royaumes, les Empires tomber en ruine & pauvreté, pour auoir mesprisé les pauvres, & abandonné les sujets aux voleries des soldats, & larrecins des gabelleurs. Quand le taillon fut mis sus les sujets l'an mil

cinq

cinq cens quarante neuf; le Roy fist promesse de n'affecter; n'employer les deniers à autre vsage; qu'au payemēt de sa gendarmerie, sans les confondre avec les autres deniers ordinaires: comme il fut aussi dit quād on imposa la solde de cinquante mil hommes de pied, du temps du Roy François I. qui se deuoit seulement prendre sur les villes closes & faubourgs d'icelles, qui ne ressenoient rien de la foule des soldats: toutes-fois depuis on l'a egalee sus villes & villages, bourgs & bourgades l'an mil cinq cens cinquante cinq: en quoy les pauvres paysans ont esté greuez doublement: car ils payent & sont pilliez de tous costez. Encores avec toutes ces charges les pauvres paysans se tiendroiēt bien heureux, s'ils en estoient quites en dressant estapes aux gendarmes, comme il s'est fait quelques annees. Et quelle issue peut-on esperer de voir les soldats saccager, piller, brusler avec vne licence debordee les pauvres sugets? Et pour toute excuse ils disent qu'ils ne sont pas payez, & ne voudroient pas l'estre, affin qu'ils ayent couerture des voleries qu'ils font. Il n'y a donc moyen de remedier à tant de calamitez, & restituer aucunement la discipline militaire, qui est aneantie, sinon en payāt l'armee: car comme disoit Cassiodore, *Disciplinam seruare non potest ieiunus exercitus, dum quod deest semper præsūmit armatus*. La maison du Roy entretenue, la gendarmerie, & les officiers payez, & les iustes loyers donnez à ceux qui le meritent, c'est bien la raison que les pauvres s'en ressentent. Et s'il y a fonds aux finances, on en doit employer vne partie à reparer les villes, munir les places fortes, bastir aux lieux fortifiables des frontieres, aplanner les passages, releuer les ponts, freter les vaisseaux de mer, edifier maisons publiques, establir des colleges d'honneur, de vertu, de sçauoir. Car outre la necessité qu'il y a es reparations, il en reuient encores de grandes utilitez à toute la Republique: d'autant que par ce moyen les arts & les artizans sont entretenus, la pauureté du menu peuple soulagee, l'en-ue des tailles & imposts ostee, quand le Prince rend au public en general, & aux sugets en particulier, les deniers qu'il préd sur eux. C'est pour quoy l'Empereur Alexādre Seuerus auoit accoustumé de laisser plusieurs imposts & peages aux villes, pour estre conuertis es reparations necessaires d'icelles. ce que j'ay dit, est encores plus expédient en l'Aristocratie, & en l'estat populaire, qu'il n'est en la Monarchie: d'autant que les sugets sont beaucoup plus difficiles à maintenir en paix & vnion: & afin qu'ils ne soient afriandez aux distributions des deniers bons, comme il se faisoit anciennemēt es estats populaires, & mesmes en celuy des Tarentins: chose qui tire apres soy la perte des finances, & des sugets. Aussi⁸ Pericle fut blasmé d'auoir le premier accoustumé le peuple d'Athenes à telles distributions: ce qu'il faisoit affin de gagner la faueur populaire. Mais quand il fut maistre du peuple, il employa les deniers bons à rendre la ville d'Athenes non seulement forte & puissante, ains aussi magnifique, & les sugets bons artisans, alors qu'ils estoient en paix, & qu'il

Pour reestablie la discipline militaire, & empêcher les voleries des soldats, il faut payer la gendarmerie.

L'utilité des reparations, & fortifications.

7. Aristot. in polit.

8. Plutar. in Pericle.

9. Demosthenes in
Olinthiaces.

1. Plutar. in Pericle

4. Plutar. in Solo-
ne.

5. Herodot. & Cē-
sar. lib. 2.

6. Tranquil. in Ve-
spasiano.

7. quadringenties
millies opus esse
vt Respublica sta-
re posset, id est de-
cies cētum millio-
nes coronatorum.
8 Tranquil in
Claud.

se trouua pour vne fois au tresor de l'espargne cent ⁹ mil talents, c'est à dire soixante millions d'escus couronne. Et comme il eust quelques ennemis qui l'accuserent d'auoir abusé des finances, il eut le cueur si braue de dire au peuple, s'il n'estoit content des murailles, forteresses, & temples qu'il auoit basty, qu'il prédroit la ¹ despenſe sur luy, à la charge que son nom y fust graué, avec le don qu'il en faisoit. le peuple alloüa la despenſe, cognoissant à veüe d'œil, que tous en general, & chacun en particulier, y auoit profit, & honneur: attendu que les marchans gaignoient à fournir les matieres, les voicturiers, & gens de marine à la conduire, les artisans, & brassiers à la mettre en œuvre: en sorte que le profit venoit à se distribuer à toutes sortes de gēs, & la gloire des œuvres superbes, donna vn perpetuel tesmoignage à la posterité de la grandeur de ceste Republique là. Mais encores le plus grād fruit, & qui plus importe à la cōseruation de l'estat est, que par ce moyen les deux plus grādes pestes des Republiques, c'est à sçauoir oisieté & pauureté sont bānies: choses fort necessaires és Republiques populaires, & Aristocratiques; & mesme-ment és pays où les esprits sont grands, ou bien le terroir sterile, comme estoit celuy d'Athenes. en tels pays si l'oisieté a lieu iamais il n'y aura faute de mutins, & de larrons. Ce que preuoyant ⁴ Solon auoit decerné grandes peines contre les faitneants: cōme aussi fist Amasis Roy d'Egypte, qui cōdamnoit à mort les hommes oisifs, s'ils n'auoient de quoy viure, cognoissant le ⁵ peuple d'Egypte le plus ingenieux du monde, & le plus facile à mutiner, s'il n'estoit occupé. Aussi voit-on encores en ce pays là des pyramides basties il y a trois mil ans, qui semblent toutes neufues. Nous auōs aussi l'exemple des plus sages Empereurs Romains, qui ont ainsi employé partie des finances, & donné exemple aux sugets de les imiter: comme Auguste qui se vantoit à bon droit, d'auoir trouué Rome bastie de tuile, & qu'il la laissoit bastie de marbre: & de fait il employa la valeur de quatre millions cinq cens mil escus couronne au seul bastimēt du Campidol: & fut suiuy de Vespasian, qui fist de grands & beaux chefs d'œuvres par tout l'Empire, plustost pour entretenir le menu peuple, que pour autre chose: car comme vn ingenieux & maistre architecte luy promist de mettre au Campidol des colones d'excessiue grandeur à peu de frais, & d'ouuriers, il le recompensa honnestement, disant, Laisse moy, ie te prie, ⁶ nourrir le pauvre peuple: combien qu'il protesta en plein Senat venant à l'Empire, qu'il estoit besoin d'vn miliart d'escus, pour ⁷ aquiter, & restablir la Republique. Et l'Empereur Claude iouissant d'vne paix asseuree fist faire le canal Fucin, pour accōmoder la ville de bōnes eaux, ayant tous les iours trente ⁸ mil hommes l'espace d'onze ans entiers. Et sans aller aux anciennes histoires, on sçait assez que la Seigneurie de Venize nourrist sans cesse à l'arsenac trois à quatre mil personnes, qui gaignent leur vie au labeur de leurs mains. qui est la chose qui plus contente les sugets voyant l'argent public employé si charita-

charitablemēt. Mais telles emploites sont belles & honnestes à vn grād Prince, qui n'est point endebté, quand le domaine n'est point engagé, que la Republique est en bonne paix, que la gendarmerie est payee, les iustes loyers distribuez à chacun: autrement de multiplier les subside pour faire de grands palais, plus superbes que necessaires, estat endebté, ou laisser en ruine les bastimēs des predecesseurs, pour acquerir vne vaine gloire, c'est laisser vn signal de sa tyrannie, & vn perperuel tesmoignage à la posterité, qu'on a massonné du sang des sugets. combien que les succeffeurs, & bien souuent les sugets ruinent les edifices des tyrans, pour effacer leur memoire de la terre: au lieu qu'ils deuroiēt par exploits vertueux, & charitables grauer leur nom au ciel. le palais doré de Neron, qui embrassoit grande partie de Rome, fut mesprisé des succeffeurs qui ne daignoient y loger, pour la cruauté & vilenie de celuy qui l'auoit basti, & bien tost apres fut ruiné: comme estant fait de pilleries, exactions & confiscations, qui suivent de pres le Prince prodigue: car il est necessaire que de prodigue il deuienne exacteur, & d'exacteur tyran: comme de fait il ne s'est iamais trouué deux tyrans plus cruels, ny plus prodigues que Caligula & Neron: car il se trouua que c'estui-cy en moins de quinze ans qu'il regna, auoit donné la valeur de cinquante & cinq milliōs d'escus courōne: & cestuy-là en vn an en auoit dependu soixante & sept^e millions: en sorte que n'ayant plus de quoy defrayer sa maison, il se meit à belistrer en personne, & mandier publiquement les offrandes des estreines. Ce malheur de prodigalité excessiue, aduient aussi bien souuent aux Princes par oubliance des biensfaits, & dons qu'ils ont ottroyez, & pour ne sçauoir le fond de leurs finances. Et pour ceste cause, il a esté bien, & sagement¹ ordonné en ce royaume, que par chacun an les generaux des finances enuoyroient au tresorier de l'espargne deux estats des finances de chacune generalité, l'vne par estimation au premier iour de l'an: l'autre au vray de l'annee precedente: & en cas pareil que le tresorier de l'espargne feroit aussi deux estats abregez des finances en general: affin que le Roy, & son conseil puissent cognoistre à veuë d'œil le fond des finances, & par iceluy regler les dons, les biensfaits, la despenſe. mais le plus souuent celuy qui en dispose n'en voit rien. Je mettray pour exemple l'estat des finances qui fut dressé par estimation au mois de lanuier M. D. LXXII. sans aller plus loing, où il se trouue que au chapitre de recepte, on coucha pour vn article des parties casuelles deux millions: & par l'estat fait au vray à la fin de l'annee, il se trouua qu'elles auoient monté deux millions huit cens mil liures: & neantmoins il fut aueré qu'il n'en estoit rien tourné au profit du Roy que cinq cens mil liures. Il est bien à presumer que le Roy y eust mieux donné ordre s'il eust veu l'estat general des fināces, qui est en deux feuilles de papier, & le registre des dons: ou si les dons couuers ne s'enregistrent, qu'il eust eu vn petit memoire de ce qu'il donnoit, & à qui, &

Les tyrans bastissent du sang des sugets.

Estrange prodigalité de Nerō & Caligula.

9. Trāquil. in Nerone & Caligula.

1. l'an 1542. & 1554

Article des parties casuelles l'an M.D.LXXII.

Il est expedient
que le Prince
ayt vn abregé
des affaires d'e-
stat, & vne liste
des gens de
marque.

Diligence d'Au-
guste.

3. Tranquil. in
Augusto.

4. Hester cap. 6.

pourquoy : qui sont les trois poincts principaux ausquels il faut que le Prince prenne bien garde: affin pour le moins s'il veut estre liberal qu'il le soit enuers ceux qui le meritent. Et pour ce faire, il seroit bien expedient que le Prince eust vn registre abregé des affaires d'estat, & vne liste des plus dignes personages de son royaume. autrement il n'y a memoire si asseuree qui ne s'abuse souuent, & qui ne face de lourdes incongruitez en matiere d'estat. car le registre des affaires abregé seruira de memoire des choses qu'il faut faire, & des entreprises qu'on fait, qui demeurent souuent imparfaites, & mal executees par oubliance. Il n'y a point de meilleur exemple que du Roy Louÿs XI. lequel fut estimé des plus ruzez Princes de son aage: neantmoins il s'en alla du meilleur sens qu'il eust, getter aux filets du Comte Charolois, oubliant qu'il auoit enuoyé ses Ambassadeurs au pays du liege, pour luy dresser nouvelle guerre: le Comte aduerti de cela le retint prisonnier. Si on dit que le registre seroit trop gros, que le Prince seroit trop empesché, qu'il ne viueroit pas longuement: cela n'a pas grande apparence, veu que les plus grands Monarques de la terre, & qui plus ont estudié, & vaqué aux affaires d'estat, ont la plus part ataint l'extreme vieillesse: comme Auguste, Tibere, Vespasian, Traian, Adrian, les Antonins, tous Empereurs Romains, & maistres politiques: & toutesfois ils faisoient eux-mesmes les registres des affaires, suiuant l'exemple d'Auguste, qui vescu LXXIIII. ans, & laissa trois liures escripts de sa main. le premier estoit de ses faits, & actions publiques: le second estoit son testament: au troisieme estoit l'estat de tout l'empire Romain: où il auoit compris en particulier l'estat de chacune prouince, de la gendarmerie, des finances, forteresses, armes, nauires, finances, munitions, avec vne diligence digne d'un grand Monarque: & ne laissoit pas pour cela de faire bonne iustice ordinairement, & donner audience à tous venans. L'empire de Perse estoit encores plus grand, & auoit CXXVII. prouinces: & neantmoins les Roys de Perse auoient tousiours vn registre sur leur table des affaires d'estat, & des dons: & comme Darius longuemain eust eschapé la main des coniurez contre sa maiesté, par l'aduertissement que Mardochee auoit donné: le Roy quelque temps apres lisant le 4^e registre la nuit, & trouuant que Mardochee n'auoit eu recompense du seruice notable qu'il auoit fait au Roy, luy fist de grands dons, & luy decerna les honneurs qu'il meritoit. Et sans aller plus loing, le Roy de Espagne voit ordinairement le registre des affaires, portant mesmes vn abregé des lettres qu'on escrit aux gouuerneurs, capitaines, Ambassadeurs, si la chose n'est bien secrette. Pour mesme cause Charle furnommé le Sage, Roy de France fist vn greffier du conseil priué, & le premier fut Pierre Barrier, qui n'estoit pas empesché, comme à present, aux expeditions, & actes de Iustice, ains seulement enregistroit les affaires d'estat. Il se fait bien encores au conseil du Roy, vn

registre

registre des dons , offices , benefices , & exemptions : mais il est le plus du temps entre les mains d'un secretaire encores la centiesme partie des dons n'y est pas couchee. Or si le Prince n'a vn registre des biens-faits , ou qu'il n'ayt souuenance des dons , le plus souuent il donnera à ceux qui n'ont rien merité , ou qui ont merité plustost peine que loyer. Pour à quoy remedier il y a deux anciennes ordonnances, l'une de Philippe de Valois , que j'ay remarqué cy dessus , portant que les dons estoient reuoquez , si le donataire ne faisoit mention des biens-faits ottroyez à luy , & à ses predecesseurs. l'autre est de Charles VIII. par laquelle les dons , au dessus de cent liures , sont declairez de nul effet , & valeur , s'ils ne sont verifiez en la chambre des comptes. la premiere ordonnance fut bien tost enseuelie par vne autre , portant qu'il suffiroit que par les lettres de don il fust derogé à la premiere ordonnance. Et quand à l'ordonnance de Charles huietiesme , elle est aneantie sous vmbre des dons & pensions secretes , qu'il ne faut pas qu'on sçache : qui fait aussi que les anciennes ordonnances , portant que les articles couchez au chapitre de despence , ne seront aloüez sans ordonnance , mandement & acquit , sont presque aneanties pour ce regard : car le tresorier de l'espargne en est deschargé , en rapportant le sein du Roy simplement : sans aucune specificatiõ de celui auquel le don est fait , ny pourquoy. Il y auoit encores vne ordonnance du Roy François I. cõfirmee par son successeur , portat qu'il y auroit quatre clefs du coffre de l'espargne , desquelles le Roy en auroit vne , & que les autres seroiẽt entre les mains des cõmissaires par luy establiz. & la distribution des deniers se debuoit faire par mādement du Roy , en presẽce du tresorier , & cõtreroleur de l'espargne. mais le Roy Henry II. par edit expres^e dechargea les cõmissaires , & officiers de l'espargne , affin qu'on ne leur peust à l'aduenir faire rẽdre cõpte. tant y a que l'un des cõmissaires eut en pur don pour vne fois cẽt mil escus , si le bruit qui en courut par tout estoit vray. Toutesfois l'edit fait en fraude , ne doit empescher que ceux qui auoiẽt touché les deniers de l'espargne ne rẽdissent cõpte , cõme il fut requis par les estats tenus à Orleãs : & que les dons exorbitans ne fussent reuoquez , ou du moins retranchez : cõme fist l'Empereur Galba^o , qui reuoqua les dons faits par Neron , ne laissant que la dixiesme partie aux donataires : Nõ pas qu'on se doie enquerir si curieusement de toutes les donations qui se font par les Princes , pour les raisons que j'ay deduites : mais Charles VII. auoit par edit expres limité la somme qu'il pourroit prendre chacun an , pour en disposer à sa volõté. Et du surplus , les Princes mesmes ont bien grãd , & notable interest que leurs officiers cognoissent en quoy il est employé : parce que les Princes maintiendront tousiours leur faueur , donnat liberalement : & les officiers sõt chargez de la haine , & mal-talẽt que reçoieuẽt ceux desquels les dons sont reuoquez ou retrãchez : de sorte que par le moyẽ du recuperetur , l'argẽt retourne aux finãces , & qui plus est il y en a qui ne demã-

Loüables ordonnances aneanties.

5. de Charles 7. & de François 1.

6. l'an 1556.

Reuocatiõ des dons excessifs necessaire.

o. Tranquillus in Galba.

Magnificence
du grand Roy
François.

Reseruatîo des
finances.

Espargne des
Romains.
Espargne du
grâd Seigneur.

deroient iamais, s'ils sçauoiēt que les dons fussent examinez en la chambre des cōptes. Or si la magnificēce est digne d'un grād & riche Monarque, aussi est elle mal-seante à vn Prince indigēt: car il faut eschorcher les sugets, & les rōger iusques aux os: & le fisque ne peut enfler nō plus que la rate, que tout le corps ne seiche, cōme disoit l'Empereur Adriā. Le roy François I. laissant la courōne belle & florissante en armes, en loix, & en tous arts, & sciences à son successeur, & dixsept cens mil escus en l'espargne, & le quartier de Mars prest à receuoir, ne fist onques la centiesme partie des dons en xxxii. ans qu'il regna, que depuis sa mort on a faits: car il n'auoit quasi pas fermé les yeux, que le tilletage, ou rachapt des offices fut donné à vne seule personne. Et combien que le Roy François eust à sa pension Almans, Anglois, Italiens, Suisses, Albanois, Espagnols, Grizons: neantmoins toutes les pensions, hors celles des ligues, n'estoient au plus que de cent trente mil liures par an: comme i'ay veu par l'extrait de la chambre des comptes, qui en fut fait l'annee qu'il mourut: & au mesme extrait il n'y a que quatre cens x x v i i. mil six cens quatre vingts douze liures de pension qu'il donnoit à ses sugets, Princes du sang, cheualiers de l'ordre, capitaines en bien grand nombre, lieutenans, cōseillers d'estat, gens de iustice, Ambassadeurs, escholiers, estudiās, & plusieurs excellēs artisans, & sçauans personages qui ont rendu & rēdront à iamais vn perpetuel tesmoignage de sa grādeur, & magnificēce: pour auoir sceu faire chois de ceux qui meritent qu'on leur donne. Nous auons discouru cōme il faut employer les fināces: reste le dernier point, de la reserue qu'on en doibt faire pour la necessitē: affin qu'on ne soit pas contraint de commencer la guerre par emprunts, & subside. A quoy les anciens Romains auoient sagemēt pourueu: car combiē qu'ils ne furēt onques sās guerre iusques au tēps d'Auguste, apres la defeatē de Marc Antoine: si est-ce qu'ils auoient tousiours le tresor de la vintiesme des esclauē afranchis auquel on ne toucha point, sinon quand Annibal les eut reduits à vn doigt pres de leur ruine: alors il se trouua la valeur de quatre cēs cinquāte mil escus au tresor de l'espargne. les roys des Turcs gardent tresbien ceste ordonnāce: car outre le tresor des receptes ordinaires, qui est au serail du Prince, il y en a vn autre au chasteau des sept tours à Constantinople, où les anciens deniers sont reseruez, auquel on ne touche point, si la necessitē des guerres n'est biē grande. En ce royaume on auoit accoustumē en necessitē d'auoir recours aux forests, alors qu'elles estoient si sagement menagees, qu'on tiroit plus de la coupe extraordinaire d'un arpent de bois, qu'on ne fait à present de cinquante: & les coupes extraordinaires sont si frequētes, que les forests ne seruiron plus par cy apres sinon à fagoter. Encores le pis est, que les coupes estans precipitees, le bois ne peut grossir, ny porter fruit, en sorte que les passerages cessēt, & faut achapter des lards des estrāgers, & faire venir du bois de Prusse, de Suede, & d'Angleterre, nō seulement pour bastir, ains aussi

aussi pour chauffer. cela apporte vne perte incroyable à tout le royaume. Quât aux deniers de l'espargne, d'autât que la garde des choses pretieuses est difficile, & malaisé aux Princes d'echaper les importuns; les anciés Roys de Perse auoiét accoustumé de reduire grâde partie des finâces en masses: & les Romains en forme de briques espesses: comme on dit aussi que du temps de Charle v. Roy de France on auoit fait faire le grand cerf du palais, à la forme duquel on en deuoit mouler vn tout d'or, des finances qu'il auoit amassees. Et pour s'asseurer dauantage contre les larrons, les anciens mettoient les tresors de l'espargne au temple: côme les Grecs aux temples de Appollon Delphique, & Deliaque: les Romains au temple de Saturne, & de Opis: les anciens Gaulois aux lacs dediez: les Hebreux aux sepulchres, comme nous lisons⁷ que le grâd Pontife, & Roy des Iuifs Hircanus, trouua de grands tresors au sepulchre de Dauid. Et mesmes les Roys de Maroc ayans fondu grande quantité d'or en forme de boule percee d'vne barre de fer, la poserent⁸ sur le haut du grand temple de Maroc. Mais les Egyptiés craignans donner occasion aux voisins & ennemis d'enuier leur estat, & leur faire guerre pour leurs finances, comme on fist au Roy⁹ Ezechias ayant môstré ses tresors aux Ambassadeurs du Roy d'Assyrie: les emploiet pour la pluspart à bastir. Aussi peut on faire vn argument tiré d'vn article de la loy¹ de Dieu, qui defend de faire grand amas d'or, & d'argent: soit pour trancher l'occasion de faire exactions sur le peuple: soit pour oster l'enuie de faire guerre sans propos ayât le moyē: soit pour inuiter les Princes aux œuures charitables. aussi ne serois-je pas d'aduis qu'on fist si grand amas d'or & d'argent, que fist vn Pape Iean xxi. aux coffres duquel on trouua xxi. millions d'or, ainsi que plusieurs ont escrit: ou comme Sardanapale qui laissa valant quarante millions d'escus couronne: ou comme Cyrus qui en laissa cinquante millions: ou comme les Atheniens qui espargnerent iusques à soixante millions, ou comme Tibere i. Empereur, qui amassa lxxvii. millions, que son successeur deuora en vn an: ou côme Darius Ochus dernier roy de Perse, aux tresors duquel Alexandre le grand trouua quatre vingts millions d'or: ou comme Dauid qui en laissa six vingts millions, ainsi qu'il se trouue en la sainte² escriture. qui est le plus grâd tresor qu'on trouue iamais auoir esté amassé. Car mesmes les Romains qui auoient vn si grand empire, n'auoient pas tant espargné que Dauid, comme on peut voir par³ l'extrait de leurs finances, & cheuances sous l'empire de Traian, lors qu'il estoit plus grand qu'il n'auoit onques esté au^o parauant: toute la somme qui estoit au tresor de l'espargne gardé en Ægypte n'estoit que lxxiiii. mil talents, qui reuiennent à xliiii. millions, & quatre cens mil escus couronne: si ce n'est qu'il y eust outre cela d'autres tresors en Rome: mais l'extrait n'en porte rien: iacoit qu'il est porté par l'estat qu'ils auoient deux cens mil hommes de pied, & 40. mil hommes de cheual, és garnisons & frontieres de l'Em-

Espargne des plus grâds tresors qui furent onques.

7. Ioseph. in antiq.

8. Leon d'Afrique.

9. Esaye 39.

1. Deuteroni. 17.

2. Paralippom. li. i. Le plus grand tresor qui fut iamais.

3. Appian. in lybic.

o. Sextus Rufin. L'estat des finâces.

Cheuances, & armes des Romains.

L'estat des finā-
ces de France
sous Charle v.
v l. v l l. Louys
x l. Charle viii.

Diminution de
la moitié des
charges à la ve-
nue de Charle
v l l l.

pire payez par l'ordonnance des Empereurs. trois cens elephans aguer-
ris: deux mil chars de guerre, & munition pour en armer trois cens mil:
quinze cens galeres, de trois, & de cinq rames, outre deux mil vaisseaux
de mer: & pour en armer, & freter deux fois autant: & quatre vingts
grands nauires magnifiquement parez. Toutesfois les Roys de France
n'ont point contreueni à la loy de Dieu pour le regard de l'article qui
defend d'amasser trop grands trefors: & ne faut auoir crainte qu'ils y cō-
treuiennent par cy apres. Car ceux qui disent que le Roy Charle v. laissa
au tresor de l'espargne dixhuit millions d'escus, s'abusent bien fort, veu
qu'il r'aquita les debtes de ses predecesseurs, paya la rançon de son pere,
rachapta le domaine engagé, conquesta la Guyene sur les Anglois, ac-
quist le Comté d'Auxerre, & grande partie du Comté d'Eureux: resta-
blit Henri Roy de Castille en son royaume, dont il estoit chassé: main-
tint & secourut les Roys d'Escoffe contre les Anglois: & ne regna que
dixsept ans: & neantmoins il ne leuoit pas alors par chacun an trois cens
mil liures pour toutes charges, y compris le reueni du domaine: jaçoit
que de son temps les aydes, & les foüages à quatre liures pour feu, furent
mis sus les fugets. & son successeur xl. ans apres ne leuoit que quatre cēs
cinquante mil liures: & Charle vii. l'annee qu'il mourut ne leuoit pour
toutes charges, & domaine, que dixsept cens mil liures: comme on peut
voir en la chambre des comptes: encores auoit-il mis sus les tailles en
forme d'impōst ordinaire, qui n'estoit que dixhuit mil liures alors: &
vingt ans apres l'annee que Louys xi. mourut, le chapitre general de re-
cepte estoit de quatre millions sept cens mil liures, pour toutes charges
qui furent retranchees à douze cent mil liures, à la requeste des estats
tenus à Tours à la venuë de Charle vi l l. outre le domaine qui montoit
vn million tous les ans par estimation: en sorte que l'estat des finances
reuenoit pour le plus quand Charle viii. mourut, à deux millions cinq
cens mil liures. La mesme requeste fut faite par les estats tenus à Orleans
le Roy Charle ix. venant à la couronne: mais la necessité se trouua si grā-
de, qu'il estoit plustost besoin d'augmenter que diminuer. Vray est qu'il
y auoit grande esperance d'aquiter le Roy, & oster les subsides, & char-
ges extraordinaires, si la calamité des guerres ne fust suruenue, veu le
bon reglement qu'on y donna la premiere annee: car les interests furent
moderez à cinq pour cent: les gages des officiers pour ceste annee là di-
minuez, & retranchez par la moitié: & neantmoins le droit de rachapt
des offices remis à tous officiers. Et quant aux articles de la despence,
le tout fut si bien réglé, que par l'estat des finances il se trouua d'esparg-
ne ceste annee là, deux millions trois cens cinq mil sept cens soixante
dixsept liures: & en peu d'annee tout se fust acquité, sans diminuer les
officiers domestiques de la maison du Roy, qui estoient six cens, ou-
tre les officiers de la vennerie, & fauconnerie. car on peut bien espargner
sans diminuer la maiesté d'un Roy, ny la dignité de sa maison, ny rual-
ler

ler sa grandeur: qui fait quelquesfois que les estrangers le mesprisent, & les sugets se rebellent: comme il en print au Roy Louÿs xi. lequel ayant chassé presque les gētils-hommes de sa maison, se seruoit de son tailleur pour tous herauts d'armes, & de son barbier pour Ambassadeur, & de son medecin pour Chancelier (comme vn Antioque Roy de Syrie de son medecin Apollophanes qu'il fist chef⁴ de son conseil) & par moquerie des autres Roys il portoit vn chapeau gras & du plus meschant drap, & mesmes on trouue à la chambre des comptes vn article de sa dépence portât xx. sols pour deux mèches neufues à son vieil pourpoint: & vn autre article de xv. deniers pour vne boëste de gresse, pour gresser ses bottes: & neantmoins il haussa les charges plus que son predecesseur de trois millions par chacun an, & aliena grāde partie du domaine. Quant aux officiers de la couronne, il fut sagement aduisé aux estats d'Orleans, de les reduire à l'ancien nombre, tel qu'il estoit au temps du Roy Louÿs xii. par supression sans rien desbourser. Mais il se trouua des mesnagers qui firent depuis entendre, que la supression apportoit diminution des parties casuelles: & firent si bien au lieu de diminuer, que le nombre fut augmenté de beaucoup. & mesmes il se trouua vn president des cōptes, faisant les remōstrances de la chambre à saint Maur⁵ des fosses, qui dist au Roy haut & clair, que la supression des officiers estoit pernicieuse au public, & dommageable à ses fināces: veu que pour trois augmētations d'offices de la chambre des cōptes seulement, on auoit payé six cens mil liures & plus: mais il ne dist pas que c'estoit de l'eau fraische, qui redouble l'accez de celuy qui a la sieure: car on sçait bien que le Roy, ou le peuple, paye les gages à la pluspart des officiers à la raison des dix ou xx. pour cent: qui fut la principale cause de la supression des officiers alternatifs portee par l'edict du Roy François ii. On ne remonstra pas aussi les prerogatiues des officiers de la chambre des comptes: à sçauoir les gages ordinaires qu'ils ont: le droit de busche, le droit de robe de Pasque, le droit de Toussaints, le droit de rose, le droit de harends, le droit de Roys, le droit d'escuyerie, le droit de verre, le droit de sel blanc: outre le papier, le parchemin, les plumes, les gētons, les bourses, la bougie, la cire rouge, & iusques aux trāche-plumes, poinçons, ra cloirs, & lacets. on ne remonstra pas que les autres profits des offices montoient beaucoup plus que les gages. on ne dist pas aussi qu'au lieu de sept, il n'y auoit qu'une chambre des comptes: & au lieu de deux cens officiers, ou enuiron, qui sont en la chambre des comptes de Paris, qu'il n'y auoit seulement qu'un tresorier de Frāce President de la chambre, quatre maistres des comptes clerks, par l'erection qui en fut faite à Viuiers en Brie l'an M. CCC. xix. depuis on y adiousta quatre laïs: qui fussoient pour tous les comptables, estāt le Royaume de Nauarre, & tout le bas pays entre les mains des Roys de France. Et neantmoins de nostre aage on a veu que ceux qui auoient pillé les deniers du Roy,

4. Polyb. lib. 3.

5. l'an 1566. le 10. May.

Droits des officiers de la chambre des cōptes.

Erection de la chambre des comptes.

Offres des e-
stats du pays de
Languedoc au
Roy Henry 11.

& les fugets sont eschapez, qui sont demeurez redeuables de grandes sommes: & infinis autres qui n'ont iamais cōpté. Et qui plus est il se trouua n'a pas long temps vn comptable qui demeura saisi d'une notable & grande somme de deniers, desquels il demeura en reste par son compte & par collusion avec vn seigneur qui auoit part au tiers, on obtint don du reste: & pour sa descharge presenta le breuet de don du Roy fait au seigneur. de sorte que pour auoir la raison des comptables, il faut souuent deputer des commissaires à double frais: & la faute n'en peut estre impute qu'à ceux-là qui sont erigez en tiltre d'officiers à ceste fin. Et quant ores tous les tresoriers, receueurs, commis, contrerolleurs, & autres comptables, rendroient bon & loyal compte, & qu'ils payeroient les restes: si est-ce toutesfois qu'il y en a si grād nombre en ce Royaume, que la tierce partiē des deniers des receptes s'en vōt en leurs gages, frais, vacations, cheuauchees, voyages, & conduites des finances: comme il a esté bien verifié aux estats du pays de Languedoc l'an M. D. LVI. où i'estois pour lors, qui pour ceste cause deputerent Martin Durand Syndic du pays, affin de presenter requeste au Roy, pour estre deschargez de tous les officiers des finances: faisant offre de rendre aux coffres de l'espargne les deniers leuez sur le peuple, sans qu'il coustast rien au Roy pour les gages, ny pour le port des deniers: remonstrant aussi par le menu, que la tierce partie des receptes s'en va aux officiers, & promettant rendre au Roy l'escu entier, au lieu qu'il n'en reçoit pas quarante sols qui estoit deux cens mil liures qu'il gaignoit sur les deux generalitez de Languedoc des charges ordinaires seulement par chacun an: car lors les charges de Languedoc reuenoient à six cens mil liures. Il faut bien dire que le peuple soit biē foulé des larcins des officiers, puis-qu'il fist ses offres: qu'on ne debuait pas trouuer nouuelles, attendu qu'il n'y auoit anciennement autres receueurs que les Vicomtes, Baillifs, & Seneschaux. Ceste requeste du Syndic de Languedoc pleut fort au Roy Henry: & toutesfois elle fut regettee, pour les difficultez friuoles que firent entendre ceux qui y auoient interests, qu'il n'est pas icy besoin de toucher: tāt y a que la resolution fut que les receueurs, & tresoriers estoient necessaires. Puis donc que les comptables, & maistres des comptes est vn mal necessaire, comme disoit Alexandre Seuerē Empereur, il faut en auoir le moins qu'on pourra: car l'argēt du Roy diminuera tousiours, plus il passera par les mains de tant d'officiers. C'estoiēt les plaintes & doleances, que firent les estats de France au Roy Charles vi. l'an M. CCC. XII. de ce qu'il y auoit cinq tresoriers, & que anciennement il n'y en auoit que deux: & qu'il n'y auoit aussi que trois generaux de la iustice: l'an M. CCC. LXXII. & maintenant il y en a pres de trois cens en ce Royaume. & n'y auoit qu'un receueur general l'an M. CCC. LX. qui residoit à Paris: & maintenant il y en a XXXIII. Que diroient ils à present d'en voir vne si grande multitude? Les Romains n'auoient anciennement qu'un simple receueur


Moyen de faire
les receueurs
loyaux.

receueur en chacune prouince. tous les peages, estoient baillez à ferme: & les fermiers apportoit les deniers au receueur. aussi ne se trouuoit il pas tant de parties supersedees, & indecises comme on voit à present. car le premier office qu'ils donnoient aux gentils-hommes de maison, & qui aspiroient aux grands honneurs, c'estoit l'estat de receueur sans contreroleur. pour faire essay de sa loyauté: & s'il y faisoit faute, il estoit rebuté pour toute sa vie, & declairé inhabile à iamais tenir charge honorable, outre l'infamie, & la perte de ses biens. qui fut vn tressage moyé d'asseurer les finances. mais c'est chose bié estrange en ce Royaume, que tant de personnes baillent de l'argent à leur maistre pour fouiller en sa bourse. Le Roy des Turcs fait bien tout le contraire, car il ne véd iamais office: & pour vn si grand empire, il y a fort peu de tresoriers: car les assayeurs, & collecteurs qui sont les protogeres, baillent les deniers aux Soubachis, qui sont quasi comme les Vicomtes en Normandie, & qui auoient anciennement ceste charge: puis les Soubachis les baillent aux Sangiacs: qui sont cōme les gouuerneurs de pays, qui les font tenir aux Bellerbeiz: & ceux-cy les font conduire en seureté aux Defterderlers, qui sont deux generaux des finances, l'vn en Asie, l'autre en Europe: & ceux-cy les deliurent au grand contreroleur, qui les baille au Casmandar Baschi grand maistre du tresor, qui a dix commis sous luy. & pour les payemens extraordinaires il n'y a qu'un tresorier, & pour tous officiers des comptes il n'y a que xxv. cōtreroles, qui examinent les comptes. Quant aux tresoriers de France, il est plus que necessaire que tels offices soient donnez aux gentils-hommes d'honneur, & de maison noble & illustre, comme il se faisoit anciennemēt, & se fait encores en Angleterre, pour la raison que i'ay dit: ioint aussi que par l'edit du Roy Henry II. fait en Septēbre l'an M. D. LIIII. il est porté que les tresoriers generaux precederont les maistres d'hostel du Roy, les conseillers des parlemens, des comptes, des aydes, s'ils ne sont en corps: & par l'edit de suppression des officiers, & chambres des comptes, hormis celle de Paris, il est porté que les vassaux qui releuent du Roy sans moyen, rendront la foy, & hommage aux tresoriers de France: qui seroit irriter vn nombre infini de Ducs, Comtes, Barons, & autres grands seigneurs, qui ne voudroient pour chose du monde s'agenoiller deuant vn petit marchand d'offices, ou fils d'un artisan.

L'ordre des receptes de Turquie.

LE MOYEN D'EMPESCHER QUE LES monnoyes soyent alterees de prix, ou falsifiees.

CHAP. III.



L me semble que ce point icy merite d'estre bien entendu, par celuy qui veut establir sagement vne Republique, ou reformer les abus d'icelle: d'autant qu'il n'y a riē qui plus trauaille le pauure peuple que de falsifier les monnoyes, ou varier le cours d'icelles: combien que les riches, & les pauures chacū en particulier, & tous en general en reçoient perte, & dōmage incroyable, & qui ne se peut remarquer par le menu, tant il y a d'inconueniens qui en viennent à reüssir. Car si la monnoye, qui doit regler le prix de toutes choses, est muable, & incertaine: il n'y a personne qui puisse faire estat au vray de ce qu'il a: les contractz seront incertains: les charges, taxes, gages, pensions, & vacations incertaines: les peines pecuniaires, & amēdes limitees par les coutumes, & ordonnances, seront aussi muables, & incertaines: brief tout l'estat des finances, & de plusieurs affaires publiques, & particulieres seront en suspens. chose qui est encores plus à craindre si les monnoyes sont falsifiees par les Princes, qui sont garēds, & debtors de iustice à leurs sugets: Car le Prince ne peut alterer le pied des monnoyes, au preiudice des sugets: & moins encores des estrāgers, qui traitent avec luy, & trafiquēt avec les siens, attendu qu'il est suget au droit des gēs: sans encourir l'infamie de faux monnoyeur: cōme le Roy Philippe le Bel fut appellé du poēte *Dante, falsificatore di moneta*, pour auoir le premier affoibli la monnoye d'argent en le Royaume de la moitié de loy: qui dōna occasion de grāds troubles à ses sugets, & de trespernicieux exemple aux Princes estrangers: dont il se repēit biētard, enioignant à son fils Loüys Hutin par son testament, qu'il le gardast bien d'affoiblir les monnoyes. Et pour ceste mesme cause, Pierre III. Roy d'Arragon confisqua l'estat du Roy de Malorque, & Minorque, qu'il pretendoit estre son vassal, pour auoir affoibli les monnoyes. Combien que les Roys mesmes d'Arragon en Abuseient aussi, de sorte que le Pape Innocent III. leur fist defense 'comme à ses vassaux, d'en vser plus ainsi: suiuant lesquelles defenses, les Roys d'Arragon venans à la couronne, protestoient de ne changer le cours, ny le pied des monnoyes approuuees. Mais il ne suffit pas de faire telles protestations, si la loy, & le poids des monnoyes n'est réglé cōme il faut: affin que les Princes, ny les sugets ne les puissent falsifier quand ils viendroūt, ce qu'ils serōt tousiours ayant l'occasiō, quoy qu'on les deüst roustir & bouillir. Or le fondement de tous les faux monnoyeurs, laueurs, roigneurs, billonneurs, & des echartetez, & foiblages des monnoyes ne vient que de la meslange qu'on fait des metaux: car on ne scauroit supposer vn metal pur & simple pour vn autre, obstant la couleur, le poids, le corps, le son, & la nature de chacun differente des autres. cōme ie remonstray, quand ie fus deputé par les estats, villes, & preuostez, du pays de Vermandois, pour aller aux estats de France. Il faut donc pour obuier aux inconueniens que j'ay deduits, ordonner en toute Republique,

1. cap. quanto. de iureiurando.
2. Petr Bellug. in specul princ. anno 1245. & 1336.

publique, que les monnoyes soient de metaux simples, & publier l'edit de Tacite Empereur de Rome, portant defences sus peine de confiscation de corps, & de biens, de mesler l'or avec l'argent, ny l'argent avec le cuiure, ny le cuiure avec l'estain, ou plomb. Vray est qu'on peut excepter de l'ordonnance la mistion du cuiure avec l'estain, qui fait le bronze & metal sonnant, qui lors n'estoit pas en tel vsage qu'il est: & la mistion de l'estain doux avec le cuiure, pour la fonte des artileries. Car il n'est pas necessaire, de mesler la vingtiesme partie de plomb avec l'estain fin, pour le rendre plus malleable puis qu'on le peut getter, & mettre en œuvre sans telle mistion, qui gaste la bonté de l'estain, & qui ne se peut iamais deslier du plomb. Et au surplus, que la defense tienne, tant pour le regard des monnoyes, que pour les ouvrages des orfeures, & tireurs d'or: où les faussetez sont encores plus ordinaires, que és monnoyes: d'autant que la preuue n'en est pas si facile, & que bien souuent l'artifice est presque aussi cher que la matiere: en quoy Archimede s'abusa voulant descouurir combien l'orfeure auoit desrobé sus la grand couronne d'or, du Roy Hieron: qui ne vouloit pas perdre la façon: (lors ils ne sçauoient pas l'vsage de la pierre de touche). Il print deux masses l'une d'or, & l'autre d'argent, pour sçauoir combien l'un & l'autre getteroit d'eau hors vn vaisseau, plus ou moins que la couronne: & par la proportion de l'eau, il iugea le volume des deux metaux, & que l'orfeure auoit desrobé la cinquiesme partie, mais son iugement estoit incertain: car il supposoit que l'aliage n'estoit que d'argent, iacoit que les orfeures pour donner à l'ouvrage d'or plus de beauté, & de fermeté, & à moindre frais, font l'aliage de cuiure pur, quand ils peuuent: qui est beaucoup plus leger que l'argent, qui rend l'or blafe, & pale de couleur: & le cuiure retient la couleur plus viue. & par consequent, le cuiure a plus de corps, & de volume que l'argent en poids egal, autant qu'il y a de treize à onze, & si l'aliage est de cuiure & d'argent, il estoit impossible d'en faire le vray iugement si on ne sçauoit combien il y a de l'un, & de l'autre, & encores qu'il soit cogneu, si est-ce q̃ l'erreur insensible, qui se fait à mesurer les gouttes d'eau, est grand pour la difference du volume des metaux. & n'y a si subtil affineur, ny orfeure au monde qui puisse iuger à la pierre de touche combien il y a d'argent, & de cuiure en l'or, si l'aliage est de l'un & de l'autre. Et d'autant que les orfeures, & ioyauliers ont tousiours fait plainte, qu'ils ne pouuoient besoigner sans perte en or à vingt deux carats, sans remede, ou d'or fin à vn quart de remede suiuant l'ordonnance du Roy François l'an M. D. XL. & que nonobstant toutes les ordonnances ils font ouvrages à vingt, & bien souuent à xix. carats, de sorte qu'en vingt quatre marcs il y a cinq marcs de cuiure ou d'argent, lequel par trait de temps est forgé en monnoye foible, par les faussaires qui veulent y profiter, il est plus que necessaire de faire defense qu'il ne se face aucun ouvrage d'or, qui ne soit suiuant l'ordonnance, sus la mesme peine de confiscation de

3. Vospicus in Tacito.

corps & de biens. afin aussi que par ce moyen l'usage de l'or en meubles & doreures, soit pur. Et d'autant qu'il est impossible, comme disent les affineurs, d'affiner l'or au vingt & quatriesme carat, qu'il n'y ayt quelque peu d'autre metal, ny l'argent au douzieme denier, qu'il n'y reste quelque alliage, & mesmes que l'affinement precis suiuant l'ordonnance, de vingt trois, & trois quarts de carat à vn huictiesme de remede, & de l'argent à onze deniers deux grains & trois quarts, tel qu'il est és Reaux d'Espagne: ou bien onze deniers dixhuict grains comme il est au poinçon de Paris, qu'il n'y ayt du dechet, qu'il ne couste beaucoup, outre la difficulté, & longueur du temps, on peut faire que l'or en ouurage, & en monnoye soit à vingt trois carats & l'argent à onze deniers douze grains de fin, l'un & l'autre sans remede: & en ce faisant la proportion sera esgale de l'or à l'argent: car en l'un, & en l'autre l'empirance est esgale, c'est à dire qu'en vingt quatre liures d'argent, à onze deniers douze grains, & en vingt quatre liures d'or à vingt trois carats il y a vne liure d'autre metal qui n'est point or, & vne liure de metal en l'argent, qui n'est point argent, soit cuiure, ou autre metal. & tel argent s'appelle en ce Royaume argent le Roy: auquel la vingt & quatriesme partie est de cuiure. Et par mesme moyen la monnoye d'or & d'argent sera plus forte, & plus durable. En quoy faisant on gaigne aussi beaucoup à l'ouurage, au feu, au ciment, & on euit le dechet, l'vsance, & la fragilité. Et afin que la iuste proportion de l'or à l'argët, qui est en tout l'Europe, & aux regions voisines à douze pour vn à peu pres, soit aussi gardee aux poids des monnoyes, il est besoin de forger les monnoyes d'or & d'argent à mesme poids, de seize & trente deux, & soixâte & quatre pieces au marc: sans qu'on puisse forger la monnoye plus forte de poids, ny plus foible aussi: pour eiter d'une part la difficulté de la forge, & la fragilité de la monnoye d'or & d'argent fin, qui seroit plus leger d'un denier de poids: & d'autre part, la facilité de falsifier l'une & l'autre monnoye, pour l'espeuseur d'icelle, comme il se fait és portugueses d'or & d'allers d'argent qui ont vne once de poids, & plus. comme estoit aussi la monnoye d'or pesant trois marcs & demi, que fist forger l'Empereur Helio-gabale, & celle qui fut forgee au coing de Constantinople d'un marc d'or de poids, dont l'Empereur Tibere fist present à nostre Roy Childeric de cinquante. En quoy faisant, ny les changeurs, ny les marchans, ny les orfeures ne pourront aucunement decevoir le menu peuple, ny ceux qui ne cognoissent ny la loy, ny le poids: car tousiours on sera contrainct de bailler douze pieces d'argent: pour vne d'or, & chacune des pieces d'argent, poïsera autant que la piece d'or de mesme marque: comme on voit és simples reaux d'Espagne qui poizent autant que les escus sol, qui sont au poids de l'ordonnance de l'an mil cinq cens quarante, à sçauoir deux deniers seize grains: & que les douze reaux simples valent iustement vn escu. & afin qu'on ne se puisse abuser

abuſerau changement deſdictes pieces, tant d'or que d'argent, ny prendre les ſimples pour doubles, comme il ſe fait ſouuent és reaux d'Eſpaigne, il eſt beſoin que les marques ſoyent bien differentes, & non pas cōme celles d'Eſpaigne qui ſont ſemblables. Et toutesfois quant à l'argent afin qu'on tiēne les tiltres certains de ſols, petis deniers & liures, cōme il eſt porté par l'edit du Roy Henry II. fait l'an M.D.LI. & à cauſe du payement des cens, amendes, & droits ſeigneuriaux portez és couſtumes, & ordonnances, le ſol ſera de trois deniers de poids argent le Roy, comme dit eſt, & de Lxiiii. au marc, & les 4. vaudront la liure qui court, qui eſt le plus iuſte prix qu'on peut donner. & chacune piece ſe pourra diuiſer en trois: de ſorte que chacune poizera vn denier, & ſera de quatre petis deniers de cours: & s'appellera denier commun: afin que le ſol vaille touſiours douze deniers: & que les plaintes que font les ſeigneurs, pour le payement de leurs droits ſeigneuriaux, qui eſtoient anciennement payez en forte monnoye blanche, ceſſent, eſtant remis ſus la forge des ſols tels qu'ils eſtoient au temps de ſaint Loüys, c'eſt à dire de Lxiiii. au marc argent le Roy. Et quant aux autres rentes ſoncières, & hypothecaires conſtituees en argent, qu'elles ſoient payees, eu eſgard à la valeur que tenoit le ſol au temps qu'elles furent conſtituees, laquelle valeur n'a eſté que de quatre deniers de loy pour le plus depuis cent ans: qui n'eſt que la tierce partie du ſold ancien, tel qu'il eſt neceſſaire de remettre en vſage. Telle eſtoit la dragme d'argent vſitee en toute la Grece, à ſçauoir l'huiſtième partie de l'once, que nous appellōs gros, & de meſme poids que les ſols que fiſt forger ſaint Loüys, qui s'appelloient gros tournois: & ſol tournois: ſur leſquels ſols tournois ſont reiglez tous les anciens cōtrats, & adueuz, & pluſieurs traitez non ſeulement de ce Royaume, ains auſſi des eſtrangers comme au traité fait entre les Bernois & les trois petits Cantons, il eſt dit que les gages des ſoldats ſera vn ſol tournois. qui eſtoit pareille en ce Royaume, & s'appelle ſolde pour ceſte cauſe. qui eſtoit la meſme ſolde des Romains comme dit Tacite, & des Grecs, comme nous liſons en Pollux: car la dragme eſt de meſme poids que le ſol tournois. Les Venitiens ont ſuiui les anciens, & font l'once de huit gros ou dragmes, & la dragme de xxxiii. deniers, & le denier de deux oboles, ou xxxiii. grains, cōme nous faiſons en Frâce, & ſe fait en Eſpaigne, & en Afrique, de laquelle reigle il ne ſe faut departir, cōme eſtant tref-ancienne en toute la Grece, & regions Orientales. Vray eſt que les anciens Romains ayās l'once egale aux Grecs, c'eſt à ſçauoir de cinq cens ſeptante & ſix grains, la diuiſoient en ſept deniers de leur monnoye, & leur denier valoit vne dragme Attique, & trois ſeptièmes d'auantage. En quoy Bude s'eſt abuſé, diſant qu'il y auoit huit deniers en l'once, & que le denier Romain eſtoit egal à la dragme Attique, & la liure Romaine, egale à la mine Attique: combien qu'il eſt certain que la liure Romaine n'auoit que xii. onces, & la Mine Grecque ſeize onces, comme la liure des

marchans en ce Royaume: ce que Georges Agricola a tresbien monstre par le calcul de Pline, Appian, Suetone, & Celse. Si donc on veut forger les pieces d'or & d'argent de mesme poids, & de mesme nom, & de mesme loy: c'est à dire qu'il n'y ayt non plus d'alliage en l'or qu'en l'argent: elles ne peuuent iamais hausser ny baisser de prix: comme il se fait plus souuent que tous les mois, à l'appetit de ceux qui ont puissance aupres des Princes, lesquels amassent & empruntent les monnoyes fortes, & puis les font hausser: de sorte qu'il s'en est trouué vn lequel ayant emprunté iusques à cent mil escus, fist hausser le prix de cinq sols tout à coup sus l'escu & gaigna vingt cinq mil francs. Vn autre fist raualler le cours des monnoyes au mois de Mars, & le haussa au mois d'Auril, apres auoir receu le quartier. On tranchera aussi toutes les falsifications des monnoyes, & les plus grossiers, & ignorans cognoistront la bonté de l'une, & de l'autre monnoye à l'œil, au son, au poids, sans feu, sans burin, sans touche. Car puisque tous les peuples depuis deux mil ans, & plus, ont presque tousiours gardé, & gardent encores la raison esgale de l'or à l'argent, il sera impossible, & au peuple, & au Prince de hausser, ny baisser, ny alterer le prix des monnoyes d'or & d'argent estant le billon banni de la République: & l'or au vingt & troisieme carat. Et neantmoins pour soulager le menu peuple, il est aussi besoin, ou de forger la troisieme espeece de monnoye de cuiure pur, sans calamine, ny autre mistion de metal ainsi qu'on a commencé, & comme il se fait en Espagne, & en Italie, ou bien diuiser le marc d'argent en quinze cens trente six pieces chacune piece de neuf grains. Car la Roynie d'Angleterre ayant du tout decré le billon, & réduit toutes les monnoyes à deux especes seulement, la moindre monnoye d'argent, qui est le pené, vaut huit deniers ou enuiron, qui fait qu'on ne peut achapter à moindre prix, les menuës d'arees, & qui pis est, on ne peut faire charité à vn pauvre moindre que d'un pené, qui empesche plusieurs de rien donner: comme j'ay remonstre au paradoxe de Malestroit, que l'Archeuesque de Canturbie Chancelier d'Angleterre fist traduire en Anglois l'an M. D. LXX. esperant y donner ordre. Mais il seroit beaucoup plus expediēt de n'auoir autre monnoye que d'or, & d'argent, s'il estoit possible de forger monnoye plus petite que le pené, & qu'on voulust diuiser le marc d'argent aussi menu comme en Lorraine, qui en font huit mil pieces, qu'on appelle Angenines, dont les deux cens ne valent qu'un Real, & les quarante vn sol de nostre billon: & sont d'argent assez fin. & en faisant la moitié moins, elles seront plus solides, & de la loy que j'ay dit, & se pourront tailler & marquer d'un poinçon tranchant en vn mesme instant, Car le prix du cuiure, estant variable en tout pays, & en tout temps, n'est pas bien propre à faire monnoye, qu'on doit tenir tant qu'on peut invariable & immuable de prix. ioint aussi qu'il n'y a metal plus suget à la rouilleure qui ronge la marque & la matiere. Et quant au prix, nous lisons que du

. temps

temps de la guerre Punique la liure d'argent, valoit huit cens quarante liures de cuiure pur, à douze onces la liure. & lors le denier d'argent pur, qui estoit la septiesme partie de l'once, fut haussé de dix liures de cuiure qu'il valoit, à seize liures, comme dit Pline, ¹ qui estoit à la raison d'huiet cens quatre vingt seize liures de cuiure pour vne liure d'argent, la liure estant de x i i. onces. depuis la moindre monnoye, qui estoit vne liure de cuiure, fut appetissée de moitié par la loy Papiria, ² demeurât en mesme valeur, & lors que l'argent vint en plus grande abondance, elle fut reduite au quart demeurant en mesme valeur, qui estoit à la raison de deux cens x x i i i. liures de cuiure la liure d'argent: qui est à peu pres l'estimation du cuiure en ce Royaume, où les cent liures à seize onces la liure, ne valent que dix-huit frâcs: & en Almaine il est encores à meilleur prix ores que les meubles & les Eglises mesmes en soyent couvertes en plusieurs lieux. mais il est plus cher en Italie & encores plus en Espagne, & en Afrique, où il y en a beaucoup moins. Qui est bié loin de l'estimation de cuiure, que fist l'Empereur Arcadius, qui aualia la liure d'or à cent liures de cuiure, ce qui ne peut estre fait que par maniere de provision, attendu que l'abondance de ce metal, eu esgard à l'argent, diminuera. on me dira que l'abondance d'argent peut aussi apporter la diminutiō de son prix: comme de fait nous lisons en Tite Liue que par le traité fait entre les Ætoliens & les Romains, il fut dit, que les Ætoliens payeroient pour dix liures d'argent, vne liure d'or: & neantmoins par l'ordonnance ³ d'Arcadius la liure d'or est estimee quatorze liures d'argent, & deux

cinquiesmes d'avantage: car il veut qu'on paye cinq sols d'or pour vne liure d'argent: & fait soixante & douze sols d'or en la liure: ⁴ de sorte que cinq sols est iustement la quatorziesme partie de la liure, & deux cinquiesmes d'avantage. & à present le prix est de douze pour vn, & quelque peu moins. Vray est que par cy deuant le marc d'or fin estoit estimé cent octante & cinq liures: & le marc d'argent x v. liures x v. sols tournois. de sorte qu'il falloit pour vn marc d'or fin hors œuure, onze marcs cinq onces, x x i i i. deniers cinq grains argent le Roy hors œuure. vers les pays de Septentrion, où il y a plusieurs minieres d'argent, & fort peu d'or, l'or est plus cher: & par l'estimation faicte en la chambre du Pape, le marc d'or est prisé douze marcs d'argent & quatre cinquiesmes. qui estoit à peu pres le prix de l'or à l'argent il y a deux mil cinq cens ans: car nous lisons en Herodote que la liure d'or valoit treize liures d'argent: & les Hebrieux en leurs pandectes, ⁵ mettent le denier d'or pour vingt & cinq d'argent: les monnoyes d'or estans doubles à celles d'argent, qui seroit douze & demi pour vn. Aussi lisons nous qu'au temps des Perses, & lors que les Republiques de la Grece fleurissoient l'once d'or valoit vne liure d'argent: car le stater Darique du poids d'une once valoit vne liure d'argent, comme dit Iulius Pollux. En quoy on peut iuger que le prix de ces deux metaux est à son ancien pied.

1. lib. 33. c. 3.

2. Festus lib. 17. in verbo Sestertius.

3. l. ult. de auri prætio. C.

4. l. quotiescunque de susceptorib. C.

5. In Misuahoth. tract. de angul. cap.

8. Drag. 7 & 7

6. Suetō.in Vespā.
7. Suetō.in Vespā.

Mais l'estimation de l'or fut augmentee sous les derniers Empereurs, pour le degast d'or qui se faisoit à dorer toutes choses, comme fist Nerō son grand Palais tout doré,⁶ qui auoit les galeries de mille pas: & apres luy Vespasian qui employa à dorer le Campidol la valeur de sept milliōs⁷ deux cens mil escus couronne: & mesmes Agrippa dora toute la couuerture du temple Pantheon, pour garder le cuiure de rouiller: comme on fait aussi du fer qu'on dore pour le guarentir de la rouilleure: & mesme l'argent souuent est doré, iacoit qu'il ne souffre iamais rouilleure. & si les Princes ne font defenses de dorer, il faudra par necessité que le prix de l'or croisse, attendu que l'argent n'ayant point de tenuë, n'est point ou peu employé pour argenter. ioint aussi que les minieres de Septentrion rapportent beaucoup d'argent, & point d'or: & celles des terres neufues, rapportent beaucoup plus d'argent que d'or. Neantmoins le changemēt du prix qui se fait par long trait de temps est insensible, qui ne peut empescher que la loy des monnoyes forgees de ces deux metaux ne soit esgale en toutes Republiques, chassant du tout le billon. ioint aussi que la trafique communiquee à toute la terre plus que iamais, ne peut souffrir varieté notable du prix d'or, & d'argent, que du commun consentemēt de tous les peuples. car mesmes du temps d'Auguste la proportion d'or, & d'argent estoit esgale, aux Indes Orientales, & semblable à celle d'Occident: ce que ayant cogneu vn Roy des Indes, loüa la iustice des Romains, comme dit Pline. Mais il est impossible d'arrester le prix des choses retenant le billon, qui est par tout differēt, & inegal. car tout ainsi que le prix de toutes choses diminue, diminuant la valeur des monnoyes cōme dit la loy, aussi croist-il en augmentāt le prix des monnoyes. Et faut qu'il croisse & diminue, puis qu'il n'y a Prince qui tienne loy de billon esgale aux autres Republiques ny en la sienne mesme. d'autant que la loy du sold, est differente à celle des testons, & des petits deniers, doubles, liards, pieces de six, & de trois blancs: qui ne demeurent gueres en mesme estat. La premiere ouuerture qu'ō fist en ce Royaume d'affoiblir l'argent monnoyé, & y meller la vingt & quatriesme partie de cuiure, fut pour donner occasion aux marchans d'apporter l'argēt en ce Royaume, qui n'en a point: qui estoit donner la vingt-quatriesme partie d'argent à l'estranger: car autant valoyent en France vnze deniers & demi d'argent, que douze deniers au pays d'autruy. mais il n'estoit point de besoin: veu les richesses de la France qu'on viendra tousiours chercher apportāt l'or & l'argent de tous costez. Ce mal print accroissement au temps de Philippe le Bel qui affoiblit la monnoye blanche de moitié, l'an M. CCC. y meilant autant de cuiure que d'argent, quelque temps apres on la diminua iusques au tiers, de sorte que les nouveaux sols ne valoient que le tiers des anciēs. & l'an M. CCC. XXI. la loy des sols estoit si foible, que le marc d'argent valoit quatre vingts liures tournois, & auoit seize cens pieces pour marc d'œuure. Vray est que l'annee mesme Charles V. reprenant

prenant la couronne qu'on luy auoit ostee, pour entretenir son credit, fist forger au mois de Nouembre nouuelle monnoye forte & bõne, tellement que le marc d'argent fut mis à huit liures. mais en fin il fist forger les sols à cinq deniers de loy l'an M. CCCC. LIII. & depuis peu à peu ils ont tousiours diminuë: tellement que le Roy François I. en fist forger l'an M. D. XL. à trois deniers seize grains de loy: le Roy Henry à trois deniers douze grains: de sorte que l'ancië sol d'argent le Roy, en valoit pres de quatre, demeurant tousiours l'estimation pareille. Les autres Princes n'ont pas mieux fait. car le creutzer d'Almaigne qui estoit anciennemët d'argent à onze deniers quatre grains, est maintenant à quatre deniers seize grains. les sols de Vvirtburg, & le Reichs groschë à six deniers, c'est à dire moitié argent moitié cuiure. Le Schellind, le Rapin, les deniers de Strasbourg à quatre deniers douze grains. le Rapefemin à quatre deniers trois grains, & les florins d'argent à onze deniers quatre grains, cõme aussi sont les pieces de cinq, & de dix creutzers. Les sols de Flãdre ou patars dont les xx. valent vingt & quatre des nostres, ne sont qu'à trois deniers dixhuit grains de loy, & plus de deux tiers est de cuiure. la piece de quatre patars est à sept deniers dix grains de loy. les brelingues de Gueldres sont à huit deniers de loy: & le tiers est de cuiure. Par cy deuât les sols, ou gros d'Angleterre, estoient à dix deniers, vingt & deux grains, & iamais tout ce billon n'a esté plus de vingt ou trente ans à mesme loy, ny à mesme poids. Et delà est venu la differëce de la liure de gros tournois, petits, & moyens: la liure de Normandie, la liure de Bretagne, la liure de Paris, qui sont toutes differentes, comme on peut voir encores aux taxes de la chambre du Pape. Et en Espaigne la liure de Barcelonne, de Toledè, de Malorque: en Angleterre la liure Desterlings en vaut huit des nostres. Et en Escosse il y a deux liures fort differentes, l'une d'Esterlings, l'autre vsagere. Et n'y a Prince en Italie qui n'ayt sa liure de monnoye differente aux autres. comme en cas pareil le marc par tout a huit onces: mais l'once du bas pays est plus foible de six grains, que la nostre, & celle de Coulongne de neuf grains: celle de Nuremberg de six grains: & au contraire celle de Paris est plus forte d'une once: & le marc de Naples à neuf gros: celui de Salerne en a dix: & n'y a presque ville en Italie qui n'ait son marc differend des autres: ce qui rend encores plus difficile le pied du billon, estant le poids & la loy si differends. qui fait que le pauvre peuple est bien fort trauaillé, & perd beaucoup aux changes: & generalement tous ceux qui n'entendent le pair, comme parlent les banquiers, c'est à dire la valeur de la monnoye de change d'un lieu à un autre: C'est pourquoy on dit encores d'un homme rompu aux affaires, qu'il entend le pair, comme chose bien difficile. Car on a si bien obscurci le fait des monnoyes par le moyen du billonnage, que la plus part du peuple n'y voit goutte: & tout ainsi que les artisans, marchans, & chacun en son art deguise bien souuët son ouurage, comme plusieurs medecins

qui parlent Latin deuant les femmes, & vsent de caracteres Grecs, de mots Arabes, & de notes Latines abregees, & broüillent quelquesfois leur escripture si bien qu'on ne la peut lire, craignant si on decouuroit leurs receptes qu'on n'en fust pas si grande estime qu'on fait : aussi les monnoyeurs au lieu de parler clairement, & dire que la masse d'or, des douze pars en a deux de cuire, ou d'autre metal, ils disent que c'est de l'or à vingt carats : & pour dire que la piece de trois blancs est moitié cuire, ils disent que c'est de l'argent à six deniers de fin, deux deniers de poids, & quinze deniers de cours : donnant aux deniers, & aux carats, essence, qualité, & quantité contre nature. Et au lieu de dire, le marc a soixante pieces, ils disent de cinq sols de taille. Puis apres ils font vne monnoye stable, l'autre instable, & la troisieme imaginative : iacoit qu'il n'y en a pas vne stable. & le changement, & imagination vient pour auoir affoibli le poids, & tricoté la purité d'or & d'argent. Car le ducat courant de Venise, Rome, Naples, Palerme, & Messine qui est vne monnoye imaginative, estoit anciennement la vraye monnoye d'or pesant vn Angelot, ou bien vn Medin de Barbarie, & quatre deniers d'auantage. qui est iustement l'Imperiale de Flandres de mesme poids, & loy, que l'ancien ducat valant dix carlins d'argent, & le carlin dix solds du pays : à quarante six pieces pour marc d'or & six pour once, qu'ils diuisent en tréte tari, & le tari en vingt grains qui est vn gros sus l'once plus que l'once commune, qui n'a que huit gros. la loy appelle ceste monnoye d'or solidus, tel que l'Angelot à quarante huit pieces pour marc, & soixante & douze pour liure Romaine à douze onces, qui a longuement eu son cours porté par les loix des Grecs, Allemans, Anglois, François, Bourguignons : & n'est rien autre chose que l'escu sol de France, c'est à dire solidus, que les monnoyeurs n'ayant bien entendu le mot solidus, ont depuis cinquante ans figuré par vn Soleil toutesfois le peuple maistre des parolles, retenant l'antiquité l'appelle encores escu Sol qui pesoit anciennement quatre deniers comme l'Angelot : & depuis les Princes petit à petit, & grain à grain l'ont fait venir à trois deniers, qui est l'escu vieil : & du temps du Roy Ian, l'escu vieil estant diminué peu à peu, comme l'ancien escu sol, de trois grains, on forgea les escus à deux deniers x x. grains de poids de mesme loy que les anciens, qui furent appelez francs à pied, & à cheual (car lors ils appelloient les François Francs, comme encores en tout l'Orient les peuples d'Occident sont appelez Franques) auquel temps l'escu de Bourgongne, qu'on appelle Ride, fut aussi forgé de mesme poids & loy. & ont duré iusques au temps de Charle v i i i. que l'escu de France fut diminué de six grains de poids, & de trois quarts de carat de fin : car les anciens estoient à x x i i i. & trois quarts de carat, & les escus couronne à x x i i i. carats. Depuis le Roy François i. corrigeant vn peu l'escu couronne, fist forger les escus sol à deux deniers seize grains. & de mesme loy que l'escu couronne, fors vn huitiesme de remede : qui est demeuré iusques

9. d.l. quotiescun-
que.

ques au Roy Henry qu'il fist fortifier de quatre grains de poids, & par Charle 1^x. diminué de cinq grains l'an M.D.LXI. Mais les escus vieux ou ducats de Venise, Gennes, Florence, Sennes, Castille, Portugal, Hongrie, ont gardé la loy de xxiii. & trois quarts de carat, & deux deniers dix huit grains de poids, iusques à l'á M.D.xL. que l'Empereur Charle v. affoiblit la loy des escus d'Espagne d'un carat, & trois quarts & de trois grains de poids, faisant forger à xxxi. carats deux deniers quinze grains de poids les escus de Castille, Valence, & arragon, qu'on dit pistolets: donnant vn fort mauuais exemple aux autres Princes de faire le semblable, comme firent les Princes d'Italie: qui ont fait forger à xxii. carats, & au dessous de fin, & de poids deux deniers seize grains: comme sont les escus de Rome, Luque Boulongne, Saluce, Gennes, Sennes, Sicile, Milan, Ancone, Mantoüe, Ferrare, Florence, & les nouveaux escus de Venise. Vray est que le Pape Paul 1^{er}. commença, faisant forger des escus sous son nom de xx. carat, & demi, & de deux deniers xii. grains de poids: & ceux d'Auignon forgez au mesme temps sous le nom d'Alexandre Farez legat petit fils du Pape, sont encores pl⁹ foibles de loy, & diminuez de cinq deniers de poids. ce qui apporte vn dommage incroyable aux sugets: & profit aux faux monnoyeurs, billonneurs, & marchans, qui tirent la forte monnoye du pays, pour en forger de foible au coing d'autrui. Ce qui est encores plus ordinaire en la monnoye blanche de haute loy, & au dessus d'onze deniers de fin: comme les reaux de Castille, qui tiennent tous onze deniers trois grains de fin: sus lesquelles les autres Princes ont gagné beaucoup par cy deuant: car mesmes estant cōuerties en testons de France sus cent mil liures il y auoit profit de six mil cinq cens liures, sans affoiblir la loy du testō de Frāce, qui tient dix deniers dix sept grains de fin. Et par mesme moyen les Suisses qui conuertissoient les testōs de France, en testons de Soleure, Lucerne, Vndreual, gaignoiēt sus chacun marc, quarante & vn sol onze deniers tournois, & neuf vingt sixiesmes de denier. car ceux de Lucerne, Soleure, & Vndreual, ne sont qu'à neuf deniers dix huit grains, qui sont vingt trois grains de fin, moins que ceux de France pour marc, qui valoient vingt cinq sols tournois. Et quant au poids, ceux de France sont du moins à vint cinq testons, & cinq huitiesmes de teston pour marc, qui est trois huitiesmes de teston pour marc, que les testons de Soleure sont plus foibles au poids, qui valoient quatre sols trois deniers tournois. Et parce que lesdits testons ne peuuent estre aualiez que pour argent de basse loy, qu'on appelle billon, estans au dessous de dix deniers de fin, à l'estimatiō de quatorze liures dix sept sols quatre deniers tournois le marc de fin: & les testons de France pour estre plus hauts de dix deniers de fin, sont aualiez pour argent de haute loy, qui vaut à mesme proportion quinze liures treize sols tournois le marc de fin. & pour la difference de l'argent de haute loy à basse loy, lesdits testons sont moindres que ceux de France de douze sols huit deniers tour-

nois pour marc de testons. Par ainsi les testons de Soleure valent moins que ceux de France de quarante & vn sols vnze deniers tournois pour marc, reuenant pour chacune piece desdits testons, vn sol vnze deniers tournois, & neuf vint & sixiesmes de denier. ceux de Berne, pour estre à neuf deniers vingt grains de fin pour marc, valent vn denier tournois pour piece dauantage que ceux de Soleure. Or en gagnant seulement dix sols pour marc, c'est vn profit bien grand. Les Flamens font le semblable, conuertissans les testons de France en reaux de Flandres. Les ordonnances de chacun prince, ont bien pourueu quel'or, & l'argent ne fust transporté aux estrangers sous grandes peines: mais il est impossible de les executer, qu'il n'en soit emporté beaucoup, & par mer & par terre. Et quand ores on garderoit si bien, qu'il n'en sortist rien du tout, si est-ce que les sugets aurôit tousiours beau moyen de billôner, difformer, alterer, & fondre les monnoyes blanches, & rouges, s'il y a diuersité de loy: soit en vertu des permissions donnees à quelques orfeures, soit contre les defenses. car ils emboursent le defaut de loy qui se trouue en leurs ouurages, tant pour les remedes qui leur sont permis, que de l'email, & soudeure, dont ils vsent, employant en ouurage les bonnes especes, & se moquent des loix, & ordonnances qu'on fait sus le prix du marc d'or, & d'argent, faisant porter sus la façon des ouurages tel prix que bon leur semble, en sorte qu'il est tousiours plus cher vendu aux orfeures, qu'il n'est porté par les ordonnances: l'argent de quarante ou cinquante sols: l'or de douze ou treize liures sus marc qui fait que l'or & l'argent est achapté plus cher des orfeures, & marchans, qu'il n'est des monnoyeurs, qui ne peuuent passer l'ordonnance du Roy pour l'achapt des matieres, ny pour la forge. Et si tost que la matiere est forgée en monnoye plus forte de poids, ou de loy que celle des princes voisins, elle est fondue, & recueillie par les affineurs, & orfeures pour la conuertir en ouurage, ou par les estrangers, pour en forger monnoyes à leur pied: à quoy les chargeurs seruent comme ministres, & sous vmbre d'accommoder le peuple de monnoyes, traffiquent avec les orfeures & marchans estrangers. car il est certain, & s'est trouué que depuis vintg cinq ans que les petits sols furent descriez, il en a esté forgé en ce royaume pour plus de xxv. millions de liures outre les pieces de trois, & de six blâcs, qui ne se trouuent plus, parce que les affineurs, & orfeures y ont trouué profit. Qui fait que ceux qui ont beaucoup de vaisselle d'or & d'argent ne s'en peuuent ayder: car l'ayant achaptée bien cher des orfeures, ne la veulent bailler avec si grande perte: & mesmes le Roy Charles ix. perdit beaucoup, ayant réduit sa vaisselle en monnoye, au lieu qu'auparauât la loy des monnoyes d'argent estoit tousiours esgale à la loy des orfeures, tellement qu'on ne pouuoit rien perdre en la vaisselle que la façon: ce qui nous est encores demeuré en commun prouerbe, c'est vaisselle d'argent, on n'y perd que la façon. Il faut donc pour retrancher tous ces inconueniens que la loy
des

des monnoyes, & des ouvrages d'or & d'argēt soit esgale: c'est à sçavoir à **xxiii.** carats en l'or sans remede, & onze deniers douze grains en argent. On auoit trouué moyen d'obuier à aucunement aux abus, en affermant le reuenu des monnoyes, & des confiscations, & amendes qui prouieroient des forfaitures, & la ferme deliuree l'an mil cinq cens soixante quatre, pour la somme de cinquante milliures par an. Toutesfois cela fut aboli à Moulins l'an **M.D. Lxvi.** & les monnoyes affermees à ceux qui offriroient de forger plus grande quantité de marcs d'or & d'argent: qui est bien couper quelques branches, & rameaux, mais la racine des abus demeurant, iamaïs on ne cessera d'y faire fraude. La racine des abus est la confusion des trois metaux, or, argent, & cuiure, laquelle cessant, ny le suget, ny l'estranger, n'y pourra faire aucune fraude, qui ne soit aussi tost descouuerte. Car tout ainsi que la monnoye de cuiure, ou de rosete pure n'a point eu de lieu en ce royaume, d'autant qu'on n'y en forgeoit point: aussi le billon estant descrié, avec defences d'en forger, le billon de l'estranger en fera aussi du tout banni. & ne faut esperer que les estrangers, & sugets cessent de billonner en particulier, & receuoir toutes monnoyes estrangeres, tant que le Prince, & la Republique ferōt forger du billon. Combien qu'il y a encores vn autre profit, & en public, & en particulier, qui reuiert de la defense que i'ay dit de meller les metaux, c'est d'euitier à l'aduenir la perte de l'argent, qui n'est compté pour rien en l'or de quatorze carats, & au dessus, & se perd pour les fraiz de l'affinement qui se fait par voye de cimēt Royal, ou par eau de depart: car il faut du moins soixante sols pour departir vn marc. & neantmoins la perte est fort grande en quantité notable. comme tous les florins d'Almaigne ne sont que à seize carats, ou seize & demi pour le plus. qui sont du moins en cent mil marcs trente & trois mil marcs de perte: & à quatorze carats quarante mil marcs & plus. Et outre ce que i'ay dit les abus des officiers des monnoyes cesseront, pour le regard des echarcetez, & foiblages, sus lesquels les gages des officiers estoient pris: pour lesquels faire cesser Henry **ii.** Roy de France auoit ordonné qu'ils seroient payez par les receueurs des lieux. laquelle ordonnance quoy qu'elle fust sainte, si est-ce toutesfois qu'elle fut cassée par Charles **ix.** sus la remonstrance de la chābre des comptes de Paris, qui fist entendre que le Roy perdoit tous les ans plus de dix milliures, au lieu de tirer profit de ses monnoyes: d'autant que les officiers estoient payez & ne faisoient quasi rien. Mais le vray moyen pour y remedier, est de supprimer tous les officiers des monnoyes hormis ceux qui seront en l'une des villes, pour forger toutes les monnoyes, & les faire payer par le receueur des lieux, demeurāt le droit de seigneurie, que les anciens toutesfois ne cognoissoient, & n'estoit rien deduit sus la monnoye, non pas mesmes le droit de braslage, comme il seroit fort necessaire, ou plustost qu'on mist vne taille sur les sugets pour la forge des monnoyes, pour abolir le droit de seigneurie & de

braffage, comme il se faisoit anciennement en Normandie, & se fait encore en Polongne, pour obuier au dommage & perte incroyable que souffrent les sujets. Aussi par ce moyen la varieté du prix du marc d'or, & d'argent, qui cause vn million d'abus cessera. Et les especes estrangeres, ne seront receuës que pour mettre en fonte, sans rien compter pour le seigneurage, ny pour le braffage: nonobstant les lettres obtenuës par les princes voisins, pour exposer au prix d'autrui leurs monnoyes, à tel prix qu'en leur territoire. Et pour oster toute occasion de falsifier, alterer, ny changer la loy receuë des monnoyes d'or & d'argent, il sera besoin de forger toutes les monnoyes en vne seule ville, où résideront les Iuges des monnoyes, & supprimer les autres (si la Monarchie, ou Republique n'est de si grande estenduë, qu'il soit besoing d'en establir d'avantage) auquel lieu tous les affineurs besoigneront, avec defences sus peine de la vie, d'affiner en autre lieu: car de ceux là viennent les plus grands abus: & donner la cognoissance aux Iuges ordinaires par preuention de punir tous les abus qui s'y commettront. car on sçait assez combien il y a eu d'abus en la forge des monnoyes de ce royaume, & aux boistes, pour le peu de Iuges auxquels la cognoissance est attribuee priuatiuemēt à tous autres: & mesmement apres la suppression des generaux subsidiaires. Il est donc bien necessaire de suiure l'exemple des anciens Romains, qui n'auoient pour tous les sujets d'Italie que le temple de Iunon, où se forgeoient trois sortes de monnoyes pures, & simples, à sçauoir d'or, d'argent, & de cuiure, & trois maistres des monnoyes, qui faisoient forger, & affiner en public, & en veuë d'un chacun. Et afin que personne ne fust abusé aux prix des monnoyes, on establir aussi vn lieu pour faire l'essay des monnoyes à la requeste de Marius Gratidianus. Aussi lisons nous qu'en ce Royaume par ordonnance de Charlemagne il fut defendu de forger autre monnoye qu'en son palais. Mais depuis que les Roys Philippe le Bel, Charles son fils, & Jean establirent plusieurs monnoyes en ce Royaume, & plusieurs maistres, gardes, Preuosts, & autres officiers en chacune monnoye, les abus se font aussi multipliez. Icy peut estre on me dira que les Perles, Grecs, & Romains, forgeoient les monnoyes pures d'or, d'argent, & de cuiure à la plus haute loy que faire se pouuoit, & neantmoins on ne laissoit pas de les falsifier, comme nous lisons en Demosthene au plaidoyé contre Timocrate. Je responds qu'il est bien difficile d'en nettoyer du tout la Republique: mais pour mil qu'il y en a, il ne s'en trouuera pas dix, ostant la difficulté qu'il y aura, estant la loy d'or, & d'argent cogneu à chacun, par le moyen que i'ay deduit. Et s'il se trouue prince si mal conseillé d'alterer la bonté des monnoyes pour y gagner, comme Marc Antoine, qui fist forger monnoye blanche de basse loy, tost apres elle sera reiettee, outre le blasme qu'il en receura d'un chacun: & le danger de la rebellion des sujets: qui fut grande, au temps que Philippe le Bel affoiblit la loy des monnoyes.

Quoy

Quoy qu'il en soit, il est bien certain qu'il n'y eut onques moins de faux monnoyeurs qu'il y auoit du temps des Romains, qui n'auoient monnoye d'or, ny d'argent, qui ne fust de haute loy. Car mesmes le Tribun Liuius Drusus, fut blasmé de ce qu'il auoit présenté requeste, tendant à fin qu'en la monnoye d'argent on meslast l'huitiesme partie de cuiure, ou comme nous disons, qu'on forgeast à dix deniers x i i. grains de fin. qui monstre bien que deslors mesmes on ne vouloit pas souffrir la confusion d'or & d'argent, & que l'argent estoit de la plus haute loy, comme estoit aussi l'or, ainsi qu'on peut voir des medailles d'or qui sont à x x i i i. & trois quars de carat. & mesmes il s'en trouue de la marque de Vespasian Empereur, où il n'y a à dire qu'un trente & deuxiesme de carat, que l'or ne soit à x x i i i. carats: qui est le plus fin or qu'on puisse voir. Mais il suffist pour les causes que j'ay deduites, que l'or soit à x x i i i. carats, & l'argent à onze deniers douze grains: affin aussi qu'on n'ayt point d'occasion de s'excuser, qu'on n'est pas maistre du feu, & qu'on demande un quart, ou pour le moins un huitiesme de remede: qui est cause de beaucoup d'abus: laissant toutesfois deux felins de remede sus le marc de monnoye forgee au coing. Encores peut on dire qu'il seroit plus expedient de forger pour le moins des doubles, & deniers de basse loy, pour euitier à la pesanteur de la monnoye de cuiure. Je dy que si on permet de forger billon, pour petit qu'il soit, qu'il sera tiré en consequence des liards, & sols, & sera tousiours à recommencer. Et encores qu'on ne forgeast que doubles, & deniers, neantmoins c'est tousiours faire ouuerture aux faux monnoyeurs de tromper le menu peuple, pour lequel ceste monnoye est forgee, & en laquelle il ne cognoist rien, & moins encores se soucie de la prédre, pour le peu de prix qu'elle vaut, sans s'enquerir de la bonté, ou valeur d'icelle. J'ay vne lettre de Iaques Pinatel au Roy Henri ii. où il y a ces mots, Sire, ie veux bien vous aduertir, que depuis six mois on a forgé en vne de vos monnoyes des douzains foibles pour chacun marc sus le poids de x x. sols; & sus la loy de quatre sols. quand il plaira à vostre maiesté ie vous feray voir l'ouurage, & vous feray entendre le grand dommage que vous, & vostre peuple en receuez, & aurez encore plus grand, si par vostre maiesté n'y est pourueu à toute rigueur. C'estoit alors qu'il forgea les pieces de six blancs par mandement du Roy, de quatre deniers de loy, & deux grains de remede, & quatre deniers quatorze grains de poids: qui estoit le meilleur billon qui fust lors en France: aussi fut-il bien tost fondu, en sorte qu'on n'en voit quasi plus. Or chacun scait que le dommage que receuoit le Roy & le peuple de vingt & quatre sols sus le marc, reuenoit à plus de xxv. pour cent. Et neantmoins le mesme Pinatel, ayant arraché sous main vne commission de la chambre des generaux des monnoyes l'an M. D. Lii. fist forger des doubles, & des deniers, à Villeneuve d'Auignon, & à Ville-franche de Rouergue, qui ne furent estimez que xii.

sols le marc. & fut verifié, qu'il auoit par ce moyen defrobé de clair & net peu moins de quatre cens milliures. & auoit rachapté sa grace pour cinquante mil liures qu'il donna à vne dame, qui fist differer le supplice, plustost que donner la grace. Je dy donc qu'il ne faut aucunement souffrir le billon en sorte quelconque, qui vouldra nettoier sa Republique de fausses monnoyes. Aussi par ce moyen cessera le dommage que reçoit le pauvre peuple au decri des monnoyes, ou diminution du prix de icelles apres qu'on les a affoiblies, & n'aurót plus de lieu aupres des princes, ceux qui leur font entendre le profit qu'ils peuuét receuoir de leurs monnoyes: comme fist vn certain officier des monnoyes, qui faisoit entendre au conseil des finances, & l'escruiuit au Roy Charles 1^x. qu'il pouoit faire vn grand profit de ses monnoyes, au soulagement de son peuple: & de fait par son calcul il se trouuoit que chacun marc d'or fin mis en œuvre, rendoit au Roy huit liures tournois, au lieu qu'il n'en receuoit que xxv. sols quatre deniers, & seize vingt & troisiemes de denier: & pour marc d'argent le Roy mis en œuvre, quarante sols tournois, au lieu que le Roy n'en receuoit que seize deniers mis en œuvre de testons. Il conseilloit de forger monnoye d'argent le Roy de douze sols tournois de cours, & de xxx. pieces au marc, du poids de six deniers neuf grains trebuschans, les demis, & quarts à l'equipolent: & la monnoye d'or à xx. iiii. carats, vn carat de remede de xxx. pieces au marc & de mesme poids que l'argent à six liures tournois: & neantmoins il vouloit aussi qu'on forgeast du menu billon de trois deniers de loy, de trois cens xx. pieces au marc & de trois deniers de cours, & toute autre sorte de billon au dessoubs de dix deniers fin, arrestant le marc à quatorze liures tournois. Voila son aduis qui fut regeté, comme il meritoit. aussi est-ce chose fort ridicule de penser que le Roy peust tirer vn si grand profit de ses monnoyes au soulagement du peuple: s'il est vray ce que dit Platon, que il n'y a personne qui gaigne, qu'un autre n'y perde, & la perte par nécessité ineuitable tomboit sus le suget, puisque l'estranger n'en sentoit rien. Bien est-il vray qu'il seroit besoin que quelque grand Prince moyénast cela par ses Ambassadeurs enuers les autres, afin que tous les Princes de vn commun consentement fissent aussi defences de plus forger de billon, mettant la loy des monnoyes d'or & d'argent comme il a esté dit cy dessus, & vsant du marc à huit gros ou dragmes, & de cinq cens soixante & dix grains pour once, qui est la plus commune. ce qui ne seroit pas difficile: attendu que le Roy Catholique & la Roynie d'Angleterre ont desia banni tout le billon: & mesmes que toutes les monnoyes d'or d'Espagne, hormis les pistolets, & la monnoye de Portugal, sont à plus haute loy que ie n'ay dit, & toute la monnoye d'argent à onze deniers trois grains, qui est la plus forte qui soit. Et seroit bon faire la monnoye en forme de medailles moulees, comme faisoient les anciens Grecs, Latins, Hebreux, Persans, Egyptiens. car les frais en seroient beaucoup moindres,


& la

& la facilité plus grande, & la rotôdité parfaite, pour empescher les roigneurs: & ne seroit pas sugette à estre ployee, & rompuë, ioint aussi que la marque demeureroit à iamais. On n'auroit point la teste rompuë à marteller, & ne seroit besoin de tailleur, & n'y auroit aucun dechet pour la cisaille, ny de remede sus le poids, comme il est necessaire qu'on donne deux ferlins pour le moins sus le marc forgé au coing: ioint qu'il s'en feroit plus en vn iour, qu'il ne s'en fait en vn an, on osteroit aussi l'occasion aux faux monnoyeurs de mesler les metaux si facilement comme ils font aux presses, & au coing, où la piece s'estend en l'argeur qui couure l'espeisseur: & le moule feroit toutes les medailles d'un mesme metal esgales, en grosseurs, poids, largeur, & forme: ou si le faux monnoyeur vouloit mesler du cuiure avec l'or, plus que la loy de $xxiii$. carats, le volume du cuiure qui est en poids esgal plus grand deux fois & vne huitiesme que n'est pas le volume d'or, ou plus leger que l'or d'eux fois, & vne huitiesme en masse esgale: feroit la medaille plus grosse de beaucoup, & descouvroiroit la fausseté. car il est tout certain que si la masse d'or esgale à la masse de cuiure, poize quinze cens cinquante & vn ferlin, la masse de cuiure, ne poizera que sept cens $xxix$. ferlins, qui est comme dixsept à huit, en gros poids: comme i'ay appris de François M. de Foix le grâd Archimede de nostre aage & qui le premier a descouuert la vraye proportion des metaux en poids & en volume. Nous ferons mesme iugement de l'argent qui a plus grand volume que l'or en poids esgal, ou que l'or est plus peçant que l'argent en masse esgale vne fois, & quatre cinquiemes: qui est comme $M. D. LI.$ à $M. CCC. LXVI.$ ou neuf à cinq. & du cuiure à l'argent comme $xi.$ à $xiii.$ ou precisement comme $M. CC. xxix.$ à $DCCCLXVI.$ qui aprochent de plus pres au poids, & au volume que les autres: hormis le plomb, qui est plus peçant que l'argent, d'autant qu'il y a difference de $xv.$ à $xiii.$ ou plus precisement de $DCCCLXVI.$ à $DCCCCxxix.$ mais ils ne s'en peuuent seruir pour falsifier, d'autant qu'il se delie de tous metaux, hormis de l'estain. Et moins peuuent ils vser de l'estain qui est la poison de tous les metaux: & ne peut estre getté pour argent: attendu qu'il est plus leger d'autant qu'il y a de neuf à quatorze, ou precisement de $DC.$ à $DCCCCxxix.$ & beaucoup moins peut estre disguised pour or, qui est plus peçant que l'estain en masse esgale, ou plus petit de corps en poids esgal, d'autant qu'il y a entre dixhuit & sept, ou iustement entre $M. D. LI.$ & $DC.$ qui est deux fois & quatre septiesmes plus peçant. Quant au fer les faussaires n'en peuuent abuser par fusion, d'autant qu'il ne reçoit melleange ny d'or ny d'argent: & la contiguité des lames sus fer, n'est pas difficile à cognoistre. Pline l'appelle ferrumination, de laquelle vsoient les faux monnoyeurs de son temps: & de fait le Sieur de Villemor commissaire des guerres m'a fait voir vne ancienne medaille de fer couuerte d'argent en ceste sorte. toutesfois le poids, & le volume descouure la fausseté y regardant de pres.

car l'argent est plus pesant que le fer en masse esgale, ou moindre de volume en poids esgal, d'autant qu'il y a de quatre à trois, ou precisemēt de DCCCLXVI. à DCXXXIII. Et quāt à lor, il est impossible que la ferrumination puisse de rien seruir aux faux mōnoyeurs, veu que l'or est plus petit de corps que le fer en poids esgal, ou plus pesant en masse esgale d'autant qu'il y a de six à neuf, ou M. D. LVI. à DCXXXIII. Aussi n'est il pas à craindre que le vif argent puisse seruir à falsifier ces deux metaux, bien qu'il aproche autāt au poids de l'or que sept à huit, ou M. CLVIII. à M. D. LI. parce qu'ils n'ont encores si bien sceu l'arrest, qu'il ne s'en vole en fumee. Voila quant à la forme des monnoyes, & le profit qui reuiendrait d'estre moulees: cōme elles estoient anciennement, & iusques à ce qu'il y eut si peu d'or & d'argent apres que les mines furent espuisees, & ces deux metaux vsez, perdus, cachez, ou dissipez; on fut contraint de faire la monnoye si deliee, qu'il ne falloit que le marteau pour la marquer: ce qui depuis a esté cause de beaucoup d'abus. mais tout ainsi que les premiers hommes qui auoient peu d'or & d'argent, le marquoient au marteau. & depuis en ayant plus grande quantité commencerent à le mouler: aussi faut-il maintenant, retourner aux moules. On auoit commencé à forger au moulin: mais ils s'est trouué que la marque ne se pouoit assez bien imprimer, & qu'il y auoit tousiours trēte marcs de cizaille sur cēt marcs de matiere, au lieu qu'il n'y en a qu'un ou deux au coing: & mesmes que le son estoit differant aux mōnoyes de coing. & qui plus est, on trouuoit que les pieces n'estoient pas toutes de mesmes poids, parce que les lames se faisoient plus deliees en vn endroit qu'en l'autre. Quant à ce que j'ay dit, que le marc d'or, & d'argent, se doit diuiser en pieces esgales de poids, sans fractions de pieces sus marc, ny de deniers sus piece: l'utilité y est fort euidente tant pour les changes des marcs, & des pieces, que pour l'estimation, poids, & cours indubitable. Ainsi faisoient les anciens: car la piece d'or & d'argent pezāt quatre gros ou dragmes, qui est la moitié d'une once, sera esgale au sicle des Hebrieux, & la piece de deux gros, ou de xxxii. au marc sera esgale au stater Attique, & au Philippus ancien, & aux nobles à la rose, & aux medailles d'or. & la piece d'un gros ou dragme de Lxiii. au marc sera esgale à la dragme Attique, & à la zuza des Hebrieux, qui estoit en Grece & en tout l'Oriēt la iournee des brassiers. Vray est que le denier d'argent des Romains, estoit plus fort de poids de trois septiesmes: qui estoit aussi la iournee du soldat Romain du temps d'Auguste: qui est vn peu plus que le real d'Espagne. Et si les mutations, & changemens qui se font tout à coup sont dommageables, & pernicieuses, on pourra y proceder peu à peu, faisant forger les monnoyes comme j'ay dit, affin qu'un chacun ait loisir de se defaire du billon à moindre perte.

DE LA COMPARAISON DES TROIS REPUBLICQUES legitimes, c'est à sçauoir de l'estat populaire, Aristocratique, & Royal, & que la puissance Royale est la meilleure.

CHAP. II II.



VIS QV'IL n'y a que trois sortes de Republicques, ainsi que nous auons monstré, c'est à sçauoir quand tout le peuple, ou la plus grande partie, commande avec puissance souueraine : ou bien la moindre partie : ou vn seul : & que chacune des trois peut estre loüable, ou vicieuse, il ne faut pas seulement fuyr la plus vicieuse, ains aussi choisir, qui pourra, la meilleure. La tyrannie d'un Prince est pernicieuse : & de plusieurs encore pire : mais il n'y a point de plus dangereuse tyrannie que celle de tout vn peuple. ainsi l'appelle ¹ Ciceron. Toutesfois elle n'est point encores si mauuaise que l'Anarchie, où il n'y a forme de Republique, ny personne qui commande, ou qui obeisse. fuyõs donc ces vices là, & faisons chois de la meilleure des trois formes legitimes, c'est à sçauoir de l'estat legitime populaire, ou Aristocratique, ou royal. & afin que le tout soit mieux esclarci, ie mettray les commoditez, & incommoditez, de part & d'autre. Premierement on peut dire que l'estat populaire est le plus loüable, comme celuy qui cherche vne equalité, & droicteure en toutes loix, sans faueur ny acceptiõ de personne : & qui reduist les constitutions ciuiles aux loix de nature : car tout ainsi que nature n'a point distribué les richesses, les estats, les honneurs aux vns plus qu'aux autres : aussi l'estat populaire tend à ce but là, d'esgaler tous les hommes. ce qui ne peut estre fait, sinon en esgallant les biens, les honneurs, & la Iustice à tous, sans priuilege, ny prerogative quelconque : cõme fist Lycurgue apres auoir chagé l'estat Royal en populaire, bruslé toutes obligations, banni l'or & l'argent, & partagé les terres au sort esgal : alors il print grãd plaisir, voyãt par les champs les tas de gerbes tous esgaux : & par ce moyen l'auarice des vns retranchee, & l'arrogance des autres raualee : qui sont deux pestes des plus pernicieuses qui soient aux Republicques. combien que par ce moyen il bannissoit encores les rapines, larcins, concussions, calumnies, partialitez, & factiõs, qui ne peuuent auoir lieu, quand tous sont esgaux, & que l'un ne peut auoir aucun auantage sus l'autre. Et s'il est ainsi que la societé humaine ne se peut entretenir que par amitié : & que la nourrice d'amitié est l'equalité, & qu'il n'y a point d'equalité hors l'estat populaire, il s'ensuit biẽ que c'est la plus belle forme de Republique qu'on pourroit choisir. En quoy faisant la liberte naturelle, & la Iustice esgale est tousiours renduë à chacun, sans crainte de tyrãnie, de cruauté, d'exaction : & la douceur de la vie sociable à tous semble reduire les hommes à la felicité que nature nous monstre. Mais

1. In lib. de Repub.
& Aristot. lib. 5. cap.
10. polit.

Raisons cōtraires à l'estat populaire.

1. in lib. de Repub. Athen.

2. sus les discours.
3. lib. 1. du Prince.
chap. 9.

encores il y a vn point qui semble fort considerable, pour monstrier que l'estat populaire est le plus beau, le plus digne, & le plus parfait: c'est qu'il y a tousiours eu és Democraties de plus grands personages, en armes, & en loix: & de plus grands Orateurs, Iuriconsultes, artisans, qu'il n'y a és autres Republiques, où la faction de peu de seigneurs entr'eux, & la ialousie d'honneur d'un Monarque empesche les sugets de rien attenter de grand. Et qui plus est, il semble que la vraye marque de Republique, est en l'estat populaire seulement: car tout le peuple iouist du bien public, partageant à chacun les biens communs, les despoüilles, les loyers, les conquestes: au lieu que peu de seigneurs en l'Aristocratie, & vn seul en la Monarchie semble tourner tout le biẽ public en particulier. Brief s'il n'y a rien plus à desirer, que les Magistrats soient obeissans aux loix, les sugets aux Magistrats, il semble aussi que cela soit mieux gardé en l'estat populaire, où il n'y a que la loy qui soit dame, & maistresse de tous. Voila les principaux points qu'on peut dire pour soustenir l'estat populaire, qui ont beau lustre en apparence, mais en effect ces raisons semblent aux toiles des araignes, qui sont bien fort subtiles & deliees, & toutesfois n'ont pas grande force, Car en premier lieu, il n'y eut iamais de Republique, où ceste equalité de biens, & d'honneurs fust gardee, cõme nous auons monstree cy dessus. quant aux biens & quant aux honneurs, on feroit aussi contre la loy de nature, qui a fait les vns plus sages, & plus ingenieux que les autres, a aussi ordonné les vns pour gouverner, & les autres pour obeir. Et quant à la liberté naturelle, qu'on presche tant en l'estat populaire, si elle auoit lieu, il n'y auroit ny magistrats, ny loix, ny forme d'estat quelconque: & neantmoins il n'y a pas vne forme de Republique, qui ayt tant de loix, tãt de magisters, tant de cõtrerolleurs que l'estat populaire. Et quant au bien public, il est tout certain qu'il n'y a Republique où il soit plus mal gouverné, que par le peuple, comme nous auons mōstré en son lieu. Mais veut on meilleur iugement, ou tesmoignage plus digne que celui de ¹ Xenophon? Je ne puis, dit-il, approuuer l'estat des Atheniens: parce qu'ils ont suiui la forme de Republique en laquelle tousiours les plus meschãs ont du meilleur, & les hommes d'honneur, & de vertu, sont foulez aux pieds. Si Xenophon, qui a esté l'un des plus grands capitaines de son aage, & qui lors emporta le prix d'honneur, d'auoir heureusement conioint le manimẽt des affaires, avec les armes, & la philosophie, a fait vn tel iugement de sa Republique. qui estoit la plus populaire, & entre les populaires la plus estimee, & la mieux establie, ou pour mieux dire la moins vicieuse, cõme dit Plutarque, quel iugement eust-il fait des autres Democraties, & Ochlocraties? En quoy ² Macciauel s'est bien fort mesconté, de dire que l'estat populaire est le meilleur: & neantmoins ayant oublié sa premiere opinion, il a tenu en vn autre ³ lieu, que pour restituer l'Italie en sa liberté, il faut qu'il n'y ait qu'un Prince. & de fait, il s'est efforcé de former

mer vn estat le plus tyrannique du monde. & en autre ⁴ lieu il confesse, que l'estat de Venize est le plus beau de tous: lequel est vne pure Aristocratie s'il en fut onques: tellement qu'il ne sçait à quoy se tenir. Si nous prenons l'aduis de Platon, nous trouuerons qu'il a blasmé l'estat populaire, l'appellant vne foire où tout se vend. Nous auons mesme iugement ⁵ d'Aristote, qui dit que l'estat populaire ny Aristocratie n'est pas bon, vsant de l'auctorité d'Homere, *οὐκ ἀγαθὸν πολυκοιρανίη*. Et l'orateur Maximus ⁶ Tyrius, tient que la Democratie est pernicieuse, blasmant pour ceste cause l'estat des Atheniëns, Syracusains, Carthaginois, Ephesiens. Car il est impossible, dit Seneque, que celuy plaïse au peuple, à qui la vertu plaïst. Aussi Phocion, l'un des plus sages, & vertueux hommes qui fut onques, estoit tousiours contraire au peuple, & le peuple à luy: & comme vn iour le peuple trouuaist son conseil bon, il se tourna vers ses compagnons disant, M'est-il point eschapé quelque mauuaïse opinion? Et comment pourroit vn peuple, c'est à dire vne beste à plusieurs testes, sans iugement, & sans raison, rien conseiller de bien? Et demander conseil au peuple, comme lon faisoit anciennement es Republiques populaires, n'est autre chose que demander sagesse aux furieux. Ce qu'ayant veu Acharnasis, & que les Magistrats, & anciens disoient leur opinion en pleine assemblee, puis apres le peuple donnoit sa resolution, il dist qu'en Athenes les sages proposoient, & les fols dispoient. & quand ores on pourroit tirer quelque bonne resolution d'un peuple, qui est l'homme si despourueu de sens, qui trouuaist bon d'esuanter en public le conseil d'un estat: est-ce pas souïller les choses sacrees? encores les choses sacrees estant prophanees peuuent estre purifiees: mais d'un cōseil d'affaires concernant l'estat qui est esuenté, il n'en faut rien esperer, qui ne tourne au dommage, & deshōneur de la Republique. Et pour ceste cause principale, l'estat d'Athenes, de Syracuse, & de Florence est tombé en ruine. Je laisse les difficultez qu'il y a d'assembler vn peuple en vn lieu, le desordre qui est en vne multitude, la varieté & inconstance des gens ramassez de toutes pieces. & toutesfois s'il ne plaïst au Magistrat, ny le Senat, ny le peuple n'est point assemblé: comme il aduint au consulat de Cesar, lequel pour venir à chef de ses entreprises, ayant estonné Bibule son collegue, ne voulut que le senat s'assemblast, tant que dura son office. Et si la pluspart des Tribuns s'entendoient avec le Consul, ny le Senat, ny le peuple ne se pouuoit assembler: de sorte que l'auctorité du Senat, & la maïesté souueraine estoit par ce moyen asseruie à six ou sept testes. Et ce pendāt, on sçait le danger qu'il y a de ne pouuoir soudain aux affaires vrgentes. Car par les loix de Solō ⁷, & des ⁸ douze tables, il falloit par trois fois assembler le peuple, au parauant que l'ordonnance publiee fust receuë. Or il aduenoit souuēt que le vol dextre d'un oiseau, ou le cri d'un rat, ou le mal caduc, peut estre de quelque yuroigne, empeschoit l'assemblee, & à la moindre

⁴. sus Tite Liue.

⁵. lib. 12. cap. 12.

ὅτι τῷ μέτῳ τὰ φυ.

⁶. orat. 3.

L'estat populaire blasmé de tous les grands personnages.

⁷. Demosthen cōtra Leptinem.

⁸. Macrobian in satur.

9. Scire velim, inquit, num censum impendant tribuni diebus vitandis. & au mesme lieu, Proscripsit marcellinus se per omnes dies comitiales de cœlo seruaturum conciones turbulentæ Metelli, temerariæ Apij, furiosissimæ Publij. Assemblée des Grifôs de deux, en deux ans.

Populace effo-
né au danger.

La fin de seftats
populaires est
de bannir la
vertu.

denociation d'un beguin augural, ou l'oppositiō d'un Magistrat tout estoit cassé, de quoy ⁹ Ciceron & Caton mesmes se plaignoient bien fort car la puissance & la faueur des competeurs, qui estoient tousiours en grand nombre, pour auoir les offices, & ennemis les vns des autres, empeschoit l'assemblée du peuple, ou le troubloit quand il estoit assemblé, & les Magistrats qui estoient en charge y tenoient la main, pour continuer leur puissance: de sorte qu'il passoit quelquesfois vn an tout entier sans faire aucun Magistrat, comme il aduint quand Pompee le Grand fut esleu Consul tout seul. c'est pourquoy les Grifons qui tiennent l'estat populaire, ne s'assemblent que de deux en deux ans à Coire pour faire leurs officiers, ou publier nouvelles ordonnances. Or il n'y a rien plus dangereux, ny plus contraire à l'estat populaire, que souffrir les Magistrats continuer longuement en leur charge, comme nous auons monsté cy dessus. Mais il y a bien plus grand danger, quand il est question de prendre conseil, & resolution pour la Republique, qui est en peril extreme. car les Magistrats ne peuuent rien faire, sans l'aduis du peuple, & n'est possible de l'assembler si tost qu'il est besoing, & les plus sages n'osent rien dire en l'assemblée, craignans la fureur d'un peuple, qui descharge tousiours ses fautes sus les gouuerneurs: en sorte que Philippe I. Roy de Macedoine, ayant couru, & fouragé iusques au pays d'Attique, il n'y eut pas vn Magistrat qui osast assembler les estats, mais le rebut du peuple vint tout effrayé sus la place, & ne se trouua personne, dit Demosthene, qui osast porter la parole. Et le mesme cas aduint à Florence, quand l'armee de l'Empereur fist les aproches pour l'assieger, à l'instance du Pape Clement VII. tout le peuple estoit si estonné, qu'il ne sçauoit en quoy se resoudre. Car les ordonnances de Florence vouloient, que tous les citoyens s'assemblassent deuant la maison de ville, pour deliberer tout haut, sus les articles proposez par le grand Magistrat: alors le peuple estoit desperdu. Et tout ainsi que le naturel d'un peuple, dit Tite Liue, est insolent, & desbordé en toute licence, quand les affaires se portent bien: aussi est-il tout soudain rauulé, & abatu d'une perte, cōme nous auons monsté cy deuant. Et comment seroit-il possible, que la maiesté souueraine d'un estat fust conseruee en vne multitude guidée par vn Magistrat, & qu'il faut ranger bien souuēt à coups de baston? *Et in qua regenda plus pœna, quàm obsequium valet*, disoit Tite Liue. aussi Phocion, voyant que le peuple d'Athenes ne vouloit pas luy faire audience, alors il s'escria, ô foïet de Corfou, combien tu vaux de talents. qui monstre bien que la maiesté perist en vn peuple, qui toutesfois est le seul point, & puiot, sur lequel la Republique est soustenüe. Mais passant outre, tous ceux qui ont discouru des estats sont d'accord, que le but principal, & la fin de toutes Republiques, est de fleurir en hōneur & vertu: & neâtmoins l'estat populaire est contraire aux gēs de bien. car la conseruation d'une Republique populaire, si nous suiuiôs l'aduis

l'aduis de Xenophon, est d'avancer aux offices, & benefices les plus vicieux, & les plus indignes: & si le peuple estoit si mal aduisé de bailler aux gens vertueux les charges honorables, & dignitez, il perdrait sa puissance, d'autant que les gens de bien ne porteroient faueur sinõ à leurs semblables, qui sont tousiours en fort petit nombre: & les meschans, & vicieux, qui sont la pluspart du peuple, seroient rebutez des honneurs, seroient condamnez, & chassez peu à peu par les Iuges entiers, & incorruptibles, & en ce faisant les hommes sages se feroient de l'estat, & l'osteroient au peuple. c'est pourquoy le peuple Athenien, dit Xenophõ, donnoit audience aux plus meschans, sçachant bien qu'ils diroient choses plaisantes, & vtils aux hommes vicieux, qui sont la pluspart du peuple. Voila, dit Xenophon, pourquoy ie blasme les Atheniens, d'auoir choisie la forme de Republique la plus vicieuse de toutes, mais l'ayã choisie, ie les estime fort de se gouverner en la sorte qu'ils font: c'est à sçauoir de rebuter, chasser, bannir les hommes nobles, sages, & vertueux: & avancer les impudens, vicieux, & meschans. car le vice que tu blasmes si fort, dit-il, est la conseruation de l'estat populaire. Et quant à la iustice, le peuple, dit il, ne s'en soucie aucunement, pourueu qu'il tire profit des iugemens qu'il vend au plus offrant, & qu'il ayt moyen de ruiner les riches, les nobles, les gens de bien, qu'il harasse sans cause, pour la haine capitale qu'il a contre telles gens, du tout contraires à son humeur naturel. c'est pourquoy la Republique populaire est la ressource, & le refuge de tous hommes turbulens, mutins, seditieux, bannis, qui donnent conseil, confort, & ayde au menu peuple, pour ruiner les grands. car quant aux loix on n'y a point d'esgard, veu qu'en Athenes le vouloir du peuple est loy. Voila le iugement que fait Xenophon de la Republique d'Athenes, qu'il dit auoir esté la mieux ordonnée de toutes les Republiques populaires qui fussent de son temps, & ne vouloit qu'on y changeast rien, pour maintenir le peuple en sa puissance. Le¹ Iurisconsulte fait semblable iugement de la paillarde, disant que ce n'est pas bien fait d'auoir abandonné son honneur: mais ayant perdu sa honte, que ce n'est pas mal fait de tirer tout le profit qu'elle pourra de son mestier. ainsi conclud Xenophon, que l'estat populaire ne vaut rien, mais estant tel, qu'il faut pour sa conseruation, bannir des citez populaires tout honneur, & vertu: c'est à dire que la plus forte tyrannie n'est pas si dangereuse que l'estat populaire ainsi gouverné. Mais encores y a il vne peste plus capitale, des Republiques populaires, c'est l'impunité donnée aux meschans, pourueu qu'ils soient citoyens, c'est à dire petits Roys: & mesmes en l'estat populaire des Romains, il estoit defendu à tous Magistrats sus la vie², de condamner à mort naturelle, ou ciuile, ny le priuer de sa liberté, ou droit de bourgeoisie: ny mesme de battre³ de verges le citoyen Romain. Aussi voit-on vn Verrès estant accusé, atteint, & conuaincu d'auoir brigandé,

Droit iugemēt
de Xenophon
de l'estat popu-
laire.

1. l. 4. de condict.
ob turpem.

Impunité de vi-
ces en l'estat po-
pulaire.

2. leges Valerietres
lex Sēpronia Ci-
cero pro rabirio.
perduel. Liuius lib.
7. & 10.
3. lex Portia. Cice-
ro pro rabirio
perd.

Les plus vertueux bannis, les plus meschans eschangent en l'estat populaire.

4. Plutar. in Phocione.

5. Plutar. in Demosth.

6. Plutar. in Mario.

7. Cicero pro Cluentio in Verrem & lib. 4. ad Atticum. epistol. vlt.

Estat populaire débordé en toute licence.

vollé, & commis cent mil concussions, & faux iugemens, estre quitte en sortant de Rome, & abandonnant partie de ses larcins. Et neantmoins on bannissoit Rutilius, Metellus, Coriolanus, les deux freres Scipions, Ciceron: comme en Athenes on chassa Aristide le iuste, Themistocle mourut banni, Miltiade en prison, Socrate aussi fut executé. Et combien que Phocion, le plus entier, & vertueux homme de son aage, eust esté quarante & cinq fois esleu capitaine en chef, sans auoir receu aucun blasme: neantmoins sans autrement instruire son proces, ny celui de ses compagnons, vn harangueur se leua deuant le peuple, & demanda s'il leur plaisoit qu'on fist mourir Phocion, & ses compagnons: tous se leuerent, sans qu'il en demeurast vn seul assis, & haussant la main les condamnerent, & plusieurs porterent des chapeaux de fleurs pour les condamner, sans qu'il y eust esclau, ny femme, ny estranger forclos du iugement: ⁴ quant à moy, dist Phocion, passe: mais ceux cy pourquoy mourront ils? le peuple forcené respond, par ce qu'ils sont tes amis: & furent tous executez. Et toute fois les plus meschans ordinairement rechapoient la main du peuple: quoy voyant Demosthene, & que le peuple auoit absous Antiphon, il poursuiuit neantmoins, & le fist condamner, & depuis executer à mort, par arrest des Areopagites, ne se souciant pas du peuple, & n'en fut onques repris: qui monstre bien qu'il n'y auoit ny iustice, ny maiesté quelconque aux estats du peuple. Et tout ainsi qu'en la Republique populaire ainsi gouuernée, tous estats sont vendus au plus offrant, aussi les magistrats reuendent en detail, ce qu'ils ont achepté en gros. Et mesmes en Rome Marius osa biē faire porter des minots pleins d'argent ⁶ pour acheter les voix du peuple. Pompee fist le semblable. Aussi c'est chose incroyable des concussions qui se faisoient en plein iugement, & en veüe d'un ⁷ chacun, iusques à là que Stratocles, & Democrides Atheniens, lors qu'ils prenoient possession de leurs offices, allons disoient ils, à la moisson d'or. Et si les estats, & la iustice estoient si indignement vendus en ces deux grādes Republiques, enrichies de la depouille des autres peuples, que doibt on iuger des estats populaires, où le peuple est indigent? Nous auons l'exemple des Magarenses lesquels ayant chassé leur Prince Theagenes, establirent vn estat populaire si débordé, qu'il estoit licite aux pauvres d'aller viure en la maison des riches, comme dit Platon. Mais ceux là qui font tant d'estime de l'estat populaire des Romains, se debueroient mettre deuant les yeux les seditions, & guerres ciuiles, qui ont tousiours agité ce peuple là: & se représenter tantost le peuple d'un costé en vne montagne, & la noblesse d'autre costé diuisez par trois fois: tantost vn Tribun Saturnin avec sa troupe de gens ramassez, esclau, & artisans, armez de bastons, & de pierres, venir en pleine assemblée du peuple, & chasser la plus saine partie, & tuer celui qui auoit emporté le Consulat à la voix du peuple. Ce que ne faisoient pas seulement les Tribuns enragez contre les Consuls, ains aussi les Consuls

Consuls entre eux. de sorte que vne fois le Consul^o Cassius fist crier à son de trompe que tous les Latins & Herniques qui n'auoient maison en Rome eussent à vuidier: Virginius son compagnon fist publier tout le cōtraire, afin de faire passer au peuple la loy qu'il vouloit, & acharner au milieu de la ville les habitans de Rome, contre les estrangers. Qui n'estoit pas chose nouuelle: car les competeurs venoient ordinairement armez sous la toge, & bien accompagnez: Nous auons veu, disoit Ciceron, fort souuent en pleine assemblee des estats, les coups de pierre ruez de tous costez, & les espees aussi tirees, non pas si souuent, mais neantmoins trop souuent. Brief qu'on face recherche de toutes les Republiques populaires qui furent onques, on trouuera qu'elles ont presque tousiours eu guerre, ou à l'ennemi, ou à leur estat, ou bien qu'elles ont esté gouuernées en apparence par le peuple, & en effect par quelques vns des citoyens, ou du plus sage d'entre eux, qui tenoit lieu de Prince, & de monarque. Tandis que la Republique d'Athenes fut belle, & fleurissante, elle fut gouuernée par le Senat des Arcopagites: & lors que leur puissance fut retranchée, Periclès, dit Thucydide, estoit vray Monarque d'icelle, ores qu'en apparence elle fust populaire. Et Pierre Soderin, en la harangue qu'il fist au peuple de Florence pour changer l'estat, dist que du temps de Laurens de Medicis, la Republique en apparence estoit populaire, & en effect vne pure tyrannie: par ce que Laurens gouuernoit tout seul. mais il ne dit pas qu'elle ne fut onques plus fleurissante, & que au parauant ils n'auoient iamais eu dix ans de relasche des seditions, & factions les plus sanglantes qui furent onques en Republique⁸ du monde. Aussi pouuons nous dire, que l'estat populaire des Romains a esté maintenu par le Senat, & l'autorité d'iceluy soustenue par vn Mene-nius Agrippa, vn Camil, vn Papirius Cursor, vn Fabius Maximus, vn Scipion, vn Caton, vn Scaurus, qui retenoient la splendeur du Senat, & seruoient au peuple de frein, pour le resserrer aucunement entre les barrières d'honneur³. Ainsi lisons nous que Pelopidas, & Epamynōdas estoient comme seigneurs de l'estat populaire des Thebains⁹: apres la mort desquels, le peuple sentit soudain qu'il auoit perdu ses maistre-pilotes: comme il aduint en cas pareil aux Atheniens, apres la mort de Periclès, alors, dit Plutarque, le peuple flotoit comme vn nauire sans gouuernail: & comme chacun voulust gouuerner, les vns faire voile, les autres surgir au port, l'orage suruint, dit Polybe, qui fist perir le nauire. Et combien que les Atheniens apres auoir perdu la souueraineté de la Grece gouuernerent leur ville, & territoire populairement, si est-ce que Demosthene disoit haut, & clair deuant le peuple, que l'estat d'Athenes, estoit sous la puissance des orateurs, & harangueurs desquels dependoient les capitaines, qui auoient pour le plus trois cens hommes apostez, pour faire passer tout ce qu'ils vouloient à prix d'argent, maladie commune, dit Plutarque, à toute Republique populaire: & de

o. Dionys. Halyc.

Pericle, & Laurens de Medicis Monarques de Athenes, & de Florence.

8. Macciauel. en l'histoire de Florence.

3. Lilius lib. xxx. sub vmbra Scipionis Urbem terrarū dominam latere: nutus eius pro decretis patrum pro populi iussis esse.

9. Plutar. in Pelopid.

1. Plutar. in Peri.

2. lib. 6.

L'estat populaire conserué par vn petit nombre de sages.

celle de Tarente disoit vn Ambassadeur, *In potestate iuniorum plebem, in manuplebis rem Tarentinam esse*. Et fus le declin de l'estat populaire en Rome, Crassus, Cesar, & Pompee, qu'on appelloit la Triple teste, gouvernoient, & tenoient tout le Senat, & le peuple en leur puissance: mais les deux estans tuez, le troisieme s'en fist seigneur absolu. Ainsi voit-on que l'estat populaire ne peut subsister, s'il n'a de sages Pilotes: & neantmoins laissât le gouvernail aux plus accorts, ils s'en font tousiours maistres, & le peuple ne sert que de masque. Mais dira quelqu'un, voit-on pas les seigneurs des ligues auoir establi vn bel estat populaire, & continué le gouuernement d'iceluy plus de trois cens cinquante ans? & par ce moyen s'estre guarentis, non seulement de la tyrannie, ains aussi auoir donné la chasse aux tyrans de leurs voisins? Il y a double responce, premierement le pays, & le naturel du peuple, qui n'a rien d'ambition, est conuenable à l'estat populaire, comme i'ay dit cy dessus. en second lieu les plus querelleux & mutins s'en vont au seruice des Princes estrangers: & le surplus du menu peuple doux, & facile à manier, n'a pas grand soin de l'estat. dauantage tous les seigneurs des ligues & Republiques populaires, sont entrez en alliance offensive, & defensiue, & s'entretiennent contre la puissance des Monarques, comme faisoient anciennement les Atheniës, & Thebains. Et outre le fondement de leur estat populaire, fut basti, & cimenté du sang de la noblesse, & des plus riches. Premièrement à la iournee de Sarnac: puis apres la iournee de Basle où le Roy Louys xi. estant Daufin eut la victoire: alors tous les nobles du pays qui l'auoient fuiui, furent bannis: le surplus se bannit volontairement, apres le traité de dix Cantons fait l'an M. D. x. & au changement de la religion, l'an M. D. xxix. tellement qu'il en reste bien fort peu à Berne & à Suric, où l'estat est Aristocratique. Et nō seulement les seigneurs des ligues, ains aussi ceux de Strasbourg, Syenne, Lyndavve, Genes, Florence, pour establiir vne liberté populaire, tuerēt ou chasserent toute la noblesse, comme ils ont fait en plusieurs villes d'Almagne. Encores ceux de Florence, apres auoir depeesché les gentils hommes, se diuiserent en trois factions des grands, moyens, & populace: & cōme les grands entrerent en faction, & s'entretuerent, les moyens se vouloient preualoir, & s'acharnerēt si bien les yns contre les autres, que toute la ville n'estoit que sang, & feu, & ne cesserēt de tuer, & brusler, iusques à ce que la racaille, & rebut du peuple print le gouuernement: & en auoient tousiours aux plus grands, qui tranchent des gentils hommes, quand ils ont trainé vne espee, ou monté à vn degré d'honneur, en quelque republique que ce soit, ou qu'ils ont acquis du biē plus que les autres. Qui est la cause que ceux de Strasbourg ayant tué toute la noblesse, ordonnerent que celuy qui voudroit estre grād Burgomastre, verifiroit que son ayeul estoit laboureur, artisan, ou boucher, ou de condition semblable. Et les anciens pour asseurer les estats populaires, s'efforceoient d'esgaler tous les citoyens en biens,

3. Antonin en l'histoire de Florence.
 Coustume de Strasbourg.
 L'estat populaire tend à communauté de toutes choses.

en honneurs, en puissance, en loyers: & s'il y auoit quelque vn plus vertueux, plus iuste, plus sage que les autres, on le bannissoit, comme nous auons monstré cy deuant: voulant faire tout vn, autant qu'il seroit possible, & mesmes Platon fut bien d'aduis que les femmes & enfans fussent aussi communs à tous: afin que personne ne peut dire, cecy est mien, cela est tien: car ces deux mots, dit-il sont cause de troubler, & renuerfer toutes les Republiques. Dont il resulte de grandes absurditez: par ce que en ce faisant, la cité se ruine, & deuiet maison, comme disoit Aristote: combien que la maison, ou famille, qui est la vraye image de la Republique, n'a qu'un chef: & pour ceste cause, vn ancien legistateur importuné de quelque vn de faire l'estat populaire en son pais, fay le, dist-il en ta maison. Et s'ils disent que c'est chose belle, d'unir tellement les citoyens, & la cité, qu'on en face vne maison, & de la Republique vne famille, il faut donc oster la pluralité de chefs, qui est en l'estat populaire, pour establir vn monarque, comme vray pere de famille: & trancher ceste equalité de biens, de puissance, d'honneur, de commandement, qu'on veut faire en l'estat populaire, attendu que tout cela est incompatible en la famille.

La famille est l'image de la Republique.

Mais le plus grand inconuenient est, qu'en ostant ces deux mots TIEN & MIEN, On ruine les fondemens de toutes Republiques, qui sont principalement establies pour rendre à chacun ce qu'il luy appartient, & defendre le larcin, comme il est porté par la loy de Dieu, qui a disertement voulu, que la propriété des biens fust gardee à chacun. & ne faut pas dire que nature a fait toutes choses communes: car la loy de la mere n'est point contraire au commandement du pere, comme dit Salomon, figurant par allegorie, les commandemens de Dieu, & la loy de nature. Et la vraye liberté populaire, ne giste en autre chose, sinon à iouir de ses biens en seureté, & ne craindre qu'on face tort à l'honneur, ny à la vie de soy, de sa femme, ny de sa famille, ce que les voleurs mesmes s'efforcent de garder. Et quant à la puissance de commander, que les hommes populaires veulent esgaler, il y a moins encores d'apparence qu'aux biens, car la sagesse & prudence, n'est pas esgalement donnée à tous & faut par necessité choisir en l'estat populaire des pl⁹ suffisans magistrats pour commander, & distribuer la iustice. Et qui plus est, où il n'y a forme aucune de souueraineté, ny de Republique, le peuple est contrainct de faire vn Magistrat, ou capitaine pour commander, & faire iustice: comme en Afrique au pays de Guzula, où il n'y a ny Roy, ny forme quelconque de Republique, le peuple aux iours de foire eslist vn capitaine pour faire iustice, & asseurer le cours de la trafique: & aux frontieres du Royaume de Fez les habitans de la montaigne de Magnan, qui n'ont point aussi de forme de Republique, arrestent les passans par force, pour receuoir d'eux iustice.^s Or la maxime des estats populaires est, quand les personnes sont esgales, pour soustenir la charge qui se presente, de geter au sort: & si l'un passe l'autre, de faire chois du

Ostant la propriété des biens on ruine les republiques.

La sagesse n'est pas egale en to⁹ pour faire part à tous des estats & offices.

s. Leon d'Afrique
Regle des estats populaires.

plus suffisant. Et qui est celuy qui ne cognoist à veuë d'œil, qu'entre les hommes il y en a qui ont moins de iugement que les bestes brutes ? & d'autres où les marques de la lumiere diuine est si claire, qu'ils semblent plustost Anges qu'hommes ? & neantmoins ceux qui cherchent l'equalité, veulent qu'on baille auctorité souueraine de la vie, de l'honneur, & des biens aux furieux, aux ignorans, aux insensez, aussi bien qu'aux hommes sages, & bien entendus. car les voix en toute assemblee, sont comptees, sans les poizer : & tousiours le nombre des fols, des meschans & ignorans, est dix fois plus grand que des gens de bien. Combien qu'il y a vne raison naturelle, qui nous monstre que l'equalité qu'ils cherchent ruine les fondemens d'amitié, veu qu'il n'y a iamais de querelles, & inimitiez plus grandes, qu'entre ceux là qui sont esgaux, soit pour supéditer l'un l'autre : soit pour ce que l'un se peut passer de l'autre. Et semble que Dieu a distribué ses biens & ses graces aux pays, & aux peuples par telle mesure, qu'il n'y a personne qui n'aye affaire d'autrui, afin que par les biens-faits, & plaisirs mutuels, chacun peuple en particulier, & tous en general, soyent contrains de traicter alliances, & amitez entr'eux. comme il se voit au corps humain, qui est la figure de la Republique bien ordonnee, il n'y a membre qui ne donne, & recoiue secours des autres : & celuy qui semble estre le plus oisif, digere la nourriture à tous les autres : comme dist ce sage Senateur Romain au menu peuple, qui s'estoit departi de la noblesse, & se vouloit esgaler à icelle en puissance, & autorité. I'ay bien voulu vser de cest exemple, & monstrier au doigt, & à l'œil les inconueniens qui suiuent l'estat populaire : afin de reduire à la raison ceux-là, qui s'efforcent de soustraire les sujets de l'obeissance de leur Prince naturel, pour vne fausse esperance de liberté qu'on leur donne, establisant les Republiques en forme populaire : qui n'est autre chose en effect, que la plus pernicieuse tyrannie qu'on puisse imaginer, si elle n'est gouuernee par gens sages, & vertueux, qui manient le gouuernail, comme ceux que i'ay dit. C'est pourquoy entre les seigneurs des ligues, ceux qui mieux sont policez, i'aoit qu'ils ayent establi la forme de Republique populaire, se gouernent neantmoins Aristocratiquement, ayant deux, ou trois conseils, afin que le peuple ne s'entremesse des affaires d'estat, que le moins qu'il sera possible : & ne s'assemblent gueres que par cartiers, ou parroisses, ou schaffes, comme faisoient anciennement les habitans de Mantinee Republique populaire, craignans les tumultes & rebellions qui aduiennent ordinairement quand ils sont ensemble, Mais puis qu'il n'est pas en la puissance des bons citoyens, & sages politiques de changer l'estat populaire en monarchie : le principal fondement de l'estat populaire gist à garder estroitement les edits & ordonnances. car d'autant que l'estat populaire est establi contre le cours, & ordre de nature, laquelle donne le commandement aux plus sages, chose incompatible au peuple : si le peuple qui

L'equalité & amitié sont incompatibles.

ne

ne reçoit commandement, n'a de bonnes loix & ordonnances deuant les yeux, comme flambeaux pour le guider, l'estat sera bien tost renuersé. C'est pourquoy les seigneurs des ligues gardent estroitement les edicts, & ordonnances: autrement leur estat n'eust pas duré si longuement. & tout ainsi que les hommes foibles, & flouëts tombent souuēt en maladies s'ils delaissent leur diete & reiglement ordonné du medecin: ainsi est-il de l'estat populaire s'il delaisse à garder les loix, & ordonnances. Voila quelques raisons pour payer ceux qui ne se contentent pas, que les plus grands personages qui furent onques, ont reprouué l'estat populaire. Voyés si l'Aristocratie est meilleure que les autres, comme plusieurs sont d'aduis, Car s'il est ainsi qu'en toutes choses la mediocrité est loüable, & qu'il faut fuir les extremitez vicieuses, il s'ensuit bien que ces deux extremitez vicieuses estant regetees, il se faudra tenir au moyen qui est l'Aristocratie, où certain nombre des plus apparens entre vn, & tous, a la seigneurie souueraine: comme s'il y a dix mil citoyens, qu'on face choïs de cent: qui sera iustement le nombre proportionné entre vn, & dix mil: & croistre ou diminuer le nombre, selon la multitude des sugets: en quoy faisant, on tiendra la mediocrité loüable, & desirée entre la monarchie, & la Democratie. Il y a vn autre argument qui n'a pas moins d'efficace, pour monstrier que l'estat Aristocratique est le meilleur de tous: c'est que la puissance de commander en souueraineté, doit estre baillée par raison naturelle aux plus dignes: or la dignité ne peut estre qu'en vertu, ou en noblesse, ou en biens: ou és trois ensemble: si doncques on veut choisir l'vn des trois, ou conioindre les trois ensemble l'estat sera tousiours Aristocratique: car les nobles, les riches, les sages, les vaillans homes, sont tousiours la moindre partie des citoyés en quelque lieu que ce soit, il faut donc par raison naturelle, que la seigneurie soit Aristocratique, quād plusieurs des citoyés, & la moindre partie d'iceux tient l'estat: ou proprement quand les plus gés de bien seulement y sont receus. Encores peut on dire que la souueraineté doit estre baillée aux plus riches seulement: comme à ceux qui plus ont d'interest à la conseruation de toute la Republique; or il est certain que les plus riches y ont plus d'interest, ioint aussi qu'ils portent plus grande charge que les pauvres, lesquels n'ayant que perdre quittent la seigneurie au besoin. Qui fut la seule occasiō que Q. Flaminius⁶ laissa la seigneurie aux plus riches és villes de Thessalie, comme à ceux dist-il, qui auoyent plus d'interest à la conseruation de l'estat. Dauantage, il semble que la necessité nous guide à l'estat Aristocratique: car combien qu'en l'estat populaire, & en la monarchie, le monarque, ou le peuple en apparence ayent la souueraineté, si est-ce en effect qu'ils sont contraints de laisser le gouvernement au senat, ou conseil priué, qui delibere de grandes affaires: de sorte que c'est tousiours Aristocratie. & si le monarque, ou le peuple sont si maladuisez de se gouverner autrement, que par vn sage conseil,

Raisons pour
l'estat Aristocra-
tique.

Le gouverne-
ment d'une Re-
publique doit
estre baillé à
ceux qui plus
ont d'interest
à la conserua-
tion d'iceluy.
6. Liuius lib. 34.

Les Aristocraties qui moins ont de seigneurs sont plus durables.
Le sénat n'a que l'advis.

L'argument de Platon captieux.

L'estat de peu de seigneurs est l'estat de peu de tyrans.

il ne faut rien attendre que la ruine inévitable de l'estat. Je laisse les autres raisons moins nécessaires, qu'un chacun peut juger, pour conclure que l'Aristocratie est la plus loüable République. Et neantmoins ie di, que toutes ensemble ne sont pas suffisantes, Car quant à la mediocrité loüable qu'on cherche, elle n'est pas réelle, pour diuiser les choses par moitié: & mesme aux vertus elle ne gist qu'en raison, comme tous les Philosophes sont d'accord. Or le moyen qu'on cherche entre un, & tous, est réel: & qui ne sera iamais semblable, veu qu'il y a des citez qui n'ont pas mil citoyens, les autres en ont plus de trois cens mil: de sorte que l'estat Aristocratique sera tousiours muable, & variable pour le nombre incertain. & aduiedra qu'une grande seigneurie Aristocratique, aura plus de seigneurs, que l'estat populaire d'une petite ville n'aura de citoyens, & par consequence nécessaire, les inconueniens que nous auons deduit en l'estat populaire, seront aussi en l'estat Aristocratique, pour la multitude des seigneurs. car plus il y aura de gouuerneurs, & plus y aura de factions, & les deliberations seront plus difficiles à resoudre, & plus tost euentees. C'est pourquoy les seigneuries Aristocratiques ont esté beaucoup plus durables, & plus asseurees, qui moins ont eu de seigneurs, comme les Lacedemoniens avec trente seigneurs, & les Pharsaliens avec une vingtaine, ont longuement entretenu leur seigneurie: & les autres ne l'ont pas fait longue. Ce n'est donc pas le nombre moyen entre un, & tous, qui fait la mediocrité loüable: veu mesmement qu'il y a autant de sortes de Républiques vicieuses, comme il y en a de loüables. Quant à l'autre point, qu'il faut bailler la souueraineté aux plus dignes, celà est bien vray: mais cest argument fait plus pour la monarchie, que pour l'Aristocratie: car entre les plus nobles, où les plus sages, ou les plus riches, ou les plus vaillans, il y en a tousiours quelqu'un qui surpasse les autres: auquel la souueraineté, par mesme argument, seroit deuë: car il est impossible de les trouuer egaux en tout, & par tout. Et quant au sénat, nous auons monsté qu'il n'a aucune puissance de commander en quelque estat que ce soit: autrement il perd le nom, & la marque de Sénat, qui n'est establi que pour donner aduis à ceux qui ont la souueraineté, auxquels appartient la resolution, & decision du conseil. Toutesfois Platon auoit encores un autre argument pour l'estat Aristocratique, disant qu'il estoit mal aisé de trouuer un homme si sage, & si vertueux qu'il faut, pour gouuerner un estat: & par ainsi que la monarchie n'estoit pas seure: mais on peut vser de semblable argument contre luy: car s'il est mal-aisé de trouuer un si sage Prince qu'il desiré, comment pourroit on en trouuer un grand nombre, qu'il faut en une seigneurie? Et de fait Pierre Soderin Confalonier, parlant au peuple de Florence, contre l'estat Aristocratique, vsa du mesme argument que fit Mecenas deuant Auguste contre Marc Agrippa, disant que l'estat de peu de seigneurs, est l'estat de peu de tyrans: & qu'il vaudroit mieux en tout

tout euenement n'auoir qu'un tyran. Car si on veut dire qu'entre plusieurs, il y en aura peut estre quelque nombre de bien : on doit donc plustost choisir l'estat populaire, d'autant qu'en plus grand nombre il s'en trouuera plus de vertueux qu'en un petit nombre. Mais l'un & l'autre est inutile, car en toutes seigneuries Aristocratiques, & populaires, cōme en tous corps & colleges, la plus grande partie, emporte tousiours la plus saine, & la meilleure : & plus y a d'hōmes, moins a d'effect la vertu, la sagesse, la prudēce : tout ainsi qu'un peu de sel en un lac perd force : en sorte que les gens de bien, serōt tousiours vaincus en nombre, par ceux qui serōt les plus vicieux, & ambitieux : & pour un tyran, il y en aura cent, qui empescheront les resolutions de la moindre, & plus saine partie : comme il s'est veu tousiours, tant es diettes des dix cercles d'Almaigne, que pareillement es diettes Imperiales, où les Princes spirituels de l'Empire, pour estre en plus grand nombre, ont tousiours empesché les Princes temporels, en sorte que l'empereur Charles v. obtint² par leur moyen, que l'Empire se declaira ennemi de la maison de France ce qui iamais n'auoit esté veu, afin que les Princes temporels, n'eussent aucune esperance du secours de France en leur necessité, en laquelle tost apres ils tomberent. Et pour le faire court, on a tousiours veu que plus il y a de testes en vne seigneurie, plus y a de disputes, & moins de resolutiō. C'est pourquoy la seigneurie de Venize, pour obuier aux inconueniens que i'ay dict, laisse manier toutes les affaires d'estat par vne douzaine de personnes, & le plus souuent par les sept : principalement pour tenir les affaires secretes, en quoy gist le salut, & conseruation d'un estat. Toutesfois posons le cas que le conseil priué en l'Aristocratie soit si secret, qu'il n'en soit rien euenté : si est-ce chose bien difficile à peu de seigneurs, de maintenir leur estat, cōtre tout un peuple, qui n'a part aucune aux estats honorables : attendu mesmement que les seigneurs mesprisent ordinairement le populace, & que les pauvres ont tousiours hayne capitale contre les grands : tellement que pour la moindre sedition des seigneurs entre eux, qui est ineuitable s'ils sont gens de fait & aguerris, le plus fascheux, & ambitieux se retire au peuple, & ruine l'Aristocratie : qui est l'occasion qui plus a renuersé de seigneuries, comme i'ay montré cy deuant, des seigneuries de Gennes, Sienn, Florence, Coulongne, Suric, Strasbourg, Lindauve, & des anciens Phonenses, Samiens, Trezeniens, Amphipolytes, Corcyréans, Cnidiens, Mityleniens, Hestienfes : où le populace a chassé, banni, tué, pillé les seigneurs. Et quelque bonne garde qu'ils facent, si est-ce qu'ils vivent tousiours en defiance : & quelques fois en telle crainte, qu'ils n'osent s'assembler sinon en forteresses : comme en la ville de Benizenete située au Royaume de Telefin en Barbarie, qui est sous le gouuernement de peu de seigneurs qui se tiennent tous en la forteresse, craignans que le peuple ne se gette sus eux, ou que l'un des seigneurs ne tue ses compagnons, & mesme les

En tous corps, estats & colleges, le plus grand nombre l'emporte.

². l'an 1543.

Les Princes spirituels de l'empire sont en plus grand nombre.

L'occasion qui plus a ruiné de Aristocraties.

Perpetuelle crainte & defiance des seigneurs en l'estat Aristocratique.

Les moyes qui
ont cōserué l'e-
stat de Venize.

habitans de Millet, apres auoir chassé les deux tyrans s'atacherent cruellement entre eux, les grands contre le menu peuple, & en fin les riches ayans vaincu le pauures establirent vne seigneurie Aristocratique, mais ils viuoient en telle crainte, & defiance, qu'ils mōtoient és nauires, pour tenir le conseil, craignāt, dit Plutarque, d'estre surpris, & tuez par le peuple: comme furent les seigneurs des Samiens, qui furent tous massacrez par le peuple lors qu'ils tenoient conseil. Et en ceste crainte les seigneurs n'osent aguerrir, ny armer le peuple: & ne peuuent aller en guerre, qu'ils ne soient au hazard de perdre l'estat, s'ils perdēt vne bataille: & ne se peuuent aussi asseurer des estrangers, craignans qu'ils soient par eux defaits. Ausquels dangers l'estat populaire n'est pas suget, ayant chacun part à l'estat. Doncques la seigneurie Aristocratique, non seulement est en danger des ennemis estrangers, ains aussi du peuple, qu'il faut contenter, ou retenir par force: de le cōtenter sans luy faire part des estats, il est bié difficile: & impossible de le receuoir aux charges honorables, sans changer l'estat Aristocratique en populaire. de le retenir par force, ce n'est pas chose seure, quand ores il se pourroit faire: car c'est entrer ouuertement en crainte, & defiance de ceux qu'il faut gagner par biensfaits, & amitié. autrement la moindre guerre des estrangers contre la seigneurie, ou des seigneurs entre eux fera, que le peuple prendra les armes, pour secouër le ioug. C'est pourquoy les Venitiens, pour maintenir leur estat Aristocratique, font part au peuple de quelques menus offices, & contractent alliances avec eux, & empruntent d'eux pour les obliger à maintenir l'estat, & les desarment du tout: & affin de les rendre plus doux, & ployables, ils leur donnent pleine liberté, en toutes sortes de plaisirs: & dōnent quelquesfois droit de bourgeoisie aux plus riches citadins: & s'ils ont guerre contre l'estranger, ils appointent bien tost à quelque prix que ce soit: & sur tout ils s'efforcēt d'estaindre soudain les partialitez, & haynes, entre leurs gentilshommes: qui fait que les riches enyurez de plaisirs, & les pauures ayans moyen de traffiquer, & s'exercer en tous arts mechainiques, avec la commodité du lieu maritime, & forteresse naturelle, n'ōt pas grande occasion, & moins encores de puissance de se rebeller. Voila les moyens qui ont principalement maintenu leur estat, & non pas la nature de l'Aristocratie, comme plusieurs pensent. Et combien que la nature du lieu de Venize, l'humeur du peuple, la prudēce des seigneurs, & les loix sont propres à l'estat Aristocratique, si est-ce qu'il n'y a pas plus de quatre cēs ans qu'ils ont institué ceste forme de Republique, & neātmoins ils n'ont peu euitier plusieurs guerres ciuiles, & seditions Bochoiennes, Faleriennes, Tepoliennes, Baiamontaines, & les factiōs cruelles des Iustiniens, des Sceuoles, Seliens, Bassiens, les meurtres de dixhuiēt Ducs, & de grand nombre de Senateurs, qu'on peut voir en leurs histoires. En quoy s'est abuzé Paul Ioue, qui tient que l'estat des Venitiens a duré huit cens ans, & plus encores Paul Manuce & du Moulin qui mer-

tent

tent x i i. cens ans : car il s'est bien verifié³ par les registres anciens de leur seigneurie, qu'au-parauant Sebastien Cian Duc de Venize l'an M.C.LXXV. c'estoit vne vraye monarchie: & neantmoins il n'y a iamais eu Aristocratie, dont nous ayons cognoissance, qui ayt tant duré, ains la pluspart ont bien tost changé en cruelles tyrannies, ou Democraties sanguinaires, cōmenous auons monsté en son lieu. Et pour mieux le cognoistre à veüe d'œil, ie mettray pour exemple nouueau l'estat de Gennes, auquel ayant eu paix avec les Venitiens, par le moyen de la protection de France tost apres les Adornes, & Fregoles diuiserēt la seigneurie, qui lors estoit Aristocratique en deux factions, dont il s'en ensuiuit plusieurs meurtres des principaux en sorte que le menu peuple print les armes, secoüa le ioug, & osta la seigneurie aux gentils-hommes: & par succession de temps fist⁴ vne ordonnance, par laquelle nul ne pouuoit estre Duc de Gennes, qui ne fust roturier: & depuis on publia vne autre ordonnance, qui defendoit que les gentils-hommes eussent plus de la tierce partie des autres offices. & tost apres pour quelque sedition le peuple chassa du tout la noblesse, elisant huit tribuns, & apres s'estre exemptez de la protection de France, il esleut pour Duc vn tainturier, que le Roy Loüys x i i. fist pendre, ayant repris la ville. mais depuis que André Dorie se fut reuolté, & qu'il pouuoit disposer de la Republique à son plaisir, il fist chois de tous ceux qui auoiēt six maisōs en la ville, & de quelques autres de nom, & de marque, qui n'estoyent pas si riches, & distribua tous ceux là en x x v i i i. lignees, qu'ils appelloient Alberghi, leur donnant qualité de noblesse, & le gouuernement de la seigneurie, & en debouta la reste du peuple, sauf à faire par chacun an dix roturiers nobles, & les recevoir au nombre des seigneurs: ce qui ne fut pas toutesfois bien executé: en sorte que de quatre vingt mil citoyens, qu'ils pouuoient estre, il n'y en auoit que douze cens, ou enuiron, qui eussent part à l'estat: & de ce nombre il fut ordonné, que par chacun an il s'en feroit vn grand conseil de quatre cens, qui esliroyent le Duc, & les huit gouuerneurs, qu'on appelle la seigneurie, pour manier toutes les affaires d'estat, en deux ans qu'ils seroiēt en charge: horsmis, si la chose estoit de grāde importance, d'assembler le Senat de cent gentils-hommes. Et quant au Duc, il ne pouuoit estre esleu que des plus nobles familles, avec la garde de cinq cens Lansquenets: outre le general de l'armée, & les quarante centeniers. ie laisse les autres officiers, comme les procureurs de la seigneurie, le podestat, la rote, les sept iuges extraordinaires, les cinq syndics, les censeurs, & les officiers de la maison saint George. L'estat seigneurial a duré en ceste sorte x l i i i. ans, sous la protectiō de la maison d'Austriche, depuis l'an M.D.xxviii. iusques à l'an M.D.xlix. que Iean Flisco estant esleu Duc de Gennes apres Benedict Gentil, voulut perpetuer sa puissance, & pour y paruenir il s'efforça de remettre la seigneurie de Gennes sous la couronne de France, ayant ja defait l'armée de André Dorie, & tué son nepueu: il tomba en la

^{3.} Gianot Donat.
de la Republique
de Venize.

^{4.} l'an 1506.
L'estat de Gennes,
& changement d'iceluy.

mer voulant sauter d'une galere en l'autre : qui fut cause de rompre ses desseins. Depuis la seigneurie a repris la forme establie par André Dorie, & continué iusques à l'an M. D. LXXIII. qu'elle a esté diuisee en deux factions, l'une des anciens, l'autre des nouveaux gētils-hommes, qui sont encores en guerres ciuiles, & les anciens, se voyans chassés des nouveaux, se sont saisis des lieux, & forteresses hors la ville : & sont en danger de ruiner du tout, ou du moins retomber en l'estat populaire, comme ils firent l'an M. D. VI. La sedition est aduenüe pour la qualité de noblesse : car apres que André Dorie eut establi la seigneurie, comme j'ay dit, & clos l'entree du Duché de Gennes aux roturiers : les nobles des anciennes maisons (qui n'estoyent que quatre, à sçauoir les Dories, les Spinolles, les Grimoaldes, & les Fiesques) firent receuoir leurs genealogies, & icelles enregistrer es actes publiques, se diuisans par ce moyen des roturiers nouvellement anoblis, lesquels se trouuent en plus grand nombre, & les plus forts : & ont chassé les anciens : & s'ils ne s'accordent le peuple les chassera tous. J'ay monstré par cy deuant, que le grand conseil où le Senat doit estre perpetuel en l'Aristocratie, afin qu'il y ait quelque point ferme, & stable, sus lequel changemēt annuel de tous officiers se puisse reposer. Et quant au Duc, il est mal aisé qu'il n'empiete la souueraineté, ayant cinq cens hommes pour sa garde, attendu qu'il à deux ans pour estre en charge : ioint aussi les factions qui se sont esleues, pour atteindre à ce degré d'honneur. On voit donc euidentement, que le principal fondement de l'Aristocratie, est en l'amitié mutuelle des seigneurs, car s'ils sont d'accord ils se maintiendront, & gouverneront beaucoup mieux que le peuple : mais s'il y a faction entre eux il n'y a point d'estat plus difficile à garder, pour les raisons que j'ay dites : & mesmement si les seigneurs sont aguerris : car telles gens n'ont rien plus à contre-cœur que la paix. Et ne faut pas s'esmerveiller, si l'Aristocratie des Venitiens, Rhagusiens, & Luquoys, a duré quelques siecles, veu qu'ils ne s'adōnent aucunement aux armes, & n'ont rien plus en recommandation que la traffique & l'intereſt. Et pour dire en brief, il n'y a forme d'Aristocratie plus belle, ny plus asseuree, que celle qui fait chois des seigneurs de reputation, & de vertu ; ou du moins qui ne soyent point infames : quand celà se fait en substituant à celuy qui meurt vn autre en sa place par election : comme il se fait à Genefue, & en la pluspart des seigneurs des ligues : Si l'un des Conseillers du priué Conseil des xxv. meurt le plus ancien des Lxxv. monte en sa place : & le plus ancien du grand Conseil des deux cēs monte au conseil des Lxxv. & les deux cens eslisent l'un des plus honnestes bourgeois sans infamie. En quoy faisant l'estat demeure à peu de seigneurs, & neantmoins tous ont esperance d'y paruenir non par argent, ny par ambition : ains par honneur & vertu. C'est la vraye Aristocratie en propres termes, & qui est moins sugette aux dangers, & rebellion des seigneurs, & des sugets. Car telle seigneurie gardera fort bien les loix, & distribuera

distribuera droictement la iustice : pourueu qu'ils se contentent de leur estat, & qu'ils ne soient ambitieux pour conquerir l'estat d'autrui : cōme firent les Lacedemoniens. car il est presque impossible, qu'une seigneurie de peu de seigneurs, puisse acquerir ny maintenir vn grand Empire, comme peut faire vn monarque. aussi la ruine ou changemēt d'une petite seigneurie n'est pas tāt à craindre, que d'une grāde & puissante monarchie, qui tire apres soy la ruine des plus illustres familles, & bien souuent des alliez, & Republiques voisines, qui sont en protectiō : tout ainsi que vn bastiment haut esleuē obscurcist la veuē des autres, & tombant ruine de sa pesanteur ceux qui sont dedans, & qui l'environnent, avec vn bruit effroyable à ceux qui l'oyent. Voyla les commoditez de l'estat populaire, & Aristocratique & les incommoditez aussi. Reste maintenant à dire de la monarchie, que tous les plus grands personnages ont preferee aux autres Republiques : nous voyons neantmoins que elle est sujette à plusieurs dangers, ores que le changement du monarque soit de mal en bien, soit de bien en mieux : quand il n'y auroit autre chose que le changemēt⁴ de celuy qui a la souueraineté, qui est à craindre en toutes Republiques, comme nous auons mōstré cy dessus, car on voit ordinairement au changement des Princes, nouveaux desseings, nouuelles loix, nouveaux officiers, nouveaux amis, nouveaux ennemis, nouveaux habits, nouvelle forme de viure. car tous Princes se plaisent ordinairement à changer, & remuer presque toutes choses pour faire parler d'eux : ce qui apporte souuent de bien grandes incommoditez, nō seulement aux sujets en particulier, ains aussi à tout le corps de la Republique. Et quand cela n'y seroit point, & que le Prince fust le plus sage qu'on peut desirer, si est-ce que les alliances, & traitez faits avec le predecesseur, prennent fin avec luy. qui fait que les alliances finies, les Princes se mettent en armes, & le plus fort assaut le plus foible, ou luy donne loy. ce qui ne peut aduenir aux estats populaires, & Aristocratiques, quand ils font alliance perpetuelle, attendu que le peuple ne meurt point. qui fait que les autres Princes, & particuliers, ayment tousiours mieux contracter avec vne seigneurie, qu'avec vn Prince : pour la seureté des traitez, & obligations, ausquelles les successeurs des Princes ne sont pas tenus, s'ils ne sont leurs heritiers, comme plusieurs soustiennent, & pratiquent de fait. L'autre inconuenient en la monarchie, est le danger qu'il y a de tomber en guerre ciuile, pour la diuision de ceux qui aspirent à la couronne, & mesmement s'il y a droit d'election, qui souuent tire apres soy la ruine de l'estat : veu mesmes que par droit successif le peril est grand, s'il y en a plusieurs en mesme degré, qui s'entretuent quelquesfois les vns les autres, ou bien diuisent les sujets. nous en auons trop d'exemples deuant noz yeux : & souuent le successeur legitime, est chassé par celuy qui ne l'est pas. Et posé qu'il n'y ait aucun debat pour la Monarchie, si est-ce que si le Monarque est enfant, il y aura diuision pour le gouuernement,

Les incommoditez de la Monarchie.

4. Plato. lib. 7. de legib. mutationes in Repub. putat esse perniciosas.

5. Iesayæ cap. 3.

6. Ioseph.
Les tuteurs des
Monarques
souuent se font
seigneurs.

6. Plutar in Lycurg.

7. Polyb. lib. 5.

entre la mere, & les Princes : ou entre les Princes mesmes. Aussi Dieu pour se vanger des peuples, il les menasse de leur bailler pour Princes, des enfans. Et ores que l'enfant ayt vn tuteur, par ordonnance du predecesseur, ou par la coustume, si est-ce qu'il y a dâger, qu'il ne se face seigneur: comme fist^o Tryphō, qui tua son pupil Roy de Syrie, pour se faire Roy. ce qui est encore plus à craindre si le tuteur espouse la mere du pupil, cōme fist Louys Sforce, qui par ce moyen fist mourir le ieune Prince, & se fist Duc de Milan: Et combien que pour euitier à ce danger, on baille le gouuernement au plus proche, & la nourriture del'enfant à la mere, si est-ce toutesfois qu'il s'est veu des meres, qui ont vendu non seulement l'estat, ains aussi la vie de leurs enfans, comme fist la mere de⁶ Charilaus Roy de Lacedemonne. Et quelquesfois le tuteur continuë le gouuernement, & ne laisse rien au Roy que le tiltre, cōme fist le Duc de Northūberlād au Roy d'Angleterre Edoiard v. & Appelles⁷ au ieune Philippe Roy de Macedoine, qui ne peut ioiuyr de son estat, qu'il n'eust tué son tuteur. Et si le Prince vient à la couronne estant ieune, hors de tutelle, il n'y a pas moins de danger: car lors qu'il deuroit auoir vne douzaine de sages maistres, pour ranger à la raison les appetits, qui sont alors plus violents que iamais, il est du tout emancipé: qui fait ordinairement que la cour des ieunes Princes est debordee en folies, mascarades, & lubricitez, & le reste du peuple, suit l'humeur du Prince à la file: & pour vn vice, il en multiplie dix: comme nous auons dit cy deuant. Si le Prince est belliqueuz, il hazardera ses sugets, son estat, & sa personne, pour faire preuue de sa valeur. Et ores qu'il vienne à l'estat en aage meure, & sage, qui est le plus rare, & le plus grand don de Dieu, que peut souhaiter vn peuple, neantmoins la souueraineté a cela de malheur, que le plus souuent, les sages deuient fols, les vaillans deuient poltrons, les bons deuient meschās. ce seroit temps perdu de reciter les exemples, qui sont par trop frequens. Brief si le prince est subtil, & meschant, il establit vne tyrannie, & fait vne boucherie de la Republique s'il est cruel, ou biē vn bourdeau s'il est paillard: ou l'un & l'autre ensemble. s'il est auare, il arrache le poil, & la peau des sugets: s'il est prodigue, il succe le sang, & la moielle, pour saouler vne douzaine de sangsues, qui seront autour de sa personne. Et fera pis encores, s'il est sot, & ignorant, comme nous auons dit en son lieu. Et d'autant est la tyrannie plus à craindre, que le tyran n'a ny maistre, ny cōpagnon, qui puisse luy faire teste. Voila les dangers de la Monarchie, qui sont grands. mais il y a bien plus de peril en l'estat Aristocratique, & plus encores en l'estat populaire. Car les dangers que nous auons posez cessent pour la pluspart, où la monarchie est deuolue par droit successif, comme nous dirons cy apres. mais les seditions, partialitez, & guerres ciuiles, sont ordinaires, & quasi continuelles voire quelquesfois plus grandes pour la brigue des offices en la Republique seigneuriale, & populaire, que pour l'estat en la Monarchie, qui ne souffre point de seditio pour les

les offices, ny pour l'estat, sinon apres la mort du Prince, & peu souuent. Mais le principal poinct de la Republique, qui est le droit de souueraineté, ne peut estre, ny subsister, à parler proprement, sinõ en la Monarchie. car nul ne peut estre souuerain en vne Republique qu'un seul: s'ils sont deux, ou trois, ou plusieurs, pas vn n'est souuerain: d'autant que pas vn seul ne peut donner, ny receuoir loy de son compaignon. & combien qu'on imagine vn corps de plusieurs seigneurs, où d'un peuple tenir la souueraineté, si est-ce qu'elle n'a point de vray suget, ny d'apuy, s'il n'y a vn chef avec puissance souueraine, pour vnir les vns avec les autres: ce que ne peut faire vn simple Magistrat sans puissance souueraine. Et s'il aduiet que les seigneurs, ou les ligneés du peuple, soient diuiseés, cõme il se fait souuent, il faut venir aux mains, & à la force, & prendre les armes les vns contre les autres. Et encores que la plus part soit d'un aduis, si est-ce qu'il se peut faire en vn peuple, que la moindre partie ayt plusieurs legions, & faisant vn chef, qu'elle face teste au plus grand nombre, & emporte la victoire. Aussi voit-on les difficultez qui sont & ont tousiours esté es Republiques populaires, & seigneuries quand les vns, & les autres tiennent parties contraires; & pour diuers Magistrats les vns demandent la paix, les autres la guerre: les vns veulent ceste loy, les autres celle là: les vns veulent ce chef icy, les autres cestuy-là: les vns veulent traiter alliance avec le Roy de France, les autres avec le Roy d'Espagne, corrompus ou attirés qui çà, qui là, se faisant guerre ouuerte: comme il s'est veu de nostre aage es Republiques des Grisons. Et qui plus est, il aduiet quelquesfois par la coustume du pays, que la loy, ou le prince, ou le magistrat n'est point receu, si tous ceux qui ont voix, ne prestent consentement: comme en Poulongne, où il faut que la moindre partie chage d'aduis, & se ioigne à la plus grande par force, ou autrement: & pour ceste cause, ils viennent armez en campagne, pour ellire vn Roy, & forcer la moindre partie de cõsentir. ce qui ne peut aduenir, où il n'y a qu'un chef souuerain: duquel depend la resolution de toutes choses. Dauantage en l'estat populaire, & seigneurial, la plus grande partie tousiours s'en fait croire, combien que les sages, & vertueux, sont par tout en moindre nombre, en sorte que le plus souuent, & la plus saine, & meilleure partie est contrainte de ployer sous la plus grande à l'appetit d'un impudent Tribun, ou d'un effronté harangueur. mais le Monarque souuerain, se peut ioindre à la plus saine & moindre partie: & faire chois des hommes sages, & entendus aux affaires d'estat, ou la necessité contraint en l'estat populaire, & Aristocratique, de receuoir au conseil & aux estats, les sages & fols ensemble. Aussi est-il impossible au peuple, & aux seigneurs de commander par puissance souueraine, ny faire aucún acte, qui ne se peut faire que par vne personne, comme de conduire vne armee, & autres choses semblables: ains il faut establir des magistrats, ou commissaires à ceste fin, qui n'ont ny la puissance souueraine, ny l'auctorité, ny la majesté d'un Monarque. Et

Commoditez
de la Monar-
chie.

Es estats popu-
laires & Aristocra-
tiques, la
plus saine par-
tie est vaincue
par la plus grã-
de: & en la Mo-
narchie au con-
traire.

6. Liuius lib. 3.
7. Liuius lib. 2.
8. lib. 7.
9. lib. 7.
1. lib. 4.

1. Liuius lib. 6.

3. lib. 22.

4. lib. 6.

5. lib. 6.

6. Liuius lib. 2.

7. Dionys. Halic.
lib. 6.

*Plurium impe-
rium bellum
inutile.*

quelque puissance qu'ils ayent en vertu de leurs estats, si est-ce que les estats populaires, & Aristocratiques, se voyans en guerre perilleuse contre les ennemis, ⁶ ou contre ⁷ eux mesmes, ou en difficulté de faire le ⁸ proces à quelque puissant citoyen, ou donner ordre à la ⁹ peste, ou ¹ faire les magistrats, ou quelque autre chose de consequence, faisoient vn Dictateur, comme souuerain Monarque: cognoissans que la Monarchie estoit l'ancre sacree, à laquelle il falloit par necessité auoir recours. *Trepidati patres* dit Tite Liue. ² *ad summum auxilium decurrunt, Dictatorem dici placet.* Et lors que Annibal pressoit les Romains, *Ad Dictatorem dicendum remedium iamdiu desideratum, ciuitas* ³ *confugit.* Et la raison estoit, par ce qu'ils tenoient le Dictateur pour quelque Dieu, & ses mandemens pour oracles. *Dictatoris edictum pro numine* ⁴ *semper obseruatum.* Et mesmes les ennemis assiegeans la ville de Rome, quitterent le siege, aussi tost qu'ils entendirent qu'on auoit fait vn dictateur. *Tantus* ⁵ *erat Dictatoris terror apud hostes, ut eo creato statim à mœnibus discesserint.* Car bien souuent, les Consuls mesmes, & leurs mandemens estoient foulez aux pieds: & ceux qui auoient offensé se retiroient à leurs compaignons, c'est à dire au peuple auquel l'apel ressortissoit. Ce que voyant le Consul Appius dit, *Minas esse Consulum, non Imperium, ubi ad eos qui vna peccauerunt prouocare liceat: agendum dictatorem à quo prœuocatio non est* ⁶ *creemus.* Or l'impunité des vices, & le mespris que fait le peuple des Magistrats en l'estat populaire, fust pour monstrier qu'il est necessaire pour la conseruation de la societé humaine, auoir des Monarques: veu mesmes que les Romains, qui pour la faute d'un prince auoient tous les Roys en horreur, faisoient vn Dictateur, pour venir à chef de toutes les grandes affaires: comme faisoient aussi les Lacedemoniens en l'extremité vn Magistrat semblable en ⁷ puissance au Dictateur, qu'ils appelloient Harmoste: & les Thessaliens celuy qu'on appelloit Archus: comme en cas pareil les Mytileniens leur grand Æzymnete: auquel se peut aucunement comparer le grand Prouidateur des Venitiens: iugeans à veuë d'œil, que la puissance souueraine vnice en vn chef, est beaucoup plus illustre, & de plus grand effect: & que la mesme puissance departie à deux, ou trois, ou plusieurs seigneurs, ou à tout vn peuple s'aneantist, & perd sa force: tout ainsi comme vn fesseau deslié, & diuisé en plusieurs parties. C'est pourquoy Tacite disoit, que pour faire de grands, & beaux exploits, il faut que la puissance de commander soit en vn personnage. à quoy se raporte ce que dit Tite Liue, que les trois Tribuns avec puissance Consulaire, firent bien cognoistre que la force du commandement attribuee à plusieurs, est inutile: & principalement au fait de la guerre. ce que monstra bien aussi Annibal, ayant affaire à vne armee de soixante mil hommes, commandee par deux Consuls, Paul Æmil, & Terence Varus: & Amarat contre les princes Chrestiens à la iournee de Nicopolis: & Charle v. Empereur contre les deux chefs des protestans. Et ne faut pas s'esmerveiller, si le

Duc

Duc d'Urbain avec bien peu de gens ramassez de toutes pieces, fist teste, & resista fort & ferme à vne puissante armee, conduite par trois capitaines en chef, qui ne tenoient rien l'un de l'autre : à sçavoir Rance Vitelli, & Laurens de Medicis: car mesme Leon l'historien escript, que les peuples d'Afrique tiennent pour maxime indubitable, que le Prince ores qu'il soit foible, defera tousiours l'armee plus puissante où il y a deux chefs. Et de fait tandis que le Roy de Lacedemonne Cleomenes fut seul en puissance souueraine, il eut de grandes, & belles victoires, & ne fut onques vaincu: mais apres auoir rappelé le Roy qui estoit banni, pour luy communiquer sa puissance, tost apres il fut defait, & ruiné. Et pour ceste cause. Aristide le iuste estant esleu capitaine avec Miltiade, pour commander⁸ à l'armee chacun son iour, (comme faisoient aussi les cōsuls Romains) donna toute sa puissance à son compagnon, qui emporta la victoire sus les Perles. Il y a mil exemples pareils, qui nous monstrét euidemment la necessité d'auoir vn chef, non seulement en guerre, où le danger est plus grand, ains aussi d'obeir à vn Prince souuerain en vne Republique. car tout ainsi que l'armee est mal conduite, & le plus souvent defaite, qui a plusieurs generaux: aussi est la Republique qui a plusieurs seigneurs: soit pour la diuision, soit pour la diuersité d'opinions, soit pour la diminution de puissance donnee à plusieurs, soit pour la difficulté de s'accorder, & resoudre, soit pource que les sugets ne sçauēt à qui obeir: soit pour euenter les choses qui doiuent estre secretes, soit pour le tout ensemble. En quoy plusieurs s'abusent, qui pensent que la seigneurie Aristocratique est meilleure. d'autant que plusieurs seigneurs ont plus de iugemēt, de sagesse, de conseil, qu'un seul: car il y a bien difference du conseil au commandement: le conseil de plusieurs bons cerueaux peut estre meilleur qu'un: comme lon dit que plusieurs voyent mieux que ne fait vn seul: mais pour resoudre, pour conclure, pour commander, vn le fera tousiours mieux que plusieurs. Ioint aussi que l'ambition est si naturelle entre les seigneurs egaux en puissance, qu'il y a tel qui aimeroit mieux voir perir la Republique, que recognoistre plus sage que soy. les autres le cōgnoissent bien, mais la honte les empesche de changer d'opinion, craignans perdre vn seul point de leur reputation: de sorte qu'il est necessaire qu'il y ait vn Prince souuerain, qui ait puissance de resoudre, & decider les aduis du conseil. Combien qu'il est impossible que la Republique qui n'a qu'un corps, ayt plusieurs testes, cōme disoit Tyberel'Empereur au Senat: autrement ce n'est pas vn corps, ains vn mōstre hideux, & difforme: Mais on dit, que les nouveaux Princes cherchēt les nouveautez: cela se peut dire de quelques vns, qui pour faire congnoistre leur puissance, font des loix à propos, & sans propos. si est-ce toutesfois que cela est encores plus frequent es estats populaires, & Aristocratiques: car les nouveaux Magistrats, si souuent renouuellez, & qui tranchent des Roys en ces Republiques là, seroient bien

Opinion ancienne des peuples d'Afrique.

8. Plutar. in Aristide.

Les loix d'honneur sont plus recommandées à vn Monarque qu'à vn peuple.

La Monarchie est naturelle.

marris que leur annee fust coulee, qu'ils n'eussent fait parler d'eux en bien, ou en mal : & de fait, il se trouue plus de loix publiees en Rome, & en Athenes, qu'il ne s'est fait en tout le monde : car tousiours les vns par ialousie defaisoient ce que les autres auoient fait : & tous comme l'on dit, pour se faire nommer, & voler l'honneur à leurs compagnons, aux despens de la Republique. De dire que les traitez & alliances meurent avec le Prince : cela n'aduiant pas tousiours : car il se peut faire que les alliances porteront par clause expresse la vie des Princes, & quelques annees apres leur mort : comme il s'est tousiours fait entre la maison de France, & les seigneurs des ligues : qui ont tousiours porté la vie des Roys, & cinq ans apres. Ioint aussi que nous auons monstré cy deuant, qu'il est expedient, que les alliances ne soient pas perpetuelles. & pour ceste cause mesme les seigneuries & Republiques bien souuent limitent les traitez à certain temps. & quant aux obligations, & traitez de paix, on a de coustume pour les asseurer, les faire passer par les estats, ou publier es cours souueraines, & bien souuent y obliger en particulier les plus grands seigneurs. Combien qu'il y a beaucoup plus d'asseurance en matiere d'obligations, & de promesses que fait vn Prince, que non pas d'un peuple : & d'autant plus que les loix d'honneur sont beaucoup plus recommandées à vn Prince souuerain, que non pas à vne multitude d'artisans, ou de marchans, qui sont Roys en nom collectif, & riens en particulier. Et quant aux troubles pour le gouuernement d'un ieune Roy, il n'aduiant pas peut estre en cent ans vne fois : & pour eslire vn Gonfalonier de Genes, pour deux ans seulement, la Republique est toute en combustion. De mettre en balance les cruautéz, & voleries d'un tyran, au cōtrepoix des bons Princes, il n'y a point d'apparence. Car on sçait bien qu'une Aristocratie paisible, & conduite sagement si faire se peut, vaut mieux qu'une cruelle tyrannie : mais il est icy questiō de sçauoir, s'il ne vaut pas mieux auoir vn Roy iuste, & entier, que plusieurs bons seigneurs : & si la tyrannie de cinquante tyrans, n'est pas plus dāgereuse que d'un seul tyrā. car si plusieurs maistres pilotes pour sages qu'ils soient, s'empeschent l'un l'autre, voulans tous ensemble tenir le gouuernail : aussi feront plusieurs seigneurs qui veulent tous ensemble gouuerner vne Republique, ores qu'ils soient sages & vertueux. Combien qu'il n'est pas besoin d'insister beaucoup, pour monstrer que la Monarchie est la plus seure, veu que la famille, qui est la vraye image de vne Republique, ne peut auoir qu'un chef : comme nous auōs monstré, & que toutes les loix de nature nous guident à la Monarchie : soit que nous regardons ce petit monde, qui n'a qu'un corps, & pour tous les membres vn seul chef duquel depend la volōté, le mouuement, & sentiment : soit que nous prenons ce grand monde, qui n'a qu'un Dieu souuerain : soit que nous dressons nos yeux au ciel, nous ne verrons qu'un Soleil, & iusques aux animaux sociables, nous voyons qu'ils ne peuvent souffrir

souffrir plusieurs Roys, plusieurs seigneurs, pour bons qu'ils soient. C'est l'exemple duquel⁶ vſa Suleyman Roy des Turcs ayeul de cestuy-cy, ayant ouy les hautes acclamations, & cris de ioye que fist toute l'armée à Sultan Mustapha son fils retournant de Perse, apres l'auoir fait eſtrâgler en son antichâbre, & aussi tost getter mort deuât toute l'armée, il fist crier tout haut, qu'il n'y auoit qu'un Dieu au ciel, & un Sultan en terre. & deux iours apres il fist mourir Sultan Gobé, pour auoir pleuré son frere, & Sultan Mehemet le troisieme, pour s'en estre fuy de crainte: & n'en voulut laisser qu'un seul: pour euites les inconueniens de plusieurs seigneurs. Aussi voyons nous tous les peuples de la terre de toute ancienneté, & lors qu'ils estoient guidez d'une lumiere naturelle, n'auoir eu autre forme de Republique, que la Monarchie, c'est à ſçauoir, les Assyriens, Medois, Perses, Ægyptiens, Indois, Parthes, Macedoniens, Celtes, Gaulois, Scythes, Arabes, Turcs, Moschouites, Tartares, Polonois, Danois, Espagnols, Anglois, Africains, Perusins, où il n'est point nouuelle d'Aristocraties, & moins encores d'estats populaires. Et mesmes tous les anciens peuples de la Grece, & d'Italie, au parauant que ils fussent deprauez, & corrompus d'ambition, n'ont eu que Roys, & Monarques, c'est à ſçauoir, les Atheniens, Lacedemoniens, Corinthiens, Acheans, Sicyoniens, Candiots, Siciliens, Æthiopiens, Latins, Hetruſques: qui ont fleuri en armes, & en loix quatre, cinq, six, sept cens ans, & quelques vns huit, & neuf cens ans: les autres douze, & treize cens ans. Et toutesfois on s'esmerueille, que l'estat populaire des Romains, la seigneurie de Lacedemonne, & de Venize ont duré quatre cens ans ou enuiron: & à bon droit on s'esmerueille de voir deux ou trois Republiques entre cent autres, auoir peu durer quelques ſiecles, veu qu'elles estoient establies contre le cours, & ordre de nature. mais de voir plusieurs Monarchies grandes, & puissantes, continuer mil ou douze cens ans en mesme estat, on ne s'en estonne point, attendu que cela se fait selon les droites loix de nature. Et quoy que les Romains eussent les Roys en horreur, si est-ce que plusieurs le desiroiēt estre en particulier. & de fait au parauant qu'Auguste fust né il se trouua par les oracles^o que nature enfanteroit bien tost un grand Monarque des Romains: & pour ceste cause le Senat ordonna que tous les enfans qui naistroient ceste année là seroient tuez: mais en particulier chacun empescha que l'arrest fust porté au tēple de Saturne, par ce que dit l'histoire, chacun esperoit que son fils seroit Monarque. Aussi les Princes de Perse assemblez pour deliberer laquelle forme de Republique estoit la meilleure, resolurent que c'estoit la Monarchie. La mesme question fut mise en deliberation par Auguste entre ses amis, parce qu'il ne cherchoit qu'à viure en repos, & laisser l'estat: mais il fut⁸ arresté que la monarchie estoit la plus ſeure ſans

6. l'an 1552.

Exemple des plus grandes Monarchies du monde.

o. Sueton in Augusto.

8. Dionysius.

Auguste les maintint pres de cinquante ans en bonne paix, qui continua long temps apres sa mort. Aussi les Cappadoces ayans perdu leur Roy, furent inuitez par les Romains à prendre l'estat populaire: mais ils refusèrent, & demanderent vn Roy: les Romains leur donnerent puissance d'en choisir vn, & ils esleurent Ariobarzanes: ce qu'ils firent voyans les calamitez des Republiques populaires. Brief, si nous cherchons l'auctorité, nous trouuerons que les plus grands personnages qui furent onques, ont tenu que la Monarchie est la meilleure: à sçauoir Homere, Herodote, Platon, ² Aristote, ¹ Xenophon, ² Plutarque, Philon, ³ Apollonius, ⁴ saint Hierosme, Cyprian, Maximus Tyrius⁵, & plusieurs autres⁶. Et mesmes en la loy de Dieu⁶ il est dit, quand le peuple fera vn Roy, comme les autres peuples, il ne prendra point d'estranger. où il est monstré non seulement que Dieu approuue la Monarchie, faisant la leçon au Roy comme il se debuoit gouverner, ains aussi que les autres peuples de ce temps là n'auoient que des Monarques, comme dit⁷ Samuel. Aussi establit il Moysse Roy de son peuple: car il est ainsi⁷ appelé en la loy de Dieu. & iacoit que Dieu gouerna son peuple quelque temps sans Roy, leur enuoyant par vne faueur speciale tousiours quelques Capitaines, comme Princes des Iuges, pour les affranchir de la sugetion de leurs voisins, que l'escripture² appelle les Messies & sauueurs: si est-ce qu'il n'y eut onques forme d'Aristocratie, ny d'estat populaire: ains au contraire ils furent longuement sans Prince, ny⁸ Magistrat quelconque, estans guidez seulement par la grace de Dieu, qui pour ceste cause s'appelle leur Roy. Et depuis leur retour de Babylone, ils furent tousiours sugets aux Roys de Perse, ou d'Ægypte, ou de Syrie, iusques à ce que les Azmonéens descendus d'Aaron (s'estans rebellez contre Antioque le noble Roy de Surie) se firent Pontifes, & Roys souuerains, qui depuis furent assugetis par les Romains. Car quant au Senat qui estoit composé de LXXI. personnes, le Roy faisant le septente & deuxiesme, & la pluspart de la lignee de Dauid, ils ne se mesloient presque d'autre chose que de iuger les causes de grande consequence, comme du grand Pontife, ou d'une lignee, ou des crimes de leze maiesté, & des faux Prophetes. & pour ceste cause ils s'appelloient⁴ Iuges seulement. l'interprete Caldean⁵, dit bien qu'ils auoient aussi pouuoir de faire des ordonnances, mesmes sous les Roys: mais cela n'emporte aucune puissance souueraine. vray est que le Rabin Maymon⁶ dit qu'ils auoient aussi puissance d'establi xxiij. Iuges criminels, qu'ils appelloient Iuges des⁷ ames: & sept iuges pour les causes ciuiles, qu'on disoit Iuges⁸ des biens en chacune ville: & dix Iuges pour la police, entre lesquels y auoit vn prestre, ou, comme dit Ioseph, deux Leuites asseurs de chacū Magistrat: & trois autres arbitres, dont les parties en choisissoient chacun vn: & les deux esleus en nommoient vn tiers. Ce que j'ay bien voulu mettre par le menu

pour

9. in politico.

1. lib. vii. *ἡ πόλις* με-
τέ τὴν πόλιν.

2. in Cyripedia.

3. in bello de crea-
tione regis.4. apud Philostrata-
tum.

5. in oration.

6. Bartol. in tract.
de regimine ciuita-
tis nu. 10.

6. Deuterono. 17.

7. Deuterono. 33.

8. Samuel. i. cap. 12.

9. Nehemias 10. &
Samuel. i. cap. 12.
vocat.*שֹׁפְטֵי*8. Iudic. cap. 19. &
vlt.

9. Samuel. i. cap. 12.

Monarchie ap-
prouuee par la
loy de Dieu.*שֹׁפְטֵי*

etiam corru-

pta voce fa-

vocat.

Nehemias.

2d. Etis He-

in libro Sa-

m. cap. 12.

9. *שֹׁפְטֵי*

postremo.

*שֹׁפְטֵי**שֹׁפְטֵי*

pour leuer l'opinion de ceux, qui ont voulu soustenir avec Ioseph l'historien⁹ que les Hebrieux ont vsé de la forme Aristocratique, prenant les LXXI. pour seigneurs souuerains, que Herodes l'aisné fils du capitaine Antipater, fist tous mourir, par ce qu'ils l'auoient condamné à mort, & l'eussent fait mourir, n'eust esté la faueur d'Hyrcean Roy, & Pontife, qui luy donna sa grace, ou quoy que soit¹ empefcha l'arrest du Senat : bien que depuis il tua son sauueur. qui est bien pour mon-
 trer que le Senat n'auoit pas puissance souueraine, & que ce n'estoit pas seigneurie Aristocratique. Il me semble que ces raisons, entre plusieurs autres, qu'il n'est besoin de remarquer par le menu, sont suffisantes pour monstrier qu'entre les trois sortes de Republique legitime, la droite Monarchie est la plus excellente : & entre celles qui sont desreiglees la Democratie est la plus vicieuse. la Monarchie legitime, comme vn corps fort & puissant, peut aisément s'entretenir : mais l'estat populaire, & l'Aristocratie, comme foibles, & debiles, & sugettes à beaucoup de maladies, se doibuent gouverner, par diette & regime. Et d'autant qu'il n'est pas tousiours en la puissance des hommes sages, & entendus au fait de la Republique, choisir la meilleure, ny chasser la pire, il faut en ce cas obeir à la tempeste, caler les voiles, faire get des choses, ores qu'elles soient precieuses, pour sauuer le nauire, & surgir au port : & peu à peu gaigner les plus grands, pour changer l'estat de mal en bien, ou de bien en mieux. Mais si on n'est bien asseuré d'y paruenir, il ne faut pas en faire l'essay, comme fist Dion qui ruina la tyrannie de Syracuse pour en faire soudain vne Aristocratie : par le conseil de Platon, & n'en pouuant venir à bout, il fut tué & se fist vn estat d'un populace turbulent, beaucoup plus miserable que n'estoit la tyrannie. comme aussi firent les Pythagoriens qui s'efforcerent tout à coup de changer les estats populaires d'Italie, en pures Aristocraties, sans auoir la force en main, & furent tous tuez, ou bannis. Ce qui est d'autant plus difficile, quand l'estat populaire, ou la tyrannie d'un ou de plusieurs seigneurs sont incurables : alors il ne faut rien attenter, si on n'est bien asseuré d'en venir à chef; ains il faut attendre que les tyrans soient montez au plus haut precipice, & au lieu le plus glissant, affin qu'au premier orage ils soient precipitez, ou qu'ils tombent d'eux mesmes. autrement s'ils demeurent vainqueurs de ceux qui auront attenté à leurs personnes, ils establissent vne tyrannie inuincible, car le tyran qui a reschapé les mains des coniuereux, deuiant aussi furieux, & felon, que la beste sauuage qui voit son sang. nous en auons trop d'exemples. & sans aller plus loin, on a veu Cosme de Medicis, (que les bannis de Florence appelloient tyran, quoy qu'il fust estimé des autres bon, & sage Prince) bastir ses fortresses, & accroistre sa Monarchie de la ruine de ceux qui auoient coniuéré contre sa vie, & son estat, & neantmoins pas vne coniuration ne reüssit onques à effect. Ioint aussi que la tyrannie est beaucoup plus in-

9. lib. 6. cap. 6. antiquitar.

1. Ioseph. lib. 14. cap. 16. antiq. & eod. lib. c. 5. vbi ait Iudæos conqueri quod Hircanus & Aristobulus formā Reipublicæ in regnum mutarent.

Le tyrā est insupportable qui a rechapé la main des coniuereux.

Les sugets sont bien-heureux sous vn grand Monarque.

supportable, si le tyran n'est grand terrien : car estant afamé il ronge sans cesse les sugets : & s'il est cruel il en vient bien à bout. où le Monarque riche, & puissant, a dequoy souler ses apetits : & s'il est cruel, il craindra qu'il ne s'en trouue en vn grand peuple, quelcun qui se reuange. Tout ainsi donc que les sugets sont bien heureux, sous vn grand & puissant Monarque, s'il a tant soit peu la Iustice deuant les yeux : aussi vn petit estat, est bien seant à vne seigneurie Aristocratique : & maintient beaucoup mieux les sugets, que ne feroit vn pauvre tyran. c'est pourquoy nous voyons quatorze Republiques des ligues Aristocratiques, & populaires, sans y comprendre les Grizons, qui n'ont en longueur depuis Genefue iusques à Constance, que deux cens quarante mil pas, & C L X. mil de largeur, depuis les Alpes iusques au mont Iura : & la pluspart du pays en roches, auoir maintenu leurs sugets fort lōg temps, assez heureusement. mais si leur prend enuie de l'estat d'autrui, ils perdront bien tost le leur.

QUE LA MONARCHIE BIEN ORDONNEE, ne tombe en choisis, ny en sort, ny en quenouille : ains qu'elle eschet par droit successif au masle le plus proche de l'estoc paternel, & hors partage.

CHAP. V.



E n'est pas assez de dire que la Monarchie Royale & legitime est meilleure que la Democratie, ou Aristocratie : si on ne dit Monarchie deuoluë par droit successif au masle le plus proche du nom, & hors partage : car cōbien que la Monarchie legitime soit tousiours preferable aux autres Republiques : si est ce qu'entre les Monarchies, celle qui vient par droit successif aux masles du nom, plus proches & hors partage, est beaucoup plus loüable, & plus seure que les autres, qui viennent par sort, ou par choisis : ou bien au masle qui n'est pas le plus proche : ou qui est le plus proche, mais du costé maternel : ou qui est le plus proche de l'estoc paternel, mais qui doit partage à ses coheritiers de toute la Monarchie, ou de partie d'icelle. ce qu'il est besoin d'esclaircir par raisons necessaires, & par exemples, pour leuer l'opinion que plusieurs imprimēt aux sugets d'autrui, & par ce moyen entretiennent les rebellions, pour changer les Monarchies bien ordonnees, & remuer ciel & terre. Et tout cela se fait sous le voile de vertu, de pieté, & de Iustice. Et mesmes il s'en trouue qui osent publier liures, & soutenir contre leur Prince naturel venu à la couronne par legitime succession, que le droit de choisis est meilleur en la Monarchie : comme il a esté fait en Angleterre le v i i. Septembre M. D. L X V i. où la Royne

Le voile des rebellions contre les Princes.

assista

assista à la dispute des escholiers, à Oxefort, ce qui estonna les seigneurs qui estoient presens, oyans ceste nouvelle doctrine d'escholiers. Or le pis est que des parolles on vient aux presches publiques, & puis aux armes. Et qui est celuy qui ne seroit pris, d'oyr vn qui deteste les cruautéz, les exactions d'un tyran, qui n'a ny l'honneur de Dieu, ny la verité ny la Iustice en recommandation ? qui chasse les gens de bien, & se joint aux meschans, & qui adiouste à la fin ceste exclamation, O que la Monarchie est heureuse, où les estats du peuple font choix d'un Roy iuste, & droicturier: qui craint Dieu sur tout: qui honnore la vertu, qui fait prix des bons, qui chastie les vices : qui decerne le droit loyer aux gens de bien, & la peine aux meschans : qui a les flateurs en horreur : qui tient sa foy, & ses promesses: qui bannist les sangsues de cour, & les inuenteurs de nouvelles exactions, qui espargne le sang de ses sugets comme le sien: qui vange les iniures d'autrui, & pardonne les siennes : & qui suit tout à la religion d'honneur deuant ses yeux. Ayant mis ses loüâges au contrepoix d'une tyrannie comblee de tous vices, soudain le peuple se met en l'esprit, qu'il n'y a rien plus heureux que la Monarchie qui tombe en election. Et non seulement les simples, & peu entendus en la science politique, ains encores ceux-là qui sont estimez les plus suffisans s'abusent bien souuent, ne prenant que le bien apparent d'un costé, & laissant les absurditez, & incommoditez qui se trouuent d'autre costé. Car mesmes Aristote est d'aduis, qu'on eslise les Monarques, appellant Barbares ces peuples là, qui prennent les Roys par droit successif. & pour ceste cause, il estime les Carthaginois plus heureux que les Lacedemoniens, parce que ceux-cy prenoient leurs Roys par succession de pere en fils, & ceux là les eslisoient. Il faut donc appeller Barbares les Assyriens, Medois, Persans, Egyptiens, Asiatiques, Parthes, Indoïs, Affricains, Turcs, Tartares, Arabes, Moschouites, Celtes, Angloïs, Escossoïs, François, Espagnols, Perusins, Numides, Ethiopiens, & infinis autres peuples qui n'ont Roys que par droit successif. Et mesmes nous trouuons en Grece, qui est le pays d'Aristote, que les Atheniens, Lacedemoniens, Sicyoniens, Corinthiens, Thebains, Epirotes, Macedoniens, ont eu plus de six cens ans Roys par droit de succession^o legitime, au parauant que l'ambition les eust auenglez pour changer les Royaumes en Democraties, & Aristocraties. ce qui a pareillement eu lieu en Italie, où les Hetrusques, & Latins, ont eu plusieurs siecles, des Roys venâs de pere en fils. Et si l'humanité, & douceur de vie n'a lieu entre tant de peuples, où la trouuerôs nous ? sera-ce en Pologne, en Dannemarc, en Suede seulement ? Ciceron¹ disoit, que l'humanité, & honnesteté auoit pris son origine en l'Asie mineur, & de là s'estoit communiquee par toute la terre. & toutes-fois les peuples d'Asie n'auoient point d'autres Roys que par succession de pere en fils, ou du plus proche. Et de tous les anciens Roys de Grece, nous ne trouuons que Timondas, qui fut esleu Roy des Corinthiens,

Opinion d'Aristote contraire à tous les peuples.

o. Ita scribit Thucydides contra Aristotelis opinionē qui Reges temporibus heroicis electione regnum adeptos.
1. epistol. 1. ad Q. fratrem.

L'estat en pure
Anarchie.
Troubles ordi-
naires pour les
elections.
Homicides des
Princes esleuz.

& Pittacus de Negrepont. Et lors que le nom, & la lignee Royale faillait, bien souuent le plus fort, ou le plus habile l'emportoit : comme il se fist apres la mort d'Alexandre le grand, qui estoit descendu de la maison d'Hercules en droite ligne, & des Roys de Macedoine, qui auoient continué cinq cens ans: alors ses lieutenans se firent Roys. Antipater de Macedoine, Antigon d'Asie, Ptolemee d'Egypte, Nicanor des hautes provinces, Lyfimachus de Thrace. Et ne s'en trouue pas vn seul, qui soit fait Roy par election. Et par ainsi les Grecs mesmes seroient Barbares, au iugement d'Aristote. combien que le mot de Barbare, se disoit anciennement sans contumelie, de ceux qui ne parloient pas Grec. Mais en toutes Monarchies electiues, il y a vn danger qui aduiét tousiours, c'est qu'apres la mort du Roy, l'estat demeure en pure Anarchie, sans Roy, sans seigneur, sans gouuernement, & au hazard de sa ruine, comme le nauire sans patron, qui doit son naufrage au premier vent, & ce pendant les voleurs, & meurtriers assassinent comme il leur plaist, avec esperance d'impunité, comme il se fait ordinairement apres la mort des Papes, & des Roys de Thunes, & Sultans d'Egypte. car il y a tel qui a fait cinquante homicides, qui a tousiours eu grace des Papes, ou, quoy que soit, il est demeuré impuni. & de fait il en fut executé deux à Rome l'an M.D. XXII. dont l'un s'appelloit *Pater noster*, l'autre *Aue Maria*, qui auoient assassiné à diuerses fois cét, & seize homes, cōme il fut auéré. & la premiere chose qu'on fait ordinairement le siege vacāt, c'est de briser les prisons, tuer les geolliers, lascher les coupables, vāger ses iniures par tous moyēs: & cela cōtinuē iusques à ce que le college des Cardinaux soit tōbé d'accord d'un successeur. Et quelquesfois il est aduenü, que le siege a vaqué deux ans quatre mois: comme il aduint apres la mort de Clemēt v. & dix ans apres l'electiō du Duc de Sauoye surnōmé Felix: & souuent il s'est esleu deux ou trois Papes, & autant d'Empereurs: & puis tantost l'Empire demeura vacāt vn an, deux ans, voire biē dixhuit ans, apres que Guillaume Duc de Holande Empereur, fut tué. & cōbien que les electeurs fissent offre de l'empire au Roy d'Espagne Alphons x. si est-ce qu'il n'en voulut point, pour l'euident peril qu'il y auoit, de prendre la charge d'un estat exposé au vouloir des fugets, à l'enuie des Princes, & à la violence des plus forts. & ce pendant les meschans sont desbordez en toute licence: pour à quoy remedier aucunement, les Polaques, qui eslisent les Roys, doublent les peines, pour les forfaits aduenus pendant l'election du Roy, & le peché veniel est iugé capital: comme i'ay appris du seigneur Zamoschi Polaque Ambassadeur en France. Aussi lisons nous, que pendant les elections des Sultans d'Egypte, le pauvre peuple, & les meilleures villes de tout le pays, estoient saccagees par les Mammelucs. Si on dit que ce pendant on establira vn gouuerneur, ie dy qu'il n'y aura pas moins de difficulté, qu'à faire vn Roy. Mais posons le cas qu'il se face sans contredit, sans assembler les estats, ausquels apartiét de nommer le

le gouverneur ; qui sera garend de sa foy ? qui l'empeschera d'enuahir l'estat l'ayant en sa puissance ? qui est-ce qui le defarmera s'il ne veut ? On a veu comme s'y porta Gostaue, pere de Jean Roy de Suede, qui de gouverneur se fist Roy, sans attédre l'election. Et si on laisse le gouuernement au Senat, comme il se fait en Pologne, & se faisoit en Rome anciennement, le danger n'est pas moindre que ce pendant les plus forts ne s'emparent des forteresses : comme firent Pompee Columne, & Antoine Saelle, lesquels se saisirent du Campidol criâs au peuple Romain liberté. Et ce pendant les guerres ciuiles, & seditions sont inéuitables, non seulement entre les peuples guerriers, ains aussi entre les Ecclesiastiques : & n'a iamais esté possible d'y pouuoir si bié, que vint & deux Papes nayct eul la teste¹ tranchee, & plusieurs chassiez de leur siege. Et mesmes en la primitiue Eglise l'an C C C L VI. il fut tué six cens personnes en la ville de Rome, pour l'election de Damasus, & Vrsicinus. Quant aux guerres des Romains, & puis des Almâs aduenues pour les electiôs des Empereurs, toutes leurs histoires ne sont pleines d'autre chose : où chacun peut voir le piteux spectacle des villes saccagees, des Prouinces pillées, & fourragees des vns ou des autres. Encores y a-il vn autre incôuenient, c'est q le plus beau domaine public, est tourné en particulier : côme il s'est fait du domaine S. Pierre : & de l'Empire d'Almagne : car les Princes esleus sçachât bien qu'ils ne peuuent laisser l'estat à leurs enfans, font leur profit du public, par venditions & donations. comme Raol l'Empereur exempta de l'empire toutes les villes de la Toscane à prix d'argent : Robert aussi Empereur donna trois villes Imperiales à son fils, Henry premier occupa la Saxe. Friderich II. afranchit Nuremberg : Othon III. afranchit Isne : Loüys de Bauiere fist le semblable à la ville d'Egre : Henry V. vendit tout ce qu'il peut : & Charles III. ne pouuant payer cent mil escus qu'il auoit promis à chacun des electeurs, leur vendit tous les tributs de l'empire, pour faire eslire son fils Empereur, comme il fut, & tost apres debouté, par ceux là mesmes qui l'auoient esleu. Ayant ainsi coupé les plus forts nerfs de la Republique, tout le corps de l'Empire resta si foible, que Charles Duc de Bourgongne fist la guerre aux Princes d'Almagne. Toutesfois ce ne sont pas les plus grands inconueniens : car il faut par necessité choisir vn Prince estranger, ou qui soit du pays. Et neantmoins si la monarchie tombe en choïs, chacun y voudra aspirer, & entre plusieurs egaux, il est impossible qu'il n'y ayt de grandes factiôs, qui diuïseront les sugets, & les feront partisans : & ores qu'ils ne soient esgaux en vertu, ny en biens, si est-ce qu'ils presumeront estre esgaux, & ne voudront point obeir l'vn à l'autre, comme dit Tacite, qu'il aduint en Armenie, & fraichement en Poulongne, où le Senat debouta tous ceux du pays de pouuoir entrer au nombre des competeurs : & les Mammelucs apres auoir tué plusieurs Sultâs, & ne pouuans endurer que l'vn d'entr'eux fust plus grand que l'autre, enuoyerent

1. Par les registres du Vatican.

Plusieurs Papes & Empereurs tuez & empoisonnez pour les elections.

Le domaine dissipé par les princes esleuz.

La ialousie inéuitable entre seigneurs esgaux.

Ambassadeurs à Campson Roy de Caramanie, pour estre Sultan d'Egypte. Les Princes d'Almagne souuent en ont ainsi vsé, apres plusieurs meurtres des Empereurs du pays, iusques à choisir vn Guillaume Comte de Hollande, vn Henry Comte de Lutzebourg : tantost vn Roy d'Angleterre, puis vn Roy d'Espagne : & quelquesfois mesmes les Princes estrangers n'en veulent point, comme Alphons x. Roy d'Espagne qui refusa la couronne Imperiale, qui demeura vacante dix-huict ans, cōme i'ay dit, & Sigismond i. Roy de Poulongne refusa les Royaumes d'Hongrie, de Boheme, & de Dannemarch, estant semond par les estats. Aussi Loüys xii. refusa la seigneurie de Pise, & les anciens Romains refuserent, dit Appian, plusieurs peuples, qui se vouloient soumettre à leur obeissance. ou bien si le Prince estranger accepte l'estat, si luy en vient vn plus grand, il sera contraint de laisser le premier. comme fist Loüys Roy d'Hongrie, lequel estant aussi esleu Roy de Poulongne, s'en retourna aussi tost en Hongrie laissant vn lieutenant : comme la raison veut, que chacun soit plus soigneux des siens, que des estrangers. non pas qu'il fust debouté du Royaume, comme on a voulu faire contre tout droit & raison, depuis peu de iours : iacoit qu'il n'y eust ny clause, ny cōdition qui dist rien de l'absence : & que les estats de Poulongne ont transporté tout le droit Royal en celuy qu'ils auoient esleu, & qu'ils ne peuuent reuoquer, attendu qu'il n'y a contrauention quelconque au traité : auquel on ne peut apposer cōdition, non plus que à la donation parfaite. ioint aussi que les Empereurs de Rome, & puis d'Almagne esleus en la mesme forme que ceux de Poulongne, ont gouuerné fort long temps les Empires par lieutenans. ou bien si le Prince estranger retient l'vn & l'autre estat, ce qu'il ne peut faire aisémēt s'il n'est proche voisin, qui doute qu'il ne face vn Royaume des deux s'il peut ? ou qu'il ne face d'vne Principauté Aristocratique, vne droite monarchie ? nous en auons vn exēple de Charles v. Empereur, qui auoit changé l'Aristocratie des Almans, en vn Royaume, & auoit fait venir Philippe son fils iusques en Almagne : pour le faire Roy des Alemans, si le Roy de France n'eust rompu ses desseins. & si le Prince estranger ne peut vnir l'estat d'autrui au sien, si en fera-il vne metairie du sien tant qu'il viuera, & en tirera tout le profit qu'il pourra, pour seruir au sien : ou fera consentir les grands seigneurs, qu'il tiendra en sa puissance, de choisir celuy qu'il aura nommé, & auquel il portera faueur, comme les Roys de Thunes ont quasi tousiours fait : ou du moins il en tirera quelque obligation, pour seruir à ses enfans, ou proches parens, comme fist Lancelot Roy de Boheme, & d'Hongrie fils Dalbert, frere de Federic iii. Empereur, estant mort sans enfans, les estats d'Hongrie esleurent Mathieu Corbin fils de Huniad (par ce qu'ils ont tousiours pretendu, que le droit d'eslection leur appartient, & que la succession du plus proche n'a lieu) Federic proche parent, & qui auoit au parauant tiré vne promesse

messe d'estre Roy d'Hongrie, y vouloit entrer, & l'eust fait, si Mathieu ne luy eust promis par traité expres, qu'il ne se mariroit, afin que le Royaume tombast à luy ou à ses enfans: toutesfois apres la mort de Mathieu sans hoirs de son corps, les estats d'Hongrie esleurent Lancelot Roy de Poulongne, & de Boheme, sans auoir esgard aux conuentions, & traittez faits avec Federic: qui fut cause d'une forte guerre, pour le Royaume d'Hongrie, & ne se trouua moyen d'en auoir la fin, iusques à ce que les plus grands seigneurs, & Barons d'Hongrie, declarerent le Royaume successif par obligation expresse, & que auenant la mort de Lancelot, Maximilian fils de Federic succederoit au Royaume, comme il aduint. mais les estats pretendans auoir droit d'eslire gouuerneurs, & que Ferdinand vouloit empieter le gouuernement d'Hongrie, & la garde de son ieune neveu, le peuple d'Hongrie, & la seür mesme de Ferdinand, ont mieux aymé se getter au giron du Turc: en sorte que le peuple d'Hongrie, pour maintenir le droit d'eslection est tombé en seruitude perpetuelle d'un Prince, ayant perdu non seulement le droit d'eslection, ains aussi en hazard de perdre leurs loix, & religion: comme tous Princes estrangers sont coustumiers de changer tant qu'ils peuuent les loix, coustumes, & religion du pays: & fut ce semble la principale cause, pourquoy Dieu defendit ⁴ à son peuple de choisir vn Prince estranger. Et toutesfois en matiere d'eslection, l'ouuerture estant faite à plusieurs competeurs s'il y va de la force, tousiours les plus meschans & cauteleux ou les plus temeraires, hazarderont tout pour y paruenir: & si le plus vertueux est esleu, sa vie est en danger des autres competeurs plus puissans: comme il s'est veu en Almagne depuis trois cens soixante ans, que la monarchie est tombee en eslection, il y a huit ou neuf Empereurs tuez, ou empoisonnez, & entre autres, Guillaume de Holande, Raol, Albert, Henry VII. Frideric II. Louys de Bauieres, Charles nepueu de Henry Gonthier: outre ceux qui ont esté deboutez honteusement du siege Imperial. & de xv. Sultans qui ont esté esleuz Roys d'Ægypte, il y en a eu sept tuez, à sçauoir Turqueman, Melaschal, Cothos, Bando-cader, Mehemet, Cercasse, Giapalat: & entre les Empereurs Romains, apres la mort d'Auguste, il y en a sept tout de suite, massacrez, empoisonnez, ou estouffez, & trois pour vn an. Et bien souuent les soldats tuoient les Empereurs, pour en auoir de nouueaux, sous la seule esperance des dons, & largesses: & tousiours celuy qui estoit esleu par le Senat, deplaisoit aux legions: & bien souuent chacune armee faisoit vn Empereur: de sorte que pour vn temps, il y eut trente Empereurs Romains esleus en diuers lieux, & vne femme qui fut du nombre: & tout l'Empire en guerre, & combustion à quil'emporterait. Et n'y auoit aucune assurance en l'estat, si le fils legitime, ou adoptif ne succedoit au pere sans eslection: comme Tibere, Tite, Trajan, Adrian, Antonin le pitieux, Marc Aurele, Commode. & si l'Empereur ne donnoit ordre d'adopter vn

4. Deuteron, 17.

Homicides des Princes esleuz.

Le moyen d'asseurer l'Empire de Rome, & de Almagne.

successeur, au cas qu'il n'eust enfans, tousiours la Republique retom-
 boit en guerres ciuiles. Et pour ceste cause Adrian l'Empereur, crai-
 gnant que l'estat ne tombast en choisis, adopta Antonin le Piteux, & luy
 fist adopter Marc Aurele, & Ælius Verus, suiuant en celà l'exemple
 d'Auguste, lequel pour obuier aux guerres qui aduiennent pour le fait
 des eslections, adopta ses deux petits nepueus, & apres leur mort ado-
 pta Tibere, apres toutesfois qu'il eut adopté Germanic: & ceux qui e-
 stoient ainsi adoptez, estoient appelez Princes de la ieunesse, & Ce-
 sars, qui par succession de temps, ont esté appelez Roys des Romains:
 affin qu'on fust assuré d'un successeur. En ceste sorte Henri III. fist esli-
 re son fils de son viuant, qui adopta son petit fils. & Charles III. fist aus-
 si eslire son fils, qui eut son frere Sigismond pour successeur, lequel ado-
 pta son gendre Frideric III. auquel Maximilian son fils succeda. Et com-
 bien que les estats de l'Empire eussent alors, le siege Imperial vacant,
 plusieurs grands Princes competeurs, si est-ce qu'ils iugerent que le
 petit fils de Maximilian Charles V. meritoit estre esleu cōme plus pro-
 che: comme il s'est tousiours fait en Poulongne, Tartarie, Boheme, Hon-
 grie, Dannemarc, Suede, où les estats pretendent droit d'eslection: affin
 que le droit successif, ostast l'occasion des guerres ciuiles. Et pour ce-
 ste cause Sigismond Auguste Roy de Poulongne dernier de la maison
 de Iagellon, n'ayant que deux seurs, assembla les estats pour aduiser d'un
 successeur ayant vny le Duché de Lituanie au Royaume de Poulongne:
 mais les estats n'y voulurent consentir: craignans perdre le droit d'esle-
 ction, ou qu'il leur baillast vn Roy contre leur gré: & quasi au mesme
 temps le parlement d'Angleterre fut tenu à Londres au mois d'Octobre
 M.D.LXVI. où les estats firent vne requeste à la Royne, de pouruoir d'un
 successeur à la couronne, pour eiter, comme ils disoient, les dangers
 euidens, ausquels le Royaume tomberoit, s'il n'y estoit pourueu. & que
 ils estoient resolu de ne parler de subside, ny de chose quelconque, que
 celà ne fust arresté. & combien que la Royne se fachast de ceste reque-
 ste, disant qu'on luy vouloit faire sa fosse, au parauant qu'elle fust mor-
 te: si est-ce qu'elle promist suiure le cōseil des plus sages de son Royau-
 me. Car le Royaume venant par droit successif comme a tousiours esté
 le Royaume d'Angleterre, tombe en choisis, quand il n'y a proche parét,
 ny du costé paternel, ny du costé maternel. & lors il est necessaire d'y
 pouruoir au parauant que le cas soit adueni: autrement l'estat est en
 grād hazard de ruiner: comme il aduint de l'estat de Milan l'an M.CCCC.
 XLVIII. apres la mort de Philippe Marie, dernier masle de la maison de
 Langlerie, laquelle auoit tenu Milan quatre censans par droit successif.
 alors le peuple se voyant en pleine liberté sans seigneur, delibera de
 maintenir l'estat populaire, raza le castel Ioue, brusta le testamēt du der-
 nier Duc, choisit douze Senateurs, & apres auoir esleu pour capitaine
 general Charles de Gonzague, fist vne cruelle boucherie de tous ceux
 qui

La lignee des
 Roys defaillāt
 faut pouruoir
 d'un successeur
 Le Duché de
 Milan demem-
 bré apres que
 la lignee des
 Viscomtes fut
 faillie.

qui tenoient le parti de François Sforce , qui aspiroit à la souueraineté, comme ayant espouzé la bastarde de Philippe dernier Duc , & par adoption qu'il en auoit fait. au mesme temps Frideric I I I. demandoit le Duché , comme fief deuolu à l'empire par faute de males : & d'autre costé Charles d'Orleans pretendoit luy appartenir , à cause de sa mere Valentine, sœur legitime & naturelle du dernier Duc. Et pendât leurs querelles, les Venitiens pescherent en eau trouble , comme ils ont de coustume & s'emparerent de Cremone, Laude, Plaifance, membres du duché de Milan: & le Duc de Sauoye print Nouarre, & Verseil: Sforce, Pauie, & Dertbonne: Charles d'Orleans Ast: & le peuple de Milan , ne sçachant à quel saint se voïer , rendit la ville de Milan aux Venitiens : & en fin tous les Princes Chrestiens se sont mis en guerre pour cest estat là , par faute que le dernier Duc ne pourueut pas de successeur comme il deuoit, & suiuant le traité de Mariage fait entre Louïs Duc d'Orleans , & Valentine , n'appella pas Charles d'Orleans, son nepueu , pour l'adopter , & nourrir près de sa personne, & non pas Sforce estranger, qui estoit le premier gentilhomme de sa maison. Car il est ordinaire que les monarchies ne sont tombées en choïs, sinon quand le monarque mourant sans hoirs, n'y a point pourueu. ainsi le royaume d'Almaigne tomba en choïs , au temps que Henry l'Oïseleur Duc de Saxe, fut esleu , car au parauant il estoit escheu par droit successif à Charles fils de Louïs Roy d'Almaigne, second fils de Louïs le pireux. Aussi les histoires d'Almaigne commencent à compter les ans de l'Empire, depuis ce Charles fils de Louïs, qui mourut sans enfans. combien que les Almains ne sont pas d'accord en ce point , car les vns mettent le premier Empereur Arnolph , les autres disent que l'election n'a commencé ⁵ que l'an M. C C. L. ainsi qu'elle est : & au parauant , que les Princes temporels , & spirituels auoyent droit d'eslire, lors qu'ils n'estoyent que L I I I I. Et de dire que les Roys de France estoient eslectifs, & que le Royaume tomboit en choïs anciennement: cela ce fust fait sous la lignee des Merouingues, ou des Carlingues, ou des Capets. Quant à la premiere ligne, Agathius, auteur Grec, & sans reproche , qui a escript l'an D. dit que les Franques , ayant choisi la meilleure forme de republique qu'il est possible , & en cela ayant surpassé tous leurs voisins, n'ont point d'autres Roys que par droit successif. Et le mesme auteur en vn autre lieu dit, que Theodebert fils de Diethric ou Theodoric, & petit fils de Clouis, quoy qu'il fust encores sous le gouuernement d'un pedagogue, fut appelé à la couronne, suiuant la loy, & coustume du pays. Nous auons vn autre auteur fort ancien , assauoir Cedrenus, qui a escript l'an M. L V I I. du temps de Philippe. I. Roy de France: qui dit aussi, que les Franques n'ont point d'autres Roys, que par droit successif suiuant leur ancienne coustume. En quoy il monstre que les trois lignes des Roys de France , ont vsé du droit successif. Et s'il est aduenu que Charles, & Caroloman enfans de Pepin, se

5. Funcius anno 1881.

6. Onuphrins.

Erreur de ceux qui pésent que le Royaume de France soit tombé en election regeté.

7. Aimo. lib. 4. c. 7.

soyent faits elire par la noblesse, comme ils firent, ⁷ ce n'a esté que pour asseurer leur estat, & clorre la bouche à ceux qui restoyent de la maison de Merouee: comme en cas pareil ont fait quelquefois ceux de la maison de Capet, qui auoient debouté ceux de la maison de Charlemagne. & mesmes Odet se fist elire par les Barons en l'absence de Charle fils de Loüys le begue l'an mil trois cens octante huiet, & quelque temps apres à sçauoir l'an mil quatre cens vingt cinq Raol fils du Due de Bourgonne se fist aussi elire, pour en debouter Charle le simple, auquel Hebert Comte de Vermandois auoit arraché vne resignation en faueur de Raol, & d'autant qu'il y en auoit plusieurs qui en murmuroient, regrettans la race saint Arnoulph, duquel estoit yssu Charlemagne, ils faisoient couronner leurs enfans de leur viuant, comme fist Huet Capet à son fils Robert, & cestuicy à Henri i. iusques à ce que l'une des filles de Baudouin Comte de Holande regent en France qui estoit issüe de la fille aisnee de Charle de Lorraine, fut mariee au Roy de France Philippe i. laquelle fut mere de Loüys le Gros, alors le mal talent qu'on auoit de voir la lignee de saint Arnoulph, frustree de la couronne de France fut appaisée, & les feuz de ioye allumez. Et s'il y auoit argument, par lequel on peult presumer que le Royaume de France fust electif, ce seroit à la forme qu'on garde au sacre du Roy de France, deuant qu'il soit receu à faire le serment, les Euesques de Laon, & de Beauuais, soubzleuans le Roy de sa chaire demandent au peuple qui est là, s'il l'accepte pour Roy. Et ayans receu le consentement de toute l'assistance, l'Archeuesque de Rheims, reçoit le serment de luy. à quoy ceux qui ont escript que le Royaume de France tombe en choïs, n'ont pas pris garde, non plus qu'à la forme d'elire le Roy qui se voit encores en la librairie de Beauuais, & que j'ay aussi par extrait de la librairie de Rheims. Elle merite bien d'estre mise au long, pour trancher les disputes de ceux qui en ont escript à veüe de pays, le liure de Rheims fort ancien escript à la main porte ces mots, *Liber Iuliani ad Eruigium Regem. Anno M.D.VIII. indiction. XII. Henrico regnante XXXII. & IIII. cal. Iunij in die Pētecostes, Philippus Rex hoc ordine in maiore Ecclesia ante altare sanctæ Mariæ à venerabili Archiepiscopo consecratus est inchoata Missa antequam epistola legeretur. Dominus Archiepiscopus, vertit se ad eum, & exposuit ei fidem Catholicam, sciscitans ab eo utrū hanc crederet, & defendere vellet, quo annuente, delata est eius professio, quam accipiens ipse legit, dum adhuc septennis esset, eique subscripsit: erat autem professio eius hæc. Ego Philippus Deo propiciante mox futurus Rex Francorum, in die ordinationis meæ promitto coram Deo, & sanctis eius, quod unicuique de vobis commissis canonicum priuilegium, & debitam legem, atque iustitiam conseruabo, & defensionem adiuuante Domino, quantum potero exhibebo: sicut Rex in suo regno unicuique Episcopo, & Ecclesiæ sibi commissæ per rectum exhibere debet: populo quoque nobis credito me dispensationem legum, in suo iure consistentem, nostra auctoritate concessurum. Quæ perlecta, posuit eam in manus Archiepi-*

Forme d'ellection simulee de Philippe i. Roy de France.

chiepiscopi, antestāte Archiepiscopo Sueffionensi &c. Il y a x x. Euesques & plusieurs Abbez y denommez, puis apres, *Accipiens Archiepiscopus baculum sancti Rhemigij, differuit quietē, & pacificē, quomodo ad eum maxime pertineret electio Regis, & consecratio, ex quo sanctus Rhemigius Ludouicum* (Il entend le Roy Clouis) *baptisauit, & consecrauit. Differuit etiam, quomodo per illum baculum hanc consecrandi potestatem, & totum Gallia Principatum Ormisdas Papa sancto dederit Rhemigio: & quomodo Victor Papa sibi, & Ecclesia sua concesserit. Tunc annuente patre eius Henrico, elegit eum in Regem post eum. Legati Romanae sedis, cum id sine Papae nutu fieri licitum non esset disertum ibi sit, honoris tamen, & amoris gratia tum ibi affuerunt legati Lotarius Sol. Archiepiscopi, Episcopi, Abbates, & Clerici, Dux Aquitaniae, filius, & Legatus Ducis Burgundiae, Legati Marchioni, & Legati comitis Andegauensis: post, comites Vadenfis: Vermadenfis, Ponticensis, Sueffionensis, Aruernensis. H. de illa Marchia, Vicecomes Lemouicensis: post, Milites, & populi tam maiores, quā minores, uno ore consentientes laudauerunt, ter proclamantes, laudamus, volumus fiat.* Ceux qui ont soustenu que les Roys estoient esleuz par les estats, n'ont pas pris garde, que l'Archeuesque de Rheims pretendoit ce droit luy appartenir priuatiuement à tous autres: comme il appert par cest acte. Et qui plus est, nous lisons que Charles le simple fut esleu, & sacré Roy par Fulcon Archeuesque de Rheims, sans auoir esgard à l'eslection du Roy Odet, pratiquée par luy, des Barons de ce Royaume. Et sur ce que le Roy Odet s'en plaignoit, l'Archeuesque luy rescriuit, qu'il ne deuoit pas trouuer mauuais, de quoy il auoit esleu Charle le simple, ayāt ceste puissance, & que ce n'estoit pas la coustume des François d'eslire Roys, sinon du sang des Roys. Guytard met l'epistre de Fulcon tout au long. En quoy il appert, que s'il y a iamais eu droit d'eslection qu'il appartenoit à l'Archeuesque de Rheims, ou du moins qu'il en estoit en possession. & neantmoins, qu'il ne se pouuoit faire election d'autre Roy que des Princes du sang. Mais pour monstrier que le droit de la couronne estoit deuolu au proche male du sang, & du nom, il appert non seulement par l'auctorité de ceux que i'ay remarqué cy dessus, ains encores en la guerre sanglante, & cruelle entre Lotaire, Loüys, & Charle le Chauue, qui estoit fondée sur ce, que le pere auoit donné la meilleure part à Charle le Chauue puisné: car tous trois estoient Roys souuerains. Et d'autant que Henry premier Roy de France, fils de Robert, étant puisné auoit esté élu par le pere, & que son frere aîné Duc de Bourgogne, auoit esté rebuté, craignant que les enfans de son frere voulussent quereller la couronne, & mettre la France en guerre ciuile, comme elle auoit esté entre luy & son frere, si tost que son fils Philippe eut sept ans, il pratiqua qu'il fust couronné Roy de France. mais il n'y a aucune forme d'election, si ce n'est qu'on voulust soustenuir qu'elle appartient à l'Archeuesque de Rheims, qui pretend l'auoir eue du Pape: qui n'y auoit aucun droit. C'est pourquoy on dit en ce royaume q̄ le Roy ne meurt iamais:

Eslection des Roys pretendue par les Archeuesques de Rheims.

qui est vn proverbe ancien qui mōstre bien que le Royaume ne fut onques electif. Et d'autant qu'il y eut vn aduocat des plus fameux de son aage, lequel pour seruir à sa cause dist en plaidant que le peuple de France auoit donné la puissance au Roy, allegant la loy. 1. *de constitution. princ. ff.* où il est dict, *lege Regia qua de eius Imperio lata est populus ei, & in eum omnē suam potestatem contulit.* Les gens du Roy soudain se leuerent & demãderent à la Cour en plaine audiēce que ces mots fussent rayez du plaidoyé, remonstrant que iamais les Roys de France n'ont eu leur puissance du peuple. la Cour fist deffense à l'aduocat d'vser plus de telles paroles, & depuis ne plaida cause, comme vn chacū sçait au Palais. Or les inconueniēs que i'ay deduit, ne touchent point ceux qui doiuent eslire, & qui ne sont pas moindre que les autres: car si tout le peuple y est receu, il n'y aura que seditions, meurtres, & factions, s'il n'y a qu'un estat, les autres seront mal contens: & neantmoins c'est le plus expedient qu'on a trouué pour obuier aux meurtres, qui se faisoient, de reduire les esleuteurs de l'Empire à sept Princes, & les esleuteurs du Pape, au college des Cardinaux: & quoy que les esleuteurs soyent en petit nombre, si est-ce qu'estans diuisez ils ont esté cause de plusieurs guerres ciuiles, comme on peut voir és histoires d'Almaigne. que Louÿs de Bauieres, & Albert d'Austriche furent tous deux esleus Empereurs, & firent la guerre huit ans l'un cōtre l'autre, ruinans les villes, chasteaux, & villages des Partisans. & en cas pareil, les Cardinaux qui n'estoient que douze apres la mort de Clement 1111. Pape, furent trois ans à s'acorder, & en fin esleurent l'Archediacre de Leode, qui depuis fut nommé Gregoire dixieme: lors qu'il estoit en Hierusalem: & lequel pour ceste cause fist plusieurs ordonnances touchant l'election: mais il n'a sceu si bien faire, que les esleuteurs depuis n'ayent fait trois Papes pour vne fois: & bien souuent deux: en sorte qu'on est contraint les enfermer, & les faire mourir de faim, si les deux tiers ne tōbent d'accord: ce qui est encores gardé plus estroictement, pour eslire le grād maistre de l'ordre S. Iean: car on emmure les xxiiii. esleuteurs nommez par le college des Cheualiers, & faut qu'ils en eslisent vn qui ne soit des xxiiii. & en vn brief delay qu'on leur baille. On a veu aussi les factions, brigues, & meurtres aducnus pour les eslectiōs des Euesques en ce Royaume: & le plus souuent celuy qui estoit le plus vicieux, & le plus ignorant l'emportoit: comme le Chancelier du Prat remonstra lors qu'il fut question de verifiser en Parlement le cōcordat fait entre le Roy François 1. & Leō x. qui est la cause, que les Euesques, & Abbez en Moschouie sont tirez au sort. Et neantmoins la seule couuerture qu'on a pour soustenir les eslections. c'est de dire que les plus dignes sont choisis pour estre Empereurs, Papes, Euesques, Prelats. Je m'en raporte aux histoires: qui disent bien tout le contraire, & qu'il n'y en a gueres de plus vicieux, que la plus-part de ceux qui sont choisis: & n'est ja besoin de le verifiser par exemples: mais tant y a que si le droit successif eust eu lieu, Neron, Helioga-

Homicides &
empoisonne-
mens pour les
elections des
Papes.

liogabale, Otton, Vittellius, & autres monstres de nature ne fussent pas venus à l'Empire des Romains: & Auguste, Trajan, Adrian, les deux Antonins, en eussent esté deboutez. Et quād ores il seroit ainsi qu'on esleust tousiours les bons, & vertueux Princes, si est-ce que la difficulté d'y parvenir, & les inconueniens qui se presentent de tous costez, fussent pour empescher que les monarchies ne tombent en choix: tant que le droit successif peut auoir lieu. Et quand la lignee des Monarques est faillie, & que le droit est deuolu aux estats, en ce cas il est beaucoup plus seur d'y proceder par sort^o, ayant fait choix des plus dignes, ou de ceux qui sont esgaux, que d'entrer aux termes d'eslection: comme il se fist entre les sept Princes de Perse: pourueu que Dieu y soit appellé, en gardant la forme des anciens Hebrieux, qui disoient, Seigneur Dieu donne^s le sort: à fin que tout charme, & sortilege en soit hors. ainsi le grand Samuel, quand il fut question de faire vn roy nouveau, fist assembler tout le peuple, & le sort fut tiré des douze lignees: & la lignee de Benjamin estant venuë, on tira les familles de Benjamin: & en la famille de Cis le sort tomba sus Saül, que Samuel auoit au parauant sacré par le mandement de Dieu, afin qu'on ne pensast point que le Royaume fust deuolu fortuitement. Mais depuis que la Monarchie fut establie, on a tousiours gardé la prerogatiue du droit successif, sans vser d'election, ny de sort. Or ce n'est pas assez que le droit successif ayt lieu: ains encores il faut que le plus proche du monarque succede, i'entens entre les masles, & de son nom, qui est à parler proprement, l'aisné comme le premier qui est issu de luy: Et l'ordre de nature veut que l'aisné marche le premier apres le pere, & que les autres le suivent chacun en son ordre, & par consequent qu'il soit preferé aux autres. Et peut on dire que ceste loy est naturelle, & qui est, & a tousiours esté commune presque à tous peuples. Ainsi disoit Perseus, que par le droit de nature^o commun à toutes nations, & par la coustume gardee au royaume de Macedoine inuiolablement, l'aisné succedoit au royaume. & pour mesme raison, dit Diodore, Alexandre¹ le Grand emporta le diademe par dessus tous ses freres: comme il se faisoit aussi au Royaume de Parthe, où les aisnez de la maison d'Arfaces premier Roy, & les plus proches de son sang succedoient, suivant, dit Iustin, ² la coustume des Parthes. & pareillement entre les Hebrieux, le royaume de Iudee fut baillé à Ioram, par^o ce que, dit l'escripture, il estoit aisné. ce q̄ mesmes Herodote³ le plus ancien de tous les Historiens Grecs dit, que generalement en tous royaumes la coustume vouloit, que l'aisné eust le sceptre, & le diademe par droit successif. & plus de quatre cens ans deuant Herodote, comme dit Corin Messala, au liure dedié à l'Empereur Auguste, Illus fut preferé au royaume à son frere Assaracus puisné. Et mesmes il se trouua aux Indes Occidentales, que les aisnez auoient les Royaumes par dessus les puisnez. & alors que François Pizarre, capitaine Espagnol, conquesta le Royau-

o. l. sed cum ambo. de Iudic. l. generalliter §. quid ergo. de fidei cōmissar. l. vlt. cōmunia. de legat l. 2. quando & quib. quarta pars C. Felin. ita sentit in cap. capitulum. Cardinal. Florent. in cap. licet. de electione. 8. Samuel. 2. cap. 14 Les premiers Roys tyrez au sort par la loy de Dieu & leurs enfans par droit successif. Droit successif à l'aisné est commun à tous peuples.

9. Liuius lib. 10. belli Macedonici.

1. Iustin. lib. 7. & Diodor. lib. 16.

2. lib. 24.

o. Paralipom. lib. 2. cap. 21. 3. lib. 7.

4. histor. Iudica.

Differend du
droit d'aînes-
se entre deux
iumeaux enfâs
de Iaques Roy
d'Escoffe.
5. Dionys. Halyc.

Les homicides,
& guerres ciui-
les pour auoir
preferé le puis-
né à l'aîné.
6. lib. 1.
7. Herodot. lib. 4.

me du Peru, il fist executer à mort le Roy Atabalippa, dequoy tous les peuples se resioüyssoiēt, ⁴ de voir mourir celuy, qui auoit fait tuer son frere aîné pour estre Roy: contre la coustume du pays, conforme au testament du pere, lequel ayant deux cens enfans, voulut que Gaca son fils aîné luy succedast au Royaume sans diuision. & iajoit que les enfans soient iumeaux, si est ce que la prerogatiue du Royaume est gardee au premier né. Et sur celà se fondonoit le Duc d'Albanie, frere iumeau de Iaques Roy d'Escoffe, disant qu'on luy auoit osté son droit: & Iaques soustenoit le contraire, qu'il estoit le premier né. Et toutes les fois qu'on a voulu forcer, & violer ce droit naturel, il s'en est ensuiui de grands troubles, & guerres ciuiles: comme il aduint pour le Royaume d'Albe, enuah par Amulius, qui estoit deu à Numitor ⁵ aîné. & au Roy de Iudee Aristobulus, qui fut debouré par sentence de Pompee le grand, pour mettre fin aux guerres, & seditions, & le Royaume restitué à son frere aîné Hyrcanus: sans auoir esgard à ce que disoit Aristobule, que son frere n'estoit pas habile aux armes, ny propre à gouuerner vn Royaume. Qui est vne couleur, que les peres, ou les partisans ont pris quelquesfois, pour faire tomber la couronne sus la teste des puisnez: comme fist Ptolemee premier de ce nom Roy d'Ægypte, lequel prefera le puisné à l'aîné, cōtre le droit des gens, dit Iustin, & fut cause que l'un tua l'autre. & au mesme Royaume Ptolemee, surnommé Physcon, à la priere de sa femme Cleopatre, prefera le puisné, à l'aîné: mais apres la mort du pere, le peuple r'appella l'aîné, & chassa le puisné: comme dit Pausanias. ⁶ En cas pareil Anaxandrides Roy de Lacedemonne, prefera Dorieus à Cleomene son frere aîné, par ce qu'il estoit plus gentil: & neâtmoins l'histoire ⁷ dit que le peuple s'en plaignoit, cōme de chose faite contre le droit des gēs. Et combien que le Roy Pirrus disoit, qu'il vouloit que celuy de ses enfans, qui auroit l'espee mieux tranchante, luy succedast: neâtmoins l'aîné qui estoit moins vaillant l'emporta. car quelque hardiesse, gentillesse, beauté, & sagesse qu'il y ait au puisné plus qu'en l'aîné: si ne faut-il pas qu'il eschappe au pere, de vouloir preferer le puisné à l'aîné: comme fist le pere d'Atreus, & Thyeste, qui voulut preferer le puisné, pour estre mieux entēdu aux affaires d'estat: dōt ils s'en ensuiuit de cruelles tragedies. Il s'en est trouué encores de plus mal aduisez, qui ont cherché les natiuittez de leurs enfans, pour donner le Royaume à celuy auquel les astres fauorisoyent: comme Alphons x. Roy de Castille qui par ce moyen voulut preferer le puisné à l'aîné: mais cestuicy tua le puisné, & fist mourir le pere en prison. Et sans chercher plus loing, on a veu tout ce Royaume embrasé de guerres ciuiles, par ce que Loüys le piteux à la requeste de sa seconde femme, auoit preferé Charle le Chauue à Lothaire son frere aîné: comme aussi fist Robert Roy de France, qui prefera Henry i. à son frere aîné, qui estoit lasche, & coüiard de sa nature, & se contenta de la Bourgogne. En cas pareil Gabriel puisné de la maison de Salusse mit son

frere

frere aîné en prison, faisant entendre qu'il estoit insensé, comme il se fait quelquefois és plus illustres maisons d'Almaigne: mais si tost q̃ le puisné fut mort, l'aîné sortit de prisõ, & y logea sa mere qui auoit fauori le puisné. Or tant s'en faut que la coüardise, ou lascheté de courage doiue empescher l'aîné de succeder à la couronne, que mesme si l'aîné est contrefait, on ne doit pas pour cela luy ôster la prerogatiue d'aînesse à la couronne: iacoit que la Republique ayt notable interest, d'auoir des Roys qui ne soient point contrefaits, à quoy Lycurgue, & Platon vouloient qu'on eust grand esgard: & mesmes Lycurgue vouloit qu'on tuast les enfans contrefaits: neantmoins la loy⁷ de Dieu a tranché ceste difficulté, & n'a point voulu que le puisné fust preferé à l'aîné, pour quelque faueur que ce fust. Ce qui ne doit pas seulement auoir lieu, quand il est question du droit d'aînesse: ains aussi le plus proche masse del'estoc paternel, doit succeder à la couronne, quoy qu'il soit contrefait: car pour vn inconuenient, on ne doit pas enfreindre vne bonne loy, afin qu'on ne face ceste ouerture si dangereuse aux monarchies. Et de fait cela fut iugé⁸ pour le Royaume d'Hongrie par les estats du pays: contre la disposition de Lancelot Roy d'Hōgrie, lequel n'ayāt point d'enfans, adopta Alme fils puisné de son frere pour le faire Roy, & enuoya Colomā son frere aîné pour estudier à Paris: & depuis luy fist prendre les ordres de prestre, & luy donna vn Euesché, pour luy ôster toute esperance de succeder à la couronne: par ce qu'il estoit louche, bossu, boiteux & begue: neantmoins les estats chasserent le puisné, & ne voulurēt point d'autre Roy que l'aîné: qui fut dispensé des ordres. Et en cas semblable Agesilaus le boiteux, ayant fait debouter Leorichide, comme bastard d'Alcibiade, succeda au Roy: non comme fils, ains comme plus proche de l'estoc paternel, & du sang de Hercules, à la poursuite de Lyfandre Prince du mesme sang, lequel neantmoins depuis s'efforça de faire publier vn edict par lequel le plus proche ne succederait pas au Royaume, ains que le plus suffisant seroit esleu: mais il ne trouua personne de son aduis.⁹ Il y en a d'aucūs, qui ont voulu adiuger les Royaumes aux puisnez, si les aînez n'estoient enfans de Roys, comme il fut iugé pour Xerxes, qui fut déclaré Roy contre Artabazā son frere aîné, fils de Darius au parauant que le Royaume de Perseluy escheust. en quoy il y auoit grand apparence, ° attendu que le Royaume estoit nouuellemēt tombé par sort à Darius. mais si le Royaume est venu par succession des ancestres, il faut tousiours, que l'aîné, ou le plus proche del'estoc paternel succede.¹ Car tout ainsi que les enfans des roturiers ne sont pas nobles qui sont nez au parauant que le pere fut anobly: ny celuy fils de prestre, qui est né au parauāt que le pere fust prestre: aussi celuy qui est né d'un pere, au parauant qu'il fust Roy, ny habile d'y venir par droit successif, ne peut pretendre droit à la couronne, ores qu'il soit l'aîné, ou le plus proche. mais s'il est habile à y venir par succession legitime, le Royaume luy appartient, ores qu'il ne fust enfant de Roy:

7. Deutero. 21.
L'aîné preferé
au puisné par la
loy de Dieu.

8. Michael Ricc. &
in cap. licet de vo-
to.

9. Plutar. in Lisan.
o. ex l. si senator.
de dignitate C l. 2.
de libertis & eorū
liberis. Bart. in l.
cum satis de agiti-
co. C. & ex l. si quis
decurio. l. nemiñe
l. diuæ de decurio.
C. l. libera. de suis
& legit.

1. ex l. emancipatū
de Senatorib. Pe-
trus Cynus Bald.
Alberic. Fulgos. in
l. imperialis. §. illud
his de aupt. C.

comme il fut gardé au Royaume de Perse, auquel Artaxerxes succeda, iàçoit qu'il fust né au parauant que son pere fust Roy. Et combien que sa mere Parysatis, mit toute l'Asie en guerre ciuile, pour faire choir l'estat au ieune Cyrus, si est-ce que par iugement diuin, il fut vaincu, & tué. Et sur mesme difficulté, qui aduint pour la succession du Royaume, d'Hogrie, Geica l'ainné fut déclaré Roy du consentement de tous les estats. Et depuis n'a esté reuoqué en doute, en quelque Royaume que ce soit. Autrement il s'en ensuiueroit plusieurs absurditez intolerables. car si le Roy ne laissoit qu'un fils né au parauant que la couronne luy escheust, il ne pourroit succeder. Or quand on dit aîné, ou plus proche, cela s'entend aussi du puisné, apres l'ainné mort, cōme Demetrius apres la mort d'Antioque Roy de Surie remonstra à Rome en plein Senat: tout ainsi, dit-il, que le droit des gens a donné le Royaume à mon frere aîné, par mesme droit ie luy dois maintenant succeder au Royaume. Mais la difficulté est encores demeuree indecise, si le fils de l'ainné, doit succeder au Roy son ayeul: ou bien si la couronne appartient au frere puisné, comme il semble, attendu qu'il est le plus proche du Roy, & le petit fils reculé d'un degré. C'est l'opinion de quelques² vns. Et la difficulté aduint pour le Royaume de Numidie, ° où le puisné vouloit succeder à son frere aîné, sans auoir esgard aux enfans de l'ainné. Et de fait Scipion l'Africain arbitre ne sçachant que resoudre sur cela, entre l'oncle, & le nepueu, permit que le Royaume fust ioiïé au combat des deux: comme il est adueni souuent en Almaigne. Et encores à present le Royaume de Moscovie est tousiours deferé au puisné, apres la mort de l'ayeul, sans auoir esgard au fils de l'ainné. & qui plus est le frere puisné succede au frere aîné au Royaume: ores que l'ainné ait enfans: comme Basile le Grand, Roy de Moschouie; succeda au Royaume apres son frere aîné qui auoit enfans. Et mesmes és successions particulieres, representation en ligne directe n'auoit point de lieu en tous les pays de Septentrion: ny en Flandres, Artois, Picardie, Normandie, non plus qu'en plusieurs coustumes de France, qui peu à peu ont esté changees. & principalement depuis la querelle du Comté d'Artois entre Mahaut & son nepueu Robert. ioint aussi la plus commune opinion des Iuriscōsultes,³ & vñce des peuples, qui deferent les sceptres, & couronnes aux enfans des aînez par representation. Mais il ne suffist pas que les plus proches masles du nom succedent: ains aussi il faut que la succession des monarchies ne souffre partage, ny diuision, ny recompense: & que plusieurs ne succedēt par indiuis: comme sagement institua Geric ° Roy des Vandales autrement si la monarchie est diuisee, ce n'est plus Monarchie, mais plustost Polyarchie. A quoy il n'estoit pas pourueu par la loy Salique. car nous trouuons que Aribert, frere de Dagobert, fils aîné de Clotaire I. fut aussi Roy avec son frere, ne tenant rien l'un de l'autre. & Clouis fils aîné de Dagobert fut Roy de Paris: & Sigebert Roy de Mets. & apres Clouis, le Royaume fut diuisé en quatre

mo-

2. Bald. in l. 3. de suis & legit. C. ex l. 1. de iis qui ante apertas tabul. C. & l. 1. §. pro secundo. §. sin autem. de caduc. C.
o. Liuius lib. 9. belli Punici.

3. Alexand. cōsil. 4. lib. 4. Castrensis in l. is potest de acquir. hared. & Bald. ipse in authent. post fratres.

o. Procop. lib. 3.

monarchies : car Childebert fut Roy de Paris : Clouis Roy d'Orleans : Clotaire de Soissons : Theodoric de Mets : en fin Clotaire eut le tout : & son fils aîné Cherebert fut Roy de Paris : Chilperic de Soissons : Gontran d'Orleans : Sigebert de Mets. Or ceste multitude de Roys, & tous souverains estoient tousiours en guerre. A quoy sagement fut pourueu par les successeurs de la maison de Huet Capet, qui firent trois choses de grande consequence, pour maintenir ceste monarchie en sa grandeur : premierement ils debouterent les bastards de la maison de Frâce, & ne voulurent pas mesmes qu'ils fussent aduoüez : combien qu'il soit permis aux bastards des autres Princes du sang, & des maisons nobles de porter le nom, les armes, le cri, & la qualité noble de leurs peres naturels. Le second point, fut de retrancher la puissance des grands Maires du Palais, & Princes de France : le troisieme fut de ne rien bailler aux puisnez de la maison de France en souveraineté : & en fin ils ont encores gaigné ce point, que les puisnez, quoy qu'ils demeuraissent sugets du Roy leur aîné, que neantmoins ils ne tiendroient rien qu'en appennage, & les filles par assignat, Quant aux bastards de France, nous trouuons qu'au parauât ils ont partagé le Royaume avec les enfans legitimes : comme le frere bastard de Charles le simple eut part au royaume. Vray est que Theodoric bastard fut debouté par ce qu'il estoit fils d'une esclaué : & neantmoins il demandoit partage : mais on luy fist responce, qu'il deuoit premierement estre affranchi. Et quant au partage de la Monarchie, j'ay dit que ce n'est plus monarchie estât diuisee : non plus que la couronne, ou la robbe diuisee en pieces, n'est ny robbe, ny couronne. Aussi nous ne trouuons point que les anciens Roys de Perse, Ægypte, Parthe, Assyrie, ny autres vlassent de partage en matiere de Royaumes. Iosaphat Roy des Iuifs ayant six enfans laissa le Royaume entier à Ioram son fils aîné, & assigna quelque pension aux autres, comme nous lisons au chapitre xxi. du Paralip. Le premier qui fist ceste ouuerture dangereuse, fut Aristodeme Roy de Lacedemonne, qui ne diuisa pas le Royaume à ses deux enfans Procle, & Eristhene : mais il leur laissa par indiuis à tous deux, en sorte q̄ ny l'un, ny l'autre n'estoit souverain. Et le semblable fut fait du Royaume des Messeniens, ° que Leucippus, & Amphareus eurent par indiuis. Qui fut cause de changer ces deux royaumes en Aristocraties. Il s'est bien trouué quelquefois de plusieurs royaumes, que le pere en a fait partage à ses enfans, au parauât qu'ils fussent vnis en vn : comme Iaques Roy d'Arragon, institua Pierre son fils aîné Roy d'Arragon : & Iaques puisné Roy de

Guerres & inconueniens du partage des royaumes. Prudence des successeurs de Capet Roy de France.

4. Vvitiqindus Saxonie.

o. Pausan. lib. 4.

5. Pan 1250.

donner ses aquests au puisné, & laisser à l'aîné l'ancien Royaume : cōme fist Guillaume le Conquerant, lequel laissa le Duché de Normandie, & autres pays qu'il auoit eu de son pere, à son fils aîné Robert Courteheuze, qui ne succeda pas au Royaume d'Angleterre, par ce qu'il n'estoit pas fils de Roy, comme dit l'hystoire de Normandie: mais le pere laissa au puisné Guillaume le Roux le Royaume d'Angleterre qu'il auoit cōquēsté, & ne l'auoit point encores vni aux autres pays : & à Henry son troisieme fils, il ne laissa qu'une pension. & neantmoins l'aîné voulant aussi auoir le Royaume, perdit l'un & l'autre, & mourut aueuglé en prison estant pris par le troisieme qui emporta tout. Et combien que ceste opinion soit equitable, & fondee en raison, & ⁶ autorité : neantmoins elle n'a pas esté receüe entre les enfans de Charle Comte de Prouence, & de Philippe de Valoys Roy de France : ains les aînez ont eu le tout. qui est beaucoup le plus seur pour l'estat, sans auoir esgard aux legitimes, qui ne doiuent auoir ⁷ lieu où il est question de la souueraineté, & du domaine vni à vne Monarchie. & mesmes on ne veut pas souffrir, que les Duchez, Comtez, Marquisats tombent en partage, ny les Baronies en plusieurs lieux : pourueu que les puisnez soient recompensez en argent. ce qui ne doit pas auoir lieu en vne Monarchie, qui ne souffre ny diuision, ny estimation. Mais bien on a long temps donné appennages aux puisnez de la maison de France, lesquels ont esté adiugez à la couronne eux estants morts sans enfans: comme il fut décidé pour l'appennage de Robert Cōte de Clarmont, frere de saint Loüys, auquel ledit appēnage fut adiugé, & ses freres Charles, & Alphōs Comte de Poitiers deboutez par ⁸ arrest: & le semblable fut iugé pour ⁹ la succession d'Alphons aussi mort sans enfans. Et pour ceste cause, les Roys successeurs mieux conseillez, firent mettre és appennages des enfans de France, à la charge de reuersion par faute d'enfans masles : comme il fut fait en baillant appennage à Loüys I. Duc d'Anjou fils du Roy Ieā. vray est que René fils puisné de Loüys I I. Duc d'Anjou succeda à son frere, plustost par souffrance, qu'en vertu de la clause expresse touchant les masles : attendu qu'il n'estoit pas fils de Loüys III. Autrement le Comte de Neuers, apres la mort de Charle Duc de Bourgogne, eust peu iustement quereler le Duché, attendu que la clause de l'appēnage fait à Philippe le hardi auoit trait perpetuel, nō seulement pour les masles, ains aussi pour les filles : mais il n'y pretendit onques aucun droit. Il est bien vray que les Roys de France fauorisent en cela quelquesfois les Princes de leur sang : cōme Philippe de Valois succedāt à la courōne, quita le Comté de Valois à Charle son frere puisné: & Charle VI. Roy de France estant mort, Charle d'Angoulesme succeda au Duché d'Orleans, & neantmoins son arriere nepueu Iean d'Angoulesme ne succeda pas au Duché d'Orleans, estant Loüys XI. venu à la couronne. Et ceux là s'abusent qui ont escrit, que Pierre de Bourbon sieur de Beauieu, succeda à son frere Iean és terres de l'appennage par suc-

6. Cinus & Bart. in l. imperialis. §. iis. 2. illud de nup. C.

7. Panor. in c. licet de voto. Ripa in l. quartā ad l. falcid. Bald. in auth. ex testa. Calderin. cōsil. 9. tit. de feudis. Hostiensis in summa de feudis §. qualiter & decisio. del. 476. Oldrad. cōsil 94. & 237. Ancaran. cōsil. 339.

8. l'an 1258.
9. arrest de l'ā 1283
Puisnez de France deboutez de partage, & de la successio des appēnages.

Les filles deboutees de la succession des appennages de France.

cession legitime : car le Roy Loüys x i. se fust aussi tost getté és terres de l'appennage , comme il fist au Duché de Bourgongne : mais il ne voulut pas ayant marié sa sœur Anne qu'il aymoît vniquement à Pierre de Bourbon. & Loüys x i i. consentit que Susanne de Bourbon, fille vnique de Pierre de Bourbon, retint l'appennage, espousant Charle de Bourbõ. mais Susanne estant morte sans enfans , les appennages furent saisis , & mis en la main du Roy : mesmemet les Comtez d'Auuergne , & de Clarmont. vray est que le Duché de Bourbon , n'estoit pas de l'appennage , ce qui eschaufa dauantage Charle de Bourbon à se rebeller contre le Roy. Aussi trouuons nous , qu'apres la mort de Iean i i i. Duc d'Alençon , le Duché d'Alençon fut saisi à la requeste du Procureur general du Roy , reserués les acquests aux deux filles du Duc. Et tout cela s'est fait , affin de tenir l'vniõ de ce royaume indiuisible , autant que faire se pourra : comme il a esté aussi sagement pourueu és Duchez de Sauoye , Milan , Lorraine , Mantouë , Cleues , qui appartiennent indiuisiblement au plus proche. Et combien que les Almans procedent par diuision és fiefs imperiaux , si est-ce neantmoins que les electorats , & principautez y annexes par la bulle d'or , & decrets de l'Empire sont indiuisibles , demeurans les autres fiefs & biens diuisibles , qui est toutesfois contre l'ancienne coustume d'Almaigne , où les aînez , dit Tacite , auoient tous les heritages , & les puisnez estoient partagez en meubles. Mais on peut dire qu'il est expedient si la Monarchie est tresgrande , & qu'il y ait plusieurs enfans d'un Monarque , ou plusieurs competeurs , que le plus seur est de partager : comme firent Auguste , Marc Antoine , & Sexte Pompee , qui partagerent au¹ sort l'empire romain , & d'une grande Monarchie en firent trois. Cest expedient me sembleroit bon , si apres auoir bourné les frontieres les Princes pouuoient bourner aussi leurs appetits : mais il n'y a si hautes montaignes , ny riuieres si larges , ny mers si profondes , qui puissent arrester le cours de leurs cupiditez insatiables : comme ces trois que j'ay dit en firent preuue , car tost apres l'un des trois fut tué : & les deux Monarques qui restoyent ne cesserent que l'un n'eust ruiné l'autre. Et s'il est aduenü , que quelques Empereurs ayent vescu en paix , en un si grand Empire , il n'en faut pas faire consequence. ains au contraire , pour un exemple de ceux qui ont gouuerné en concorde il s'en trouuera cent qui se sont massacrez. Mais il n'y en a point d'exemple plus illustre qu'en la maison des Ottomans , qui depuis deux cens ans ne cessent de s'entretuer iusques à ce qu'il n'y en ait qu'un. & en l'Isle de Gerbo il y a eu plus de six Roys tuez en moins de quinze ans les vns par les autres , ne pouuant souffrir compaignon , ny partage de la souueraineté. Et combien que Galeace i i. & Barnabé freres eussent esgalement partagé le Côté de Milan , & qu'ils fussent nourris ensemble dès le berceau , tous deux bannis en mesme lieu , tous deux establis vicaires de l'empire , & tousiours compaignons d'armes : neantmoins en fin Galeace fist

Coustume ancienne d'Almaigne par laquelle l'aîné auoit toute la succession.

1. Appian.

mourir son frere, & tous les enfans. Abimelec fist aussi tuer soixante & neuf freres, pour commander tout seul: & Berdeboc Roy de Tartarie fist tuer ses douze freres l'an mil trois cens septante. Et Sephadin Sultan d'Egypte tua dix enfans mâles de Saladin son frere: & les successeurs d'Alexandre le grand s'entretuoyent ordinairement iusques à leurs femmes, meres, & enfans: car quant aux freres, c'estoit, dit Plutarque, chose coutumiere. Qui fut cause que le Roy Deiotarus tua douze enfans mâles qu'il auoit, pour asseurer le trezieme de son royaume. Car tousiours entre esgaux l'ambition d'estre le plus grand, armera l'un cōtre l'autre: mais en vne Monarchie, où il n'y a qu'un souuerain, & auq̃l les autres Princes du sang sont sugets, estans pourueuz de quelque pension, ou appennage, il est certain que pour auoir tousiours quelque faueur du souuerain, ils luy presteront plus d'obeyssance. C'est pourquoy les Roys qui ont mieux esté conseillez, n'ont point donné à leurs freres, ny aux Princes de leur sang, l'estat de lieutenant general, ny de Conestable: mais bien à vn Bertrand du Gueschling, vn Oliuier de Clifson, vn Symon Comte de Montfort, & autres de telle qualité qui peussent maintenir la gendarmerie, & sous lesquels les Princes du sang marcheroient, n'ayant toutefois esperance aucune d'aspirer à la souueraineté. Ainsi faisoient les anciens Romains, & mesmement Auguste qui ne voulut pas bailler les capitaineries, & gouuernement des frōtieres, & d'Egypte aux nobles Senateurs d'ancienne maison, ains seulement aux hommes d'estat mediocre. Et combien que les Roys de Septentrion ont quasi tousiours appelé les Princes de leur sang à leur conseil, si est-ce que les autres Monarques les reculent tant qu'ils peuuent, soit pour la defiance, soit pour tenir leur conseil en telle liberté, qu'elle ne puisse estre diminuee par la grandeur des Princes: soit pour oster l'ambition, & ialousie, qui est ineuitable entre les Princes d'un mesme sang, si le Roy fauorist l'un plus que l'autre. Et combien qu'il y a plusieurs Princes proches de sang aux Ottomans, à sçauoir les Michaloglis, les Ebranes, les Turacanes: toutesfois ils n'aprouchent iamais du conseil priué. Et en la Monarchie des Ethiopiés, qui est des plus grandes, & des plus anciennes qui soyent au monde, il n'y a pas vn Prince du sang qui approche de la cour, mais ils sont tous nourris en tout honneur, & vertu dedans vne forteresse tres-puissante bastie sur le mont Anga, le plus haut qui soit en Afrique, avec la garnison perpetuelle: & quand le Roy vient à mourir on prend vn successeur en la montagne. Ce qui fut ordonné premierement par Abraham Roy d'Ethiopie, par reuelation diuine, comme ils disent, ° afin d'euites les factions, & guerres ciuiles des Princes entr'eux, & les massacres qui aduiennent es autres Monarchies pour estre souuerain: & pour auoir tousiours du sang de ces Princes là, qu'ils appellent enfans d'Israël, affin que l'estat ne tombast en combustion la ligne venant à defaillir: ou bien que les Princes du sang demeurans en pleine liberté, ne cherchent les moyens de s'esleuer

par

o. François Aluarez en l'histoire de Ethiopie;

par force : ou bien estans esleuez qu'ils n'empietent l'estat. car on peut tenir pour maxime, qu'en toute Republique, si on donne trop de puissance à vn Prince, ou grand seigneur, il y a tousiours hazard qu'il n'empiete l'estat : veu mesmes que les plus petits compaignons esleuez en trop haut lieu sont à craindre. Sultan Suleyman esleua si haut Hibraym Bacha esclau, qu'il fut contraint craignant sa puissance de luy faire couper la gorge en dormant : & trouua qu'il s'estoit enrichi de trente millions d'or. Iaques Appian seigneur de Syene, donna si grand credit à Pierre Gambecourte, homme de bas lieu, qu'il chassa son maistre, & se fist seigneur. Callippus ioua vn mesme tour à Dion : Brutus à Cesar : Macrin à Caracalla : Maximin berger à l'Empereur Alexandre : Philippe à Gordian : & infinis autres esleuez de fort bas lieu, qui ont chassé leurs maistres, & se sont faits seigneurs. Agathocle, fist d'un potier, de soldat esleu capitaine en chef, fist tuer tous les plus riches de Syracuse & se fist Roy. C'est pourquoy plusieurs¹ ont tenu en termes de droit, que les points reseruez à la maiesté souueraine, ne se doibuent iamais communiquer au suget, non pas mesmes par commission : affin qu'on ne face ouuerture aucunement au suget d'étranger au lieu de son Prince. J'ay dit aussi que la monarchie doit seulement estre deuoluë aux masles : attendu que la Gynecocratie est droitement cōtre les loix de nature, qui a donné aux hommes la force, la prudence, les armes, le cōmandement, & l'a osté aux femmes. & la loy de Dieu a disertement² ordonné, que la femme fust sugette à l'homme : non seulement au gouvernement des Royaumes, & Empires : ains aussi en la famille de chacun en particulier : menassant³ ses ennemis de leur donner des femmes pour maistresses, comme vne malediction execrable. Et mesmes la loy⁴ a defendu à la femme toutes les charges, & offices propres aux hommes, comme de⁵ iuger, ⁶ postuler, & autres choses semblables. non pas seulement par faute de prudence, comme disoit Martian, qu'entre toutes les deesses il n'y auoit que Pallas qui n'eut onques mere (pour monstrier que la sagesse ne procedoit point des femmes) mais d'autant que les actions viriles sont contraires au sexe, & à la pudeur, & pudicité feminine. Et n'y eut chose qui plus irrita le Senat contre l'Empereur Heliogabale, que de voir sa mere entrer au Senat, seulement pour voir, & non pas pour opiner. ce qui fut biē trouué estrange de ce que Mahaut belle mere de Philippe le long assista au iugement de Robert Comte d'Artois, & Marguerite Comtesse de Flandre au iugement du Comte de Clairmont. Or si cela est mal seant, & contre nature, es actions & charges publiques, à plus forte raison est-il pernicieux en la souueraineté. car il faut que la femme, à qui est deuolu la couronne, se marie, ou bien qu'elle demeure sans mari, si elle se marie, c'est tousiours Gynecocratie, car le mariage se fait à la charge que la souueraineté demeure à la femme : comme il fut arresté au traitté de mariage entre Ferdinand d'Arragon, & Isabelle de Castille : & de nostre

Il est dangereux en toute Republique de donner trop de puissance à vn grand seigneur.

1. Petrus Belloga. in specul. princip. tit. 25. ex c. quod translationem. de offi. de leg.

2. Genes. cap. 2.

3. Esaye 8.

3. l. foeminæ. de regul. ff.

4. l. cum prætor. de iudiciis. ff.

5. l. i. de postulando. ff.

6. I. nam quod attinet, ad Trebell.

o. Esther. cap. 1.
Ce qui est trou-
ué bon en pu-
blic le fera touf-
iours en parti-
culier.

Trois Roys
ruez par vne
femme.

aage entre Marie d'Angleterre, & Philippe de Castille, qu'on appelloit le mari de la Roynne: & en cas pareil entre Sigismond Archiduc d'Austrie, qui depuis fut Empereur, & Marie d'Hongrie, qu'on appelloit le Roy Marie. Auquel cas le mari est chef de famille, & maistre de l'œconomie domestique, & neantmoins demeure esclau, & suget de sa femme en public: car la puissance publique, dit la ⁶ loy, n'est iamais lyee à la puissance domestique: & pour ceste cause le Consul Fabius fist descendre son pere de cheual, pour luy faire hōneur comme au Consul en public qu'il pouuoit neantmoins en sa maison faire mourir, en vertu de la puissance paternelle. Si la Roynne demeure sans mari, qui est le cas de la vraye Gynecocratie, l'estat est exposé au danger des estrangers, ou des sugets. car si le peuple est genereux, & de bon cœur, il portera impatiemment que la femme commande. or il n'y a rien qui soit plus dangereux en vne Republique, que le mespris de la maiesté, de laquelle depend la conseruation des loix: & de l'estat: qui seront foulez aux pieds à cause de la femme: contre laquelle il n'y aura iamais faute de moqueries, de contumelies, de libelles diffamatoires: & puis de rebellions, & guerres ciuiles. Et si luy aduient de porter la moindre faueur à quelcun des sugets, on en fera tousiours sinistre iugement. car mesmes les plus sages, & pudiques ont bié à faire à se garentir des faux bruits. beaucoup moins pourra la Princesse souueraine couvrir ses faueurs, non plus qu'un brandon sus vne haute guette. qui sera cause d'embraser le feu de ialousie entre ses sugets, & les armer les vns contre les autres. Si les sugets sont laches, qu'ils souffrent par force ou autrement la Gynecocratie en l'estat souuerain: il ne faut pas doubter, que chacun des sugets ne soit aussi cōtraint de la souffrir en sa maison: car c'est vne reigle politique, que ce qui est trouué bō, & souffert en public, sera tousiours tiré en cōsequence en particulier. Qui fut la cause que les Princes de Perse demanderent ° au Roy Darius Mnemon, ou Assuerus, que la desobeissance de Vasthi sa fēme ne demeurast impunie: afin que les fēmes des sugets ne fussent desobeissantes aux maris. Or tout ainsi que la famille est renuersee, où la femme commande au mari: attendu que le chef de famille perd sa qualité, pour deuenir esclau: aussi la Republique, à parler proprement, perd son nom, où la femme tient la souueraineté, pour sage qu'elle soit. Et si elle est impudique qu'en doibt on esperer? On a veu Ieanne (qui pour sa lubricité fut surnōmee la louuette) apres auoir succedé à Carobert dernier Roy de Naples, de la premiere maison d'Anjou, souiller la maiesté royale des parricides commis en la personne de trois Roys qu'elle auoit espōuzez: aussi fut elle estranglee comme elle auoit meritē. On a veu depuis peu d'annees des tragedies non moins estranges, & tout vn Royaume en combustion pour cas semblable. Je ne parle point des cupiditez brutales d'une Semiramis: qui fut la premiere qui empieta la Monarchie des Assyriens, d'une façon estrange, car ayant obtenu du Roy qu'elle com-
mandast

mandast en souveraineté pour vn iour, elle commanda qu'on tuaſt le Roy. depuis Athalie Royne de Iuda voyāt ſon mari tué, fiſt mourir tous les Princes du ſang, (hormis vn qui rechapa) & tint la ſouueraineté par force, iuſques à ce qu'elle fut tuee par le peuple. Cleopatre uſa de meſme loyauté enuers ſon frere, pour ſe faire Royne d'Egypte. Il ſe trouua auſſi vne Zenobie, qui ſe fiſt nommer Imperatrice avec les xxx. tyrans, & fut chaffee par l'Empereur Aurelian: comme fiſt en cas pareil Hirene Emperiere de Conſtātinople, laquelle fut renfermee en vn monaſtere. Brief il ne ſe trouue peuple ſi effeminé, qui ait approuué la Gynecocratie, iuſques à ce que la ligne des Normans Roys de Naples fuſt faillie en Conſtance, femme de Henri: & depuis encores en Ioland fille de Iean de Brenne, qui eſpouſa Frideric II. Empereur: auquel Manfroy ſon baſtard ayant ſuccédé, & marié ſa fille Conſtance en la maiſon d'Arragon, alluma le feu des guerres, qui ont continué deux cens ans entre les maiſons d'Anjou, & d'Arragon, pour auoir donné entree aux filles en la ſucceſſion du Royaume de Naples. Mais depuis qu'on eut aperceu tant de ſcandales & guerres aduenües pour ce Royaume là entre les Princes Chreſtiens, il fut arreſté au college des Cardinaux, que deſſors en auant le Royaume de Naples ne tōberoit plus en quenouille: & en l'inueſtiture faite à Alphons Roy d'Arragon l'an M. CCCC XLV. & à Ferdinand Roy d'Arragon M. CCCCLVIII. en Nouembre, il eſt expreſſement porté, que les filles ne ſuccederont point au Royaume de Naples, tāt qu'il y auroit maſles en ligne directe, ou collaterale, iuſques au quatrieſme degré incluſiuelement. mais l'ouuerture eſtant faite en Italie à la ſucceſſion des filles, fut depuis pratiquée es Royaumes d'Hongrie, & de Poulongne, qui eſcheurent à Marie, & Heduide filles de Louys Roy d'Hongrie, & de Polongne, ce qui iamais n'auoit eſté veu. Et quaſi au meſme temps Marie Volmar ſucceda aux royaumes de Noruege, Suede, & Dannemarch, contre les loix, & couſtumes anciennes du pays. le meſme exemple fut ſuiui au Royaume de Caſtille, auquel ſucceda Iſabelle de Caſtille, ayant gagné les plus grands: & combien qu'elle fuſt des plus ſages Princeſſes qui fut onques, ſi eſt-ce que les eſtats du pays en firent plainte: & ſur ce qu'on allega qu'au parauant Socine fille d'Alphons auoit aporté le royaume de Caſtille à Sillon ſon mari, ſi eſt ce qu'il fut repliqué par les eſtats, que cela ſ'eſtoit fait par force, & que deſſors les eſtats de Caſtille auoient protéſté que c'eſtoit contre les loix du pays. ce qui fiſt haſter le mariage de Ferdinand, & d'Iſabelle, pour tenir le peuple en bride. Et cōbien que Henri Roy de Caſtille, euſt declairé par ſon teſtament, que le Royaume appartenoit à Louys VIII. Roy de France, à cauſe de ſa mere Blanche de Caſtille, & que les Barons de Caſtille auoient eſcrit au Roy de France qu'il vint prendre poſſeſſion du Royaume, ſi eſt-ce que iamais il n'oſa entreprendre de quereller le Royaume, quoy qu'il euſt le cōſentement des ſeigneurs du pays en lettres ſeellees, qui ſōt encores au

Il n'y a point eu de peuple anciē qui ayt aprouué la Gynecocratie.

Le Royaume de Naples tombé en quenouille

Le Royaume de Poulongne eſt tōbé en quenouille.

Les Royaumes de Suede, Noruege, & Dannemarc tōbez en quenouille.

Les Royaumes de Caſtille, & Arragon tombés en quenouille.

7. Roderic. Guiciardin.

8. Tacitus in vita
Agricolæ.
Les Royaumes
d'Angleterre, &
d'Ecosse tom-
bez en quenoiil-
le.

Nepueu du co-
sté maternel
preferé à la fille
du Roy.

tresor de France. Nous trouuõs aussi que par force, & finesse, Ferdinand fils de Leonor se fist adiuger le Royaume d'Arragon : comme en cas semblable fist le Comte de Barcelone, ayãt espousé Perrine fille du Roy d'Arragon. ce qui fut fait aussi au Royaume de Nauarre, auquel succeda Henri le large, Comte de Champagne, à cause de sa femme, & depuis Philippe le Bel, Roy de France, à cause de Ieanne de Nauarre : & depuis il est tombé és maisons d'Eureux, de Foix, d'Albret, de Vandomme. de sorte que ce Royaume là en moins de trois cens ans, a esté transporté en six maisons estrangeres. Quant au Royaume d'Angleterre, nous trouuons bien au temps de ⁸ Domitian, qu'il tomba en quenoiille : & que les Anglois ne faisoient point de difference entre les masles, & les filles pour la succession du Royaume : si est-ce qu'il y auoit plus de xv. cens ans que cela ne s'estoit fait, quand Marie succeda à son frere Edoüart cinquiesme, non plus qu'au Royaume d'Ecosse, auquel succeda Marie Stuart : car il ne se trouue pas de cent & cinq Roys qu'ils ont en leurs histoires, qu'une seule, fille ayt succédé à la couronne. Ainsi voit-on quatre femmes de mesme nom, auoir fait ouuerture à la Gynecocratie és Royaumes de Hongrie, Noruege, Suede, Dannemarc, Ecosse, & Angleterre. Il est bien vray que Mahaut, fille de Henry premier, Roy d'Angleterre, apporta le Royaume d'Angleterre à la maison d'Aniou : mais ce fut apres la mort d'Estienne, Comte de Boulougne, nepueu de Henry à cause de sa seur Alix : en sorte que le cousin issu d'une fille, fut preferé à la fille propre du Roy. Encores ce ne fut pas Mahaut, mais son fils aîné Comte d'Anjou, qui succeda au Royaume d'Angleterre. qui est le cas auquel Edoüart III. Roy d'Angleterre, sus le differend qu'il auoit pour la couronne de France, disoit que la loy Salique demeueroit en sa force, quand le masle plus proche issu d'une fille, est preferé à celui qui est plus reculé issu des masles. mais cela ne doit iamais auoir lieu, si ce n'est que les masles du nom en quelque ligne, & degré que ce soit viennent à defaillir, & que le Royaume ne soit point suget à election. Car combié que l'Empereur Charle v. faisoit le mariage de sa seur avec Christierne Roy de Dánemarc, eust fait inserer au cōtract la clause portât, q les masles defaillās la fille aînée issue du mariage succederait au Royaume : si est-ce neãtmoins q les estats du pays n'y eurent aucunemēt esgard : attēdu que le Royaume est electif : & tāt s'ē falloir que la noblesse receust pas vne de ses trois filles, que mesme le Roy fut chassé, & bāni de son estat, & depuis mourut en prisō. Les Polques aussi apres la mort de Sigismōd Auguste, nō seulement ont debouté la seur du Roy, & mesme sō nepueu fils du Roy de Suede, qui dōnoit vn million d'or à la Republique, en elisant son fils : iāçoit que leurs predecesseurs auoiēt receu Heduuige fils de Loüys : & qu'il n'y auoit aucun masle en ligne directe, ny collaterale de la maison de Jagellō : neãtmoins ils esleurēt Henry de France Duc d'Anjou. Or combié que les elections des

des Monarques soient dangereuses, pour les raisons que nous auons deduit cy dessus: si est-ce toutesfois qu'elles sont plus tolerables, venant la ligne des masles à defaillir, que voir le Royaume tomber en quenoille: par ce qu'il faut souffrir vne pure gynecocratie contre les loix de nature. si la Princesse heritiere se marie (ce qui est necessaire, pour auoir vn successeur assure) le mari sera suget, ou estranger. Quant au suget la Princesse penseroit se faire grand deshonneur, d'espouser son seruiteur: veu mesmes que les Princes souuerains font grande difficulté d'espouser vne sugette. ioint aussi la ialousie qui est à craindre; si elle espouse celuy qu'elle aimera, laissant les plus nobles, & plus grands seigneurs, qui mespriseront tousiours ceux qui sont de bas lieu. Et peut estre que celuy qui sera aimé n'en tiendra compte: comme de fait Marie d'Angleterre, ayant tiré le Comte de Ducher hors de prison, avec esperance de l'espouser, comme le plus beau Prince de son aage, & des plus proches de la couronne, & issu de Louys le gros, Roy de France comme du Tillet a verifié par les traittez de France: neantmoins il aspirait au mariage d'Elizabet lors prisonniere, & à present Royne: qui fut cause que Marie le poursuiuit pour le faire mourir, s'il ne se fust banni à Venize, où depuis il a esté empoisonné, cōme le bruit fut cōmun. Il y auoit bien encores le Comte de Worcester, nommé Sommerfet, & par substitutiō feodale Harbert le fils duquel fut enuoyé au baptesme de la fille de Charles ix. Roy. au nom de la Royne d'Angleterre l'an M. D. LXXIII. qui estoit fils de Charles grand Chambellā de Henry vii. petit fils de Héry, fils de Iean Comte de Mortaigne, qui estoit fils du Roy Edoüart iii. cōme i'ay appris d'un gentilhomme Anglois, & porte d'Angleterre escarte de France. toutesfois on n'y a pas eu egard. Et cōbien qu'il se meut propos au parlement d'Angleterre tenu au moys d'Aoust, l'an M. D. LXV. de faire declairer par les estats du pays, le Comte de Hutington pour successeur apres la Royne, & pour fortifier le parti, nommer le Duc de Norfolc apres le Comte de Hutingtō. (ce que les Ambassadeurs & agens des autres Princes tramoiet sous main, craignans que la puissance d'un si grand Royaume vnne à l'un des Princes voisins, ne raualaist les autres) toutesfois la Royne rompit leur faction, & fist entendre par ses Ambassadeurs aux Princes estrangers, qu'elle ne s'abaisseroit iamais iusques à là, d'espouser son suget: & qu'elle prendroit vn Prince estranger si pauvre, que les autres Princes n'auroiet occasion de se defier de luy, & qu'elle ne departiroit rien à son mari de ses biens, ny de ses forces, ne voulant se seruir de luy, que pour laisser vn successeur. Et de fait, quand on traitta du mariage de l'Archiduc d'Austrie, avec la Royne Elizabet, entre les articles il y auoit, qu'il ne seroit point appellé Roy: qu'il ne feroit dire messe en Angleterre: qu'on ne bailleroit office, ny benefice, sinon aux Anglois: & si la Royne mouroit sans enfans, qu'il ne pourroit rien retenir en Angleterre. Aussi le mariage ne s'est peu conclure. combien que les estats d'Angleterre

Les inconueniens de la Gynecocratie.

Articles du traité de mariage des Roynes d'Angleterre avec les Princes estrangers.

ne font autre requeste à la Roynie, à tous les Parlemēs depuis quinze ans, sinon qu'il luy plaist se marier, ou pour le moins declarer vn successeur: sçachans bien qu'en perdant l'une des plus sages & vertueuses Princesses du monde, ils tomberont en guerres ciuiles: aussi d'autre part, en designāt vn successeur, son estat est en danger. Les mesmes difficultez, & plus grādes se presenterent au traité de mariage accordé entre Philippe Prince de Castille, & Marie Roynie d'Angleterre: où l'article premier portoit, qu'on ne pourroit auancer aucun estranger non naturel Anglois en office, benefice, ny charge quelcōque: & au quatriesme article il estoit dit, que Philippe de Castille ne pourroit emmener hors d'Angleterre la Roynie sa femme, si elle n'en estoit desiruse, ny les enfans esleuez d'eux deux. les articles furent verifiez par les estats du pays l'an M. D. LIIII. le deuxiesme Auri: qui porte, outre ce que j'ay dit, que la Roynie, comme seule, & vnique, iouïroit de la Regalité, & souueraineté desdits Royumes, pays, terres, & sugets absolument, sans que le mari peust pretendre par la courtoisie d'Angleterre, la courōne, & souueraineté du royaume, ny autres droits quelconques: & que les lettres, & mandemens seroient de nul effect, si la Roynie ne les auoit signez, quelque seing, ou consentement qu'il y eust du mary: & sans lequel neantmoins le consentement de la Roynie suffiroit. I'ay appris par les lettres de l'Ambassadeur de France, qui lors estoit en Angleterre, qu'il fut aussi arresté, qu'il n'y auroit aucun Espagnol aux forteresses d'Angleterre, deça, ny dela la mer: & que les Anglois ne seroient contrains d'aller en guerre hors le Royaume. Et quoy que les cōditions fussent iniques, si est-ce que les Anglois ne vouloient aucunement voir vn Espagnol mettre le pied en Angleterre, ores que ce fust pour espouser vne vieille, de laquelle on ne pouuoit quasi esperer lignee. Et pour la defiance qu'en auoit l'Empereur Charles v. il demandoit à la Roynie cinquante ieunes Milors pour ostages, & seureté de son fils, pendant que il seroit en Angleterre. combien que telle defiance tiroit la hayne du peuple. aussi cest article fust osté: mais pour attirer Philippe en Angleterre, la Roynie luy enuoya trois cens mil ducats, pour faire son voyage. le mariage fait, il y eut plus de dixhuit cēs Anglois qui se bannirent volontairement du pays. Et neantmoins il se descouurit vne coniuration en Angleterre contre les Espagnols, pour les mettre à mort tout à coup, d'autant qu'ils vouloiēt, comme le bruit estoit, s'emparer de la souueraineté: & n'y a doubte que la coniuration n'eust sorti effect, ou les Espagnols fussent paruenus à leurs desseins, si la mort de la Roynie, n'eust mis fin aux entreprises des vns, & des autres. Car iamais Prince estranger ne pourra estre assure de sa vie pour commander au pays d'autrui, s'il n'a gardes, & forteresses: & s'il est maistre des forces, il sera aussi maistre de l'estat, & pour plus s'asseurer il auancera tousiours les estrangers, chose insupportable à toute nation du monde. Nous en auons vn million d'exemples, & mesmes du temps de Guillaume Roy de

Le danger auquel les estrangers sont exposez, s'ils veulent commander au pays d'autrui.

de Sicile l'an M. CLXVIII. les peuples du Royaume de Naples furent si irrités de voir un François pourueu de l'estat de Chancelier de France, qu'ils coniurerent de tuer, & tuerent de fait tous les François qui estoient au Royaume de Naples & de Sicile. & pour la moindre querelle, si les estrangers ne sont les plus forts, on leur coupera la gorge: comme il aduint en Poulongne durant le gouvernement de la fille de Cazarimir le grand Roy de Poulongne, & femme de Louïs Roy d'Hongrie, esleu Roy de Pologne au grâd cōtētemēt de tous les estats: neātmoins pour un Polaque tué par un gentilhomme d'Hōgrie, tout le peuple de Cracouie se 'getta sus les Hōgres, & meit tout à mort, hormis ceux qui se sauuerent au chasteau, qui furent assiégés avec la Roïne: & n'y eut moyen d'appaïser le peuple sinon que la Roïne heritiere & Dame de Pologne, vuidast le pays, avec tous les Hōgres. Mais il se fist encores de plus grâds carnages en Hōgrie, quand Marie, fille aisnée de Louïs Roy d'Hongrie, eut espousé Sigismond Archiduc d'Autriche. car voulant entrepiēdre sus l'estat, sa belle mere le fist chasser, & vouloit mettre le Royaume en la puissance du Roy de France, de quoy les Hongres aduertis, enuoyèrent querir Charle Roy de Naples oncle de Marie, que la mere fist tuer tost apres: & ce parricide fut vangé de semblable cruauté par le gouverneur de Croatie, qui fist tuer, & getter la mere en l'eau. Et neātmoins Sigismond retourna avec une bonne armee, & se meit en pleine possession du Royaume, duquel il disposa à son plaisir, & fist mourir ceux du pays qui luy faisoient teste. Et sans aller si loing, nous auons l'exemple des Escossois de fraïche memoire, qui auoient esté alliez depuis sept cens ans¹ avec la maison de France, de la plus estroite alliāce qui peut estre, & qui auoient receu toutes les faueurs de la maison de France, qu'il estoit possible d'esperer: neantmoins ils ont mieux aymé se getter au giron des Anglois, & se mettre en la protection de leurs anciens ennemis, que voir les François commander en leur pays: & n'ont iamais cessé, qu'ils ne les ayēt veu hors d'Escoffe. depuis on a veu le succez du mariage de Marie Stuart en secondes nopces, avec le fils du Comte de Lenos: qui doit seruir d'exemple à tous peuples. Et ne faut pas qu'un mari estranger pense ranger à la raison les voluptez d'une Princeſse souueraine: car s'il veut la repudier, il faut que luy-mesme se bannisse. & qui fut onques plus sage Prince que Marc Aurele: neantmoins quand on luy dist qu'il debuoit repudier Faustine, pour sa vie dissoluë, il faut donc, dit il, quitter le doüaire. c'estoit l'Empire Romain. combien qu'il auoit l'Empire de son chef par adoption d'Antonin le piteux, pere de Faustine. Encores y a il un autre danger, si la Princeſſe heritiere d'un estat souuerain se veut marier à un estranger: c'est que les autres Princes entrent en ialousies, & en guerres à qui l'emportera, comme il aduint entre les poursuiuans de Vende Roïne de Russie, qui se getta en l'eau par beau d'esprit, pour se vanger de ceux qui la vouloient auoir par force, n'ayant rien peu gagner par douceur.

9. Cromer. in histo. Polonor.
Troubles du Royaume d'Hōgrie pour le gouvernement.

Troubles d'Escoffe, pour le gouvernement.

1. Histo. Scotor.

Belle vengeance d'une femme

2. Cuneus & Arberic. in l. obserua. re §. proficisci. de offi. procōf. ff. glo. in c. vnaquæque. 13 q. 2. & in cap. si quis in necessitate 34. q. 2. & in c. 1. qui accusare poss. & ibi Hostiens. & Panor mit. Odoſre in l. 1. de vxor milit. C. Bart in l. qui manumittuntur de operis libert. C. Bal. angel. Roman. Alexand. in l. si cum dotem. §. si maritus soluto Innocent. hostiens. Panorm. Antonini cardinal. verque in c. de illis. ext. desponsa & in c. 1. de coniugio leproſor. Auſter. in decif. Tolosa. 86. Io. Lup. in repetit. cap. per veſtras §. 9 nu. 13. de donat. inter virum.

3. Aſteſanus theolog. in ſumma lib. 8 tit. 10. artic. 2.

4. l. 1. §. cum autem de rei vxor. actio. C. & l. alia cauſa. §. vlt. ſoluto. matri.

5. l. doce ancillam de rei vindic. l. dotis. l. plerunque. de iure dot. ff. l. pro oneribus eod. C.

6. cap. olim cap. cū Bertoldus. de iure

7. Bald. in cap. ſignificante. de reſcript. col. 2. & ibi Andre. Palat. Riuius cap. per veſtras §. ſuccedit numero. 10.

8. Alexander in ca. 1. in ſine an marit⁹ ſuccedat vxori in lib. feudor. argu. l. si quis in graui. §. si cum omnes ad Sila & l. aut qui aliter §. ſed & ſeruus. quod vi aut clam. l. in reb⁹. de iure dot. C. Palatius Riuius in cap. per veſtras. de donat. inter virum. nu. 11. C.

9 l. fœminæ de Senator. l. cum te l. vlt de nupt. C. l. vlt de incolis C. & cap. vbicunque de pœnis. lib. 6. Bart. in l. 1. col. 7. de in ius voc. C. Plat. in l. 1. col. 1. & 2. de dignit. C. Bartol. Fulgo Caſtrenſ. Iaſo in l. vlt. de verbor. ſignific Bal. in l. cum quædam. Col. text in l. cum legitimæ. de ſtatu. homin. ff. l. eos. l. exemplo l. nullus de decur. C. 2. De iuriſdict. Jacob Bellouiſius in l. Lucius §. idem de munerib. Panor. in cap. ſuper eo. 2. col. 1. de teſtib. Lucas Penna in l. in ſacris col. 3. de proximis ſacrorum. C. Guido Pap. conſil. 217. & decif 196. & 349. & 379. Ferdinand. Loaz in repetit. rubri. de iuſtit. & iure. 1. Bart. in l. 1. de dignita. col. 5. c. Platea eod. col. 1. comeus conſil. 55. lib. 1. col. 4. & conſil. 26. lib. 4. col. vlt. 2. Ancaran. conſil. 339. col. 3. pro malo & conſil. 389. viſi. Florian. in l. qui teſtamentum deprobat Capola in tractat. de imperator. milit. elig. 22 oppoſ. Raymund. in d. tract. nobilit. q. 5. Fe-

car il n'eſt pas ſi aiſé de trouuer mari à vne Princeſſe ſouueraine, qu'aux Princes, qui eſpouſent le plus ſouuent par Vidafmes, celles qu'ils n'ont iamais veu qu'en peinture: mais les Princeſſes heritieres, veulent voir les perſonnes, & ne ſe cõtendent pas des peintures. Et de fait ſur la poursuite que faiſoit Henry Prince, & depuis Roy de Suede, d'auoir Elizabet Royne d'Angleterre, elle luy reſcriuit, qu'il eſtoit le Prince au mōde que elle debuoit plus aimer, pour l'auoir demādee lors qu'elle eſtoit priſonnere: mais qu'elle auoit reſolu, de n'eſpouſer iamais homme qu'elle ne l'eût veu: comme elle eſcriuit auſſi à l'Archiduc. qui fut en partie la cauſe, que l'un & l'autre n'y a peu paruenir, craignāt, peut eſtre, ſ'ils n'eſtoiēt agreables, qu'on les renuoyast en leur pays. Or ſi le droit naturel eſt violé en la Gynecocratie, encores plus eſt le droit ciuil, & le droit des gens: qui veulent que la femme ſuiue le mari, ores qu'il n'eût ny feu, ny lieu: & en cela tous les Canonistes & Docteurs en loix ſont d'accord, & les Theologiens auſſi: & qu'elle doit reuerer son mari: & que les fruiçts du doüaire de la femme, appartiennēt au mari, voire de tous les propres qui luy eſcheent: & les droits de cōſiſcation, quand les biens du cōdamné vaudroient cent fois plus, que le fief de la femme baillé en doüaire au mari, ils appartiēent neātmoins en propriēté au mari, quelque ſeigneurie que ce ſoit, comme il a eſté iugé par pluſieurs arreſts: car meſmes les droits de patronage, depēdans du doüaire de la femme, ſont au mari, comme faiſans partie de l'vſufruit. Et neantmoins par le traité des mariages faits entre Philippe de Caſtille, & Marie Royne d'Angleterre, on voit tout le contraire: quoy que pluſieurs ſoient d'aduiſ, que l'eſtranger eſpouſant vne Roynē fait les fruits, & droits du Royaume ſiens: iaçoit que le Royaume, & ſouueraineté d'iceluy demeure en la perſonne de la Roynē: & baillent pour exemple mal à propos le Royaume de Caſtille, qui demeura en la perſonne de Socine, & d'Iſabelle. D'auantage on tient en termes de droit, que le vaſſal de la femme, doit ſecours premierement au mari, & pluſtoſt qu'à la femme, ſi tous deux ſont en peine. qui eſt directement contraire à tous les traittez de mariages, qui ont eſté faits entre les Princes eſtrangers, & les Princeſſes heritieres. Auſſi tous les peuples ſont d'accord, que la nobleſſe, la ſplendeur, la dignité depend du mari, & non pas de la femme. & ſi le mari n'eſt noble, la femme perd ſa nobleſſe, & les enfans ſont roturiers, ce que Pierre Ancaran dit auoir lieu és Roynes, qui eſpouſent des roturiers, ou qui ne ſont pas Princes, & les autres Iuriſconſultes ſont de meſme aduiſ. Tous ces inconueniens, & abſurditez ſuyuent la Gynecocratie, qui a pris ſon origine, pour auoir permis aux femmes la ſucceſſion des fiefs, les maſles defaillans en ligne directe, & collaterale: puis quand

on eut gagné ce point, on obtint qu'elles succederoient aux fiefs en ligne directe, & seroient preferees aux collateraux. & peu à peu la permission fut estendue aux dignitez, Comtez, Marquisats, Duchez, Principautez, & puis aux Royaumes. iacoit que par les loix des fiefs, les fêmes fussent deboutees des successions feodales, encores qu'il n'y eust malles, fust en ligne directe, ou collaterale, s'il n'estoit specialement conuenu par l'investiture. mais la loy Salique le tranche tout court, & defend expressement que la femme puisse succeder aucunemēt aux fiefs, de quelque nature qu'ils soient: qui n'est point vne loy feinte, comme plusieurs pensent. car elle se trouue és plus vieilles, & anciennes loix des Saliens, és vieux liures éscriptes à la main sous le chap. de Allode: & au chapitre 1. de *matrimonio ad morganaticam*, & au tresor de France en ces termes de mot à mot. *DE TERRA VERO SALICA NVLLA PORTIO HAEREDITATIS MVLIERI VENIAT SED AD VIRILEM SEXVM TOTATERRAE HAEREDITAS PERVENIAT.* Et au decret du Roy Childebit inferé entre les loix Saliques, où il est ordonné que representation auroit lieu en ligne directe, il n'y a que les malles appelez. Et pour neant le Parlement des Pairs de France eut donné son arrest entre Philippe de Valois & le Roy d'Angleterre Edoüart III. par lequel il fut dit qu'il ne se pourroit aider d'autre loy ny coustume que de la loy Salique, s'il n'y eust point eu de loy Salique. Et n'y a pas long temps qu'en vn testament ancien d'un gentilhomme de Guiene produit en procès au parlement de Bourdeaux, le pere diuise à ses enfans la terre Salique: que tous interpretent les fiefs. ce qui a tousiours esté gardé en Almagne, iusques à ce que Frideric II. Empereur eust donné ce priuilege special à la maison d'Austriche, que defaillant la ligne masculine, les filles succederoient: mais l'Empereur ne l'auoit peu faire sans l'express vouloir, & consentemēt des estats de l'Empire. Aussi Othocar Roy de Bohesme de la maison d'Austriche, sans auoir esgard à la permission de Federic, querela le Duché d'Austriche, & leua vne puissante armee contre Raol, qui s'en portoit seigneur en vertu du priuilege. depuis cela s'est aussi estendu à la maison de Bauieres. Mais encores il n'y auoit iamais eu peuple si lasche, qui endurast sous le voile de la succession feodale, que les femmes empietassent la souueraineté: & moins encores en Asie, & en Affrique qu'en Europe. quoy que soit, la France Dieu mercy, s'en est tousiours guarétie: car la loy Salique ne fut pas seulemēt alleguee, & pratquee sous Philippes, & Charles le Bel, desquels les filles ne pretendirent rien au Royaume: ains aussi sous Clotaire, Sigebert, & Childebit, qui furent preferez aux filles des Roys qui ne querellerent onques la couronne. & mesmes la loy Salique a esté pratquee en la maison de Sauoye: car Pierre de Sauoye fist debouter sa niepce Constance de la succession de Sauoye, par sentence des arbitres accor-

lin. in c. super eo.
de testib. Platea. in
l. 1. col. 1. de dignit.


3. cap. 1. §. filia de
success. feud. cap. 1.
quid sit inuestitur.

4. Aristo. lib. 2. cap.
6. politicon.

dez l'an M. CCLVI. Combien que à la verité, c'est tout vn que les femmes commādent en souueraineté, ou bien que les Princes souuerains obeissent aux femmes, comme disoit Caton l'aisné, apres ⁴ Aristote.

DE LA IUSTICE DISTRIBUTIVE, COMMUTATIVE, & harmonique, & quelle proportion il y a d'icelles à l'estat, Royal, Aristocratique, & Populaire.

CHAP. VI.



Este pour la conclusion de cest œuvre traiter de la Iustice, comme le fondement principal de toute Republique, & de telle consequence que Platon mesmes a intitulé les dix liures de la Republique, le traité de la iustice ores qu'il en ayt parlé plustost en Philosophe, qu'il n'a fait en Legislateur, ou Iurisconsulte. Mais nous dirons en continuant que ce n'est pas assez de soustenir que la monarchie est le meilleur estat, & qui moins a d'incommoditez, si on ne dit Monarchie Royale: & ne suffist pas encores de dire que l'estat Royal est le plus excellent, si on ne montre aussi qu'il doibt estre temperé par le gouvernement Aristocratique & populaire, c'est à dire par Iustice harmonique, qui est composee de la iustice distributive ou Geometrique, & commutative, ou Arithmetique, lesquelles sont propres à l'estat Aristocratique, & Populaire. Et tout ainsi qu'être les Monarchies la Royale ainsi gouvernee comme j'ay dit, est la plus loüable: aussi entre les royaumes, celuy qui plus tiendra, ou qui plus pres approchera de la Iustice harmonique, sera le plus parfait. l'appelle Iustice le droit partage des loyers, & des peines, & de ce qui appartient à chacun en termes de droit: que les Hebreux appellent proprement Credata: pour la difference de celle par laquelle nous sommes iustifiez, qu'ils appellent Tse-daca. Or ce partage ne peut estre accompli, sinon par proportion d'egalité, & de similitude ensemble, qui est la vraye proportion harmonique, & que personne n'a touché iusques icy. Car Platon ayant presupposé, que la meilleure forme de Republique, estoit celle qui est composee de la tyrannie, & de l'estat populaire, s'est contredit soy-mesmes, ayant establi vne Republique non seulement populaire: ains aussi gouvernee du tout populairement, donnant à toute l'assemblée des citoiens la puissance de faire, & casser les loix: instituer, & destituer tous officiers: decerner la paix, & la guerre: iuger des biens, de la vie, & de l'honneur d'un chacun en souueraineté: qui est le vray estat populaire, & gouverné populairement. Et combien qu'il eust ainsi ordonné sa Republique, neantmoins il disoit, que la Republique ne sera iamais heureuse, si elle n'est gouvernee par proportion Geometrique, disant que Dieu tousiours

iours vsoit de la iustice Geometrique au gouvernement de ce monde. Aussi dit on qu'il auoit souuent en la bouche ces trois mots, ἀεὶ τὸν Θεὸν γεμεῖν, (c'est à dire, que Dieu donne tousiours quelque trait Geometrique:) qui ressentent bien le stile de Platon, iasoit qu'ils ne se trouuent point en toutes ses œuvres. Or il est certain que la iustice distributive ou Geometrique est du tout contraire à l'estat populaire, qui ne cherche que l'égalité propre à la iustice commutative, ou Arithmetique. Qui fut cause de quoy Xenophon, cōpagnon de Platon, & tous deux ialoux de la gloire l'un de l'autre, fist chastier Cyrus, lequel estant esleu Roy auoit changé les robes des vns aux autres, ayant esgard à la bien seance, & à la proportion Geometrique: après lequel chastiment, le maistre enseigne Cyrus de rendre à chacun ce qu'il luy appartenoit, disant qu'il estoit Persan, & qu'il ne falloit pas ensuiure les Medois, qui faisoient de l'égalité iustice: mais bien les Persans qui faisoient la iustice esgale. Platon ayant leu les escripts de Xenophon, & cognoissant bien que c'estoit à luy, & non pas à Cyrus, qu'on auoit donné des verges, reprouua la Cyropédie sans nommer personne. Ces propos semez entre les Grecs, furent cause de deux factions: l'une des riches, & nobles, qui tenoient pour la iustice Geometrique, & pour l'estat Aristocratique: l'autre des roturiers, & des pauvres, qui soustenoient la Iustice cōmutative, ou Arithmetique, & vouloient que les Republiques fussent populaires. De ces deux factions il s'en fist vne troisieme, qui fut d'aduis qu'en toute Republique on gardast la iustice Arithmetique par égalité, quād il seroit question des biens d'un chacun en particulier, ou de reparer les offenses, & forfaits: mais quād il seroit question de partager les deniers communs, ou les pays conqueſtez, qu'on debuioit garder la iustice distributive ou Geometrique, ayant esgard aux biensfaits, & merites, & à la qualité d'un chacun. Mais quant à la iustice harmonique, pas vn des anciens Grecs, ny Latins, ny autre, n'en fist onques mention: soit pour la distribution de la iustice, soit pour le gouvernement de la Republique: laquelle toutesfois est la plus diuine, & la plus excellente, & propre à l'estat Royal, gouverné en partie Aristocratiquement, & en partie Populairement. Mais d'autant que ce point icy mal entendu tire apres soy beaucoup d'erreurs soit à faire loix, soit à l'interpretation d'icelles, soit en toutes sortes de iugemens: & aussi affin qu'un chacun puisse entendre que la troisieme opinion, ne se peut soustenir, nō plus que les deux autres, il est besoin d'emprunter les principes des Mathematiciēs, & les decisions des Iuriconsultes. Car il semble que les Iuriconsultes, pour n'auoir vaqué aux Mathematiques, & les Philosophes, pour n'auoir eu l'experience iudiciaire, n'ont pas esclairei ce point, qui est de bien grande consequence, comme i'ay dit, tant pour la iustice, que pour le maniment des affaires d'estat, & de toute la Republique. La proportion Geometrique est celle qui a ses raisons semblables: & la proportion A-

Le dire de Platon & qui ne se trouue point en toutes ses œuvres.

Definition des trois proportions en termes de iustice.

1. Proportion Geometrique. 3. 9. 27.

71.

2. Proportio Arithmetique. 3. 9. 15. 21.

27.

3. Proportion Harmonique. 3. 4. 6. 8.

12.

4. in l. Clemēs patron⁹. & in l. ex vnciis. de Hæredib. instituend. & in l. si ita scriptū. de liberis & posthumis. ff.

5. Plutar. in Solo.

arithmetique, qui a tousiours mesmes raisons. la proportion Harmonique est composee des deux, & neantmoins differente de l'une & de l'autre. ¹ la premiere est semblable: la seconde ² est esgale: la troisieme ³ est partie esgale & semblable. comme on peut voir par l'exemple qui est en marge: ou la proportion est triple de 3. à 9. & de 9. à 27. & de cestuicy à 81. & la proportion Arithmetique suiuate commence par mesme nombre, & mesme difference de 3. à 9. mais de 9. à 15. elle n'est pas semblable, ains esgale. car il y a tousiours six entre les nōbres. & la proportion harmonique commence par 3. aussi: mais les differences ne sont pas tousiours pareilles, ny par tout semblables aussi: ains l'un & l'autre y est meslé doucement. comme il se peut entendre par demonstrations mathematiques, auxquelles il n'est besoin d'entrer plus auant. combien qu'il s'en trouue quelques marques assez claires es loix des Romains ⁴: & rapportees par nombres en proportion Geometrique. Mais la difference de la proportion Geometrique, & Arithmetique est bien remarquable, en ce que ceste-cy a tousiours mesmes raisons, & ses differences esgales: & la Geometrique les a tousiours semblables, & non pas de mesme, ny esgales: si on ne vouloit dire que les choses semblables sont esgales: mais c'est parler improprement, comme fist Solon, lequel pour gagner les cueurs de la noblesse, & du peuple d'Athenes, dist qu'il feroit les loix esgales ⁵ à tous: la noblesse entendoit que ce fust l'egalité Geometrique: & le menu peuple pensoit que ce fust l'egalité Arithmetique: qui fut cause que les vns, & les autres le choisirent pour Legislateur. Nous dirons donc que le gouvernement Geometrique est celui, qui accommode chacun à son semblable: comme pour exemple soit la loy des mariages portee par les douze tables, qui vouloit que les nobles fussent mariez aux nobles seulement, & les roturiers aux roturiers: ainsi qu'il se garde encores estroitement à Rhaguse. autant pouuoit on dire, s'il y auoit loy que les Princes ne fussent mariez qu'aux Princesses: les riches aux riches, les pauvres aux pauvres, les esclaves aux esclaves. mais s'il estoit dit, qu'on getteroit au sort pour faire les mariages, il se trouueroit que l'esclave pourroit estre mariee à vn Roy. les pauvres, & le menu peuple ne demanderoit pas mieux, pour faire tout esgal. mais ces deux formes de gouverner, tirent apres soy plusieurs inconueniens: car en l'un les pauvres sont gettez arriere: en l'autre les nobles sont mesprizez. mais le gouvernement Harmonique, vnist les proportions esgales, & semblables autant qu'il est possible: ne voulant pas confondre pêle melle toutes sortes de personnes: & sans sortir de l'exemple des mariages, qui voudroit garder le gouvernement Harmonique, on ne feroit pas les mariages des nobles de quatre quartiers de part & d'autre, comme il se fait en quelques lieux d'Almagne: car c'est par trop esloigner la noblesse, non seulement des roturiers, ains aussi de soy-mesme: veu qu'ils ne se contentent pas que le gentilhomme soit de pere & mere,

& mere, ayeul & ayeule : comme il est porté par l'ordonnance nouvelle des cheualiers de Sauoye : mais ils veulent que le gentil-homme de quatre quartiers, monstre qu'il soit issu de deux cens soixante personnes nobles : les autres veulent sept degrez de noblesse en montant des masses, & femmes sans deparager. telles loix sont pernicieuses, & pleines de sedition : & pour ceste cause la loy des mariages mise aux douze tables, fust cassée à la requeste du Tribun Canuleius : & par le moyen des alliances d'entre les nobles, & roturiers, les seditions s'apaiserent. aussi voit-on que le riche roturier s'accorde mieux avec la pauvre Damoiselle, & le pauvre gentil-homme, avec la riche roturiere, & celuy qui a quelque perfection d'esprit, avec celle qui a la grace du corps, que s'ils estoient esgaux en tout, & partout : comme entre les marchans il n'y a point de societé plus asseurée, que du riche paresseux, avec le pauvre diligent : parce qu'il y a égalité, & similitude entre eux : à sçauoir égalité, en ce que l'un & l'autre a quelque chose de bon, & similitude, en ce que tous deux ont quelque défaut. C'est pourquoy les anciens disoient que l'amour naquit de Porus, & de Penia, c'est à dire de richesse, & de pauvreté : se mettant l'amour entre deux, comme la voix moyenne entre la basse, & le dessus, pour faire un accord doux, & melodieux. Et tout ainsi que le maistre du banquet, ne doit pas mettre aux plus hauts lieux les premiers venus pelle melle, sans discretion des grands aux petits : aussi ne doit-il pas ranger tous les plus dignes, aux lieux les plus honorables, ny les sages auprès des sages, ny les vieux avec les vieux, ny les femmes auprès des femmes, ny les ieunes avec les ieunes, ny les fols ensemble, suivant la proportion Geometrique, qui ne cherche rien que les semblables, chose de soy fade, & mal plaisante. Mais le sage Symposiarque entre laissera gentillement un follastre entre deux sages : l'homme paisible entre deux querelleux, & entre les Sophistes, un homme attrempé, le vieux babillard auprès d'un ieune apprentif, le pauvre desireux, joignant le riche liberal : l'homme cholere ; & soudain, entre deux hommes froids, & rassis : & en ce faisant, non seulement, il euitera l'enuie des uns, & la ialouzie des autres, qu'il n'est pas aisé d'eschaper, quand il est question du rang : ains aussi d'un si bel ordre, resultera une douce, & plaisante harmonie des uns avec les autres, & de tous ensemble. C'est pourquoy Scipion l'Africain fut accusé des sages politiques, & s'en repentit bien aussi d'auoir le premier donné aux theatres les premieres places aux senateurs, & separees du peuple, qui aliena bien fort les uns des autres, & fut cause de grandes seditions. Car ce n'est pas assez que les loix, & Magistrats contraignent les sugets de viure en paix, s'ils n'ont amitié les uns aux autres. aussi le fondement principal des mariages, & de la societé humaine gist en amitié, qui ne peut estre durable sans l'harmonie, & concorde mutuelle que j'ay dit : & laquelle ne se peut faire par iustice, & gouvernement Geometrique, ny Arithmetique, d'autant que la pro-

Loy des mariages des douze tables pernicieuse.

Proportio harmonique en l'ordre du festin.

6. proportion Geometrique deiointe
2.3.20.30.
Proportion Arithmetique deiointe.
2.3.20.21.
7. proportion Harmonique vnice.
4.6.8.

Trois reigles
qui monstrent
les trois proportions.

Lex. Æquitas.
4. 6.
Legis. Indicis.
actio. officium.
8. 12.

La iustice Harmonique.

portion de l'un, & de l'autre, le plus souuent est desioincte : ⁶ mais ⁷ la nature de la proportion harmonique vnist tousiours les extremitez, par vn moyen qui s'accorde avec l'un, & l'autre. Or le gouuernement esgal, & par proportion Arithmetique, est naturel aux estats populaires, qui veulent qu'on partage esgalement les estats, les honneurs, les offices, les benefices, & les deniers communs ; & pays conquestez, & s'il faut faire loix, ou instituer officiers, ou decerner de la vie, & de la mort, ils veulent que tout le peuple soit appellé, & que la voix du plus fol, & temeraire, ait autant de poids, & d'effect, que du plus sage : brief les plus populaires, veulent que tout soit getté au sort, & au poids, comme les anciens qui figuroient l'estat vrayement populaire en ces trois mots, *πάντα ἔσθ' ὅτις καὶ χαίρει* c'est à dire tout au sort, & à la balance. & tout ainsi que la reigle de Polyclète estoit si droite, & si ferme, qu'elle ne pouuoit ployer de patt, ny d'autre : & sus le patron, & droicteure de laquelle tous les Architectes dressoient leurs reigles : ainsi est la forme du gouuernement populaire, quand tout y va par sort & par loix inuariables, sans interpretation equitable, sans priuilege, ny acception de personne : de sorte que les nobles, sont sugets à mesmes peines que les roturiers : l'amende esgale sus les riches, & sus les pauvres : & mesme loyer est decerné au fort & au foible : au capitaine, & au soldat. Et au contraire, le gouuernement Aristocratique, qui se fait par proportion Geometrique, est semblable à la reigle Lesbienne, qui estoit de plomb, affin qu'en ployant, & s'accomodant en tout sens, on peust sauuer la pierre : au lieu que les autres accommodoyent la pierre à la reigle. Ainsi disoit-on qu'il falloit accommoder la loy en iugement. mais tout ainsi qu'il est impossible que la reigle retienne son nom, si elle demeure torte, comme la reigle Lesbienne : aussi ne ce peut-il faire, que la loy demeure loy, si on s'en iouë comme de cire, & que celuy qui doit obeysance aux loix, en soit maistre. Il faut donc pour euitier à la fermeté immuable de la reigle de Polyclète, & à la varieté, & incertitude de la reigle Lesbienne, forger vne troisieme reigle, qui ne soit si roide qu'elle ne puisse ployer doucement, quand il en sera mestier, & se redresser aussi tost : C'est à dire, qu'il faut suiure la iustice harmonique, & accoller ses quatre points ensemble à sçauoir, Loy, Æquité, Execution de la loy, & le deuoir du Magistrat : soit en la distribution de la iustice, soit au gouuernement de l'estat. car tout ainsi qu'en ces quatre nombres 4. 6. 8. 12. la mesme raison qui se trouue de 4. à 6. se trouue aussi de 8. à 12. & y a mesme raison de 4. à 8. que de 6. à 12. ainsi est-il de la loy à l'equité, & de l'execution de la loy au deuoir du Magistrat : & mesme raison y a de l'equité au deuoir du Magistrat, que il y a de la loy à l'execution d'icelle. Mais il ne suffist pas d'auoir ainsi disposé ces quatre points en proportion Geometrique, & en partie Arithmetique, si on ne les couple ensemble par proportion Harmonique, qui vnist, & conioint les deux nombres du milieu, 6. & 8. & le second

second au quart, & le premier au tiers : dont il resulte vne harmonie melodieuse, composee de la quarte, de la quinte, & des octaues. autrement si vous ostez le lyen Harmonique de la quarte qui est entre 6. & 8. la proportion Geometrique demeurera desiointe. & si vous disposez les quantitez en proportion Geometrique continue, l'harmonie perira comme on peut voir en ces quatre nombres 2. 4. 8. 16. où les raisons se trouuent bien conioinctes en quelque sorte qu'on les prenne : mais il ne s'en peut faire aucun accord. & aussi peu si vous disposez les nombres en proportion Arithmetique: car l'un & l'autre sont aussi differētes de l'harmonique, comme l'eau bouillante, & glacee sont differentes à l'eau tie-de. En cas pareil nous dirons que si le Prince, ou le peuple, ou la noblesse ayant la souueraineté, soit en monarchie, ou estat Aristocratique, ou Populaire, se gouuerne sans aucune loy, laissant le tout à la discretion des Magistrats, ou par soy-mesme distribuant les peines, & loyers selon la grandeur ou qualite d'un chacun, iacoit que celà soit beau en apparence, ores qu'il n'y eust ny fraude, ny faueur (chose toutesfois impossible) neantmoins ce gouuernement ne peut estre durable, ny assure: par ce qu'il n'y a point de lyen des grands aux petits, ny par consequent accord aucun. beaucoup moins y aura de seureté si tout se gouuerne par esgalité, & loix immuables, sans accommoder l'equité à la varieté particuliere des lieux, des temps, & des personnes. Et tout ainsi que deux simples en extremité de froideur & de chaleur, sont autāt de poisons, & neātmoins composez, & temperez l'un avec l'autre font vne medecine fort salutaire: aussi ces deux proportions de gouuernement Arithmetique, & Geometrique: l'un par loix seulement, l'autre à l'arbitrage du gouuerneur sans loix ruinent les Republiques: & composez ensemble par proportiō Harmonique seruent à maintenir les estats. Et par ainsi Aristote s'est abusé de dire que l'estat seroit bien heureux qui auroit vn si bon Prince, qu'il ne fust iamais vaincu de faueur ny de passion quelconque: on n'auroit, dit-il, que faire de loix. Or il est certain que la loy n'est pas faite pour ceux qui tiennent la souueraineté, comme nous auons monsté en son lieu: ains pour les magistrats principalement, qui ont bien souuent les yeux si bandez de passions, ou de concussions, ou d'ignorance, qu'ils ne scauroient voir vn seul trait de la beauté de iustice. Et quād ores ils seroyent Anges, ou qu'ils ne pourroyent aucunement faillir, si est-ce que les sugets ont affaire de loy, comme d'un flambeau pour se guider es tenebres des actions humaines: & mesmement pour estonner les meschans, qui pourroyent pretendre cause d'ignorāce veritable, ou vray-semblable de leurs meschancetez: ou pour le moins de la peine, qui n'est point grauee en nos ames, cōme les choses que nature defend. Combien qu'il n'y a point de plus fort argument pour verifier cecy, que la publication de la loy de Dieu, non seulement des choses politiques, & iudiciaires, ains aussi des choses defenduēs par nature, au parauant

Gouuernemēt
de Republique
par forme geo-
metrique.

Il ne se trouue
point deuant la
loy de Dieu au-
cune mention
de loy.

8. Ioseph. contra
Appionem.

9. l. 2. de orig. iuris.

1. Plutar. in Lycur.
Les riches &
puissas ne veu-
lēt point de loix

2. Liuius lib. 2.
Regem hominem
esse à quo impe-
tres vbi ius. vbi in-
iuria opus sit. esse
gratiae locum, esse
beneficio, & irasci,
& ignoscere posse
inter amicū & ini-
micum discrimen.
nosse. leges rem
furdam & inexo-
rabilem esse, salu-
briorem, meliorē-
que inopi quam
potenti: nihil laxa-
menti nec veniā
habere si modum
excesseris: pericu-
losum esse in tot
humanis erroribus
sola innocentia vi-
uere. &c.

3. Diodor. lib. 12.

4. li. 1. cap. de æqui-
tate.

o. 1. respiciendum
de pœnis ff.

laquelle publication, il n'y auoit iamais ⁸ eu Legislateur qui soit venu en
cognoissance. & de fait en tous les œuures d'Homere, ny d'Orphee, ny
autre qui soit au parauāt Moysē, lequel est plus ancien que tous les dieux
des Payans, il ne se trouue pas vn seul mot de loy. mais les Princes iu-
geoyent, ⁹ & cōmandoyent toutes choses par puissance souueraine. & la
premiere occasion de faire loix, fut le changement des monarchies en e-
stats populaires, qui se firent premierement en Athenes au tēps de Dra-
con, & puis de Solon: & en Lacedemonne au temps dē Lycurgue, qui
changea la puissance des deux Roys en estat populaire: ¹ puis apres en
Crotonē, Locres, Tarēte, & autres villes d'Italie. Car le menu peuple de-
mandoit estre esgal aux riches, & nobles, ce qu'on ne pouuoit faire sinon
par loix esgales: & les riches au contraire vouloyent estre priuilegiez: par
ce qu'ils fournissoyent aux frais necessaires de la Republique. & d'autant
qu'ils auoyent les plus grands estats, & principales charges de la Repu-
blique, ils portoient tousiours faueur aux riches leurs semblables. Qui
fut la cause que Terence Arsa Tribun presenta requeste au peuple Ro-
main, tendant à fin de prescrire certaines loix aux magistrats suiuant les-
quelles on se reiglast, Alors toute la noblesse s'y opposa detestant les loix
cōme chose qui les deust ruiner, aymant mieux retourner soubs la puis-
sance ² des Roys. la requeste du Tribun fut debatue six ans: mais en fin le
menu peuple le gaigna sus la noblesse. Alors les loix des douze tables fu-
rent publiees, & entre autres il y en auoit vne qui defendoit sur la vie de
donner aucun priuilege à personne, sinon du consentement des grands
estats. Suiuant ces loix les magistrats furent contraints de gouuerner les
sugets, en sorte que l'equitē, & l'arbitrage n'auoit aucun lieu. comme il
aduint aussi apres que le Roy François 1. eut assugetti la Sauoye, les gou-
uerneurs, & magistrats nouueaux iugeoyent bien souuent contre les
coustumes, & droict escript, ayant esgard à l'equitē. alors les estats du
pays enuoyerent leurs deputez au Roy, pour obtenir lettres patentes,
portant defenses aux magistrats de plus iuger d'equitē. qui n'estoit au-
tre chose que les attacher aux loix, sans varier, ny çā ny là. chose qui est
bien fort contraire aux passions des iuges fauorables. Et affin d'y obuier,
le legislateur Carondas ³ fist defense à tous magistrats se departir aucu-
nement des mots de la loy, ores qu'elle semblast inique. Conan mai-
stre des requestes s'estonna bien fort de l'instance que faisoient les Am-
bassadeurs, comme iniuste & deraisonnable, & reprend ⁴ aussi le Do-
cteur Faber, qui dit, qu'en ce Royaume il n'y a que les cours souuerai-
nes qui puissent iuger d'equitē: & quand à luy qu'il ne laisseroit pas de iu-
ger d'equitē, quand ores il seroit le moindre iuge de France. & auoit rai-
son aucunement, mais il falloit prendre garde que le mot d'equitē se
prend diuersemēt: car l'equitē en vn Prince c'est declarer, ou corriger la
loy: en vn magistrat c'est la ployer, & adoucir la rigueur, ou aigrir la dou-
ceur ^o d'icelle, quand il est besoin: ou bien supployer le defaut qu'il y a,
quand

quand la loy n'a pas pourueu au cas qui s'offre: & alors les moindres iuges ont puissance de iuger d'equité, soit de leur office, soit quād on procede par deuant eux par voye de requeste: où que le Prince leur enuoye quelque relief, ou autres lettres de iustice, qu'ils peuuent enteriner, ou casser si bon leur semble, suiuant les ordonnances de nos Roys ⁴, & la clause des lettres portant ces mots *TANT QV'A SVFFIRE DOIUE*. ou bien des choses desquelles le Prince diserteinent par son edit leur baille puissance par ces mots, *DONT NOVS CHARGEONS LEVR CONSCIENCE*: en quoy les moindres iuges ont autāt de puissance, que les plus grands: & neantmoins ils ne peuuent comme les cours souueraines, mettre les appellations au neant, ny enuoyer absouls à pur & à plein les accusez, mais seulement *QVOVS QVE*, à la forme des Lacedemoniens, comme dit Plutarque, quand ils sont aucunement atteints du crime: & ne peuuent aussi releuer, ny tenir pour bien releué l'appellant d'un Iuge Royal: ny faire autres choses semblables plus questuaires, que necessaires. Nous lisons en cas semblable es Pandectes des Hebreux ⁵, qu'il n'y a que la cour des senateurs, ou des sages, qu'ils appellent Hacamin, qui puisse iuger d'equité: & que celà n'est pas licite aux moindres iuges. Ce qui est aussi escript quasi par toutes les coustumes d'Italie, où il est commandé aux iuges, de suiure la loy ainsi qu'elle est escripte. Sur quoy le docteur Alexandre enquis si telles coustumes deuoyent auoir lieu, fist response ⁶ que nonobstant la clause, iamais l'interpretation equitable, & iuste n'estoit excluse, suiuant en celà l'aduis de Bartole ⁷, qui n'a point fait distinction du grand magistrat au petit, pour ce regard. car à bien parler, la loy sans l'equité, est vn corps sans ame: d'autant qu'elle ne touche que les choses generales ⁸, & l'equité recerche les circonstances particulieres, qui sont infinies, ausquelles il faut tellement accommoder les loix, soit en termes de iustice, soit en matiere d'estat, qu'il ne s'en ensuiue inconuenient, ny absurdité quelcōque: mais il ne faut pas que le magistrat ploye la loy si fort qu'elle se rôpe, encore qu'elle semble fort dure ⁹, quand elle est assez claire de soimemes. C'est autre chose si la loy est inique au fait qui se presente, car en ce cas le Iurisconsulte disoit, qu'il faut modérer la loy par le decret du magistrat. Quand il dit le magistrat, il monstre assez que celà n'appartenoit pas aux ¹ Iuges particuliers, ains seulement au Preteur: ce qui luy fust permis en l'erection de son office, par la loy Pletoria: par laquelle il eut puissance de suployer, declarer, & corriger les loix ². Mais d'autant que cela touchoit les droits de la maiesté souueraine, les Princes depuis s'attribuerent ³ la declaration & correction des loix, en ce qui seroit douteux entre la loy, & l'equité resultant de la vraye interpretation de la loy. C'est pourquoy les iuges, & gouuerneurs de pays anciennement, demandoyent l'aduis des Empereurs, quād le cas excedoit les termes d'equité resultant de la loy, & ce qui leur sembloit iuste, estoit

4. Ordon. de Charles 7. & 8.

5. Rabi Maymon. lib. 3.

מדה הנבונים
ex cap. Deuteronom. 18. & 21.

6. Alexand. consil. 89. lib. 6.

7. Bart. in l. omnes populi & ex parte. 2. de offi. de legat.

8. l. 4. §. 6. de legibus. ff.

9. l. prospexit. qui & à quibus.

1. l. saluus. de legatis praestand. l. quāuis. de in ius vocand. ff. l. quāsitum. de testa. l. ita vulneratus. ad l. aquil. §. penul.
2. l. ius autem. de iustitia.
3. l. 1. de legib. C. Baldus in l. 1. §. si is qui de exerciti.

4. l. 1. §. si is qui de exercitor. l. nō aliter de legat. 3. l. ea quæ §. 1. de regul. o. l. seruos ad l. Iul. de adult.

5. l. in fundo. de rei vindicat. l. placuit de iudic. C.

6. l. cæteræ famil. eriscund. Bartol. in extrauaga. ad reprimendam verbo videbitur. Bal. in l. si quando. de in offi. test. C. Panor. & Felin. in cap. 1. de constitut. ext.

7. Alexand. consil. 106. nu. 11. lib. 3.

8. l. respiciendum. l. hodie de pœnis. Bal. in l. nec quicquam §. vbi decretū. de offi. procōf. Specul. tit. de offi. iudic. Ancaran. in cap. pia. de except. Panor. in cap. prudentiam §. sexta. de off. de legat. Castrenf. in l. vbi pactum. de transac. C. col. vlt.

9. Polyb. lib. 6.

Plin. in Panegyric. Nouel. constit. 102. & 9. Zonaras lib. 2. annal.

1. lib. 6. variat.

2. Aristot lib. 3. polit. Pollux lib. 2. Demosthen. contra Timocratem.

contraire à icelle: & si le Prince estoit si loing, qu'on ne peust auoir sa declaration, les Magistrats suiuioyent⁴ les termes de la loy: car il n'appartiēt pas au Magistrat de iuger de la loy, mais selon la loy, comme disoit vn ancien docteur: & s'il fait autrement, il est infame de droit commun⁵: Et à ce propos il me souuient, que Barthelemy l'un des Presidens des enquestes au parlement de Toulouze, sur ce que les Conseillers de sa chambre vouloyent iuger contre l'ordonnance, fist dire par arrest chambres assemblees & à la requeste des gens du Roy qu'on suiueroit l'ordonnance. & quand elle eust semblé inique à la cour, on eust eu recours au Roy, comme on a accoustumé en tel cas. En quoy il apert, que le magistrat est en la puissance de la loy, & l'equité en l'ame du magistrat⁶: qui s'estend à supployer ce qui defaut à la loy, ou à tirer vne raison d'icelle: car la droite interpretation de la loy, n'est riē autre chose que la loy mesmes. Mais quand ie dy que les cas oubliez par le legislateur, & qui ne peuuent estre compris en loix (pour la varieté d'iceux qui est infinie) sont en la discretion du magistrat, celà se doibt rapporter à l'equité, & que le Iuge, qui doibt estre entier & innocent⁷, ne face rien par dol, ny par fraude, ny par concussion. En quoy Alexandre s'est mespris, disant que le Iuge quia l'arbitrage de iuger à sa volonté, peut iuger iniquement⁸ si bon luy semble: qui est vne opinion cōtraire à la loy de Dieu, & de nature & reprouuee de tous⁹ les Iuriconsultes: qui sont biē d'aduīs que le magistrat ayāt la puissance, & arbitrage de iuger à sa volonté, n'est point tenu du mal iugé: mais ils adioustent ceste condition, pourueu qu'il ne face rien par dol, ny par fraude. & par l'ordonnance de Luitprand Roy des Lombars, il est porté, que le magistrat payera x l. sols d'amende, s'il iuge contre la loy, moitié au Roy, moitié à la partie: & s'il iuge iniquement en ce qui est de son office, il n'est point suget à l'amēde, pourueu qu'il n'ayt rien fait par dol, ny par fraude: comme il est aussi gardé en tous les sieges de ce Royaume. Mais les anciens Romains ne se contentoient pas de celà, ains ils faisoient iurer les Iuges, de ne iuger contre leur conscience¹⁰, & au parauant qu'ils donnassent leur sentence l'huissier crioit tout haut: *Ne se paterentur sui dissimiles esse*, comme dit Cassiodore¹¹. & en cas semblable, les Iuges en Grece iuroient qu'ils garderoient les ordonnances: & s'il n'y auoit loy, ny ordonnance au fait qui se presenteroit, qu'ils iugeroient selon l'equité vsant de ces mots¹² *δικαιοσύνην κλέμει*. A quoy se rapporte le dire de Seneque. *Melior videtur conditio causæ bonæ si ad iudicem, quam si ad arbitrum quis mittatur: quia illum formula includit, & certos terminos ponit: huius libera & nullis astricta vinculis religio, & detrahare aliquid potest & adiiicere: & sententiam suam non prout lex, aut iustitia suadet, sed prout humanitas aut misericordia impulit regere*. Ce qu'ils n'eussent pas permis aux iuges, s'il eust esté possible de comprendre tout en loix, cōme quelques vns ont osé dire, qu'il n'y auoit cas qui ne fust au droit Romain: chose qui est autant impossible, que vouloir compter les indiuidus: ou com-

prendre

prendre l'infini par ce qui est fini. Aussi Solon fut blasmé à tort d'auoir fait si peu de loix:& toutesfois Lycurgue en fist encores moins, voire si peu qu'il defendit de les escrire:laissant la pluspart à la discretion des magistrats. Comme faisoit aussi Thomas le More Chancelier d'Angleterre laissant toutes les peines à la discretion des magistrats horsmis l'adultere en sa Republique. Et combien que les dix commissaires deputez par les Romains pour corriger les coustumes, & dresser les douze tables, pensoyét auoir compris tous les incidés qui pouuoient auenir:neantmoins tost apres ils se trouuerét bien loing de leur compte, en sorte qu'ils furét contraints de lascher la pluspart des iugemens, touchât l'interest des particuliers, à la discretion des magistrats, comme nous auons dit. & cōbien que pour le regard des causes publiques, ils s'efforcerent de resserrer les iuges és barrieres des loix:si est-ce qu'en fin voyant les inconueniens qui se decouuroyent à tout propos, en voulant faire iustice par proportion Arithmetique, ils furent contraints (apres que l'estat populaire fut changé en monarchie) de faire vn grand Preuost de Rome:auquel ils donnerét³ puissance de cognoistre extraordinairement de tous crimes commis en Rome, & quaraté lieux autour de Rome:ce que tous les gouuerneurs des prouinces auoyent chacun en son ressort. Or celuy qui cognoist extraordinairement, n'est point suget aux loix, & peut donner telle sentence que bon luy semblera⁴, pourueu qu'il n'excede le moyen, dit la loy:lequel moyen gist en la proportion Harmonique que i'ay dit. Mais ceste puissance extraordinaire de iuger d'equité, ou gouuerner vne prouince, ou vn estat, emporte plusieurs degrez. car il y a difference que le Prince soit par commission, soit en vertu de l'erection d'office donne toute⁵ puissance de gouuerner, ou ainsi qu'il plaira⁶ au magistrat ou commissaire:ou bien ainsi que le Prince mesmes pourroit⁷ faire, qui est presque vne puissance absolue, & telle que le magistrat pour grād qu'il puisse estre ne peut donner à personne⁸. mais si les lettres portent, que le magistrat en ordonne ainsi qu'il verra estre à faire par raison⁹: ou selon sa consciēce¹: ou à sa discretion²: ou selon l'equité, ou autre maniere de parler semblable: en tous ces cas il est certain, que la puissance est limitee à l'arbitrage d'un hōme de bien, & aux termes d'equité à laquelle le Prince mesmes doibt rapporter ses iugemens. Et ceux⁴ là s'abusent, qui pēsēt que le Prince peut iuger selon sa conscience, & non pas le suget, fors en matiere criminelle⁵, auquel cas ils sont d'aduis, que le magistrat peut aussi bien que le Prince iuger selon sa conscience. mais s'il est equitable en l'un, pourquoy nel'est-il en l'autre? & s'il est inique en l'un, pourquoy seroit equitable en l'autre? veu que le Singe est tousiours semblable à soy-mesmes, soit qu'on l'habille en pourpre ou en bureau. Mais si la verité du fait n'est cogneue sinon au Prince, ou bien au magistrat, ny l'un ny l'autre ne doit faire acte de Iuge, ains de tesmoing seulement: cōme respondit Azo au gouuerneur de Boulongne la Grasse, qui auoit veu faire vn

3. l. 1. de offi præfectori Vrbi.

4. l. hodie de pœnis ff.

5. Bart. in l. filiusfamil. de donat. Bal. in l. si quando de inoffi. testa C. & in cap. 1. de constitut. ext.

6. Felin. in cap. 1. col. 17. copiose.

7. Bal. in l. alio de alimentis. Bart. in l. creditor. §. lucius mādator. & in l. procurator cui libera de procurat. Roman. in l. si quis mihi. §. iussum. de acquirenda.

8. Bart. Bald. Roma in dictis locis sup.

9. Panor. & Anton. Burrio. in cap. 1. de constitut. ext.

1. Bal. in l. voluntas de fidei cōmissar. & l. ult. de iure domini. C.

2. Iacob. Butrig. in l. properandum. de Iudic. C. Panorm. in c. 1. & 2. de iuramento cal.

3. Bartol. in l. si fideiussor. §. quædā mand. & in l. quintus eod. Bald. in l. si pro ea. C. eod.

4. Bart. & Bal. in l. 1. vt quæ defunt aduocatis C.

5. Bart. in authent. nisi breuiore. de sententiis ex breuiulo C. Angel. in l. à diuo. de re iudic.

meurtre, sans autre tefmoin, on luy dist qu'il ne pouuoit estre Iuge: & mesme responce fut faicte au Roy de France Henry II. par la chambre de la Royne estant à Melun, sur ce qu'il auoit fait mettre prisonnier vn Italien, l'ayant surpris en cas digne de mort qu'il ne vouloit dire: il commâda aux iuges de le condamner, lesquels n'en voulurent rien faire: comme i'ay sceu d'Antoine de Paul second Presidēt de Toulouze: qui estoit des Iuges. & le mesme Roy en cause ciuile ne seruit que de tefmoin au proces d'entre les heritiers de George d'Amboise: où son tefmoignage ne fut compté que pour vn. Et fut blasmé le Pape Paul de Farneze, d'auoir fait mourir vn gentil-homme, qui luy auoit confessé vn meurtre secret luy estant Cardinal, attendu que le gentilhomme depuis n'ya l'auoir dit, ny fait. Or il y a beaucoup plus d'apparence que le Prince, & le magistrat iugent selon leur consciēce en cas ciuil, que non pas en criminel, veu qu'il y va souuent de la vie, de l'honneur, ou des biēs, & la preuue y est requise plus claire que le iour. Mais la difference est bien grande entre les Iuges, qui sont liez aux loix pour quelque chose que ce soit, & ceux qui ont puissance de gouverner sans loy: car l'un ne gist qu'en fait, l'autre endroit en equité, en raison. & mesmement quand il est question de chose de conséquence où il faut declarer la loy: qui fut anciennement donné au Preteur, cōme i'ay dit: mais par la loy de Dieu°, celà est reserué au grand Pontife, ou à celuy qui estoit esleu de Dieu pour Iuge souuerain: ou en leur absence aux Leuites: ce qui fut en fin attribué au Senat sous les derniers Princes de la maison des Asmonéans: coustume qui auoit aussi lieu en Égypte, & en France, où les prestres, & Druides, estoient gardes de la iustice, comme estant la chose du monde la plus sacree: & le premier President des Druides, portoit, dit Amian, vne pierre precieuse pendue au col, où la verité estoit grauee. Et dure encores en toute l'Asie, & en la pluspart d'Afrique la coustume, que les Prestres ont la iustice en main: & le grand Pontife la declaration des loix, & decision des causes les plus hautes, & plus difficiles: comme le Muphti grād Pontife en Turquie: & en cas pareil le Sophi a le sien à Tauris, & les Tartares le leur à Smarand: & les Roys de Fez, Carouan, Telmessen ont aussi chacun le leur: pour monstrier que l'equité, quand la loy manque, se doibt traiter, & manier par iuges, & magistrats bien entédus. Et s'il estoit ainsi que la iustice, & le gouvernement par proportion esgale ou Arithmetique deust auoir lieu, quand il n'y va que de l'interest particulier, il n'y auroit difficulté aucune: car il ne resteroit que l'execution de la loy. nous monstrerons tantost que cest opinion n'est pas receuable. mais il faut monstrier premierement que la mesme opinion touchant la iustice Geometrique, est aussi peu soustenable, quand il y va du public. Cela se verifie en toutes les loix, qui portent amendes & peines pecuniaires, qui se trouuent en la loy de Dieu, es loix de Solon, aux douze tables, & aux loix de toutes nations, mesmement des anciens François, Anglois, Saliens, Ripuaires, où toutes les peines sont

• Deuteron. 17.

Iustice Arithmetique est inique.

sont presque pecuniaires. Et en toutes les cōstumes, & ordonnances de ce Royaume les amendes sont taxees: auquel cas, autant le pauvre que le riche, payera l'amende par iustice esgale, & Arithmetique. Et si le dire de Platon estoit veritable il faudroit rayer toutes ces loix, & laisser à l'arbitrage, & pleine puissāce des Magistrats de hausser, ou diminuer la peine. & neantmoins la pluspart des edits, & ordonnances penales portent ceste clause, Et auons defendu à nos Iuges de diminuer la peine. Et si le condamné n'a dequoy satisfaire pour la faute par luy commise par dol, & par fraude, la loy generale, ⁶ & commune à tous les peuples, veut qu'il soit puni corporellement. Icy peut estre on me dira, que c'est iniustice de condamner vn pauvre homme à L x. liures d'amende pour vn fol appel, & n'en faire pas payer d'avantage au plus riche. car la Iustice Geometrique veut que si le pauvre qui n'a que cent liures pour tout bien, paye L x. liures d'amende, le riche qui a valant cent mill liures en doit payer soixante mil pour l'amende: d'autāt que la proportion est semblable de cent à soixāte, que de cent mil à soixāte mil. Voyla l'effect de la iustice Geometrique. & la iustice Arithmetique est le moyen au riche hōme, de ruiner le pauvre, sous voile de iustice. Et pour ceste cause les ordonnances ont permis aux Iuges de condamner à l'amende extraordinaire, si le cas y echet, outre l'amende ordinaire, comme il se faisoit anciennement en Grece, & appelloient ceste amēde extraordinaire, *ἐπιβαρὶς ἐπωβελίας* comme escript Demosthene: ^o qui est approcher bien pres de la vraye iustice harmonique: si par les mesmes ordonnances il estoit permis aux Iuges, ou du moins aux cours souveraines de diminuer l'amende, ayant esgard à la pauvreté des pauvres & ignorans: cōme il s'est tousiours fait au parlement de Roüen, & sur ce que les receueurs d'amendes en faisoient instance au Roy pour les contraindre d'obeïr de point en point, à l'ordonnance, qui defend de diminuer la peine: le President Lièvre, & d'Amours Aduocat du Roy deputez du Parlement de Roüen, pour faire plusieurs remonstrances touchant le domaine & la reformation generale de Normandie, où i'estois partie pour le Roy: entre autres choses requièrent à ce qu'il pleust au Roy, ne les contraindre de condamner tous appellans temeraires à l'amende esgale. ce que ie ⁷ trouue auoir esté fait anciennement par l'Empereur Claude. En quoy faisant la vraye iustice harmonique seroit gardee, qui est en partie esgale, en partie semblable. l'equalité seroit entre les hommes mediocres plus ou moins riches: & la proportion Geometrique entre les grans seigneurs, & les pauvres, qui seroit en ce cas laissée à l'equité & discretion des Iuges. Nous ferons mesme iugement de l'ordonnance de Charles I x. faite sus la prohibition des habits, qui porte mil escus de peine, avec defense aux Iuges de diminuer la peine: qui est vne ordonnance cōcernant le public, & neantmoins faire suiuant la iustice arithmetique. Mais ⁸ l'ordonnance de Philippe le Bel touchant les habits, & superfluitez de banquetz, qui n'est

6. l. r. §. generaliter de pœnis.

o. Contra Dionysiodor. l. eos qui §. ne temere de appel. C.

7. Tranquil. in Claud.

8. publiee l'ā 1294. enregistree en la chambre des comptes au liure intitulé, ordonations sancti Ludouici, fol. 44.

Ordonnance de
Philippe le Bel
par iustice har-
monique.

point imprimee, approche de la proportion harmonique. car il est por-
té, que le Duc, le Comte, le Vers, & le Prelat qui fera contre ceste ordon-
nance payera cent liures, le banneret cinquante, le cheualier ou vauasseur
quarante, les Doyens Archediaces, les prieurs, & autres clerks qui ont
dignité ou personnage payeront xxv. liures. les autres laiz qui contre ce
feront, en quelque estat que ils soyent, s'ils ont valant mil liures, payeront
xxv. liures, & s'ils ont moins payeront cent sols. des autres clerks, qui sont
sans dignité, ou personnage soyent du siecle, ou en religion, qui feront à
l'encontre payeront cent sols aussi comme les autres. On voit icy les pei-
nes inegales, à personnes inegales, suiuant la iustice geometrique: & neât-
moins on voit aussi equalité de peines à personnes inegales suiuant la iu-
stice arithmetique: & l'une, & l'autre tellement attrempee, que la iustice
harmonique en resulte. Le mesme reiglement est gardé en la permission
des habits, où il est dit. Nulle bourgeoise n'aura chesne. Item, Nul bour-
geois ou bourgeoise ne portera or, ny pierres precieuses, ny ceintures
d'or, ny couronne d'or, ny d'argent, ny fourreures de vair, de gris, ny de
hermines. cela n'est pas defendu aux nobles. & neâtmoins il y a quelque
difference, en ce qu'il est dit, Que le Duc, le Comte, le Baron de six mil
liures de terre, ou plus, pourront faire quatre paires de robes par an, &
non plus, & leurs femmes autant. & pour les gens de robe longue, Clercs
qui ne sont en dignité, ou personnage, ne pourrôt faire robes pour leurs
corps de plus de seize sols l'aune de Paris, & pour leurs compagnons,
douze sols. Il y a plusieurs autres articles semblables, mais il n'y a mentiō,
ny pres, ny loin de foye, ny de velours, ny de chose qui en approche. Et
qui voudroit garder par le menu la iustice geometrique, & apposer la
peine eu esgard aux biens, & au delict, il ne faudroit iamais faire loy: car
la varieté des personnes, des faits, du temps, du lieu est infinie, & incom-
prehensible. aussi seroit l'equalité de peines par iustice arithmetique in-
iuste: cōme on peut voir es loix sumptuaires⁹ des Romains, lors qu'ils
estoyent en estat populaire, les morceaux sont tranchez esgalement à
tous, & la peine esgale sans discretion du riche au pauvre, du noble au
roturier: encores que les biens d'un chacun fussent enregistrez aux pa-
piers césiers, ce qui n'est pas à present, & qui causeroit vne difficulté grā-
de, si on vouloit vser de la iustice geometrique. Aussi estoyent esgales les
peines des loix publiques, qui furent faites pendant l'estat populaire; &
la iustice distribuee à tous citoyens par proportion arithmetique: cōme
si le medecin donnoit vne mesme medecine, & en mesme dose aux fors
& aux foibles. Aussi depuis que l'estat populaire fut changé, le gouver-
nement esgal, & la iustice arithmetique changea, & la peine des nobles
fut diminuee, comme on peut voir par le rescript d'Antonin le piteux
à vn gouverneur de prouince, qui tenoit vn homme d'honneur con-
uinu du meurtre de sa femme trouuee en adultere, où il dit qu'il faut
moderer la peine de la loy Cornelia: & si le meurtrier estoit de basse con-
dition,

⁹ lex Faunia, Lici-
nia, Cornelia, Iu-
lia. Macrobi. libr. 3.
cap. 17. satur. Gel-
lius lib. 2. c. 24.

Ordonnances
des Romains
sumptuaires
par iustice arith-
metique.

1. l. 1. ad l. Corn. de
ficar.

La qualité de la
personne fort
considerable en
iustice.

dition, qu'il deuoit estre banni à iamais, & s'il estoit en dignité qu'il suffisoit de le bannir pour quelque temps. Or c'est vne difference fort notable en termes de iustice, que la qualité de la personne porte trait mesme à la vie, ou à la mort. car le meurtrier, dit la loy, ² doit estre mis à mort, s'il n'est en quelque degré d'honneur, & la loy Viscellia vouloit que les larrons de bestail, s'ils estoient esclaves, fussent gettez aux bestes sauuages: & les hommes de franche condition punis par glaiue, ou condamnez aux minieres: & si la personne est de maison, il suffira de le bannir pour quelque temps. & en cas pareil, les incendiaires des villes estoient gettez aux bestes, s'ils estoient de basse condition, & les nobles ³ decapitez, ou confinez. Et generalement les esclaves estoient tousiours punis plus seuerement que les hommes de franche condition: car cestuy-cy n'estant batu que de verges, ou petits bastons, l'esclau estoit ⁴ foüetté de courgees: quoy que dist Platon, que le citoyen doit estre plus puni que l'esclau, parce qu'il n'est pas, dit-il, si bien appris. & pour ceste cause le pere qui auoit foüetté son fils de courgees, fut lapidé de la commune en Rome, comme dit Valere: Et entre les hommes libres, le citoyen estoit moins puni que l'estranger, le noble que le roturier, le Magistrat que le particulier, l'homme sage, & modeste, que l'homme vicieux, & dissolu, le soldat, que le paysan. il ne faut pas, dit ⁵ Labeon, souffrir vn roturier intenter action de dol, contre vn homme constitué en honneur & dignité, ny au prodigue, contre vn homme bien reiglé. Et mesmes les anciens Romains ne condamnoient ⁶ point les decurions, ou conseillers de ville, ny les gens de guerre, pour quelque crime que ce fust, aux minieres, ny aux fourches. le larron de nuict, dit la loy, s'estant mis en defense, doit estre condamné aux minieres: mais les gens de qualité ⁷ bannis seulement: pour quelque temps: & les gens-d'armes cassez avec ignominie. Et ne faut pas penser, que ceste forme de punir soit particuliere à quelque peuple, car tous les autres en vsent ainsi: mesmes les anciens François, Saliens, Anglois, ⁸ Ripuaires, iusques aux Barbares Indois, qui pour mesme crime punissent beaucoup plus griefuement les roturiers que les nobles: car ils coupét le nez, & les oreilles aux roturiets, & pour mesme crime ils coupent aux nobles les cheueux, ou les manches de leurs ⁸ chemises. coutume qui estoit commune en Perse, ou lon foüetoit les vestemens des condamnez, & arrachoit on le poil de leur ⁹ chapeau. Qui est bien loin de ce qu'Aristote veut, que la iustice Geometrique ayt lieu, quand il faut partager les loyers, & ce qui est commun: & quand il faut punir les forfaits, que la iustice Arithmetique soit executee esgalemment: qui est non seulement renuerfer le principe de philosophie, qui veut que les choses contraires comme le loyer, & la peine, soyent conduites par mesmes reigles: ains aussi toutes les decisions des plus grans Iurisconsultes & legislateurs qui furent oniques, Et mesmes les ¹ docteurs, canonistes, ² &

2. l. qui cædem. ad l. Cornel. de sicar. ff.

Les nobles moins punis que les roturiers.

3. l. vlt. de incēdio.

4. l. capitalium. §. in seruorū. de pœnis. & §. vlt. eod. l. 3. de ordi. cognit. C. o. Plato. lib. 9. de legib.

5. l. non debet de dolor.

6. l. 3. de priuilegio veteran l. mores. §. sedenim de pœnis.

7. l. 1. & vlt. de furtib. baluc. l. vlt. de sepulchro.

8. au chap. des iures aux loix des Saliens.

8. l'histoire des Indes.

9. Plutar. in libro de sera numinis vindicta.

1. Salicet. in l. vlt. de pact. hostiens. Ancaran. Panorm. in cap. vlt. de pœn. 2. In cap. dudum cap. cum adeo. & ibi glo. de rescript. can. qui contra 24. q. 1.

3. Cicero in agraria prima cornificius lib. 2. ad Herennium Fabius lib. 7.

4. Liuius lib. 3 Valer. lib. 8. cap. 1.

5. Euripid.

φειδῶμεθα ἀνδρῶν εὐγενῶν φειδῶμεθα.

6. in lib. 1. de iurifdict. Seneca Nullo genere homines mollius moriuntur quam gladio secta ceruice.

7. 1. aut facta. §. persona. l. prætor. §. præterea. & seq. de iniuriis.

8. au chap. des iniures.

9. l. 795. & 131. partie 2. chap.

1. in consil. Tiburienfi Gratian. 17. q. 4. ca. qui subdiaconum.

³ Orateurs, historiens, ⁴ & Poëtes ⁵ sont de mesme aduis que les Iurifconsultes: & ont tousiours moins puni les nobles que les roturiers: la noblesse ancienne de M. Æmylius Scaurus, dit Valere, luy sauua la vie durant l'estat populaire: ce qui fut encores beaucoup mieux gardé apres le changement d'estat: car lors on commença peu à peu à decapiter avec vn cimeterre les nobles, à la mode des peuples de Septentrion, au lieu que les Romains au parauant vsoient de dolouères enuers toutes sortes de gens. & d'autant que le Centenier enuoyé pour executer Papi-nian, qui estoit parent de l'Empereur Trajan, & declairé tuteur des Em-pereurs de l'Empire, luy auoit tranché la teste avec vne dolouère, il fut repris aygrement par l'Empereur Caracalla, disant qu'il falloit l'execu-ter par glaïue, qui auoit moins de douleur & d'infamie: au contraire de ce que pensoit le Iurifconsulte ⁶ Gouean. Et par mesme raison, celuy qui a offensé le noble, est puni plus ⁷ griesuement, que s'il offensoit vn roturier: & vn citoyen qu'un estrangier, ce qui estoit encores mieux gar-dé par les anciennes loix des Francons, Saliens, & Anglois: où la loy ⁸ dit, Qui aura offensé le franc Salien, payera l'amende en soldes estimez à quarante deniers piece: & si le Franc iniurie le Saxon, ou le Frizon, il l'a-mendera en soldes estimez à douze deniers. & par l'ordonnance ⁹ d'Al-phons x. Roy de Castille il est porté, que l'iniure faite au noble, sera pu-nie de cinq cens soldes, & au roturier c c c. & aux chapitres de Charle-maigne, il est dit, que ceux qui auront tué vn soudiacre, payeront c c c. soldes, pour vn Diacre c c c c. pour vn prestre d c. pour vn Euesque d c c c c. & lors que la dignité des ecclesiastiques commença à croistre dauantage, on ¹ doubla les peines. Je ne parle point du merite de ces loix, mais i'en vse seulement pour monstrier, que la iustice Arithmetique n'a point eu, & ne doit auoir lieu, quand il est question de la peine: mais que les gens d'honneur, & de qualité sont tousiours moins punis. Dequoy souuent le menu peuple murmure, & pense qu'on luy fait iniustice: & mesmes André Ricce Polonois dit, que c'est grand iniustice d'auoir es-gard en iugemēt aux nobles, ou roturiers, pauvres ou riches, bourgeois ou estrangiers, & que la peine doit estre esgale à tous. qui est bien loin de corriger les abus de la Republique, cōme il pretend. Ainsi disoit le peu-ple de Toulouze quand le seigneur de Roissi condēna de l'Ormeau quart president, à perdre ses estats, & ses biens, & estre pilorié puis marqué au front d'un fer chaut, & confiné. & quant à son clerc, qui auoit fait le cō-mandement de son maistre, il le fist pendre. le Roy François dist, que les larrons en foire s'entretenoyent, & qu'il falloit changer la peine du mai-stre au clerc. Toutesfois ceux qui ont cogneu le seigneur de Roissi pere de celuy qui est à present Chancelier du Roy de Nauarre, illustre en tou-tes choses, estoit le moins fauorable, & l'un des Iuges de ce Royaume le mieux entendu aux affaires de la Iustice. le clerc eust meritē pardon s'il eust esté esclauē du Presidēt: parce qu'il y eust eu necessité d'obeyr: mais d'autant

d'autant que le clerc n'estoit pas contraint de suivre le commandement du maistre, on ne pouvoit le punir que par mort, l'ayât mérité, & n'ayant ny biens, ny estats, ny aucun degré d'honneur: qui sont plus chers que la vie aux hommes constituez en dignité. C'est pourquoy on a tousiours gardé ceste prerogative aux nobles s'ils sont condamnés à mort, de ne les faire pendre, pour la contumelie du supplice, que tous les peuples ont estimé, le plus ² infame, & en demeurent d'accord. combien qu'ils ne s'accordent pas des autres peines. car Seneque met la decolatiō pour la plus douce: & les Hebreux en leurs pandectes sous le titre des peines mettent le plus grief d'estre lapidé, & le second brûlé vif, le troisieme decolé, le quatrieme estranglé. mais ils estiment le plus infame, & maudit par la loy de Dieu, celui qui est mis au gibet. En quoy Bartole ³ c'est abusé, de dire qu'en France les gentilshommes estoient pendus, & que le supplice n'estoit pas réputé vilain: veu que de son tēps, qui estoit sous le regne de Philippe le long, la noblesse estoit autant illustre, & honorée que jamais. vray est que le noble, qui seroit trahistre à son Prince, mériteroit d'estre pendu, afin d'estre puni plus grièvement que le roturier, qui n'offense pas tant, comme celui qui n'est pas si estroitement obligé ⁴ à cōserver la vie, & l'estat de son Prince. C'est pourquoy Tite Live dit, que les trahistres durant la guerre Punique, furent punis plus grièvement que les fuyars esclaves, & les trahistres Romains plus aigrement traitez que les Latins: car ceux cy eurent la teste trachée, & les Romains furent pēdus. cōbien qu'en tous autres crimes, le Romain estoit puni plus doucement. Scipion l'African, dit Flore, trouvant le soldat Romain hors des rangs, le faisoit battre de serment, & l'estranger d'autre bois, car le bois de vigne, dit ⁵ Plin, estoit le deshonneur de la peine. c'est pourquoy l'Empereur Galba fist ⁶ blanchir le gibet, & commanda qu'il fust plus haut esleué que les autres, pour amoindrir la peine du bourgeois Romain, qui se plaignoit qu'on le faisoit pēdre, iacoit qu'il eust empoisonné son pupil. Si le medecin, ou l'apoticaire l'auoit empoisonné, la peine eust esté encores plus griève. Et par mesme proportion de iustice, le Iuge qui fait iniure, le prestre qui ravist les choses sacrées, le notaire ou greffier qui commet fausseté, l'orfeure qui fait de la fausse monnoye, le Prince qui manque de sa foy: & generalement quiconques fait faute en son estat, doit estre puni ⁷ plus grièvement que les autres: car le forfait est plus grief. c'est pourquoy Metius dictateur d'Albanie, fut tyré à quatre chevaux pour avoir rompu la foy aux Romains: & Solon ayant fait publier, & iurer ses loix à tous les citoyens d'Athenes, ordonna que les Arcopagites en seroient gardes, & interpretes. & qu'ils payeroient vne statue d'or de leur pezanteur, s'ils y contrevenoient. Or ce que nous auons dit de la iustice harmonique, quand il est question de la peine corporelle, se pratique aussi quand il est question des amendes, & peines pecuniaires: mais par disposition contraire: car les nobles, &

2. Bartol. in l. capitalium. §. in seruorum de pœnis. Bal. in l. data. qui accusare. C. Pannon. & Felin. in c. cum quidam de iur. iurando Bal. in titul. de offi. deleg. & in l. omnes populi. & ibi Placeta. de delat. C. Angel. in auth. sed nouo iure & tēpelri veritum erat l. libero rum § non solent. de iis qui notantur l. moris. §. sed etiā de pœnis. & in formæ lothum appellabant. Seruius ad Maronem in 9. Æneidos. Plin. lib. 14 cap. 19. & lib. 2. cap. 25.
3. Bart. in d. §. in seruorum.
4. l. eos qui. de pœnis. Roman. singul. 476. & 669. Bal. in cap. si quis vero de pace iuramento. Felin. in cap. pastoralis. de iur. iuran.
5. Plin. lib. 14. c. 1.
6. Sueton. in Galba.

7. l. presbyteri. de Episcop. C. l. si quis decurio. de falsis. l. quædam de pœnis Thomas prima secundæ q. 73. artic. vlt. Dinus. Bald. Salice. Iacob. arena in l. nemo de summa trinit. C.

8. l. properandum
§. 4. de Iudic. C. &
§. si quis. de pace
iuramento. glos. in
cap. 1. §. si rusticus.
& cod. Bal. Almar-
rot. Cardinal. Ale-
xandrin. De pace
tenenda. Odofred.
Cynus Alberic.
Bald. in l. nemo. de
summa trinit. Ho-
stiens. in cap. ca-
que de statu. mon.
9. l. plerique. de
publ. iudic. ff.

Les riches plus
punis que les
pauvres en ma-
tiere d'amendes.
Impudence de
Nerace fut cau-
se de châger la
loy des iniures.

o. In institut. tit. de
iniuriis.

1. Plutar.

La forme des
ordonnances
pœnales en Po-
logne.

2. Mofes lib. 3.

כֹּרֶחַ
הַנֶּבֶלִים

grands seigneurs, doiuent plus⁸ payer que les pauvres, & petits com-
pagnons: comme nous auons dit cy dessus. Et d'autant que les richesses
sont plus grandes en vn pays qu'en l'autre, & à present qu'anciennement
les Princes, & legislators bien souuent sont contrains de changer les
peines pecuniaires aposees es loix. Sous les Empereurs on estimoit pau-
ure celuy qui n'auoit pas cinquante escus valant, qui estoient autant de
nobles à la rose: & les Hebreux en leurs pandectes, ont suiui la decision
des Romains, faisant defenses à ceux là de mandier. les coustumes de
France en plusieurs lieux appellēt pauvre celuy qui a iuré pauvreté, avec
deux ou trois tesmoins de sa parroisse. mais toutes ces loix touchant
les amendes & peines pecuniaires, doibuent souffrir changement, com-
me les ordonnances qu'on appelle de la police: autrement il s'en en-
suiuroit plusieurs inconueniens: comme il aduint anciennement en Ro-
me en l'estat populaire, alors que les peines portees par les loix, ne pou-
uoient estre haussées, ny rabaisées par les magistrats, il se trouua vn Ne-
ratijs, homme riche pour ce temps là, & impudent, qui dōnoit des sou-
flets, & des coups de poing à qui bon luy sembloit, & puis comman-
doit à son esclau qui portoit apres luy vn sac plein d'asses, d'en payer
xxv. pour l'amende taxee par les douze tables. cela fut cause de casser
la loy, & ordonner que deslors en auant chacun estimeroit l'iniure à luy
faite, sauf au Magistrat d'en ordonner ainsi qu'il verroit estre à faire par^o
raison. Ils apperceurent à veuë d'œil, que la iustice arithmetique, estoit
pernicieuse. comme il s'est fait aussi en Normandie, où par la coustume
ancienne, qui est encores en leur nouveau coustumier, vn coup de poin
n'est estimé qu'un sol, & vn soufflet cinq sols, hormis entre les nobles, où
il falloit reparer l'iniure par pleines armes, & harnois avec le cheual. No⁹
ferons mesme iugemēt de l'ordonnance d'Athenes, qui condamnoit à
cent escus d'amende celuy qui feroit danser au theatre vne baladine: De-
mades l'orateur pour rēdre ses ieux plus agreables, y entremesla des me-
nestrieres pour danser, & deuant que d'entrer en ieu, il paya¹ cent escus
d'amende: c'estoit se moquer des loix, & les fouler aux pieds. c'est pour-
quoy es ordonnances de Pologne, où toutes les peines sont presque pe-
cuniaires, soit pour meurtre ou autre crime, il y a vne clause portant ces
mots, Ceste ordonnance ne tiendra que pour deux ans, ou autre temps,
parce qu'elle est penale. Les autres sont contrains de changer les peines
pecuniaires en peines capitales, quand le pays vient à s'enrichir, & que
on mesprise les amendes: ou que le forfait est trop frequent, en ce cas les
Iurifconsultes Hebreux² sont d'aduis qu'on punisse à la rigueur. com-
me la coustume de Bretagne veut qu'on punisse les larrons, parce qu'il y
en auroit trop. sont les mots de la coustume ancienne: qui est inique, & la
raison inepte. aussi elle n'a point de lieu: car il n'y a distinction ny du lieu
ny de la qualité des personnes, ny de l'aage, ny du sexe, ny du temps, ny
du larcin. & quand il n'y auroit que l'aage, la loy equitable veut qu'on
pardonne

pardonne à la ieunesse quasi en tous³ iugemēs, ou qu'on la punisse doucement: & tousiours la femme doibt estre⁴ moins punie que l'homme. En quoy on peut iuger que l'ordonnance de⁵ Venize est inique, qui cōdamne la femme pour larcin, à estre foïetee, & marquee au fer chaut, & auoir les poin coupé: & pour la seconde fois le nez, & les lebures. & l'hōme l'œil creué, & le poin coupé: qui est oster le moyē de gaigner sa vie, & punir plus griefuement la femme que l'homme, contre toute equité: attēdu que la iustice Arithmetique ores qu'elle soit inique en matiere de peines, ne punist sinon esgalement les personnes: & la iustice geometrique aproche beaucoup plus pres à la vraye iustice ayāt egard par le menu à toutes les circōstances. mais la loy, & le Iuge est biē fort inique, qui punist plus aigremēt ceux qui sont plus foibles, & plus tēdres que les robustes & puissans. Et generally toutes loix portant peines certaines se trouuēt iniustes, s'il n'est permis au Magistrat de croistre, ou diminuer icelle selon la circōstance des lieux. En quoy les plus sages, & mieux entendus au fait de la iustice se peuuent abuser, s'ils n'ont deuant les yeux la iustice harmonique. On sçait assez qu'il n'y a point en tout le monde cōpagnie, où il y ait plus de Iurisconsultes, & plus rompus aux iugemens qu'en la cour de parlemēt de Paris. & toutesfois elle publia sans difficulté l'ordonnance cōtre les faussaires faite par le Roy François I. laquelle decernoit peine capitale, fut en procès ciuil, ou criminel, & sans distinction des faussaires, Iuges, greffiers, notaires ou payfans: mais depuis la cour prudāment passē la loy par souffrance, affin que la peine, apposee en icelle, estōne les faussaires, qu'elle punist toutefois à sa discretion: car on aperceut bien tost apres les inconueniens, & absurditez intolerables, que l'ordonnance tiroit apres soy, punissāt à mort, & celuy qui auoit falsifié la moindre scedule de cēt sols, & celuy, q^{ui} auoit falsifié les arrests, ou les seaux du Roy, ou porté faux tesmoignage pour faire mourir l'innocent aussi biē q^{ue} pour vne cause pure ciuile: & le tout sans discretiō des personnes. L'ordonnance de Venize⁴ n'est gueres meilleure, qui veut que la peine du faussaire ne soit moindre, que d'auoir la langue coupee, sans aucune distinction de fausseté, ny d'autres circōstances. L'ordonnance de Milā cōtre les faussaires⁶ ressent plus la iustice harmonique: car elle veut, que celuy qui aura falsifié vn acte, ou porté faux tesmoignage pour chose qui n'excede point xx. escus, doit estre cōdāné pour la premiere fois au quadruple, & trois iours porter la mitre en public: pour la secōde fois, qu'on luy coupe la main: pour la troisieme qu'il soit bruslé. & depuis xx. escus iufques à cinq cēs qu'ō luy coupe la main pour la premiere fois, pour la secōde bruslé: & au dessus de cinq cēs escus, que le Iuge en face à sa discretiō pour la premiere fois & pour la secōde, que le faussaire soit bruslé, Il y a proportion de iustice geometrique entremeslee de iustice egale aucunemēt: mais ayāt subtilisé sur les sommes, il n'y a aucune distinction du

3. I. fere in omnib. de regul.

4. I. si quis in graui §. ignoscitur ad Sillan. l. 2. de termini no. I. sacrilegij ad I. Iul. penul. l. si adulterium. §. stuprū. §. incestam de adult. l. quisquis. ad I. Iul. maiestat. C. & cap. sicut dignū. de homicid. & can. indignatur. 32. q. 6.

5. lib. 4. cap. 78.

4. faire l'an 1461. au Senat.

6. au titre des peines & statuts de Milan.

notaire au laboureur, ny du Iuge au soldat, ny du vieil au ieune, ny du noble au roturier. & si la fausseté est de x. mil escus, & au dessus, la peine n'est plus grande, que de cinq cēs escus. Et ne faut pas respondre, ce que fist Dracon, legillateur Atheniē, enquis pourquoy il decernoit la mort à celuy qui auroit desrobé vne pomme, aussi bien que pour auoir tué son pere: il dist, qu'il eust fait la peine plus grāde, s'il y eust eu plus griesue peine que la mort. mais Lycurgue laissa à la discretion des magistrats l'arbitrage des peines, & des interets, craignant tomber en telles absurditez, en voulant restreindre la puissance des officiers: comme il se fait ordinairement es Repub. populaires, & quasi par toutes les cōstumes d'Italie. cōme l'ordonnance de ⁷ Venize, qui veut que celuy qui a frapé iusques à l'effusion de sang, payera xxv. liures: & s'il tue, il sera pendu. Or si l'ordonnāce auoit lieu par tout, cōbien il se trouueroit d'hōmes semblables à Neratius, qui dōneroient des soufflets, & des coups de baston à tel prix. l'Empereur Adrian iugea bien plus sagement, quād il ordōna, que celuy qui a voulu tuer, & n'a pas tué, merite la mort: & celuy qui a tué sans y penser, doit estre ⁸ absouls. car il faut poiser les mesfaits selon la volōté, & non pas selon ⁹ l'euuenement: iāçoit que l'effort est ¹ moins puni que l'effect, & la persuation d'une meschanceté moins que la force. & en celles ² Theologiens, & ³ canonistes s'accordent avec les Iuriscōsultes. combien qu'à la verité celuy qui a persuadé, a plus offensé enuers Dieu: parce qu'il a laissé vne viue ⁴ impressiō de sa meschāceté grauee au cœur d'autrui: & celuy qui a forcé la femme pudique, a laissé son esprit pur, & net de toute souilleure. mais les hōmes ne punissent, que ce qu'ils touchēt au doigt. En quoy s'abusoit Thomas le More, Chancelier d'Angleterre, qui egaloit l'effort à l'effect, & la volonté à l'exploit d'icelle. Or quād la volōté est iointe à l'effect, il ne faut pas auoir egard à la iustice arithmetique, comme l'ordonnance de Milan, qui condamne à mort le larron, qui a desrobé la valeur de demy escu, & au dessus hors les villes: & au desloubz de demy escu, laisse la peine à la discretiō des Iuges. & neātmoins en ce Royaume, celuy est puni capitalement cōme voleur, qui en chemin a desrobé autrui, soit qu'il eust argent sus luy, ou non. & de fait, i'en ay veu pendre vn, qui n'auoit trouué que dixhuit deniers en la bourse de celuy qu'il voloit. la mesme absurdité se voit presque en toutes les ordonnances d'Italie: comme celle de ⁵ Venize, touchant les larcins, qui veut qu'ō creue vn œil à celuy q̄ a desrobé au dessus de cinq liures iusques à x. & de dix iusques à xx. qu'on luy creue vn œil, & qu'on luy coupe la main: & depuis xx. iusques à xxx. qu'ō luy creue les deux yeux: & de xxx. iusques à x L. qu'il perde les yeux & la main, & au dessus de xxx. il y va de la vie. chose fort inique: car celuy qui n'a pris que cinquāte escus, ayāt le moyē d'en prédre mil, sera puni de mort: & celuy qui a coupé la bourse, n'ayant rien trouué dedans, est absouls. l'ordonnance de Parme ⁶ est presque semblable. Mais c'est chose estrange d'establir peines si griesues

7. aux statuts de Venize.

8. l. i. §. dinus. ad l. cornel. de sicar. exodi xx i.

9. l. & generaliter §. i. de calumn. l. si amicis de adulr.

1. l. i. fine de extra. ore. crim. l. si quis aliquid. §. i. de pœnis. l. si fugitiuus. de seruis fugir. C. dd in l. i. §. hec autem quod quisque iuris. l. aut facta. §. euenrus. de pœnis. not. in l. & si seuerior. C. ex quibus causis infamia.

2. Thomas in prima secundæ. q. 73. Anton. Flor. in pri. parre summe tit. 9. cap. i. §. i.

3. glo in ca. qui viderit. 32. q. 5. Bald. in l. datæ. col. 12. qui accusare. C.

4. l. vt autem. de ferno corrupto. Platonius grauius peccat. qui persuader.

5. chap. de promiss. malef. in statut. Venet. & Alexand. consil. 5. lib. i nu. 12.

6. Alexand. consil. 110. lib 4.

ues pour les simples larcins, & de taxer par amēdes le sang, & la vie d'autrui, comme i'en ay coté quelques vnes cy dessus. car on voit euidement, que la peine de mort est trop cruelle pour vanger vn larcin, & ne fust pas pour le refraindre: & la difference de celuy qui tue, & qui desrobe est pareille: en quoy faisant, il y a plus de seureté à faire vn meurtre, & plus d'esperance de le celer. & s'en trouue encore de plus estranges es pays de Pologne, Suede, Dannemarch, & Moschouie: mesmement l'ordonnance de ⁷ Cazimir, le grand Roy de Pologne, veut que le noble. qui a tué vn autre homme noble, soit quite, en payāt xxx. escus, & s'il l'a rédu perclus d'un bras ou d'une iambe xv. escus. si c'est vn roturier, qui ayt tué vn gentilhomme, l'amende est double. & s'il tue vn roturier, l'amende n'est que de dix escus, sans aucune punition corporelle: qui fut cause d'une infinité de meurtres de guet à pend: car l'ordonnance n'estoit faite, que pour ceux là. depuis la peine fut ⁸ doublee par Sigismond I. & ordonné, que le meurtrier tiendrait prison vn an, & six semaines. mais le comble du mal fut, qu'on apposa prescription de trois ans au meurtre quel qu'il fust: & que le seigneur ne pourroit estre appellé ny ciuilemēt, ny criminellement pour auoir tué son suget censier. Pour vn edit quasi semblable, qui se fist à Milā, lors que les Torsans tenoient la seigneurie: par lequel il fut dit, qu'on seroit quite pour le meurtre d'un roturier en payant certaine amende: le menu peuple se mutina, & puis ayant chassé la noblesse, s'empara de la seigneurie, & l'auteur de la loy Napus Torsan mourut en prison, mǎgé de poux: pour auoir ainsi mesprisé la loy de Dieu, qui ⁹ defend auoir pitié du meurtrier, & veut, qu'on l'arrache de son autel sacré, pour le mettre à mort: laissant au surplus à la discretion des Magistrats la qualité de mort, selon la grauité du meurtre commis: affin que l'équalité du supplice capital, commun à tous meurtriers, par proportion arithmetique, soit moderé par proportion geometrique, ayant egard aux circonstances infinies du lieu, du temps, des personnes. car on sçait assez, que le meurtrier de guet à ¹⁰ pend, doit estre puni plus griefuement, que celuy qui tue en cholere, & celuy qui tue de nuit, que celuy qui tue le iour: & l'empoisonneur, plus que cestuy-cy: & le voleur plus que les ¹¹ autres: & en lieu sacré, plus qu'en lieu prophane: & deuant son Prince, plus qu'en autre lieu, (qui est le seul cas irremissible par les ordonnances de Poulongne) & celuy qui tue le Magistrat exerçant son office, plus que s'il estoit particulier: & le parricide, plus que le Magistrat: & celuy qui a tué le Prince, plus que tous. qui sont les cas, où il est besoin diuersifier le supplice capital. autant dirōs nous des personnes, qui sont en la garde, & protection d'autrui, ou desquels il seroit impossible se garder: comme le pupil au tuteur, la femme au mari, le malade au medecin, & les hostes entr'eux, où la foy, & loyauté est beaucoup plus requise: en tels cas les meurtriers sont punis plus griefuement. comme en cas pareil les briseurs de murailles, ou qui eschalent la nuit, meritent

7. l'an 1368. aux ordon. de Pologne.

8. l'an 1496.

9. Deutero. 2.

9. l. is qui cum telo ad l. cornel. de sicar.

1. l. capitalium §. famofos, de pœnis

2. l. ult. de effract.
3. Sigismōdi liberi
histor. Moscho.

4. §. ex maleficiis.
institut. de actio.
5. Thom. 22. q. 66.
artic. 3.
6. can. nemo 32. q.
4. & 50. distinc. 11.
& in cap. ex tenore
de temp. ordin. &
in cap. 1. de voto.
lib. 6.

7. τὸ ἀντιπεπον-
θός. id est talio.
8. Deuterono. 19.
lib. 20.
9. ad Theodectē.
lib. 1. & 5. ethic. ad
Nicomach.

Loy de pareille.

plus ² grande punition, qu'ils attentoient en plein iour. C'est pour-
quoy en Tartarie, & en Moscouie, le moindre larcin est puni de ³ mort,
parce qu'il y a peu de villes, & de maisons, pour garder son bien : & aux
Indes Occidentales, au parauant la venuë des Espagnols, le larron estoit
empalé tout vif, pour quelque larcin que ce fust. car leurs iardins, & ter-
res, ne sont bornees que d'un filet, & tiennent pour grand crime de pas-
ser outre, & encore plus grande de rompre le filet, & en secret plus qu'en
veuë d'un chacun : combien qu'en autres crimes les forfaits commis en
public sont punis plus ⁴ griefuement, qu'en secret, pour le mauuais exē-
ple, & scandale : & en cela s'accordent les ⁵ Theologiens, & Canonistes,
⁶ avec les Iurifconsultes. Toutes ces circonstances, & un million d'autres
semblables, ne se peuuent tailler à vne forme, suiuant l'equalité inegale
de la iustice arithmetique : & ne peuuent aussi estre comprises en loix, &
articles, comme il est requis en la iustice geometrique : Et qui laisse tout
à la discretion des Magistrats sans aucune loy. Et toutefois ceste cy est
moins inique, que celle là, qui ne baille rien aux Iuges, que la cognois-
sance du fait, & des balotes, comme à Venize, ou des febues, comme en
Athenes, ou des tablettes diuersifiées de couleurs, & de lettres absolu-
toires, ou condemnatoires. car tel estoit condamné, qui meritoit beau-
coup moins, que la peine de la loy esgale à tous, & l'autre absous, qui
meritoit dix fois plus. & quelquefois plusieurs crimes grands, moyens,
& petits sont passez sous vne mesme loy : comme on peut voir aux sept
articles de la septaine en la loy Salique, où les voleurs, empoisonneurs, a-
dulteres, incendiaires, & qui ont tué, ou vendu un Franque, ou deterré
un mort, sont condamnés à deux cent sols d'amende : qui est vne loy di-
rectement contraire à la iustice, que tous les anciens ont cherchée, c'est
à sçauoir, que la peine fust egale au peché : & qu'ils ont signifié, quand ils
disoient, qu'il faut rendre la ⁷ pareille : escripte en la loy de ⁸ Dieu, portée
par les loix de Solon, transcritte aux loix des douze tables, loüée par les
Pythagoriens, & pratiquée par les Tarentins, Tuscan, & Locriens, que
⁹ Fauorin, ⁹ Aristote, & plusieurs autres ont blasmeé sans propos, prenās
trop crument ces mots, Dent pour dent, main pour main, œil pour œil.
car on sçait bien, que celui, qui a aueuglé le borgne, ne peut souffrir la
pareille, si on ne luy oste qu'un œil : il faut donc l'aueugler aussi, c'est à
dire, luy rendre la pareille : ce qui ne se peut faire, qu'en luy ostāt les deux
yeux : comme il fut ordonné par le peuple de Locres, à la requeste d'un
borgne, que son ennemy menaçoit de luy creuer son œil, à peine d'en
perdre un autre. c'estoit donc rendre la pareille d'aueugler celui, qui a-
uoit fait un aueugle. car rendre la pareille, n'est autre chose, que punir
griefuement les grandes meschancetez, les mediocres mediocrement,
les moindres legerement : ce qu'ils ont signifié, quand ils ont dit, Main
pour main, dent pour dent : comme de fait, les Hebreux l'ont ainsi en-
tendu, escript, & pratiqué, comme on peut voir en leurs pādectes sous
le

le tiltre des peines. Et par ainsi Aristote, ayant blasmé la loy de la pareille, est luy mesmes tombé en l'erreur, qu'il vouloit euit: car il dit, qu'il ne faut pas auoir egard, si celuy, qui a fraudé son compagnon, est bon, ou meschant: & si celuy, qui a commis vn adultere, est bon ou mauuais, ains il faut, que la iustice, qu'il appelle commutatieue, & qui amende les fautes reduisant les choses inegales à l'equalité, se traite par proportion arithmetique. Mais comment seroit la forme egale à tous pieds, s'ils ne sont tous de mesme grosseur, grandeur, ou largeur. les creanciers, egaux en debtes inegales, procedent par deconfiture sus le debteur, qui n'a pas assez de quoy payer, & n'ont rien, qu'au sol la liure, qui est du tout contraire à la iustice commutatieue, & proportion arithmetique. & neantmoins il n'est question, que d'un fait pur ciuil, & particulier. & s'il y a de quoy payer, chacun reçoit sa debte par proportion arithmetique, & sans auoir egard au riche, ou au pauvre: mais l'interest, & vsure se paye par proportion geometrique, ayant egard, si le creancier est noble ou marchand, comme nous dirons tantost. de sorte que des deux proportions concurrentes se forme la iustice harmonique. Encores est plus estrange, ce qu'Aristote dit, qu'il ne faut pas auoir egard en punissant les fautes, si l'accusé est bon ou meschant: veu que c'est le premier point, auquel tous Iuges doiuent prendre garde. Et de fait, Xenophon escript, que les Iuges de Perse, deuant qu'alloir iugement sus l'accusation proposee, faisoient information de toute la vie de l'accusé: & si les merites estoient plus grâds que ses fautes, ils l'enuoyoiēt absous à pur, & à plein. Et pour mesme cause, le larron surpris au troisieme larcin, est condamné à mort ordinairement, iacoit que le troisieme larcin soit beaucoup moindre, que le premier. Aussi peu d'apparéece y a en ce qu'il dit, que l'interest du particulier doit estre egal à ce, qu'on luy a desrobé: & pour le monstrier il fait trois quantitez 2. 4. 6. qu'il suppose auoir esté egales en ceste sorte 4. 4. 4. & d'autant que celuy qui a six, en a desrobé deux au premier, il a fait l'inegalité, que le Iuge (qui est au milieu) reduist à l'equalité.

Or est-il que les loix de Solon, les douze tables, les Empereurs condamnent celuy qui a mal pris quelque chose, rendre¹ le double, ou le triple, & quelquefois le quadruple: & la loy de Dieu veut, que pour le beuf desrobé, on en rende cinq à celuy, auquel on l'a desrobé. Et mesmes où il n'y a que l'interest pur ciuil, pour vn mesme fait, l'un gaignera sa cause, l'autre la perdra, l'un aura interest de sa debte, l'autre n'aura rien: & entre ceux, qui aurōt interest pour mesme cas, l'un en payera dix fois plus que l'autre. & par ce que cecy est assez notoire, ie ne mettray qu'un exemple de l'artisan, qui a gasté l'estofe, ou du lapidaire, qui a rompu le diamant, qu'on luy auoit baillé pour enchasser, il payera la valeur entiere de la² pierre, ores qu'il n'ayt rien fait par dol, ny par fraude: & neantmoins s'il n'estoit lapidaire, il n'y est pas tenu, s'il n'a pris le³ peril sur soy, ou que par dol⁴ il l'ayt rompuë. Tout le droit ancien, & nouueau, & l'experience

1. §. ex maleficus. §. quadrupli. de action. l. si pro fure §. 1. de condit. furt. l. si pignore. eod. l. ult. de noxal C.

2. l. sed addes §. si gemma l. si merces §. ult. loca. l. illicitas §. penult. de offi. presid.

3. l. 1. de pignorat.

C. l. 1. cōmod. C. 4. l. Iulianus. §. 1. de actio. empti.

5. l. eos de vsuris.
C. cum authen. ad
hæc cod. & authen.
rem duram.

des iugemens nous apprend, que la iustice harmonique doit aussi bien auoir lieu, quād il n'est question, que de l'interest pur ciuil, que s'il estoit question des peines. C'est pourquoy Iustinian, publiant la loy des vsures, ordonne que les personnes illustres, ne prendront que cinq pour cent, les marchans huit pour cent, les corps & colleges dix pour cent, & le surplus six pour cent: & particulièrement, qu'on ne pourra receuoir des païsans plus de cinq pour cent. On voit assez, que ceste loy a la proportion harmonique: car l'equalité arithmetique est entre les hommes nobles, qui sont tous en vn article, grands, moyens, & petits: & tous les marchās en vn autre, riches, & pauures: & les rustiques en vn article, ores qu'ils soient bien differends les vns des autres: & le surplus, des autres fugets en vn article aussi, qui sont de plusieurs qualitez, & conditions. & la proportion geometrique est entre les nobles, marchans, païsans, colleges, & autres. ceste proportion de iustice harmonique est aucunemēt gardee, & toutefois tranchee plus court par les ordonnances d'Orleans, article soixantiesme, où il est dit, que les condamnez payeront les interests des sommes deües au denier douze pour le regard des marchās, & au denier xv. à toutes autres personnes, hormis aux laboureurs, vignerons, & mercenaires, ausquels les condamnez payeront le double de la somme, en laquelle ils se trouueront condamnez: qui n'est point pratiquee pour le dernier chef, parce qu'il n'y a point distinction, si le condamné est noble, marchand, prestre, ou artisan: encore que l'ordonnance ne se peut estendre aux laboureurs, & mercenaires condamnez. Mais il y a bien plus grande inequalité en l'ordonnance de Venize, qui defend de prendre interest, ny en fruits, ny en argent, plus haut que six pour cent: aussi n'est elle pas gardee ny en public, ny en particulier.

6. de l'an 1551. le 12
Iuin.

Proportiō har-
monique aux
loyers des arti-
sans.

Et quant aux conuentions particulieres, iacoit que la proportion d'equalité y soit plus grāde si n'est elle pas tousiours gardee: car mesmes les artisans, par vne raison naturelle, iugent bien, qu'il faut prēdre moins du pauvre, que du riche pour leur salaire: iacoit qu'ils ayent autant de peine pour l'un que pour l'autre. le chirurgien, qui prendra cinq cens escus d'un homme riche pour le tailler, n'en prendra du faquin pas plus de cinq: & neantmoins il prend en effect dix fois plus du pauvre, que du riche. car cestui-cy qui a cinquante mil escus en bien, n'en paye que la cētiesme partie: & le pauvre, qui n'a que cinquāte escus valāt, en paye cinq, qui est la dixiesme. & si on vouloit exactement garder la proportiō geometrique, ou arithmetique, le patient mourroit de la pierre, & le chirurgien de faim: & en tenant la mediocrité harmonique, l'un & l'autre s'en trouue bien, & les pauures s'entretiennent avec les riches. Et mesmes les Iuges sont contrains pour leur salaire, en vsfer ainsi: & le peuuent faire, pourueu qu'ils n'excedent la mediocrité harmonieuse: comme fist vn certain lieutenant ciuil, qui taxa xxx. escus d'espices pour auoir adiugé la maintenüe d'un benefice litigieux, où il n'y auoit que trois pieces à voir:

on

on s'en porta pour appellât: & sus la decision de l'appel, le Iuge fut mādé, qui dist, que le benefice estoit de grande valeur. Ranconet, president de la chambre, dist alors, que son cousturier en vsoit ainsi, luy faisant payer dauantage pour la façon d'un saye de velours, que de sarge. mais le Iuge fist responce, qu'il estoit contraint faire plusieurs coruees pour les pauvres sans aucun salaire. Car l'ordonnance de Milan, qui veut que les Iuges puissent prendre pour leur salaire vn pour cent de chacune partie, & n'exceder iamais deux cens escus, les escriptures comprises, n'eust pas contenté Ranconet, parce qu'il y a tel procès de dix escus, où il y a souuent plus de peine, qu'en celuy, où il est question de dix mil escus. ainsi le marchāt gaigne sur le riche, ce qu'il perd sus le pauvre. Il faut donc, s'il est possible, que les loix soient telles, qu'on y puisse remarquer la proportion harmonique, soit pour les peines & loyers, soit pour l'interest particulier, soit pour le droit des succeſſions: autrement, il sera bien difficile, qu'on ne face beaucoup d'iniustice. Comme la loy des succeſſions, qui adiuge tout à l'aisné soit noble, où roturier, ainsi qu'il se fait au pays de Caux, & se faisoit par la loy de Lyncurgue, touchant les sept mil portions d'heritages, affectees aux naturels Spartiates, est iniuste. aussi est la loy inique, qui adiuge tout à l'aisné noble, & le tiers, ou le quint à viage aux puisnez masses, & en propriété aux filles. & n'est pas gueres moins inique la coustume d'Almagne, & d'Italie, qui suit toutesfois le droit commun, faisant aisnez & puisnez egaux en succeſſion, selon la proportion Arithmetique, sans aucune distinction des personnes. mais la loy de Dieu a retenu l'un & l'autre, dōnant aux masses la succeſſion des immeubles, & aux filles quelques meubles pour les marier: affin que les maisons ne fussent demembrees par elles: & entre les masses a donné deux portions à l'aisné. en quoy on peut voir la proportion Geometrique entre les puisnez, & l'aisné, & entre les filles, & les puisnez. & l'equalité entre tous les puisnez, & la mesme equalité entre les filles. Qui nous est vn tres certain argument, que la vraye iustice, & le gouuernement le plus beau, est celuy qui s'entretient par proportion Harmonique. Et combien que l'estat populaire embrasse plus les loix egales, & la iustice Arithmetique: & au contraire, l'estat Aristocratique retient plus la proportion Geometrique: si est-ce que l'un, & l'autre est contraint d'entremesler la proportion Harmonique, pour sa conseruation. autrement si la seigneurie Aristocratique regette le menu peuple loing de tous estats, offices, & dignitez, ne luy faisant aucune part de la depouille des ennemis, ny des pays conquestez sur eux, il ne se peut faire, que le menu peuple, pour peu qu'il soit aguerri, ou que l'occasion se presente, qu'il ne se reuolte, & change l'estat, comme i'ay monstré cy deuant, par plusieurs exemples. C'est pourquoy la seigneurie de Venise qui est vne vraye Aristocratie s'il en fut onques, se gouuerne Aristocratiquement, distribuant les grands honneurs, dignitez, benefices, & ma-

La loy de Dieu
tient la propor-
tion Harmoni-
que.

L'Estat de Venise est Aristocratique, & le gouvernement Harmonique.

gistrats aux gentils-hommes Venitiens: & les menus offices, où il n'y a point de puissance au menu peuple, suivant la proportion Geometrique, des grands aux grands, & des petits aux petits: Et neantmoins pour contenter le menu peuple, la seigneurie luy a laissé l'estat de Chancelier, qui est des plus dignes, & des plus honorables, ioint aussi qu'il est perpetuel: & en outre les offices des secretaires d'estat, qui sont bien fort honorables. & au surplus l'iniure faite au moindre habitant par les gentils-hommes Venitiens est puni, & châtié: & vne grande douceur, & liberté de vie donnée à tous, qui ressent plus la liberté populaire, que le gouvernement Aristocratique. & qui plus est la creation des magistrats, se fait par choix, & par sort, l'un propre au gouvernement Aristocratique, l'autre à l'estat populaire: si bien qu'on peut dire, que l'estat est Aristocratique, & conduit par proportion Harmonique: qui a rendu ceste Republique là fort belle, & florissante. Nous auons montré cy deuant quel estat d'une Republique, & le gouvernement d'icelle, sont differens: car l'estat peut estre populaire, & le gouvernement Aristocratique, comme il estoit en Rome apres que les Roys furent chassés, le peuple auoit bien la puissance souveraine: mais tous les magistrats, dignitez, benefices, & commissions honorables n'estoient donnez, sinon à la noblesse, & les nobles n'estoient mariez, sinon aux nobles, les roturiers à leurs semblables: & les voix plus dignes, & plus efficaces estoient des grands seigneurs, & des riches. mais d'autant que le gouvernement estoit purement Aristocratique, le peuple (qui estoit souverain) en fut bien tost las, & ne cessa iusques à ce que petit à petit le menu peuple n'eust part aux plus grands honneurs, & benefices, & qu'il ne fust permis aux nobles, & roturiers de s'allier ensemble par mariages. & tandis que ce gouvernement Harmonique, c'est à dire, entremeslé de l'estat Aristocratique, & Populaire dura, la Republique fleurissoit en armes, & en loix: depuis que le gouvernement du tout populaire le gagna, par l'ambition des Tribuns, cōme le contrepoix d'une balance, trop forte d'un costé donna contre terre, ou comme l'harmonie melodieuse estant dissoluë, & les nombres Harmoniques alterez en nombres de proportion egale en tout, & par tout, il s'en ensuiuit vn discord bien fort grand entre les citoyens, qui continua iusques à ce, que l'estat fut changé. Ainsi pouons nous iuger de toutes Republiques: & n'auons point de meilleur exemple, que des estats populaires des seigneurs des ligues: car plus ils sont gouvernez populairement, & plus ils sont difficiles à entretenir: comme les cantons de la montagne, & des Grisons: mais les cantons de Berne, Balle, Surich, qui sont gouvernez plus seigneurialement, & qui retiennent ce moyen Harmonique entre le gouvernement Aristocratique, & Populaire, sont beaucoup plus doux, plus traitables, & plus assurez en grandeur, puissance, armes, & loix.

L'Estat Royal gouverné Harmoniquement, est le plus seur & le plus beau.

Or tout ainsi que l'estat Aristocratique est fondé en proportion Geometrique,

metrique, estant gouverné Aristocratiquement, c'est à sçavoir, qui dōne aux nobles, & aux riches les estats, & hōneurs, ne laissant riē aux pauvres, que la sugetiō, & obeissance: & au cōtraire, l'estat populaire gouverné populairement, depart les deniers, les depouilles, les cōquestes, les offices, hōneurs, & benefices egaleement, sans discretiō du grād au petit, du noble au roturier: aussi l'estat Royal est par cōsequence necessaire proportionné aux raisons Harmoniques: & s'il est gouverné, & conduit Royalemēt, c'est à dire, Harmoniquement, on peut asseurer que c'est le pl⁹ beau, le plus heureux, & le plus parfait de tous. Je ne parle point de la monarchie seigneuriale, quād le monarque tient, cōme seigneur naturel, tous les sugets cōme esclaves, & dispose de leurs biens comme à luy appartenans, & moins encore de la monarchie tyrannique, quand le monarque n'estant point seigneur naturel, abuse neantmoins des sugets, & de leurs biens à son plaisir, comme s'ils estoient esclaves, & pis encore, quand il les fait servir à ses cruautez. mais ie parle du Roy legitime, soit qu'il vienne par election, sort, ou succession, ou que de seigneur, & conquerant, il se face Roy volontaire, traitant ses sugets, & leur distribuant iustice, comme le pere fait à ses enfans. Et neantmoins il peut gouverner son Royaume populairement, & par proportion egale, appellant tous ses sugets, sans discretion des personnes, à tous honneurs quels qu'ils soient, sans faire chois de leurs merites, ou suffisance, soit par sort, soit par ordre des vns apres les autres. mais il y a peu, ou point de telles monarchies. Aussi le Roy peut gouverner son estat Aristocratiquement, donnant les estats, & charges honorables, & la distribution des peines, & loyers par proportion Geometrique, faisant chois de la noblesse des vns, & de la richesse des autres: & rebutant les pauvres roturiers, sans avoir egard ny aux merites, ny aux vertus d'iceux: mais seulement à celui qui plus a d'argent, ou plus de noblesse. Et combien que l'un & l'autre gouvernement soit vicieux, si est-ce que celui qui est proportionné Geometriquement, est beaucoup plus tolerable, comme approchant beaucoup plus de la douceur harmonique. Car il se peut faire, que le Roy, pour asseurer son estat contre l'inuasion du peuple roturier, se fortifiera de la noblesse, à laquelle il approche plus de qualité, & condition, que non pas aux roturiers, avec lesquels il n'est pas si sociable, & sa maiesté ne se peut pas bonnement abaisser iusques à là, pour se familiariser avec eux, comme il semble estre necessaire, s'il veut leur faire part des estats, & charges honorables. Mais tel gouvernement est aussi vicieux, & pernicieux, non seulement au menu peuple, ains aussi à la noblesse, & au Prince. Car il faut qu'il soit en crainte du menu peuple mal content, qui est tousiours en plus grand nombre, que la noblesse, & que les riches: & s'il prend les armes, il devient le plus fort, & quelquefois se reuolte contre le Prince, chasse la noblesse, & se fortifie contre sa puissance, comme il aduint en Suisse, & autres anciennes Republiques, que i'ay

Estat Royal
gouverné po-
pulairement, &
par proportion
Arithmetique.

Estat Royal
gouverné Ari-
stocratiquement
par proportion
Geometrique.

remarquées cy dessus. & la raison est euidente, d'autât que le menu peuple, n'est lié par aucun accord ny avec le Prince, ny avec la noblesse: non plus que ces trois nombres 4. 6. 7. le premier fait vn bon accord avec le second, c'est à sçauoir, la quinte: mais le dernier vient à causer vn discord le plus fascheux, qu'il est possible, & gaste entierement la douceur du premier accord, par ce qu'il n'a proportion aucune Harmonique, ny au premier, ny au second, ny aux deux ensemble. Mais il se peut faire, que le Prince donnera toutes les charges honorables, les grands benefices, & dignitez, aux nobles, & grands seigneurs: & aux roturiers & menu peuple, les menus offices seulement: comme les greffes, sergēteries, notariats, receptes particulieres, & autres menus offices des villes, ou quelques iudicatures: en quoy il gardera la proportion Geometrique, & gouuernement Aristocratique: ie di neantmoins que ce gouuernemēt est vicieux, ores qu'il soit plus supportable que le premier, par ce qu'il y a proportion semblable: car comme l'office du Conestable est propre à vn grand seigneur: aussi est l'office de sergēt à vn pauvre roturier: mais d'autant qu'il n'y a point de liaison sociable entre le Prince, & le faquin: aussi il n'y a point de similitude de l'office de Conestable à vne sergenterie, non plus qu'en ces quatre nombres disposez par proportion Geometrique deiointe 3. 6. 5. 10. les deux premiers ont mesme raison, que les deux derniers: & la raison du premier au troisieme, est semblable à celle du second au quatrieme: mais la raison du trois au quatrieme demeure differente des autres, & deioint les extremittez. Ce qui peut auenir encores que les offices des roturiers fussent honnestes, & avec dignité, si la noblesse n'y a part: comme il se fist en Rome apres que le menu peuple eut obtenu, qu'il pourroit faire des Tribuns de son corps, & qui seroient seulement roturiers, sans toutefois que les nobles y fussent receus, sinon en renonçant à leur noblesse: alors le Consulat n'estoit donné qu'aux gentilshommes, & le tribunat aux roturiers: en quoy la proportion Geometrique estoit bien gardee: car telle raison, qu'il y auoit du Consulat au Tribunat, semblable se trouuoit, du noble au roturier: & la mesme raison, qui estoit du Tribunat au roturier, semblable se trouuoit du Consulat au noble. mais tout ainsi que le noble ne pouuoit estre Tribun, ny le roturier Consul, la proportion des hommes, & des hōneurs disposee Geometriquement, demeueroit deiointe & desliee: comme en ces nombres 2. 4. 9. 18. il se trouue deux octaues, par proportion Geometrique deiointe: & lesquelles meslees ensemble fōt vn discord le plus dur qu'il est possible pour la disproportion d'entre 4. & 9. qui est intolérable, & qui corrompt tout l'harmonie. aussi tousiours les Tribuns s'attachoient aux Consuls, & les Consuls aux Tribuns, & souuent à belles iniures, & à force ouuerte, où il se commettoit plusieurs meurtres. aussi les Tribuns ne cesserent iamais, que la porte des grands honneurs, & cōsulats, ne fust ouuerte aux roturiers: & s'ils eussent aussi bien fait part à la noblesse

Proportiō Geometrique en la distributiō des offices.

La raison pour quoy les Consuls & les Tribuns estoient tousiours en querelle.

noblesse du Tribunat, y mettant plus de roturiers que de nobles, sans renoncer à la qualité de noblesse, il n'y a doubte que l'estat ainsi gouverné Harmoniquement, n'eust esté beaucoup plus assuré, mieux gouverné, & plus durable qu'il ne fut. car la liaiso Harmonique des quatre eust empesché les seditions & guerres ciuiles, comme on peut voir de ces quatre nombres 4.6.8.12. où les deux quintes sont aux raisons des extremitéz: les octaues du premier au tiers, & du second au quart: & la raison du second au troisieme est vne quarte, qui accorde le tout ensemble avec vne harmonie fort douce & plaisante. Mais tant s'en falloit, que les gentilshommes d'ancienne maison fussent receus au Tribunat, que mesmes les roturiers ne paruenoient quasi iamais au Consulat: si ce n'estoit pour auoir atteint le plus haut point d'honneur au fait de la guerre, comme vn Marius: ou d'eloquence, comme Ciceron: ou de tous ensemble, comme Caton le Censeur: encores estoit-ce avec telle difficulté, que Ciceron⁷ disoit, qu'il auoit le premier rompu la closture, que la noblesse auoit faite pour empeschier les roturiers de passer au Consulat: d'autant qu'il n'y auoit que les Patriciens, ou les nobles, qui iouissoient ordinairement de ces honneurs là. mais le sage Roy doit gouverner son Royaume Harmoniquement, entremeslant doucement les nobles & roturiers, les riches & les pauvres, avec telle discretion toutesfois, que les nobles ayent quelque aduantage sus les roturiers: car c'est bien la raison, que le gentilhomme aussi excellent en armes, ou en loix, comme le roturier, soit preferé aux estats de iudicature, ou de la guerre: & que le riche egal en autre chose au pauvre, soit aussi preferé aux estats, qui ont plus d'honneur que de profit: & que le pauvre emporte les offices, qui ont plus de profit que d'honneur: & tous deux seront contents. Aussi faut-il, que les riches, qui portent les charges publiques ayent quelque aduantage sus les pauvres: c'est pourquoy ce sage Consul Romain laissa le gouvernement, & souueraineté des villes par luy conquestees, aux plus riches, iugeant⁸ qu'ils seroient plus soigneux de la conseruation d'icelles, que les pauvres, qui n'y auoient pas si grand interest. Et si les estats sont associez, & doubles, il vaudra mieux coupler le noble, & le roturier: le riche, & le pauvre: le ieune, & le vieux: que deux nobles, ou deux riches, ou deux pauvres, ou deux ieunes ensemble, qui sont le plus souuent en querelles, & s'empeschent l'un l'autre en leur charge: comme il aduient naturellement, qu'il n'y a ialousie, sinon entre egaux. Mais encores il en reuient vn bien grand fruit de la conionction que i'ay dit: car en ce faisant, chacun garde la prerogatiue, & le droit à l'estat, duquel il tient: comme il se voit es cours souueraines, corps & colleges, composez de toutes sortes de gens, la Iustice est beaucoup mieux ordonnee, que s'ils estoient d'un estat seulement. Or il n'y a moyen de lier les petits avec les grands, les roturiers avec les nobles, les pauvres avec les riches, sinon en communiquant les offices, estats, dignitez, & benefices

7. in Agraria.

L'estat Royal,
gouverné Har-
moniquement,
est le plus beau
& le plus par-
fait.

8. Liuius lib. 34.

aux hommes, qui le meritent, comme nous auons monstré cy deuant. mais les merites sont diuers : car qui ne voudroit ottroyer les estats, & charges honorables, sinon aux gens vertueux, la Republique seroit tousiours en combustion, d'autant que les hommes de vertu, sont tousiours en fort petit nombre, & seroient aisément chassez, & deboutez du surplus: mais en couplant les hommes de vertu comme i'ay dit, tantost aux nobles, tantost aux riches, ores qu'ils soient destituez de vertu, neantmoins ils se sentiront honnorez d'estre cōioints avec les gens vertueux, & ceux cy de monter aux lieux d'honneur: & en ce faisant, toute la noblesse d'un costé se reiouist de voir, que le seul point de noblesse est respecté en la destribution des loyers: & d'autre costé tous les roturiers sont ravis d'un plaisir incroyable, & se sentent tous honnorez, quand ils voyent le fils d'un pauvre medecin, Chancelier d'un grand Royaume: & un pauvre soldat estre en fin Connestable: comme il s'est veu en la personne de Bertrand du Gueschling, & de Michel de l'Hospital, & de beaucoup d'autres, qui pour leurs vertus illustres sont montez aux plus hauts degrez d'honneur. mais tous les estats portent impatiemment de voir les plus indignes aux plus hauts lieux: non pas qu'il ne soit necessaire de donner quelquefois aux incapables & indignes quelques offices, pourueu qu'ils soient en si petit nombre, que leur ignorance, ou mechanceté n'ayt pas grand effect en l'estat, où ils seront. Car il ne faut pas seulement bailler la bourse aux plus loyaux, les armes aux plus vaillans, la iustice aux plus droits, la censure aux plus entiers, le trauail aux plus forts, le gouiernail aux plus sages, la prelatiure aux plus deuots, cōme la iustice Geometrique veut: ains il faut aussi, pour faire vne harmonie des vns avec les autres, y entremesler ceux, qui ont de quoy supployer en vne sorte, ce qui leur defect en l'autre. autrement il n'y auroit non plus d'harmonie, que si on separoit les accords, qui sont bons en soy, mais ils ne feront point de consonance, s'ils ne sont liez ensemble: car le defect de l'un, est supployé par l'autre. En quoy faisant, le sage Prince accordera ses sugets les vns aux autres, & tous ensemble avec soy: tout ainsi, comme on peut voir és quatre premiers nombres, qu'il semble, que Dieu a disposez par proportion Harmonique: pour nous mōstrer, que l'estat Royal est Harmonique, & qu'il se doit gouverner Harmoniquement: car 2. à 3. fait la quinte, 3. à 4. la quarte, deux à quatre l'octaue: & de rechef, vn à deux fait l'octaue. 1. à 3. la douziemesme, tenāt la quinte, & l'octaue, & 1. à 4. la double octaue, qui contient l'entier systēme de tous les tons, & accords de musique: & qui vouldra passer à 5. il fera vn discord insupportable. autāt peut on dire du poinct, de la ligne, de la superficie, & du corps. donques on suppose, que le Prince esleué par dessus tous les sugets, la majesté, duquel ne souffre non plus diuision, que l'vnité, qui n'est point nombre, ny au rang des nombres, iacōit que tous les autres n'ont force, ny puissance, que de l'vnité: & les trois estats disposez
comme

·1·
2. 3. 4.
L'image du
Roy, & des
trois estats cō-
formes à la na-
ture.



L'image de l'a-
me semblable
au Royaume
bien ordonné.



comme ils font , & quasi tousiours ont esté en tous Royaumes , & Republiques bien ordōnees, c'est à sçauoir l'estat Ecclesiastique le premier pour la dignité qu'il soustient, & prerogatiue du miniftre enuers Dieu: qui est composé de nobles, & roturiers: puis l'estat militaire, qui est aussi composé des nobles , & roturiers. & le menu peuple de gens scholastiques, marchans , artisans , & laboureurs : & que chacun de ces trois estats ayt part aux offices , benefices , iudicatures , & charges honnora- bles, ayant esgard aux merites , & aux qualitez des personnes: il se formera vne plaifante harmonie de tous les sujets entre eux , & de tous ensemble avec le Prince souuerain. Ce que nous pouuons encores figurer en l'homme , qui est la vraye image de la Republique bien ordonnee: car l'intellect tient lieu d'vnité estant indiuisible , pur , & simple: puis l'ame raisonnable, que tous les anciens ont separé de puissance d'avec l'intellect: la troisieme est l'appetit de vindiète , qui gist au cueur : comme les gendarmes: la quatrieme est la cupidité bestiale, qui gist au foye , & autres intestins nourrissans tous le corps humain , cōme les laboureurs. Et combien que les hommes qui n'ont point d'intellect , ne laissent pas de viure sans voler plus haut à la contemplation des choses diuines , & intellectuelles: aussi la Republique Aristocratique , & populaire , qui n'ont point de Roy , s'entretiennent & gouuernent leur estat: neantmoins elles ne sont point vnies , ny lyees si bien , que s'il y auoit vn Prince, qui est comme l'intellect , qui vnist toutes les parties , & les accorde ensemble : quand l'ame raisonnable est guidee par prudence , l'appetit de vindiète par magnanimité: la cupidité bestiale par temperance , & l'intellect est esleué par contemplations diuines : alors il s'establist vne iustice tref-harmonieuse, qui red à chacune des parties de l'ame ce qu'il luy appartient: ainsi peut on dire des trois estats, guidez par prudence, par force , & temperance , & ses trois vertuz morales accordees ensemble , & avec leur Roy, c'est à dire à la vertu intellectuelle & diuine , il s'establist vne forme de Republique trefbelle, & harmonieuse. car tout ainsi que de l'vnité depend l'vniō de tous les nombres, & qui n'ont estre ny puissance que d'elle : aussi vn Prince souuerain est necessaire , de la puissance duquel dependent tous les autres. Et tout ainsi qu'il ne se peut faire si bonne musique, où il n'y ayt quelque discord, qu'il faut par necessité entremesler, pour dōner plus de grace aux bons accords: ce que fait le bon musicien pour rendre la consonance de la quarte, de la quinte, & de l'octaue, plus agreable , coulant au parauant quelque discord , qui rend la consonance que i'ay dit douce à merueilles. ce que font aussi les friāds cuisiniers , qui pour donner meilleur gouft aux bonnes viandes, entregettēt quelques plats de fausses aspres, & mal plaifantes. & le docte peintre pour rehausser sa peinture , & donner lustre au blanc , l'obscurcist à l'entour de noir & d'vmbrages. car la nature du plaisir est telle en toutes les choses de ce mōde , qu'il perd sa grace si on n'a goufté le desplai-

νοῦς
λόγος. θυμὸς.
ὀργή. ὀργή.
Intellectus. ratio.
ira. cupiditas.

sir: & le plaisir tousiours cōtinuant, deuient fade, pernicieux & mal plaisant. aussi est-il necessaire, qu'il y ayt quelques fols entre les sages: quelques hommes indignes de leur charge entre les hōmes experimentez: & quelques vicieux entre les bons, pour leur dōner lustre, & faire cognoistre au doigt, & à l'œil la difference du vice à la vertu, du sçauoir à l'ignorance. car quand les fols, les vicieux, les meschans sont mesprizez: alors les sages, les vertueux, les gens de bien, reçoient le vray loyer de leur vertu, qui est l'honneur. Et semble que les anciens Theologiēs nous auoient figuré ce que i'ay dit: donnant à Themis trois filles, à sçauoir *Εὐνομία*, *Ἐπιείκεια* *Εἰρήνη*, c'est à dire Loy droite, Equité, & Paix: qui se raportent aux

Les trois filles de Themis se raportent aux trois proportions.

Le monde est fait, & gouverné par proportion harmonique.



8. Ipsa demonstratio perspicua fit dato triangulo. 3. simile detur 2. per 18. sexti. triangulo vero 3. detur equale rectangulum parallelogramum 1. per 42. primi erit triangulum 3. æquale rectangulo. 1. & simile triangulo 2. Liaison harmonieuse du monde & de ses parties.

9. Genesis 2. cap.

trois formes de Iustice, Arithmetique, Geometrique, & Harmonique: & neantmoins la paix, qui figure l'harmonique, est le seul but, & comble de toutes les loix; & iugemens, & du vray gouvernement royal: comme la Iustice Harmonique, est le but du gouvernement Geometrique, & Arithmetique. Ce poinct là biē esclarci, reste à voir s'il est vray ce que disoit Platon, que Dieu gouverne ce monde par proportion Geometrique: parce qu'il a prins ce fondement, pour monstrier que la Republique bien ordonnee à l'image de ce monde, doit estre gouvernee par Iustice Geometrique. I'ay monstrier tout le contraire par la nature de l'vnité rapportee aux trois premiers nombres harmoniquement: & de l'intellect, aux trois parties de l'ame: & du poinct, à la ligne, à la superficie, & au corps. Mais il faut passer plus outre: car si Platon eust regardé de plus pres, il eust remarqué ce qu'il a oublié en son Timee, que ce grand Dieu de nature a composé harmoniquement le monde de la matiere, & de la forme: par equalité & similitude. & d'autāt que la matiere estoit inutile sans la forme: & la forme ne pouuoit subsister sans la matiere, ny en tout l'vniuers, ny en ses parties: il en composa le monde, qui est esgal à l'vne, & semblable à l'autre: il est esgal à la matiere, & semblable à la forme: comme la proportion Harmonique, est composée de la proportion Arithmetique, & Geometrique, esgale à l'vne, & semblable à l'autre. estant l'vne separee de l'autre imparfaite. Et comme les Pythagoriens sacrifient des hecatombes, non pas pour la soustendue de l'angle droit, qui peut les deux costez: mais pour auoir trouué en vne mesme figure l'equalité, & similitude de deux autres figures: estant la troisieme figure egale à la premiere, & semblable à la 2^e seconde: aussi Dieu a fait ce monde egal à la matiere, par ce qu'il comprend tout, & n'y a rien de vuide: & semblable à la forme, qu'il auoit figuree au parauant que faire le monde: comme nous lisons en la sainte^e escripture. Et quant au mouuement de ce monde, on voit que Dieu en a fait vn esgal, qui est le mouuement rauissant l'autre inegal, qui est le mouuement planetaire, & contraire au premier: le troisieme est le mouuement tremblant, qui embrasse & lye l'vn à l'autre. & si nous cherchons par le menu les autres creatures, nous trouuerons vne perpetuelle liaison harmoni-

que, qui accorde les extremittez par moyens indissolubles qui tiennent de l'un & de l'autre: comme on peut veoir entre la terre, & les pierres, l'argile: entre la terre & les metaux, les marcasites, calamites, & autres mineraux: entre les pierres, & les plantes, les especes de corail qui sont plantes lapifiees prenant vie, & croissance par les racines: entre les plantes, & animaux, les Zoophytes, ou plante bestes: qui ont sentiment, & mouvement, & tirent vie par les racines: entre les animaux terrestres, & aquatiques, les Amphibies, cōme bieurs, loutres, tortues, & autres semblables: entre les aquatiques, & volatiles, les poissons volans: & generalement entre les bestes, & l'homme, les synges, combien que Platon mettoit la femme: entre ceux cy & la nature Angelique, Dieu a posé l'homme, partie duquel est mortelle, & partie immortelle: lyant aussi le mode elementaire avec le monde celeste par la region Etheree. Et tout ainsi que le discord donne grace à l'harmonie: aussi Dieu a voulu que le mal fust entremeslé avec le bien, & les vertus posees au milieu des vices, afin qu'il en reüssist vn plus grand bien, & que la puissance de Dieu par ce moyen fust cognüe¹, qui autrement demouroit cachee, ou enseuelie. 1. Exod. cap. 9.

& tout ainsi que par voix, & sons contraires, il se compose vne douce, & naturelle harmonie: aussi des vices, & vertus, des qualitez, des elements, des mouuemens contraires, & des sympathies, & antipaties, liees par moyens inuiolables, se compose l'harmonie de ce monde, & de ses parties: comme aussi la Republique est composee de bons, & mauuais: de riches, & de pauvres: de sages, & de fols: de forts, & de foibles alliez par ceux, qui sont moyens entre les vns, & les autres: estant tousiours le bien plus puissant, que le mal: & les accords plus, que les discords. Et si on vient aux iugemens particuliers de Dieu, on trouuera, qu'il ne punit pas tous les forfaits, & ne les laisse pas tous impunis. on verra, qu'il fait de vn berger, d'un asnier, d'un potier vn Roy: & d'un Roy vn pædant quelquefois: & qui pourroit entrer aux plus secrets iugemens, on trouueroit, comme en toutes autres choses, la iustice harmonique. Et tout ainsi que l'vnité sus les trois premiers nombres, l'intellect sus les trois parties de l'ame: le poinct indiuisible, sus la ligne, superficie, & le corps: ainsi peut on dire, que ce grand Roy eternal, pur, simple, indiuisible, esleué par dessus le monde intelligible, celeste, & elementaire, vnist les trois ensemble, faisant reluire sa majesté par vne harmonie diuine, à l'exemple duquel le sage Roy doit former, & gouverner son Royaume.

F I N.

Xx iij



TABLE DES MATIERES, ET

CHOSSES NOTABLES, CONTENUES EN

CES SIX LIVRES DE LA REPUBLIQUE.

A



Interpretation de A.A.A.F.F. mis sur les monnoyes des Romains	178	A. C. N. L. cottes de tablettes iudiciaires	319.
l'Abbé peut estre appelé par ses religieux deuant le iuge ordinaire	354	320	
Abib deslors en auant appelé le premier, sçauoir le mois de Mars	399	Achab sauuant la vie à Benadab Roy de Surie, a esté reprins de Dieu, & luy en a coûté la vie	481
l'Abondance d'or & d'argent a fait encherir toutes choses dix fois plus qu'elles n'estoient il y a cét ans	674	des Acheans & de leur ligue	84
Abraham vescu 175. ans	414	Achæus est fait Roy d'Alie, qu'il enuahit sur Antioque	409
vn Abregé des affaires d'estat est necessaire à vn Prince	688	Acheans & Macedoniens contre les Aetoles & Spartiates	409
Abfalon vole le cuer des subiects, & chasse son pere du throsne royal	570	Acquisition de la souueraineté du royaume d'Arles	137
l'Absolution ostel l'infamie de droit, mais non pas l'ignominie	296	Acquisition de biés, meubles & immeubles, permis à l'estranger au royaume de France, deffendu en plusieurs autres contrees	69
Abuchemo lieutenant de Charles le 5. Empereur chasse Barberousse hors le royaume de Telefin	373	Actes de reputation passez sans manifestation des causes	18
Abuchemo se fait tributaire de l'empereur Charles le 5.	373	Acte cruel de Tryphon	624
Abuchemo Roy de Telefin fut chassé par le peuple, & Abyamen esleu Roy	373	Actes enormes d'un enfant enuers sa mere	22
Abuna Marc, Pontife d'Ethiopie, aagé de cét cinquante ans	499	Actes contraires au droit de bourgeoisie	67
apres la mort d'Abusahid Roy de Fez, le royaume fut huiét ans sans Roy	372	Acte du serment du Roy d'Arragon rendu au Pape	129
Abusahid Roy de Fez massacré avec six de ses enfans, par son secretaire, pour auoir abusé de sa femme	379	Actes de serment du Duc de Gueldres au Roy de France	128
il n'est licite au Prince d'Abuser des fruiets & reuenus du domaine	658	en tous Actes qui concernent en communauté, la plus forte partie l'emporte tousiours	355
Abus de ceux qui pensent que la recherche des astres diminue quelque chose de la grandeur & puissance de Dieu	39.78	les Actes vrais & legitimes ne reçoient point de condition	122
Abyamein Roy esleu de Telefin, est chassé subitement par Ariaden Barberousse	373	les Actes des cômmissaires peuuent auoir lieu nonobstant la reuocation iusques à ce qu'elle soit notoire	282
Academiques ont appelé Contemplation mort plaifante	6	il n'y a point d'Action de dol contre vn corps ou communauté, pourquoy	357
		Actions qu'ont les femmes contre leurs maris, en cas de mauuais traictement	18
		les Actions ordinaires delaissees pour lóg temps, le subiect ne peut consister	6
		Anciens ont descouuert des signes, & la triplicité conuenable aux regions	403
		Action des vertus morales louable	6
		erreur d'Aristote touchant l'Aristocratie, d'où venu	241

T A B L E

Accors diuers font l'harmonie	11	gea son bien avec tous	512
Accroissement de la puissance du Pape	140	si on doit Aguerrire le menu peuple en la Repu- blique aristocratique, ou les Seigneurs seule- ment	591
141		Aguerrir les subiects, & fortifier les places, sont deux contraires	579
Accroissement de Alabres venu par donner liber- té aux esclaves	41	Ægyptiëns ont tenu tousiours le mois de Septem- bre pour le premier de l'an	399
le troisieme moyen d'Accroistre les finances	663	Aisantes des Republiques	5
Adfatir, que c'est à dire	31	les Alabres se font maîtres de tout l'Orient par l'ayde des esclaves	42
Adherans, <i>Clientes</i> pourquoy ainsi appelez	74	Alaigresse des esclaves enuers leurs seigneurs Ef- paignols	47
Adoptions diuerses remarquables	31.32	Alaudium & laudinia, d'où sont tirez ces mots	118
l'Adoration qu'on faisoit au Roy de Perse, d'où elle venoit	200	Alemans se dedisent ordinairement sans deshon- neur	509
les Adoptez sont soubmis à la puissance paternel- le comme les legitimes	30	les anciens Alemans ne deliberoient des grandes affaires, sinon entre les gobelets	266
quelle maniere on deuroit observer aux Adoptiôs	32	toute l'Alemaigne en guerre sept ans durâs	406
Adrian Barberouffe corsaire, appellé au conseil de Sultan Soliman	2	ës Republiques des Suisses, l'Empire d'Alemai- gne, les estats sont mieux observez & reglez qu'en autre part de l'Europe	367
Adrian Empereur s'excusa doucement enuers vne vieille femme, luy disant qu'il n'auoit pour lors loisir	448	Alexandre le Grand & Alphonse Roys d'Arra- gon ont tous deux le col tors, & Hateurs les imitent	450
Adrian successeur de Traian fait desmolir le pont de Traian	490	Alexandrins faits Senateurs Romains par Seue- re	61
droit d'Aubeine ancien	69	Alexandre de Medicis gendre del'Empereur Char- les le quint, & nepueu du Pape Clement, tué par Lauren de Medicis son propre cousin	380
Aduis de Hierosme Laski pour le fait des finan- ces	680	Alexandre le Grand accomply de vertus grandes, mais il estoit yurongne, & mettoit le prix de cent escus pour celuy qui beueroit mieux	450
Adulteres des femmes punis par les patens de la femme du temps de Tibere	16	Alexandre le Grand illu du sang d'Hercules & de Æacus	416
les Adulteres punis par les maris ou peres des fê- mes trouuees sur le fait	17	Alexandre Seuere fait mourir vn homme à force de fumee, pourquoy	570
Adulteres excommuniez anciennement avec no- te d'infamie	17	Alexandre le Grand ne voulut onques se porter iuge, ny assister au iugemēt donné contre Philo- tas	459
des Ædiles, de leur puissance, & vsurpation	294	Alexandre premier iurisculte de son aage	290
quelles Affaires on doit proposer au senat	266	le Pape Alexandre ne faisoit rien de ce qu'il disoit, & le Comte Valentin son fils ne disoit rien de ce qu'il faisoit	624
Affaires d'importance & secretes se doiuent de- cider au Conseil priué	259	Alexandre le Grand paruenue à la couronne par droict successif	207
Affection amiable n'est en ce qui est commun à tous	12	Alcibiade lasche vne caille hors de son sain	486
opinion des Affineurs sur la maniere d'affiner l'or ou l'argent	698	Alchazares auoit quatre cens femmes	498
occasion d'Affoiblir l'argēt monoyé en ce Royau- me	702	Alliance de Cesar & de Pompee rompue par la mort de Iulia	446
Affranchissemens faicts en France des gens de ser- uile condition, comment se doit entendre & en quel temps	44	les Alliances & amitez doiuent estre renouuel- lees, autrement demeurent sans continuation	606
Affranchissemens d'esclaves pour s'en seruir en la guerre ou aux galeres	41	traité d'Alliance pour auoir iustice	79
Affranchissemens pour les esclaves	39	l'Aliage de l'or ordinairement se fait de cuire pur, pourquoy	697
Affranchissemens des Eglises par deuant les Euef- ques d'où est procedé	42	Alliances des Romains & Latins	80
Affranchis & adherans en quoy ils different	74	Alliances des villes Amphictioniques	83
Affranchissement d'un esclave à Tholose	45	Alliances perpetuelles ou limitees	78
les Affranchis reboutez en la lignee de leurs mai- stres apres la mort de Seruius	245	ës traitez d'Alemaigne les Seigneurs y doiuent estre compris specialement, & non generale-	
Agésilpolis Prince du sang estant Roy de Lacede- mone apres la mort de Cleomenes	397		
Agis Roy de Lacedemone estranglé avec sa mere & autres siens partisans	422		
Agis Roy de Lacedemone voulant establir la di- cipline de Lycurge, fist apporter toutes les o- bligations & cedulaes des particuliers, & les fist brusler	422		
Agis Roy brusla toutes les obligations, & parta-			

DES MATIERES.

ment sous le nom d'alliez ou neutres, pourquoy	615	mesmes aux affranchis	44
les Alliances souuent se departent par crainte, & le parti du vainqueur suiuy par les alliez du vaincu	623	Amour du pere enuers l'enfant violente	22
Alliance egale, qu'est ce	77	l'Amour des subiects, vraye forteresse	580
Alliez en ligue offensive & deffensive, reputez estrangers les vns des autres, pourquoy	80	l'Amour espars perd sa force	12
Alliances neutres necessaires pour le salut commun de tous Princes	613	Amour naturel du pere incompatible de cruauté	29
traitté d'Alliance entre Charles cinquiesme, Roy de France, & Henry Roy de Castille	131	Amorriens exterminiez par les Hebreux	373
il est bon d'auoir de puissans amis & Alliez en alliance egale	598	l'Amour du mariage plus grand que tout autre	18
Alliez, coaliez, subiects, neutres, comment ils differerent	78	si Amurat venoit à mourir sans hoir male, le premier Bascha qui auroit la faueur des Ianissaires emporteroit l'estat	397
les Cantons ne peuuent traitter Alliances avec autres Princes, sans le consentement de tous	82	les Amymones n'estoient souuerains	91
Alienations du subiect nulles	72	les Anabaptistes ont voulu tous les biens estre communs, horsmis les femmes & les vestemens	12
Alienation des immeubles deffendue par la loy de Dieu	553	André Roy de Hongrie cité à Rome, pourquoy	143
Alienation du domaine, quel dommage elle porte	659	Angenines, monnoye de Lorraine	700
les Alienations du domaine de France combien elles montent	660	Anglois ont conquesté le Royaume de France	490
Ælius Tuberon, chef de famille	10	Anglois pour leur farouseté separez de toutes les nations du monde en auers	508
Allusion remarquable de la Lune & de l'ame	7	le Royaume d'Angleterre conquesté par trois fois en six mois	585
Allusion ou similitude de la Republique & d'un nauire	9	Anglois ont le poil rouge	487
Altesse, tiltre de Princes non souuerains	182	Anglois n'auoient qu'une femme à dix ou douze	498
Alpes commencent en France, & continuent en Thrace	505	Anglois n'ont iamais sceu chasser les Escossois hors leur isle	491
les Ambassadeurs des Roys à Rome estoient receus & licentiez par le Senat	269	les Anglois s'esleuent contre leur Royne	410
Ambassadeurs enterrez tous vifs, par qui	638	les grands seigneurs d'Angleterre s'entretiennent	442
Ambassadeurs de France parlent deux ou trois ensemble	493	l'An commence où il finist, sçauoir le quatorziesme du septiesme mois. fault conclure que le soleil estoit en la libure	399
les Ambassadeurs de France doiuent estre preferrez à ceux d'Espagne, pourquoy	153	Annibal est capitaine en chef des Carthaginois	409
l'Amie & la raison de la Republique, c'est le Senat, pourquoy	254	Annibal fait requeste au peuple de Carthage pour faire les iuges annuels	427
Amende honorable du Roy Charles septiesme au duc de Bourgogne pourquoy faite	592	Auogadours de Venise, & de leur puissance	270
l'Amie des Roys mouroit avec le corps	38	Antigonus le premier prend le Diadesme & le tiltre de Roy	209
les Amendes adiugees au fisque, & receuës, ne se rendent iamais	561	Antidore pour les guerres ciuiles	586
les Amendes appellees <i>sacramenta</i> , pourquoy	562	Antinomie accordee sans oster la negation	337
l'Amie rauie en contemplation spirituelle fortifie le corps, eslongnee d'elle produit des monstres	7	Antoine de Bonnaire & François 1. nasquirent ce mesme mois	408
Ambition des Magistrats	25	l'Antipape meurt es prisons d'Auignon	145
sans Amitié, le monde & moins la Republique, ne peuuent subsister	362	Anthioque est fait Roy de Sorie	409
Amitié, fondement de toute societé, tresnecessaire entre les hommes	349	Aod tua Eglon Roy des Moabites	468
l'Amitié & l'equalité sont incompatibles	722	il n'y a point d'appel du lieutenant à celuy duquel il tient la place, pourquoy	341
Æmilius Mamerus presente requeste au peuple, par laquelle fust ordonné que la Censure prendroit fin en dix huit ans	429	il est permis d'appeller de la peine decernée par le Magistrat, pourquoy	324
le port d'Anneau d'or aux doigts n'est permis		Appel du Roy mal conseillé, à quād il seroit bien conseillé	173
		Appetits des hommes insatiables	5
		es Appennages la foy & hommage est tousiours reservee au souuerain	171
		les Appetits doiuent estre obeissans à la raison	14
		Appetit de vengeance n'a ny la crainte de Dieu, ny le respect de leur patrie, ny l'amour de leurs pa-	

TABLE

rens	380	terest que la loy soit gardee	98
Appius consul ne fut d'aduis qu'on laschast rien		l'Argent à cōbien de carats il doit demeurer pour	
474		l'vtilité d'un chacun	709
Aquitaine dit, pour la quantité des eaux	488	seigneurs d'Argos estans presque tous defaictz	
Aquitaine a les monts de Pyrenees	488	par Cleomenes Roy de Lacedemone, donnerent droit de bourgeoisie à tous les habitans	
Aquisition des Cantons particuliere	81	issus des estrangers	389.390
pensions sans Aquit	667	Armes & cheuances des Romains	691
Arabes & Mores ont empieté l'Empire de Perse, de Surie, d'Egypte & de Barbarie	490	Armée dressée par le Roy Henry deuxiesme, pour remettre l'Empire en son entiere liberté	605
les Arabes esleuez contre le Turc	410	Armee des Turcs contre les Chrestiens l'an mil cinq cens vingt quatre, lors que l'isle de Rhodes fut perdue	405
Arabes & Mores ont decouvert depuis quatre cens ans, que le mouuement tremblant du huietisme orbe n'accomplist sa reuolution sinon en sept mil ans precisement, & le neufiesme orbe en quarante neuf mil ans	406	Armee de trois cens mil hommes pour les Arabes & Mores defaict par les François	490
Arbaces gouverneur des Medois chassa Sardapalus dernier Prince des Assyriens, se faisant Roy sans forme ny figure d'election	375	armees grandes venues de Septentrion, & les sciences occultes de Midy	490
Arriens establisent sous le regne de quatre Empereurs, leur erreur par sept conciles	478	Arnault de Corbie Chancelier, a puissance de donner grace, pourquoy	174
opinion d'Aristote sur la situation & fortification des villes	579	Armodius, Aristogiton en Athenes meurtriers, n'esperent que l'honneur	380
Aristocratique de Metelin changee en populaire, pource que les gentils hommes frappaient de bastons par moquerie ceux qu'ils rencōtroient par les rues	379	Arrests du Parlement contraires aux chartres anciennes de certaines maisons	13
Arriens extirpez d'Europe perseuerēt en Asie & Afrique, depuis leur commencement iusques à l'Empire du Turc	478	les Arrests du Conseil priuē d'où ils dependēt	268
Aristote veult estre puny, qui reuoque en doute si l'y a vn Dieu souuerain	477	Arrest du Senat Romain pour les adoptez	33
Aristote tient pour chose estrange que lon porte armes en temps de paix par les villes	480	enfants adoptez ne doiuent iouir d'aucun priuilege des charges publiques	33
Aristocratie Romaine de trois cens Senateurs	384	Arrest de Charles cinquiesme	423
œconomie selon Aristote	8	Arrest contre les huissiers enuoyez aux grands iours de Troye	278
Archelaus Roy de Macedoine, tué par celuy qu'il auoit mis entre les mains d'Eupide poëte pour le foueter	379	la differēce de resouldre & arrester les aduis prouient de la souueraineté	261
Archontes, qui ils sont	52	Arrest conceu au nom des Estats d'Angleterre	103
le grand Archon d'Athenes n'estoit pas souuerain	92	Arrest du Senat de Rome pour tuer quatre cens esclauues innocens	473
Archos eponymos, qui il estoit	341	ne se peut donner Arrest interlocutoire contre vn Pair de France	458
Archidamus Roy des Lacedemoniens mena deux de ses amis discors au temple, lesquels il enferma tant qu'ils eussent fait la paix	469	Arrest pour le meurdrier	176
difference del'Aristocratie à la Monarchie	229	Arrests differens des Parlemens de Paris & de Tholoz	283
Aristide & Pericle en Athenes ouurent les portes des offices & benefices à tous subiects	375	arsace pour auoir contraint Sardanapale Roy d'Assyrie, de se brusler avec ses femmes & thresors, emporta pour salaire le royaume	380
Aristocratie differente	232	pour vn qui se sert bien del'art d'oratorerie, cinquante en abusent	481
estat Aristocratique qu'est-ce	184.185	le Roy Artaxarxes, le premier qui changea la costume des Persiens de feller les Princes & Magistrats	202
opinion d'Aristote touchant l'Aristocratie	241	Article du traité fait entre le Roy de France & les Suisses	627
Aristote mespris qui appelle royaume de Lacedemone, où deux Princes souuerains commandoient auparauant Lycurge	372	Article 27. des estats d'Orleans, defend à toutes gens Ecclesiastiques de receuoir testaments	518
Aristote d'opinion double touchant la felicité	4	Arzille ville au royaume de Fez, rasée par les Anglois, & peuple occis par le couteau	373
Aristocratie, qu'est-ce	292	Assassins des tyrans	213
les Aristocraties qui moins ont de seigneurs sont plus durables	724	Assemblée des grands Princes de France par le Roy François, sur le trouble de Madric	617
quatre sortes d'Aristocraties selon Aristote	241	l'Assurance, ou ruine d'un estat, dequoy elle depend	164
il n'est besoing d'Argent ny de serment pour obliger le Prince souuerain, si les subiects ont interest que la loy soit gardee		l'Assemblée des collegues necessaire pour le consentement	356
		par qui elle se doit faire	ibid.

DES MATIERES.

les Assemblies ne se doiuent permettre extraor- dinairement, ny oster du tout, pourquoy	367	anarchie, qu'est-ce	54
Assemblée des Grisons de deux en deux ans	716	Auertissement d'Aristote à Alexandre le Grand	205
moyé d'Asséuer l'estat des Princes desesperez	684	les Affineurs ne doiuent affiner qu'en vn certain endroit, pourquoy	708
les Assemblies se doiuent faire publiquement, & de iour, & non de nuict ou secrettement	363	Auignon siege du Pape	145
Asseruir les meschans aux bons, les sages aux fols, les entendus aux ignares, est contre nature	36	quelle estoit la charge des Augures	339
Assurance des traittez entre les Princes quelle doit estre	602	Auguste chasse ses gardes, allant tantost chez l'vn, puis chez l'autre sans compagnie	382
on ne peut mieux asseruir les vaincus, que de leur oster les corps & colleges	368	Auguste faisoit sans relasche iustice, respondoit aux requestes, ayant tout l'estat deuant ses yeux	381
Association pourquoy commencee	348	Auguste fist premierement mourir tous les con- iurez de Cesar, sans aucun mercy	381
Astrologues d'Asie, d'Afrique & d'Europe, predi- soient le deluge vniuersel l'an 1524. parquoy à Tholoz le President Auriol avec autres, firent des arches pour se sauuer	403	Auguste pour auoir gaigné le cueur des hommes par douceur, ne trouua homme qui osast rien attenter contre luy	393
Asin & Asuri, que signifient proprement	54	Auguste ietta les fondemens de sa monarchie le plus heureusement du monde	382
Assyriens & Persans changeoient tous les ans les capitaines & lieutenans	430	Auguste dernier Empereur des Romains, tué par Odouacre Roy des Hercules, il y a c c c x c v i. ans	415
Atabalippa roy du Peru, mis a mort par les Es- pagnols contre leur serment & promesses	629	Auguste remet en la disposition du peuple & du Senat, l'institution de quelques Magistrats	381
loy Ateria Tarpeia, pour les Magistrats	291	Auguste ayant decouuert la coniuration de Cin- na, & le tenant entre ses mains conuaincu, luy pardonna, & luy toucha en la main & iura ami- tié avec luy	393
Ætoles & Archades s'acharnerent fort longue- ment en guerres mutuelles pour la hure d'un sanglier	391	l'Empereur Auguste escriuât à ses amis, dict, Cou- rage, puis que j'ay eschappé le soixante & troi- sième an	413
pere d'Atabalippa dernier Roy du Peru, auoit deux cens femmes & cinquante enfans	498	Auguste tient tousiours les forces de l'Empire en sa puissance	301
Atheistes confessent que la religion est le souue- rain moyen de maintenir les loix & les Prin- ces	477	Auguste tient pres sa personne trois legions	381
Atheniens anciens, Megariens, Sanniens, Syracu- sains, Florentins, & Géneuois, peuples bisarres, tellement qu'il est presque impossible de le te- nir en vn estat	386	Auguste a tousiours bonne garde autour de soy	381
en Athenes se trouua de vingt mil citoyés, dix mil estrangers, & quatre cens mil esclaves	40	Augustule diminutif	416
Athenes tombee en plusieurs seditions, parce que les gés marins du port estoient loing de la haute ville	393	Auguste apres la defaite de Marc Anthoine, il re- tint quarante legions es prouinces frontieres, en disposant à son plaisir	381
Atheniens vaincus des Syracusains par la faulte du capitaine Nicias, changerent d'estat popula- ire en Aristocratie	384	Auguste faisoit aumosne aux Iuifs pour prier Dieu pour luy	478
celuy qui auoit la garde de la principale forteref- se d'Athenes n'auoit les clefs qu'un iour seule- ment	383	Auguste endure mille embusches, encores que les plus furieux fussent morts	382
Atheniens faillent, faisant denombrement des ha- bitans	388	Auguste eut de Herode neuf cens mille escus par testament	378
Atheniens ayans ouy la victoire d'Alcibiade con- tre les Lacedemoniens, tuerent les quatre cens seigneurs, changeant l'Aristocratie en estat po- pulaire sous la conduite de Thrasilus	384	Auguste seul Monarque & Prince souuerain	381
Atheniens passionnez apres la mort de Pisistrati- des	385	Auis d'Aristote touchant le gouvernement	242
Atheniens en moins de cent ans, ont changé plus de six fois d'estat	386	les Aumosnes anciennement mises au premier article des despenses des finances	684
Atheniens changeoient les estats aristocratiques en populaires	386	Aurum coronarium, qu'est-ce	364
les Atheniens gratifiez par Demetrius, pourquoy	214	l'Autorité du Senat Romain d'où elle depen- doit	190
Attalus roy d'Asie fait la Republique Romaine heritiere de son estat	370	ceux d'autun premiers qui ont eu priuilege d'es- tre Senateurs Romains	58
		autun auoit vneloy, defendante que les Magi- strats ne fussent continuez plus d'un an, & deux d'une famille ne peussent estre Magistrats	428
		Aloy des reales d'Espagne & des testons de Fran- ce	705
		Auis sur le faict des monnoyes reiecté	710

T A B L E

B Abylone,plustost nation que Republique, selon Aristote	10	differens du Bien-fait & du loyer	564
quatre B,aux armoiries que signifient	154	le Bien public est discerné du particulier par le mesnage,& droit gouuernement d'iceluy	12
cōfrairie des Bachanales à Rome abominable	363	il est impossible, releuât le Billon, d'arrester le prix des monnoyes	702
Bahal, nom du mary selon les Hebreux, que c'est à dire	20	Bourgeoises donnees aux Roys & autres par hōneur ou alliances	61
Bannir par honneur en Argos, Athenes, Ephese, c'estoit pour dix ans pour le plus, auquel ils iouissoient de leurs biens,absens	392	Bourgeois, mot plus special que citoyen	53
L'homme banny de sa maison se met en armes s'il peut	392	droit de Bourgeoisie, & sa definition	57
Bannir vn grand seigneur avec contumelie & dōmage est allumer la guerre	392	Bourgeoisie comment aqoise par l'ordonnance de Philippe le Long	65
origine de la Banque de Lyon	681	vn Bourgeois Romain degradé pour auoir baillé trop hault	330
Bannis de la maison de Medicis & de Suric l'an 1336, se ioignent avec les plus grās Princes pour ruiner leur pays	392	les Bourreaux doiuent demeurer hors la ville	298
ruze des Banquiers	682	Branle de France, Ionique ou Lydien, c'est à dire du cinq ou septiesme ton	412
Barbarie a le mont d'Atlas	488	Brebis assurees quād les loups s'entremāgēt	442
Barberousse reprend le royaume de Telefin sans changement de l'estat de Monarchie	373	Bref de conduite ne se doit bailler que du souuerain	180
les Baschais de Turquie auoient argent à interest à la banque de Lyon	682	Briefs de iustice, qu'est ce	302
seigneurie de Basle ayant changé de religion, ne voulut pas soudain chasser les religieux des abayes & monasteres	424	l'enfant Brulé pour les actes vilains exercez enuers sa mere	22
L'enfant d'vn qui meurt captif est reputé Bastart	38	les deux Brutus emportent les plus grands estats de Rome, l'vn pour auoir chassé Tarquin, l'autre pour auoir tué Cesar	380
Bastars de qui procrez	30	Bude estoit d'aduis que les estats & offices fussent changez	438
Bastars faits legitimes par adoption	31	Bude s'est abusé quand il parle des poids & mesures des anciens, comment	699
les Bastars n'ont droit de succession	31	Bonnes loix maintenātes la Monarchie, contraires & propres à ruiner l'estat populaire. & celles du populaire propres à ruiner celles de la Monarchie	420
les tyrans Bastissent du sang des sūgects	687	il ne faut forger monoye de Billon, pourquoy	709
on ne doit Bastir des citadelles ny places fortes es monarchies royales, pourquoy	589	Bisance, mēbre de l'Empire Romain, apres auoir souffert trois ans le siège de l'Empereur Seuerus, en fin est prise, rasée, sacagee, occie, & le territoire donné aux Perinthiens	373
la Baraille ne se doit donner par vn capitaine, lieutenant d'autrui, sans expres commandemēt	285	Bonne porte par l'esclau, ancienne marque par l'affranchissement	35
la Benedictiō des peres iadis soigneusemēt poursuiue par les enfans	121	Bourgeois de Segelmesse rasent toute leur ville & murailles par le consentement d'vn chacun, pour donner fin à leurs troubles ciuiles	387
les Benefices se doiuent donner aux habitans du pays & sūgects naturels, & non à autres	68	Boucherie des tyrans	213
les Bernois receus en protection des Comtes de Sauoye	603	par Boire du vin les maris pouuoient faire mourir leurs femmes	17
Berne, Lucerne, Fribourg, Solerne, ont deux auoyers	445	causes d'environner les Bourgs de fossēz & de murailles	348
Bestes sauuages ne s'apriuoisent iamais à coups de bastons, mais en les amadouans	474	il est en la puissance du Bourgeois de quitter sa bourgeoisie pour estre citoyen d'autrui	63
les Biens donnez aux enfans par les peres en l'emancipation, non precomptez pour auancement de droit succēssif	26	où la pluspart des Bourgeois a la souueraincté, la Republique est populaire	247
les Biens des condamnez à qui doiuent estre adiugez	557	les Bourgeois Romains auoient droit de succession sur les biens de l'estrangier, qu'ils auoient receus en leur protection	69
le Bien principal del'homme, d'où il depend	6	on ne peut estre que Bourgeois d'honneur d'vne autre seigneurie	63
l'inequalité des Biens prouient par les filles heritieres mariees aux plus riches	555	droit de Bourgeoisie refusé par Tibere à vn Gaulois, donné à vne legion de Gaulois par Cesar, & aux habitans de Nonocomme: vendu à prix d'argent aux habitans de Sicile par Marc Antoine	61
le souuerain Bien de la Republique & du particulier	4		C
Biens confisque de ceux qui mouroient intestats	518. 519		
le Bien d'autrui ne peut estre enuahi par le Prince, selon la loy de Dieu & de nature	114		
les Biens de l'estranger acquis au seigneur du lieu où il meurt	68		

DES MATIERES.

C Aboche frenetique condamné à mort, pour- quoy 223	Carthage rasée, & non la Cité de Carthage 55
les Cadis en l'Orient enuoyent leurs iugemēs aux Soubachio pourquoy 317	depuis l'embrasement de Carthage la grande, iuf- ques à l'embrasement de la ville de Rome soubz Torylas Roy des Gots 700.ans 417
Cadilesquiers de Turquie quelle puissance ils ont 168	ceux de Carthage & de Bisaque pour le fust d'un brigantin sentrebatirent longuement 391
Caligula condemna par vne sentence seule à mes- me peine cinquante personnes pour diuers cri- mes 456	Cas licitez pour tuer le tyran 219
Caliste iij. & Martin v. Papes ont permis les rentes constituees en vsage au parauant 517	des Cas fortuis on ne doit faire mention quand il est question de l'estat 266
Calomnies & faulses accusations inuentees pour abolir les corps & colleges de diuerse sorte 365	Casser vn voirre, crime de mort pour les esclaves 38
Cambyfes cruel & meschâr, fut aimé pour la me- moire des vertus de son pere Cyrus le grâd 377	Cassius faict mourir son fils pour auoir publié la loy des heritages 23
maniere de Camper des Romains 585	Catilina disoit qu'il n'auoit peu estaindre le feu de sa maison par eau, mais qu'il l'estaindroit en la ruinant 392
ordre des Cantons de Suisse 151	Catilina bataille contre C. Antho. 392
Camileins & autres Tribuns de Rome ouurent les portes des offices & benefices à to ^r subiects 375	Caton estime l'vsurier pis qu'un larron 515
il n'y a si petit Canton qui n'ait outre le Senat vn priué Conseil & les vns en ont d'auantage 261	Caton dict ennemy iuré des femmes 19
Capitaines ayās charge de parfaire la guerre, sou- dains reuoquez 431	Caton, en quel temps il viuoit 16
Capitaines qui se font seigneurs des lieux ou ils ont esté appelez pour secours 599	Caton le Censeur vendoit les esclaves apres en a- uoir tiré tout le seruice qu'il auoit peu & qu'ils estoient recrus de vieillesse 37
Capitaine du Chasteau de Rhaguse pris au fort, & mené audit Chasteau, la teste enueloppee n'a les clefs qu'un iour teulement 383	Caton Censeur disoit. Il n'y a loy si bonne, qui ne tire apres soy ses incommoditez 436
Capitaine demy roty & mangé par ses soldats a- pres auoir ieusné trois iours, & bouilly ses en- traillies 495	Caton le ieusne voyant Pompee, l'aisné & Crassus estroitement alliez, ayant plus de puissance que tout le reste du peuple l'escrria, que la Republi- que estoit vendue 445
les bons Capitaines & soldats doiuent estre bien recompensez & entretenus mesmemēt sur l'a- age 601	Caton le Censeur accusa ses compagnons d'iniu- stice cinquante fois, & il fust accusé cinquante fois 443
le Capitaine qui a donné la bataille contre la def- fence à luy faicte merite la mort. 285	les Candiots, iadis viuoient en commun 12
Capital priuilege 162	quatre Cause pourquoy les hommes pouuoient faire mourir leurs femmes sans forme de proces, en la loy de Romule 16
iamais bon Capitaine ny sage Prince ne fit la paix desarmé 588	les Causes d'appel renuoyee au Senat, selon l'or- donnance de Neron 262
estre Capitaine en chef, n'emporte puissance roy- alle 208	Caution de iuge necessaire à l'estrager & non aux subiects 71
les Capitaines ne peuuent traicter la paix sans mé- dement expres 166	Caution quelle maniere de gēs sont tenus la bail- ler 71
forme de Capituler entre le Prince & le subiect 630	le Cueur genereux & sa condition 34
Capitulation faicte avec les ecumeurs pirates par Pompee le grand, pourquoy 615	la Cupidité prinse pour la femme en l'escripture saincte 14
Capone prise, estant aussi tost perdu & enuahi par les Romains. 394	la cupidité n'a point de bornes 582
Caracalla Empereur faict mourir les flateurs qui l'auoient induit à tuer son frere, pourquoy 226	Cazimir le grand monarque souuerain de Poloi- gne 396
Cardan dict que pour le changement des Estoiles fixes les Espagnols, Anglois, Escossois & Nor- mans qui estoient dict-il anciennement doux & humains sont à present larrons 404	au grand Cayre d'Egypte il y a quatre iuges 435
pourquoy Cardan donne il plus de puissance à son estoile qu'aux autres plus illustres? 401	la Censure ecclesiastique a tousiours esté de mer- ueilleuse consequence 652
Cardinal Granuelle aduertit premier de la faction d'Amboise 467	Cessent les commissions pour quelles raisons 281
Carthaginois en guerre contre les Romains 409	Censure n'est pas iugement 651
	la Censure est le vray moyen de reformer les abus en tous estats 647
	le Cens estoit de toute ancienneté 671
	des Censeurs & de leur puissance & autorité 295
	Celtes amoureux de liberté & difficiles à dōpter 46
	la propre charge du Censeur quelle elle est 650
	les Censeurs ne doiuent auoir iurisdiction pour- quoy 651

T A B L E

Cesar de trois cents vingt mil Citoyens qui prenoient bled du public, il n'en retint que cent cinquante mil.	383	Roy de Lacedemone	397
Cesar (disoit son ennemy Caton) estoit le plus sobre tyrân, & plus vigilant qu'il fust oncques	383	Changemens & ruines des Republiques sont humaines, naturelles, ou diuines.	397
Cesar enuoye quatre cents cinquante mil Citoyens outre mer en diuers colonies	383, 384	tout Changement est volontaire, necessaire, ou meslé de l'un & de l'autre.	371
Cesar admonesté de tenir garde, respondit qu'il aimoit mieux estre vne fois tué, que de languir tousiours en crainte	381	Changement de Republique venant de vieillesse & de longue duree. est necessaire & non violence	371
Cesar auoit dix legions soudoyees tant qu'il feroit guerre	383	Changement aduenu es Royaumes de Poloigne & Dannemarc, depuis que la lignee de Iagalon est fallie & que Christerne Roy de Dannemarc fut constitué prisonnier	395
Cesar auoit le plus grand & hardy cueur & plus vaillant qui fust oncques	383	Changement de qualite de bon Seigneur en mauuais	372
Cesar tant noble qu'il ose dire deuant le peuple Romain qu'il estoit extrait des dieux du costé paternel & des Roys du costé maternel	383	Changemēt de bien en mal: & bien en mieux	371
Cesar estoit grand Pontif & le plus grans Orateur de son aage	195, 397	Changement annuel des Conseillers d'estat dangereux	273
Cesar donna pour vne fois à Curion tribun quinze cents mille esclūs, pour tenir son party	383	Changement de Loix qui touchent l'estat est aussi dangereux comme de renuerser le fondemēs ou pierre angulaire	410
Cesar gaignoit la faueur du peuple aux despēs du public	383	Changemens de Republiques exterieurs & interieurs	386
Cesar le plus benign & gracieux Prince du monde, neantmoins n'a sceu eschapper que son propre fils naturel avec autres cōiures ne le tuassent	381	Ceux qui ont mieux entendu les iugemēs du ciel pour le changement des Republiques	402
si la loy eust esté bien gardee Cesar n'eust pas empiete l'estat comme il fist, ayant eu le gouuernemens des Gaules pour cinq ans dauantage que l'ordonnance ne vouloit	383	Changemēt d'estat populaire en Aristocratie	384
Cesar craignoit les forces & priuileges du peuple	383	Changement de bien en mal soudain: changemēt de bien en mieux peu à peu.	271
Cesar par oratoire pardonne à celuy qu'il auoit resolu de faire mourir	415	Changemēt d'estat populaire en monarchie sous la dictature de Sulla, fut violent & sanglant à merueille	371
Cesar menassé par ses ennemis de luy faire rendre compte des charges qu'il auoit eues	391, 392	Changement de Republique ou de monarchie peu à peu est plus tolerable que celle qui est violente	395
Cesar gaignoit l'honneur d'hōme gracieux & charitable enuers les pauvres	383	Changement de loix, de coustumes, de religion, de place est altercation	370
Cesar appelle par Ciceron (qui cōspiroit sa mort) monstre de prudence & de diligence incroiable	383	Changement volontaire, est le plus doux & plus facile	370
Cesar les plus ambitieux qui fust oncques.	383	tous Changement soudains perilleux	436
Cesar pour auoir donné la grace à Marc Aurelle le fit tuer	466	Changement d'estat Royal en tyrannie imperfect	371
Cesar osta la plus part des cōfrairies, corps, & colleges	384	Chancelliers des Roys d'Angleterre & du Duc de Milan preuenus de lese maiesté	418
oster la Cession en cas Ciuil, est oster le moyen de gaigner pour s'aquiter	48	Changement de religion demeurāt l'estat en son entier	477
Cession de biens non permise à l'estranger	70	Charges publiques interdits aux enfans adoptez par arrest du Senat Romain	33
erection de la Chambre des comtes	693	les Charges & imposts, comment elles se peuuent egalier	644
la haute Chambre, qu'est-ce	103	trois sortes de Charges publiques remarquees en vn passage de Cicero	287
Chambre erigee pour le domaine du Roy	181	des Charges publiques & de leur diuision	298
Chambre criminelle de Parlement chāge de trois mois en trois mois	456	les œures Charitables ne se peuuent exercer à faute de biens	562
Champagne perd tant de noblesse en guerre que les gentils femmes eurent grace speciale d'annoblir leurs marys	390	la Charité des Roys de France enuers les pauvres	684
plusieurs causes de changement de Republiques	374	Charlemaigne ruine l'estat des Lombards, prent le Roy, assugetit, l'Italie. l'an 769.	405
fix Changemens parfaits	372	Charlemaigne enuiron l'an 772. se fait Seigneur des Alemaignes, osta la superstition pes Payens en Saxe & change routes les Republiques & principautez d'icelles & de Hongrie qu'il assugettit à sa puissance	405
Changement de l'estat de Lacedemonie apres la victoire d'Antigonus & la fuite de Cleomenes		Charles	

DES MATIERES.

Charles d'Autriche estoit vassal de la couronne de France & suieût naturel du Roy	126	Chrestiens tenus esclaves des Mehemetistes avec leur posterité	46
Charles v. print la ville d'Alger le iiii. iour de Septembre	407	300000. Chrestiens emmenez des Tartares pour vn voyage, & faicts esclaves	46
Charles v. regent encore en France, supprimant les officiers en grand partie, & establisant commissaires, mist la France en seditions	463	la Cicoigne appelée debonnaire & charitable par les saintes lettres pourquoy	24
Charles v. Empereur estonné de la resolution du Roy François prisonnier, luy faisant entendre qu'il estoit sur le poinct de resigner le Royaume à son fils aîné	395	Ciceron banny & pert son bien, pourquoy	318
Charles v. sçauoit tout ce qui se faisoit en France	467	Ciceron Consul descouure la coniuration de Catilina	392
Charles le v. Empereur donne les terres du Peru aux capitaines & soldats Espagnols, apres la conquête d'iceluy	663	la Cinquieme marque de souueraineté	173
Charles vj. Roy de France, perpetuel vicaire de l'Empire.	137	la Circoncision deffendue	46
Charles vij. déclaré incapable de la couronne	32	Citation contre la Roynie de Nauarre pour comparoistre à Rome, deffendue par le Roy Charles ix.	605
Charles ix. à l'imitation de son pere prenoit à soy l'iniure du dementir sans combat	472	les Citadelles seruent de moyen pour asseoir vn peuple	589
Charles ix Roy de France, assailluy pres de Meaulx en grand danger, le xxvij. iour de Septébre	408	les Citadelles donnent occasion aux Princes de tyranniser & aux subiects de se reuolter	580
Charles de France frere du Roy Louys ix. enuoyé aux Florentins pour leur Prince auquel ils rendirent les armes & obeissance volontiers	387	la Cité peut auoir plusieurs villes & villages	53
apres que Charles de France fut party de Florence pour les affaires de Naples les Florentins retablirent l'estat populaire	387	la Cité fuit hors de la Ville.	55
Charles Duc de Lorraine absent deuoit succeder à la couronne de France, & neantmoins en fut débouté par Hue Cappel	396	Cité des Heluetiens auoit iiii. Cantons ou Bourgs	54
le Chapitre de Rouen a priuilege de donner grace	175	si d'une Cité ou Prouince, se faict vn, ou plusieurs estats populaires ou Royaumes, n'est pas pourtant changement de Republique, mais nuisance d'une ou plusieurs Republiques nouvelles	670
Chartre de la maison de Laual, homologuée au parlement de Paris directement contraire aux coustumes du Pais	12	Cité, qu'est ce	52. 54
plusieurs Chefs de famille associez ensemble ne font pourtant vne mesme famille	82	des Citez qui ne sont pas Republiques & pourquoy	54
si le Chef du College est collegue	351	tout Citoyen est subiect, mais tout subiect n'est Citoyen	51
nombre effrené de Cheualiers de l'Ordre a ruiné l'Ordre	570	vn mesme Citoyen Romain estoit vaillant capitaine, sage Senateur, bon iuge & grand orateur	596
Chefs de famille subiects aux Princes	14	Citoyen d'honneur seulement, n'est pas vray citoyen	52
les Cheualiers anciennement faicts pour leurs actes cheualereux, comment,	568	la moindre partie des Citoyens, comment elle se doit prendre & entendre	239
l'ordre des Cheualiers de Malte ne diminue en rien qui soit la puissance du grand maistre	396	fault quelque fois cōtraindre les Citoyens, & forcer quand on ne peut mieux: cōme les furieux & forcenez qu'on guarist contre leur gré	571
Cheuances & armes des Romains	691	Citoyen & sa definition	49. 50
Childeric Roy & sa femme enceinte tuez par Bodile pour ce qu'il l'auoit faict fouetter de verges	379	definitio de Citoyen par Aristote, diuerse & marques	56
Childeric ne se monstroît qu'une fois l'an en sa maiesté	452	difference des Citoyens les vns sur les autres & des estrangers	67
Chilô irrité de l'iniure tua tous les Magistrats des Lacedemoniens	397	Citoyens naturels ou naturalisez	52
le Choix des Loix permis aux Princes	111	les guerres Ciuiles cōmet se peuuent remedier	586
la Chose entiere comment se doit prendre ez commissions	282	Cyprian Leouice assure par ses escripts que la fin de ce monde viendra l'an 1584.	406
Chrea capitaine des gardes de l'Empereur Caligula, ayant tué son Prince fut aussi tost mis à mort par les archers de la garde qui estoient Allemands	495	Cymbres fondues de sueur en Prouence	489
		Cyrus ayant nez aquilin & fort aimé du peuple, estoit cause que tous ceux qui auoient grand nez estoient aimez du peuple	377
		Cyprian Leouice qui a suyui les tables d'Alphonse a failluy grandement	398
		Cyrus le Jeune faict guerre incontinent qu'il est eschappé de prison	792
		Cymbres vaincus en Prouence par les Romains	489
		Claude Empereur renouuela l'ancien edict, qui defendoit de continuer deux estats en vne personne	427

T A B L E

Claude le Tribun restitua tous les colleges, depuis Numa	365	le College peut faire ordonnances, comment	355
Claude Neron & Liuius le Saunier faictz Censeurs par le peuple Romain	444	Combat appellé par les Septentrionaux loy apparessante	471
Clauses de loix perpetuelles	108	C'est chose dangereuse de combattre gens desesperez	596
les Clausés Matrimoniales ne peuuent deroger à l'autorité maritale	20	Commandement premier de la seconde table du Decalogue argumét certain de l'obligation naturelle de l'enfant enuers le pere	21
Claudé & Gordian l'ayeul furent trainez & forcez d'accepter l'Empire Romain	373	quatre especes de Commandement des mesnages	14
les Clausés narratiues des mandemens, ne peuuent faire aucun preiudice à la verité	311	le Commandement que Dieu donne au mary par dessus la femme porte double sens	14
Claude l'Empereur outré, oyant reciter les maux d'un accusé, print vn cousteau & luy ietta contre le visage	456	Commandement de Dieu de comparoistre deuant luy aux trois grandes festes de l'an	649
Clauses particulieres aux Princes souuerains, qui se mettent aux ordonnances	318	la puissance de Comander est suspendue en la presence du souuerain	333.334
Claude Neron & Liuius le Saunier vainquirent Hasdrubal	441	puissance de Commander, ou d'ou elle a son commencement	49
explication des Clausés portees par les lettres patentes & mandemens	302	Commandement particulier est aux chefs de menage.	14
la Clause Tant qu'il nous plaira, à present inutile n'est oubliee toutes fois es lettres d'offices	289	sçavoir Commander à soy mesme que c'est	14
Clause aposée aux commissions comment sedoit entendre	282	par Commandement & obeissance est gouvernee toute Republique & famille	14
Clause qui se met quelque fois es charges & instruction des Ambassadeurs, dequoy elle sert	285	difference entre Commandement, & empeschement ou opposition.	337
Clause, <i>De expresso mandato</i> effacee des edicts pourquoy	307	il n'y a point de Commandement hors le ressort de celui qui commande	344
lo Clause generale des commissions, comment se doit regler	286	Commandement, qu'est ce	63
Clers du greffe erigez en tiltre d'office par edict expres & supprimez par autre edict	284	les Commissaires deputez par le souuerain, soient magistrats ou particuliers, peuuent commettre, si l'est expressement deffendu, ou si l'est question de l'estat	281
Colicinius apres plusieurs larcins se faict mourir pour enrichir ses enfans	558	simples alliances sont de Commerces & trafiques simples	79
la Cognoissance des desobeissans au peres & meres reservee aux iuges	22	Commissaires Romains ne permettent l'vsure plus haultes que d'un denier pour cent par an	515
Colonies de Iuifs frequētes en la grande Asie	364	la Commissio des dictateurs limitee, pourquoy	277
Colonie de 4000. Espagnols, enfans de Romains & Espagnols	52	Commissions rogatoires, entre les Princes	72
les Colonies Romaines estoient naturels bourgeois, issus du sang des Romains	58	les Cōmissaires & officiers cōmēt ils differēt	273
definition de College	351	la Commission pourquoy decernee	280
trois Corps ou Colleges ne peuuent cōposer vne republique sans famille	9	dix Commissaires deputez pour errigee les coutumes de Romme	515
les Corps & colleges pourquoy instituez	350	les Cōmissions du Prince adressees aux officiers, eu qualite d'officiers, continue en leurs successeurs	284
ez Corps & Colleges, il faut que la plus par des deux tiers soit d'accord pour donner loy au surplus	246	les Commissions excitatiues ne sont proprement commissions	279
les Colleges qui ne sont fondez en Iurisdiction ny puissance de cōmander, doiuent auoir ceneantmoins quelque certaine coërtion limitee	353	les Cōmissions rogatoires ou elles ont lieu	243
College Famille & Republique, comme ils different.	347	toutes sortes de Commissions d'ou amendes	279.280
si les Colleges peuuent establiir loix ou ordonnances & comment	356.357	Commissaires de Chastellet & de la Cour erigez en tiltre d'office, demeurant neantmoins le premier nom par abus,	278
si le College ou l'Abbé peut chasser vn des collegues, ou le priuer de ses priuileges	354	la Commission passe en force d'office quand le souuerain en faict Loy	288
les Collegues sont mieux iugez par les colleges, pourquoy	353	Commissions & charges extraordinaires pourquoy establies	279
Colleges de la Seigneurie de Venise	160	manieres de bié Cōmāder de Papirius Curfor	331
College de differente religion à la religion du peuple fascheux à entretenir	363	Communautez de biens femmes & enfans, en la Republique de Platon	11
		les choses Cōmunes & publiques mesprisées d'un chacun	12

DES MATIERES.

és Cômunautez le consentemēt expres d'un cha-	Conionction au signe de l'archier, l'an 74. apres
cun est necessaire quand il est question de ce qui	Iesus christ
est commun à tous en general, & à chacun en	Conionctio de l'archer au verseau, l'an 430.
particulier	405
Communautez de biens, causes de grandes que-	Conionction des trois planettes hautes, au signe
relles & inimitiez	du Soleil, ou de Mars, l'an 1564.
12	409
n'y auroit rien de Commun, s'il n'y auoit quelque	Conionction au signe de l'archer, l'an 772.
chose de particulier	405
11	de prerogatiues d'honneur du Connestable & du
les Communautez vsent de forme de coërtion en-	Chancelier
uers ceux du mestier, comment	342
357	le Connestable & Capitaine ou chef erigé en titre
Communauté qu'est-ce, & ses proprietiez	d'office, peut en vertu de son office disposer de
347	l'armee à sa discretion: mais il ne peut rendre ce
Communauté, qu'est-ce & sa definition	qu'il auroit pris sur l'ennemy, sans mandement
350	special
és anciennes Republiques populaires il y auoit	286
Communauté de biens	les Conquestes doiuent estre communes en ligue
250	offensive & deffensive
il est impossible de Cōposer vne republique mes-	598
lee de troys	Conquestes sur les ennemis, second moyen de fai-
195	re fonds aux finances
Comparaison de la Coustume au Roy, & la Loy	661
au tyran	le Conseil priué d'Angleterre establi depuis
162	400.
les choses Composees ont autre vertu differente	ans, n'est que de xv. à xx. personnes au plus
aux simples, desquels la mistion est faicte	264
186	le Conseil priué n'est erigé en forme de corps &
Compaigne de la maison diuine & humaine, c'est	College
la femme	268
19	Conseil de Dieu inscrutable
Comparaison notable	397
1	Conseils & executions iniques de Neron
Comparaison des Republiques	310
713	le bon & sage Cōseil beaucoup plus necessaire en
Comtes de Flandres heritiers des prebstres, cou-	vne Republique qu'un bon Prince
stume abolie par Urbain v.	252
518	des Conseillers d'Estat, & de leur puissance
les anciens Côtes de Bretagne vassaux des Roys	272
de France.	siil faut assister au Conseil du tyran pour choses
122	bonnes & louables
les Côtes de Bretagne vassaux des Ducs de Nor-	226
mandie.	Conseiller d'estat pensionnaire d'un autre Prince,
122.123	est chose tresdangereuse
le Comte Dhyorch apres la conspiration par luy	255
faicte & traictez avec le Roy d'Angleterre fut	Conseils de Venise outre le Senat & le grad Con-
decapité portant vne couronne de papier	seil
603	260
le Comte Valentin & le Pape Alexandre son pere	prendre Conseil pour les affaires d'estat, n'est mar-
l'un ne faisoit rien de ce qu'il disoit, & l'autre ne	que de Souueraineté
disoit rien de ce qu'il faisoit, comment	157
624	le Conseil priué est quasi reduit en forme de Cour
les Colonies quel bien elles apportent	ordinaire
662	263
les Comedies & farces pernicieuses en toute re-	le Conseil des ieunes en un Senat ne seroit receu,
publ. pourquoy	pourquoy
649	253
les Commissions doiuent estre reglees	le Conseil cōmuniqé à tant de personnes, donne
281	occasion aux factieux de troubler un estat
sortes de Condāner par puissance publique	257
317	la Conseruation du bien, nom, & marque des fa-
le Concubinage dict mariage par les Romains	milles & maisons illustres par certains traictez
15	& statuts domestiques
les Conclusions des traictez és affaires d'estat, ne	13
se doiuent faire sans charge speciale ou ratifi-	Consination pour les proces
cation expresse	679
628	le Cōseil se deuroit tenir au matin, pourquoy
forme des Condamnations publiques des Ro-	266
maines	au Conseil sur tout il faut fuir le desguisement de
319	la verité
la puissance de Condamner à mort & donner la	267
vie à celuy qui a merité la mort est la plus haute	tous ceux qui ont entrée au Conseil, en ce Royau-
marque de souueraineté	me, peuent proposer au Conseil ce qu'ils pen-
317	sent estre vtile pour le public
la Condition du pere, pire que celle du fils, par le	265
droit escrit	différence de Conseillers
26	253
Confirmation des priuileges de la Rochelle	le Consentement du Senat <i>non tam necessitatis quam</i>
518	<i>humanitatis</i>
la Confiscation adiugée au public, quels inconue-	109
niens elle ameine	la Conseruation du bien en particulier, est la con-
560	seruation du bien public
Confiscations qui n'appartiennent qu'au Prince	12
souuerain quelles	Conseruation de l'estat populaire par un petit nō-
181	bre de sages
Confirmations, de priuileges ou estats necessaires,	719
à la venue d'un Roy	alienation du bien particulier deffendu par les
96	loix sans Condition
etablissement de Confrairies par Numa	12
349	Consistoire apostolique arresté apres la mort du
Conclusion entre le propre & le commun, abolition	Pape Iule vnzieme, de moderer la puissance du
de republiques	Pape
11	396

T A B L E

C

C onsuls premierement en Italie, puis en France, pourquoy instituez	353	sans appel & cognoissent des appellations des autres magistrats	270
les Consuls de Rome n'auoient aucune puissance de faire loy, ny acte de souueraineté	189	la Courtoisie d'Angleterre	193
de la puissance des Consuls sur les preteurs	336	les Coustumes generales & particulieres d'un pays ne se doiuent changer, sinon apres auoir bien & deuement assemblé les trois estats	100
quel estoit la puissance des Consuls de Rome	189	Coustume inueterée ne peut oster l'effect de la foy	26
Consuls pourquoy ainsi appelez	264	Coustume des adoptions gardée en l'adoption de l'Empereur Aurelian, & pratiquée en plusieurs autres	31.32
Constantin au Concile de Nice premier defendit les vsures en deniers & en fruiets	316	Coustume d'Ethiopie	665
Constantin le grand estably le siege de l'empire à Constantinople. Cōstantin denier est despouillé de l'estat, & tué par Mahomet Roy des Turcs.	416.	Coustume ancienne des habitans de Marseille, & des Milesiens	17
Constantinople prise par Pausanias Roy de Lacedemone: depuis assiegée & forcée par Alcibiade	400	Coustume louable d'Alexandre Seuer	578
Constantinople soustient le siege des Turcs huit ans	584	Coustume en Perse de marier les filles	536
Constantinople assiegée & forcée par Galien Empereur, & tous les habitans tuez	401	la Coustume du fief seruant, doit estre gardée en matiere de fiefs & seruitudes	203
Constantinople forcée par Mahomet le grād, l'an 1453. le 30 iour de May, prise 180. ans au parauāt par les anciens Gaulois	400	la Coustume ne porte loyer ny peine, la loy emporte tousiours loyer ou peine	162
Constantin le grand apres auoir tué 4. Empereurs, & changée l'Empire d'Occident en Orient, arracha la superstition payenne	405	la Cour de Parlement, pourquoy erigée	262.263
Constantinople rebatie par les Perinthiens	373	Coustume louable des Atheniens	645
Contemplation, souuerain bien des hommes	6	Coustume ancienne en la reduction des Arrests	308
Contemplations vertueuses, & actiōs politiques, but d'une Republique bien ordonnée	7	Coustume des Alemas pour les confiscations	562
Contemplations de l'homme bien nay	5	Coustume & Loy, comment ils different	162
Contrācts des seruiteurs cassez par la Cour de Parlement de Paris	34	Coustume des tyrans quelle est	155
Contrācts des Alemans faicts apres boire ne tiennent iamais	266	Coustume des Romains quand ils vouloient proposer quelque chose au Senat	265
la Conuention est mutuelle entre le Prince & les subiects	98	Coustume obseruée en la reception des Senateurs en plusieurs Republiques	256
Corruption de Republique, qu'est-ce	195	Coustume d'Angleterre pour les ordonnāces	107
Corruptions & presens passent souuent les espices	447	Coustumes generales abolies par edicts	104
Coronation Imperiale, & des ceremonies y obseruees	146	la Crainte souuent faict departir les alliances, & suivre le parti du vainqueur	613
Corrections des tyrans qui ainsi nommez	84	la Crainte des ennemis tient les subiects en deuoir	588
Corps des Meridionaux plus frenetiques, & possede de l'ennemy	497	Crassus auoit 500. esclauues outre les ordinaires de sa maison, desquels ils tiroit le gain iournalier	40
vn Corps ne peut estre biē gouverné par plusieurs leues	733	Crassus appellé Monstre à trois costez	199
Corneilles viuent plus de quatre cens ans	499	en la Creation des offices & Magistrats, il y a trois poincts à remarquer	299
Cordelier reuele confession au Roy	466	les Creanciers auoient pouuoir sur la vie de leur debteur, mais le creancier seul non, & moins la liberté	34
Cosme de Medicis se fait eslire duc de Florence	220	le Creancier estrange ne peut prēdre l'immeuble de son debteur par faute de payement	69
Cosme Duc de Florence tué cent fois sans estre bien maillé	468	Creue-cœur aux gēs de biē quād gēs indignes sōt pourueus des estats, & les dignes deboutez	390
Cosme successeur d'Alexandre de Medicis en danger de sa personne	380	il n'y a Crime si grand commis par le pere, lequel se doie punir avec Parricide	27
les Culpables fuitifs se renuoyent d'un Prince à l'autre, si n'y va de l'estat, pourquoy	346	le Crime commis en la personne du Magistrat, croist la peine, pourquoy	328.330
la Cour de Parlement doit estre premise au grād Conseil par ordonnance	342	des Crimes peu ou point congneues, on ne doit faire mention	122
la Cour de Parlement de Paris ancien Senat de ce Royaume	260	Cruauté inhumaine de Caracalla Empereur Romain	624
il y a des Cours, en toute Republique, qui iugent		Cruauté du Roy de Moscouie publiees & imprimées, sont vray-semblables	491
		Crocotas, chef des voleurs d'Espagne se represente à l'Empereur	2
		acte de Cruauté de Pison Proconsul	332

DES MATIERES.

D

D Aces fais seruiteurs de leurs femmes	17
Dalmedin & Dalmedine demembrees du Royaulme de Fez, & reduictes soubz la puissance des Portuguez, pour vne fille rauie à son mary par le gouuerneur	379
Danois ont plusieurs guerres ciuiles lan 772.	405
Dauid fait mourir celuy qui luy apporte la teste de Saul, pourquoy	223
Dauid combien qu'il fust poursuiuy à mort par Saul, il ne veut toutesfois attenter à sa vie ny à son honneur, pourquoy	223
quel doit estre le Deuoir du Magistrat enuers son souuerain	304
Debreurs prisonniers, demembrez & distribuez aux creanciers par la loy des douze tables	34
le Debreur ne peut estre retenu par ses creanciers.	34
louys Debonaire cōtrainct par le Clergé de quitter la couronne & se rendre moyne, & sa femme Nonnain	141
Declarations faictes aux erections des Parlemens & Vniuersitez par les Roys de France	113
la Declaration & correction des Ordonnâces appartient à la souueraineté	303
comme le Prince doit Declarer ses loix, aussi le Magistrat sa sentence	344
Decision de droit touchant les Princes	112
Declin de l'Empire Romain	25
Decretum comment se doit entendre	323
Defendre par voye de fait le tort fait à autrui, chose raisonnable à vn Prince	220
Deffences au parlement de mettre en deliberation les affaires d'estat	263
la Deffense expresse du Prince ne doit depuis estre recherchée par le Magistrat	313
Defense en Alemaigne. apres la iournee Imperialle, l'an 1533. que perlonne n'eust à disputer de la Religion	477
alliance Defensue & offensue la plus estroicte	77
Defense en Angleterre; aux gens d'Elise de n'acheter biens immeubles	518
Defence de n'auoir plus de cēt bestes à corne, cinq cens bestes blanches	520
si le Magistrat peut Defendre au subiect d'approcher de la Court, au ressort de son territoire	335
Defente de ne bastir en Corinthe	514
Definition & de sa nature & proprieté	56
Defense à tous de n'auoir plus de cinq cens iournaux de terre du domaine ou publiques	520
Definition que c'est	1
Defense des Seigneurs en l'Estat Aristocratique.	390
les Definitions de toutes choses ne se doiuent prendre des accidens	184
Definition de Republique & cité par Aristote	53
Defy du Roy contre l'Empereur	619
Definition du Magistrat selon Accurse & Alexandre	290 291
absurdes Definitions du Roy	206
Defy du Roy d'Angleterre	619
Degrez d'honneur entre les Princes alliez des Ro-	

ains	151
Degrez en diuers nombres	486.487
plusieurs Degrez de felicité	7
trois Degrez de Magistrats	332
és Deliberations, les Romains traictioient deuant toutes choses de la Religion	266
Deluge aduenu seize cens cinquâte & six ans apres la creation du monde	406
Dementir, entre ceux qui font profession d'honneur emporte vne infamie	472
Demetrius lassiegeur n'estimoit rien plus malheureux, que celuy qui n'a iamais senty aduersité	389.
Demetrius vituperé pour auoir receu grand nombre de requestes, les mit au reply de son manteau.	452
Demetrius estably Roy, comment à scauoir si celuy qui a Demeuré toute sa vie en pais estranger, doit iouyr des droits de bourgeoisie en son pais.	66
Democratie, ou estat populaire, qu'est-ce	1185
Deniers ordinaires, extraordinaires, casuels	672
Denis Roy de Sicile à la venue de Platon s'amourra des Muses, laissant toutes scurrilité, & changea toute sa Court	486
Denis le ieune du mesme pais eut pour les mesmes causes le mesme salaire	378
Denis de Syracuse tence aygrement son fils, pour auoir enleué la fille de l'un de ses subiects	83
Denis de Syracuse esleu capitaine se fait maistre & change l'estat populaire en Monarchie, ayant tousiours quarante mil hommes prests à marcher, & grosse garnison	1380
le fils de Denis de Syracuse fut tost chassé de son regne apres son Pere, pour sa paillardise	1381
Denombrement du peuple de Dieu	642
Denonciations de guerre faictes par le peuple	165
les Debreurs doiuent seruir leur creancier, pour s'aquitter enuers luy	48
le Dernier ressort comment il se doit entendre	170
Desbordemens d'eues qui se firent en plusieurs lieux	405
Desespoir de retirer la Sauoye & le Piedmōt d'entre les mains des Francois	493
Desloyauté & trahison des tyrans	214
Desobeissance de l'enfant digne de mort, par la Loy de Dieu	12
Deuise de Iulien l'Empereur	384
Dictateur, d'où il tient sa signification	183
Dictateur tenant les forces outre le temps expiré, estoit accusé de leze maiesté	383
les Dictateurs n'estoient souuerains	90
Dictateur ne demouroit en office que six mois pour le plus	382.383
Dictateur ne duroit quelque fois qu'un iour	383
la grandeur de Dieu se mōstre plus illustre, faisant grandes choses par les creatures	398
Dieu a fait voir aux Prophetes plusieurs choses des Empires, Monarchies & Royaumes que la posterité a très bien aueré	397
Dieu creant l'homme & tous les animaux en aage parfait, leur dona aussi les fruits de la terre	399

TABLE

Dieu procede lentemēt & petit à petit en ses mer- ueilles	425	Domaine dissipé par les Princes esleus	741
il n'y a rien plus grand en terre apres Dieu que le Prince souuerain	154	le Domage qui vient pour alier le domaine	659
Dieu se venge de ses ennemis par ses ennemis	480	le Domaine public, & le patrimoine du Prince differens	658
vn Dieu eternel & infiny	5	le Domaine est le premier & le plus seur moyen de faire fonds	656
deux Dieux posez par les Manicheans	199	le Domaine public de sa nature inalienable	657
Dieu appelle Nabuchodonosor son seruiteur, & luy promet de le faire grand	223	les Douaires des femmes se deuroiēt regler, pour- quoy	554
Dieu mesme & le Prince sont tenus de leurs pro- messes	112	le Don que le pere fait à son fils tient lieu de legi- time à l'endroit du fils encores apres sa mort deuant le pere	26
à Dieu autheur de nature faut tout rapporter, & non l'asseruir à ses creatures	406	les Dons & loyers des Princes comment ils se doient faire	572
en la Diette d'Auspurg les traitez des familles re- nouuellez, pourquoy	13	Douceur du Roy Henry ij.	217.218
es Diettes il n'y a que le Conseil priué des Amba- sadeurs qui arreste & decerne	261	Dragut Roys, & Adrian Barberouffe, fais admi- raux par Sultan Soliman	23
les Differens entre les proches parens n'auoient point de lieu le pere viuant	25	les Droits de la Mer n'appartiennent qu'au Prin- ce souuerain	180
le Differēt entre les Magistrats souuerains est dō- mageable aux subiects	344	Droit particulier pour la maison de Saxe	13
Different entre Eschines & Demosthene	278	les Droits royaux sont inalienables & sans prescrip- tion	157
la Differencē d'entre vne Republique & vne fa- mille	11.12	le Droit des Preteurs, droit honorable dict No- ble-deuoir, pourquoy	303
Differences de seruitudes	119	Droict & Aubeine cōment pratiqué en Frâce	70
Differēce entre le Prince, le Magistrat, & le par- ticulier	300	les Droicts souuerains n'endurēt prescription	179
Differēce entre Decret & autorité du Senat	271	les Droicts Royaux propres à la maiesté sont re- seruez, quelque don que face le Prince souue- rain	183
Difference de Colleges, tant pour leur charge que pour l'erection	352	Droict de protection plus honorable & magnifi- que que les autres, pourquoy	73
Difference du Citoyen à l'Estranger	70	liure des Droicts de la Majesté fait par Samuel, supprimé par les Roys	155
Difference de forger la monnoye au marteau, ou au moulin	712	Droit de bourgeoisie adiugé à vn Espagnol, pour- quoy	67
Differens vltidez par cōbats & par coups d'espees	448	Droict de gentilhomme Venitiē vendu à 300. Ci- tadins par les Venitiens	67
Different du droit d'aisneesse entre deux iumeaux enfants de Iaques Roy de Escosse	750	Droict Seigneurie n'a esté en vſage entre les Ro- mains, & d'oū elle est venue	202
Differēce essentielle du bourgeois à l'estranger	67	Droict d'adoption anobly, par les Romains, & consequemment des autres nations	31
les Dignitez du temps des Empereurs comment ordonnées	209	Droicts de Regales amplifiez	156
Diligence d'Auguste	688	Droict de protection, est tresancien	75
Diminution de la moitié des charges à la venue de Charles viij.	692	Droict d'election passe à la lōgue en force de suc- cession	210.211
Diminution de l'escu tant de poix que de Carat du temps de Charles viij.	704	Droicts des officiers de la Chābre des Cōtes	693
Dire de Demetrius au Roy Alexandre le grand	2	Droicts de Fisc communs au Prince souuerain, & aux Seigneurs iusticiers	181
la Discipline militaire se doit entretenir, pour- quoy	537	Droict de Bourgeoisie acquis, pour demeurer cer- tain temps en vne ville	65
pour reſtablir la Discipline militaire, & empescher les voleries, il faut payer la gendarmerie	685	Druydes iuges des anciens Gaulois	83
la Dispēſation d'obeir aux loix n'est chose nou- uelle	95	Duarchie ou Triarchie, qu'est-ce	198
l'injuste Distribution des loyers cause de la ruine du Royaume	577	Duc de Sauoye barriere entre l'Italie & la France	493
Distinction notable	220	Ducs de Venise mis à mort, pourquoy	192
Distinction des Citoyens	272	occasion de la mort du Duc d'Orleans	88
Diuision des Magistrats	297	le Duc de Venise ne peut rien decider sans com- pagnie	192
Diuision des offices & charges publiques par Es- chines	300	le Duché de Lorraine deuolu aux Comtes de Vau- demont	136
Diuision du peuple en trois estats, quels	397	le Duc seulement au Senat de Genes a puissance de proposer	265
Diuision des afrāchis principale cause de la ruine de l'estat	52	le Duc	

DES MATIERES.

le Duc de Lorraine absouls de foy & hommage, par le Roy Francoys 1.	172
le Duc de Lorraine Prince de l'Empire	135
Ducs de Bretagne, anciens vassaux des Roys de France	122
les Ducs de Saxe & Compte Palatin Vicaires de l'Empire	137
le Duc de Floréce receut cinquante mil escus pour cinquante bourgeois qu'il fit	67
le Duché de Ferrare tenu du Pape	133
le Duc de Sauoye Vicaire perpetuel du saint Em- pire	136

E

L' Eau qui est en abondance est difficile à cor- rompre	435
concurrence d'Eclipses le iour precedant la prise de Perseus Roy de Macedoine, & à la iournee d'Arbella en Caldee	409
Edict qu'est ce, & qui est obligé à le garder	158
Edict des Atheniens, qui depuis fut receu à Ro- me, publié à la requeste du Dictateur Publius Philo	420
Edicts des Papes, touchant l'Estat de Hongrie	143
le mot d'Edict, mal pris & entédu de plusieurs	161
Edict general pour les esclaves, par Charles le quint, non obserué, pourquoy	46
tous Edicts comment ils sont reuocables	107.108
clauses inferées és Edicts, pour monstrier la Maje- sté	167
les Edicts doiuent estre faicts du consentement de tous les Senateurs	107
Edicts des Roys irreuocables	107
Edouard iij. Roy d'Angleterre, vicaire perpetuel de l'Empire	138
Edouard iij. & Frideric iij. Empereur chassé de Hongrie par Mathieu Corbin Roy esleu	405
Effects des corps celestes veritables en toute la nature	398
Egyptiens les plus ingenieux hommes du mon- de	492
Election des Papes reseruee aux successeurs de la couronne de France	140
en l'Erection du Senat de Milan par Charles le v. il se reserua la grace	174
és Elections des chefs de Colleges, il est besoing que les deux tiers descollegues soiét presens	356
les Electeurs aduoient tenir leurs Estats de l'Em- pire, & non de l'Empereur	236
diuerfes Elections des Papes	145
Election des Roys de Frâce pretendue par les Ar- cheuesques de Reims	747
Election des Roys faictes par les peres pour leurs enfans	210
Election de Roys & Princes pour Capitaines en chef & proteauteurs	85.86
l'Election des offices depend des officiers, & l'ele- ction du Roy	169
Elections de Roys pour diuerfes raisons	206
forme d'Eslire le Roy de Barbarie	93
Elephant le plus saige des bestes	499
Elephants viuent trois & quatre cens ans	499
Eloquence est le moyen de reduire vn peuple de	

Barbarie à humanité	484
aucuns par Eloquence ont chassé les Roys, & em- pieté leurs Royaumes	482
Emancipation, qu'est ce	26
Embassade enuoyé au Pape par les Florétins, pour auoir vn Prince de sang Royal	387
Empereurs de Constantinople diuiserét l'estat du grand Preuost du Palais, en deux ou trois pre- uostez	453
l'Empereur non comprins aux traictez de l'Empi- re	88
Empereurs aujourd'huy n'ont quasi que le tiltre, & le nom d'Empereur demeurât la souueraine- té aux estats del'Empire	395
Empereurs Romains denoncent par loy, infame celuy qui auroit plus d'une femme	499
l'Empereur est iuge des Princes & villes Imperia- les, en qualité de Lieutenant de l'Empire	238
l'Empereur Charles v. n'auoit rien ou il fust abso- lument souuerain	131
l'Empereur ne peut ceder la dignité Imperiale qu'au Pape	147
Empereurs Romains ont emporté le prix de iusti- ce par dessus tous les Princes de la terre	448
l'Empereur Charles le v. s'est fait Monarque Sei- gneurial du Peru	203
l'Empereur est chef de l'Empire, nō souuerain	237
l'Empereur Charles le v. donna la foy à Martin Luther	621
l'Empereur Tite appellé les delices du genre hu- main, pourquoy	571
l'Empereur auât qu'estre sacré, iure entre les mains de l'Archeuesque de Coulongne	99
Empereurs Romains quels ils estoient à Rome	221
tiltre d'Empereur, à qui il appartient	145
l'Empire Romain change la Monarchie en Bi- narchie	198
l'Empire d'Alemaigne n'est qu'une principauté Aristocratique	221
Empire reduict sous la puissance d'un seul Mo- narque, il y a D. CC. xxix. ans	415
Empire n'est deu qu'à une Republique	400
Milan simple vicariat, & chambre ordinaire de l'Empire	132
l'Empire de France diuisé en trois Royaumes	141
l'Empire, excepté des traictez & alliances, s'il n'en est fait mention expresse	86
moyen d'Employer les finances	684
la majesté souueraine de l'Empire gist en l'assem- blee des Estats	132
l'Empire d'Alemaigne est une Aristocratie	235
Empoisonnements suruenus auant que la coustu- me de repudier sa femme fust pratiquée	19
toutes choses Encheries dix fois plus qu'il y a cēt ans, pourquoy	674
Ennemy comment se doit entendre touchant les alliances	79
autant d'Ennemis que d'esclaves	47
l'Enfant tient tout ce qu'il a en ce monde (apres Dieu) de son pere	21
l'Enfant de famille encores qu'il soit marié, n'a point de puissance sur sa femme ny sur ses enfans	15

T A B L E

les Enfans de famille des Princes n'ont point de voix deliberatiue, s'ils ne sont qualifiez Princes de l'Empire	236	les Esclaues ne doiuent estre enroollez ny receus pour gens de guerre	41
si les Enfans des condamnez doiuent estre priuez des biens de leur pere	517. 518	Esclaues dictz & faictz pour plusieurs regards	33
des Enfans naturels & legitimes, & de leurs prerogatiues	30	Esclaue Ba barin fait Preteur de Rome, compose pour sa liberte estat viudique de son seigneur	72
les Enfans adoptez ne perdent pourtant la succession de leur pere	32	Esclaues comment traictez en Barbarie, & en l'Orient	38
Enfans conceus par inceste abominables	28	introducção des Esclaues en vne Republique pernicieuse	47
plusieurs se damnent pour Enrichir leurs enfans	558	pourquoy il y a rât d'Esclaues au mode, veu qu'ils sont deffendus par loix & coustumes	45
Enfans exempts de la puissance du pere, en ce qui touche le public	29	l'Esclaue deuient maistre intupportable, pourquoy	48
Enfans couronnez Roys du viuant de leur pere, pourquoy	210	400 Esclaues innocens tuez pour leur maistre qui auoit esté tué	39
les Enfans ne se peuuent exempter de l'obeissance des peres & des meres, quelque veu qu'ils fassent, pourquoy	354	l'Esclaue n'est point citoyen	50
Epaminondas & Pilopidas condamnez à mort, pour auoir retenu la force quatre mois apres le temps	383	les Esclaues prennent les armes	42
Ephesiens, Milesiens, & Syracusains presque de l'humeur des Florentins	485	l'Esclaue eschappé, est contrainct d'estre voleur ou corsaire	48
les Ephore condamnoient les Roys à l'amende, & bien souuent à perdre la vie	208	Enseigner mestier à l'esclaue deuant que l'affranchir	48
l'Equalité & amitié sont incompatibles	722	l'Esclaunomie en vsage par toutes les Republiques & de tout temps depuis le deluge qu'elle commença	36
Equalité mere nourrice de paix	512	Esclaunomie n'a point de lieu en France	45
de l'Equité, & de sa nature, & propriété	330	resolution des electeurs de n'Eslire iamais Prince estranger	600
proportion de l'Equité, au deuoir du Magistrat	324	le billon banny d'Espagne & d'Angleterre	710
Erection de Magistrats pour croistre & diminuer les peines	320	Espagnols morts de froid sur les hautes montaignes du Peru	491
Erection de la Chambre des Comtes	692	sept mil Espagnols qui passerent en Alemaigne sous Charles le v. Empereur	489
l'Erection des Lieutenans en tiltre d'office ne diminue en rien la puissance des Seneſchaux & Baillifs	341	l'Espagne, l'Italie, l'Angleterre, tout le bas pays, le Pape, les Venitiens & tous les Potentats d'Italie contre la maison de France	395
l'Europe affrâchie d'esclaues de l'an M. CCL.	47	Espagnols n'ont faict traicté avec les François depuis cent ans, où ils n'ayent eu l'auantage	493
Erreur d'Alciat & de Bartolle	18	Espagne des Romains	690
l'Erreur commun tenu pour loy, si la loy de nature n'y resiste	306	Espagne du grand Seigneur	690
Erreur de supputation d'Alphons, supposant 7158. ans, de la creation, cōfirmee du Cardinal d'Arliac, reprouuée de tous les Hebreux	402	il est impossible d'Etablir vne Aristocratie des plus gens de bien seulement, pourquoy	230
Erreurs entre ceux qui font des Ephemerides	398	en quel Estat estoit la France quand le Roy François mourut	217
Erreurs des Iurisconsultes	56	Estats de France tenu à Orleans	427
l'ignoiance ny l'excuse d'Erreur ne sont receuables en celuy qui a accepté vne charge publique, & moins s'il l'a demandee en pratique	286	Estat des finances de France au temps de Charles vi & ix.	675
Esaye predict que neuf Roys regneroient encor en Iudee, & le x. seroit emmené captif en avec le peuple	414	l'Estat populaire Romain ne fleurit oncques plus en armes & en loix que du temps de Papyrius Cursor	374
pruilege d'Eschiquier, qu'est ce	172	Estat de Monarchie d'Athenes gouvernee par sept Iuges	415
l'Eſcriture, le ſeel, ni la verifiatiō ne ſōt la ſoy	276	l'Estat de la Republique cōseruē quelque fois par traictés domestiques & particuliers	13
les diuins, ny les Escheuins des communautez de ville n'ont point de iurisdiction	291	l'Estat Royal, Aristocratique, ou populaire estaint, s'enſuit vne pure anarchie	372
l'Esclaue marié n'a point de puissance sur sa femme, ny sur les enfans	15	l'Estat populaire cōseruē par vn petit nombre de ſages	719
Esclaues marquez, pourquoy	40	l'Estat Romain iamais plus cōseruē qu'en l'estat populaire	374
Esclaue fuitifs rendus à leurs seigneurs	41	l'Estat ſeigneurial confondu avec le tyrānie, il n'y aura point de difference entre le Prince & le brigand	204
Esclaues tuez affranchis	41		
Esclaues circoncis & cathechisez par les Iuifs	46		
Esclaues affranchis par les Chrestiens	42		

DES MATIERES.

Estat estaint avec tout le peuple est le dernier point de Republique	372	és Estats populaires & Aristocratiques les commissions sont limitees, és Monarchies non, pourquoy	277
l'Estat de peu de Seigneurs est l'estat de peu de tyrans	724	l'Estat de la souveraineté de l'Empire depend des Estats, ne demourant à l'Empereur que la marque en apparence	235
l'Estat des finances	691	en l'assemblée des Estats à Rome, il y auoit des ponts estroits, où il conuenoit passer pour donner sa voix en iettant sa tablette	429
Estat abregé en France l'an 1563. des biens que tenoit l'Eglise, où il se trouua 12. milliós ccc. mil liures de rente, sans les aumosnes	519	Estats de Languedoc tenus à Montpellier, l'an 1556.	427
l'Estat des Pharsaliens, quel	231	les Estats ne se peuuent assembler ny departir, sans le commandement expres du Roy	102
Etablissement de la premiere Monarchie	200	les Estats, en corps, n'ont ny puissance ny iurisdiction	103
l'Estat d'Alemagne est pure Aristocratie	192	offre des Estats de Languedoc au Roy Héry ij.	694
Estat populaire Romain changé en estat Oligarchique	429	vraye distribution des Estats ou offices	578
l'Estat populaire blasmé de tous les grands personages	715	la puissance d'Etablir iuges & officiers donnée par le souverain	167
Estat populaire débordé en toute licence	718	Etablissements de commissaires pour plusieurs fins	279.280
Estat des pensions des Suisses & Grisons	666	Estimation de la iustice quand le domaine se vend	659
Estat populaire de Florence changé en Monarchie	370	l'Estoille que les archers du guet portent, par qui inuentee	567
l'Estat des Princes & Citez d'Alemagne esbranlé pour l'esleuement des esclaves	42	l'Estoille de Cardan verticale, n'a eu aucune puissance sus les royaumes de Nouerger, Suede	401
l'Estat ordonné par Lycurgue changé	188	l'Estranger ne perd le droit de bourgeoisie pour se estre auoué d'un autre Prince, quand il a esté refusé	66
l'Estat des finances de Turquie	676	l'Estranger ne peut tester	68
changemēt d'Estat fait par Lycurgue louable	713	Estrangers deboutez du droit de bourgeoisie par le Roy Loys, pourquoy	67
l'Estat des Romains partagé, comment & pourquoy	198	les Estrangers souuēt se font seigneurs absolus de ceux qui les ont appelez	599.600
l'Estat de la France est simple & pure Monarchie	192	Estrangers sans estats multipliés, & offices croissent en richesses, & les Seigneurs par guerre s'appauuissent	389
différence de l'Estat, & du gouuernement	199	Estrangers traictés plus gracieusement en France qu'en nul autre lieu	70
l'Estat populaire tend à communauté de toutes choses	720	l'Estranger peut estre chassé, pour quelles raisons chose dangereuse d'introduire les Estrangers en un Royaume	388
l'Estat d'une Republique, qu'est ce	184	de la puissance des Euesques, & des Pontifes anciens	292
l'Estat de Rome comme changé depuis qu'on donna la chasse aux Roys	190	les Euesques enuoyent leurs sentēces pour executer aux Magistrats, pourquoy	317
Estat des Aetoliens composé de trois villes, séparé neantmoins des Acheans	85	en Europe guerre ciuile, la mort violente de quatre Empereurs en un an, l'an 74. apres Iesus Christ	405
l'Estat de Lacedemonne, estoit simple & non composé	186	Exempts du droit d'Aubeine en France, qui ils sont	70
l'Estat de Venise est simple, & non composé	191	Exemple d'un Esclau qui se precipita apres auoir tué la femme & enfans de son maistre	47
distinction de quatre sortes d'Estats differens, qui peuuent estre en une Republique selon le gouuernement d'icelle	248	Exemption de l'election des Papes & Euesques deue aux Empereurs	144.145
les Estats de Chambellans & Mareschaux sont hereditaires	321	Execution d'un qui auoir tué son pere	22
expediant que les Estats & offices soient perpetuels	430	impossible d'exercer dignement plusieurs vacations	597
Estats populaires changez en Monarchies	429	l'Execution des lettrés du Prince est donnée aux Magistrats, & non la cōnoissance d'icelles	304
les Estats sont mieus gardez en Espagne, & en Angleterre qu'autre part	366	Excommunications des Roys de France	147
les grans Estats & menus estats du peuple	196		
trois Estats, ou trois Republiques, & non plus	184		
Estats de Languedoc	367		
les Estats des Cantons, se tiennent ordinairement tous les ans	81		
Estats Aristocratiques fondez	375		
des trois Estats, & de leurs noms & diuision	72.73		
les Estats ne sont plus grands que le Roy	100		
les Estats d'Arragon ne se peuuent assembler ny licencier estans assemblez sans l'expres mandement du Roy	95		
forme qu'on gatdoit aux Estats d'Arragon	94		
Estats plus beaux sont plus enuiez	369		

TABLE

F		
F able de Iupiter , qui chassa Saturne de son estat	503	soixante & dix Femmes executees pour meſme crime 19
Fabius, pourquoy dict Tresgrand	51	les Femmes nobles anoblissent leurs maris & enfans en Champaigne, pourquoy 20
Fabius maximus, & Marce Marcel reçoivent commission contre Hannibal	444	les Femmes ne peuvent adopter, pourquoy 31
Factions & seditions pernicieuses aux monarchies	465	avoir plusieurs Femmes permis en certaines nations 30
Faction d'Amboise diuulgee en Alemaigne, Angleterre, Italie, au parauant qu'il en fut ſceu quelque chose par ceux qui enduroient la trahison	467	la Femme doit reuerence & obeissance à son mary 19
la Falsification & variation des monnoyes, quel dommage elle porte	696	la Femme mariee est exemple de la puissance du pere, & doit l'obeissance au mary 15.16
les Familles pillez de la Republique	25	Femmes Romaines viennent appaiser Martius Coriclanus 392
Famille bien conduite, vraye image de la Republique	8	les Femmes executees par leurs parens 17
les grandes maisons ou Familles ont ſouuent des loix particulieres faictes par les chefs des familles pour la conseruation d'icelles	15	les Femmes Romaines ne se pouuoient prostituer sans premierement le declarer aux Aediles 244
Famille, qu'est-ce	11	le nombre des Femelles ordinairement en toute Republique excede celuy des masles, pourquoy 555
chacune Famille doit rapporter quelque chose en vne Republique	12	les Femmes toute leur vie en tutelle en la loy Opia 16
la Famille fondement de la Republique	49	les Femmes des Lacedemoniens, maistresses & Dames 20
Faim est appetit de chaleur & de seicheresse	491	Femmes en grand nombre au pays meridional, & masles au pays Septentrional 504
Famille, College, & Republique, comment ils different	347	Femme à la complexion plus froide que l'homme 509
Familles des Hebreux comment maintenues	349	Ferrumination que c'est, & dequoy elle peut seruir 711.712
Faire bastir est vtile pour la Republique	686	Festins & compagnies de dix à dix à boire & à manger commandez de Dieu, pourquoy 349
sixiesme moyen de Faire fonds aux finances	669	Feu de seditio allumé d'une estincelle, soufflé d'un vent impetueux & inextinguible 467
sept moyens de Faire fonds aux finances	655	Fez ville a sept cens temples, & le plus grand tient mil cinq cens pas de circuit 502
Faire iustice n'est marque de souveraineté	157	la Francee n'est suiette au fiancé 15
Façons diuerſes de proposer quelque chose au Senat	265	les Fiefs comment tenus en Turquie 118
Fastes des Romains	415	le droit des Fiefs & les ordonnances faictes pour ceste fin sont mal gardees en ce Royaume 554
erreur du mot Fatalia	344	les Fiefs anciennement n'estoient que benefices donnez à vie 263
edict pour les Fauſaires faict par le Roy François I.	325	les Filles deboutees de la succession des appennages de France 754
Fauorin loie grandement la siebure quarte	464	les Filles exclues y ayant masse en plusieurs grandes maisons par certains traictez 13
moyen d'obuier aux larcins & Faueurs de ceux qui font le departement des impoſts & ſubſides	645	les Filles ne doiuent succeder tant qu'il y a des freres, pourquoy 554
Faut tuer les grands Seigneurs, ou les faire mourir	392	la Fille allaiete le pere condamné à mourir de faim 24
Fautes notables en Festus Pompeius, & en Aule Gelle	291	le droit de Fisc, n'est point marque de souveraineté, pourquoy 181
Faux monnoyeurs, criminelz de leze majesté	177	les Filles succedent aux fiefs en Lorraine 203
Faiz ville n'a iamais esté en repos, iusques à ce que Ioseph Roy de Faiz de deux petites villes en feit vne grande ville	393	le Fils ne doit mesdire du pere, pour quelque occasion que ce soit 225
la Felicité des hommes meſlee d'action & de contemplation	4	ce mot Fils simplement appoſé ne doit ſignifier enfant adopté 33
Felicité de qui engendree	330	la fin de l'estat populaire est de bannir la vertu 716
le comble de la Felicité des Republicques, d'où il doit proceder	574	estat des Finances de France ſoubs Charles v. vij. Louys xij. Charles viij 692
Felicité, a plusieurs degrez	7	les Finances sont les nerfs de la Republique 655
Felicité de l'homme & de la Republique en quoy elle consiste	4	l'estat des Finances du Royrume d'Angleterre 660
la Felicité n'est accomplie qui cherche quelque chose de meilleur	6	estat des finances d'Egypte ſoubs le dernier Roy Ptolomee 676
Felicité double, & ſimple	4	
Felicité de l'Ame inferieure, en quoy elle giſt	4	
la Felicité de l'homme giſt en l'action de l'intellect, Aristote	6	

DES MATIERES.

retenir les Fuitifs quand il appert qu'ils sont coupables, est faire iniure à l'estat d'autrui	347	Forme de lettre de iustice incogneue aux anciens Grecs & Latins	302
Florentins changent & rechantent l'estat, trouuans nouueaux noms aux officiers & Mag.	387	Forme que les cours de Parlement tiennent pour écrire au Roy	193
Florentins, apres la mort d'Alexandre de Medicis, nouueau tyrā de Florence, eussent restably l'estat populaire, si Cosme n'eust eu la force en main	386	Forme de sermens	629
les plus grands du peuple Florentin, ayans chassé les nobles & ignobles, & pris en main le gouuernail, entrerent incontinent en partialitez & guerres ciuiles	387	Forteresses, causes de reuolte, dommageables aux Republiques	581. 582
Florentins en moins de cent ans ont changé sept fois d'estat	386	les Forteresses ia basties se peuuent laisser, mais on doit desfedre d'en bastir à l'aduenir, pourquoy	590
Florence munie de trois forteresses, & de bonnes garnisons, maintenue en ceste sorte 40. ans	387	la Foy & homāge, ressort & souueraineté se referuent aux erections des seigneuries, & aux appénages	171
les moyens peuples de Florence ostent la puissance aux plus grands dudit peuple	387	la Foy, fondement & appuy de iustice doit estre inuiolable	616
Florentins ayans nouuelles de la prinse de Rome & du Pape Clement, qui auoit changé l'estat de Florence en Oligarchie, s'esleuerent incontinent	384	Foy & homāge premieremēt deue au Prince souuerain, puis au seigneur, patron, ou maistres	73
Florentins passionnez, apres que le Duc d'Athenes (qui depuis mourut Connestable à la iournee de Poitiers) en fut chassé	385	la Foy ne doit estre gardee à ceux qui ont manqué de foy	620. 621
la populace de Florence se voyant maistre, n'ayant plus d'ennemis, s'attacha à soy mesmes, & se fist si cruelle guerre, q le sang couloit par les rues	387	la France comment decheute de ses biens & honneurs depuis la mort du Roy François 1.	574
Florentins, deuant que le Duc d'Athenes eust demeuré avec eux vn an, se saoult de luy, & luy dressent trois coniurations, & l'assiēgerēt si viuement, qu'il fut contraint de s'enfuir	387	France toute en armes	410
Florētins, apres estre affranchis par Loys 12. de la tyrannie du Comte Valentin, voulurent que doreseuuant le Duc seroit perpetuel	440	en France il n'appartient aux officiers proceder en autre qualité qu'officiers de Roy, pourquoy	283
Florentins retombez en guerre ciuile, enuoyent querir le Duc d'Athenes, auquel ils donnerent la souueraineté	387	François Roy premier, fait constituer le Chancelier Poyer prisonnier	457
Florentins & Suisses ont chāgé de Monarchie en estat populaire depuis trois cēs soixāte ans	386	François, Lansquenets, sous la cōduite de Charles de Bourbō, apres auoir saccagé Rome, meurent dix mil en nombre	489
Florentins faisoient trois estats de roturies	387	François Soderin Euesque de Florence, reuestu de son habit pontifical, appaisa tous les troubles de Florence implacables	476
le Fondement peut estre sans forme de maison	49	Franc. 1. a demēti Charles le 5. par ses heraulx	472
Fondement principal de toute Republique	89	François 1. se fit tondre pour guarir vne playe qu'il auoit en la teste, soudain tous les courtisans se firent tondre	40
le plus assēuré Fondemēt de la iuste Royauté, sont les estats du peuple, corps & colleges	366	François 1. Roy de France, & Mausot, surnommé le grand Empereur d'Afrique, prisent les gens de sçauoir	449
la Force reputeē iuste où il n'y a point de superieur qui commande	204	François 1. ne donna sentence contre Charles de Bourbon Connest. encor qu'il fust present	459
ne faut vser de Force enuers vn peuple mutiné, encores qu'on le puisse faire	475	François Valori en Florēce, se fait amy du peuple, & ennemy de Noblesse	390
Force grande diuisee de ruse par la sagesse de Dieu	490	la France change d'estat du viuāt du Roy Henry 2. pourquoy	217
Force & crainte sont deux mauuais maistres	181	François 1. disoit, que celui-là n'estoit pas homē de bien qui enduroit vn dementir	472
la Force du cōmandement gist en la cōtrainte	316	les François ne sont sous la puissance du pere	27
la Force des loix & des coustumes gist au pouuoir du Prince souuerain	163	Frayer & crainte, cruels bourreaux des hom.	225
si la Force iniuste du pere doit estre repoussée du fils par force	27	le Frere du roy de Fez, assiege le roy son frere, font la paix, & est estranglé par le commandement de son mesme frere	630
Formes diuerfes & differentes de Republiques Aristocratiques	231. 232. 233	les sugets des Frōtieres s'auoient tātost à l'vn, tantost à l'autre, & font pillez de mesme, & souuent s'exemptent de l'vn & de l'autre	62
Forme de faire les officiers	299	Fuite des Celtes & Alemans ialoux de leur liberté	504
Forme d'hommage fait par les Roys d'Angleterre aux Roys de France	124	Fondation d'Albe, ruine d'icelle, & des Albanois par Tullus Hostilius	416
		Fuluius fait mourir son fils de sa pleine puissance	25
		Furieux en plus grand nombre au pays Meridional, qu'au pays de Septentrion	496

TABLE

G		le Gouuernement de la famille, vraye modelle du gouuernement de la Republique	8
G Alba pour adopter Ethon, se trouua bien tost assassiné & meurtry avec celui qu'il auoir adopté pour successeur	423	Gouuernem. de Repu. par forme geometrique	771
l'origine de la Gabelle de sel	673	le Gouuernement du monarque royal, contraire au tyrannic	215
le mot de Gabelle venu de lauelle	678	le Gouern. equitable dōne le nom à la monarch. & non la maniere de l'acquisition d'icelle	206
Galeas Vicomte de Milan, condamné de leze ma- jesté, meurt prisonnier	156	droit Gouuernement, pourquoy ainsi dit	14
les Gantois punis de leur rebellion par l'Empe- reur Charles v.	362	la forme de Gouuerner prise pour l'estat d'une Republique, cause des absurditez	248
Garde bourgeoise & Garde noble opposez	53	les Gouuerneurs des pays cōquestez par Alexan- dre, apres sa mort sont faits souverains	209
Garder les captifs pour en tirer seruice comme de bestes, n'est charitable	37	les Gouuerneurs des Prouinc. ont puissance de cō- mander, mais ils n'ont point de iurisdiction	297
Il faut Garder la foy aux ennemis de la foy	621	les Gouuerneurs des prouinces, anciēnemēt don- noient les graces	174
moyen de Garētir les Rep. des guerres ciuiles	587	Grace obtenue par la fille, pour la vie du pere	24
les ancestres Gaulois auoient toute puissance de la vie & de la mort sur leurs femmes & enfans	17	les Graces des cas irremissibles se dōnent le Ven- dredy saint	176
Gaulois ont l'esprit fort gentil	509	le Grand conseil cōment estably, & pourquoy	263
Gaulois plus qu'hommes au commencement de la bataille, & moins que femmes en la fin	492	la Grandeur d'un Prince est la ruine & diminu- tion de ses voisins	610
Gauric n'a fait ny mise ny recepte des changemēs de Constantinople, ne s'accordant avec les hi- stoires, ny avec Cardan	401	Grandes Repub. ne perdent pas si tost l'estat que les petites	394
Geas Patagones, simples & lourdaux es Indes	490	de la grandeur des Papes par dessus les Emp.	146
il faut payer la Gendarmerie, pour empescher les voleries, & reestabli la discipline militaire	685	la Grandeur & majesté d'un vray Prince en quoy est declaree	100
l'estat de Gennes	231	de la Grādeur & souveraineté du Pretre-Jean	149
Gennes menassee du ban Imperial	134	Grās esprits sugets aux vices & vertus grādes	500
les Genneuois se mettēt en la protection du Roy Loys 12. & depuis se reuolent, & ce qui en ad- uint	603	Grands seigneurs deuenus petits compaignons, pour donner liberte aux esclaves	41
l'estat de Gennes, & changement d'iceluy	727	le Grād cōseil de Venize, quelle est sa puis- sance	191
ceux de Geneue, derniers entrez en ligue sous la protection des Bernois	81	Grand maistre de Malte rend foy & hommage au Roy d'Espagne pour l'isle de Malte, que Char- les 5. leur bailla à ceste condition	396
Geneue a quatre Syndics	445	le Grand maistre de l'ordre S. Iean, feudataire du Roy d'Espagne & du Pape	143
Geneue exemptee de la protection des Bernois, comment	606	la Grauité est bien seante à un Magistrat	331
l'estat de Geneue	232	Gregoire, le premier qui s'appella l'esclau des es- claves de Dieu	140
les Gens de guerre doiuent estre entretenus en tout temps, pourquoy	589	les Grecs auoient des Censeurs	640
les Gens d'honneur & de vertu sont frustrez des iustes loyers qu'ils meritent, pourquoy	571	la Grece n'estoit qu'une Republique, eu egard aux estats Amphictyoniques	83
Gens de mestier inhabiles à la guerre	601	l'office du Greffier du conseil priuē, quel il estoit quand il fut estably	689
Gens de Septentrion propose de Dieu aux siens pour menasse	491	les Grisons s'assemblent de deux en deux ans	716
un Gentilhomme executé à mort pour auoir pen- sé de tuer le Roy	222.465	les Grisons ne tiennent rien de l'Empire	87
tous les Gentilshōmes de Venize ne sont receus à entrer au grand conseil	191	le peuple des Grisons ne se rient aucunement su- get aux officiers	247
cent Gentilshōmes ordonnez par Romule Roy des Romains, pour la protection du peuple	74	les Gros tournois que fist forger saint Loys, de quel poids & aloy ils estoient	696
Gilolo auoit six cens enfans	498	la Guerre à l'ennemy, est un moyen pour entrete- nir les sugets en amitié	586
Goths, Ostrogoths, François, Gepides, Herules, Hongres, occupent le Gouuernement de l'Em- pire Romain, & saccagerent l'Italie & la ville ca- pitale, l'an 430.	405	Guerre ciuile entre les gētilshōmes Florentins, pour le refus que fit un gētilhomme de la mai- son de Boudelmonti, d'espouser une damoiselle, ayant donné la promesse	391
Gouuernement de peu de familles avec puissance souveraine, est aussi bien Republique, que de grande seigneurie	9	Guerre cruelle entre les Escossois & Pictes, pour quelques chiens que les Escossois auoient ostē aux Pictes	391
difference du Gouuernement & de l'estat	199	la maniere de faire la Guerre des Venitiens	591
le Gouuernement d'une Repub. à qui il doit estre baillé	723	Guerre denoncee à Pajazet, Roy des Turcs, par Tamerlan	

DES MATIERES.

Tamerlan Prince des Tartares, pourquoy, & de l'euement d'icelle	220.221	Henry Roy de Suede, pour auoir tué vn gentilhomme faisant sa requeste, fut constitué prisonnier, & son ieune frere fait Roy en son lieu	379
Guerre entre le Duc de Bourgongne & Suisses, pour vn chariot de peaux de moutons qu'on print à vn Suisse	391	Henry Roy d'Angleterre fut pris & decapité par son suget	405
en Guerre on ne doit seferuir d'esclaves	41	Henry 2. Roy de France, fait chef, grand capitaine & protecteur de la liberté de l'Empire	88
les desseins de Guerre ou de paix, par qui ils se doiuent faire	164	Henry Roy de Suede despoillé de son estat, & constitué prisonnier par les siens, l'an 1567. le 27. Septembre	408.410
il n'y a Guerre plus iuste, que celle qui est necessaire	360	Henry 2. Empereur, & Casimir 1. Roy de Poulongne, & Lancelot Roy de Boheme, viuét en perpetuelle continence	498
la Guerre, quels fruiçts elle apporte avec elle	582	Honor, qu'il signifie	297
ordinairement ceux qui sont acharnez en Guerre suscitent vn tiers qui soit neutre, pourquoy	613	Heracleans, Cumans, Megarenfes, changees de populaires en Aristocraties	385
Guerre sociale des Italiens contre la ville de Rome, pourquoy, & combien elle dura	58	le grand Hercules prenoit la protection des peuples affligez contre la violence & cruauté des tyrans	631
Guerres ciuiles font tousiours voile aux meschâs	392	les Heritag. peuuent estre cômûs pour la pluspart, & la moindre partie particuliere, en vne Reb. 11	
Guerres ciuiles & homicides, pour auoir preferé le puisné à l'aîné	750	il doit auoir certains Heritages affectez aux gens de guerre en vne Republique, lesquels ne soient hereditaires	600
Guerres & inconueniens du partage des Royaumes	753	Hermitte Roy de Thunes, pris par Pierre de Nauarre & Tripoli, enuoyé en Sicile, & depuis renouyé en son hermitage par Charles le quint	373
Guerres seruilles frequentes	40	Herode l'aîné, fils d'Antipater, simple capitaine, Roy de Iudee à la faueur de Cesar, est continué par M. Antoine & Auguste, emploia tous ses thresors, iusques à sa vaisselle, pour subuenir au peuple en extrefme necessité	378
Guillaume le Conquerant conqueste le royaume d'Angleterre par armes	203	en moins de 60. ans, tous les parens d'Herode perissent tous	378
la Gymnastique & musique doiuent estre maintenues es Republicques, pourquoy	650	Herode regna six ans iustement, & 31. an fort cruellement, faisant tuer 70. Senateurs de la maison de Dauid, hormis Semneas, tuât sa femme & trois de ses enfans, cômmandant tuer les plus grans & plus vertueux de tout le pays apres sa mort	376
la Gynecocratie n'a esté approuuee	759	Heretimus Roy de Parthe auoit 600 enfans	513
H		Heureux succes contraire à vertu	3
Habits de couleur, deffendus aux femmes	16	Hieremie predict que sept ans apres la captiuité Iudaique, la Republique seroit restablie	414
Habitans aux valles, effeminez	507	Heirô Roy de Sicile, estimé le plus sage Prince de son aage	419
Haine capitale entre mariez	18	S. Hierosime & Isocrate vescuient x ci. an	414
Harangue de l'Empereur Tibere, grauee en bronze, à Lyon	58	Hierosime Sauonarola, prescheur, tourna le peuple à prendre l'estat populaire	483
si les Haragueurs, orateurs & iuges sont Mag.	289	Hieron ne se voulut iamais departir de l'alliance des Romains en aduersité, ains cognoissant leur constance & prudence, leur enuoia vne statue d'or de la victoire	419
Haragueurs braues, ont esmeu le peup. à sed.	480	Hierusalem prise le 7. iour de Septembre	407
l'Harmonie default quâd on se depart de la quartre & de la quinte au nombre nuptial	411	Hippodamus legisslateur, veult que les pauures espousent les riches	513
Harmonie a grâd effect à châger vne Repub.	411	Holoster natif d'Estolcome en Suede, a le poil de vache & les yeux de hibouz	488
la prise du Haure de Grace par les Anglois, cause d'appaiser les troubles de la France	586	Hommage lige, comment se doit entendre	128
Hebdomagene ou 7. masse, guarit les escrou.	414	l'Hommage lige, à qui il doit estre preferé	129
Hebrieux appellent le 7. nombre, sacré	414	l'Hommage est personnel	124
Hebrieux disent que par sept fois le monde doit estre renouuelé, qui portent ensemble 49. mil ans cômplets, & que lors le monde elementaire & celeste prendra fin, demeurant la Majesté de Dieu avec les bons esprits eternellement	406	foy & Hommage lige, vn des plus grans droicts de souueraineté	176.177
Hebrieux font perir les Madianites, Amorriens, ceux de la Palestine & autres peuples, avec leur Republique	373		
les Hebrieux monstrent la proprieté des choses par leurs noms	9		
les Hebrieux ont appellé Contemplation mort precieuse	6		
Hebrieux tiennét que de sept en sept mil ans toutes les Repub. avec le monde elementaire, doiuent perir, & se reposer mil ans	406		
les sугects de Heliogabale se rebellent cōtre luy, & le font mourir, pourquoy	577		
le monstre Heliogabale tué, & traîné, comme Vitellius succeda le vertueux Alexand. Seuer	376		
Henry de France obligé à plusieurs sermens	396		

T A B L E

Hommage & seruice personnel, est inseparable du vassal	123	Humeurs des hommes de diuersité infinie	47
Homicide des Princes esleus	740.743.748	Hyparius Empereur, esleu pendant que l'Empereur Iustinian estoit caché	468
l'Homme au haut degré de santé, en plus grand danger de maladie grande	418	I	
l'Homme bien né a à contrecueur les meschans, & aime vertu	5	Iacob adopta Ephraïm & Manassé, & leur fit part de ses biens acquis	30
l'Homme composé d'un corps mortel & d'une ame immortelle	6	Iacob vescu 147.ans, qui sont 21. septenaires	414
l'Homme de bien & le bon citoyen, differens	4	Iacques Roy d'Escoffe fut tué par les Anglois en bataille, & la pluspart de la noblesse d'Escoffe, le huictiesme de Septembre	407
Homme lige, ne peut estre de plusieurs	128	Iaddus pontif de Hierusalem, vint en pôtificat enuers Alexandre le Grâd, & appaisa sa cholere	476
l'Hôme ne doit tenir sa femme cômme esclau	19	Ialousie du tout incogneuë en Allemagne	498
l'Homme sage, mesure de la iustice & de verité	4	le grâd capitaine des lanissaires a 400. esclaves	47
l'Homme sain ne passe sept iours pour mourir de faim	24	la Ialousie ineuitable entre les Princes egaux	741
l'Hôme sans aduersité, est comme celuy que fortune iuge estre lasche, & poltron, indigne qu'elle s'attache à luy	369.370	Iean de Leidan, de reuëdeur se fait prescheur	483
Hômes Afriquains & Meridionaux sont cômme ils ont tousiours esté petits, noirs, meigres, crepus, ayans les yeux & cheveux noirs, & peu de poil, foibles, sobres, melâcholyques, sugets aux frenaisies, escrouelles & ladreries : au reste fort ingenieux	404	Iean Leida enuahit Müstre, ville capitale de Veste-phalie, & se fist couronner Roy	483
legiôs d'Hômes de guerre necessaires en la Frâce, pourquoy	597	Iean de Leidan esleu Roy de Munstre par les Anabaptistes, chage l'estat, les loix, la religion, & regne trois ans	373
Hômes de pays gras ordinairement poltrons	507	Iean Pic prince de la Mirâd, a repris sans cause Iulius Maternus	400
les Hômes de main morte restituez en l'estat d'ingenuité, en doiuent obtenir lettres du Prince	44	Iéan Roy de Frâce, auoit le cuer si genereux, qu'il ne pouuoit voir celuy qui luy desplaisoit	377
les Hommes illustres souuentefois pour recompense reçoient la mort, pourquoy	564	Iean Roy de Frâce pris, & son armee mise en route par les Anglois, le 17. Septembre	407
Hômes immolez par Themistocles & Xerxes	37	Iean secôd, grand Duc de Moschouie, s'esuanouissoit du regard seulement des femmes	498
les Hommes meschans sont tresperilleux en vn Senat, pourquoy	254	l'an 1909. de Iesus Christ, au degré 9. du belier se fera la grande conionction	402
Honneur certain pour soy venger du roy Roderic qui auoit rauï sa femme, fist venir les Maures Mahometans en Espaigne, qui chasserent le Roy, & tindrent l'Espaigne sept cens ans	380	les Jeux doiuent estre deffendus, pourquoy	650
l'Honneur de Dieu doit estre preposé à toutes choses du monde	314.315	Ignominie, qu'est-ce	296
l'Honneur de la femme depend du mary	20	Images des Empereurs ou tyrans, pieges pour les maîtres qui faisoient souuēt mourir leurs escl.	34
Honneur des premiers hommes, en quoy	50	Imperator, qu'est-ce à dire	159
l'Honneur du Prince gist en l'obeissance des sugets	193	le tiltre Imperial n'emporte rien de souuerain	132
degrez d'Honneur entre les Princes souuerains	151	<i>plurium Imperium bellum inutile</i>	732
nouveaux Honneurs forgez par les grands Princes, pourquoy	568	<i>Imperium</i> , que signifie	336
les Honneurs ne donnent la souueraineté	238	<i>Impero, & Lubet</i> , mois qui n'appartiennent qu'aux Princes souuerains	317
la prerogatiue d'Honneur n'a rien de commun avec la puissance	341	Impieté cachee sous le voile de charité	27
le prix d'Honneur tombe en contumelie, quand il est ottroyé aux indignes	567	Impieté exercee sous le tiltre de charité ou pieté, entre plusieurs	37
autre Horoscope extrait aussi du Vatican pour la mesme ville	400	les Imposts & charges, comment se peuuent egalier selon le bien d'un chacun	644
l'Horoscope n'est seulement faux, ains aussi impossible par nature	399	les imposts ou charges sur le peuple ne doiuent estre mis que par le souuerain	179
premier establissement d'Hospitaux	42	Imp. sur le vin arriuât en Angleterre & en Flâd.	670
Hospitaux establis pour les furieux seulement	496	leuer Imp. sur le peuple, n'est en la puissâce de Prince du mode, sans le consentement des estats	102
Hotes, ou estrangers, qui ils sont	51	les Imposts viles, honorables & necessaires	678
choses Humaines ne vont pas fortuitement	413	Impunité des vices en l'estat populaire	717
Humeur melancholique mort precieuse	151	Incestes & adulteres, detestez par la loy de Dieu	11
Humeur melancholique vicieuse	497	Incommoditez de la Monarchie	729
		les Incôueniëns d'adiuger les cōfisc. au public	560
		Inconuenient de changer estat, pour la perte de la noblesse, ne peut aduenir en la Monarchie, si to ^u	
		les Princes du sang n'estoient tuez	390
		Inconueniens de la gynecocratie	761
		Inconu. de n'auoir des murailles en vne ville	584
		Incôueniëns qui procedent de l'achat des offic.	573
		l'Indignité	

DES MATIERES.

l'In dignité & meſpris des miniſtres fait meſpriſer la religion	653	celuy qui doit eſtre Iuge ou arbitre d'honneur ne ſe doit iamais faire partie	612
Inegalité mere de ſeditiõ, egalité mere de paix	426	Iuger ſelon la conſcience, choſe commune à tous Iuges	182
Infames ceux qui portent eſpees, & ne les oſent deſgaigner	481	vn Iuge ſeul fit changer d'aduis toute vne cõpaignie qui auoit arreſté de faire mourir vne femme innocente	435
Infamie & ignominie, comment ils different	296	les magiſtrats ſont Iuges des particuliers, les Princes des magiſtrats; & Dieu des Princes	109
l'Infinité doit eſtre reiettee de toute ſcience & doctrine	196	les colleges des Iuges & magiſtrats ſont les premiers en la Republique	352
l'Infractiõ, du traitté de Madric ſurquoy fõdee	618	les Iuges ne doiuent auoir egard aux lettres de luſtice, ſi elles ne ſont equitables	302
Inõction aux Eccleſiaſtiques vider leurs mains des heritages & biens immeubles delaiſſez à l'Egliſe	517	deffenſes aux Iuges ſubalternes d'uſer d'aucunes deffenſes enuers les iuges royaux	340
les plus belles graces que le Roy peut dõner, ſont de l'Iniure faiete à ſa majeſté	176	Iuges tirez au ſort	319
l'Iniure faiete aux magiſtrats, eux-eſtans maſquez, ne doit eſtre punie comme faiete au magiſtrar, pourquoy	329	les Iuiſ chãſſez de France par Philippe le Conquerant, pourquoy	46
les Iniures ne ſe doiuent reuancher de fait & de force contre les magiſtrats	327	Iule Ceſar dit, que les Gaulois auoient de couſtume de mettre les grands ſeigneurs en picques les vns contre les autres	443
en choſes Iniuſtes & deſhonneſtes le ſugeſt n'eſt tenu obeir à ſon ſeigneur	304	Iulian iuriſconſulte fait Preuoſt de Rome	161
Inſtituer ou deſtituer officiers, n'eſt marque de ſouueraineté	157	Iulian l'Empereur appelloit le peuple Gaulois barbare de ſon temps	412
Inſtitutiõ des corps & colleges, pourquoy faire	330	Iulian Emperer diſoit, qu'il auoit veu mettre les enfans ſus le Rhin pour faire la preuue des barſtards aux legitimes	491
l'Inſtitution de la ieuneſſe, eſt la principale charge de la Republique	649	Iupiter auoit trois foudres	457
Inſtruments musicaux propres, contre, les eſprits malins	497	Iupiter aux poiſſons en la grande conionction de l'an 1583. & 84.	409
Inſulaires ordinairement trompeurs	507	Iupiter ioint avec le Soleil & Mercurie, ne retourne au meſme point, ſinon en 953. ans, & 91. iour	402. 403
Intention & ſin de l'auteur	3	on fait Iurer les Magiſtrats, pourquoy	306
Interdictiõs des Papes pour l'aſſuage & diſſemēt du royaume de France, & ce qui en eſt auenu	147	la Iuriſdiction de ſa nature eſt indiuifible	342
l'Interēſt civil du ſugeſt ne peut eſtre quittré par le Prince ſouuerain	175	la Iuriſdiction du fief ne ſe vend avec le fief	343
prendre à Interēſt eſt la ruine des Princes & de leurs finances	681	Iuriſdiction donnee aux Abbez ou Eueſques ſur leurs religieux, pourquoy	354
Inuaſion de l'eſtat d'Veſtphalie par ſecrētes aſſemblees	363	la Iuriſdiction Eccleſiaſtique a trop entrepris	652
Inuenteurs de nouueaux impoſts mis à mort	674	Iuriſdiction vniuerſelle à qui elle appartient	60
Inuention deteſtable des tyrans	672	<i>Inſamiliare</i> , qu'eſt-ce	13
forme d'Inueſtir le Duc de Carinthie	94	Iuſtice arithmetique eſt inique	776
l'Inueſtiture des eſtats de l'Empire donnez par l'Empereur, en quelle qualité	238	diffERENCE de la Iuſtice à la ſeruitude	343
Ioſeph mer deux cens ans plus que Philon	403	Iuſtice domeſtique & puiſſance paternelle, treſ-ſeur fondement des loix	24
Ioſue commanda au Soleil & à la Lune d'arreſter leur cours	410	Iuſtice d'Alie & d'Afrique n'eſt pas ſi enniere que celle d'Europe	435
ſix Iours ordonnez de Dieu pour les actions neceſſaires, & le ſeptieſme beni, pour chomer	7	ſplendeur de Iuſtice eſtant en vn Prince, eſt cõme vne haute guette, qui reluit encores long temps apres ſa mort	377
Iſaac veſcut 180. ans, qui ſont 20 nonenaires	414	la Iuſtice de Venize comment exercee	160
les Iſles occidentales ſe trouuerēt pleines d'eſcl.	43	l'homme doit eſtablir la Iuſtice en ſoy meſme deuant que la diſtribuer aux autres	352
<i>Italia non habet Regem, niſi Caſarem</i>	152	quelle doit eſtre la punitiõ ou Iuſtice du crime fait par vne cõmunauté, ou du cõſentement de plusieurs	357. 358
villes d'Italie ſe reuolent de l'alliãce qu'ils auoient avec les Rõmains, pourquoy	668	la droicte Iuſtice fait le Prince en la Monarchie, & les ſeigneurs en l'Ariſtocratie iuſtes & bons, & non la loy	243
<i>Iudicium</i> , comment ſe doit entendre	323	la vraye Iuſtice n'eſt point obſcure	308
le Iuge doit donner ſentence à l'enfant telle que le pere voudra	26	la Iuſtice publique ne prẽd cognoiſſance du meſpris des enfans enuers leurs pere & mere	24
perſonne ne peut eſtre Iuge en ſon propre fait	328		
Iugement des anciens touchant la Cenſure	647		
Iugemens des magiſtrats corrigez les vns par les autres	460		
droit Iugemēt de Xenophon de l'eſtat popul.	717		
Iugem. ſiniſtre d'un Prince eſt choſe pernic.	212		

TABLE

fil est licite de preuenir la voye de Iustice pour
 tuer vn tyran 219
 sous Iustinian Empereur toutes villes diuisees
 en factiōs, pour maintenir les couleurs de verd
 & de bleu. 468
 Iustinian reigle les vsures enuers les payfans, à
 quatre pour cent en deniers 517
 Iustin 3. Empereur, tué par Atelie general de son
 armee, pour auoir tué son fils, & prostitué sa
 femme par contumelie. 379
L
 Lacedemoniens ne fleurissent sous leurs pre-
 miers Roy s, ny sous estat populaire, mais
 apres la route des Perſes, qu'ils furēt seigneurs
 de la Grece, & ouurirēt leurs portes, pour y fai-
 re entrer l'or & l'argent 374
 les Lacedemoniens iadis uiuoient en commun 12
 les Lacedemoniens magnanimes, mais iniustes. 17
 les Lacedemoniēs demeurent ſugeēts des Acheās,
 fors de la vie 85
 Lachares voyāt les Atheniens en combustion du
 temps de Demetrius l'assiegeur, empieta la ſei-
 gneurie 394
 Lactance a failly, disant que 2. & 10. sont nombres
 parfaits 414
 L'horoscope de la ville de Constantinople trouuē
 en la librairie du Pape au vaticā, en lettres grec-
 ques 401
 Laiz de trente millions d'or faits à Auguste 665
 L'an 63. dangereux aux vieillards 413
 Languedoc tient la moyenne region entre le froid
 & la chaleur 492
 Languedoc dechargē de vingt cinq mil tous les
 ans par les Estats sous le Roy Henry 366
 Lapidier l'enfant desobeissant au pere & à la mere
 deuant le iuge, permis aux mesmes peres & me-
 res 22
 contraindre les ſugeēts de changer de Langue &
 d'habits, n'est vraye marque de ſouueraineté 182
 les Latins alliez des Romains, & non citoyens de
 Rome 59
 les Latins Romains auoient des Censeurs 641
 Laurens de Medicis & Pericle, Monarques d'A-
 thenes & de Florence 719
 Laurens de Medicis meurdrier d'Alexandre de
 Medicis, tué à Venize 380
 valet de Lazare, Roy de Siruie, tua Paiazet au mi-
 lieu de son armee 467
 Lucule fut le premier qui s'enrichit des despoil-
 les des ennemis 662
 Lucois ayant pitié des Florentins, s'entrebatans &
 brulans leurs maisons, les vindrent separer. 47
Leges Julia, pourquoy ainsi nommees 159
 Legislateurs d'Arcadie trouuerent moyen d'apri-
 uoiser ce peuple par la musique 412
 Lentulus prestre Augural, auoit valant dix mil-
 lions d'escus 519
 Léon 10. Pape prend plus de puissance, que Pape
 n'auoit eu au parauant luy 396
 Leon 10. pariure pour se venger 627
 Leouique auoit predict pour chose asseuree, que
 Maximilia Empereur seroit Monarque de l'Eu-

rope 408
 la presence des Estats ne diminue en rien la ſou-
 ueraineté du Monarque 103
 Leouique veult inferer vn autre deluge 409
 l'Estat de Luques 235
 les Lettres de iustice, orēs qu'elles ſoiēt ottroyēes
 opat le Prince, ne portent aucune contrainte au
 Magistrat 302
 les Lettres patētes adressees au Senat ne sont re-
 ceuables l'an renolu, ny celles qui s'adressēt aux
 Magistrats apres le mois expirē 313
 la publication des Lettres obtenues par l'Euesque
 de Mets pour sa sauuegarde, empeschee par le
 lieutenant du Roy de France, pourquoy 609
 Lettres de naturalité oultre le temps prefix accō-
 ply, necessaires pour iouir du droit de bour-
 geoisie 66
 Lettres du Roy François 2. aux Suisses 117
 Lettres de cōmandement, & lettres de iustice 301
 les Lettres qui portēt priuilege doiuent estre bien
 examinees par les Magistrats deuant que de les
 passer 312
 Lettres de commandement differentes des lettres
 Royaux ou de iustice 282
 la vingtiēme des Laiz faits aux estrangiers 673
 Liberté plus chere que la vie 34
 Liberté naturelle rangee sous la puissance d'au-
 truy 14
 Liberté naturelle, que c'est 14
 Liberté en la ville de Rome, donnee par Charle-
 maigne 142
 la Liberté d'un peuple qui a accoustumé d'y vi-
 uir ne se peut retrancher 662
 Liberté changee en seruitude, quand & com-
 ment 50
 ainsi que la Licēce effrenee fait enfler les hom-
 mes & débordēt en tous vices, aussi la crainte
 les retient en deuoir 588
 ne se fault arrester au Liure quadripartite attribué
 à Ptolemee 404
 Lycurge print le serment de ses citoyens de gar-
 der ses loix iusques à son retour 421
 Lycurge diuisa les biens des habitans d'Athenes
 en sept mil parties 520
 Lycurge se fait élire par argent 397
 Lycurge seul eschappa de la furie de Chilon, de-
 meura maistre des Lacedemoniens 397
 Lycurge le ieune, est fait Roy de Lacedemone 409
 Lycurge changeant son estat royal, en quittant la
 part que luy & ses successeurs auoient audit sce-
 ptre royal, est battu & pert l'un de ses yeux 371
 Lycurge changea les loix & l'estat royal en popu-
 laire contre le gré des ſugeēts 371
 Lycurge legislateur, mettoit diffention entre les
 deux Roys de Lacedemone 441
 Lieu instable pour remarquer l'Orient ou l'Oc-
 cident 504
 le Lieutenant general & perpetuel d'un Prince a-
 uec puissance absolue, n'est pourrāt ſouuerain 92
 les Lieutenans ne peuuent commander ny decer-
 ner commission en leur nom propre 340
 Lieux où se mettoient anciennement les thesors

DES MATIERES.

de l'espargne	691	femmes	16
Lieux subterrains & parties interieures, retiennent		Loy & coustume, comment ils different	162
leur chaleur en hyuer	489	la Loy des monnoyes & des ouvrages d'or & d'argent doit estre egale	707
Ligue Franconique	88	Loy de Dieu sur les desobeissans au pere & à la mere	22
Ligue contre la France ineuitable	615	la Loy de Dieu tient la proportion Harmonique	789
Ligue des Acheans	84	deuant la Loy de Dieu, il ne se trouue aucune mention de loy	771
Ligue des treize villes Ioniques	85	Loy de Romule contre les femmes, en faueur des maris	16
Ligue des Etoliens	85	vne bonne Loy ne doit estre reiectee, pour l'inconuenient qui en peut auenir peu souuent	29
Ligue des Grisons	87	la Loy du Prince doit estre faicte au modelle de la loy de Dieu	118
Ligue de tous les Princes, contre les Venitiens	612	Loy Pompeia pour les parricides	22
la Lignee des roys defaillant, faut pourueoir d'un successeur	744	la Loy depend du Prince qui oblige ses sùjets, & ne se peut obliger soy mesme	98
Lignees tirees au sort	52	Loy des Atheniens	107
Lignes secrettes comment decouuertes & remedees	615	Loy pour les esclaués	39
les Lignes des Suisses sont differens des estats de l'Empire, comment	236	la Loy des mariages des douze tables pernicieuse	769
ceux de Lindauue apres auoir tué leurs seigneurs, changerent l'Aristocratie en estat populaire	383	que concerne la Loy du Prince souuerain, & en vertu de quoy il y est sùjet ou non	110
trois Ligues des Grisons font trois Republiques separees de puissance & souueraineté	82	la Loy Claudia, pourquoy cassée	652
Liste des gens de marque, est expedient pour vn Prince	688	la diuersité de Loy sur les monnoyes, est moyen aux sùjets de diffomer & alterer les monnoyes tant blanches que rouges	706
la Liure d'or ou d'argent differente de poids en diuerses seigneuries	703	Loy de Solon sur le droit de bourgeoisie	62
difference du Loyer & du bienfait	564	Loy Seruia pour les parricides	22
Loyer, qu'est ce, & diuerses sortes de loyers	563	Loy Cornelia sur la dispensation des loix	95, 96
Loyer aux bannis pour tuer	28	Loy Thoria abrogee	520
au Loyer des artisans la proportion Harmonique doit estre obseruee	788	difference entre la Loy & de Droit	114
Loyers des accusateurs	559	Loy de pareille	786
les Lombards auoient puissance de la vie & de la mort sur leurs femmes	17	Loy que signifie	158
Longs cheneux defendus aux roturiers	450	la Loy de Dieu approuue les Monarchies	736
la Loy diuine recommande le septenaire pour les festes du septiesme iour, du 7. mois, du septiesme an, apres sept fois sept ans qui estoit le lubilé	414	commet la Loy fera Royne & maistresse, & ce qui s'en ensuiura	205
la Loy <i>Horatia</i> , n'est pour les iuges seulement, ains pour la seureté de tous les Magistrats	329	la Loy de Dieu tranchee par la moitié pour le regard des esclaués	45
la Loy & l'equité, deux poincts que doiuent auoir les magistrats en recommandation	323	ancienne Loy d'Ecosse	93
Loy de Theodose le Grand sur l'execution des lettres patentes	305	Loy à Rome pour la succession des femmes	555
la Loy met impost sur les marchandises precieuses, & non sur les autres	679	la Loy sert à plusieurs de piege pour tromper, & est inexorable	243
la Loy de Mahemer touchant les Seigneuries	203	nul n'est sùjet à la loy qu'il donne, ains peut desroger à icelle	326
Loy des Medois & Persans	107	par la Loy de Dieu, la puissance de la vie & de la mort sur les enfans est laissée aux peres	30
dóner Loy à tous en general & en particulier, sans cōsentement de personne, est la premiere marque de souueraineté	161	Loy de Polygamie reiectee	499
vaut mieux qu'une Loy iniuste vieille, perde sa force peu a peu, que de la casser par violence soudaine	421	la Loy seroit illusoire sans les Magistrats	316
Loy Sempronia publiee à toute force	520	la Loy des iniures changee par l'impudence de Nerace	782
Loy de la Pareille, commune à tous peuples	421	la Loy de Soló a lieu en toute Republique, pourquoy	357
Loy de Dieu appelle faux Prophetes ceux qui predisent & asseurent ce qui n'aduiendra point	408	Loys xi. desapointa tous les anciens seruiteurs de son pere	437
la Loy Oppia defend les habits de couleur aux		Loys de France adopté par Ieanne la Louette, Royne de Naples & de Sicile	32
		Loix establies pour le regard du dernier ressort	169
		Loix pour les corsaires & voleurs	2

TABLE

Loix sugectés à plusieurs inconueniens	29	suffisance de celuy à qui le Prince a donné estat	
les Loix des hommes se peuuent dispenser, mais		ou commission, si le Prince ne le permet, ou que	
non les loix de Dieu & de nature	110	la coustume ne soit telle	311
les Loix dependent seulement du souuerain	12	le Magistrat doit cognoistre de la verité du fait	311
Loix alternatiues & particulieres entre les Ducs		si le Magistrat doit obeissance aux mandemens	
de Bauieres & les Comtes Palatins	13	qu'il croit estre contre nature	306
les Loix doiuent estre en la puissance du Prince		tout Magistrat est officier, mais tout officier n'est	
souuerain, pour les changer & corriger selon		Magistrat	289
l'occurrence des affaires	104	si le Magistrat est receuable à quitter son estat plus-	
nouvelles Loix, bonnes & viles, preferées de tout		toit que verifier ce qu'il est certain estre iniuste	
temps aux vieilles & iniques	108	la qualité du Magistrat, n'a rien de commun avec	
les Loix ou ordonnances des Princes, n'ont puis-		la majesté royale	209
sance que pendant leur vie, si elles ne sont ra-		le Magistrat ne doit iamais estre prié pour faire	
tifiées, par consentement expres, ou par souf-		son deuoir, ny déprié pour faire chose qui soit	
france	96	inique	303
il faut establir Loix contraires aux Republiques		le Magistrat ne doit passer par dessus l'ordonnan-	
contraires	185	ce, ny disputer d'icelle	309
entre plusieurs Loix, celle qui defend est la plus		le Magistrat ne doit par dessus les deffenses du	
forte	337	Prince souuerain	313
Loix anciennes & coustumes immuables en la		le Magistrat peut ployer la loy, se donnant garde	
creation du Pape	396	routesfois de la casser sur peine d'infamie	163
distinction pour accorder deux Loix contraires	219	le Magistrat peut reuoker son mandement, & ne	
il n'y a Loy si excellente qu'elle ne souffre change-		peut reuoker ce qu'il a iugé avec cognoissan-	
ment	421	ce de cause	326
les Loix d'oubliance publiees, pourquoy	226	le Magistrat pour grand qu'il soit, ne peut dero-	
il y a des Loix bonnes, iustes, & raisonnables, à		ger à la loy	325
quoy le Prince ne doit estre nullement suger	III	le Magistrat, principale personne de la Republi-	
Louange plus que diuine de Traian	215	que apres le souuerain	300
Louys XI. Roy de France, assiégué par ses sugets, en		il est dangereux de faire vn Magistrat qui ait com-	
sa ville capitale	405	mandement sur tous les autres	332
Louys IX. ne voulut donner sentence au iugement		quatre sortes de Magistrats selon Accurse	290
de Thomas Comte de Flandres	459	Magistrat voyant le peuple forcené se lasche aller	
Louys XII. Roy de France print la ville de Milan &		premierement à leur apperit, affin que peu à	
le Duc Louys Sphorce, le despoillant de l'estat		peu il puisse l'attirer à raison	474
le 3. Septembre	407	trois degrez de Magistrats	332
Louys d'Hongrie nepueu de Cazimir le grand,		qui sont ceux, qui sont proprement appelez Ma-	
pour estre Roy de Pologne, fit tout ce que les		gistrats	298
estats voulurent	396	Magistrats ambitieux	25
Louys XI. voyant les Ambassadeurs de Venise en		les Magistrats ayās iurisdiction, ont puissance de	
equipage, se vestit magnifiquement	461	condamner, saisir, & executer	291
Loix anciennes, se doiuent tousiours mettre en		Magistrats annuels doiuent le serment annuel,	
usage	26	mais ceux qui sont perpetuels ne le doiuent	
Loix pour les esclaves	47	qu'une fois	438
Louys XII. gaigna l'estat de Boulogne	445	Magistrats annuels és Republiques populaires &	
Louys IX. Roy de France n'a bien regardé le traicté		Aristocratiques	383
faict entre Raymond Comte de Toulouse, &		nouveaux Magistrats aportent nouveau conseil,	
des estats de Languedoc	371	& nouveaux desseins	432
Louys du Moulin, a grandement failly	517	Magistrats annuels ont crainte d'estre mis a l'exa-	
Louys IX. ne voulut donner sentence au iugement		men	426
de Pierre Mauclerc Comte de Bretagne	459	si les Magistrats d'une Republique peuuent exe-	
M.		cuter la sentence, donnée sur vn de leurs sugets	
Machiauel abusé, disant que les Espagnols,		par les Magistrats d'une autre republique, sans	
Italiens, & François estoient les plus mes-		auoir cognoissance de la cause	345
chans du monde	500	les Magistrats doiuent auoir soucy du bien parric-	
Madianites exterminés par les Hebreux	373	ulier des orphelins, insensez & prodiges	
Magistratus, que c'est à dire	289	12	
Maiores, ou minores Magistratus, qui ainsi appelez		les Magistrats de Rome, comment ils se nom-	
295		moient, & de leur puissance	197
definitions du Magistrat	274	les Magistrats doiuent auoir les loix en leur main	
il n'appartient au Magistrat de s'enquerir de la		pour les corriger selon l'occurrence des cas	104
		Magistrats	

DES MATIERES.

Magistrats egaux, s'empeschent par opposition	338	la Majesté du Prince souverain accroist par l'as-	192
distinction entre les Magistrats & les Commissai-		semblee des estats	192
res ou arbitres	324	Majesté n'est propre qu'au Prince souverain, & ne	160
il ne se trouue pas que les Magistrats en la loy de		se peut accommoder à autre	160
Dieu fussent annuels	433	le tiltre de Majesté n'appartient qu'à celuy qui est	182
Magistrats en sedition entre eux & contre le peu-		souverain	182
ple, causeront changement d'estat	444	la Majesté souveraine d'un Prince, en quoy elle se	268
inimitié des Magistrats entr'eux est le salut de la		connoist	268
Republique	442	il vaut mieux ployer sous la Majesté souveraine	
les Magistrats, en vertu de quoy ils commandent	268	en toute obeissance, que donner exemple de re-	314
anciennement les Magistrats faisoient de leurs es-		bellion aux sugets	314
claves leurs officiers	288	Main leuee appartient aux Magistrats seulement	317
Magistrats, impossible qu'ils soient experimentez		Main mise, qu'est-ce	317
en leur charge, dès la premiere année	432	gens de Main morte affranchis, pourueu qu'ils	43
si les Magistrats inferieurs peuuent faire executer		changeassent de pays	43
leurs mandemens, sans le congé du superieur	344	Maisons communes pour les confrairies en Suisse	350
en la presence des plus grands Magistrats, les		la ruine des plus illustres Maisons d'Alemagne,	224
moindres n'ont point de puissance	336	d'où elle est issue	224
les Magistrats militaires doiuent estre bien plus		les Maisons grandes & illustres sont bonnes pour	
seueres, & vsér d'autre façon de commander &		maintenir l'Aristocratie, & contraires à l'estat	
de punir que les domestiques	331	populaire & à la tyrannie	554
Magistrats municipaux, & de leur puissance ou		Maisons publiques pour apprendre les enfans à	
autorité	60	diuers mestiers, chose tresnecessaire en vne Re-	48
les Magistrats n'ont leur puissance qu'en depost	190	publique	48
les Magistrats ne peuuent changer ny corriger		Maistre de la force est maistre de l'estat	396
leurs iugemens sans le congé du Prince	171	Maladie au corps humain cause que lon vse de	
les Magistrats ne punissent ordinairement que les		seigneues	464
belistres	25	Maladies contagieuses	504
les Magistrats ou officiers, ne sont que depositai-		Maladie de Saint Vitus, que lon guarist avec in-	
res de la puissance à eux donnee pour certain		strumens de Musique	497
temps	91	Maladies populaires, d'où elles procedent	48
garder se faut que les loix & ordonances touchât		Mal comial, pourquoy ainsi appellé	339
le temps des Magistrats, ne soient changees, ny		Maledictiō premiere de la Bible, fut à Chan, pour-	21
leur charge prorogee	383	quoy	21
ce qui est attribué aux Magistrats, par ordonnan-		Malheurs communs aux tyrans	225
ce ou loy speciale, il n'est pas en leur puissance		les Mameluchs esleurent Campson Roy de Cara-	
de les commettre à personne	319	manie, ayans esté quelque temps en pure Anar-	
les Magistrats peuuent condamner à l'amende, si		chie	372
on ne leur obeist	327	Mancipare, qu'il signifie	16
les Magistrats, pour grands qu'ils soient, ne peu-		Mandata principum, comment il se prend avec les	302
uent alterer les iugemens par eux donnez	173	Latins	302
la puissance des Magistrats Romains	292	les Mandemens des Princes doiuent estre autho-	
Magistrats Romains faisoient tous les ans ser-		risez par le Senat & bon conseil	252
ment, par ce que leur puissance estoit annuelle	438	les Mandemens du Prince doiuent estre mis en	
deux sortes de Magistrats selon Varron	300	execution par le Magistrat, comme	305
les Magistrats se peuuent diuiser en trois sortes	300	Mandemens du Prince diuers	301
Magistrats trop souuent changez ou perpetuez,		qui sont les Mandemens qui portent plus grand	
causent grands changemens	425	preiudice au public	312
Magnanimité des Romains	594	Mandement expres de la voix de Dieu, pour fai-	
la Magnanimité lumiere des autres vertus	593	re mourir Achab & ses alliez	224
la Magnificence, chose bien seante à un Prince	577	Mandement special necessaire à tous ceux qui	
Magnificence des Roys de Turquie	663	manient affaires pour autrui, quand il est que-	
Magnificence du grand Roy François	690	stion de quitter, alier, ou deferer quelque	
la Majesté des protecteurs doit estre respectee par		chose	285
ceux qui sont en protection	60	esse in manu viri, vel in potestate, que signifie, & leur	16
		difference	16
		à la fin malheureuse de Marc Atoine, succeda le	
		grand Auguste	376
		Marc Anthoine vaincu par Auguste, à la iournee	
		Actiaque	415

T A B L E

Marc Aurel fait vn edict que nul ne soit gouuerneur de son pays	427	quoy	637
le bien de M. Craſſus fut eſtimé ſix millions d'écus	519	Marquis de Peſquierre coniura contre l'Empereur Charle v. pour la faueur qu'il portoit au Viceroy de Naples, contre luy	470
Marc Lepide & Q. Fuluius, ennemis iurez	445	au procez du Marquis de Saluſſe fut ſouſtenu que le Roy de France ne pouuoit aſſiſter au iugement	458
Marc Varron, de la felicité des hommes	46	l'ancien eſtat de Marſeille	231
le Marc d'or & d'argent doit eſtre diuiſé en pieces egales de poix, pourquoy	712	Martius Coriolanus par eſtre banni, conqueſta bone partie du domaine des Romains, & bruf-la iuſques aux portes de Rome	392
le Marc eſt de poix different en diuerſes regions	703	Martius & Ceſar ſe font amis du peuple, & ennemis de la nobleſſe, quand ils ne peuuent obtenir les eſtats qu'ils pretendent	390
Marchans eſtrangers exempts du droit d'aubeine en France	70	Maritins plus ruzez que ceux qui en ſont eſlongez	507
vn Marchand François condamné à Venize, vient en France demander l'execution du iugement	345	anciennement les Maſſacres & brigádages eſtoient honnorables	348
les eſtats des Mareſchaux n'ont rien de commun avec les ordonnances de la police	321	les Maſſagettes auoient tout commun entre eux, fors la coupe & le couſteau	11
Marius pourueu ſix fois du Conſulat, ce que iamais Romain n'auoit obtenu	429	Mathuſalah veſcut 970. ans	414
Marius veut oſter la charge de la guerre Mithridatique eſcheue à Sulla par ſort	429	de deux Maux faut fuir le plus grand	471
le Mari appellé Bahal, pourquoy	20	Mediocres en la Republique, tient d'accord les grands & les petits	393
le Mariage des filles quel il doit eſtre, ſelon les ordonnances de diuerſes contrees	556	difficile aux plus ſages de garder Mediocrité doree entre douceur & rigueur	456
il n'y a point de Mariage entre l'homme & la femme, ſi le mariage n'eſt conſommé de fait	15	Memnon Roy d'Ethiopie, veſcut cinq cens ans	499
le Mariage interdit aux eſclaues	38	le Meſpris des gens de bien, & la faueur qu'on donne aux meſchans, ſont la vraye ruine des Republiques	563
Mariage d'Alphons Comte de Poictiers, avec la fille vnique de Raymond Comte de Toulouſe, à condition que ſils mouroient ſans hoirs legitimes, le pays de Languedoc retourneroit de plain droit à la couronne de France, ſans qu'o peult changer les couſtumes du pays, ny impoſer tailles ſans le conſentement des eſtats du dict pays	371	Mercator Aſtologue, erre touchant la recherche des Eclypſes, contre l'opinion des Arabes & de tous les Aſtologues	393
la iournee de Marignan, où l'armee des Suiſſes fut deſaite, le xiiij. iour de Septembre	407	Meridionaux ſi ialoux qu'ils en meurent quelquefois	499
droict de Marque, qu'eſt-ce	71	<i>Merum imperium</i> , qu'eſt-ce	318
droict de Marque, anciennement commun à tous	181	il vaut mieux couurir vne Meſchanceré ja faicte, qu'en la reſuſant irriter le Prince pour faire pis	309. 310
Marque d'adoption, uiſſance paternelle	32	Meſchancetez ſans peine, & les vertus ſans loyer, monſtrent que la Republique bien toſt perira	398
la plus haute Marque de la Maieſté	317	Meſchans craignent la paix plus que la peſte	392
premiere Marque de la ſouueraineté	161	il n'y a rien que les Meſchans ne facent pour enrichir leurs enfans	558
vraye Marque de ſubiection	75	de Meſchant homme, bon Roy	217. 218
Marque des nouueaux affranchis	126	le Meſnage ne ſouffre qu'un ſeigneur	15
la Marque és monnoyes, par qui premierement inuentee	178	Meſnage, que c'eſt, & la definition	8
le nombre de ſix annees apporte Marque & changement aux femmes	413	Meſnagerie des terres vagues	659
Marques de ſouueraineté ne ſe doiuent ottroyer au ſubiection, & moins à l'eſtranger	172	Meſnagerie, droit gouuernement de la famille	8
Marques de ſouueraineté comprises ſous la uiſſance de donner la loy à tous en general, & à chacun en particulier, & la receuoir de Dieu	163	Meſpriſer le Magiſtrat, eſt meſpriſer Dieu	330
les Marques de ſouueraineté ne ſont communicables aux ſugets	157	les Meſures & poids ſont des Droicts de la ſouueraineté	178
vrayes Marques d'un grand Roy	205	des trois Metaux, or, argent, & cuyure, cauſes qui ſe commettent és monnoyes	707
les Marques du Prince ſouuerain ne doiuent eſtre communes	155	Methiſ, nothos, pourquoy ainſi appelez	52
Marques Royales particulieres	209	Meurtrier de Domitian l'alla chercher iuſques en ſon cabinet	468
le Marquis d'Albert, appellé docteur, pour-		Meurtriers de Domitian & de Caligula Empereurs, n'eſperent que l'honneur pour recompense	380
			le

DES MATIERES.

le Meurtrier qui auoit assassiné Iulian de Medicis renuoyé à Florence par Muhamed	346	le Monarque ne doit serment qu'à Dieu seul	105
les Meurtriers des tyrans doiuent estre recom- pensez	218	le Monarque , plus il fasseur de sa suffisance, moins il communique affaires au Senat	261
Meurtriers de Tyrans ont presque tousiours em- porté l'estat pour loyer	380	le Monarque Royal, qui il est , & comment il dif- fere du seigneurial	205
Meurtriers n'esperent que l'honneur	380	la difference des Monarques en quoy elle se doit prendre	208
le duché de Milan apres que la lignee des Vicom- tes fut faillie	744	Monarques sans hoirs masles ont conseillé aux Princes de choisir vn successeur, comme plu- sieurs Romains ont fait, & se fait en plusieurs lieux d'Afrique.	376
à Milan apres que le tyrā Galuaigne fut despouil- lé de son estat, la Republique fut gouvernee populairement 50. ans, iusques à ce qu'elle fut changee en tyrannie par les Torefans	385.386	Monnoye au bonnet faicte par Brutus, pourquoy	35
Milon affranchit 300. esclaves pour vn iour, & pourquoy	40	la Monnoye blanche affoiblie de moitié, du temps de Philippe le Bel	702
les Minieres de France sont inepuisables	670	la Monnoye de cuiure pur est necessaire, pour- quoy	700
l'indignité & mespris des Ministres faict mespri- ser la religion	653	battre Monnoye d'or, cas reserué aux Roys	178
Mithridate fait ligue avec plusieurs Roys contre les Romains, mais trop tard, pourquoy	614	la Monnoye plus forte de poids ou de loy que cel- le des Princes voisins, est incontinent recueil- lie, pourquoy	706
guerre contre Mithridate fust delayee plus de 20. ans	431	priuilege de forger Monnoye ne doit estre donné à aucun	177
Mithridate veut faire ratifier par le Senat, ce qu'il auoit fait en sa commission	286	la Monnoye se deuroit faire en forme de medail- les moulees	710
Mitridat Roy d'Amasie, passa Alexandre le Grand en yurôgnerie, car il gaigna le prix de mieux & plus boire & de plus manger	450	Monnoye stable, l'autre instable, & la troisieme imaginatiue, pourquoy ainsi diste	704
Monarchie, qu'est-ce	184.185	especes des Monnoyes d'Alemagne & de Flâdres, & leur valeur	703
les incommoditez de la Monarchie	729	les Monnoyes doiuent estre reglees tant pour les Princes, que pour les sugers	696
Monarchie de Lacedemone changee en estat po- pulaire qui dura trois ans, pendant lesquels le peuple elisoit cinq Preuosts	397	toutes les Monnoyes se doiuent forger en vne seule ville, pourquoy	708
la Monarchie de Rome sous les Roys dura	144.	ceux des Montagnes de Gennes repousserent les Romains plus de cent ans	506.507
ans	415	Mont Apennin diuise l'Italie en deux	505
la premiere Monarchie, establie en Assirie, sous la puissance de Nemrod	200	Mont Atlantique en Afrique, continue en l'ogueur plus de six cens lieux	505
la Monarchie est naturelle	734	Mont Carphat diuise la Pologne de la Hongrie	505
toute Monarchie est ou Seigneuriale, ou Royale, ou Tyrannique	199.200	Montepessulanisses tuent ceux qu'ils disoient Feb- ues, & non pas Haues	511
Monarchies nouvelles, establies par le changemēt d'Aristocratie, lors qu'un Magistrat, Capitaine, ou Gouverneur, se fait de compagnon, maistre souuerain	382	les Monts de pieté à Florence, vtiles, honnestes, & charitables	680
la maniere obseruee à l'acquisition d'un royaume ne faict la Monarchie royale & legitime, ains le gouuernement equitable	206	Mont Sainct Adrian en Espagne	505
Monarchie Royale, avec moindre garde est plus asseuree	381	Mont Taureau en Asie	505
la Monarchie seigneuriale semble estre contre la loy de nature	204	en la Moree tous les poids, mesures, coustumes, & monnoyes sont semblables	178
l'exemple des plus grandes Monarchies du mon- de	735	Mores chassiez d'Espagne par Ferdinand d'Arragó 770. ans apres qu'ils l'auoient prise	417
Monarchies fondees en droit successif, plus seu- res & plus durables que les estats populaires & Aristocraties	375	les Mores de Grenade, & Flamens esleuez contre le Roy Catholique	410
Monarchies nouvellement establies par l'estran- ger qui assugetit un peuple, ou que volontaie- rement se submet aux loix & commandemens d'autrui	382	Mores saccagent plusieurs pays, enuahissent par- tie de la Grece, courent l'Italie l'an 772.	405
Monarchie tyrannique, qu'est-ce	211	Mores se font seigneurs d'Espagne, l'an de Christ 707. ans	417
Monarque change de demeure de place en autre	394	Mort de xxxvj. hommes par les Gatois, pourquoy causee	310
		la Mort des tyrans minutee par eux mesmes	215
		Mort par vieillesse plus tolerable que par autre moyen	371
		Mort plaisante & mort precieuse	6

T A B L E

en Moscouie & Tartarie, il est permis aux peres de vendre ses enfans iusques à quatre fois	23	tres, marchandise, à bien dire, ayant le cœur genereux & candide, gardant la foy constamment par dessus toutes autres nations	509
ceux que lon faisoit Mourir de faim en prison, ne passoient iamais le septiesme iour	413	Naturalisé citoyen, qu'est-ce	52
le pere fait Mourir son enfant, pour estre contre-uenue aux loix publiques	29	Nature donne pouuoir au pere de commander & non à autre	21
de nostre propre Mouuement, clause pernicieuse	312	Naturel del'hôme mesprise vn chacun, & ne peut viure en sùget	430
Moutons d'or ne sont de bon or, monoye du Duc de Berry	178	Naturel des hommes lubriques allans au precipice de mal	421
Moyen au Prince de retirer son peuple diuisé par sectes	478	enfans Naturels reiettez comme estrangers	30
cinquiesme Moyen de fonder les finances	667	Nature ne doit obeir aux choses artificielles	399
Moyen d'obuier aux concussions, larcins, & faueur de ceux qui font le departement des impôts & subides	645	Nature ne veut estre forcee, & ce qui est contre nature n'est de duree	35
sept Moyens de faire fonds aux finances	655	moyen de voler le royaume de Nauarre à Pierre d'Albret, pratiqué par Ferdinand d'Arragon	610
trois Moyens pour estre citoyen	52	Nauire de Theseus	9
Moÿse adopté comme fils de Roy	30	Nauire sans patron & sans gouverneur	372
Moÿse sage legislateur & iuste Roy	212	Neceffité est naturelle ou violente	371
Moÿse faict iustice depuis le matin iusques au soir	460	Neceffité est vn ennemy inuincible	596
Muleasses a les yeux creuez avec vne barre de fer chaud par ses propres enfans	379	le grãd Negus d'Ethiopie, est monarque seigneurial	202
Muleasses pour mieux gouster le plaisir de la Musique se faisoit bender les yeux	379	Neigres tenus esclaués en Espagne avec leur posterité	46
Muleasses retournant de deuers Charles le quint Empereur, dependit cent escus pour apprestier vn Pan	379	Nehemie apres le retour des enfans d'Israel, defend totalement l'vsure tant en deniers qu'en fruits	517
Muleasses Roy de Thunes, perd son estat pour sa paillardise	379	Nepueu du costé maternel preferé à la fille du Roy	760
la Mule de Pallas en Athenes	38	coupables de la conspiration contre Neron accusent & chargent les innocens & amis de Neron, qui furent tous tuez	466
depuis la creation du Monde iusques à l'an 1564.		Neron au commencement de son regne fort sage	376
il y a deux cens soixante & dixhuiet conuolutions des deux hautes planettes	406	cause principale de la mort de Neron & d'Helio-gabale Empereurs, fust qu'ils esleuoient les plus detestables hommes, aux plus hauts estats	390
le Monde, vraye image de la Republique	7	apres la mort de Neron, succeda la bonté de Galba	376
Municipes, qui ainsi appelez	57	Neron tua sa mere	25
Munstre assiegee, prise, & le Roy publiquement executé	373	les Nerfs de la Republique sont les finances	655
Munstre membre de l'Empire d'Alemagne, esleut pour son Roy Iean de Leidan, pour cause de l'anabaptisme	373	Nestorius preschoit à Constantinople en ceste sorte : Donne moy, Empereur, la terre vuide d'heretiques, & ie te donneray le ciel	483
les Murailles des villes & forteresses sont necessaires, pourquoy	583. 584. 585	alliance de Neutralité troisieme espee	77
Murailles de tuilles cuites, appelees <i>Parietes æternos</i>	399	la Neutralité vtile quelquefois	610
Murailles & forteresses, causes de rebellions	581	Neutralité dangereuse	610. 611
Musique de grande estime en Arcadie	412	quand on doit estre Neutre	611
Musique necessaire en Arcadie, pour les apprivoiser	506	celuy qui est Neutre doit plustost moyenner la paix, que nourrir la guerre	613
des Musulmans & de leur puissance	149	Nicolas I. Pape, est le premier qui vse de l'interdiction enuers les Princes	141
N.		Nimroth dict Ninus, par tyrannie se faict souverain, & ses successeurs	375
N pour V, que signifie	629	Nimroth grand chasseur	348
Nabistyrane, ayant prins Argos veut toutes debtes quittees, & leurs biens partagez	512	le Noble mari anoblit la femme, & au contraire, non	20
Nabuchodonosor Roy d'Assyrie se fait adorer	223	defendu aux Nobles d'aliener leurs fiefs par coustume du bas pays de Flandre	553
Naim ville de Gascongne, brusla entierement de l'ardeur du soleil en plein midy l'an 1540.	448	Noblesse de France presque toute tucée à la iournee de Fontenay, pres Auxerre	390
Naissance ne peut estre sans la mort	371	Nobles	
Naissance est plus belle que la mort	371		
Nation Françoisse a l'esprit plus vif aux armes, let-			

DES MATIERES.

Nobles de Poulongne & de Hongrie ont obtenu priuilege de n'estre iugez que du Roy, quand il va de la vie ou de l'honneur, l'an 1373.	456	l'Obligation faicte à l'estranger ne lie point l'heri- tier simple du fuzer Venitié par la coustume de Venize	69
les Nobles moins punis que les roturiers	779	l'Obligation mutuelle du souuerain au fuzer, faict le citoyen	62
Nombre de sept ans apporte marque & change- ment aux hommes masles	413	Occasion d'estraindre la loy, est defendre vne cho- se, & contreuener à l'autre	515
Nombre de CLXIII. multiplié de sept par neuf, tire apres soy ordinairement la fin des vieillards	413	Occasion de guerre entre le Roy Charles v. & le Roy d'Angleterre	171
du Nombre des Senateurs	256	Occasion premiere des adoptions	31
Nombre efftené de Cheualiers de l'ordre a ruiné l'ordre	570	Occasion prise par Pierre d'Arragon, pour chasser Iaques Roy de Malorque, de son pays	177
le plus grand Nombre l'emporte en tous corps & colleges	725	l'Oeconomie diuisee de la police par Xenophon & Aristote, ce qui ne se peut faire	8
Nombres qui donnent le plus souuent change- ment aux Republiques	413	la volonté d'Offenser ne defaut iamais aux ambi- tieux qui ont puissance sur autrui	667
le Nom de Roy laissé à vn prestre en Athenes, & en Rome apres que les Roys en furent chasséz	187	à qui appartient la proprieté de l'Office	320
c'est vne chose necessaire pour la seureté des trait- tez de paix & alliance, de Nommer quelque plus grand pour arbitre, en cas de contrauen- tion	614	l'Office & la commission, cōment ils different	277
la Normandie dechargee de quatre cens mil tous les ans, par les estats sous le Roy Henry	366	les Offices appuyez sur vne loy, ne peuuent estre supprimez, que par edict ou loy contraire	284
Normans apres la iournee de Fontenay, où pres- que toute la noblesse de France fust defaicté, se ruerent sur leur voisin	394	Offices donnez, impetrez, referuez	432
Notables changemens des Estats & Republiques se faict ordinairement enuiron le moys de Se- ptembre	407	Offices hereditaires, & distribution de iustice es- cheuë aux femmes	430
Nourriture du Roy Agefilaus	553	l'Officier ne peut estre commissaire en qualiré d'officier	279
inueteurs de Nouveaux impôts, mis à mort	674	les Officiers, comment ils se doiuent faire	299
Nouvelles introductions d'ordonnances, dange- reuses	420	droicts des Officiers de la chambre des comptes	693
Numa Roy, chassa trois cés Archers que Romule auoit pour sa garde, disant qu'il se fioit au peup- le, qui se fioit à luy	331	difference des Officiers & commissaires	273
le Nombre de 12.29. tire apres soy bien souuent la fin ou changemēt notable des Republiques	413	les Officiers es republiques populaires, estoient aduouiez de leurs actions sans ratification, les commissaires non	286
Nombre du temps depuis Ninus Roy d'Assyrie, iusques à la mort de Sardanapale	416	Officiers muables par chacun an, comme en Suis- se	440
quatre Nombres parfaicts seulement depuis vn iusques à dix mil, sçauoir 6.28.496. & huit mil cent 28. entre lesquels le dernier ne peut seruir aux changemens	414	les Officiers se font par diuers seigneurs	157
l'estat de Nuremberg	240	<i>Officio merces non debetur</i>	74
Nuremberg sterile d'assiete, la plus grande ville de tout l'Empire	508	moins d'Officiers & de loyers, plus seront prizez	436
O		Oisueté deffendue, & deffenses d'aller viure aux bois	43
Obeissance & reuerence est deuë au mary par sa femme	19	Oisueté & pauperté deux grandes pestes des Re- publiques doiuent estre remediées, cōment	686
il faut Obeir au Magistrat, soit qu'il commande chose iniuste, pourquoy	314	Oisueté, punie capitalement entre les Atheniens	507.508
Obeir aux edicts & ordonnances de celuy à qui Dieu a donné puissance sur nous, est de la loy de Dieu	111	Oligarchie, qu'est-ce	229
Obligations des pensionnaires	666	Olore roy des Thraces contraint les Draces de seruir à leurs femmes	17
l'Obligation du pere à l'enfant, & de l'enfant au pere reciproque, mais dauantage de la part de l'enfant enuers le pere	21	en la cent & trentiesme Olympiade subitement nouveaux changemens de Princes par tout le monde	409
decision pour les Obligations du Roy & du Ty- ran	216	l'Onc des Venitiens pareille à celle des anciens	699
		Onomadesme capitaine en chef de la republique de Chio, ayant appaisé la guerre ciuile, & chas- sé les plus mutins, ne voulut bannir les autres, disant qu'il y auoit danger qu'apres auoir chas- sé tous les ennemis, on fist la guerre aux amis	385
		Opinia streté pernicieuse en vn Senateur	254
		Opinion ancienne des peuples d'Afrique	733
		bonne Opinion, cōbié requise en vn Magistrat	330

T A B L E

Opinion d'Aristote, contraire à tous les peuples	739	Ordonnances des Turcs, pour le faict des finances & de la guerre	662
Opinion d'Herodote reprouuee	50	Ordonnances du Roy Loys publiees en la cour de Parlement, & refusees	307
Opinion des anciens touchant l'estat des Republiques	185	les Ordonnances du Senat Romain, n'auoient force que pour vn an	159
Opinion de Xenophon, sur les Republiques	713	les bonnes Ordonnances du tyran ne doiuent estre cassee, pourquoy	228
Opinion pernicieuse, pour le fait des sermens qui se font entre les seigneurs	617	les Ordonnances faictes par le Roy d'Angleterre à la requeste des estats, ne se peuuent casser sans y appeller les estats	102
les vrayes Opinions de Platon deguisees par Aristote	193	la forme des Ordonnances pœnales, en Poulongne	782
l'Opinion souuentesfois a plus d'effect que la verité	253	Ordonnances pour esclaves, non gardees	39
l'Opposition du Tribun empeschoit tous les magistrats, & ses collegues mesmes	338	les Ordonnances pour la distribution des offices, doiuent estre restablies	578
l'Or à combien de carats il doit estre	709	Ordonnances pour les sugets, de ne sortir & quitter leur pays, sans licence de leur seigneur	64
Oracle de la ville d'Athenes	55	Ordonnances pour les mandiens	42.43
Orateur plus fort que tous les plus grands guerroyers du monde	482	différence entre les Ordonnances publiees, & celles qu'on enuoye pour publier	309
Ordonnance de Charlemagne sur les monnoyes	708	l'Ordre de France, d'Angleterre, & de Bourgongne	569
Ordonnance de Charles ix. pour les Princes & le Conseil, non gardee	260	l'Ordre des receptes de Turquie	695
Ordonnance d'Espagne & du Roy de Moscho- uie, lequel pour les diuisions du peuple, bailla aux prestres ce qu'il vouloit estre presché au peuple	477	l'Ordre naturel d'honneur & de vertu	567
Ordonnance de France, pour le mariage des filles	556	Ordres nouveaux, inuentez par les grands Princes, pourquoy	568
Ordonnance de Iustinian, pour les biens des condamnnez	557	de l'Ordre qu'on doit tenir, pour le regard des places des Roys ou Princes	153.154
Ordonnance de Neron pour renuoyer les causes d'appel au Senat	262	l'Ordre qu'on doit tenir és biens des condannnez	559
Ordonnance de Paris bien executee, que les fa- quins crocheteurs, ne portent espees, dagues, ny cousteaux	481	vsage des Orfeures & affineurs, pour le faict des alliages de l'or	697
Ordonnance de Philippe le Bel par iustice Har- monique	778	Origine de la Republique	369
Ordonnance de Poulongne, touchant les prison- niers de bonne guerre	34	Origine des colleges	347
Ordonnance de Romule pour les magistrats	57	Origine du domaine	656
l'Ordonnance de Solon touchant la reception des Senateurs, deuroit estre gardee	264	Ornemens Royaux, rendent la majesté des Roys venerable	209
louable Ordonnance de Venize pour les mariages	556	Ottroyer grace aux condannnez, marque de sou- ueraineté	173
l'Ordonnance du college en cas civil, ne doit auoir lieu si tous les colleges n'y ont presté consen- tement	355	différence d'Ottroyer les loyers en l'estat popula- ire & en la monarchie	564
saincte Ordonnance du Roy Loys, pour la con- clusion des arrests	308	l'Outrage fait à vn Magistrat trouué en maluer- sation ou en habit dissimulé, ne doit estre puny comme faict au Magistrat	329
l'Ordonnance du Roy Philippe, pour le regard des dons necessaires	312	P	
Ordonnance pour l'eslection des offices	168	Paillardise a plus ruiné de Princes, que toutes les autres causes	378
louables Ordonnances aneanties	689	Paillardise plus dangereuse à vn Prince pour son estat, que cruauté	378
Ordonnances contre les Italiens vsuriers	682	les xii. Pairs de France, pourquoy instituez	262
Ordonnances de Louys xi. sur l'ordre de Frâce	569	les Pays de Flandres, Artois, & Henault, tenus de la couronne de France	126
les Ordonnances de soy n'obligent, si le mande- ment n'est au pied	327	le Pays de Lotaringie & le Royaume d'Arles par- tagez, comment	135
les Ordonnances de Poulongne, semblables à ceux de Dannemarc, de Suede & Noruege	43	és Pays de Suisse & Grisons, se formerent dix- huit Republiques, tenant chacune son estat souverain	370
les Ordonnances des Princes de ne transporter l'or & l'argent aux estrangers, sont mal execu- tees	706	Pays de Suisse & des Grisons, vicariats & prouin- ce de l'Empire	370
		és Pays infertiles les estrangers d'esprit, sont rete- nus par amour ou par force	64
		Pays	

DES MATIERES.

Pays de surceance, qu'est-ce	63	ce qui est dict en Particulier, se verifie en general sur tous les Princes	482
la vraye Paix fait florir la republique, & ruine les gens de guerre	582	2. Partie de la definition de Republique	8
en la pure monarchie, la Paix ou la guerre depend du Prince souverain	166	la plus grâde Partie des Cantons, oblige la moindre	82
Paix rend les hommes courtois & traictables	508	article des Parties casuelles, l'an 1572	687
traicter la Paix, ou decerner la guerre, marques de souveraineté	164	Parties du corps humain, figurent la Republique bien ordonnee	441
Paleologues prennent la ville de Constantinople, des Comptes de Flandres, apres auoir tenu l'Empire 56. ans, l'vnziesme iour de Septembre	407	trois Parties principales de l'ame; l'Imagination, la Raison, & la partie Intellectuelle	503
toute la Palestine saccagee, la ville de Ierusalem rafée 74. ans apres Iesus Christ	405	refue, hant Passage, & traite foraine	669
<i>Panatolium</i> , qu'est-ce	258	certain Passages d'Aristote, Polybe, & Denis d'Alcarnas, traittans du droit de la Majesté, expliquez	155
le Pape Iule II. se declare ouuertement ennemy du Roy, comment	619	le Patrimoine du Prince, & le domaine public, sont differens	658
le Pape Iule III. demande la paix au Roy Henry II.	593	Patronage, Vasserie, & Protection, & de leurs differences	75
le Pape ou les Princes, ne se lient iamais les mains	97	Patrons, qui ils sont	74
opinion de quelques vns, qui disent que le Pape peut dispenser du serment, non seulement les autres Princes, ains aussi soy mesme	619	Paul Æmil a faully de x. ans pour vn article	417
Papes esleus par le clergé,	141	Paul Æmyl changea le grand Royaume de Macedoine, & amena prisonnier le Roy Perseus à Rome, ayant eu victoire le 3. iour de Septembre	407
viennent en France, pourquoy	ibid.	Paul Æmil, le mieux suyui entre les historiographes	417
plusieurs Papes & Empereurs tuez, & empoisonnez pour les eslectiones	741	Paul Æmyl repudia sa femme	19
les Papes nommez iuges & arbitres de tous les differens entre les Princes Chrestiens	614	Paul Manuce escrit, que la Republique de Venise a duré XII. cens ans	370
les Papes se iettent en la protection des Roys de France, pourquoy	140	Pausanias tua Philippe Roy de Macedoine, au milieu de son armee	467
toute la ville de Paris anciennement, n'estoit q l'isle enuironnee de murailles, & la riuere à l'étour	56	les Paurés se doivent nourrir & non tuer	48
la ville de Paris s'est tousiours maintenue par cōposition, & n'a esté prise, depuis que Cesar la forcea, pourquoy	581	le Payement de la gendarmerie de France, à combien se montoit l'an 1560.	598
le Pariure, plus execrable que l'atheisme, pourquoy	616	Payazet defaict l'armee des Chrestiens de trois cens mil hommes à la iournee de Nicopolis, le 28. Septembre	408
Pariure, detestable en vn Prince	112	la Peine apposee aux loix du Prince souverain, est differente de celle qui est aux ordonnances des magistrats	161
Parlement ambulatorioire n'ayant puissance que par commissio, fut erigé en cour ordinaire par Philippe le Bel	438	la Peine des vaincus	662
les Parlemens d'Angleterre, se tiennent de trois ans en trois ans	101	la Peine doit estre exemplaire	22
le Parlement de Paris, a la prerogative d'honneur par dessus les autres	342	Peine militaire de seigner le soldat qui auoit failly pour le faire plus sage	409
Parlement de Paris fait defense aux Chartreux & Celestins de Paris, de plus acquerir	518	Peine ordonnee au pere qui auoit tué son enfant	29
la cour de Parlement, erigee en cour ordinaire a iurisdiction & seance à Paris, par le Roy Philippe le Bel, pourquoy	262	Peine ordonnee pour celuy des deux, qui est cause du diuorce entre mariez	19
la Parole du Prince doit estre comme vn Oracle	98	les Peines sont odieuses, & se renouent aux Magistrats, & les loyers sont reseruez aux Princes	563
Parricide, crime frequent depuis la mort d'Auguste	25	Peintures & portraictures defendues au lieu, où deliberoit le Senat	253
les Parricides ne peuuent receuoir peine condigne à leur meschef	22	difference de Pension & tribut	150.604.666
Partage du territoire d'alentour de Rome	11	les Pensionnaires d'autres Princes, ne doiuent auoir lieu au Conseil	255
Partages demeurent au contrepoids	515	Pension payee au protecteur, non pas tant pour estre guarenty des ennemis, que du Protecteur mesme	604
les Parthes vsent d'esclaves en guerre	41	Pensions necessaires	666
difference du Particulier à l'officier	275	Pené d'Angleterre, qu'est-ce	700
		les Peres en droit coustumier, n'ont rien es biens	AA ij

T A B L E

des enfans	27	durant les querelles des Princes	62
Pere & fils tyras, en succez sont en danger de chagement	377	le Peuple diuisé en trois estats par Platon	597
le Pere, image du grand Dieu souuerain	21	demenbrement du Peuple de Dieu	642
le Pere tué par son fils en luy voulant donner vn soufflet	22	le rebut du Peuple de Florence, chassent les guerroyeurs	387
vn Pere tue son fils à la chasse	22	Peuple eschauffé ayant les armes au poing, difficile à refroidir	476
plusieurs Peres font eslire leurs enfans Roys deuant leur decez	210	le naturel du Peuple, est d'auoir pleine & entiere liberté, sans frein ny mors	249
la Perfidie couuerte par nouveau traitté ne se doit pas reperer	622	Peuple & seigneurie de Thebes avec leur ville, exterminé par Alexandre le Grand	373
Perfidie, & desloyauté, chose detestable & cause de grands maux	620	le Peuple es republics populaires, departien diuerses manieres	244
Pericle craignant le hazard du compte qu'on luy demandoit des finâces d'Athènes, getta le peuple d'Athènes en guerre	391	Peuple Meridional, cruel & vindicatif, pour la nature de la melancholie	495
Pericle & Laurés de Medicis, monarques d'Athènes & de Florence	719	Peuple Meridional fort sujet au mal caduc, fieures quartes, & escrouelles	500
Pericles cōtinue les murailles d'Athènes, iusques à ce que le port a esté enfermé en la ville	393	Peuple Meridional lubrique, & le peuple Septentrional chaste	497
Pericles se seruit de l'orateur Ephialtes, pour rendre l'estat des Atheniens populaire	483	Peuple n'a iamais de mediocrité	385
Peril quand lon veut ramener les affaires politiques, & de la religion à sa premiere source & origine, qui par succession de temps auroient esté corrompues	423	Peuple n'ayant que les Magistrats pour guide fort aisé à piller, si les Magistrats ne sont cōtroolez les vns contre les autres	444
coustume en Perse de fesser les Magistrats, changee par le Roy Artaxerxes	202	le Peuple ne meurt iamais	9
les Perses adoroient leur Roy comme l'image du Dieu viuant	201	Peuple Oriental a beaucoup de iactâce & de parolles	485
les Perses ne condamnoient point vn homme à mort, s'il n'auoit fait plus de mal que de bien	212	la pluspart du Peuple tenir la souueraineté, comment se doit entendre	244
la Personne fait cognoistre quel est le Magistrat	301	vn Peuple qui a tousiours vescu en liberté, ne se peut tenir en suggestion, ny retrancher sa liberté à demy	602
cinq Personnes necessaires pour l'entier accomplissement d'une famille	8	vn Peuple, quinze personnes	9
toutes Personnes publiques ne sont officiers ou commissaires	273	Peuple Romain fust vn an sans Monarchie, ny estat Populaire, ny Aristocratie	372
entre les Personnes qui ont charge publique, les vns sont Magistrats, les autres non	290	Peuple Romain ne s'empeschoit que des principaux poincts de la majesté, qui a esté depuis la premiere guerre Punique, iusques à ce que le Royaume de Macedoine fust sous la puissance des Romains	462. 463
Personnes publiques cōstituez en hōneur & grāde dignité, qui n'ont ce neātmoins point de commandement ny iurisdiction, qui sont ils	298	Peuple Romain, patient en la perte, constant en sa victoire	485
Pertinax Empereur Romain, fait effacer son nom graué aux heritages domaniaux, pourquoy	658	Peuple Romain reçoit aduantage sus la noblesse, pour vne victoire des Veientes, qui tuerent grande partie des gentilshommes, mesme trois cens Fabiens d'une race tous nobles	390
le Peuple commandoit en la Republique de Rome, & le Senat decernoit	269	ne faut suiure les appetits d'un Peuple insatiable	474
Peuple courroucé, mauuaise beste de plusieurs testes	474	Peuples apres ses seditions entre soy, ayme mieux les Senateurs de rechef, que receuoir cōmandement l'un de l'autre	476
Peuple de Carthage estoit cruel & vindicatif	485	Peuples d'Afrique cognoissant les dangers de l'estat populaire, se gouuernent tous en forme de Monarchies	387
Peuple de Constantine aime mieux obeir à Delcaied Chrestien renié, qu'au fils du Roy de Thunes	379	Peuples d'Afrique ont les yeux noirs	488
Peuples de Septétrion ne sont point malicieux, ny rusez, cōme les nations Meridionales	494	Peuples d'Alemagne armez contre les seigneurs, où fut tué cent mil hommes l'an 1524.	405
Peuple des Suisses s'entremesse de pourueoir aux offices	462	Peuples entre le Septentrion & le Midy, plus apres à la guerre que tous les autres	490
Peuple de Tarente voiant que sa noblesse auoit perdu la bataille contre les Iapiges, se voyant le plus fort, changea l'Aristocratie en estat populaire	389	les premiers Peuples estoient gouuerner sans loix	288
Peuple desur les frontieres qui se sont affranchis		Peuples fort Septentrionaux sont petits, maigres, & basanez de froid	487
		Peuple	

DES MATIERES.

Peuples Meridionaux n'ôt pas la chaleur interieure si vehemente que les Septentrionaux	489	pourquoy	59
Peuples de Septentrion pour estre plus affamez, deuorent plus auidement, & pource non vituperables	489	Pilots & gens de mer de Venize, contre les habitants de la ville par sedition, mettent la Republique en grand danger de changement	393
forme d'election simulee de Philippe 1. Roy de France	746	la Pitié ou douceur est plus à fuir à l'endroit d'un Magistrat, que la crainte	331
Philippe 1. Roy de Macedoine, ne fut tué que pour la faueur qu'il portoit à Antipater contre Paulanus	470	Pituité rend l'homme pesant & lourd	494
Philippe de France surnommé le Hardy, Duc de Bourgongne, defendit les combats en Holande	471	le Piuot sur lequel tourne l'estat d'vnecité, que c'est	10
Philippe de Valois esleu Capitaine en chef de l'Eglise Romaine	86	merueilleux effects aux rencontres des hautes planettes	409
Philippe de Valois reuoqua les commissions, & ordonna que les officiers Royaux seroient perpetuels	437	ne se faut arrester à la conionction des deux plus hautes planettes	402
Philippe le Bel apres auoir leué les defenses qu'il auoit faictes, il fust dict par arrest de l'an 1317. que les combats ne seroient ottroyez sans congnissance du Magistrat	472	Planettes hautes & basses, conioinctes l'an 1186. au mois de Septembre	407. 408
Philippe le Bel, en la cause de Robert Comte de Flandres ne voulut assister	459	Platon approprie le nombre pair aux semelles, & le nombre impair aux masses	413
Philippe le Bel, erigea les Parlemens de Paris, & Montpellier	113	Platon a voulu que les offices fussent perpetuels	433
Philippe le Bel & Charles le quint Roys de France, ont ordonné que nul ne fust Iuge au pays de sa naissance	427	Platon dict que les Republiques viennent à se ruiner, quand l'harmonie defaut	411
Philippe le Bel fist publier vn edict, par lequel il defendoit le combat	471	l'auctorité de Platon en son Timee, & des Hebreux, qui disent que la corruption du monde se fait successiuelement par eau, puis par feu	409
Philippe le Bel le premier qui dōne puissance aux seigneurs iusticiers, d'establi sergens & notaires en leur territoire	288	Platon & Aristote veulent exercer leurs enfans aux champs Dorien, c'est à dire du premier ton	412
Philippe le Jeune, fait Roy de Macedoine	409	Platon & Xenophon permettent aux gouuerneurs & Magistrats de mentir	474
Philippe de Valois emancipe son fils Iean, pourquoy	27	Platon fait deux Republiques	194
Philippus, pourquoy ainsi appelez	178	Platon ignorant les mouuemens celestes, a dict que la Republique qu'il auoit ordonnee prendroit son changement	398
Φως, que signifie	37	Platon meurt à 81. an, qui sont neuf nonenaires	413
Philon, compte l'an 1524. de la creation du monde	403	Platon rend grace à Dieu, qu'il est Grec, non pas barbare	505
Philotas decouurit sa coniuration contre Alexandre à samie	467	Platon se retire tacitement de sa premiere Republique, pourquoy	11
les pieces de six blancs de bon aloi, quand forgees	709	Plebiscitum, qu'est-ce	158
le ried des monnoyes ne peut estre alteré au preiudice des sугects, & moins des estrangers	696	Pline & Bartole, vescuient cinquante & six ans	414
Pierre d'Arliac, Chancelier de Paris, depuis Cardinal, l'an 1416, a apporté les naissances, chāgements, ruines des Republiques, & des religions	402	Pluralité & diuersité de conseils, n'est chose nouvelle ny domageable	260
Pierre Loys, Duc de Plaisance, fust assassiné & meurtry en sa forteresse, par deux meurtriers, au veu de sa garde	462	Poinct necessaire pour la seureté des traittez de paix & alliance	614
Pierre Loredan appaise la sedition entre les Pilotes, mariniers de Venize, & ceux de la ville	393	le Poinct principal de la majesté souueraine, en quoy il gist	103
Pierre Loredan gētilhomme vertueux, sans estats, appaisa les troubles de Venize, pour l'honneur de sa vertu	476	trois Poincts à remarquer pour le regard de la creation des offices & magistrats	299
Pieté, exemplaire enuers les peres & meres en la Republique Romaine	24	deux Poincts principaux, que les magistrats doivent auoir deuant les yeux	323
Pilate contrainct de condamner Iesus Christ,		Polemon Roy d'Amasie, fait la Republique Romaine heritiere de son estat	670
		πολιτεία, qu'il signifie	193
		peuple de Pologne esleurent leur premier Roy l'an 769.	405
		Pompee le Grand, apres la iournee de Pharale, resolu par le discours de Secundus Philosophe, qui luy mit deuant les yeux l'opinion de Platon, fust du tout resolu	398

T A B L E

Pontius vieil capitaine des Samnites disoit, qu'il falloit mettre en liberté l'armée des Romains, surprise aux destroits de l'Apénin, ou faire tout mourir	393	Présidens & Conseillers du parlement, anciennement estoient annuels	438
la Populace de Rome se bande contre la noblesse, pourquoy & comment appaisée	57	le Prete- jan n'a point de forteresses	579
Populace estonnée au danger	716	Prest ou accommodation sont sans qu'il en vienne profit à ceux qui le font	74
l'estat Populaire, meilleur que les autres, pourquoy	713	le premier Preteur, quand fut erigé	292
Porfenna Roy, tué par vn valet de chambre de Lazare Roy de Serpie	467	du Preteur Vrbain & de sa puissance	322
la puissance de Porter armes, retranchée sous l'Empereur Auguste	597	Prinilege, qu'est-ce	162
Portugal, membre du Royaume de Castille	150	Priuiliges des bourgeois	53, 68
les Potentats d'Italie, hors le Pape & les Venitiés, n'ont point de souveraineté	134	vn Priuilige seul des bourgeois Romains, commun à tous	59
Potestas, qu'il signifie en termes de droit	295	Priuiliges des marchans estrangers en Frâce	70
Potestats, pourquoy ainsi appelez, & de leur puissance	320	Priuiliges donnez au Royaume de France par les Papes	148
Potestates, que c'est	297	Priuiliges donnez aux habitans pour peupler les villes	65
in Potestate & in manu, comment ils different	16	les Priuiliges ne se peuuent octroyer que par les souverains	162
Poursuinâs de la Pucelle, entrez en ialousie, la demembrerent	441	les Priuiliges ne font pas le suget plus ou moins citoyen	61
Pouvoir ce qu'on veut, degré de bonheur	114	les Priuiliges sont directement contraires aux ordonnances	312
Præfectum pratorio, qui il est	332	Preuost de la ville erigé à Rome, pourquoy	325
Precedence à l'endroit des Ambassadeurs de grande consequence	153	du grand Preuost, & quelle est sa puissance	320
le grand Precop de Tartarie, anciennement seigneur souverain	150	Preuostez communes entre les Cantons	81
Premier Presidēt de Paris, fust le Comte de Bourgogne, Prince du sang	438	Preuoyance du ieune Scipion	588
Premier & second temple, bruslé en pareil iour & mois	416	Préuue de forces contre les sugets d'agereuse	474
Premier President de la cour s'appelle Miles	438	la Priere du pere pour les enfans exaucée de Dieu par dessus toutes les autres	21
la Prerogative de conseiller donnée aux vieillars, pourquoy	254	il est expedient que le Prince ait vn abrégé des affaires d'estat, & vne liste des gens de marque	688
Prerogative d'honneur au protecteur, comment se doit entendre	79	Prince de Melphe lieutenant en Piedmond pour le Roy, ordonna vne place entre deux ponts pour faire le combat entre les soldats, à la charge que le vaincu seroit tué par le vainqueur	472
la Prerogative d'honneur, n'a rien de commun avec la puissance	341	Princes d'Orient & d'Afrique defendēt estreictement de ne disputer de la religion	477
Prerogatiues des Ministres de Geneue	653	Princes d'Orient ont donné ordre que l'usage des cloches, qui est sortie de Nele en Italie, ne soit en leur pays	480
Prerogatiues du Duc de Venise	192	Prestres de Mars, bouteux	479
les Prerogatiues du S. de la Roche blanche sur ses sugets, retranchées par arrest du Parlement de Tholose	45	Prince descourant bien tost son imperfection, encor qu'il ne soit sage, ne peut estre fort meschant	377
Prescheurs ont tousiours tenu le premier degré d'honneur entre les peuples	483	qui met vn Prince de son sang entre les mains des bourreaux, forge le cousteau contre soy mesme	228
Prescheur sous voile de Religion oste le sceptre au Roy de Maroc, qui estoit de la maison de Ioséph	482	le Prince dissimulant au commencement, est comme celuy qui met vn beau linge sur sō visage	377
Prescription abusive des tailles ou peages par quelques seigneurs	179	le Prince doit cognoistre les gens de bien & de vertu	571
Prescription de cent ans peut seruir, mesme à vne souveraineté	220	le Prince doit estre moins supporté en iustice que ses sugets, quand il y va de sa promesse	112
la Presence du Prince est de grande consequence pour vaincre l'ennemy	595	Prince doit faire iustice en personne	449
la Presence du Roy fait casser la puissance des Magistrats	193	Prince doit iouer deux personnes contraires, de Pere misericordieux, & de Magistrat entier	454
la Presence du souverain tiēt la puissance des Magistrats suspendue	333	Prince doit parler peu	452
Presentation necessaire aux donatiōs & receptiōs de priuiliges	66	le Prince donnant la foy au suget la doit garder	626
		il n'y a Prince en Italie, qui ne tienne ou du Pape ou del'Empire	132
			file

DES MATIERES.

si le Prince est deloyal, il ne faut iamais faire estat de son serment	630	Prince souuerain se rend suget d'autrui volontairement	370
Prince est l'image de Dieu	445	le Prince souuerain, s'il est cruel, peut estre tué	220
le Prince est tenu de ses conuentions	111	la puissance du Prince sur son suget ne se pert, pour le suget changer de place	65
les corps & colleges ne peuuent demander laiz testamentaires sans permission du Prince, & fils ne sont erigez par iceluy	352	Princes abusans de leur puissance, & maltraictans leurs sugets, estoient chasséz ou tuez	375
Prince faisant bien à chacun, & mal à personne, aimé	457	les Princes attirét à soy les estrangiers par force de priuileges, pourquoy	65
le Prince genereux ne demande la paix ny la guerre	592.593	les Princes d'Alemagne se iectét en la protection du roy Henry 2. & depuis qu'il les a remis en leur liberté se reuolent contre luy	605
Prince mal nourry, pur exemple & pourtraict des vices	450	les Princes d'Ethiopie & Tartarie plus reuerent que nuls autres, pourquoy	579
le Prince moins priuilegié que le suget	115	les Princes de l'Empire en la protection des roys de France	636
le Prince ne doit rien commader d'inique, ny qui puisse estre suget à reprehension	314	Princes doiuent estre esclaves de leurs plaisirs	451
si le Prince n'est plus cruel que beste sauuage, l'estat ne changera point	379	de deux Princes egaux en vne republique, ny l'un ny l'autre n'est souuerain	198
le Prince n'est plus obligé au droit des gens qu'à ses propres edicts	118	les plus sages Princes empeschent à l'entretènement des colleges de diuerse religion	364
le Prince n'est suget à ses loix, ny aux loix de ses predecesseurs	97.98	trois Princes en vne Republique se comporteroient mieux que deux, pourquoy	199
le Prince ne peut deroguer aux loix qui concernent l'estat du royaume, pourquoy	100	les Princes estans en guerre, fils veulent parler ensemble, se doiuent bailler assurance l'un à l'autre avec toute seureté	623
le Prince ne peut donner grace de la peine establie de Dieu, ny dispenser de la loy d'iceluy	175	Princes & Magistrats affectans la gloire d'estre misericordieux, versent sur leur teste la peine que coupables ont desseruie	481
le Prince ne se peut lier les mains, ny priuer ses sugets de la voye d'appel	171	Princes & Prelats se veulent licencier & exempter des choses qu'ils defendent aux autres	516
la vertu d'un Prince nouveau ne suffit pas pour garantir son fils tyran en son estat	377	Princes estrangiers esleus comme protecteurs par les liguees	85
Prince ny furieux ny enfant	444	Princes faits feudataires & vassaux du Pape, pourquoy	142
Prince pitoyable & impitoyable, vaincu par pleurs des criminels	455	Princes Medois descendus d'Artabazus, les roys de Perse, d'Egypte, des Hebreux, Macedoniés, Corinthiens, Sicioniens, Atheniés, Celtes, Lacedemoniens, succedent aux couronnes acquises par violence	375
vn mesme Prince peut estre Monarque seigneurial des vns, & tyran des autres	212	Plusieurs grâds Princes morts au mois de Septembre, à sçauoir Auguste, Tibere, Vespasian, Tite, Domitian, Aurelian, Theodose le grand, Gratian, Basile, Constantin 5. Leon 4. Rol, Frederic 3. Charles 5. Empereur, &c.	408
Princeps, qu'il signifie	197	du petit nombre des vertueux, les Princes ne sont pas choisis	377
rien plus cōuenable au Prince, que la clemence	454	si les Princes ou Conseigneurs peuuent estre corrigez l'un par l'autre ayant offensé	342
Prince, quelque gracieux qu'il soit, ne se peut maintenir longuement sans forces, garnisons, & forteresses	381	Princes pardonnent plus qu'ils ne punissent	452
le Prince qui ne peut accorder ses grands sugets, de paroles ny par menaces, il doit leur donner arbitres non suspects	470	Princes plus cruels que bestes sauuages, comme Phalaris, Alexandre Phereum, Neron, Vitel, Domitian. Cōmode, Caracala, Maximin. Ecolin de Padouë, Ieā Marie de Milan, tous tuez ou chasséz, & chagés la pluspart en estat populaire	379
le Prince qui tient d'autrui, n'est point souuerain	123	Princes plus reuerent que blasmez de leurs sugets, pour n'auoir ensanglanté leurs mains par la mort de leurs ennemis	229
vn Prince rigoureux & seuer, plus necessaire qu'un doux & facile	218	il y a peu de vertueux Princes, pource qu'il y a peu de vertueux hommes	377
Prince sage doit trancher les racines & semences des guerres ciuiles	425	les Princes sont sugets aux loix de Dieu & de na-	
si est plus expedient auoir vn sage & vertueux Prince sans conseil, qu'un Prince hebeté pourueu de bon conseil	251		
Prince souuerain fait heritier de son estat vne Republique populaire	370		
tout Prince souuerain exempt d'obligation ciuile	346		
le Prince souuerain ne doit estre present, ny executeur des punitions faictes des chefs des rebellions, pourquoy	361		
le Prince souuerain ne recognoist personne plus grand que soy apres Dieu	91		
le Prince souuerain n'est suget aux estats	100		

T A B L E

ture, & à plusieurs loix communes à toutes nations	95.97	Proconsuls, propreteurs, proquesteurs, pourquoy establis	280
les Princes souuerains & les Magistrats recommandez de Dieu	224	le seul procureur general du roy doit serment au roy, les autres officiers à la cour	168
les Princes souuerains, & non autres, doiuent distribuer les honneurs & loyers à ceux qui les ont meritez, pourquoy	570	les procureurs du roy contraignent souuent les iuges de garder l'ordonnance	308
les Princes souuerains ne peuuent alterer ou changer les loix de Dieu & de nature	110	Prodigalité de Neron & Caligula	687
les Princes souuerains, quels qu'ils soient, doiuent estre inuiolables	224	nature des lieux changent bien fort la prolation naturelle des hommes	510
les Princes spirituels de l'Empire sont en plus grand nombre	725	Promesse de pepin au pape, accomplie	140
quand les grands Princes traittent la paix entre eux, les autres y veulent estre comprins, pourquoy	615	Promesse liberale se doit accomplir sans aucun loyer	74
aux Princes tyrans, succedent ordinairement Princes iustes & bons	376	les promesses faictes avec serment ou sans serment, tant du prince que des sugets, peuuent estre annuelles, pour quelles raisons	97
les Princes voisins doiuent estre comprins es traittez ou capitulations, entre le Prince souuerain & ses sugets	630	Prophecie de Luther, qui auoit dit que la puissance des Turcs iroit deslors en auant en diminution, qui croist plus qu'elle ne fit onques	409
Prince tenant grauité trop grande, sera plus redouté, mais moins aimé	451	Proportion entre la loy & l'execution d'icelle	323
conseil Priué tresnecessaire en vne republique	259	definition des trois proportions, en termes de justice	767
le nouueau Prince tyran est comme vn hault arbre sans racine, qui doit sa ruine au premier vent impetueux	377	entre huit & vingt sept, la proportion & douceur harmonique	411
Princes tyrans exterminiez, non pas pour la cruauté contre le menu peuple, mais contre les grâds & mieux alliez, & quelquefois pour contumelie	379	Proportion geometrique en la distribution des offices	792
Prince vertueux a en horreur les hommes vicieux	456	Proportion harmonique en la distribution des loyers	568
Prince vertueux fait d'un voleur & brigand	206	Proportion harmonique en l'ordre du festin	769
le Prince vicieux ou indigne de la personne qu'il porte, n'en veut d'autres que de son humeur	577	Propos tenus au couronnement des roys de France	117
Prince voisin se rue sus l'estat apres la defaicté de ses voisins	394	Propos de compte de quarante deux millions	391
Principauté, qu'est-ce	105.197	les propositions au Senat, par qui elles se doiuent faire	264.265
Principauté premiere, establie par Nimroth au pays d'Assyrie	50	propriété des biens maternels demeure aux enfans	26
la puissance de Principaux des colleges sur les disciples, quelle elle doit estre	353	ostant la propriété des biens, on ruine les Republiques	721
Prisonnier de guerre, esclau, comment	34	Proprietez attribuees aux nations par les anciens non point chargees	404
le Prisonnier de guerre gardé, peut eschapper sans blasme	618	le protecteur doit receuoir pension de l'adherent, pourquoy	604
le Prisonnier n'est à celuy qui l'a poursuiuy, quand il le prend sur la terre d'un autre prince	76	il est licite de protecteur se faire seigneur, si l'adherent est desloyal	603
garder le prisonnier que lon pouuoit tuer, quelle charité	76	Protection n'a point de lieu, s'il n'en est conuenu entre les parties	76
les prisonniers par des corsaires, ou qui sont vendus à faux tiltres, ne sont esclaves	34	Protection, que c'est	75
le changement du prix de l'or & argent qui se fait par long trait de temps, est insensible	702	Protection, que signifie	73
le prix des monnoyes a tousiours esté dependant du souuerain	178	les protections ou alliances, comment elles doiuent estre asseurees	606
le prix & honneur de la victoire des soldats est au capitaine	564	estre en protection simplement, & tenir en foy & hommage, comment ils different	119
Προβουλη, qu'ils estoient	264	les protestans prennent les armes contre l'Empereur, contre l'opinion de Martin Luther	224
il n'est licite proceder contre son roy en aucune maniere	222	Prouesse d'Isidas	583
les procès comment ils se peuuent retrancher	644	le prouffit, pour grand qu'il soit, ne doit commander à la raison	309
		quel prouffit il prouient des estats & communauttez	366
		Prouinces des Romains enuahies par les estrangers	490
		Prudence de l'Empereur Auguste	678
		la prudence & integrité plus necessaire à vn senateur que la science	255
		Prole	

DES MATIERES.

Ptolemee en guerre contre Antioque	409	la Puissance du mary sur la femme, source de toute societé humaine	15
Ptolemee n'a peu rien auoit des Caldeens	403	la Puissance du mary sur les femmes a esté generale	16
Ptolemee Philopator est fait roy d'Egypte	409	la puissance du moindre tenue en souffrance en la presence du superieur	334.336
Ptolemee regrette l'opinion d'Eudexe par argumens vraisemblables	410	la puissance du pere, en quoy elle gist	21
Puberté és hommes à quatorze ans, n'est aux filles qu'à douzeans	413	Puissance du seigneur enuers les esclaves, & du maistre enuers ses seruiteurs, fait la troisieme partie du gouvernement des menages	33
Publication des edicts doit estre reiteree en vne republique, pourquoy	306	de la puissance & autorité du Pape, selon plusieurs	139
Publication doit estre faite des traittez des alliances és cours souueraines, & ratification par les Estats	77	la propriété & puissance ottroyee au Magistrat en son erection, à qui elle appartient	321
le public doit estre preferé au particulier, si la raison & l'equité n'y resiste formellement	227	la puissance paternelle de mort & de vie doit estre remise	28
ce qui touche de plus pres au public doit tenir le second lieu és deliberations; quand il est question des affaires d'estat	266	Puissance paternelle iadis inuiolable	24
ce qui est trouué bon en Public, sera tousiours bon en particulier	758	la puissance paternelle non diminuee pour le mariage	25
choses Publiques ou communes, necessaires à vne republique	10	Puissance publique, en quoy elle gist	14
Puissance de France deboutez de partage & de la succession des appennages	754	la puissance qu'a vn homme sur vn autre de la vie & de la mort, n'est contre nature, ny sans utilité	36
Puissance absolue, qu'est-ce	93	la puissance royale inseparable de la majesté	208
la Puissance absolue des princes & seigneurs ne s'estend aux loix de Dieu & de nature	97	la puissance souueraine de commander ne se doit donner à vn seul, pourquoy	333
Puissance à chacun de disposer entierement de tous ses biens, à quelque personne que ce fust, par la loy des douze tables	520	la puissance souueraine de donner loy aux sugets fait l'estat commun	82
Puissance au mary de chastier sa femme	18	Puissance souueraine se reserue tousiours au seigneur pour en iouir quand il luy plaira, nonobstant toute puissance qu'il ait donnee ou commise à autres, lesquels ne sont qu'administrateurs d'icelle pour quelque temps	89
Puissance de commander celloit au temps expire	83	Punition de ceux qui ont fait mourir leur prince, ou attenté contre luy en quelque sorte	228
la Puissance de commander doit estre deferée à vn chef, pour faire de grands exploits	732	en la punition des corps & communautéz faut obseruer, que <i>pœna ad paucos, metus ad omnes perueniat</i>	361
Puissance de commander en souueraineté a de malheur, qu'elle fait deuenir l'homme de bien meschant, l'humble arrogant, le pireux cruel, le vaillant poltron	376	la punition des forfaits, apres l'honneur de Dieu, & de plus grande consequence	559
la Puissance de la vie & de la mort sur les enfans, laissée aux peres par la loy de Dieu, encores que les biens fussent en la disposition de la loy	30	Punition des rebelles & le moyen de preuenir aux seditions	483
Puissance de la vie & de la mort doit estre rendue aux peres sur leurs enfans	23	Punition secrette ou en cholere, non receue, selon la loy	22
la Puissance de lier ou obliger vn suget n'est attachée aux lieux	72	trois sortes de punitions diuerses, remarquées en trois princes diuers	362
Puissance de vie & de mort pour les maris limitée	23	la Punition ordonnée pour la rebellion sur la Guienne, modérée par le Roy Henry deuxiesme	361
la Puissance des colleges	352	Pure Anarchie au peuple Hebrieux, apres la mort de Iephthé	372
Puissance des Euesques sur les Roys	450	Pure Anarchie en Florence, apres que la Noblesse fut chassée du peuple, qui demeura quelque temps sans gouvernement	372
Puissance des Magistrats inegale	292		
distinction de la Puissance des Magistrats pour les qualitez	323		
quelle Puissance doit auoir le seigneur sur l'esclave	35		
la Puissance domestique doit ployer sous l'autorité publique	330		
trop de Puissance donnée aux sugets, ruine les monarques	384		
la trop grande Puissance donnée à vn seigneur est perilleuse pour la republique	757		
la Puissance du glaive ottroyee au Connestable & mareschaux, ayans la conduite de la guerre	322		

T A B L E

Pure Anarchie en Syracuse, apres la mort de Dion
372
moyen de Purger les Republiques des faineants
& vagabonds 387
les Pythagoriens auoient confratrie, & viuoient
en commun 350

Q

Qualifications des grands seigneurs, quelles
elles doiuent estre 154
Qualification és puissances donnees, demonstre
retention de souueraineté 93
double Qualité au chef du collegé 351
la Qualité de la personne fort considerable en
iustice 778
la Qualité d'officier preferable au commissaire, &
les actes des officiers plus asseurez que de com-
missaires 279
la Qualité de Roy n'appartient qu'à celuy qui est
souuerain, & ne tient de Prince quelconque
152
la Qualité du Magistrat dehors, il n'est rien plus
qu'un particulier 327
la Qualité ne change point la nature des choses
184
Qualitez communes au Magistrat 301
les Qualitez du mary doiuent estre suiues par la
femme, pourquoy 20
Qualitez du Senateur 255
il ne faut s'arrester és Qualitez que les Princes s'at-
tribuent, pourquoy 211. 212
la Quantité de plus ou moins, ne tire apres soy
diuersité de Republiques 196
Quatriesme marque de la souueraineté 169
Querelles entre le pere & le fils, Roys d'Angleter-
re, pourquoy 210
des Questeurs, quelle puissance ils auoient 295
Question notable disputee deuant l'Empereur
Henry septiesme 318
il vaut mieux Quitter l'estat, que d'obeir à chose
qui soit contraire à la loy de nature 309
Q. Gallius s'efforce de tuer Auguste Empereur
466

R

R Alliement du peuple Romain par Agrippa 57
R Raison conforme à la volonté de Dieu 14
la Raison doit commander sur l'appetit bestial 14
Raison necessaire pour restablir la Censure 648
Raisons contraires à l'estat populaire 714
Raisons pour l'estat Aristocratique 723
Raisons pour monstrier qu'il ne faut fortifier les
villes 579. 580
si l'ennemy ne se contente de la Rançon du Roy
captif, les Estats peuuent proceder à nouuelle
election, ou prendre le plus proche du sang
394. 395
Rate ne se peut enfler, que les autres membres ne
seichent 464
les Ratifications és traittez, comment elles doiuent
estre faites 628
Ratification & amplification par les loix sur la

puissance qu'a le pere sur les enfans 23
Raymond Comte de Toulouze, n'a bien regardé
le traitté fait entre luy & les estats, de Langue-
doë 370
la fi le vnique de Raymond Comte de Toulouze,
esposée Alphons Comte de Poictiers, frere du
Roy Loys II. 371
premiers Rebelles del'Empire 80
la Rebellion des Rochelois pardonnee par le Roy
François premier 362
les Rebellions, comment elles ont esté punies par
les anciens 359. 360. 361
le voile des Rebellions contre les Princes 738
la Rebellion contre son Prince, defendue de la loy
de Dieu 224
moyen de faire les Receueurs loyaux 694
la Reception des esclaves est de consequence 33
la Reconnoissance du bien-faict plus tardieue que
la vengeance, pourquoy 572
lettres de Reconnoissance du Duc de Lorraine
172
deffenses au peuple d'Italie de Reconnoistre l'Em-
pereur pour seigneur 140
droit des Regales propre aux Princes souuerains
181
Rege, Modene, & Concorde, fiefs de l'Empire
144
Regens establis pour la ieunesse ou absence du
Prince, n'ont pourtant la souueraineté 91
Reigle des estats populaires 721
moyen de Reigler le fait des monnoyes 707. 708
trois Reigles qui monstrent les trois proportions
770
Regales reservees aux Ducs de Bretagne 123
Reguli, pourquoy ainsi appelez 221. 222
deux Religieux executez par arrest de la Cour de
Parlement de Thoulouze, pourquoy 354
quatre corps ou colleges de diuerse Religion à
Francfort 364
colleges de Religion differente maintenus en di-
uers endroits, pourquoy 364
Religion ne doit estre mise en dispute 477
Remboursement des officiers supprimez, neces-
saires 423
Remparer ou fortifier maisons, est deffendu en An-
gleterre & Moscouie, pourquoy 581
bonne Renommee vault mieux que ceinture do-
ree, d'où est venu ce prouerbe 567
les Rentes foncieres & hypothecaires cōstituees,
comment se doiuent payer 694
droit de marque ou de Represailles anciennement
commun à tous 181
premiere souueraineté & forme de Republique a
commencé par la monarchie des Assyriens 375
ne fault mesurer la duree d'une Republique à la
fondation d'une ville 370
la Republique bien ordonnee gist en contempla-
tions vertueuses, & actions politiques 7
Republique bien fondee ne souffre pas aisément
alteration 395
Republique bien fondee, s'assure contre la force
exterieure, & contre la maladie interieure 369

DES MATIERES.

Republique, comment définie par les anciens	3	Republique, droit gouvernement de plusieurs mesnages	8
Republique, Cité, Maison, Parroisse, mots de droict	55. 56	premier & principal but de Repu. est la vertu	425
depuis quel temps la Republique de Venize est ainsi establie qu'elle est maintenant	191	si est bon en vne Republique d'y auoir des estats, corps & colleges	365
Republique cōme vn nouuel essein d'abeilles	369	la Republique doit estre appuyee sur les forces, & non sur les alliez	599
la Republique des Lacedemoniens a pour son but de rendre les hommes courageux	7	la Republique est tresheureuse, en laquelle les ci- toyens sont vertueux	5
Republique de Schunits de petite estendue	10	l'estat d'une Republique est tousiours simple, ores que le gouvernement soit contraire à l'estat	249
Republique de Metelin fut changee pour la tutel- le de deux orphelins	391	l'honneur d'une Republique en quoy il consiste	582
Republique de Venize au commencement popu- laire, peu à peu s'est tournee en Aristocratie	395	Repub. gouvernee par forme geometrique	771
Republique demeure en son entier, combien que Carthage fust ruinee	400	Republique grande, malaisée à diuiser	393
Republique des Cynethenses en Arcadie, ayant laissé le plaisir de la musique, bien tost apres tomba en seditions & guerres ciuiles	54	en toute Republique il y a des cours qui iugent sans appel	170
Republique de Delphes changee pour vne tutel- le	391	la Republique ne peut rien valoir, si les familles ne sont bien fondees	25
Republique de Marseille la mieux ordonnee de tout le monde, selon Ciceron	3	la Republique ne peut estre sans famille	49
vne Republique Aristocratique, au lieu de plu- sieurs monarchies particulieres	84	la moindre Republique ne peut souffrir deux sei- gneurs	199
es Republiques Aristocratiques les desseins de guerre ou de paix se font au nom du peuple	166	Republique n'est pas si dangereuse de tourner en monarchie quand deux commandent, qu'un seul commande	382
en vne Republique bien ordonnee, il y doit auoir des heritages affectez pour faire la guerre, les- quels ne soient hereditaires	600	il n'y eut onques Republique où tout le peuple s'assemblast pour faire les loix ou les Magistrats, mais la pluralité des lignees l'a tousiours em- porté	245
il ne faut pas mesurer la vertu au pied des richet- ses, ny la perfection d'une Republique à l'esten- due de pays	373	changement de Republique ou d'estat, est quand la souueraineté d'un peuple vient en puissance d'un Prince, ou quand la seigneurie des plus grands vient au menu peuple	370
faul diuersifier l'estat de Republique à la diuersité des lieux	486	Republiques par violence des ennemis sont rui- nees	369
Republique au comble de sa perfection, ne peut estre de longue duree	369	il se peut faire, que la ville, ny le peuple, ny les loix, n'aient aucun changement, ny dommage: & neantmoins la Republique perira	370
la Republique composee ne peut durer	186	Republique peut changer d'estat, demeurant les loix & coustumes, hormis ce qui touche la sou- ueraineté	370
Republique de Rhodes & de Coos chagees d'A- ristocratie en estats populaires	391	Rep. petite est bien tost diuisee en deux ligues	393
Republique de Platon simple, & non compo- see	194	si la Repub. peut estre entretenue sans Senat	251
en la Republique des Locriens, celui qui presen- toit requeste pour passer en forme de loy, estoit contraint de venir deuant le peuple la corde au col	420	la Republique peut auoir plusieurs citez & pro- uinces	53
la Republique de Venize est vraye seigneurie Ari- stocratique	191	Repub. peut souffrir changement, ou ruine totale par amis, ou ennemis exterieurs ou interieurs	371
Republique de Venize a changé par trois fois	370	la Republique preferee aux particuliers, & les particuliers au Roy	116
Republique des Hostiens changee pour vn pro- cés en matiere de succession	391	ennemis de la Repub. pour quels effects	27
Republique comme vn rameau pris d'un arbre pour planter, lequel estant pris a racine, porte plustost que celui qui vient de semence	369	Rep. Romaine, la plus illustre qui fust onques	10
la Republique de Florence composee de trois	186	la Repub. Romaine a fleuri en vertu & iustice	7
forme de Republique de plusieurs sortes de ci- toyens	52	il ne se trouue aucune Repub. qui ait esté cōposee de deux, moins de plusieurs puissances	194. 195
la Republique de Venize heureuse, pourquoy	591	Repub. ruinees quand on met les plus grands en procés pour leur faire rendre compte	391
la Republique des Lacedemoniens, combien elle dura	188	il ne faut chager es loix d'une Repub. qui s'est lon- guement maintenue en bon estat, quelque prouf- fit apparent qu'on vueille pretendre	420
changemēt de Republique doit estre bien cogneu auāt que d'en iuger, ou le mettre en exēple pour estre suiuy	370	Republique, qu'est-ce	1. 11
		la Repub. qui n'est qu'un corps, ne peut estre bien gouvernee par plusieurs testes	133

T A B L E

Repub. sans puissance souveraine, n'est Repub.	9	tions, pestes, famines, maladies	403
vne Republique selon Aristote, ne doit estre que de mil hommes	10	Repub. ne prennent pas changemēt pour la tyrannie du Prince, si il est fils d'un vertueux pere	377
si la Repub. se peut passer de corps & colleges	362	l'estat des Republiques ne se doit mesurer au pied des vertus & des vices	184
Republiques si mal conduites, qu'elles sont plus tost pitie aux autres qu'enuie	370	les premieres Republiques n'vsoient que de commissaires, & gouvernees par main souveraine sans loix	288
Republique souuent ruinee pour la douceur d'un Prince, & releuee par la cruauté d'un autre	216	les Republiques ordonnees de Dieu	11
Repub. tombēt coup à coup de leur pesanteur	369	Republiques, par les vieilles maladies interieures prennent fin.	369
il se peut faire qu'un membre de Republique. vne province soit exterminée, vne ville rasée, & tout le peuple d'icelle tué, que la Republique demeurera	373	és anciennes Republiques populaires on chassoit les plus auisez au maniemēt des affaires	250
en la Republique y a deux parties	104	és Republiques populaires, les capitaines souuēt disposent des plus grandes affaires	286
comparaison des Republiques	713	Republiques pour changemens (si la force vient de l'exterieur) ne sont à blasmer	369
origine des Republiques	50	Republiques quelquefois perissent au commencement de leur fleur	370
trois sortes de Republiques	372	trois sortes de Republiques, qui elles sont	184, 185
Republiques apres certaines annees, prennent ordinairement fin	412	deux Republiques reduites en vne	370
és Republiques Aristocratiques bien ordonnees, les grands honneurs sont ottroyez sans aucune puissance de commander	382	Repub. ruinees, demeurāt les villes entieres	400
és Republiques Aristocratiques, ceux qui ont plus de puissance ne peuuent rien commander sans compaignon	382	les plus belles Republiques souffrēt és plus grands changemens	369
Republiques Aristocratiques de differente sorte & maniere	231. 232. 233	Repudiation aujourd'huy en vsage en Afrique & en Orient	18
Republiques Aristocratiques des Samiens, Sybarites, Trezeniens, Amphipolites, Calcidenses, Thuriens, Cnidiens, & de Chio, changees en populaires par les estrangiers	388	Requête de Demosthene pour les affranchis & sugetz d'Athenes	51
Republiques bien establies, se maintiendront tant que dureront les accords de l'vnité	411	la voye de Requête au suget enuers son Prince ne peut estre deffendue, pourquoy	335
les Republiques composees, comment	185	Rescits du Pape, d'où ont pris leur commencement	305
Republiques changees, & renuersees par les esclaves	47	Reseruation des finances	690
Republiques commencees par tyrannies violentes	375	on peut resister au Magistrat, comment	327
Republiques continuees en monarchies seigneuriales	375	Resne, haut passage & traite foraine, qu'est-ce, & d'où sont venus	669
Republiques continuees en monarchies royales par droit successif	375	Resolution de la question de Cuneus Iurisconsulte, sçauoir si vne Republique vnie à l'autre, est sugette d'icelle	370
Republiques contraires, se doiuent gouverner par moyens contraires	433	ce qui se doit Resoudre le iour, doit estre proposé le iour au parauant	267
des Republiques des anciens Gaulois, & de leurs alliances	83	Responſe de Paul Æmil aux parens de sa femme, apres l'auoir repudiee	19
Republiques des Romains & des Sabins vnies en vn estat	370	Responſe du Roy Loys II. par laquelle il donne les Genneuois au diable	603
vingt deux Republiques diuerses entre les allies, confederez & coallez, chacune ayant ses Magistrats & estats à part	81	Responſe faceieuse du Pape Iules 3.	577
Republiques establies par violence des plus forts, ou par ceux qui volontairement assugettissent leur liberté à ceux qui avec, ou sans loy, & conditions en disposeront	369	Responſe faite au Roy Pirrus par les Romains, voulant traiter la paix	598
Republiques mortelles & immuables, si l'hypothese de Platon estoit veritable	411	Responſe magnanime de Scipion	594
és Republiques il y a ordinairement entre vn Senat & vn conseil particulier, vn conseil estroit	259	Responſe notable de l'Ambassadeur de Piernates	602
anciens regardent les changemens notables des Republiques, mouuemēs des peuples, inonda-		Responſe notable d'un Tribun	646
		Ressort des villes Imperiales	135
		le Ressort & souveraineté de toutes appellations ciuiles appartiennent à la chambre de l'Empire	236
		dernier Ressort, vraye marque de souveraineté	169
		le Prince souverain n'est iamais Restitué comme mineur	115
		Retranchement ou repudiation en vsage entre les Hebreux, sans manifester les causes d'icelle	18
		Reuerence	

DES MATIERES.

Reuerence due aux peres demeure nonobstant mariage ou emancipation	25	Romains iamais plus puiffans, riches, ny plus grands que fous l'Empire de Traian	373
la Reuerence des Magistrats recommandee en l'efcriture	224	les Romains n'ont iamais demandé la paix, finon aux Gaulois	592
Renouation des dons excessifs, neceffaire	689	les Romains n'estoient receus à demâder estat ny benefice, qu'ils n'eussent pratiqué dix ans les armes	596
Reuolte contre la communauté des Acheans	84	Romains ne voulurent oncques faire denombrement des estrangers, ny remarquer à la difference d'habits les esclaves	389
Reuolte du menu peuple contre les riches, pourquoy cauee	245	Romains ont peu conquis sur les parties d'Occident & de Septentrion	490
l'estat des Rhagusiens	234	Romains prorogent la dictature à Cauille pour six mois	383
Rhetoras, qui sont ainsi nommez	290	del'estat des Romains selon Polybe	188
Rhinocura, pourquoy ainsi nommee	359	Romains vaincus tellement par ambition, auarice, voluptez, & delices qu'ils n'auoient rien que l'ombre del'ancienne vertu	374
Richesse & pauureté appellees par Platon pestes des Republiques	512	les Romains vaincus en guerre par les esclaves	40
Richesse excessiue de peu de gens en richesse & pauureté extremes de plusieurs, cause changement de Republique	511	les Romains vendoient leurs ennemis. apres les auoir vaincus	202
Richesses & office honorable ou charge publique requises à vn Senateur	255.256	Rome a sept montaignes	484
les Riches plus punis que les pauvres en matiere d'amendes	782	depuis le fondement de Rome iusques à Auguste le dernier Empereur il y a 12.cens 25.ans	416
les Riches & puiffans ne veulēt point de loix	772	depuis la fondation de Rome, iusques à la prise & bruslement d'icelle par les anciens Gaulois il y a 364.ans	417
Rien plus pernicious à vn peuple vaillant & guerroyer que la paix	473	Romule reserue seulement à sa cognoissance les choses d'importance	460
la Rigueur & seuerité d'un Prince est plus vtile que la trop grande bonté	216	l'estat Royal gouverné harmoniquement est le plus beau	790
habitans de la Riuere de Senne trompeurs & imposteurs, & ceux des montaignes agrestes & rustaux	507	autorité Royale n'agueres acquise en Afrique par tueries & voleries	50
Robert Roy ne destitua iamais officier s'il n'auoit forfait	417	titre Royal osté de Poloigne, & enioinct aux subiects de tondre leurs cheveux	142
la maison des Roches auoit fait les offices de Baillifs & Seneschaux hereditaires	430	Royaume acquis par force & possédé par successeurs, depuis bien policez par iustice & bonnes loix, iusques à ce que leur posterité a failly	375
Roderic Roy d'Espagne fut vaincu & chassé de son Estat par les Mores le 3. iour de Septembre	407	decheute de la splendeur & des richesses du Royaume de France depuis la mort du Roy François 1.	574
le peuple Romain ayant gagné l'Estat de Tarēte, le peuple leua les cornes, & demâda partage des heritages que la noblesse auoit occupez	384	Royaume de Thrace estably par les Gaulois	401
l'empire Romain ne chāge pas pour auoir eu quatre Empereurs en vn an, tue l'un par l'autre, ains demeure la Monarchie en son estat au plus fort	373	le Royaume de Castille escheu à Louys ix. Roy de France	131
peuple Romain reduict en extremite par Hannibal, deuiant humble	384	le Royaume de Castille hereditaire	131
magnificence des Romains	663.664	le Royaume de France ne tient rien de l'Empire	138
deux defaictes de Romains aduindrent le second iour d'Aoust	417	l'estat auquel estoit le Royaume de France quand le Roy François 1. mourut	574
Romains ayans perdu deux batailles contre Pirrus ne changerent pas l'Estat populaire	384	le Royaume de Hongrie assubietty fous vmbre de protection	604
Romains ayans chassé les Roys, & autre estat populaire, conseroient les estats & benefices aux nobles seulement	375	le Royaume de France n'est deuolt	131
les Romains appelloient leurs femmes Dames & maistresses	20	erreur de ceux qui pētent que le Royaume de France soit tombé en election	745
les Romains apres que Tarquin l'orgueilleux fut chassé, dresserent l'estat populaire	386	six Royaumes donnez aux Romains par testamēt	664
Romains apres la mort de Numa Roy esleurent Tullus Hostilius bon Capitaine	376	vn grand Royaume, est vne grande Republique sous la garde d'un chef souuerain	10
traictiez entre les Romains & les Latins	56	vn Royaume ne doit estre mis au hazard d'une victoire	594
les Romains endurēt les xij. tables sans les casser, encor qu'elles fussent en quelques endroits iniustes	421	Royaumes changez en Prouinces	370
		Royne d'Escosse prisonniere de ses subiects & par	

T A B L E

eulx condamnée à la mort	410	le Roy de France & l'Empereur concluent la paix à Soissons le xvj de Septembre	407
le Royaume de Nauarre donné par le Pape au premier qui le pourroit conquerir	143	le Roy de Portugal a plusieurs Roys fondateurs & tributaires	149
les Royaumes d'Angleterre & d'Hybernien tenus en foy & hommage du Pape	120	Roy de Fez fempare de la Republique de Tefza, voyant que les habitans feitoient presque tous entretuez	394
Royaumes de Naples & de Sicile, tenus du Pape	127	difference du Roy & du tyran	22
Royaumes de Polongne, Boheme, Hongrie, Danemarc, Suede, Noruege, apres vn Roy tyran, lasche, effeminé, choisissent vn Prince iuste & vaillant soldat	376	le Roy des Sacrifices qui il estoit	187
Royaumes estaints avec les Roys	370	Roys esleus pour Capitaines par les liguees	85
la grandeur des Royaumes fondee sur les grosses maisons nobles	553	actions diuerfes du Roy & du tyran	213
Royaumes partagez, comment & pourquoy	188	Roy Louys xj. vestu d'habillemens sordides	461
Royaumes qui sont tóbez en quenouille	759.760	le Roy ne doit plaider que par procureur & non en qualité, pourquoy	335
Royaumes, où il y a plusieurs gouuernemens	10	le Roy ne meurt iamais	117
les Royaumes tenus de l'Eglise de Rome	130	le Roy peut derogier aux loix ciuiles, sans preiudice toutefois du droit des particuliers	112
Æafique du Roy Alphonse	669	Roy sage comme Salomon, prudent comme Auguste moderé comme Marc Aurele, digne de iuger	461
Iehu sacré Roy avec mandement expres de faire mourir la race d'Achab	224	le Roy Seruius dóna le premier marque aux nonnoyes	178
vn Roy bon & iuste, qu'est-ce	212	Roys autant differés des autres fujets comme les dieux sont par dessus les hommes	449
Roy captif le plus souuent est quitte pour sa rançon	394	les Ceremonies obseruees, au couronnement des Roys ne sont de l'essence de la souueraineté	148
le Roy captif ayme mieux quelque fois quitter l'estat, ou mourir prisonnier que de trauailler ses subiects	395	la qualité des Roys, changee en qualité de Ducs en Lorraine & Bourgongne	209
le Roy ny la Cour ne peut reuoker les Commissaires ny les officiers de ce Royaume, sinó pour trois raisons	279	Roys condamnez à l'amende, & aucuns à la mort	221
pendant que le Roy de Maroc se faisoit la guerre pour l'estat, le gouuerneur de Thuns & de Telsin se fist Roy, demembrant ces deux prouinces pour en faire vn Royaume	394	Roys d'Angleterre, Suede, d'Annemarc, Poloigne tiennent plus leur grandeur enuers leurs subiects que les Roys de France	432
Roy de Perse en vn Chasteau enuironné de trois hautes murailles, ne se communique qu'à bien petit nombre de ses amis	451	les Roys de Castille & Portugal se constituent vassaux du Pape	130
Roy des Turcs enuoye l'aumosne aux Calogeres du mót Athos Chrestiens, afin de prier pour luy	478	les anciens Roys des Hebricux ne faisoient point de serment	99
le Roy des Romains n'estoit que premier aux estats, & n'auoit autre puissance	197	les Roys d'Egypte faisoient iurer les magistrats de n'obeir à leurs commandemens s'ils commandoient de iuger iniquement	303
le Roy deffie l'Empereur	619	ce qui a le plus conserué les Roys de France, & leurs personnes inuiolables	228
le Roy de Borney ne parle qu'à sa femme & enfans	432	depuis la chaste des Roys de Rome iusques à la premiere sedition du peuple & de la noblesse, il y a xvij. ans, iusques à la seconde 63. ans, iusques à la sedition de Tyberius Graccus 368. ans, & d'icelle à celle de Sylla & Marius 45. ans, & de ceste cy à celle de Cesar & Pompee 36. ans	417
la Roynne de France n'a peu auoir le priuilege de dóner grace, ny les autres marques de la souueraineté	174	Roys d'Asie & d'Affrique fondateurs, sont aussi tributaires	150
les Roys des peuples Septentrionaux font des sermens qui derogent à la souueraineté	106	les Roys de France ont tousiours esté souuerains sur le païs & habitans de l'Anguedoc	371
Roy des Turcs entretient aupres de Sonferrail à Peru quatre Religions diuerfes, la Romaine, la Grecque, celle des Iuifs, & celle des Mahometistes	478	les gráds Roys d'Ethiopie, Tartarie, Perse & Turquie, ne veullét que les subiects les regardét	452
Roy de Thuns chassé par le Roy d'Alger	410	les Roys de Poloigne ne tiennent rien de l'Empire	139
le Roy des Turcs, pourquoy appellé le grand Seigneur	201	les Roys de Lacedemone n'estoient que simples Senateurs	208
Roy des Abeilles n'a iamais d'aguillon	457	Roys de Dannemarc, anciens vassaux de l'Empire	121
Roy de Macedone irrité tua vn millió de personnes au Royaume de Tenefme	496	les Roys distribuent leur ordre les vns aux autres	209
Roy de Thuns auoir par cy deuant quinze cens cheuaux legiers de Chrestiens reniez	495		

DES MATIERES.

les Roys de France ont la precedence par dessus tous les Princes Chrestiens	152	Sainct Valier examiné en la tour de Loches, par le President de Silua	459
Roys d'Escolle anciens vassaux des Roys d'Angleterre	121	Sainct Louys se monstra si sage qu'il n'y eut oncques different de son regne	469
les Roys de Perse auoient tousiours vn registre des affaires d'estat sur leurs tables	688	Saladin print Hierusalem au temps que Vespasian l'auoit prise	408
Roys de France anciens protecteurs de l'Eglise Romaine	153	les Salines sont du droit souuerain, par qui imposees & augmentees	180
les Roys de France de fait ne recognoissent rien plus grand qu'eux apres Dieu	139	Salomon fut le premier qui fist vne citadelle	381
Roys de la Grece n'auoient qualite plus grande que d'estre Iuges	446	Saul fait tuer les prestres de la loy	223
Roys d'Angleterre anciens vassaux des Roys de France	120	depuis Saul premier Roy des Hebreux iusques au dernier Sedechie y a cccxcvj. ans	416
les Roys & Royaume de France exempts de la puissance du Pape	148	la maison de Saxe a certain droit particulier, autre que les coustumes du pays	13
Roys Ethnarques, Tetrarques	151	Scander esclaue du Roy des Turcs se reuolta, & luy vola deux gouuernemens	405
deux Roys en Lacedemone, contraincts d'obeir aux commandemens des Ephores	187	42. mil hommes tuez pour ne scauoir prononcer Sciboler, mais Siboler	510
Roys establis pour faire iustice, & non pour autre chose	446	Science du Prince, & de scauoir iuger son peuple	448
Roys fondateurs des Papes	142	Science des choses celestes pour les changemens des Republicques	406
si les Roys sont subiects aux contractz de leurs predecesseurs, ou non	116	Scorpion signe Martial	405
cinquante Roys subiects au grad Negus d'Ethiopie, & s'appellent ses Esclaues	204	Scipion affranchit 300. esclaues	512
les premiers Roys tirez au sort par la loy de Dieu, & leurs enfans par droit successif	749	Scipion l'African, Scipio l'Asiatique, Rutilius & Ciceton condemnez pour n'auoir sceu rendre exacte compte de leurs charges	319
trois Roys tuez par vne femme	758	Scipio l'African surpasse en vertu & prouesse tous les Roys de son aage	215
les Roys venans à la couronne font serment de n'aliener le domaine	657	Scipion le ieune empescha tāt qu'il peut que Carthage ne fut rasee, preuoyoit que si le peuple Romain belliqueux n'auoit plus d'ennemis, il estoit force qu'il se fist guerre à toymesme	385
les anciens Roys venoient par droit successif	207	Scipion faict faire serment de garder la patrie aux soldats	419
l'occasion qui plus a Ruiné l'Aristocratie	725	Scumites à quatre amans Magistrats souuerains	445
la Ruine & diminution des voisins, est la grādeur d'un Prince	610	Scythes & Alemans bien empeschez d'une femme	498
la premiere occasion de Ruiner l'Empire des Romains	587	Scythes fichoient vn glaue en terre qu'ils adoroient	500
Russiens las de guerres ciuiles par faulte de Prince souuerain, enuoyerent querir trois Princes d'Alemagne l'an D. ccclj.	372	les Seaux des Princes & grands Seigneurs apposez aux traictez de paix. pourquoy	167
gentille Ruse des Radiots	663	Sebasteville au Royaume d'Amasie, ruinee & occise par Tinerlan Roy des Tartares	373
Ruse subtile des banquiers	682	Seconde marque de souueraineté	164
Ruses & meschans mettent les autres en querelles	479	les Sectets du Prince ne se doiuent reueler sur peine de la vie	258
S		quatre mil gascons qui alletent au secours du Roy de Suede	489
le Sac des villes est l'amorce des gens d'armes	583	Seditions interieures donnent changement exterieur	393
Sacrifice perpetuel fondé par Auguste en Hierusalem	352	Sedition & diuision des Seigneurs est la peste la plus formidable en l'estat Aristocratique	390
le Sacrifice des homes a esté en vsage en plusieurs nations	37	moyens d'appaiser Seditions Romaines estoit de faire guerre à l'ennemy ou en exciter toutes nouuelles	473
Sage gouuernement de l'Empire sous Alexandre Seuer	574	Seëller de cire iaune permis par les loix de France	182
le Sage Prince ne doit endurer vne iniure, ny de-mander la paix, ny la guerre	593	Segelmeffa ville du Royaume de Bugie en Affrique, rebelle à son Roy establit vn estat populaire	387
les Sages de Grece appelez tyrans, pourquoy	211		
le Sage Senateur doit auoir pour son but l'honneur de Dieu, & le salut de la Republique	254		
la Sageſſe n'est pas egale en tous pour faire part à tous des estats & offices	721		
Sages ne sont pas subiects aux Astres	418		
Sainct Paul estoit bourgeois Romain	59		

TABLE

le Seigneur a puissance des biens, de la vie, & de la mort sur l'esclau	36	les Senateurs contraincts de faire la charge des Secretaires d'Estat, pourquoy	258
la monarchie Seigneuriale se change en Royale, comment	205	les Senateurs du Conseil priuè doiuent estre per- petuels, pourquoy	273
les premieres monarchies ont esté Seigneuriales	200	Senateurs ou Senieurs que signifie	253
Seigneurie des Orites changee en estat popula- ire, pour auoir pourueu Heracleodore meschant homme du plus honorable estat	390	Senateurs qui commandoient l'un apres l'autre, n'auoient pas puissance souueraine, ains cōman- doient seulement par commission	372
Seigneurie directe de tous les biens des subiects, ne suffit pour dire que la monarchie soit Sei- gnuriale	202	Senateurs Romains ne faisoient serment qu'une fois pour toute leur vie	438
les Seigneuries souuent se departent des alliances par crainte	623	les Senateurs quelque fois en l'Aristocratie sont Senateurs & Magistrats, pourquoy	241
le Seigneur naturel doit estre preferé du subiect par dessus tous	129	maniere d'eslire le Senat, l'Aman & autres Magi- strats obseruee és pays Duri, Schunis & autres	246
le Seigneur ne doit sermēt au vassal, pourquoy	105	le Senat n'a que l'auis	724
le Seigneur ne se peut exempter de la protection de son vassal	65	le Senat n'eut onc iurisdiction ordinaire deuant Neron	262
il est en la puissance du Seigneur souuerain de re- tenir ses subiects, & empescher de sortir de son obeissance	64	la puissance dōnee au Senat, n'est que pour deschar- ger le Roy de peine & de soucy	92
Seigneuries venues à la couronne par confisca- tion	561	le Senat ne se doit empescher de la iurisdiction des Magistrats	267
les Seigneurs de l'Aristocratie de Siennē quittent la ville, la mettant entre les mains du peuple	371	la raison pourquoy le Senat ne doit auoir puissan- ce de commander	272
les Seigneurs doiuent estre separez du Senat, & le Senat des Magistrats, en l'Aristocratie	241	Senat perpetuel en la Republique de Rhaguse	436
les premiers Seigneurs n'auoient autre point d'hō- neur deuant les yeux, que de forcer les hōmes	207	Senat perpetuel en Rome, en Athenes, & en La- cedemonne	440
les Seigneurs particuliers ont droit d'Aubeine sur l'estranger, mourant en leur territoire	69	le Senat, qu'est ce	251. 252
les Seigneurs particuliers quelque iurisdiction qu'ils ayent, ne peuuent exploiter que par leurs officiers	328	le Senat Romain n'auoit puissance de commander aux Preteurs, ains il vsoit du mot, Si bon leur semble	270
quand les Seigneurs souuerains sont d'accord, les subiects ne sont reputez subiects de plusieurs Seigneurs	63	Senat Romain ordonna vne bonne somme d'ar- gēt à Marc Bibule, pour acheter le Cōsulat	443
loy Sempronia defend que les gouuernemens & prouices ne soient octroyees plus de cinq ans	383	le Senat Romain ne faisoit que deliberer, & le peu- ple commandoit	150
Senat d'Areopage, comme puiot ferme & stable	440	<i>Senatus-consultum</i> , qu'est-ce	158
du Senat de Rome, & de la puissance qu'il auoit	189. 190	le Senat Venitien, comment il s'exerce	160
le Senat des Iuifs dequoy composé deuant que la Palestine fust reduite en forme de prouince	60	la puissance des Seneschaux & Baillifs, n'est amo- indrie par l'erection des Lieutenans en qualite de Lieutenans	341
le Senat doit estre cōposé des vieux, pourquoy	253	Sennacherib est six cēs ans deuant Iesus Christ	404
differece entre le Senat des Republiques popula- ires, ou Aristocratie, & des monarchies	261	Sensuels & voluptueux laissant la bride aux char- nalitez sont suiects aux astres	418
si le Senat en l'estat populaire & Aristocratique ne doit auoir non plus de puissance qu'en la Mo- narchie	269	la Sentence donnee sur vn des subiects si elle peut estre mise en execution par les Magistrats d'une autre Republique sans prendre cognoissance de la cause	345
le Senat establi seulement pour donner auis, & non pas pour commander	268	les causes de Separation entre mariez ne deuroient estre manifestees en public quand les parties le requierent	18
le Senateur languard, ou qui fouille son estat doit estre puny	263	Separation permise sans peine, quand elle est du consentement des deux parties	19
le sage Senateur ne se doit arrester aux cas fortuits ou auantureux	266	l'homme de Septetrien a le poil blond & les yeulx verts	487
les Senateurs appelez les Sages par les Hebreux	254	Septentrionaux belliqueux, violents, impudens, impitoyables	491
le peu de Senateurs bien esleus, plus seant que la grande quantite dignes & indignes	263. 264	Septentrionaux en esté fondent de chaleur es par- ties meridionales	489
		Septiesime moyen de faire fonds aux finances	671
		Sergens, ou massiers, vraies marques de ceux qui ont commandement	189
		Sergent se doit expliquer en diuerse maniere	46
		Sergius	

DES MATIERES.

Sergius Galba cōvaincu de crime de leze majesté, amena des enfans pour esmouuoir le peuple à pieté, & en sorte qu'il eschappa	455	cens esclaves Chrestiens	46
forme de Sermens, diuerse	629	la Sinagogue des Iuifs ne peut demander les loix testamentaires	352
le Serment de Henry iij. Roy de France & de Po- longne	100	Singularité de l'estat populaire	104
Serment de Henry v. Roy de France & d'Angle- terre	100	Singularité de la Monarchie	465
du Serment de l'estat populaire	104	Société entretien de l'amitié	348
Serment des Roys de Dannemarc	106	Soit est vn appetit de froideur	491
Serment de Traian	105	Soleil plus hault monté, plus se monstre petit	475
le Serment fait par Philippe I. fils de Henry I.	99	Solennité des Pauillions à la fin de l'an au xv. iour du septiesme mois qui estoit au parauant le pre- mier	398. 399
le Serment ne sert quand on prend ostages	618	Soldat descouure sa coniuration à Fulvia	467
le Serment ne se doit faire de choses illicites	616	Soldat de Venise descouure sa coniuration du Ca- pitaine à vne Courtizannie	467
Seruice d'Espagne	665	le Soldat mis à mort par la loy des armes pour a- uoir rôpu le baïlé de vigne de son Capitaine	27
les Seruiteurs domestiques ne peuuent rien cōtra- cter au preiudice de leur liberté	34	fil est bon d'auoir plusieurs Soldats mercenaires, ou alliez de diuerses langues	599
Seruiteurs domestiques ne sont comme les mer- cenaires	35	vingt mil Soldats prisonniers, & tuez en vn mo- ment au siege de Ierusalem, pour sçauoir s'ils a- uoient auale leurs escus	37
Seruiteur François alegre & diligent en ses affai- res	494	Solde des soldats, pourquoy ainsi appelée	699
Seruiteurs François en Espagne desirez & en grâd prix	494	Solon ayant fondé estat populaire ne voulut que les pauures & indigens eussent part aux estats	375
Seruitude des esclaves, si elle est naturelle ou con- tre nature	35. 36	Solon acquitte les enfans de nourrir leur pere, s'ils ne leur ont appris vn mestier pour gagner leur vie	24
Seruitude n'a point de lieu en France	45	Solon apres auoir publié ses loix, fait iurer les Atheniens de les garder cent ans	421
la Seruitude rauale plus le cueur que toute autre chose	48	Solon publie la loy sur le fait des troubles	479
les Seruitudes abolies l'an M. C. C.	43	Sophi empieta le Royaume de Perse, enchassa les enfans du Roy legitime Vusnucassam sous le voile de Religion	483
Seruitudes renouees, pourquoy	46	pour Soulager les pauures, il faut que les tailles soient reelles	678
Seruius d'esclau se fait Roy	381	la Source des Loix & des Republiques descendue des Roys d'Asie, & d'Egypte	207
Seruius s'environne de bonnes gardes	381	la Souueraine puissance est perpetuelle	89
Seuerité tres necessaire à vn Prince	216	Souueraineté, chose indiuisible	186
Seuerus Empereur met Constantinople à neant, & tue tous les habitans	401	Souueraineté departie, contraire aux loix & rai- sons naturelles	106
Seuerité de neutralité est d'estre accordée par les autres Princes	611	la Souueraineté du chef de famille auoit lieu de- uant qu'il y eust cité ny citoyen	49
la Seuerité des Ambassadeurs	638	la Souueraineté du Monarque n'est en rien dimi- nuée ny alterée pour la presence des Estats	105
la Seuerité des Princes & des Roys, en quoy elle gist	612	Souueraineté du tout abolie	370
la Seuerité d'un Prince quelle elle doit estre	228	la Souueraineté n'est limitée	90
Seueritez de l'alliance de protection	626	Souueraineté, que signifie, & sa definition	89
Siciliens deuenus comme bestes par la continua- tion des guerres	508	Souueraineté reueruee és traittez d'alliances	79
en Siene apres que Alexandre Dichi nouueau ty- ran fut tué par Hierosme Seuerin, & les Parti- sans de Monte nouo, chassez, tuez, & bannis, le peu- ple print la seigneurie	386	en la Souueraineté tenue en commun il n'y a per- sonne souuerain	199
Siene estant gaignee par le Duché de Floréce, les autres villes & forteresses se rendirent subite- ment	394	Souueraineté, vray mouuement des Republiques	10
Sigismon pillé d'Auguste Roy de Polongne mit en route l'armée des Moschouites le 8. iour du mois de Septembre	407	le Souuerain bien de la partie intellectuëlle	4
Si la nouuelle ordonnance est à preferer à la vieil- le ordonnance	420	Souuerain Magistrat quelle puissance il a	332
Similitude de l'enfant aux membres du corps	23	le Souuerain ne peut faire vn subiect egal à luy, que sa puissance ne soit amoindrie	157
Simplicité sans prudence, tresdangereuse en vn Prince	217	Souuerain, qu'est ce	198
Simple gouverneurs se sont faits Seigneurs par force	382	rien plus conuenable au Souuerain que la dou- leur	454
Sinan Bassa emmeine pour vne fois six mil trois			

T A B L E

en presence du Souuerain toute la puissance des Magistrats est tenue en souffrance	333	Succession du propre pere n'est perdue pour l'adoption	32
Spartac assemble en Italie soixante mil esclaves pour vne fois, & neuf cens voiles de corsaires sur mer	48	les Successions ne doivent aller aux filles tât qu'il y a des freres, selô la loy de Dieu, pourquoy	554
Sparrac chef de 6000. mil esclaves	40	Suisses allies à la maison de France	78
Spurius Carnilius, le premier qui repudia sa femme 500. ans apres la fondation de Rome	19	les Suisses apres que le Vicaire de l'Empire fut tué, les subiects establirent l'estat populaire, qui a duré iusques à present	350.386
Statut particulier pour la succession entre la maison d'Auſtriche & de Boheme	13	Suisses commandent à tous subiects de porter armes en tout temps	481
Statuts particuliers faicts par les chefs des familles pour leurs successeurs receus entre les Docteurs en loix	13	estat des pensions det Suisses & Grisons	666
habirans de Strasbourg changét l'Aristocratie en Democratie	388	les Suisses ont seize Republiques diuisees, chacune ayant sa souueraineté	80
ceux de Strasbourg ne permettent auoir les grâds estats & charges publiques, sil ne verifie que son ayeul fust roturier	388	Suisses peuples originaires de Suede	485
le Subiect d'auec le vassal, & le vassal d'auec l'hôte lige, comment ils different	119	Suisses se sont maintenus en estat populaire: & les Florentins bien tost apres changerent en Aristocratie	386
le Subiect coupable de leze Maieſté, non seulement qui a tué son Prince souuerain, ains qui l'a pensé	222	Sultan Solymán appelle à son conseil deux nobles corsaires	2
vn mesme citoyen ne peut estre Subiect de plusieurs Princes souuerains	62	Solymán & Charles v. Empereur, les deux plus grâds Princes qui ayent esté de plusieurs siecles, nays en mesme annee, & morts le moys de Septembre	407
fix degrez de Subiection	119	Sultan Solymán mourut deuant Seger le 4. iour de Septembre, & le 7. iour la ville fut prise	407
Subiection n'est contenue sous protection, mais superiorité & prerogatiue d'honneur	76	Sultan Solymán prent Bude en Hongrie le 3. iour de Septembre	407
le Subiect ne doit attenter à l'honneur ny à la vie de son Prince, pour quelque occasion que ce soit	225	le Superieur ou Magistrat peut estre iugé par son compagnon ou inferieur, comment	335
le Subiect ne doit cõtenuenir aux loix de son Prince sous voile d'honneur ou de iustice	111	où il n'y a point de Superieur qui commande, la force est reputeé iuste	204
le Subiect ne peut s'exempter de la puissance de son seigneur naturel	72	le droit du Superieur tousiours excepté aux alliances, encores qu'il n'en soit faicte metion expresse	86
le Subiect qui festoit retiré aux ennemis, puny en qualité d'ennemy	71	les Superintendans des finances deuroient estre vrayz censeurs	648
Subiects aguerris aux despens des allies	608	Supplice de la rouë trouué en Alemagne	495
Subiects d'Auguste ayans cogneu ses vertus cõtencerent à l'aymer	382	Supplice de se pendre soy mesme en Lituanie	495
tous Subiects de l'Empire faicts bourgeois Romains par edict d'Antonin le piteux	61	Supplice des lempalement des hommes tous vifs trouué en Tartarie	495
difference des Subiects entre eux	72	Surceance & dilation se doit garder és executions ia commandees par mandement, quand il y a reuocation	310
Subiects naturels, ou naturalisez	51	vn prince qui Surhausse vn homme du tout indigne, ou qu'il le met du rang des plus grands personnages, pour faire bié à vn, il faict tort à tous, pourquoy	577
les Subiects sont bien heureux sous vn grãd Monarque	737	Surie, Basle & Chatuze ont deux Bourgmaitre	445
Subscriptiô des lettres de l'Empereur au Pape	146	les Surueillans en plusieurs lieux ont vsurpé la prerogatiue des censeurs	653
Subtilitez pour contreenir aux traictez	629	Surrenus auoit dix mil femmes	498
Successeur de Hierosme pour estre autant inhumain que son predecesseur humain, est autant hay comme son predecesseur auoit esté aymé, & finalement est tué	378	Suspension de tous Magistrats ne se peut faire sans grand danger	277
le Successeur du tyran est tenu & obligé aux faicts & promesses legitimes du tyran	227	Suspension és puissances donnees, demõstre qu'ils ne sont souuerains	92
les Successeurs ne sont tenus aux traictez contraires aux coustumes & ordonnances	13	Syagrius dernier Proconsul, & Lieutenant des Romains en France fut tué	416
droit Successif à l'aîné est commun à tous peuples	749	acte de Sylla à l'endroit d'un esclave	40
le droit de Succession depend des loix, non des Magistrats	326	Sylla Dictateur donne la congnoissance de toutes causes par deuant les Magistrats hors mis le crime de leze maieſté	462
Succession du deffunct, dicte famille & la compagnie des esclaves, familles	33		l'vlag

DES MATIERES.

vſage de Syndicats du tēps de Louys ix. & de Philippe le Bel l'an 132. & 133. pour chaſtier les officiers	436	reaux d'Eſpagne	705
en Syracuſe apres que Denys le tyran en fut chaſſé, les ſubiets eſtablirent l'eſtat populaire	386	Thebains apres la iournee des Oenophites changerent l'eſtat populaire en Ariſtocratie	384
Syracuſains enſlez de leur victoire chāgerent d'Ariſtocratie en eſtat populaire	384	tāt que l'eſtat populaire de Thebes dura la loy vouloit que le general de l'armee fut mis à mort ſi plus d'un iour il auoit retenu la force apres ſon temps euité	383
T		Themistocele perſuade aux Atheniens de baſtir fortereſſes & murailles autour d'Athenes	421
Seruoit aux Tribuns Romains pour monſtrer qu'ils conſentoient	270	Theodoric Roy des Gots eſcrit au hault de Rome	449
Tables de Copernic qui a diligemment corrigé les erreurs d'Alphonſe & des Arabes	402	Theodoſe le grand chaſſe l'Arrianisme hors l'Empire Romain	478
Tables xij. apres leur publication durent 700 ans apres oubliees	421	Theodoſe ordonne deux Eueſques par chacune ville	478
quatrieſme Tablette iudiciaire pourquoy ordonnee	320	Theodoſe permet viure les Arriens en liberté	478
vſage des Tablettes iudiciaires	319	Theophraste mourut à 83. ans qui ſont 12. ſeptenaires	413
mettre Tables ou impoſts, & en exempter, depend de la puiſſance de donner la loy	178	Theramenes fut d'aduis qu'on ruinaſt les murailles de la ville	421
il faut que les Tailles ſoient roolez pour ſoulager les pauvres	678	Theramenes ſe tient coy ſans ſe bauer n'y pour les vns ny pour les autres	480
Tarius ſit le proces à ſon fils, pour vn crime capital	25	Theſee adopté ſolennellement par Aegeus	30
depuis la chaſſe du Roy Tarquin l'orgueilleux iuſques au meurtre de Iule Ceſar 468. ans	417	en Theſſalie apres que Alexandre tyran des Phœceans, eut eſté occis: les ſubiets eſtablirent l'eſtat populaire	386
Tarquin fut le premier qui oſta les communautez & voulut empêcher les eſtats	365	Thomas le more Chancelier d'Angleterre faiſt tous les offices annuels en ſa Republique	430
les Tartares afranchiſſent leurs eſclaves au bout de ſept ans	49	Thamas more Chancelier d'Angleterre diſt en ſa Republ. que le ſalut du public eſt en communauté	512
les Tartares baſtiſſent à preſent	585	Thomas more vouloit qu'il n'y euſt point plus de dix ny moins de ſeize enfans en vne famille	514
Taxilas Roy des Indes, offroit ſes biens & ſon royaume à Alexandre ſ'il n'eſtoit aſſez riche	442	Thraſyle & Thraſibule en Athenes ſe ſont amys du peuple & ennemys de la nobleſſe quand ilz ne peuuent obtenir les eſtats qu'ils pretendent	390
Temerité en l'exécution des mandemens du Prince dangereuſe	306	les Threſoreriēs de France ſe deuroient dōner aux gentilshommes d'honneur & de maiſon noble & illuſtre	695
Table de liberté baſtie à Rome en la maiſon de Ciceron apres que la maiſon fut bruſlee par Arreſt du peuple	59	le plus grand Threſor qui fut iamais	691
Temple de Ianus clos que deux fois en 700. ans	473	differēce entre les Threſors de l'eſpargnēs des monarchies & de l'eſtat populaire	658
Temple de ſaincte Katherine bruſlé	468	epargne des plus grands Threſors qui furent oncques	691
Temps certain qu'il faut demeurer en vne ville pour iouir des des priuileges	65.66	Tien & mien cauſes de tous maux en vne Republique	11
du Temps de Theodoſe y auoit pour moins cent ſectes	478	le Tiltre de Baſileus, Roy quand il cōmença	209
Terentius Varrus faiſt faute de decerner le nombre de ſes ſoldats occis	419	Tiltre diuin que doiuent deſirer les Roys	215
Terres d'entre les frontieres non labourees ny habitees	63	le Tiltre Royal, qu'eſt. ce qu'il emporte avec luy	206
les Terres du Peru donnees aux capitaines & ſoldats Eſpagnols, comment	663	Tiltres d'honneur abominables, pourquoy	212
Terres vagues du domaine ſe peuuent vendre	659	Tiltres d'honneur aux Roys de Perſe	205
diuiſion du Territoire de Romanie	656	Tiltres diuers pour les grans	182
Territoire de Romulus diuiſé, comment	11	Tiltres du Roy des Turcs	154
loy Teſtamentaire publiee en Lacedemonie	30	Tiltres ornement des Roys diſtribuez anciennement par les Papes & Empereurs	209
loix Teſtamētaires receues en Grece, occaſion de grans changemens	553	les Timariots ne tiennent leur timar que par ſouffrance	201
Teſtament de ſainct Louys	672	Tiſri le ſeptieſme qui eſt le mois de Septembre	399
Teſtament du Roy Philippe de Valois	113	Togoda ville frontiere du Royaume de Fez ne	
couſtume de ne pouuoir diſpoſer des immeubles par Teſtament gardees en quelques endrois de France & Allemagne	553		
les Teſtons de Frāce ſont de moindre aloy que les			

T A B L E

pouuant souffrir l'Aristocratie de la noblesse, quitta le pais	387	clause ordinaire és Traitez de paix ou alliâces	64
Ton cinquiésme & septiésme deffendus par Pla- ton & Aristote à la ieunesse par ce qu'ils ont for- ce & puissance d'amolir les cueurs des hommes	412	des Traitez des Princes & comment ils se font & pourquoy	77
Ton cinquiésme & septiésme deffendus en l'Egli- se primitiue	412	Traitez entre ennemys, pourquoy ils se font	77
Ton premier seul petmis en l'Eglise primitiue	412	les Traitez entre les Princes, comment ils doiuent estre asseurez	602
<i>Tonderimeas oues, non eusem detrahi volo</i> sentence di- gne d'un Empereur	304	les Traitez entre les Princes sont principalement pour la consetuation du domaine	657
Lucius Torquatus eslu consul s'excuse, disant estre indigne pour auoir mal aux yeux	439	Traitez entre les Roys de France & d'Espagne	636
Torquat le Consul fait mourir son fils, pourquoy	29	Traitez & loix particulieres entre les maisons de Saxe & de Hes	13
Torquatus le ienne se tua du regret qu'il auoit cõ- ceu pour auoir esté chassé de la maison de son pere	21	si les Traitez faits par les Princes souuerains se doiuent tenir par les successeurs ou non	117
Tocfain avec la grosse cloche de Bordeaux	480	en tous Traitez il faut ttelexpressément articuler le nombre & qualité des iuges	627
Tous heritages alienez retournent l'an cinquan- tiésme.	515	Transport de chose defendue d'une ville en vne autre subiette à mesme Prince n'est contreue- nir à l'ordonnance	54
la Traffique des offices dangereuse peste des Re- publiques	572	Tremblement à la iournee Actiaque en la Palesti- ne tua x. mil personnes	408
Traffique du Roy de Portugal	668	Tremblement de terre au mois de Septébre	408
Traffique la plus vilaine & pernicieuse	669	Tremblement de terre à Constantinople l'an 1519 ou moururent xiiij. mil hommes, aduenus par- uant en l'an 476. tous deux au mois de Septem- bre	408
la Trahison trouuee bonne par aucuns & neant- moins cõdamnent les perfides & trahistres	620	Tremblement qui esbranla toute la terre habita- ble l'an 545. le vi. iour de Septembre	408
Traian, Auguste, Adrian, Marc Aurele, Alexandre Seuere, accompagnez tousiours des plus dignes personnages	453	Triangle du nombre nuptiale	411
de Traian & ses louanges	215	Triarchie de trois Princes	372
Traian fait le pont admirable sur le Danube	490	<i>Tribuni militum</i> par qui esleus anciennement	288
Traian iure de garder les loix, pourquoy	405	vn seul Tribun pouuoit empescher les actes de tous ses compagnons	338
Traian passe l'Emplate, conqueste grand partie de l'Arabie heureuse & bastit le grand pont sur le Danube	374	erection des Tribuns du peuple	277
Traite d'alliance des potérats d'Italie avec le Roy d'Angleterre pour la deliurance du Roy Fran- çois I.	614	Tribuns espions du Senat, & gardes de la liberté du peuple	270
Traite de Combourgeoisie	61	les Tribuns & les Consuls estoient tousiours en querelle, pourquoy	792
Traite de Commerce entre les Roys de France & les Ostrelins	79	les Tribuns quelle puissance ils auoient	293
Traite deffendu aux subiects & permis à l'estran- ger est la ruine du pais	671	ils entreprenoient souuent par dessus leur puis- sance	294
Traite de Madril	617	le moindre Tribun se pouuoit opposer & empes- cher les arrests du Senat Romain	269
Traite entre Henry Roy d'Angleterre & ses en- fans d'une part & les Ducs de Berry, d'Orleans & autres	616	Tribun tué & son frere Gracchus dix ans apres pour vouloir executer la loy en faueur du peuple	320
Traite entre les Romains & Chartaginois	348	Tributaires & citoyens en quoy ils different	60
Traite entre les Seigneurs des ligues & le v. Em- pire	87	Triplicité aquatique a aussi bien ses effects en Eu- rope qu'en l'Asie meridionale	404
Fil est licite Traitter alliance avec les infidelles	621	Tripolistes en Barbarie, apres estre reuolté contre Iachia Roy de Thunes, esleurent Mucamen qui tost apres fut empoisonné	373
Traitter d'alliances egales	79	Tripolistes en Barbarie forcent vn Hermite, de prendre la couronne & le Royaume de Thunes	373
diuers Traitez d'alliances entre les Imperiaux	80	Triumviri capitales, qui ils estoient	297
Traitez des alliances de protection comme doi- uent estre faits	607	vn Triumviri puny comme vn esclau, pourquoy	329
Traites des familles subiects aux loix	14	Triumvirat de Marc Anthoine, Auguste, & Lepi- de	372
les Traitez des familles ne doiuent deroger aux coustumes du pais	13	Troisiésme marque de souueraité	167
Traitez de mariage des Roynes d'Angleterre a- uec les Princes estrangers	761	Trois mesnages pour faire vne Republique	9
		Trois	

DES MATIERES.

Trois personnes au moins necessaires pour faire colleges, ou familles avec le chef	8	les Tyrans bastissent du sang des subiects	687
Tromperie de l'vsurier & du prenant à vsure en Candie	516	les Tyrans cruellement mis à fin	213.214
Tronc percé à Millan duquel les gouuerneurs ont les clefs ou est loisible à tous de mettre leur libelles d'accusations	454	aux lieux des premiers Tyrans dechassez les hommes d'armes & cheualiers estoient pourueus des estats & le menu peuple debouré	275
Troubles du Royaume de Hongrie pour le gouuernement	763	les Tyrans enrichis par calomnies, moyennant les confiscations	560
Troubles du Royaume d'Escolle pour le gouuernement	763	les Tyrans haïs & mal-voulus, pourquoy	211
Troubles ordinaires pour les elections	740	les Tyrans ont tousiours hay les estats & communautéz és republiques, pourquoy	365
Troupeaux de Septentrion allant au païs de Midy perdent leur gresse & leur lait	489	V	
le plus honneste moyen de Trouuer argent en la necessité publiq. sans impost sur les subiects	671	les V agabons ne se doiuent souffrir en vne re- publique, pourquoy	556
pour le maistre Tué en sa maison, tous les esclaves sont mis à mort	38	les Vagabons & vermine d'une republ. comment elle se peut chasser	644
vn esclave Tué pour complaire à vn bardache qui disoit n'auoir iamais veu tuer d'homme	31	Vagabons expulsez par la receptiō des esclaves	48
Tuer en voleur, qu'est-ce	22	Vagabons prins pour esclaves	43
le fils peut Tuer le pere fil est ennemy de la republique	27	la peine des Vaincus	662
3000. esclaves Tuez en vne nuit, pourquoy	41	il n'y a rien plus Vaillant contre son seigneur, que le soldat desesperé	360
le Turc met le siege deuant Vienne en Autriche le xij. Septembre	407	diuerse Valeur & estimatiō de l'or & de l'argent	701
Turcs defendent porter les armes mesme en guerre, sinon quand il faut combattre	481	Variété du Naturel des hommes, euant qu'il y a du païs	484
Turcs defaicts par les Tartares	491	Variété de seél & cire és mandemens du Roy	302
Turcs fort empeschez de resister aux Moscouites	491	la Variété infinie des causes a faict delaisser tout l'interest public en arbitrage des magistrats	325
Turcs n'ont pas espargné vn seul gentilhomme	390	Vassal appellé Lude, pourquoy	118
les Tuteurs des monarques souuent se font seigneurs	730	le Vassal d'un Prince ne doit estre esleu Empereur	126
Tuteurs donnez aux femmes & aux pupilles	16	le Vassal doit secours à son seigneur, duquel il ne se peut exempter	122
Tybere amena vne coustume de porter au Prince par escrit	452	le Vassal ne peut estre exempté des foy & hommage qu'il doit à son seigneur pour les fiefs qu'il a receu de luy	75
Tybere au commencement de son Empire fort sage & honorable ayant quelque temps imperé fort cruel	376	le Vassal ne se peut exempter de la foy de son seigneur	56
Tybere estât venu à l'estat, protesta qu'il ne pretendoit riē entreprendre sur l'estat des magistrats	454	droict de Vasselage, est nouueau	75
Tybere premier continuant les estats, disant que ceux qui seront plains du sang du peuple comme sangsues saoulez, luy donnent quelque relasche	431	Vectius grand Augur predict la duree de l'Empire	416
Tybere se retire de la veue du peuple	451	Vendre ses enfans en la puissance du pere	23
le Tyran est insupportable qui a eschapé la main des coniurez	737	Vendeurs de fumee pernicieux à vn estat	571
si le Tyran est par trop exacteur, ou cruel, ou effeminé en voluptez illicites, ou s'il est tout ensemble sera cause de brief changement	378	la Vendition des estats pernicieuse en vne Republique	572.573
Tyran, mot Grec anciennement honorable	211	Vengeance d'une femme	763
Tyran, qui ainsi nommé	218	on est plus prompt à se Venger qu'à remercier, pourquoy	572
Tyrannie de Pandulphe à Sienne	371	naturel du Venitien estoit proportionné à l'Aristocratie & des florétins à l'estat populaire	485
la Tyrannie d'un peuple plus grande & plus pernicieuse que celle d'un Prince	713	Venitiens ayans prins le Prince de Mentouë leur ennemy capital, le firent leur capitaine general qui leur fut fidele amy	393
Tyrannies de Sylla	40	Venitiés apres la mort d'Augustin Barbarin Duc, auant que de proceder à la nouuelle election de Loredan, la seigneurie fist publier nouuelles ordonnances	422
les Tyrannies sont bien tost ruinees, l'estat seigneurial est de duree, pourquoy	204	Venitiens emportēt la seigneurie de Padoue, pour auoir tué le Tyran Encelin	380
apres la mort du Tyran tous ceux & celles qui dependoient de luy estoient mis à mort	226	Venitiens en leur Aristocratie font tous leurs officies muables par chacun an	440
		les Venitiens en leur Conseil vsent quelquefois de balotage autrefois ils recoiuent les opiniōs verbales à la façon des anciens Grecs	267

T A B L E

Venitiens font ordinairement la guerre par gens d'armes estrangers, encor qu'ils la facent peu souuent	390	neral attenter à la Vie du Monarque	222
Venitiens ne changent facilement d'estat	386	Vie des tyrans miserable, pourquoy	214
Venitiens victorieux cognoissoient les Geneuois fuiars par ce mot Cabre	511	la Vie & conuersation les vns avec les autres ne fait le college	350
Seigneurie de Venise, de Luques, de Raguse, de Gennes estoient enciennement populaires	389	bon Vieillard Florentin voyant que ses Citoyens s'entrebatoient & s'entretenoient alla querir les Lucois pour les appaiser	476
cas aduenu à Venise d'un banny	28	Vieillards de cent ans au mont d'Atlas sont encor vigoureux	506
l'estat de Venise est Aristocratie & le gouuernement harmonique	790	Vilains, pourquoy ainsi appelez	53
le Duc de Venise, les Procureurs saint Marc, le Chancelier, les Secretaires d'estat sont perpetuels	440	la Ville capitale de l'estat populaire doit estre fortifiée	589
Venise n'est vne principauté Aristocratique	221	la Ville destituee de murailles ne sert que d'ailechement à tous ceux qui voudrôt l'enuehir	583
à Venise on ne peut presenter Requeste au peuple sans l'aduis du Senat, ny au Senat sans l'aduis des Sages	420	la Ville ne fait la cité, non plus que la maison la famille	52
l'estat de Venise par quels moyens il a esté conserué	726	la Ville peut estre sans cité, & la cité sans ville, ny l'un ny l'autre estans Republique	55
à Venise six Conseillers d'estat qui assistent au Duc, ne sont que six mois en charge	383	Ville, pourquoy ainsi nommee	54
Ventre affamé n'a point d'aureilles	474	du nom de Ville selon les Hebreux & Grecs	54
la Verité du fait doit estre conclud au Magistrats	311	Ville assubiecties sous vmbre d'alliance	607
la Verité plus elle est nue, plus elle est belle	267	Villes d'Espagne combien & de leur diuision selon Plin	59
la seule Vertu abbat plus le cuer aux ennemis	593	Villes de Grece gouuernees par nobles & riches durant la guerre Peloponesiaque, rebelles tuent tous ses gouuerneurs	388
Vertu, & heureux succes, choses contraires	3	les 23. Villes de Lycie establisent vne Republique Aristocratique	85
bannir la Vertu est la fin de l'estat populaire	716	les Villes de Mets, Thoul, & Verdun, comme tenues de la couronne de France	605. 606
les plus Vertueux bannis, les plus meschans eschappent en l'estat populaire	718	Villes en la protection des seigneurs de Rome	74
Vertu n'a iamais son aistre si elle n'est combatue	4. 2	les Villes & communautez d'Italie n'ont point de souveraineté	134
Vertus heroiques de Scipion l'Africain	215	les Villes foibles cōposent tousiours pour eschapper, à quelque prix que se soit	581
Vertus intellectuelles	4	Villes imperiales assubiecties sous vmbre de protection	603
pruileges des Vestales de Rome	175	aucunes Villes imperiales plus libres que les autres	240
les Vestemens reservez en particularité mesmes avec les Massagettes	11	Villes municipales quittent leurs coustumes pour estre vrais bourgeois Romains	57
V E R O que c'est à dire & de quoy il seruoit aux tribuns Romains	270	Villes qui ont soustenu le siege de l'ennemy par l'espace de sept & huit ans	584
Vice moindre en vn Prince est tout ainsi comme vne rongne en vn beau visage	449	impost de la Vingtiesme des affranchis	673
les plus grans Vices chastiez par la censure, qui sont passez par souffrance des loix	648	apres la mort du cruel Vitellius succeda le sage Vaspasien	376
les Vices impunis en l'estat populaire	717	Viures communs entre les subiects d'une Republique	12
les Vices que la licence debordee apporte à la ieunesse ne tombent en cognoissance à la iustice	24	l'Vnion fait la Cité, & non les personnes ou la Ville	9
Victoire contre les Romains à la ioutnee de Cannes	418	la difference qu'il y a donner les Voix par testes ou par lignees	244
Victoire d'Auguste entre Marc Anthoine sur le second iour de Septembre	407	Voleurs & Corsaires separez des gouuerneurs des Republiques	1. 2
Victoire des Hebreux contre Amand & de Machabee contre Antioque le noble Roy de Syrie	417	Vouleurs escorchez to ^r vifs en Aegypte, puis leur peau remplie de foin & mise sur vn Afne	496
la Vie de l'enfant en la puissance du pere & non la liberté	34	chasser les Voleurs de la republique n'est pas d'usage politique, mais les garder d'entrer	48
celuy qui a pensé attenter à la Vie de son Prince souverain est iuge coupable de mort, quelque repentence qu'il en ait eu	222	plus la Vouloir des hommes est forcee plus elle est reuesche	478
il n'appartient au subiect en particulier ny en general		le Vouloir des magistrats est lié, & depend entierement du souverain	318
		la Voye	

DES MATIÈRES.

la Voye de suspension ou excommunication ostee, la censure Ecclesiastique est aneantie, & par cō- séquent la discipline abolie	654	Vsuriers grands à Genes	517
la Voye ordinaire fauorable, l'extraordinaire o- dieuse	283	ordonnances anciennes contre les Vsuriers Ita- liens	682
Vrbain Pape vint au deuant d'Attila Roy des Hongres, en pontificat, & l'appaisa	476	Vsuriers succent le sang des pauvres	517
Vrbanus, qui ainsi appellé	341	Vtilité des reparations & fortifications	685
l'Vsfuict seulement des biens des enfans est de- meuré aux peres, sous Theodose le ieune	26	l'Vtilité qui procederoit de faire la monnoye en medalle moulee	711
Vsure à vingtquatre pour cent	516	Vtilitez qui prouiennent des Estats	366.367
Vsure des Hebreux appellee morseure, ronge le debteur iusques aux os	511	Vtilité qu'on peut recueillir du denombrement des subiects	643
Vsure entierement interdite par la loy Genutia	515		
peine des Vsuriers grande en Candie	516	X	
		Xenophon grand Capitaine, & son auis sur le fait des Republicques	714
		Z	
		Zadamach Roy des Tartares fut chassé par les siens	495


FIN.





[Faint, illegible text, likely bleed-through from the reverse side of the page.]


VII


2.21











~~17~~

6116
1

